


Burum-Mindik Bible



The New Testament and portions of the Old Testament in the
Somba-Siawari language of Papua New Guinea, also called the
Burum Mindik language.

Burum-Mindik Bible

The New Testament and portions of the Old Testament in the Somba-Siawari language of Papua New Guinea, also called the Burum Mindik language.

Sampela hap Buk Baibel long tokples Burum Mindik long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2012-11-22

PDF generated using Haiola and XeLaTeX on 4 Mar 2019 from source files dated 29 Nov 2017

c0871260-68cc-5a50-953f-52200e105d1e

Contents

FRT	1
Jenesis	3
Rut	84
Jona	90
Matyu	94
Mak	157
Luk	194
Jon	258
Aposol	306
Rom	368
1 Korint	398
2 Korint	426
Galesia	447
Efesus	458
Filipai	469
Kolosi	477
1 Tesalonaika	485
2 Tesalonaika	491
1 Timoti	495
2 Timoti	504
Taitus	511
Filemon	515
Hibru	517
Jeims	540
1 Pitö	548
2 Pitö	557
1 Jon	563
2 Jon	570
3 Jon	572
Juda	574
Indelindel	577

Urumelengö Buŋa Kimbi Jöhöjöhö Dölökŋi

The New Testament and portions of the Old Testament in the Burum
Mindik (Somba-Siawari) language of Papua New Guinea

Sampela hap Buk Baibel long tokples Burum Mindik long Niugini

Urumelengö Buŋa Kimbi

Jöhöjöhö Dölökŋi

The New Testament and portions of the Old Testament in the Burum Mindik
(Somba-Siawari) language of Papua New Guinea
[bmu]

Translation by Wycliffe Bible Translators

© 1992, 2002, The Bible Society of Papua New Guinea

Print publisher: 1992, 2002 The Bible Society of Papua New Guinea

Web version
2013, Wycliffe Bible Translators, Inc.
www.Wycliffe.org

<http://pngscriptures.org>

www.ScriptureEarth.org

This translation is made available to you under the terms of the Creative Commons
license (Attribution-Noncommercial-No Derivative Works).

<http://creativecommons.org/licenses/by-nc-nd/3.0>

Your are free to share — to copy, distribute and transmit the text under the following
conditions:

- Attribution. You must attribute the work to Wycliffe Inc. (but not in any way that suggests that they endorse you or your use of the work).
- Noncommercial. You may not use this work for commercial purposes.
- No Derivative Works. You may not alter, transform, or build upon this work.
- In addition, you have permission to port the text to different file formats, as long as you don't change any of the text or punctuation of the Bible.

Notice — For any reuse or distribution, you must make clear to others the license terms of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem yu ken givim kopi long narepela manmeri. Yu ken wokim kopi na givim long husat i laikim. Tasol, yu mas tok klia dispela samting i kam long <http://tokplesbaibel.org>. Yu no ken kisim mani na salim dispela. Yu mas givim nating. Na tu, yu no ken senisim Tok.

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken askim mipela. Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, plis askim mipela.

Jöhöjöhö Dölökñi

Jenesis (Letotletot) Anutunöŋ jiiga yuai pakpak letotket. Jim-asa-asari

Buk kianön kösohot kewöŋi jiza: Anutunöŋ suep, gölme, mietkö yuainjiri pakpak aka ambazip miwikŋaim enŋiiga siŋgisöndoknöŋ et etkuiga lömböt sihimbölöŋambuk mi gölme dop nenŋö qaknine öŋgöyök. Mewö et nenŋuiga Anutunöŋ oyaenŋkoyaen aka malbingö köna denöwöŋi mi areŋgöba miwikŋaiyök. Letotletot (Jenesis) buk kianŋö uruŋe likepŋi yahöt kewö ahözahot:

1) Boŋ 1-11 Kösohot könakönahiŋi: Anutunöŋ suep aka gölme miwikŋaim etkiiga ambazip yenŋö malmalŋine mutuk mianŋgöreŋ denöwö asuhuyök. Adam aka Iw, Kein aka Abel yenŋö kösohotŋini. Noagö nalöŋe göulu ketaŋan asuhiba gölme turuyök. Babilon mianŋgöreŋ miri köröpŋi kötökŋi meget.

2) Boŋ 12-50 Israel yenŋö bömöŋ jalöurupŋini yenŋö kösohotŋini: Mutuk Abrahamnöŋ Anutu möt nariba keuŋi tem köla maliga keuŋi jim teköiga solaniyök. Yanŋö andöŋe nahönŋi Aisak, isiŋi Jeikob qetŋi alaŋi Israel aka yanŋö nahönurupŋi 12 mienŋö kösohotŋini könaŋi könaŋi. Azi 12 mi Israel könagesögö kambu 12 mienŋö bem bömöŋjina aket. Bem bömöŋ Josefkö kösohotŋi mi tandökŋi kun. Denöwö asuhuiga Josefnöŋ mutuk Ijpt aniga yanŋö andöŋe iwiŋi Jeikob aka darumunurupŋi pakpak yenŋöŋ mewöyök saiwaurupŋini yembuk Ijpt kantrinöŋ anda kiana malget.

Buk kianön ambazip yenŋö malmalŋinanŋö kösohotŋi gwötpuk jizapmö, Anutunöŋ denöwö ak enŋiyöhi, mianön kösohot mienŋö likepŋi bohönŋi akza. Malmalgö kösohot pakpak mienŋö ahakmeme azi bohönŋi mi Anutu. Könakönahiŋe suep, gölme aka mietkö yuainjiri pakpak miwikŋaim enŋiiga siŋgisöndoknöŋ et etkuiga pöndaŋ Iwiŋini ölni mala bölöŋamŋini kewöta keuŋini jim teköba likepŋini meleŋ enŋi qakŋine öŋgöi malget. Tosatŋan Anutugö keu bapŋe angeri, i ölöŋŋanök köyan köla enŋuanŋiri malmalŋinan mianŋö dop uteköba asuhuyök. Noagö nalöŋe saiwaŋi 8 yenŋöŋ qahöpmö, ambazip tosatŋi pakpak yenŋöŋ kömuget. Könaŋgep jöhöjöhö keuŋi mi Abraham aka gwölönarökurupŋi könaŋgep asuhugeri, yenŋöra enŋiyök. Jöhöjöhö keu mienŋö dop Anutunöŋ könagesöurupŋan oyaenŋkoyaen akingöra galöm köl enŋiiga mala kota mal öŋgöme. Ambazipnöŋ mönöwök denöwö Anutu möt narim waŋgigeri, kösohot tömbuŋi mienŋöŋ mönö nalö kewöŋe mewöyök mötnariŋninan guliba köhöimapköra bauköm nenŋimakze.

Buk kianŋö bahönŋi bohönŋi 10 mi kewö:

- 1) Suep, gölme aka yuai pakpak miwikŋaiyök. 1.1-2.25
- 2) Siŋgisöndökö lömböt sihimbölöŋambuk könahiyök. 3.1-24
- 3) Adamgö nalöŋeyök könahiba Noagöreŋ kaŋgorök. 4.1-5.32
- 4) Noagö nalöŋe o göulu ketaŋan asuhuyök. 6.1-10.32
- 5) Babilon miri köröpŋi kötökŋi meget. 11.1-9
- 6) Semgö nalöŋeyök könahiba Abramgöreŋ kaŋgorök. 11.10-32
- 7) Bömöŋ jalö karöbut Abraham, Aisak aka Jeikob 12.1-35.29
- 8) Isogö gwölönarökurupŋi mi kewö: 36.1-43
- 9) Josef aka yanŋö darumunurupŋi 37.1-45.28
- 10) Israel könagesö yenŋöŋ Ijpt malget. 46.1-50.26

Anutunöŋ jim kutuiga yuai pakpak letotket.

¹ Könakönahiŋe Anutunöŋ Suep aka gölme miwikŋaim etkiyök. ² Miwikŋaim etkiiga gölme mi gwamönŋi aka kizik-kazukŋambuk ahöyök. Ahöiga o diginŋambuk mi söŋaupnöŋ turuiga tarök. Mewö tariga Anutugö Uŋa Töröŋan o mienŋö qakŋine anda kaba

malök. ³* Mewö maliga Anutunöŋ kewö jim kutuyök: “Asakŋan mönö asuhum tingitma.” Mewö jim kutuiga miri mönö asariyök. ⁴ Asarii ehi mianjön mönö ölöwahiga asakŋi pandamanöhök mendeŋ etkiyök. ⁵ Asakŋaŋgö qetŋi wehön asakŋi aka pandamangö qetŋi suŋgem mewö etkoholök. Mewö etkoholiga wehön mutukŋi teköiga miri söŋauba gianjiyök.

⁶ Gianjiiga Anutunöŋ kewö jim kutuyök: “Mönö o sutŋine suepkö jabö köhöikŋi asuhuba o mendeŋniga euke aka emuke ahömahot.” ⁷ Mewö jim kutuba suepkö jabö köhöikŋi miwikŋaiba mianjön o mendeŋniga tingita jabö qakŋe euke aka jabö bapŋe emuke ahöyohot. Mewö asuhuiga ⁸ suepkö jabö köhöikŋi eukeaŋgö qetŋi suep qerök. Mewö qeriga wehön yahötŋi teköiga miri kunbuk söŋauba gianjiyök.

⁹ Gianjiiga Anutunöŋ kewö jim kutuyök: “O suep bapŋe ahözei, mi mönö qezakögetka kambu mohot aiga gölme örönŋi asuhuma.” Mewö jim kutuiga mönö mewö asuhuyök. ¹⁰ Mewö asuhuiga örönŋaŋgö qetŋi gölme qeta o kambu tokogeri, mianjögö qetŋi köwet etkoholök. Etkohola etkehiga mianjön mönö ölöwahök. ¹¹ Ölöwahiga kewö jim kutuyök: “Gölme qakŋe mönö yuai görökŋi (töŋgönŋi) pakpak kewö asuhuba wahötme: Gwözözak yuai kötninambuk mi mönö asuhuba wahöta kötnini kuŋguba söhömakŋe. Ip kösö tandökŋini könaŋi könaŋi mönö gölmenöŋ asuhuba ölni kötninambuk kuŋguba söhömakŋe.” Mewö jim kutuiga mönö kewö asuhuyök: ¹² Gölme qakŋe yuai görökŋi (töŋgönŋi) pakpak asuhuba wahötket. Gwözözak yuai kötninambuk tandökŋini könaŋi könaŋi mi asuhuget. Ip kösö tandökŋini könaŋi könaŋi mi gölmenöŋ asuhuba ölni kötninambuk kuŋgum söhöget. Mewö asuhuiga Anutunöŋ eŋgehiga mianjön mönö ölöwahök. ¹³ Wehön karöbutŋi teköiga miri kunbuk söŋauba gianjiyök.

¹⁴ Gianjiiga Anutunöŋ kewö jim kutuyök: “Suepkö jabö köhöikŋe mönö asakŋi asakŋi asuhuba wehön aka suŋgem mi mendeŋ etkiba kinda (yara) yambu, kömunjaŋ kie nalö aka wehön nalö, gwani nalö aka silim mohot mohotkö aiwesökŋina ahöme. ¹⁵ Mierjön mönö suepkö jabö köhöikŋi mianjögöreŋ asakŋi asakŋi aka gölme mem asarime.” Mewö jim kutuiga mönö kewö asuhuget: ¹⁶ Anutunöŋ asakŋi ketaŋi yahöt miwikŋaim etkiyök: Asakŋaŋgö galömnŋi wehön jeŋi kiniga mianjögö eretŋi köiŋ mi suŋgemgö galömnŋa kinda ahöm öŋgömahot. Senjelau mi mewöŋanök miwikŋaim eŋgiyök. ¹⁷ Anutunöŋ mi suepkö jabö köhöikŋe mianjögöreŋ gölme mem asarimegöra al eŋgiyök. ¹⁸ Mi gölme mem asariba wehön aka suŋgem galömnŋina kinda asakŋi aka pandamanŋi mendeŋ etkimegöra al eŋgiyök. Mewö asuhuiga Anutunöŋ eŋgehiga mianjön mönö ölöwahök. ¹⁹ Wehön 4:ŋi teköiga miri kunbuk söŋauba gianjiyök.

²⁰ Gianjiiga Anutunöŋ kewö jim kutuyök: “O köwet miengö uruŋine mönö yuai isikusukŋinambuk asuhuba dop köla o qeba ölölaŋgöba laŋ anda kaba malme. Mewöŋanök neiŋi neiŋi gölme qakŋe könakemba bölbölgöba kutuba anda kaba malme.” ²¹ Mewö jiba köwetkö sömbupŋi ketaŋi ketaŋi aka yuai isikusukŋinambuk tandökŋini könaŋi könaŋi o qeba ölölaŋgöba qeqelaŋlaŋ anda kamakzei, mi miwikŋaim eŋgiyök. Mewöyök nei tandökŋini könaŋi könaŋi ginginŋinambuk mi miwikŋaim eŋgiyök. Miwikŋaim eŋgiba eŋgehiga mianjön mönö ölöwahök. ²² Ölöwahiga kötuetköm eŋgiba keu kewö jiyök: “Inini mönö köt moröŋinambuk jul sehiba o köwet dop köla malme aiga nei inini mönö mewöŋanök gölme qakŋe ahum sehime.” ²³ Keu mewö jiiga wehön 5:ŋi teköiga miri kunbuk söŋauba gianjiyök.

²⁴ Gianjiiga Anutunöŋ kewö jim kutuyök: “Gölme qakŋe mönö yuai pakpak malmalŋinambuk tandökŋini könaŋi könaŋi asuhume. Mirigö sömbupŋi, yuai bapŋinan köla ölölöŋgömakzei aka arökŋaŋgö sömbupŋi tandökŋini könaŋi könaŋi, mi mönö asuhume.” Mewö jim kutuiga mönö kewö asuhuget: ²⁵ Anutunöŋ arökŋaŋgö sömbupŋi tandökŋini könaŋi könaŋi mi miwikŋaim eŋgiyök. Mirigö sömbupŋi tandökŋini könaŋi könaŋi mi miwikŋaim eŋgiyök aka yuai pakpak bapŋini gölmenöŋ köla ölölöŋgömakzei, tandökŋini könaŋi könaŋi mi miwikŋaim eŋgiyök. Miwikŋaim eŋgiba eŋgehiga mianjön mönö ölöwahök. Mewö.

* 1:3; 2 Kor 4.6; 2 Pitö 3.5

Anutunöy azi aka ambi miwikñaim etkiyök.

²⁶ *Miangö andöñe Anutunöy kewö jiyök: “Ayop, nini mönö azi nanine tandökö dop meinga kaisongolomnini ewö aka yuai pakpak galöm köl enggiba malma. Yuai pakpak mi köwetkö sörañi, suepkö neiñi aka mirigö sömbupñi, gölme körek aka yuai pakpak bapñini gölmenöy köla ölölöngömakzei, mönö miengö galömñina aka malma.”
²⁷ *Mewö jiba nanñi kaisongolomñangö dop azi miwikñaiyök. Anutugö kaisongolomñi ewö malmapköra i miwikñaim wañgiyök. Azi aka ambi malmahotköra i miwikñaim etkiyök. ²⁸ Miwikñaim etkiba i kötuetköba kewö jim kutum etkiyök: “Inñiri mönö ahum sehiba gwölönarökpuk malohotka gölme dop köla malme. Mewö mala gölme toñi akñe. Mewö aka köwetkö sörañi, könakembagö neiñi aka sömbup mokoleñ laigisip gölmenöy anda kamakzei, mönö mi pakpak galöm köl enggiba malme.” ²⁹ Mewö jiba keu kewö jiyök: “Mötket, nöñön yöha könani könani gölme pakpak dop köla asuhuba wahöta kötnini kuñgum söhömakzei aka ip kösö pakpak öl kötninambuk kuñgum söhömakzei, mi numbu neneñini akñapköra al enggizal. ³⁰ Arökñangö sömbupñi pakpak, könakembagö neiñi pakpak aka yuai pakpak gölmenöy anda kamakzei aka tosatñi pakpak söngörö ösumñini örömakzei, yeñgöra gwözözak görökñi (töngönñi) könani könani mi neneñamñini akñapköra al enggizal. “Keu mewö jiiga mönö mewö asuhuyök. ³¹ Asuhuiğa Anutunöy yuai pakpak miwikñaiyöhi, mi ehiga mönö ölop kötökñi aiga urusösöngai mörök. Wehön 6:ñi teköiga miri kunbuk söñauba gianjiyök. Mewö.

2

Anutunöy kendon tarök.

¹ Gianjiğa suepkö jakeñi jakeñi, gölme aka mietkö yuainñiri aködamurañirambuk pakpak mi lök miwikñaim engim teköyök. ² *Anutunöy nupñi mi mei teköiga wehön 7 miangöreñ kendon tarök. Nupñi pakpak meyöhanğöra wehön 7 miangöreñ luhut meyök. ³ Miwimiwikñai nupñi pakpak meyöhanğöra aka wehön miangöreñ luhut meyök. Miangöra wehön 7:ñi mi kendon jiba kötuetköba jim kömbuhuyök. Mewö.

Oyaenköyaen miri qetñi Eden

⁴ Anutunöy suep gölme miwikñaim etkiğa asuhuyohorañgö kösohotñi mi mewö. Kembu Anutunöy suep aka gölme miwikñaim etkiyöhi, nalö miangöreñ ⁵⁻⁶ Kembu Anutugö jitsihitköra gölme qakñe kie qahö yöhöiga nup kölkömötköra azi kun kude malökmö, gölme uruñeyök bedunöy miyök kota gölme qakñi dop köla mem samuruyök. Miangöra arökñangö ip kösö kun me sombemgö gwözözak yuai kun mi gölmenöy qahö asuhum tinğita ahöyök.

⁷ *Nalö miangöreñ Kembu Anutunöy gölme sömsöm memba miangön azi mem yaköba malmalgö numbu ösumñi söngöröñe ui geiga öröba guliba malmalgö uñañambuk ahök. Mewö.

⁸ Mewö aiga Kembu Anutunöy wehön kotkotñe göröken miri qetñi Eden miangöreñ oyaenköyaen nup kömöta azi miwikñaiyöhi, i miangöreñ al wañgiyök. ⁹ Al wañgiba jiiga gölmenöhök ip tandökñini könani könani asuhuba wahötket. Ip mi eksihimñinambuk aiga ölni neneñi mi nahömñinambuk. Oyaenköyaen nup bibiñe malmal köhöikñangö ipñi aka mötkutukutugö ipñi mi mohotñe jim kutuğa asuhuyohot. Mötkutukutugö ipñangö könani kewö: Ölni namba miangön ölopñi aka bölöñi mietkö könaniñiri mi möt kutubahotpuk.

¹⁰ Ip mewö wahötketka o töwatñi kun mi Edenök könahiba oyaenköyaen miri mem kelita miangöreñök eta jula o böröñi töwatñi 4 aka anget. ¹¹ O töwatñi mutukñangö qetñi Pison, mi Hawila gölme körek liliköba ahöba anja. Gölme miangöreñ goul ahöza. *

¹² Gölme miangö goulñi mi ölopñi kötökñi akza. Sileqösösök umköhöwakñambuk qetñi

* 1:26: 1 Kor 11.7; Mat 19.4; Mak 10.6 * 1:27: Jen 5.1-2 * 2:2: Hib 4.4, 10; Eks 20.11 * 2:7: 1 Kor 15.45; Ind 2.7; 22.2, 14; Mat 19.5; Mak 10.7-8; 1 Kor 6.16; Ef 5.31 * 2:11: Hawila mi Babilonia gölmeğö jabö kösutñe ahöza.

bedelion aka köt öljambuk qetji oniks mi mewöyök miangöreñ ahözahot. ¹³ O böröñi töwatñi jañgö 2 miangö qetji Gihon. Mi (Mesopotemiagö) gölme qetji Kus mi körek liliköba ahöba anja. ¹⁴ O böröñi töwatñi karöbutñi qetji Taigris. Mi Asiria gölme wösöñe wehön kotkotñe göröken geba anja. O böröñi töwatñi jañgö 4 miangö qetji mi Yufreitit.

¹⁵ Mewö aiga Kembu Anutunöñ azi wañgita oyaenköyaen miri Eden köl kömöta ek galöm akñapköra jiba al wañgiyök. ¹⁶ Al wañgiba kewö jiba jim kutum wañgiyök: “Oyaenköyaen nup uruñe ip pakpak kin anjei, miengö öljini mi ölp amqeba mem namba malman. ¹⁷ Mimö, mötkutukutugö ipkö öljini mi mönö kude neman. Mi namba ölpñangö könani aka bölöñangö könani möt kutuman ewö, gi mönö wehön miangöreñök kömum köhöiman. Miangöra mi mönö kude neman.”

¹⁸ Mewö jiba Kembu Anutunöñ jiyök: “Azinöñ nanñök maliga ölp qahö akza. Miangöra nöñön mönö nanñi tandökñangö dop alabaukñi miwikñaimam.” ¹⁹ Mewö jiba arökñangö sömbupñi pakpak aka könakembagö neiñi pakpak mi gölmenöñ miwikñaim engiba azigö kösutñe enñuwañgita azinöñ qetjini denöwö qetmawi, mi eka mötmapköra yañgöreñ al enñiyök. Al enñiiga azinöñ yuai malmalñinambuk pakpak miengö qetjini mohok mohok qeriga Anutunöñ mewö mia ahömapköra jim köhöiyök. ²⁰ Mewö aiga azinöñ mirigö sömbupñi pakpak, könakembagö neiñi pakpak aka arökñangö sömbupñi pakpak mi qetjini enñim teköyök. Enñim teköyökmö, nanñi tandökñangö dop alabaukñi malmakpöra kun qahö miwikñaiyök.

²¹ Qahö miwikñaiiga Kembu Anutunöñ mi eka azi mem lömböriiga gaun lömbötñi ahöyök. Ahöiga maröm sihitñi kun öröba dumduñi busuñan mem gwözöñök.

²² Gwözöñda azinöhök maröm sihitñi meyöhi, miangön ambi meyök. I memba azigöreñ wañgita kayök. ²³ Wañgita kaiga azinöñ i eka kewö jiyök:

“Ye! Ki nani tandöha. Yañgö sihit busuñi mi nani sihit busunöhök asuhuza.

Anutunöñ i azigö sile kitipñeyök mei letota azi tandök ewö maljawañgöra qetji mönö ambi (azigö alañi) qetme.†”

²⁴ Mewö jiiga Anutunöñ kewö jim kutum etkiyök: “Mewö aiga azinöñ mönö iwinamñi etkömosöta anömñangöreñ qekötahöba silemohot aka malmahot.”

²⁵ Azi miangön anömñambuk opo söronñiri qahö aukñe malohotmö, töndup nanñirangö gamuñiri qahö möta malohot. Mewö.

3

Adam aka Iw Anutugö keuñi qetala et etkuyök.

^{1*} Kembu Anutunöñ gölmegö sömbup malmalñinambuk pakpak miwikñaim enñiyöhi, miengö sutñine mokoleñnöñ isimkakalek mötmötnöñ sömbup pakpak mi enñuwañgita öñgöyök. Mewö öñgöba ambigöra kewö jiyök: “Oyaenköyaen mire ip pakpak kin anjei, miengö öljini kun kude nemahotköra Anutunöñ öljini jim kutum etkiyök me qahö?”

² Mewö jiiga ambinöñ melenñda mokoleñgöra kewö jiyök: “Oyaenköyaen mire ip tosatñi kin anjei, miengö öljini mi ölp nembitköra jiyök. ³ Mimö, miri bibiñe ip kun kinjawi, miangö öljini mi namba kömumbitpuköra mönö kewö jiyök: ‘Mi mönö kude nemahot. Mia kude misirimahot.’ Mewö jim kutum netkii maljit.”

⁴ Mewö melenñda jiiga mokoleñnöñ ambigöra kewö jiyök: “Mi saumbar! Inñiri kude kömumahot. ⁵ Mimö, ip miangö öljini mi neyohotka wehön miangöreñök mönö jeñiran tohoiga Anutu ewö aka ölpñangö könani aka bölöñangö könani möt tekömahot. Anutunöñ keu mi möta mewö asuhubapuköra keuñi mewö jiyök.”

⁶ Mewö jiiga ambinöñ ip mi uba ehiiga öljini ölpñi neneñangö dop ahök. “Mi eksihimñambuk kiniga mötkutukutu ketani awamñanök niñgima,” mewö mötmöriba öljini kun meköba neyök. Namba apñi yambuk malöhi, i tok wañgiiga neyök. ⁷ Neiga jeñiran mönö miangöreñök tohoiga sileñiri aukñe malohori, mi angek kutuyohot. Mewö angek kutuba kindi fig ipkö sinñi mumburatiba opo söronñiri uba lata malohot.

† 2:23: Inñkalis keu eknöñ: man aka woman keu yahöt mi öröröñ tandök akzahot.

* 3:1: Ind 12.9; 20.2; 2 Kor 11.3;

1 Tim 2.14

⁸ Malohotka wehön jeji geiga miri löwöriiga Kembu Anutunöj oyaenköyaen mire tiba kaiga köna ötönji mörohot. Mi möta awanöm yetkön Kembu Anutugö jemesoholneyök mömölaköba oyaenköyaen mirigö ip urunine anda asambörohot. ⁹ Asambörohotmö, Kembu Anutunöj azigö qeta kewö jiyök, “Gi mönö denike maljane?”

¹⁰ Mewö qeta jiiga kewö melejnök: “Gi oyaenköyaen miri uruje tiba kanönga köna ötönji möta sileni aukne maljalangöra kenjötni mötzal. Miangöra mömölaköba asamböta maljal.”

¹¹ Mewö melejniga kewö jiyök: “Gi sile aukne maljani, mi mönö danön jii mötzan? Nöjön ip kungö kötni nembanbukö songo al gihiali, göjön miangöreñök kun nezan me?”

¹² Mewö jiiga azinöj kewö jiyök: “Ambi nömbuk malmapköra ninjinöni, yanöj mönö ip miangö kötni ninggiiga nezal.”

¹³ Mewö jiiga Kembu Anutunöj ambi kewö qesim wangiyök: “Göjön wuanöngöra mewö akzane?” Qesim wangiiiga kewö melejnök: “Mokolejnöj mönö tilipköm ninjiiga nezal.”

Anutunöj likepni melenda lömböt engimapkö jiyök.

¹⁴ Mewö melejniga Kembu Anutunöj mokolejgöra kewö jim wangiyök: “Mewö akzangöra aka gi mönö mirigö sömbupni pakpak aka arökñangö sömbupni pakpak yengö sutñije kewö jim qesuahöm gihibiga malman: Göjön mönö gölmenöj malmanangö dop bakpan köla anda kaba sömsöm uruje mala nesak yuai nemakñan.

¹⁵ *Mewö namba ambibuk sutñire kerök al etkibiga mi möta malman. Kerök mi göhö gwölönarökurupki aka yangö gwölönarökurupni yengö sutñine toroqeba ahöm öngöi kewö asuhuma: Yengöreñök azi kunöj mönö göhö nöropki tölölahöiga göjön yangö köna gwakötñi yöhösulmakñan.”

¹⁶ Toroqeba ambi kewö jim wangiyök: “Göjön gölömgabuk aka malnönga sihimbölöni ketani al gihibiga masö ahum gihiiga möta morö mem engimakñan. Mi töndup sihimgan mönö apkahöra ahöm gihiiga yanön galömggi aka malma.”

¹⁷ Toroqeba azi kewö jim wangiyök: “Nöjön ip kungö ölni nembanbuköra ‘Mia kude neman,’ jiba songo al gihialmö, göjön mi töndup anömgahö keunji wuatangöba nezan. Miangöra nöjön gölme mi göhöra aka saitköbiga ahöma. Mewö ahöiga göjön gölmenöj malmanangö dop mönö sileqeqe aka nup gwötpuk memba sihimbölö möta nenegi miwikñaiba malman. ¹⁸ Nup memba malnönga göhö nene nupnöj nungakal, koururuk (köwörörök) yuai mi asuhuiiga arökñangö yöha yuai mi namba malman. ¹⁹ Mewö mala mesoholge nöngöp ariba nup memba tup yakagi mewö namba mala gölmenöj mem gihiali, gölme miangöreñ mönö kunbuk lilingöba geman. Silegi gwakömnöj mem gihibiga mala öngöbagun mönö kunbuk gwaköm akrjan. “Mewö jim wangiyök.

²⁰ Azinöj anömni yuai pakpak malmalnambuk maljei, miengö namjini aiga azinöj qetñi Iw (Ewa) qerök. * ²¹ Kembu Anutunöj sömbup silejan opo söro memba Adam anömnet lat etkiiga malohot.

Anutunöj Adam aka Iw Eden miangöreñök közöl etkiyök.

²² *Mewö malohotka Kembu Anutunöj kewö jiyök: “Yei! Ambazip mi neñgöreñök kungö dop aka ölöpnji bölöni mietkö könanjiri lök mendej etkibitkö mötzahot. Mewö aiga malmal köhöikñangö ip kötni kude nemahotköra songo alalmö, yetkön nalö kewöne toroqeba böröñiri böranda mi mewöyök mem namba mewö mianön qahö kömumba teteköñi qahö köhöikñanök mal öngöbahotpuk.” ²³ Mewö jiba miangöra oyaenköyaen nup Eden miangöreñök közöl etkiba gölmenöhök mem etkiyöhi, mönö gölme miangöreñök kölkömöt nup memahotköra melaim etkiiga yaigep geba anohot. ²⁴ Ambazip mewö közöl etkiba oyaenköyaen miri Edengö likepne wehön kotkotne göröken zerubim garata tosatñi al enjiiga malmal köhöikñangö ip miangö könanji utuba galöm kölget.

* 3:15: Ind 12.17; Hib 6.8

* 3:20: Iw keu miangö könanji mi ‘Malmal maljei, miengö namjini.’

* 3:22: Ind

22.14

Yengö böröjine bimgö souñi ketanji aliga mianjón könöp bölam ewö gilikbilikñambuk jeba andöñe wösöñe liliköba biliksikö dop aiga kinda galöm köla malget. Mewö.

4

Keinöñ Abel qei kömuyök.

¹ Azi Adamnöñ anömñambuk mala amiyohotka Iwnöñ (Ewa) gölöm ala Kein (Kain) meyök. Memba Kein qetkora kewö jiyök: “Anutunöñ bauköm niñgiiga nahöni mezal.”
² Iwnöñ könangep Adamgö nahönñi Abel, Keingö munñi meyök. Abelnöñ mala qariba lama galömñina aiga Keinöñ kölkömöt azia aka malök. ³ Mewö malohotka nalö kunöñ Keinöñ nupkö nene tosatñi memba kaba Kembugöra jöwöwöl ohom wangiyök.
⁴ *Abelnöñ mewöyök lama kambuñangö mutuk suasuhunji tosatñi meköba enguba kitipñi kelökñinambuk memba kaba Kembugö jöwöwöl ohoyök. Ohoiga Kembunöñ Abel nanñi aka jöwöwölñi etkeka möri ölöwahök. ⁵ Ölöwahökmö, Kembunöñ Kein aka yangö jöwöwölñi mi ek tököyök. Mewö aiga Keingö irimñi seholiiga kömbuhiba jemesoholjan bosoliyök. ⁶ Bosoliiga Kembunöñ Keingöra kewö jii mörök: “Irimgi mönö wuanöñgöra seholiiga jemesoholgan bosoliza? ⁷ Gi yuai ölopñi aknöñga möt angön köl gihibiga ölop jemesoholgi öhal (hak) akñan me qahö? Yuai ölopñi qahö aknöñga siñgisöndokö Toñan mönö urugahö nangunje kinda göhöra ak gihiba mönömakza. Mewö mönömakzapmö, göñön mönö mianjö songo ala galöm memba luhut alman.”

⁸ Kembunöñ Keingöra mewö jii mörökmö, Keinöñ töndup munñi Abelgöra kewö jiyök: “Mönö nanirök nupnöñ anbit. “Mewö jiiga nupnöñ anda mala Keinöñ luhuba munñi Abel qelanjiba memba qeba qei kömuyök.*

⁹ Kömuiga Kembunöñ Kein kewö qesim wangiyök: “Mungi Abel mi denike malja?” Qesim wanggiiga kewö meleñnök: “Ni qahö mötzal. Ni munangö jegalöma qahö akzal.”

¹⁰ Mewö meleñniga Kembunöñ jiyök: “Gi wani yuaia akzan? Mötnöñ, mungahö sepñan mönö gölmenöhök qeriga mötzal.* ¹¹ Gölmö kiangö numbuñan añañiba mungahö sep börögeyök mezawi, nöñön mönö kiangöreñök közöl gihibi anman. Joramörahö mi mönö göhö qake albi öngöza. ¹² Közöl gihibiga kölkömöt nup menöñga gölmenöñ möriamñangö öñi angön köl gihiiiga gölmö dop mömölaköba kekelolo aka ölöñ köla lañ anda kaba malman.”

¹³ Mewö jiiga Keinöñ Kembugöra kewö jiyök, “Keunangö likepñi meleñnöñga qakne öngözawí, mianjón mönö ösumni ongiri lömböriiga bisimangö osimam. ¹⁴ Mötnöñ, gi merak ni nupqege gölmenöhök nuatängönöñga jemesoholgeyök mömölaköba gölmö dop kekelolo aka ölöñ köla lañ anda kaba malmam. Mianjöra kunñan ni neka ölop nungui kömumbileñbuk.”

¹⁵ Mewö jiyökmö, Kembunöñ kewö jii mörök: “Mewö qahö. Kunñan Kein qei kömuma ewö, mianjö likepñi mönö yangö qakñe öngöiga ambemñi 7 akña. “Mewö jiba kunñan Kein miwikñaiba i qei kömumbapuköra silenje aiwesök kulem kun alök. ¹⁶ Mi aliga Kembugö jemesoholñi mosöta anda anda gölmö qetñi Lanlan lilikqilik (Nod) mianjöreñ angota malök. Gölmö mi Edenök wehön kotkotñe göröken ahöza. Mewö.

Keingö gwölöñarökurupñi

¹⁷ Keinöñ anömñambuk mala amiyohotka gölöm ala Henok meyök. Keinöñ taon kun memba nahönñangö qetñi Henok qet wangiyök. ¹⁸ Henökö nahönñi qetñi Irad. Iradkö nahönñi Mehujael. Mehujaelgö nahönñi Metusael. Metusaelgö nahönñi Lamek. Mewö asuhugot. ¹⁹ Lameknöñ ambi yahöt etkömeyök: Kun qetñi Ada, kun qetñi Zila. ²⁰ Adanöñ gölöm ala Jabal meyök. Yanjón ambazip opo seri koumñine ahöba mala bau bulmakau galöm köl engiba maljei, yengö bömöññini ahök. ²¹ Jabalgö munñangö qetñi mi Jubal. Yanjón ambazip gita kulele qeba awölop uba maljei, yengö bömöññini ahök. ²² Zilanöñ mewöyök nahönñi qetñi Tubal-Kein meyök. Yanjón qariba börögö tulsñi aka bimqeqegö

* 4:4: Hib 11.4 * 4:8: Mat 23.35; Luk 11.51; 1 Jon 3.12 * 4:10: Hib 12.24

yuaini kõnani kõnani mi bras aka ainõn ohoi kolkolgoi qekõtahõba mezapma. Tubal-Keingõ nenni qetji Nama.

²³ Lameknõn nalõ kunõn anõmyahõtji mi kewõ jii mõrohot, “Ada aka Zila anõmyahõtji, injiri mõnõ kezap ala keuni ki mõtmahot: Kunjan nuᅅgum kuziriga uzinaᅅgõ kitipᅅaᅅgõra mõnõ azi kun qebi kõmuma. Kunjan nuᅅgum miziriga gurusep (gulibambam) lõpõtᅅaᅅgõ kitipᅅaᅅgõra mõnõ azi gwabõ kun qebi kõmuma.

²⁴ *Kunjan Kein qeiga likepji yaᅅgõ qakᅅe õᅅgõiga ambemji 7 akᅅapmõ, kunjan Lamek ni nuᅅguiga miᅅᅅgõ likepji mõnõ yaᅅgõ qakᅅe õᅅgõiga ambemji 77 akᅅa. “Mewõ.

Set aka Enos

²⁵ Azi mutukji Adam yaᅅõn kunbuk anõmᅅambuk mala amiyohotka nahõnᅅiri kun memba kewõ jiyõk: “Keinõn Abel qei kõmuyõᅅaᅅgõra Anutunõn Abelgõ salupᅅe nahõni kun niᅅgiza. “Miᅅᅅgõra qetji Set (Niᅅgiza) qerõk. ²⁶ Setkõ nahõnᅅi mewõyõk asuhuiga qetji Enos qerõk. Mewõ.

Nalõ miᅅᅅgõreᅅ ambazip yeᅅõn kõnahiba Kembugõ qetji kõulukõba malget. Mewõ.

5

Adamgõ gwõlõnarõkurup yeᅅgõ qet areᅅini

1 Hist 1.1-4

¹ *Adamgõ isimorõ aka ambõisikurupji yeᅅgõ qet areᅅ papianji ki. Anutunõn azi miwikᅅaiyõhi, yaᅅõn mi nanji kaisõᅅgolomᅅaᅅgõ dop meyõk. ² Mewõ memba azi ambi malmahotkõra miwikᅅaim etkiba nalõ miᅅᅅgõreᅅ qetjiri ambazip * qeta kõtuetkõm etkiyõk.* ³ Adamnõn mala yambuᅅi 130 aiga nahõnᅅi kun asuhuyõk. Mi Adam nanji kaisõᅅgolomji aka tandõkᅅaᅅgõ dop maliga qetji Set qerõk. ⁴ Set asuhuiga nalõ miᅅᅅgõreᅅ Adamnõn toroqeba yambu 800 mala mala maliga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ⁵ Adamnõn mewõ mala õᅅgõba yambuᅅi mindiriba 930 mekõba kõmuyõk.

⁶ Kõmuiga nahõnᅅi Set yaᅅõn yambuᅅi 105 aiga nahõnᅅi Enos asuhuyõk. ⁷ Enos asuhuiga nalõ miᅅᅅgõreᅅ Setnõn toroqeba yambu 807 mala mala maliga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ⁸ õᅅgõgetka Setnõn mala mala õᅅgõba yambuᅅi mindiriba 912 mekõba kõmuyõk.

⁹ Kõmuiga nahõnᅅi Enos yaᅅõn yambuᅅi 90 aiga nahõnᅅi Kenan asuhuyõk. ¹⁰ Kenanõn asuhuiga nalõ miᅅᅅgõreᅅ Enosnõn toroqeba yambu 815 mala mala mal õᅅgõiga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ¹¹ õᅅgõgetka Enosnõn mala mala õᅅgõba yambuᅅi mindiriba 905 mekõba kõmuyõk.

¹² Kõmuiga nahõnᅅi Kenan yaᅅõn yambuᅅi 70 aiga nahõnᅅi Mahalalel asuhuyõk. ¹³ Mahalalel asuhuiga nalõ miᅅᅅgõreᅅ Kenanõn toroqeba yambu 840 mala mala mal õᅅgõiga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ¹⁴ õᅅgõgetka Kenanõn mala mala õᅅgõba yambuᅅi mindiriba 910 mekõba kõmuyõk.

¹⁵ Kõmuiga nahõnᅅi Mahalalel yaᅅõn yambuᅅi 65 aiga nahõnᅅi Jared asuhuyõk. ¹⁶ Jared asuhuiga nalõ miᅅᅅgõreᅅ Mahalalelnõn toroqeba yambu 830 mala mala mal õᅅgõiga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ¹⁷ õᅅgõgetka Mahalalelnõn mala mal õᅅgõba yambuᅅi mindiriba 895 mekõba kõmuyõk.

¹⁸ Kõmuiga nahõnᅅi Jared yaᅅõn yambuᅅi 162 aiga nahõnᅅi Enok asuhuyõk. ¹⁹ Enok asuhuiga nalõ miᅅᅅgõreᅅ Jarednõn toroqeba yambu 800 mala mala mal õᅅgõiga nalõ sutᅅe miᅅᅅgõreᅅ nahõnbõratji tosatji asuhaᅅa õᅅgõget. ²⁰ õᅅgõgetka Jarednõn mala mala mal õᅅgõba yambuᅅi mindiriba 962 mekõba kõmuyõk. ²¹ Kõmuiga nahõnᅅi Enok yaᅅõn yambuᅅi 65 aiga nahõnᅅi Metusela asuhuyõk.

* 4:24: Mat 18.22 * 5:1: Jen 1.27-28 * 5:2: Ambazip mi Hibru keunõn adam. * 5:2: Mat 19.4; Mak 10.6

²² Metusela asuhuiga nalö miangörejök Enoknön yambu 300:gö dop uruñi Anutubuk jöhöba anda kaba maliga nalö sutnje miangörej nahönböratñi tosatñi asuha öngöget. ²³ Öngögetka Enoknön mala mal öngöba yambuñi mindiriba 365 meköyök. ²⁴ Meköba uruñi Anutubuk jöhöba anda kaba maliga Anutunön öne wangiriga at atop (jیاتون) köläk.*

²⁵ At atop köliga nahönñi Metusela yañon yambuñi 187 aiga nahönñi Lamek asuhuyök. ²⁶ Asuhuiga nalö miangörejök Metuselanön toroqeba yambu 782 mala mal öngöiga nalö sutnje miangörej nahönböratñi tosatñi asuha öngöget. ²⁷ Öngögetka Metuselanön mala mala mal öngöba yambuñi mindiriba 969 meköba kömuyök.

²⁸ Kömuiga nahönñi Lameknön yambuñi 182 aiga nahönñi kun asuhuyök. ²⁹ Asuhuiga qetñi Noa (kölälep) qeta kewö jiyök: “Anutunön gölme saiköiga nini böroninan nup kölä kömöta sileqeqa aka sihimbölä möta malinga morö kiarön mönö öläp urukölälep neñgimakra.” ³⁰ Noa asuhuiga nalö miangörejök Lameknön toroqeba yambuñi 595 aiga nalö sutnje miangörej nahönböratñi tosatñi asuha öngöget. ³¹ Öngögetka Lameknön mala mala mal öngöba yambuñi mindiriba 777 meköba kömuyök.

³² Lameknön kömuiga nahönñi Noa yañon yambuñi 500 aiga nahönurupñi karöbut qetñini Sem, Ham aka Jafet asuhuget. Mewö.

6

Gölme ambazipnön böliba angjöörakñinambuk aket.

¹ * Ambazip gölme qakñe malgetka qötöninan könahiba qariiga böraturopñini mi mewöyök asuhuget. ² Asuhugetka nalö miangörej Anutugö nahönurupñi yeñon ambazip yeñgö böraturopñini engeketa eksihimñinambuk aketka engek sorigerangö dop mi pakpak engömegetka anömurupñini aket. ³ Mewö aketka nalö miangörej Kembunön keu kewö jiyök: “Gölme ambazipnön silebuk nalö tetekönji qahö mal öngömömö, yeñon mönö kömume. Areñini mewö al engizal. Nalö kewöneyök könahiba malmalñini mönö yambu 120 jañgö mi qahö ongita mal öngöme.” ⁴ Anutugö nahönurupñi yeñon gölme ambazip yeñgö böraturopñini engömegetka morö mem engigetka nalö miangörej aka könangep mewöyök azi weliwelipñinambuk mönö asuha qariba gölmenön malget. Möpñangö möpñeyök bemurup qetbuñanambuk malgeri, yeñon mönö mia aket.*

⁵ Gölme ambazip yeñgö bölönamñini mi keta böläknji aiga uruñinangö mötmöt areñini pakpak mi nalö dop qösösök (qörörök) bölönanök pakpak aka malgeri, mi Kembunön ehök. ⁶ Mi eka ambazip miwikñaim enjiiga gölmenön malgeri, miangöra Anutunön möt bölim anguiga wösöbiriknön uruñi kokolak qeiga sihimbölä möta malök. ⁷ Mewö möta mala keu kewö jiyök: “Ambazip miwikñaim enjiali, nöñon mönö mi gölmenöhök qeteköm enjimam. Ambazip, mirigö sömbupñi, yuai bapñinan kölä ölängömakzei aka könakembagö neiñi mi miwikñaim enjialangöra möt bölim anguba mi mönö qeköm enjimam.” ⁸ Mewö jiyökmö, azi Noa yañon Kembangö jeñe akkömökümü miwikñaiyök.* ⁹⁻¹⁰ Noagö gwölönarökurupñi miengö kösohotñini mi kewö: Nahönurupñi karöbut qetñini Sem, Ham aka Jafet mi asuhuget. Noanön ambazip sutñine azi solanji köpösihitkö keuñi qahö mala uruñi Anutubuk jöhöba anda kaba malök.* ¹¹ Noanön mewö malökmö, ambazip tosatñi pakpak yeñon Anutugö jeñe gongiba bölim tekögetka ambazip ayuhum enjiengi mi gölme körek dop kölä ahöyök. ¹² Ambazip pakpak gölmenön anda kaba malmalñini mem bölim tekögetka miri gölme pakpak yeñgö ahakmemeñini mi gongiba angjöörakñinambuk aiga Anutunön gölme uba tandökñini mi mewö ehök.

Wañge memegö areñi

¹³ Mewö eka Anutunön Noagöra keu kewö jii mörök: “Ambazip yeñgöra aka ayuhum enjiengi mi gölme körek dop kölä ahöza. Miangöra nöñon ambazip pakpak mem kömum

* 5:24: Hib 11.5; Jud 14 * 6:1: Job 1.6; 2.1 * 6:4: Jañ 13.33 * 6:8: Mat 24.37; Luk 17.26, 1 Pitö 3.2 * 6:9-10: 2 Pitö 2.5

teköm enġimamgöra mönö keuni jöhöyal. Mötnöñ, nöñön mönö onöñ gölme melenġbi geiga yuai pakpak isikusukñinambuk mi kömum teköme. ¹⁴ Mianġöra göñön mönö suman ip köla mianġön nangahöra wañge kun meman. Mianġö uruñi kutunöñga uruñi morömorö asuhume. Wañgegö uruñi aka silenġi mi qandöñnöñ me gisak marasinöñ kösiba ohom teköman. ¹⁵ Wañge mi kewö meman: köröñamñi 133 mita (450 fit), andipñi 22 mita (75 fit) aka köñgepñi 13 mita (45 fit) mewö meman. ¹⁶ Boñi muhungöba sel aka bo sutñire liliköba jeñgenañ tiñi 44 sentimita (18 ins) mi mosöta kötohomani. Wañgegö uruñi mösöñnöñga uruñi qakñi, kembarñi aka dutñi karöbut asuhume. Wañge nanġunġi mi namñe alman. ¹⁷ Mötman! Nöñön mönö jibiga göulu ketanani kota gölme jömuġñi köñ turuiga ambazip aka yuai malmalgö ösumñinambuk pakpak suep bapñe maljei, mieñön mönö o nempa nemulahöba kömume. Mewö kömumba gölmegö yuai pakpak mi mönö qahöwak teköme.

¹⁸ Mewö asuhumapmö, nöñön göbuk jöhöjöhö areñ kewö akzal: Gi mönö wañgenöñ öñgömani. Gi, anömgı aka nahöniranurupki enöñ mönö mohotñe wañgenöñ öñgöme. ¹⁹ Öñgöba mala yuai malmalñinambuk pakpak mi qahöwak teköbepüköra yeñgöreñök yahöt yahöt aziñi aka ambiñi mi dopñine enġuañitnöñga göbuk mohotñe wañgenöñ öñgöme. ²⁰ Nei tandökñini könañi könañi, mirigö sömbupñi tandökñini könañi könañi aka gölmegö mokolenġ, lolohom yuai tandökñini könañi könañi körek yeñgöreñök yahöt yahöt mi mönö kömumbepüköra enġuañitnöñga göhöreñ kanġotketka öñgöme. ²¹ Mewöyök nanñini aka nei, sömbup yuai pakpak yeñön nemeañgö dop mönö numbu nene könañi könañi miwikñaiba otoñ qezaköba wañgenöñ alnöñga kahaimök ahöma.” ²²* Anutunöñ Noa mewö akñapkö jim kutum wañgiiga mianġö dowök mönö tem köla mi pakpak ahök. Mewö mia aka mem teköyök.

7

Ambazip aka sömbup pakpak mi wañgenöñ öñgöget.

¹ Noanöñ wañge mem teköiga Kembunöñ keu kewö jii mörök: “Gi ambazip kambu kienġö sutñine solanñi aka maljan. Nöñön göhö könañamgi mewö miwikñaizal. Mianġöra gi aka saiwaurupki pakpak inñini mönö wañgenöñ öñgöme. ² Sömbup neneñi, dönqizizinñini qahö mi pakpak yeñgöreñök sewen sewen, aziñi 7 aka ambiñi 7 dopdop enġömenöñga göhöreñ kanġotme. Mewöyök sömbup dönqizizinñinambuk pakpak yeñgöreñök yahöt yahöt aziñi aka ambiñi mewö enġömenöñga göhöreñ kanġotme. ³ Toroqeba nei könañi könañi pakpak yeñgöreñök mewöyök sewen sewen, aziñi 7 aka ambiñi 7 mi enġuañitnöñga göbuk wañgenöñ öñgöme. Mewö aknöñga sömbup aka nei tandökñini könañi könañi pakpak mi kude qahöwakñemö, toroqeba gölmenöñ ahumsehip aka malme. ⁴ Öñgögetka wehön 7 teköiga jim kutubiga kie römbum ketanani mönö gölmenöñ eta yöhöiga suñgem silim 40:gö dop toroqeba yöhöm teköma. Mewö yöhöiga yuai isikusukñinambuk pakpak miwikñaim enġiali, mi mönö mohotñe jim teköbıga gölmenöhök qahöwakñe.” ⁵ Kembunöñ Noa mewö akñapkö jim kutum wañgiiga mianġö dowök mönö tem köla mi pakpak ak teköyök.

⁶ Mewö mia aka meiga yambuñi 600 aiga göulu ketanani gölme qakñe kanġorök. ⁷* Kanġotmapkö aiga Noa anömñet aka nahöniranurupñiri yeñön mohotñe gölunöñ kömumbepüköra ölöñ köla wañgenöñ öñgöget. ⁸ Mewöyök sömbup neneñi, dönqizizinñini qahö aka sömbup dönqizizinñinambuk aka nei aka yuai pakpak bapñinan köla ölöñgömakzei, ⁹ mi yahöt yahöt pakpak aziñi aka ambiñi mi dopdopñine wañgenöñ öñgöba Noagöreñ kaget. Anutunöñ Noa jim kutum wañgiyöhi, mi mönö mianġö dop asuhuyök. Mewö.

Göulunöñ ambazip turum enġii kömuget.

* 6:22: Hib 11.7 * 7:7: Mat 24.38-39; Luk 17.27

¹⁰ Mewö asuhuiga wehön 7:göra jiyöhi, mi teköiga göulu ketanjan gölme qakne kanğorök. ¹¹ *Noanön yambuñi 600 aiga yambu miangö köñi 2 miangö wehönñi janğö 17 silim miangören o jeñi pakpak, o diginñinambuk miengö namñini pakpak mi emuyök qariba qariba kotket. Mewöyök euyangören könakembagö onji onji miengö numbuñini mi añañiget. ¹² Kie römbum ketanji mi gölmenön eta yöhöba yöhöba sunğem silim 40:gö dop ahöyök. ¹³ Kienön könahimapköra aiga wehön miangören Noa aka nahönurupñi Sem, Ham aka Jafet, Noagö anömñet aka iranurupñiri karöbut yeñön mohotne wañgenön öngöm teköget. ¹⁴ Toroqeba arökñangö sömbupñi aka mirigö sömbupñi pakpak, yuai pakpak bapñinan köla ölölöngömakzei, nei pakpak aka yuai ginginñinambuk pakpak mi ambazip yembuk mohotne wañgenön öngöm teköget. ¹⁵ Anutunön yuai pakpak malmalgö ösumñinambuk miwikñaim engiyöhi, miengörenök yahöt yahöt (2-2) mi Noagören kangota wañgenön öngöm teköget. ¹⁶ Anutunön Noa jim kutum wañgiyöhanğö dop yuai isikusukñinambuk pakpak wañgenön öngöm tekögeri, mi aziñi aka ambiñi ahot. Körekñan öngöm tekögetka Kembunön nanñak Noagö andöñe wañgegö nanğunji kölök.

¹⁷ Nanğunji köliga miangörenök göulu ketanjan könahiba sunğem asak 40:gö dop toroqeba gölmenön kanğoriga o yeñön qariba qariba gölme köl turuba öngöba wañge gölmenöhök koañgetka wahöta öngöyök. ¹⁸ Öngöiga o yeñön gölme qakne qariba qariba öngögetka wañgenön o qakne nanñök öne lañ anda kaba ahöyök. ¹⁹ Mewö aiga onön gölme qakne kunbuk qariba öngöyök. Mewö kundunji köröpñi köröpñi suepkö bapne kin anjei, mi pakpak mönö musulungöm engiyök. ²⁰ Musulungöm engiba öngöba öngöba kundunji bohonñi bohonñi mi köl turuba 8 mita (25 fit) miangö dop engongita ahöyök.

²¹ Mewö ahöiga yuai isikusukñinambuk pakpak gölme qakne anda kaba malgeri, mienön o nemba nemulahöba kömum teköget. Yuai pakpak mi nei me mirigö sömbupñi me arökñangö sömbupñi me mokolen, gisip aka yuai pakpak kambuñini köla gölmenön qeqelanlañ anda kamakzei aka ambazip pakpak mi mohotne qahöwak teköget. ²² Yuai pakpak gölme örönne mala malmalgö ösumñi söngörönjine öröba malgeri, mi körekñanök kömum teköget. ²³ Yuai malmalñinambuk pakpak gölmenön malgeri, mi Anutunön engum teköyök. Yuai pakpak mi ambazip, sömbup me yuai bapñinan köla ölölöngömakzei me könakembagö neiñi neiñi mi mönö Anutunön engum teköyök. Noa aka saiwaurupñi wañge uruñe malgeri, miyök mönö engehoriba angön köla gou köl engiyök. ²⁴ O göulu miangön gölme köl turuba qahö öröba geyökmö, wehön 150:gö dop ahöyök.

8

Göulunön öröba eriga gölmenön öröniyök.

¹ Wehön 150 mi teköiga miangören Anutunön Noagö aka arökñangö mirigö sömbupñi aka yuai pakpak yambuk wañgenön malgeri, mi mötmörim engiba luhut ketanji röja aliga gölme qakne qeiga onön könahiba öröba erök. ² Anutunön emune o diginñinambuk yeñgö jeñini aka euyangören könakembagö onji onji miengö numbuñini mi qaliba songo aliga kienön tiñgita tömböröba suepnöhök kunbuk qahö erök. ³ Qahö eriga o ketanjan könahiba gölme qakne ahöahöneyök lilingöba öröba eta geyök. Wehön 150:gö dop o mienön öröba eta geba ahöget. ⁴ Mewö ahögetka wañgenön köñ 7 miangö silimñi 17 miangören kundunji qetñi Ararat miangö bohonñi kunön mekötahöba köhöiba tarök. ⁵ Miangören tariga o miangön toroqeba öröba eta eta anök. Anda köñ 10 miangö silimñi mutukñi miangören kundunji miengö bohonñini mi aukne asuhum tiñgitket.

⁶ Tiñgitketka wehön 40 teköiga Noanön wañgegö jengenañi mutuk memeni mi metalök. ⁷ Metala koekoe nei kun melaiiga könakemba lañ bölbölgöba anda kaba qahö lilingöba maliga gölmegö onji miangön jöpköyök. ⁸ Miangö andöñe Noanön kembö kun melaiiga anök. Gölme qakne onön öröba geyök me qahö, miangö könañi mötmamgöra

* 7:11: 2 Pitö 3.6

mi melaiiga anök. ⁹ Kembönöŋ anda kaba onöŋ toroqeba gölme körekŋanök turuba ahöyöhanğöra luhut memenanğö tatatŋi qahö miwikŋaiba wanğegöreŋ lilingöiga Noanöŋ böröŋi böranğda wanğe uruŋe wanğiriga öŋgöyök. ¹⁰ Öŋgöiga wehön 7:gö dop toroqeba mamböt mala mianğöreŋ kembö mi kunbuk wanğenöhök melaiiga anök. ¹¹ Anda mare mianğöreŋ lilingöba oil ipkö sinŋi gwölögwölö kun mi meteköba numbuŋan yöhösaŋda Noagöreŋ kayök. Mewö kaiga Noanöŋ mi eka kewö möt asariyök: Onöŋ mönö öröba eriga gölmenöŋ asuhum teköza. ¹² Mi möt asariba kunbuk wehön 7:gö dop mamböta kinda kembö mi kunbuk melaiiga bölbölgöba anök. Anökmö, nalö mianğöreŋ mi yanğöreŋ kunbuk qahö lilingöba kayök.

¹³ Noagö malmal yambuŋi 601 mianğö köiŋ mutukŋanğö silimŋi mutukŋi mianğöreŋ onöŋ gölme qakŋe jöpköba öröniba ahöyök. Mewö aiga Noanöŋ wanğegö boŋi mei aniga kewö uba ehök: Gölme qakŋan mönö öröniba ahöyök. ¹⁴ Mi ehi kunbuk öröniba köiŋ yahötŋanğö silimŋi 27 mianğöreŋ örönim teköba ahöyök.

¹⁵ Anutunöŋ Noagöra keu kewö jiba jii mörök: ¹⁶ “Gi, anömgi aka nahöniranurupki iŋini mönö wanğe mosöta etket. ¹⁷ Eta sömbup yuai malmalŋinambuk pakpak göbuk wanğenöŋ maljei, mi neiŋi neiŋi, mirigö sömbupŋi aka mokoleŋ yuai pakpak bapŋini gölmenöŋ köla ölölöŋgömakzei, mi mönö körek enğuanğita etket. Mewö aknönğa ölop gölmenöŋ ahum sehiba gwölönarökpuk aka deŋda gölme dop köla malme.”

¹⁸ Mewö jii möta Noa anömŋet aka nahöniranurupŋi yeŋön mohotŋe wanğe mosöta etket. ¹⁹ Etketka arökŋanğö sömbupŋi pakpak, mokoleŋ yuai pakpak, nei pakpak aka yuai pakpak gölmenöŋ anda kamakzei, mierjön mönö mewöŋanök isikŋinanğö dop wanğe mosöta awatanğöba et teköget. Mewö.

Noanöŋ Anutugöra jöwöwöl ohoba saiwap jiyök.

²⁰ Et tekögetka Noanöŋ Kembugöra jöwöwöl alta kun memba mirigö sömbupŋi dönqizizinŋini qahö mi pakpak aka nei dönqizizinŋini qahö mi pakpak yeŋgöreŋök tosatŋi enğömemba alta qakŋe ala mianğön Anutugöra jöwöwöl ohoyök. ²¹ Ohoiga Kembunöŋ wörön umköhöwakŋi nahömŋambuk mi möri dop köliga uruŋan keu kewö jiyök: “Ambazip yeŋgö uruŋinanğö mötmöt areŋinan mönö moröŋineyök könahiba bölöŋi akzemö, töndup gölme mi nalö kunöŋ ambazipköra aka kunbuk kude qesuahömam. Yuai pakpak malmalŋinambuk maljei, nöŋön mi lök qahöwak teköm enğialmö, mianğö dop nalö kunöŋ kunbuk qahö jim teköba ak enğimam. ²² Gölmənöŋ ahöm öŋgömawanğö dop mönö gölmenöŋ köl kömötketka ölni asuhui megetka mianğön mönö kude qahöwak teköma. Miri amöriiga saŋgenŋi mörakŋe aka könöpŋambuk aiga könöwiba mörakŋe. Kömunjaŋ kie nalö aka wehön nalö, sunğem aka asakŋi mi nalöŋi nalöŋi lilikqilik aka awataŋ ahöba anmahot. Mi pakpak teteköŋi qahö ahöm öŋgöiga malme. Mewöŋan mönö mewö toroqeba ahöma. “Mewö”.

9

Anutunöŋ Noabuk jöhöjöhö areŋ alök.

¹ *Mewö jiba Anutunöŋ Noa aka nahönurupŋi kewö jiba kötuetköm enğiyök: “Iŋini mönö ahum sehiba gwölönarökpuk mala gölme dop köla malme. ² Mewö aketka gölmegö sömbupŋi pakpak, könakembagö neiŋi pakpak, yuai pakpak bapŋinan gölme köla ölölöŋgömakzei aka köwetkö söraŋi pakpak mi mönö enğö böröŋine al enğibi enğön mi galöm köl enğiba malgetka yeŋön enğöra keŋgöt mötmöt aketka jönömŋini unduiga malme. ³ Yuai pakpak isikusukŋinambuk anda kaba maljei, mi enğö neneya aka ahöma. Mutuk yöha yuai görökŋi (töŋgönŋi) neneŋina al enğiala merak yuai pakpak ki mewöyök al enğizal. ⁴ Mohok-kun mi mönö kude neme. Mi sömbup seŋambuk. Sep mi malmalgö söpsöpŋi akzawanğöra aka soŋgo ki al enğizal.* ⁵ Nanŋini seŋŋini mi kunŋan kun kude mokoma. Kunŋan mi mokomawi, mianğö likeŋŋan mönö nanŋi qakŋe öŋgöma. Sömbup kunŋan me ambazip kunŋan ambazip kun qeiga malmalŋanğö

* 9:1: Jen 1.28 * 9:4: Jen 17.10-14; Lew 19.26; Dut 12.16, 23; 15.23

söpsöpñi mokomawi, miangö likepñan mönö nanñi qakñe öngöiga kömuma. ⁶ Anutunöñ ambazip nanñi kaisongolomñi tandök meyohañgöra aka kun dañön ambazip kun qei kömumawi, kunñan mönö i mewöñañök qei kömuma.*

⁷ Injini mönö ahum sehiba gwölönarökpuak aka malme. Mewö gölme qakñe ahum sehigetka qötöñinan qarim öngöma.”*

⁸ Anutunöñ toroqeba Noa aka nahönurupñi yambuk malgeri, yengöra keu kewö jiyök: ⁹ “Nöñön merak injini aka engö gwölönarökurupñini könangep asuhumei, embuk jöhöjöhö areñ akzal. ¹⁰ Mewöñañök yuai malmalñinambuk pakpak, mi mirigö me arökñañgö nei sömbupñi pakpak göbuk mala wañgenöhök etkeri, mönö gölmegö öröyua i malmalñinambuk pakpak yembuk jöhöjöhö areñ kewö akzal: ¹¹ Nöñön jöhöjöhö areñni mi embuk kewö al köhöizal: Nöñön o gölunöñ öröyua i sikusukñinambuk pakpak mi kunbuk kude engubi qahöwakñe. O göulu mi gölme ayuhumapköra kunbuk qahö albi kama.” ¹² Anutunöñ toroqeba keu kewö jiyök: “Nöñön mönö jöhöjöhö areñ ki mi nani aka injini aka öröyua i malmalñinambuk pakpak embuk maljei, neñgö sutnine albige teteköñi qahö köhöiba ahöm öngöma. Jöhöjöhö areñ miangö aiwesökñi mi kewö:

¹³ Nöñön nani marilonloñni mi kousunöñ albige ahöma. Nöñön nani aka gölmenöñ maljei, neñgö sutnine jöhöjöhö areñ akzali, marilonloñ miangön mönö miangö aiwesökñi aka ahöma. ¹⁴ Nöñön nalö kunöñ kousuñi kousuñi gölme qakñe öröm engibi eta tokogetka marilonloñan kousunöñ asuhumawi, ¹⁵ nalö miangöreñ nöñön jöhöjöhö areñni mi mötmörimam. Mi nani aka injini aka öröyua i malmalñinambuk pakpak tandökñini könäñi könäñi neñgö sutnine ahali, mönö mia mötmörimam. Miangöra o mierön kunbuk mewö kude qariba yuai sikusukñinambuk pakpak ayuhumegöra göulu ketäñi qahö akña.

¹⁶ Nalö kunöñ marilonloñan kousunöñ asuhumawi, nöñön mi eka miangöreñök jöhöjöhö areñni mi mötmörimam. Mi teteköñi qahö nani aka öröyua i malmalñinambuk pakpak tandökñini könäñi könäñi gölme qakñe maljei, neñgö sutnine al köhöibi ahöza.”

¹⁷ Anutunöñ Noagöra mewö jiba toroqeba kewö jiyök: “Nöñön jöhöjöhö areñ ki mi nani aka gölmegö öröyua i malmalñinambuk pakpak neñgö sutnine al köhöizal. Jöhöjöhö areñ miangö aiwesökñi mi mewö.”

Noagö nahönurupñi

¹⁸ Noagö nahönurupñi wañgenöhök etkeri, yengö qetñini mi Sem, Ham aka Jafet. * Ham mi Keinangö iwiña. ¹⁹ Yeñön Noagö nahönurupñi karöbut aket. Ambazip pakpak denqenda gölme dop köla maljini, nini yengöreñök asuhuin.

²⁰ Noanöñ kölkömöt azia aka wain kösö nup mutukñi kömörök. ²¹ Mi kömörökmö, nalö kunöñ wain o tosatñi memba neiga uruñi enololon aiga nanñi opo seri koum uruñe opoñi qeköba sile aukñe ahöyök. ²² Keinangö iwiñi Ham yañön iwiñan sile aukñe ahöyöhi, mi eka yaigep geba darumunyahötñi jii mörohotka iwiñi mewö gamu qem wañgiyök. ²³ Sem aka Jafet yetkö mi mörohotmö, maluku kun memba awötñire ala andöandö öngöba iwiñiran sile aukñe ahöyöhi, mi esuhuyohot. Jeñiri kungen uyohorañgöra aka iwiñiran aukñe ahöyöhi, mi qahö ehot. ²⁴ Noanöñ enololon aiga imbiñi törörök möta wahöta nahönñi moröñan silik ak wañgiyöhi, mi mörök. ²⁵ Mi möta uruñi öngöiga Hamgöra kewö jiyök:

“Keinan mi jim suehöm wañgizal. Yañön mönö darumunyahötñi yetkö welenqeqeurupñiri yengö welenqeqeñini omañi aka malma.”

²⁶ Toroqeba kewö jiyök:

“Anutu, Semgö Kembuñi, ia mönö möpöseizal.

Keinanöñ mönö Semgö welenqeqeñi omañi aka malma.

²⁷ Anutunöñ mönö Jafetkö gölmeñi mem qariiga Semgö opo seri koumñine malme. Keinan yeñön mönö Sem yengö welenqeqeurupñini omañi aka malme.”

* 9:6: Jen 1.26; Eks 20.13 * 9:7: Jen 1.28 * 9:18: Jafet sehiza

²⁸ Göulu ketanjan teköiga Noanöŋ toroqeba (yara) yambu 350:gö dop mal öŋgöyök.
²⁹ Malmalŋaŋgö yambuŋi mi mindiriba 950 miangö dop mala kota kömuyök. Mewö.

10

Noagö nahönurup yengö gwölönarökurup areŋini

1 Hist 1.5-23

¹ Noagö nahönurupŋi Sem, Ham aka Jafet yengö gwölönarökurupŋini göulu teköiga asuhugeri, yengö qet areŋini kewö:

Jafetkö gwölönarökurupŋi

² Jafetkö nahönurupŋi yengö qetŋini mi Gomer, Magog, Madai, Jawan, Tubal, Mesek aka Tiras. ³ Gomergö nahönurupŋi yengö qetŋini mi Askenas, Rifat aka Togarma. ⁴ Jawangö nahönurupŋi yengö qetŋini mi Elisa, Tarsis aka Saiprus könagesö aka Dodan könagesö. ⁵ Yengö isimoröurupŋini mi jula denqenja Sutŋire Köwetkö jitŋe aka miangö gölme jöhanŋi jöhanŋi miangöreŋ nanŋini gölmeŋine anda malje. Yeŋön isikŋini dop, kambuŋini dop aka keuŋini dop nanŋini gölmeŋine anda malje. Jafetkö könagesöŋi mewö.

Hamgö gwölönarökurupŋi

⁶ Hamgö nahönurup yengö qetŋini mi Kus, * Ijpt, Libia aka Keinan. ⁷ Kusgö nahönurupŋi yengö qetŋini mi Seba, Hawila, Sabta, Rama aka Sabteka. Ramagö nahönyahötŋi yetkö qetŋiri mi Seba aka Dedan. ⁸ Kusgö nahönŋi kun qetŋi Nimrod asuhuyök. Yanŋön qariba wahöta bimqeqegö suahö azi köhöikŋi kötökŋi aka gölmenöŋ malök. ⁹ Yanŋön Kembangö jemesoholŋe böröjaŋ azi köhöikŋi malöhaŋgöra aka keu saiŋi kewö jimakze: “Kunöŋ Nimrod ewö Kembangö jemesoholŋe böröjaŋ azi köhöikŋi akza.” ¹⁰ Nimrodkö bemothoŋi mi gölme kewöŋe miangöreŋ könahiget: Babel, Erek, Akad aka Kalne. Taon 4 mi Babilonia (Sinar) gölmenöŋ ahöze. ¹¹ Nimrodnöŋ Babilonia gölme mosöta Asiria anda miri ketanŋi ketanŋi qetŋini Niniwe, Rehobotir aka Kala mi mem wahörök. ¹² Mewöyök Resen mi Niniwe aka siti ketanŋi qetŋi Kala yetkö sutŋire mem wahörök.

¹³ Ijptkö gwölönarökurupŋi yeŋön Libia könagesö, Anam könagesö, Lehab könagesö aka Naftu könagesö akze. ¹⁴ Mewöyök Patrus, Kaslu aka Krit. Krit mi Filistia könagesö yengö bömöŋŋini ahök.

¹⁵ Keinangö nahönŋi mutukŋi mi Saidon. Yanŋö andöŋe Keinanöŋ könagesö kewöŋi yengö bömöŋŋini ahök: Hit könagesö, ¹⁶ Jebus könagesö, Amor könagesö, Girgas könagesö, ¹⁷ Hiwi könagesö, Arka könagesö, Sini könagesö, ¹⁸ Arwad könagesö, Zemar könagesö aka Hamat könagesö. Keinanöŋ körek pakpak yengö iwi bömöŋŋini aiga yeŋön könangep jula denqenget.

¹⁹ Mewö denqengetka Keinan könagesö yengöreŋ gölme göraŋi mi miri qetŋi Saidon miangöreŋök könahiba anda Gerar mire anda Gaza miangöreŋ teköza. Mewöyök Sodom göröken anda Gomora anda Adma aka Zeboim anda Lasa miangöreŋ teköza. ²⁰ Hamgö nahönurupŋi mi isikŋini dop, keuŋini dop, gölmeŋini dop aka könagesö kambuŋini dop mewö malje.

Semgö gwölönarökurupŋi

²¹ Jafetkö datŋi Sem yanŋö nahönurupŋi mewöŋanök asuhuget. Semnöŋ mewö Ebergö nahönurup pakpak yengö bömöŋŋini ahök. ²² Semgö nahönurupŋi yengö qetŋini mi Elam, Asur, Arfaksad, Lidia (Lud) aka Aram. ²³ Aramgö nahönurupŋi yengö qetŋini mi Uz, Hul, Geter aka Mas. Mewö malget. ²⁴ Arfaksadkö nahönŋi Sela asuhuiga yanŋö nahönŋi Eber asuhuyök. ²⁵ Ebergö nahönyahötŋi yahöt asuhuyohot. Kunöŋ asuhuba mala koröhi, nalö miangöreŋ gölme ambazipnöŋ jula denqenget. Miangöra yanŋö qetŋi Peleg (Denqen) qetket. Munŋaŋgö qetŋi mi Joktan. ²⁶ Joktangö nahönurupŋi kewö asuhuget: Almodad, Selef, Hazarmawet, Jera, ²⁷ Hadoram, Uzal, Dikla, ²⁸ Obal,

* 10:6: Kus mi Sudan kantrigö qetŋi.

Abimael, Seba, ²⁹ Ofir, Hawila aka Jobab. Azi pakpak mi Joktangö nahönurupña. ³⁰ Yengö tatat malmal gölmeñini mi miri qetñi Mesa miangörenek könahiba miri qetñi Sefar miangörene göröken anda wehön kotkotñangö gölme kundunambuk miangörene teköza. ³¹ Sengö nahönurupñi mi isikñini dop, keuñini dop, gölmeñini dop aka könagesö kambuñini dop mewö malje.

³² Noagö isomoröurupñi mi isikurup areñini, könagesöñini aka gölmeñini dop mewö aket. Yeñon jul sehiba denqenja könagesö kambuñi kambuñi aketka göulu ketanjan teköiga anda gölme dop köla malget. Mewö.

11

Anutunöy ambazip yengö keuñini mendenök.

¹ Mutuk miangörene gölmeñi gölmeñi pakpak yeñon keu mohot jigetka mianjon mindirim engii malget. ² Mewö mala mosöta wehön kotkotñe göröken anda Babilon uruñe gölme köröñi ketanji kun miwikñaiba miangörene miriñini memba tatket. ³ Miangörene tata nanñinök kewö eraum-mötket: “Mönö kaget. Nini mönö birik mem mözözömgöba könöpnöñ ohoinga köhöikñi akñe. “Mewö jiba miri selñi memingöra köt jamönñiñ qahöpmö, birik ala sutñine gölme sapösapö qandön ewö algetka mianjon birik mi mekötahöm engiyök. ⁴ Nup mewö memba kunbuk kewö jiget: “Mönö kaget. Nini mönö naninangöra siti kun memba miangörene miri köröpñi kötökñi (taua) meinga boñan suep oseima. Mewö oseiga qahö denqenja gölme pakpak dop köla lañ anda malbinbuköra mönö nanini qetbuñaninambuk akin.”

⁵ Mewö jiba nup megetmö, Kembunöy ambazip siti aka miri köröpñi megeri, mi ekñangöra erök. ⁶ Eta mi eka kewö jiyök: “Yeñon simbisembel qahöpmö, urumohot könagesö aka keuñini mohot jiba kinda yuai ki könahiba meze ewö, könangep i me wai memingö areñini albeak, mi mönö miangöra qahö osiba qaköme. ⁷ Ayop, nini mönö gölmeñiñ geba keuñini mem sohoinga kambu kun yeñon kambu tosatñi yengö keuñini qahö möt asariba malme.”

⁸ Kembunöy mewö jiba ambazip miangörene mendenqenden engiiga gölme körek dop köla anda kaba siti memegö nupñi jöhöba mosötket. ⁹ Kembunöy ambazip pakpak yengö keuñini mem sohyöhi, miangöra miri miangö qetñi Babel (enololon siksauk) ahök. Miangörenek Kembunöy i mendenqenden engiiga denja gölme pakpak dop köla anget. Mewö.

Qet areñ Sengörenek könahiba Abramgörene anja.

1 Hist 1.24-27

¹⁰ Sengö gwölönarökurup yengö qet areñini ki. Göulu andöñe yambu yahöt teköiga Semnön yambuñi 100 aiga nalö miangörene nahönñi Arfaksad asuhuyök. ¹¹ Arfaksadnön asuhuiga miangö andöñe Semnön toroqeba yambu 500 maliga nalö sutñe miangörene nahönböraturupñi tosatñi asuhuget.

¹² Arfaksadnön yambuñi 35 aiga nahönñi Sela asuhuyök. ¹³ Selanön asuhuiga miangö andöñe Arfaksadnön toroqeba yambu 403 maliga nalö sutñe miangörene nahönböraturupñi tosatñi asuhuget.

¹⁴ Selanön yambuñi 30 aiga nahönñi Eber asuhuyök. ¹⁵ Ebernön asuhuiga miangö andöñe Selanön toroqeba yambu 403 maliga nalö sutñe miangörene nahönböraturupñi tosatñi asuhuget.

¹⁶ Ebernön yambuñi 34 aiga nahönñi Peleg asuhuyök. ¹⁷ Pelegnön asuhuiga miangö andöñe Ebernön toroqeba yambu 430 maliga nalö sutñe miangörene nahönböraturupñi tosatñi asuhuget.

¹⁸ Pelegnön yambuñi 30 aiga nahönñi Reu asuhuyök. ¹⁹ Reunön asuhuiga miangö andöñe Pelegnön toroqeba yambu 209 maliga nalö sutñe miangörene nahönböraturupñi tosatñi asuhuget.

²⁰ Reunön yambuñi 32 aiga nahönñi Serug asuhuyök. ²¹ Serugnön asuhuiga miangö andöñe Reunön toroqeba yambu 207 maliga nalö sutñe miangörej nahönböraturupñi tosatñi asuhuget.

²² Serugnön yambuñi 30 aiga nahönñi Nahor asuhuyök. ²³ Nahornön asuhuiga miangö andöñe Serugnön toroqeba yambu 200 maliga nalö sutñe miangörej nahönböraturupñi tosatñi asuhuget.

²⁴ Nahornön yambuñi 29 aiga nahönñi Tera asuhuyök. ²⁵ Teranön asuhuiga miangö andöñe Nahornön toroqeba yambu 119 maliga nalö sutñe miangörej nahönböraturupñi tosatñi asuhuget. ²⁶ Teranön yambuñi 70 aiga nahönñi Abram, Nahor aka Haran asuhuget.

Teragö gwölönarökurupñi.

²⁷ Teragö gwölönarökurup yengö qet areñini ki. Teragö nahönurupñi Abram, Nahor aka Haran asuhuget. Harangö nahönñi Lot asuhuyök. ²⁸ Haranön Kaldia yengö gölmenön mala nanñi ahuahu mirinñi qetñi Ur miangörej kömuiga Harangö iwiñi Teranön toroqeba malök.

²⁹ Abram aka Nahor yetkön örörön ambi meyohot. Abramgö anömñi qetñi Sarai aiga Nahorgö anömñi qetñi Milka. Milkanön Harangö börtatña ahök. Haranön Milka aka Iska yetkö iwiñiri ahök. ³⁰ Sarainön ambi köpina morönñi qahöpmö, öne malök.

³¹ Teranön nahönñi Abram, isinñi Lot Harangö nahönñi aka iranñi Sarai, nahönñi Abramgö anömñi mi enguangiriga mohotñe Kaldia gölmegö miri qetñi Ur mosöta Keinan gölmenön anbingöra anget. Mewö angetmö, Haran miri gölmenön kaba kinda miangörej mirinñini memba tatket. ³² Tatketka Teranön yambuñi 205 aiga Haran miri miangörej tata kömuyök. Mewö.

12

Anutunön Abram oholök.

^{1*} Kembunön Abramgöra kewö jiyök: “Gi gölmegi, könagesögi aka iwigahö miri yuainñi mosöta gölme kondel gihimami, mönö miangörej anman. ² Nönön ahumsehip gihibiga gwölönarökurupkan könagesö ketanñi akñe. Nönön kötuetköba nangöm gihibiga qetbuñagan qariba ketanñi akñe. Mewö aiga Anutunön göhöra aka könagesö tosatñi kötuetköm enggiba malma.

³ Denike yeñön gi kötuetköm gihimei, nönön mönö i kötuetköm enggiba malmam. Denike yeñön gi jim suehöm gihimei, nönön mönö i mewöyök jim suehöm enggiba malmam.

Göhöra aka nönögö kötümötuetnan mönö gölmegö könagesö kambuñi pakpak yengö qakñine öngöiga oyaenköyaen akñe.”*

⁴ Mewö jiiga Abramnön Kembunön jiyöhangö dop Haran miri mosöta aniga Lotnön yambuk anohot. Abramnön yambuñi 75 aiga miangörej Haran miri mosöta anök.

⁵ Anmam jiba anömñi Sarai, behötñi Lot, sukinapñi pakpak qezakögetka sehiyöhi aka welenqeçe ambazip Haran mirinön mala engömegeri, mi memba enguangita mosöta Keinan gölmenön anbingöra anda mala miangörej angotket.

⁶ Abramnön gölme miangörej anda mala mala miri qetñi Sekem miangörej kangota in ip ketanñi qetñi More miangö kösutñe koumñi qeba tarök. Nalö miangörej Keinan ambazip yeñön lök gölme miangörej malget. ⁷ Mewö malgetka Kembunön Abramgörej asuhaba kewö jiyök: “Gölme ki mi mönö göhö gwölönarökurupki yengö buñaya qem engimam. “Mewö jiiga Abramnön Kembu yangörej asuhuyöhi, yangöra jöwöwöl ohohogö altañi kun miangörej meyök.*

⁸ Miangörejök mosöta toroqeba Betel mirigö wehön kotkotñe göröken gölme kundunambuk miangörej anda opo seri koumñi mörörengöba kuñgui kinök. Mewö kiniga Betel miri miangön wehön gegeñe göröken tariga Ai taonön wehön kotkotñe göröken

* 12:1: Apo 7.2-3; Hib 11.8 * 12:3: Gal 3.8 * 12:7: Apo 7.5; Gal 3.16

tarök. Mewö tarohotka sutjire kinda Kembugö jöwöwöl altañi kun miangörej memba Kembugö qetñi qeta köuluköm wañgiyök. ⁹ Miangö andöñe gölme mi mosöta toroqeba Saut göröken anda distrik qetñi Negew miangörej tata malget. Mewö.

Abramnöñ Ijpt kantrinöñ anda malök.

¹⁰ Nalö miangörej Keinan gölmenöñ bödi (buörö) asuhuiga mianjön köhöiba lömbötñi aiga Abramnöñ Ijpt kantrinöñ kusukñanök malbingöra anget. ¹¹ Könanöñ anda Ijpt dopdowigetka Abramnöñ miangörej anömñi Saraigöra keu kewö jiyök: “Mötnöñ, göñön ambi eksihingabuk akzani, mi mötzal. ¹² Mewögöra Ijpt azi yeñön gi geka kewö jime: ‘Ki yañgö anömña.’ Mewö jiba ni nuñguget kömumam-mö, gi gehorigetka malman. ¹³ *Miangöra göñön mönö kewö jiman: ‘Ni yañgö nenna.’ Mewö jinöñga göhöra aka ölpñanök ak niñgiba nöñgö malmalni gou kölgetka malmam.”

¹⁴ Abramnöñ Ijpt kaiga Ijptkö ambazipñi yeñön Sarai eketka ambi eksihimñambuk qetpuk ahök. ¹⁵ Miangörejök Farao kiñ kembugö pom jembonurupñi yeñön i ekerangöra Farao kiñgörej anda Saraigö sileñi möpöseigetka mörök. Mi möta jiiga Sarai wañgita kiñ kembugö jakömbuak miri uruñe öñgöget. ¹⁶ Öñgögetka Farao kiññöñ Saraigöra aka Abram ölpñanök ak wañgiyök. Mewö ak wañgiiga yuai kewöñi mi Abramgö buñaya ahök: lama, bulmakau, doñki aziñi aka ambiñi, welenqeqa azi aka ambi aka kamel jesöñgöñi mi Abram wañgiiga buña qem añguyök.

¹⁷ Mi buña qem añguyökmö, Kembunöñ Abramgö anömñi Sarainöñ Farao kiñgö mire malöhañgöra aka jiiga kawöl bölöñi kötokñan Farao kiñ aka ambazip yañgö jakömbuak mire malgeri, yeñgö qakñine öñgöyök. ¹⁸ Mi öñgöiga Farao kiññöñ Abram köl öroi kaiga kewö qesim wañgiyök: “Göñön mönö wani kimbia ak niñginöñ? Wuanöñgöra ‘Mi anömna,’ mewö qahö jinöñga möral? ¹⁹ Wuanöñgöra ‘I mi nena,’ jinöñ? Mewö jinöñga nöñön i anömna akñapaköra wañgiral? Anömgi ki. Mönö i wañgita anohot.”

²⁰ Mewö jiba aziurupñi jim kutum eñgiiga Abram wañgita könanöñ anda al eñgigetka anömñi aka öroyuaiñi pakpak ahöm wañgiyöhi, mi memba eñguañgita anget. Mewö.

13

Lot aka Abram yetköñ deñnohot.

¹ Abramnöñ Ijpt gölme mosöta anömñi aka bau inap yuaiñi pakpak memba eñguañgita Lotpuk mohotñe lilingöba anda Keinan gölmegö Saut likepñi qetñi Negew miangörej kañgotket. ² Abramgörej lama bulmakau aka goul silwö mi lömbötupuk ahöm wañgiiga azi kindiñbirik malök. ³ Mewö mala Negew distrik uruñe tata mosöta kusukñanök rowoñqeqeñine ahöba wahöta anda mala Betel mire kañgotket. Opo seri koumñi mutuk Betel aka Ai miri mietkö sutjire kuñgui kinöhi, mönö miangörej kañgotket. ⁴ Mutuk jöwöwöl alta meyöhi, mönö miangörej kañgota Kembugö qetñi qeta köuluköyök.

⁵ Lotnöñ Abrambuk tata mosöta malöhi, yañön mewöñanök lama bulmakau kambuñi kambuñi aka opo seri koumñi koumñi mi gwötupuk memba malök. ⁶ Mewö mala sömbup sukinap yuaiñiri gwötupuk ketañi ahöm etkiiga gölmenöñ qahö dop kölök. Mi öroröñ gumohom eñgiengigö dop qahö ahöiga mohotñe tata malmalgö lömböriba osiyohot. ⁷ Osiba Abram aka Lot yetkörej sömbup galömurupñiri yeñgö sutjine gölmegö añgururuk asuhuyök. Nalö miangörej Keinan könagesö aka Periz könagesö yeñön gölme miangö toñi aketka yembuk mohotñe malget.

⁸ Mewö mala Abramnöñ Lotköra kewö jii mörök: “Niri mönö iwi moröya maljit. Miangöra ni aka gi sutnire me sömbup galömurupñiri yeñgö sutjine añgururuk kude ahöma. ⁹ Miangöra ölp deñbit. Gölmegö pakpak mönö göhö jemesoholge aukñe ahöm anjawi, mi ölp ekzan. Mewö aiga göñön qaninire göröken anmam jiman ewö, nöñön ölp ölnire göröken anmam. Me göñön ölnire göröken anmam jiman ewö, nöñön ölp qaninire göröken anmam.”

* 12:13; Jen 20.2; 26.7

¹⁰ *Mewö jiiga Lotnön uba wahöta Jordangö gölme köröni ketani pakpak ehiga Anutunön mi ölop mem keloriga Kembangörej oyaenkoyaen arö kelökjambuk ewö ahök. Mi Ijipt yengö gölme ewö ahöba Zoar miri göröken anök. Mutuk Kembunön Sodom aka Gomora qahö ayuhum etkiiga nalö miangörej gölme mi mewö ahöyök. ¹¹ Mewö ahöiga Lotnön mi ek kewöta Jordangö gölme köröni ketani pakpak mi möwölöhöba wehön kotkotje göröken anök. Mewö aka dejnohot. ¹² Denda Abramnön Keinan gölmenön anda malökmö, Lotnön gölme köröni ketanjängö taonji taonji yengö sutjine anda kaba malök. Mewö mala opo seri kounji meköba memba kunguba anda kinda teteköje Sodom kösutje angota malök. ¹³ Miangörej malökmö, Sodom könagesö yejön könagesö tandök bölöni aka Kembu qetala singisöndok keta bölökni aka memba malget.

Abramnön Hebron gölmenön anda tata malök.

¹⁴ Lotnön Abram umbula aniga nalö miangörej Kembunön Abramgöra keu kewö jiyök: “Mönö jegi ötok ala mesoholge uba wahöta elenda andöge uba mewöyök wehön kotkotje aka wehön gegene göröken unön. ¹⁵ *Gölme pakpak ki ekzani, mi mönö gi aka göhö gwölönarökurupki engö bujaya qebi nalö teteköni qahö bujanina ahöm öngöma. ¹⁶ Nönön gwölönarökurupki ahumsehip gwötpuk engibiga qötöjninan qariba gölmegö sakösakni (sakösiñi) ewö akña. Kun danön sakösiñi kötji miengö jangöjini oyongbawak, yanön ölop gwölönarökurupki yengö jangöjini mema. ¹⁷ Nönön gölme ki mönö göhö bujaya qem gihizal. Miangöra ölop wahöta anda kaba gölme pakpak ki bahöbahö euke emuke ek kutuba malman.”

¹⁸ Mewö jiiga Abramnön wahöta opo seri kounji qeköba memba kunguba anda Hebron gölmenön kaba Mamre mire in ip ketani kin angeri, miengö kösutjine tarök. Miangörej tata Kembangöra jöwöwöl alta kun meyök. Mewö.

14

Abramnön Lot mi kerök yengö böröjineyök meköyök.

¹ Nalö miangörej Babilongö (Sinargö) kiñi qetji Amrafel, Elasargö kiñi qetji Ariok, Elangö kiñi qetji Kedorlaomer aka Goimgö kiñi qetji Tidal malget. ² Yejön kiñ kewö miembuk könahiba bim auget: Sodom taongö kiñi qetji Bera, Gomora taongö kiñi qetji Birsa, Adma taongö kiñi qetji Sinab, Seboim taongö kiñi qetji Semeber aka Bela (qetji alani Zoar) taon miangö kiñi. ³ Kiñ pakpak kiejön örue (ruerue) qetji Sidim miangörej tokoba kukösomjini mindiriba jöhöjöhö aket. Sidim örueñön nalö kewöje Sihi Köwet Köhömuñi mi ahöza. ⁴ Yejön yambu 12:gö dop Kedorlaomergö jimkutukutu bapje mala kota yambu 13 miangörej yangö keu bapje anbingö qetala karim aka yarö gilget.

⁵ Mewö aketka yambu 14 miangörej Kedorlaomer aka kiñ tosatji yambuk jöhöjöhö aka malgeri, mienjön kaba könagesö kewöni yembuk bim qeba luhut alget: Refa könagesö mi Asterot Karnaim mire enguba luhut alget. Zuzi könagesö mi Ham mire aka Eme könagesö mi Kiriataim miri miangörej enguba luhut alget. ⁶ Hor könagesö mi Seir gölme kundujambuk miangörej enguba enguatängöba anda anda El Paran miri miangörej angota luhut al engiget. El Paran mi gölme qararankölkölnangö göräñe ahöza. ⁷ Luhut al engiba miangörejök lilingöba En Mispat (qetji alani Kades) miangörej kaba Amalek könagesö luhut al engiba gölmeñini pakpak angön kölget. Amor könagesö Hazezon Tamar gölmenön malgeri, mi mewöñanök enguba luhut al engiget.

⁸ Mewö asuhuiga Sodongö kiñi, Gomoragö kiñi, Admagö kiñi, Zeboimgö kiñi aka Bela (qetji alani Zoar) miangö kiñi yejön wahöta asasaitiba Sidim örueñön angota kiñ kewö miembuk bim qebingö jaböñi ala aröñda kinget: ⁹ Elangö kiñi Kedorlaomer, Goimgö kiñi Tidal, Babilongö (Sinargö) kiñi Amrafel aka Elasargö kiñi Ariok. Kiñ 4 mienjön kiñ 5 yembuk aröñget.

¹⁰ Mewö aröñgetmö, Sidim gölme örue miangörej löm dodoho sapösapöñambuk mianjön kokolak qeba tarök. Mewö tariga Sodom aka Gomora taon mietkö kiñiran yarö

* 13:10: Jen 2.10 * 13:15: Apo 7.5

aziurupñiri yembuk unjurata angaitketka azi tosatñan löm miangörej tötohoba geba enguyök. Mewö enguiga alaurupñini tosatñi pakpak yeñön ölöñ köla unjurata gölme kundunambuk miangörej öngöget. ¹¹ Öngögetka kiñ 4 mienñön Sodom aka Gomora anda sukinapñini aka numbu neneñini pakpak mi kiom köla memba tököba anget. ¹² Abramgö behötñi Lot yañön Sodom malöhangöra aka i mewöñanök sukinapñambuk wangita anget.

¹³ Mewö angetka azi kunñan ölöñ köla misingöba kaba miangö buzup keuñi mi Hibru (kian) azi Abramgöra jii mörök. Nalö miangörej Abramnöñ Amor azi qetñi Mamre yañgörej in ip ketañi ketañi miengö kösutñine malök. Mamrenöñ munyahötñi qetñiri Eskol aka Aner yetpuk mohotñe Abrambuk jöhöjöhö aka malget. ¹⁴ Abramnöñ behötñi Lot wangita angeri, miangö keuñi möta aziurupñi 318 nanñi mire asuhaba mötmöt möta bimqeqe köl guliba malgeri, mi engohol tokoba kerök kambu enguatangöba Not göröken anda mala Dan mire angotket.

¹⁵ Abramnöñ aziurupñi mendeñ engiiga yeñön sungem miangörej közöla kerök kambu qeraköm engimemba luhut al engiget. Luhut al engiba enguatangöba anda mala Damaskusgö Not likepñe miri qetñi Hoba miangörej angotket. ¹⁶ Miangörej angota sukinap pakpak kiom qeba memba angeri, mi miwikñaget. Behötñi Lot aka yañgö öroyuaini mi memba wangita lilingöba kayök. Sodom aka Gomora yeñgö ambimoröurupñini aka ambazip tosatñi mi tok lökñanök enguangita kaget.

Melkizedeknöñ Abram kötuetköm wangiyök.

¹⁷ Abramnöñ mewö Kedorlaomer aka kiñ tosatñi yambuk jöhöjöhö aka malgeri, mi enguba luhut al engiba lilingöba kaiga Sodomgö kiñi yañön Sawe öruue (qetñi alañi Kingö öruue) miangörej miwikñaiiba ekñamgöra anök. ¹⁸ *Nalö miangörej Melkizedek Salemgö kiñi miangön bered aka wain o memba kayök. Yañön Anutu öngöñgöñangö jike nup galömñi ahök. ¹⁹ Mewö aka Abram kötuetköm wangiba keu kewö jiyök: “Anutu öngöñgöñan suep gölme miwikñaim etkiyöhi, yañön mönö Abram gi kötuetköm gihii malman. ²⁰ Anutu öngöñgöñan kerökurupki göhö böröge al engiyöhi, mönö i möpöseizin. “Mewö jiiga Abramnöñ öroyuaini pakpak mendeñniga kambu ten asuhuiga miengörejök mohot mohot (10%) memba naluha wangiyök.

²¹ Mi wangiiiga Sodomgö kiñan Abramgöra kewö jiyök: “Ambazipurupni mia niñginmanmö, sukinap mia mönö nangi buñaya akña.”

²² Mewö jiyökmö, Abramnöñ Sodomgö kiñangöra kewö jiyök: “Keuni köhöimapköra nöñön böröni Kembu Anutu öngöñgöñi Suep gölme miwikñaim etkiyöhi, yañgörej göröken memba wahöta jöjöpañ keu kewö jizal: ²³ Nöñön göhörej yuai kun mi qahö kötköñi memam. Möt kösögahö kitipñi me köna esugahö kösöñi mi mewöñanök qahö memam. Mewö akiga göñön könañgep kewö jibanbuk: ‘Nöñön Abram yuai wangibiga yañön azi pomñi qetbuñambuk aka malja.’ Göñön mönö mewö jimangö osiba malman. ²⁴ Nöñön yuai kun qahö toroqeba memam-mö, aziurupnan wani yuaia negeri, mi lök nengigetka dop köl teköza. Mewöyök azi alaurupni Aner, Eskol aka Mamre nömbuk kageri, yeñön mönö töwa jijiñinangö dop meme. “Mewö.

15

Anutunöñ Abrambuk jöhöjöhö areñ ahök.

¹ Mewö asuhuiga Abramgö jeñi meleñniga imut ehiga Kembunöñ keu kewö jii kaiga mörök, “Abram, gi keñgötki kude mötman. Nöñön göhö sumanga akzal. Göhö töwagi mönö keta bölökñi aka ahöma.”

² Keu mewö kayökmö, Abramnöñ kewö jiyök, “O Kembu ketanami, ni nahönböratni qahö malbiga töwa niñginöñga miangön mönö denöwö bauköm niñgibawak? Nöñön kömumbiga Damaskus azi Eliezer yañön nöñgö sukinapñangö toni akña.” ³ Mewö jiba toroqeba kewö jiyök, “Göñön gwölöñarökni kun qahö niñginöñangöra nup azini

* 14:18: Hib 7.1-10

bohonjan nongö mire maljawi, yanön mönö nongö öröyuaini pakpak buja qem anguma.”

⁴ Mewö jiiga Kembangörej keu jit kun mi yangörej kewö kaiga mörök, “Azi mianjön sukinapakahö toni qahö aknjapmö, nangi silegeyök morö nahön kun asuhumawi, yanön mönö göhö öröyuaiji pakpak buja qem anguma.” ⁵ *Keu mewö kaiga Anutunöj Abram wangita gumnöj geba keu kewö jii mörök, “Mönö suepnöj unöj öngöiga senjelau oyöj engimanangö dop akja ewö, mi mönö ölop oyöj engiman. “Mewö jiba kewö toroqeba jiyök, “Göhö gwölönarökurupki yengö qötöjninan mönö miangö dop akja.”

⁶ Mewö jiiga Abramnöj Kambu möt narim wangiiga mötnaripji ehi dop köliga keunji jim teköiga solaniyök.*

⁷ Kembangörej toroqeba keu kewö jii mörök, “Nönjön Kambu akzal. Gi Kaldia gölmegö miri qetji Ur miangörej malnönga goangita ki kait. Gölme ki gihibi buja qem angumangöra aka gi goangita ki kait.”

⁸ Mewö jiyökmö, Abramnöj kewö jiyök, “O Kambu ketanjami, gölme kianjön nongö bujaya akjawi, mi mönö wani aiwesöha eka möt kutumam?”

⁹ Mewö jiiga Kembangörej yangöra kewö jiyök, “Gi mönö anda bulmakau ambi seramji yambuji karöbut, meme (nonij) ambiji yambuji karöbut aka lama aziji yambuji karöbut aka kembö kun aka kembö supsup dölökunji kun mi memba nongörej kaman.”

¹⁰ Mewö jiiga Abramnöj anda mi pakpak körek memba kaba sömbup mi bibijine qesij engiba likepji likepji mi arengöiga köna likep likep aröjnöj ahöget. * Mewö ahökmö, nei mi qahö qesijnök. ¹¹ Qahö qesijda qamötjini likep likep arengöm engiiga nei kalji yenjön kaba qamöt yengö qakjine eta kölgetmö, Abramnöj mi közöl engiiga anget.

¹² Wehön jeji teköba gemangö aiga nalö miangörej Abramnöj jeji eta meiga gaun lömbötji ahöyök. Mewö ahöiga pandaman göjiwinangö kanjamji mianjön kaba turum wangiijök.* ¹³ Turum wangiiga Kembangörej kewö jii mörök, “Keu ki mönö ölja mötman: Göhö gwölönarökurupkan mönö nanjini gölmenjini mosöta kantri kunöj anda kiana mala mal öngöme. Mewö mala yengö welenqequeurupjini omanji aketka i yambu 400:gö dop tulungöm engiba malme.*

¹⁴ Mewö malmemö, nönjön kantri welenqequeurupjini omanji aka malmei, yengö keunji mewöyök jim teköba likepji melenbiga qakjine öngöma. Mewö mi öngöiga pösat engigetka kantri mi mosöta sukinapjini gwötpuk memba lilingöba kame.*

¹⁵⁻¹⁶ Nönjön Amor könagesö mi gölme kiangörej zilar qahö enguatangömam. Mutuk sinjisöndokji sinjisöndokji aka bölimqölim tekögetka likepji törörök melen engimamangö nalöjan akjawi, nalö miangörej mönö i enguatangömam. Miangöra göhö isurupki yengö isurupjinan asuhuba malmei, † nalö miangörej göhö gwölönarökurupkan mönö lilingöba ki kame. (15) Yenjön mewö kamemö, nangak mutuk yambugahö nalöji ölmö kömuiga luainöj iwiasaurupki yengörej anönga löm köl gihime.”

¹⁷ Kembangörej mewö jiiga wehön jejan teköba geiga pandaman meiga yuai kewö asuhuiga ehök: Kimbut kungö uruje könöp bölamjan kököbilikbilikjambuk jeba asariiga köwak köndumjambuk pukpuköyök. Yuai mianjön asuhuba sömbup qamöt qesijqesiji miengö sutjine kinda anda kayök.

¹⁸ Kembangörej mewö sömbup likepji likepji miengö sutjire anda kaba sömanji miangörej Abrambuk jöjöhö arej aka (kaisöpsöpnjan mi mem köhöiba) keu kewö jii mörök, “Nönjön gölme ki mi göhö gwölönarökurupki yengö bujaya qem engimam. Miangö

* 15:5: Rom 4.18; Hib 11.12 * 15:6: Rom 4.3; Gal 3.6; Jei 2.23 * 15:10: Nalö miangörej jöhöjöhö arej aka mi silik mewöji mianjön mem köhöizema. Azinöj sömbup likepji yahöt mietkö sutjire kinda mindirim etkiba jöhöjöhö mi tönguba galöm köljapma. * 15:12: Job 4.13, 14 * 15:13: Eks 1.1-14; Apo 7.6 * 15:14: Eks 12.40-41; Apo 7.7 † 15:15-16: Yambu 430 nalö mi kewö oyöjget: Liwainöj malmal yambuji 137 miangörejök yambu 80 mi ljipt malök. Yangö andöje azi kewöjan yambuini kewö ljipt malget: Kehat 133, Amram 137, Moses 80. (Miangö andöje Mosesnöj ljipt mosöta toroqeba yambu 40 malök.) Mi mindiriba yambu 430 ahök. Ex 6.16, 18, 29 Dut 34.7

jaböni mi Ijptkö o töwatji (Nail) miangörejök könahiba kaba ki ongita anda o töwatji ketani qetji Yufreitis miangörej teköma.* ¹⁹ Nalö kewöne mi könagesö kewö yejgö gölmenjina ahöza: Kin könagesö, Kenas könagesö, Kadmon könagesö, ²⁰ Hit könagesö, Periz könagesö aka Refaim könagesö, ²¹ Amor könagesö, Keinan könagesö, Girgas könagesö aka Jebus könagesö. Yejgörej gölme pakpak mi mönö körekjanök memba dop köla anme. “Mewö.

16

Hagar aka Ismael

¹ Abramgö anömni Sarainöj köpin mala morö qahö meyökmö, Saraigö welen ambi qetji Hagar malök. Mi Ijpt ambia. ² Yañön malöhangöra Sarainöj Abramgöra kewö jiyök: “Kembunöj songo jöhöm ningiiga morö qahö mealangöra gi mönö welen ambini menönga gölöm ala morö kun meiga nöngö bujaya asuhubawak. “Mewö jiiga Abramnöj Saraigörej keugöra urumohot ahök. ³ Abramnöj Keinan gölmenöj yambu 10 mal teköiga nalö miangörej Sarai Abramgö anömnan Ijptkö welen ambiñi Hagar memba apñangö anömni akñapköra wangiyök. ⁴ Mewö wanggiiga memba maliga gölöm alök. Gölöm ala mi möta galöm ambiñi Sarai könahiba jijiwilit ak wangiyök.

⁵ Mewö ak wanggiiga Sarainöj Abramgöra kewö jiyök: “Urunan böliiga sihimbölö mörakzali, miangö keujan mönö göhö qake öngöba ahöma. Nöñön welen ambini göhö böröge albiga gölöm ala mi möta miangörejök könahiba jijiwilit ak ningiba malja. Miangöra Kembunöj mönö ni aka gi netkö sutnire keu kewöta jim teköma.”

⁶ Mewö jiiga Abramnöj kewö jiyök: “Welen ambigi miangö nange böröge maljawangöra wania mötnönga dop köljawi, mönö miangö dop i ak wangiman. “Mewö jiiga Sarainöj Hagar lañ örömureim ak wanggiiga mosöta tököba ölöj köla anök.

⁷ Aniga Kembugörej garata kunöj gölme qararankölkölje o jeñi kungö kösutje miwikñaim wangiyök. O jeñi mi Sur mire anangö köna jitje miangörej ahöza. ⁸ Miangörej miwikñaim wangiba kewö jiyök: “Hagar, Saraigö welen ambiñi, gi mönö denikeyök kazana denike anman?” Mewö jiiga kewö melejnök: “Ni galöm ambini Saraigörejök asamböta ölöj köla kazal.”

⁹ Mewö jiiga Kembugörej garatanöj Hagar kewö jim kutum wangiyök: “Gi mönö kunbuk Saraigörej anda welenñi qeba yangö keu bapñe malman.” ¹⁰ Keu mi toroqeba kewö jii mörök: “Hagar, nöñön mönö göhö gwölönarökurupki ahum sehim enggibiga qötöñini oyoñoyongö dop qahö aiga malme.”

¹¹ Kembugörej garatanöj kunbuk toroqeba Hagargöra kewö jiyök: “Gi moröbuk akzana nahöngi meman. Dölki tapötkokorok möta sahötnönga mi mönö Kembugö kezapñe geiga mötza. Miangöra morögö qetji Ismael qetman. (Ismael Anutunöj kezapñan mötza.) ¹² Yañön azi doñki bau kömböt ewö aka (nanñi imbi-imbi qakñe lañ anda kaba) malma. Yañön böröñan ambazip pakpak qetal enggiiga ambazip pakpak yeñön i qetal wangiba malme. Yañön munurupñi pakpak yembuk kerök-kerök aka nanjök kekelolo malma.”

¹³ Mewö jiiga Hagarnöj kewö jiyök: “Nöñön mönö dölki kunöj ni nehakzawi, i ekzal. “Miangöra Kembu yangöra keu jiyöhi, yangö qetji kewö qet wangiyök: “Gi Kembu ni nehakzanañön akzan. “Qetji mewö qerök. ¹⁴ Könañi miangöra aka o löm miangö qetji mi Ber Lahai Roi (Malmalñambuk mala nehakzawangö o lömñi) qetketka ahöza. O löm mi toroqeba miri yahöt qetjiri Kades aka Bered mietkö sutñire ahöza.

¹⁵ *Hagarnöj Abramgö morö nahöññi meyök. Abramnöj nanñi moröñi Hagar meyöhi, yangö qetji Ismael qerök. ¹⁶ Abramnöj yambuñi 86 aiga Hagarnöj Ismael morö mi Abramgöra meyök. Mewö.

* 15:18: Apo 7.5 * 16:15: Gal 4.22

17

Jöhöjöhö arengö aiwesökni mi sile yandiyandi.

¹ Abramnön yambuñi 99 aiga Kembunön asuhum wañgiba keu kewö jiyök: “Nönön Anutu kukösum pakpakö Tonji akzal. Miangöra gi mönö nönögö keuni tem köla pöndañ ahakmeme diñdiñi wuatangöba malman. ² Nönön jöhöjöhö areñ mi gi aka ni netkö sutnire ahali, mi mem köhöiba ahumsehip gihibi gwölönarökurupki yeñgö jañgöñinan mönö keta bölökñi akña.”

³ Mewö jiiga Abramnön simin köla bamgöiga Anutunön yeñgöra keu kewö jiyök: ⁴ “Mötman, nönön jöhöjöhö areñni göbuk kewö akzal: Göñön könagesö gwötpuk yeñgö iwi bömöñjina akñan. Keu mewö jim jöhöbi ahöma. ⁵ *Göhö qetki Abram mi qahö toroqeba qetketka ahömapmö, göñön könagesö gwötpuk yeñgö iwi bömöñjina akñangöra kuñgum gihizali, miangöra qetki mönö Abraham qetketka ahöma. ⁶ Nönön ahumsehip gihibiga gwölönarökurupki mi önöñi qahö asuhume. Yeñön jula deñda könagesö kambuñi kambuñi gwötpuk akñe. Göhö gwölönarökurupki yeñgöreyök tosatñan kiñ kembuñi kembuñi akñe.

⁷ Nönön mönö jöhöjöhö areñni mi nani aka gi, göhö gwölönarökurupki göhö andöge toroqeba asuhum öngömei, neñgö sutnine al köhöibiga teköteköñi qahö ahöm öngöba ahöma. Nönön göhö Anutu gi aka gwölönarökurupki göhö andöge asuhum öngömei, mönö yeñgö Anutuñina aka malmam.* ⁸ Gi Keinan gölmenön kiana maljani, nönön gölme mi jömukñanök gi aka göhö gwölönarökurupki yeñgö buñaya qem enggibiga buñanini teteköñi qahö ahöm öngöba ahöma. Mewö ahöiga nönön mönö yeñgö Anutuñina aka malmam.”*

⁹ Anutunön Abrahamgöra mewö jiba toroqeba keu kewö jiyök: “Mewö malmam-mö, göñön mönö nönögö jöhöjöhö areñnañgö keuñi mi tem köla wuatangöba malman. Göhö gwölönarökurupki göhö andöge toroqeba asuhum öngömei, yeñön mönö mewöñanök mi tem köla wuatangöba mala mal öngöme. ¹⁰ Gi aka göhö gwölönarökurupki embuk jöhöjöhö areñni aka mi wuatangömegöra jizali, miangö aiwesökni mi kewö: Yeñgö sutnine azi pakpak yeñgö sileñine mönö nönögö aiwesökni yandime.* ¹¹ Nönögö aiwesökni mönö sileñine yandime. Mianön jöhöjöhö areñ ni aka yeñgö sutnine albi ahözawi, miangö aiwesökña ahöm öngöma.

¹² Nalö kewöneyök könahiba azi pakpak yeñgö sutnine toroqeba asuhum öngömei, yeñgö sileñine mönö sömañini 8 aiga miangöreñ nönögö aiwesökni yandiba malme. Nanñine miri uruñe nanñini aka welenqequeurupñini yeñgöreñ morönahönurupñini asuhumei, mi mönö örörön ak enggiba malme. Welenqeque tosatñi mi kian yeñgöreñök moneñnön bohonñini megetka yeñgö morö nahönñini asuhume. Yeñön nanñini gwölönarökurupñini qahö akzemö, mi töndup nönögö aiwesökni mi mönö yeñgö sileñine mewöñanök yandiba malme. ¹³ Welenqeque tosatñan nanñine miri uruñe asuhugetka welenqeque tosatñi mi moneñnön bohonñini megetka yeñgö morö nahönñini asuhume. Nönögö aiwesökni mi mönö yeñgö sileñine mewöñanök yandiba malme. Nönögö jöhöjöhö areñnañgö aiwesökni sileñine yandime, mi mönö jöhöjöhö areñ teteköñi qahö ahöm öngömapköra jim köhöizal. ¹⁴ Azi kun dañön nönögö aiwesökni sileñe qahö yandigetka öne malmawi, yañön mönö nönögö jöhöjöhö areñni öngita qetalakza. Miangöra azi mewöñi mi mönö nanñi ambazip kambu yeñgö sutnineyök yakörim wañgigetka yaigep eta malma.”

¹⁵ Anutunön toroqeba Abrahamgöra kewö jiyök: “Gi anömgahö qetñi Sarai mi kude toroqeba qeta malmanmö, yeñgö qetñi mönö Sara (jembon ambi) qeta malman. † ¹⁶ Nönön Sara kötuatköm wañgibiga yañön göhöra morö nahön kun mema.

* 17:5: Rom 4.17 * 17:5: Abram mi iwi öngöñgöñi. Abraham mi könagesö gwötpuk yeñgö iwi bömöñjini.

* 17:7: Luk 1.55 * 17:8: Apo 7.5 * 17:10: Apo 7.8; Rom 4.11 † 17:15: Qetñi kewögöra uteköyök: Yañön ambazip kambuñi kambuñi gwötpuk aka kiñ kembu tosatñi yeñgö nam bömöñjina akña.

Nöjñn kötuatköm wangibiga yaññn ambazip kambuñi kambuñi gwötpuk yengö nam bömöññina akña. Yanñö gwölöñarökurupñi yengöreñök tosatñan köñagesö kambu yengöreñ azi kembuñi kembuñi akña.”

¹⁷ Kembunöñ mewö jiiga Abrahamnöñ mi möta simin köla bamgöba uruñan kewö mötmöriba miangöra gön kölok, “Azi yambuni 100 akiga morö nahöñan möñö denöwö asuhubawak? Mewöyök Saranöñ yambuñi 90 aiga möñö denöwö morö membawak?”

¹⁸ Abrahamnöñ mewö mötmöriba welipköba Anutu kewö qesim wangiyök: “Göññn ölop Ismael kuñgum wanginöñga qetki bisiiga nöñgö gwölöñarökurupni mi yanñgöreñök asuhume.”

¹⁹ Mewö qesiiga Anutunöñ kewö meleññök, “Anömgi Saranöñ möñö göhö morö nahöñgi mema. Mi meiga qetñi Aisak (gön kölja) qetman. Nöjñn Aisakpuk aka yanñö gwölöñarökurupñi yembuk jöhöjöhö areñni mi al köhöibiga teteköñi qahö ahöm öñgöma. ²⁰ Ismael kötuatköm wangimangö qesim ningizani, mi mewöyök ölop möt gihiba kötuatköm wangimam. Yanñn azi kembu 12 miengö iwi bömöññini akña. Nöjñn ahumsehip wangibiga gwölöñarökurupñi yanñö yanñgöñinan möñö keta bölökñi akña. Yanñn sehiba köñagesö kambu ketanñi akña.

²¹ Mewö akrjemö, Saranöñ nahöñgi Aisak mi yambu euneangö nalö kewöñe memawi, nöjñn möñö nani jöhöjöhö areñni mi yambuk al köhöimam.” ²² Anutunöñ Abrahambuk keu jiyohori, mi teköiga i mosöta wahöta öñgöyök.

²³ Wehön miangöreñök Abrahamnöñ Anutugöreñ keu tem köla nanñi nahöññi Ismaelgö sileñe Anutugö aiwesökñi yandiyök. Mewöyöhök welenqeçeurupñi nanñi miri uruñe asuhuetka tosatñi moneññnöh bohonñini meiga malgeri, azi pakpak mi yanñö miri uruñe tatkeri, i möñö körek mewöñanök ak enñgiyök. ²⁴ Abrahamnöñ yambuñi 99 aiga sileñe aiwesök mi yandiget. ²⁵ Nahöññi Ismael mi yambuñi 13 aiga sileñe mi yandiget. ²⁶ Abraham aka nahöññi Ismael yetkö sileñire aiwesök mi sömañ mohot miangöreñök yandiget. ²⁷ Azi pakpak Abrahamgö miri uruñe tatkeri, tosatñan nanñi miri uruñe asuhuetka tosatñi mi kian yanñgöreñök bohonñini meiga malgeri, körek yanñö sileñine aiwesök mi mewöñanök yandiget. Mewö.

18

Saranöñ azi morö memawangö keuñi Anutunöñ jiyök.

¹ Abrahamnöñ Mamre mire in ip ketanñi ketanñi miengö sutñine maliga Kembunöñ asuhum wangiyök. Silim miangöreñ wehön jitñi sihitñi köhöikñi qeiga Abrahamnöñ opo seri kounñangö numbuñe tarök. ²*Tata uba wahöta ehiga azi karöbutñan wösöñe kinget. Kingetka engeka opo seri koun numbuñeyök wölanñ wahöta jömjölöñini jiba enñgungitmamgöra kiñkiñgöba anök. Anda waikñini memba simin köla gölmenöñ bamgöba geyök.

³ Geba kewö jiyök: “O Kembu-urupni, nöjñn enñgö welenqeçerñini aka enñgö jeñine kalem möriam miwikñaiba maljal ewö, iñini möñö ni kude nonñgita anme. ⁴ Ni enñgö welenqeçerñini aka ölop o moröñi kun memba kaba enñgibiga köñarñini sanñonñda ip kianñgö aumñe tata luhut meme. ⁵ Nöjñn ölop nene moröñi kun memba kaba enñgibiga neme. Miangön mem köhöim enñgiiga ölop köna kunbuk toroqeba anme. Nöjñn kewöröpni malbiga iñini ni göda qem ningiba kazeangöra ölop welen qem enñgimam. “Mewö jiiga meleñda kewö jiget: “Saiwap, jizanañgö dop mewö ölop akin.”

⁶ Mewö jigetka Abrahamnöñ ösumñan kiñkiñgöba seri koun uruñe anda öñgöba Saragöra kewö jiyök: “Möñö ösumok plaua ölop kötökñi amae (dis) karöbutkö dop memba meleñda yanñgöra bered ohoman.” ⁷ Mewö jiba ösumñan bulmakau kambunöñ anda bulmakau döññi busuñi löwötñi möwölöhöba welenqeçerñi kun wangiiiga köñahiba ösumok qeba möhamgöba ohoyök. ⁸ Mi möhamgöba ohom teköiga mi, kölok kosökñi aka juju o tosatñi memba anda azi tatkerangö bapñine alök. Bapñine aliga memba tatketka nanñi nalö miangöreñ kösutñine ip köñane galömñina kinök.

* 18:2: Hib 13.2

⁹ Kiniga kewö qesim wangiget: “Anömgi Sara mi denike?” Qesim wangigetka jiyök: “I opo seri koum uruñe endu tatza.”

¹⁰ Mewö jiiga azi yengöreñök kunñan kewö jiyök: “Yambu mohotkö dop teköiga nöñön ölña lilingöba ki kabiga anömgi Saranöñ mönö morö nahönñambuk aka malma. “Mewö jiyökmö, Saranöñ opo seri koumgö numbuñe apñangö andöñe kinda keu mi kezapñe geiga mörök.* ¹¹ Abraham aka Sara yetkön lök ambazip namñi ahotka yambuñiran gwötpuk ketanji aiga malohot. Saranöñ köiñgö angeka malöhi, miangö nalöñan lök ongit teköyök. ¹² Miangöra Saranöñ mi möta uruñan kewö mötmöriba gön kölok: “Nöñön lök ambi namñi sohoholiñi akiga apni azi kembunan mewöñanök azi namñi aiga yambuk ahöahögö sihimnan kunbuk asuhubawak me qahöpto?”*^{*}

¹³ Mewö mötmörriiga Kembunöñ Abraham qesim wangiba kewö jiyök: “Saranöñ wanigöra gön köla kewö mötmöriza: ‘Nöñön ambi namñi kötökñi aka ölña morö membileñak me?’ ¹⁴ Kembunöñ mönö yuai kungöra qahö kötökñi qakömakza. Miangöra jizali, ‘Yambu mohotkö dop teköiga nöñön ölña lilingöba ki kabiga Saranöñ mönö morö nahönñambuk aka malma.’”*

¹⁵ Saranöñ keñgötñi möta mi köyatiba kewö jiyök: “Ni gön qahö köljäl. “Mewö jiyökmö, Kembunöñ kewö jiyök: “Qahö, gi gön ölña köljan. “Mewö.

Abrahamnöñ Sodom taongöra köuluköyök.

¹⁶ Mewö jiiga azi karöbut yeñön wahöta etkömosöta Sodom taonöñ göröken eleñda anbingö aket. Abrahamnöñ mewöñanök i engbulmamgöra yembuk mohotñe anget. ¹⁷ Kembunöñ nanñangöra kewö jiyök: “Ni yuai akñangö mötzali, mi alani Abrahamgöra ölop qahö asambötмам. ¹⁸ Kewögöra mi asambötмамgö osizal: Abrahamnöñ nöñgö alani qainñi kun aka ahumsehip aiga könagesö ketanji kukösumñinambuk aka malme. Nöñgö kötümötuetnan mönö yangöra aka gölmegö könagesö kambuñi pakpak yengö qakñine öngöiga oyaenköyaen akñe. ¹⁹ Nöñön i kewögöra möwölöhöm wangial: Yanñön nahönböroraturupñi aka gwölönarökurupñi yangö andöñe asuhuba mal öngömei, yengöra Kembangörej köna kondela ahakmeme diñdiñi dop kölakzawi, mi wuatangömegöra jim kutum engiba malma. Mewö maliga tem köla wuatangöba malme ewö, Kambu nöñön Abrahamgöra yuai asuhumapkö jim jöhöyali, miangön mönö ölñambuk pakpak ahakña.”

²⁰ Kembunöñ nanñök mewö jiba toroqeba Abrahamgöra kewö jiyök: “Sodom aka Gomora yeñön siñgisöndok lömbötñi lömbötñi aka malgetka kahasililiñ öngöñgöñi ketanji asuhuiga gwötpukñan miangöra qeta sahörakze. Miangöra yengö siñgisöndokñi-nangö keuñan mönö qariba qariba keta bölökñi akza. ²¹ Miangöra nöñön mönö yengöreñ geba könañamñini ekñam. Kahasililiñ akerangöra aka gwötpukñan nöñgö jene qeta sahöta malgeri, mi pakpak ölña aket me qahö, mi nöñön kewöta mötmangö mötzal.”

²² Mewö jiiga azi yahötñan eleñda Sodom göröken anohotmö, Abrahamnöñ toroqeba Kembangö jemesoholñe kinök. ²³ Kinda Kembangö kösutñe anda kewö qesim wangiyök: “Gi ambazip solanñi aka ambazip anğöjörakñinambuk mi mohotñe ayuhum engimamgöra jizan me? ²⁴ Taon miangöreñ ambazip solanñi 50 malje ewö, gönön i ölña ayuhum engimamgö jizan me? Taon mi yengöra aka engehoribanak me qahö? ²⁵ Gönön mewö akñangö osibanak. Mi yapmakek! (qahöpmahöp!) Gönön ambazip solanñi mi ambazip anğöjörakñinambuk yembuk mohotñe mindiriba engunöñga qahö dop kölbapuk. Mewö öröröñ kömumbepuk. Gönön gölme ambazip pakpak yengö keuñini jim tekömakzani, miangöra mönö nanñi könagi diñdiñi wuatangönöñga dop köлма.”

²⁶ Abrahamnöñ mewö jiiga Kembunöñ melenñda kewö jiyök: “Nöñön Sodom taonöñ ambazip solanñi 50 miwikñaim engimam ewö, yengöra aka taon pakpak mi ölop engehorimam.”

²⁷ Mewö jiiga Abrahamnöñ kunbuk kewö jiyök: “Kambu, ni nesak sömsöm omañi ewö akzalmö, töndup keu köhöikñi Kembunangöra kuñguba jizal. Mi kude dop köljapmö,

* 18:10: Rom 9.9 * 18:12: 1 Pitö 3.6 * 18:14: Luk 1.37

mi töndup ölop ni möt ningiman. ²⁸ Taon miangörej ambazip solanji 50 qahöpmö, 45 miyök malbeak ewö, göjön ambazip 5 yengöra aka taon pakpak mi töndup ayuhum engiman me qahö?" Mewö jiiga Kembunöj kewö jiyök: "Nöjön ambazip solanji 45 miangörej miwikñaim engimam ewö, taon mi mönö qahö ayuhumam."

²⁹ Abrahamnöj dumje kunbuk keu kewö jiyök: "Ambazip solanji 40 miyök miangörej miwikñaim engiman ewö, mönö denöwö akanak?" Mewö jiiga kewö melenök: "Ambazip 40 yengöra aka taon mi qahö ayuhumam."

³⁰ Mewö jiiga jiyök: "O Kembu, urugi öngöbapukmö, ni kunbuk keu jimangö mötzal. Ambazip solanji 30 miyök miangörej miwikñaim engiman ewö, mönö denöwö akanak?" Mewö jiiga kewö melenök: "Ambazip solanji 30 miangörej miwikñaim engimam ewö, nöjön mönö taon mi qahö ayuhumam."

³¹ Abrahamnöj toroqeba kewö jiyök: "Kembu, ni keu köhöikñi Kembunangöra kunguba jizal. Mi kude dop köljamö, mi töndup ölop möt ningiman. Ambazip solanji 20 miyök miangörej miwikñaim engiman ewö, mönö denöwö akanak?" Mewö jiiga kewö melenök, "Ambazip 20 yengöra aka taon mi qahö ayuhumam."

³² Mewö jiiga Abrahamnöj kunbuk kewö qesiyök: "O Kembu urugi öngöbapukmö, ni kunbuk sömañi mohot-töp ki keu jimangö mötzal. Ambazip solanji 10 miyök miangörej miwikñaim engiman ewö, mönö denöwö akanak?" Mewö jiiga kewö melenök, "Ambazip 10 yengöra aka taon mi qahö ayuhumam." ³³ Mewö eraum-mörohot teköiga Kembunöj Abraham mosöta aniga yanön kunbuk lilingöba miriñe kayök. Mewö.

19

Sodom aka Gomora yengö angjöörak malmalñini

¹ Suet garata yahöt mi Abraham mosöta anda mare aiga Sodom angorohot. Angorohotka Lot azi mianön taon miangö kiripo nangune tarök. Tata etkeka wahöta jömjölönjiri jiba enguangitmamgöra anda gölmenöj simin köla bamgöba geyök. ² Geba kewö jiyök: "O kembuyahötñi, injiri ölop welenqeçejiri nöngö mire kaba könañiri sanjonja mohotje sunjem ahöbin. Ahöba wahöta ölop söjanök köna toroqeba anmahot. "Mewö jiyökmö, yetkön kewö jiyohot: "Qahö, niri ölop qenjarök sombem kunöj anda ahöbit."

³ Mewö jiyohotmö, Lotnöj kapañ köhöikñi köla jiba etkuangita nanji miriñe anda öngöget. Öngöba welenqeçeurupñi jim kutum engiiga bered yistñi qahö ohoget. Mewöyök numbu nene nahömñambuk möhamgöba ohoba etkigetka neyohot.

⁴ Mi nempa gaun ahöbitkö ahotka miangörejök Sodom ambazipnöj kaba miri mi liliköget. Sodom taongö bahöñi pakpak miangörejök ambazip namñi aka sepgwölö mi totnöj totnöj lömbötñambuk öröba kangotket. ⁵ Kangota Lotköra kewö qetket: "Azi yahöt mare göhörej kazahori, mi denike? Azi nini yetpuk sero akingöra mötzin. Miangöra mönö i etkuangita nengörej etme."*

⁶ Mewö qetketka Lotnöj nanggu metala yengörej geba andöje nanggu kölok. ⁷ Nanggu köla kewö jiyök: "Alaurupni, mewö qahö. Silik bölöñi mi kude akñe. ⁸ Mötket. Nöngö böratni yahöt seram mala nalö kunöj azibuk qahö ahöyohot. I ölop engöra etkuangita etpiga wanat yuaia akingö mötzei, mi ölop sihimñini meköme. Mewömö, nöngö miri boñan azi yahöt etkualönja sel jöhöm etkizawi, ia mönö yuai bölöñi kun qahöpmahöp ak etkime."

⁹ Mewö jiyökmö, yenön kewö melenja terinja qetket: "Möno kesalnöj. Göjön ki kaba kiana mala nangahöra ninja jiba mötnöj öngöiga ninia pöndañ jim kutum nengimamgö mötzan? Yetkön qahö kamahot ewö, mönö nangak nengörej kanönga mönö kahasililij keta bölökñi nangi ak gihibin. "Mewö jiba Lot utalgetka kököndöt aniga öngöba miri nangunji qesinbingö aka kinget.

¹⁰ Mewö aka kingetmö, azi yahöt mietkön börönjiri böranda Lot öröm gilohotka miri uruje öngöiga nanggu kölohot. ¹¹ Nanggu köla kinda azi ketañi moröñi miri nangune

* 19:5: Kemb 19.22-24

yaigep kingeri, mi jiyohotka keu jitjiran engualöjniga jejini gömöliiga jipjap kota nanngu miwikñaibingö mezañqezan aka jaruba osiget. Mewö.*

Lotnön Sodom gölme mosörök.

¹² Azi yahöt yetkön Lotköra kewö jiyohot: “Gi nahönurupki, qingiböraturopki aka tinilosomurupki tosatñi pakpak taon kiangörej maljei, i mönö enguangitnönnga taon ki mosöta anme. ¹³ Nini taon ki ayuhuba köndemönderbin. Könagesö kiengö kahasililingöra gwötpukñan Kembugö jeñe önöñi qahö qeta sahöta malget. Miangöra yañön melaim netkiiga gölme ki ayuhuba köndemönderbitköra ki kazit.”

¹⁴ Mewö jiyohotka möta Lotnön anda qingi buña yahöt böratyahötñi etkömembitkö jiiga malohori, yetköra kewö jiyök: “Injiri mönö ösumok wahörohotka miri ki mosöta anbin. Kembunön taon ki ayuhuba köndemöndermamgö akza. “Mewö jiiga yetkön keu mi mörohotka göngönahit tandök ahök.

¹⁵ Miri wangaran suruiga Suet garata yahöt yetkön Lot öröm kuñgum wangiba kewö jiyohot: “Anutunön Sodom yengö siñgisöndokñinangö likepñi melennda taonñini köndemönderma. Göñön yembuk mohotñe ayuhubanbuköra mönö zilañ wahöta anömgi aka böratyahötñi göbuk tatzahori, mi enguangita taon ki mosötket.”

¹⁶* Mewö jiyohotka Lotnön toroqeba eksekpeksek aiga azi yahöt yetkön Lotkö böroñi melanjiba memba anömñi aka böratyahötñi yengö böroñini mewöñanök melanjiba memba enguangita taon sileñe anget. Kembunön mewö ak kömum engiyök. ¹⁷ Taon sileñe angetka azi yahöt yetköreñök kunön keu kewö jiyök: “Malmalñini angön kölmegöra mönö ösumok misingöba angaitme. Andöñine kude lilingöba uba anda gölme köröñe endu angota miangörej mewöyök dörok kude alme. Ayuhubepuköra mönö kundune eu öngöba misingöba angaitme.”

¹⁸ Mewö jiyökmö, Lotnön kewö jii mörohot: “O Kembuni, göñön mewö akingöra kude jiman. ¹⁹ Göñön malmalnangö bohonñi jöhöba ak-kömukömu ketanji kondelnönnga göhö jege ölna kalem möriam miwikñaiba welenqeqegi akzalmö, mötnön, nöñön kundune eu misingöba angaitmamgö osimam. Köndemönder kiangön nöñgö qakne öngöiga kömumbilenbuköra keñgötñi mötzal. ²⁰ Mötnön, taon moröni kun endu ahöi ekzani, miangön köröñi qahöpmö, ölop anbinangö dop akza. Miangöra ölop jinönnga miangörej misingöba angaita ölöwaka malbin. Miri morörökñi mi eknönnga dowe ahöiga miangörej ölop anda malmalnangö bohonñi jöhöbin.”

²¹ Mewö jii mörohotka kunön kewö meleñök: “Mi ölop! Keu jizani, miangöra mewöyök ölop imbi köl gihimam. Taon moröñangöra jizani, mi qahö ayuhumam. ²² Mi qahö ayuhumam-mö, inñi mönö ösumok miangörej misingöba angaitme. Miangörej qahö angotketka nalö sutñi kewöñe nöñön yuai kun akñamgö osimam. Inñi mutuk miangörej angotketka miangö andöñe ölop jim kutubiga köndemönder asuhuma. “Lotnön taongöra ‘morodökñi’ jiyöhangöra aka taon miangö qetñi mi Zoar (morodökñi) qetketka ahöza.

Kembunön Sodom aka Gomora köndemönderñök.

²³ Wehönön lök koriga Lotnön Zoar taonön kançorök. ²⁴* Kançoriga Kembunön jiiga suepnöhök Kembugö mireyök salfa köt köñpñambukñi mi kie ewö Sodom aka Gomora yengö qakñine eta turum engiyök. ²⁵ Turum engiba miangön taon yahöt mi aka gölme köröñi pakpak kösutñire ahözawi, ambazip körek miangörej malgeri aka ip kösö yuai görökñi (töngönñi) gölme miangörej ahögeri, mi ayuhum engim teköyök. ²⁶ Lotkö anömñan apñi wuatangöba anda kunbuk eleñda andöñe uba miangörejök letota sihi köt aka tandö ewö kinök.*

²⁷ Abrahamnön söñanök wahöta mutuk Kembugö jemesoholñe kinda keu eraum-mörohoñi, miangörej anök. ²⁸ Miangörej anda kinda Sodom, Gomora aka gölme köröñi ketanji pakpak miangörej göröken ui aniga gölme miangörej köwak inñi ketanjan

* 19:11: 2 Kij 6.18 * 19:16: 2 Pitö 2.7 * 19:24: Mat 10.15; 11.23-24; Luk 10.12; 17.29; 2 Pitö 2.6; Jud 7 * 19:26: Luk 17.32

tokoba koriga ehök. Mi könöp ketañi ohogetka köwak ketañi wahörakzawi, miangö dop ahök. ²⁹ Anutunöñ gölme köröñi miangö taonñi taonñi ayuhuba könderñmönderñda nalö miangörej Abraham mötmörim wañgiyök. Behötñi Lotnöñ taon miengörej maliga miengön meleşni gebingö aketka Anutunöñ nalö miangörejök jim kutuiga Lot könderñmönderñ miangö uruñeyök wañgita kaget. Mewö.

Moab aka Amon könagesö yeñgö könajini

³⁰ Lotnöñ Zoar taonöñ malmangö keñgötñi mörök. Miangöra börtayahötñi etkuwañgita Zoar mosöta gölme kundunambuk miangörej anda tatket. Börtayahötñi yahöt yetpuk bañet uruñe ahöm wahöt aka malget. ³¹ Miangörej mala börtatñi ketañan nalö kunöñ munñañgöra kewö jiyök: “Naniri iwiniran lök azi namñi akza. Ambazipnöñ gölme dop miangörej amimba nahönbörat miwikñaim eñgimazemö, gölme kiangörej azi kun netkömemapköra qahö malja. ³² Miangöra ölop kaba iwiniri wain o wañgizi namba uruñi eñololoñ aiga yambuk ahöba gölöm ala gwölönarök miwikñaiziga könagesöninan toroqeba malme.”

³³ Mewö jiba suñgem miangörejök iwiñiri wain o wañgiyohotka neyök. Namba uruñi eñololoñ aiga datñan anda yambuk ahöyök. Wani nalönöñ qöhöröñe kayök aka wani nalönöñ wahöröhi, mi iwiñan qahö mörök.

³⁴ Ahöba wahöta börtatñi ketañan munñañgöra kewö jiyök: “Nöñön uran suñgem iwinambuk ahöyal. Ölop merak suñgem mewöyök wain o kunbuk wañgizi namba uruñi eñololoñ aiga göñön mönö anda yambuk ahömahot. Mewö ahöba iwinirañgörejök gölöm ala gwölönarök miwikñaiziga könagesöninan toroqeba malme.”

³⁵ Mewö jiba suñgem miangörej mewöyök iwiñiri wain o wañgiyohotka neyök. Namba uruñi eñololoñ aiga munñan anda yambuk ahöyök. Wani nalönöñ qöhöröñe kayök aka wani nalönöñ wahöröhi, mi iwiñan qahö mörök.

³⁶ Mewö ahotka miangöra mohotñamñire iwiñirañgörejök gölöm alohot. ³⁷ Börtatñi ketañan morö azia namba qetñi Moab (iwinangörejök) qerök. Moab yañgö gwölönarökurupñan ahumsehip aka kotketka nalö kewöñe mewöyök qetñini Moab könagesö qerakzin. ³⁸ Börtatñi moröñan mewöñanök morö azia namba qetñi Ben Ami (könagesönañgö nahöññi) qerök. Azi miangö gwölönarökurupñan ahumsehip aka kotketka nalö kewöñe mewöyök qetñini Amon könagesö qerakzin. Mewö.

20

Abraham aka Abimelek.

¹ Abrahamnöñ Mamre miri mosöta toroqeba Saut göröken distrik qetñi Negew miangörej anda miri qetñiri Kades aka Sur mietkö sutñire malök. Miangö andöñe toroqeba taon qetñi Gerar miangörej anda kusukñanök malök. ² *Miangörej mala ambazip miengöra kewö jii mötket: “Sara mi nena. “Mewö jiiga Gerargö kiñi Abimelek yañön keu ali aniga Sara wañgita jakömbuak miriñe kaget.

³ Mewö aketmö, Anutunöñ suñgem kunöñ Abimelekoreñ kaba gaunöñ kewö jiyök: “Ambi buña qem añguzani, mi azi kungö anömña. Miangöra gi mönö yañgöra aka kömupkö buñaya akñan.”

⁴ Mewö jiyökmö, kiñ Abimeleknöñ Sara qahö meyöhañgöra aka kewö jiyök: “Kembu, ni siñgisöndökö keuni qahö. Miangöra göñön ni aka könagesöurupni nini öne töhön ayuhum neñgibanbuk. ⁵ Abrahamnöñ mönö nanñak nöngöra kewö jiyök: ‘Ambi mi nena.’ Ambinöñ mewöyök kewö jiyök: ‘Abraham mi nena.’ Miangöra urune geñmoñ qahö ahöiga ambi mi jibi kaiga börönan yuai tölokñi kun qahö ahal.”

⁶ Mewö jiiga Anutunöñ gaunöñ likepñi kewö jii mörök: “Keu jizani, mi ölna. Göhö uruge geñmoñ kun qahö ahöiga göhöreñ kayöhi, mi mötzal. Miangöra göñön ambi mi misiriba nöngö jene siñgisöndök akanbuköra sel jöhöm gihiba malal. ⁷ Mewögöra ambi mi mönö kunbuk meleşda añañgörej wañgiman. Azi mi kezapqetok azia aka ölop

* 20:2: Jen 12.13; 26.7

göhöra köuluköiga qahö kömuman. I kunbuk qahö waŋgiman ewö, keu ki mönö ölŋa mötman: Gi aka tinitosolomurupki iŋini mönö körek kömume.”

⁸ Keu mi jii kiŋnön möta söŋanök wahöta pom jembonurupŋi pakpak engohol tokom engiba Kembunön keu pakpak jiyöhi, mi jii möta töwöratiba keŋgötŋini gwötpuk mötket. ⁹ Mewö mötketka kiŋ Abimeleknön Abrahamgöra keu ali öŋgöiga kewö jiba qesim waŋgiyök: “Gi mönö wani kimbial ak neŋginön? Nönön wani bölönŋi kun ak gihibiga göŋön kondotnönŋa ŋiŋisöndökö keu lömbötŋan mönö ni aka könagesöni nönŋö sel tohoŋ uruŋe maljei, neŋgö qaknine öŋgömamgö akza? Göŋön yuai qahö ahakŋaŋgö dop mia soŋgo walönŋa ak niŋginön. ¹⁰ Göŋön mönö könari wuanönŋöra silik mi aknöŋe?” Kiŋ Abimeleknön Abraham mewö qesim waŋgiiga

¹¹ kewö meleŋnök: “Nönön keu mi kewö mötmöriba jial: ‘Gölme kiaŋgö könagesö eŋön Anutugö jitŋi öŋgitpinbuköra keŋgötŋini qahö mötpeak. Miaŋgöra ni anömnangöra aka nuŋguget kömumbilenbuk.’ ¹² Yaŋön ölŋa neni, iwinangö böratŋi akza. Namnangö böratŋi qahö akzawangöra i anöмна meal. ¹³ Anutunön Iwinangö miriŋi mosöta kungen anmangö jiyöhi, nönön nalö miaŋgöreŋ Saragöra kewö jial: ‘Niri denike denike anbiri, miaŋgöreŋ nönŋöra nena jiman. Mewö aka miaŋön ni urukalem kondel niŋgiba malman.’”

¹⁴ Mewö jii möta Abimeleknön Abrahamgö anömŋi Sara meleŋda waŋgiyök. Mewöŋanök lama bulmakau aka welenqeŋe azi aka ambi mi mohotŋe i waŋgiyök. ¹⁵ Waŋgiba keu kewö jiyök: “Mötnön. Nönŋöreŋ gölme ki wösöŋe ahözawi, miaŋgöreŋ mönö nangi sihimgahö dop malman.” ¹⁶ Mewö jiba Saragöra kewö jiyök: “Mötnön. Nönön moneŋ silwö köt 1000:gö dop nengi waŋgibiga miaŋön töwagi akza. Töwa miaŋön könangamŋi kondeliga ambazip körek göbuk maljei, yeŋön mi eka kewö jiba möt yaköme, ‘ŋiŋisöndökö keuŋi mi Saragöreŋ qahö ahöza.’” Mewö jiyök.

¹⁷⁻¹⁸ Abrahamgö anömŋi Saragöra aka Kembunön ambi pakpak kiŋ Abimelekö miri uruŋe malgeri, yeŋgö morö memegö könari jöhöyök. Miaŋgöra Abrahamnön Anutu köuluköiga Abimelek mem ölöwahök. Mewöyök anömŋi aka welenqeŋe ambiurupŋi mem ölöwak enŋiiga kunbuk morönjinambuk aket. Mewö.

21

Aisak asuhuyök.

¹ Kembunön Sara kalem möriam waŋgimangö keuŋi jim jöhöi ahöyöhi, miaŋgö dop i ek galöm ak waŋgii malök. Keu jiyöhi, miaŋgö dop i kewö ak waŋgiyök: ² Saranön gölöm aliga Abrahamnön azi namŋi aiga töndup yaŋgö morö nahönŋi meyök. Anutunön morö nahön asuhumapkö keuŋi qeljiŋe jim jöhöyöhaŋgö dop mi mönö nalö miaŋgöreŋök asuhuyök.* ³ Saranön Abrahamgö morö nahönŋi meiga qetŋi Aisak (gön kölja) qerök. ⁴ Qeriga Aisaknön wehönŋi 8 aiga nalö miaŋgöreŋ Anutugö aiwesökŋi sileŋe yandiyök. Anutunön keu jim kutui ahöyöhaŋgö dop mi yandiyök.* ⁵ Abrahamnön yambuŋi 100 aiga nahönŋi Aisak asuhuyök. ⁶ Asuhuiga Saranön keu kewö jiyök: “Anutunön gönkölköl miwikŋaim niŋgiyök. Miaŋgöra denike yeŋön nönŋö kösohotni mötmei, yeŋön mönö nömbuk gön kölme.” ⁷ Mewö jiba toroqeba kewö jiyök: “Saranön morö galömkölkölŋa akŋawi, daŋön keu mi qeljiŋe möta Abrahamgöra jibawak? Mewö qahöpmö, nalö kewöŋe yaŋön azi namŋi aiga nönön töndup yaŋgö nahönŋi meal. “Mewö. ⁸ Aisaknön qariba juzu mosöriŋa wehön miaŋgöreŋök Abrahamnön nene lömbuan ketari alök.

Saranön Hagar aka Ismael közöl etkiyök.

⁹ Ijpt ambi Hagarnön Abrahamgö morö nahönŋi Ismael meyöhi, yaŋön nalö kunön munŋi Aisak ilita mepaiköba gönawöt ak waŋgiiga Saranön mi ehök.

¹⁰ Mewö eka Abrahamgöra kewö jiyök: “Welen ambigö nahönŋan mönö nönŋö nahöni Aisakpuk göhöreŋ öroyuai mi qahö mendeŋda buŋa qem aŋgumahot. Welen ambi mi aka nahönŋi mi mönö közölnönŋa anmahot.”* ¹¹ Saranön keu mi jiyöhi, miaŋön Abrahamgö

* 21:2: Hib 11.11 * 21:4: Jen 17.12; Apo 7.8 * 21:10: Gal 4.29-30

uruñi qeiga Ismael mi nahönñi ahöhangöra aka urueret möriga uruñi mötökömbuk ahök.

¹² Mewö ahiga Anutunöñ yanğöra keu kewö jiyök: “Nahöngi aka welen ambigi Hagar yetköra mönö urugoro ketanji kude mötman. Aisakö gwölönarökurupñi yeñönök mönö göhö qetbuñagi bisiba malme. Mianğöra Saranöñ keu göhöra jizawi, mi pakpak mönö möta tem kölman.* ¹³ Welen ambigahö nahönñan göhö gwölönaröki akzawangöra nöñön i mewöñanök ahumsehip wangibiga gwölönarökurupñan könagesö ketanji akçe.”

¹⁴ Mewö jii möta Abrahamnöñ ahöba söñan kötökçe wahöta nene tosatñi memba o uu (ou huhu) lama sileñan memenji mianñon o uba kaba Hagargö qamböñe ala mindingöba nahönñambuk melaim etkiiga mosöta anohot. Anda Berseba gölme qararanğölkölñe anğota liliköba malohot. ¹⁵ Malohotka lama sileñe o memba anöhi, mianñon qahöwahiga nahönñi mi böñbañ ip köhösoñi kungö bapçe ali ahöyök. ¹⁶ Ali ahöiga kinda kewö möt-möriyök: “Nahönan jeni qakçe kömumawi, mi ekñangö osiba jemöron akzal. “Mewö mötmöriiba pokom mulget anakzawangö dop tikep anda tata silata sahöt gigilahöyök.

¹⁷ Morö sahöröhi, mi Anutunöñ möriga garatanan suepnöhök Hagargö qeta kewö jiyök: “Hagar, gi wani lömbötkö uruñe maljan? Kenğotki kude mötnöñ. Morönöñ endu ahöba sahötzawi, Anutunöñ sahötñi mi lök mötza. ¹⁸ Mönö wahöta morö nahöngi gölmenöhök kököbihinöñ wahöriğa böroñe memba mökökölim wangiman. Nöñön i könangep ahumsehip wangibiga gwölönarökurupñan sehiba könagesö ketanji qetbuñanambuk akçe.” ¹⁹ Suep garatanöñ mewö jiiga Anutunöñ jeni metohoiga uba o lömñi kun ehök. Mi eka lama sileñi memba anda mianñon o uba kaba nahönñi wanggiiga neyök. ²⁰ Anutunöñ Ismaelbuk kiniga qariba gölme qararanğölkölñe mala erim nemi asia ahök. ²¹ Gölme qararanğölkölñi qetñi Paran mianğoreñ maliga namñan Ijpt kantrinöhök ambi kun memba anömña wangiyök. Mewö.

Abraham aka Abimelek yetköñ urujöhöhö ahot.

²² *Nalö mianğoreñ Abimelek aka yanğö yarö kambuñangö suahö galömñi qetñi Fikol yetköñ Abrahamğöra kewö jiyohot: “Göñön öroyuai pakpak aka memakzani, Anutunöñ mönö mianğoreñ göbuk kinakza. ²³ Mianğöra göñön mönö merak kianğoreñ Anutugö jeñe jöjöpañ keu kewö jiba jim köhöiman: ‘Nöñön gi, moröurupki aka gwölönarökurupki embuk isimkakalek kun kude aka malmam.’ Mewö jim köhöiba nöñön ak kömum gihiba malali, mianğö dop göñön mönö mewöñanök gölme ki aka ni ak kömum netkiba malman. Gi gölme kianğoreñ kiana aka maljan.”

²⁴ Mewö jiyohotka Abrahamnöñ kewö jiyök: “Nöñön jöjöpañ keu mi ölop jiba jim köhöimam.”

²⁵ Mewö jiyökmö, Abimelekö welenqeçeurupñan o löm kun nanñinangöra anğon kölgeri, Abrahamnöñ mianğöra Abimelek jim wangiyök. ²⁶ Jim wangiyökmö, Abimeleknöñ kewö melenđa jiyök: “Dañön silik mi ahöhi, mi nöñön qahö mötzal. Nangak mianğö keuñi kun mutuk qahö jinöñ möta mala merak-kun keu mi mötzal.”

²⁷ Mewö melenđa jiiga Abrahamnöñ anda lama aka bulmakau memba kaba Abimelek wanggiiga nalö mianğoreñök sutñire jöhöhöhö aka alohot. ²⁸ Mi ala Abrahamnöñ lama kambuñineyöhök lama ambiñi moröñi 7 meköm enğiba al enğii nanñinök kinget.

²⁹ Mewö kingetka Abimeleknöñ Abraham kewö qesim wangiyök: “Lama ambiñi moröñi 7 kewöta endu al enğinöñga nanñinök kinjei, mi könani wuanöngöra?”

³⁰ Qesim wanggiiga kewö melenñök: “Nöñön o lömñi ki esiali, keu mi jibiga mi möt narizan ewö, lama moröñi 7 ki mönö nöñgö böroneyök buña qem anğunöñga nöñgö keunangö dangunuñi akña.” ³¹ Mewö melenđa azi yahöt mi gölme mianğoreñ kinda jöjöpañ keuñiri jiba jim jöhöm anğuyohot. Mianğöra miri mianğö qetñi Berseba qerakze.

*

* 21:12: Rom 9.7; Hib 11.18 * 21:22: Jen 26.26 * 21:31: Berseba keu mianğö könani yahöt: sewengö o lömñi aka jöjöpañ keugö o lömñi.

³² Berseba mire jöhöjöhö mewö ahot teköiga Abimelek aka yangö yarö kam-buayangö suahö galömni Fikol yetkôn wahöta lilingöba Filistin yengö gölmenöy anohot. ³³ Anohotka Abrahamnöy berem ip kun Berseba miri miangörey kömöta Kambu Anutu bem konkon yangö qetni qeta köuluköyök. ³⁴ Köuluköba kinda Filistin yengö gölmenöy nalö köröpni kiana aka malök. Mewö.

22

Anutunöy Abraham esapköm wangiyök.

¹ Yuai mi asuhuiga nalö tosatni teköiga Anutunöy Abraham esapköm wangiyök. Qetni "Abraham!" qeriga yanön "Ni ki kinjal," jiba meleşnök.*

² Mewö meleşniga kewö jiyök: "Aisak nahöngi nanji mohotsirik urugan jöpaköm wangimakzani, i mönö wangita Moria gölmenöy anda kundunji kun kondel gihimami, miangörey öngöba i nöngö jöwöwöla ohoman."*

³ Mewö jiiga Abrahamnöy ahöba söjan kötökne wahöta donki qakne dum tatatni möhamgöba welenqeqeni yahöt aka nahönji Aisak enguangirök. Jöwöwölgö könöpni dopne köl teköba börangöba ala enguangita Anutunöy gölme jiyöhi, miangörey anök.

⁴ Anda mala wehön karöbutni miangörey jejan uba wahöta gölme mi ehiga köröwen ahöyök. ⁵ Mi eka welenqeqe yahötni yetköra kewö jiyök: "Injiri donkibuk ki tarohotka ni aka morö nahön netkôn endu anda Anutu waikni memba möpöseiba kunbuk lilingöba etkörey kabit."

⁶ Abrahamnöy mewö jiba jöwöwöl ohohogö könöp böranji memba nahönji Aisakö qamböne ali öngöiga nanjak könöp jit aka sou meyök. Mewö meiga mohotjamjire anohot. ⁷ Mewö anda Aisaknöy anj ala iwinji Abrahamgöra kewö jiyök: "Iwini!" Mewö jiiga kewö meleşnök: "Nahöni, wania?" Mewö meleşniga kewö qesiyök: "Könöp jitni aka könöp mia ki memba kazitmö, jöwöwöl ohohogö lamaanji mi denike?"

⁸ Mewö qesiiga iwinjan kewö meleşnök: "Nahöni, Anutu nanjak mönö jöwöwöl ohohogö lamaanji kun miwikjaiba netkima. "Mewö meleşniga toroqeba mohotjamjire anohot.

⁹ Anda Anutunöy gölme jiyöhangörey angota kinda jöwöwöl ohohogö altañi kun memba könöp miangö qakne ala arengöyök. Arengöba nahönji Aisak jöhöba altanöy könöp qakne al wangiyök.* ¹⁰ Al wangiba nahönji umangöra böröni böranda sou memba atöjnök. ¹¹ Atöjniga miangöreyök Kembangörey garatanöy Suepnöhök Abrahamgöra kewö qerök: "Abraham, Abraham!" Mewö qeriga "Ni ki kinjal," jiba meleşnök.

¹² Mewö meleşniga kewö jiyök: "Börögan mönö morögö qakne kude alman. Yangö qakne yuai kun kude akjan. Göjön nahöngi mohotsirik mi nöngöra qahö angön köljanangöra könanjamgi merak kewö möt yaközal: Gi Anutugö keu jitni ongitpanbuköra kengötöki mörakzan."

¹³ Mewö jiiga miangöreyök uba wahöta ehiga lama aziñi kun ilitjan böñbanj ip köhösonöy gili geiga kinök. Mi eka anda memba kaba nahönjangö salupne lama miangön jöwöwöl ohoyök. ¹⁴ Miangöra Abrahamnöy gölme miangö qetni mi 'Kembunöy miwikjaiba netkima,' jiba qerök. Nalö kewöne mewöñanök keu kewö jimakze: "Kembunöy mi kundunje miwikjaiba netkima."

¹⁵ Kembangö garatanjan Abrahamgöra Suepnöhök kunbuk kewö qeriga yahöt ahök: ¹⁶ "Kambu nöñön kewö jizal: Nanak nani qetni qeta jöjöpanj keu kewö jiba jim köhöizal: Göjön silik ki aka nahöngi mohotsirik mia nöngöra qahö angön köljani, ¹⁷ miangöra nöñön ölña gi kötuetköba ahumsehip gihibiga gwölönarökurupki yeñön önöñi qahö sehime. Sehigetka qötöñinan mönö suap könakembagö sengelañi ewö akña aka köwet jitne sakösiñ ahöm anjei, miangö dop akña. Göhö gwölönarökurupki yeñön mönö köhöiba kerökurupñini enguba luhut ala siti gölmenjini enguangita angön köla malme.*

* ¹⁸ Göjön nöngö keuni tem köljani, miangöra göhö gwölönarökurupki yengöreyök

* 22:1: Hib 11.17-19

* 22:2: 2 Kor 3.1

* 22:9: Jei 2.21

* 22:17: Hib 6.13-14

* 22:17: Hib 11.12

kungöra aka nöngö kötümötuetnan mönö gölmegö könagesö kambuñi pakpak yeñgö qakñine öngöiga oyaenjkoyaen akñe.”*

¹⁹ Kembugö garatañan mewö jiiga Abrahamnöñ morönambuk lilingöba welenqeqyahötñi yetköreñ anda aitongöba mohotñe Berseba mire anget. Abrahamnöñ Berseba miri miangöreñ opo seri koumñi mörörengöba malök. Mewö.

Nahorgö gwölönarökurupñi

²⁰ Nalö tosatñi teköiga buzup keu kun kewö jigetka Abrahamgöreñ kayök: “Milkanöñ mewöñañök nama akza. Yañön mungi Nahorgö nahönurupñi tosatñi engömeyök.”

²¹ Moröñi mutukñangö qetñi mi Uz, yañgö munñi Buz aiga yañgö könaje Kemuel, Aramgö iwiñi. ²² Kemuelgö könaje Kesed, Hazo, Pildas, Jidlaf aka Betuel. ²³ Betuelnöñ Rebekagö iwiña ahök. Milkanöñ Abrahamgö munñi Nahorgö nahönurupñi 8 mi engömeyök. ²⁴ Nahorgö anömñi bohonñi qahö memerñi qetñi Reuma yañön mewöñañök nahönurupñi tosatñi engömeyök. Yeñgö qetñini mi Teba, Gaham, Tahas aka Maka. Mewö.

23

Saranöñ kömuyök.

¹ Saranöñ mala mal öngöiga yambuñi 127 ahök. Saranöñ miangö dop malök. ² Mala Keinan gölmenöñ miri qetñi Kiriyaq, qetñi alañi Hebron qerakzei, miangöreñ kömuyök. Kömuiga Abrahamnöñ miangöreñök anömñangöra jinñen köla sahötmanögöra anök.

³ Anda sahöt teköba wahöta anömñangö qamötñi mosöta anda kinda Hit ambazip yeñgöra keu kewö jiyök: ⁴*“Ni engö sutñine kiana kaba qandak (kujuk) maljal. Miangöra iñini mönö gölmeninañgö bahöñi kun kiangöreñ niñgigetka bohonñi membiga qaksirini aiga alaurupni yeñgö qamötñini miangöreñ ala löm köl engimakñam.”

⁵ Keu mewö jiiga Hit yeñön melenña kewö jiget: ⁶ “O azi kembu, gi ölop neñgöreñ keu ki mötnöñ. Gi neñgö sutnine Anutugö azi jembonñi maljanangöra aka qaksirigi sihimgan denike ek soroköba memangö mötzani, miangöreñ mönö ölop qamötki löm kölman. Göñön qamötki esim kölman jinöñga neñgöreñök kunñan mi qahö angön köl gihima.”

⁷ Mewö jigetka Abrahamnöñ wahöta gölme tourupñi Hit ambazip yeñgö wösöñine geba sipköm engiyök. ⁸ Sipköm engiba kinda yeñgöra keu kewö jiyök: “Nöñön qamötñi esim kölmanögö ölop jime ewö, mönö nöngöreñ keu ki möta Zohargö nahönñi Efron yañgöreñ anda keu jitni ki toroqeba jiba kuñgum wangime. ⁹ Kuñgum wangigetka möta bañet qetñi Makpela yañgö buñaya aka nupñangö imbiñe göröken ahözawi, mönö mia jim teköiga söngöröñi memam. Mönö qesigetka bohonñi jömuk jim teköiga söngöröñi membiga nöngö qaksirini engö sutñine ahöma.”

¹⁰ Mewö jiiga Efronöñ alapurupñi Hit könagesö pakpak taonñinañgö kiripo nanguje kaba sombennöñ tokogeri, yeñgö sutñine tariga keu kezap ala mötketka Efronöñ Abrahamgöra kewö meleñ wangiyök: ¹¹ “O azi kembuni, mewö qahöpmö, mönö nöngöra kezap alnöñ. Nöñön gölme köröñi mi aka bañet miangöreñ kinjawi, mi kalema gihizal. Nani könagesöurupni yeñgö jeñine kinda mi gihibiga ekze. Qamötki mi ölop miangöreñ esim löm kölman.”

¹² Mewö jiiga Abrahamnöñ gölme tourupñi yeñgö wösöñine kunbuk geba sipköm engiyök. ¹³ Sipköm engiba kinda yeñgö jeñine Efrongöra kewö jiiga mötket: “Nöngöreñ keu ki mönö kezap ala mötnöñ. Göñön ölop mewö akanakmö, nöñön mönö gölme köröñi miangö bohonñi mi gihimam. Mi ölop jiba töwa menöñga nöñön qamötñi miangöreñ esim löm kölman.”

¹⁴ Mewö jiiga mötketka Efronöñ Abrahamgöra kewö meleñ wangiyök: ¹⁵ “O azi kembuni, nöngöreñ keu ki mönö kezap ala mötnöñ. Gölme miangö bohonñi mi 400 silwö

* 22:18: Apo 3.25 * 23:4: Hib 11.9, 13; Apo 7.16

kötñi (50 kilogram). Ala-ala akzirangöra aka miangön mönö netkö sutnire yuai omañi akza. Miangöra qamötki ölop esim löm kölman.”

¹⁶ Mewö melej wanggiiga möta Abrahamnön gölme bohonangö jangöñi Efronön Hit könagesö yeñgö jeñine jiiga mötkeri, miangö urumohot ahök. Jangöñi silwö kötñi 400 mi kölköl-örörö ambazipnön nalö miangörej bohonangö dopñi jiget ahöyöhi, miangö dop monej mi kewöta wangiyök.

¹⁷ Mewö wanggiiga Efrongörej gölme köröñi Mamre kösutñe Makpela miangörej ahöyöhi, bañet miangörej kinöhi aka ip pakpak gölme miangö jabö uruñe kingeri, miangö keuñi teköyök. ¹⁸ Keuñi teköiga Abrahamgö buñaya ahök. Hit könagesö pakpak taonñinangö kiripo nangunje kaba sombemnön tokogeri, yeñön töwañi mi eketka buñaji ahök.

¹⁹ Miangö andöñe Abrahamnön anömñi Saragö qamötñi mi Keinan gölmeğö bañetñe esim löm kölök. Bañet mi Mamre qetñi alañi Hebron miangö kösutñe gölme köröñi qetñi Makpela miangörej ahöza.

²⁰ Mewö asuhuiga gölme köröñi aka bañet miangörej kinjawi, mi Hit könagesö yeñön Abrahamgö buñaya qem wangigetka qaksiriñi ahök. Mewö.

24

Aisakö anömñi Rebeka mi wangita kaget.

¹ Abrahamnön azi namñi ahiga Anutunön yuai pakpak aka meyöhi, miangörej i kötuatköm wangii mala korök. ² Mewö ahiga nalö kunön miriñangö welenqeje jembonñi bohonñi, miriñi uruñe öroyuai ahöm wangiyöhi, miangö galömñi yangöra keu kewö jiyök, “Gi mönö keugi jim köhöimangöra börögi nöñgö tambuni bapñe alman. ³ Mewö ala Kembu, Suep aka gölme mietkö Anutuñirangö qetñe jöjöpaj keu kewö jiman: Nöñön Keinan könagesö yeñgö sutñine ki maljalmö, göñön mönö nahöñangö anömñi mi yeñgö nen böratñina kun kude memba wangiman. ⁴ Mewö qahöpmö, gi mönö nane kantrinön anda tinitosolomurupni yeñgöreñök nahöni Aisakö anömña wangita kaman.”

⁵ Mewö jiiga welenqeje jembonön kewö qesim wangiyök: “Anda jibiga ambi miangön nömbuk gölme kiangörej kamangö tököma ewö, nöñön mönö denöwö akñam? Nahöngi wangita kantri kanöñangörej kunbuk lilingöba anbit me qahö?”

⁶ Mewö qesim wanggiiga Abrahamnön kewö meleñök: “Qahöpmahöp! Gi nöñgö nahöni wangita miangörej kunbuk kude anmahot. ⁷ Suepkö Kembuñi Anutunön ni iwinangö miri aka ahياهو kantrineyök keu kewö jii mötpiga jöjöpaj keunön jöhöba noañgiri kayal: ‘Nöñön gölme ki mönö göhö gwölönarökurupki yeñgö buñaya qem engimam.’ Miangöra yañön mönö Suep garatañi melaiiga mutuk aniga göñön ölop nahöñangö anömñi mi miangöreñök wangita kaman. ⁸ Anda jinöñga ambi miangön göbuk kamangö tököma ewö, jöjöpaj keugi kiangön mönö qahö toroqeba jöhöm gihima. Nöñgö nahöni mi mönö qahö kötökñi wangita miangörej lilingöba anmahot.”

⁹ Mewö jiiga welenqeje jembonñan keu mi jim jöhöm wangiba jöjöpaj keunön jim köhöimangöra böröñi ketañamñi Abrahamgö tambuñi bapñe alök.

¹⁰ Mewö jim köhöiba kinda ketañamñangörej kamel 10 aka yangö köweñeyök yuai aködamunñinambuk könañi könañi mohotñe meyök. Mi memba mosöta Not Mesopotemia (Aram Naharaim) * kantrinön anda Nahornön taon malöhangörej añgorök. ¹¹ Añgota taon yaigepñe o lömñi kinöhangö kösutñe kamelurupñi al enjiiga siminñini mösököba geba luhut meget. Wehön jeñi gemangö aiga taongö ambiñi yeñön o ubingö o lömñe kaka nalöñini mi ahök. ¹² Miangörej kinda kewö köuluköyök: “O Kembu, ketañamni Abrahamgö Anutuñi, gi mönö merak töhötmöriam niñgiba ketañamni Abrahamgöra keu jim jöhönöñi, miangö öljñi asuhuma. ¹³ Mötnön, ni o löm kösutñe kiangörej kinbiga taongö ambi seramurupñini yeñön o ubingö kame.

* 24:10: Aram qet mi nalö kewöje Siria qerakze. Naharaim o töwatñi yahöt (Yufreitit aka Taigris) mietkö sutñire.

¹⁴ Kagetka kewö asuhumapköra köuluközal: Nöjñon ambi seram kungöra kewö jimam: ‘Gi ölop köurañengi möñgoninöñga (mondokönöñga) o nembilenak.’ Mewö jibiga yaññon kewö melejda jima: ‘Ölop nenöñga kamelurupki mewöyök o gumohom engimam.’ Mewö jimawi, ambi seram ia göññon welenqege azigi Aisakö buñaya qenöñi, yaññon mönö mia akña. Mewö asuhuiga göññon ketañamñañgöra keu jim jöhönöñi, mianñon öljambuk akza, mewö mötmam.”

¹⁵ Köuluk mi qahö köuluköm teköiga mianñgöreñök ambi kun qetñi Rebeka yaññon köurañen qamböñe anguba mianñgöreñ kañgorök. Yaññon Abrahamgö munñi Nahor aka anömñi Milka, yetkö nahönñiri qetñi Betuel yaññgö böratña ahök. ¹⁶ Ambi mianñgö kaisongolomñi mi eksihimñambuk kötökñi aiga ambi seram jömukñi azinöñ qahö memenja malök. Yaññon eta o lömnöñ geba o uba korök. ¹⁷ Koriga mianñgöreñök welenqege jembonöñ ösumñan yaññgö kösutñe anda kewö jiyök: “Gi ölop köurañengeyök o kun niñginöñga nembilenak.”

¹⁸ Mewö jiiga kewö melejñök: “O kembuni, ölop neman. “Mewö jiba ösumok köurañenñi böronñan memba eta monñgoniiga (mondoköiga) o neyök. ¹⁹ Mi neiga kewö jiyök: “Nöjñon kamelurupki yeñgöra mewöyök o uba engibi memba anda bikñini enguiga mosötme.” ²⁰ Mewö jiba ösumok köurañenñi mokoï o körek joutnöñ geiga kunbuk diñdingöba o lömnöñ o umamgöra geba kamelurupñi pakpak yeñgöra o dopñine uyök. ²¹ Mewö ahiga welenqege jembonöñ göröñ kinda i törörök eka kewö möta mötmöriyök: “Ölña, Kembunöñ köna köröpñi ki kayalañgö möriamñi mi mönö kewö kondori asuñuza me denöwö?”

²² Mewö mötmöriiba kiniga kamel yeññon o nem tekögetka welenqege jembonöñ pinjim (möpöñ) goulñöñ memenji kun lömbötñi 5 gram mi memba ambi seramgö söñgöronje ala böroñenñen goulñöñ memenji yahöt lömbötñiri 110 gram mi böronje mei öñgöyök. ²³ Mei öñgöiga kewö qesim wañgiyök: “Gi dagö böratña? Iwigahö miri uruñe neññon sunñgem ahöbinakö tiñi kun ahöza me qahö, mi ölop jinöñ mötpileñak.”

²⁴ Mewö qesim wañgiiga kewö melej wañgiyök: “Ni Betuelgö böratña. Abu asani qetñiri Milka aka Nahor.” ²⁵ Mewö jiba toroqeba kewö jiyök: “Neñgöreñ luplup aip aka kamel yeñgö gwözözak nenenji mi gwötpuk ahöza aka sunñgem gaun ahömegö tiñi mi mewöyök ölop kinja.”

²⁶ Mewö jiiga welenqege jembonöñ gölmenöñ geba bamgöba Kembugö waikñi memba möpöseiyök. ²⁷ Möpöseiba kewö jiyök: “O Anutu, ketañamni Abrahamgö Kembunji, nöññon gi möpöseim gihizal. Göññon ketañamñañgöra kalem möriamgö keugi jim jöhönöñi, mi törörök wuataññonöñga qahö sörauyök. Mianñgö dop Kembu göññon noaññitnöñga köna köröpñi ki kaba mala ketañamñañgö tinitosolomurupñi yeñgö mire kañgotzal.”

²⁸ Mewö asuhuiga ambi seramnöñ ösumñan kiñkingöba anda mianñgö kösohotñi mi namñañgö saiwaurupñi miriñe malgeri, yeñgöra jiiga mötket. ²⁹ Rebekagö nenñi qetñi Laban malök. Yaññon mi möta Abrahamgö welenqege jembonñi ekñaamgöra ösumñan yaigep o lömñe kiñkingöba anök. ³⁰ Nenñañgö böronje goul böroñenñen aka söñgöronje goul pinjim tari ehiga nenñi Rebekanöñ welenqege jembonöñ keu jiiga möröhi, mianñgö kösohotñi jii möta yañgöreñ anök. Anda o lömñe angota azi mi ehiga mianñgöreñ kamelurupñi yeñgö qöhöröñine kinök. ³¹ Kiniga kewö jiyök: “Kembunöñ kötuetköm gihii maljani, gi mönö kanöñga mirinöñ anbit. Yaigep kianñgöreñ kude kinman. Nöjñon nanñini ahömemañgö miriñi aka kamelurupki yeñgö dumñini tok möwölöhözal.”

³² Mewö jiiga welenqege jembonöñ mire kaiga kamel qakñine sukinap taröhi, mi Labanöñ musula mei eri jiiga kamel yeñgöra luplup aip aka gwözözak nene memba kaba engiget. Welenqege jembon aka yañgö aziurupñan könañini sañgöñmeañgö oñi mi tok mohotñe uba kaba engiget. ³³ Mianñgö andöñe nene welenqege jembongö wösöñe kölgetmö, yaññon kewö jiyök: “Mutuk keu memba kazali, mi jibi mötketkun mönö nene ki nemam. “Mewö jiiga Labanöñ kewö jiyök: “Mi ölop jinöñ mötpin.”

³⁴ Mewö jiiga kewö jiyök: “Nöjön Abrahamgö welenqege azia akzal. ³⁵ Kembunöj ketañamni önöñi qahö kötuetköm wañgiiga azi öngöñgöñi sukinapuk aka malja. Kembunöj lama aka bulmakau, silwö aka goul, welenqege azi aka ambi aka kamel, doñki mi gwötpuk wañgiiga malja. ³⁶ Ketañamnañgö anömñi Sara yañön ambi namñi kötökñi aka nalö miangörej ketañamnañgöra nahönñi kun meyök. Iwiñan sukinapñi pakpak mi nahönñangöra buña qem wañgii malja.

³⁷ “Ketañamnan nöjön jöjopañ keu kewö jimamgö jim kutum ningiyök: ‘Nöjön Keinan yengö gölmenöñ ki maljalmö, göñön mönö nahönañgö anömñi mi Keinan yengö nen böratñina kun kude memba wañgiman. ³⁸ Mewö qahöpmö, gi mönö iwinangö mire nani tinitosolomurupni yengörej anda nahönañgö anömñi mi miangörejök wañgita kaman.’

³⁹ “Mewö jiiga ketañamni mi kewö qesim wañgial, ‘Nöjön anda jibiga ambi miañön nömbuk qahö kama ewö, nöjön mönö denöwö akñam?’ ⁴⁰ Mewö qesim wañgibiga kewö melenök: ‘Nöjön Kembangö jeje anda kaba aka memba malali, yañön mönö Suep garatañi melaiiga göbuk aniga köna anmani, miañön töhötmöriamñambuk akña. Mewö nani iwinangö mire anda tinitosolomurupni yengörejök nahönañgö anömñi mi memba kaman. ⁴¹ Nöjögö tinitosolomurupni yengörej anda jöjopañ keu nöjögöra jinöñi, miañön mönö miangö andöñe qahö toroqeba jöhöm gihima. Ambi kun qahö gihime ewö, göñön töndup jöjopañ keu miangö kösönöhök lolohoman.’

⁴² “Mewö jiiga merak o lömñe kañgota kinda kewö köuluközal: ‘O Anutu, ketañamni Abrahamgö Kembuñi, ni köna köröpñi kazali, mi mönö jitsihitkahö dop mötnöñga töhötmöriamñambuk akña. ⁴³ Eknöñ, nöjön o löm kiangö kösutñe kinjal. Kewö kinbiga ambi seram kunñan o umamgö kaiga nöjön yañögöra kewö jimam: “Gi ölop köurañengeyök o moröñi kun niñginöñga nembileñak?”

⁴⁴ Mewö jibiga yañön kewö melenja jima: “Ölop nenöñga kamelurupki yengö o mewöñanök uba engimam. “Mewö melenja jima ewö, nöjön miangöra kewö mötmam: Kembu göñön i ketañamnañgö nahönñangö anömña akñapköra möwölöhözan.’ ⁴⁵ Uruneyök köuluk mi qahö köuluköm teköbiga miangörejök Rebeka yañön köurañen qamböñe aña miangörej kañgotza. Kañgota o lömñe geba o uiga nöjön yañögöra kewö jizal: ‘Ölop o kun niñginöñga nembileñak.’

⁴⁶ “Mewö jibiga yañön zilañ köurañenñi qamböñeyök mei eriga kewö jiza: ‘Ölop nenöñga kamelurupki yengö o mewöñanök engibiga neme.’ Mewö jii nembiga kamelurupni mi mewöyök o gumohom engiza. ⁴⁷ Gumohom engiiga kewö qesim wañgizal, ‘Gi dagö böratña?’ Qesim wañgibiga kewö melenja: ‘Ni Betuelgö böratña. Abu asani qetñiri Milka aka Nahor.’ Mewö melenjiga nöjön pinjim söñgörejöre möndöba börojñeñeñe börojñe membi öngöza. ⁴⁸ Nalö miangörejök gölmenöñ geba bamgöba Kembangö waikñi memba möpöseizal. Anutu ketañamni Abrahamgö Kembuñan mönö köna diñdiñi noañgiri ketañamnañgö munñangö mire kaba isiñi nahönñangö anömña akñapköra miwikñaizal. Miangöra Kembu möpöseim wañgizal.

⁴⁹ “Mewö kaba ki kinjal. Miangöra iñini ketañamni ek soriba sepkitip akzeañgö keuñi pöndañ wuatangöba ak kömum wañgize ewö, mi mönö kondela jigetka mötmam. Mewö qahö akñe ewö, keu mi tok jigetka mötmam. Mi möta kungen eleñda anmamgö mötmörimam.”

⁵⁰ Mewö jim teköiga Laban aka Betuel yetköñ kewö melenja jiyohot, “Keu ki Kembangörejök kaza. Miangöra netköñ keu mewö me mewö jibirangö dop qahö. ⁵¹ Mötnöñ, Rebekanöñ ki kinja. Kembunöj jimqindiñ akzawañgö dop ölop i wañgita anda ketañamgahö nahönñi wañginöñga anömñi akña.”

⁵² Mewö jiyohotka keuñiri möta Abrahamgö welenqege jembonñan eta Kembangö jeje gölmenöñ geba bangöyök. ⁵³ Bangöm teköiga wahöta gösöñeyök goul aka silwö aködamunñi eksihimñinambuk aka opo maluku kulemñinambuk ujeta Rebeka wañgiyök. Mewöñanök kalem yuai tosatañi söñgörejöñini ketañi mi nam nenñi etkiyök.

⁵⁴ Etkiba i aka aziurupni yambuk kageri, yejön nene kulur nempa tata mala sunjem aiga ahöget. Ahöba sönan wahötketka kewö jiyök: “Ölöp melaim ningigetka ketanjanangörej anmam.”

⁵⁵ Mewö jiyökmö, nam nenji yetkôn kewö melenohot, “Ölöp nenböratniri mosöt-nönga toroqeba nalö tosatni silim ten mewö nembuk malma. Miangö andöje ölöp i wangita anme.”

⁵⁶ Mewö melenohotmö, welenqeje jembonöj kewö melenja jii mötket, “Welen könani kazali, mi Kembunöj kötuatköiga töhötmöriamjambuk akza. Miangöra nalöni mönö kude qekörime. Mönö melaim ningigetka ölöp könani lilingöba anda ketanjanangörej angotmam.”

⁵⁷ Mewö jii möta kewö jiyohot, “Ölöp ambi seram mi qetzi kaiga nanjangöra qesim wangibin.” ⁵⁸ Mewö jiba Rebeka qerohot kaiga kewö qesim wangiyohot, “Gi azi kiambuk anmamgö mötzan me qahö?” Qesim wangiyohotka “Ölöp anmam,” jiyök.

⁵⁹ Mewö jiiga kinda nenböratniri mi welen ambijambuk melaim etkigetka Abrahamgö welenqeje jembon aka yangö aziurupni yejön i etkuangita anbingö aket. ⁶⁰ Anbingö aketka miangörej iwinam nenmunurupjan Rebeka kötuatköm wangiba kewö jiget, “O nen börtatniri, Kembunöj ölöp ahumsehip gihiga göjön gwölönarökurupki milyönji milyönji yejgö bömöj jalöjina akjan.

Yejön mönö köhöiba kerökurupjini enjuba luhut ala siti gölmenjini enjuangita anjgön köla malme.”

⁶¹ Mewö jiget teköiga Rebekanöj welenqejeambiurupni yembuk wahöta kamel qakjine öngöba tata welenqeje jembonji wuatangöba anget. Jembon yangön Rebeka wangiriga mosöta köna lilingöba anget. ⁶² Anda kaba mala mala Keinan gölmenöj kangotket. Aisaknöj gölme miangö Saut likepne distrik qetji Negew miangörej mala nalö miangörejök o löm qetji Ber Lahai Roi † mi mosöta gölme qararakölkölje kaba malök. ⁶³ Kaba mala miri söjaumangö aiga miangörej koumji mosöta gölme köröj ketaji miangörej anda liliköba keu mötmöriba uba wahöta ehiga tosatjan kamel qakjine tata yangö kösutje kabinö kaget.

⁶⁴ Mewö kagetka Rebekanöj uba wahöta Aisak eka kamel qakje taröhi, miangörejök ösumok luhuba gölmenöj erök. ⁶⁵ Eta welenqeje jembongöra qesiba kewö jiyök, “Azi gölme köröje endu kinda mesohol köl nejingiba kazawi, mi danöj?” Mewö jiiga kewö melenök, “Yangön mönö ketanjanangö nahönji akza. “Mewö melenjiga möta nörej kawöseji (kawasen) öröba jemesoholji esuhuyök.

⁶⁶ Esuhuiga aitongögetka welenqeje jembonöj yuai pakpak aka memba malöhi, miangö kösohotji mi Aisaköra jii mörök. ⁶⁷ Möri teköiga Aisaknöj Rebeka wangiriga namji Saragö opo seri koumje öngöba maliga könanjep mei anömji aiga urujan jöpaköm wangiba malök. Aisakö namjan kömuiga wösöbirik uruje malöhanjgöra aka urukölalepji mewö miwikjaiyök. Mewö.

25

Abrahamgö isiamböurup tosatji

1 Hist 1.32-33

¹ Aisaknöj ambi meiga iwinji Abrahamnöj anömji kun qetji Ketura meyök. ² Meiga Keturanöj Abrahamgö moröurupni kewö enjömeyök: Zimran, Joksan, Medan, Midian, Isbak aka Sua. ³ Joksanöj nahönyahötji qetjiri Seba aka Dedan yetkö iwinjira ahök. Dedan yangön Asur könagesö, Letus könagesö aka Leum könagesö yejgö bömönjini ahök. ⁴ Midiangö nahönurupni mi Efa, Efer, Hanok, Abida aka Elda. Mi pakpak Keturagö isiurupni aka malget. Mewö.

⁵ Abrahamnöj sukinapji pakpak mi nahönji Aisak buja qem wangiyök. ⁶ Mi wangiyökmö, anömurupni bohönjini qahö memeji yejgö nahönurupjini yejgöra

† 24:62: Malmaljambuk mala nehakzawangö o lömji

kalem yuai toto qeba menden da engiyök. Menden engiba jebuk mala melaim engiiga datnini Aisak mosöta gölme wehön kotkotne göröken miangören anget. Mewö.

Abrahamnöh kömuiga löm kölget.

⁷ Abrahamnöh mala koriga yambu ni mindiriba 175 aiga kömuyök. ⁸ Malmal yambu angö qötönan öngöngöni aka dop köliga öliba azi namni aka söngörö ösum kondikni öröba nöj qeba kömuiga Anutunöh wangiri tinitosolomurupnan kömugeri, yengören anda toroqeyök. ⁹ Kömuiga nahönyahöt ni Aisak aka Ismael yetkön iwinirangö qamöt ni memba anda Makpela banjetnöh löm kölohot. Banjet mi Hit azi Efron Zohargö nahön ni yangö gölme köröne Mamre miri gölmenöhök wehön kotkotne göröken ahöza. ^{10*} Abrahamnöh gölme köröni mi Hit könagesö yengörenök bohön ni meyöhi, miangören i aka anöm ni Sara mi löm köl etkiget. ¹¹ Abrahamnöh kömuiga Anutunöh nahön ni Aisak kötuetköm wangiba malök. Yangön Negew gölmenöh o löm qet ni Ber Lahai Roi (Malmal jambuk mala nehakzawangö o löm ni) miangö kösutne tata malök. Mewö.

Ismaelgö könagesöurup ni

1 Hist 1.28-31

¹² Ijpt ambi Hagar yangön Saragö welen ambia maliga Abrahamnöh meiga gölöm ala nahön ni Ismael meyök. Ismaelgö nahönurup ni yengö qet areni kewö: ¹³ Ismaelgö nahönurup ni yengö qet ni aka asuhugerangö areni mi kewö: Nahön ni mutuk ni qet ni Nebaiot. Yangö könane Kedar, Adbel, Mibsam, ¹⁴ toroqeba Misma, Duma aka Masa, ¹⁵ Hadad, Tema, Jetur, Nafis aka Kedema. ¹⁶ Ismaelgö nahönurup nan mewö asuhuba kambu inangö dop pom ni 12 aka mala kotket. Pom ni qetkeri, miangö dop opo kum tambö ni aka jike miri ni mewöyök qeta memba mala kotket.

¹⁷ Ismaelnöh mala koriga yambu ni mindiriba 137 aiga kömuyök. Mewö azi namni aka söngörö ösum kondikni öröba nöj qeba kömuiga Anutunöh wangiri tinitosolomurupnan kömugeri, yengören anda toroqeyök. ¹⁸ Ismaelgö gwölönarökurup ni yengön köröpken köröpken den da anda mala gölme qet ni Hawila aka Sur mietkö sut ni gölme memba malget. Gölm eni mi Ijpt kantrigö jaböneyök könahiba wehön kotkotne Asiria göröken ang eri, köna miangö kösutne miangören ahöza. Ismaelgö gwölönarökurup ni yengön Abrahamgö gwölönarökurup ni tosat ni pakpak mi kerök-kerök ak engiba malget. Mewö.

Iso aka Jeikob yetkön asuhuyohot.

¹⁹ Abrahamgö nahön ni Aisak yangö gwölönarökurup ni yengö qet areni mi kewö: Abrahamgö nahön ni Aisak. ²⁰ Aisaknöh yambu ni 40 aiga Mesopotemia (Padan Aram) kantrigö Aram azi qet ni Betuel yangö borat ni Rebeka anöm ni meyök. Rebekagö nen ni mi Aram azi qet ni Laban. ²¹ Aisaknöh anöm nan köpin maliga yangöra aka Kembu köuluköm wangiyök. Köuluköm wang iiga köuluk ni möriga Rebekanöh gölöm alök. ²² Gölmö aliga moröyahöt yetkön namnirangö körö uru ne utal anguyohot. Mi möta kewö jiyök: “Yuai kewö ni mi mönö wuanöngöra asuhum ni ngiza?” Mewö jiba anda miangöra Kembugö qesim wangiyök.

^{23*} Qesim wang iiga kewö jii mörök:

“Göhö körö uru ge kambu yahöt mietkö bömön ni ahözahot.

Yetkörenök könagesö yahöt asuhuba den da malme.

Ambazip kambu kunöh kambu ala ni engongita ösum köhöik ni akne.

Dat nan mun ni welen qem wangiba malma.”

²⁴ Morö meme nalö nan kam kunguiga köröni uru ne morö nahön siwisiwi yahöt ahöyohot. ²⁵ Mutuk köröneyök asuhuyöhi, yangö sile nan pisikpisik aiga sile jup nan sile ni körek dop köla ahöyök. Miangöra qet ni Iso (jup jambuk) qetket. ²⁶ Miangö könane mun nan Isogö köna gwaköt ne böron nan memba asuhuyök. Miangöra yangö qet ni Jeikob qetket. (Jeikob keu miangö könan ni yahöt: gwaköt aka tilipköza.) Aisaknöh yambu ni 60 aiga nalö miangören Rebekanöh moröyahöt ni yahöt mi etkömeyök. Mewö.

* 25:10: Jen 23.3-16 * 25:23: Rom 9.12

Isonöy börösamot memapkö qet keuji mi qeapköyök.

²⁷ Morö nahön yahöt mietkөн asuha qariba ketanji ahotka Isonöy böröjan nupkö könanji törörök möt yaköba pöndanj jölömnöy malmangö mörökmö, munjan azi bönjöni aka kapan köla mire malök. ²⁸ Aisaknöy arökjangö sömbupni nemangö möta malök. Miangöra urunan Iso gwötpuk jöpaköm wangiba malökmö, Rebekanöy urukönömjan Jeikob gwötpuk jöpaköm wangiba malök.

²⁹ Nalö kunöy Jeikobnöy kozij memba nanjangöra nene kuluñ ohoi tariga datjan jölömnöhök kaba sileji lömbörii wösöni gwötpuk alök. ³⁰ Mewö aiga Jeikobköra kewö jii mörök: “Sileni lömbörii wösöni gwötpuk aljawangöra mönö zilañ kozij kuluñi pisikpisik mi niñginönga nemi. “Miangöra qetji Edom (pisikpisik) qetket.

³¹ Mewö jii möta Jeikobnöy jiyök: “Datni, gi mutuk asuhunönga miangö qetbuñagi mi mönö mutuk tököm niñginönga nene kuluñ mi ölop gihibi neman.”*

³² Mewö jiiga keu kewö melenj wangiyök: “Muni mötnöy, ni mönö kömumangö akzal. Miangöra mutuk asuhuyalangö qetbuñanan mönö denöwö bauköm niñgibawak?”

³³ *Mewö melenj wangyiiga kewö jiyök: “Miangö keuji mi mönö mutuk jöjöpan keunöy jim köhöinönga mötpi. “Mewö jiiga mi jöjöpan keunöy jim köhöim wangiba mutuk asuhuyöhangö qetbuñaji mi Jeikob tököm wangyiiga nenenöy bohonji meyök.

³⁴ Bohonji memba bered aka kozij kuluñi Iso wangyiiga memba wahöta kinda mosöta anök. Isonöy mutuk asuhuyöhangö qetbuñaji mi miangö dop möriga eretji ahök. Mewö.

26

Aisaknöy Gerar taonöy malök.

¹ Mutuk Abrahamgö nalöje bödi asuhuyök. Mewöyök Aisakö nalöje mi kunbuk asuha gölme dop köla ahöyök. Mi asuhuiiga Aisaknöy mosöta Filistin yengö kiñ kembu qetji Abimelek yangö mirinji qetji Gerar miangörej anök. ² Anda maliga Kembunöy asuhum wangiba kewö jiyök: “Gi Ijipt gölmenöy kude anman. Gölme ki buñagi akñapkö jim kutuyali, mönö kiangörej tata malman.

³ Nöñön iwigi Abrahamgöra jöhöjöhö keu wangiba mi jöjöpan keunöy jim köhöiyali, mi mönö galöm kölbiga öljambuk akña. Nöñön gölme pakpak ki mi gi aka göhö gwölönarökurupki yengö buñaya qem engimam. Miangöra ölop gölme kiangörej tata kian malnönga nöñön göbuk mala kötuetköm gihibiga malmam.* ⁴ Nöñön gwölönarökurupki ahumsehip engibiga qötöñinan suepnöy könakembagö sengelau tat anjei, mönö miengö dop akña. Mewö aketka gölme pakpak ki mi yengö buñaya qem engimam. Göhö gwölönarökurupki yengörejök kungöra aka nöngö kötumötuetnan mönö gölmegö könagesö kambuñi pakpak yengö qakñine öngöiga oyaenköyaen akña. ⁵ Nöñön kewögöra mewö akñam: Abrahamnöy nöngö keuni tem köla malök. Jöjöpan keuni, jimkutukutu keuni aka köna keuni wangiali, yañön mi pakpak wuatangöba malök.”

⁶ Anutunöy mewö jiiga Aisaknöy toroqeba Gerar taonöy tata malök. ⁷ Maliga gölme miangö aziñi yenön anömñangö qesim wangigetka kewö jiyök, “I mi nena. “Mewö jiba urunan kewö mötmöriyök: “Rebekagö kaisongolomjan eksihimñambuk akzawangöra azi miñön mönö yangöra aka ni nunguget kömumbilenbuk. “Mewö mötmöriiba “I anömma,” mewö jimangö kengötñi möta malök.* ⁸ Aisaknöy miangörej nalö köröpñi mala kota nalö kunöy anömñambuk susuha angum anguyohotka Filistin yengö kiñini Abimelek yañön jengenañöhök yaigep ui geiga i etkehök. ⁹ Etkeka Aisak oholi kaiga kewö jii mörök: “Mötnöy, yañön mönö göhö anömgi akza. Mönö wuanöngöra ‘I

* 25:31: Mutuk asuhuyöhi, yañön munurupni yengö sutñine bohonjini aiga göda qeba qetbuñ wangiba kalemñi kalemñi wangiba malget. Iwinamñinan kömuyohotka buñanjiri mendenjeri, nalö miangörej mutuk asuhuyöhangö börösamotñi mi sömanji yahöt toroqeba wangiget. * 25:33: Hib 12.16 * 26:3: Jen 22.16-18 * 26:7: Jen 12.13; 20.2

mi nena,' jinöñ?" Mewö möta kewö melenj wanjyök: "Ni yangöra aka nunjuget kömumbilenbuköra mötmöriba mewö jial."

¹⁰ Melenj wanjiiga kiñ Abimeleknöñ kewö jiyök: "Göñön mönö wani kimbiala ak nenjinöñe? Nöñgö aziurupni yeñgöreñök kunñan mönö amqeba göhö anömgabuk ahöbawak. Mewö asuhuiga göñön kondotnönnga singisöndokö keu lömbötñan mönö neñgö qaknine öñgöbawak." ¹¹ Mewö jiba könagesö kambuñi pakpak yeñgöra jimkutukutu kewö al enjyök: "Kunñan kun azi ki me yangö anömñi mem bölim etkimawi, i mönö kömupkö burjaya jim teköinga kömuma. "Mewö.

¹² Aisaknöñ gölme miangöreñ nene nup köl kömöriiga Kembunöñ kötuetköm wanjiiga yambu miangöreñ köñji kömöri, mi 100:kö dop sehiba asuhuyök. ¹³ Mewö asuhuiga töhötmöriam ketani ketani miwikñaiba maliga sukinapñan toroqeba qariba öñgöiga kindiñbirik azi qetburjambuk ahök. ¹⁴ Yangöreñ lama, meme (noniñ) aka bulmakau kambuñi kambuñi mi asuhuba sehiyet. Mewöñanök welenqequeurupñi gwötpuk enjömeiga malget. Miangöra Filistin yeñön mi eka könahiba körogisigisi aka andöqege keu jiget. ¹⁵ Andöqege keu jiba iwiñi Abrahamgö welenqequeurupñan o löm yangö nalöñe esigeri, mi pakpak gölmenöñ qem turum teköget.

¹⁶ Mewö asuhuiga kiñ Abimeleknöñ Aisaköra kewö jiyök: "Gi kukösumgabuk aka gwötpuk nenjonñgizanañgöra mönö kölolohoba neñgömosöta kungen anman." ¹⁷ Mewö jii möta gölme mi mosöta Gerar öruenöñ (rueruenöñ) anda geba opo seri koumñi möröreñgöba kuñguba miangöreñ tata malget. ¹⁸ Tata mala o löm iwiñi Abrahamgö nalöñe esigetmö, Abraham kömuiga Filistin yeñön qem turugeri, mi Aisaknöñ jiiga kunbuk esim lulunja möhamgöget. Möhamgögetka iwiñan o löm qetñini qeröhi, Aisaknöñ mi mewö kunbuk qerök.

¹⁹ Mewö qeriga welenqequeurupñan öruenöñ o löm esiba mala o löm kun onji sarakñi soksököyöhi, mi miwikñaiget. ²⁰ Mi miwikñaigetmö, Gerar yeñgö lama bulmakau galömñinan Aisakö lama bulmakau galömurupñi yembuk könahiba anjururuk aka keu kewö jiget, "O mi neñgöreñ!" Nanñambuk anjururuk keu mewö jigeranñgöra aka Aisaknöñ o löm miangö qetñi Esek (Anjururuk) qerök. ²¹ Miangö andöñe o löm kun kunbuk esigetka miangöra mewöyök anjururuk aket. Mewö akeranñgöra aka o löm miangö qetñi Sitna (Kerök-kerök) qerök.

²² Mewö qeta gölme mi mosöta anda o löm kun kunbuk jii esiget. O löm miangöra anjururuk keu qahö asuhuiga miangöra qetñi Rehobot (Tiñi ölöpnji) qeta keu kewö jiyök: "Merak Kembunöñ tiñi ölöpnji neñgiiga ölop gölme kiangöreñ mala ahumsehip akin."

²³ Mewö jiba miangöreñ mala mosöta Berseba mire anök. ²⁴ Berseba aniga sunjem miangöreñ Kembunöñ asuhum wanjiba kewö jiyök: "Nöñön iwiñi Abrahamgö Anutuñi akzal. Nöñön göbuk mala kötuetköm gihibal malmam. Miangöra keñgötki kude mötman. Nöñön nup azini Abrahamgöra aka göhö gwölönarökurupki ahumsehip enjibiga qötöñinan öñgöñgöñi akña."

²⁵ Mewö jiiga Aisaknöñ jöwöwöl alta kun miangöreñ memba Kembangö qetñi qeta köuluköyök. Köuluköba opo koumñi möröreñgöba kuñguba tata malget. Mala jiiga welen aziurupñan o löm kun miangöreñ esiget. Mewö.

Aisak aka Abimelek yetkөн sutñire jöhöjöhö ahot.

²⁶ *Aisaknöñ Berseba maliga nalö kunöñ kiñ Abimelek yanñon Gerar taon mosöta yangöreñ kayök. Gorojiji alañi Ahuzat aka yarö kambuñangö suahö galömñi Fikol yetkөн yambuk mohotñe kaget. ²⁷ Kagetka Aisaknöñ kewö qesim enjyök: "Injini kerök möt niñgiba gölmeñneyök közöl niñgigetka töndup mönö wuanöñgöra nöñgöreñ ki kaze?"

²⁸ Qesim enjiiga kewö melenjet: "Kembunöñ göbuk kinjawi, nini mi aukñe ek kutuba mötzin. Miangöra kewö mötmörizin: 'Neñön göbuk jöhöjöhö akingö sihimnini mötzin. Ölop gi aka neñgö sutnine jöhöjöhö aka mi jöjöpñ keunöñ jim köhöninga kewö ahöma: ²⁹ Nini kahasilinñ kun qahö ak gihiinmö, nalö dop ölöpnji ak gihibal gömosöringa luainöñ

* 26:26: Jen 21.22

mirigi mosöta anda kaba malnöj. Miangö dop göjön mewöñanök nini yuai bölöñji kun kude ak nenjiba malman.’ Nalö kewöñje Kembunöñ kötuetköm gihiiga maljan.”³⁰ Mewö jigetka Aisaknöñ közölömbuanj mözözömgöba ohoba aliga nene kuluj nempa tatket.³¹ Tata ahöba söñjan ömandiñe wahöta jöhöjöhöñjini jöhöm anjuba mi jöjöpaj keunöñ jim köhöiget. Jim köhöigetka Aisaknöñ i melaim enjiiga luai qakñe mosöta anget.

³² Angetka wehön miangörejök Aisakö welen azi yeñön kaba o löm kun esigeri, miangö kösohotñji i jigetka kewö mörök: ³³ “Nini o miwikñajzin. “Mewö jigetka möta o löm miangö qetñji Siba qerök. * Miangöra taon miangö qetñji mi nalö kewöñje mewöyök toroqeba Berseba qerakzin. Mewö.

Isonöñ kian ambi yahöt etkömeyök.

³⁴ Isonöñ yambuñji 40 aiga Hit ambi yahöt anömyahötña etkömeyök. Qetñjiri Judit, iwiñji qetñji Beri aka Basemat, iwiñji qetñji Elon. ³⁵ Ambi mietköñ Aisak aka Rebeka urukömbuk aka wösöbirik keta bölökñji miwikñajim etkiba malohot. Mewö.

27

Aisaknöñ Jeikob kötuetköm wanjiyök.

¹ Aisaknöñ mala kota azi namñji aiga jeñji ömun köliga yuai kunbuk ek kutumamgö osiyök. Mewö osiba nahönñji mutukñji Iso köl öröm wanji kaiga kewö jii mörök: “Nahöni mötnöñ. “Mi möta kewö melej wanjiyök: “Iwini, ni ki kinjal.”

² Melej wanjiiga kewö jii mörök: “Mötnöñ, ni azi namñji aka wani nalönöñ kömumami, mi qahö mötzal. ³ Miangöra göjön ölop timbi lingipki aka kesarek gösögi memba jölömnöñ anda sömbupkö böröñjan memba qeba nöñgöreñ kaman. ⁴ Kaba nene nahömñambuk sihimnanjögö dop ohoba mözözömgöba memba kaba niñginöñga nemam. Mi memba kinda kötümötuet gihimam. Mi mutuk gihibi teköiga nöñön miangö andöñe ölop kömumam.”

⁵ Aisaknöñ nahönñji Isogöra keuñji mewö jiiga Rebekanöñ mi kezap ala mörök. Möriga Isonöñ mosöta sömbup böröñjan memba qeba iwiñji wanjimangöra jölömnöñ anök. ⁶ Aniga Rebekanöñ nahönñji Jeikobköra keu kewö jii mörök: “Nahöni mötnöñ, Iwigan datki Isogöra keu kewö jiiga mötzal: ⁷ ‘Gi mönö sömbup memba kaba niñgiba nene nahömñambuk ohoba mözözömgöba niñginöñga nemam. Nembagun Kembugö jemesoholñe kötümötuet gihimam. Mi mutuk gihibi teköiga miangö andöñe ölop kömumam.’ ⁸ Miangöra nahöni, kezap ölopñanök ala mötnöñ. Keu döлки jim kutum gihimami, gi mönö miangö dop akñjan. ⁹ Mönö meme kambunöñ anda miangöreñök meme (noniñ) dömnji kelökñambuk yahöt memba kaba niñginöñga nöñön miangön iwigahö sihimnanjögö dop numbu nene nahömñambuk ohoba mözözömgömam. ¹⁰ Ohoba mözözömgöbiga memba anda iwiñji wanjinöñga memba kötümötuet gihibawak. Miangö andöñe ölop kömuma.”

¹¹ Mewö jii möta namñji Rebekagöra kewö jiyök: “Namni mötnöñ, datni Isonöñ sile jupñambuk akzapmö, nöñgö silenani solanñji akza. ¹² Iwinani ni nömisiriba mötpawak ewö, ni yanjögö jemesoholñe tilipqilip azi tandök asuhubiga möt niñgibapuk. Mewö möt niñjiiga kötümötuet qahöpmö, jimquesuak öröbi nani qakne öñgöbapuk.”

¹³ Mewö jiiga namñjan kewö jii mörök: “Nahöni, jimquesuak gihibawahi, miangön mönö ölop nöñgö qakne öñgöma. Göjön mönö töndup keu jizali, mi möt tem köla anda yuai mi memba kanöñ.”

¹⁴ Mewö jiiga anda meme (noniñ) yahöt memba kaba namñji wanjiyök. Wanjiiga nene nahömñambuk iwiñjan sihimñji möröhi, miangö dop ohoba mözözömgöyök. ¹⁵ Ohoba nahönñji mutukñji Isogö opo malukuñji ölop kötökñji opo köweñje galöm kölöhi, mi memba nahönñji könanjepñji Jeikob wanjiiga löñgörök. ¹⁶ Löñgöriiga meme (noniñ) silenñji mi memba böröñji köpeiba jölñji solanñji esuhuyök. ¹⁷ Esuhuba nene nahömñambuk aka bered ohoyöhi, mi memba Jeikobkö böröñje alök.

* 26:33: Siba keu miangö könanñji yahöt: jöjöpaj keu aka sewen. Jen 21:31

¹⁸ Aliga memba iwiñangörej anda “Iwini!” jiyök. Jiiga kewö meleşnök: “O nahöni, gi dañön?”

¹⁹ Mewö meleşniga iwiñangöra kewö jii mörök: “Ni nahöngi mutuknji Iso. Jim kutum niñginöni, ni mönö miangö dop ak teközal. Ölop wahöta tata sömbupni memba kazali, mi memba kötuetsköm niñgiman.”

²⁰ Mewö jii möta nahönñi kewö qesim wañgiyök: “Nahöni, mi mönö denöwö könöpuk miwikñaizan?” Qesim wañgiiga kewö meleşnök: “Anutu, göhö Kembangungan mönö bauköm niñgiiga mi zilaj miwikñaizal.”

²¹ Mewö meleşniga Jeikobköra kewö jiyök: “Nahöni, gi ölna nahöni Iso akzan me qahö, mi mötmamgöra mönö ölop kösutne ki kanönga gömisirimam.” ²² Mewö jiiga iwiñi Aisakö kösutne aniga misirim möta kewö jiyök: “Imbi jölgan Jeikobkö imbia akzapmö, börögan Isogö böröni ewö.” ²³ Böröni jupñambuk datñi Isogö börö tandök ewö ahöhañgöra Aisaknöñ i qahö möt kutum wañgiba kötuetsköm wañgimamgöra ahök. ²⁴ Töndup kumbuk kewö qesim wañgiyök: “Gi ölna nahöni Isoya me qahö?” Qesim wañgiiga kewö meleşnök: “Ni mönö Isoya.”

²⁵ Mewö meleşniga kewö jiyök: “Nahöni, ölop sömbupki tosatñi niñginönga memba kötumötuetni gihimam. “Mewö jiiga mi wañgii neyök. Neiga wain o tosatñi mohotne mokoba wañgii neyök. ²⁶ Memba kinda nahönñangöra kewö jii mörök: “Gi ölop kösutne kaba numbuni yöhötim neman.”

²⁷ Mewö jii möta kösutne anda numbuni yöhötim neyök. Neiga opo malukuñangö wöronñi möta kötuetsköm wañgiba kewö jiyök: “Aha nahöni, Kembangungan urukisigö jölömñi kötuetsköi ahözawi, nöngö nahönangö sile qösösökñi ölopñan mönö mi ewö aiga mötzal.* ²⁸ Anutunöñ mönö suepkö umjijilñi aka gölmegö töhötmöriamñi tököm gihiiiga yaka yöhagi, sehoñ padigi aka wain o yuaigi mi önöni qahö asuhum sehime. ²⁹ Kantriñi kantriñi yeñön mönö welen qem gihiba malme. Könagesö kambuñi kambuñi yeñön mönö simin köl gihiba malme. Göñön mönö nani nahönurupni mi kembu ak engiba malman. Namgahö nahönurupñan mönö simin köl gihiba malme. Kunñan qesuahöm gihimawi, qesuaknöñ mönö yañgö qakne öngöma. Kunñan kötuetsköm gihimawi, kötumötuetnöñ mönö yañgö qakne öngöma. “Mewö.*

Isonöñ iwiñan kötuetsköm wañgimapköra ulerök.

³⁰ Aisaknöñ Jeikob kötuetsköm wañgim teköiga iwiñangö miri uruñi mosöta yaigep aniga wölañ miangörejök datñi Isonöñ böröjañ mali teköiga mire kayök. ³¹ Kaba yañön mewöyök nene nahönñambuk ohoba mözözömgöba memba kaba iwiñi wañgiba kewö jiyök: “Iwini, ölop wahöta tata sömbupni tosatñi memba kötumötuetki niñgiman.”

³² Mewö jiiga iwiñi Aisaknöñ kewö qesim wañgiyök: “Gi dañön?” Qesim wañgiiga kewö meleşda jiyök: “Ni nahöngi mutuknji Iso.” ³³ Mewö jiyöhañgöra Aisaknöñ töwöratiba sile jönömñi gwötpuk unduiga kewö jiyök: “Gi qahö kanönga miangörej böröjañ azi kunöñ sömbup memba kaba niñgiyöhi, mi mönö dañön? Yañön mi niñgiiga memba kötumötuetni lök wañgim teközal. Mi wañgim teközalangöra miarñön mönö ölna yañgö qakne ahöm öngöma.”

³⁴ Isonöñ iwiñangö keu jitñi mi möta urukömbuk aka amburereñ memba silata sahöta iwiñangöra kewö ulerök: “Iwini, nia mönö mewöyök kötuetsköm niñginöñ.”

³⁵ Mewö ulerökmö, iwiñan meleşda jiyök: “Mungan mönö tilipqilip qakne kaba göhö kötumötuetki taköba memba anja.”

³⁶ Mewö jiiga Isonöñ kewö jiyök: “Munan mönö indimñi yahöt tilipköm niñgiiga maljal: Yañön mutuk asuhuyalangö qetbuñani mi mutuk noangit teköyök aka merak nöngö kötumötuetni mi mewöyök taköba noangita meza. Miangöra qetñi Jeikob (tilipqilip azi) qerakzini, mi mönö dopne akza. Kötumötuet kun mönö nöngöra ahöm gihiza me qahö?”*

* 27:27: Hib 11.20 * 27:29: Jen 12.3 * 27:36: Jen 25.29-34

³⁷ Mewö jiiga iwiñan Isogöra kewö meleşnök: “Mötnöñ, nöñön mungi göhö azi kembang malmakpöra kungum wangizal. Tinitosolomurupñi pakpak yeñön i welen qem wangiba malmegöra jim kutum engizal. Yaka yöha, sehoñ padi aka wain o yuai mi lök jim teközalawa Anutunöñ mi wangiba malma. O nahöni, wanat kötümötuetna kun toroqeba ahöm niñgizawa mia gihibileñak? Mi mönö osizal.”

³⁸ Mewö meleşniga iwiñangöra kewö jiyök: “O iwini, kötümötuet mohok-kun miyök mönö ahöm gihiza me denöwö? O iwini, mönö nia kun kötuetköm niñginöñ. “Mewö jiba könahiba silata sahörök.*

³⁹ Sahöriga iwiñan kewö meleşda jiyök: “Mötnöñ, göñön mönö gölme töhötmöriamñambuk mosöta köröwen anda malman. Mianğöreñ suepkö umjijilñi mi könakembayök qahö erakña.

⁴⁰ Gi bingö sou ketañi mianğön ambazip lañ enguba malmalgi angön köla mungahö welenqeqeñi eretñi aka malman. Mewö malmanmö, kekelolo aka qetal wangiba nalö mianğöreñ karim aka yangö galöm kölkölñi qeköba yaköriba nangi kinkin malman.”**

⁴¹ Iwiñan Jeikob kötümötuetñi wangiyöhi, Isonöñ mianğöra aka könahiba munñi uruönön möt wangiba malök. Nanñi uruñan mewö möta alañi kungöra kewö jiyök: “Iwinirangö kömupñangö nalöñan töriza. Yangön kömuiga sahöt jinğeñ nalöñe mianğöreñ ölop muni Jeikob qebi kömuma.”

⁴² Isogö mötmötñe mewö ahuiga kunöñ mianğö buzupñi möta Rebekagöreñ anda jii möta nahönñi könagepñi Jeikobköra keu ali anda wangita kaiga kewö jiyök: “Mötnöñ, datki Isonöñ mönö likepñi meleşni qake öngöiga guhui kömumangö mötmöriza. ⁴³ Mewögöra nahöni, nöñön keu jimami, mi mönö tem kölman. Mönö döлки wahöta ölöñ köla Haran mire neni Labangöreñ anman. ⁴⁴ Anda yambuk nalö tosatñi toroqeba malnönğa datkahö urupikñan amörima. ⁴⁵ Uruönönñi amöriba eriga yuai ak wanginöñi, mi ölum qeigun nöñön mianğö andöñe göhöra keu albi kaiga goangita kame. Yangön guhui kömunönğa kunñan i qei kömumbapuk. Mönö wanigöra nalö mohok mianğöreñök öröröñ qahöwahotka etkömosötpileñbuk. “Mewö.

Aisaknöñ Jeikob melaiiga Labangöreñ anök.

⁴⁶ Rebekanöñ apñi Aisaköreñ anda kewö jiyök: “Nöñön iranyahötni Hit ambi yetköra aka toroqeba malmangö ölan nöhöi sihimbölö mörakzal. Jeikobnöñ mewöyök Hit yeğö böraturupñini yeğöreñök kun iranyahötniri ewö anömña membapuk. Gölme kianğöreñ asuhugeru, yeğö silikñinan mönö mewöyök ahöza. Mewöñi kun memba kabapuk ewö, nöñön mönö malmalni wuanöñgöra toroqeba malbileñak? Sihimbölönan mönö toroqeba önöñi qahö akapuk. “Rebekanöñ mewö jiyök.

28

¹ Mewö jiiga Aisaknöñ Jeikob köl öroi kaiga kötuetköba kewö jim kutum wangiyök: “Nahöni, gi Keinan yeğö nenböratñini yeğöreñök kun anömgi kude meman. ² Mewö qahöpmö, mönö wahöta Mesopotemia (Padan Aram) gölmenöñ anda namgahö iwiñi Betuel yangö mire angota ehongi Labangö böraturupñi yeğöreñök kun anömga meman. ³ Anömgi menönğa Anutu, kukösum pakpakö Tojan mönö gi kötuetköba ahum sehip gihiiiga gwölönarökurupki yeğö qötöñinan sehiiga könagesö kambu gwötpuk miengö iwi bömönñina akñan. ⁴ *Anutunöñ mönö gi aka gwölönarökurupki inñini Abrahamgö kötümötuetñi mi toroqeba engima. Mewöyök gölme asagi Abraham wangiiiga göñön mianğöreñ kian aka maljani, mi buña qem angume.”

⁵ Mewö jiba Jeikob melaiiga mosöta Mesopotemia (Padan Aram) gölmenöñ Labangöreñ anmangöra anök. Laban mi Aram azi Betuelgö nahönña aka Jeikob aka Iso yetkö namñiri Rebeka yangö nenña malök. Mewö.

* 27:38: Hib 12.17 * 27:40: Hib 11.20 * 27:40: Jen 36.8; 2 Kij 8.20 * 28:4: Jen 17.4-8

Isonöj kakasun ambi kun meyök.

⁶ Aisaknöj Jeikob kötuetköba anömni memangöra Mesopotemia gölmenöj melaiyöhi, mi Isonöj mörök. Kötuetköm wangiba kewö jim kutum wangiyök: “Gi Keinan yengö nenböratjini yengöreñök kun anömgi kude mewan.”

⁷ Mewö jim kutuiga iwinamni yetkö keu jit tem köla mosöta Mesopotemia (Padan Aram) gölmenöj anöhi, Isonöj mi mewöyök mörök. ⁸ Mi möta iwiñi Aisaknöj Keinan ambi tököba möt bölim anguba malöhi, Isonöj mi eka möt kutuyök. ⁹ Mi möt kutuba iwiñangö jeñe dop kölmapköra asañi Abrahamgö nahönñi Ismaelnöj kömuiga yangö mire anda börtatñi Malahat, Nebaiotkö nenñi mi meiga anömurupñi karöbut aket. Mewö.

Jeikobnöj Suepkö döpnji gaunöj ehök.

¹⁰ Jeikobnöj mewö Berseba miri mosöta Haran mire anmamgö anök. ¹¹ Anda mala gölme kunöj angota wehön jeñi geyöhangöra aka miangöreñ köt tatkeri, miengöreñök kun memba nörop qömböñi qeba sunjem gaun ahöyök. ¹² Gaun ahöba miangöreñ imut kun kewö ehök: Döp kungö kitipñi gölmenöj algetka qak kitipñi mi Suepnöj öngöba kunguba kiniga Anutugö garataurupñi yeñön miangöreñ tiba öngöm et aket.*

¹³ Mewö aketka Kembunöj yangö kösutje kindu keu kewö jii mörök: “Nöñön Kambu, asagi Abrahamgö Anutuñi aka iwiñi Aisakö Anutuñi akzal. Gölme ki ahözani, nöñön mi gi aka göhö gwölönarökurupki engö buñaya qem engimam.* ¹⁴ Göhö gwölönarökurupki yeñön ahumsehip aketka jangöninan gölmegö sömsöm ewö akña. Mewö aiga jula denja gölme wehön kotkotje aka gegeje, Saut likep aka Not likep, eu aka emu miangöreñ göröken dop köla anda malme. Göhöra aka göhö gwölönarökurupki yengöreñök kungöra aka nöngö kötümötuetnan mönö gölmegö könagesö kambuñi pakpak yengö qakñine öngöiga oayenköyaen akñe.* ¹⁵ Mötnöj, nöñön göbuk mala denike denike anda kaba malmani, miangö dop mönö sel jöhöm gihiba mal öngöba goangitpiga gölme kiangöreñ kunbuk lilingöba kaman. Nöñön gi qahö gömosöta keu jim jöhöm gihiali, miangö dop akiga ölni asuhum teköma.”

¹⁶ Mewö jiiga Jeikobnöj gaun uruñeyök imbiñi möta wahöta kewö jiyök: “Kembunöj mönö ölna gölme kiangöreñ maljapmö, nöñön mi mutuk qahö mötzal.” ¹⁷ Mewö jiiga jönömni unduiga keu kewö jiyök: “Gölme ki mönö kömbukñi aka kengetmötmtöñambuk akza. Kiangön mönö ölna Anutugöreñ tatat dundumñi aka Suepkö nangunñi akza.”

¹⁸ Mewö jiba miri gianjiiga söñanök wahöta köt qömböñi qeba ahöyöhi, mi memba wahöta jabö mötök ewö kunguba qakñe kelök o mokoba miriyök. ¹⁹ Miriba gölme miangö qetñi Betel (Anutugö miriñi) qerök. Mutuk taon miangö qetñi mi Luz qeta malget. ²⁰ Jeikobnöj gölme miangö qetñi dölokñi Betel qeta keu kewö jim jöhöba jöjöpañ keunöj jim köhöyök: “O Anutu, göñön nömbuk mala köna ki anda malmami, miangöreñ nek galöm ak ningiba numbu neneramni aka silenangö esuñi miwikñaim ninginönga ²¹ ölop luai qakñe iwinangö mire kunbuk lilingöba kamam ewö, nöñön mönö göhö jitsihitki tem köla malbiga göñön nöngö Kambu Anutuni aka malman.

²² Köt ki memba wahöta jabö ewö mötök kunguzali, miangön mönö göhö tatat dundumgi ahöiga yuai pakpak tököm ningiba malmani, nöñön mi ölna menderbiga kambu 10 aketka miengöreñök mohok mohok memba kalema gihiba malmam. “Mewö.

29

Jeikobnöj Labangö mire angörök.

¹ Jeikobnöj mewö jiba mosöta könañi toroqeba anda wehön kotkotñangö könagesö yengö gölmenöj angörök. ² Miangöreñ angota gölme köröñe o löm kun ehök. Miri toni yeñön lama kambuñini enguangita miangöreñ o engiba malget. Nalö miangöreñ o löm miangö kösutje lama kambu karöbut ahögetka o löm numbuñangö kötni ketañi mi qahö metalget. ³ Lama galöm yeñön mutuk lama kambuñini pakpak miangöreñ tokom engiba

* 28:12: Jon 1.51 * 28:13: Jen 13.14-15 * 28:14: Jen 12.3; 22.18

köt mi o löm numbuñeyök gwililöngöba lamaurupñini o engiget negetka köt mi kunbuk dundumñe köla malget.

⁴ Jeikobnöh lama galöm mi kewö qesim engiyök: “Azi alaurupni, inini denikegöra?” Qesim engiiga “Nini Harangöra,” mewö melenñ wañgiget.

⁵ Melenñ wañgigetka kewö qesim engiyök: “Inini Nahorgö isiñi Laban möt wañgize me qahö?” Qesim engiiga “Ölöp möt wañgizin,” jiget.

⁶ Jigetka kewö qesim engiba jiyök: “I ölöp malja me qahö?” Mewö jiiga kewö jiget: “I ölöp malja. Eknöh, yañgö böratñi Reizölnöh mönö endu lama enguañgita kaza.”

⁷ Mewö jigetka Jeikobnöh jiyök: “Eket, wehön ketañi ahöiga lama mi sungemgöra tokom engibingö nalöñan qahö töriza. Miangöra ölöp lamaanini o engiget negetka kunbuk enguañgita malmalñine anda al engigetka neneñamñini neme.”

⁸ Mewö jiiga kewö melenñget: “Mewö ölöp qahö akin. Mutuk lama kambu pakpak tokom engiba köt mi o löm numbuñeyök gwililöngöbagun mönö lamaurupñini o engiinga neme.”

⁹ Jeikobnöh yembuk keu mewö eraum-möta kingetka miangöreñök Reizölnöh iwiñangöreñ lama kambuñi enguañgita kayök. Reizöl yañön lama galöm nup memba malök. ¹⁰ Kaiga Jeikobnöh ehonñangö böratñi Reizöl aka ehonñangö lama kambuñi engeka o löm numbuñe anda köt mi metala ehonñi Labangö lamaurupñi o engiyök. ¹¹ Engim teköba Reizöl numbu yöhötüm nempa könahiba köhöikñi qeta sahörök.

¹² Sahöta Reizölgöra jiyök: “Ni göhö iwigahö tinitosolomñi akzal. Ni Rebekagö nahönña. “Mewö jiiga Reizölnöh möta ösumñan kiñkiñgöba iwiñangöreñ anda buzup mi jii mörök. ¹³ Labanöh nenñangö nahönñi Jeikobkö buzupñi möta i ösumok miwikñaimangöra anök. Anda miwikñaiaba eka añgöm wañgiba numbuñi yöhötüm nempa wañgita miriñe öñgöyohot. Öñgöba yuai pakpak asuhuyöhi, Jeikobnöh miangö kösohotñi jii mörök. ¹⁴ Mi möta kewö jiyök: “Ölöp, göñön nani sepkitipni akzan. “Mewö jiiga köiñ mohotkö dop yambuk tata malök. Mewö.

Jeikobnöh Lea aka Reizöl anömyahötña etkömeyök.

¹⁵ Mewö maliga Labanöh Jeikob kewö jii mörök: “Gi tinitosolomni maljanangöra töwagi qahö öne welen qem niñgibanbuk. Mi qahö dop köлма. Miangöra töwagi dawik memangö mötzani, mi ölöp jinöñga mötmam.” ¹⁶ Labangö böratyahötñi yahöt malohot. Ketañangö qetñi Lea. Munñangö qetñi Reizöl. ¹⁷ Leagö jeñan eksihimñambuk ahökmö, Reizölgö sileñangö kaisongolomñi aka jemesoholñi mi körek eksihimñambuk kötökñi ahök.

¹⁸ Jeikobkö urusihimñi mi Reizölgöreñ ahöyöhangöra aka keu kewö jiyök: “Nöñön böratki könangepñi Reizöl memangöra ölöp yambu 7 welen qem gihiba malmam.”

¹⁹ Mewö jiiga kewö jiyök: “I azi murutñi kun wañgibiga qahö dop kölbapukmö, gi gihibiga dop köлма. Miangöra ölöp nömbuk ki malman.” ²⁰ Mewö jiiga Reizöl memangöra yambu 7 welen qem wañgiba malök. Urusihimñan Reizölgöra ahöhangöra aka yambu miengö möriga wehön awamñi tandök ahök. Mewö.

²¹ Yambu 7 teköiga Jeikobnöh ehonñi Laban kewö jii mörök: “Nöñgö nup meme nalöñan lök teközawangöra ölöp anömni Reizöl niñginöñga yambuk ahöba malmam.”

²² Labanöh keu mi möta miri toñi pakpak öröm tokom engiba lömbuañ aliga nem söñgaip aket. ²³ Mi aket teköiga miri söñauiga Labanöh böratñi Lea wañgita anda Jeikob wañgiiga miri uruñe öñgöba mohotñe ahöyohot. ²⁴ Labanöh welen ambini qetñi Zilpa mi böratñi Leagö welenqeqeña malmapköra wañgiyök. ²⁵ Mohotñe ahöyohotka miri gianjiiga Jeikobnöh anömñi eka möri Reizöl qahöpmö, i Lea aiga yöwöñangöreñ anda kewö jim wañgiyök: “Gi mönö wani kimbiana ak niñgizane? Ni Reizöl memangöra welen qem gihiba malalmö, gi mönö wuanöñgöra tilipköm niñgizan?”

²⁶ Mi möta melenñda kewö jiyök: “Gölme kiangöreñ datñi öne maliga munñan azi mampkö ahakmemenji mi neñgöreñ qahö ahöza. ²⁷ Miangöra ölöp maren sösoñgai

mi Leabuk sonda mohotkö dop mal söngainöy teköiga munji mewöyök gihimam. I memangöra mönö mewöyök yambu 7 toroqeba welen qem ningiba malman.”

²⁸ Mewö jiiga urumohot aka Leabuk maren sösongai nalö mi sonda mohotkö dop mali teköiga Labanöy börtatji Reizöl mewöyök anömni aknapköra wangiyök. ²⁹ Labanöy welen ambiñi qetji Bilha mi börtatji Reizölgö welenqeqeña malmakköra wangiyök. ³⁰ Jeikobnöy Reizöl i mewöyök anömña meyök. Urusihimñan Reizölgöra ahöyohangöra aka Reizöl mi Lea ongita jöpaköm wangiba malök. Miangöra yambu 7 toroqeba Laban welenñi qem wangiba malök. Mewö.

Jeikobkö moröurupñi asuhuget.

³¹ Jeikobkö uruñan Leagö gwötpuk qahö ahöiga boromdökñi tököiga Kembunöy ehi qahö dop köliga Lea gölöm almapköra bauköm wangiyökmö, munji Reizölnöy köpinña malök. ³² Leanöy köröbuk aka mala morö azia memba keu kewö jiyök, “Kembunöy tapötkokorokni ehiga apnan ölop könahiba jöpaköm ningiba malma. “Mewö jiba qetji miangö dop Ruben qerök. (Ruben Tapötkokorokni ehök.) ³³ Könañgep kunbuk körö ala morö azi kun memba keu kewö jiyök: “Apnan boromdökñi jöpaköm ningiiga Kembunöy mi möta morö ki mewöyök ningiza. “Mewö jiba qetji miangö dop Simeon qerök. (Simeon Kezapñan mörök.)

³⁴ Miangö andöñe kunbuk körö ala morö azi kun memba keu kewö jiyök: “Ni nahönurupñi karöbut apnangöra mealangöra yañön mönö könahiba uruñi nömbuk jöhöma. “Mewö jiba qetji miangö dop Liwai qerök. (Liwai Uruñi jöhöma.) ³⁵ Miangö andöñe dumñe kunbuk körö ala morö azi kun memba keu kewö jiyök: “Nöñön nalö kewöñe Kembu möpöseizal. “Miangöra qetji miangö dop Juda (möpöseip) qerök. Miangö andöñe morö kunbuk qahö meyök. Mewö.

30

¹ Reizölnöy köpinñi mala Jeikobköra nahönbörat kun qahö memba nanji könañi mewö eka datñi Lea andö qeba uruñan mututqutut möta Jeikobköra keu kewö jiyök: “Gi mönö morö qiwikñainöy. Mi qahö qiwikñainöyga nöñön mönö malmamgö osiba kömumam.”

² Mewö jiiga Jeikobnöy irimñi seholiiga uruönön möt wangiba kewö jiyök: “Ni mönö morö denöwö qiwikñabileñak? Anutunöy gi morö memangö jöhöm gihiba malökmö, nöñön Anutuya qahö.”

³ Mewö jiiga Reizölnöy kewö jiyök: “Nöngö welen ambini Bilha mi ki. Ölop yambuk ahönöyga nöngöra morö mema. Yañön nam köliga nöñön mewöyök yañgöreñök nahönbörat miwikñaim engiba namñini aka malmam.” ⁴ Mewö jiba welen ambiñi Bilha wangiiiga anömña memba yambuk ahöyök. ⁵ Ahöiga Bilhanöy gölöm ala Jeikobkö nahönñi meyök. ⁶ Nahönñi meiga Reizölnöy kewö jiyök: “Anutunöy kewöt ningii dop kölbiga köuluk keuni möta morö azia ningiza. “Miangöra qetji Dan qerök. (Dan Kewöt ningii dop köljäl.) ⁷ Reizölgö welen ambiñi Bilha yañön kunbuk gölöm ala Jeikobkö nahönñi kun meiga yahöt ahök.

⁸ Mewö meiga Reizölnöy kewö jiyök: “Datnambuk gwötpuk aum-möriba luhut aljal. “Mewö jiba miangö dop morö qetji Naftali (Aum-mörial) qerök. ⁹ Leanöy kunbuk gölöm qahö ala mi eka miangöra nanji welen ambiñi qetji Zilpa memba Jeikob wangii anömña ahök. ¹⁰ Anömña aka Jeikobkö morö azia meyök. ¹¹ Meiga Leanöy “Simbawoñ!” jiba qetji Gad (simbawoñ) qerök. ¹² Zilpa, Leagö welen ambiñi mianjön Jeikobkö nahönñi kun kunbuk meiga yahöt ahök.

¹³ Mewö aiga Leanöy keu kewö jiyök: “Nöñön uruölöwak ketani mötzal. Ambi yeñön mönö nöngöra oyaenköyaen qeta malme. “Mewö jiba miangö dop morö qetji Aser qerök. (Aser Oyaenköyaen qetme.) ¹⁴ Witnöy öliiga yandiyandi nalöñe sömañi kunöy Rubenöy yaigep anda gölme köröñe asagwalim amöt * miwikñaiyök. Amöt mi

* 30:14: Ambi yeñön asagwalim amöt namba amqeba gölöm albingö akeri, mewö möt nariget.

miwikñaiba memba kaba namñi Lea wañgiyök. Wañgiiga Reizölnöñ datñañgöra kewö jiyök: “Göhö nahöngan amöt memba kazawi, miangö tosatñi mönö niñginöñga nemi.”

¹⁵ Mewö jiiga Leanöñ kewö jiyök: “Göñön apni noañgitnöñga dop kölmapkö möt-mörialmö, gi mönö nahöñañgöreñ asagwalim amöt ki mewöñanök noañgitmamgö mötzan. Mi qahö dop kölja. “Mewö jiiga Reizölnöñ kewö jiyök: “Ölöp! Nahöñgahöreñ amöt mi niñgiman ewö, mönö ölöp Jeikobpuk sunjem ki ahömahot.”

¹⁶ Mewö jiiga Jeikobnöñ mare miangöreñ nup mosöta kaiga Leanöñ anda miwikñaim wañgiba kewö jiyök: “Nöñön nahöñañgöreñ asagwalim amöt miangön lök göhö söñgörügi mezal. Miangöra mönö nömbuk ahöbit. “Mewö jiiga Jeikobnöñ sunjemñi miangöreñ yambuk ahöyohot.

¹⁷ Yambuk ahöyohotka Anutunöñ Leagöreñ keu köulukñi möriga gölöm ala Jeikobkö nahöññi 5:ñi meyök. ¹⁸ Mi memba keu kewö jiyök: “Nöñön welen ambini mi apni wañgialañgöra Anutunöñ miangö töwañi ki niñgiza. “Mewö jiba miangö dop qetñi Isakar (töwa) qerök. ¹⁹ Miangö andöñe Leanöñ kunbuk gölöm ala Jeikobkö nahöññi 6:ñi meyök. ²⁰ Mi memba keu kewö jiyök: “Anutunöñ kalem qetpuk niñgiza. Apni Jeikobkö nahönurupñi 6 mealañgöra yañön mönö pöndañ nömbuk mala qetbuña niñgiba malma. “Mewö jiba miangö dop morö qetñi Zebulun qerök. (Zebulun qetbuña) ²¹ Nalö tosatñi teköiga Leanöñ morö börat memba qetñi Daina qerök.

²² Anutunöñ dumñe Reizöl mewöyök mötmörim wañgiba keu köulukñi möta gölöm almamgö bauköm wañgiyök. ²³ Bauköm wañgiiga gölöm ala morö nahön kun memba keu kewö jiyök: “Anutunöñ gamuni meköza.”

²⁴ Mewö jiba toroqeba kewö jiyök: “Kembunöñ mönö nahöni kun toroqeba niñgima. “Mewö jiba miangö dop morö qetñi Josef (Toroqeba niñgima.) qerök. Mewö.

Jeikobkö lama kambuñan sehiyök.

²⁵ Reizölnöñ nahöññi Josef meiga miangö andöñe Jeikobnöñ Labangöra kewö jiyök: “Ni nani miri gölmene anmamgö mötzal. Miangöra ölöp melaim niñginöñga lilingöba anmam. ²⁶ Anöm moröurupni kieñgöra aka göhö welengi qeba malali, mönö i niñginöñga mohotñe köna anbin. Nöñön nup gwötpuk ketañi memba malali, mi nangak ölöp mötzan.”

²⁷ Mewö jiiga Labanöñ kewö jiyök: “Gi möt ölöwak niñgizan ewö, mönö ölöp ki malman. Kembunöñ göhöra aka ni kötuetköm niñgiba malöhi, nöñön unju qebiga keu mewö asuhui mötzal.”

²⁸ Mewö jiba toroqeba kewö jiyök: “Mönö nupkahö töwañangö jañgöñi jinöñga söñgörüñi mi ölöp gihimam.” ²⁹ Mewö jiiga Jeikobnöñ kewö jiyök: “Nöñön göhö welengi denöwö qeba mala göhö mirigö sömbup kambuñi kambuñi galöm köl engibiga qarigeri, mi nangak ölöp mötzan. ³⁰ Mutuk ni ki qahö kabiga miangöreñ sömbup yuaigi gwötpuk qahö ahöm gihiyökmö, miangön mönö ni kabiga nalö miangöreñ sehiba jesöñgö akze. Ni denike denike anda kayali, miangöreñ Kembunöñ kötuetköm gihiiga malnöñ. Mewö malnöñmö, ni mönö wani nalönöñ ölöp nani könagesöurupni nañgöm engimamgöra aka nup yuai könahiba membileñak?”

³¹ Mewö jiiga Labanöñ kewö qesiyök: “Ni mönö wania gihibileñak?” Mewö qesiiga Jeikobnöñ melenña kewö jiyök: “Yuai kun kude niñgimanmö, yuai mohot ki nöñgöra akñan ewö, ni ölöp toroqeba göhöreñ lama kambuñi kambuñi mi köyan köla jegalöm ak engiba malman. ³² Ni ölöp göhöreñ lama aka meme kambugi pakpak mi merak engkek kewötmam. Mi kewöta lama moröñi baröm pakpak aka meme (noniñ) döññi tiktokñinambuk aka kulemñini diriweñ, soño me koromböñgi mi pakpak mendenda nanñini tokom engiman. Mienöñ ölöp nup memba malalañgö töwani akñe. ³³ Köñañgep nupnañgö töwani, lama aka meme mi engkek kewötmamgöra kabanak, nalö miangöreñ uruni diñdiñangö könañi mi amqeba kewö miwikñaiman: Meme (noniñ) tiktokñini qahö aka diriweñ, soño me koromböñgi qahö mi pakpak aka lama baröm qahö pakpak nöñgö kambunöñ kinmei, mi nöñön yonñgorö meal, mewö möt kutuman.”

³⁴ Mewö jiiga Labanöŋ kewö melenök: “Ni ölop urumohot akzal. Keu jizan ewö köna mi ahöma.” ³⁵ Mewö melenja silim miangöreŋök Labanöŋ meme (noniŋ) aziŋi kulemŋini jinjalalaŋ aka diriweŋ soŋo me korombonŋi aka meme ambiŋi pakpak kulemŋini tiktokŋinambuk aka diriweŋ soŋo me korombonŋi me sile jupŋine yuai tuatŋi taröhi, mi pakpak aka lama moröŋi baröm pakpak mi kewöta meköm enggiba nanŋi nahönurupŋi yeŋgö böröŋine al engiyök. ³⁶ Labanöŋ mi al enggiba yembuk Jeikobköreŋ lama aka meme kambu mi enguangita silim karöbut anangö dop anda miangöreŋ malget. Köröwen mewö malgetka Jeikobnöŋ toroqeba Labangöreŋ lama aka meme kambuŋi kambuŋi mi galöm köl enggiba malök.

³⁷ Mewö mala sau, kömin aka kuŋgam ip miengö böröŋini gwölögwölö kutuba memba sileŋini jölanjölan (jöraŋjöraŋ) köndölatiiga sutŋe sutŋe tuariiga jinjalalaŋ ahök. †

³⁸ Mewö aiga ip böröŋini köndököndölatiŋi mi memba sömbup yeŋgö o joutŋini pakpak miangöreŋ aliga o nemingöra kaŋetka wösöŋineyök ahöyök. Mewö ahöiga lama aka meme kambu yeŋön aziŋan engualöŋmegö sihim könöŋŋi möta o nemingöra kaba miwikŋaiba eket. ³⁹ Mewö eka meme aziŋi yeŋön ip böröŋi miengö kösutŋine ambiŋi engualöŋget. Mewö engualöŋgetka gölöm ala malgerangöra moröurupŋini jinjalalaŋ, tiktokŋinambuk aka diriweŋ, soŋo me korombonŋi mi engömemba malget.

⁴⁰ Mewö malgetka Jeikobnöŋ lama aka meme (noniŋ) moröŋi mewöŋi mi kewöta mendeŋ enggiba nanŋök nanŋök kambu köl engiyökmö, sömbup ketanŋi mi arengöm enggiiga jeŋini Labangöreŋ sömbup baröm aka kimbiŋini tiktokŋinambuk yeŋgöreŋ göröken uba kinget. Mewö aka nanŋangöra lama aka meme (noniŋ) kambuŋi kambuŋi meköba miwikŋaim engiyök. Mi miwikŋaiba jöhöm enggiiga Labangö lama kambunöŋ qahö anda toroqem engiget.

⁴¹ Sömbup ambiŋi köhöikŋi yeŋön aziŋan engualöŋmegö sihim könöŋŋi mötketka Jeikobnöŋ nalö dop miangöreŋ ip böröŋi mi o joutnöŋ alök. Miangöra sömbup aziŋi yeŋön kaba mi wösöŋine miwikŋaiba eka kösutŋe miangöreŋ ambiŋi mi engualöŋda malget.

⁴² Mewö malgetmö, sömbup ambiŋan ösumŋini eretŋi aket ewö, yaŋön ip böröŋi mi yeŋgö wösöŋine qahö ala malök. Mewö aka maliga sömbup ösumŋini eretŋi miengön Labangöreŋ kambunöŋ toroqetgetka ösumŋini köhöikŋi yeŋön Jeikobkö kambunöŋ anda toroqetget. ⁴³ Jeikobnöŋ mewö aka kindiŋbirik azi qetbuŋaŋambuk aka töhötmöriam miwikŋaiyök. Lama aka meme kambu gwötpuk buŋa qem anguba welenqeqe ambazip enguangiriga kamel aka doŋki kambuŋi kambuŋi asuhum sehigetka toŋini ahök. Mewö.

31

Jeikobnöŋ Laban mosöta ölöŋ köla anök.

¹ Labangö nahönurupŋan keu kewö jigetka Jeikobkö kezapŋe geiga mörök: “Iwininan yuai buŋa qeba malöhi, Jeikobnöŋ mi pakpak kalöpköba könjörata angön kölök. Iwininangö sukinapŋi galöm köla miangöreŋök inapŋi pakpak mi nanŋangöra miwikŋaiba kindiŋbirik akza.” ² Keu mi mörök aka yöwöŋangö jemesoholŋi eka kewö möt asariyök: “Labanöŋ mutuk ala ölopŋi ak niŋgiba mala korökmö, mewö qahö toroqeba aka malja.”

³ Mewö möt asariiga Kembunöŋ Jeikob kewö jii mörök: “Göŋön mönö lilingöba iwiasaurupki yeŋgö gölmenöŋ anda tinitosolomurupki yembuk malman. Anda malnöŋga nöŋön göbuk kindi malmam.”

⁴ Jeikobnöŋ keu mi möta Reizöl aka Lea yetköra keu ali aniga gölme köröŋe lama kambuŋi kambuŋi galöm köl engiyöhi, miangöreŋ kayohot. ⁵ Kayohotka kewö jii mörohot: “Nöŋön iwinirangö jemesoholŋi eka kewö möt asarizal: Yaŋön mutuk ala ölopŋi ak niŋgiba mala korökmö, mewö kunbuk qahö aka malja. Iwinangö Anutuŋan

† 30:37: Ip böröŋi mi selgöra qahö alök. Mewöyök tiripqözölpözöl me jinaŋ akŋamgöra qahö. Anutunöŋ yauweŋ aka suŋa jinaŋ akingöra qahö jiyökmö, Jeikobkö uruŋan diŋgiiga tem köla malöhangöra töhötmöriamgö könaŋi mewö kusum wangiyök.

mönö töndup nömbuk kinda mala korök. ⁶ Ni ösumni pakpak qezaköba miangö dop iwiñiri welen qem wañgiba mala korali, iñiri mi ölop mötzahot.

⁷ “Mewö malalmö, yañön isimkakalek qakñe ak niñgiba mala nupnañgö töwañi mi sömañi 10:gö dop utekutek ala malök. Mewö ak niñgiba malökmö, Kembunöñ añañön köl wañgiiga geñmororoñ kun qahö ak niñgiiga malal. ⁸ Nalö kunöñ kewö jiyök, ‘Lama aka meme (noniñ) tiktokñinambuk asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini tiktokñinambuk engömeget. Nalö kunöñ kewö jiyök, ‘Lama aka meme (noniñ) jinjalalañ asuhumei, mi mönö göhö nup töwagi akñe.’ Mewö jiiga sömbup kambu jömukñi yeñön moröñini jinjalalañ engömeget. ⁹ Anutunöñ mewö aiga asuhuiga iwiñirañgö kambuñeyök sömbup könjörata enguañgita niñgiiga sehiyök.

¹⁰ “Sömbup aziñan ambiñi engualöñda malgeri, nalö kun miangöreñ gaun kunöñ jeni uba wahöta ekiga meme (noniñ) aziñan ambiñi engualöñda kingeri, yeñgö sileñini mi jinjalalañ, tiktokñinambuk aka diriweñ, soño me korombonñi pakpak aket. ¹¹ Nöñön gaun ekiga miangöreñ Anutugö garata kunñan nöñgöra ‘Jeikob!’ qerök. Mewö qeriga ‘Ki kinjal,’ jiba meleñnal. ¹² Meleñniga kewö toroqeba jiyök: ‘Labanöñ yuai pakpak ak gi-himakzawi, nöñön mi eka mötzal. Miangöra ölop jegi uba wahöta eknöñ: Meme (noniñ) aziñi pakpak ambiñi engualöñda kinjei, yeñgö sileñinan jinjalalañ, tiktokñinambuk aka diriweñ, soño me korombonñi akza. ¹³ *Nöñön Betel miangöreñ asuhum gihibiga köt dangunu kun kuñguba miriba nöñgöra keu jöhöba jöjopañ keunöñ jim köhöinöñ. Nöñön Anutu mi aka göhöra keu kewö jizal: Gi mönö dölkki wahöta kantri ki mosöta nangi ahuañu gölmege kunbuk liliñgöba anman.’ ”

¹⁴ Jeikobnöñ keuñi mewö jiiga Reizöl aka Lea yetköñ kewö meleñ wañgiba jiyohot: “Iwinirañgö mire börösamotkö bahöñi kun mi neñgöreñ qahö toroqeba tatza. ¹⁵ Yañön azi netkiiga söñgöroniran kaiga mi nanñañgörök memba gil teköyök. Miangöra niri mönö kian tandök ak netkiiga mala korit. ¹⁶ Miangöra Anutunöñ iwinirañgö kambuñeyök sukinap öroyuai könjörata wañgiri sehiyöhi, mi pakpak mönö öña nanine aka nahönböaturupnini neñgö buñaya akza. Miangöra Anutunöñ jim kutum gihiyöhi, göñön mönö mi pakpak tem köla wuatangöman.”

¹⁷ Mewö jiyohotka wahöta mem mözözöm aka anöm-moröurupñi kököbihim enñgiiga kamel qakñine öñgöget.

¹⁸ Mirigö sömbup kambuñi pakpak közöl enñgiiga mutuk anget. Sukinap yuaiñi (merömbuñi) pakpak Mesopotemia (Padan Aram) gölmenöñ mala miwikñaim sehiyöhi, mi körekbörek kölolohoba iwiñi Aisaköreñ anbingöra Keinan gölmenöñ göröken anget. ¹⁹ Nalö miangöreñ Labanöñ lama juññini mitimangö aniga Reizölnöñ iwiñangöreñ miri domlopionöñ morörökñi yoñgorö meyök. ²⁰ Yoñgorö meiga Jeikobnöñ toroqeba yöwöñi Aram azi Laban i kewö tilipköm wañgiyök: Anbingö keuñi mi qahö jii mörökmö, mönö ölöñ mosöta anget. ²¹ Mewö ölöñ angetka kamel yeñön öroyuaiñi pakpak mem bisiget. Anda Yufreitis o kutuba Gilead gölme kunduñambuk miangöreñ göröken anget. Mewö.

Labanöñ Jeikob wuatangöba anök.

²² Angetmö, silim karöbut aiga miangöreñ keu kewö jigetka Labanöñ mörök, “Jeikobnöñ mönö tököba ölöñ köla anök.” ²³ Mi möta wahöta tinitosolom aziurupñi engömembra wehön 7:gö dop enguatangöba anda mala Gilead gölme kunduñambuk miangöreñ miwikñaiiba engömeget. ²⁴ Engömembra suñgem miangöreñök Anutunöñ Aram azi Labangöra gaunöñ asuha keu kewö jii mörök: “Göñön Jeikobköra kötümötuet me qesuak keu kun jibanbuköra mönö möt kutuba galöm mem añañuman.” ²⁵ Engömegetka Jeikobnöñ opo seri koumñi Gilead gölme kunduñambuknöñ möröreñgöba kuñguiga Laban aka aziurupñi yeñön mewöyök opo seri koumñini miangöreñ kuñguba ahöget.

²⁶ Ahöba wahöta qinñiñi Jeikobköreñ anda kewö jii mörök: “Gi mönö wani kimbua ak niñginöñe? Gi tilipköm niñgizan. Kerök yeñön yarö gila ambi yoñgorö örömakzei,

* 31:13: Jen 28.18-22

mönö miangö tandök nöngö bōratyahōtni ölöŋ etkuangita kanöŋ. ²⁷ Gi wuanöngöra isimkakalek ak niŋgiba ösumok ölöŋ köla nömosōta kanöŋ? Gi mönö wuanöngöra keu kun qahö jinöŋ mötŋi laŋ kanöŋ? Mi mötpileŋak ewö, nöŋön ölöŋ liŋet gwawet albi kömam köla gita kulele qegetka sösöŋgai qakŋe gumbulbi könanöŋ kabeak.

²⁸ “Mi mötpileŋak ewö, mönö ölöŋ isiurupni aka bōratyahōtni numbuŋini yöhötŋim nembra yaizökzökŋini jibileŋak. Gi mönö uruqahö kimbŋa aknöŋ. ²⁹ Nöŋön kukösumnambuk kaba ölöŋ ayuhum gihibileŋakmö, suŋgem ahöbiga iwigahö Anutuŋan keu kewö jii mötŋal: ‘Göŋön Jeikobköra kötumötuet me qesuak keu kun jibanbuköra mönö möt kutuba galöm mem anguman.’ ³⁰ Miangöra muat, nangi iwigahö miri gölmeŋe liliŋömmangö urusihimŋi ketanŋi möta malagun lök mosōta könanöŋ kaba maljan. Miangöra ölöŋ anmanmö, nöngö domlopionurupni mi mönö wuanöngöra yongorö memba kanöŋ?”

³¹ Labanöŋ mewö jiiga Jeikobnöŋ kewö meleŋ wangiyök: “Göŋön bōratyahōtki yarö ösum qakŋe noangitpanbukö mötmörŋiba keŋgötni möta ölöŋ köla kain. ³² Kainmö, kunŋan domlopionurupki meiga miwikŋaimani, i ölöŋ qenöŋga kömuma. Öroyuai pakpak memba maljali, mi ölöŋ tinitosolomurupniri yeŋgö jeŋine ek kewöta kinda göhöreŋ yuaigi kun miwikŋaiba eka mi ölöŋ meman. “Jeikobnöŋ mewö jiyökmö, anöŋŋi Reizölnöŋ domlopion mi yongorö meyöhi, aŋŋan mi qahö möröhanöŋ mi tönpin jiyök.

³³ Mewö jiiga qingŋi Jeikobkö opo seri koumŋe öngöba qezanŋa jaruba Leagö opo seri koumŋe öngöba toroqeba welen ambiyahöt mietkö opo seri koumŋire öngöba qezanŋa jaruba yuai kun qahö miwikŋaiyök. Leagö koumŋi mosōta miangö andöŋe Reizölgö koumnöŋ öngöyök. ³⁴ Öngöyökmö, Reizölnöŋ domlopionurup mi memba gösönöŋ löngöta kamel qakŋe tatatkö dum uruŋe ala qakŋe öngöba qelanjim engiba tarök. Mewö tariga iwiŋan opo koumŋangö uruŋi körek qezanökmö, mi qahö miwikŋaiyök. ³⁵ Reizölnöŋ iwiŋi kewö jii mörök: “Ketanamni, ni köiŋnöŋ nehiga tatzalanöŋra aka göhö jemesoholge ölöŋ qahö wahötŋmam. Miangöra uruönön kude möt niŋgiman. “Mewö jiiga miriŋangö domlopionurupŋi miengöra jaruyökmö, mi qahö miwikŋaiyök.

³⁶ Qahö miwikŋaiiga kinda Jeikobnöŋ irimŋi seholiiga tembula Laban kewö jim wangiba qesim wangiyök: “Nöŋön wani könyaya ak siŋgial? Mönö wani silik bölöŋi ak gihialanöŋra kahasililiŋnöŋ böroŋaŋ suhum niŋgizan? ³⁷ Nöngö sukinapni pakpak qezanŋ teköbagun mönö wanat yuaia kun miwikŋainöŋga nangi mirigahö bujaya akawak? Mi ölöŋ memba yuhu kaba tinitosolomurupniri yeŋgö jeŋine alnöŋ eketka sutnŋre keu lömböt ahöiga mi kewöta jim teköba mindiŋöm netkime.

³⁸ “Nöŋön göbuk lök yambu 20 mala koral. Nalö miangö uruŋe nupki membiga göhöreŋ lama aka meme (noniŋ) yeŋön morö membingö pömsöm qahö qegetmö, ölöŋŋanök ahumsehip aka malget. Mewöyök lama aziŋi kun göhö sömbup kambunöhök qahö qem neal. ³⁹ Nalö tosatiŋe sömbup kalŋan lama qeba yöhöqöhötŋyöhi, mi qahö memba kaba gihiba malalmö, miangö kitipŋi mi nani kambunöhök memba salupŋe ala malal. Lamagi suŋgemŋe me asakŋe yongorö memba malbeahi, mi töndup miangö salupŋi almangö jimkutukutu alnöŋga mi wuatangöba malal.

⁴⁰ “Silimnöŋ miri könöŋŋan nohotiriiga suŋgemnöŋ amötŋan nuŋguiga sanŋenŋi möta malal. Nalö gwötpuk gaun guli mem niŋgiiga malal. ⁴¹ Yambu 20:gö dop mewö göhö mire mala kotŋi teköza. Yambu 14 mi bōratyahōtki etkömemangöra welen qem gihiba malal. Miangö andöŋe yambu 6 mi lama bulmakau miwikŋaimangöra göhöreŋ nup memba malal. Mewö malalmö, göŋön nup memegö töwani mi sömarŋi 10:gö dop utekutek ala malnöŋ.

⁴² “Asani Abrahamgö Anutuŋi iwini Aisaknöŋ waikŋi memba möpöseimakzawi, yanöŋ andöŋe awörök qahö aka kötöngöm niŋgibawak ewö, göŋön mönö börobörak melaim niŋginöŋga köna anbileŋak. Mewö ak niŋgibanakmö, Anutuŋöŋ nöngöreŋ sihimbölä kahasililiŋ möriŋa nup böronan sileqeŋe aka memba malali, mi eka merak suŋgem nöngö keuni kewöta jim teköiga mötŋan. “Mewö.

Jeikob aka Laban yetkōn jōhōjōhō ahot.

⁴³ Jeikobnōn mewō jiiga Labanōn kewō melerj waŋgiyōk: “Ambi yahōt ki mōnō nōngō bōratyahōtna. Yetkō nahōnbōraturupnjiri mi nōngōreŋa. Lama bulmakau kambuŋi kambuŋi ki mi nōngōreŋa. Yuai pakpak ki ekzani, mi kōrek nōngō buŋayōk akza. Mewōmō, muat nōnjōn merak bōratyahōtni ki aka nahōnbōraturupnjiri engōmeyohori, yeŋōn anmegō keuŋini jigetka mi qeapkōmamgō lömbōrizal. ⁴⁴ Miangōra ölop kaba gou köl aŋguba sutnire jōhōjōhō akit. Mi qenderbitpukōra mötmōrim netkiba dangunu ewō sutnire ahōma.”

⁴⁵ Mewō jiiga Jeikobnōn köt kun memba kuŋguiga timbetuat ewō dangunu jabōnjiri aka kinōk. ⁴⁶ Miangōn kiniga Jeikobnōn tinitosolomurupnji yeŋgōra köt memba tokomegōra jiyōk. Mewō jiiga köt memba qaknōn qaknōn ala tokoget öngōiga miangō kōsutje nene lömbuaŋ ohoba neget. ⁴⁷ Labanōn köt kambu miangō qetnji Jegar Sahaduta qeri Jeikobnōn qetnji Galed qerōk. *

⁴⁸ Mewō qerohotka yōwōŋan qingini Jeikob kewō jii mōrōk: “Köt kambu ki mōnō merak netkō sutnire dangununira ahōma. “Miangōra Jeikobnōn miangō qetnji Galed qerōk. ⁴⁹ Labanōn keu toroqeba kewō jiyōk: “Kembunōn mōnō deŋda malbiri, nalō miangōreŋ sutnire jeŋan netkek tiba galōm mem netkiba malma. “Miangō dop gölme miangō qetnji kun Mizpa qerōk. (Mizpa Galōm meme miri körōpji.)

⁵⁰ Labanōn keu mi toroqeba kewō jiyōk: “Gōnjōn bōratyahōtni örōm ureim ak etkiman me toroqeba kakasun ambi tosatnji engōmeman ewō, mōnō keu ki möta malman: Gölme azi kuŋŋan kōsutnire qahō mala netkehiga Anutunōn mōnō tōndup ölop netkeka sutnire jōhōjōhō ahōzawaŋgō keuŋi mi naŋgōba jiba malma.”

⁵¹ Mewō jiba kunbuk toroqeba kewō jiyōk: “Qingini mötnōn, köt kambu ki aka mötōk ki kuŋguzali, mietkōn mōnō netkō sutnire dangunu ewō tat öngōmahot. ⁵² Köt kambu ki mōnō dangununira aka tat öngōma aka mötōk ki mi mewōyōk dangununira aka tat öngōma. Mietkōn jōhōjōhōnirangōra kewō mötmōrim netkiba tat öngōmahot: Nōnjōn mem bölim gihimangō möta köt kambu ki qahō oŋgita göhöreŋ kamam. Gōnjōn mewōŋanōk mem bölim niŋgimangōra möta köt kambu aka mötōk ki qahō etkōngita nōngōreŋ kaman. ⁵³ Abraham, Nahor aka yetkō iwiŋiri yeŋgō bemŋini Anutu yaŋōn mōnō keu sutnire asuhiiga mi kewōta jim tekōm netkima. “Labanōn mewō jiiga Jeikobnōn keu mi jōhōba Anutugō qetnje jōjōpaŋ keunōn jim kōhöiyōk. Iwiŋi Aisaknōn Anutu miangō waikŋi memba möpōseiba malōk.

⁵⁴ Jeikobnōn mewō aka gölme kunduje sömbup qeba miangōn jōwōwöl ohoba tinitosolomurupnji örōm eŋgiiga lömbuaŋnōn kaget. Kaba nene memba suŋgem liŋet unduba kunduje miangōreŋ ahōget. ⁵⁵ Ahōgetka miri asariiga Labanōn söŋanōk wahōta isiurupnji aka bōratyahōtni numbuŋini yōhōtim memba kōtuetkōm eŋgiba yaizōkzōkŋini jiyōk. Mi jiba engōmosōta liliŋgōba miriŋe anōk. Mewō.

32

Jeikobnōn Isobuk aitōngōbitkō jörōmqörōm ahōk.

¹ Yōwōŋan aniga Jeikobnōn mewōyōk kōnanōn aniga Anutugō garataurupnji tosatŋan miwikŋaim waŋgiget. ² Miwikŋaim waŋgigetka eŋgeka kewō jiyōk: “I Anutugōreŋ yarō kambuya akze. “Miangō dop gölme miangō qetnji Mahanaim (yarō kambu yahōt) qerōk.

³ Jeikobnōn kōnanōn anda mala kolek aziurupnji tosatnji mutuk melaim eŋgii Edom kantrigō gölme qetnji Seir miangōreŋ datnji Iso ekingōra anget. ⁴ Melaim eŋgiba kewō jim kutum eŋgiyōk: “Iŋini mōnō anda dat kembuni Iso kewō jigetka mötma: ‘Ketaŋamni mötnōn, ni welen azigi Jeikob. Ni ehoniri Labanbuk mala kota mal tekōba nalō kewōŋe i mosōta kazal. ⁵ Miangōreŋ mala bulmakau, doŋki, lama, meme (noniŋ) kambuŋi kambuŋi aka welenqeŋe ambazip miwikŋaiba engōmemba kōnanōn kazal. O

* 31:47: Dangunu köt kambu mi Hibrū keunōn Galed aka Arameik keunōn Jegar Sahaduta.

azi kembuni, nönjön göhö jege ak-kömukömu miwikñaimamgöra möta keu buzupni ki mutuk albi göhöreñ kaza.’”

⁶ Mewö jim kutum enjiiga anda lilingöba kaba kewö jigetka mörök: “Nini datki Isogöreñ anin. Yañön mönö aziurupñi 400 engömembra könanön kaba göbuk aitongöbingö jöjöröba malje.” ⁷ Mewö jigetka möta awöwöliba köñjilij ketani mörök. Mewö möta kinda könagesöurupñi yambuk kageri, mi aka lama meme kambuñi kambuñi, bulmakau kambuñi kambuñi aka kamelurupñi mi mendeñ enjiiga kambu yahöt aket. ⁸ Kewö mötmöriba mewö ahök: “Isonön kaba yarö gila kambu kun engum ayuhuma ewö, kambu kun yeñön mönö ölop ölon köla anbeak.”

⁹ Mewö mötmöriba kewö jiba köuluköyök: “O Anutu, asani Abrahamgö aka iwini Aisakö bemñiri, gönön ölop möt niñgiman. Kembu, gi nangok keu kewö jinön möral: ‘Gi mönö wahöta nangi gölmenön lilingöba nangi tinitosolomurupki yengöreñ anman. Endu anönga nönjön töhötmöriam gihibiga malman.’ Mewö jinön möral. ¹⁰ Mönöwök nani öröpnanök memba Jordan o töwatñi ki kutuba analmö, ölop ahum sehiba merak lilingöba kambu yahöt aka ki kazal. Ni welen azigi etqeceñi aka malalmö, gönön töndup keugi pöndañ wuatangöba ak-kömukömugi pakpak kondel niñgiba malnön. Ni eretñi aka urukalemgi mi buña qem angumamañgö dop qahö aka malal.

¹¹ “Datni Isonön könanön kaba nani, nam aka moröurupñini nini neñguba ayuhum neñgibapuköra nönjön keñgötñi mötzal. Miangöra gönön mönö bauköm neñgiba yangö böröneyök meköm neñgiman. ¹² *Gi nangok keu kewö jinönga möral: ‘Nönjön töhötmöriam gihiba gwölönarökurupki ahumsehip enjibiga qötöñinan qariba köwetkö sakösiñi ahözawañgö dop akña. Mi gwötpuk ketani ahömawañgöra aka oyoñoyongö dop qahö. Keu mi ölña.’”

¹³ Mewö köuluköba sunjemñi mi gölme miangöreñ ahöyök. Ahöbagun sömbup kambuñi kambuñi miengöreñök datñi Iso kalem wañgimamgöra sömbup kewö kewöt mendeñ enjiba nanñinök al enjiyök: ¹⁴ Meme (noniñ) ambiñi 200, aziñi 20, lama ambiñi 200, aziñi 20, ¹⁵ kamel 30 moröurupñini juzunön, bulmakau ambiñi 40, aziñi 10, doñki ambiñi 20, aziñi 10.

¹⁶ Kambu mewö mewö kewöt mendeñda kambu nanñök nanñök mi welenqeceurupñi yengö böröñine al enjiba kewö jii mötket: “Iñini ölop mutuk anda sömbup kambuñi kambuñi kiengö sutñine tiriñ kutuba enguañgita awatañ anme.”

¹⁷ Mewö jiba kambu mutukñi anmeañgö galömñi kewö jim kutum wañgiyök: “Könanön angetka datni Isonön miwikñaim enjiba kewö qesim gihima: ‘Gi dagö welenqece azia akzan? Gi denike anmam jiba kazan? Sömbup wösöge anjei, mi dagöreña?’ ¹⁸ Mewö qesim gihiiga kewö jiman: ‘Mi welen azigi Jeikobköreña. Mi ketanamñi Iso kalem wañgimamgöra al enjii kaze. Nanñak mönö andönine könanön kaza.’”

¹⁹ Mewö jim kutum wañgiba sömbup kambu 2:ñi, kambu 3:ñi aka sömbup kambu tosatñi pakpak yengö galömñini andöñine kageri, i mewöyök jim kutum enjiiga kewö mötket: “Iñini datni Iso miwikñaimi, mönö keu tandökñi miyök jigetka mötma.”

²⁰ Mewö jim kutum enjiba kewö mötmöriyök: “Nönjön esapköba uruñi memba eta ala kalem wañgimamgöra sömbup kambuñi kambuñi melaim enjibi mutuk anme. Datnan mi engeka uruñi böñjön köliga amöribawak. Uruñi amöriiga ölop nanak yangö jemesoholje ösön angotpi siñgisöndokni mosöta ala ak niñgibawak. “Mewö mötmöriba toroqeba kewö jiget mötmapkö jiyök: “Göhö welen azigi Jeikobnön mönö andönine ösön kaza.”

²¹ Mewö jiba kalemñi al enjii mutuk könanön angetmö, nanñak sunjem mi opo koumnön tatmam jiba miangöreñ tarök. Mewö.

Jeikobnön Suep garatabuk aum-möriyohot.

²² Sunjem miangöreñ Jeikobnön wahöta anömyahötñi, welen ambiyahötñi aka morö-nahönurupñi 11 mi enguañgiriga anda Jabok o sakñi qöleqöleleñi kutubingö aket.

* 32:12: Jen 22:17

²³ Enguangiri o kutuba anda sukinap yuaini pakpak buñari ahöyöhi, mi mewöyök memba an teköget.

²⁴ An tekögetmö, Jeikobnön nanjök o likepne miangörej kunbuk tarök. Nanjök tariga azi kunjan kaiga yambuk sungem aum-möriba malohotka miri gianjyök.* ²⁵ Azi mianjön luhut al wangimangö osiba eka miangöra Jeikob mi ikinne qeyök. Qeiga mohotne aum-möriba malohotka miangörej Jeikobkö ikin sihitjan sulök. ²⁶ Sihitjan suliga azi mianjön kewö jiyök: “Miri gianjimangö akzawangöra mönö ölp nömosötnönga anmam. “Mewö jiyökmö, Jeikobnön kewö melej wangiyök: “Ni qahö kötuetköm ningiman ewö, nöjön mönö gi qahö gömosötpi anman.”

²⁷ Mewö melej wanggiiga “Gi qetki niñi?” jiba qesim wanggiiga “Jeikob,” jiyök.

²⁸ Mewö jiiga keu kewö jiyök: “Gi Anutu aka ambazip yembuk aum-möriba mala luhut al enginön. Miangöra göhö qetki mönö kunbuk Jeikob qahöpmö, Israel qetme. “(Israel Anutubuk aum-möriyök.)”

²⁹ Mewö jiiga kewö jiyök: “Gi ölp qetki qetnönga mötmam. “Mewö jiyökmö, garatanön mianjön kewö melej wangiyök: “Gi denöwögöra nöngö qetnangöra qesizan?” Mewö melej wangiba miangörej kinda kötuetköm wangiyök.*

³⁰ Kötuetköm wanggiiga Jeikobnön kewö jiyök: “Ni Anutubuk mesohol köl anguba jeñi törörök ekzalmö, töndup nehorriiga jebuk maljal. “Mewö jiba miangöra gölme miangö qetñi Penuel qerök. (Penuel Anutugö jemesoholñi) ³¹ Wehön jeñan lök koriga Jeikobnön Penuel gölme mi mosöta ongita kaba ikinñi sulöhangöra aka timkorik anök.

³² Azi mianjön Jeikobkö ikin sihit toroqeqeñangö ginimuramne (bidororo) qeyöhangöra aka Israel könagesö yeñön nalö kewöñe mewöyök sömbup nempa miangörej ikin sihit toroqeqeñangö ginimuramñi mi tököba qahö nemakze. Mewö.

33

Jeikobnön Isobuk aitongyohot.

¹ Jeikobnön jeñi uba wahöta Isonön aziurupñi 400 yembuk mohotne könanön kageri, mi engehök. Miangöra nahönböraturupñi mendeñ engiba Lea, Reizöl aka welen ambiyahötñi yeñgö böröñine al engiyök.

² Mewö al engiba kewö arengöm engiyök: Welen ambiyahötñi yetköñ nahönböraturupñiri enguangita mutuk anget. Yeñgö andöñine Leanön nahönböraturupñi yembuk angetka Reizöl aka nahönñi Josef yetköñ qöndökñi anohot.

³ Saiwanj mewö arengöm engiba nanjak yeñgö wösöñine mutuk anda simin köla gölmenön bamgöba wahöriga indimñi 7 aiga anda datñangö jemesoholne angorök.

⁴ Angorökmö, Isonön munñi ekñamgöra ösumjan kiñkiñgöba kaba suhumgöm wangiba böröñan imbiñe gili geiga numbuñi yöhötim neiga urusahöt auyohot. ⁵ Isonön jeñi uba wahöta Jeikobkö anöm-moröurupñi engeka munñi qesim wangiyök: “Ki denike yeñön göbuk kaze?” Qesim wanggiiga kewö melejnök: “Anutunön kalem möriamñi qakne nahönbörat ki welen azigi ni niñiyök.”

⁶ Mewö melejniga welen ambiyahötñi yetköñ nahönböraturupñiri yembuk dowe kañgota simin köla gölmenön bamgöget. ⁷ Miangö andöñe Lea aka nahönböraturupñi yeñön mewöñanök dowe kañgota simin köla gölmenön bamgöget. Teteköñe Josef aka Reizöl yetköñ dowe kañgota simin köla gölmenön bamgöyohot.

⁸ Mewö aketka Isonön kewö qesim wangiyök: “Azi aka sömbup kambu pakpak könanön miwikñaim engizali, mi könañi denöwögöra melaim enginönga kaze?” Mewö qesim wanggiiga kewö jiyök: “O azi kembuni, nöjön mi göhö jege ak-kömükömu miwikñaimangöra aka melaim engial.”

⁹ Mewö jiyökmö, Isonön keu kewö jiyök: “O muni, mi nöngörej gwötpuk lök dopne ahöze. Miangöra mi ölp toroqeba nangi buñaya aka ahöma.”

* 32:24: Hos 12.3-4 * 32:28: Jen 35.10 * 32:29: Kemb 13.17-18

¹⁰ Mewö jiiga Jeikobnönj kewö jiyök: “Mewö qahö. Göñön neksihim aka ala ölpñji ak niñginönga göhö jemesoholgi ekiga Anutugö jemesoholji ewö akza. Mianğöra nönjön göhö jege ak-kömukömu miwikñaizal ewö, mönö kalemni ki ölp buña qem anğuman.

¹¹ Anutunönj kalem möriam kondel niñgiiga mala kotpiga yuai pakpak osimakzali, mi pakpak ölp ahöm niñgiza. Mewögöra uruölöwak kalemni memba kageri, mi ölp meman. “Mewö jiba kapañ köla malöhağgöra Isonönj uruölöwak kalemni mi buña qem anğuyök.

¹² Buña qem anğuba kewö jiyök: “Mönö ölp mosöta köna anbin. Nönjön köiputñjini akiga enjön ölp nömbuk kagetka anbin.”

¹³ Mewö jiyökmö, Jeikobnönj kewö jiyök: “Azi kembuni, mötnönj. Nahönböraturupni yeñön ösumñjini eretñji akze aka lama namñji aka bulmakau namñji moröñjini juzu enğimakzei, nönjön mi köyan köl enğimakzal. Mewö aiga i köna anmegöra wehön mohotkö dop könöpuk enğuatangöbinak ewö, yeñön mönö ösumñjini eriga kambu körek pakpak kömumbeak. ¹⁴ Mewögöra azi kembuni, gi ölp mutuk anöñga welen azigi nönjön ösönjösön andöge guatangöba kamam. Sömbup enğuatangöbi wösöne mutuk anmei aka nahönböraturupni ösumñjanğö dop ösönjösön kaba mala mala bian Seir mire ketanamni göhöreñ kanğotpin.”

¹⁵ Mewö jiiga Isonönj kewö jiyök: “Mewö aiga nönjön ölp aziurupni tosatñji enğömosöt-piga göbuk ösön kame. “Mewö jiiga Jeikobnönj kewö qesiyök: “Gi mönö wuanöñgöra mewö akanak? O azi kembuni, ni göhö jege ak-kömukömu miwikñaibiga lök dop köl niñgim teköza.”

¹⁶ Mewö jiiga Isonönj wehön mianğöreñök lilingöba anda Seir miriñe anğorök. ¹⁷ Jeikobnönj Sukot mire anda mianğöreñ nanñi miriñi esiba sömbupurupñji yeñgöra kounñi kounñi qeyök. Mewögöra miri gölme mianğö qetñi Sukot (Koumkoum) qerakze. Mewö.

¹⁸ Jeikobnönj mewö Mesopotemia (Padan Aram) gölme mosörök. Mosöta kaba Keinan gölmegö taon qetñi Sekem mianğöreñ ölpñanök öllup kanğorök. Kanğota opo seri kounñi taon kösutñe gölme köröñe möröreñgöba kuñguba tatket. ¹⁹ *Opo seri kounñi gölme köröñe kuñguyöhi, yañön gölme kitipñji mi Sekemgö iwiñi Hamor yañgö nahönurupñji yeñgöreñök silwö kötñi 100 mianğön bohonñi meyök. ²⁰ Bohonñi memba mianğöreñ jöwöwöl alta kun memba qetñi “El, Israelgö bem Anutuñi,” mewö qerök. (El bem)

34

Sekem yeñön Daina mem bölim wañgiget.

¹ Leanönj Jeikobkö böratñi Daina meyöhi, yañön nalö kunönj Keinan ambi seram enğekñamgöra anök. ² Aniga gölme mianğö azi kembuñi Hamor yañön Hiwi könagesögö azia malök. Yañgö nahönñi Sekem yañön Daina eka mianğöreñök eksihim möta öröba mem bölim wañgiyök. ³ Sekemnönj wölbötñi Jeikobkö böratñi Dainagöra pöröraköiga jöhöba urukalemñan jöpaköm wañgiba kelök keuñan jiba tutuhum wañgiba malök. ⁴ Tutuhum wañgiba mala iwiñi Hamor kewö jii mörök: “Iwini, gi ölp ambi seram ki nönğö anömna akñapköra keu nup meman.”

⁵ Nalö mianğöreñ Jeikobkö nahönurupñji yeñön gölme köröñe anda mirigö sömbupurupñjini galöm köl enğiba malgetka Sekemnönj Daina mem böliiga iwiñi Jeikobnönj böratñangö keu buzupñji mi mewö mörök. Mi mörökmö, mi mösamböta nahönurupñjan mire kanğotmegöra keu bök mamböta tarök. ⁶ Mamböta tariga Sekemgö iwiñi Hamor yañön keu nup memamgöra Jeikobköreñ kayök. ⁷ Kaba tariga Jeikobkö nahönurupñjan gölme köröñeyök kanğotket. Kanğota mianğöreñök yuai asuhuyöhağgö kösohotñji mi kewö mötket: Sekemnönj Jeikobkö böratñi mem böliba Israel könagesö sutñine silik gamuñambuk ahök. Silik mi kude ahakñangö dop ahök. Mi möta uruñinan kömbuhiiga wösöbirik möta urupik aket.

* 33:19: Jos 24.32; Jon 4.5

⁸ Urupik aketmö, Hamornöj kewö jii mötket: “Nahöni Sekemgö uruwölbötjangö sihimñi mi engö nenböratñinanğorej mösölatiba tatza. Miangöra ölop jim tekögetka Dainanöj yangö anömñi akawak. ⁹ Ölop nembuk nenböraturupnini utekutek aka anğuin anda kaiga malbin. Mewö ölop qenaqena aka malbin. ¹⁰ Mewö aka ölop neğgö sutnine tata malme. Nini gölmenini ki mi qahö anğön kölbinmö, inñini ölop miangörej laj anda kaba sihimñinanğö dop gölme kitipñi kitipñi buja qem anğuba mirinñini memba nembuk anğumnep-qanğumnep aka malbin.”

¹¹ Mewö jiiga Sekemnöj Dainagö iwinenurupñi yeğgöra kewö jiyök: “Nöñön engö jeñine ak-kömükömu miwikñaimamgö möta qesim engizal. Miangöra i me waigö qesim niñgimej, nöñön mi ölop engimam. ¹² Ambi bohonñi aka kalem memba kaba engimami, miangö qötöñi mi ölop sihimñinanğö dop memba öngöme. I me waigö qesim niñgimej, nöñön mi ölop engimam. Keuni kötñi ki: Eñön mönö jim teköba nenböratñini niñgigetka nöngö anömna akrja.”

¹³ Sekemnöj nenñini Daina mem böliyöhanğöra aka Jeikobkö nahönurupñi yejön isimkakalek qakñe Sekem aka iwinñi Hamor melej etkiba ¹⁴ keu kewö jigetka mötket: “Azi kungö sileñe Anutugö aiwesökñi qahö yandigeri, nini nenböratñini azi mewöñi ölop qahö wañgibin. Mewö ahinga gamumamusumnöj qaknine öngöbapuk. Miangöra nini i wañgibingö osizin. ¹⁵ Inñini silik mohok-kun kewö aketka neñön urumohot akin: Mutuk Anutugö aiwesökñi mi aziurupñini pakpak engö sileñine yandiget teköiga nini maljin ewö akñe ewö, mönö nenböratñini ölop engibin. ¹⁶ Mewö aketka ölop embuk nenböraturupnini utekutek aka anğuin anda kaiga malbin. Mewö ölop engö sutñine tata könagesö kambu mohok aka malbin. ¹⁷ Mewö malbinmö, Anutugö aiwesökñi sileñine yandibingö urumohot qahö akñe ewö, nini mönö nenböratñini wañgita kungen anbin.”

¹⁸ Keu mewö jigetka Hamor aka nahönñi Sekem yetkön keu mewöñi miangöra mörohotka dop kölök.

¹⁹ Mewö mörohotka azi gwabö Sekemnöj iwinangö saiwaurupñi yeğgö sutñine tosatñi engongita qetbuja ketañi memba malök. Yangö urusihimñan Jeikobkö börtatñangöra gwötpuk ahöyöhanğöra aka keu jigeri, mi wuatangömamgö eksekpeksek qahö aka nalö qahö qem körii öngöyök.

²⁰ Mewö aiga Hamor aka nahönñi Sekem yetkön Sekem taongö azi alaurupñi yembuk keu jibingöra taongö nanju kösutñe totoko sombemñine anda kewö jiyohot: ²¹ “Azi kienön nembuk ala ölopñi ak anğumakze. Miangöra nini ölop jim teköinga yejön neğgö gölmenöj tata laj anda kaba mirinñini memba nembuk anğumnep-qanğumnep aka malbin. Yeñön gölme kitipñi memegöra tiñi gwötpuk ahöza. Nini ölop yembuk nenböraturupnini utekutek aka anğuin anda kaiga malbin. ²² Nini silik mohok-kun kewö ahinga azi miñön nembuk malbingö urumohot akñe: Anutugö aiwesökñi mi azi miengö sileñine yandiget ahözawi, miangö dop mi mutuk körek neğgö silenine mewöyök yandiin teköiga nini ölop yembuk könagesö kambu mohot aka malbin.

²³ “Mewö ahinga yeğgörej mirigö sömbup kambunñi aka sukinap yuainñini pakpak mi mönö nanini bujaya akñe. Miangöra keu jigeri, mi ölop möta imbi kölinga yeñön neğgö sutnine tatat dundumñini miwikñaiba malme.”

²⁴ Mewö jiyohotka taongö kiripo nanjuñe kaba tokogeri, yeñön körek Hamor aka nahönñi Sekem yetkö keugöra urumohot aka jigetka Anutugö aiwesökñi mi Sekem taongö azi pakpak yeğgö sileñine yandim teköget.

²⁵ Yandim tekögetka wehön 3:ñi aiga miangörej uzinangö sihimbölöñi mi tok toroqeba möta tatketka Jeikobkö nahönñi yahöt Simeon aka Liwai, Dainagö nenyahötñi yetkön bingö souñiri ketañi memba taon miangörej sangabanga anda tihitñini qahö möta tatketka wölañ bim qeba azi pakpak qaurapañ enguyohotka kömum teköget. ²⁶ Hamor aka nahönñi Sekem mi mewöñanök bingö sou ketanñan etkuyohotka kömuyohot. Kömuyohotka Sekemgö mireyök nenñiri Daina mi öröba eta wañgita anohot.

²⁷ Mewö ahotka Jeikobkö nahönurupñan Sekemnöj nenñini mem bölim wañgiyöhanğöra aka taonöj kinğingöba anda azi qamötñini engeka taongö sukinap

yuaiñi kiom qeba yongorö meget. ²⁸ Lama, meme, bulmakau aka doñki kambuñi kambuñi aka öroyuaiñini pakpak taon uruñe aka gölme köröñe ahögeri, mi pakpak kalöpköba mem teköget. ²⁹ Sukinap yuaiñini pakpak otoñda ambimoröurupñini körek enğuangita miriñine yuaiñini tosatñi ahöyöhi, mi mönö kölolohoba kiom qeba yongorö memba tököba anget.

³⁰ Mewö aketka Jeikobnöñ Simeon aka Liwai kewö jii mörohot: “Injiri mewö ahotka kahasililiñ ketañangö keuñan mönö nöñgö qakne öñgöiga malmam. Gölme kiangö toñi Keinan könagesö aka Periz könagesö yeñön mönö kazik möt niñgiba malme. Nöñgö könagesöni nini awamdökñi maljin. Miangöra yeñön yarö aziurupñini tokom enğiba qetala bim yarö gil niñgime ewö, yeñön mönö ölop qaurapañ nuñguba ni aka könagesöni ayuhum neñgime.”

³¹ Jeikobnöñ mewö jii mörohotmö, yetkөн keu kewö jiyohot: “Kunöñ neñgö nenini köna ketañi ambi tandök ak wañgiyöhi, nini mönö miangö likepñi meler enğiinga dop kölja. “Mewö.

35

Jeikobnöñ Betel ani Anutunöñ kötuatköm wañgiyök.

¹ Anutunöñ Jeikob keu kewö jii mörök: “Gi mönö wahöta Betel mire anda tatat dundungi miwikñaiba miangöreñ Anutugöra jöwöwöl alta kun meman. Datki Isogöra ölöñ köla anöñga Anutunöñ nalö miangöreñ asuhum gihiyöhi, mönö yangöra alta mi meman.”*

² Mewö jii möta Jeikobnöñ saiwañi aka ambazip pakpak yambuk malgeri, i kewö jim kutum enğiyoök: “Lopioñ bem yuai tömbuñi sutñine ahözei, mi mönö qeköba gilget geiga köl köñjorat mem anguba sileñini sañgoñda opo malukuñini uteköme. ³ Ni köñjiliñ uruñe mala Anutu köuluköbiga meler niñgiyök aka denike denike anda kaba malali, yañön miangöreñ nömbuk mala korök. Miangöra inini mönö kagetka Betel mire anbin. Nöñön miangöreñ Anutugöra jöwöwöl alta kun memam.” ⁴ Mewö jim kutum enğiiga böröñine lopioñ yuai tömbuñi pakpak ahögeri aka kezapñine jeñjeñ möndögeri, mi qeköba kölolohoba Jeikob wañgiget. Wañgigetka anda in ip kun Sekem mire kinöhi, miangö könañe gölmenöñ esim löm kölök.

⁵ Mewö aka wahöta angetka taonñi taonñi liliköba tatkeri, Anutunöñ könagesöñini miengö uruñini kuñguiga waekañjam möta elemñini eri Jeikob aka nahönurupñi mi qahö enğuatañgöget. ⁶ Mewö anda mala Jeikobnöñ könagesöñi pakpak yambuk malgeri, mi enğuangita Luz mire angotket. Luz qetñi alañi Betel mi Keinan gölmenöñ ahöza. ⁷ Miangöreñ angota Jeikobnöñ jöwöwöl alta kun meyök. Datñangöra ölöñ köla anöhi, nalö miangöreñ Anutunöñ gölme miangöreñ asuhum wañgiyök. Miangöra Jeikobnöñ miri gölme miangö qetñi El-Betel qerök. (El-Betel Betelgö Bemñi.) ⁸ Betel miangöreñ malgetka Rebekagö welen ambiñi Debora yañön kömuyök. Kömuiga Betel miri bapñe qerema ip kungö könañe löm kölget. Jingeñ qeta sahötkeñangöra aka qerema ip miangö qetñi Jingeñ sahötkö qeremañi mewö qetket.

⁹ Jeikobnöñ Mesopotemia (Padan Aram) gölmenöhök lilingöba kaiga Anutunöñ kunbuk asuhum wañgiba kötuatköm wañgiyök. ¹⁰ Kötuatköm wañgiba kewö jii mörök: “Göhö qetki Jeikob (tilipqilip azi) qerakzemö, mewö toroqeba kude qeta malme. Merak könahiba öñgöba qetki mi Israel ahöma. “Kembunöñ mewö jiba qetñi Israel qerök. (Israel Anutubuk aum-möriyohot.)”*

¹¹ Qetñi mewö qeta toroqeba Jeikob kewö jii mörök: “Nöñön Anutu kukösum pakpakö Toñi akzal. Gi ölop ahumsehip aknöñga gwölönarökurupki yeñgö qötöñinan mönö qarim öñgöma. Göhöreñök könagesö gwötpuk aka könagesö kambuñi kambuñi asuhume. Gi kiñi kiñi yeñgö bömön jalöñjina akñan. ¹² Nöñön gölme Abraham aka Aisak

* 35:1: Jen 28.11-17 * 35:10: Jen 32.28

buña qem etkiali, mi mönö göhö buñaya qemam aka göhö andöge gwölönarökurupji yengö buñaya mewöyök akñapköra mi qemam.”*

¹³ Anutunöñ keu mewö jii mörīga Jeikob mosöta miri miangöreñök öngöyök. ¹⁴ Anutunöñ keunji jii möröhi, Jeikobnöñ gölme miangöreñ mötök köt kun memba wahöta kuñguba mi wain o nalukñan miriba miangö qakñe oil ipkö kelökñi mokoi geyök. ¹⁵ Anutunöñ yambuk keu jiyöhi, Jeikobnöñ miri gölme miangö qetñi Betel (Anutugö miriñi) qerök. Mewö.*

Reizölnöñ kömuyök.

¹⁶ Miangö andöñe Jeikobnöñ saiwaurupñi enguangita Betel miri mosöta anda mala Efrata miri dopdowigetka Reizölgö morö meme nalöñan kam kuñguiga masö keta bölökñi qeyök. ¹⁷ Masö qönsihimñambuk ketañan qeyöhi, nalö miangöreñ anjö meme ambinöñ keu kewö jii mörök: “O Reizöl, keñgötiki kude mötnöñ. Gi mönö nalö kewöñe mewöyök morö azia kun kunbuk meman.”

¹⁸ Mewö jiiga morö memba kömumangö aka timotñi mem kuñgui ahöba qetñi miangöra Benoni qerök. (Benoni sihimbölönangö nahöni) Mewö qerökmö, iwiñan qetñi Benjamin qerök. (Benjamin Simbawoñ nahöni)

¹⁹ Reizölnöñ mewö kömuiga Efrata köna töwokñe Betlehem miangöreñ löm kölget. ²⁰ Löm kölgetka Jeikobnöñ mötök köt kun memba Reizölgö qaksirinöñ kuñguyök. Reizölgöreñ mötök köt mi nalö kewöñe mewöyök toroqeba kinja.

²¹ Mewö asuhuiga Israelnöñ miri mi mosöta toroqeba anda mala Eder miri * köröpñangö likepñe angota opo seri koumñi miangöreñ möröreñgöba kuñguyök. Mewö.

²² *Jeikobkö saiwaurupñi yepñon gölme miangöreñ tata mala nahöññi mutukñi Ruben yaññon iwiñangö anömñi bohonñi qahö memeni Bilha yañgöreñ anda mohotñe ahöyohotka iwiñi Israelnöñ miangö buzupñi mörök.

Jeikobkö nahönurupñi

1 Hist 2.1-2

²³ Jeikobkö nahönurupñi 12 mi kewö: Leagö nahönurupñi Ruben mi Jeikobkö nahöññi mutukñi. Yañgö andöñe Simeon, Liwai, Juda, Isakar aka Sebulun. ²⁴ Reizölgö nahönyahötñi qetñiri Josef aka Benjamin. ²⁵ Bilha Reizölgö welen ambigö nahönyahötñi mi Dan aka Naftali. ²⁶ Zilpa Leagö welen ambigö nahönyahötñi mi Gad aka Aser. Jeikobkö nahönurupñi mewö mi Mesopotemia (Padan Aram) gölmenöñ asuhuget. Mewö.

Aisaknöñ kömuyök.

²⁷ *Jeikobnöñ anda mala Kiriath Arba (qetñi alañi Hebron) miangö kösutñe Mamre mire iwiñi Aisaköreñ angörök. Asañi Abraham aka iwiñi Aisak yetköñ mutuk gölme miangöreñ kian aka malohot. ²⁸ Iwiñi Aisakö malmal nalöñi mi yambu 180 aiga kömuyök. ²⁹ Azi namñi aiga yambuñan öliiga nöñ qeba kömumba amböskonurupñi yengöreñ toroqeyök. Nahönyahötñi Iso (Esau) aka Jeikob yetköñ qamötñi mi löm kölohot. Mewö.

36

Isogö gwölönarökurupñi

1 Hist 1.34-36

¹ Iso qetñi alañi Edom yañgö gwölönarökurupñi yengö qet areñini kewö: ² Isonöñ Keinan ambi karöbut engimeyöhi, miengö qetñini kewö: Ada mi Hit azi Elon yañgö böratña, Oholibama mi Hiwi azi Zibeongö nahöññi Ana yañgö böratña.* ³ Basemat mi Ismaelgö böratñi Nebaiotkö nenni.* ⁴ Adanöñ Isogö nahöññi Elifaz meiga Basematnöñ yañgö nahöññi Reuel meyök. ⁵ Oholibamanöñ Jeus, Jalam aka Kora engömeyök. Isogö nahönurupñi mewö mi Keinan gölmenöñ asuhuget.

* 35:12: Jen 17.4-8 * 35:15: Jen 28.18-19 * 35:21: der lama kambugö jegalöm meme miri köröpñi * 35:22: Jen 49.4 * 35:27: Jen 13.18 * 36:2: Jen 26.34 * 36:3: Jen 28.9

⁶⁻⁷ Jeikob aka Iso yetköreñ mirigö sömbup kambuñi kambuñi gwötpuk ahögerangöra gölme kiana malohori, miañon qahö dop kölok. Sukinapñiran keta bölökñi aiga mohotñe tata malbingö osiget. (6) Miangöra Isonöñ anömurupñi, nahönböraturupñi aka könagesöurupñi pakpak yangö mire malgeri, mi enguangirök. Mi enguangita lama bulmakau kambuñi kambuñi, donki kamelurupñi aka sukinap yuaini pakpak Keinan gölmenöñ mala miwikñaiyöhi, mi memba munñi Jeikob mosöta gölme kunöñ anök. ⁸ Iso qetñi alañi Edom yañon mewö aka Seir gölme kundunambuk miangöreñ anda malget.

⁹ Isonöñ Seir gölme kundunambuk miangöreñ mala Edom könagesö yengö bömön jalöñini ahöhi, yangö gwölönarökurupñi yengö qet areñini kewö: ¹⁰ Isogö nahönurupñi yengö qetñini kewö: Anömñi Ada yangö nahönñi qetñi Elifaz. Anömñi Basemat yangö nahönñi qetñi Reuel. ¹¹ Elifazkö nahönurupñi 5 mi Teman, Omar, Zefo, Gatam aka Kenaz. ¹² Isogö nahönñi Elifaz yangö anömñi bohonñi qahö memerñi qetñi Timna yañon Elifazkö nahönñi Amalek meyök. Isogö anömñi Ada yangö isi aziurupñi mi mewö. ¹³ Reuelgö nahönurupñi 4 mi Nahat, Zera, Sama aka Miza. Isogö anömñi Basematkö isi aziurupñi mi mewö.

¹⁴ Isogö anömñi Oholibama yañon Isogö nahönurupñi karöbut engömeiga qetñini Jeus, Jalam aka Kora qetket. Oholibama mi Zibeongö nahönñi Ana yangö böratñi ahök.

¹⁵ Isogö gwölönarökurup kambuñi kambuñi yengö azi kembuñini mi kewö: Isogö nahönñi mutukñi Elifaz yangö nahönurupñi mi azi kembu qetñini Teman, Omar, Zefo, Kenaz, ¹⁶ Kora, Gatam aka Amalek. Elifazkö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Ada yangö isiurupñi aket.

¹⁷ Isogö nahönñi Reuel yangö nahönurupñi mi azi kembu qetñini kewö: Nahat, Zera, Sama aka Miza. Reuelgö gwölönarökurupñi azi kembu Edom gölmenöñ asuhugeri, mi mewö. Mi Isogö anömñi Basemat yangö isiurupñi aket.

¹⁸ Isogö anömñi Oholibama yangö nahönurupñi mi azi kembu qetñini kewö: Jeus, Jalam aka Kora. Azi kembu mi Isogö anömñi Oholibama, Anagö böratñi yangö nahönurupñi aket. ¹⁹ Iso (Esau) qetñi alañi Edom yangö nahönurupñi mewö aka yengö könagesöurup miengö azi kembuñini mi mewö.

Seir könagesögö qet areñi

1 Hist 1.38-42

²⁰ Hor könagesögö azi Seir yangö nahönurupñi mutuk Edom gölmenöñ malgeri, yengö qetñini kewö: Lotan, Sobal, Zibeon, Ana, ²¹ Dison, Ezer aka Disan. Seirgö nahönurupñi mi mutuk Edom gölmenöñ Hor könagesö yengö azi kembuñina malgetka Isonöñ könangep kayök.

²² Lotangö nahönyahötñi yahöt mi qetñiri Hori aka Heman. Lotangö nenñi qetñi Timna.

²³ Sobalgö nahönurupñi qetñini kewö: Alwan, Manahat, Ebal, Sefo aka Onam.

²⁴ Zibeon yangö nahönyahötñi yahöt qetñiri Aia aka Ana. Anagö kösohotñi kewö: Yañon iwiñi Zibeongö donkiñi gölme qararañkölkölñe galöm köl engii nene jaruba negetka miangöreñ o jeñi jeñi könöpñinambuk miwikñaiyök. ²⁵ Anagö nahönböratyahötñi yahöt mi nahönñi Dison aka böratñi Oholibama. ²⁶ Disongö nahönurupñi qetñini kewö: Hemdan, Esban, Itran aka Keran.

²⁷ Ezergö nahönurupñi qetñini kewö: Bilhan, Zawan aka Akan.

²⁸ Disangö nahönyahötñi yahöt qetñiri Uz aka Aran.

²⁹ Hor könagesöñi könagesöñi yengö azi kembu-urupñini yengö qetñini mi Lotan, Sobal, Zibeon, Ana, ³⁰ Dison, Ezer aka Disan. Hor könagesöñi könagesöñi yengö azi kembu-urupñini mi areñinangö dop Seir gölmenöñ mewö malget. Mewö.

Edom yengöreñ kiñ kembu areñi

1 Hist 1.43-54

³¹ Israel könagesö yengöreñ kiñ kembu kun qahö galöm köl engiiga qeljiñe nalö miangöreñ kiñ kembu kewöñan lök Edom gölme miangöreñ galöm köl engiba malget:

³² Beorgö nahönñi Bela yañon Edom yeñgö kiñ kembuñini ahök. Yangö sitiñangö qetñi Dinhaba.

³³ Belanöñ kömuiga Bozra mirigö azi qetñi Jobab, Zeragö nahönñi yañon Belagö salupñe kiñ aka malök. ³⁴ Jobabnöñ kömuiga Teman gölmegö azi qetñi Husam yañon salupñe kiñ aka malök. ³⁵ Husamnöñ kömuiga Hadad, Bedadkö nahönñi yañon salupñe kiñ aka malök. Hadadnöñ Moab gölmenöñ anda Midian azi yembuk yarö gila enguba luhut alök. Yangö sitiñangö qetñi mi Awit. ³⁶ Hadadnöñ kömuiga Masreka mirigö azi qetñi Samla yañon salupñe kiñ aka malök.

³⁷ Samlanöñ kömuiga Saul yañon salupñe kiñ aka malök. Yangö miriñi Rehobot mi Yufreitis o töwatñangö kösutñe ahöyök. ³⁸ Saulnöñ kömuiga Balhanan, Akborgö nahönñi yañon Saulgö salupñe kiñ aka malök. ³⁹ Akborgö nahönñi Balhanan kömuiga Hadarnöñ salupñe kiñ aka malök. Yangö sitiñangö qetñi mi Pau. Anömñangö qetñi Mehetabel. I Matredgö böratñi aka Mezahabgö isiñi malök.

⁴⁰ Isogö gwölönarökurupñi yeñgö azi kembu qet areñi mi isikñinañgö dop aka miri gölmeñinañgö dop kewö ahök: Timna, Alwa, Jetet, ⁴¹ Oholibama, Ela, Pinon, ⁴² Kenaz, Teman, Mibzar, ⁴³ Magdiel aka Iram. Azi mi Edom könagesögö azi kembu-urupñina malgetka qetñinañgö dop miri gölmeñinañgö qetñini qetket. Edom qetñi alañi Iso yañon mutuk gölme memba tata mala Edom könagesögö bömön jalöñi ahök. Mewö.

37

Josef aka darumunurupñi

¹ Aisaknöñ Keinan gölmenöñ kian aka maliga nahönñi Jeikobnöñ miangöreñ toroqeba malök. ² Jeikobkö gwölönarökurupñi miengö kösohotñini kewö: Josefnöñ azi gwabö yambuñi 17 aiga darumunurupñi, iwiñangö anömyahötñi bohonñiri qahö memerñi Bilha aka Zilpa yetkö nahönurupñi yembuk lama aka meme (noniñ) kambuñi kambuñi galöm köñ engiba malget. Mewö mala darumunurupñan silik akeri, miangö kösohotñi bölöñi bölöñi mi iwiñangö jii möta malök.

³ Jeikobnöñ azi namñi aiga nahönñi Josefnöñ asuhuyöhi, miangöra iwiñan i nahönurupñi tosatñi pakpak engongita uruñan jöpaköm wañgiba malök. Nalö kunöñ maluku köröpñi ekjeritñambuk böröñi köröpñi mi memba Josef wañgiyök. ⁴ Iwiñan i darumunurupñi pakpak engongita uruñan jöpaköm wañgiba malöhi, yangö darumunurupñan mi eka könahiba kazik ak wañgiba yambuk ala-alagö keuñi kun qahö eraum-möta malget.

⁵ Sungem kunöñ Josefnöñ gaun kun eka miangö kösohotñi mi darumunurupñi jiiga mötket. Mi mötketka uruñinan öngöiga kazik gwötpuk ak wañgiba malget. ⁶ Kösohotñi mi kewö jiiga mötket: “Mötket, ni gaun kun ekzali, mi kewö: ⁷ Nini nupnöñ mala wit padi böranini jöhöbingö tandök akzin. Mewö ahinga nöñgöreñ wit padi börani miangön wahöta köñgep kiniga engöreñ böran miengön mönö nöñgöreñ böran liliköba sököba kinje.”

⁸ Mewö jiiga möta darumunurupñan Josefköra kewö jiget: “Gi neñgöreñ kiñ kembuya akanak me? Gi öñña galöm köñ nengimangöra mötzan me?” Josefnöñ gaunñi eka miangö kösohotñi jiyöhi, miangöra yeñgö uruñinan kunbuk toroqeba öngöiga kazik keta bölöknöñ möt wañgiba malget.

⁹ Miangö andöñe gaun kun kunbuk eka miangö kösohotñi darumunurupñi kewö jiiga mötket: “Nöñon gaun kun ekiga miangöreñ wehön, köiñ aka señgelau 11 miengön nöñgöra sipköget.”

¹⁰ Kösohotñi mi iwiñi aka darumunurupñi jii mötketka iwiñan tembula kewö jim wañgiyök: “Gi gaun tandökñi mewöñi mi denöwögöra ekzane? Ni, namgi aka darumunurupki neñon mönö denöwö aka göhöreñ kaba jemesoholge simin köla gölmenöñ bangöbinak?” ¹¹ *Mewö asuhuiga darumunurupñan uruñinan mututqutut (jelös) möt wañgiba malgetmö, iwiñan keu mi uru könömñe ali ahöiga mötmörriba malök. Mewö.

* 37:11: Apo 7.9

Josef bohonji memba wangita Ijipt gölmenöy anget.

¹² Nalö kunöy Josefko darumunurupni yejön iwinanğörey lama kambu-urupni galöm köl engibingöra Sekem miri kösutne anda malget. ¹³ Mianğörey malgetka Israelnöy Josef kewö jii mörök: “Nahöni, göhö darumunurupkan Sekem kösutne lama kambunini galöm köl engiba maljei, mi mötzan. Ölop kanönga melaim gihibi yeğörey anman. “Mewö jiiga möta “Ölop anmam,” jiyök.

¹⁴ Jiiga kewö jii mörök: “Gi mönö anda darumunurupki aka lama kambunini engeka denöwö maljei, mianğö keu kösohotni mi memba lilingöba kaba jinönga mötmam. “Mewö jii möri Hebron örueneyök (ruerueneyök) melaim wanggiiga anda mala Sekem gölmenöy anğorök.

¹⁵ Sekem gölmenöy anğota gölme köröne köna jaruba lañ anda maliga azi kunjan miwikñaiba eka kewö qesim wangiyök: “Gi wani yuaia jaruba maljan?”

¹⁶ Qesim wanggiiga kewö melejnök: “Ni darumunurupni yeğöra jaruzal. Yejön denikeanğörey mala lamaurupni galöm köl engizei, mi ölop jinönga mötmam.”

¹⁷ Mewö melejniga kewö jiyök: “Yejön lök gölme ki mosöta anget. Dotan mire anbingöra jigetka möral. “Mewö jiiga möta darumunurupni yeğö könañine enguatangöba mala Dotan miri kösutne anda miwikñaim engiyök.

¹⁸ Miwikñaim engiba kösutnine qahö anğorökmö, tikep endu kaiga darumunñan i eka tokoba Josef qebingö anğönañ alget. ¹⁹ Anğönañ ala nanñinök kewö eraum-mötket: “Eket, gaun ehek azi mianñön mönö endu kaza. ²⁰ Ayop, mönö kagetka anda qein kömuiga qamötñi o lömni kunöy gilin geiga kewö jibin: ‘Sömbup kalñan mönö i qei kömuyök.’ Gaunñangö ölñan denöwö asuhumawi, mi mönö mianğö andöne ekin.”

²¹ Mewö eraum-mötketka Rubenöy mi möta Josef böröñineyök meköba malmalñi jöhömangöra möta kewö jiyök: “I mönö kude qeinga kömuma.” ²² Toroqeba kewö jii mötket: “Sepñi mönö kude mokome. Gölme qararañkölkölñe o löm ki kinjawi, i ölop mianğörey gilgetka gemapmö, böröñinan mönö yanğö sileñe kude misiriba qeme. “Rubenöy Josef böröñineyök meköba anğön köla wangita iwinanğörey lilingöba anbitköra möta keu mewö jiyök.

²³ Mewö jii möta kingetka Josefnöy darumunurupni yeğörey kanğorök. Kanğoriga malukuñi köröpñi ekjeritñambuk böröñi köröpñi wöta kayöhi, mi lañ öröba munjurata qeköget. ²⁴ Mi qeköba munñini qeraköba memba anda o lömnöy gilgetka geyök. O löm mi öñi qahöpmö, gwamönña kinök.

²⁵ Mewö aka nene nemingö eta tatket. Eta tata jeñini uget aniga Ismael könagesögö kölköl-örörö azi tosatñan Gilead miri mosöta kamelñini totnöy totnöy al engiba awatañ kagetka engeket. Yejön kamel qakñine gipmi bakötök, sile mirimirigö kelökñi aka marasin ip tokuñi qetñi mör gipit mi algetka bisiba Ijipt kantrinöy anbingöra kaget.

²⁶ Mewö engeka Judanöy darumunurupni kewö jii mötket: “Nini munini qein kömuiga sepñangö keuñi köyatiba asambötpin ewö, mianñön mönö denöwö bauköm nengibawak? ²⁷ Yanñön nanini munini aka nanini sepkitipnini akzawangöra mönö böröñinan sileñe kude misiriba qebinmö, ölop kagetka anda Ismael azi mienñön i söngöröñi memegöra engibin. “Mewö jiiga darumunurupñan mi möta urumohot aka imbi kölget.

²⁸ *Mewö aketka Midian gölmegö Ismael könagesögö kölköl-örörö azi mienñön kaba kanğota engongitpingö aket. Mewö aketka munñini Josef mi o lömnöhök öröget koriga silwö kötni 20:nöy söngöröñi memegöra al wangiget. Al wangigetka Ismael azi mienñön i bohonji memba wangita Ijipt kantrinöy anget.

²⁹ Angetka Rubenöy kungenök lilingöba o lömnöy kaiga Josefnöy mianğörey kunbuk qahö kiniga eka wösöñi juliga wösöbirikñi kondela malukuñi munjurarök. ³⁰ Malukuñi munjurata munurupni yeğörey lilingöba kaba kewö jiyök: “Morö gwabönöy mönö denike ayapköba sohoza? Yei! Mianğö keuñan nöngö qakne öngöiga mönö denöwö akileñak?”

* 37:28: Apo 7.9

³¹ Mewö jiiga meme (noniņ) aziņi kun memba qeget kömuiga Josefköreņ malukuņi memba meme miangö sepņan kundumgöba membiliget. ³² Membiliba malukuņi köröpņi ekjeritņambuk böröņi köröpņi mi memba mire anda iwiņi kondela kewö jiget: “Nini ki miwikņajzin. Mi nahöņgi Josefköreņa me qahö, mi ölop ek kewötman.”

³³ Mewö jigetka ek kewöta kewö jiyök: “Ki mi nahönaņgöreņ malukuya. Sömbup kalņi kunņan mönö yaijapaleleņ qei kömuiga gwahörök. Öliņa, Josef mi yöhöqöhötiiga borom-borom ahök.” ³⁴ Mewö jiba amburereņ aka wösöbirikņi kondela malukuņi munjurata sileņi gölmenöņ membiliba nahönaņgö nalö köröpņi jingereņ köla sahöta malök. ³⁵ Mewö maliga nahönböratuņi pakpak yeņön kaba urukölalep mem waņgibingö aketmö, yeņön mi qetala tököba urukondumök möta kewö jiyök: “Qahö! Nöņön mönö jingereņ köla sahöta mala kömumba uņem mire nahönaņgöreņ gemam. “Mewö jiba Josefköra sahöta malök.

³⁶ Mewö maliga nalö miangöreņ Midian gölmegö kölköl-örörö azi yeņön Josef waņgita Ijpt kantrinöņ aņgota bohonņi memegöra algetka Farao kiņgö jembonņi kun qetņi Potifar, kiņgö malmahņangö sikiriti yeņgö suahö galömjina malöhi, yeņön i söņgöröņi meiga welenqeqeņi omaņi ahök. Mewö.

38

Juda aka Tamar

¹ Nalö miangöreņ Judanöņ darumunuruņi engömosöta yagömanņe Adulam mire geba azi kun qetņi Hira yambuk tata malök. ² Miangöreņ mala Judanöņ Keinan azi kun qetņi Sua yaņgö böratņi eka anömņa meiga mohotņe ahöyohot. ³ Mohotņe ahöyohotka anömņan gölöm ala morö nahön memba qetņi Er qerök. ⁴ Mewö qeta kunbuk gölöm ala morö nahön kun memba qetņi Onan qerök. ⁵ Miangö bapņe dumņe kunbuk morö nahön kun memba yaņgö qetņi Sela qerök. Morö nahön mi Kezib mire mala miangöreņ meyök.

⁶ Mewö malgetka Judanöņ nahönņi mutukņi Er yaņgöra ambi kun qetņi Tamar waņgiiga anömņa ahök. ⁷ Anömņa ahökmö, Judagö nahönņi mutukņi Er yeņön Kembangö jeņe bölöņi aka memba malöhi, miangöra Kembangö jim teköm waņgiiga kömuyök. ⁸ Kömuiga Judanöņ nahönņi Onangöra kewö jiyök: “Gi ölop datkahö malöņi memba qambötņi akzanaņgö köna keuņi wuatangöba yambuk ahöba datkahöra gwölönarök qiwikņaiman.”

⁹ Mewö jiyökmö, Onanöņ gwölönarök mi yaņgö buņaya qahö akņawi, mewö möta silik kewö aka malök: Datņangöra gwölönarök qiwikņaiwapuköra yaņgö anöm malöņambuk ahöba malöhi, nalö miangöreņ nalö dop morö qiwiqiwikņaiğö sile oņi mi öne gölmenöņ qokoba malök. ¹⁰ Silik mewö aka malöhi, mi Kembangö jeņe bölöņi ahök. Miangöra Kembangö i mewöyök jim teköm waņgiiga kömuyök. ¹¹ Kömuiga Judanöņ iranņi Tamargöra kewö jiyök: “Gi mönö iwigahö mire lilingöba anda malöya mala malnöņga nahöni Selanöņ qariba ketanı akagun gi gömima. “Keņgötņi kewö mötmöriba mewö jiyök: Selagö datyahötņan kömuyohotka yeņön miangö dop mala mewöyök kömumbapuk. Mewö mötmöriba Tamargöra jiiga iwiņangö mire lilingöba anda miangöreņ tata malök.

¹² Miangöreņ tata maliga nalö köröpņi teköiga Suagö böratņi, Judagö anömņi yeņön kömuyök. Kömuiga jingereņ köla sahöta mali teköiga Judanöņ miri gölme qetņi Timna miangöreņ azi tosataņan nanņi lamauruņi yeņgö juņini mitigeri, i eņgekņamgöra öņgöyök. Adulam mirigö azi alaņi Hira yambuk mohotņe miangöreņ öņgöyohot. ¹³ Öņgöyohotka Tamargöra buzup kewö jigetka mörök: “Mötnöņ, göhö azi irangan mönö lamauruņi yeņgö juņini mitimamgöra aka Timna miri gölmenöņ anja.”

¹⁴ Mewö jigetka mörök. Judagö nahönņi Selanöņ lök qariba ketanı aiga töndup i anömņi akņapköra qahö waņgiyök. Miangöra Tamarnöņ malö malmamgö malukuņi qeköba nörop kawöseņnöņ nörop jeņi esuhuba turum aņguyök. Mewö aka Timna anangö könanöņ anda taon qetņi Enaim miangöreņ aņgota kiripo naņgu kösutņe tarök.

¹⁵ Tariga Judanöņ kaba eka jemesoholņi esuhuyöhaņgöra i qahö ek kutuba mi köna ketanı ambia mewö mötmöriyök. ¹⁶ Iranņa taröhi, mi qahö möt kutuyöhaņgöra aka köna

jitne yangöreŋ anda kewö jiyök: “Ölöp kanöŋga nöŋön göbuk ahöbit. “Mewö jiiga möta kewö qesiyök: “Nömbuk ahömanangö töwaŋi mönö wani yuaia niŋgiman?”

¹⁷ Mewö qesiiga kewö jiyök: “Ni nani kambunöhök meme moröŋi gwaböŋi kun albi göhöreŋ kama. “Mewö jiiga kewö qesiyök: “Mi mutuk qahö kaba kaŋgoriga keugahö öŋi akŋawaŋgö yuai kun mi niŋgiman me qahö?”

¹⁸ Mewö qesiiga kewö jiyök: “Nöŋgö keunangö öŋi akŋawaŋgö yuai kun mi mönö wani yuaia gihibileŋak?” Mewö jiiga kewö meleŋnök: “Köpep supapkan qetki mekö-tahömakzani, mi, miangö kösö wötŋi aka öröpki börögan memba kinjani, mönö mia niŋgiman. “Mewö meleŋniga yuai mi waŋgiba yambuk ahöiga gölöm alök. ¹⁹ Yambuk ahöba wahöta miriŋe anda nörop kawöseŋi luluŋda qeköba malö malmangö malukuŋi mi kunbuk löŋgöta malök.

²⁰ Mewö maliga Judanöŋ nalö kunöŋ Adulam mirigö azi alaŋi Hira melaiba kewö jiyök: “Gi mönö meme (noniŋ) moröŋi gwaböŋi memba anda ambi mi waŋginöŋga nöŋgö keunangö öŋi akŋawaŋgö yuaiŋi mi meleŋ gihiiga memba kaman. “Nup mewö memapköra Hira melaiiga anökmö, Hiranöŋ ambi mi qahö miwikŋaiyök. ²¹ Qahö miwikŋaiba Enaim azi tosatŋi kewö qesim eŋgiba jiyök: “Jöwöwöl jikegö köna ketari ambinöŋ Enaim kiangöreŋ köna göreŋe taröhi, mi denike?” Mewö jiiga kewö meleŋda jiget: “Ambi mewöŋi kun mi kiangöreŋ qahö malök.”

²² Mewö jigetka Hiranöŋ öne lilingöba Judagöreŋ kaba jiyök: “Nöŋön anda ambi mi qahö ehal. Miri miangö toŋi yeŋön mewöyök keu kewö jigetka möral: ‘Jöwöwöl jikegö köna ketari ambiŋi kun mi kiangöreŋ qahö malök.’ ”

²³ Mewö jiiga Judanöŋ kewö jiyök: “O alani, muat! Yaŋön yuai mi ölöp memba malma. Yuai kun akirak, mönö gön köl netkigetka gamunöŋ turum netkibapuk. Nöŋön meme moröŋi gwaböŋi ki mi ölöp albiga anökmö, göŋön ambi mi qahö miwikŋainöŋ.”

²⁴ Mewö jiiga köiŋ karöbutkö dop teköiga tosatŋan Judagöra buzup keu kewö jigetka mörök: “Göhö irangi Tamarnöŋ mönö serowilin aka gölöm ala malja. “Mewö jigetka Judanöŋ mi möta Mosesgö köna keugö dop jimkutukutu kewö alök: “I mönö waŋgita örörahöba könöpnöŋ gilgetka geba jema.”

²⁵ I waŋgita örörahöba angetka iranŋan Judagöra keu kewö aliga anök: “O irani, yuai kienö toŋan mönö nömeiga gölöm ala maljal. Miangöra köpep supap ki, miangö kösö wötŋi aka öröp ki mönö ek kewöta toŋi miwikŋaiman.”

²⁶ Keu mewö ali aniga möta nanŋi yuaiŋi mi ek kewöta kewö jiyök: “Yaŋön keu mi öŋa jiza. Nöŋön i nahöni Selagö anöŋi akŋapköra qahö waŋgial. Miangöra yaŋön mönö ni nongita ambi diŋdiŋi aka keu mi jiza. “Mewö jiba ambi miambuk kunbuk qahö ahöyök.

²⁷ Könaŋep morö memangö nalöŋan kam kuŋguiga morö gösöŋangö uruŋe siwisiwi azi moröŋi yahöt tarohot. ²⁸ Tarohotka morö memangö aiga kunöŋ böröŋi suluiga erök. Eriŋa anjö meme ambinöŋ mi eka möt kösö pisikŋi pötpöt memba böröŋe jöhöba kewö jiyök: “Yaŋön mutuk asuhuza.”

²⁹ Mewö jiyökmö, morö mianöŋ böröŋi kunbuk öröi öŋgöiga alaŋan mutuk asuhuyök. Yaŋön asuhuiga anjö meme ambinöŋ kewö jiyök: “O mönö mewö aka könaŋi munjurata asuhuzan. “Mewö jiiga qetŋi Perez qetket. (Perez Könaŋi munjuratza.) ³⁰ Miangö andöŋe alaŋangö böröŋe möt kösö pisikŋi pötpöt ahöyöhi, yaŋön asuhuiga qetŋi Zera qetket. (Zera pisikŋi pötpöt) Mewö.

39

Josef aka Potifargö anöŋi

¹ Nalö sutŋe miangöreŋ Ismael könagesögö kölköl-örörö azi yeŋön Josef waŋgita Ijpt kantrinöŋ aŋgota bohonŋi memegöra alget. Algetka Ijpt azi kun qetŋi Potifar, Farao kiŋgö jembonŋi kun aka malmalŋangö sikiriti yeŋgö suahö galöŋmjina malöhi, yaŋön i söŋgöroŋi meiga welenqeqeŋi omaŋi ahök.

² Mewö aka maliga Kembunöŋ Josefpuk kiniga yuai pakpak aka memba malöhi, miangöreŋ mönö töhötmöriam miwikŋaiyök. Yaŋön toŋi Ijpt azi yaŋgö mire malök.*
³ Mewö maliga Kembunöŋ Josefpuk kinda kondot waŋgiiga yuai pakpak böröŋan memba malöhi, mianöŋ mönö töhötmöriamŋambuk ahök. Mewö aiga toŋan mi ehök. ⁴ Toŋan mi ehi ölop dop köliga yaŋgö jeje eksihim miwikŋaiiga jiiga nanŋi malmalŋaŋgö galöŋŋi ahök. Potifarnöŋ Josef kuŋgum waŋgiiga miriŋaŋgö yuai pakpak galöm köliga sukinap buŋaŋi pakpak yaŋgö böröŋe aliga köyan köla malök. ⁵ Miriŋaŋgö yuaiŋi aka sukinap buŋaŋi mi pakpak Josefnöŋ galöm kölmakpöra böröŋe ala malöhi, Kembunöŋ nalö miangöreŋök könahiba Ijpt azi miangö miri yuaiŋi mi Josefköra aka kötuetsköba malök. Potifargö miriŋe aka nupŋe öroyuaiŋi pakpak ahöyöhi, mi mönö kötumötuet qakŋe ahöyök. ⁶ Mewö ahöiga Potifarnöŋ öroyuaiŋi ahöm waŋgiyöhi, mi pakpak Josefkö böröŋe al teköba kinda nanŋak i me wai miangö waimanjatŋi kun qahö mörök. Yaŋön nene nemangöra mohot mötkurumkurum aka malök. Josefkö sileŋi öndölböndöl qariiga kaisoŋgolomŋan eksihimŋambuk ahöiga malök.

⁷ Mewö maliga nalö tosatŋi teköiga Potifargö anömŋan Josef eka eksihimŋi möta kewö jiyök: “Gi mönö kanöŋga nömbuk ahöbit.”

⁸ Mewö jiyökmö, yaŋön mi tököba toŋaŋgö anömŋi kewö jii mörök: “Qahö! Mötnöŋ, toni nanŋak miriŋe öroyuai ahözawaŋgö waimanjatŋi qahö ahakzapmö, sukinap buŋaŋi pakpak mi mönö nöŋön galöm köla malmangöra nöŋgö böröŋe al teköiga ahöza.

⁹ Mewö ahöiga miri kianaŋgö uruŋe i aka ni netkö kukösumniran mönö öröröŋ ahöza. Göŋön anömŋi akzanaŋgöra gi aŋgön köl niŋgiyökmö, yuai tosatŋi kun mi nöŋgöra qahö aŋgön kölok. Miangöra nöŋön denöwögöra aka ahakmeme bölöŋi kötökŋi mewöŋi mi aka mianöŋ Anutu qetala siŋgisöndok akileŋak?” ¹⁰ Mewö jii möta keu mewöŋi mi wehön dop Josefköra jiba malökmö, yaŋön töndup mi qetala mala yaŋgö ahöahö dumnöŋ anda yambuk ahöbitkö imbi qahö kölok. Mewö yambuk mohotŋe malbitkö mewöyök tököyök.

¹¹ Mewö tököba maliga wehön kunöŋ mirigö welenqeŋeuruŋi yeŋgöreŋök kunŋan miri uruŋe qahö maliga Josefnöŋ nupŋi jijiŋi memangöra miri uruŋe öŋgöyök. ¹² Öŋgöiga ambi mianöŋ Josefkö malukuŋe qelanjiba memba kewö jiyök: “Gi mönö kanöŋga nömbuk ahöbit. “Mewö jiyökmö, Josefnöŋ malukuŋi mi yaŋgö böröŋe mosöta ölöŋ köla diŋdingöba sombemnöŋ sileŋe erök. ¹³ Malukuŋi yaŋgö böröŋe mosöta ölöŋ köla sombemnöŋ eröhi, ambi mianöŋ mi ehök.

¹⁴ Mi eka mirigö welenqeŋeuruŋi eŋgoholi kagetka yeŋgöra kewö jiyök: “Mötket, apnan Hibru azi mi waŋgita mirinine kayöhi, yaŋön mönö göngönahit ak neŋgiba malja. Yaŋön nömbuk ahöbitköra nöŋgöreŋ kotzapmö, nöŋön qet gigilahözal. ¹⁵ Qet gigilahöbiga möta malukuŋi nöŋgö wösöne mosöta ölöŋ köla diŋdingöba sileŋe geza.”

¹⁶ Mewö jiba Josefkö malukuŋi kösutŋe ali ahöi Josefkö toŋan lilingöba kamapkö mamböta tari kayök. ¹⁷ Kaiga kösohotŋi mewöyöhök jii möriga kewö jiyök: “Hibru welenqeŋe azi mi waŋgitnöŋga neŋgöreŋ kayöhi, yaŋön mönö nömbuk göngönahit akŋamgöra nöŋgöreŋ kotza. ¹⁸ Kotzapmö, nöŋön qet gigilahöbiga möta malukuŋi nöŋgö wösöne mosöta ölöŋ köla diŋdingöba sileŋe geza.”

¹⁹ Mewö jiiga Josefkö toŋan anömŋan kösohot mewö jii möriga kewö jiyök: “Göhö welenqeŋegan mönö mewö ak niŋgiza. “Mewö jii möta irimŋi seholiiga uruŋi könöp jeyök. ²⁰ Uruŋi könöp jeiga jiiga Josef memba Farao kingö kösö mirinöŋ azi galöm köl eŋgiba malgeri, mönö kösö miri miangöreŋ alget geba ahöba malök. ²¹ Josefnöŋ kösö miri miangöreŋ malökmö, Kembunöŋ Josefpuk kinda kötuetsköba ak kömum waŋgiba mali kösö mirigö galöm bohonŋan mi eka yaŋgöra eksihim mörök.* ²² Eksihim möröhaŋgöra azi pakpak kösö mire tatkeri, mi Josefnöŋ galöm köl eŋgimapköra yaŋgö böröŋe al eŋgiyök. Yuai pakpak miangöreŋ aka memba malgeri, mi Josefnöŋ jim kutum eŋgiyöhaŋgö dop aka memba malget.

* 39:2: Apo 7.9 * 39:21: Apo 7.9

²³ Kembunöŋ Josefpuŋ kinda kötuetköm waŋgiba kondoriga yuai pakpak aka memba malöhi, mi töhötmöriamŋambuk asuhuba ahöyök. Mianŋöra kösö mirigö galöm bohonŋan Josefnöŋ yuai pakpak denöwö galöm köla jim kutum enŋgiba malöhi, mianŋö waimanŋatŋi kun qahöpmahöp möta malök. Mewö.

40

Josefnöŋ azi yahöt yetkö gaunŋiranŋö könaŋi jiyök.

¹ Nalö tosatŋi teköiga Ijptkö kiŋ kembunŋanŋö wain o qambigö galömŋi aka bered ohohogö galömŋi yetköŋ ketanŋamŋiri Ijptkö kiŋi qetala köna ŋinŋiyohot. ² Mewö ahotka Farao kiŋnöŋ jembonŋi yahöt, wain o qambigö galömŋi bohonŋi aka bered ohohogö galömŋi bohonŋi yetköra aka irimŋi sehohiyök. ³ Irimŋi sehohiiga jiiga etkuanŋgita kiŋgö malmalŋanŋö sikiriti yeŋgö suahö galömŋinanŋö kösö mire yanŋö böröŋe al etkigetka geyohot. Josefnöŋ kösö miri mianŋöreŋök malök. ⁴ Sikiriti yeŋgö suahö galömŋinan Josef jim kutum waŋgiiga i welen qem etkiba malök. Mewö maliga nalö tosatŋi toroqeba kösö mire malget.

⁵ Mewö mala malgetka Ijpt kiŋgö wain o qambigö galömŋi aka bered ohohogö galömŋi yetköŋ ŋunŋem mohot mianŋöreŋök gaunŋiri inanŋök inanŋök ehot. Gaunŋiranŋö könaŋi mi inanŋök inanŋök. ⁶ Mi ehotka Josefnöŋ söŋanöhök yetköreŋ öŋgöba etkehi urueret aka bosoliba tarohot.

⁷ Mewö tarohotka Farao kiŋgö jembon yahötŋi yetköŋ Josefkö ketanŋamŋanŋö kösö mire yambuk mohotŋe tarohori, i kewö qesim etkiyök: “Inŋiri merak denöwögöra jemesoholŋiri wösöbirikjeje uba tatzahot?”

⁸ Qesim etkiiga kewö melenŋa jiyohot: “Niri nanŋök nanŋök gaunŋiri ekzitmö, mietkö könaŋiri mi daŋön jii mötŋpirak?” Mewö jiyohotka Josefnöŋ kewö jiyök: “Anutunöŋ mönö gaungö könaŋini jiji Toŋi akzapmö, ölöŋ töndup gaunŋiri jiyohotka mötmam.”

⁹ Mewö jiiga wain o qambigö galöm bohonŋan gaunŋi ehöhi, mianŋö kösohotŋi mi Josef kewö jii mörök: “Nöŋön gauni uruŋe wain ip kun mi nöŋgö wösöne kiniga ekzal. ¹⁰ Wain ipkö böröŋi karöbut kingetka könahiba söŋŋi jula kota kuŋguzawi, nalö mianŋöreŋök juranŋi kota tuliga kaŋgeŋi kaŋgeŋi asuhuba öligetka ölnanŋö köŋŋi piŋihize. ¹¹ Piŋihigetka ni Farao kiŋgö qambinŋi mi börönan memba kinda ölnanŋö köŋŋi memba mözöhölbiga onŋi Farao kiŋgö qambinöŋ geiga kiŋgö böröŋe aljal.”

¹² Mewö jii möta Josefnöŋ kewö jii mörök: “Gaunŋahö könaŋi mi kewö: Ip böröŋi karöbut mi wehön karöbutkö söpsöpŋi akza. ¹³ Wehön karöbut teköiga Farao kiŋnöŋ göhö nöropki mem wahöta pösat gihiba kunbuk nupke al gihima. Gi mutuk yanŋö wain o qambigö galömŋa mala qambi Farao kiŋgö böröŋe ala malnöŋi, mianŋö dop mönö kunbuk aka malman.

¹⁴ Mewö malmanmö, sösoŋgai qakŋe malmani, nalö mianŋöreŋ mönö ni mötmöriiba ak kömum niŋgiba nöŋgö kösohotni Farao kiŋgöra jinöŋga mötma. Mewö aka bauköm niŋginöŋga kösö miri ki mosöta etpileŋak. ¹⁵ Mötnöŋ, ni Hibru könagesögö gölmenöhök ösum-mumu qakŋe yoŋgorö noanŋitketka kaba kianŋöreŋ mewöyök yuai bölöŋi kun kösö miri kianŋö dutŋe al niŋgiranŋö dop mi qahö ahal.”

¹⁶ Josefnöŋ mewö jii möriiga bered ohohogö galöm bohonŋan alanŋanŋö gaunŋanŋö könaŋi ölöŋŋi jim asariyöhi, mi eka kewö jii mörök: “Nöŋön mewöyök gauni ekiga mianŋöreŋ bered könde karöbut nöŋgö nöropne kunduta kazal. ¹⁷ Kaba könde qakŋe eu tatzawi, mianŋöreŋ bered yuai nahömŋinambuk könaŋi könaŋi Farao kiŋgöra ahözapmö, neiŋi neiŋi yeŋön kaŋgota könde kunduta kazali, mianŋöreŋök mi nem teköze.”

¹⁸ Mewö jii möta Josefnöŋ kewö melenŋa jiyök: “Gaunŋahö könaŋi mi kewö: Könde karöbut mi wehön karöbutkö söpsöpŋi akza. ¹⁹ Wehön karöbut teköiga Farao kiŋnöŋ jiiga liŋŋipnöŋ geriba qetohom gihiba nöropki aka qamötki mem wahöta ipnöŋ möndögetka neiŋi neiŋi yeŋön kaŋgota busugi nem teköme.”

²⁰ Mewö melenḁa jiiga wehön karöbut teköiga Farao kiḁgö ahuahu nalöḁan kam kuḁguiga jembonurupḁi pakpak i nene lömbuarḁ ohoba enḁiyök. Mi ohoba enḁiba wain o qambigö galöm bohonḁi aka bered ohohogö galöm bohonḁi yetkö nöropḁiri mi jembonurupḁi yeḁgö jeḁine memba wahörök. ²¹ Wain o qambigö galömḁan mutuk nupḁi memba malöhi, mi toroḁeba memapköra kuḁgum waḁgiiga dumḁe kunbuk qambi mi Farao kiḁgö böröḁe ala malök.

²² Mewö malökmö, kiḁnöh bered ohohogö galöm bohonḁaḁgö keuḁi jim teköiga Joseföhḁ gaunḁiraḁgö könaḁi jii mörohorḁgö dop i liḁipöhḁ eriba qetohoba nöropḁi aka qamötḁi mi mem wahöta möndöget. ²³ Miḁḁgö andöḁe wain o qambigö galöm bohonḁan Josef qahö mötmörim waḁgiyökmö, i ölum qeiga laḁ malök. Mewö.

41

Kiḁnöh gaunḁi ehiga Joseföhḁ könaḁiri jim asariyök.

¹ Yambu yahöt teköiga Farao kiḁnöhḁ gaun kun kewö ehök: Yaḁön Nail o töwatḁaḁgö görḁe kiniga ² bulmakau dömhḁi 7 ölop sorokḁi kelök busuḁinambuk mi o töwatḁi miḁḁgöreḁök kota jejepeözaḁ sutḁine kinda tembam keuḁaḁ neget. ³ Miḁḁgö andöhḁine bulmakau tosatḁi 7 sihitqarambuḁinanök kaisoḁgolomḁini piromḁi mi o töwatḁi miḁḁgöreḁök kota bulmakau mutukḁi miḁḁgö kösutḁine anda o töwatḁaḁgö görḁe kinget. ⁴ Bulmakau piromḁi sihitqarambuḁinanök mieḁön bulmakau dömhḁi ölop sorokḁi kelök busuḁinambuk 7 mi gwahöt enḁiget. Farao kiḁnöhḁ gaun mi eka miḁḁgöreḁök imbiḁi möta wahörök. ⁵ Wahöta gaunḁaḁgö kunbuk möta gem anda ahöba gaun kun kewö ehök: Wit padi ip mohotkö kemaḁe ölhḁi köḁḁi ketḁi ketḁi kaḁḁḁinambuk 7 ölop kötköḁi mi loḁkam gili eta kinget.

⁶ Miḁḁgö andöhḁine ölhḁi kaḁḁḁinambuk 7 mi kunbuk loḁkam gili eta kingetka gölme qararaḁkölkölḁaḁgö luhut könöḁḁan mi enḁohotiriiga soholiba gilipitḁi (ambetakḁi) aket. ⁷ Ölhḁi morömorö kaḁḁḁinambuk mi ölhḁi kaḁḁḁinambuk köḁḁini ketḁi ketḁi kuḁgukuḁguḁi mi gwahöt enḁiget. Farao kiḁnöhḁ miḁḁgöreḁök imbiḁi möta wahöriga ölhḁi qahöpmö, mi gauna ahök. ⁸* Miri asariiga Farao kiḁnöhḁ gaunḁaḁgö mötkurumkuruḁ möta Ijpt kantrigö tiripqözölqözöl aka mötkutukutu azi pakpak öröm enḁii yaḁgö jemesoholḁe kaḁgotket. Kaḁgotketka gaun ehöḁaḁgö kösohotḁi mi jii mötketmö, körek yeḁön gaunḁaḁgö könaḁiri mi Farao kiḁgöra jim asaribingö osiget.

⁹ Osigetka wain o qambigö galöm bohonḁan kinda Farao kiḁ kewö jii mörök: “O kiḁ, nöḁön köna siḁgiali, miḁḁgö keuḁan dölkḁi urune kaḁgoriga mötmörizal. ¹⁰ Nalö kunöhḁ Farao kiḁnöhḁ jembonurupḁi neḁgöra aka irimḁi seholiiga nömemba malmalḁaḁgö sikiriti yeḁgö suaḁö galömḁaḁgö kösö mire al niḁḁiyök. Ni aka bered ohohogö galöm bohonḁi mi nömbuk nanḁi kösö miriḁe al netkiiga tarit.

¹¹ “Miḁḁgöreḁ tata mala netkөн sunḁem mohot miḁḁgöreḁök gauniri inanḁök inanḁök ehit. Gauniraḁgö könaḁi mi inanḁök inanḁök. ¹² Gauniri ekziga Hibru azi gwabö kunöhḁ miḁḁgöreḁ netpuk malök. Yaḁön sikiriti yeḁgö suaḁö galömḁaḁgö welenqeḁeḁi maliga niri gauniri yaḁgöra jizi mörök. Yaḁön gauniraḁgö könaḁiri mi inanḁök inanḁök jim asarim netkiyök. ¹³ Könaḁiri jii mörirḁgö dop ölhḁi mönö törorök kewö asuhuyök: Nöhön nupḁi mutuk memba malali, Farao kiḁnöhḁ ni nup miḁḁgöreḁ kunbuk al niḁḁiyökmö, alani bered ohohogö galömḁaḁgö keuḁi jim teköiga liḁipöhḁ eriba qetohoba nöropḁi aka qamötḁi mi mem wahöta möndöget.”

¹⁴ Mewö jiiga Farao kiḁnöhḁ möta Joseföhḁ jemesoholḁe kaḁgotmapköra jim kutuba tosatḁi melaim enḁiiga anda kösö mirigö dutḁeyök zilaḁ waḁgita kaget. Kagetka jiiga nöropḁi jupḁi mitigetka opo malukuḁi uteköba Farao kiḁgö jemesoholḁe kaḁgorök.

¹⁵ Kaḁgoriga Farao kiḁnöhḁ Josefköra kewö jiyök: “Nöhön gaun kun ekiga körekḁan miḁḁgö könaḁi jibingö osizemö, kunöhḁ göhö könaḁi kewö jiiga mötzal: ‘Kunḁan göhöra gaunḁi jii möta göḁön miḁḁgö könaḁi ölop jim asarimakzan.’”

* 41:8: Dan 2.2

¹⁶ Mewö jiiga Josefnöŋ Farao kiŋgöra kewö melenŋ waŋgiyök: “O Farao kiŋ, nöŋön qahöpmö, Anutunöŋ mönö gaungahö könaŋi jim asariba keu ölöpnji gihiiga urugan ölöwakŋa.”

¹⁷ Mewö melenŋ waŋgiiga Farao kiŋnöŋ kewö jiyök: “Nöŋön gauni ekzali, miangö uruŋe nanak Nail o töwatŋangö göräŋe kinjal. ¹⁸ Miangöreŋ kinbiga bulmakau dömnji 7 ölöŋ sorokŋi busuŋini kelökŋinambuk mi o töwatŋi miangöreŋök kota jöjöpözaŋ sutŋine kindä tembam keuqaŋ neze. ¹⁹ Miengö andöŋine bulmakau tosaŋti 7 sihitqarambuŋinanök kaisoŋgolomŋini piromŋi kötökŋi mi o töwatŋi miangöreŋök kotze. Nöŋön bulmakau bölöŋi kötökŋi mewöŋi mi nalö kunöŋ Ijpt gölme pakpak kiangöreŋ qahö engehal. ²⁰ Bulmakau sihitqarambuŋinanök kaisoŋgolomŋini piromŋi miengön bulmakau dömnji busuŋini kelökŋinambuk 7 mutuk kotzei, mi gwahöt enŋize.

²¹ “Mi gwahöt enŋizemö, mi töndup kaisoŋgolomŋinan gwahöt enŋizeangö dop utekutek qahö aiga enŋekzalmö, mutuk kaisoŋgolomŋinan piromŋi kötökŋi kota kinjei, yeŋön mewöŋanök tok kinje. Ni gaun mewö eka imbini möta wahötzal. ²² Wahöta kunbuk ahöba gaun kun kewö ekzal: Wit padi ip mohotkö kembaŋe ölnji kötnji ketanji ketanji kaŋgeŋinambuk 7 ölöŋ kötökŋi mi loŋkam gili eta kinje.

²³ “Miengö andöŋine ölnji kaŋgeŋinambuk tosaŋti 7 mi sötnji jula kota loŋkam gili eta kingetka gölme qararaŋkölkölŋangö luhut könöpŋan mi enŋohotiriiga soholiba moröŋi aka gilipitŋi (ambetakŋi) akze. ²⁴ Ölnji morömorö gilipitŋi kaŋgeŋinambuk mi ölnji kaŋgeŋinambuk ölöŋ sorokŋi mi gwahöt enŋize. Nöŋön gaun yahöt mi eka tiripqözölqözöl aziurupni jibi mötzemö, yeŋön körek mietkö könaŋiri jim asarim niŋgibingö osize.”

²⁵ Farao kiŋnöŋ mewö jiiga Josefnöŋ keu kewö jiyök: “O Farao kiŋ, göhö gaunyahötki mietkö könaŋiri mi mohok akza. Anutunöŋ yuai könaŋep akŋamgö mötzawi, yaŋön mi Farao kiŋ göhöra indelja. ²⁶ Bulmakau dömnji 7 ölöŋ sorokŋi mi yambu 7:gö söpsöpŋi akze. Wit padi ölnji kaŋgeŋinambuk ölöŋ kötökŋi 7 mi mewöyöhök yambu 7:gö söpsöpŋi akze. Könaŋiri mi öröröŋ aka mohok akzahot.

²⁷ “Bulmakau sihitqarambuŋinanök kaisoŋgolomŋini piromŋi 7 könaŋep kotzei, mi yambu 7:gö söpsöpŋi akze. Wit padi ölnji kaŋgeŋinambuk 7 gölme qararaŋkölkölŋangö luhut könöpŋan enŋohotiriiga soholiba gilipitŋi (ambetakŋi) akzei, mi bödi (buörö) malmalgö yambu 7 miangö söpsöpŋi akze. ²⁸ Anutunöŋ yuai könaŋep akŋamgö mötzawi, yaŋön mi göhöra indela kondelja. Farao kiŋgöra keu dölkö mewö jizali, mi mönö mewögöra aka jizal. ²⁹ O kiŋ, yambu 7:gö dop nene möriam keta bölökŋi asuhuba Ijpt gölme pakpak dop köla ahöma.

³⁰ “Mi ahömapmö, yambu 7 miengö andöŋine bödigö yambu 7 asuhuba ayuayuhu ketanji kondoriga Ijpt kantrinöŋ bölöma. Miangön asuhuiga nene möriam mutuk Ijpt gölmenöŋ ahöyöhi, mi gölme dop yeŋön ölum enŋum teköma. ³¹ Bödi mi köhöikŋi kötökŋi ahömawaŋgöra aka gölme dop ambazip yeŋön nene möriamgö yambuŋi 7 mutuk Ijpt gölmenöŋ ahöyöhi, miangö keuŋi mi kunbuk qahö möta malme. ³² Anutunöŋ gaun könaŋi mohot mi indimŋi yahöt gihi ekzani, mi könaŋi kewögöra: Anutunöŋ keu mi lök jöhöba jim köhöiba alök. Mi jim köhöiba alöhi, miangöra miangön mönö zilaŋ asuhuma.

³³ “Miangöra Farao kiŋ göŋön ölöŋ mötkutukutu azi kun keu törörök kewörakzawi, mi möwölöhöba kuŋgunöŋga Ijpt kantri ki galöm köla malma. ³⁴ Mewöŋanök kiap bohonŋi bohonŋi kuŋgum enŋinöŋga gölme dop köla galömŋina malme. Yeŋön nene möriamgö yambuŋi 7 miengö uruŋine nene ölnjinambuk Ijpt gölmenöŋ asuhumei, miangöra jiiga mendeŋgetka bahöŋini 5 asuhugetka miengöreŋök mohot mohot memba gawmangö köwenöŋ tokoba malme.

³⁵ “Yeŋön mönö kindä jimkutukutu algetka yambu ölöpnji 7 asuhumei, miengö uruŋine nene ölnjini körek pakpak tokoba kewöta malme. Mewö aka wit padi mi Farao kiŋgö köwe miriŋi miriŋi miangöreŋ qezaköba malme. Mi taon dop gawmangö köwe miriŋi miriŋi miangöreŋ qezaköba galöm köla malgetka könaŋepkö neneŋa ahöma. ³⁶ Nene mewö tokoba malmei, mi mönö gawmangö köwe miri dop galöm kölgetka kahaimök ahöiga

könangep bödigö yambu 7 Ijipt gölme dop asuhumawi, nalö miangörej mi ölop memba mendennda memba malme. Mewö aketka kantrigö könagesö nejön bödi miangö nalöje nenegö qahö kömumba gororongöbin. “Mewö.

Farao kiñnön Josef Ijiptkö azi kembuya kuñguyök.

³⁷ Josefnön keu mewö jiiga Farao kiñ aka jembonurupni pakpak yeñon areñ miangöra mötket dop köliga sihimni mötket.

³⁸ Mewö mötketka Farao kiñnön jembonurupni kewö jii mötket: “Azi kiangö uruñe bem yeñgö unjan kini maljawi, nini i ewö azi kun ölop qahö miwikñaibin.”

³⁹ Mewö jii mötketka Josefköra kewö jiyök: “Anutunön keu areñ pakpak ki indel gihizawi, miangöra gi ewö mötkutukutu azi keu törörök kewötpawak, mi kun qahö malja.

⁴⁰ Miangöra göñon mönö jakömbuak mirinangö galömni bohonni aka malman. Göñon nöngö könagesöurupni pakpak jim kutum enjinönga yeñon mönö göhöreñ keu tem köla keugi bapñe malme. Nöñon jakömbuak dum tatatnön tarakzali, miyök mötmöriba miangöra aka gi gonñgita ketanangni aka malmam.”*

⁴¹ Mewö jiba toroqeba kewö jiyök: “Mötnön, nöñon gi Ijipt kantri pakpak kiangö azi kembuya malmangöra kuñgum gihizal.” ⁴² Mewö jiba börö kesötñangö jenjenñi miangön supap köpew ewö qetñi mekötahöba malöhi, mi qeköba Josefkö börö kesötñe löngörök. Opo maluku eksihimñambuk opo tuatñan memenñi mi löngöt wangiba sorom goulñon memenñi kun mi memba Josefkö imbiñe kölök.*

⁴³ Mewö aka hos kare qetpuk sorokñi nanñi kareñangö qorembini mi yanñgöra jim teköiga miangörej öngöiga hosnön örögetka anda kaba malök. Mewö anda maliga kiñgö sikiriti yarö azi kunön mutuk anda göda qem wangibingöra kewö qeri qetketka malök: “Kezap! Mönö kesalget!” Mewö ak wangiba Ijipt kantri pakpakö azi kembuya kuñgum wangiyök. ⁴⁴ Farao kiñnön Josefköra kewö jiyök: “Nöñon Farao kiñ akzalmö, Ijipt kantri pakpak kiangörej kunñan kun mönö göhö jitki qetala böröñi me könani mi kude mem wahötma.”

⁴⁵ Mewö jiba Josefkö qetñi dölökñi (Ijipt keunön) Zafenat-Panea qerök. Mewö qeta Heliopolis taongö jike nup galöm qetñi Potifera yanñgö böratñi Asenat mi anömña akñapaköra wangiyök. Mewö kantrigö azi kembuya aka Ijipt kantri ekñangöra anda liliköyök. ⁴⁶ Josefnön yambuñi 30 aiga miangörej Farao Ijiptkö kiñ yanñgö jakömbuak nupñi könahiba meyök. Mi memba Farao kiñgö sitiñi mosöta Ijipt uruñe dop köla liliköba malök.

⁴⁷ Nene möriamgö yambuñi 7 miangö nalöje gölmeñine nene önöñi qahö asuhum enñiyök. ⁴⁸ Nene möriamgö yambuñi 7 kam kuñgugeri, miangö nalöje Josefnön jiiga nene könani könani Ijipt gölme asuhugeri, mi tokoba taonñine dop anda gawmangöra alget. Gölme köröñi taon dop liliköba tat angeri, miangörej nene ölni asuhugetka mi memba taonñine dop anda qenjarök köwe miriñine alget. ⁴⁹ Josefnön jiiga wit padiñi padiñi mi qenjarök köwe miriñine önöñi qahö tokoba alget. Mi sakösiñ köwet jitñe ahözawangö dop öngöba kinök. Nene möriam sesegilgil asuhuba toroqeba ahöyöhangöra nene toruñini mi toroqeba oyoñ bibihigetka lömböriiga osiba mosötket.

⁵⁰ Bödi nalöñan qahö kam kuñguiga qeljiñe miangörej anömñi Asenatnön Josefkö nahönyahötñi yahöt etkömeyök. Asenat mi Heliopolis taongö jike nup galöm qetñi Potifera yanñgö böratña. ⁵¹ Nahönñi mutukñi asuhuiga Josefnön keu kewö jiyök: “Anutunön bauköm ningiiga kahasilinñ waimanjatni pakpak aka iwinangö mirigö yuainñi pakpak mi lök ölum nuñgui maljali, miangöra. “Mewö jiba nahönñangö qetñi Manase (Ölum nuñguza.) qerök. ⁵² Nahönñi könangepñi asuhuiga Josefnön keu kewö jiyök: “Ni sihimbölönangö gölmeñe malbiga Anutunön ahumsehip niñgizawi, miangöra. “Mewö jiba qetñi Efraim qerök. (Efraim Ahumsehip niñgiza.)

⁵³ Nene möriam ketanangö yambuñi 7 Ijipt gölme dop köla kam kuñgugeri, mi ahöm kota teköget. ⁵⁴ Yambu mi tekögetka Josefnön keu jiyöhangö dop bödigö yambuñi 7 mi

* 41:40: Apo 7.10 * 41:42: Dan 5.29

könahiba kam kunjuget. Bödi mi gölme tosatnji pakpak dop köla asuhuba ahöyökmö, Ijpt gölmenöj nene mi miri dop köweñine ahöyök.* ⁵⁵ Ijpt könagesö körek pakpak yeñön könahiba bödi möta Farao kiñgö qeta nene engimapköra uletket. Uletketka möta Farao kiñnön körek yeñgöra kewö jiyök: “Iñini mönö Josefkörej angetka yuai mi me mi akñegö jim kutum engimawi, mi mönö tem köla ahakñe.”*

⁵⁶ Bödinön kantri jömukñi dop köla ahöba Ijptkö miriñi miriñi pakpak miengörej toroqeba gwötpuk lömböriyök. Mewö asuhuiga Josefnön jiiga qenjarök köwe miriñi miriñi miengö nanjuñini öröba nene mi Ijpt yeñön söngöröñi memegöra alget. ⁵⁷ Bödi mi gölme pakpak dop köla lömböriba ahöyöhangöra ambazipnön gölme dop miangörejök Ijpt kaba Josefkörej kangota nene söngöröñi memba malget. Mewö.

42

Josefkö daturupñan Ijpt gölmenöj anget.

¹ Ijpt miangörej nene ahöyöhi, keu mi Keinan gölme miangörej jigetka Jeikobnön möta nahönurupñi kewö jii mötket: “Iñini mönö wuanöngöra silekmalek aka kuruk je angetka malje? ² Ijpt miangörej wit padi ahözawi, nöñön keu mewö möral. Nini qahö kömumba malmal toroqeba malbingöra iñini mönö wahöta Ijpt geba miangörej nene tosatnji bohonñi memba kagetka nembra malbin.”*

³ Mewö jii möta Josefkö daturupñi 10 yeñön miriñini mosöta nene bohonñi membingöra Ijpt gölmenöj anbingö aket. ⁴ Iwiñini Jeikobnön Josefkö munñi Benjamingö qakñe ayuayuhu kun öngöbapüköra keñgötñi möröhangöra i daturupñi yembuk qahö melaim wañgiiga anget.

⁵ Keinan gölmenöj bödi mi mewöñanök ahöyöhangöra Israelgö nahönurupñi yeñön Keinan azi tosatñan angeri, yeñgö sutñine wit padi bohonñi membingöra mohotñe anget. ⁶ Angetmö, Josefnön Ijpt kantrigö azi kembuñini tata malök. Yañön wit padi mi könagesöñi pakpak yeñön bohonñi memegöra aliga yañgörej kangota malget. Miangöra daturupñan kageri, yeñön kangota miangörejök yañgö wösörje simin köla gölmenöj bamgöget. ⁷ Mewö bamgögetka Josefnön daturupñi engetka möt kutum engiyökmö, könajamñi köyatim engiba kian azigö tandök ak engiba örömureim keu könöpñambuk jiba kewö qesim engiyök: “Iñini mönö denikepköra kazeye?” Qesim engiiga kewö melenget: “Nini Keinan gölmenöhök nene söngöröñi membingöra kazin.”

⁸ Mewö melengetka Josefnön daturupñi möt kutum engiyökmö, yeñön i qahö möt kutum wañgiget. ⁹ Qahö möt kutum wañgigetka Josefnön mönöwök gaunñi yeñgöra ehöhi, mi mötmötñe kanjoriga mötmöröba jihip je suñini mitiba kewö jii mötket: “Ye! Iñini mönö kegwek azia akze. Nini kantrinini denikeangörej göröken awörök aka yarö gilbingö lömbörizini, iñini mi ek kewöta mötpingöra ki kaze.”*

¹⁰ Mi möta kewö melej wañgiget: “Azi kembunini, mewö qahö. Welenqequeurupki nini mönö nene söngöröñi membingöra kazin. ¹¹ Nini körekñanök azi mohotkö nahönurupñi akzin. Nini azi diñdini mala muneñ qahö jimakzin. Göhö welenqequeurupki neñön mönö gölme ek-kewötkö yarö azia qahö aka maljin.”

¹² Melej wañgigetka “Qahö!” töhörej qeta kewö toroqeyök: “Nini kantrinini denikeangörej göröken awörök aka yarö gilbingö lömbörizini, iñini mi ek kewöta mötpingöra ki kaze.”

¹³ Mi möta kewö melej wañgiget: “Welenqequeurupki nini Keinan gölmegö aziñi mohotkö nahönurupña, darumun 12 akzin. Munini qöndökñan nalö kewöñe iwiniñambuk mire tariga kunñan qahö toroqeba malja.”

¹⁴ Mewö melej wañgigetka kewö jim engiyök: “Mewö aiga iñini ölna gölme ek-kewötkö yarö azia akzei, mi lök jibi mötze.

¹⁵ Mewö maljeangöra nöñön kewö esapköm engimam: Farao kiñnön jebuk maljawi, nöñön keu öl töhöññi miangö dop jöjöpñan keu kewö jim köhöizal: Munñini qöndökñan

* 41:54: Apo 7.11 * 41:55: Jon 2.5 * 42:2: Apo 7.12 * 42:9: Jen 37.5-10

ki qahö kama ewö, iñini mönö gölme ki qahö mosöta anme. ¹⁶ Iñini keu öljü jize me qahö, nöñön mi esapkömamgöra kewö jizal: Iñini mönö sutñineyök kun melaigetka anda munñini qöndökñi wangita ki kamahot. Tosatñi iñini mönö ki mamböta kösö mire tata malme. Mewö qahö akñe ewö, iñini mönö öljü gölme ek-kewötkö yarö azia akze. Farao kiññöñ jebuk malja ewö, nöñön keu öl töhöññi miangö dop jöjöpañ keu mi jim köhöizal.”

¹⁷ Mewö jim engiba jiiga kösö miriñe al engigetka wehön karöbutkö dop tatket. ¹⁸ Wehön karöbut aiga Josefnöñ kaba keu kewö jii mötket: “Jeñinambuk toroqeba malbingö mötze ewö, iñini mönö yuai jimami, mi aketka nöñön ölop malmalñini jöhö-mam. Nöñön mewöyök iñini ewö Anutugö jitiñi ongitpilerbuköra kenjëtni mörakzal. Miangöra iñini mönö kewö akñe: ¹⁹ Iñini azi diñdiñi muneyini qahö malje ewö, darumun engöreñök mönö kunñan kösö miri kiangöreñ toroqeba tariga tosatñi iñini ölop wit padi memba miriñine lilingöba anme. Miangöreñ anda miriñine könagesourupñinan bödi aka maljei, mi nene engime. ²⁰ Iñini mönö mewö anda munñini qöndökñi wangita nöñgöreñ kame. Kagetka keuñinangö öljüñ mewö asuhuiga eka möt kutuba qahö engubi kömume. “Keuñi mewö jiiga mönö miangö dop aket.

²¹ Yeñön nanñini Hibru keunöñ sutñine keu kewö eraum-mötket: “Nini munini silik ak wangiiñi, miangö likepñi bölöñan mönö öljü qaknine öngöza. Yañön malmalñi jöhöba ak kömum wangibingöra uleta kungum neñgiiga kahasililiñi ketañi ehinmö, yangö keuñi möta mi qahö wuatangöin. Miangöra kahasililiñi lömbötñambuk kiangön neñgö qaknine öngöza.”

²² Mewö eraum-mötketka Rubenöñ kewö jiyök: “Nöñön kewö jibi mötket: ‘Iñini azi gwabö mi silik bölöñi kude ak wangime.’ Mewö jialmö, iñini nöñgö keuni mi möta silekmalek aket. Mötket, nalö kewöñe yangö sepñangö keugö likepñan mönö qaknine öngöiga kahasililiñi mötzin.”*

²³ Mewö eraum-mötketka Josefnöñ yembuk Ijipt keunöñ keu jiiga kunöñ mi meleñnök. Miangöra yeñön keuñini jigetka ölop möt asariyöhi, mi daturupñan qahö möt kutuget. ²⁴ Josefnöñ keuñini möt asariba lilingöba sahörök. Sahöta kunbuk lilingöba engeka yembuk keu jiyök. Yembuk keu jiba Simeon sutñineyök memba jiiga yeñgö jeñine jöhöget. Mewö.

Josefkö daturupñan Keinan gölmenöñ lilingöget.

²⁵ Josefnöñ jimkutukutu kewö alök: “Welenqege iñini mönö azi miengö toru gösöñine wit padi löngötketka numbuñe kotketka mohot mohot yeñgö moneñ esuñini mi totoñine inanñik inanñik toruñine alme aka köna anangö nene semönñi mi tok engime. “Mewö jim kutum engiiga miangö dop ak engiget. ²⁶ Mewö ak engigetka wit padi toruñini mi doñki qakñine ala mosöta anget. ²⁷ Anda mala gaun ahöbingöra miri kunöñ angota darumun yeñgöreñök kunñan doñkiñi gumohomamgöra aka toru kösöñi pösata moneñ esuñi mi toru numbuñe nene qakñe kiniga ehök. ²⁸ Mi eka darumunñi kewö jii mötket: “Eket, nöñgöreñ moneñ mi mönö meleñda torune utketka kinja. “Mewö möta wösöñini juliga aurum tililingöba angeka kewö jiget: “Anutunöñ mönö wani yuaia ki ak neñgizawe?”

²⁹ Anda mala Keinan gölmenöñ iwiñini Jeikobköreñ angota yuai asuhum engiyöhi, miangö kösohotñi mi körek kewö jigetka mörök: ³⁰ “Kantri miangö azi kembuñi yañön örömureim keu könöpuk jiba gölme ek-kewötkö yarö azia akinak, miangö tandök ewö ak neñgiyök.

³¹ “Mewö ak neñgiyökmö, nini yangöra kewö jiin: ‘Nini azi diñdiñi muneynini qahö mala gölme ek-kewötpingöra aka qahö kazin. Qahöpmahöp! ³² Nini azi mohotkö nahönurupña, darumun 12 aka maljin. Kunñan qahö toroqeba maliga munini qöndökñan nalö kewöñe Keinan gölmenöñ iwininambuk mire tatza.’

³³ “Mewö jiinga gölme miangö azi kembuñan neñgöra keu kewö jiyök: ‘Iñini azi diñdiñi me muneyni maljei, mi kewö kewöt engiba mötmam: Engöreñöhök darumunñini kun i

* 42:22: Jen 37.21-22

mönö mosötketka nömbuk ki tariga tosatni iḡini ölop wit padi memba lilingöba anme. Anda miriḡine könagesöurupḡinan bödi aka maljei, mi nene enḡime. ³⁴ Iḡini gölme ekewötkö yarö azia qahöpmö, azi diḡdiḡi muneḡini qahö maljei, mi kewö kewöt enḡiba mötmam: Iḡini mönö anda munḡini qöndökḡi mi waḡgita nöḡgöreḡ kame. Mewö kagetka darumunḡini melenḡ enḡibiga ölop gölme kiaḡgöreḡ aḡgumnep-qanḡumnep aka malme.’”

³⁵ Mewö jiba toru gösöḡineyök nene köweḡine mokogetka moneḡ esuḡini monenḡinambuk mi toruḡine mohot mohot totoḡine kini miwikḡaiget. Moneḡ esuḡini miwikḡaiba eka i aka iwiḡini mohotḡe auruba keḡgötkotkot mötket. ³⁶ Mewö mötketka iwiḡini Jeikobnöḡ kewö jii mötket: “Iḡini nahönurupni körek pakpak noaḡḡitpingö mötze: Josefnöḡ qahö malja. Simeon nembuk qahö malja. Benjamin mi mewöḡanök noaḡgita waḡgita anbingö jize. Sihimbölö pakpak miaḡön mönö nöḡgö qakne öḡgöza.”

³⁷ Mewö jii möta Rubenöḡ iwiḡaḡöra keu kewö jiyök: “Ni Benjamin qahö waḡgita lilingöba kaba gihimam ewö, gi ölop nani nahönyahötḡi yahöt mi etkunöḡga kömumahot. Benjamin mi ölop nöḡgö börröne alnöḡga i mönö galöm köla anda mala waḡgita lilingöba kaba gihimam.”

³⁸ Mewö jiyökmö, Jeikobnöḡ melenḡda jiyök: “Nahönyahötḡi qöndökḡi yahöt yetköreḡök datḡan kömuiga munḡan mohot malja. Iḡini könanöḡ anbingö mötzei, miaḡgöreḡ ayuayuhu kunḡan yaḡgö qakḡe öḡgöma ewö, iḡini mönö kondotketka wösöbirik öḡgöḡöḡan nöḡgö qakne öḡgöiga kömumba nörröp jupni yaḡḡonambuknöḡ uḡem mire gemam. Miaḡgöra nöḡgö nahönan mönö nömosöta embuk qahö anma. “Mewö.

43

Josefkö darumunurupḡan lilingöba Iḡipt anḡet.

¹ Keinan gölmenöḡ bödi lömbötḡambuk mi toroqeba ahöyök. ² Jeikobkö könagesöurupḡan wit padi Iḡipt kantrinöhök memba kageri, mi körek nem tekögetka qahöwahiga iwiḡinan nahönurupḡi mi kewö jii mötket: “Iḡini mönö kunbuk lilingöba anda neneḡamnini tosatni söḡgörröḡi meme.”

³ Mewö jii mötketka Judanöḡ kewö jiyök: “Azi miaḡön mönö kapaḡ köla neḡgöra galöm meme keu köhöikḡi kewö jiyök: ‘Munḡinan embuk qahö kama ewö, iḡini mönö nöḡgö jemesoholne kunbuk kaḡgotpingö osime.’ ⁴ Miaḡgöra göḡön munini melainöḡga nembuk kama ewö, neḡön ölop gömosöta neneḡamnini söḡgörröḡi membingöra anbin. ⁵ Azi miaḡön keu kewö jii mörin: ‘Munḡinan embuk qahö kama ewö, iḡini mönö nöḡgö jemesoholne kunbuk kaḡgotpingö osime.’ Miaḡgöra göḡön Benjamin aḡḡön kölman ewö, nini qahö anbin.”

⁶ Mewö jiiga Israelnöḡ kewö jiyök: “Iḡini mönö wanigöra munḡini kun maljawi, keu mi azi miaḡgö jiget mörröḡaḡöra ni urulömböt ketaḡi niḡgize?”

⁷ Mewö jiiga kewö melenḡda jiget: “Azi miaḡön nini aka könagesöurupḡnini enḡöra törrörök qeqesi könaḡi könaḡi neḡgiba kewö jiyök, ‘Iwiḡinan jebuk malja me qahö? Darumunḡini kun malja me qahö?’ Mewö jiyöḡaḡöra qeqesiḡi mi neḡön öḡḡanök jiba melenḡnin. Yaḡön könaḡep munini waḡgita kamegöra jibawak, mi mönö qeljiḡe nalö miaḡgöreḡ denöwö mötpinak?”

⁸ Mewö jigetka Judanöḡ iwiḡi Israelgöra kewö jiyök: “Miaḡgöra azi gwabö mi nöḡgö börröne ala melainöḡga mohotḡe anbin. Mewö aknöḡga amqeba zilaḡ gömosöta könanöḡ aninga nini, gi aka anöm-moröurupḡnini neḡön qahö kömum gororöḡöbin. ⁹ Benjamigö malmalḡaḡö sohopḡi miaḡgö keuḡan mönö nöḡgö börröne ahöiga lilingöba kaba gihimamgö jim köhöizal. Nöḡön i qahö waḡgita lilingöba ki kaba göhö jemesoholge qahö almam ewö, miaḡgö keu lömbötḡan mönö nöḡgö qakne öḡgöiga göhö jege bisiba malbiga gölmenöḡ malmalnan teköma. ¹⁰ Nalö körröpḡi eksekpeksek aka qahö mambötḡpinak ewö, neḡön lök endu anda lilingöba ki kainaḡ ambemḡi yahöt akawak.”

¹¹ Mewö jiiga iwiñini Israelnöñ kewö jii mötket: “Mewö akza ewö, iñini mönö kewö akñe: Gölme kiangö töhötmöriamñi ölop kötökñi tosatñi kewöñi mi memba toru gösöñine löngöta anda azi mi kalema wañgime: Sile mirimirigö kelökñi tosatñi, moroñ oñi tosatñi, gipmi bakötök, marasin ip tokuñi qetñi mör gipit, kömin, kungam aka saugö alañi almond miengö ölni. ¹² Silwö moneñ walñi toru gösöñinangö numbuñine algetka memba kageri, mi aka miangö dop qakñe toroqeba ala mindirigetka jañgöñan qariba 2:kö dop aiga mi memba lilingöba anda wañgime. Tosatñan köpösihira aka mi gösöñine alget me denöwö? ¹³ Munñini mewöyök wañgita zilañ wahöta azi miangöreñ kunbuk lilingöba anget. ¹⁴ Anutu kukösum pakpakö Toñan mönö azi miangö jeñe ak-kömükömuñi enñiiga yañön darumunñini kun aka Benjamin mi embuk mire lilingöba kamegöra imbi kölma. Nöñgö moröurupnan tönbirin akñe ewö, nöñön mönö öne töhöñ malmam.”

¹⁵ Mewö jiiga kalem yuai mi memba silwö moneñ memba kageri, miangö dop qakñe toroqeba ala mindirigetka jañgöñan qariba 2:kö dop ahök. Mi memba Benjamin mohotñe wañgita wahöta ösumñinan Ijpt anda Josefkö jeñe añgotket. ¹⁶ Añgotketka Josefnöñ Benjamin mi yeñgö sutñine eka miangöreñök miriñangö galömñi kewö jim kutum wañgiyök: “Gi mönö azi ki enñuwañgita nani mire anda al enñinöñga tatme. Tatketka anda sömbup kun qeba ohoba silimgö neneñi mözözömgönöñga yeñön ölop nömbuk mohotñe nene nembin.” ¹⁷ Josefkö miriñangö galömñan jim kutum wañgiyöhañgö dop azi mi enñuwañgiriga Josefkö mire anget.

¹⁸ Enñuwañgiriga Josefkö mire anda jönömñini unduiga keñgötñini möta kewö mötmöriiba sutñine jiget: “Mutuk kainga moneñnini melenña toru gösöñine algetka memba anini, miangöra yeñön mönö enñuwañgita kaba ki al enñigetka tatzin. Yeñön mönö qeraköba enñum ureiba luhut al enñiba enñgömegetka welenqequeurupñi omañi ahinga doñkiurupnini kalöpköba añgön köl enñibepuk.” ¹⁹ Mewö jiba kinda Josefkö mirigö galömñi yañgöreñ öngöba angetka miri nañguñe kiniga yañgöra keu kewö jiget: ²⁰ “O ketañamnini, nini nalö mutukña nene bohonñi membingöra ki kain. ²¹ Kaba nene bohonñi memba kunbuk lilingöba anda könanöñ miri kunöñ anda ahöbingöra tata toru gösöñinangö kösöñi pösata moneñnini totonine mi köreknänök gösöñini nanñök nanñök numbuñine nene qakñe ahöiga ehin. Miangöra moneñ mia merak kunbuk melenña memba kazin. ²² Silwö moneñ mi dañön toru gösöñine melenña kunbuk alöhi, mi neñön qahö mötzin. Neñön mi aka silwö moneñ tosatñi mi qakñe juhuköba nene söñgöroñi kunbuk membingöra gösöñine ala memba kazin.”

²³ Mewö jigetka miri galömñan kewö jiyök: “Waimañjat kude mötme. Nanñini aka iwiñinangö Anutuñan mönö kungö uruñi kunguiga silwö moneñ mi toru gösöñine aliga miwikñaiget. Nöñön enñgöreñ silwö moneñ mi lök meal. Miangöra keñgötñini kude möta urubönjöñ tatme. “Mewö jiba Simeon wañgita yeñgöreñ kayohot.

²⁴ Kayohotka mohotñe enñuwañgita Josefkö mire öñgögetka könanñini sañgoñmegöra o enñiyök aka doñkiñini gwözözak neneñini miangön gumohom enñiyök. ²⁵ Yeñön silimgö neneñi Josefkö mire mohotñe nemeangö keuñi mötket. Miangöra Josefnöñ silimnöñ miriñe kañgotmapköra mamböta kalem yuaiñini mi aukñe areñgöba tatket. ²⁶ Tatketka Josefnöñ mire kaiga kalem yuaiñini memba kaba miriñe öñgögeri, mi wañgiba wösöñe simin köla gölmenöñ bamgöget. ²⁷ Bamgöba wahötketka jölöñini jiba denöwö maljei, qesim enñgiba kewö jiyök: “Iwiñini azi namñangö jigeri, yañön denöwö malja? Toroqeba jebuk malja me qahö?”

²⁸ Mewö jiiga kewö melenñet: “Göhö welenqegegi, neñgö iwiniñan mönö ölop malja. Mönö toroqeba jebuk malja. “Mewö melenña göda qem wañgiba simin köla gölmenöñ bamgöget.

²⁹ Mewö aketka jeñan ui anda kaiga munñi Benjamin, nanñi namñangö nahönñi mi eka kewö qesim enñiyök: “Munñini qöndökñangö jigetka mörali, yañön mönö ki akza me denöwö?” Qesim enñgiba toroqeba kewö jiyök: “Nahöni, Anutuñöñ mönö ak kömum gihiiga malman.”

³⁰ Mewö jiba munji eka wösöni pöröraköiga jeji asöliiga sahötmamgö möta mi-angöreñök wölañ lilingöba engömosöta ösumñan miri uruñi ölöñi kunöñ öngöba nanñök mala sahörök. ³¹ Sahöt teköba je imbilñi sanğonđa miri uruñi ölöñi mi mosöta kaba törörök mökösönđa kinda nanñi galöm köl anguba numbu nene kölmegöra jiyök. ³² Ijpt yeñön Hibru ambazip yembuk mohotñe nene nemingö mötketka imbilonjonambuk akzawangöra mi osimakze. Mianğöra Josefkö neneñi mi inanñök köl wangigetka tari darumunurupñi yeñgö mi inanñök köl engiget tatketka Ijpt ambazip yambuk nene nemingö kaba tatkeri, yeñgö neneñini mi inanñök kölgetka tatket. ³³ Josefnöñ jiiga darumunurupñi mi ahugeranğö dop areñgöm engigetka mutukñan qaikñe tariga bezupñinan qöndökñe tariga Josefnöñ mesohol köl engiba tarök. Mewö tata nanñini anğek kutuba welipköba tatket.

³⁴ Mewö tatketka Josefnöñ jiiga nanñi teibolnöhök nene tosatñi mendenđa memba kaba köl engigetka munñi Benjamingöra ambemñi 5:gö dop toroqeba kölgetka neyök. Mewö memba Josefpuk közölömbuanğ ala awamñanök o köhöikñi memba sösönğai qakñe tatket. Mewö.

44

Josefnöñ darumunurupñi qambigö esapköm engiyök.

¹ Mianğö andöñe Josefnöñ mirinanjö galömñi jim kutum wangiba kewö jiyök: “Gi mönö azi miengö toru gösöñine wit padi mi sirimeanjö dop löngötnöñga numbuñine kotme. Mewöñanök mohot mohot yeñgö moneñ esuñini mi nanñök nanñök toto qeba toru gösöñinanjö numbuñine alman. ² Munñini qöndökñi yanğö toru gösöñanjö numbuñe mianğöreñ nane qambi silwönöñ memeni mi wit padigö moneñi memba kayöhi, miambuk almam. “Mewö jim kutum wangiiiga mianğö dop ahök.

³ Miri asariiga söñanök azi mi melaim engigetka doñkiñini enğuanğita könanöñ anget. ⁴ Anda siti mosöta köröwen qahö angetka Josefnöñ mirinanjö galömñi kewö jim kutum wangiyök: “Gi mönö zilañ wahöta azi mi enğuatangöba anda miwikñaim engiba engeka kewö qesim enğiman: ‘Azi kembunöñ ölöñi ak enğiiga iñini mönö wuanöñgöra mianğö kitipñi bölöñi meleñ wangiba kaze? ⁵ Nöñgö ketañamnan qambiñeyök kuluñ nemakzawi aka qambiñi mianğön unji aka keu asa-asambötñanjö könañi miwikñaimakzawi, iñini qambi mi mönö wuanöñgöra yoñgorö memba kaze? Iñini mönö silik mi bölöñi kötökña akze.’”

⁶ Josefnöñ mirinanjö galömñi mewö jim kutum wangiiiga anda miwikñaim engiba keuñi mi jiyöhanğö dop jii mötket. ⁷ Jii mötketka kewö meleñ wangiget: “Ketañamninan keu tandökñi mewöñi mi mönö wuanöñgöra jiza? Göhö welenqeçeurupki neñön silik bölöñi mewöñi mi qahöpmahöp akzin. Mi yapmakek! ⁸ Mötnöñ, nini toru gösöñinanjö numbuñine silwö moneñ esu miwikñainini, mi mewöyök Keinan gölmenöhök memba kaba gihiin. Nini mönö wuanöñgöra silwö me goul mi ketañamgahö mireyök yoñgorö membinak? ⁹ Welenqeçeurupki neñgöreñök kungö toru gösöñe silwö qambi mi miwikñaiman ewö, yanğön mönö kömupkö buñaya aiga tosatñi neñön ketañamnini, göhö welenqeçe omañi aka malbin.”

¹⁰ Mewö meleñ wangigetka kewö jiyök: “Mewö mianğön ölöp. Jizeanjö dop mi ölöp akin. Kungö toru gösönöhök silwö qambi mi miwikñaimami, yanğön mönö nöñgö welenqeçeni omañi akñapmö, tosatñi enğö sileñine keu qahö ahöiga ölöp nanñinök miriñine anme.” ¹¹ Mewö jii möta körekñan gösöñini nanñök nanñök ösumok qeköba memba eta gölmenöñ ala numbuñinanjö kösöñi pösatket. ¹² Pösatketka Josefkö mirinanjö galömñam datñini mutukñanjö toru gösöñeyök könahiba qezanđa jaruba anda anda munñini qöndökñi Benjamingö toru gösöñe teteköñe eka qambi mi mianğöreñ miwikñaiyök. ¹³ Mi miwikñaiiga yeñön uruñini kot gwözöñniga wösöbirikñini kondela malukuñini munjukunjuratket. Mewö aka sukinapñini doñki qakñine ala kumbuk lilingöba sitinöñ anget.

¹⁴ Juda aka darumunurupnji yejön lilingöba Josefkö mire angetka yañön tok mirinjeyök tarök. Tariga wösöñe angota simin köla gölmenöñ bamgöget. ¹⁵ Bamgögetka Josefnöñ kewö jiyök: “Iñini mönö wani siliha mi akzeye? Azi ni ewöñan mönö ölop unju memba yuai yongorö megetka mi miwikñaimakzali, iñini mi qahö mötze me?”

¹⁶ Mewö jiiga Judanöñ kewö meleñnök: “O ketañamni, nini mönö wani keuya göhöra jibinak? Nini keugö jaruzin. Neñön yuai bölöñi qahö ahini, mi kondel gihibinangö dop qahö. Anutunöñ mönö welenqequeurupki, neñgö pinjtkö keuñi indeli aukñe ahöza. Mianğöra kungö toru gösöñeyök qambi mi miwikñajizawi aka tosatñi neñön mewöyök mönö azi kembunangö welenqequeurupñi omani aka malbin.”

¹⁷ Mewö meleñnökmö, Josefnöñ kewö jiyök: “Nöñön yuai mewöñi mi qahö ak enğimam. Mi saumbañ! Azi dagö toru gösöñe qambi mi miwikñajizawi, yañönök mönö nöñgö welenqeqeni aka malmappmö, tosatñi iñini ölop luai qakñe lilingöba iwiñinangöreñ mire anme.”

Judanöñ Benjamingöra Josef ulet wañgiyök.

¹⁸ Mewö jiiga Judanöñ Josefkö wösöñe anda keu kewö jiyök: “O azi kembuni, ölop imbi kölnöñga welenqeqegi nöñön keu tosatñi azi kembuni göhöra jibileñak. Göñön Farao kiñ nanjambuk öröröñ akzannmö, töndup welenqeqegi nömbuk kazik kude ak niñgiman. ¹⁹ Azi kembuni göñön welenqequeurupki nini mutuk kainga kewö qesim neñginöñ: ‘Enğö iwiñini aka darumunñini kun maljahot me qahö?’

²⁰ “Mewö qesim neñginöñga neñön azi kembuni göhöra kewö meleñnin: ‘Neñgö iwinini azi namñi aka munini azi gwaböya kun mire tatzahot. Munini mianñön iwininan lök azi namñi aiga nalö mianğöreñ asuhuyök. Namñan azi morö yahöt etkimeiga datñan kömuiga nanñök töhön malja. Yañön mönö iwiñangö wölböt (jojopañ) nahönñi akza.’

²¹ Mewö meleñninga göñön welenqequeurupki neñgöra keu kewö jinöñ, ‘Iñini mönö munñini mi wañgita nöñgöreñ ki kagetka i ölop nani jenan uba ekñam.’

²² “Mewö jinöñga neñön azi kembunini göhöra kewö meleñnin: ‘Azi gwabö mi iwiñi mosötmamgö osima. Iwiñi mosötpawak ewö, iwiñan mönö kömumbawak.’ ²³ Mewö meleñninmö, göñön welenqequeurupki neñgöra keu kewö jim kutunöñ: ‘Munñini qöndökñan embuk ki qahö kama ewö, iñini mönö nöñgö jemesoholne kunbuk kude asuhume.’

²⁴ “Mewö jim kutunöñga mirinine lilingöba anda nöñgö iwini, göhö welenqeqegi yañgöra azi kembuni göhö keugi mi jiinga mörök. ²⁵ Mi jiinga möta iwininan könanğep kewö jiyök: ‘Iñini mönö kunbuk anda neñgöra nene tosatñi söñgöronñi memba kame.’

²⁶ “Mewö jiyökmö, nini kewö jiin, ‘Neñön naninök anbingö osibin. Munini qöndökñan nembuk mohotñe anmapkö jiman ewö, mönö ölop anbin. Munini bezupñi qahö wañgita anbin ewö, neñön mönö azi mianğö jemesoholñe asuhubingö osibin.’

²⁷ “Mewö jiinga nöñgö iwini göhö welenqeqegi yañön kewö jiyök: ‘Anömmi Reizölnöñ nahönyahötñi yahöt etkimeyök. Mi nanñini ölop mötze. ²⁸ Datñan nömosöta anda sohoiga kewö jial, ‘Sömbup kalñan mönö yöhöqöhöi kömumbawak me denöwö?’ Nalö mianğöreñök könahiba i qahö ehal. ²⁹ Merak munñi ki mewöyök noañgita angetka könanöñ ayuayuhu kunñan yañgö qakñe öñgöma ewö, iñini mönö kondotketka wösöbirik öñgöñgöñan nöñgö qakne öñgöiga köñjiliñ möta kömumba nörop jupni yañgonambuknöñ ujem mire gemam.’”

³⁰ Judanöñ toroqeba keu kewö jiyök: “O azi kembuni, nöñön munini azi gwabö mi qahö wañgita anda iwini, göhö welenqeqegi yañgö mire angotpileñak ewö, iwininan mönö ayuhubapuk. Yañön mönö uruñi pakpak nahönñi bezupñi yañgöreñ jöhöiga malmalñiri mohot maljahot. ³¹ Mianğöra azi gwabö mi qahö wañgita aninga iwininan mi eka mönö kömup miwikñabapuk. Göhö welenqequeurupki neñgöreñ mewö asuhuiga nini mönö kondoringa wösöbirik öñgöñgöñan iwinini göhö welenqeqegi yañgö qakñe öñgöiga kömumba nörop jupñi yañgonñambuknöñ ujem mire gema. ³² Göhö welenqeqegi nöñön azi gwabönöñ qahö ayuhumapkö keuñi mi iwinangöra jim jöhöba kewö jial: ‘I qahö wañgita göhöreñ lilingöba kamam ewö, mianğö keu lömbötñan mönö göhö

jege nōngö qakne öngöba ahöiga gölmenōj malmalni mewö mal öngöm tekömam.’
³³ Miangöra gönjön ölop jim tekönōnga nōnjön azi gwabö yaŋgö salupŋe azi kembuni göhö welenqegegi omani aka ki malbiga yaŋjōn daturupŋi yembuk lilingöba miriŋjine anme.

³⁴ “Azi gwabö mianjōn nōmbuk qahö kama ewö, nōnjōn mönō denöwö aka iwinangörej anbilēnak? Wösöbirik öngöngöŋan iwinangö qakŋe öngöbawak, nōnjōn mönō mi ekŋamgö tököm köhöizal. Miangöra i mönō kude jöhöman.”

45

Josefnōj nanŋi könāŋi indelök.

¹ Judanōj mewö jiiga ambazip liliköm engiba kinda engikeri, Josefnōj körek yengö jeŋjine toroqeba könāŋi köyatiba nanŋi galöm köl aŋgumamgö lömböriba osiyök. Miangöra Josefnōj kewö silata qerök: “Eŋjōn mönō körekŋanök nömosöta denget. “Mewö jiiga dengetka Ijpt azi kunŋan kösutŋine qahö kiniga Josefnōj nanŋi könāŋi mi darumunurupŋi yengöra kewö indelök.* ² Yaŋjōn amburereŋ aka ötömbepuk qei sahöriga Ijpt ambazip gumnōj malgeri, yējōn mi möta Farao kiŋgö jakömbuak mire anda buzup keuŋi mi jigetka mötket.

³ Josefnōj sahöta kinda darumunurupŋi mi kewö jii mötket: “Ni Josef! Iwinan tok jebuk malja me qahö?” Mewö jii mötketmö, darumunŋan uruŋjanan kot gwözōŋniga aurum tililingöba jeŋe öne kinda keu kun qahö mötmöriba meleŋ waŋgibingö osiget. ⁴ Osiba kingetka Josefnōj yengöra kewö jiyök: “Eŋjōn mönō nōngö kösutne ki kaget. “Mewö jii kagetka kewö jiyök: “Ni Josef, darumunŋini bohoni memegöra algetka Ijpt kayali, mönō mia.

⁵ “Mönö urukōŋjiliŋ kude mötme. Anutunōj eŋjōn kömumbepüköra ni mutuk melaim niŋgiiga qeljiŋe ki kabiga iŋjini kaze. Ni bohoni memegöra al niŋgigetka ki kayali, miangöra mönō nanŋinangöra irimsesewöl kude möt aŋgume. ⁶ Bödi kianjōn lök yambu yahötkö dop gölme dop köla ahöza. Mi toroqeba kunbuk yambu 5:gö dop ahöiga nalö miangö uruŋe gölme qem kömöt qahö aka nene öljī qahö miwikŋaiba tokoba malbin.

⁷ “Anutunōj mönō köna wewelipköŋambuk wuatangöba eŋgö malmalŋinangö bohōŋi jöhöiga toroqeba jebuk mala gwölōnarök miwikŋaim engiba gölme qakŋe malmegöra mötza. Miangöra aka ni mutuk melaim niŋgiiga qeljiŋe ki kabiga iŋjini kaze. ⁸ Miangöra eŋjōn qahö melaim niŋgiget tandök akzapmö, Anutunōj mönō öljī melaim niŋgiiga ki kayal. Yaŋjōn kuŋgum niŋgiiga Farao kiŋgö jembonŋi mutukŋi aka jakömbuak miriŋe wanat nup memakzei, körek yengö ketaŋamŋina akzal. Mewö akiga Anutunōj Ijpt kantri jömukŋanök mi nōngö böröne aliga azi kembuŋina akzal.

⁹ “Iŋjini mönō dölki wahöta ösumŋinan iwinangörej lilingöba anda keu kewö jigetka mötma: ‘Göhö nahōŋgi Josef yaŋjōn keu kewö jiza: Anutunōj ni kuŋgum niŋgiba Ijpt kantri jömukŋanök nōngö böröne aliga azi kembuŋina akzal. Miangöra gönjōn mönō nalö kude qem körimanmö, zilaŋ nōngörej kaman. ¹⁰ Ki kaba ölop tatat dumdunggi Gosen gölmenōj möhamgöba nane kösutne malman. Gi aka isimoröurupki, göhörej lama bulmakau kambuŋi kambuŋi aka öröyuai pakpak buŋagi ahözawi, mi mönō memba kölolohoba kame.

¹¹ “Bödi kianjōn mönō kunbuk toroqeba yambu 5:gö dop ahöm öngöma. Nalö miangö uruŋe gi, mirigahö saiwaurupki me tinitosolomurupki tosatŋi yengörejök kunŋan bödi mala nenegö mözöqözöröm aka kömum gororongöbapuk. Miangöra mönō Gosen gölmenōj kaba mala wani yuaigöra osimei, nōnjōn mi engiba malmam.’ Iwinangöra keu mi mönō mewö jigetka mötma.*

¹² “Ni nanak öljī ki kinda engöra keu jizali, mi ölop nanŋini jeŋjanan nek kutuze aka muni Benjaminōj mewöyök ni nek kutuza. ¹³ Miangöra iŋjini mönō iwinangörej anda Ijpt kantrinōj qetbuŋa ketaŋi pakpak niŋgigetka maljali aka yuai pakpak ekeri, miangö kösohotŋi mi iwini jigetka mötma. Mi möriga mönō ösumok waŋgita eta ki kame.”

* 45:1: Apo 7.13 * 45:11: Apo 7.14

¹⁴ Mewö jiba böröni munji Benjamingö imbiñe gili geiga sahöriga Benjaminönj mewöñanjök angöm wangiba sahörök. ¹⁵ Toroqeba böröni daturupni körek yeñgö imbiñine gili geiga sahöta numbuñini yöhötüm neyök. Miangö andöñe darumunurupñan yambuk keu eraum-mötket. ¹⁶ Josefkö darumunurupñan kageri, miangö buzupñan Farao kiñgö jakömbuak mire aniga Farao kiñ aka jembonurupni pakpak yeñön mi möta uruölöwak mötket.

¹⁷ Mewö möta Farao kiñnönj Josefköra kewö jiyök: “Darumunurupki mönö jinöñga kewö akñe: ‘Sukinapñini mönö doñki qakñine ala kunbuk lilingöba miriñine Keinan gölme anme. ¹⁸ Anda iwiñini aka saiwaurupñini enguangita lilingöba nöñgöreñ kame. Ki kagetka nöñön gölme ölop kötökñi Ijpt kantri uruñeyök möwölöhöba engibiga ölop miangö kelökñi miwikñaiba nem söñgaip aka malme.’”

¹⁹ “Mewöyök kewö jim kutum enginöñga akñe: ‘Ijpt kiangöreñök mönö hosgö karenji tosatñi memba anda anöm-moröurupñini miangöreñ al engiba iwiñini wangita mohotñe ki kame. ²⁰ Miriñinangö yuainji tosatñi Keinan gölmenönj mosötmei, miangö waimanjatñi kude akñe. Nöñön miangö salupñe Ijpt kantri jömuk kiangö yuainji ölop kötökñi mi engibiga buñañini akña.’”

²¹ Farao kiñnönj mewö jiiga Israelgö nahönurupñan miangö dop aket. Josefnönj Farao kiñgö jimkutukutu keunji wuatangöba hosgö karenji tosatñi engiyök. Mewöyök köna anangö nene semön tosatñi engiyök. ²² Mi engibagun daturupni mohot mohot yeñgö opo malukuñini dölökñi totoñine engiyökmö, munji Benjamingöra opo maluku dölökñi börö kun wangiba monen silwö köt 300 wangiyök. ²³ Iwiñangöra Ijpt kantrigö yuai ölop sorokñi jesöñgö memba doñki ten miengö qakñine aliga anget. Mewöñanjök doñki ambiñi ten miengö qakñine wit padi, bered aka nene tosatñi iwiñangö köna semöna aliga bisiba anget. ²⁴ Angetka Josefnönj darumunurupni melaim engii anbingö aketka keu kewö jii mötket: “Iñini könanönj anda angururuk kude akñe.”

²⁵ Mewö jiiga Ijpt mosöta anda Keinan gölmenönj iwiñini Jeikobkörenj angotket. ²⁶ Angota iwiñinangöra keu kösohot kewö jiget: “Josefnönj mönö toroqeba jebuk malja. Ijpt kantri jömukñanjök mi yangö böröñe ahöiga azi kembuñina aka malja. “Mewö jigetka keu mi qahö möt nariyöhangöra uruñi toroqeba amöriiga tarök.

²⁷ Mewö tarökmö, Josefnönj keu pakpak jiyöhi, mi jiget mörök aka hosgö karenji tosatñi i wangita Ijpt anmapköra ali kayöhi, iwiñini Jeikobnönj mi eka kinda uru sileñan köleñni köñöpkönöp ahök. ²⁸ Köñöpkönöp aka kewö jiyök: “O mi alakña! Mi möt köhöizal. Nahöni Josefnönj mönö toroqeba jebuk malja. Nöñön mönö anda i ekagun köñangep ölop kömumam. “Mewö.

46

Jeikobnönj köñagesöurupñi yembuk Ijpt anget.

¹ Israelnönj sukinap yuainji pakpak kölolohoba memba wahöta köna anök. Anda Berseba mire angota kinda miangöreñ iwiñi Aisakö Anutuñangöra umjövöwöl ohoyök.

² Mi ohoba suñgem ahöiga jeyi meleñniga imut eka miangöreñ Anutunönj Israelgöra keu jiba qetñi “Jeikob, Jeikob!” qeriga “Ni ki,” jiba meleñnök.

³ Meleñniga kewö jiyök: “Ni Anutu, göhö iwigahö bemñi. Gi Ijpt gemamgö keñgötki kude mötman. Nöñön miangöreñ kötuetköm gihibiga köñagesö kambu ketañi akñe.

⁴ Nöñön mönö göbuk Ijpt gemam aka mewöyök gwölönarökurupki miangöreñök enguangitpiga kunbuk lilingöba kame. Göñön kömunöñga Josef nanñi böröñan mönö göhö je jupki kusui etma.”

⁵ Miangö andöñe Jeikobnönj Berseba miri mosötpin jiiga Israelgö nahönurupñan iwiñini aka anöm-moröurupñini mi közözohom engigetka hosgö karenönj öñgöget. Farao kiñnönj hosgö kare mianönj engömemba kamegöra jiba ali memba anget.

⁶ Sukinapñini aka miri sömbupñini pakpak Keinan gölmenönj mala buña qeba memba malgeri, mi tok mohotñe memba anget. Jeikob aka gwölönarökurupni pakpak mieñön

mewö Ijipt anget.* ⁷ Gwölönarökurupnji pakpak, isimoröurupnji azi aka ambi mi körek enguangita Ijipt anget.

⁸ Israel qetnji alaŋi Jeikob aka yaŋgö gwölönarökurupnji Ijipt angeri, yeŋgö qetjnini kewö: Jeikobkö nahönnji mutuknji Ruben. ⁹ Rubengö nahönurupnji qetjnini Hanok, Palu, Hezron aka Karmi. ¹⁰ Simeongö nahönurupnji qetjnini Jemuel, Jamin, Ohad, Jakin, Zohar aka Saul. Saulgö namnji mi Keinan ambi kun. ¹¹ Liwaigö nahönurupnji qetjnini Gerson, Kohat aka Merari.

¹² Judagö nahönurupnji qetjnini Er, Onan, Sela, Perez aka Zera. (Er aka Onan yetkön lök Keinan gölmenöŋ kömuyohot.) Perezkö nahönyahötjni mi Hezron aka Hamul. ¹³ Isakargö nahönurupnji qetjnini Tola, Puwa, Jasub aka Simron. ¹⁴ Zebulungö nahönurupnji qetjnini Sered, Elon aka Jalel. ¹⁵ Jeikobkö nahönurupnji anömŋi Leanöŋ Mesopotemia (Padan Aram) gölmenöŋ engömeyöhi, yeŋgö qetjnini mewö. Börtatjiri Daina mi mewöyök meyök. Jeikob aka Lea yetkö isimoröurupnjiri mi mewö oyoŋda mindirigetka 33 ahök.

¹⁶ Gadkö nahönurupnji qetjnini Zefon, Hagi, Suni, Ezbon, Eri, Arodi aka Areli. ¹⁷ Asergö nahönurupnji qetjnini Imna, Iswa, Iswi aka Beria. Nenninaŋgö qetnji Sera. Beriagö nahönyahötjni qetjiri Heber aka Malkiel. ¹⁸ Labanöŋ ambi qetnji Zilpa börtatji Leagö welen ambia malmapköra waŋgiyöhi, yaŋön Jeikobkö nahönurupnji mewö engömeyök. Jeikob aka Zilpa yetkö isimoröurupnjiri mi mewö oyoŋda mindirigetka 16 ahök.

¹⁹ Jeikobkö anömŋi Reizölgö nahönyahötjni mi Josef aka Benjamin. ²⁰ Josefkö nahönyahötjni Ijipt kantrinöŋ asuhuyohori, mi qetjiri Manase aka Efraim. Namnjiri qetnji Asenat mi Heliopolis (On) taongö jike nup galöm qetnji Potifera yaŋgö börtatja.*

²¹ Benjamingö nahönurupnji qetjnini Bela, Beker, Asbel, Gera, Naman, Ehi, Ros, Mupim, Hupim aka Ard. ²² Jeikobkö nahönyahötjni Reizölnöŋ etkömeyöhi, yetkö qetjiri mewö. Jeikob aka Reizöl yetkö isimoröurupnjiri mewö oyoŋda mindirigetka körekmakörek 14 ahök.

²³ Dangö nahönŋi qetnji Husim. ²⁴ Naftaligö nahönurupnji qetjnini Jaziel, Guni, Jezer aka Silem. ²⁵ Labanöŋ ambi qetnji Bilha börtatji Reizölgö welen ambia malmapköra waŋgiyöhi, yaŋön Jeikobkö nahönurupnji mewö engömeyök. Jeikob aka Bilha yetkö isimoröurupnjiri mi mewö oyoŋda mindirigetka körekmakörek 7 ahök.

²⁶ Jeikobkö isimoröurupnji diŋdiŋi töhön yambuk Ijipt angeri, miengö jaŋgöŋjini oyoŋda mindirigetka körekŋanök könagesö 66 aket. Nahönurupnji yeŋgö anömŋjini mi jaŋgö miangöreŋ qahö toroqeget. ²⁷ Josefkö nahönyahötjni Ijipt kantrinöŋ asuhuyohori, mi yahöt. Jeikobkö könagesöurupnji Ijipt angeri, miengö jaŋgöŋjini mi mewö oyoŋda mindirigetka 70 ahök. Mewö.*

Jeikob könagesöurupnji yembuk Ijipt aŋgotket.

²⁸ Könanöŋ anda mala Jeikobnöŋ Juda mutuk melaiba kewö jiyök: “Gi mönö Josefköreŋ anda Gosen gölmenöŋ anangö könaŋaŋgöra qesim waŋgiman. “Mewö jii möta anda kaiga Gosen prowinsnöŋ aŋgotket. ²⁹ Josefnöŋ aŋgotkerangö buzupnji möta jiiga hos karenöŋ jöhöba mözözmögögetka qakŋe öŋgöba iwiŋi Israelbuk aitongöbitkö Gosen gölmenöŋ anök. Anda eka yaŋgö jeŋe aŋgota böröŋi imbiŋe gili geiga aŋgum waŋgiba nalö köröpŋi titipepeŋi memba urusahöt qeyök. ³⁰ Israelnöŋ Josef kewö jii mörök: “Göŋön toroqeba jebuk maljani, mi nanak gekzala nalö kewöŋe ölop jöjöröba kömumam.”

³¹ Mewö jiiga Josefnöŋ darumunurupnji aka iwiŋaŋgö könagesöŋi kewö jii mötket: “Nöŋön mönö Farao kingöreŋ öŋgöba keu kewö jibi mötma: ‘Darumunurupni aka iwiŋaŋgö könagesöŋi Keinan gölmenöŋ malgeri, yeŋön lök nöŋgöreŋ kaze. ³² Darumunurupni mieŋön lama bulmakau galömŋjini aka mi galöm köl enggiba mal-jaŋgöra kabingö aka lama kambuŋjini, bulmakau kambuŋjini aka sukinap öroyuaiŋjini pakpak mi enguangita kaze.’ ³³ Miangöra Farao kiŋnöŋ engoholi jemesoholŋe aŋgotketka kewö qesim enggima: ‘Iŋjini wani nuwa memakze?’

* 46:6: Apo 7.15 * 46:20: Jen 41.50-52 * 46:27: Apo 7.14

³⁴ “Mewö qesim enggiiga inini kewö meley wangime: ‘Welenqequeurupki neñon mönö abu asaurupnini mutuk memba malgerangö dop moröröpnineyök lama bulmakau galöm kölköl nupni memba mala maljin.’ Mewö meley wangigetka yanön ölop Gosen prowinsnön tatat dumdumjini möhamgömegöra on jiiga malme. Ijpt ambazip yeñon lama bulmakau galöm kölköl ambazip pakpak yengöra mötketka imbilonloninambuk ahakze. “Josefnön keunji mewö jii mötket.

47

Josefnön kingö jeje korök.

¹ Josefnön anda Farao kingöra kewö jiyök: “Nöngö iwi darumunurupni yeñon lama bulmakau kambunini aka sukinap öroyuainini pakpak memba Keinan gölme mosöta kaba mala döлки Gosen gölmenön kangota malje.” ² Yanön darumunurupni yengörenjök azi 5 enguangita Farao kingö jeje öngöba kingetka engehök.

³ Engeka kewö qesim engiyök: “Inini wani nuwa memakze?” Mewö qesim enggiiga kewö meley wangiget: “Welenqequeurupki neñon iwiurupninan mutuk malgerangö dop lama bulmakau galöm kölköl nupni memba mala maljin.”

⁴ Mewö jiba toroqeba kewö jiget: “Keinan gölmenön bödi lömbötjambuk ahöza-wangöra welenqequeurupki neñon lama bulmakau kambunini yengöra nene qahö miwikjainin. Miangöra neñon gölme miangöreñ kusuk malbingöra kain. Mewö aiga welenqequeurupki ölop on jiba jim teköm nenjinönga nini Gosen prowins miangöreñ tatat dumdumnini möhamgöbin.”

⁵ Mewö jigetka Farao kinön Josef kewö jii mörök: “Iwi darumunurupkan göhöreñ kaget. ⁶ Ijpt kantri ki aukne göhö jege ahözawangöra ölop iwi darumunurupki gölme bahöñi kelökñi ölopñi miangöreñ al enginönga malme. Ölop Gosen prowinsnön malme. Sutjine nup qetpuk meme azi tosatñi maljei, mi möt engiman ewö, ölop nöngö mirigö sömbup kambuni mi yengö böröñine al enginönga galöm köl engiba malme.”

⁷ Mewö jii möta Josefnön iwinji Jeikob Farao kingö jeje wangita kaiga ehi Farao kin mi kötuatköm wangiyök. ⁸ Kötuatköm wanggiiga kewö qesim wangiyök: “Göhö yambugi dawik akza?”

⁹ Qesim wanggiiga kewö meleynök: “Nöñon yambu 130:gö dop gölmenön liliköba mala kota maljal. Nöngö malmalhangö yambuñi pakpak mi awamdökñi aka osikosinambuk aket. Iwiurupnan yambu sehisehñi gölmenön liliköba malgeri, nöngö yambu qötönan yengörenjambuk dop mohot qahö akza.”

¹⁰ Mewö jiba Farao kin mi kunbuk kötuatköm wangiba jemesoholneyök eta anök. ¹¹ Josefnön iwi darumunñi mi Farao kinön jim kutuyöhangö dop Ijpt kantrinön al engiba Ijptkö gölme bahöñi kelökñi ölopñi kun mi Rameses prowins (Gosen) miangöreñ engiyök. ¹² Josefnön mewöyök iwi darumunurupñi aka iwinhangö könagesöurupñi pakpak mi neneñini anöm-moröurupñini malgeri, qötö miangö dop dopñine engiba malök.

Bödi nalöñi lömbötjambuk.

¹³ Bödi ketanji mi lömbötjambuk ahöiga nenenön gölme dop qahöwahiga Ijpt aka Keinan kantri mietkö könagesöñiran mönö nenegö kömum soholip aka malget.

¹⁴ Mewö mala Josefköreñ kaba wit padi söngöröñi megetka yanön moneñ pakpak Ijpt aka Keinan kantri uruñe ahöyöhi, mi tokoba memba Farao kingö jakömbuak mirigö köweñe alök. ¹⁵ Ijpt könagesö aka Keinan könagesö yengöreñ moneñ qahöwak teköiga Ijpt körek yeñon Josefköreñ kaba kewö jiget: “Moneñninan qahöwak teközawangöra göñon mönö nene neñgiman. Nene qahö neñgiman ewö, neñon mönö göhö jemesoholge kömumbin.”

¹⁶ Mewö jigetka Josefnön kewö jiyök: “Moneñninan qahöwazawangöra engöreñ lama aka bulmakau ahözei, mönö mi memba kaba niñgigetka nöñon nene engimam.”

¹⁷ Mewö jiiga anda lama bulmakauñini enguangita kaba Josef wangiget. Yeñon hosñini, lamanjini, memenini, bulmakauñini aka donkinjini mi enguangita kaba nenegö

söngöröña Josef wangiba nene memba malget. Lama bulmakaunini pakpak mi Josef wangigetka yanjon nene engiba mewö mianjon yambu mohotkö uruñe malmalñini nangöiga qahö kömuget.

¹⁸ Qahö kömugetka yambu mianjon teköyök. Teköiga yambu dölökñe dumñe kunbuk yangören kaba kewö jiget: “Azi kembunini, moneñnini qahöwazawangöra könañamnini ölni mi göhö jege ölop qahö köyatibin. Neñgören lama bulmakaunini mi mewöyök gihiinga göhö bujaya ak teköza. Nini mi pakpak azi kembunini gi gihim teköinañgöra nanini aka gölmenini miyök ahöm neñgiza. Miangöra mönö wania kun gihibinak? ¹⁹ Nini mönö könañi wuanöñgöra göhö jege töndup kömumbinak? Nanini kömuinga gölmeninan mönö wuanöñgöra öne ahöba apopam köla bölöbawak? Miangöra mönö nanini aka gölmenini bohonini memba mianjon numbu nene neñginöña nini ölop Farao kiñgö welenqeçe omañi ahinga gölmeninan mewöyök yangö bujaya akña. Neñjon toroqeba jebuk mala kömumbinbuköra mönö nene kötni neñgiman. Neñginöña gölme nup wangüinga öne qahö ahöba gönjañ akña.”

²⁰ Bödi köhöikñi kötökñi mianjon Ijpt könagesö yembuk ahöyöhangöra yeñon körek mohot mohot nup gölmeñini köroni mi bohonñinañgöra algetka Josefnöñ Ijpt gölme pakpak mi söngöröñi meiga Farao kiñgö bujaya ak teköyök. ²¹ Josefnöñ Ijpt könagesö miri dop kantrigö jabö teteköñi uruñe malgeri, mi pakpak engömeiga gawmangö welenqeçe omañi aka malget. ²² Farao kiñnöñ jike nup galöm yeñgö fotnait töwarñini engüiga memba mianjon malmalñini nangöba malget. Mewö aiga neneñinañgöra qahö lömböriiga gölmeñini Josefnöñ söngöröñi memapköra qahö alget. Miangöra jike nup galöm yeñgören gölme mienjon mohot kiñ Faraogö bujañi qahö aket.

²³ Josefnöñ könagesö yeñgöra kewö jiyök: “Mötket, nöñon nanñini aka gölmeñini söngöröñini mem teköbiga Farao kiñgö bujaya akze. Miangöra nöñon nene kötni engibiga mi ölop memba gölmeñöñ kömötme. ²⁴ Kömötketka ölni asuhuiga mi mönö kewötketka kambu 5 asuhugetka miengörenök mohot mohot mi Farao kiñgöra ala wangiba malmemö, kambu 4 mi kunbuk gölmeñöñ kömötmeangöra aka neneñinañgöra ahöma. Mi nanñini, anöm-moröurupñini aka tosatñi miriñine maljei, mönö engö neneñina ahöma.”

²⁵ Mewö jiiga kewö jiget: “Göñon neñgö malmalnini bödinöhök meköñon. Miangöra azi kembuninañgö jeñe ak-kömukömu miwikñaibin ewö, neñon ölop Farao kiñgö welenqeçe omañi aka malbin.” ²⁶ Josefnöñ Ijpt yeñgö gölmegöra jimkutukutu ali ahöba kota ki ohozali, nalö kewöñe mewöyök toroqeba ahöza. Jimkutukutu mi kewö: Nene nupkö ölni mi mönö mendeñgetka kambu 5 aiga miengörenök mohot mohot mi Farao kiñgö bujaya akñaapköra ala malme. Jike nup galöm yeñgören gölme mienjon mohot Farao kiñgö bujañi qahö aket.

Jeikobnöñ qamötñañgöra Josef qesiiga on jiyök.

²⁷ Israel yeñon Ijpt gölmegö prowins qetñi Gosen miangören tatat dundumñini memba gölme angön köla malget. Miangören mala ahumsehip aketka qötöñinan gwötpuk qariyök. ²⁸ Jeikobnöñ malmalñi yambu 17 mi Ijpt gölmeñöñ malök. Malmalñi jömukñañgö yambuñi mi mindiriba 147 ahök.

²⁹ *Israelgö kömup nalöñan dopdowiiga nahöñni Josef jii kaiga kewö jii mörök: “Nöñon göhö jege ak-kömukömu miwikñaizal ewö, göñon mönö dölki urukalem kondela keu kewö pöndañ wuatangöba mem yakömamgö jiba börogi nöngö tambuni bapñe ala kewö jim jöhöman: Nöñon kömumbiga qamötñi mi mönö Ijpt gölme kiangören kude löm kölman. ³⁰ Nöñon kömumba iwi asani yembuk luhut memba ahömami, nalö miangören nöngö qamötñi mi mönö Ijpt kantrinöhök memba anda iwi asani löm köl engigeri, yeñgö qaksiriñine nesim kölman. “Mewö jiiga kewö jiyök: “Jizanañgö dop mi ölop akñam.”

* 47:29: Jen 49.29-32; 50.6

³¹ Mewö jiiga iwiñan kewö jiyök: “Keu mi mönö jöjöpañ keunöñ jim köhöim niñgiman. “Mewö jiiga Josefnöñ mi jöjöpañ keunöñ jim köhöiiga Jeikobnöñ mi möta bilipköba nöropñi memba geba öröpñangö kitipñe ala nariba Anutugö waikñi memba möpöseiyök. Mewö.

48

Jeikobnöñ Manase aka Efraim kötuatköm etkiyök.

¹ Nalö tosatñi teköiga Jeikobnöñ kawöl miwikñaiiga keu mi Josefköra jigetka mörök. Mi möta nahönyahötñi yahöt Manase aka Efraim mi etkuangita iwiñangörej anök. ² Aniga tosatñan Jeikobköra kewö jigetka mörök, “Nahöngi Josefnöñ mönö gi gekñamgöra kaza. “Israelnöñ keu mi möta ösumñi ahöyöhi, mi qezaköba ahöahö dumñeyök wahöta tarök. ³ Wahöta tata Josefköra kewö jiyök: “Anutu kukösum pakpakö Toñi yañön Keinan gölmegö Luz miri miangörej nöñgörej asuhuba kötuatköm niñgiba

⁴ kewö jiyök: ‘Nöñön ahumsehip gihibiga gwölönarökurupki yeñgö qötöñinan mönö qariba qariba öngöiga göñön könagesö kambuñi kambuñi gwötpuk yeñgö bömön jalöñina akñan. Gwölönarökurupki könage asuhum öngömei, nöñön gölme ki mi i buña qem engibiga yeñgö buñañina teteköñi qahö ahöm öngöma.’*

⁵ Anutunöñ mewö jiyök. Mutuk nöñön Ijpt gölmenöñ göhörej qahö kayalangörej anömngan nahönyahötñi yahöt Ijpt kiangörej etkömeyöhi, yetkön mönö nöñgö buñaya akñahot. Manase aka Efraim yetkön mönö Ruben aka Simeon ewö nöñgö buñaya akñahot. ⁶ Mewö ahotka könangep gölme mesin da yetköra distrik yahöt etkime. Efraim aka Manase yetkö bapñire nahönböraturopki tosatñi asuhugeri, mienñön mönö nange buñaya akñe. Yeñön gölme bahöñini buña qem angumei, mi mönö Efraim aka Manase yetkö distrik yahötñiri mietkö uruñe ahögetka bohon toñiri ahotka datyahötñiri yetkö nembö bapñire malme. ⁷ Nöñön Mesopotemia (Padan Aram) mosöta lilingöba Keinan gölmenöñ kaba Efrata taon dopdowibiga anömni Reizölnöñ kömuiga wösöbirik ketañi ahum niñgiyök. Kömuiga qamötñi mi Efrat anangö köna töwokñe löm kölal. Efrat mirigö qetñi alañi mi Betlehem.”*

⁸ Israelnöñ mewö jiba Josefkö nahönyahötñi etkeka kewö qesim wañgiyök: “Azi moröñi yahöt ki dañön dañön?”

⁹ Qesim wañgiiga Josefnöñ iwiñangöra kewö jiyök: “Nöñgö nahönyahötñi Anutunöñ Ijpt kiangörej niñgiyöhi, i mönö mia. “Mewö jiiga Israelnöñ jiyök: “Nöñön kötuatköm etkimamangöra i ölop etkuangitnöñga nöñgö kösutne kamahot.” ¹⁰ Mewö jiiga Josefnöñ nahönyahötñi etkuangita kösutñe kagetka böronñi giliga imbiñire geiga numbuñiri yöhötim neyök. Israelnöñ azi namñi aiga jeñi ömuñ köliga yuai kun ek kutumamgö tönpin aka osiyök. ¹¹ Numbuñiri yöhötim memba Josefköra kewö jiyök: “Nöñön mutuk göhö jemesoholgi kunbuk gekñamgöra qahö al mamböta malalmö, Anutunöñ köna mesariga döлки nangi aka nahönyahötñi mewöyök engekzal.”

¹² Mewö jiiga Josefnöñ nahönyahötñi iwiñangö tambuñeyök etkömemba simin köla bamgöba geyök.

¹³ Bamgöba geba wahöta nahönyahötñi böronñire memba etkuangiriga nanñi iwiñangö wösöñe kayohot. Efraim mi böronñi ölnan memba Israelgö böronñi qaniñe ala Manase mi böronñi qaniñan memba Israelgö böronñi ölna alök. ¹⁴ Mewö al etkiyökmö, Efraim munñi aiga asañan töndup böronñi ölnan börañda yañgö nöropñe alök. Manasenöñ Josefkö nahöññi mutukñi ahökmö, asañan töndup böronñi qaniñan yañgö nöropñe alök. Mewö aka böronñi maripom ewö al kutuba nöropñire alök. ¹⁵ Mewö ala tata Josef kötuatköm wañgiba kewö jiyök:

“Asani Abraham aka iwini Aisak yetkön Anutugö jeñe anda kaba aka memba malohot.

Nöñön asuhuba mala korali,

Anutunöñ mönö nalö miangörej pöndañ köyan köl niñgiba mala korök.

* 48:4: Jen 28.13-14 * 48:7: Jen 35.16-19

¹⁶ Suep garatanöŋ ni bölöŋi pakpak miangöreŋök meköba anŋön köl ningiba malöhi, yaŋön mönö azi gwabö yahöt ki kötuetköm etkiba malma. Ambazipnöŋ yetkö qetŋiri qetketka miaŋön mönö ni aka iwi asani Aisak aka Abraham nenŋö qetbuŋanini bisiba malmahot.

Yetkö könagesöŋiran mönö gölme qakŋe önöŋi qahö sehiba malme.”

¹⁷ Mewö jiyökmö, Josefnöŋ iwiŋan böröŋi ölnan Efraimgö nöropŋe ali mi ehi dop qahö kölīga miangöra möt böliba iwiŋanŋö böröŋi ölnan memba Efraimgö nöropŋeyök meköba Manasegö nöropŋe almamgö ahök. ¹⁸ Mewö aka iwiŋanŋöra kewö jiyök: “Iwini, mewö kude aknöŋ. Morö kianŋön nahöni mutukŋi akza. Miangöra böröŋi ölnan mönö yaŋgö nöropŋe alnöŋ.”

¹⁹ Mewö jiyökmö, iwiŋan mi akŋamgö qetala Josef kewö jii mörök: “Nahöni, mi ölop mötzal. Nöŋön mi mötzal. Manasenöŋ mewöyök qetbuŋanambuk aiga yaŋgö gwölönarökurupŋan mewöyök ahumsehip aka könagesö ketanŋi akŋemö, Efraimgö qetbuŋan mönö Manasegöreŋ qetbuŋa onŋita ahöma. Yaŋgö gwölönarökurupŋan mönö ahumsehip ketanŋi aka könagesö kambuŋi kambuŋi gwötpuk aka malme.”

²⁰ Mewö jii möriga silim miangöreŋök kötuetköm etkiba kewö jiyök: “Israel yeŋön mönö etkö qetŋiri qeta könagesöŋini kötuetköm enŋiba kewö jime: Anutunöŋ mönö oyaenŋkoyaenŋ ak enŋiiga enŋön Efraim aka Manase ewö akŋe. “Mewö jiba Manase mi Efraimgö nembö bapŋe alök.*

²¹ Israelnöŋ kötuetköm enŋii teköiga Josefköra keu kewö jiyök: “Mötnöŋ, nöŋön kömumamgö akzalmö, Anutunöŋ embuk mal onŋöma. Yaŋön mönö enŋuanŋiriga iwi asaurupŋini yeŋgö gölmenöŋ lilingöba anme. ²² Miangöreŋ anda sutŋine gölme mesinŋetka nöŋön göhö gölmeŋi toroqeba Sekem gölme kelökŋambuk mi gihizal. Nöŋön kukundu gölme mi Amor könagesö yembuk bim qeba nani timbi aka bimgö sou ketanŋi miaŋön yeŋgöreŋök meal. Josef gi darumunurupki yeŋgö bohonnŋini akzananŋöra mi darumunurupki yeŋgöra qahöpmö, göhö buŋaya jim teköbi ahöma. “Mewö.

49

Jeikobnöŋ nahönurupŋi kötuetköm enŋiyök.

¹ Miangö andöŋe Jeikobnöŋ nahönurupŋi enŋoholi kagetka keu kewö jiyök: “Inŋini mönö öröm tokogetka nöŋön malmalŋine könanŋep denöwö asuhumawi, miangö kezapqetok keuŋi indela jibi mötme.

² Jeikobkö nahönurupŋi, inŋini mönö kaba tokoba iwiŋini Israelgöreŋ keu kezap ala mötket.

³ O Ruben, göŋön nani nahöni mutukŋi akzan.

Göŋön nöŋgö ösum-mumuni aka ambi membiga ösumnanŋö ölni mutukŋi asuhunöŋ. Qetbuŋagahö aködamunŋi aka kukösumŋi miaŋön mönö munurupki yeŋgöreŋ enŋonŋitza.

⁴ Luhutnöŋ köwet siri kunduriga kalöpmalöp anda kamakzawi, göhö urugan mönö miangö dop wahöri kalöpköba laŋ anda kamakzan.

Göŋön iwiŋi nöŋgö ahöahö dumne onŋöba qömböŋne qeba anömnambuk ahönöŋga dum miangön mönö anŋöjörakŋambuk aka tölohoyök. Miangöra göhö qetbuŋagahö aködamunŋan mönö munurupki qahö toroqeba enŋonŋita ahöma.

⁵ Simeon aka Liwai yetköŋ darumuna akzahot.

Yetkö timbi lingip nupŋiran mönö kegwek kahasililiŋ kondorakza.

⁶ Yetköŋ irimesewöl qakŋe azi enŋuyohot kömugetka öne töhöŋ sihimnanŋöra bulmakau aziŋi miengö köna börö yuaiŋini laŋ enŋum yandiyohotka porinŋ aket.

Miangöra yetköŋ keu goro jöhömakzahori, nöŋön miambuk urumohot qahö ahakzal. Totoko almahori, nöŋön miangöreŋ yetpuk qahö toroqeba tatmam.

⁷ Urukazikŋiran könöpŋambuk akzawanŋöra i jim qesuahöm etkizal.

* 48:20: Hib 11.21

Urusingokɲiran kanjamɲambuk akzawangöra i jim jörahöm etkizal.
Nöñön könagesöñiri könderɲ engibiga yeñön Jeikobkö gölme dop köla anme.
Nöñön menderɲ engibiga yeñön Israel sutɲine laɲ lalöpköba malme.

⁸ O Juda, göhö darumunurupkan gi möpöseim gihiba malme.
Göhö börögan mönö kerökurupki yeñgö imbi jölɲine tatma.
Iwigahö nahönurupɲi yeñön mönö göhöra geba simin köla malme.

⁹ *O Juda, göñön laion gwaböñi ewö maljan.
O nahöni, gi böröjaɲ suhuba sömbup qem nemala miangöreñök lilingöba kazan.
Yañön laion ewö sileñi al kötöteiba laion ambiñi ewö eta köla ahömakza.
Körekɲan i suahö aka utuba möndöbingö keñgötɲini mörakze.

¹⁰ Kukösümgö aiwesökɲi mi kunɲan Juda yeñgö böröñineyök qahö enguangitma.
Azi kembugö öröpɲan könañi sutɲire kiniga kunɲan mi qahö qeköma.
Nanɲi aka gwölönarökurupɲan jakömbuak dumɲe tata mal öngögetka könañep kunöñ
asuhuiga könagesö kambuñi kambuñi yeñön yañgö jitɲi tem köla malme.

¹¹ Yañön doñkiñi wain ip kemañe jöhöi kinma.
Doñkiñi moröñi mi wain kösö sutɲire gwaröhöiga ahöma.
Yañön opoñi mi wain oñan sañgoñma.
Malukuñi mi wain kötɲaɲgö seɲe kusahöla közöhölma.

¹² Wain o neiga jeñan wain oñi ewö pisihiba injaɲ kölma.
Juzu oñi neiga jitɲan juzu oñi ewö tuarima.

¹³ Zebulun könagesö yeñön köwet jitɲe malme.
Yeñgö gölmenöñ wañgeñi wañgeñi surumakɲe.

Gölmeñinañgö jaböñi miañön mönö Saidon taonöñ göröken anda ahöma.

¹⁴ Isakar mi doñki sihitɲi kotkotɲi miangö dop akza.
Doñki qakɲe dum tatatkö gösöñi yahöt mietkö sutɲire al kötöteiba lokoliba sölonɲa
ahömakza.

¹⁵ Lokoliba sölonɲa luhut memba ahöiga dum mirinɲi mi ölop dop köliga gölmeñan
sihim kötökɲi akɲa.

Mi eka andöñi yuai lömbötɲi aɲgumangöra sipköba geiga tosatɲan welenqeɲe nup
memapköra kuɲguba jöhöm wañgime.

¹⁶ Tosatɲan Dangö könagesöurupɲi mulumgöm engigetka Dan yañön mönö awörök
aka keu diɲdiɲaɲgöra bim qeba malma.

Dan kambu yeñön Israelgö kambu tosatɲi i ewö aka malme.

¹⁷ Dan yañön qatö mokoleɲ ewö könanöñ ahöba hosgö gwakötɲe yöhöiga töwörat-
iba giliga qakɲe tatmawañön mönö tala andöandö gölmenöñ gema.

¹⁸ O Kambu, göñön ni kösö gwarönöhök meköba aɲgön köl niñgimangöra uba
mambörakzal.

¹⁹ Kegwek kahasililiɲ kambu yeñön Gad könagesö engum ohoba malmemö,
Gad yeñön mönö melenɲa könañine enguatañgöba nanɲini engum ohoba malme.

²⁰ Asergö gölmenöñ nene möriam gwötpuk asuhumakɲa.

Kiɲ yeñön nene nahömɲinambuk nemakzei,
yañön mönö nene mewöñi mi gölmeñe kömöt sehiba miañön tosatɲi bauköm engiba
malma.

²¹ Teunöñ sihimñañgö dop ösumɲan laɲ lalöpkömakzawi,
Naftalinöñ mönö miangö dop aka moröurupɲi engekshimɲinambuk engömemba
malma.

²² Wain ip o jeñañgö kösutɲe kömötketka kötɲi gwötpuk kuɲguba böröñi giliga anda
sel qösököba yaigep anakzawi,

Josefnöñ mönö miangö dop akza.

²³ Yañgö kerökurupɲan timbi jaugemɲini memba urukönöp qakɲe Josefkö kambu
mi enguatañgöba engeriba engum ohoba malme.

* 49:9: Jaɲ 24.9; Ind 5.5

²⁴ Mewö malmemö, Jeikobkö bemñi Anutu kukösumñambuk yañgö böröñan mönö mem köhöim wañgiiga

yañön timbi töhötnji qahö mosöta börö sihitñi kakñi qahö qeiga malma.

Anutu yañön mönö urugö lama galömñi aka Israelgö añañkölköñ Toñi akza.

²⁵ Iwigahö Anutuñan mönö bauköm gihibama malma.

Bem kukösum pakpakö Toñan mönö kewö kötuatköm gihiiga malman:

Kiegö kötumötuetñan mönö könakembayök göhöreñ eriga gölme dutñi emuyañgö oñan göhöreñ koriga nahönbörat aka sömbup gwötpuk miwikñaim eñgiba malman.

²⁶ Kunduñi kunduñi miengö kötumötuetñinan nalöñi nalöñi ambazip dop köñ eñgi mala kotket.

Kunduñangö sörokñe yambu dop nene nupñini memba malgetka nene möriam asuhui mala kotketmö,

göhö iwigahö kötumötuetñan mönö mi pakpak oñgitza.

Kötumötuet miengön mönö Josefkö nörop qakñe öngöme.

Darumun sutñine pom jembon tök-kutukutuñi akzawañgö malmalñe mi pakpak mönö ahöm öngöme.

²⁷ Benjamin mi kiam kalñi ewö akza.

Söñan dop böröñan suhuba sömbup eñguba nem gwahöt eñgimakza.

Silimnöñ yuai kiom qemakzawi, mi sungem dop mendeñmakza. “Mewö.

²⁸ Israelgö kambu pakpak jañgöñini 12 mi mewö. Iwiñinan kötuatköm eñgiba keu mewö mewö jiiga mötket. Kötumötuetñini murutñi murutñi mi nanñök nanñök mendeñda körek kötuatköm eñgiyök. Mewö.

Jeikobnöñ kömuyök.

²⁹ Kötuatköm eñgiba kindama keu kewö jim kutum eñgiyök: “Anutunöñ mönö noañgiri nöñön isik alaurupñan kömugeri, yembuk toroqemangö akzal. Nöñgö qamötni mi mönö iwiurupñi yeñgö qöhöröñine bañet Hit azi Efrongö gölme köroröñe ahözawi, miangöreñ löm köñ niñgime. ³⁰ Bañet mi Keinan gölmenöñ Makpela gölme köroröñe Mamre kösutñe ahöza. Abrahamnöñ gölme köroröñi bañetñambuk mi isikninañgö qaksiriñi ahömapköra Hit azi qetñi Efron yañgöreñök söñgöroröñi meyök.*

³¹ Abraham aka anömñi Sara mi bañet miangöreñ löm köñ etkiget. Mewöyök Aisak aka anömñi Rebekama mi miangöreñ löm köñ etkiget. Nöñön toroqeba Lea miangöreñ löm köñ wañgial.* ³² Abrahamnöñ gölme köroröñi bañetñambuk mi mutuk Hit yeñgöreñök bohonñi meigama ahöza.” ³³ Jeikobnöñ nahönurupñi keu mewö jim kutum eñgim teköbama könayahötñi öroi ahöahö dumnöñ öngöigama nöñ qebama kömuigama Anutunöñ wañgiri isik alaurupñi yeñgöreñ toroqeyök. Mewö.*

50

Jeikob löm köñget.

¹ Jeikobnöñ kömuigama Josefnöñ luhubama iwiñi kepolaköm wañgibama lipköbama anda imbiñi gili geigama numbuñi yöhötim neyök. ² Miangö andöñe Josefnöñ doktaurupñi jimkutukutuñangö bañe malgeri, mi iwiñangö qamötñi sile mem köhököhöi kelöknöñ mirimegörama jim kutum eñgiyök. Jim kutum eñgiigama yeñön Israelgö qamötñi mewö ak wañgiget. ³ Nup mi memba malgetka wehön 40 jömu teköyök. Qamötñini kelöknöñ mirizema, miangö nupñi mi nalö köropñi mewö memba maljema. Ijpt könagesö yeñön Jeikobkörama wehön 70:gö dop jinñeñ kölama sahöta malget.

⁴ Sahöta jinñeñ kölama wösöbirik malgerangö nalöñi miangön teköigama Josefnöñ Farao kingö jakömbuak mire nup memba malgeri, yeñgörama keu kewö jiyök: “Nöñön eñgö jeñine ak-kömükömu miwikñaijala ewö, iñini mönö nöñgö jitle memba Farao kingörama keu kewö jigetka mötma: ⁵ *Iwinan jebuk mala keu kewö jöhöbama jöjöpaj keunöñ jim

* 49:30: Jen 23.3-20 * 49:31: Jen 25.9-10 * 49:33: Apo 7.15 * 50:5: Jen 47.29-31

köhöimamgöra jim kutum ningiyök: ‘Nöñön kömumamgö akzal. Ni nanangöra köt köteñ Keinan gölmenöñ esibi kinjawi, nöñgö qamötñi mi mönö miangöreñ anda löm kölman.’ Miangöra ölop merak jinöñga nöñön miangöreñ anda iwinangö qamötñi löm kölagun kunbuk lilingöba kamam.”

⁶ Mewö jii jigetka Farao kiñnön mi möta kewö jiyök, “Gi iwigahöra keu jöhöba jöjöpañ keunön jim köhöinöñi, miangö dop ölop anda iwigahö qamötñi löm kölman.”

⁷ Mewö jiiga Josefnöñ iwinangö qamötñi löm kölmamgöra öñgöyök. Farao kiñgö jembonurupñi qetbuñanambuk pakpak, jakömbuak miriñangö aka Ijpt kantrigö jítte memeurupñi qetbuñanambuk mi körek yambuk mohotje anget. ⁸ Josefkö mirigö saiwaurupñi körek pakpak, yangö darumunurupñi aka iwinangö könagesourupñi yeñön mewöyök mohotje anget. Anöm-moröurupñini, lama, meme aka bulmakau kambuñi kambuñi miyök mönö engömosötketka Gosen gölmenöñ tatket. ⁹ Hosgö kareñi kareñi aka azi hos qakñine tatkeri, mi mewöyök anget. Mewö mindiriba kambu keta bölökñi anget.

¹⁰ Anda mala Jordan o kutuba likepñe toroqeba anda Atad mire wit padigö öljñi aka kamböñi mendeñda kewötkeri, miri gölme miangöreñ angota köhöikñanök jingeñ köla silata sahöt böliba malget. Josefnöñ iwinangöra wehön 7:gö dop jingeñ köla sahöta malök. ¹¹ Atad mire jingeñ köla sahötketka gölme toñi Keinan könagesö yeñön mi eka möta kewö jiget, “Ijpt yeñön jingeñ sahötkö areñi öñgöñgöñi alje. “Mewö jigetka miri gölme miangö qetñi mi könahiba Abel Mizraim * qetket. Mi Jordan ogö wehön kotkotje ahöza.

¹² Jeikobnöñ nahönurupñi jim kutum engiyöhi, yeñön miangö dop mewö ak wañgiget. ¹³ *Yeñön qamötñi anguba Keinan gölmenöñ anda Mamre kösutje Makpela gölme köröñe bañet ahözawi, miangöreñ anda löm kölget. Abrahamnöñ mutuhök gölme köröñi bañetñambuk mi qaksirinini ahömapköra Hit azi Efron yangöreñök söñgöroni meyök. ¹⁴ Josefnöñ iwinangö qamötñi löm köli teköiga nanñi, darumunurupñi aka tosatñi pakpak yambuk iwinangö qamötñi löm kölbingö angeri, mienön kunbuk Ijpt gölmenöñ lilingöba kaget. Mewö.

Josefnöñ likepñi qahö melejñmamgö kunbuk jiyök.

¹⁵ Josefkö darumunurupñan iwininan kömuiga mi eka tata kewö mötmörriba jiget: “Josefköra silik bölöñi pakpak ak wañgiini, yanön miangöra urukondum möt neñgiba nalö kewöñe könahiba likepñi melej neñgibapuk.” ¹⁶ Mewö jiba Josefköra keu jit kewö algetka anök, “Iwigan kömumamgö aka neñgöra keu kewö jim kutuyök: ¹⁷ ‘Inini mönö Josefköra keu kewö jigetka mötma: Darumunurupkan silik bölöñi aka ayuhum gihibingö akeri, göñön mönö yeñgö siñgisöndokñini aka kahasililini mi mosötman. Miangöra göñön ölop iwigahö Anutunangö welenqequeurupñi neñgö siñgisöndoknini mosötman. “Yeñön keu jit mi algetka Josefköreñ kaiga möta mönö qeta sahörök.

¹⁸ Miangö andöñe Josefkö darumunurupñan nanñinak kaba gölmenöñ tala wösöñe sipköba eta kewö jiget: “Mötnöñ, nini göhö welenqequeurupki omañi akzin.”

¹⁹ Mewö jigetmö, Josefnöñ melejñda kewö jiyök: “Mönö keñgötñini kude mötme. Nöñön Anutugö salupñe qahö kinjal. ²⁰ Öljña, eñön silik bölöñan ayuhum niñgibingöra kapañ köla aketmö, Anutunöñ mi möñaiiga salupñe yuai ölopñi asuhumapköra kapañ köla ahök. Mewö aka kondota kuñgum niñgiiga könagesö gwötpuk engö malmalñini jöhöbiga miangö öljñan nalö kewöñe aukñe asuhuiga ek kutuzin. ²¹ Miangöra mönö keñgötñini kude mötket. Nöñön mönö nanñini aka anöm-moröurupñini engö malmalñini körek nañgöm engiba malmam. “Mewö jiba bölöñamñinangö likepñi qahö melejñmamgö kunbuk jim köhöiba guñböñjñöñ ak engiyök. Mewö.

Josefnöñ kömuyök.

* 50:11: Abel Jingeñ sahötkö areñi. Mizraim Ijpt. Hibru keu mewö. * 50:13: Apo 7.16

²² Josefnöŋ iwiŋaŋgö könagesöurupŋi yembuk toroqeba Ijpt gölmenöŋ malget. Josefnöŋ mal öŋgöiga yambuŋi 110 aiga kömuyök. ²³ Josefnöŋ isi amböurupŋi Efraimgöreŋök asuhugetka mi engehök. Mewöyök Manasegö nahönŋi Makir yaŋgö nahönböraturupŋi asuhugetka Josefkö tambuŋe al engigetka dohongöm enġiyök.

²⁴ Miaŋgö andöŋe Josefnöŋ darumunurupŋi yeŋgöra keu kewö jii mötket, “Nöŋön kömumangö akzalmö, Anutunöŋ mönö köyan köl enġiiga malme. Yaŋön inini gölme kiaŋgöreŋök enġuangita gölme Abraham, Aisak aka Jeikob yeŋgö buŋaŋina akŋapköra jim teköba jöjöpäŋ keunöŋ jim köhöiyöhi, mönö miaŋgöreŋ anda malme.”

²⁵*Mewö jii mötketka Israelgö nahönurupŋan keu jim jöhöba jöjöpäŋ keunöŋ kewö jim köhöimegöra jim kutum enġiyök: “Anutunöŋ köyan köl enġii malgetka nöŋön kömumbiga nöŋgö sihitni mi mönö gölme kiaŋgöreŋök aŋguba Keinan gölmenöŋ anme.” ²⁶ Mewö jiba yambuŋi 110 aiga kömuyök. Kömuiga Ijpt miaŋgöreŋ qamötŋi mi sile mem köhököhöigö kelökŋan miriba qamöt bokisnöŋ algetka ahöyök. Mewö.

* 50:25: Eks 13.19; Jos 24.32; Hib 11.22

RUT

Rutkö sundutnji, Jöjöhö Walakņangö Buk jaņgö 8

Zöm-asa-asari

Aiwi kembu yengö nalöne Israel yengö malmalņini mihi öņgöwa hetañanguk. Uruņini melengetka oyaenköyaen malgetnön, miangö andöne silekmalek malgetka heta heta sohoiga lömböt uruņe simbisembel malget. Mala miangö andöne uruņini melenget. Mewö mewö hala malget. Rutnön nalö miangöreņ luaikö könani kundelök. Moab anbi yaņgön Israel aiwia meyök. Aiwi miangön komuiga Rutnön iranņi Israel anbi yaņguk pöndaņ öröröņ jöhöwa Israelkö Anutuņi törörök qekötahöwa malök. Mewö mala kantriņi Moab mosota Israel uruņe kamba teteköņe apņi mutukņangö tinitosolomurupņi yengö sutņineyök aiwi dölökņi kun miwikņaiwa meyök. Yetkö gulinarökņiri kunöņ kiņ Deiwidkö amböņi halök. Deiwid yaņgön Israel yengö kiņini qetbujaņi öņgöngöņi malök. Deiwidkö gulinarökņi kun mihi Jisös. Rutnön yambu 1110-1100 bifo Kraist malök.

Aiwi kembu buk miangö sundutnji miengön malmalkö könani miewö kundelget: Anbazipnön Anutu andö qegetka nalö miangöreņ kahasililiņ köndenmönden ketajan qakņine öņgöget. Rutkö sundutņan köna miewö kundelja: Kian anbi yaņgön uruņi Israelkö Anutuköreņ melenđa mötnariņ könagesönöņ toroqeiga kötumötuetnön qakņe öņgöiga oyaenköyaen halök.

Buk muyaņgö bahöņi bohonņi 3 miņgi miewö:

- 1) Naominöņ Rutkuk Betlehem lilingöyöwöt. 1.1-22
- 2) Rutnön Boazkuk aitongöyöwöt. 2.1-3.18
- 3) Boaznön Rut mihi anömņa meyök. 4.1-22

Elimelek hala saiwaurupņi yengön Moab anget.

¹ Walahok Israel uruņe kiņ kun qahö maliga aiwi kembu yengön könagesö galim köl engiwa malget. Nalö miangöreņ bödi hikņaiwa balöņ patpat söp köla ahöyök. Bödi nalö miangöreņ Juda aiwi kunöņ anömņi hala nahönweitņi engañgita taonņini Betlehem mosota kantri qetņi Moab miangöreņ anda dum tatatņini möhamgöwa kiana malget. ² Aiwi qetņi Elimelek, anömņi qetņi Naomi hala nahönweitņiri qetņiri Malon hala Kilion. Balöņini qetņi Efrata. Yengön taonņini Betlehem mosota Moab balöņnön anda miangöreņ malget. *

³ Miangöreņ malgetka Naomikö apņi Elimeleknön komuyök. Komuiga Naominöņ anbi malöya hala nahönweitņe malget. ⁴ Nahönweitņi yetkön mala qariwa Moabkö anbi weit qetņiri Orpa hala Rut † ⁴ miewö malget: Tamar, Rahab, Rut hala Batseba. Mat 1,3-6 etkömeyöwöt. Etkömeyöwötka toroqemba Moab balöņnön yambu 10:gö söp mala kutket. ⁵ Mala kuta nahönweitņi weit Malon ‡ hala Kilion yetkön mewöyök komuyöwöt. Komuyöwötka namönņiri Naomi yaņgön apmeröņi qahö nanņök malök. Mewö.

Naomi hala Rut yetkön Betlehem lilingöyöwöt.

⁶ Naominöņ nanņok Moab kantrinöņ mala nalö kunöņ buzup keu miewö zöget mörök: 'Kembunöņ könagesöņi bauköm engiwa Israel miangöreņ numbu nene ölip miwikņaim engimamja.' Mewö möta Moab mosota Israel balöne lilingöwa anmamgöra mem mözözöm hali iranweitņi yetkuk wahötket. ⁷ Wahöta köhöm balöņ malöhi, mihi mosota Juda balöņnön lilingöwa anmamgöra haliga iranweitņi yetkuk mohotņe könanöņ anget.

* 1:2: Efrata mihi balöņ Betlehem liliköwa ahözawi, miangö qetņi. Rut 4:11; Jen 35:19; 1 Sml 16:18; Mai 5:2 † 1:3: Rut keu miangö könani mihi 'ala-ala'. Jisöskö ambösakonurupņi yengö sutņine anbi ‡ 1:5: Malon keu miangö könani mihi 'osumeret aiwi'

⁸ Kōnanōḡ andaga Naominōḡ iranweitḡi miewō etkezōyōk: “Anbiweit, etkōn mōnō lilingōwa namōnweitḡiri yetkō kōhōmnōḡ anda malmawōt. Etkōn nōḡḡō apmerōni komugeri hala ni nengōra ōlipḡanōk ala hal nengiwa malōwōtka Kembunōḡ mōnō miangō sōp likeḡḡi melenḡa ōlipḡanōk hal komum etkiiga malme. ⁹ Kembunōḡ ōlip kōna meiga inḡiri aiwi kunduk etkōmimba malmal tatatḡiri yetkō kōhōmnōḡ miwikḡaiwa urusōsōḡgai qakḡe malmawōt.” Mewō zōmba numbuḡiri etkōhōtim neyōknōḡ, yetkōn amburereḡ hala silata sahōrōwōt.

¹⁰ Sahōta miewō zōyōwōt: “Qahōwi! Niri mōnō gowuk lilingōwa gōhō kōnagesō kiripki yengōreḡ anbin.”

¹¹ Mewō zōyōwōtka melenḡa miewō etkezōyōk: “O iranweitni, mōnō nōpakōra noḡguk kambitkō halzawōt? Nōḡḡōn kunduk merō nahōnweit membiga qarīyōwōtka etkōmembawōrak me? Mewō rōmōḡḡōwawōrak ewō, miangōn qahō sōpkōza. Qahōpmahōp! Mōnō dōlmuhu lilingōwa anmawōt. ¹² Ni anbi namōnḡi halzalaḡḡōra aiwi kunḡan qahō nōmima. O iranweitni, etkōn mōnō lilingōwa kōhōmḡire anōwōt. Ni kunduk aiwi memangō rōmōḡḡōwa erap suḡgem aiwi kunguk ahōwa kōriguk hala nahōnweitni etkōmembileḡak ewō, tondup mihi lōmbōriza.

¹³ Merō mietkōn qarīyōwōtka apweitḡira etkimangō mambōta malmawōrak me qahōpto? Yetkōra hala aiwi memekō kōnaḡiri jōhōm aḡguwa nalō kōripḡi sutḡi mihi mōnō in malmawōtkuk. Miḡi qahō sōpkōza. O iranweitni, mewō qahō. Kembunōḡ birḡi bōraḡa qekōm niḡiiga apnan komuiga miangōra malmalninan lōmbōriiga nōḡḡōn etkōra wōsōjḡiḡiḡni mōtzal.”

¹⁴ Mewō zōiga dumḡe kunduk silata sahōrōwōt. Sahōrōwōt tekōiga Orpanōḡ iranḡaḡō yaizōzōkḡi zōmba numbuḡi yōhōtim nempa eleḡda kōhōmḡe anōk. Orpanōḡ anōknōḡ, Rutnōḡ kapaḡ kōla sele kōpaḡe mōsōlatiyōk. ¹⁵ Mewō mōsōlatiiga Naominōḡ miewō ezōyōk: “Mōtnōḡ, kasungan anḡa. Yaḡḡōn nanḡi bemḡi hala nanḡi anbazip kiripḡi yengōreḡ anḡa. Gi mōnō mewōḡanōk eleḡda kōhōmḡe anōḡ.”

¹⁶ *Mewō zōyōknōḡ, Rutnōḡ tondup miewō melenḡōk: “Ni gi gomosotmamḡō de kapaḡ kōla zōman. Ōlip zōnōḡa gowuk anbit. Gi denike denike anmani, nōḡḡōn mōnō mewōyōk gowuk miangōreḡ anmam. Gi denike denike malmani, nōḡḡōn mōnō mewōyōk miangōreḡ malmam. Gōhō anbazip kiripki miḡi mōnō nōḡḡō anbazip kiripna halgetka gōhōreḡ Anutu mihi mōnō nōḡḡōreḡ Anutuya hali malmam.

¹⁷ Gi denikeaḡḡōreḡ komumani, nōḡḡōn mōnō mewōyōk miangōreḡ mohok komumbi lōm kōl niḡimekōra mōtzal. Keu mihi miewō zōm kōhōimam: Komup mohotnōḡ mōnō mendeḡ netkima. Iwai mōrōtḡi kunōḡ mendeḡ netkima ewō, Kembunōḡ ōlip miangō likeḡḡi melenḡiga nōḡḡō qakne ōḡḡōma.”

¹⁸ Mewō zōmba yaḡguk anmamḡō kōhōikḡanōk kapaḡ kōliga ekta mōt qitiwa miangō keuḡi kunduk qahō zōyōknōḡ,

¹⁹ mohotḡamḡire anda mala Betlehem taonōḡ kaurōwōt. Kaurōwōtka taongō anbazip patpat yengōn i etkeкта sōsōḡgai ketaḡi mōta tokoget. Anbi yengōn qeta Naomikō yaizōzōkḡi miewō zōget: “Hei! I halakḡa Naomiya me denōwō? Oe oe oel!”

²⁰ Mewō zōgetka Naominōḡ miewō zōyōk: “Nōḡḡō qetni Naomi miḡi in de qetme. Ni urusōsōḡgai anbia qahō. Anutu kukosum Touḡan mōnō kondot niḡiiga urukombuk mōta malzal. Miangōra nōḡḡō qetni Mara qetketka sōpkōma. § ²¹ Nōḡḡōreḡ iwai kombuḡi ahōiga mutuk taon muhu mosota analnōḡ, erap Kembunōḡ naḡgiriga biribōrak lilingōwa omaḡe kazal. Kambu kukosum Touḡan keuni kewōta mem kirehōm niḡiiga kōḡjilij qakḡe malzal. Miangōra qetni Naomi mihi in de qetme.” Mewō.

²² Naomi hala iranḡi Rut, Moab anbi miangōn Moab mosota Betlehem taonōḡ kayōwōri, nalō miangōreḡ anbazipnōḡ kōnahiwa padikō alaḡi bali miḡi nupḡine koholget.

* 1:16: Rut 2.11-12; 2 Kij 2.2-6 § 1:20: Qet weit mihi Hībru keu kōnaḡiraḡguk. Naomi urusōsōḡgai. Mara urukombuk.

2

Rutnönj Boazkö nupnönj bali qendañnök.

¹ Naomikö apñi Elimelekö isik uruñe tinitosolomñi aiwi qetbuñañguk kun qetñi Boaz malök.

² *Nalö kunönj Moab anbi Rut yañgön iranñi Naomikö muewö ezöyök: “Ölip zöm tekönönjga nönjgön nup kunönj anda anbazip bali ipñi kohola iriremönñi mosoramjei, mihi qendañda tokomam. Ni ölip aiwi kungö jeje eksihim miwikñaiwiga ‘Oñ!’ zöiga ölip yañgö andönje anda mihi tokomam.” Mewö zöiga Naominönj zöyök: “O bōratni, ölip anman.”

³ Mewö zöiga mosota nup kun dahörej nuwa, mihi qahö mötaga tondup lañ anda kinda bali koholgetka yengö andönjine anda ipñi mohok mohok qeqelañlañ heta ahögeri, mihi qendañda qendañda anök. Nup köriñe anöhi, mihi Boaz, iranñi Elimelekö isiknöhök kun yañgörej nuwa ahöyök.

⁴ Yañgön dölmuhu Betlehemök kauta nup anbazipñi engeikta yaizözökñini muewö zöyök: “Bönjönj! Kembunönj enguk malma.” Mewö zöiga melenjda muewö qetket: “Kembunönj mönö kötuetköm gihima.”

⁵ Mewö qetketka Boaznönj nup galimñi muewö qesiyök: “Anbi mihi dahön?”

⁶ Mewö qesiiga muewö melenjök: “Anbi mihi köriwengöra. I Naomiguk Moab kantrinöhök kayöwöt. ⁷ Yañgön söñan hömandiñe kamba qesim niñgiiga ölip zömbiga nup anbazip yengö könañine engohorata bali ipñi qendañda tokoza. Nup pöndañ memba malzawa döldimuhu koumnönj endu anda luhut memba tatza.”

⁸ Mewö melenjniga Boaznönj Rutköra muewö zöyök: “Bōratni mötnönj, nönjgön keu goroya kun gihimam: Gi nup muhu de mosota tosatñi yengö nupñine qahö anda bali memba tokoman. Mönö nönjgö welenqege anbiurupni yenguk mohotñe muyañgörej qendañda malman. ⁹ Ni nup aiwiurupnan gömisiriwekuköra songo halzal. Nup denike denike anda padi koholmei, gi mönö miangö jegalim hala yengö andönjine anda anbi yenguk malman. Ougañgö mötman ewö, welenqege yengön ou köwōrañgenönj huzei, ölip miangörej anda ou neman.”

¹⁰ Mewö zöiga Rutnönj mihi möta balönjñ gewa bamgöwa Boazköra muewö zöyök: “Ni denöwököra kian mala tondup göhö jeje halkomukomu miwikñaiwiga mewö köyan köl niñgizan?”

¹¹ Mewö zöiga muewö melenjök: “Nönjgön göhö ambamemegañgö sundutñi mihi körek zögetka mötzal. Göhön apkan komuiga irangi ölip galim köla mala kutnönj. Göhön namönmamgi hala hikñaihikñai kantrigi mihi mosota anbazip walak qahö möt nenginönj, nengö sutñine kamba malzan. ¹² Göhön saiwaurupki ölipñi hal enginönjga Anutu Israel nengö Kembuninan mönö miangö töwañi gihima. Kuruknönj ginginñan meröurupñi kölközizip hal engimamjawwi, miangö söp göhön Anutukö aumñe mal-mangöra muhu kanönj.”

¹³ Mewö zöiga Rutnönj muewö melenjök: “Ketañamni, ni göhö nup meme anbiurupki yengö söp qahöpnönj, göhön tondup ölipñi hal niñgizan. Göhön keu nuñgunönjga seleni pösatza.” Mewö melenjök.

¹⁴ Numbu nene nalöñan kaiga Boaznönj Rutköra muewö zöyök: “Ölip muhu kamba bered muñgu memba kasaknönj kundumgöwa neman.” Mewö haliga nup anbazip yenguk tariga Boaznönj bali ohomqitiqitiñi mihi wañgiyök. Mihi wañgiiga neiga tomenñi juliga nene tosatñi mosota tarök. ¹⁵ Tata wahöta anda toroqemba bali ipñi qendañniga Boaznönj nup aiwiurupñi muewö zöm qitim engiyök: “Yañgön bali ipñi mihi bōran miengö sutñine miangörej mewöyök qendañda tokoma ewö, iñini mönö keu töhörej de zöm wañgime. ¹⁶ Mewö qahöpnönj, bali ipñi tosatñi mihi bōrañineyök mewöyök höröwa halget heriga kamba nanñañgöra mem tokoma. Iñini i de zöm wañgime.”

¹⁷ Mewö zöm qitim engiiga Rutnönj bali ipñi qendañda tokoi öñgöiga hölñi hala kambönj mendenj etkimamgö sapak kerinñanguknönj humba qöröreñgöwa gösiiga hölñi

* 2:2: Lew 19.9-10; Dut 24.19

gösö karömbötkö söp (36 lita) haliga köhöm siñsiñgöwa kayök. ¹⁸ Mewö haliga bali hölñi mihi memba taonöñ lilingöwa kamba dawik qendañda malöhi, mihi iranñi kundel wañgiyök. Miangö andöñe nene söpñe nembra tosatñi mosoröhi, mihi mewöyök ujeta wañgiyök.

¹⁹ Mihi wañgiiga miewö qesim wañgiyök: “Gi erap denike anda bali qendañda memba malzan? Dahö nup uruñe nup memba malzan? Aiwi galim köl gihizawi, Anutunöñ mönö i kötuetköm wañgima.” Mewö zöiga dahö nupnöñ nup memba malöhi, yañgö sundutñi Naomiköra zömba miewö zöyök: “Ni erap aiwi kunguk nup memba malzali, yañgö qetñi mihi Boaz.”

²⁰ *Mewö zöiga Naomikö elemñi heriga miewö zöi mörök: “Kembunöñ mönö Boaz kötuetköm wañgima. Kembunöñ hal komum nengimangö keu jöhöyöhi, miangö söp mönö pöndañ apmeröurupun komugeri hala nini erap muhu malzini, nengöra halkomukomuñi qahö jöhöwa malza.” Toroqemba keu miewö zöyök: “Aiwi mihi nanini tinitosolomnina hala isikninañgö sohopñi meme aiwia. Miangöra yañgön mönö ölip galim köl nengima.”

²¹ Mewö zöi möta Moab anbi Rutnöñ miewö zöyök: “Keu kun toroqeba miewö zöi mötzal: ‘Gi mönö nöñgö nup meme anbazip yenguk nömtik malnöñga nöñgöreñ bali patpat mihi kohol teköme.’”

²² Mewö zöiga Naominöñ miewö zöyök: “O böratni, mihi ölip. Gi tosatñi yengö nup köriñine anöñga silik kirekñi hal gihiwekuk. Miangöra gi ölip Boazkö nup meme anbi yenguk anda nup memba malman.” ²³ Mewö zöiga Rutnöñ Boazkö nup meme anbi yengö kösutñine nömtik mala hölñi qendañda tokowa maliga bali hala wit mietkö koholkohol nalöñiran teköyök. Teköiga toroqemba iranñi Naomiguk malöwöt. Mewö.

3

Rut hala Boaz yetköñ bali nupnöñ aitöñgöyöwöt.

¹ Nalö tosatñi teköiga Naominöñ iranñi Rutkö miewö zöyök: “O böratni, ni ölip aiwi kun batököwa miwikñaiwiga galim köl gihiiga yañguk söstöngai qakñe köhömgö nangöhök tatman. ² Gi nup meme anbi yenguk mösölatiwa malnöñi, yengö galimñini Boaznöñ mönö nanini tinitosolomnina halza. Mötnöñ, yañgön erap sungem baliqeqe sombemnöñ gewa bali hölñi hala kamböñi mendeñ etkimangöra sapak kerinañguknöñ humba qöröreñgöwa kewötma.

³ Miangöra gi mönö dölmuhu ou ariwa selegi kelök umköhöwakñanguknöñ miriwa opo sirigi löñgöta baliqeqe sombemnöñ geman. Emu gemanöñ, mutuk tikep malnöñga numbu neneñi hala ougisipñi nem dariga miangö andöñe ölip yañgö jeñe hikñainöñga geikma. ⁴ Gawöngö möta heta denike höl köla ahömawi, mönö miñgi ekta miangöreñ anman. Kölközizip gihimapköra qesimani, miangö kaisöpsöpñi mönö miewö halman: Gi yañgö qöhöröñe anda könañe göröken esu kitipñi menöñ wahöriga gewa ahöman. Mewö ahönöñga miwikñaim gihiwa denöwö halmani, mihi gezöiga mötman.”

⁵ Iranñan mewö zöiga Rutnöñ miewö meleñnök: “Keu patpat zözani, nöñgön mihi ölip hal datmam.”

⁶ Mewö meleñda baliqeqe sombemnöñ gewa iranñan zöm qitim wañgiyöhanö söwök miewö hal teköyök: ⁷ Boaznöñ sungem numbu neneñi hala ougisipñi nem dari kip seleñi mem kolihiiiga wahöta bali kirip kungö göräñe gewa gawön ahöyök. Miangöreñ ahöiga Rutnöñ ölöñ zañ qemba anda könañe göröken esu kitipñi mei wahöriga miangöreñ gewa ahöyök. ⁸ Ahöiga sungem hömbiwiñe iwai kungöra outupñe tiiga imbiñi möta eleñda anbi kun könañe ahöyöhi, mihi miwikñaiwa ekta hauruyök.

⁹ Hauruwa qesim wañgiyök: “Gi dahön?” Qesim wañgiiga miewö meleñnök: “O ketañamni, ni Rut, göhö welenqeqe anbia. Göhön nangi isikangö sohopñi meme aiwia halzan. Miangöra Juda engö ambamemeñini wuatangöwa ni ölip galim köl niñgiwa esugan turum niñgiman.”

* 2:20: Lew 25.25

¹⁰ Mewö meleşniga miewö zöyök: “O bōratni, Kembunōŋ mōnō kōtuetkōm gihima. Gi ōlip aiwi wanapŋi me pomŋi sukinapŋinanŋuk yengō andōŋine anbanaknōŋ, mewō qahō halzan. Gi walahok isikurupni ōlip nanŋōm enŋiwa malnōŋa erap mihi oŋgita silik ōlip sorokŋi halzan. ¹¹ O bōratni, gi mōnō torok de hala bōnjōŋ malman. Gi anbi ōlip sorokŋi halzani, miŋgi taongō anbazip kōrekŋan ōlip mōtze. Mianŋōra gi ikō me waikō qesim niŋgimani, nōŋgōn mihi ōlip hal tekōm gihimam. ¹²* Ni gōhō tinitosolomgi hala galim kōl gihimamaŋgō sōp halzal. Keu miŋgi hōlŋapnōŋ, aiwi kunōŋ nōŋgō isiknaŋgō sohopŋi meme aiwi bohōŋi halza. Nōŋgōn yaŋgō qerembeŋi miyōk malzal. ¹³ Mewōkōra ōlip suŋgem muhu miewō ahōman. Sohop meme aiwi bohōŋan uran bohōŋi memamaŋgō zōmbawak ewō, mihi ōlipnōŋ, bohōŋi memamaŋgō qahō mōtma ewō, nōŋgōn ōlip bohōŋi memam. Keu mihi jōhōwa Kembukō qetŋe jōjōpaŋ keunōŋ zōm kōhōizal. Mianŋōra ōlip bōnjōŋ ahōnōŋga sōŋan halma.”

¹⁴ Boaznōŋ mewō zōmba anbi kunōŋ baliqeqe sombemnōŋ yaŋgōreŋ herōhi, kunŋan mihi mōtpakukōra mōrōk. Mianŋōra Rutnōŋ Boazkō kōnaŋe heta ahōyōknōŋ, waŋgeraŋ suluiga nalō mianŋōreŋok kunŋan i qahō ek qitiiga ōlōŋ anmapkōra wahōrōk. ¹⁵ Wahōriga Boaznōŋ miewō zöyök: “Mōnō malukugi selegeyōk mekōwa merereŋgōwa memba kinōŋ.” Mewō zōiga mekōwa memba kiniga bali kōtŋi 25 kilogramgō sōp kewōta mokoi geyōk. Geiga memba kōbibihawa Rutkō hawōtŋe haliga haŋguwa liliŋgōwa taonōŋ anōk.

¹⁶ Rutnōŋ mewō taonōŋ anda iranŋaŋgōreŋ aŋgoriga miewō qesiyōk: “O bōratni, denōwō mala kazan?” Mewō qesiiga Boaznōŋ yaŋgō iwai patpat halōhi, mianŋō sundutŋi zōi mōrōk.

¹⁷ Mōriga miewō toroqemba zöyök: “‘Gi irangaŋgōreŋ biribōrak de anman,’ zōmba bali muŋgu niŋgiza.”

¹⁸ Mewō zōiga Naominōŋ miewō zöyök: “O bōratni, aiwi mianŋōn erap in luhut qahō memapnōŋ, keugi galim kōla maliga mihi mindiŋgōget tekōiga mianŋō andōŋe ōlip tata luhut mema. Mianŋōra gi mōnō ōsōŋ mambōta tata keugi denōwō zōgetka hikŋaimawi, mihi mōtman.” Mewō.

4

Boaznōŋ Rut anōmŋa meyōk.

¹ Boaznōŋ taongō kiripo nanŋuŋe anda qenjarōk sombemnōŋ heta tarōk. Tariga isiknaŋgō sohop meme aiwikōra keu zöyōhi, yaŋgōn kamba oŋgitmamgō haliga yaŋgōra miewō qerōk: “O alani, gi ōlip muhu kamba heta tatman.” Mewō qeriga kamba mianŋōreŋ heta tarōk. ² Tariga Boaznōŋ taonōhok jōtŋe meme aiwi 10 engōmiiga kagetka tatmekōra zōiga mohotŋe heta tatket.

³ Tatketka Boaznōŋ isiknaŋgō sohop meme aiwikōra miewō zöyök: “Nalō miewōŋe Naominōŋ Moab kantri mosota liliŋgōwa kayōhi, yaŋgōn datnini Elimelekōreŋ balōŋ kitipŋi mihi bohōŋi memekōra halza. ⁴ Mianŋōra nōŋgōn miewō rōmōngōzal: Gōhōn keu mihi mōtmangōra gōhōra zōzal. Gōhōn isikniraŋgō sohop meme aiwia halnōŋga nōŋgōn gōhō qerembeŋi halzal. Sohop meme aiwi mōrōtŋi kun qahō malja. Mianŋōra gōhōn mihi bohōŋi memangōra kuŋgum gihizal. Gōhōn miŋgi bohōŋi memamaŋgō sihimŋi mōtman ewō, mihi ōlip bohōŋi memanōŋ, mihi tōkōman ewō, ōlip mihi mewōyōk zōnōŋga mōtman. Mihi ōlip aiwi muhu tatzei, yengō jeŋine zōman. Mihi kōnagesō kiripnaŋgō jōtŋe meme muŋgu yengō jeŋine zōman.” Boaznōŋ mewō zōiga aiwi alajaŋ miewō zöyök: “Nōŋgōn mihi ōlip bohōŋi memam.”

⁵ Mewō zōiga Boaznōŋ zöyök: “Gōhōn Naomikōreŋ balōŋ kōriŋi miŋgi sōŋgōrōŋi memani, nalō mianŋōreŋ mōnō Moab anbi Rut, aiwi komuyōhaŋgō malōŋi miŋgi mohok bohōŋi meman. Mewō hala aiwi komuyōhaŋgō qetŋan mōnō birisamot balōŋ mianŋōreŋ ahōmapkōra mihi galim kōla malman.”

* 3:12: Rut 2.20

⁶ Mewö zöiga sohop meme aiwi bohonjan miewö melejnök: “Mewö haliga nöngön mihi bohonji memamgö osizal. Rutnöj nani nahönböratni yenguk mohotje birisamotni mendengetka mohot mohot yengön balöj kitipji merömerö miyök buja qem anguwekuk. Nöngön mewö halmamgö osizal. Miangöra göhön ölip mihi söngöröjji menönga nangi bujaya halma.” Mewö melejnök.

⁷ *Walahok Israel uruje kunjan balöj iwai bohonji meiga bujanji haliga miangö keujan köhöimapköra yengön silik miewö hala malget: Keu zöm teköwa jöjöhö halget teköiga yetkörenjök kunöj köna esuji qeköwa alaşi wajgizapma. Israel yengön iwai bohonji memekö keujan teköyöhi, mihi silik mewö mianjön kundelzema.

⁸ Miangöra aiwi mianjön Boazköra miewö zöyök: “Göhön mihi ölip söngöröjji menönga bujagi halma.” Mewö zömba köna esuji qeköwa Boaz wajgiyök. ⁹ Mihi wajgiiga Boaznöj jötje meme aiwi hala könagesö patpat yengöra miewö engezöyök: “Nöngön Elimelek, Kilion hala Malon yengöreş iwai patpat mişi Naomiköreşök söngöröjji meşal. İjini mihi erap jeqawa suluwa ölip nangöwa zömeanjö söp halze.

¹⁰ *Nöngön Moab anbi Rut, Malongöreş malöya i mewöjanök bohonji membi nöngö anöмна halma. Mewö hala aiwi komuyöhanjögö qetjan birisamot balöj miangöreş ahömapköra mihi galim köla malman. Qetjan mewö qahö ayapkömapnöş, gulinarökurupjan Elimelek qetji ölum enguwakökora mihi ölip taon ofiskö buknoş ahöm öngöma. İjini mihi erap jeqawa suluwa ölip nangöwa zömeanjö söp halze.”

¹¹ *Boaznöş mewö zöiga jötje meme aiwi hala könagesö taongö kiripo nanguje sombemnöş tatkeri, yengön körek miewö zöget: “Nini mihi jeqawa suluwa nangöwin. Kembunöş ölip anömgö göhö köhömgö kamawi, i kötuatköm wajgiiga yanşön Reizöl hala Lea yetkö söp halma. Yetköş Jeiköbkö nahönböraturopji kombuşi engömeyöwötka Israel könagesöninan hikşaiyök. Göhön ölip Efrata balöşnöş jötje meme aiwi pomşji hala Betlehem taonöş qetbuşaganşuk malman. ¹² *Kembunöş anbi malö ramikşji miangöreşök gulinarök gihimawi, göhöreş könagesö yengön mönö Juda hala Tamar yetkö nahönşiri Perez yanşö saiwakö söp hala malme.” Mewö.

Boazkö gulinarökurupşji yengö qet areş

¹³ Mewö hala Boaznöş Rut wajşita köhömşje anda anömnş meiga Kembunöş kötuatköm wajgiiga köri hala nahönş meyök. ¹⁴ Nahönş meiga anbi yengön Naomiköra miewö zöget: “Nini Kembu möpöşezin. Yanşön erap isikanşö sohop meme aiwi gihizawa yanşön ölip galim köş gihiwa malma. Merö mianjön mönö Israel uruje qetbuşaganşuk halma.

¹⁵ Göhö irangan jöpaköm gihimamşja. Göhö nahönurupki 7 malweak ewö, yanşön mönö i patpat engonşita bauköm gihiwa malök. Yanşön erap isiga gihiiga yanşön mönö malmalgi kölöşaiwa uruöliwam qem gihiwa malma. Könanşep anbi namönşji halnöşga yanşön ölip galim köş gihiiga malman.” ¹⁶ Mewö zögetka Naominöş merö mihi memba dohongöwa galim köş wajşiwam malök.

¹⁷ Anbi köşutşje malşeri, yengön miewö zöget: “Naomiköreşök isi nahönş hikşaişza.” Mewö zömba qetşji Obed qetket. Obedkö nahönşji Jesi, isişji kiş Deiwid.

¹⁸ Qet areş muhu mei Perezköreşök könahiwa kinda Deiwidköreş öngöza: Perezkö nahönşji Hezron, ¹⁹ Hezrongö nahönşji Ram. Ramşö nahönşji Aminadab. ²⁰ Aminadabkö nahönşji Nason. Nasongö nahönşji Salmon. ²¹ Salmongö nahönşji Boaz. Boazkö nahönşji Obed. ²² Obedkö nahönşji Jesi. Jesikö nahönşji kiş Deiwid. Mewö.

* 4:7: Dut 25.9 * 4:10: Dut 25.5-6 * 4:11: Jen 29.31 * 4:12: Jen 38.27-30

Jona Jonagörej kezapqetok keu Jim-asa-asahi

Buk kianjön kezapqetok keu murutji akzap. Mi Jonagörap denöwe asuhuyöhi, miangöt kösohotji akzap. Anutunöj keu kewö jim kutum wangiyök: Gi mönö Asiria kantrigöt siti bohonji qetji Niniwe miangörej anda urukungukungu nup meman. Asiria yejön kahasililijini ketauji ahöiga Israel yejön kerök miengörap kömumbepukörap kenjötnini möta malget. Anutunöj Jona mewö jim kutum wangiyökmö, yejön mi esapköba qetala Anutugöt koleknöj miangörej anmamgöt tököyök. Mi kewögorap tököyök: Anutunöj siti mi ayuhumangöt galöm meme keu jiyökmö, yejön miangöt dop ölja aknapkö qahöp möt köhöiyök.

Jonanöj tököba qetaliga lömböt öngöngöj qakne öngögetka miangöt andöje nanji imbi-imbi memba et ala tem köla anök. Anda urukungukungu nup meiga Niniwe sehisehiji yejön urujini öljap melenget. Miangörap Anutugöt urujan amöriiga qahöp ayuhum engiyök. Miangörap Jonagöt urujan böliba kömbuhiba nanjak kömumangöt mörök. Kiñ kunöj yambu 782-753 bifo Kraist galömjina maliga Jonanöj nalö miangörej nupji meyök. Miriñi Gat Hefer mi Nazaret kösutje, 5 kilomita anangö dop. Niniwe mi köröwen, 500-600 kilomita anangö dop.

Könangep Israel yejön nanjinak kezapqetok ambazip yejörej keu möta kude tem kölgetka Anutunöj jiiga Asiria yejön kaba enguba enguangötketka mewö nanjini kinkinjini mi mosötket. Buk kianjön Anutugöt könaji yahöt kewö kondeljar: Körek nejön Anutugöt jitsihitji törörök tem kölbinangöt dop akzin. Mewö qahöp akzin ewö, lömbötnöj mönö öljap qaknine öngömap. Könaji bohonji kun mi ak-kömükömu aka urujöpak. Yejön nanji kerök kambuji Asiria yejöt singisöndokjini mewöyök möta ayuayuhunöhök meköm engimapköt kapañ kölakzap. Likepji bölöni qaknine öngöbapuköt möt köhöiba urunini melenbingöt kungum nengimakzap.

Buk kiangöt bahöji bohonji 4 mi kewö:

- 1) Anutunöj Jona oholiga yangisen ahök. 1.1-17
- 2) Jonanöj uruji melenja söranöhök lolohoyök. 2.1-10
- 3) Jonanöj Niniwe könagesö urujini kunguyök. 3.1-10
- 4) Urujini melengetka Anutunöj ak kömum engiyök. 4.1-11

Jonanöj Kembu qetala mömölaköyök.

¹ *Israel miangörej Kembugörej keu mi Amitaigöt nahönji Jona yangörej kewö asuhuyök: ² “Asiria kantrigöt siti ketauji Niniwe mi wehön kotkotje ahöza. Yejön bau jegömöl aka bölöjamjini memba malakze. Miangöt keu mi nöngöt jemesoholne öngöiga mötzal. Miangörap göjön möp wahöta eu anda nöngöt buja keuni jiba mianjön urujini kunguman.”

³ Mewö jiyökmö, Jonanöj möp Kembugöt jemesoholneyök ölöñ köla wehön gegene göröken anmamgörap wahörök. Wahöta miri qetji Jopa (Jaffa) miangörej geba wange kun miwiknaiba “Ölöp yembuk Tarsis mire Spein kantrinöj anmam,” jiba köna söngöröñi memba wangenöj öngöyök. Mewö öngöba Kembugöt jemesoholneyök mömölaköba anök.

⁴ Mewö anökmö, Kembunöj möp luhut köhöikni melai köwetnöj anda qeiga siridimbom ketauji asuhuiga wangenöj miangörap jömgömangöt ahök. ⁵ Mewö aiga wange börö azi yejön kenjötnini möta nanjini bemurupjinangöt dop nanjök nanjök köuluköm engiget. Mewö aka wangenöj amgömapkörap miangöt inap yuaiji mi körek

* 1:1: 2 Kiñ 1 4.25

gilgetka köwetnön gem teköyökmö, Jonanön wange dutnangöt uruñe geba miangöreneñ öl köla gaun lömbötñi ahöyök.

⁶ Miangöreneñ ahöiga wange galömñan yangöreneñ kaba kewö jiyök: “Gi möp wuanöngörap ki gaun ahözane? Möp wahöta nangi bemgi qeta köulukönönga yanñon mötmörim neñgiiga kude ayuhubinak.” Mewö jiyök.

⁷ Mewö jiiga sutñine kewö jiget: “Ayop möp kaget! Nini möp unju qeba azi dagöt singisöndokörap ayuayuhu ki neñgöt qaknine öngözawi, miangöt könarñi mewö miwikñaibin.” Mewö jiba unju qegetka Jonanön asuhuyök. ⁸ Asuhuiga jiget kaiga kewö qesim wangiiget: “Ayuayuhu ki mi dagöt singisöndokörap aka neñgöt qaknine öngözawi, gi möp miangöt könarñi jinönga mörin. Gi wanat nuwa memakzan? Gi waniñeyök kazan? Göhöreneñ kantri mi waniñe aiga göhöreneñ könagesöurupki mi waniñe malje?”

⁹ Mewö qesim wangiigetka kewö meleñnök: “Ni Israelgöt Hibrü azia akzal. Ni Kembu, Suepkö Anutuñi waikñi memba möpöseimakzal. Yanñon köwet aka gölme örönñi miwikñaim etkiyök. ¹⁰ Yanñon börö osikosibuk niñgiiga nöñon mi tököba Kembugöt jemesoholñeyök ölöñ köla kazal.”

Mewö meleñniga azi yeñon mi möt yaköba gwötpuk awöwöliba kewö jiba jim wangiiget: “Yeil! Gi möp wuanöngörap mewö akzane?” ¹¹ Köwet mi toroqeba bölim köhöiba ahöyök. Miangörap yeñon kewö qesim wangiiget: “Nini möp denöwewö ak gihiinga köwetnön giñ qebawak?”

¹² Mewö qesim wangiigetka yeñgörap kewö meleñnök: “Siridimbom ketauñi kianñon möp nöngörap aka engöt qakñine öngöba qezawi, nöñon mi ölop mötzal. Miangörap iñini möp nömimba köwetnön gilgetka gemam. Gilget gebiga köwetnön ölop giñ qemap. Mewö jizal.”

¹³ Mewö jiiga börö azi yeñon töndup wange kunbuk gölme oronñe angotmapkörap lökuatnön nangöbingöt qeba qegetmö, köwetnön bölim teköyöhangörap aka mi osiget. ¹⁴ Osiba Israelgöt Kembuñi yangöt qeta köuluköba kewö jiget: “O Kembu, gi nangak keu jitkahöt dop mi wuatangöba yuai ki akzan. Mewögörap Kembu, azi kianñon kömumapkörap aiga miangörap nini kude ayuhum neñgiman. Sepñangöt keuñi mi neñgöt qaknine kude alnönga öngömap. Keu mi öñap.”

¹⁵ Mewö köuluköba anda Jona memba gilgetka köwetnön geyök. Geiga köwetkö kukñan ösumok bököiga giñ qeyök. ¹⁶ Giñ qeiga azi yeñon Kembugörap euam awöwöliba naluk ketauñi ala Kembu jöwöwöl ohom wangiiba keuñini kewö jöhöget: “Nini möp Kembugöt keuñi tem köla kude qetalbin.”

¹⁷ *Jonanön köwetnön geiga Kembunön söra ketauñi kun melaiiga anda Jona gwahörök. Gwahoriga söra miangöt uruñe sungem silim karöbut ahöba malök. Mewö.

2

Jonanön gajugaju kömgokñe ahöba köuluköyök.

¹ Jonanön söra uruñe ahöba Kembu Anutuñi köuluköm wangiiba kewö jiyök: ² “Nöñon wahöjalij uruñe Kembu köuluköm gihibiga göñon ölop keuni mötzan.

Ni unjem senjom kömgokñe ahöba uleralga göñon ölop uletni mötzan. ³ Göñon köwet röndum ketauñe tötal niñginönga gezal.

Göñon köwet söñsöñaunangöt dutñe tuapkönön eralga göulu ketauñan esuhum niñgizap.

Göhöreneñ qölqöl-söutsöt pakpak mi musulungöm niñgizap.

Göhöreneñ siri pakpak mi qeba turuba nem ulahöm niñgizap. ⁴ Mia möta kewö mötmörizal:

Göñon ni göhöt jemesoholgeyök közöl niñginönga maljal. Mi töndup nöñon möp kunbuk göhöreneñ jöwöwöl jike kömbukñe göröken jenan ubi anma. Mi kunbuk kude ekileñahak kun. ⁵ O aka omanjaret mi nöngöt qakne öngöba turum niñgim teközap.

Röndumnöhök möp liliköm niñgim teközap.

* 1:17: Mat 1 2.40

Köwetköt kumburereŋi mianjōn möp nöröp jupni köpeiba esuhuzap. ⁶ Ni kundunangöt rōndaŋ kōnaŋangöt dop yuhuyanğoreŋ eral. Rōndaŋgöt botŋi mianjōn möp nōngöt qakne jōhōm qōzōŋda jōhōm qōzōŋ kōhōizap.

Yuhu maljalmō, o Kembu Anutuni, gōjōn möp neka rōndaŋ dutŋeyök kunbuk örōm niŋginōŋga malmalnōŋ kotmam. ⁷ Nōngöt malmalnan qahōwakŋamgöt aiga nōjōn nalō mianğoreŋ Kembu, gi mötmörim gihibiga kōuluknan öŋgōba gōhöt Suep jike kömbukŋe euyanğoreŋ öŋgōba gōhöreŋ aŋgotmap. ⁸ Ambazip kopa-bemlopionŋ omani göda qem eŋgimakzei, yejōn mewō aka kalem mōriam Toŋi gi andō guhumakze. ⁹ Andō mewō guhumakzemō, nōjōn möp möpōmöpōsei löŋet omsa köla naluk ala jōwōwōl ohom gihimamgöt mötzal.

Nōjōn yuaigöt keuŋi jim jōhōzali, mianğöt dop möp ak sorokōmakŋam.

O Kembu, gi mohotnōŋ nōngöt malmalnaŋgöt bohoni jōhōmamgöt kōhōizan. Keu mi öljap.”

¹⁰ Mewō kōulukōm tekōiga Kembunōŋ möp söra mi jim kutum waŋgiiga kaba kota Jona loŋniga gölme oronje erök. Mewō.

3

Jonanōj Anutugöt nup mi Niniwe uruŋe meyök.

¹ Gölme oronje eriga Kembugoreŋ keu ki mi kunbuk Jonagoreŋ asuhuyök: ² “Gōjōn möp wahōta siti ketauŋi Niniwe mianğoreŋ anda buŋa keu gihimami, mi jiba uruŋini kuŋguman.” ³ Keu mewō asuhuiga Jonanōj wahōta Kembugöt keu jit tem köla Niniwe anök. Niniwegöt dopŋi mi kewō: Gi gōraŋeyök kōnahiba anda malnōŋga wehōn karōbut tekōiga likepŋe endu aŋgotman. ⁴ *Jonanōj kōnahiba siti uruŋe anda maliga wehōn mohot tekōiga buŋa keu qeta kewō jiyök:

“Wehōn 40 kun ahōzap. Mi tekōiga Niniwe siti kianjōn möp meleŋni gemap.”

⁵ Keu mewō qeta jiiga Niniwe kōnagesō yejōn Anutugoreŋ keu möt nariba uruŋini meleŋda nene ŋiŋi malbingöt nalō ala jim kōhöiget. Mi jim kōhöiba ambazip ketauŋi morōŋi yejōn lökŋanök imbi meleŋgöt samot meget silenine öŋgōiga kau ariget.

⁶ Mewō aketka mianğöt buzup keuŋi mi Niniwegöt kiŋ (praim minista) yanğoreŋ aŋgorök. Aŋgoriga möta jakōmbuak dum tatatŋeyök eta malukuŋi kötekōba samot memba at-turuba kau utuba ariba tarök. ⁷ Tata jim kutukutu kewō aliga Niniwe siti dop köl tekōba anök: “Iŋini möp kiŋ aka jembonurupŋi yeŋgoreŋ jim kutukutu ki mötme: Kunŋan kun möp nene kuluj kude nemap. Ambazip me bau kuruk-lama bulmakau-iŋini nene kuluj kun nemegöt kude möt eŋgime. ⁸ Nene ŋiŋi mewō mala samot mem tekōba Anutu kōhöikŋanök sahöt kōulukōm waŋgiba nanjök nanjök kōnaŋamŋini bölōŋi aka ambazip ayuayuhu börōŋini töwōtpuk meget ahōzawi, mi möp andō qem tekōba mosötme.

⁹ Mewō ahinga Anutugöt uruŋan kunbuk eriga wōsōŋi möt neŋgiba kukŋangöt kōnōpŋi qerakōba ŋiŋisōndoknini mosōtpawak. Mi mosōriga kude ayuhubinak. Mewō jizin.”

¹⁰ Mi möt asahiba kōnaŋamŋini bölōŋi andō qeba uruŋini meleŋgetka Anutunōj ahakmemenini mi eka wōsōŋi möt eŋgiba mötmötŋi liliŋgōiga ŋiŋisōndokŋinaŋgöt likepŋi meleŋ eŋgimapkö ahōhi, mi mosörök. Uruŋan mewō eriga kude mem bölim eŋgiyök. Mewō.

4

Jonanōj tembula irimŋi seholidiyök.

¹ Mewō asuhuyökmō, Jonanōj mianğōrap urubölō ketauŋi möta irimŋi seholidiyök.

² *Irimŋi seholidiiga Kembu ulet waŋgiba kewō jiyök: “Aek Kembu, gi ak-kōmukōmugöt bemŋi mala ölop neŋgehorimakzan. Gōhöreŋ kuki mi öŋsōŋ aiga kalem mōriamgi mi

* 3:4: Mat 1 2.41; Luk 1 1.32 * 4:2: Eks 34.6

önöñji qahöp ahöza. Mewö urugi zölañ amöröiga wösögi möta könagesö kun mem bölöm engimangöt kude mörakzan. Mia nane gölmenöñ mala lök möt yaköba jiali, mia ölum guhuza me qahöp? Könañi mewögörap aka nalö miangöreñ Tarsis anmam jiba ösumok mömölaköba anda malal. ³*Merak malmalgöt tököba kömupköt möralga ölöwakzap. Miangörap Kembu, göñön möp malmalni döлки noañgötnöñ. Keu mi öljap.”

⁴ Mewö ulerökmö, Kembunöñ kewö meleñ wañgiyök: “Jona, gi ak-kömukömugörap irimsesewöl mötzani, mi dop köljap me qahöp?”

⁵ Mewö jiiga Jonanöñ siti mosöta eta wehön kotkotñe göröken anda köna töwokñe endu koum qeba miangöt aumñe tarök. Tata sitigörap mewö me mewö asuhumawi, mi ekñamgörap uba tarök.

⁶ Mewö tarökmö, Kembu Anutunöñ Jona uruölöwak ak wañgimangörap jiiga ölunölun kun asuhuba köriba kota Jonagöt nöropñi aum köl wañgiyök. Aum köl wañgiiga ölunölungörap uruölöwak ketauñi möta tarök. ⁷ Tata sunjem kun ahöiga miri gianji-iga miangöreñ Anutunöñ taröñ kun melaiiga kaba ölunölun mi yöhöröngöiga sinñi soholiyök. ⁸ Wehönöñ koriga Anutunöñ jiiga luhut könöpñambuk kötokñi mi miri jeñi kotkotñeyök qeiga wehön jeñan nöropñe qei qei uruñi öngöba duhuiga kömumangöt möt teköba köuluköba kewö jiyök: “Nöñön malmalgöt tököba kömupköt möralga ölöwakzap. Keu mi öljap.”

⁹ Mewö jiyökmö, Anutunöñ Jonagörap kewö jiyök: “Gi ölunölungörap irimñi seholizawi, mi dop köljap me qahöp?” Mewö jiiga kewö meleñ wañgiyök: “Irimñi seholizawi, mi möp dop köljawa. Nöngöt irimsesewölñi mi ketauñi aiga urunan kude amörimap. Miangörap ölp kömumam. Keu mi öljap.”

¹⁰ Jonanöñ mewö jiiga Kembunöñ kewö jiyök: “Gi ölunölungöt böröñi kun kude memba mi kunde galöm kölnöñga köriyök. Mi sunjem mohotkö uruñe asuhuyök aka sunjem mohotkö uruñe soholiba kömuyök. Töndup göñön nangak yuai omañi mewöñi miangörap sahöta waimañjat mötzan.

¹¹ Mewö aiga nöñön möp denöwögörap siti ketauñi kiangöt könagesöñi yeñgörap waimañjat kude mötpileñak? Miangöt uruñe morö namande 1 20.000 (handöt twenti tausen) jañgö mi öngöta maljei, mi ölpñangöt aka bölöñangöt könañiri kude möt kewöt etkimakzei aka bau kuruk yuai mi tok gwötpuk malje. Mi ambazip ketauñi yembuk mohok mem bölim engibilenbukörap nöñön möp sihimnan Niniwe engehoral.” Mewö.

* 4:3: 1 Kiñ 1 9.4

Matyu

Ölöwak Buña Matyunöŋ ohoyök.

Jim-asa-asari

Matyu qet miangö könaŋi mi Kembangören kalem. Qetŋi alaŋi Liwai. Rom gawmangö takis meme azia malök. Nup mi memba maliga Jisösnöŋ kaba oholiga uruŋi melejda gwarek 12 yeŋgö sutŋine malök.

Ölöwak Buña ki Jisösgö könaŋi nanŋe Juda könaŋesö yeŋgöra jim asarim engimamgöra aka ohoyök. Keu kötŋi bohönŋi kewö, “Jisös Kraistnöŋ Amötqeqe Tonini aka Kiŋnini akza.” Juda ambazip yeŋgöra keu mi qahö dop köli uruŋinan bölii qaköget. Mi-angöra Matyunöŋ Jisös nupŋangö könaŋi mi aukŋe jim asariba törörök kusum engiyök. Jöhöjöhö Walŋe amötqeqegö jöhöjöhö keu (promis) ahözawi, mi pakpak mönö Jisösgöra aka aukŋe ahum kuwuleiba öljambuk ahök. Amötqeqe Toŋi mi Hibru keunöŋ Mesaia aka Grik keunöŋ Kraist.

Jisösnöŋ urugö nup bahöŋi karöbut memba malök: Yaŋön Ölöwak Buña ambazip kusum engiba uruŋini miangön kuŋguba kawölŋini mem ölöwaka malök. Mewö memba aniga angöletot asuhugetka mala maripom ipnöŋ öngöba kömuiga löm kölgetka kumbuk wahörök. Mewö miangön Anutu bemtohoŋangö könaŋi kondel neŋgiyök. Mewö aiga nini letota Anutugö nahönböraturupŋi akingö könaŋi asuhuyök. Jisösgö lesön bohönŋi 5 mi kewö: 1) Boŋ 5-7, 2) Boŋ 10, 3) Boŋ 13, 4) Boŋ 18 aka 5) Boŋ 24-25

Buk kiangö bahöŋi bohönŋi 7 mi kewö:

Jisösgö amböskonurupŋi aka ahuahupŋi 1.1-2.23

Jon O-melun azinöŋ urugö nup meyök 3.1-12

Jisös o melun meiga Satanöŋ esapköyök 3.13-4.11

Jisösnöŋ Galili uruŋe qenjarök nup meyök 4.12-18.35

Jisösnöŋ Galili mosöta Jerusalem anök 19.1-20.34

Sonda qöndökŋi Jerusalem mala kömuyök 21.1-27.66

Kömupnöhök wahöta mala Suepnöŋ öngöyök 28.1-20

Jisös Kraistkö amböskon yeŋgö qet areŋ

Luk 3.23-38

¹ Jisös Kraistkö amböskon yeŋgö qet areŋini kewö: Abrahamgö gwölönarökŋi kun Deiwid. Deiwidkö gwölönarökŋi kun Jisös.

² Abrahamgö nahönŋi Aisak. Aisakö nahönŋi Jeikob. Jeikobkö nahönurupŋi Juda aka yaŋgö darumunurupŋi. ³ Judagö nahönyahötŋi Perez aka Zera, namŋiri Tamar. Perezgö nahönŋi Hezron. Hezrongö nahönŋi Ram. ⁴ Ramgö nahönŋi Aminadab. Aminadabkö nahönŋi Nason. Nasongö nahönŋi Salmon. ⁵ Salmongö nahönŋi Boaz, namŋi kantri kungö ambiŋi Rahab. Boazgö nahönŋi Obed, namŋi kantri kungö ambiŋi Rut. Obedkö nahönŋi Jesi. ⁶ Jesigö nahönŋi kiŋ Deiwid. Deiwidkö nahönŋi Solomon, namŋi mutuk Uriagö anömŋa malök. Juda kiŋ pakpak mi Deiwidkö gwölönarökurupŋi aka malget.

⁷ Solomongö nahönŋi Rehoboam. Rehoboamgö nahönŋi Abiya. Abiyagö nahönŋi Asa. ⁸ Asagö nahönŋi Jehosafat. Jehosafatkö nahönŋi Jehoram. Jehoramgö nahönŋi Usia. ⁹ Usiagö nahönŋi Jotam. Jotamgö nahönŋi Ahaz. Ahazgö nahönŋi Hezekia. ¹⁰ Hezekiagö nahönŋi Manase. Manasegö nahönŋi Amon. Amongö nahönŋi Josia. ¹¹ *Josiagö nahönurupŋi Jekonia aka yaŋgö darumunurupŋi. Nalö miangören Babilon yeŋön Israel könaŋesö enguangitketka Babilon anda kösö mire malmal ewö tandök welenqeqeŋina malget.

¹² Babilon kösö mire malmal ewö tandök mala miangören Jekoniagö nahönŋi Sealtiel asuhuyök. Sealtielgö nahönŋi Jerubabel. ¹³ Jerubabelgö nahönŋi Abiud. Abiudkö

* 1:11: 2 Kiŋ 24.14-15; 2 Hist 36.10; Jer 27.20

nahönñi Eliakim. Eliakimgö nahönñi Azor. ¹⁴ Azorgö nahönñi Jadok. Jadokö nahönñi Akim. Akimgö nahönñi Eliud. ¹⁵ Eliudkö nahönñi Eleazar. Eleazargö nahönñi Matan. Matangö nahönñi Jeikob. ¹⁶ Jeikobkö nahönñi Josef, Mariagö apñi. Marianöñ Jisös meiga qetñi Kraist Amötqege Toñi qerakzin.

¹⁷ Nalö Abrahamgöreñök könahiba mala kotketka Deiwid asuhuyöhi, isik miengö jangö areñi mi 14. Kunbuk kiñ Deiwidköreñök könahiba mala kotketka Israel könagesö enguangitketka Babilon anda kösö mire malmal ewö tandök malgeri, isik miengö jangö areñi mi mewöyök 14. Babilon kösö mire malmal ewö tandök malgeri, nalö miangöreñök könahiba mala kotketka Kraist asuhuyöhi, isik miengö jangö areñi mi mewöyök 14.

Jisös Kraist mi kewö asuhuyök:

Luk 2.1-7

¹⁸ *Jisös Kraist asuhuyöhangö kösohotñi kewö: Yangö namñi Maria mi Josefbuk buñabuñu mala mindimindiri qahö aka malohotka nalö miangöreñ Uña Töröñan mem letot wañgiiga köröbuk mali könani mewö miwikñaiget. ¹⁹ Mewö miwikñaigetka azi buñani Josef yañön malmal diñdiñi malöhangöra Mariagö könani aukñe asuhui gamuñambuk akapuköra tököyök. Mewö tököba uruñan i ölöñ mosötmangö mötmöt areñi alök.

²⁰ Mewö mötmöriba ahöiga Kembangö garata kunñan gaunöñ asuhum wañgiba kewö jiyök, “Josef Deiwidkö gwölönarökñi, Uña Töröñan mönö Maria letot wañgiiga köröñambuk malja. Miangöra gi mönö i örönöñ mirige kaba anömgi akñapkö kengetki kude mötman. ²¹ *Marianöñ mönö morö nahön mema. Azi miangön könagesöñi siñgisöndokñineyök amöt qem engiiga solanime. Miangöra göñön qetñi Jisös qetman.” Mewö jiyök.

²² Kembangön kezapqetok azi kun sölölohöiga keu kun jiyöhi, miangön öñambuk akñapköra yuai pakpak mi asuhuyök. Kezapqetok keu mi kewö, ²³ * “Ambi seram jömukñi kunöñ gölömñambuk aka morö asia meiga qetñi Imanuel qetme.” Qet miangö könani kewö, “Anutunöñ nembuk malja.”

²⁴ Josefnöñ imbiñi möta wahöta Kembangö garatanöñ jim kutum wañgiyöhi, mönö miangö dop aka Maria anömñi akñapköra wañgita miriñe anök. ²⁵ *Anda malohotmö, nalö sutñe miangöreñ mohotñe qahö ahöyohot anda nahönñi meiga Josefnöñ qetñi Jisös qerök. Morö meiga miangö andöñe awanöm malohot. Mewö.

2

Mötkutukutu azi wehön kotkotñeyök kaget.

¹ Jisösnöñ kiñ kembu Herodkö nalöñe Judia prowinsgö taon qetñi Betlehem asuhuyök. Asuhuyöhi, nalö miangöreñ señgelaugö mötmöt azi wehön kotkotñeyök Jerusalem sitinöñ kaget. ² Kaba kewö qesiget, “Juda engöreñ kiñ kembu akñawi, morö mi asuhuba denike ahöza? Nini wehön kotkotñe mala yangöreñ undi asuhui eka könani mewö möta waikñi memba möpöseibingöra kazin.”

³ Mewö qesigetka kiñ kembu Herod aka Jerusalem könagesö yambuk malgeri, yeñön körek pakpak keu mi möta aurugot. ⁴ Aurugotka kiñ Herodnöñ keu ala könagesögö jike nup galöm bohonñi aka Köna keugö böhi pakpak köl öröm engii kaget. Kaba tokogetka kewö qesim engiyök, “Amötqege Toñi Kraistnöñ mönö denike asuhumapköra jigetka ahöza?”

⁵ Qesim engiiga kewö melen wañgiget, “Yañön mönö Judia prowinsgö taon qetñi Betlehem miangöreñ asuhuma. Miangö keuñi mi kezapqetok azi Maikanöñ kewö ohoi ahöza,

⁶ *O Betlehem könagesö Juda gölmenöñ maljei, engö sutñineyök kembu ketani asuhuba nani Israel könagesö mindingöba köyan köl neñgima. Miangöra iñini Juda

* 1:18: Luk 1.27 * 1:21: Luk 1.31 * 1:23: Ais 7.14 * 1:25: Luk 2.21 * 2:6: Mai 5.2

gölmegö jittjememe yeŋgö sutŋine malgetka qetbuŋaŋinan eretŋi qahöpmahöp akza.’”

⁷ Mewö melen waŋgigetka mötkutukutu azi mi ölöŋ engoholi kagetka kewö qesim engiyök, “Undiŋi mönö wani nalönöŋ asuhui könahiba eket?” Miangö könaŋi törörök mötmangö möta mewö qesim engiyök. ⁸ Miangö keuŋi möta melaiba kewö jim kutum engiyök, “Iŋini mönö Betlehem anda morö mi törörök qesiba miwikŋaiba miangöreŋök buzup keu algetka nöŋgöreŋ kama. Nöŋön mi möta mewöŋanök anda i waikŋi memba möpöseim waŋgimam.”

⁹ Kiŋnön mewö munen jiba jim kutum enŋiiga möta könanön anget. Anda undi wehön kotkotŋe mala ekeri, miangön nöŋöŋine mutukmutuk ani mötötei-get Betlehem anda miri morö nahön ahöyöhi, mönö miangöreŋ kinök. ¹⁰ Undi mi kini eka söŋöŋgai keta bölökŋi aket. ¹¹ Söŋöŋgai aka miri uruŋe öŋgöba morö aka namŋi Maria etkeket. I etkeka simin köla sipköba waikŋi memba möpöseim waŋgiget. Möpöseim waŋgiba bayangösöŋini qeaŋda miangöreŋök goul, jiniŋ paura aka sanda qetŋi mör mi uzeta kalem waŋgiget.

¹² Suŋgem kun ahöget-ka Anutunön gaun kondela kiŋ Herodköreŋ kunbuk anbepukö qetal engiyök. Miangöra köna kungenök nanŋini miri gölmenŋine lilingöba anget. Mewö.

Herodköra asamböta Josef anöm-moröŋi Ijpt anget.

¹³ Mötkutukutu azi mienön angetka Josefnön gaun ehiga Kembugöreŋ garata kunŋan asuhum waŋgiba kewö jii mörök, “Herodnön morö qei kömumapkö jarum waŋgima. Miangöra mönö wahöta morö aka namŋi etkuangita ölöŋ köla Ijpt kantrinön anme. Miangöreŋ anda malgetka bian nanak kamegö nalö jimami, miangöreŋ mönö lilingöba kame.”

¹⁴ Mewö jii möta wahöta suŋgem miangöreŋök morö nahön aka namŋi etkuangita Ijpt anget. ¹⁵ *Ijpt anda malgetka kiŋ Herodnön kömuiga nalö miangöreŋök lilingöba kaget. Mutuk Kembunön kezapqetok azi Hosea sölölohöiga keu kewö jii ahöza, “Nöŋön nahöni oholbiga Ijpt gölme mosöta kayök.” Kezapqetok keu miangön mönö mewö asuhuiga öljambuk ahök. Mewö.

Morö azi Betlehem gölmenön enŋuget kömuget.

¹⁶ Mötkutukutu azi mienön Juda gölme ölöŋ mosöta angetka Herodnön miangö könaŋi eka “Tilipköm niŋgiget,” jiba irimŋi gwötpuk sehiliiga jimkutukutu kewö alök, “Yarö azi, iŋini Betlehem aka gölme pakpak mi liliköba ahözawi, mönö miangöreŋ anda azi morö (yara) yambuŋini yahöt aka miangö bapŋe akzei, mi körek enŋuget kömume.” Mötkutukutu azi undi asuhuyöhangö nalögöra törörök qesim enŋiiga jiget möröhi, miangö dop morö azi yambuŋinaŋgöra jimkutukutu mi alök.

¹⁷ Kezapqetok azi Jeremaianön keu kun jii ahözawi, miangön mönö mewö asuhuiga öljambuk ahök. Keu mi kewö,

¹⁸ *“Silat mi Betlehem kösutŋeyök miri qetŋi Rama miangöreŋök mötketka sahöt gigilahöze. Reizöl ambigö gwölönarökurup yeŋön moröurupŋini qahöwaketka urureŋ meze. Miangöra sahötketka urukölalep mem enŋibingö aketka urukondumök mörakze.” Mewö.

Ijpt mosöta Josef anöm-moröŋi Nazaret lilingöget.

¹⁹ Josefnön Ijpt maliga kiŋ Herodnön kömuiga miangöreŋök Kembugöreŋ garata kunŋan gaunön asuhum waŋgiba ²⁰ kewö jiyök, “Morö qeget kömumapkö mönögeri, yeŋön lök kömuget. Miangöra mönö wahöta morö aka namŋi etkuangita lilingöba Israel gölmenön anme.” ²¹ Mewö jiiga Josefnön wahöta morö aka namŋi etkuangita lilingöba Israel gölmenön anget.

²² Könanön anda keu kewö mörök, “Herodkö nahönŋi Arkelausnön iwiŋangö salupŋe Judia prowins galöm köla malja.” Mewö möta miangöreŋ anmamgö keŋgötŋi mörök. Möta mali Anutunön gaunön Galili prowinsnön anmegö jim kutum waŋgiiga wahöta

* 2:15: Hos 11.1 * 2:18: Jer 31.15

miaᅅgöreᅅ anget. ²³ *Galili prowinsnöᅅ aᅅgota taon qetᅅi Nazaret miaᅅgöreᅅ malget. Mewö malgetka kezapqetok azi yeᅅön Amötqeqe Toᅅaᅅgöra keu jigeri, miaᅅön öᅅjam-buk ahök. Keu mi kewö, “Yaᅅgö qetᅅi mi Nazaret azi qeta malme.” Mewö.

3

Jon O-melun azinöᅅ Jisösgö köna mesarök.

Mak 1.1-8; Luk 3.1-18; Jon 1.19-28

¹ Yambu tosatᅅi teköiga Jon O-melun azinöᅅ kaba Judia prowinsgö gölme qararaᅅkölkölᅅe liliköba ambazip uruᅅini Buᅅa keunöᅅ kuᅅguba kewö jiba malök, ² * “Suep Toᅅaᅅ bemtohoᅅi almawaᅅgö nalöᅅan lök kam kuᅅguza. Miaᅅgöra mönö uruᅅini melenᅅda miaᅅgöreᅅ aᅅgotket.” ³ *Jongöra kezapqetok azi Aisaianöᅅ keu kun kewö jiba ohoyök, “Kolek garata kunöᅅ gölme qararaᅅkölkölᅅe qeta maliga anda jölᅅi kewö mötme, ‘Kembunöᅅ kamawo! Miaᅅgöra mönö jöjöröba könaᅅi mesatket. Mönö uruᅅini mindiᅅgöba könaᅅi köᅅ diᅅgiba qölöleiget.’ ”

⁴ *Jongöreᅅ maluku mi kamel juᅅᅅan memeni aiga kemaᅅe öriᅅit sömbup sileᅅan memeni mi jöhöba malök. Neneᅅamᅅi mi gawöt jinam aka arökᅅaᅅgö moroᅅ oᅅi. Mi pakpak kezapqetok azi Elaija (Elia) yaᅅgö dowä. ⁵ Jonöᅅ nupᅅi meiga ambazip kambuleleme yeᅅön Jerusalem siti aka Judia prowinsgö miri tosatᅅi pakpak mieᅅgöreᅅök yaᅅgöreᅅ öroba kaget. Mewöᅅaᅅök Jordan o likeplikeᅅ miri pakpak tat angeri, mieᅅgöreᅅök kaget. ⁶ Kaba kaᅅgota siᅅgisöndokᅅini jim miwikᅅaigetka Jonöᅅ i Jordan o töwatᅅe o melun mem eᅅgiyök.

⁷ *Mem eᅅgiyökmö, Farisi (Köna keugö kapaᅅkölköl) aka Sadyusi (Jike nupkö kapaᅅkölköl) ambazip gwötpukᅅan o melun mem eᅅgimapköra kagetka eᅅgeka yeᅅgöra kewö jiyök, “O qatö moröᅅi, iᅅini uruᅅini qahö melenᅅgetka Anutuᅅö irimᅅan seholiiga likeᅅᅅi melenᅅ eᅅgimamgö akza. Mi ölöᅅ köᅅbingö goro keuᅅi mi mönö daᅅön jii möta sömbuᅅini möta ki kaze? ⁸ Miaᅅgöra mönö öᅅᅅaᅅök uruᅅini melenᅅme. Bölöᅅamᅅineyök liliᅅgögetka öᅅᅅi asuhui mi mönö ahakmemeniᅅan aukᅅe kondela malme.

⁹ * “Uruᅅine möndömöndö keu kewö jibingö kude mötmörime, ‘Neᅅön mönö Abrahamgö gwölöᅅarökᅅa malinga Anutunöᅅ qahö ayuhum neᅅgima.’ Mewö jiba töᅅtöᅅᅅine qemakzemö, öᅅᅅi mi qahö ahakze. Nöᅅön miaᅅgöra kewö jibi mötket, Anutunöᅅ köᅅ ki ölöᅅ jim kutum eᅅgiiga letota Abrahamgö gwölöᅅarökurupᅅi aka Anutu möᅅᅅeimeᅅakᅅemö, iᅅini denöwö?”

¹⁰ * “Uruᅅini qahö melenᅅme ewö, Anutunöᅅ mönö iᅅini ip ewö teᅅgöri etᅅpingö akze. Ip pakpak köᅅᅅi ölöᅅᅅi qahö kuᅅgumakzei, mi mönö köᅅi etiket köᅅöᅅᅅöᅅᅅi gili geme. Ip mewöᅅᅅi köᅅmamgö keᅅiᅅi lök jitiᅅi saᅅe ala ip köᅅaᅅe ali jöjöröba ahöza. Anutunöᅅ mönö bölöᅅamᅅinaᅅgö likeᅅᅅi melenᅅ eᅅgima.

¹¹ “Nöᅅön iᅅini uruᅅini melenᅅmeaᅅgöra o töhöᅅöᅅ melun mem eᅅgizalmö, nöᅅgö andöᅅe azi kukösumᅅi köhöikᅅi kun kama. Yaᅅgö kukösumᅅi öᅅgöᅅgöᅅan mönö nöᅅgöreᅅ oᅅgitma. Yaᅅön azi öᅅgöᅅgöᅅi akᅅawaᅅgöra nöᅅön yaᅅgö köna esuᅅi bauköba gösönöᅅ löᅅgöta teᅅgömaᅅgö qötötāᅅgöᅅmam. Yaᅅön mönö Uᅅa Töröᅅi uruᅅine ali köᅅöᅅ bölamᅅan köᅅ köᅅjörat eᅅgiiga mewö miaᅅön melun mem eᅅgima.

¹² “Yaᅅön öᅅᅅi aka kamböᅅi mendeᅅ etkimamgö sapakᅅi memba kaᅅgota uba qöröreᅅgöba kewötma. Kewöta wit köᅅᅅi tokoba köweᅅe almāᅅmö, kamböᅅi aka gwaugulapᅅi mi mönö usuᅅniga köᅅöᅅᅅöᅅᅅi geba teteköᅅi qahö jema.” Mewö.

Jonöᅅ Jisös o melun mem waᅅgiyök.

Mak 1.9-11; Luk 3.21-22

¹³ Nalö miaᅅgöreᅅ Jisösnöᅅ Galili prowins mosöta Jordan o töwatᅅe Jongöreᅅ kaba o melun mem waᅅgimapköra qesiyök. ¹⁴ Qesiyökmö, Jonöᅅ qetal waᅅgiba kewö jiyök,

* 2:23: Mak 1.24; Luk 2.39; Jon 1.45 * 3:2: Mat 4.17; Mak 1.15 * 3:3: Ais 40.3 * 3:4: 2 Kirj 1.8 * 3:7: Mat 12.34; 23.33 * 3:9: Jon 8.33 * 3:10: Mat 7.19

“Göñön ölop ni o melun mem ningibanakmö, göñön siñgisöndok qahö aka mönö denöwögöra nöñgöreñ kazan?”

¹⁵ Mewö jiiga Jisösnöñ kewö meleşnök, “Nalö kewöñe mi ölop akñan. Mewö akziga miññön Anutunöñ ahakmeme diñdini wuatangöbingö keu jiyöhi, miangö ölni asuhuiga dop kölma.” Mewö jiiga Jonöñ möri dop köliga urumohot ahök.

¹⁶ Urumohot aka o melun mem wangii teköiga miangöreñök onöhök koriga kewö asuhuyök: Suepnöñ añañiiga Jisösnöñ uba ehiga Anutugö Uña Töröñan meleşda kembö nei ewö aka Jisösgö qakñe eta meyök. ¹⁷*Eta meiga Suepnöhök qet kun kewö asuhuyök, “Yañön mönö nani wölböt nahöna aiga köröni ölöwahiga eknahöm ak wangizal.” Mewö.

4

Satanöñ Jisös esapköba malök.

Mak 1.12-13; Luk 4.1-13

¹ *Miangö andöñe Uña Töröñan Jisös kuñgum wangiiiga gölme qararankölkölñe Bölöñangö Toñan esapköm wangimapköra aka anök. ² Miangöreñ anda suñgem asak 40 Anutugöra nene siñgi mala nenegö kömuyök. ³ Nenegö kömuiga öme bohonñini qetñi esapesap Toñi yañön asuhaba kewö jiyök, “Gi Anutu Nahönña akzan ewö, mi mönö kondela köt ki jim kutunöñga letota beret aketka neman.”

⁴ *Mewö jiyökmö, Jisösnöñ keu kewö meleşnök, “Qahö! Buña Kimbinöñ keu kun kewö ohoget ahöza, ‘Nenenöhök ambazip malmal qahö neñgimakzäpmö, Anutugö jitleyök keu kamakzawi, mi pakpak tem kölinga miññön mönö gumohom neñgiiga köhöiba maljin’.”

⁵ Mewö jiiga Bölöñangö Toñan Jisös wangita Jerusalem siti töröñe anda jöwöwöl jikegö boñe euyangöreñ öngöba ali kinök. ⁶ *Mewö kiniga kewö jii mörök, “Gi Anutugö Nahönña akzan ewö, mönö kiangöreñök luhuba emu geman. Buña Kimbinöñ keu kun kewö ohoget ahöza, ‘Anutunöñ göhöra aka garataurupñi jim kutum eñgiiga ölop kököbihigetka geba kötnöñ könage qahö guhum qizit akña.’ Miangöra geba kude ayuhuman.”

⁷ *Mewö jiiga kewö meleşnök, “Qahö! Buña Kimbinöñ keu kun mewöyök kewö ahöza, ‘Gi mönö Kembugi Anutu kude esapköm wangiman.’”

⁸ Mewö jiiga Bölöñangö Toñan kunbuk wangita kundunji köröp tirtitiñ kunöñ öngöba gölme pakpak yeñgö kantri tohoñi tohoñi aka miengö inap yuainini aködamunñinambuk pakpak kondel wangiyök. ⁹ Kondel wangiba kewö jiyök, “Göñön simin köl ningiba waikni memba möpöseim ningiman ewö, nöñön öroyuai pakpak ki mönö tököm gihibi buña qem anguba galöm köl eñgiman.”

¹⁰ *Mewö jiiga Jisösnöñ kewö jii mörök, “Qahö! Satan gi mönö kesalnöñ. Buña Kimbinöñ keu kun kewö ohoget ahöza, ‘Gi mönö Kembugi Anutu, ia mohot simin köl wangiba waikñi memba möpöseiman’.”

¹¹ Mewö jiiga Bölöñangö Toñan miangöreñök Jisös mosöta kesalök. Mewö aiga garata yeñön kaba Jisös bauköm wangiget. Mewö.

Jisösnöñ könahiba Galili uruñe urugö nup meyök.

Mak 1.14-15; Luk 4.14-15

¹² *Miangö andöñe Jon O-melun azi kösö mire * alget tari Jisösnöñ mi möta Judia prowins mosöta Galili anök. ¹³ *Anda prowins miangöreñ miriñi Nazaret mosöta Kaperneam anda malök. Kaperneam siti mi Zebulun aka Naftali gölmenöñ Galili o angö

* 3:17: Jen 22.2; Sum 2.7; Ais 42.1; Mat 12.18; 17.5; Mak 1.11; Luk 9.35 * 4:1: Hib 2.18; 4.15 * 4:4: Dut 8.3

* 4:6: Sum 91.11-12 * 4:7: Dut 6.16 * 4:10: Dut 6.13 * 4:12: Mat 14.3; Mak 6.17; Luk 3.19-20 * 4:12:

Kiñ Herodnöñ ambi kun ölöñ meiga Jon O-melun azinöñ i miangöra jim wangiiiga irimñi sehoolii jiiga opotöröp yeñön Jon jöhöba kösö mire alget tarök. * 4:13: Jon 2.12

qöhöröŋe ahöza. ¹⁴ Mianğöreŋ mala nupŋi meiga Anutunöŋ keu kun kezapqetok azi Aisaia sölölohöiga jiyöhi, mianğön öljambuk ahök. Keu mi kewö,

¹⁵ **“Ambazip Zebulun gölmenöŋ aka Naftali gölmenöŋ Jordan likepŋe malgetka sutŋine köna namŋi köwetnöŋ göröken anda kinjawi aka Juda qahöpmö, kambu tosatŋan Galili prowinsnöŋ maljei,*

¹⁶ *könagesö mienğön söŋaupnöŋ mala asakŋi ketanji ekŋe. Kömupnöŋ ambazip aum köl enğiiga pandaman gölmenöŋ maljei, yeŋğöra mönö miri waŋgaraŋ suruma.”*

¹⁷ **Jisösnöŋ Kaperneam mala nalö mianğöreŋök könahiba Buŋa keuŋi jim asariba ambazip uruŋini kuŋguba kewö jiba malök, “Suep Toŋan bemtohoŋi almawaŋğö nalöŋan mönö kam kuŋguza. Mianğöra mönö siŋgisöndok malmalŋini mosöta uruŋini melenget.” Mewö.*

Jisösnöŋ gwarekurupŋi mutukŋi enğohölök.

Mak 1.16-20; Luk 5.1-11

¹⁸ Mewö jiba liliköba mala Galili o anğögö göraŋe mötöteiba anda darumun yahöt Sai-mon qetŋi alaŋi Pitö aka munŋi Andru etkehök. Yetkön söra örörö azia mala mösakŋiri o anğönöŋ söra öröbitköra gila malohot. ¹⁹ Jisösnöŋ etkeka kewö jiyök, “Aziyahöt, iŋiri mönö ni nuataŋğöba kayohotka kusum etkibi ambazip söra ewö öröm enğimakŋahot.”

²⁰ Mewö jiiga mianğöreŋök mösakŋiri mosöta könahiba Jisös wuatangöba anohot.

²¹ Jisösnöŋ yetpuk borom kun toroqeba anda kunbuk darumun yahöt Zebedigö nahönyahötŋi Jeims aka Jon etkehök. Yetkön iwiŋiri Zebedibuk waŋgenöŋ tata mösakŋini möhamğöba jöhöba malgetka enğeka etkohölök. ²² Mewö enğeka etkoholiga mianğöreŋök wahöta waŋge aka iwiŋiri mosöta könahiba Jisös wuatangöba andöŋe anohot. Mewö.

Jisösnöŋ ambazip kusum enğiba mem ölöwak enğiyök.

Luk 6.17-19

²³ **Jisösnöŋ anda Galili prowins uruŋe lökŋanök liliköba köuluk miriŋine öngöba bemtohoŋğö Ölöwak Buŋaŋi jim asariba uruŋini kuŋguba kusum enğiba malök. Mewö aka sutŋine ambazip kawöl aka jepajerepe könaŋi könaŋi enğöhöi malgeri, mi mem ölöwak enğiba malök.*

²⁴ Mewö memba maliga Jisösgö qetbuŋaŋan sehiba Siria kantri dop köl teköba anök. Mewö ani mi möta kawöl ambazip pakpak enğuangita yangöreŋ kaget. Tosatŋan uzi kawöl aka jepajerepe könaŋi könaŋi enğöhöi malget. Tosatŋan ömewörömenöŋ uruŋine geiga töŋöt me kölköljijijibuk malget. Tosatŋan tala eta enğuiga bözok mitiba semben auba malget. Tosatŋan sileŋinaŋğö likepŋi kömukömuŋi malget. Mewö mewöŋi mienğön Jisösgöreŋ kagetka mem ölöwak enğiyök.

²⁵ Mewö ak enğiiga ekerangöra ambazip könagesö ketanji yeŋön Jisösgö andöŋe wuatangöba kaget. Kambu ketanji ketanji mi Galili prowins aka Ten Taon distriknöhök kaget. Kambu tosatŋan Jerusalem siti aka Judia prowinsgö miri tosatŋeyök kaget. Kambu tosatŋan Jordan o likepŋeyök kaget. Mewö.

5

Jisösnöŋ kunduje kindu kusum enğiyök.

¹ Jisösnöŋ ambazip kambu ketanji enğeka kunduje öngöba tariga gwarekurupŋan kaŋgota liliköm waŋgiget. ² Liliköm waŋgigetka könahiba ambazip kambuŋi kambuŋi kusum enğiba kewö jiyök.

Denike yeŋön simbawoŋ akze?

³ *“Denike yeŋön Anutuğö jeŋe etqeŋeŋi tandök mötzei, yeŋön Suepkö bemtohoŋi buŋa qem anğumeaŋğöra mönö simbawoŋ akze.*

* 4:15: Ais 9.1-2 * 4:17: Mat 3.2 * 4:23: Mat 9.35; Mak 1.39

⁴ *Denike yeñon jinjeñ köla sahötzei, Anutunöñ i urukölalep engimapköra mönö simbawoñ akze.

⁵ *Denike yeñon guñböñjönjön malakzei, Anutunöñ gölme ki mi yeñgöra engii buñañina akñapaköra yeñon mönö simbawoñ akze.

⁶ *Denike yeñon Anutugö jeñe solanibingöra kapañ köla mi nene aka ogö ewö kömumba qemjeñ qeba maljei, Anutunöñ mönö sihimñini mi gumohom engima. Mianğöra yeñon mönö simbawoñ akze.

⁷ Denike yeñon tosatñi ak kömum engimakzei, Anutunöñ i ak kömum engimapköra yeñon mönö simbawoñ akze.

⁸ *Denike yeñgö uruñinan sarakñi akzawi, yeñon ölop Anutu ekñe. Mianğöra yeñon mönö simbawoñ akze.

⁹ Denike yeñon luai qemakzei, yeñgö qetñini mi Anutugö nahönböraturupñi qetme. Mianğöra yeñon mönö simbawoñ akze.

¹⁰ *Anutunöñ keuñini jim teköi solanizeağgöra sesewerowero ak engimakzei, yeñon Suepkö bemtohoñi buña qem aņgume. Mianğöra yeñon mönö simbawoñ akze.

¹¹ *Ambazipnöñ iñini nöñgöra aka uruqeçe keu töhöreñ jim engiba sesewerowero aka keu bölöñi könañi könañi silerñine ala munerñmunerñ jimakzei, yeñon mönö simbawoñ akze.

¹² *Mötket, Anutunöñ töwañini öngöñgöñi Suep mire ali ahözawağgöra mönö gönköirañ ala sösongai aka malme. Mi kewögöra: Kezapqetok ambazip mutuk malgeri, mi sesewerowero tandökñi mewöñanök ak engigetka yeñon yeñgö andöñjine asuhuba yembuk öröröñ malje.” Mewö.

Iñini gölmegö sihi aka kiwa ewö akze.

Mak 9.50; Luk 14.34-35

¹³ Jisösnöñ jiyök, “Iñini gölme ambazip yeñgö howe tandök akzemö, howe nahömñan piahima ewö, mi mönö denöwö möhamgöingä kunbuk nahömñambuk akawak? Mianğö könañi kun qahö. Toroqeba yuai kungöra qahö dop kölmapmö, mi nesak ewö gilget geiga ambazipnöñ mi könañinan tiahöme.

¹⁴ * “Iñini gölmeñi gölmeñi yeñgö kiwa tandök ewö aka malje. Siti kun kunduje öngöba meget tatzawi, mianğon tölapñe tatmamgö osimakza. ¹⁵ *Kunñan kiwa ohotiriba kumbut bapñe qahö almapmö, kiwagö dum tatatñe ali tatma. Mewö tata asariiga ambazip miri uruñe maljei, mönö körek yeñgö jeñini kuñguiga asakñi ehakñe.

¹⁶ * “Mewöñanök mönö engö asakñini kondelgetka ambazip sutñine asariiga ehakñe. Amba-zipnöñ ahakmemenñini ölopñi eka mianğöra Iwiñini Suep mire maljawi, mönö i möpöseiba malme.” Mewö.

Jisösnöñ Köna keugö könañi kusum engiyök.

¹⁷ “Nöñon Mosesgöreñ Köna Keu aka kezapqetok ambazip yeñgö Buzup Kimbiñini mi qeapkömamgöra aka qahö kaba maljal. Mewö lañ kude mötmörime. Nöñon qeapkömamgöra qahöpmö, keu mi tem köl teköbi miengö ölninän pöndañ asuhumapköra aka kaba maljal. ¹⁸ *Nöñon keu ölni kun kewö jibi mötket, Mosesgö Köna keunöhök kulem moröñi morö közömñi kun me kirifi ohohogö jönbölanñi mohok-kun mi qahö kötökñi ayapkömapmö, keu pakpak mi mutuk ölninambuk asuhugetka Suep gölme yetkön göröñ qemahot.

¹⁹ “Mianğöra kunñan Köna keugö jimkutukutu morörökñi miengöreñök keu kun koyonaniba ambazip mewö kusum engimakzawi, yañon Suepkö bemtohoñe aņgoriga qetñi morörökñi bezup qetme. Mewö qetmemö, kunñan mi tem köla wuatangöba

* 5:4: Ais 61.2 * 5:5: Sum 37.11 * 5:6: Ais 55.1-2 * 5:8: Sum 24.3-4 * 5:10: 1 Pitö 3.14 * 5:11: 1 Pitö 4.14 * 5:12: 2 Hist 36.16; Apo 7.52 * 5:14: Jon 8.12; 9.5 * 5:15: Mak 4.21; Luk 8.16; 11.33 * 5:16: 1 Pitö 2.12 * 5:18: Luk 16.17

ambazip mewö kusum engimakzawi, yañon Suepkö bemtohoru uruñe angoriga qetñi ketanjanini qetme.

²⁰ “Nöñon mianğö dop kewö jibi mötket: Engö ahakmemeñini solanñi mianğon mönö Köna keugö böhi aka Farisi (Köna keugö kapankölköl) yengö silikñini tandök ewö öröröñ akapuk. Silikñinan yengö silikñini gwötpuk qahö onğitma ewö, eñon mönö Suepkö bemtohoru uruñe qahö anğotme.” Mewö.

Yom kazik aka enguget kömukömuğö könañi.

²¹ *Jisösnöñ toroqeba jiyök, “Eñon möpñeyök keu kun kewö jiget mötzema, ‘Ambazip kun kude qeget kömuma aka kunñan kazikñi qei kömumawi, i mönö distrikö keu jakeñe algetka keuñi jim teköme.’

²² “Mewö jiget mötketmö, nöñon keu mi kewö jim tuaribi mötme: Kunñan alañambuk anğururuk aka irimñan sehooli yom kazik akzawi, i mönö mewöyök distrikö keu jakeñe al wañgiget keuñi jim tekömeañğö dop akza. Mewöñanök kunñan alañi jijiwilit keunöñ jim böliba ‘Gi uruqahö akzan,’ jizawi, i mönö kantrigö jike kaunsöl yengö jeñine al wañgiget keuñi jim tekömeañğö dop akza. Kunñan alañi lösö keunöñ jim böliba ‘Gi anğöjörakabuk akzan,’ jizawi, yañon mönö könöp sianöñ gemawañğö dop akawak.

²³ “Mianğöra göñon kalem naluki memba kaba altanöñ almamğö aknöñga mianğoreñ keu kewöñan mötmötke kañgotpawak: Alagahö uruñe keu ahöi yañon kazik ak gihimamğö mötza. Keu mewöñi mötmöriman ewö, ²⁴ kalemgi mi mönö alta wösöñe ala mutuk alagahoreñ anda yambuk keuñiri jim solaniba urumohot aka mianğö andöñe kunbuk kaba kalem naluki Anutugöra alman.

²⁵ “Kerökan silege ala keu jakeñe öröm gihimamğö aiga komitigöreñ anda köna namñe mianğoreñ mönö kapañ köla imbi mohot aka keuñiri jim solanimahot. Mewö qahö akñahot ewö, kerökan ölop örörahöm gihiga (jas, majistreit) jimtekötekö toñanğö jeñe anğotnöñga möta jii opotöröpkö böröñe genöñga kösö mire al gihibapuk. ²⁶ Nöñon keu ölni kewö jibi mötnöñ, Gi mianğoreñ töwagi pakpak almanañğö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

Sero yonğorögö könañi

²⁷ * “Keu kun kewö jiget mötzema, ‘Sero yonğorö kude akñan.’ ²⁸ Mewö jiget mötketmö, nöñon keu mi kewö jim tuaribi mötme: Kunñan serogö sihim kömbönañi qakñe ambi uba ekzawi, yañon lök uruñan yambuk sero yonğorö akza.

²⁹ * “Jegi ölnan siñgisöndok akñangö kölgöröm ak gihima ewö, mi mönö qözöla gilnöñ anma. Sile kitipki kunñan ayuhui mewö Suepnöñ öñgönöñga dop kölmamğö, silegi jömuñki malnöñga gil gihigetka könöp sianöñ geba ayuhubanbuk. ³⁰ *Börögi ölnan siñgisöndok akñangö kölgöröm ak gihima ewö, mi mönö yandiba gilnöñ anma. Sile kitipki kunñan ayuhui Suepnöñ öñgönöñga dop kölmamğö, silegi jömuñki mala könöp sianöñ geba ayuhubanbuk.” Mewö.

Awanöm anğömosötmosötkö könañi

³¹ * “Keu kun kewö jiget ahöza, ‘Kunñan anömñi mosötmawi, yañon mönö anğömosötmosöt papia ohoba anömñi wañgima.’ ³² *Mewö jiget ahözapmö, nöñon kewö jibi mötme: Kunñan anömñi qesabulum aiga mosötpawakmö, könañi kungöra anömñi mosöt-mawi, mewö mianğon mönö anömñan qesabulum akñapkö kondota siñgisöndokö keuñambuk akña. Mewö aiga azi kunbuk meiga azi dölokñi mianğon mönö mewöyök qesabulum akña.” Mewö.

Keuñini jöjöpañ keunöñ kude jim köhöime.

* 5:21: Eks 20.13; Dut 5.17 * 5:27: Eks 20.14; Dut 5.18 * 5:29: Mat 18.9; Mak 9.47 * 5:30: Mat 18.8; Mak 9.43 * 5:31: Dut 24.1-4; Mat 19.7; Mak 10.4 * 5:32: Mat 19.9; Mak 10.11-12; Luk 16.18; 1 Kor 7.10-11

³³ * “Keu kun mi mewöyök möpneyök kewö jiget mötzema, ‘Keuñini jöjöpañ keunöñ jim köhöigeri, mi mönö kude ongitme. Kembugöra yuai akingö keuñini jöjöpañ keunöñ jim jöhögeri, mi mönö wuatangögetka öljambuk akña.’

³⁴ * “Mewö jiget mötketmö, nöñön keu mi kewö jim tuaribi mötme: Keuñini mönö jöjöpañ keunöñ qahöpmahöp jim köhöime. Suep mi Anutugö jakömbuak dumñi akzawangöra aka keu kewö kude jime, ‘Keu ölni qahö jimam ewö, Suep Toñan ölpö likepñi melepñi qakne öngöma.’

³⁵ * “Gölme mi Anutugö könañangö döprñi akzawangöra aka keu kewö kude jime, ‘Keu ölni qahö jimam ewö, gölmenöñ ölpö tingita turum niñgima.’ Jerusalem mi Kiñ Tök-kutukutuñangö sitiñi akzawangöra aka keu kewöñi mi mewöyök kude jime, ‘Keu ölni qahö jimam ewö, Kiñ Ketañi yañön ölpö qemasolokepñangö likepñi melepñi qakne öngöma.’ ³⁶ Gi nörop jupki injañi menöñ tuatñi akñapkö osiman aka nörop jupki tuatñi menöñ injañi akñapkö osiman. Mianğöra keu kewö kude jiman, ‘Keu ölni qahö jimam ewö, Anutunöñ ölpö nöropni qeiga jupñangö mundañan uteköma.’ ³⁷ Jöjöpañ keu kude jimemö, on-keugöra mönö ‘On!’ jime aka qahö-keugöra ‘Qahö!’ jime. Keu diñdiñi mianğoreñ keu yuai toroqemei, mi mönö Bölöñangö Toñan sölölohöm engii asuhuma.” Mewö.

Jinöñ jibi aknöñ aki mi kude akñe.

Luk 6.29-30

³⁸ * “Keu kun kewö jiget mötzema, ‘Kunñan jegi qösökömawi, gi mönö kitipñi melepñi yañgö jeñi qösököman. Kunñan jitki kumburatimawi, gi mönö kitipñi melepñi yañgö jitñi kumburatiman.’

³⁹ * “Mewö jiget mötketmö, nöñön keu mi kewö jim tuaribi mötme: Kunñan bölöñi ak engimawi, i mönö kude qetala tuarenjoñ ak wañgime. Mewö qahöpmö, nuñgulunggi ölni qekötahöma ewö, mönö nuñgulunggi likepñi mewöyök qekötahömapköra melepñman. ⁴⁰ Kunñan ‘Sileötanggi memam,’ jiba keunöñ al gihimangö mötza ewö, mönö mosöta malukugi qakñi mewöyök wañginöñga buña qem anguma.

⁴¹ * “Mewöyök kunñan gösöñi kilomita (mail) mohotkö dop siriba anmangö kuñgum gihima ewö, mönö ölpö tem köla kilomita (mail) yahötkö dop siriba yambuk anman.

⁴² Kunñan göhöreñ yuai kungöra qesim gihimawi, mi mönö wañgiman. Kunñan ‘Yuai niñginöñga kitipñi biañ melepñmam,’ jiba qesim gihimawi, i mönö andö kude qeman.” Mewö.

Kazikurupki mönö urugan jöpaköm engiman.

Luk 6.27-28, 32-36

⁴³ * “Keu kun kewö jiget mötzema, ‘Ambazip kösutñine mala alaurupñini akzei, mi jöpaköm engimakñemö, kazikurupñini mönö melepñi kazik ak engiba malme.’

⁴⁴ * “Mewö jiget mötketmö, nöñön keu mi kewö jim tuaribi mötme: Injini mönö kazikurupñini jöpaköm engiba kinda sesewerowero ak engimakzei, yeñgöra mönö köuluköba malme. ⁴⁵ Mewö ahakñe ewö, mewö mianñön Iwiñinan Suep mire maljawi, mönö yañgö könañi kondela nahönböratuñi aka malme. Yañgö könañi kewö: Yañön wehöññi qahö angön köliga kota ambazip ölpöñi aka bölöñi mewöyök mem asarim engiba kie aliga ambazip diñdiñi aka goñgoñi yeñgö nupñini mewöyök mem kelörakza.

⁴⁶ * “Eñön mönö niñginöñ gihibigö tandökñi ongitata Anutugö könañi kondela ahakñe. Takis tilipqilipñinambuk megetka sisitñini memakzei, yeñön alaurupñinan jöpaköm engigetka i melepñi jöpaköm engimakze. Mi urumelepñi silikñi qahö. Injini yeñgö silik miyök wuatangöba ahakñe ewö, Anutugöreñ tosa kun qahö ahuiga yañön mönö silikñinañgö likepñi qahö engiiga töwa kun qahö buña qem angume. Mianğöra mönö ambazip körek pakpak jöpaköm engiba malme.

* 5:33: Lew 19.12; Jañ 30.2; Dut 23.21 * 5:34: Jei 5.12; Ais 66.1; Mat 23.22 * 5:35: Ais 66.1; Sum 48.2 * 5:38: Eks 21.24; Lew 24.20; Dut 19.21 * 5:43: Lew 19.18

⁴⁷ “Urumelenğö kopa ambazipnön mewöyök sutrine jölönini jim anğuba maljemö, mi urumelenğö aiwesökñi qahö. İñini yeğö dop alaurupñini enğö sutrineyök jölönini jim anğumakñe ewö, mewö mönö kopa ambazip ewö akze. Kopa ambazip yeğö silikñini mönö onğita qetpuk sorokñi aka malme? ⁴⁸ *Enğö Suep Iwiñinan aködamun sorokñi akzawi, enğön mönö miangö dop aködamun sorokñinambuk aka malme.” Mewö.

6

Mözöqözörön ambazip mi kalem enğimakñe.

¹ *Jisösnön kewö kusum enğiyök, “Mönö kewögöra galöm mem anğuba malme: Ahakmemenini solanñi diñdini mi ambazipnön eka enğöra mötket onğömapköra aka kude ahakñe. Mewö ahakñe ewö, enğö Iwiñini Suepnön maljawanön mönö silikñinanğö likepñi qahö enğiiga töwa qahö buña qem anğume.

² “Miangöra ‘Mözöqözörön ambazip kalem enğimam,’ jiba mi qenjaröknön kömam tömunbuk uba kolek almegöra kude akñan. Urumelenğö silesile ambazip yeğön ambazipnön miwidimgöm (mem biwim) enğimegöra möta köuluk mire aka köna namje anda ambazip enğeka mewö ahakze. Nönön keu öl töhönñi kun kewö jibi mötme, Yeğön mönö silikñinanğö töwañi pakpak lök buña qem anğugetka Suep Toñan mi qahö toroqema.

³ “Gönön mewö kude akñanmö, ‘Mözöqözörön ambazip kalem enğimam,’ jiba börögi ölñan denöwö akzawi, börögi qaniñan mi kude mötma. * ⁴ Kalemgi miangön tölapñe ahöiga Iwigan ahakmeme tölapñi ehakzawi, yanön mönö töwa gihima.” Mewö.

Köuluk nupkö könañi kewö:

Luk 11.2-4

⁵ * “Miangöra Anutugö köulukömei, mi mönö urumelenğö silesile ambazip yeğö dop kude akñe. Yeğön ambazipnön enğeknegöra möta sihimñinan köuluk mire aka köna soñanön kindi köulukömakze. Nönön keu öl töhönñi kun kewö jibi mötme, Yeğön mönö silikñinanğö töwañi pakpak lök buña qem anğugetka Suep Toñan mi qahö toroqema.

⁶ “Gönön mewö kude akñanmö, ‘Anutugö köulukömam,’ jiba mönö nangi miri uruñi moröñe onğöba nañgu köla Iwigi tölapñe maljawi, i köuluköm wañgiman. Mewö aknönğa Iwigan ahakmeme tölapñi ehakzawi, yanön mönö töwa gihima.

⁷ “Köulukömei, miangöreñ mönö urumelenğö kopa ambazip yeğö tandök ewö † keu oyoñdewetdewet mi kude jiba malme. Yeğön keu jit sehisehiñi jigetka Anutunön miangöra aka kezap ala möt enğimapkö mötmörimakze. ⁸ Mönö kewögöra yeğö dop kude aka malme: İñini wani yuaigöra osiba mözöqözörön akzei, Iwiñinan mi qahö köulukögetka qeljine lök mötza. ⁹ Mönö kewö köulukömakñe:

“Neğö Iwinini, gi Suepnön maljan. Göhö qetki mönö törönji ahöma.

¹⁰ Mönö galöm köl neñginönğa bemtohoñğahö ölñi asuhuma.

Göhö jitsihitki Suepnön tem kölakzei, mewöñanök mönö gölmenön asuhuma.

¹¹ Merakö neneñi mönö dopnine neñgiman.

¹² Tosatñi yeğöreñ tosa neñgöreñ ahözawi, nini mi mosöt enğizin ewö, gi mönö miangö dop neğö tosanini sañonman.

¹³ Esapesapnön et neñgubapuköra mönö anğön köl neñgiba Bölönji Toñanğö böröñeyök ‡ meköm neñgiman. (Gi nangak bemtohoñ Toñi, kukösum Toñi aka asakmararañ Toñi mi nalönji nalönji mala kota malnön aka tetekönji qahö mal onğöman. Mi ölña.)

* 5:48: Lew 19.2; Dut 18.13 * 6:1: Mat 23.5 * 6:3: Börögi qaniñan mi kude mötma, keu miangö könañi kewö: Mi mönö tölapñe aknönğa wölböt alagan mewöyök mi kude mötma. Anutunön sölölohöm gihiiga nup ölöpñi amqeba memakzani, mi mönö nangak ölum guhumakza. * 6:5: Luk 18.10-14 † 6:7: Kian kantri yeğön Anutu qahö möt wañgiba bemñini murutñi murutñi köuluköba keu omañi oyoñdewetdewet mi lañ jiba malje. ‡ 6:13: “Bölönji Toñanğö böröñeyök meköm neñgiman,” tosatñan keu mi kewö melenje: bölöñeyök meköm neñgiman.

¹⁴ *Ijini ambazip yeṅgö siṅgisöndokṅini mosötme ewö, eṅgö Suep Iwiṅinan mönö mewöyök eṅgö siṅgisöndokṅini mosötma. ¹⁵ Mosötmapmö, ambazip yeṅgö siṅgisöndokṅini qahö mosötme ewö, eṅgö Iwiṅinan mönö mewöyök eṅgö siṅgisöndokṅini qahö mosötma.” Mewö.

Nenegö siṅgi malmal mi kewö ahakje:

¹⁶ “Nenegö siṅgi malmei, miangöreṅ mönö urumeleṅgö silesile ambazip ewö kukbosole kude aka malme. Yeṅön Anutugöra nene siṅgi malakzei, ambazipnöṅ mi ekṅegöra aka zoloṅ örögetka jemesoholṅinan mölmölimakza. Nöṅön keu öl töhöṅṅi kun kewö jibi mötme, Yeṅön mönö silikṅinaṅgö töwaṅi pakpak lök buṅa qem aṅgugetka Suep Toṅan mi qahö toroqema.

¹⁷ “Göṅön mewö kude akṅanmö, Anutugöra nenegö siṅgi mala miangöreṅ mönö sinim jupuknöṅ me saipenöṅ jemesoholgi saṅgonṅa nörop jupki qeba malman. ¹⁸ Mewö aka nenegö siṅgi malnöṅga ambazipnöṅ qahöpmö, Iwigi tölapṅe maljawaṅön mi ekṅa. Mewö aknöṅga Iwigan ahakmeme tölapṅi ehakzawi, yaṅön mönö töwa gihima.” Mewö.

Söṅgöroṅi ketaji yuai mi mönö Suepnöṅ tokome.

Luk 12.33-34

¹⁹ * “Moneṅ inap yuai mi mönö gölmenöṅ ahöm eṅgimapköra kude tokome. Mewö tokogetka miangöreṅ jijilukut kezaploṅloṅnöṅ mi yöhötiṅgetka kahawet töromnöṅ (ros, ufeṅ) mem böliiga kegwek-kahasililiṅ yeṅön miri qesiṅda öṅgöba yoṅgorö memakze.

²⁰ “Gölmenöṅ qahöpmö, Anutugö jitsihitṅi tem kölgetka qetbuṅaṅinan qarimapköra mönö kapaṅ kölme. Mewö aketka guli dötnamṅini qainṅi kun mi Suep mire ahöiga gurem jijilukutnöṅ mi qahö yöhötiṅgetka kahawet töromnöṅ (ros, ufeṅ) mi qahö mem bölime. Kegwek-kahasililiṅ yeṅön eu qahö öṅgöba miri qesiṅda qahö yoṅgorö meme.

²¹ Yuaigöra aködamunṅi memba mötnöṅ öṅgözawi, miangön miri kungen ahöiga göṅön mönö urugi mewöyök miangöreṅ qekötahöba malman.” Mewö.

Silegö asakṅi mi kewö:

Luk 11.34-36

²² “Göhö jegi mi uru silegahö kiwaṅi akza. Miangöra kawöl kunöṅ jegi qahö mem böliṅza ewö, miangön mönö unöṅ asarim teköi Anutugö asakṅan ölop uruge mem asariiga malmalgi pakpak asakṅe malman.

²³ “Asakṅe malmanmö, sihim kömbönaṅi bölöṅan me yuai kunṅan jegi mem böliba asakṅi közambötza ewö, miangön silegö malmalgi pakpak mewöyök mem söṅauiga pandaman uruṅe jipjap malman. Mewö aiga söṅaupnöṅ urugahö asakṅi közamböri söṅauza ewö, nangi pandamanöṅ mönö Yei! keta bölöṅṅi wewelipṅambuk akza.” Mewö.

Anutu me moneṅ möt nariman?

Luk 16.13; 12.22-31

²⁴ “Kunṅan kembu yahöt welen qem etkimamgö osimakza. Kunṅan mewö akṅamgö mötzawi, yaṅön mönö kun kazik ak waṅgiba kun uruṅan jöpaköma. Kungöreṅ qekötahöba kun jijiwilit ak waṅgima. Miangöra erjön Anutu aka moneṅ inap mi mindiriba welen qem etkibingö osime.” Mewö.

Anutu möt nariba waimanjat kude akṅe.

²⁵ “Mewö aiga nöṅön kewö jibi mötket: Ijini gölmenöṅ malmeaṅgö waimanjatṅi mi kewö jiba kude akṅe, ‘Mönö wani yuainöṅ gumohom aṅgubinak aka wanatnöṅ sileninaṅgö löṅgötpinak?’ Jeṅinambuk maljei, miangön bohonṅi aiga nenenöṅ mönö miangö nemböṅe akza. Sileṅinambuk maljei, miangön bohonṅi aiga opo söronöṅ mönö miangö nemböṅe ahöza. Mönö mi mötmörime.

²⁶ “Könakemba neiṅi neiṅi mönö eṅgekṅe. Mieṅön nene köṅṅi qahö qesiṅ gilakze. Padi ölni qahö yandiba köwe miriṅine qahö tokomakze. Mi qahöpmahöp aiga eṅgö Suep Iwiṅinan mönö töndup i gumohom eṅgimakza. Ijini nei yeṅgö dop qahöpmö, eṅgö

* 6:14: Mak 11.25-26 * 6:19: Jei 5.2-3

söngöröjninan mönö nei söngöröjini engongita öngöngöjini akza me qahö? Mönö mi mötmöriget anök.

²⁷ “Engöreñök kunjan waimanjat aka mewö mianjön gölmenöñ malmawanjö nalöñi mi sömañi mohotkö dop mem toroqema me qahö? Mi qahöpmahöp! § ²⁸ Opo söronjanjöra mönö denöwögöra waimanjat akze? Mi qahö dop kölja. Sombemgö jariñ jurañi qarimakzei, mönö mi uba engekñe. Mienjön opo söronjanjöra möt qahö loñgalakze aka nup tosatñi qahö memakze.

²⁹ * “Mi töndup nöñön kewö jibi mötme, Kiñ Solomonöñ goul silwöñi qeraköba asonbilikñambuk malökmö, yangö malukuñi mi kiteñ soranjiñ me jura kungö dop eksihimñambuk qahö ahöyök. ³⁰ Sombemgö jariñ jurañi töhön merak kösutnine ahöi uran kölgetka eri qezaköba gila ohoget jemapmö, mi töndup Anutunöñ mi ölopñanök meñölömakza. Mianjöra yanjön iñini mewöyök ölop esuhum engima. Iñini jariñ jurañanjö dop qahö. Anutunöñ köyan köl engimamgö möta mianjöra sihimñi öngöngöjini mörakza. O ambazip, mötnaripñinan mönö wuanöñgöra öne töhön morörökñi akza?

³¹ “Mewö aiga iñini mönö malmalñinanjö waimanjat aka mötkurumkurum kude ahakñe. Mi aka lömböröba kewö jibepuk, ‘Nini mönö wani nene aka wani oya nembinak?’ aka ‘Wani yuainöñ silenini esuhubinak?’

³² “Mi kewögöra: Urumelengö kopa yeñön yuai pakpak mi buña qem angubingö kapañ köla urukönöp ahakze. Iñini yuai pakpaköra mözöröñgöba osimakzei, engö Suep Iwiñinan mönö mi möt teköza. ³³ Mianjö urukönöp kude akñemö, mutuk mönö Anutugö bemtohoñöñ angota yangö jeñe solanibingö kapañ kölme. Uruñini mianjöreñ alget ahöiga yanjön mönö galöm köl engiba yuai mewöñi pakpak mi mewöñanök engima.

³⁴ “Mewö aiga iñini mönö uran malmeanjö waimanjatñi kude ahakñe. Urangö waimanjatñi mi urangöra. Silim mohot mohotkö waimanjatñini mönö nanjök nanjök bisiinga dopñine akña.” Mewö.

7

Jimtekötekö toñi ewö kude akñe.

Luk 6.37-38, 41-42

¹ Jisösnöñ toroqeba kewö jiyök, “Anutunöñ keuñini kewöta jim teköi etpepuköra mönö tosatñi yeñgö keuñini kude kewöta jim teköme. ² * Mianjö könañi kewö: Iñini tosatñi yeñgö keuñini kewöta jim tekömei, Anutunöñ mönö dop mohot mianjönök nanjini keuñini kewöta jim teköma. Iñini tosatñi yeñgöra jimkutukutu ala memba öngöba eta kewöt engimakzei, Anutunöñ mönö mianjö dop nanjini ak engii öngöba erakñe.

³ “Gi alagahö jeñe gödöwöröt morörökñi ekzanmö, nangi jeñe ip sahötñi ketañi ahözawi, mia mönö wuanöñgöra kude ek kutuzan? ⁴ Me denöwögöra aka amqeba alagahöra kewö jizan, ‘Alani mötnöñ, ni ölop jegeyök gödöwöröt itaköbi etma?’ Mewö amqeba jizanmö, ip sahötñi ketañi mi nange jeñe ahöza.

⁵ “O gi urumelengö silesile azia, gi mönö mutuk nange jegeyök ip sahötñi (tametñi) ketañi memba gilman. Mi mem gilagun törörök ek kutuba alagahö jeñeyök gödöwöröt morörökñi mi ölop itakönöñga etma. ⁶ Yuaigöra mötketka tök-kutukutuñi qainñi kun akzawi, mi mönö kiam kude engime. Guli damandañ qeçerñi mi mönö bau wösöñine kude gilget anma. Mewö akñe ewö, yeñön mönö mi könañinan tiahöm engiba dumje melenjda nanjini engöhöba yöhöqöhötüm engibepuk.” Mewö.

Mönö qesiba jaruba Anutugö nanjune qeba malm.

Luk 11.9-13

⁷ “Mönö Anutu köuluköme. Köulukögetka kewöta engima. Urugö yuaigö Anutugöreñ böröjañ memba jarume. Mi jarugetka kondeliga miwikñaime. Kinda nanjunöñ qeme. Qegetka nanjuni öröm engima. ⁸ Kunjan Anutu köulukömakzawi, yanjön mönö likepñi

§ 6:27: Tosatñan jabö 27 mi kewö melenjda jize: Engöreñök kunjan waimanjat aka mewö mianjön silenñi wan fitgö dop toroqeba mem körimamgö osima. * 6:29: 1 Kiñ 10.4-7; 2 Hist 9.3-6 * 7:2: Mak 4.24

buña qem aŋguma. Yuaigö jarumakzawaŋön mönö mi miwikŋaima. Naŋgunöŋ qemakzawaŋgöra mönö naŋgu öröm waŋgima.

⁹“Mötket, ambazip engöreŋök daŋön kewö akawak: Nahönŋan bisketköra qesiiga köt waŋgima? ¹⁰ Me nahönŋan söragöra qesiiga qatö waŋgima?”

¹¹“Mewö aiga iŋini ambazip bölöŋi aka töndup kalem ölöŋŋi ölöŋŋi nahönböraturpŋini engibingö dop akze ewö, engö Iwiŋini Suep mire maljawaŋön mönö kalemŋi denöwö aŋgön kölbawak? Yaŋgö uruŋaŋgö ahakmemenŋi mi neŋgoŋgita tandökŋi kun akza. Miangöra iŋini yuai ölöŋŋaŋgöra köuluköba qesim waŋgime ewö, yaŋön mönö sihimŋan mi engima.

¹²*“Miangöra ambazipnöh yuai pakpak nanŋinaŋgö ak engimegö mörakzei, miangö dop mönö nanŋini mewöyök i ak engimakŋe. Mewö aketka Mosesgö Köna Keu aka kezapqetok ambazip Buzup Kimbi keuŋini mianŋön mönö ölhina mbuk aketka mindimindiri könaŋan aukŋe asuhuma.” Mewö.

Mönö kiripo naŋgu giwikŋi kutuba anme.

Luk 13.24

¹³“Könöp sianöŋ gebingö könaŋi mi amqeqeŋi aka numbuŋaŋgö naŋguŋi mi ketanŋi. Ambazip sehisehiŋan naŋgu mi kutuba köna mi mötöteiba anme. Miangöra iŋini mönö kiripo naŋgu giwikŋi kutuba miangö uruŋe anme.

¹⁴“Malmal köhöikŋe aŋgotpŋingö könaŋi mi pökpökŋi (pipitŋi) osukosubuk aiga numbuŋaŋgö naŋguŋi mi giwikŋi. Ambazip awamdökŋan naŋgu mi miwikŋaime.” Mewö.

Ipkö könaŋi mi ölhŋi eka möt kutume.

Luk 6.43-44

¹⁵“Kezapqetok ambazip takapulakaŋi yeŋön lamagö sile ewö esuŋini löŋgöta engöreŋ kamakzemö, uruŋinan ubibi kiam kalŋi ewö akze. Miangöra iŋini mönö yeŋgöra aka tihitŋini möta galöm mem aŋguba malme. ¹⁶ Nupŋinaŋgö ölhŋi eketka könaŋini kondeli ölöŋ möt kutume. Nejoŋ kötŋi mi jömnöh asuhumakza me qahö? Warun kötŋi mi koururuknöŋ (köwörörök) asuhui tokomakzin me qahö? Qahö.

¹⁷“Miangö dop ip ölöŋŋi pakpak mieŋön ölhŋi ölöŋŋi kuŋgumakzemö, ip bölöŋan mönö kötŋi bölöŋi kuŋgumakza. ¹⁸ Ip ölöŋŋan ölhŋi bölöŋi kuŋgumamgö osiza aiga ip bölöŋan kötŋi ölöŋŋi kuŋgumamgö osiza.

¹⁹*“Ip pakpak ölhŋi ölöŋŋi qahö kuŋgumakzei, mi mönö galömŋan kutuba memba könöpnöh giliga geme. ²⁰*Miangö dop ambazip mieŋgö nupŋinaŋgö ölhŋi eketka könaŋini kondeli ölöŋ möt kutume.” Mewö.

Gwarek öljanaŋgö könaŋi

Luk 13.25-27

²¹“Nöŋgö Suep Iwiŋaŋgö jitsihitŋi tem kölakzawaŋön mönö yaŋgö bemtohoŋnöh aŋgotma. Gwötpuk yeŋön nöŋgöra ‘Kembuni, Kembuni!’ qeta jimakzemö, körek yeŋön Suepkö bemtohoŋnöh qahö aŋgotme.

²²“Jimtekötekögö nalö ketanŋi miangöreŋ gwötpuk yeŋön kaba nöŋgöra kewö jime, ‘O Kembu Kembu, neŋön mönö göhö qetke yuai asuhumapkö kezapqetok keu qeljine jiba malin. Neŋön mönö göhö qetkahö ösumnöŋ ömewöröme enguatanaŋgöba malin. Göhö qetkan mönö nam köl neŋgiiga aŋgöletot ösum-mumuŋinambuk gwötpuk memba malin. Mi ölum guhuza me?’ ²³*Mewö jigetka nalö miangöreŋ könaŋini aukŋe kewö jibi mötme, ‘Nöhön iŋini nalö kunöh qahö möt engial. Iwilele ahak ambazip, iŋini mönö nömosöta kesalget.’” Mewö.

Miri memegö mötkutukutu ölöŋŋi aka piromŋi

Luk 6.47-49

* 7:12: Luk 6.31 * 7:19: Mat 3.10; Luk 3.9 * 7:20: Mat 12.33 * 7:23: Sum 6.8

²⁴ “Mewö aiga denike yeñon keu jitni jizali, mi möta miangö dop tem köla memakzei, nõñon körek yeñgö kõnañamñini kondela mötkutukutu azigö dop ala kewö jimam, Yañon miriñi jamõnñiñ köt qakñe meyök. ²⁵ Mewö meiga kie uru nalõñe kie röm-bum yöhöba eriga göulu luhuiga luhut ketañi qeiga o göulu kõhöikñi gila miri selñe kuñguyökmö, miri mi jamõnñiñ köt qakñe mei kinõhañgöra aka qahö kusuyök.

²⁶ “Denike yeñon keu jitni jizali, mi möta miangö dop qahö tem köla memakzei, nõñon körek yeñgö kõnañamñini kondela azi mötkutukutuñi piromñangö dop ala kewö jimam, Yañon miriñi sak kõsahet qakñe meyök. ²⁷ Mewö meiga kie uru nalõñe kie röm-bum yöhöba eriga o luhuiga luhut ketañi qeiga o göulu kõhöikñi gila miri selñe kuñgui kusuiga goromororõgöba erök.” Mewö.

Ambazipnõñ Jisösgö kukösumñangöra welipköget.

²⁸ *Jisösnõñ keu mi jim teköiga ambazip kambuñi kambuñi yeñon mötketka kusum engiyöhi, tandök miangöra auruba welipköget. ²⁹ Yañon yeñgö Köna keugö böhiurupñi-nañgö tandök qahö kusum engiyökmö, kukösum Toñi akzawañgö dop ambazip kusum engiiga möta tandök miangöra welipkögetka nembõñini teköyök. Mewö.

8

Jisösnõñ uzikuku azi kun mem solaniyök.

Mak 1.40-45; Luk 5.12-16

¹ Jisösnõñ kundunñi mi mosöta eri kõnagesö kambuleleme ketañan andõñe wu-atangöget. ² Mewö kagetka miangöreñ uzikuku azi kunõñ kaba simin köla Jisösgö wösõñe geba kewö jiyök, “O Kembu, göñon sihimgan mem ölöwak niñgimangö mötzan ewö, mönõ ni ölop mem solanim niñgiman.”

³ Mewö jiiga börõñi böranda sileñi misiriba jiyök, “Nõñon mi akñangö mötzal. Gi mönõ solaniman.” Mewö jiiga uzikukuñi mi miangöreñök solanii ölöwahök. ⁴ *Solaniiga kewö jim kutum wañgiyök, “Mötnõñ, kiangö buzup keuñi mi kun kude jinõñ mötme. Qahöpmö, mönõ jike nup galömgöreñ anda silegi kondel wañgiman aka Mosesgöreñ jimkutukutuñi wuatangöba solani-zanañgö saiwap nalukñi ala jöwöwöl ohoman. Mi ohonõñ ehiga ambazipnõñ kõnañamgi möt kutume.” Mewö.

Jisösnõñ suahö galöm kungö nup aziñi mem ölöwahök.

Luk 7.1-10

⁵ Jisösnõñ Kaperneam taonõñ kañgoriga Rom suahö galöm kunñan yañgöreñ kaba köuluköba kewö jiyök, ⁶ “O Kembu, nõngö nup azinañgö sileñi likepñan kömukömuñi aiga sihimbölo kanjamñambuk möta mire ahöza.”

⁷ Mewö jiiga kewö jii mörök, “Nõñon mönõ anda i mem ölöwakñam.” ⁸ Mi möta kewö melenña jiyök, “O Kembu, ni mewöröpñan malbiga nõngö miri boñan goalõñmapkö gamuni mötzal. Miangöra keu jitkanök jinõñga welen azinan ölöwakña.

⁹ “Mi kewögöra: Ni nanak mewöyök galömnangö kukösum bapñe al niñgigetka maljal. Nõngö bapñe yarö azi malgetka mi jim kutum engimakzal. Yeñgöreñök kungöra ‘Anman,’ jim kutubi yañon anma. Kungöra ‘Kanõñ,’ jim kutubi yañon kama aka welen azini kungöra ‘Nup ki meman,’ jibiga yañon mi mema.”

¹⁰ Jisösnõñ keu mi möta welipköba ambazip wuatangöba kageri, yeñgöreñ lilingöba kewö jiyök, “Nõñon keu ölni kun kewö jibi mötme: Israel kõnagesö sutñine mewöyök mötnariñ ketañi mewõñi mi kungö uruñe qahö miwikñaijal.

¹¹ * “Nõñon keu kewö jibi mötme: Ambazip kambulelemenõñ mönõ wehõn kotkotñeyök aka wehõn geñeyök kaba Suepkö bemtohoñ uruñe kañgota Abraham, Aisak aka Jeikob yembuk nene sösõngai aka malme. ¹² *Yeñon mewö malmemö, bemtohoñgö nahõnböraturup mi mönõ engömosöta aköm engigetka pandamanõñ yaigep

* 7:28: Mak 1.22; Luk 4.32 * 8:4: Lew 14.1-32 * 8:11: Luk 13.29 * 8:12: Mat 22.13; 25.30; Luk 13.28

geme. Miangörej malmei, yeñon mönō sahöt gigilahöba irimñini yöhözömgögetka qetñi qeri malme.”

¹³ Mewö jiba suahö galömgöra kewö jiyök, “Gi mönō mirige anman. Mötnaripkahö dop mönō asuhum gihima.” Mewö jiiga welen aziñan mönō aua miangöreñök ölöwahök. Mewö.

Jisösnöñ kawöl ambazip gwötpuk meiga ölöwaket.

Mak 1.29-34; Luk 4.38-41

¹⁴ Jisösnöñ Pitögö mire anda Pitögö suhunñan silekönöp kawöl yöhöi ahöiga ehök. ¹⁵ I eka böröñe misiriiga silekönöpñan mosöri wahöta könahiba Jisös nene ohoba gumohom wañgiyök.

¹⁶ Mewö malgetka miri söñauiga miangöreñ ambazipnöñ alaurupñini ömeñinambuk mi gwötpuk enğuanğita yañgöreñ kaget. Kagetka ömewöröme mi keuñan jiba közöl enğiiga kota anget aka kawöl ambazip pakpak mi mem ölöwak enğiyök. ¹⁷ *Mewö miangön Anutunöñ keuñi kezapqetok azi Aisaiagö uruñe ali jii ahözawi, miangön öñğambuk ahök. Keu mi kewö, “Yañon mönō neñgö uzi kawölnini meiga qakñe öñgöiga bisiyök.” Mewö.

Jisös wuatangöbingö möndö möndö keuñi

Luk 9.57-62

¹⁸ Jisösnöñ ambazip kambu ketañi liliköm wañgiget enğeka nalö miangöreñ gwarekurupñi yembuk o anğö kutuba likep anğotpingö jim kutuyök. ¹⁹ Köna keugö böhi kunñan Jisösgöreñ kaba kewö jii mörök, “Böhi, gi denike denike anmani, nöñon mönō miangöreñ gi guatangöba kamam.”

²⁰ Mi möta Jisösnöñ kewö jii mörök, “Arökñangö kiam yeñon köteñine ahögetka könakemba nei yeñon öñgot jajöñini memba malakzemö, Suep gölmegö azi öñan mönō denike anda nöropñi wani qömböñnöñ nariba luhut membawak?”

²¹ Mewö jii gwarek yeñgöreñök kunöñ kewö jii mörök, “Mi ölöpmö, iwinan kömumangö aiga mutuk jinöñga anda galöm kölbi kömui löm kölbigun.” ²² Mewö jiyökmö, Jisösnöñ meleñda jiyök, “Mosötnöñ, köhömuñi yeñon qamötñini köhömuñi mi ölöp löm kölmemö, göñon mönō kaba ni nuatangöman.” Mewö.

Jisösnöñ jiiga raidimbom göröñ qeyök.

Mak 4.35-41; Luk 8.22-25

²³ Jisösnöñ anda wañge uruñe öñgöiga gwarekurupñan wuatangöba yambuk mohotñe anget. ²⁴ Angetka raidimbom ketañan ömtöröp (töröpñanök) o anğönöñ asuhuba gilök. Giliga sirinöñ wañge uruñe geiga numbuñe qemangö ahökmö, Jisösnöñ gaun ahöyök. ²⁵ Gaun ahöiga gwarekurupñan anda möndöba jiget, “Hei Kembu, mönō bauköm nenginöñ. Nini anğönöñ ayuhubingö akzin.”

²⁶ Mewö jigetka meleñda kewö jim enğiyök, “O iñini mötnaripñini morörökñi, mönō wuanöñgöra keñgöt mötmöt azia akze?” Mewö jiba wahöta luhut aka siri jim qetal etkiiga sirinöñ nöñ qeba ahöyök. ²⁷ Mewö aiga awöwöliba qesiba jiget, “Yei! Azi kia mönō denöwöñan malja. Yañon mönō luhut aka köwet jim kutum etkiiga jitñi tem köl wañgizahot.” Mewö.

Ömenöñ bau uruñine gegetka azinöñ ölöwahot.

Mak 5.1-20; Luk 8.26-39

²⁸ Mewö asuhuiga o anğö kutuba likepñe Gadara yeñgö gölmenöñ anğorök. Miangöreñ anğota azi ömeñirambuk yahöt yetkön qaksirinöhök kaba Jisös miwikñaiyohot. Yetkön irimesewöl azi urukönöpñirambuk ahotka kunñan köna miangöreñ anmamgö osiyök. ²⁹ Yetkön Jisös miwikñaiiba silata kewö qet gigilahöyohot, “Aek! Gi Anutugö Nahöññi akzan. Gi mönō denöwö ak neñgimangöra kazan? Sihimbölö mötmöt nalöñan qahö kam kuñguiga qeljiñe mi könöpñambuk ak neñgimangö ki kazan me?”

* 8:17: Ais 53.4

³⁰ Mianğöreñök köröwen qahöpmö, kösutñine mianğöreñ bau kambu ketañi kun gwözözak uruñe kulunđa malget. ³¹ Mianğöra ömenöñ kewö jiba Jisös ulet wañgiget, “Göñön nini közöl neñgiman ewö, mönö melaim neñginöñga ölop bau kambu mienğö uruñine gebin.”

³² Ulet wañgigetka Jisösnöñ “Mönö anda geget,” jiba jim kutuyök. Mewö jim kutuiga mianğöreñök azi uruñireyök kota anda bau uruñine geget. Gegetka bau kambu körek yeñön mönö luhuba nembönembönöñ anda jorororöñgöba o añgönöñ geba nemulahöba kömuget.

³³ Kömugetka bau galöm yeñön ölöñ unjurata taonöñ anda keu buzupñini pakpak jigget. Azi ömeñirambuk yetköreñ yuai asuhuyöhi, mianğö buzupñi mewöyök jigget mötket. ³⁴ Jiget möta taon ambazip pakpak yeñön mosöta Jisös miwikñaiba ekingö kaget. Kaba eka Jisösnöñ yeñgö mindimindiri sel gölme mosöta anmapkö ulet wañgiget. Mewö.

9

Jisösnöñ azi sile likepñi kömukömuñi möhamgöyök.

Mak 2.1-12; Luk 5.17-26

¹ Jisösnöñ wañge uruñe öñgöba kunbuk o añgö kutuba likepñe añgota nanñe taonöñ kayök. ² Nalö mianğöreñ azi tosatñan alañini sile likepñi kömukömuñi tumbulahöpnöñ ahöyöhi, mi kululunöñ ala añguba kaget. Mewö kaba Anutu möt narim wañgigeri, Jisösnöñ yeñgö tandökñini mi ehi dop köliga kawöl azigöra kewö jiyök, “Nahöni, nöñön siñgisöndoki mosötzal. Mönö köhöiba ewebibigabuk saitiñgit malman.”

³ Mewö jiiga Köna keugö böhi tosatñan kinda uruñinan kewö mötmöriget, “Azi kianjön mönö Anutu ilita mepaqepaik akza.”

⁴ Mewö mötmörigetmö, Jisösnöñ mötmötñini mi möt kutuba kewö jiyök, “Injini mönö wuanöñgöra keu bölöñi uruñinan mötmörize? ⁵ Nöñön ‘Siñgisöndoki mosötzal,’ jizali, keu mianjön mönö awamñanök jijiña. Kunñan mewö jiiga tosatñan keu mianğö ölni qahö ekñe. Mianğöra mi keu awamñangö dop. Nöñön keu kun kewö jimangö mötzal, ‘Mönö wahöta anöñ.’ Keu mi mönö lömbötñambuk jijiña akza. Mewö jibiga ölni ahuma me qahöwi, mianjön mönö aukñe asuhui ekñe.

⁶ “Mötket, gölmenöñ siñgisöndok mosötmosötkö kukösumñi mi Suep gölmegö azi ölnañgöreñ ahözawi, injini mianğö könañangöra jañjuñ malbepuk. Mianğöra keu lömbötñi mi azi kianğöra jibi ölni eket.” Mewö jiba azi sile likepñi kömukömuñangö jeñe eka jiyök, “Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omañi akawak?”

⁷ Mewö jiiga mianğöreñök wahöta miriñe anök. ⁸ Mewö asuhuiğa ambazip kambu yeñön mi eka welipköba Anutu möpöseim wañgiget. Gölme azigöra kukösum mewöñi wañgiyöhañgöra Anutu möpöseiget. Mewö.

Jisösnöñ Matyu (Liwai) oholök.

Mak 2.13-17; Luk 5.27-32

⁹ Jisösnöñ mianğöreñök anda takis ofis oñgitmamgö aiga mianğöreñ azi qetñi Matyu tariga eka jii mörök, “Gi mönö nöñgö andöne kanöñ.” Mewö jii möta wahöta takis nup mosöta Jisösgö andöñe anök.

¹⁰ *Anda Matyugö mire anda nene namba tatkeri, nalö mianğöreñ takis meme azi tilipqilipñinambuk aka siñgisöndok azi gwötpukñan kaba Jisös aka yañgö gwarekurupñi yembuk tata nene mohotñe neget. ¹¹ Mewö negetka Farisi (Köna keugö kapañkölköl) yeñön mi eka Jisösgö gwarekurupñi kewö jim eñgiget, “Aek! Eñgö böhiñinan mönö wuanöñgöra takis meme tilipqilipñinambuk aka siñgisöndok ambazip yembuk tata nene neza? Mi qahö dop kölja.”

¹² Mewö jim eñgigetka Jisösnöñ likepñi kewö jii mötket, “Sile unditundit ambazipnöñ doktagöra qahö ak eñgimakzapmö, kawöl ambazipnöñ mönö doktagöreñ anakze.

* 9:10: Luk 15.1-2

13* Nöñön siñgisöndok ambazip engoholmamgöra kaba maljalmö, ambazip nanñinangö mötketka solanñi akzei, i qahö. Mianğöra keu kianğö könañi mönö anda kusum anğuba mötme, ‘Nöñön jöwöwöl ohobingö qahöpmö, ak kömum anğubingö sihimñi mötzal.’ ” Mewö.

Nene siñgi malmalgö keuñi

Mak 2.18-22; Luk 5.33-39

14 Nalö mianğöreñ Jon O-melun azigö gwarekurupñi yeñön Jisösgöreñ kaba kewö qesiget, “Neñön aka Farisi (Köna keugö kapañkölköl) yeñön Anutugöra nene siñgi gwötpuk malahakzin. Nangi gwarekurupkan mönö wuanöngöra nene siñgi qahö malje?”

15 Mewö qesigetka kewö meleñnök, “Ölña, nini wani nalönöñ nene siñgi malakzin? Ambi meme nalöñe azigö andöurupñan köñöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yeñgö azi buñaya aka yeñgö sutñine köisirik tatzal. Tatpiga yeñön mianğöra aijölön söñgaiba tata siñgi malbingö osimakze. Osimakzemö, Anutunöñ noañgiri kömumbiga yeñön mönö nalö mianğöreñ ölop siñgi malakñe.

16 (“Inini malmal walñi aka sösongai Buña dölokñi mi mindirim etkibingö osime. Mianğö keu pasetñi mi kewö jibi mötket;) Löñgölöñgöt walñi jurariga kunöñ opo dölokñi qahö sanğonsanğoni mitiba mianğön opo su jöhanñi qahö ala umğoreñgömakza. Opo su jöhanñi dölokñi mewöñan mönö waziba löñgölöñgöt walñi öröiga kunbuk tiñgiriga kinimñan qariba böliqölibapuk.

17 “Mewöñanök kunöñ wain o dölokñi mi jobö me toru walñi lama sileñan memeni mianğöreñ qahö kusuga gemakza. Mewö akawak ewö, wain o dölokñan mönö qariba toru qesiñniga jula mokoiga gölmenöñ eta sohoiga toruñan böliqölibepuk. Mianğöra wain o dölokñi mi toru dölokñeyök mokoin geiga dop kölma. Möwö ahinga mietkön ölöwakñahot. (Mewöñanök o ölopñi mi gina gisagisahöñe qahö umakzin. Mewö ubinak ewö, mianğön mönö jula kisipisirik eriga nemba kawöl neñgöhöbapuk. Mewö akapuköra o ölopñi mi gina ölopñe umakzin. Inini mewöyök malmal walñi aka Ölöwak Buña dölokñi mi mindirim etkibingö osime.) Mewö.”

Jairusnöñ böratñangöra Jisös köuluköyök.

Mak 5.21-43; Luk 8.40-56

18 Jisösnöñ keu mi jii mötketka keu galöm kunñan kañgota Jisösgö wösöñe geba simin köla kewö köuluköm wañgiyök, “Nöñgö böratnan mönö dölkö kömuzapmö, mönö kaba böroğan sileñe misirinöñga guliba toroqeba malma.” 19 Köuluköm wañgiiga wahöta gwarekurupñi yembuk i wuatangöba anget.

Kawöl ambi kunöñ Jisösgö malukuñi misiriyök.

20 Angetka mianğöreñ sutñine ambi kun malök. Yañön (yara) yambu 12 mianğö dop köiñnöñ ehiga nalö dop kawöl yöhöiga malök. Ambi mianğön Jisösgö andöñe kaba malukuñangö kitip suñi misiriyök. 21 Mi misiriba nanñangöra kewö jiyök, “Nöñön i oseimangö möt lömböriba malukuñeyök borom kun misiribileñak ewö, mönö ölop ölöwakñam.”

22 Mewö jiba misiriiga Jisösnöñ mianğöreñök lilingöba i eka kewö jii mörök, “Böratni, mötnaripkan mönö mem ölöwak gihiza. Mönö köhöiba ewebibigabuk saitiñgit malman.” Mewö jii möta aua mianğöreñök ölöwahök.

Jisösnöñ Jairusgö böratñi mem guliyök.

23 Toroqeba angetka Jisösnöñ keu galömñangö mire öñgöba ambazip jingey köla awölop ugeri aka ambazip kambu göju gilgeri, mi engeka kewö jim kutum enğiyök, 24 “Möñö yaigep anget. Ambi moröñan qahö kömuzapmö, gaunök ahöza.” Mewö jim kutum enğiga mötketka gönahit ewö aiga gön köl wañgiget.

* 9:13: Mat 12.7; Hos 6.6

²⁵ Gön köl waŋgigetmö, ambazip kambu ketanji mi jiiga yaigep angetka ambi moröŋaŋgö ahöahö miri uruŋe öŋgöba böröŋe meiga wahörök. ²⁶ Wahöriga mianŋgö buzup keuŋan sehiba mindimindiri sel mi körek dop köla anök. Mewö.

Jisösnöŋ jegömöl azi yahöt mem ölöwak etkiyök.

²⁷ Jisösnöŋ miri gölme mi mosöta anmamgö ani jegömöl azi yahötŋan wuatangöba andöŋe kaba kewö qerohot, “Deiwickö gwölönarökŋi, gi mönö ak kömum netkiman.”

²⁸ Mewö qerohotka miri kungö uruŋe öŋgöiga jegömöl azi yetköŋ Jisösgöreŋ kayohotka kewö qesim etkiyök, “Jeŋiri mem tohomamgö kukösumŋi nöŋgöreŋ ahözawi, mi möt narizahot me qahö?” Qesim etkiiga kewö meleŋ waŋgiyohot, “Kembuniri, mi ölop möt narizit.” ²⁹ Mewö meleŋ waŋgiyohotka je dapötŋire misiriba jiyök, “Mötnaripŋiranŋö dop mönö asuhuma.”

³⁰ Mewö jiiga jeŋiran tohoyök. Mewö asuhuiga galöm meme keu köhöikŋi al etkiba kewö jiyök, “Mörohot, kianŋgö buzupŋi mi kun kude jiyohot mötme.” ³¹ Mewö jiyökmö, yetköŋ mosöta anda mianŋgö buzupŋi jim sehiohotka mindimindiri sel mi körek dop kölök. Mewö.

Jisösnöŋ mötök azi kungö keuŋi möhamgöyök.

³² Jeŋiri tohoi anohotka töŋöt azi keu jijinji qahö mi waŋgita Jisösgöreŋ kaget. ³³ Kagetka Jisösnöŋ ömeŋi közöli mötök azinöŋ keu jiiga ambazip kambu yeŋön mi eka welipköba jiget, “Tandök kewöŋi mi Israel uruŋe mönöwök nalö kungen qahö ehin. Qahö. Dölki je murutŋa ekzin.”

³⁴ *Mewö jigetmö, Farisi (Köna keugö kapaŋkölköl) yeŋön jiget, “Yaŋön mönö öme yeŋgö kembuŋinanŋö ösumnöŋ ömewöröme eŋuatangömakza.” Mewö.

Jisösnöŋ könaŋesö yeŋgö wösöŋi mörök.

³⁵ *Jisösnöŋ anda miri aka taon dop liliköba ambazip köuluk miriŋine kusum eŋgiba bemtohoŋgö Ölöwak Buŋa jim asariba mianŋön uruŋini kuŋguba uzi kawöl aka jepajerepe könaŋi könaŋi mem ölöwak eŋgiba malök. ³⁶ *Mewö mala ambazip kambuŋi kambuŋi eŋgehiga lama galömnini qahö tandök simbisembel aka ilingösöŋ qeŋgalanŋa malgetka yeŋgöra wösöŋi mörök.

³⁷ *Mewö eŋgeka gwarekurupŋi kewö jii mötket, “Anutugö nupnöŋ nene ölnji gwöt-puk öliba ahözapmö, mi tokobingö nup meme ambazipnöŋ mönö awamdökŋi malje.

³⁸ Mianŋgöra nene öliöliŋaŋgö Kembuŋan nup meme ambazip melaim eŋgimapköra mönö köuluköba malme. Köuluköm waŋgigetka nup ambazip asuhuba ölnji mi mem tokome.” Mewö.

10

Aposol 12 yeŋgö qetŋini

Mak 3.13-19; Luk 6.12-16

¹ Jisösnöŋ gwarekurupŋi 12 eŋgoholi yaŋgöreŋ kagetka ömewöröme közöl eŋgimegö kukösumŋi al eŋgiyök. Mewöyök uzi kawöl qemjem-mamjeŋ könaŋi könaŋi mem ölöwakŋegö kukösumŋi al eŋgiyök. ² Melaimelai azi aposol 12 mienŋgö qetŋini kewö: mutukŋi yaŋön Saimon, qetŋi kun Pitö qetket aka yaŋgö munŋi Andru. Mianŋgö andöŋe Jeims aka munŋi Jon, iwiŋiri qetŋi Zebedi.

³ Filip aka Bartolomyu, Tomas aka Matyu takis meme azi, Jeims Alfiusgö nahönŋi aka Lebeus qetŋi kun Tadius, ⁴ Saimon Zelot-politik azia * aka Judas Iskariot. Kariot azi mianŋön könaŋen Jisös mamalolo mem waŋgiyök.

Jisösnöŋ gwarekurupŋi 12 melaim eŋgiyök.

Mak 6.7-13; Luk 9.1-6

* 9:34: Mat 10.25; 12.24; Mak 3.22; Luk 11.15 * 9:35: Mat 4.23; Mak 1.39; Luk 4.44 * 9:36: Jaŋ 27.17; 1 Kiŋ 22.17; 2 Hist 18.16; Eze 34.5; Mak 6.34 * 9:37: Luk 10.2 * 10:4: Nesönöl pati Zelot yeŋön Rom gawman tuarenjoŋ aka nanŋine kinkin membingöra tuaköpek memba malget.

⁵ Jisösnöy azi 12 mi melaim engiba kewö jim kutum engiba jiyök, “Inini kian kantrigö ambazip yengörej kude anme. Mewöyök Samaria prowins yengö taonjini kunöy kude anme. ⁶ Mianjörej kude anmemö, Israel könagesögö lama sohogeri, mönö yengörej anme. Mi nup mutukji. ⁷ *Denike denike anmei, mianjörej mönö Buja keu kewö jiba jim asarime, ‘Suepkö bemtohojan mönö dowe kazawa mianjö uruje angotme.’

⁸ “Ambazip kawöljinambuk mönö mem ölöwak engiba kömukömuji mi mem gulim engiba malme. Uzikuku ambazip mönö mem solanim engigetka öme wöröme közöl engiba malme. Anutunöy yuai kalema engiyöhi, mi mönö toroqeba kalema engiba malme.

⁹ “Köna anmeangöra soujeji goul me silwö me ain kopönöy memeji mi mönö irimu- ganjine kude jöhöme. ¹⁰ *Ambazipnöy nup meme ambazip malmaljinani nangömeangö dop akze. Mianjöra köna anmeangö yuainji ki mi kude memba anme: gösö qahö, maluku semönji qahöpmö, mohot meme, köna esu qahö, öröp qahö.

¹¹ “Anda taon me miri denike denike angotmei, mianjörej mönö danön azi ipji qetbujaambuk akzawi, mianjöra qesigetka miri engimei, mönö mianjörejök mala nup memba taon mi mosöta köna anme. ¹² Miri kunöy öngöba luainöy yembuk ahömapkö jime. ¹³ Mi jigetka luainini angön kölmeangö dop akze ewö, luaininan mönö yengö qakjine öngömawö, mi angön kölmeangö dop qahö akze ewö, luaininan mönö lilingöba nanjine kama.

¹⁴ * “Anda mala miri kunöy angotketka qahö köl öröm engiba keujini qahö mötketka nesampureknjini mönö kewö jiba kondel engime, ‘Nini engö gölmenöy kainga sölbuham köna tambönine mekötahözawi, mi mönö tim tönjöraringa nanjine lilingöba gema.’ Mewö jiba ölop miri me taon mi mosöta toroqeba anme. ¹⁵ *Nöjön keu ölni kun kewö jibi mötme: Anutunöy nalö ketaje qemasolokepninangö likepji melejni taon mianjö qakje öngömawö, dop mianjön mönö Sodom aka Gomora gölme yengö dop ongita toroqem engima.” (Sodom Gomora yejön bölöni kanjamambuk memba urujini qahö melengetka Anutunöy könöpnöy könderj engiyök.) Mewö.

Anda nup megetka sesewerowero asuhuma.

Mak 13.9-13; Luk 21.12-17

¹⁶ * “Mötket, lama yejön arökjangö kiam kalji yengö sutjine gegetka luhuba engöhöbepuk, nöjön inini mianjö tandök ewö melaim engibi anme. Mianjöra mönö mokolej † ewö mötkutukutu qakje galöm mem anguba mala kembö ewö ambazip bönjöni köpösihitkö keujini qahö malme. ¹⁷ *Ambazipnöy inini öröba keu jakejine al engiba köuluk mirijine keu nupjini memba ihilek wahinjambuknöy tauköm engime. Mianjöra ambazip mewöni yengöra mönö galöm mem anguba malme.

¹⁸ “Tosatjan nöjgöra aka enguangitketka kantriji kantriji yengö kin kumbu aka premiö yengö jemesoholjine kinme. Mewö kinda nöjgö könanamni nangöba jigetka azi ipji mi aka kian kantri könagesö yejön mi mötme. ¹⁹ Mi mötmemö, keu jakeje al engigetka kinmei, nalö mianjörej wani keuya denöwö jibinak, mianjö waimanjatji kude mötme. Keu jime, mi Uja Töröjan aua mianjörejök engima. ²⁰ Nanjine urujineyök keu kude jimemö, Iwinjanangö Uja Töröjan mönö urujini sölölohöiga keu jime.

²¹ * “Urumelengö kopa kunöy darumunjan uruji melejnö-hanjöra aka i mamalolo meiga keu jakeje algetka qeget kömuma. Mewöyök iwi kunöy nahönböratji mamalolo meiga kömuma aka nahönbörat yejön iwinamurujini qetal engiba jigetka enguget kömume. ²² *Nöjgö qetnangöra aka kantriji kantriji yejön körek kazik al engigetka

* 10:7: Luk 10.4-12 * 10:10: 1 Kor 9.14; 1 Tim 5.18 * 10:14: Apo 13.51 * 10:15: Mat 11.24; Jen 19.24-28

* 10:16: Luk 10.3 † 10:16: Mokolej aka raskol yejön aukje bim qegetka zilaj miwikjaiba jöhöm engibeak. Mianjö dop lömböribapuköra gwarek nejön maslim, komunist aka tosatji yengö sutjine qetnini misinari mi aukje qahö jimakzin. Mötkutukutu mi ölöpji. * 10:17: Mak 13.9-11; Luk 12.11-12; 21.12-15 * 10:21: Mak 13.12; Luk 21.16

* 10:22: Mat 24.9, 13; Mak 13.13; Luk 21.17

malmemö, kunjan kaparj köla nalö tekömawangö dop köhöiba böñ qeba kinmawi, yanjon mönö oyaerjkoyaer buña qem anguma.

²³ “Taon kunöñ sesewerowero ak engimei, mi mönö kök ala taon kunjan anme. Nöñon keu ölni kun kewö jibi mötme: Injini Israel taonñi taonñi qahö liliköm tekögetka Suet gölmegö azi ölnan mönö lilingöba kama. ²⁴ *Gwarek kunjan böhiñi ongita mötmötñambuk qahö akza aka welenqege kunjan ketanjanñi ongita nupkö mötmöt qahö memba malja.

²⁵ * “Gwareknöñ böhiñi ewö mötmötñambuk aiga dop kölma aka welenqeqenöñ ketanjanñi ewö nupkö mötmöt memba maliga dop kölma. Miri uruñi kungö saiwa galömñi jim böliba qetñi Katakömulat † qetket ewö, yanjö saiwaurupñi yengö qetñini mönö amqeba awamñanök mewö qerakñe.” Mewö.

Dagöra keñgötñini mötketka dop kölma?

Luk 12.2-7

²⁶ * “Ambazipnöñ yuai önun meget ahözawi, mi pakpak mönö luluñgetka aukñe ahuma. Mewöñanök keu asambötket ahözawi, mi pakpak mönö indelgetka möt kutume. Mianjöra ambazip yengöra keñgötñini kude möta malme. ²⁷ Nöñon keu söñaupnöñ ölöñ jimami, mi mönö asakñe jime. Keu sañep algetka kezapñine gei mötmei, mi mönö sombemnöñ aukñe jime. Mianjöra mönö keunjanangö galöm memba malme.”

Dagöra keñgötñini möringa dop kölma.

²⁸ “Tosatñan sileñini qem kömumbeakmö, uñanini qem kömumbingö osimei, yengöra keñgötñini kude möta malme. Mi qahöpmö, yuai mutukñi ki: Kunjan kukösum memba uña aka sile mohot ayuhum etkiiga könöp sianöñ gemahori, yanjöra mönö keñgötñini möta malme. ²⁹ Tosatñan bekösöm (jöröm, ulisit) yahöt moneñ köñi mohot-töpnöñ söñgöronñi memegöra alakzemö, etkerigetka Iwinjan on qahö jiiga yetköreñök mohotnöñ gölmenöñ qahö etma.

³⁰ “Anutunöñ köyan köl engiba nörop junñini pakpak mewöyök oyon teköba janjöñini mötza. ³¹ Ambazip engö söñgöronñini mi bekösöm ulisit gwötpuk engongita öngöngöñi akza. Mianjöra keñgötñini mönö kude möta malme.” Mewö.

Kraist jim miwikñaima me qañ kölme?

Luk 12.8-9

³² “Mewö aiga kunjan ni ambazip jeñine jim miwikñaim ningimawi, nöñon mönö mewöñanök i Iwini Suet mire maljawangö jeñe jim miwikñaimam. ³³ *Mewömö, kunjan ni ambazip jeñine qañ köl ningimawi, nöñon mönö mewöñanök Iwini Suet mire maljawangö jeñe qañ köl mam.” Mewö.

Jisösgöra lui qahöpmö, kazik asuhuma.

Luk 12.51-53; Luk 14.26-27

³⁴ Jisösnöñ toroqeba kewö jiyök, “Kewö kude mötmörime: Jisösnöñ lui qemangöra aka gölmenöñ erök. Nöñon lui qemangöra qahöpmö, nöngöra aka jula dengetka bimgö sou ketanjan aume.

³⁵ * “Mi kewögöra jizal: Nöngö Buña keunan ambazip uruñini kungui melengerangöra kewö asuhuma, ‘Iwi morö yetköñ jula kerök-kerök ahotka nam morö yetköñ tötal anguyohotka iranjan iranñi qetala julmahot. ³⁶ Ambazip nanñini saiwaurupñinan mönö kerökurupñini akñe.’

³⁷ “Kunjan ni göragöra al ningiba iwinji me namñi jegep ala jöpakömawi, yanjon mönö nöngöreñ qahö dop kölma. Kunjan ni göragöra al ningiba nahönñi me boratñi jegepñe ala jöpakömawi, yanjon mönö nöngöreñ qahö dop kölma. ³⁸ *Sisitñini megetka kunjan ni

* 10:24: Luk 6.40; Jon 13.16; 15.20 * 10:25: Mat 9.34; 12.24; Mak 3.22; Luk 11.15 † 10:25: Juda yengöreñ Katakömulat qetñi Belzebul. Mi ömewöröme yengö ketanjanñini. Matyu 9.34 mianjöreñ Jisösgöra qet bölöñi mi qetket. Mianjö dop Jisösgö alaurupñi nengöra qet bölöñi könanñi könanñi qerakñe. * 10:26: Mak 4.22; Luk 8.17

* 10:33: 2 Tim 2.12 * 10:35: Mai 7.6 * 10:38: Mat 16.24; Mak 8.34; Luk 9.23

nuatangöba sihimbölö möta maripomnöy kömumangö qahö jöjörömawi, yañön mönö nöngöreñ qahö dop kölma.

³⁹ * “Kunñan nanñi malmal siyoñsayoñi qahö mi miwikñaimawi, yañgö malmalñan mönö sohoma. Kunñan nöngöra aka malmalñi köleñniga sohomawi, yañön mönö oyaenköyaen malmal miwikñaima.” Mewö.

Anutunöy nupñinangö töwañi engima.

Mak 9.41

⁴⁰ * Jisösnöy jiyök, “Kunñan inñi miriñe köl öröba köyan köl engimawi, yañön mönö ni köl öröm niñgima. Kunñan ni köl öröm niñgimawi, yañön melaim niñgiyöhi, mönö i miriñe köl öröm wañgima. ⁴¹ Kunñan kezapqetok ambazip kun kezapqetok nupñangöra aka miriñe köl öröba köyan kölmaawi, yañön mönö kezapqetok ambazipkö töwañi buña qem anguma. Kunñan ambazip solanñi kun solanñi akzawangöra aka miriñe köl öröba köyan kölmaawi, yañön mönö ambazip solanñangö töwañi buña qem anguma.

⁴² “Kunñan morö kienğöreñök kungöra nöngö gwarekni akzawangöra aka o amötñi qambiñambuk nemapköra wañgimawi, Anutunöy mönö miangö töwañi melenđa wañgima. Nöñön keu öñi kun kewö jibi mötme: Nañgöm engimei, mienñön mönö töwa meme.” Mewö.

11

Jongö gwarekyahötñi Jisösgöreñ kayohot.

Luk 7.18-35

¹ Jisösnöy gwarekurupñi 12 keu mewö kusum engii teköiga miri mi mosöta toroqeba Galili prowinsgö taon tosatñe anda Buña keu kusum engiba miangön uruñini kunguba malök.

² Nalö miangöreñ Jon O-melun azinöy kösö mire tata Kraistnöy nup mewö meyöhi, mi möta gwarekyahötñi melaim etkii Jisösgöreñ anohot. ³ Kewö qesim wañgimahotköra melaim etkii anda jiyohot, “Mem ölöwak azi kamapköra mambörakzini, göñön mia akzan me azi kun bian kamapköra mambötpin?”

⁴ Mewö qesim wañgiyohotka kewö meleñnök, “Yuai eka mötzahori, miangö kösohotñi mönö anda Jon kewö jiyohot mötma: ⁵ * Jegömöl yeñön jeñini uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqequeñi yeñgöra Ölöwak Buña jim asaribiga mörakze. ⁶ Mewö asuhui eketka kungö uruñan qahö bölü andö nuñgumawi, yañön mönö simba-woñ akza.”

⁷ Mewö jiiga Jongö gwarek yetkön anohotka Jisösnöy könahiba Jongö könanñi ambazip kambu yeñgöra kewö jim asariyök, “Inñi gölme qararañkölkölñe miangöreñ wania ekingöra anget? Luhutnöy jehot uwutapköba metali anjañbanjañ ahakzawi, inñi azi mewöñi ekingöra anget me? ⁸ Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini eksihimñinambuk löngörakzei, mienñön mönö kiñ yeñgö jakömbuak miriñine malje. Mi gölme qararañkölkölñe qahö.

⁹ “Me wanat yuaia ekingöra anget? Kezapqetok azi kun ekingöra me? Öñja, nöñön kewö jibi mötket: Azi ekeri, yañön mönö kezapqetok ambazip pakpak engongita tandökñi kun akza. ¹⁰ * Yañgö könanñi mi mönöwök kewö ohoget ahöza, ‘Mötnöy, nöñön kolekni garata kun melaibiga qeljiñe anda ambazip uruñini mindingöba göhö könagi mesariga göñön mönö yañgö andöñe gölmenöy emu geman.’

¹¹ “Keu mewö ahözapmö, nöñön keu öñi kun kewö jibi mötket: Ambinöhök morö pakpak asuhugeri, yeñgö sutñine Jonöy mönö körek engongita qetbuñambuk kinja. Kinjapmö, Suepkö bemtohoñ uruñe angota Anutugö qetbuñanñi miwikñaimakzei, yeñgö sutñine eretñi kondikñi yañön mönö Jon oñgitza.

* 10:39: Mat 16.25; Mak 8.35; Luk 9.24; 17.33; Jon 12.25 * 10:40: Mak 9.37; Luk 9.48; 10.16; Jon 13.20 * 11:5:

Ais 35.5-6; 61.1 * 11:10: Mal 3.1

¹² * “Jon O-melun azinöŋ Buŋa keu jiiga nalö miangöŋöŋök könaŋiba Suepkö bemtohoŋi könpŋambuk tuarenjoŋ aka yarö gilakzemö, töndup ösumŋan anda qarimakza. Könpŋinambuk yarö gilakzeanöŋ mönö bemtohoŋ mi nanŋinaŋgöra öröba buŋa qem aŋgumakze. ¹³ Bemtohoŋö könaŋi mi Mosesgöŋöŋ Köna keunöŋ aka kezapqetok ambazip körek yeŋgö Buzup Kimbiŋine ohogetka oyoŋda mala koringa Jonöŋ asuhuba öŋŋi aukŋe indelök. ¹⁴ *Keu ki möt aŋgön kölbingsö mötze ewö, Elaija (Elia) asuhumawaŋgö dop ahöhi, Jonöŋ mönö mia akza. ¹⁵ Kunŋan urukezapŋambuk maljawi, yaŋön mönö keu mi kezap ala möt kutuma.

¹⁶ “Ambazip merak gölmenöŋ maljei, mi mönö wanatpuk dop al engibileŋak? Yeŋön namande ewö akze. Mienöŋ maket sombemnöŋ tata keu gön gila laŋ qeta kewö jimakze, ¹⁷ ‘Nini awölop uinga iŋini liŋet gwawet qahö unduget. Nini jingŋeŋ kölinga iŋini qahö toroqeba sahötket.’

¹⁸ “Miangö könaŋi kewö: Jon O-melun azinöŋ kaba nene siŋgi mala wain o qahö neiga yaŋgöra jimakze, ‘Öme kunöŋ uruŋe geiga malja.’

¹⁹ “Suep gölmegö azi öŋŋan kaba nene nem söŋgaip aiga yaŋgöra kewö jimakze, ‘Mötket, yaŋön bau numbu tandök közöjeriba wain o gwötpuk namba takis tilipqilipŋinambuk aka böŋŋi meme yeŋgö alaŋina malja!’ Anutugö mötkutukutu köŋ gulimakzei, yeŋgö ahakmemeninaŋgö öŋŋan mönö mötkutukutu-ŋinan dop köljawi, mi kondelakza.” Mewö.

Jisösnöŋ taon 3 yeŋgöra Yei wösöbirik! jiyök.

Luk 10.12-15

²⁰ Miangö andöŋe Jisösnöŋ könaŋiba taon tosatŋi tembul engiyök. Taon tosatŋi miengöŋöŋ aŋgöletotŋi kukösumŋinambuk sehisehiŋi meiga asuhugetmö, töndup uruŋini qahö melenget. Miangöra i tembula kewö jim engiyök, ²¹ * “O Korazin toŋi, nöŋön engöra Yei! jiba sahötzal aka Betsaida toŋi, engöra mewöyök Yei! jiba sahötzal. Nöŋön yeŋgöŋöŋ anbiga keuni jibi sösonihii aŋgöletotni kukösumŋinambuk asuhugetmö, uruŋini töndup qahö melenget. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köŋöŋŋi uruŋini melenbingö kaisöpsöŋŋi kondela dodohonöŋ aŋgömiriba kau ariba sahötpeak.

²² “Sahötpeakmö, nöŋön kewö jibi mötme: Anutunöŋ könaŋgep Korazin aka Betsaida yeŋgö keuŋini jim teköba likeŋŋi meŋŋi sihimbölö mötmei, nalö ketanŋi miangöŋöŋ mi mönö Taiö aka Saidon yeŋgö sihimbölö dopŋi oŋgita mötme.

²³ * “Aka Kaperneam toŋi, Anutunöŋ iŋini öŋöŋ mem wahöt engii Suep mire öŋgöbeak me qahöpto? Qahöpmahöp! Iŋini mönö kömupkö senjom mire kölölohoba geme. Nöŋön yeŋgöŋöŋ anbiga keuni jibi sösonii aŋgöletotni kukösumŋinambuk asuhugetmö, uruŋini töndup qahö melenget. Aŋgöletot mi Sodom taonöŋ asuhubeak ewö, taon miangöŋ mönö nalö kewöŋe mewöyök toroqeba kinbawak.

²⁴ * “Kinbawakmö, nöŋön kewö jibi mötme: Anutunöŋ könaŋgep Kaperneam engö keuŋini jim teköba likeŋŋi meŋŋi sihimbölö mötmei, nalö ketanŋi miangöŋöŋ mi mönö Sodom gölme yeŋgö sihimbölö dopŋi oŋgita mötme.” Mewö.

Lömbötŋinambuk enjöŋ mönö nöŋgöŋöŋ kaba luhut meget.

Luk 10.21-22

²⁵ Nalö miangöŋöŋ Jisösnöŋ keu kewö jiyök, “O Iwini, göŋön Buŋa keugi mötkutukutu ambazip mötmöt ketanŋi megeri, yeŋgöŋöŋ asambötnöŋmö, ambazip nahönböŋrat ewö nanŋinaŋgöra mötketka gukmaulem akzei, mi mönö yeŋgöŋöŋ indelnöŋga möt asarize. Miangöra nöŋön Suep gölmegö Kembuŋi gi möpöseim gihizal. ²⁶ O Iwini, gi nangak mewö asuhumapköra mötnöŋ dop köli ölöwahök.

* 11:12: Luk 16.16 * 11:14: Mal 4.5; Mat 17.10-13; Mak 9.11-13 * 11:21: Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * 11:23: Ais 14.13-15; Jen 19.24-28 * 11:24: Mat 10.15; Luk 10.12

²⁷*“Iwinan mönö yuai pakpak jim kutuiga nöngö bujaya ahök. Iwinan Nahönjangö könari nanjök möt yaköiga kunöj mi qahö mötza. Mewöyök Nahönjan Iwinangö könari möt yaköiga kunjan mi qahö mötza. Mewöyök kunjan Iwinangö könari qahö möt yaköiga Nahönjanök mi mötza aka ambazip möwölöhöm engiba yengöra mi indelmawi, yejön mönö Iwi möt wangime.

²⁸“Nup memba urulömbötjinambuk maljei, injini mönö körek nöngöreñ kagetka uruawam engibi luhut meme. ²⁹*Nöngö temni mönö awötjine ala angugetka Buñani kusum engibi mi möt soroköba malme. Nöjön uruni memba et ala gunbönjönjön azia akzalangöra ölop uruawam engibi luhut miwikñaime. ³⁰ Nöngö temni meget anguinga dopjine akza aiga lömböt engibi bisimei, miajön mönö awamji akza.” Mewö.

12

Jisösnöj Sabat kendongö Kembuñi akza.

Mak 2.23-28; Luk 6.1-5

¹*Miangö andöñe Sabat kendon kunöj Jisösnöj wit padi nup köröñi ketari kutuba anök. Aniga gwarekrupjan wösöñini enguiga wit ölni mohot mohot könahiba böröñinan misiba neget. ² Negetmö, Farisi (Köna keugö kapañkölköl) tosatjan mi eka Jisös kewö jiget mörök, “Mötnöñ, göhö gwarekurupkan mönö Sabat kendongö nup meme soñgoñi ongitze?”

³*Mewö jigetka kewö meleñök, “Kiñ Deiwidnöñ yarö aziurupñi yembuk liliköba wösöñini enguiga yuai akeri, mi lök oyonget me qahö? ⁴*Yañön mönö Anutugö opo seri jikenöñ öngöba beret kömbukñi Anutugö jemesoholje altanöñ alget tariga ösumjan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yejönök nezema. Yañön aka yañgö sungurumurupjan mi nembepüköra soñgo ahöyökmö, mi töndup neget. ⁵*Mewöñanök jike nup galöm yejön Sabat kendonöñ jöwöwöl jikenöñ kinda nup memba nup memegö soñgoñi ongitata töndup keuninambuk qahö ahakze. Keu mi Köna keunöñ oyonget me qahö?”

⁶“Mi oyonget, mewö mötzalmö, nöjön kewö jibi mötme: Ki kinjawi, yañön mönö jöwöwöl jike ongitata öngöñgöñi akza. ⁷*Buña Kimbigö keu kun kewö ahöza, ‘Nöjön jöwöwöl ohomegöra qahöpmö, sutjine ak kömum angumegöra mötzal.’ Injini keu miangö könari mötpeak ewö, ambazip pinjtkö keunini qahö neñgö keunini mönö lañ qahö jim teköbeak.

⁸“Mi kewögöra jizal: Suep gölmegö azi ölnjan mönö Sabat kendongö Kembuñi akza.” Mewö.

Jisösnöj azi böröñi sösröngöñi mem ölöwahök.

Mak 3.1-6; Luk 6.6-11

⁹ Jisösnöj miri mi mosöta köuluk miriñine öngöyök. ¹⁰ Miangöreñ azi böröñi sosoholiñi kun tarök. Ambazipnöñ Jisös keu jakeñe al wangibingöra kewö qesim wangiget, “Azi Sabat kendonöñ möhamgöba Köna keu ongitpin me qahö?”

¹¹*Qesim wangigetka kewö meleñök, “Engöreñök dañön kewö akza: Azi kungö lamaan mohok-kunjan Sabat kendonöñ lömnöñ gema ewö, yañön mi qahö memba öroiga kotma? ¹² Azigö bohonjan mönö lamagö bohonñi gwötpuk ongitzawi, mönö mi mötmörime. Miangöra Sabat kendonöñ nup ölopñi memba mewö Köna keu qahö ongitpin.”

¹³ Mewö meleñda azi miangö jiyök, “Gi mönö börögi qötöteinöñ.” Mewö jiiga qötöteiiga mutuk ahöhi, miangö dop ölöwaka böröñi alañangö dop ahök. ¹⁴ Mewö asuhiiga Farisi (Köna keugö kapañkölköl) yejön yaigep anda totoko ala Jisös denöwö aka qein kömumapkö keu jim jaruget. Mewö.

* 11:27: Jon 3.35; 1.18; 10.15 * 11:29: Jer 6.16 * 12:1: Dut 23.25 * 12:3: 1 Sml 21.1-6 * 12:4: Lew 24.9
* 12:5: Jañ 28.9-10 * 12:7: Mat 9.13; Hos 6.6 * 12:11: Luk 14.5

Anutugö nup meme azi tök-kutukutuji kewö:

¹⁵ Jisösnöñ keurjini mi ek kutuba mianğöreñök miri mi mosöta kungen anök. Aniga gwötpukñan yangö andöñe wuatangöba angetka yeñgö sutñine kawöl ambazip pakpak mem ölöwak engiyök. ¹⁶ Mi mem ölöwak engiba könañi aukñe jibepuköra köhöikñanök qetal engiyök. ¹⁷ Mewö aiga Anutunöñ kezapqetok azi Aisaia sölölohöiga keu kun jiyöhi, mianğön mönö mewö öñğambuk ahök. Keu mi kewö jii ahöza,

¹⁸ **“Eket, ki mönö nöñgö nup azini aiga i möwölöhöm wañgial. Nöñön wölböt alani yangöra mötpi ölöwahiga urunan yangöra söñgaimakzal. Nöñön Uñani Töröñi yangö uruñi dop kölmapköra melaibi geiga yañön keu diñdiñanök jim tekömakzalangö Buñañi indela jim sehiiga kantriñi kantriñi yeñgöreñ anma.*

¹⁹ Yañön añgururuk qahö aka keu töhöreñ qahö qerakña. Ambazip kunñan yangö qet kourukñi mi rowoñqeçe könanöñ qahö mötma.

²⁰ Jehot qölökögeri, yañön mi qahö qesiñma. * Lambegö wikñan jem kutuba sanjöp aiga bölamñan jem bökbök ahakzawi, yañön mönö mi qahö qömbököma. Mewö nupñi memba ambazipnöñ keu diñdiñi wuatangömegöra bim qeba maliga keu mianğön luhut aliga köirañ alme.

²¹ Kantriñi kantriñi yeñön mönö yañön bauköm eñgimapköra mamböta jörömqrömrñini yangö qetñe ala malme.” Mewö.

Jisösnöñ öme yeñgö ösumñini ongita qei etza.

Mak 3.20-30; Luk 11.14-23

²² Ömenöñ azi kun töñöt aka numbuñi jöhöiga jeñan gömölii mötök malöhi, mi wañgita Jisösgöreñ kaget. Jisösnöñ i mem ölöwahiga ömeñan kota mosöri nesilamñan lolohoiga kunbuk keu jiba uba ehök. ²³ Uba ehiga ambazip kambu pakpak yeñön mi eka auruba Jisösgöra jiget, “Azi kiañön mönö Deiwidkö gwölönarökñi akza me?”

²⁴ **Mewö jigetmö, Farisi (Köna keugö kapañkölköl) yeñön mi möta kewö jiget, “Azi kiañön kungö ösumnöñ qahöpmö, öme yeñgö Kembuñini Katakömulat yangö ösumnöñ ömewöröme eñguatangömakza.”*

²⁵ Mewö jigetmö, Jisösnöñ urumötmötrñini möt teköba kewö jii mötket, “Kantri denike yeñgö galömurupñinan sutñine añgururuk aka julmei, yeñön mönö ayuhum añgugetka kantriñinan böliba sahopñanök aka qeqelañlañ ahöma. Mewöyök siti me miri kungö könağesö yeñön sutñine añgururuk aka julmei, yeñön mönö galömkölköl nupñini memba kinbingö osime.

²⁶ *“Mötket, Satanöñ mönö alañi Satan kun wuatangöbawak ewö, yeñön mönö sutñine añgururuk aka julbeak. Mewö aiga gawman nupñini memingö osigetka ömetohoñinan mönö denöwö kinbawak?*

²⁷ *“Mötket, nöñön Katakömulatkö ösumnöñ ömewöröme közöl eñgibileñak ewö, eñgö alaurupñinan mönö dagö ösumnöñ mi közöl eñgibeak? Mianğöra yeñön mönö keurjini öñi me qahö, mi kewöta jim teköme. † ²⁸ Mi jim tekömemö, Anutugö ösumñan nöñgö böro kesötñi sölölohöi öme eñguatangömakzal ewö, Anutugö bem-tohoñan mönö eñgöreñ kam kuñguza. ²⁹ Kunñan azi köhöikñangö köna böroñi mutuk qahö jöhöma ewö, yañön mönö denöwö miriñe öñgöba qezañda sukinapñi membawak? Mutuk i jöhöi tarigun mönö ölop miriñeyök öroyuaiñi pakpak wañgita memba anma. (Mianğö dop nöñön mewöyök Satan jöhöba andöñe ömeñi eñguatangömakzal.)*

³⁰ **“Kunñan nömbuk qahö maljawi, yañön mönö qetal niñgimakza. Kunñan ambazip nöñgö qetne tokomegöra qahö öröm eñgimakzawi, yañön mönö mendeñ eñgimakza.*

* 12:18: Ais 42.1-4 * 12:20: Jehot aka lambegö wikñi mi ambazipköra jiza. Ambazipnöñ kun qeba jañgauranga ak wañgigetka mötnariñjan pömsöm qemapkö akzawi, Jisösnöñ i mem ölöwakña. * 12:24: Mat 9.34; 10.25

† 12:27: Nanñini silegalömurupñinan Anutugö qetñi öme mi Katakömulatkö kukösumnöñ közöl eñgigetka nöñön mi Anutugö ösumnöñ közöl eñgimakzal. Öroröñ qahö kinjinağöra dañön keu muneñi wuatangömakza? Yeñön me nöñön? * 12:30: Mak 9.40

³¹ Mianğöra nõnõn keu kun kewö jibi mötme: Ambazip singisöndok aka mepaqepaik pakpak ahakzei, mi Anutunõn ölop mosörakzapmõ, kunjan Uña Törõni ilita mepaikömawi, mianğö singisöndokni Anutunõn mönõ nalõ kunõn qahõ mosõtma. Saubarj!

³² **“Kunjan Suep gölmegõ azi õlji qetala keu jima ewõ, Anutunõn mi ölop mosõtmapmõ, kunjan Uña Törõni qetala keu yuai jimawi, yangõ singisöndokni mi Anutunõn gölmenõn malmawangõ dop me kõmup andõne mianğõrenj qahõ mosõtma.”*

Ipkõ kõnanj mi õlji eka kewõta möt kutume.

Luk 6.43-45

³³ **“Ipkõ kõnanj mi õlji eka kewõta mötzin. Mianğöra mönõ ip galõm kõlgetka ölowaka õlji ölopni kungumaknja me ip mem böligetka õlji bölonj kungumaknja. ³⁴ *Azi urujan yuai kokolak qei ahözawi, mia mönõ numbujan aukje jimakza. Mianğöra qatögõ morõni injini, nanjinak bölonj aka mönõ denõwõ keu ölopni jibeak? ³⁵ Azi ölopñangõ uru kõweñe ölopñangõ möriamni ahözawi, yañõn mönõ ölopni mi aukneyök jimakza. Azi bölonñangõ uru kõweñe bölonñangõ möriamni ahözawi, yañõn mönõ bölonj mi aukje jimakza.*

³⁶ **“Mewõ jimakzapmõ, nõnõn keu õlji kun kewö jibi mötme: Ambazipnõn songo walõnda keu jit omarj omarj jimei, yeñõn mönõ keu pakpak mianğö kõnanj mi jimtekõtekögõ nalõ ketañe Anutugõra jim asarigetka kewõtma. ³⁷ Mianğö kõnanj kewõ: Anutunõn mönõ keu jitki kewõta mianğö dopkeugi jim tekõi solaniman me keugabuk aka lömbõt miwikñaiman.” Mewõ.*

Bõhi tosatjan angõletokõra kapañ kõla uletket.

Mak 8.11-12; Luk 11.29-32

³⁸ **Nalõ mianğõrenj Farisi (Kõna keugõ kapañkõlkõl) aka Kõna keugõ böhi tosatjan Jisösgõra kewõ jiget, “Bõhi, gi ölop angõletot kun menõnga mi ekingõ mötzin.”*

³⁹ **Mewõ jigetka kewõ melenj engiyök, “Ambazip merak gölmenõn maljei, mi kambu bölonj aka serowilin ahakze. Yeñõn Anutugõ aiwesökñangõra kapañ kõlakzemõ, aiwesök kun kezapqetok azi Jonagõra lõk asuhuyök. Anutunõn aiwesök murutñi kun qahõ al engima. ⁴⁰ *Jonanõn sunjem silimni karõbut kõwet sömbupkõ (gajugaju) gölõmñe malõhi, mianğö dop Suep gölmegõ azi õljan mewõyök sunjem asak karõbutkõ dop gölme uruñe ahõma.*

⁴¹ **“Jonanõn Niniwe ambazip sutñine anda Anutugõ keunõn uruñini kungui möta mianğõrenjõk uruñini melenjgetmõ, mötket, nõnõn sutñine asuhaba kinda Jonagõ ahakmemenji ongita ahakzal. Mewõ ahakzalmõ, injini tõndup nesampurek ak ningimakze. Mianğöra Niniwe ambazipnõn jimtekõtekögõ nalõ ketañe ambazip kambu ki kinjei, embuk örõrõn kõmupnõhõk wahõta engõ qõhõrõñine mohotñe kinme. Mohotñe kinda Niniwe yeñõn keu kewõ engõ silenjine alme, ‘Injini Suep gölmegõ azi õlji nesampurek ak wangigetka Anutunõn likepñi melenj engii sihimbõlõ õngõngõni mötme.’ Niniwe yeñõn mewõ jigetka ahakmemenjanan nanjini kõnanamñini indelgetka gamuñini mötme.*

⁴² **“Kõnanamñinangõ kaisõpsõpñi kun kewõ: Anutunõn mönõwõk mötkutukutu õngõngõñi ketañi mi kiñ Solomon wanggiiga Saut görõkenõk kantri kungõ qin ambinõn Solomongõ mötkutukutuñi mötmangõ sihimni mörök. Sihimni möta gölme gõranjeyök wahõta kõna kõrõp tiñtiñi kaba mala Solomongõ mötmõtñi mörök.*

“Mi mörõkmõ, mötket, nalõ kewõñe nõnõn sutñine asuhaba kinda Anutugõrenj mötkutukutu õngõngõñi memba kazali, mi Solomongõ mötkutukutuñi ongita. Ongitzapmõ, injini tõndup nesampurek ak ningiba tõnpin kingetka qahõ dop kõlja. Mianğöra Anutunõn kõnanjep ambazip kõrek pakpak örõm engii keuñini jim tekõmapkõra jeñe angotmei, nalõ mianğõrenj Saut kantrigõ qin ambi mianjõn mönõ mewõyök

* 12:32: Luk 12.10 * 12:33: Mat 7.20; Luk 6.44 * 12:34: Mat 3.7; 23.33; 15.18; Luk 3.7; 6.45 * 12:38: Mat 16.1; Mak 8.11; Luk 11.16 * 12:39: Mat 16.4; Mak 8.12 * 12:40: Jon 1.17 * 12:41: Jon 3.5 * 12:42: 1 Kij 10.1-10; 2 Hist 9.1-12

angotma. Yanön ambazip kambu ki kinjei, embuk örörönj kömupnöhök wahöta engö qöhörönjine mohotje kinma. Mohotje kinda keu kewö engö silejine alme, 'Injini Jisös nesampurek ak wangigetka Anutunönj likepni melenj engii sihimbölo öngöngöni mötme.' Yanön mewö jiiga silikni kewöta nanjinangöra gamunini mötme." Mewö.

Öme yejön azi uruje lilingöbingö kapan kölje.

Luk 11.24-26

⁴³ "Ömenönj azi urujejök kota gölme qararankölkölje anda laj liliköba mala luhut memangö miri jaruba kun qahö miwiknaima. ⁴⁴ Mi qahö miwiknaiba osiba kewö jima, 'Mirini mosöta kazali, miangörej mönö kunbuk lilingömam.' Mewö jiba lilingöba mirinji usunda meñölöi ahöyöhi, mi gwamönji ahöi miwiknaima.

⁴⁵ "Mewö miwiknaiba anda öme tosatji 7 enguangitma. Öme 7 mi nanji ongita bölonji kötokni akze. Yanön mi enguangiriga kaba miri mi öngöba miangö uruje malme. Mewö aiga azi miangö könanji mutuk kilejkilej ahökmö, könanjep böliqölim teköma. Ambazip kambu bölonji ki merak gölmenönj maljei, engörej mewöjök mewö asuhuma." Mewö.

Jisösgö nam-munurupni

Mak 3.31-35; Luk 8.19-21

⁴⁶ Jisösnönj toroqeba ambazip kambu yejgöra keu jiba maliga nam-munjan kaba yaigep kinda yambuk keu jibingö mötket. ⁴⁷ Mötketka kunjan kewö jii mörök, "Mötnönj, göhö nam-mungan mönö yaigep kinda göbuk keu jibingö mötze."

⁴⁸ Keu mi jii mörökmö, yanjgöra melenja kewö jiyök, "Nöngö namni danön? Nöngö munurupni mi danön?" ⁴⁹ Mewö jiba börönji gwarekurupni yejgörej göröken böranda jiyök, "Eket, nöngö namni aka munurupni ölni mönö ki." ⁵⁰ Denike yejön nöngö Suep Iwinangö jitsihitni tem kölakzei, körek mienjön mönö nöngö namni aka nenmunurupni akze." Mewö.

13

Qesinqesinj azigö dopkeu.

Mak 4.1-9; Luk 8.4-8

¹ Nalö miangörejök Jisösnönj miri mi mosöta o angö jitje geba tarök. ² *Tariga ambazip kambulembenönj yanjgörej anda tokogetka wangenenönj öngöba tarök. Tariga ambazip kambu pakpak yejön angö göranje saknönj tokoget.

³ Mewö tokogetka dopkeu gwötpuk jii mötketka kewö jiyök, "Mötket! Azi kunjan nene kötni qesinj gilmangöra nupnönj anök. ⁴ Anda qesinj giliga kötni tosatjan köna jitje geba kölget. Geba kölgetka (warawen) neiñi neiñi kangota mi nem teköget.

⁵ "Kötni tosatjan köt jamönjinönj geba kölget. Geba köla miangörej gölme gwötpuk qahö miwiknaiget. Gölme dutni qahö ahöyöhangöra korapni zilañ kotket. ⁶ Kotketmö, wehönönj kota enguba jem kutum engiiga jalönjini qahöpköra soholiba gororongöget.

⁷ "Kötni tosatjan siriuret wahiñinambuknönj geba kölget. Geba kölgetka mienjön kota qem turuba böbölohot mem engiget. ⁸ Mewö pömsöm qeyökmö, kötni tosatjan gölme ölöpne geba kölget. Geba köla tosatni miengö kötnini 100 asuhuget. Tosatjan kötnini 60, tosatjan 30 miangö dop ahum sehiget. ⁹ Kunjan urukezapnjambuk malja ewö, yanjön mönö dopkeu ki kezap ala möt kutuma." Mewö.

Jisösnönj waniğöra dopkeu jiyök.

Mak 4.10-12; Luk 8.9-10

¹⁰ Mewö jiiga gwarekurupnan kaba Jisös kewö qesim wangiget, "Gi mönö wuanöngöra ambazip yejgö 'Keu jimam,' jiba dopkeunönj ala jimakzan?" ¹¹ Qesim wangigetka kewö melenja jiyök, "Mi kewögöra: Suepkö bemtohoñe angota malbingö keu tölapni mi engöra aukne jibi möt kutuzemö, yejgöra mi mewö qahö.

* 13:2: Luk 5.1-3

12*“Miangö kónaŋi kewö: Kunŋan mötkutukutuŋambuk maljawi, Anutunöŋ mönö mi toroqem waŋgiiga köl guliba möriamŋambuk malmapmö, kunŋan mötkutukutuŋi qahö maljawi, Anutunöŋ mönö mötmötŋi moröŋi ahözawi, mi mewöyök qeköba waŋgitma.

13 “Ambazip yeŋgö keu jimam jiba kewögöra dopkeunöŋ ala jimakzal: Yeŋön nanŋini jeŋinan yuai ekagun kónaŋi töndup qahö ek kutume. Nanŋini kezapŋinan keu törörök mötagun kónaŋi töndup qahö möt asarime. 14*Kezapqetok azi Aisaianöŋ qeljŋe keu kun jiba ohoyöhi, miaŋön ambazip mewöŋi yeŋgöreŋ öljambuk ahakza. Keu mi kewö, ‘Keu möt bibihibagun kónaŋi töndup kude möt asarime. Yuai ek bibihibagun kónaŋi töndup kude ek kutume.

15 Ambazip kambu kieŋgö uruŋinan mönö köhöikŋi gwözöŋda ahöza. Kezapŋinan keu möt bibihiba jeŋini kömaziliköba (kömazilihiwa) malje. Mewö qahö akeak ewö, mönö jeŋinan yuai ek kutuba kezapŋinan keu möta uruŋinan kónaŋi möt asariba uruŋini melengetka nöŋön i ölop mem ölowak eŋgibilerjak.’

16*“Keu mewö ahözapmö, eŋgö jeŋinan yuai ek kutuzawaŋgöra mönö simbawoŋ akze. Kezapŋinan keu möt kutuzawaŋgöra mönö simbawoŋ akze. 17 Nöŋön keu öl töhöŋŋi kun kewö jibi mötket: Kezapqetok ambazip aka Anutugöreŋ ambazip solanŋi gwötpukŋan iŋini yuai ki ekzei, mi ekingö awöweŋgöba malgetmö, qahö eket. Iŋini keu ki mötzei, yeŋön mi mötŋingö awöweŋgöba malgetmö, qahö mötket.” Mewö.

Jisösnöŋ dopkeugö kónaŋi jiyök.

Mak 4.13-20; Luk 8.11-15

18 “Qesiŋ gilgil azigö dopkeu jizali, miaŋgö kónaŋi mi kezap ala mötme. 19 Nene kötŋi qesiŋ giliga köna jitŋe geba kölöhi, mi kewö: Kunŋan bemtohoŋgö Buŋa keuŋi möta kónaŋi qahö möt asariiga Bölonŋangö Toŋan kaba uruŋe kötŋi kömötkeri, mi qeköma. 20 Nene kötŋi qesiŋniga köt jamönjiŋnöŋ geba kölöhi, mi ambazip söpsöpŋi kun. Yeŋön Buŋa keu möta mi miaŋgöreŋök sösoŋgai qakŋe möt aŋgön kölakze.

21 “Mewö ahakzemö, uruŋine jalöŋi qahö ahöm eŋgimapmö, nalö töröptökŋi miyök kin köhöiba malme. Buŋa keugöra aka kahasililiŋ me sesewerowo asuhuiga nalö mi-aŋgöreŋök mönö tala eŋguma. 22 Nene kötŋi qesiŋniga siriuret wahinambuknöŋ geba kölgeri, mi kewö: Yeŋön Buŋa keu mötketka uruŋine gezapmö, gölmenöŋ malmalgö waimanjatŋi aka moner inap memegö urukönöpŋi ahuba lömbörim eŋgimakza. Qet-buŋaŋinambuk akingöra köpösöŋgögetka sihim kömbönaŋi bölöŋi tosatŋan mewöyök uruŋine dumgöba Buŋa keu böbölohot mem waŋgize. Mewö aiga öljini qahö gilipitŋi (ambetakŋi) akŋe.

23 “Nene kötŋi gölme ölopŋe qesiŋniga geba kölgeri, mi ambazip kewöŋi: Yeŋön Buŋa keu kezap ala möta möt asariba pöndaŋ kinda öljini miwikŋaimakze. Tosatŋan keu jit mohotnöhök kötŋi 30 miwikŋaimakze. Tosatŋan öljini 60, tosatŋan keu köt mohot mohot mieŋgö öljini 100 mem sehiba miwikŋaimakze.” Mewö.

Dorowetkö söpsöp keu

24 Jisösnöŋ söpsöp keu kun kewö jii mötket, “Suepkö bemtohoŋgö kónaŋi mi azi kewöŋangö dop ala jimam. Yaŋön nupŋe anda nene kötŋi ölopŋi qesiŋ gilök. 25 Qesiŋ gilökmö, suŋgem ahögetka miaŋgöreŋ kerök aziŋan kaba wit padi sutŋine miaŋgöreŋ dorowetkö kötŋi qesiŋ gila mosöta anök. 26 Wit padi kötŋan jula wahöta öngöba öljini asuhuyöhi, nalö miaŋgöreŋ dorowetnöŋ mewöyök aukŋe asuhuyök.

27 “Miaŋön aukŋe asuhuiga welenqeŋeurupŋan mi eka nup toŋaŋgöreŋ kaba kewö jigetka mörök, ‘Ketaŋamnini, nupke nene köt ölopŋi qesiŋ gilnöŋ me qahö? Dorowetkö kötŋi mi mönö denikeyök miaŋgöreŋ geba asuhuza?’

28 “Mewö jigetka möta kewö jii mötket, ‘Kerök azinöŋ mi qesiŋ gilök.’ Mewö jii möta welenqeŋe yeŋön kewö jiget, ‘Nini ölop anda dorowet mi qözöla tokobingö mötzan me

* 13:12: Mat 25.29; Mak 4.25; Luk 8.18; 19.26 * 13:14: Ais 6.9-10 * 13:16: Luk 10.23-24

qahö?’²⁹ Mewö jigetmö, kewö jii mötket, ‘Qahö! Injini dorowet qözöla tokoba miangörey padi tosatnji mi mewöyök qözölbepuk.

³⁰ “Mönö mosötketka mohotje qariba wahörohotkun ölnji meme nalöñan kam kunjuiga nalö miangörey nöñon padi misimisi ambazip yengöra kewö jibi mötme: Mönö mutuk dorowet memba tokoba ohomegöra börangöba kösonöñ jöhöme. Mi jöhöbagun mönö wit padi ölnji mi tokoba memba kaba nöñgö köwe mire alme.’” Mewö.

Nejoj kötnangö dopkeu

Mak 4.30-32; Luk 13.18-19

³¹ Jisösnöñ dopkeu kun kewö toroqeba jii mötket, “Suepkö bemtohoñi mi kewö: Azi kunjan nejoj (nemuya) kötnji memba nanje nup gölmeje anda alök.³² Kötnji mi morö közözömñi. Mi nene köt pakpak mieñgö eretñini akzapmö, jula wahöta yöha pakpak engongita qariba ip akña. Mewö aka kiniga könakemba neiñi neiñi kanjuta aipñini ip miangö böröñe alakze.” Mewö.

Yistkö dopkeu

Luk 13.20-21

³³ Jisösnöñ dumje kunbuk söpsöpkeu kun kewö jii mötket: “Suepkö bemtohoñi mi yist me flaua mem qariqarigö dop kewö akza: Ambi kunöñ ‘Beret ohomam,’ jiba yist memba flaua amae (dis) karöbut miangörey mindiriba melenqeley aka anda anda tari köreñanök qariyök.” Mewö.

Jisösnöñ denöwögöra söpsöpkeuñi keuñi jiyök?

Mak 4.33-34

³⁴ Jisösnöñ keu pakpak mi könagesö yengöra söpsöp keunöñ jiyök. Söpsöpkeu qahö mewö keu kun qahö jii mötket.³⁵ *Mewö aiga Anutunöñ kezapqetok azi kun sölölohöiga keu kun jiyöhi, miangön ölnjambuk ahök. Yanön keu mi kewö jii ahöza, “Nöñgö numbunan mönö amqeiga söpsöp keuñi keuñi jimam. Anutunöñ gölme miwikñaiiga asuhuyöhi, nalö miangöreyök keu tölapñe ahöi mala korini, nöñon mönö keu mi aukñe jim indelmam.” Mewö.

Dorowetkö söpsöpkeugö könaji

³⁶ Jisösnöñ söpsöp keu mi jim teköba ambazip kambu ketani engömosöta miri uruje öngöyök. Öngöiga gwarekurupñan yangörey kaba kewö qesiba jiget, “Dorowet nene nupñon asuhuyöhi, gi mönö söpsöp keu miangö könaji jim asarim nengiman.”

³⁷ Mewö jigetka kewö melenja jiyök, “Suep gölmegö azi ölnjan mönö nene kötnji ölöpnji ölöpnji qesij gilakza.³⁸ Nene nup mi gölmegö kantri pakpak. Nene kötnji ölöpnji mi bemtohangö nahönbörat engöra jizal aka dorowet mi azi bölöñangö nahönbörat yengöra jizal.³⁹ Keröknöñ mi qesij gilöhi, mi Bölöñangö Toñangöra jizal. Padi misimisi nalöñi mi gölmegö nalöñan tekömawanjö nalö ketani mi. Padi misimisi ambazip mi Suep garata yengöra jizal.

⁴⁰ “Dorowet tokoba könöpnöñ ohoget jemawi, miangö dop mönö gölmegö nalöñan tekömawanjö nalö ketane asuhuma.⁴¹ Suep gölmegö azi ölnjan mönö garataurupñi melaim engiiga kaba keu areñ bölöñi pakpak Kraistkö bemtohoñ uruje singisöndok akingö kondorakzawi, mi qeapköba mindiñgöme aka bölöñi meme ambazip pakpak mi qözöla qezaköm engime.*

⁴² “Mewö mindiñqindiñ aka ambazip mi gil engigetka owen imarurubuk jeba ahözawi, miangörey geme. Miangörey gemeañon mönö sahöt gigilahöba irimñini yöhözömgögetka qetñi qeri malme.⁴³ Nalö miangörey ambazip solanñi mieñon mönö wehön tandök aka Iwiñinangö bemtohoñ uruje asariba mal öngöme. Kunjan urukezapñambuk maljawi, yanön mönö keu mi kezap ala möt kutuma.” Mewö.

* 13:35: Sum 78.2 * 13:41: Keu areñ (ideology) bölöñi yauñ mötmöt, komyunist, maslim aka mötmöt areñ tosatñi mi ambazip jöhöm engiget qakögetka malmalñinan böliba sohomakzawi, garata yengön mönö mi pakpak qeapköba mindiñgöme.

Guli döt nam mesamesambötjanjgö söpsöpkeu

⁴⁴ “Suepkö bemtohoŋi mi guli damandanj söngörönji öngöngönji miangö dop kewö akza: Mi nupnönj mesamböt ket ahöiga azi kunjan mi miwikjaiba anjön köla kunbuk gölmenönj mesambörök. Mesamböta miangöra söngaiba anda sukinapnji pakpak bohönji memegöra ali monej kaiga miangön nup gölme mi bohönji meyök.” Mewö.

Sorom kötjanjgö dopkeu

⁴⁵ “Suepkö bemtohoŋi mi stua azigö dop ala söpsöp keu kun kewö jimam: Yaŋön sorom kötnji ekjeritjambuk jaruba malök. ⁴⁶ Jaruba mala sorom kötnji mohot söngörönji ketanji miwikjaiba anda sukinapnji pakpak bohönji memegöra ali monej kaiga miangön sorom kötnji mi bohönji meyök.” Mewö.

Mösak örörögö söpsöpkeu

⁴⁷ “Suepkö bemtohoŋi mi mösakö dop ala söpsöpkeu kun kewö jimam: Mi o anjönönj gilget geiga söra tandökñini könanji könanji gegetka engömeme tokoyök. ⁴⁸ Tokoi kokolak qeiga ambazipnönj mi örögetka körökñe koriga eta tata söra ölpñji kewöta sakapnönj tokogetmö, bölonji mi gilgetka anök. ⁴⁹ Keu miangö dop mönö gölmegö nalöjan tekömawangö nalö ketanje asuhuma. Suep garata yeŋön kaba ambazip bölonji mi solanji miengöreñök kewöt engime. ⁵⁰ Kewöt engiba ambazip bölonji mi gil engigetka owen imarurubuk jeba ahözawi, miangöreñ geme. Miangöreñ gemeanön mönö sahö gigilahöba irimñini yöhözömgögetka qetnji qeri malme.” Mewö.

Keu kötnji walñi aka dölökñi

⁵¹ Jisösnönj söpsöp keu mi jim teköba kewö qesim engiyök, “Keu pakpak jizali, mi möt asarize me qahö?” Qesim engiiga melenja “Oñ!” jiget. ⁵² “Oñ!” jigetka kewö jii mötket, “Miri tojan mirinanjgö köweñeyök inap yuai walñi aka dölökñi uzeta alakza. Miangö dop Köna keugö böhi pakpak Suep bemtohoŋgö gwarekurupnji akeri, yeŋön mönö mewöyök uruñinanjgö köweñeyök keu aködammunñinambuk dölökñi aka keu ölp sorokñi walñi uzeta jimakze.” Mewö.

*Nazaret yeŋön Jisös andö qeget.**Mak 6.1-6; Luk 4.16-30*

⁵³ Jisösnönj dopkeu mi jim teköba miri gölme mi mosöta anök. ⁵⁴ Anda malqarip taonje anjota köuluk mirinane öngöba Buja keu kusum engiyök. Kusum engiiga auruba welipköba kewö jiget, “Yei! Kezapjupjup! Yaŋön mötkutukutu ki aka anjötet kukösumñinambuk mi mönö denikeyök meza? ⁵⁵ Azi ki mönö miri kianjgö mitimqege azigö nahönja. Namnanjgö qetnji Maria aka munurupnji Jeims, Josef, Saimon aka Juda. Mi ölp mötzin. ⁵⁶ Nenurupñan mönö körek sutnine ki malje. Miangöra yuai pakpak ki mönö denikeyök memba kaba akza?”

⁵⁷ *Nazaret yeŋön mewö jigetka uruñinan böliiga miangöreñ qaköget. Qakögetmö, Jisösnönj kewö jii mötket, “Kezapqetok azi mi nanñi taonönj aka nanñi mire jijiwilit ak wanjimakzemö, miri tosatje mewö qahö.” ⁵⁸ Mewö jiiga mötnaripñinan qahö asuhiiga yanjisenjananjgöra aka anjötet kukösumñinambuk mi miangöreñ gwötpuk qahö meyök. Mewö.

14

*Jongö jölñi kutugetka kömuyök.**Mak 6.14-29; Luk 9.7-9*

¹ Nalö miangöreñ gölme bahönanjgö (Galili prowinsgö) kiñ Herod yaŋön Jisösgö qetbuñanji mörök. ² Mi möta welen-qequeurupnji yeŋöra kewö jiyök, “Mi mönö Jon O-melun azia. Yaŋön mönö kömupnöhök wahöta nupnji meiga anjötet kukösumñinambuk asuhumakze.” Waimanjat möta mewö jiyök.

* 13:57: Jon 4.44

³ *Mi kewögöra jiyök: Herodnön munji Filipkö anömni Herodias ölön meiga Jon O-melun azinön kin jim wanjiiga opotöröp melaim enjiiga anda Jon memba jöhöba kösö mire al wanjiget. ⁴ *Jonön Herodköra keu kewö jiyök, “Gi qambötke memba mala Köna keu ongitzan.” ⁵ Mewö jiiga Herodnön Jon qeget kömumapkö mörökmö, könagesö yejön Jongöra mötketka kezapqetok azia malöhi, miangöra könagesö yengöra kengetni mörök.

⁶ Kengetni mörökmö, Herodkö ahuahu nalönan kaiga ketaurupnan tokoba tatketka Herodiasgö böratnan yengö jejine danis aliga Herodnön miangö eksihimni gwötpuk mörök. ⁷ Miangöra ambi seram miangön wani yuaigöra qesibawak, kinön mi tököm wanjimangö keu jöhöba keu mi jöjöpan keunön jim köhöiyök. ⁸ Mewö jim köhöiiga namnan ambi seram mi kungum wanjiiga kewö jiyök, “Mönö qesinönga Jon O-melun azigö jölhi yandigetka nöropni memba ki kaba köndenön ningima.”

⁹ Mewö jiiga kinö urunan kömbuhiiga wösöbirik mörökmö, jöjöpan keunan jöhöi ketaurupnan mi mötketka yengö jemesoholjine etpapuköra möta nöropni wanjimegöra jim kutuyök. ¹⁰ Mewö jim kutuba opotöröpni kun melaiba jiyök, “Gi mönö kösö mire anda Jongö jölhi yandiba nöropni memba kaman.” ¹¹ Mewö jiiga Jongö nöropni köndenön ala memba kaba ambi seram mi wanjiiga memba anda namni wanjiyök. ¹² Jongö gwarekurupnan miangö buzupni möta anda qamötni memba qaksirigö köt kötenön ala löm kölget. Löm köla anda keu mi Jisös jiget mörök. Mewö.

Jisösnön azi 5000 nene gumohom enjiyök.

Mak 6.30-44; Luk 9.10-17; Jon 6.1-14

¹³ Jisösnön Jongö kösohotni möta miri mi mosöta wanjenön öngöba gölme kötikni kunön nanjinök malbingöra anget. Ambazip kambu yejön miangö buzupni möta taon aka mirinini mosöta Jisösgö andöne wuatangöba gölme köna anget. ¹⁴ Angetka Jisösnön wanjenöhök eta ambazip kambuleleme engeka yengöra wösöni mörök. Wösöni möta sutjine kawöl engöhöi malgeri, mi mem ölöwak enjiyök.

¹⁵ Mewö aka mali mare aiga gwarekurupnan Jisösgöreñ kaba kewö jiget, “Böhi, nini gölme kötikni kiangöreñ malinga wehön jeñan teköba gemangö akza. Miangöra gi ölop ambazip kambu ki melaim enjinönga mirinini mirinini miengöreñ anda numbu nenerjini söngörönji memba neme.”

¹⁶ Mewö jigetmö, Jisösnön kewö jii mötket, “Yejön ölop kiangöreñ tatme. Enön mönö nanjinak i nene gumohom enjime.” ¹⁷ Mewö jii möta jiget, “Nini beret 5 aka söra yahöt miyök memba maljin.” ¹⁸ Mewö jigetka jiyök, “Mönö mi memba kaba ningime.”

¹⁹ Mewö jiba ambazip kambu mi kegwan luplupnön eta tatmegöra jim kutum enjiiga tatket. Tatketka beret 5 aka söra yahöt mi memba Suenön ui öngöiga kötuatköba beret mindipköba gwarekurupni enjiiga ambazip kirip dop mendenja enjiget. ²⁰ Mendenja enjigetka ambazip körekmakörek memba nem timbireñ aket. Nem timbireñ aka nene kitipni kitipni mosötkeri, mi gwarek yejön qezakögetka sakap 12 miangöreñ geba kokolak qeyök. ²¹ Azi beret negeri, yengö jangöñini mi 5000. Ambi nahönbörat yengö jangöñini mi qahö meget. Mewö.

Jisösnön o angö qakne tiba tiba anök.

Mak 6.45-52; Jon 6.15-21

²² Neget teköiga Jisösnön miangöreñök gwarekurupni jim kutum engiba kewö jiyök, “Inini mönö wanjenön öngöba qeljine o angö kutuba likepne anme. Nönön ölop nalö sutje ambazip kambu ki melaim enjibagun kamam.” ²³ Ambazip melaiba engubula kundune öngöba nanjök mala köuluköyök. Köuluköba mali mare aiga kundune nanjik kötikni tarök. ²⁴ Tariga wanjeninan lök o angö bibine körowen aniga luhutnön angerangöreñök gila kaiga sirinön wanjenön giliga kekwilik anda kayök.

²⁵ Mewö ahiga miri awöranjöiga (3-6 kilok) miangöreñ Jisösnön o angö qakne tiba tiba gwarekurupni yengöreñ kayök. ²⁶ Kaba o angö qakne tiba tiba kaiga gwarekurupnan mi eka kengetporin aka “Köwet Songorinön kaza,” jiba sömbunini möta qeta silatket.

* 14:3: Luk 3.19-20 * 14:4: Lew 18.16; 20.21

²⁷ Qeta silatketmö, Jisösnöñ miangöreñök keukeu jiba kewö jii mötket, “Alaurupni, mönö ewebibiñinambuk saitingit malme. Nanak kazal. Keñgötñini kude mötme.”

²⁸ Mewö jii möta Pitönöñ meleyda kewö jii mörök, “Göñön Kembuya akzan ewö, mönö ölop jinöñga nöñön o qakñe tiba tiba göhöreñ kamam.”

²⁹ Jisösnöñ mi möta “Ölop kanöñ,” jiyök. Mewö jiiga Pitönöñ wañge mosöta o aňgö qakñe tiba tiba könahiba Jisösgöreñ anök. ³⁰ Könahiba anökmö, luhutnöñ gwötpuk gili mi eka keñgötporiñ aka könahiba o uruñe geba kewö qerök, “Kembu, bauköm niñginöñ.” ³¹ Qeriga Jisösnöñ miangöreñök böröñi böröñda Pitögö böröñe memba kewö jiyök, “Mötnaripki morörökñi. Mönö wuanöñgöra uruyahöt akzan?”

³² Mewö jiba bauköm wañgii wañgenöñ öñgöyohotka luhutnöñ nöñ qeba göröñ alök. ³³ Göröñ aliga azi wañgenöñ tatkeri, yeñön waikñi memba möpöseim wañgiba kewö jiget, “Alakña, gi Anutugö nahönña.” Mewö.

Jisösnöñ Genesaret mala mem ölöwak nup meyök.

Mak 6.53-56

³⁴ O aňgö kutuba likepñe Genesaret mire aňgota wañge mosöta saknöñ geget. ³⁵ Saknöñ gegetka miri miangö ambazipnöñ Jisös möt kutum wañgiget. Möt kutum wañgiba keu algetka miri pakpak kösutñe tatkeri, miangöreñ aniga buzupñi möta kawöl ambazip körek enguañgita Jisösgöreñ kaget. ³⁶ Kagetka kinda Jisös malukuñangö suñe misiribingö ulet wañgiba malget. Misirigeri, körek yeñön mönö ölöwak teköget. Mewö.

15

Ambösakon yeñön keu kusum sohoget.

Mak 7.1-13

¹ Miangö andöñe Farisi (Köna keugö kapañkölköl) aka Köna keugö böhi tosatñan Jerusalem sitiyoñ Jisösgöreñ kaba kewö qesim wañgiget, ² “Göhö gwarekurupkan wuanöñgöra köna walöñda ambösakoninangö silikñini qeze? Yeñön mönö böröñini sanğonñda dom-amöt qahö qeba töndup könahiba nene neze?”

³ Mewö qesim wañgigetka kewö jii mötket, “Nanñinak mönö wuanöñgöra ambösakoninangö silikñini wuatangöbingöra köna walöñda Anutugöreñ jöjöpañ keu qeze?”

⁴ *Miangö keuñi kun kewö: Anutunöñ kewö jim kutuyök, ‘Iwinamgi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’

⁵ “Mewö jim kutuyökmö, iñini keu mi oñgita kewö jimakze, ‘Kunñan iwiñangöra me namñangöra kewö jima: Wösöni mötzal. Nöñgö nañgönangö yuaini buña qem aňgubanak, mi lök Anutugö saiwap naluköra kewöta albi ahöza. Kunñan mewö jiba iwiñi me namñi göda qem wañgimawangö dop qahö akza.’

⁶ “Mewö jiba silikñini walñangöra aka Anutugö jöjöpañ keuñi utalgetka omañi aka pömsöm qemakza. Mi qahö dop kölja. ⁷ O urumelengö silesile ambazip, kezapqetok azi Aisaianöñ mönö engö könañamñini törörök qeljiñe indela kewö jii ahöza,

⁸ *Ambazip kambu kianñön mönö numbu jitñinan ölopñanök göda qem niñgimakkemö, uruñinan nöñöñgan ak niñgiba kungen algetka köröwen ahöza.

⁹ Mewö ahöiga nöñgö waikni öne töhön memba möpöseim niñgimakze. Köna keu kusum engibin, jiba salupñe ambazip yeñgö jimkutukutuñini mi numbu o alakze.” Mewö meley engiyök.

Azi uru mi denöwö tölohoba lantiza?

Mak 7.14-23

¹⁰ Jisösnöñ ambazip kambu kunbuk engoholi kagetka kewö jii mötket, “Iñini mönö keu ki kezap ala möt asarime. ¹¹ Yuai azigö numbuñeyök uruñe gemakzawi, miangön qahö tölohom wañgimakkzawmö, nanñi numbuñeyök keu erakzawi, miangön mönö tölohom wañgimakkza.”

* 15:4: Eks 20.12; 21.17; Dut 5.16; Lew 20.9 * 15:8: Ais 29.13

¹² Mewö jii mötketka gwarekurupñan kaba kewö qesiget, “Farisi (Köna keugö kapankölköl) yeñon keu mi mötket engui uruñinan bölizawi, mi mötzan me qahö?”

¹³ Qesigetka kewö meleñnök, “Nöñon warök pakpak nöngö Suep Iwinan qahö kömöröhi, mi mönö jalörñinambuk qözölmam. ¹⁴ *Muat, i mönö engömosötme. Yeñon ‘Jegömöl ambazip enguangitpin,’ jimakzemö, nanñini jeñinan mönö gömöliza. Jegömöl kunñan jegömöl alañi kun böröñje memba wañgitma ewö, yetkön mönö mohotñe lömnöñ geba etkuma.”

¹⁵ Mewö meleñniga Pitönöñ jiyök, “Dopkeu miangö könañi mönö jim asarinöñ mörin.”

¹⁶ Mewö jiiga Jisösnöñ jiyök, “O alaurupni, iñini mewöyök toroqeba mötmötñini ölopñi qahö akze me? ¹⁷ Yuai pakpak azi numbuñeyök uruñe gemakzawi, mi kömgokñe geba yaigep erakza. Mi möt kutuze me qahö?”

¹⁸ * “Mi erakzapmö, keu uru könömñeyök kota numbuñeyök erakzawi, miangön mönö tölohöm wañgimakza. ¹⁹ Ambazip uru könömñineyök yuai kewöñi asuhuba korakza: Keu bölöñi mötmöröiba suña jinañ memba ambazip enguget kömumegö mörakze. Qesabulum aka serowilin akingö mörakze. Yoñgorö membingö mörakze. Jitnöñ alal keu muneñi jibingö mörakze. Andöqeçe keu yöhösañ jiba Anutu mepaiköbingö mörakze. ²⁰ Yuai mewöñan mönö ambazip tölohöm engimakzapmö, böröñini qahö sañgoñda nene nemakzei, miangön azi kun qahö tölohömakza.” Mewö.

Kenan ambi kunñan kapañ köla köuluköyök.

Mak 7.24-30

²¹ Jisösnöñ Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. ²² Aniga Kenan ambi, gölme miangö toñi kunñan kaba Jisös uleta kewö qeta jiyök, “Kembu, Deiwidkö gwölönarökñi, mönö ak kömum niñgiman! Ömenöñ böratni kölköljinñiñ ak wañgiiga sihimbölö ketañi mörakza.”

²³ Qeta jiyökmö, Jisösnöñ keu kun qahö meleñnök. Mewö aiga gwarekurupñan kaba kewö kunñum wañgiba jiget, “Ambi mi sahöta qeta könanine kazawañgöra mönö bauköm wañginöñga anma.” ²⁴ Mewö jigetka meleñnök, “Iwinan Israel könagesögö lama sohosohoñi miyöhök amöt qem engimangöra aka melaim niñgiiga kazal.” ²⁵ Mewö meleñniga ambi miangön kösutñe kaba simin köl wañgiba jiyök, “Kembu, mönö bauköm niñginöñ!”

²⁶ Mewö jiyökmö, Jisösnöñ kewö meleñ wañgiyök, “Qahö, morö yeñgö miriñineyök beret memba kiam engiinga qahö dop kölbapuk. Juda nini kianurup engö qetñini kiam qerakzin. Nöñon mutuk Juda ambazip bauköm engibiga kantri tosatñi eñon mönö kiamgö dop mamböta malme.”

²⁷ Meleñ wañgiyökmö, ambinöñ jiyök, “Kembu, mi ölop mötzalmö, kiam moröñi yeñon mönö mewöyök toñinañgö tebolnöhök nene boromñi eriga nemakze.” ²⁸ Mewö jiiga Jisösnöñ kewö jii mörök, “O ambi, göhö mötnariški mi ketañi. Miangöra ulet niñgizanañgö ölni mönö asuhuma.” Mewö jii möta böratñan aua miangöreñök ölöwahök. Mewö.

Jisösnöñ kawöl ambazip sehisehiñi meiga ölöwaket.

²⁹ Jisösnöñ gölme mi mosöta kaba Galili o añgögö jitiñe kañgota kundune öñgöba eta tarök. ³⁰ Tariga ambazip kambulembenöñ yañgöreñ kaba ambazip kewöñi enguangitket: Simalokon aka jegömöl ambazip, tosatñi köna böröñini heramheramgöñi, tosatñi keuñini mötökñi aka kawöl tosatñi gwötpuk engöhöi malgeri, mi enguangita Jisösgö köna kösutñe al engigetka mem ölöwak engiyök.

³¹ Mem ölöwak engiiga ambazip keuñini mötökñi yeñon keu jigetka köna böröñini heramheramgöñi yeñon ölöwaka diñgigetka simalokon yeñon köna tiba anda kagetka jeñini döndöñgöñi yeñon je uba eketka ambazip kambu yeñon mi eka welipköba Israel neñgö Anutunini möpöseiget. Mewö.

* 15:14: Luk 6.39 * 15:18: Mat 12.34

Jisösnöj azi 4000 nene gumohom engiyök.

Mak 8.1-10

³² Jisösnöj gwarekurupnji engoholi yangörenj kagetka kewö jii mötket, “Nöjön ambazip kambu kienjöra wösöni mötzal. Yejön nöjgörenj kaba wehön karöbut lök mala kotketka nenenini qahöwahiga ekzal. Könanöj anda mala kemañe jeñini gili tirinbirin akepeköra i öne melaim engimamgö töközal. Mianjöra i nene gumohom engimamgö mötzal.”

³³ Mewö jii gwarekurupñan melenja kewö jiget mörök, “Gölme qararankölkölje kianjörenj nejön mönö denikeyöhök numbu nene gwötpuk miwikñaiba ambazip kambulembe ki gumohom engibinak?” ³⁴ Mi möta Jisösnöj kewö qesim engiyök, “Engörenj beret dawik ahöza?” Qesim engiiga “Beret 7 aka söra moröñi tosatñi ahöza,” jiget. ³⁵ Jigetka Jisösnöj ambazip kambu mi gölmenöj geba tatmegöra jim kutum engiiga geba tatket.

³⁶ Geba tatketka beret 7 aka söra mi memba Anutugö saiwap jiba mindipköba gwarekurupnji engiiga yejön mi ambazip kambu dop toto qem engiget. ³⁷ Toto qem engigetka memba nem timbireñ-göget. Nem timbirengöba nene kitipñi mosötket geyöhi, mi sakap 7 mianjörenj qezakögetka numbuñe qeyök. ³⁸ Azi nene negeri, yejgö jañgöñini mi 4000. Ambi nahönbörat yejgö jañgöñini mi qahö meget. ³⁹ Jisösnöj ambazip kambu melaim engiiga angetka nanñi wañgenöj öñgöba Magadan gölmenöj anök. Mewö.

16

Böhi tosatñan angöletot ekingöra kapañ kölget.

Mak 8.11-13; Luk 12.54-56

¹ *Farisi (Köna keugö kapañkölköl) aka Sadyusi (Jike nupkö kapañkölköl) tosatñan Jisösgörenj kaba keugö bötaknöj örömap-köra esapköm wañgiba kewö qesiget, “Mönö jinöñga Suepnöhök angöletot kun asuhuiga ekin.” ² Mewö jigetka kewö melenök, “Wehön gemamgö ahiga mianjörenj kewö jimakze, ‘Suepnöj pisihihawangöra uran wehön ölöpnji akña.’

³ “Mewöyök söñanök kewö jimakze, ‘Suepnöj pisihiiga kusunöj töwizawangöra mönö kie luhut gilma.’ Mewö mewö jiba suepkö tandökñi eka kie wehöngö könañi ölöp kewörakzemö, nalö maljini, mianjö aiwesökñi kewötpingö qahö mötze. Mi qahö dop kölja. ⁴ *Ambazip kambu bölöñi gölmenöj mala qesabulum ahakzei, yejön Anutugö aiwesökñi asuhumapköra kapañ kölakzemö, Anutunöj kezapqetok azi Jonagö aiwesökñi lök engiiga aiwesök tosatñi qahö toroqeba kondel engima.” Mewö jiba engömosöta kungen anök. Mewö.

Farisi aka Sadyusi yejön wösökömbuk ewö akze.

Mak 8.14-21

⁵ Jisösnöj gwarekurupnji yembuk o angö kutuba likepñe angota semön memingö ölum enguyöhi, mi eket. ⁶ *Mi eketka Jisösnöj kewö jii mötket, “Injini Farisi aka Sadyusi pati yahöt yejgö wösökömbukñini aka gipñi kakñi mietköra mönö galömñini meme. Mi ölöpñanök qahö kewöta andö qegetka mietköñ mönö yist ewö qariba mem bölim engimahot.”

⁷ Jiiga keu pasetñi mi qahö möt asariba sutñine kewö eraum mötket, “Nini beret qahö memba kazin. Mianjöra jiza me denöwö?” ⁸ Mi eraum mötket kezapñe geiga kewö jii mötket, “O injini mötnaripñini morörökñi, wuanöñgöra ‘Beret qahö mezin,’ jiba nanñini eraum mötze? ⁹ *Nöjgö könañamni mi wuanöñgöra qahö möt kutuze? Nöjön beret 5 mi 5000 yejgöra mindipköbiga mianjö kitipñi qezakögetka könde dawiknöj geba numbuñe qeyök? Mi ölum enguza me qahö?”

* 16:1: Mat 12.38; Luk 11.16 * 16:4: Mat 12.39; Luk 11.29 * 16:6: Luk 12.1 * 16:9: Mat 14.17-21

¹⁰ * “Mewöyök beret 7 mi 4000 yengöra mindipköbiga miangö kitipni qezakögetka sakap dawiknön geba kokolak qeyök? Mi ölum enğuza me qahö? ¹¹ Ni beretköra keu qahö jizali, mi denöwö aka qahö möt kutuze? Nönön beretköra qahöpmö, Farisi aka Sadyusi pati yengö wösökömbukni aka gipni kakni kewöta andö qemegöra jizal.” ¹² Mewö jiiga miangörenök keuñangö könani kewö möt asariget, “Aha! Plaua mem qariqari yistkö galöm mem angubingöra qahö jiyökmö, Farisi pati aka Sadyusi pati yengören keu lolonqalonji andö qebingöra jiyök.” Mewö.

Pitönöy Jisösgö könani jim miwiknaiyök.

Mak 8.27-30; Luk 9.18-21

¹³ Jisösnön Sisaria Filipai taongö kösutje anda miangören gwarekurupni kewö qesim engiyök, “Ambazipnön Suep gölmegö azi ölni nönögöra denöwö jimakze? Ni niñia akzal?” ¹⁴ * Jiiga melenja kewö jiget, “Tosatnan ‘Gi Jon O-melun azia akzan,’ jimakzemö, tosatnan ‘Gi Elaija akzan,’ jimakze aka tosatnan toroqeba kewö jimakze, ‘Gi Jeremaia me kezapqetok azi walni yengörenök kun akzan.’”

¹⁵ Mewö jigetka kewö qesim engiyök, “Aka nanñinak nönögöra denöwö jize? Ni niñia akzal?” ¹⁶ * Qesim engiiga Saimon Pitönön melenja jii mörök, “Gi Amötqeqe Toñi Kraist aka malmal Toñi Anutugö Nahönñi akzan.”

¹⁷ Mewö jiiga Jisösnön melenja kewö jii mörök, “O Saimon Jonagö nahönñi, gölme azi sep busunambuk kunñan qahöpmö, nönögö Iwini Suep mire maljawi, yañön mönö keu mi göhören indelök. Miangöra göñön mönö simbawon akzan. ¹⁸ Nönön kewö jibi mötman: Gi Pitö (nanine keunön jamönjiñ) aknönnga nönön jamönjiñ miangö qakne urumelen könagesönangö tandöñi albi nangöm enginönnga urunini möhamgöba köhöiba kinme. Göñön i galöm köl enginönnga kömup Toñan i senjom mirigö kiripo nanguye öröm engimangö osima. Ömewöröme tosatni yengö kukösumñinan mewöyök i köndenja luhut al engibingö osime.

¹⁹ * “Nönön Suep bemtohoñangö ki moröñi yahöt gihimam. Gi gölmenön singisöndok jöhönönnga miangön mönö Suep mire mewöyök jöhöjöhöñi ahöma. Gi gölmenön singisöndok mosöta pösatnönnga miangön mönö Suep mire mewöyök pösatpösatni ahöma.” ²⁰ Mewö jiba Amötqeqe Toñi Kraist ahöhi, mi aukne jiget kunñan mötpepuköra gwarekurupni yengöra songo köhöikni al engiyök. Mewö.

Jisösnön kömumangö keuji jiyök.

Mak 8.31-9.1; Luk 9.22-27

²¹ Nalö miangörenök Jisösnön könahiba gwarekurupni yengöra keu kewö indelök, “Nönön Jerusalem anda sihimbölo gwötpuk mötmam. Kantrigö jitjememe, jike nup galöm aka Köna keugö böhi yeñön nuñgugetka kömumam. Kömumbiga wehön karöbut aiga kömupnöhök wahötmam.”

²² Jisösnön mewö jiiga Pitönön öröm wañgiba görañe anda könahiba qetala kewö jim wañgiyök, “O Kembu, mi nalö kunön asuhum ghibapuköra Anutunön mönö sel jöhöm gihima.” ²³ Qetal wañgiiga lilingöba Pitö kewö jim wañgiyök, “Gi keu mötmörizani, mi Anutugören keuya qahöpmö, gölme ambazip aka Satangö sihima. Gi nönögö köna utumangö mötnönnga urunan böliza. Miangöra Satan, gi mönö dölni nönögö jemesoholneyök kesalnön!” Mewö.

Kraist wuatangöbingö söñgöronji

²⁴ * Nalö miangören Jisösnön gwarekurupni keu kewö jii mötket, “Kunñan nönögö andöne kamangö mötzawi, yañön mönö nanñi urusileñangö sihim kömbönani bölonji andö qeiga sisitni megetka sihimbölo mi bisimakña. Mi maripomnön kömumawangö dop mökösonda ni nuatangöba kama. ²⁵ * Kunñan malmalni nanñangöra angön köla nanñi imbi-imbi maljawi, yañön mönö malmalni ölni jöhöi sohoma. Sohomapmö,

* 16:10: Mat 15.34-38 * 16:14: Mat 14.1-2; Mak 6.14-15; Luk 9.7-8 * 16:16: Jon 6.68-69 * 16:19: Mat 18.18; Jon 20.23 * 16:24: Mat 10.38; Luk 14.27 * 16:25: Mat 10.39; Luk 17.33; Jon 12.25

kunjan gölmegö malmalñi nõngöra aka kölenda tököm niñgimawi, yañõn mõnõ malmal õlñangö kõnanji miwikñaiba kõhöiba malma.

²⁶ “Kunjan gölmenji gölmenji miengö öröyuainji pakpak köl öröiga buñani an teköiga uruñangö malmalñi mem sohoba silebile mala kömuiga Anutunõñ keunji jim teköiga unñan ayuhuiga qahö dop kölma. Sukinapñi miññõn mõnõ urusõsõngai qahö ak wañgima. Qahõpmahõp. Körek neñõn mõnõ bohonini jöhõm angubingö osibin.

²⁷ * “Suep gölmegö azi õlñan kõnanjep Suep garata törõñi yembuk ki etketka Iwiñangö asakmararañi eka aurume. Nalõ miñgõreñ mohot mohot neñgö ahakmemenini kewõta likepñi miñgö dop neñgima. ²⁸ Nõñõn keu õlñi kun kewõ jibi mõtme: Kiangõreñ kinjei, eñgö sutñineyök tosatñan Suep gölmegö azi õlñan kiñ aka asuhumawi, mi ek kutume. Jebuk mala kömupkö sihimbõlõñi qahö mõtketka asuhum tiñgiriga mi ekñe.” Mewõ.

17

Jisõsgö sileñe letotqetot ahök.

Mak 9.2-13; Luk 9.28-36

¹ * Wehõn 6 teköiga Jisõsnõñ Pitõ, Jeims aka Jeimsgö munñi Jon eñguañgita nanñinõk kundunji kõrõpñi kunõñ õngõba kötikñe malget. ² Malgetka jemesoholñine kiniga Jisõsgö sile tandõkñan letota murutñi ahök. Jemesoholñan wehõn jerji ewõ kõlkõl-bilikbilikñambuk asariiga malukuñan tuat lalamñi aka asakñambuk ahök.

³ Mewõ aiga eketka Moses aka Elaija yetkõn asuhum eñgiba Jisõsbuk keukeu jiget. ⁴ Jigetka Pitõnõñ kõnahiba keu jiba Jisõsgöra kewõ jiyök, “Kembu, neñõn kiangõreñ uruõlõwak mõtzin. Miñgõra sihimgan mõtzan ewõ, nõñõn õlõp koum karõbut qemam. Gõhö kun, Mosesgö kun aka Elaijagö kun.”

⁵ * Mewõ jiba kiniga unununuj tuat lalamñi asakmararañambuk kunõñ eta aumñan esuhum eñgiiga miñgö uruñeyök qet kun kewõ eriga mõtket, “Azi ki mi nani wõlbõt nahõna. Nõngö urusihimni ketañan mõnõ yañgõreñ ahõza. Mõnõ yañgö keunji mõta malme.” ⁶ Gwarek yeñõn keu mi mõta jõnõmñini undui sipkõba gölmenõñ eta keñgõtñini gwõtputuk mõtket.

⁷ Mewõ mõtketka Jisõsnõñ yeñgõreñ kaba sileñini oseiba kewõ jii mõtket, “Mõnõ wahõtket. Keñgõtñini kude mõtme!” ⁸ Keu mi mõta uba wahõta tosatñi qahö eñgeketmõ, Jisõsnõñ nanñõk kiniga eket. Mewõ.

Jon O-melun-azi mi Elaijagö salupñi akza.

⁹ Kunduneyök etketka Jisõsnõñ sõrõkñi miñgõreñ kewõ jim kutum eñgiyök, “Inñi yuai ekzei, miñgö buzupñi mi ambazip kun kude jiget mõtme. Suep gölmegö azi õlñan kõmupnõhõk wahõriga miñgö andõñe mi õlõp jim asariba malme.”

¹⁰ * Mewõ jim kutum eñgiiga gwarekurupñi karõbut yeñõn Jisõs kewõ qesim wañgiget, “Kõna keugö böhi yeñõn keu kewõ mi wuanõngõra jimakze, ‘Kezapqetok azi Elaijanõñ mõnõ mutuk Suepnõhõk eriga Amõtqeqe Toñan miñgö andõñe asuhuma?’ ”

¹¹ Qesim wañgigetka melenja kewõ jiyök, “Elaijanõñ mutuk eta asuhuba malmal pakpak mõhamgõma. Keu mi õlñapmõ, ¹² * nõñõn kewõ jibi mõtme: Elaijanõñ lõk eta asuhuyõkmõ, i eka kõnanji qahö mõt kutugetmõ, ambazipnõñ i nanñini sihimñini wuatangõba lañ ak wañgiget. Mewõnanõk Suep gölmegö azi õlñi mewõyök lañ ak wañgigetka Juda yeñgö börõñine geba sihimbõlõ mõtma.” ¹³ Elaijagöra mewõ jiba õlña Jon O-melun azigõra keu jii mõtkeri, gwarek yeñõn mi mewõ mõt asariget. Mewõ.

Jisõsnõñ õme wuatangõi morõnõñ õlõwahök.

Mak 9.14-29; Luk 9.37-43

¹⁴ Jisõs aka gwarek karõbut yeñõn kunduneyök eta ambazip kambu yeñgõreñ kagetka azi kunõñ Jisõsgö kõsutñe kaba simin köl wañgiba kewõ jii mõrõk, ¹⁵ “Kembu, gõñõn

* 16:27: Mat 25.31; Sum 62.12; Rom 2.6 * 17:1: 2 Pitõ 1.17-18 * 17:5: Jen 22.2; Dut 18.15; Sum 2.7; Ais 42.1; Mat 3.17; 12.18; Mak 1.11; Luk 3.22 * 17:10: Mal 4.5 * 17:12: Mat 11.14

mönö nahöni ak kömum waŋgiman. Kawölnöŋ yöhöiga tala eta qeiga bözok mitiba semben auba sihimbölö gwötpuk mörakza. Nalö gwötpuk tala könöpnöŋ me onöŋ gemakza. ¹⁶ Nöŋön i waŋgita gwarekurupki yeŋgöreŋ kazalmö, yeŋön i mem ölöwak waŋgibingö osize.”

¹⁷ Mewö jiiga melenŋ waŋgiba jiyök, “Yei, gölmegö yaŋgiseŋ aka misimkaulup ambazip, mönö nalö dawik embuk mala qatön eŋgubiga Anutu qahö möt narigetka sihimbölö mötmam? I mönö waŋgita nöŋgöreŋ ki kaget.” ¹⁸ Waŋgita kagetka Jisösnöŋ öme mi jim waŋgii mosöta ani morönöŋ nalö miangöreŋök ölöwahök.

¹⁹ Ölöwahiga gwarekurupŋan mi eka nanŋinök Jisösgöreŋ kaba tata kewö qesim waŋgiget, “Neŋön mönö wuanöŋgöra mi naninök wuatangöbingö osizin?”

²⁰ *Qesim waŋgigetka kewö jii mötket, “Mötnaripŋinan morörökŋi akzawaŋgöra mi wuatangöbingö osize. Nöŋön keu öŋi kun kewö jibi mötme: Mötnaripŋinangö öŋi mi neŋöŋ kötnangö dop ahöbawak ewö, eŋön ölop kunduŋi kiangö Toŋangöra kewö jim kutubeak, ‘Gi mönö kunduŋi mi meköba wahöta anda likepŋe endu alman.’ Mewö jiba möt narigetka miangö dop aiga endu anma. Anutu möt narigetka inahöm eŋgiiga yuai kungöra qahö qaköbeak.” ²¹ (Öme tandökŋi mewöŋi mi mönö köuluköba nene siŋgi mala wuatangöbin. Yuai murutŋi kun ahinga qahö kota anma. Mewö.)

Jisösnöŋ kömumamgö Buŋani jiiga yahöt ahök.

Mak 9.30-32; Luk 9.43b-45

²² Jisösnöŋ gwarekurupŋi yembuk mohotŋe Galili prowins uruŋe liliköba könanöŋ angetka Jisösnöŋ keu kötni kewö jii mötket, “Anutunöŋ Suep gölmegö azi öŋi mi gölme ambazip yeŋgö böröŋine al waŋgii gema. ²³ Geiga i qegetka kömuma. Kömuiga wehön karöbut aiga mönö kömupnöhök wahötma.” Gwarekurupŋan mi möta uruŋinan lömböriiga wösöbirik mötket. Mewö.

Jisösnöŋ jöwöwöl jikegö takisŋi alök.

²⁴ *Jisösnöŋ gwarekurupŋi yembuk Kaperneam taonöŋ kaŋgotketka jöwöwöl jikegö takis meme azi yeŋön Pitögöreŋ kaba kewö qesim waŋgiget, “Eŋgö böhiŋinan jöwöwöl jikegö takisŋi alma me qahö?”

²⁵ Qesim waŋgigetka “Oŋ!” jiyök. Miangö andöŋe Pitönöŋ miri uruŋe öŋgöiga Jisösnöŋ keu mutukŋi kewö qesim waŋgiyök, “Saimon, gi denöwö mötmörizan? Denike yeŋön kölköl-örörögö töwaŋi aka takis tosatŋi mi gölmegö kiŋ azi kembu yeŋgöra alakze? Kantri toŋi neŋön me kian yeŋön mi algetka tokomakze?”

²⁶ Mewö qesim waŋgiiga melenŋda “Kian yeŋön,” jiyök. Mewö jiiga Jisösnöŋ kewö jii mörök, “Mewö aiga kantri toŋi neŋön mi albinangö dop qahö akzin. ²⁷ Mewö akzinmö, takis qahö alinga azi miengö uruŋinan bölibapuköra mönö anda kösö kawiki o aŋgönöŋ gilman. Gila söra mutukŋi öröba memani, mönö miangö numbuŋi mesaköba moneŋ kötni miangöreŋ miwikŋaiman. Moneŋ kötni mi azi yahöt netkö takisnirangö dop. Mönö mi memba eŋgiba miangön nöŋgö aka nangi takisniri alman.” Mewö.

18

Gwarek sutŋine daŋön mutukŋi akza?

Mak 9.33-37; Luk 9.46-48

¹ *Nalö miangöreŋ gwarek yeŋön Jisösgöreŋ kaba kewö jiget, “Suepkö bemtohoŋ uruŋe daŋön öŋgöŋgöŋi akza?” ² Mewö jigetka namande moröŋi kun qeri kaiga sutŋine ali kinök. ³ *Kiniga kewö jiyök, “Nöŋön keu öŋi kun kewö jibi mötme: Uruŋini qahö melenŋda nahönbörat ewö qahö akŋe ewö, iŋini mönö nalö kunöŋ Suepkö bemtohoŋnöŋ qahö aŋgotme.

* 17:20: Mat 21.21; Mak 11.23; 1 Kor 13.2 * 17:24: Eks 30.13; 38.26 * 18:1: Luk 22.24 * 18:3: Mak 10.15; Luk 18.17

⁴ Mianğöra kunjan nanji memba et ala morö kiangö dop akñawi, yañön mönö Suepkö bemtohoj uruñe öngöngöñji akza. ⁵ Kunjan namande kewöñji kun nöngö qetne köl öröba köyan kölmawi, yañön mönö ni köl öröm niñgima.” Mewö.

Singisöndökö kölgorom mönö qetal engime.

Mak 9.42-48; Luk 17.1-2

⁶ Jisösnöñ toroqeba kewö jiyök, “Morö kewöñji möt narim niñgizei, kunjan yengöreñök kun kölgorom ak wañgiiga singisöndök akñawi, azi mianjön mönö lömböt öngöngöñji miwikñaima. Anutunöñ lömböt mianğö likepñi denöwö wañgiiga dopñe akawak? Kemuñ jamönjiñ jölñe jöhöba köwet röndumnöñ gilget mulumgöi gebawak, mianjön mönö awamñi ahum wañgii tandök akawak.

⁷ “Singisöndökö supatitikan mönö awamñanök asuhumakza. Mianğöra gölme ambazip engöra Yei wösöbirik! mötzal. Kunjan supatitik anğön kölmamgö osimakzapmö, kun dañön tosatñi kölgorom ak engiiga singisöndök akñei, yañğöra mönö Yei! jiba sahötzal. Sihimbölö öngöngöñjan mönö yañğö qakñe öngöma.

⁸*“Börögan me könagan singisöndök akñangö kölgorom ak gihima ewö, mönö yandim gilman. Yandim gilagun börötak me könatohot mala malmal köhöikñi miwikñaiiba oyaenköyaen akñanmö, köna börö yahötpuk malnönga könangep könöp sianöñ gil gihigetka gebanbuk. Sia könöpñi mi teteköñi qahö jema.

⁹*“Mewöñanök jegan singisöndök akñangö kölgorom ak gihima ewö, mönö qözöla gilman. Qözöla gilagun je-ilik mala malmal köhöikñe anğota oyaenköyaen akñanmö, je yahötpuk malnönga könöp siagö könöpnöñ gil gihigetka gebanbuk.” Mewö.

Lamanöñ sohayöhi, mianğö dopkeu

Luk 15.3-7

¹⁰ “Ambazip moröñi kienğöreñök kun memba et al wañgibe-puköra mönö galömnini meme. Nöñön keu kewö jizal: Yengö kölközizip garataurupñinan mönö Suep miri mianğöreñ nöngö Suep Iwinangö kösutñe mala jemesoholñi sundan ehakze. Mianğöra jijiwilit kude ak engime. ¹¹ (Suep gölmegö azi öñjan mönö ambazip sohosohöñi mem letot engii oyaenköyaen akñegöra erök.)

¹² “Keu kiangöra denöwö mötmörize? Azi kungö lamaurupñi 100 malgetka miengöreñök kunjan sohoba janjuñ aniga toñan denöwö akña? Yañön mönö 99 mi kundunje engömosöta anda mohot janjuñ anöhi, mianğö jaruba anma. ¹³ Jaruba anda mala miwikñaima ewö, nöñön keu öñji kun kewö jibi mötme: Yañön 99 janjuñ qahö angeri, miengöra nalö mianğöreñ gwötpuk qahö söngaimapmö, mohot mianğöra önöñji qahö söngaiiba malma. ¹⁴ Mianğö dop engö Iwiñini Suep mire maljawañön mönö ambazip moröñi kienğöreñök kunjan sohoba könöp sianöñ gebapuköra mörakza.” Mewö.

Alagan singisöndök ak gihiga kewö akñan:

¹⁵*“Urumelñ alagan singisöndök ak gihima ewö, gi mönö yañğöreñ anda mesohol köl wañgiba köna singiyöhi, mi kondel wañgiman. Mewö aknönga keugi möta bapñe anma ewö, göñön mönö alagi luhut al wañginönga kunbuk urumohot aka malmahot.

¹⁶*Mewö aknönga keugi möta mianğö bapñe qahö anma ewö, göñön mönö toroqeba ala mohot me yahöt etkuangita yañğöreñ anme. Mewö Buña Kimbigö keu kiangö dop akñan, ‘Keu pakpak mi ambazip yahöt karöbutñan nañğöba jigetka köhöima.’

¹⁷ “Mewö aketka keuñini möta mianğö bapñe qahö anma ewö, göñön mönö urumelñ könagesögö jitñememe yengöra jinönga yambuk eraum mötme. Eraum mötmemö, yengö keu bapñe mewöyök qahö anma ewö, mi mönö aukñe jigetka jabö ahui urumelengö kopa ewö ak wañgiba malman. Takis tilipqilip-ñinambuk megetka sisitñini memakzei, mianğö tandök ewö i mönö mosötnönga yaigep malma.”

Singisöndökö jöhöjöhöñi aka pösatpösatñi

* 18:8: Mat 5.30 * 18:9: Mat 5.29 * 18:15: Luk 17.3 * 18:16: Dut 19.15

18*“Nöñön keu öl töhöññi kun kewö jibi mötme: Eñön siñgisöndok gölmenöñ jöhömei, mi pakpak mönö Suep mire mewöyök jöhöjöhöñi ahöma aka siñgisöndok gölmenöñ mosöta pösatmei, mi pakpak mönö Anutunöñ mosöri Suep mire mewöyök pösatpösatñi ahöma.

19 “Toroqeba keu kewö jibi mötme: Gölmenöñ engöreñök yahötñan keu mi me mi miangöra urumohok aka köuluköbitkö keu jöhömahori, mi nöñgö Iwini Suep mire maljawañön mönö etkiiga buña qem anjumahot. 20 Mi kewögöra: Ambazip yahöt me karöbutñan nöñgö qetne igen me waigen tokomei, nöñön mönö miangöreñ yengö sutñine malmam.” Mewö.

Welenqeçe ak-kömukömuñi qahöpkö söpsöp keu

21 *Nalö miangöreñ Pitönöñ Jisösgöreñ kaba keu kewö jii mörök, “Kembu, alanan siñgisöndok ak niñgimakzawi, nöñön mi indimñi dawikö dop mosöt-piga dop kölma? Indimñi 7 mi gwötpuk. Miangö dop mosöt-piga dop kölma me qahö?” 22 Jisösnöñ mi möta kewö meleñ wañgiyök, “Indimñi 7 qahöpmö, 70 taims 7 * mi mosötnöñga dop kölma. Nöñön göhöra mewö jizal. 23 Miangö könani mi kewö jim tuarimam. Suepkö bemtohoñi mi kiñ azi kembugö dop albi kewö akza: Kiññöñ welenqeçeurupñi engohola moneñini galöm kölgeri, miangö areñ papiañi kondelget mindiñgömapköra kapañ kölök.

24 “Mewö könahiba moneñangö kösohotñi kewöta mindiñgögetka miangöreñ azi kun wañgita kagetka yangö jeñe kinök. Tosañi 10 milyön kina mi yangöreñ ahöyök. 25 Mi ahöyökmö, tosañi mi mekömamgöra moneñi qahö dop köli osiyöhangöra aka ketanamñan kinda kewö jim kutuyök, ‘Sukinapñi ahözawi, mi pakpak mönö söñgöronñi memegöra alme. I aka anöm-moröñi i mewöyök mönö söñgöronñini memegöra algetka moneñ kaiga miangön tosañi mi meköme.

26 “Mewö jim kutuiga welenqeçen wösöñe eta simin köla sipköba kewö ulet wañgiyök, ‘Gi mönö urukönöp kude aka mökösoñda mamböt niñginöñga göhöreñ tosañi pakpak mi ölop meköm gihimam.’ 27 Mewö ulet wañgiiga ketanamñan welenqeçenangöra wösö mötmöt aka tosañi mi kutuba mosöta pösari erök. 28 Erökmö, yaigep anda miangöreñ welenqeçe alañi kun miwikñaiba ehök. Yangö tosañi mi silim 100:kö töwañi (Kina500,-) miangö dop yangöreñ ahöyök. I eka memba jölñi köhöikñanök mözöhöla kewö jiyök, ‘Nöñgöreñ tosa göhöreñ ahözawi, mi mönö meköm niñgiman me?’

29 “Mewö jiiga welenqeçe alañan wösöñe eta simin köla sipköba kewö ulet wañgiyök, ‘Gi mönö urukönöp kude aka mökösoñda mamböt niñginöñga göhöreñ tosañi mi ölop meköm gihimam.’

30 “Mewö jiyökmö, yañön mi tököba anda jii memba jöhöba köso mire alget tari tosañi mekögetka etma. 31 Yuai mi asuhiiga welenqeçe alaurupñan tandök mi eka uruñinan kömbuhiiga wösöbirik möta anda miangö kösohotñi mi körek ketanamñanangöra jigetka mörök.

32 “Mi möta ketanamñinan welenqeçe mutukñi mi qeri jeñe kañgoriga kewö jii mörök, ‘Gi nup meme azi bölöñi! Gi tosañi kutuba mosötmangö qesim niñginöñga nöñön mi pakpak mosöt gihizal. 33 Nöñön gehoriba ak kömum gihibiga göñön mewöyök miangö dop welenqeçe alagi ak kömum wañginöñga dop kölbowak.’

34 “Ketanamñan mewö jiiga irimñi seheliiga welenqeçe miangö keuñi jim teköba köso mirigö galöm yengö böröñine al wañgiiga sihimbölö gwötpuk möta tatma. Miangöreñ tata tosañi kiñgöreñ ahöyöhi, mi pakpak meköm teköiga etma. 35 Söpsöp keu kiangö ölñi kewö: Inini mohot mohot alañanangö siñgisöndokñi uruñinan qahö mosötme ewö, nöñgö Suep Iwinan mönö mewöyök keu miangö dop ak engima.” Mewö.

* 18:18: Mat 16.19; Jon 20.23 * 18:21: Luk 17.3-4 * 18:22: 70 taims 7 = 490. Miangö dop alagahö siñgisöndokñi mi mönö qösösök mosötman.

19

*Awanöm aṅgömosötmosötkö keuji**Mak 10.1-12*

¹ Jisösnöṅ keu mi jim teköbagun Galili prowins mosöta Jordan o kutuba likepṅe anda mötöteiba eta kunbuk o mi kutuba Judia prowinsnöṅ kayök. ² Kaiga ambazip kambulelebenöṅ wuatangöba kagetka miangöreṅ mem ölöwak engiyök.

³ Mem ölöwak engiiga Farisi (Köna keugö kapankölköl) tosatṅan yangöreṅ kaba keugö bötaknöṅ örömapkö esapköm wangiba kewö qesim wangiget, “Azinöṅ könaṅi i me waigöra anömṅi mosötmawi, mi Köna keu oṅgitma me qahö?”

⁴ *Qesim wangigetka meleṅda kewö jiyök, “Miwimiwikṅai Toṅan lök könakö-nahineyök i ‘azi aka ambi malmegöra miwikṅaim engiyök.’ Buṅa keu mi oyonget me qahö? ⁵ *Miwikṅaiba kewö jiyök, ‘Miangöra azinöṅ mönö iwinamṅi etkömosöta anömṅangöreṅ anda qekötahöiga yetkön sile mohot aka malmahot.’ Keu mi oyonget me qahö? ⁶ Mewö aka toroqeba yahöt qahö akzahotmö, sile mohot aka malmahot. Anutunöṅ azi aka ambi mindirim etkiyöhi, ambazip kunöṅ mönö i kude mendeṅ etkima.”

⁷ *Mewö jii möta kewö jiget, “Azinöṅ aṅgömosötmosöt papia ohoba anömṅi ölop mosötma. Mosesnöṅ mönö wuanöṅgöra keu mewö jim kutum neṅgii ahöza?”

⁸ Mewö jigetka kewö jim engiyök, “Mosesnöṅ mönö uruköhöikṅinangöra aka anömṅi mosötmapkö keu mewö jim kutuyökmö, könakönahineyök mewö qahö ahöyök.

⁹ *Nöṅön kewö jibi mötme: Anömṅan qesabulum qahö ahiga töndup wuatangöba ambi kun memawi, yaṅön mönö sero yoṅgorö akṅa. Kunṅan ambi mosötmosötṅi memawi, yaṅön mönö sero yoṅgorö akṅa.”

¹⁰ Jisösnöṅ mewö jiiga gwarek yeṅön jiget, “Awanöm sutṅire aṅgömosötpitkö soṅgo mewö ahöza ewö, mönö awanöm qahö ahinga dop köлма.”

¹¹ Mewö jigetmö, Jisösnöṅ kewö meleṅnökö, “Miangö keuji kusum engizali, ambazip körekṅan mi nanṅinangöra aṅgön köla miangö dop ölop qahö akṅemö, Anutunöṅ keu mi ambazip tosatṅi yeṅgöra engiyöhi, yeṅönök mönö miangö dop akṅe. ¹² Miangö könaṅi kewö: Tosatṅan nam köro uruṅe ahuba miangöreṅök könahiba awanöm akingö qahö mötze. Tosatṅan ambazipnöṅ sileṅini yandiba * kondot engigetka awanöm akingö dop qahö akze. Tosatṅan Suep bemtohoṅangöra aka awanöm qahö akingö keuji jim jöhöba keujini mi wuatangömakze. Kunṅan keu mia me mia möt aṅgön köla wuatangömamgö dop akzawi, yaṅön mönö miangö dop akṅa.” Mewö.

*Jisösnöṅ nahönbörat kötuatköm engiyök.**Mak 10.13-16; Luk 18.15-17*

¹³ Nalö miangöreṅ tosatṅan nahönbörat morömorö enguangita Jisösnöṅ böronṅi nöropṅine ala köulukömapköra yangöreṅ kagetmö, gwarek yeṅön ambazip mi jim qetal ak engiget. ¹⁴ Mewö aketka Jisösnöṅ kewö jiyök, “Nahönbörat moröṅi mi ölop engömosötketka nöṅgöreṅ kame. Suepkö Toṅan ambazip mewö mia bemtohoṅi buṅa qem engima. Miangöra i kude jöhöm engime.” ¹⁵ Mewö jiba böronṅi nöropṅine ala engömosöta kungen anök. Mewö.

*Jisösnöṅ azi pomṅi kungö qambaṅ keu jiyök.**Mak 10.17-31; Luk 18.18-30*

¹⁶ Nalö kungen azi kunöṅ Jisösgöreṅ kaba kewö qesim wangiyök, “Böhi, nöṅön ahakmeme ölopṅi denöwö aka malmal köhöikṅangö buṅa qem aṅgubileṅak?” ¹⁷ Qesim wangiiiga kewö jii mörök, “Ahakmeme ölopṅi denöwö, wuanöṅgöra mewö qesim niṅgizan? Mohot-kunṅan mönö ölopṅi akza. Malmal köhöikṅe aṅgotmamgö mötman ewö, mönö jöjöpaṅ keu tem köla malman.”

* 19:4: Jen 1.27; 5.2 * 19:5: Jen 2.24 * 19:7: Dut 24.1-4; Mat 5.31 * 19:9: Mat 5.32; 1 Kor 7.10-11 * 19:12: Azi kötnji kölkölgöra jiza.

¹⁸ *Mi möta kewö jii mörök, “Wani jöjöpaŋ keugöra jizan?” Jisösnöŋ mi möta jiyök, “Mönö ki, ‘Ambazip kun kude qenöŋ kömuma, Sero yoŋgorö kude akŋan, Yoŋgorö kude meman, Jitnöŋ alal keu kude jiman, ¹⁹ *Iwinamgi mönö göda qem etkimakŋan,’ aka ‘Nangi jöpaköm aŋgumakzani, miangö dop mönö ambazip pakpak jöpaköm enjimakŋan.’”

²⁰ Mewö jiiga azi gwabönöŋ kewö jiyök, “Mi pakpak mönö tem köla mala kotzal. Wanigöra kunbuk osizal?” ²¹ Mewö jiiga Jisösnöŋ jiyök, “Gi aködamungabuk malmamgö mötman ewö, mönö anda sukinapki söŋgöronji memegöra alnöŋ moneŋ kaiga ambazip wanapji enjiman. Mewö aknöŋga sukinapki ketaŋi (guli masapu, milyön Kina ewö) mi Suep mire ahöm gihima. Mewö aka ni nuatangöba kaman.”

²² Mewö jiyökmö, gwabönöŋ keu mi möta sukinapji gwötpuk ahöyöhaŋgöra aka wösöbirik möta jeŋi asöliiga öne mosöta anök. Mewö. ²³ Mosöta aniga Jisösnöŋ gwarekurupji kewö jii mötket, “Nöŋön keu ölni kun kewö jibi mötme: Yei! Ambazip pomŋi yeŋön mönö Suepkö bemtohoŋnöŋ aŋgotpingö lömböriba kupuk-kapak akŋe. ²⁴ Mi kewö jim tuarimam: Sömbup ketaŋi kamel mi kondi kinimŋe ölop qahö aŋgotma. Miangö dop ambazip pomŋi yeŋön Anutugö bemtohoŋ uruŋe aŋgotpingö lömböriba qaköme.”

²⁵ Mewö jii möta gwarek yeŋön aurum tililingöba kewö jiget, “Oporoŋ! Ambazip daŋön mönö Suepkö buŋaya akawak?” ²⁶ Mewö jigetka Jisösnöŋ uba engeka kewö jiyök, “Ambazipnöŋ mi esapköba osiba qakömakzemö, Anutunöŋ mönö yuai pakpak ölop ahakza. Yaŋön yuai kun aka memamgö qahö osiba qakömakza.” Mewö.

Jisösgö nup memegö töwaŋi

²⁷ Pitönöŋ keu mi möta melenŋa kewö jiyök, “Mötnöŋ, neŋön mönö yuai pakpak mosöta gi guatangöba kain. Miangö likepŋi mönö wani yuaia membin?” ²⁸ *Mewö jiiga Jisösnöŋ kewö jii mötket, “Nöŋön keu ölni kun kewö jibi mötme: Yuai pakpak kölöŋaiiga Suep gölmegö azi ölnan jakömbuak dumŋe tari asakmararaŋan asarimawi, nalö qainŋi kun miangöreŋ ni nuatangöba kageri, enöŋ mönö mewöyök jakömbuak dum 12 miangöreŋ tata Israel kambu 12 yeŋgö keuŋini kewöta jim teköme.

²⁹ “Kunŋan nöŋgö qetnaŋgöra aka yuai kun mosöröhi, - mi jike miriŋi, darumunŋi, nenbehöŋi, iwinamŋi, nahönböratŋi me nup kisiŋi - mi enögömosöriŋa Anutunöŋ mönö miangö likepŋi ongita meleŋ waŋgiiga sehima. Mewö sehiiga malmal köhöikŋi teteköŋi qahö buŋa qem aŋguma. ³⁰ *Mewö asuhumapmö, mutukŋi enögöreŋök gwötpukŋan dagibezupŋi aketka dagibezupŋi yeŋgöreŋök gwötpukŋan mutukŋi akŋe.” Mewö.

20

Wain nup meme ambazip yeŋgö dopkeu

¹ Jisösnöŋ jiyök, “Suepkö bemtohoŋi mi kewö: Gölmö toŋi kunöŋ söŋanök wahöta yaigep anda azi tosatŋi engeka wain nupŋe moneŋ nup memegöra qesim enjijök. ² Qesim enjiiga ‘Ölop,’ jigetka silim mohotkö töwaŋini (Kina 5) enjimapkö urumohot aketka melaim enjiiga wain nupŋe anget.

³ “Angetka 9 kilok miangö dop aiga kunbuk toroqeba anda azi tosatŋi maket sombemŋe önewat kingetka engehök. ⁴ Engeka kewö jii mötket, ‘Inini mönö mewöyök nöŋgö wain nupne anda nup megetka töwaŋini dopŋeyök enjimam.’

⁵ “Mewö jiiga wain nupŋe anget. Angetka 12 kilok aiga kunbuk anök aka mare 3 kilok miangö dop dumŋe kunbuk yaigep anda mewöŋanök ahök. ⁶ Mewö aka mare 5 kilok miangö dop yaigep aniga azi tosatŋi dumŋe kunbuk öne laŋ kingetka engehök. Engeka kewö qesim enjijök, ‘Inini mönö wuanöŋgöra silim köröp ki öne malje?’

⁷ “Mewö qesim enjiiga kewö melenŋet, ‘Kunŋan moneŋ nup membingöra qahö qesim nengiza. Miangöra öne ki kinjin.’ Melenŋetka kewö jii mötket, ‘Inini mönö mewöyök

* 19:18: Eks 20.13-16; Dut 5.17-20 * 19:19: Eks 20.12; Dut 5.16; Lew 19.18 * 19:28: Mat 25.31; Luk 22.30

* 19:30: Mat 20.16; Luk 13.30

nöngö wain nupne anda nup meget.’⁸ *Nup megetka mare aiga wain nup tojan nup galömñi öröba kewö jii mörök, ‘Gi mönö nup meme azi engohola töwañini engiman. Mare qöndökñi kazei, yeñgöreñök könahiba engiba anda söñjanök kazei, yeñgöreñ teköman.’

⁹ “Mewö jiiga mare 5 kilok nupnönj kageri, yeñön kañgotketka silim mohotkö töwañi (Kina 5) mi mohot mohot engiiga meget. ¹⁰ Mutuk nupnönj kageri, yeñön kañgota töwañini oñgita memegöra mötmörigetmö, i mohot mohot mewöyök silim mohotkö töwañi (Kina 5) engiiga meget. ¹¹ Töwa mohot miyök memba könahiba gölme tojañgöra uruñinan ihururuk möta jimongot ak wañgiba kewö jiget, ¹² ‘Nini wehögöra nöngöp ariba nupkö lömbötñi bisizinmö, azi mi dölök-kun nup memegöra qesim engizan. Yeñön aua mohot-kungö dop nup mezemö, göñön töndup yeñgöra mötmörinöñga nembuk örörön akze. Mi qahö dop kölja.’

¹³ “Mewö jigetmö, yeñgöreñök kungöra kewö melenđa jiyök, ‘Alani, ni göbuk keu jiba silim mohotkö töwa (Kina 5) gihimangö urumohot akzit. Miangö dop töwa miyöhök gihibiga dop kölja. Mönö mi mötmöriman. ¹⁴ Urugi miangöra bölipapukmö, mönö nangi töwagi memba anman. Azi dölök-kun nup memegöra qesim engizali, yeñgöra mewöyök töwa gihizali, mönö miyök engimangö mötzal.

¹⁵ “Nani moneñnönj nani sihimnañgö dop akiga dop kölja me qahö? Nöñön ekbonep qahö akiga urugan auiga jegi bosoleiza me?” ¹⁶ *Jisösnönj keu mi jim teköba kewö jiyök, “Miangö dop qöndökñi yeñön mutukñi aketka mutukñi yeñön qöndökñi akñe.” Mewö.

Jisösnönj kömumangö keurji jiiga karöbut ahök.

Mak 10.32-34; Luk 18.31-34

¹⁷ Jisösnönj Jerusalem sitinönj öñgöbingöra gölme köna angetka gwarekurupñi 12 mi öröm engiba görañe anda kewö jii mötket, ¹⁸ “Mötket, nini Jerusalem öñgöbin. Miangöreñ kunñan Suep gölmegö azi öññi mamalolo mem wañgiiga jike nup galöm aka Köna keugö böhi yeñgö böröñine gema. Yeñön kömumapkö keurji jim teköba ¹⁹ kian gawman yeñgö böröñine al wañgime. Al wañgigetka mepaiköba ihilek wahinambukñönj tauköm wañgime. Tauköm wañgiba maripomnönj qegetka kömuma. Kömumba wehön karöbut aiga kömupnöhök wahötma.” Mewö.

Jeims Jon namñiran yuaigöra ulerök.

Mak 10.35-45

²⁰ Nalö miangöreñ Zebedigö nahönyahöt yetkö namñiran nahönyahötñi yetpuk Jisösgöreñ kaba simin köl wañgiba yuai qainñi kungöra uletmamangö jiyök. ²¹ Mewö jiiga qesim wañgiyök, “Gi wani yuai akñamangö mötzan?” Qesim wañgiiga kewö jiyök, “Göñön ölop jim kutunöñga nöngö nahönyahötñi kietkön mönö göhö bemtohoññönj eu öñgöba kunönj börögi öññe aka kunñan börögi qaniñe tata yuai pakpak galöm kölbeak.”

²² Mewö jiyökmö, Jisösnönj melenđa kewö jiyök, “Inini miangö könañi qahö möt yaköba uletze. Nöñön qambi kakñambuk nemami, iniri mi ölop nemba sihimbölö mötmahot me qahö?” Mi möta “Ölop nembit,” jiyohot. ²³ Jiyohotka kewö jii mörohot, “Mi öñña! Nöñön qambi kakñambuk nemami, iniri mi mewöñanök nemahotmö, nöngö böröni öññe me qaniñe dañön tatmahori, nöñön keu mi jim kutumamangö dop qahö. Nöngö Iwinan dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm öññan mönö welenqeqeya akza.

²⁴ Darumun yahöt yetkön mewö ulerohotka alaurupñi 10 yeñön mi möta urubölö aket. ²⁵ *Mewö aketmö, Jisösnönj engoholi kagetka kewö jii mötket, “Gölmegö kantriñi kantriñi miengö jembonñinan mönö azi kembu tandök ak engimakze. Yeñgö ketañamñinan mönö keu jim kutuba mindingöm engiba kukösomñini kondelakze. Inini könañini mi ölop mötze. ²⁶ *Engö sutñine silik mewö ahöbapukmö, kunñan engö sutñine

* 20:8: Lew 19.13; Dut 24.15 * 20:16: Mat 19.30; Mak 10.31; Luk 13.30 * 20:25: Luk 22.25-26 * 20:26: Mat 23.11; Mak 9.35; Luk 22.26

ketanjanjini aknanngö mötzawi, yanön mönö welen qem engiba malma.

²⁷ “Mewöyök kunjan engö sutjine mutuknji malmangö mötzawi, yanön mönö engö nembö bapjine mala welenqeqejini omanj aknja. ²⁸ Suep gölmegö azi öljan mönö mewöyök silik mewöni kondela nanji welen qem wangimegöra aka qahö kayök. Qahöpmö, mönö welen qem engiba ambazip sehisehini yengö sohopjini memamgöra aka eta malmalni kölenja mosötma.” Mewö.

Jisösnöj jegömöl azi yahöt mem ölöwak etkiyök.

Mak 10.46-52; Luk 18.35-43

²⁹ Jisösnöj gwarekurupnji yembuk Jeriko siti mosötpingö aketka ambazip kambulembenönj enguatangöba andönjine kaget. ³⁰ Mewö kagetka jegömöl azi yahöt köna jitje tarohot. Tarohotka “Jisösnöj nejonggitmamgö akza,” jiget möta kewö qerohot, “Kembu Deiwidkö gwölönarökni, mönö ak kömum netkinöj!”

³¹ Mewö qerohotka ambazip kambu yanön keu bök tatmahotköra qetal etkigetmö, yetkön mönö kapañ köla kewö qerohot, “Kembu Deiwidkö gwölönarökni, mönö ak kömum netkinöj!” ³² Mewö qerohotka Jisösnöj dörök ala yanögöreñ kamahotköra qeri kayohotka kewö qesim etkiyök, “Alayahötnei, nöñön wani yuai ak etkimamgöra mötzahot?”

³³ Mewö qesim etkiiga kewö jiyohot, “Kembu, niri jeniri kunbuk ubitköra mötzit.”

³⁴ Mewö jiyohotka Jisösnöj yetköra wösönji möta jejiri misirii miangörejök tohoiga uba Jisös wuatangöba andöñe anohot. Mewö.

21

Jisösgöra köiranj kölgetka Jerusalem öngöyök.

Mak 11.1-11; Luk 19.28-40; Jon 12.12-19

¹ Jisösnöj gwarekurupnji yembuk Jerusalem siti dopdowiba Oil ip kunduje Betfage mirinöj kaget. Kaba gwarekyahötnei yahöt melaim etkimamgöra aka ² kewö jii mörohot, “Miri wösönjire tatzawi, mönö miangörej anmahot. Anda miangörej angota doñki ambiñi kösönöñ jöhöget kinjawi aka doñki morönji mi miangörejök miwiknjaim etkimahot. Mi mönö pösat etkiba memba nöngörej kamahot.

³ “Pösarohotka kunjan keu kun jiiga kewö jimahot, ‘Kembu-niran mönö miangöra osiza.’ Mewö jiyohotka doñki mi zilañ al etkiiga ki kamahot. ⁴ Anutunöj keu kun kezapqetok azi kungö uruje ali jiyöhi, miangön öljambuk aknjapköra mewö asuhuyök. Keu mi kewö,

⁵ * “O Jerusalem ambazip Zaion kunduni liliköba maljei, yengöra mönö kewö jigetka mötme, ‘Mötket, engö kiñ kembuñinan mönö engörej asuhuma. Yanön gunböñ-jönjön aka doñki qakñe tata kama. Doñki lömböt bisimakzawangö morönji miangö qakñe tata kama.’”

⁶ Jisösnöj gwarekyahötnei melaim etkiiga anda keu jiyöhangö dop ahot. ⁷ Yetkön doñki ambiñi morönjambuk etkömembra kayohot. Kayohotka malukuñini qeköba doñki qakñire algetka Jisösnöj morönjangö qakñe öngöba tarök.

⁸ Mewö tata aniga ambazip kambulembeñan göda qeba malukuñini qeköba köna namñe tumbulgetka tosatan ip uruje anda börönji qezungata köna namñe tumbulget.

⁹ * Tumbulgetka ambazip kambu jeñe köl öröba angeri aka andöñe wuatangöba kageri, yanön kewö jiba qetket, “Hosana! Anutu möpöseizin. Deiwidkö gwölönarökni owe owe! Kembugö qetñe kamawi, Anutunöj mönö i kötuetsköma. Hosana! Qetbuñagi möpöseininga euyangörej öngöza! Owe owe!”

¹⁰ Mewö qetketka Jerusalem sitinöj öngöba sitigö ambazip körekñan auruba göjupmajup aka kewö qesiget, “Azi ki mönö niñia?”

¹¹ Qesigetka ambazip kambulembe yanön kewö melenget, “Yanön mönö kezapqetok azi Jisös, Galili prowinsgö Nazaret mirigöra.” Mewö.

* 21:5: Zek 9.9 * 21:9: Sum 118.25, 26

Jisösnöñ jöwöwöl jike jim kömbuhiyök.

Mak 11.15-19; Luk 19.45-48; Jon 2.13-22

¹² Jisösnöñ jöwöwöl jikegö tohoñ uruñe anök. Miangöreñ ambazip engehiga inap bohonñi memegöra algetka söngöröñi megeri, yañön mi pakpak közöl engiiga etket. Moneñ utekutek ambazip yeñgö jakeñini metali anget. Mewöyök kembö bohonñini memegöra algeri, miengö dum tatatñini mi tok tötaliga anget. ¹³ *Mewö aka kewö jii mötket, “Aisaianöñ keu kun kewö ohoi ahöza, ‘Nöñgö jikenan mönö köulukö miriñina akñapakö qetme.’ Keu mi ahözapmö, iñini mi utekögetka kegwek-kahasiliñ yeñgö banjet ewö akza.”

¹⁴ Mewö aiga jegömöl aka simalokon ambazip jöwöwöl jikenöñ yañgöreñ kagetka mem ölöwak engiyök. ¹⁵ Mewö asuhuyökmö, jike nup galöm aka Köna keugö böhi yeñön añgöletot meyöhi, mi eket aka nahönbörat jöwöwöl jikenöñ qeta “Hosana! Deiwidkö gwölönarökñi owe owe!” jigeri, mi engeka urubölö aket.

¹⁶ *Urubölö aka kewö jim wañgiget, “Morö mi keu qetzei, mi mötzan me qahö?” Jim wañgigetka kewö meleñ engiyök, “Ölöp mötzal. Iñini nalö kungen Buña keu ki oyonget me qahö, ‘Göñön mönö nahönbörat aka morösepep juzu nemakzei, mi kusum enginöñga nangi törörök möpöseim gihimakze.’”

¹⁷ Mewö jiba engegösöta siti mosöta mare aiga Betani anda ahöyök. Mewö.

Jisösnöñ fig ip kun qesuahöiga ululungöyök.

Mak 11.12-14, 20-24

¹⁸ Ahöba söñanök wahöta kunbuk sitinöñ anda nenegö kömuyök. ¹⁹ Nenegö kömumba köna jitre fig ip * kun eka miangö könañe anök. Anökmö, öñji qahö miwikñaiiga sinñanök kiniga ehök. Mewö eka ip mi kewö jim wañgiyök, “Göñön mönö nalö kunöñ ölgö kunbuk kude kuñguman.” Mewö jim wañgiiga fig ip mianñön mönö miangöreñök ululungöyök.

²⁰ Ululungöiga gwarekurupñan mi eka auruba kewö jiget, “Fig ipnöñ mönö denöwö ösumok ululungöza?” ²¹ *Jigetka Jisösnöñ kewö meleñnök, “Nöñön keu öñji kun kewö jibi mötme: Mötnarip töp memba uruyahöt qahö akeak ewö, fig ipköra yuai asuhuzawi, iñini miyök qahö akeakmö, ki mewöyök ölöp akeak: Kunduñi kiangö toñangöra kewö jim kutubeak, ‘Mönö kunduñi ki qeköba wahöta anda köwetnöñ alman.’ Mewö jim kutuba Anutu möt nariiga mönö miangö dop ahuma. ²² Wani yuaigöra qesiba köulukömei, mi pakpak buña qem añgubingö möt narigetka mönö buñañini akña.” Mewö.

Jitñememe yeñön Jisösgö kukösumñangö qesiget.

Mak 11.27-33; Luk 20.1-8

²³ Jisösnöñ jöwöwöl jikegö tohoñ uruñe anda ambazip kusum engiiga jike nup galöm aka kantrigö jitñememe tosatñi yeñön yañgöreñ kañgotket. Kañgota kewö qesim wañgiget, “Gi kiangöreñ yuai akzani, mi mönö dañön jim kutum gihiiga ahakzan? Miangö kukösumñi mi dañön gihiyök?”

²⁴ Qesim wañgigetka kewö meleñ engiyök, “Nöñön mewöyök keu kun qesim enjimam. Mi meleñ ningime ewö, nöñön mewöyök dañön kukösum ningiiga yuai ki ahakzali, mi jibi mötme. ²⁵ Jonöñ ambazip o-melun mem engiiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget?” Mewö qesim engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima, ‘Iñini mönö wuanöñgöra Jon qahö möt narim wañgiget?’ Mi qahö dop kölja.

²⁶ “Me ‘Gölme ambazipnöhök asuhuyök,’ jibin ewö, neñön mönö ambazip kambu yeñgöra keñgötnini möta osibin. Könagesö pakpak yeñön mönö Jongöra ‘Kezapqetok azia akza,’ jiba malje.” ²⁷ Keu mewö kewöta Jisösgöra kewö meleñget, “Mi qahö mötzin.”

* 21:13: Ais 56.7; Jer 7.11 * 21:16: Sum 8.2 * 21:19: Fig mi sambu ipkö alarji kun. Mi nupñine kömötketka köñji nahömñinambuk asuhugetka gwötpuk nemakze. * 21:21: Mat 17.20; 1 Kor 13.2

Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumñi dañön niñgiyök, mi qahö jibi mötme.” Mewö.

Kungö nahönyahöt yetkö söpsöpkeu

²⁸ Jisösnöñ söpsöpkeu kun kewö jiyök, “Inini keu kianğöra denöwö mötmörize? Azi kun nahönyahötñi yahöt malget. Nalö kunöñ iwiñiran nahönñi kungöreñ anda kewö jiyök, ‘Nahöni, gi ölop merak nöñğö wain kösö nupne anda nup meman.’

²⁹ “Mewö jiiga kewö melenğök, ‘Ni töközal.’ Mewö jiyökmö, könangep keuñi miangö möt böliba eleñda anda nup meyök. ³⁰ Miangö andöñe iwiñiran nahönñi kungöreñ anda nahönñi mutukñangö jiyöhi, keu miyök jii mörök. Mi möta keu kewö jiba melenğök, ‘Oñ! Ketañamni, ölop anmam.’ Mewö jiyökmö, töndup qahö anök.”

³¹ Jisösnöñ mewö jiba qesim enğiyök, “Yahöt yetköreñök dañön mönö iwiñirangö jitñi tem kölok?” Mewö qesim enğiiga kewö melenget, “Nahönñi mutukñi yañön.” Mewö melengetka kewö jii mörök, “Nöñön keu öl töhönñi kun kewö jibi mötme: Takis meme ambazip tilipqilipñinambuk aka köna ketañi ambi yeñön mönö inini enğongita mutuk Anutugö bemtohoñ uruñe öñğöme.

³² * “Keu miangö könañi kewö: Jon O-melun azinöñ enğöreñ kaba Anutugö jeje solanibingö könañi kondeliga inini yañğö keuñi mi qahö möt narigetmö, takis meme ambazip tilipqilipñinambuk aka köna ketañi ambi yeñön mönö i möt narim wañgiget. Yeñön i möt narim wañgigeri, inini mi eka töndup könangep mewöyök nanñini qahö möt bölim añğuba eleñda i qahö möt narim wañgiget.” Mewö.

Wain kösö nup galöm bölöñi miengö dopkeu

Mak 12.1-12; Luk 20.9-19

³³ * Jisösnöñ jiyök, “Dopkeu kun kewö mötme: Gölme toñi kunöñ wain kösö nup kun köla kömörök. Köla kömöta selñi memba liliköyök. Mem liliköba kötnöñ wain jout ketañi kötnöñ meyök. Miangöreñ waingö ölni ala könanöñ tözöhölget oñan lalanöñ geyök. Wain jout ketañi mi kötnöñ memba wain yoñgorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim enğiba kewö jiyök, ‘Mönö nup memba ölnangö bahöñi nanñini memba bahöñi toñi ni niñgime.’ Mewö jiba nup mi böröñine ala enğömosöta kantri kunöñ anda malök.

³⁴ “Mala mali ölni öliyöhangö nalöñi (yambu 5) töriiga miangöreñ welenqequeurupñi kun melaim enğiiga galöm yeñğöreñ anda wain nup ölnangö bahöñi wañgimeğöra jiget. ³⁵ Jigetmö, galöm yeñön i enğömembra jöhöba tosatñi kömbinöñ sepgwörörök enğuba tosatñi enğuget kömugetka tosatñi kötnöñ gila enğuget kömuget. ³⁶ Miangö andöñe welenazi tosatñi toroqeba melaim enğiiga gwötpuk aketmö, i mewöñanök öröm ureim mem enğiget.

³⁷ “Mewö aketka wain nup toñan keu jaruba jiyök, ‘Nani nahöni mönö göda qem wañgime me denöwö?’ Mewö jiba qöndökñi mi nahönña melaiiga yeñğöreñ anök. ³⁸ Anökmö, wain nup galöm yeñön nahönñi eka sutñine kewö eraum möta jiget, ‘Yañön mönö börösamotñangö toñi akña. Ayop, mönö memba qein kömuiga wain kösö nupñan mönö nanine buñanina akña.’

³⁹ “Mewö jiba memba jöhöba gilgetka nup yaigepñe geiga qeget kömuyök. ⁴⁰ Wain nup toñan mi möta kaba nup galöm mi mönö denöwö ak enğima?”

⁴¹ Jisösnöñ mewö qesiiga kewö jiget mörök, “Galöm bölöñi mi mönö könderda yaijapaleñ mem enğima aka nup galöm dölokñi miwikñaim enğiba wain kösö nupñi yeñğö böröñine alma. Yeñön ölni ölimawangö nalöñe bahöñi törörök wañgimakñe.”

⁴² * Jisösnöñ mi möta kewö jii mötket, “Buña Kimbigö keu ki nalö kungen oyonget me qahö, ‘Miri meme yeñön köt tandö kun andö qeba öne mosötket taröhi, miangöñ mönö

* 21:32: Luk 3.12; 7.29-30 * 21:33: Ais 5.1-2 * 21:42: Sum 118.22-23

tandö kömbönaŋi aiga miwikŋaiget. Mianjön tingiriga mirinöŋ gororongöba eta kölma. Kembunöŋ tandö mi kuŋguiga jeninan ehinga qetbuŋabuk aiga welipkömakzin?

⁴³ “Miangöra kewö jibi mötme, Anutunöŋ mönö bemtohoŋi enġuaŋgita ambazip kambu kun enġiiga yeŋön miangö öljö ölpö kuŋgumakŋe. ⁴⁴ Kunjan tandö bohonŋi miangöreŋ töttöŋgata eta qemawi, mi mönö silenŋi kutumutumapmö, ain tandö mianjön jöla tala kungö qakŋe eta kölmawi, mi mönö körek qözömözö-zamgöma.”

⁴⁵ Jisösnöŋ mewö jiiga jike nup galöm aka Farisi (Köna keugö kapaŋkölköl) yeŋön dopkeuŋi mi möta könaŋi möt asariba kewö jiget, “Mi mönö neŋgöra jiza.” ⁴⁶ Miangöra i memba jöhöbingö mötketmö, ambazip kambu yeŋgöra keŋgötŋini möta osiget. Ambazip kambu yeŋön Jisösgöra mötketka kezapqetok azia ahök. Mewö.

22

Maren lömbuaŋgö söpsöp keu

Luk 14.15-24

¹ Jisösnöŋ kunbuk könahiba söpsöp keunöŋ keu kewö jiyök, ² “Suepkö bemtohoŋi mi kiangö dop akza: Kiŋ azi kembunöŋ nahönŋaŋgöra maren lömbuaŋ areŋgöba mözözömgöyök. ³ Mözözömgöba welenqeŋeurupŋi melaim enġiba kewö jiyök, ‘Nöŋön ambazip tosatŋi maren lömbuaŋnöŋ kamegö mötzal. Inŋini mönö yeŋgöreŋ kolek anda kamegö jiget mötme.’ Mewö jii anda jigetmö, ambazip mienjön mi möta kabingö tököba taŋqaŋ aket.

⁴ “Miangö andöŋe welenqeŋeurup tosatŋi kunbuk melaim enġiba kewö jiyök, ‘Ambazip kamegöra jiali, mönö yeŋgöreŋ anda kewö jime: Mötket, nöŋön lömbuaŋgö neneŋamni lök mözözömgöbiga tatza. Nöŋgö bulmakau aziŋi aka bulmakau tosatŋi gumohom enġiinga kelökŋinambuk akeri, mi enġuba ohom qeraköinga yuai pakpak lök jöjöröba ahöza. Inŋini mönö maren lömbuaŋnöŋ kaget.’

⁵ “Mewö jii angetka ambazip mienjön keu miangö kezap qahö algetmö, nöŋöŋgan aka laŋ anget. Tosatŋan nene nupŋine angetka tosatŋan kölköl-örörö nupŋine anget. ⁶ Tosatŋan kiŋgö welen-qeŋeurupŋi qelanjiba enġömemba öröm ureim ak enġiba enġuget kömuget. ⁷ Kömugetka kiŋgö irimŋi seholiiga yarö kambuŋi melaim enġiiga anda kinda enġuget kömukömu azi mi könder enġiba taon miriŋini mi ohogetka jeyök.

⁸ “Miangö andöŋe kiŋnöŋ welenqeŋeurupŋi yeŋgöra kewö jiyök, ‘Maren lömbuaŋ mözözömgöinga jöjöröba tatzapmö, ambazip kamegöra jiali, yeŋön mönö sösongainöŋ kakagö dop ölpöŋi qahö akze. ⁹ Miangöra inŋini mönö köna soŋanöŋ aka miri sombemŋi sombemŋi miangöreŋ anda ambazip mi me mi miwikŋaim enġime, i mönö maren lömbuaŋnöŋ kamegöra jiba kapaŋ köla kuŋgum enġime.’

¹⁰ “Mewö jiiga welenqeŋeurupŋan mosöta könaŋi könaŋi miangöreŋ anda ambazip mi me mi miwikŋaim enġigeri, mi körek pakpak öröm tokom enġiget. Ambazip ölpöŋi aka bölöŋi mewöyök mi mewö kagetka maren lömbuaŋ mirinöŋ kokolak qeiga tebol liliköba tatket. ¹¹ Tebol liliköba tatketmö, kiŋnöŋ i enġekŋamgöra kaba miangöreŋ azi kun maren lömbuaŋgö maluku tuatŋi qahö köli geiga ehök. ¹² Azi mi eka kewö jii mörök, ‘Alani, gi maren lömbuaŋgö malukuŋi qahö löŋgöta töndup denöwögöra miri kiangö uruŋe kazan?’ Mewö jiiga azi mianjön keuŋi bököiga öljöŋ tarök.

¹³ * “Mewö tariga kiŋnöŋ welenqeŋeurupŋi kewö jim kutum enġiyök, ‘Mönö azi mi memba köna böröŋi jöhöba yaigep gilgetka pandamanöŋ gema.’ Miangöreŋ malmeanjön mönö sahöt gigilahöba irimŋini yöhözömgögetka qetŋi qeri malme. ¹⁴ Keu miangö dop Anutunöŋ ambazip sehisehiŋan kamegöra jiyökmö, awamdökŋi yeŋön keu mi möt anġön köla kaba Anutunöŋ kambu möwölöhöm enġiyöhi, mönö yeŋgö sutŋine kaŋgotme.” Mewö.

Takis alalgö Jisös esapköm waŋgiget.

Mak 12.13-17; Luk 20.20-26

* 22:13: Mat 8.12; 25.30; Luk 13.28

¹⁵ Miangö andöje Farisi (Köna keugö kapaŋkölköl) yeŋön anda eraum möta Jisös qesiba keugö bötaknöŋ öröi gwaröhöm waŋgibingö areŋi alget. ¹⁶ Mewö areŋ ala gwarekurupŋi aka premiö Herodkö pati-alaurupŋi tosatŋi melaim eŋgigetka Jisösgöreŋ kaba kewö qesiba jiget, “Böhi, göŋön azi ölni akzani, nini mi mötzin. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Miangöra kuŋgum gihigetka qahö goŋgiba ketanŋi qahö esuhum eŋgimakzanmö, Anutugöreŋ köna mi keu ölnaŋgö dop kusum neŋgimakzan. Göŋön Anutugöreŋ keu diŋdiŋi mianön öngöŋgöŋi eretŋi mohot pakpak jim qindinŋ ak neŋgimakzan. ¹⁷ Miangöra keu kiangöra denöwö mötmörizan, mi jinöŋ mötpin. Nini sisaningöra takis ala mianön Mosesgö Köna keu siŋgibin me qahö?”

¹⁸ Mewö qesigetka areŋini munenŋi möt kutuba kewö jii mötket, “O urumelengö silesile azi, inŋini mönö wuanöŋgöra keugö bötaknöŋ al niŋgibingö esapköm niŋgize? ¹⁹ Ölöŋ takis alalgö moneŋi kun kondel niŋgigetka eki.” Mewö jiiga silwö moneŋ (Kina 5) kun memba kaget.

²⁰ Kagetka kewö qesim eŋgiyök, “Dagöreŋ imut aka qet mi ki ohoget ahöza?” ²¹ “O mi sisaningöreŋ,” mewö melenŋa jiget. Jigetka kewö jii mötket, “Mewö aiga yuai sisaningö imutŋambuk buŋaŋi akzawi, mi mönö yangöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²² Mewö jii möta yangöra gwötpuk welipköba mosöta yaigep anget. Mewö.

Kömupnöhök wahötwahötkö Jisös esapköm waŋgiget.

Mak 12.18-27; Luk 20.27-40

²³ *Sadyusi (Jike nupkö kapaŋkölköl) yeŋön ‘Kömugeri, yeŋön kude wahötmö,’ jiba malget. Nalö miangöreŋ yeŋgöreŋök tosatŋan Jisösgöreŋ kaba kewö qesim waŋgiba jiget, ²⁴ * “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölöŋ malöŋi memba mala gwölönarök qiwikŋaim waŋgiiga datŋaŋgö qet bisiba malma.’ ²⁵ Mötnöŋ, nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. Kömuiga munŋan malöŋi mi meyök.

²⁶ “Meba mala kömuiga munŋi kunŋan malöŋi mi meyök. Meiga miangö andöje munŋi kunöŋ ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ²⁷ Kömum tekögetka qöndökŋi malöŋini mi mewöyök kömuyök. ²⁸ Göŋön ‘Kömugeri, yeŋön guliba wahötmö,’ jizanmö, nini mi qahö möt narizin. Mötnöŋ, azi 7 pakpak mi öröröŋ wahötpök ewö, ambi mohok mi anömnina meget malöhaŋgöra aka mönö dagö anömnä akawak?”

²⁹ Mewö qesigetka Jisösnöŋ melenŋa kewö jii mötket, “Inŋini keu jim sohoze. Urumelengö Buŋa Kimbiŋi aka Anutugö kukösumŋi qahö möt kutuzeaŋgöra mönö janjuŋ ahakze. ³⁰ Ölna, kömupnöhök wahöta nalö miangöreŋ awanöm qahö akŋemö, garata yeŋön Suep mire maljeaŋgö tandök aka malme.

³¹ “Mötket! Kömugeri, yeŋön guliba wahötmegö keuŋi Anutunöŋ eŋgöra jiyöhi, inŋini mi lök oyonget me qahö? Keu mi kewö, ³² * “Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ Anutunöŋ kömukömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina malja.” ³³ Jisösnöŋ mewö ambazip kambu kusum eŋgi möta welipköget. Mewö.

Jöjöpaj keu bohonŋi yahöt mi denöwö?

Mak 12.28-34; Luk 10.25-28

³⁴ Sadyusi (Jike nupkö kapaŋkölköl) yeŋön Jisös qesim waŋgigetka melenŋa jim soroköiga keu bök akeri, mi Farisi (Köna keugö kapaŋkölköl) yeŋön möta kaba tokoget. ³⁵ *Yeŋgöreŋök böhi kun Köna keu törörök möt kutuyöhi, yeŋön kaba Jisös bötak ala

* 22:23: Apo 23.8 * 22:24: Dut 25.5 * 22:32: Eks 3.6 * 22:35: Luk 10.25-28

kewö qesim wanjiyök, ³⁶ “Böhi, Mosesgö Köna keu uruñe wani jöjöpañ keu mi bohonñi ketañi akza?”

³⁷ *Qesim wanjiiga meleşnök, “Bohonñi ketañi mi kewö, ‘Gi urugi jömukñi, unagi jömukñi aka mötmötki jömukñi mianjön mönö Kembu Anutugi jöpaköba malman.’

³⁸ Mianjön jöjöpañ keu bohonñi aka mutukñi akza. ³⁹ *Jöjöpañ keu mianjö alañi kewö, ‘Nangi jöpaköm anjumakzani, mewöñanök mönö ambazip pakpak jöpaköm engiba malman.’ ⁴⁰ Jöjöpañ keu yahöt mi mönö Mosesgö Köna keu aka kezapqetok ambazip yengö Buzup Kimbi pakpak miengö bohonñina akza.” Mewö.

Kraist mi kiñ Deiwidkö Kembuni aka gwölönarökñi.

Mak 12.35-37; Luk 20.41-44

⁴¹ Farisi (Köna keugö kapañkölköl) yeñön kaba tokogetka Jisösnöñ kewö qesim engiyök, ⁴² “Inini Kraistköra denöwö mötze? Yanjön mönö dagö nahönña akza?” Mewö jiiga meleşda jiget, “Mönö kiñ Deiwidkö gwölönarökña akza.”

⁴³ Jigetka jiyök, “Mewö akzapmö, denöwö aka Uña Töröñan Deiwid sölölohöm wanjiiga yanjöra ‘Nani Kembuni,’ qeta kewö jiyök,

⁴⁴ *Anutunöñ kinda nöngö Kembuni kewö jii mörök, Göñön mönö kaba nöngö böröni ölñe tatnönga nöñön nalö sutñe kerökurupki tim tötala luhut al engiba göhö köna tambö gwaröñe al engimam. Nalö mi kam kuñgumawanjö dop mönö asakmararanjön ki tatman.’

⁴⁵ Deiwidnöñ nanjak mewö jiba qetñi ‘Nöngö Kembuni’ jiza. Kembuni jiba mönö denöwö aka yanjö gwölönarökñi mohot akawak?”

⁴⁶ Mewö jiiga mianjö kitipñi kunöñ kun meleşmamgö osiba keu böc kinget. Sömañi mianjöreñök körek yeñön Jisös kunbuk keu kungö qesim wanjibingö kölköldömdöm aka mosötket. Mewö.

23

Urumeleñgö silesile malmalgö galöm meme keu

Mak 12.38-39; Luk 11.43, 46; 20.45-46

¹ Nalö mianjöreñ Jisösnöñ ambazip kambuleleme aka gwarekurupñi yanjöra kewö jii mötket, ² “Köna keugö böhi aka Farisi (Köna keugö kapañkölköl) yeñön Mosesgö jakömbuaknöñ tata Köna keugö könañi kukösum qakñe kusum engimakze. ³ Mianjöra keu pakpak jim kutum engimakzei, mi mönö tem kölmemö, ahakmemeñini mi kude wu-atañgöme. Yeñön keu jitñinan jim asarimakzemö, nanñinak mi qahö wuatañgömakze. Mianjöra mönö i ewö kude ahakñe.

⁴ “Yeñön keuñi keuñi jim kutuba mianjö köñjön lömbötñi ambazip awötñine alagun algetka mi tem kölbingö lömböriiga jarañbarañ ahakzemö, nanñinak i kesötñini moröñi kunöñ bauköm engibingö wösömötmötñini kun qahö ahöza.

⁵ * “Yeñön ahakmemeñini pakpak ambazipnöñ engekñegöra aka memakze. Baiböl keu köt (memori wös) irimunğa bokisñini mem qariba aukñe kondela Buña mötmötñi- nanjöra aiweliköm anjumakze. Malukuñinanjö suñe aködamungö biretñi ketañi ketañi memba möndömakze. * ⁶ Yeñön közölömbuajönñöñ dum tatat mutukñe jegep tatpingö mörakze aka köuluk mire qaikñe eu tatpingö sihimñi mörakze. ⁷ Maketnöñ me könanöñ ambazip engeketa jölöñini jimegö möta ‘O ketañamnini,’ qetñini mewö qetmegöra sihimñini mörakze.

⁸ “Yeñön mewö ahakzemö, mohok-kun yanjön engö Böhiñini aiga inini körekñan yanjö urumeleñ alaurupñi akze. Mianjöra engö qetñini böhinini qetmegöra kude mötme. ⁹ Mohok-kun yanjön Iwiñini akza. Yanjön Suep mire maljawanjöra gölme

* 22:37: Dut 6.5 * 22:39: Lew 19.18 * 22:44: Sum 110.1 * 23:5: Mat 6.1; Jan 15.38; Dut 6.8 * 23:5: Baiböl memori wös irimunğañi mi (Dut 6.8) koropeñ me jenjen ewö jöhömalget. Malukuñinanjö suñe aködamungö biretñi mötnöñ memba möndömalgeri, mi Anutugö ambazip öl töhöññi akeranjö aiwesökñi ahök.

azi kungöra neŋgö iwinini qet mewö kude qetme. ¹⁰ Kraist mohok-kun nöŋön enŋö ketaŋamŋini akzal. Mianŋöra enŋö qetŋini ketaŋamnini qetmegöra kude mötme.

¹¹ **“Mewö qahöpmö, enŋö sutŋine bohonŋi akzawaŋön mönö welen qem enŋiba malma. ¹² *Mewö malmapmö, kunŋan nanŋi uruŋi memba öŋgömawi, Anutunöŋ mönö i memba et al waŋgima. Kunŋan nanŋi uruŋi memba etmawi, Anutunöŋ mönö i memba öŋgöba al waŋgima.”*

Jisösnöŋ Farisi yeŋgöra wölköba Ye! jiyök.

Mak 12.40; Luk 11.39-42, 44, 52; 20.47

¹³ *“O Köna keugö böhi aka mianŋö kapaŋkölköl ambazip! Inini urumelenŋö silesile ambazip aketka lömböt qakŋine öŋgözawaŋgöra mönö wölköba Ye! jizal. Ambazip Suepkö bemtohoŋ uruŋe aŋgotpepukö nanŋuŋi köla jöhömakze. Nanŋinak mianŋö uruŋe qahö aŋgotze aka tosatŋan mianŋö uruŋe aŋgotpingö akzei, inini i jöhöba aŋgön köl enŋimakze. ¹⁴ O Köna keugö böhi aka mianŋö kapaŋkölköl ambazip! Inini urumelenŋö silesile ambazip aketka lömböt qakŋine öŋgözawaŋgöra mönö wölköba Ye! jizal. Inini malö yeŋgöreŋ miri yuai bidaŋda gagabe köla enŋuaŋgirakze aka qet-buŋaŋini asuhumapköra aka köuluk köröpŋi köuluköba töptöpŋine qemakze. Mianŋöra Anutunöŋ keuŋini jim teköba likepŋi öŋgöŋgöŋi meleŋni enŋö qakŋine öŋgöma.*

¹⁵ *“O Köna keugö böhi aka mianŋö kapaŋkölköl ambazip! Inini urumelenŋö silesile ambazip aketka lömböt qakŋine öŋgöza-waŋgöra mönö wölköba Ye! jizal. Inini kunöŋ Juda ambazip kun akŋapaköra kapaŋ köla köwetŋi köwetŋi kutuba gölmeŋi gölmeŋi lilikömakze. Mewö aketka kunŋan Juda neŋgö ahakmemenöŋ qekötahömawi, i mönö kusum sohom waŋgigetka könöp siaŋö buŋaya kun akŋa. Nanŋini ewö qahöpmö, indimŋi yahöt nanŋini enŋoŋgita böliqölima.*

¹⁶ *“Jeŋinan gömöliiga ambazip böröŋine memba enŋuaŋ-girakzei, lömböt enŋö qakŋine öŋgözawaŋgöra mönö wölköba Ye! jizal. Inini keu kewö jimakze, ‘Kunŋan jöwöwöl jikegö qetŋe keuŋi jöjöpäŋ keunöŋ jim köhöima ewö, mianŋön qahö köhöimapmö, kunŋan jöwöwöl jikegö yuai goulnöŋ memeni mianŋö qetŋe jöjöpäŋ keuŋi jima ewö, jöjöpäŋ keu mianŋön mönö jöhöm waŋgima.’*

¹⁷ *“O jegömöl ambazip mötkutukutuŋini piromŋi! Yuai goulnöŋ memeni aka jöwöwöl jike yahöt mietköreŋök wani yuainöŋ öŋgöŋgöŋi akza? Goulnöŋ nanŋak kömbukŋi qahö akzapmö, jöwöwöl jikenöŋ algetka mianŋön mönö mi mem kömbuhiza.*

¹⁸ *“Keu kun kewö jimakze, ‘Kunŋan altaŋö qetŋi qeta keuŋi jöjöpäŋ keunöŋ jim köhöima ewö, mianŋön qahö köhöimapmö, kunŋan naluk kötin altanöŋ ahözawi, mianŋö qetŋi qeta jöjöpäŋ keuŋi jima ewö, jöjöpäŋ keu mianŋön mönö jöhöm waŋgima.’*

¹⁹ *“O jegömöl ambazip! Naluk kötin aka alta mietköreŋök wani yuainöŋ öŋgöŋgöŋi akza? Naluknöŋ nanŋak eretŋi akzapmö, altanöŋ algetka mianŋön mönö naluk mem kömbuhiza. ²⁰ Mianŋöra kunŋan altaŋö qetŋe keuŋi jöjöpäŋ keunöŋ jim köhöimawi, yaŋön alta aka yuai pakpak altanöŋ ahözawi, mönö mianŋö qetŋe keuŋi jim köhöima.*

²¹ *“Kunŋan jöwöwöl jikegö qetŋe keuŋi jöjöpäŋ keunöŋ jim köhöimawi, yaŋön mönö jike mianŋö aka mianŋöreŋ mal köhöizawaŋgö qetŋe keuŋi jim köhöima. ²² *Mewöyök kunŋan Suepkö qetŋe keuŋi jöjöpäŋ keunöŋ jim köhöimawi, yaŋön Anutugö jakömbuak dum aka mianŋöreŋ tatzawaŋgö qetŋe keuŋi jim köhöima.*

²³ **“O Köna keugö böhi aka mianŋö kapaŋkölköl ambazip! Inini urumelenŋö silesile ambazip aketka lömböt qakŋine öŋgözawaŋgöra mönö wölköba Ye! jizal. Inini nene pakpak mendeŋda bahöŋi 10 mianŋöreŋök mohot Anutugö buŋaya qemakze. Gipŋi, raki aka kiap kösö köt mi mewöyök mendeŋda tenöhök mohot mi Anutugö buŋa qemakze. Naluk mi törörök alakzemö, Köna keugö kötŋi bohonŋi ki mönö ongita mosörakze: Gi ambazip sutŋine ahakmeme diŋdirŋi wuatangöba ak kömum aŋguba keu pöndaŋ wuatangöba malman. Keu bohonŋi mi mönö kapaŋ köla wuatangöba*

* 23:11: Mat 20.26-27; Mak 9.35; 10.43-44; Luk 22.26 * 23:12: Luk 14.11; 18.14 * 23:22: Ais 66.1; Mat 5.34

* 23:23: Lew 27.30

malme aka keu morömorö mi mewöyök kude ongita mosötme. ²⁴ Jeñinan gömöliiga ambazip böröñine memba enğuanğirakzei, iñini söp obuk nembepuköra onjini saiyanoñ kewörakzemö, sömbup ketanji kamel mi lañ gwahörakze. ²⁵ O Köna keugö böhi aka miangö kapañkölköl ambazip! Iñini urumelenğö silesile ambazip aketka lömböt qakñine öngözawangöra mönö wöziköba Yei! jizal. Iñini amöt qem angubingöra qambi aka al nenegö sileñi sañoñ yakömakzemö, dogo jimamonjini qahö galöm köla yuai lañ göröngöba membagun megetka nepaqepalok mianjön uruñini kokolak qei malje.

²⁶ “O jegömöl azi Köna keugöra kapañ kölakzani, gi mönö mutuk qambigö uruñi sañoñnonga sileñan mewöyök sarakñi akña. ²⁷ *O Köna keugö böhi aka miangö kapañkölköl ambazip! Iñini urumelenğö silesile ambazip aketka lömböt qakñine öngözawangöra mönö wöziköba Yei! jizal. Iñini qaksirigö maripomñi sañoñgetka tuatñi akeak, mönö miangö dop akze. Sileñinan eksihimjinambuk tandök akzemö, qaksirigö uruñe qamöt sihit aka yuai imbilonloñambuk mianjön kokolak qei ahöza.

²⁸ “Miangö dop enjön mewöyök ambazip jeñine ölña diñdiñi tandök asuhumakzemö, urumelenğö silesile tandök aka qewöloñnön mönö uruñini kokolak qei malje.”

Bölöñi memenangö likepñi

Luk 11.47-51

²⁹ “O Köna keugö böhi aka miangö kapañkölköl ambazip! Iñini urumelenğö silesile ambazip aketka lömböt qakñine öngöza-wangöra mönö wöziköba Yei! jizal. Iñini kezapqetok ambazip yengö qaksirinöñ simen koum memakze aka ambazip solanñi yengö köt köteñini meñölömakze. ³⁰ Mewö aka kewö jimakze, ‘Neñön amböskonini yengö nalönöñ malbinak ewö, mönö yembuk qahö toroqeinga kezapqetok ambazip yengö sepñinan mönö nengö qaknine qahö öngöbawak.’

³¹ “Mewö jiba mianjön nanñinak kezapqetok ambazip engugeri, yengö isiurupñina akzei, mönö keu mi nanğöba jiba dangunu ewö kinje. ³² Miangöra amböskoninjan siñgisöndok könahiba akeri, miangö dop iñini mönö toroqeba körek ak teköme.

³³ * “O soramem, iñini mönö qatö moröñi ewö akze. Anutunöñ keuñini jim teköi könöp sianöñ gebepuköra mönö denöwö unjuratpeak? Mi mönö osime. ³⁴ Miangöra mötket, nöñön kezapqetok aka mötkutukutu ambazip aka Köna keugö böhi melaim engibi engöreñ kame. Kagetka yengöreñök tosatñi i enguget kömume aka tosatñi maripom qakñe al engime. Tosatñi köuluk miriñine örörahöm engiba keuñini jim teköba ihileknöñ tauköm engiba közöl engigetka taonñi taonñi miangöreñ anakñe.

³⁵ * “Azi solanñi Abelgö sepñan eriga miangöreñök könahiba enguba kota mala Zekaraia jöwöwöl jike kömbukñi aka jöwöwöl alta mietkö sutñire qeget sepñi eri miangöreñ teköyök. Ambazip solanñi yengö sepñini gölmenöñ mokomalgeri, sep pakpak miangö kitipñan mönö engö qakñine öngöma. ³⁶ Nöñön keu ölñi kun kewö jibi mötme: Sepñinanğö kitipñi pakpak mi mönö ambazip merak maljei, engö qakñine öngöi Anutunöñ likepñi meñeñ engii mötme.”

Jisösnöñ Jerusalem könagesö jöpaköm engiyök.

Luk 13.34-35

³⁷ Jisösnöñ jiyök, “O Jerusalem Jerusalem, iñini kezapqetok ambazip enguget kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön mönö miangö dop nalöñi nalöñi göhö könagesöurupki kötala tokom engimangö möta malalmö, iñini mi tököba mala kotket. ³⁸ *Mötket, Anutunöñ mönö jike miriñini andö qeiga sahoñnanök ahöma.

³⁹ * “Mewö ahömapmö, nöñön kewö jibi mötket, iñini ni kunbuk qahö nekñe. Könañgep nalö kun kam kuñgui miangöreñ neka kewö jime, ‘Kembugö qetñe kam neñgizawi, Anutunöñ mönö i kötuëtköm wangima.’ Mewö.”

* 23:27: Apo 23.3 * 23:33: Mat 3.7; 12.34; Luk 3.7 * 23:35: Jen 4.8; 2 Hist 24.20-21 * 23:38: Jer 22.5

* 23:39: Sum 118.26

24

Jöwöwöl jikenöy köndermöndey asuhuma.

Mak 13.1-2; Luk 21.5-6

¹ Jisösnöy jöwöwöl jike mosöta eriga gwarekurupñan yangören kaba jöwöwöl jikegö tohoñ uruñe miri tatkeri, mi Jisös kondel wañgiget. ² Kondel wañgigetka melenña kewö jii mötket, “Miri pakpak mi ölop engekzemö, nöñön keu ölna kewö jibi mötket: Mi mönö köndergetka mirigö köt kun mi köt kungö qakñe qahö ahömapmö, qeqelanñan aka sahoññanök ahöma.” Mewö.

Kahasililiñ aka sesewerowero asuhuma.

Mak 13.3-13; Luk 21.7-19

³ Jisösnöy Oil ip kundunje anda tariga gwarekurupñan nanñinöhök yangören kaba kewö qesim wañgiget, “Böhi, keu jizani, miangö ölni mönö wanat nalönöy asuhum tiñgitma aka göñön kanöñga gölmegö nalöñan tekömangö akñawi, miangö aiwesökñan mönö denöwö asuhum? Mia ölop jinöy mörin!”

⁴ Mewö qesim wañgigetka melenña kewö jiyök: “Kunñan isimkakalek aiga janñun anbepekora mönö galömñini memba malme. ⁵ ‘Ambazip gwötpukñan asuhuba nöñgö qetne kewö jime, ‘Nöñön Amötqeqe Toñi Kraist akzal’. Mewö jiba ambazip gwötpuk tilipköm engime. ⁶ Inñini yarö miengö buzupñini aka ötoñini asuhugetka mörakñe. Mi möta jönömñini undubapukora mönö galömñini meme. Yuai mewöñi mi mutuhök asuhumapkö jijiña. Mi asuhumapmö, gölmegö nalöñan mönö miangörejök zilañ qahö teköma.

⁷ “Kantri kunñan kantri kun engubingöra wahötme. Ambazip kambu kunñan kambu kun yembuk aröñ angubingöra wahötme. Gölmeñi gölmeñi miangörej bödiñi bödiñi (buöröñi buöröñi) asuhume aka kenöy ketañi ketañi mi qözöla memba gölme melenñi gemakña. ⁸ Yuai pakpak mi ambi köröbuknöy masi könahiba engumakzawañgö dop. Gölmegö nalöñan mönö miangö dop könahiba tekömangö akña.

⁹ * “Mewö akñapmö, nalö miangörej tosatñan inñini uruñini melenñerangöra aka gawman yengö böröñine al engigetka sihimbölö ak engiba enguget kömume. Kantri pakpak yengö nöñgöra aka kazik ak engimakñe. ¹⁰ Nalö miangörej gwötpukñan mötnaripñini mosöta angöñañ memba kazik ak angume. ¹¹ Kezapqetok ambazip takapulakañi gwötpukñan asuhuba ambazip gwötpuk kilik-kaluk ak engigetka janñun anakñe.

¹² “Iwilele Toñan sehiba ambazip galöm köl engimawañgöra aka urumelen ambazip sehisehiñi yengö uruñinan amöriiga urukalemñinan söörauma. ¹³ * Kunñan kapañ köla köhöiba böñ qeba kinda maliga gölmegö nalöñan tekömawi, yanön mönö oyaenköyaen buña qem anguma. ¹⁴ Anutugö bemtohoñangö Ölöwak Buña ki mönö mutuk gölmegö kantriñi kantriñi pakpak miangörej jim sehigetka könagesö dop nanñönangö keuñi mötketkun gölmegö nalöñan miangö andöñe teköma.” Mewö

Jerusalem sitigö köndermöndey uru-önönñambuk

Mak 13.14-23; Luk 21.20-24

¹⁵ * “Kezapqetok azi Danielnöy köndermöndey uru-önön-ñambukö keuñi jii ahöza. Keu miangö dop tosatñan kaba köndermöndey aka yuai angöjörakñambuk mi jöwöwöl jike töröñe alget kiniga ekñei, - keu ki oyoñmawañön mönö ölop kezap ala möt kutuma-¹⁶ nalö miangörej Judia prowinsnöy malmei, enñön mönö misingöba öröba kundunje anme. ¹⁷ * Miri kösutñe sombemnöy malmawañön mönö eta gösö yuaiñi memangöra miri uruñe kude öñgöma. ¹⁸ Nupnöy anda malmawañön mönö mewöyök malukuñi memangöra lilingöba mirinöy kude anma.

¹⁹ “Ye! Ambi gölömbuk aka morö juzunöy yengö nalö miangörej denöwö ösumñinan anbeak? ²⁰ Miangöra yuai mi kie uru me Sabat kendongö nalöñe kude asuhumapkora köuluköme.

* 24:9: Mat 10.22 * 24:13: Mat 10.22 * 24:15: Dan 9.27; 11.31; 12.11 * 24:17: Luk 17.31

²¹ **“Mi kewögöra: Nalö miangörej kahasililiñ keta bölökñi asuhuma. Kahasililiñ dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangörejök könahiba nalö kiangörej mala kota nalö sutñe kun kude asuhuyök. Mönöwök qahö asuhuyök aka könangep nalö kunöñ kunbuk qahö ahuma. Miangöra mönö köuluköba malme. ²² Kembunöñ wahöjaliñ nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötöñini mem törima.*

²³ **“Nalö miangörej kewö jime, ‘Mötket! Kraistnöñ ki malja,’ me ‘Eket! Amötqeçe Toñan endu kinja.’ Kunñan mewö jima ewö, mi mönö kude möt narime. ²⁴ Mi kewögöra: Amötqeçe toñi munenji aka kezapqetok ambazip takapulakañi asuhuba angöletot aka aiwesök ketañi ketañi megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök eñololon mem engimegö esapköba kapañ kölgetka janñuñ akepuk. Eñön ölöpñanök galömñini memba malgetka mi osibeak. ²⁵ Mötket! Nöñön yuai pakpak mi qahö asuhuiga qeljiñe lök jibi mötze.”*

Suep gölmegö azi öljän mönö asuhum tiñgitma.

Mak 13.24-27; Luk 21.25-28

²⁶ **“Miangöra ‘Amötqeçe Toñan mönö gölme apopamkölkölñe malja,’ mewö jiget mötme ewö, miangörej mönö kude anme. Me ‘Mötket! Kraistnöñ mönö miri miangö uruñe asuhuba tatzawi,’ mewö jiget möta mi kude möt narime. ²⁷ Mi kewögöra: Suep gölmegö azi öljän kunbuk kamawi, nalö mi mönö wölbilikö dop kewö akña: Mi wehön kotkotñeyök zilañ biliksik ala likepñe wehön gegeñe dop köla asariba ani ekzini, yañön mönö miangö dop asuhuma.*

²⁸ **“Sömbup gisakñan kungen ahöiga, manu köraraknöñ miangörej öröba tokomakzei, miangö dop asuhuma.” Mewö*

Suep gölmegö azi öljän asuhuma.

Mak 13.24-27; Luk 21.25-28

²⁹ **“Wahöjaliñ nalö miangöñ teköiga miangörejök wehön jeñan injañ köliga köiññöñ ömuñ kölma. Senjelau yeñön suepnöhök teköba etme aka suepnöñ uturuköiga miangö öröyuañi mi tatatñini mosöta eñololon aketka sohoma.*

³⁰ **Nalö miangörej Suep gölme azi öljangö aiwesökñan suepnöñ asuhuiga ekñe. Nalö miangörej gölmegö könagesö pakpak yeñön jiñgeñ köla sahötme. Sahöta Suep gölmegö azi öljäñ yañön suepkö kousu qakñe kañgori ekñe. Kukösumñi ketañan saköldiñdijambuk aukñe asuhuiga asakmararañi ekñe. ³¹ Kañgori eketka tömunñi qainñi kun ugetka ötöñi köhöikñi mötketka Suep garataurupñi melaim engiiga yeñön ambazip Anutunöñ nanñangöra möwölöhöm engiyöhi, i gölme görañi likeplikkep euke emuke miangörejök kölolohoba enñuanñitme.” Mewö*

Geröp ipkö dopkeu

Mak 13.28-31; Luk 21.29-33

³² **“Injini geröp ip eka tandökñi mötmöriba dopkeu ki mötme. Böröñan lök oñambuk aiga sinñini yoñgoigetka mi eka möta kewö jimakze, ‘Wehön nalöñan mönö dopdowiza.’*

³³ **Eñön mewöñanök aiwesök miangö dop asuhuiga eka möt asariba könäñi kewö jime, ‘Jisösnöñ mönö nanñunöñ dopdowiza.’*

³⁴ **“Nöñön keu öljäñ kun kewö jibi mötket: Ambazip ki merak gölmenöñ maljei, yeñön qahö kömugetka yuai pakpak jizali, mi mönö yeñgö malmal nalöñine asuhuma. ³⁵ Suep gölmenöñ ayapkömahotmö, nöñgö Buña keunan mönö nalö kunöñ qahö ayapköma.” Mewö.*

Jisös kamawañgö nalöñi mi kunñan qahö mötza.

Mak 13.32-37; Luk 17.26-30, 34-36

* 24:21: Dan 12.1; Ind 7.14 * 24:26: Luk 17.23-24 * 24:28: Luk 17.37 * 24:29: Ais 13.10; 34.4; Eze 32.7; Joel 2.10, 31; 3.15; Ind 6.12-13 * 24:30: Dan 7.13; Zek 12.10-14; Ind 1.7

³⁶ “Suep gölmegö azi öljän kamapmö, dawinöñ kam kuñgumawi, miangö wehöññi me aua nalöñi mi kunjan kun kude mötza. Suep garatanöñ mi qahö mötze. Anutugö Nahönjan mewöyök mi qahö mötza. Iwinöñ nanjök mi mötza. ³⁷ *Mönöwök Noagö nalöñe ambazipnöñ malmalñini qemasolokep qakñe mala ayuhugeri, miangö dop mönö Suep gölmegö azi öljän kunbuk kamawangö nalöñe asuhuma.

³⁸ “O göulu ketanjan qahö kaiga qeljine miangörej ambazip nene lömbuanj ala o köhöikñi nempa ambi kenam bohönjanjögö alget anda kaiga angömeget. Ahakmeme mewö aka memba qemasolokep malgetka Noanöñ wanje urunje öngöyöhi, silim miangörej teköyök. ³⁹ *Teköiga wanat yuai asuhumawi, mi qahö mötketka o göulu ketanjan kaba jinonñi qahö ayuhum engiyök. Könangep Suep gölmegö azi öljän kunbuk kamawi, nalö miangörej ambazipnöñ mewöñanök qemasolokep aka mala ayuhume.

⁴⁰ Nalö miangörej azi yahöt nupnöñ malohotka yetkörejök kun wangita kun mosötme. ⁴¹ Mewöñanök ambi yahöt tawenjan urasiba (bunahöba) tatmahori, yetkörejök kun wangita kun mosötme.

⁴² “Kembunöñ kamawangö nalöñi me auanj qahö mötzeangöra mönö uruguliguli aka malme. ⁴³ *Gwölö malbingö keu ki mönö möt kutume: Sungem aiga kegwek-kahasililij azinöñ wani nalönöñ me auanöñ kamawi, miri toñan mi mötpawak ewö, yanjön mönö gwölö mala mirinji ölpñanök galöm meiga qesinjan öngömamgö osima. ⁴⁴ Injini ‘Suep gölmegö azi öljän nalö kiangörej qahö kanjotma,’ jiba mötmörigetka yanjön mönö nalö miangörejök kanjotma.” Mewö.

Nup azinöñ silekmalak mala ayuhuyök.

Luk 12.41-48

⁴⁵ “Mewö aiga nup meme ambazip sutñine danjön tinj kutuba tosatñi engonjitza? Tosatñan söroraua nup mosötketka kunjan mötkutukutu ölpñanjögö qakñe kapanj köla pöndanj memakzawi, yanjön mönö simbawonj akza. Miri toñan ahakmemeñi kewöta eka kungen anda mirinanjögö öroyuainji mi börönje ali galöm akña. Galöm aka welenqeueurupñi jiyöhanjögö dop köyan köla nalö dinjine gumohom engimakña. ⁴⁶ Mewö köyan köl engiba maliga toñan lilingöba kaba mewö eka mönö simbawonj jima.

⁴⁷ “Nönjön keu öljñ kun kewö jibi mötket: Toñan simbawonj jiba sukinapñi pakpakö galömñi kuñgum wangima. ⁴⁸ Kuñgum wangimapmö, nup meme okonñi yanjön urujan mötmörriba kewö jima ewö, ‘Kembunanjögö kaka nalöñan mönö köröpñi ahöza.’ ⁴⁹ Mewö jiba könahiba nup meme ambazipurupñi engum ureiba közölömbuanj ala söñgaiba o köhöikñi nempa urunji sohoiga engololöñ silekmalak aka malma.

⁵⁰ “Mewö mala nalö kunöñ kembunji kanjotmapköra qahö mambötmawi, mönö miangörej kanjotma. Nalögöra ikmaok injululunj mali mönö aua miangörej kanjotma ⁵¹ qeba yaijapaleñ mem wangiba jim kutuiga urumelengö silesile ambazip ewö könöp sianöñ geba sihimbölö mötma. Mewö möta sahöt gigilahöba irimñini yöhözömgögetka qetñi qeri malme.” Mewö.

25

Ambi seram tengö söpsöp keu

¹ *Jisösnöñ jiyök, “Kunbuk kamami, nalö miangörej Suepkö bemtohoñan kewö akña: Maren lömbuanj nalöñe ambi seram jömukñi tenjan ‘Azi buñabuk aitongöbin,’ jiba kiwanjini memba könanöñ anget. ² Yengörejök 5 mi mötkutukutuñinambuk aketmö, tosatñi 5 yengö mötkutukutuñini mi piromñi. ³ Mötkutukutuñini piromñi yanjön kiwanjini megetmö, könöp (kuwinj) kelökñi * qahö memba anget. ⁴ Mötkutukutuñinambuk yanjön kiwanjini aka kuwinj kelök kirinñini mewöyök memba anget. ⁵ Angetka azi

* 24:37: Jen 6.5-8 * 24:39: Jen 7.6-24 * 24:43: Luk 12.39-40 * 25:1: Luk 12.35 * 25:3: Könöp (kuwinj, qiwinj) kelökñi mi Oil ipkö kötni mözözamgögetka kelökñi mi asuhuyök. Miri söñauiga ip sunje opo köpeiba kelök miangörej kundumgöba kiwa ohotiriba könanöñ angetka 15 minitkö dop jeyök.

bujanöñ zilañ qahö kaiga mambötketka nalö köriyöhanğöra körek yeñgö jeñini böñböñ meiga nöropñini eri sipköba gaun ahöget.

⁶ “Gaun ahögetmö, sunğem bibiñe kunöñ tömun qeri qet kewö mötket, ‘Mötket, azi buña kazawo! Mönö yañğöreñ anda aitöñgöme.’ ⁷ Qet mi möta ambi seram ten mi körekñan wahöta kiwanjini memba möhamğöba ohotiriget. ⁸ Ohotirigetka mötkutukutuñini piromñi yeñön mötmöt ambi yeñğöreñ kaba kewö jiget, ‘Neñgö kiwaninan böközawañğöra eñön mönö kuwiñ kelökñi tosatrji neñgime.’

⁹ “Mewö jigetka mötkutukutuñinambuk yeñön melenđa kewö jiget, ‘Qahö. Mi iñini aka nini dopnine qahö. Mianğöra mönö stuanöñ anda nanjini kuwiñ kelökñini söñğöröñi meme.’

¹⁰ “Mewö jigetmö, kuwiñ kelökñi bohonñi membingöra anda könanöñ malgetka azi bujanöñ mönö mianğöreñök kañğorök. Ambi seram jöjöröba kingeri, yeñön anda yambuk aitöñgöba maren lömbuan miri uruñe öñğögetka nañguñi kölget. ¹¹ *Ambi seram stuanöñ angeri, yeñön mewöyök könañgep kañgota nañgu qeba kewö qetket, ‘Kembu Kembu, mönö nañgu metal neñginöñ!’

¹² “Mewö qetketmö, kewö melenđa jiyök, ‘Qahö. Ni iñini qahö möt engizal. Keu ölña mi jizal.’ ” ¹³ Jisösnöñ söpsöp keu mewö jiba gwarekurupñi yeñğöra keu kewö jii mötket, “Iñini ni kamamañgö nalöñi me auañi kude mötzeañğöra mönö uruguliguli aka malme.” Mewö.

Moneñ esu galöm kölgerañgö söpsöpkeu.

Luk 19.11-27

¹⁴ * “Mönö dopkeu kianğö dop asuhuma: Azi kun miriñi mosöta köröwen kantri kunjan anmamğö möta welenqequeurupñi engoholi kagetka moneñ sukinapñi galöm kölmegöra jim kutum engiba böröñine alök. ¹⁵ Nup memeniñi kewöta ölñi dawik asuhumawañgö dop möta nup meme azi kungöra moneñ esu 5 (Kina 5000,-) wañgiba kun moneñ esu yahöt (Kina 2000,-) wañgiba kun mohok-kun (Kina 1000,-) wañgiyök. Mewö galöm kölmegöra mendenj engiba engömosöta anök.

¹⁶ “Azi Kina 5000,- meyöhañön mianğöreñök anda kölköl-örörö nup meiga moneñ sehiiga esu 5 kunbuk meyök. ¹⁷ Mewöñanök Kina 2000,- meyöhañön anda kölköl örörö nup meiga moneñ sehiiga esu yahöt kunbuk meyök.

¹⁸ “Mewö meyohotmö, azi moneñ esu mohok-kun (Kina 1000,-) meyöhañön mönö mosöta anda gölme esiba azi kembuñangö moneñi löm köla asambörök. ¹⁹ Nalö köröpñi teköiga welenqeçe yeñgö azi kembuñinan lilingöba kaba ‘Nup megerañgö kösohotrñini möta kewötmam,’ jiba köl öröm enjiiga kaget.

²⁰ “Mewö kagetka azi Kina 5000,- meyöhañön jeñe kañgota esu 5 kunbuk toroqeba memba kaba kewö jiyök, ‘Ketañamni mötnöñ, göñön moneñ esu 5 niñginöñi, nöñön mianğö kölköl öröröñi membi sehiiga esu 5 kunbuk asuhuiga memba kazal.’

²¹ “Mewö jiiga azi kembuñan kewö melej wañgiyök, ‘Mi ölop. Gi nup meme azi ölopñi memburik-qemburiki qahö. Gi yuai awamñi memba mi kapañkapañ aka galöm köla malnöñga sehiyök. Mianğöra nöñön yuai gwötpuk göhö böröge albi mianğö galömña malman. Ölop kaba azi kembugi nöñgö miri uruñe kañgota mohotñe sösoñgai aka malbin.’ ²² Azi Kina 2000,- meyöhañön mewöñanök kañgota kewö jiyök, ‘Ketañamni mötnöñ, göñön moneñ esu yahöt niñginöñi, nöñön mianğö kölköl-öröröñi membi sehiiga esu yahöt kunbuk asuhuiga memba kazal.’

²³ “Mewö jiiga azi kembuñan kewö melej wañgiyök, ‘Mi ölop. Gi nup meme azi ölopñi memburik-qemburiki qahö. Gi yuai awamdökñi memba mi kapañkapañ aka galöm köla malnöñga sehiyök. Mianğöra nöñön yuai gwötpuk göhö böröge albi mianğö galömña malman. Ölop kaba azi kembugi nöñgö miri uruñe kañgota mohotñe sösoñgai aka malbin.’

²⁴ “Mianğö andöñe azi moneñ esu mohok-kun (Kina 1000,-) meyöhañön kañgota kewö jiyök, ‘Ketañamni mötnöñ, nöñön könañangi kewö möt yaköyal: Azi kembunan mönö

* 25:11: Luk 13.25 * 25:14: Luk 19.11-27

azi köhöikni könöpñambuk akza. Nangak nene kötni qahö qesiñ gilnönga miangörej mönö töndup ölni sounöñ yandiba memangö mörakzan. Padi kötni qahö esinöñ geiga miangörej mönö töndup ölni qezakömangö mörakzan.

²⁵ “Mewö möt yaköba keñgötni möta anda göhö moneñ esugi mi gölmenöñ asamböt-piga ahöyök. Eknöñ, moneñ esu niñginöñ, miyöhök mönö törörök ki.” ²⁶ Mewö jiba mi wañgiyökmö, azi kembujan meleyda kewö jim wañgiyök, ‘Gi injarere aka welenqege bölöñi akzan! Gi könañamni möt yakönöñ: Nanak nene kötni qahö qesiñ gilbiga miangörej mönö töndup ölni sounöñ yandiba memangö mörakzal. Nanak padi kötni qahö esibi geiga miangörej töndup ölni qezakömangö mörakzal. Nöñgö tandökni mewö möt yaköbagun mönö wuanöñgöra ak sohoba malnöñ?’

²⁷ “Gi nöñgö moneñni benknöñ alnönga dop kölbawak. Benknöñ alnönga qariiga lilingöba kayali, nalö kiangörej mi ölop suñambuk membileñak.” ²⁸ Toroqeba tosatñi yeñgöra jiyök, ‘Inini mönö qölmöm injarere azi miangö moneñ esuñi mi wañgita kun esu 10 miwikñaiyöhi, mönö i wañgime.’

²⁹ * “Dopkeu kiangö könañi kewö: Denike yeñgörej yuai ahözawi, körek yeñgöra mönö toroqeba engiget sehiiiga keleymaleley ahöm engima. Mewö sehimapmö, kungörej yuai kun qahö ahözawi, wañgörej yuai mi mönö mewöyök wañgitketka öne töhöntöhön malma. ³⁰ * Ayop, welenqege azi omañi nupñangö ölni qahö i mönö yaigepñe gilgetka söñaupnöñ gema. Miangörej geba sahöt gigilahöba göboñini yöhözömgögetka qetñi qeri malme.” Mewö.

Jimtekötekögö nalö ketaje kewö asuhuma:

³¹ * “Suep gölmegö azi ölnan kinda Suep garata pakpak enguangita mohotñe kamei, nalö miangörej Suepkö asakmararañan asuhuiga yañön Kiñ Kembugö jakömbuak dumnöñ tatma. ³² Tata jiiga gölmegö ambazip kambu pakpak qezaköm engigetka yañgö jeñe asuhume. Asuhugetka lama galömñan lamaurupñi meme (noniñ) yeñgöreñök mendeñ engizawi, miangö dop i mendeqendeñ ak engima. ³³ Mi ak engiba jiiga lama mi böröñi öñe aka meme (noniñ) mi qaniñe al engime.

³⁴ “Mewö al engigetka Kiñ Kembunöñ böröñi öñe kinmei, yeñgöra kewö jima, ‘Nöñgö Iwinan kötuatköm engii malgeri, inini mönö kaget. Iwi Anutuninan gölme pakpak miwikñaim engiyöhi, nalö miangöreñök lök engöra bemtohoñ mözözömgöba mei jöjöröba ahöba kotzawi, inini mönö kaba mi buña qem anguba malme.

³⁵ ‘Mi kewögöra jizal: Nöñön yakanangö kömumba malbiga inini nene niñgiba malget. Nöñön ogöra qemjen qeba malbiga inini o niñgiba malget. Nöñön kian aka malbiga inini köñ örom niñgigetka miriñine öngöba malal. ³⁶ Nöñön sile esunangöra osiba malbiga inini opo kereñ niñgiba malget. Nöñön kawöl nöhöi ahöbiga inini galöm köñ niñgiba malget. Nöñön kösö mire malbiga inini ni nekingöra miangörej kaba malget.’

³⁷ “Mewö jiiga ambazip solanñi yeñön kewö meley wañgiba jime, ‘Kembu, gi mönö wani nalönöñ yakagahö kömunöñ geke gumohom giñiba malin? Mönö wani nalönöñ ogöra qemjen qeba malnönga geke o giñiba malin? ³⁸ Mönö wani nalönöñ kiana kanöñga geke köñ örom gihiinga mirinine öngönöñga malin? Mönö wani nalönöñ sile esugahöra osiba malnöñga geke opo kereñ giñiba malin?

³⁹ ‘Mönö wani nalönöñ kawöl göhöi ahönöñga geke me kösö mire malnöñga möta gi gekingöra göhöreñ kaba malin?’ ⁴⁰ Mewö jigetka Kiñ Kembunöñ meleyda kewö jii mötme, ‘Nöñön keu ölni kun kewö jibi mötme: Inini nani urumeley alaurupni etqegeñi kiangöreñök kungöra yuai kun akeri, mi pakpak mönö ni ak niñgiba malget.’

⁴¹ “Mewö jiba miangö andöñe böröñi qaniñe kinmei, yeñgöreñ meleyda kewö jima, ‘Iwinan qesuahöm engii malgeri, inini mönö nömosöta kesalget. Könöp sia teteköñi qahö jem öngömawi, mönö miangörej anda geme. Anutunöñ mi Bölöñangö Toñi aka yañgö garataurupñi yeñgöra mözözömgöba meköiga jöjöröba ahöza. ⁴² Mi kewögöra

* 25:29: Mat 13.12; Mak 4.25; Luk 8.18

* 25:30: Mat 8.12; 22.13; Luk 13.28

* 25:31: Mat 16.27; 19.28

jizal: Nöñön yakanangö kömumba malbiga injini nene qahö ningiba malget. Nöñön ogöra qemjeñ qeba malbiga injini o qahö ningiba malget.

⁴³“Nöñön kian aka kabiga injini qahö köl öröm ningigetka miriñine qahö öngöba malal. Nöñön sile esunangöra osiba malbiga injini opo kereñ qahö ningiba malget. Nöñön kawöl nöhöi ahöyal aka kösö mire malalmö, injini ni nekingöra miangöreñ qahö kaba malget.”

⁴⁴“Mewö jiiga yeñön mewöyök meleñ wangiba kewö jime, ‘Kembu, gi mönö wani nalönöñ yakagahö kömunöñ me ogöra qemjeñ qeba malnöñ me kiana malnöñ me sile esugahöra osiba malnöñ me kawöl göhöi ahönöñ me kösö mire malnönnga nini gi qahö welen qem gihiba malin?’

⁴⁵“Mewö jigetka meleñda kewö jii mötme, ‘Nöñön keu ölni kewö jibi mötme: Injini urumeleñ alaurup etqegeñi kienögöreñök kungöra yuai kun qahö akeri, mi pakpak mönö ni qahö ak ningiba malget akza.’

⁴⁶ * “Mewö jii mötketka likepñi meleñ enjii qakñine öngöiga aköm enjii anda sihimbölo nalö teteköñi qahö möta mal öngöme. Mewö mal öngömömö, solanji yeñön oyaenjkoyaen malmal mi nalö teteköñi qahö mal öngöba malme.” Mewö.

26

Jisös qein kömumapkö angöñarj alget.

Mak 14.1-2; Luk 22.1-2; Jon 11.45-53

¹ Jisösnöñ keu pakpak mi jim teköba gwarekurupñi kewö jii mötket, ² * “Silim yahöt teköigun Pasowa kendonñi kam kuñguma. * Injini mi ölop mötze. Kam kuñguiga Suep gölmegö azi ölni mi kian gawman yeñgö böröñine algetka maripomnöñ qegetka kömuma.”

³ Nalö miangöreñ jike nup galöm aka kantrigö jitñememe yeñön tokoba jike nup galöm bohonñi qetñi Kaiafas yangö jakömbuak miriñe tatket. ⁴ Miangöreñ tata denöwö möndönninga Jisös ölöñ memba qeget kömumbawak, miangö könani jaruba kewötket. ⁵ Jaruba kewöta kewö jiget, “Ambazip irimñini seholiiga karimñi karimñi asuhubepuköra mi sösoñgai kendon nalöñe akingö osibin.” Mewö.

Ambi kunöñ Jisös o umköhöwaktambuknöñ miriyök.

Mak 14.3-9; Jon 12.1-8

⁶ Jisösnöñ Betani mirinöñ mala Saimon kun uzikukuñi mem solaniyöhi, yangö mire öngöba tarök. ⁷ * Miangöreñ nene memba tariga ambi kunöñ köt-kirin kun memba yangöreñ kayök. Kirin mi nöluk tuat-tuat qetñi alabastö miangön memeña. Mia o umköhöwaktambuk miangön kokolak qegeña. Yangön mi bohonñi ketanjan memba kaba onji Jisösgö nöropñe mimbiliba miriyök.

⁸ Miriiga gwarekurupñan mi eka urubölo aka kewö jiget, “Mi mönö wuanöngöra mewö ayuhuzawi? ⁹ O kelökñambuk mi bohonñi memegöra ali moneñ öngöñgöñan asuhuiga mi ambazip wanapñi enjiiga dop kölbawak.”

¹⁰ Jisösnöñ urumötmötñini mi ek kutuba kewö jii mötket, “Ambi kiangö uruñi mi wuanöngöra mem böliize? Yangön silik ölopñi ak soroköm ningiiga dop kölja. ¹¹ * Ambazip wanapñi mi nalöñi nalöñi sutñine malmemö, nöñön enjö sutñine nalö dop qahö malmam.

¹² “Nöñön kömumbi löm köl ningimeangöra aka kelök miangön sileni nömiriza. ¹³ Nöñön keu ölni kun kewö jibi mötket: Ölöwak Buña ki kantri igen waigen jim sehigetka anmawi, miangöreñ ambi kiangön yuai ak ningizawi, miangö buñani mohok jiget sehiiga yangöra mötmöriba malme.” Mewö.

Judasnöñ Jisös mamalolo mem wangimangö urumohot ahök.

Mak 14.10-11; Luk 22.3-6

* 25:46: Dan 12.2 * 26:2: Eks 12.1-27 * 26:2: Pasowa mi nanine keunöñ Ak-kömukömu kendon. Keu miangö könani: neñgehoriba neñgongirök. Eksodus 12.15 * 26:7: Luk 7.37-38 * 26:11: Dut 15.11

¹⁴ Nalö miangörej gwarekurupni 12 yeŋgöreŋök kun qetŋi Judas Iskariot yaŋön jike nup galöm yeŋgöreŋ anda ¹⁵*kewö qesim enŋiyök, “Nöŋön Jisös mamalolo mem waŋgiba böröŋine albiga enŋön töwa wania niŋgibeak?” Qesim enŋiiga silwö moneŋ kötŋi 30 oyoŋda böröŋe alget. ¹⁶ Aua miangörejök könahiba Jisös nalö kungen mamalolo mem waŋgimamgö köna möt jaruba köiŋbiŋgöba malök. Mewö.

Jisösnöŋ gwarek yembuk Pasowa lama neget.

Mak 14.12-21; Luk 22.7-13, 21-23; Jon 13.21-30

¹⁷ Beret yistŋi qahö miangö kendon silim mutukŋe (Seqononöŋ) gwarek yetkön Jisösgöreŋ kaba kewö qesim waŋgiyohot, “Böhi! Nini miri denikeaŋgöreŋ anda pasowa lama mözözömgöm gihiziga neman? Sihimgi denöwö ahöza?”

¹⁸ Qesim waŋgiyohotka kewö meleŋnök, “Iŋiri Jerusalem sitinöŋ öŋgöba azi kun mötzali, i miwikŋaiba kewö jiyohotka mötma, ‘Böhinöŋ jiza: Nöŋgö nalönan mönö † dopdowiza. Nöŋön göhö mire kaba gwarekurupni yembuk Pasowa lama membin.’” ¹⁹ Gwarek yetkön Jisösnöŋ jim kutum etkiyöhi, miangö dop aka Pasowa lama mözözömgöyohot.

²⁰ Mare aiga miri söŋauiga Jisösnöŋ gwarekurupni 12 yembuk miri miangörej kaŋgota öŋgöba dum kösutŋe tata nene mendeŋda neget. ²¹ Nene negeraŋgöreŋ Jisösnöŋ kewö jii mötket, “Nöŋön keu öŋŋi kun kewö jibi mötket: Enŋöreŋök kunŋan mönö mamalolo mem niŋgima.” ²² Mewö jii möta miangörejök uruŋinan wösöbirik ketanŋi aiga könahiba nanŋök nanŋök qesim waŋgiba jiget, “Kembu, mönö nöŋgöra jibanbuk?”

²³*Qesim waŋgigetka kewö meleŋnök, “Nömbuk beret kuluŋnöŋ kundumgözawi, mönö yaŋön. ²⁴ Suep gölmegö azi öŋŋan mönö yaŋgöra keu ohoget ahözawaŋgö dop öŋŋa gölme mosöta anmapmö, kunŋan i mamalolo mem waŋgimawi, yaŋgöra mönö Yei! jiba sahötzal. Miangö likepŋi kanjamŋambuknöŋ mönö yaŋgö qakŋe öŋgöma. Azi mi nam körö uruŋeyök qahö asuhubawak, miangön mönö amqem waŋgibawak.” Mewö.

²⁵ Mewö jiiga Judas mamalolo mem waŋgimawaŋön kewö meleŋda jiyök, “Böhi, mi mönö nöŋgöra jibanbuk?” Jisösnöŋ kewö jii mörök, “Jizani, mönö mewö!” Mewö.

Kembubuk semön qöndökŋi neget.

Mak 14.22-26; Luk 22.14-20; 1 Kor 11.23-25

²⁶ Nene memba tata Jisösnöŋ beret memba kötuetaköba mindipköba enŋiba kewö jiyök, “Ki nani busuni. Ki memba neget.”

²⁷ Mewö jiba wain qambi memba saiwap jiba enŋiba kewö jiyök, “Iŋini körek qambi kiangöreŋök neget. ²⁸*Ki nani seŋni. Mi Anutunöŋ ambazip yembuk jöhöjöhö areŋ aiga köhöimapköra seŋni mokoget geiga ambazip gwötpuk yeŋgö siŋgisöndökŋini mosötma. ²⁹ Nöŋön keu kun kewö jibi mötket: Nöŋön wain kösögö öŋŋi ki kiangöreŋ kunbuk toroqeba qahö nemam. Könaŋgep Iwinanŋö bemtohoŋ uruŋe eu taringa közölömbuan almawi, wehöŋ miangörej mönö wain o qainŋi kun mia nemam.”

³⁰ Mewö jiiga söŋŋai liŋet köla mosöta anda Oil ip kundunŋe öŋgöget.

Pitönöŋ Jisös qay kölmapkö jii mörök.

Mak 14.27-31; Luk 22.31-34; Jon 13.36-38

³¹*Öŋgöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza, ‘Nöŋön galöŋŋini qebiga lama kambuŋan deŋme.’

Miangö dop enŋön körek suŋgem kiangöreŋ uruŋini nöŋgöra aka böliiga nömosöta buratime. ³²*Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangörej asuhum enŋimam.”

³³ Mewö jiiga Pitönöŋ meleŋda kewö jii mörök, “Yeŋön körek uruŋini göhöra aka böliiga gömosöta buratime ewö, nöŋön mönö töndup nalö kunöŋ qahö gömosötmmam.”

* 26:15: Zek 11.12 † 26:18: Anutunöŋ Jisös kömumawaŋgö nalöŋi alöhi, miangöra jiza. * 26:23: Sum 41.9

* 26:28: Eks 24.8; Jer 31.31-34 * 26:31: Zek 13.7 * 26:32: Mat 28.16

³⁴ Jiiga Jisösnöñ jii mörök, “Nöñön keu öljñ kun kewö jibi mötnöñ: Kuruknöñ qahö qeriga göñön merak sunjem qañ köñ ñingñöñga indimñi karöbut akña.”

³⁵ Mewö jiyökmö, Pitönöñ kewö jii mörök, “Böhi! Mewö qahöpmö, ni nungugetka göbuk mohotñe kömumbirak, mi töndup nöñön gi qahö qañ köñ gihimam.” Gwarek tosatñi pakpak mewöyök keu miyöhök jiget. Mewö.

Jisösnöñ Gezemane arönöñ köuluköyök.

Mak 14.32-42; Luk 22.39-46

³⁶ Mewö eraum möta anda yembuk arö kun qetñi Gezemane miangöreñ angotket. Angota Jisösnöñ gwarekurupñi kewö jii mötket, “Nöñön endu anda köuluköbiga ñjini ölop nalö sutñe ki nanñinök tatme.” ³⁷ Mewö jiba Pitö aka Zebedigö nahönyahötñi yahöt etkuangita angetka Jisösnöñ könahiba wösöbirik möriga köñjilñan köna böröñi qeköyök. ³⁸ Nalö miangöreñ kewö jii mötket, “Nöñgö urunan mönö kondum köla kotzawangöra aka wösöbirik mötpiga kömukömuñi ak ñingiza. ñjini ölop kiangöreñ tata nömbuk guli malbin.”

³⁹ Mewö jiba nanñök borom kun toroqeba anda simin köla sipköba kewö köuluköba jiyök, “Iwini, gi yuai kun qahö mölölömbizan. Miangöra sihimgi ahöza ewö, sihimbölögö qambiñi kiarñön mönö nöñgö qakne öngöbapüköra noangitman. Noangitman me qahö, mi mönö nangi jit keugahö dop asuhuma. Mi nöñgö sihimgö dop qahö.”

⁴⁰ Mewö jiba lilingöiga gwarekurupñi karöbut yeñön gaun ahöget engeka Pitögö kewö jii mörök, “Ñjini aua mohot-töp nömbuk guli malbingö kude köhöize me? ⁴¹ Uruninan guli malbingö sihimñi mörakzinmö, sileninan lölöwöröñi akza. Miangöra esapesapñöñ et engubapüköra mönö köuluköba guliguli malme.”

⁴² Mewö jii möriga kunbuk engömosöta anda indimñi yahöt aiga kewö köuluköba jiyök, “Iwini, sihimbölögö qambi kiarñön qahö noñgitma ewö, mi ölop nemam-mö, mi mönö nangi jitkahö dop asuhuma.”

⁴³ Köuluköba lilingöiga yeñini böñböñ meyöhangöra kunbuk gaunök ahöget engehök. ⁴⁴ Kunbuk engömosöta likep anda keu miyöhök kunbuk jiba köuluköiga indimñi karöbut ahök. ⁴⁵ Gwarek yeñgöreñ lilingöba kaba kewö jii mötket, “Ñjini toroqeba luhut memba gaunök ahöbingö mötze me? Mötket! Kunöñ Suep gölmegö azi öljñ mamalolo mem wanggiiga bölöñi meme yeñgö böröñine öñgöma. Miangö aua nalöñan lök kam kuñguza. ⁴⁶ Mönö wahötketka anin! Mamalolo mem ñingimawi, yeñön mönö dowe ki kaza.” Mewö.

Jisös qeraköba memba jöhöget.

Mak 14.43-50; Luk 22.47-53; Jon 18.3-12

⁴⁷ Jisösnöñ mewö jiba kiniga miangöreñ gwarekurupñi 12 yeñgöreñök kun qetñi Judas yeñön kambu ketañi kun jitñe mem engiiga kangotket. Jike nup galöm aka kantrigö jitñememe yeñön i melaim engigetka bingö sou ketañi aka lingipñini memba kaget.

⁴⁸ Mamalolo memangö ahöhi, yeñön mutuk yembuk aiwesök keu kewö jöhöba jii mötket, “Nöñön azi numbuñi yöhötim nemami, yeñön mönö mia akza. Mönö i memba jöhöme.”

⁴⁹ Mewö jiba kaba miangöreñök Jisösgöreñ angota “Böhi, böñjöñ!” jiba numbuñi yöhötim neyök. ⁵⁰ Yöhötim neiga Jisösnöñ kewö jii mörök, “Alani, gi wuanöngöra kazani, mi mönö zilañ akñan.” Mewö jiiga azi kambu yeñön Jisösgöreñ kangota qelanjiba memba jöhöget. ⁵¹ Jöhögetka Jisösbuk malgeri, yeñgöreñök kunñan böröñan bingö sou ketañi öröba jike nup galöm bohonñangö welenqeñeñi qeba kezapñi köteköi erök.

⁵² Jisösnöñ mi eka kewö jii mörök, “Mönö mosötnöñ! Bingö sou ketañi körok memei, i mönö körek bingö sou ketañan engui kömume. Miangöra mönö sougi kupinje qenöñ geyök! ⁵³ Nöñön Iwini köuluköbiga ölop bauköm ñingimawi, mi mötzan me qahö? Köuluköm wangibileñahi, yeñön mönö miangöreñök garata yarö kambu † 12 ongita melaim engii kaba bauköm ñingibeak. ⁵⁴ Bauköm ñingibeak ewö, Buña Kimbigö

† 26:53: Rom yeñgöreñ lijön me yarö kambu kun mi yarö azi 6000 miangö dop aka maljema. Miangöra yarö kambu 12 miengö jañgöñini mi Suep garata 72.000 miangö dop.

keuñan mönö denöwö öljambuk akawak? Buña Kimbi keugö dop yuai kianjön mönö asuhumapkö dop jijiña akza.”

⁵⁵ *Nalö miangjöreñök Jisösnöñ yarö kambu yeñgöra kewö jii mötket, “Ni kegwek-kahasililiñ azia qahöpmö, töndup nöñgöra mewö möta bingö sou ketani aka liñgip memba nömemba jöhöbingöra kangetze. Nöñön wehön dop jöwöwöl jikenöñ embuk tata kinda Buña keu kusum engiba malbiga qahö nömiget. ⁵⁶ Mewömö, yuai pakpak ki mönö kezapqetok ambazipnöñ keu ohogeri, mieñön öljambuk akrjapaköra asuhuza.” Jisös jöhögetka gwarek yeñön körek Jisös mosöta buratiba unjurata anget. Mewö.

Jikegö jitnememe yeñön Jisösgö keu nup meget.

Mak 14.53-65; Luk 22.54-55, 63-71; Jon 18.13-14, 19-24

⁵⁷ Yarö azi Jisös memba jöhögere, yeñön i wangita jike nup galöm bohonñi qetñi Kaiafas yangö mire anget. Angetka Köna keugö böhi aka kantrigö jitnememe yeñön miangjöreñ kaba tokoget. ⁵⁸ Angetka Pitönöñ sikepsikep enguatangöba miangjöreñ angota jakömbuak mirigö kiripo uruñe öngöyök. Öngöba teteköñe denöwö asuhumawi, mi ekñangöra welenqege azi yeñgö sutñine tarök.

⁵⁹ Mewö tarökmö, jike nup galöm aka jike kaunsöl kambu yeñön Jisösgö silenöñ alal keu denöwö möndöba nangöinga qeget kömumapkö jim jaruget. ⁶⁰ Jaruba kinda gwöt-pukñan wahöta kinda keu muneñi Jisösgö sileñe ala nangöba jigetmö, töndup könani kun qahö miwikñaiget. Qahö miwikñaigetmö, teteköñe azi yahöt kangota ⁶¹ *kewö jiyöhöt, “Azi kianjön kewö jiiga mörit, ‘Ni ölop Anutugö jöwöwöl jikenñi könderbiga gölmenöñ eriga wehön karöbutkö uruñe mi kunbuk mem wahöta kuñgumam.’ ”

⁶² Mewö jiyöhötka jike nup galöm bohonñan wahöta Jisös qesim wangiba kewö jiyök, “Yeñön göhö silege keu ala nangözei, miangö likepñi kun jiman me qahö?” ⁶³ Qesim wangiiiga Jisösnöñ yuai bölöñi kun qahö ahökmö, töndup keuñi bökö kinök. Keuñi bökö kiniga jike nup galöm bohonñan kewö jii mörök, “Nöñön Anutu malmal Tonangö qetñe kewö qesiba kuñgum gihizal: Gi Anutugö Nahönñi Kraist akzan me qahö, mi törörök jiba jöjöpañ keunöñ jim köhöinöñga mötpin.”

⁶⁴ *Mewö jiiga kewö jiyök, “Jizani, mönö mia. Miamö, nöñön körek engöra kewö jibi mötket: Nalö kewöñeyök könahiba Suep gölmegö azi öljän mönö Kukösum Tonangö böronñi öljne tata suepkö kousu qakñe eri ekñe.”

⁶⁵ *Keu mi jiiga jike nup galöm bohonñan malukuñi munjurata kewö jiyök, “Yei, iwinangö jitñi! Mönö Anutu mepaiköza. Tosatñan keuñi nangömegöra kunbuk qahö qesim engibin. Anutu mepaiközawi, mi dölkü nanñinak möt teköze. ⁶⁶ Miangöra denöwö mötmörize?” Mewö qesim engiiga kewö jim teköget, “Yañön mönö kömupkö buñaya akña.”

⁶⁷ *Mewö jim teköba jeñe söutkölap söutköm miriba böronñinan misiba mesoholñe qekötahöget. Tosatñan nuñgulumñe qekötahöba ⁶⁸ kewö jiget, “Gi kezapqetok azi Kraist akzanangöra dañön guhuzawi, mönö yangö qetñi qetnöñ mörin.” Mewö.

Pitönöñ Jisös qañ kölökö.

Mak 14.66-72; Luk 22.56-62; Jon 18.15-18, 25-27

⁶⁹ Mewö asuhuiga Pitönöñ yaigep kiripo uruñe sombemnöñ tarök. Tari welenqege ambi kunñan yangöreñ kaba kewö jiyök, “Gi mewöyök Galili azi Jisösbuk mohotñe malnöñ.” ⁷⁰ Mewö jiyökmö, körek yeñgö jeñine qañ köla kewö jiyök, “Keu jizani, mi köndatzal.” ⁷¹ Mewö jiba kiripo nangüñe geiga welenqege ambi kunñan i eka azi kösutñe kingeri, mi kewö jii mötket, “Azi kianjön mönö mewöyök Nazaret azi Jisösbuk malök.”

⁷² Mewö jiiga kunbuk qañ köla jöjöpañ keunöñ jim köhöiba kewö jiyök, “Nöñön azi mi qahö möt wangizal.” ⁷³ Nalö borom kun teköiga azi kösutñe kingeri, yeñön Pitögöreñ kota kewö jiget mörök, “Alakña! Göñön mewöyök yeñgöreñök kun akzan! Galili keu jöl jizani, miangön mönö mewöyök mi kondeliga mötzin.” ⁷⁴ Mi möta könahiba nanñi

* 26:55: Luk 19.47; 21.37 * 26:61: Jon 2.19 * 26:64: Dan 7.13 * 26:65: Lew 24.16 * 26:67: Ais 50.6

qesuahöm anguba jöjöpañ keunöñ jim köhöiba jiyök, “Ni azi mi qahö möt wangizal! Munen jibileñak ewö, Anutunöñ mönö likepñi meleş niñgima.” Mewö jiiga miangörenjök kuruk qerök.

⁷⁵ Kuruk qeri möta Jisösnöñ keu kewö jii möröhi, mi mötmöriyök, “Göñön mutuk indimñi karöbut qañ köñ niñginöñga kuruknöñ qetma.” Keu mi mötmöriba wösöñi julmamgö aiga yaigep geba sahöt böliyök. Mewö.

27

Jisös wangita Pailötkö böröñe alget.

Mak 15.1; Luk 23.1-2; Jon 18.28-32

¹ Miri gianjiiga amandine jike nup galöm pakpak aka kantrigö jitne meme (70) yeñön tokoba Jisös qeget kömumapkö keunji eraum mötket. ² Eraum mötket teköiga Jisös jöhöba wangita Rom premiö Pailötkö böröñe alget. Mewö.

Judasnöñ imbi auyök.

Apo 1.18-19

³ *Jisös qeget kömumawangö keunji jim tekögetka Judas mamalolo wangiyöhañön mi möta möt bölim anguba silwö moneñ köt 30 wangigeri, mi memba jike nup galöm aka kantrigö jitnememe yeñgören anda meleşda engiba kewö jiyök, ⁴ “Nöñön singisöndok aka azi köpösilhitñi qahö mi mamalolo mem wangibiga qeget kömuma.” Mewö jiyökmö, yeñön jiget, “Mi neñgören yuaia qahö! Mi mönö nangi manjara!” ⁵ Mewö jiget möta silwö moneñ köt mi memba gil tipköiga jöwöwöl jike uruñe anök. Aniga nanñi mosöta anda imbi auyök.

⁶ Jike nup galöm bohonñi yeñön moneñ köt mi memba kewö jiget, “Moneñ ki mönö azi sepnangö bohonña. Miangöra mi jöwöwöl jikegö moneñ köwenöñ albingö dopñi qahö. Mewö aka Mosesgö Köna keu oñgitpinbuk.”

⁷ Mewö jiba eraum möta moneñ miangön gwakömnöñ kimbut meme azi kungören gölme köröñi kun bohonñi megetka kian ambazip yeñgö qaksiriñina ahök. ⁸ Miangöra aka gölme köröñi miangö qetñi mi nalö kewöñe mewöyök toroqeba ‘Gölme köröñi sepnambuk,’ qerakce.

⁹ *Kezapqetok azi Jeremaianöñ keu qeljiñe jiyöhi, miangön mönö öñhambuk ahök. Keu mi kewö, “Yeñön Israel könagesögö jitnemememini aka azi mi söngöröñi memegöra kewöta algetka silwö moneñ köt 30 ahöhi, mi meget. Mi azigö bohonña.

¹⁰ Yeñön mi memba miangön gwakömnöñ kimbut meme azi kungören gölme köröñi kun bohonñi meget. Mi mönö Kembunöñ jim kutum niñgiyöhangö dop mewö meget.” Mewö.

Pailötnöñ Jisös qesim wangiyök.

Mak 15.2-5; Luk 23.3-5; Jon 18.33-38

¹¹ Nalö miangören Jisösnöñ Pailötkö jeñe kiniga kewö qesim wangiyök, “Öñña, gi Juda yeñgö kiña akzan me qahö?” Qesim wangjiiga Jisösnöñ meleşda jii mörök, “Möñö nangak jizani, mewö.” ¹² Jike nup galöm aka kantrigö jitnememe (70) yeñön keu gwötpuk Jisösgö sileñe ala jigetmö, töndup keu kitipñi kun qahö meleşnök.

¹³ Keu böc kiniga Pailötnöñ Jisös kunbuk qesim wangiba jiyök, “Mötnöñ! Yeñön keu gwötpuk göhö silege ala nañgöba jizei, mi mötzan me qahö?” ¹⁴ Mewö jiyökmö, Jisösnöñ bölöñi kun qahö ahökmö, töndup keu miengö likepñi kun qahö meleşnök. Keu böc kiniga premiönöñ gwötpuk welipköyök. Mewö.

Pailötnöñ Jisös kömumapkö jim teköyök.

Mak 15.6-15; Luk 23.13-25; Jon 18.39-19.16

¹⁵ Rom premiönöñ yambu (yara) dop pasowa sösongai nalöñe kösö mireyök azi mohok sihimñinangö dop qetñi qeta qesigeri, mi pösat engizapma. ¹⁶ Nalö miangören azi

* 27:3: Apo 1.18-19 * 27:9: Zek 11.12-13

kun qetnji Barabas qetkeri, yañön kösö mire tarök. I bölönamñangöra miwidimgögetka malök.

¹⁷ Mewö aiga tokogetka kewö qesim engiyök, “Barabas me Jisös, qetnji Kraist qerakzei, yetköreñök ninia pösat engibi etmapköra mötze?” ¹⁸ Galöm yeñön Jisösgöra körögisigisi mötkeñangöra aka i premiögö böröñe al wañgiget. Mi möta sihimñinanğö mewö qesim engiyök.

¹⁹ Mi mörökmö, jimtekötekögö jakömbuak dum tatatje tariga anömñan buzup keu kun kewö ali kayök, “Ni merak sunğem gaun kun eka miangöreñ azi miangöra aka sihibölö gwötpuk mötzal. Miangöra azi solanji mi mönö lömböt kude wañgiman.”

²⁰ Keu mewö kayökmö, jike nup galöm aka kantrigö jitñememe yeñön ambazip kambu uruesiesi mem engiba kewö jiget, “Mönö Barabas pösata Jisös maripomnöñ qemegöra jiman. Mewö qesim wañgime.”

²¹ Mewö jigetka premiönöñ melenđa qesim engiyök, “Azi yahöt mietköreñök mönö ninia pösat engibi etmapköra mötze?” Mewö qesim engiiga “Barabas!” jiget. ²² Mewö jigetka Pailötnöñ kewö qesim engiyök, “Mewö jizeangöra Jisös, qetnji Kraist qerakzei, nöñön i mönö denöwö ak wañgibileñak?” Mewö qesim engiiga yeñön körek qetket, “Mönö maripomnöñ qeget jiman!”

²³ Mewö qetketka premiönöñ jiyök, “Mi wuanöngöra? Yañön mönö wani bölönja ahök?” Mewö jiyökmö, yeñön mi möta kapan köla toroqeba qet gigilahöba kewö qetket, “Mönö maripomnöñ qeget jiman!” ²⁴ *Mewö qetketka kezap-ölök aketka göjupmajupnöñ kunbuk qariiga Pailötnöñ mi eka möta bim karim asuhubapuköra o memba böröñi ambazip kambu jeñine sanğonđa kewö jiyök, “Azi kiangö sepñi mokoget gemawi, miangön mönö nöñgö qakne qahöpmö, mönö nanjini qakñine öngöma.”

²⁵ Mewö jiiga ambazip kambu körek pakpak yeñön kewö melenğet, “Sepñangö likepñan mönö nini aka nahönböratnini neñgö qakñine öngöma!” ²⁶ Mewö melenğetka Pailötnöñ Barabas pösat engii erökmö, Jisösyia jiiga ihilek wahinambuknöñ qeyöyaköba qeget. Mewö qegetka maripomnöñ qemegöra Rom yarö azi yeñgö böröñine alök. Mewö.

Jisös kukulömbuan ak wañgiget.

Mak 15.16-20; Jon 19.2-3

²⁷ Böröñine aliga Rom premiögö yarö azi yeñön Jisös wañgita premiögö jakömbuak mirigö kiripo uruñe anğotket. Anğota yarö kambu lökñanök öröm engigetka kaba tokoba Jisös liliköm wañgiget. ²⁸ Liliköm wañgiba nanji sile esunji köteköba maluku pisikñi gugakgugak kun löngöt wañgiget. ²⁹ Löngöt wañgiba sötman kösö limbiñđa ila ewö nöropñe kölget geyök. Geiga jehot kun böröñi ölñe ala simin köl wañgiba göngönahit ak wañgiba kewö jiget, “Owe owe, Juda yeñgöreñ kiñ, owe!”

³⁰ Titipepe mewö aka söutkölap qeba jehot öröpñi wañgita miangön nöropñe qeget. ³¹ Mepaqepaik mewö ak wañgim teköba maluku pisikñi gugakgugak mi qeköba nanje sile esu kunbuk löngöt wañgiba maripomnöñ qebingöra wañgita anğet. Mewö.

Jisös maripomnöñ qeget.

Mak 15.21-32; Luk 23.26-43; Jon 19.17-27

³² Anda köna namje azi kun qetnji Saimon miwikñajet. Yañön Afrika siti qetnji Sairini miangö aziña. Miwikñaija kunğum wañgigetka Jisösgö maripomñi memba anğuyök. ³³ Jisös mewö wañgita gölme kun qetnji Golgota mi nanine keunöñ Nöröpsihit, miangöreñ anda anğotket. ³⁴ *Anğota wain o aka marasin qetnji mör mi mindiriba lolonqalon memba nemapköra wañgigetmö, Jisösnöñ mi esapköba memba möta tököyök.

³⁵ *Tököiga kinda maripomnöñ qeget. Qeget kiniga kiawen meget qötöñi ahuiga miangö dop Jisösgö sile esunji sutñine mendenđa meget. ³⁶ Mi memba tata Jisös jeğalöm ak wañgiget. ³⁷ Nöröpñe eu qegerangö könañi kewö ohoba qeget, ‘Juda yeñgö kiñ kembuñina ki.’ ³⁸ Kegwek-kahasililiñ azi yahöt mi yambuk maripomnöñ etkuget. Kun böröñi ölñe, kun qaniñe likeplikep mewö etkuget.

* 27:24: Dut 21.6-9 * 27:34: Sum 69.21 * 27:35: Sum 22.18

³⁹ *Ambazip ongita anda kaba kukulömbuanj aka jelikit aka nörop köla kewö jiget,
⁴⁰ **“Ye! Gi mönö jöwöwöl jike ölop köndenönnga gölmenönj eriga wehön karöbutkö uruñe kunbuk mem wahöt kungumamgö jinönj. O, gi azi qetpuk! Gi Anutugö Nahönña akzan ewö, mönö ölop nangi bauköm anguba maripomnöhök etman.”*

⁴¹ Jike nup galöm, Köna keugö böhi aka kantrigö jitjememe yeñön mewöyök mepaqepaik ak wangiba kewö jiget, ⁴² *“Tosatña bauköm engiba malökmö, nanñi bauköm angumamgö osiza. Yañön Israelgö kinj akza ewö, mönö döлки maripomnöhök eri eka mi möt naribinak. ⁴³ *Yañön Anutu möt narim wangiba ewebibinjambuk mala nanñangöra ‘Anutugö Nahönñi akzal’ jiiga mörin. Ayop, Anutunönj i nalö kewönje meköm wangimamgö mötza me qahöwi, mi ölop ekin.”* Mewö jiget. ⁴⁴ Kegwek-kahasilinj azi yambuk maripomnöñj etkugeri, yetkön mewöñanök uruqeqe keu töhörej jim wangiyohot. Mewö.

Jisösnönj kömuyök.

Mak 15.33-41; Luk 23.44-49; Jon 19.28-30

⁴⁵ Silim bibinj 12 kilok aiga miangöreñök söñaupnönj eta gölme pakpak dop köla ahöiga anda aua karöbutkö dop ahök. ⁴⁶ *Jisösnönj 3 kilok miangöreñ nanñe keunönj kewö qet ketanj qerök, *“Eloi, eloi, lama sabaktani?”* Mi nanine keunönj: Anutuni, Anutuni, mönö wuanönjöra andö nuñguzan?

⁴⁷ Mewö qeriga azi kösutñe kingeri, yeñgöreñök tosatñan mi möta jiget, *“Mönö Elaijagöra qetza.”* ⁴⁸ *Miangöreñök yeñgöreñök kunñan ösumñan anda mömön dö kun kahali tandök mi memba wain o asölñambuknönj kundumgöba ip göröm kitipñe jöhöba suruba Jisös numbuñe eu ali neyök. ⁴⁹ Neyökmö, tosatñan jiget, *“Mönö mosötketka nanñök kinök. Elaijanönj kaba meköi etma me qahöpto, mönö mi ekin.”*

⁵⁰ Mewö aketka Jisösnönj kunbuk qet ketanj qeta söñgöro ösum kondikñi öröba kömuyök. ⁵¹ *Kömuiga miangöreñök jöwöwöl jikegö uruñe opo * kinöhi, miarñön euyök bibiñe jurata eta yahöt ahök. Mewö eriga gölmenönj kenönj ketanjan meiga köt ketanj ketanj mesiñök. ⁵² Qaksirigö köt köteñi miengö numbuñinan nanñök añañigetka ambazipñi sarakñi kömugeri, yeñgöreñök gwötpukñan guliba wahötket. ⁵³ Wahöta qaksirigö köt köteñini mosöta Jisösnönj kömupnöhök wahöröhi, miangö andöñe Jerusalem siti töroñi miangöreñ kaba ambazip gwötpuk asuhum engigetka engeget.

⁵⁴ Suahö galöm aka yarö azi yambuk Jisösgö jegalöm memba malgeri, yeñön kenönj meiga yuai tosatñi pakpak asuhuyöhi, mi eka auruba jönömñini gwötpuk unduiga kenñötporinj aka kewö jiget, *“Yañön mönö ölna Anutugö Nahönña akza.”*

⁵⁵ *Ambi gwötpukñan sikep kinda yuai mi mewöyök eket. Yeñön Jisös wuatangöba Galiliyök kaba welen qem wangiba malget. ⁵⁶ Yeñgö sutñine Magdalagö Maria aka Maria Jeims aka Joses yetkö namñiri aka Zebedigö nahönyahöt yetkö namñiri. Mewö.

Jisösgö qamötñi löm kölget.

Mak 15.42-47; Luk 23.50-56; Jon 19.38-42

⁵⁷ Mare aiga Arimatia azi pomñi kun qetñi Josef kayök. Yañön mewöyök Jisösgö gwarekñi kun ahök. ⁵⁸ Yañön Pailötgöreñ anda Jisösgö qamötñi memamgö qesiyök. Qesiiga suahö azinönj mi Josef wangimegö jim kutum engiyök.

⁵⁹ Jim kutum engiiga Josefnönj anda Jisösgö qamötñi memba eta opo tuatñan esuhuyök. ⁶⁰ Esuhuba memba qaksirinönj anda nanñi köteñ dölokñi kötnönj urorohogetka kinöhi, qamötñi mi miangöreñ alök. Mewö ala köt ketanj kun metaliga köteñ numbuñi közipköiga mosöta anök. ⁶¹ Magdalagö Maria aka Maria alañi kun yetkön miangöreñ köt köteñ mesohol köla tarohot.

* 27:39: Sum 22.7; 109.25 * 27:40: Mat 26.61; Jon 2.19 * 27:43: Sum 22.8 * 27:46: Sum 22.1 * 27:48: Sum 69.21 * 27:51: Eks 26.31-33 * 27:51: Opo mi jöwöwöl jikegö oleni kömbukñi aka oleni töroñi kötökñi mietkö sutñire kinök. * 27:55: Luk 8.2-3

Yarö azi qaksiri galöm meget.

⁶² Sabat kendon tatatköra yuai mözözömgöba ahöba wahöta miangörej jike nup galöm aka Farisi (Köna keugö kapañkölköl) yeñön Pailötkörej anda tokoba kewö jiget, ⁶³*“Ketañamnini, eñololonjö urukunjukunju azi mianñon jebuk malöhi, nalö miangörej kewö jii mörin, ‘Nöñön wehön karöbut teköiga kunbuk guliba wahötmam.’ Neñön keu mi mötmörizin.

⁶⁴ Miangöra göñön ölop yarö aziurupki jinöñ möta qaksirinöñ anda mi törörök jegalöm memba malgetka wehön karöbut teköiga mosötme. Mewö qahö galöm membeak ewö, gwarekurupñan mönö anda qamötñi ölon memba asamböta ambazip kewö jiget mötpeak, ‘Jisösnöñ mönö kömupnöñök wahörök.’ Mewö jigetka tilipqilip eñololon keu kondikñi kianñon mönö eñololon keu mutukñi ongiriga böliqölibapuk.” ⁶⁵ Mewö jigetka kewö jii mötket, “Yarö azi ki mönö ölop enguangita anda al engigetka qaksiri köteñ numbuñi mi törörök galöm köl soroköme.”

⁶⁶ Mewö jii möta qaksirinöñ anda köt köteñangö numbuñe köt ketañi algetka közipköba kinöhi, mi supañi ala yarö azi al engigetka jegalöm köhöikñi meget.

28

Jisösnöñ kömupnöñök wahörök.

Mak 16.1-10; Luk 24.1-12; Jon 20.1-10

¹ Sabat kendon tatket teköiga Sonda söñanök wahöta miri gianjiiga Magdalagö Maria aka alañi Maria kun yetköñ qaksirigö köt köteñ ekitkö anohot. ² Anohotka miangörejök kenöñ ketañi kewögöra meyök: Kembugö garata kunöñ Suepnöhök eta qaksirinöñ kaba numbuñe köt ketañi qetali ani qakñe tarök. ³ Garatagö kaisongolomñi mi wöl ewö aiga malukuñi mi kousu ewö tuat lalamñi ahök.

⁴ Mewö asuhuiga yarö azi qaksiri galöm megeri, yeñön yangöra awöwöliba jönömñini undui kömum töriget. ⁵ Mewö aketka garatanöñ ambi yahöt yetköra keu kewö jiyök, “Jisös maripomnöñ qegeri, inñiri yangöra jaruzahot, mi mötzal. Miangöra mönö keñgötñiri kude mötmahot. ⁶ Nanñak jiyöhangö dop mönö kömupnöñök wahötza. Miangöra ki qahö ahöza. Mönö kaba dum ahöyöhi, salupñi mi ekñahot.

⁷ “Mi eka ösumok gwarekurupñi yeñgöreñ anda buzup keu ki jiyohot mötme, Jisösnöñ kömupnöñök wahötza. Mötket, yanñon mönö qeljiñe mutuk Galili prowinsnöñ anma. Inñini ölop miangörej anda i ekñe. Mötket, nöñön mi lök jibi mötze.”

⁸ Mewö jiiga zilañök qaksiri mosöta keñgötñiri möta töndup önöñi qahö söñgaiba buzup mi memba gwarekurupñi jiyohot mötmegöra ösumñiran anohot. ⁹ Ösumñiran anohotka Jisösnöñ i könanöñ asuhum etkiba “Söñanñiri!” jiyök. Mewö jiiga kösutñe anda sipköba könañe meraköba waikñi memba möpöseim wañgiyohot. ¹⁰ Möpöseim wañgiyohotka kewö jii mörohot, “Keñgötñiri kude mötmahot. Mönö anda munurupñan Galili anmegö keu jiyohotka miangörej anda ni nekñe.” Mewö.

Qaksiri galöm meme yeñön kösohotñini jiget.

¹¹ Ambiyahöt yetköñ köna anohotka qaksirigö köt köteñ galöm meme yarö azi tosatñan sitinöñ kaba jike nup galöm engeka yuai pakpak asuhuyöhi, miangö kösohotñi jiget mötket. ¹² Yeñön mi möta Juda yeñgö jitñememurupñini öröm engigetka mohotñe totoko ala Jisös wahötwahötkö keu asambötpingö keu areñ miwikñaiba monerñ keta bölokñi mi yarö azi engiget.

¹³ Mi engiba kewö jim kutum engiget, “Inñini mönö keu kewö jime: Nini sunñem gaun ahöinga gwarekurupñan ölon kaba qamötñi yonñorö memba anget. ¹⁴ Keu mewö jigetka keu mianñon premiögö kezapñe gei mötma ewö, lömböt enñgö qakñine onñgöbapuköra neñön mönö uruñi mölöwöriba memba eta alinga waimañjat qahö malme.”

* 27:63: Mat 16.21; 17.23; 20.19; Mak 8.31; 9.31; 10.33-34; Luk 9.22; 18.31-33

¹⁵ Mewö jim kutum engigetka miangö dop aka monej memba anda nup keunjini wuatangöget. Mewö aketka Juda yerjon keu mi sutrine jim sehigetka möta malgetka anda nalö kewöne mewöyök mi toroqeba jiget mörakzin. Mewö.

Misin nup membingö jimkutukutuji

Mak 16.14-18; Luk 24.36-49; Jon 20.19-23; Apo 1.6-8

¹⁶*Gwarekurup 11 yerjon Jerusalem mosöta Galili prowinsnöj anda Jisösnöj kunduje anmegöra jiyöhi, miangöreñ öngöget. ¹⁷ Miangöreñ öngöba Jisös eka waikri memba möpöseim wangigetmö, tosatjan yangöra uruyahöt aket. ¹⁸ Möpöseim wangigetka yengöreñ kaba kewö jiiga mötket, “Suepkö aka gölmegö kukösum pakpak mi Anutunöj ninggiiga nöngöreñ ahöza.

¹⁹*“Miangöra injini mönö gölme dop anda ambazip kambu pakpak kewö engömegetka nöngö gwarekurupni akne: I mönö Iwi, Nahön aka Uña Töröñi neñgö qetnine o melun mem engime ²⁰ aka nöñön keu wuatangömegöra jim kutum engiali, mi pakpak tem kölmegöra mönö kusum engiba malme. Mötket, nöñön mönö nalöñi nalöñi embuk mala anda malbiga gölmegö nalöñan teköma.” Mewö.

* 28:16: Mat 26.32; Mak 14.28 * 28:19: Apo 1.8

Mak Ölöwak Buña Maknönj ohoyök. Jim-asa-asari

Mak namñi qetñi Maria, iwiñi qetñi qahö mötzin. Jerusalem siti tonji malget. (Aposol 12.12) Nanñi kösohotñi kun qetñi qahö qeta boñ 14.51-52 miangöreñ ohoi ahöza. Pitönöñ bauköm wañgiiga uruñi meleşniga Buña kusum wañgiyök. Wañgiiga numbutñi Barnabas aka Pol yetpuk liliköba misin nup memba anda Pol mosöta deñnohot. Deñnohotka toroqeba nup memba mala Buña kösohot mohok mohok qezaköba mindiriba kian kantri yeñgöra Grik keunöñ ohoyök. Jisösgö keunji mi Arameik. Mi “Eli eli lama lama sabaktani,” miangö dop.

Jisösnöñ urugö nupñi denöwö memba Anutugö Nahönñi aka ambazip bauköm engiba malöhi, Maknönj keu mi jim asariba ohoyök. Jisösgö nupñi bohonñi karöbut: Buña kusum engiyök, ömewöröme közöl engiyök aka siñgisöndok mosöta kawölñi kawölñi mem ölöwahök.

Buk kiangö bahöñi bohonñi 6 mi kewö:

Keu mutukñi: Jon aka Jisös 1.1-13

Qenjarök nup Galili uruñe meyök 1.14-9.50

Galili mosöta Jerusalem anök 10.1-52

Jerusalem Sonda mohot mala kömuyök 11.1-15.47

Jisösnöñ kömupnöñök wahörök 16.1-8

Wahöta asuhuba Suepnöñ öñgöyök 16.9-20

¹ Amötqeçe Tonji Jisös Kraist mi Anutugö Nahönñi akza. Nönjön yangö Ölöwak Buñañi könahiba ohozal.

Jonöñ Jisösgö köna mesarök.

Mat 3.1-12; Luk 3.1-18; Jon 1.19-28

² *Anutunöñ Suep uruñe Nahönñangöra keu kun jiiga kezapqetok azi Aisaianöñ mi ohoiga yangö Buzup Kimbinöñ kewö ahöza,

“Mötnöñ. Nönjön kolek garatani kun melaibiga qeljine anda ambazip uruñini mindingöba göhö könagi mesariga gönön yangö andöñe gölmenöñ geman.”

³ * “Kolek garata kunöñ gölme qararankölkölñe qeta maliga anda qetñi kewö mötme, ‘Kembunöñ kamawo! Miangöra mönö jöjöröba könarñi mesatket. Mönö uruñini mindingöba könarñi qölöleiget’.”

⁴ Keu miangö dop azi kun qetñi Jon asuhuyök. Qetñi alañi O-melun azi. Asuhuba gölme qararankölkölñe mala kinda Buña keunji kewö jiba malök, “Injini mönö uruñini melengetka nönjön o melun mem engimam. Mewö aketka Anutunöñ siñgisöndokñini sanğorñda mosötma.” ⁵ Mewö jiba maliga Judia prowinsgö miriñi pakpak aka Jerusalem siti yeñön kambuñi kambuñi köla öröba Jongöreñ kaget. Kaba kangota siñgisöndokñini jim miwikñagetka Jonöñ i Jordan o töwatñe o-melun mem engiyök.

⁶ *Jongöreñ silepöke mi kamel jupñan memerñi aiga kembane örigit sömbup silejan memerñi mi jöhöba malök. Neneñamñi mi gawöt jinam aka arökñangö moroñ onji, mia namba malök. Mi pakpak kezapqetok azi Elaija (Elia) yangö dowo. ⁷ Jonöñ keu kewö jim asariba malök, “Nöngö andöne azi kukösumñi köhöikñi kun kama. Yangö kukösumñi öñgöñgöñan mönö nöngöreñ ongitma. Yangön azi öñgöñgöñi akñawangöra nönjön yangö köna esuñangö kösöñi bauköba pösatmamgö qötötangömam. ⁸ Nönjön o töhönöñ melun mem engizalmö, yangön mönö Uña Töröñan melun mem engima.” Mewö.

* 1:2: Mal 3.1 * 1:3: Ais 40.3 * 1:6: 2 Kij 1.8

Jonöŋ Jisös o melun mem wanġiyök.

Mat 3.13-17; Luk 3.21-22; 4.1-13

⁹ Nalö miangöŋ Jisösnöŋ Galili prowinsgö miri Nazaret miangöŋöŋök Jongöŋ kaiga Jordan o töwatŋe o-melun mem wanġiyök. ¹⁰ Mem wanġiiga onöhök koriga miangöŋöŋök Suepnöŋ añaŋiiga Jisösnöŋ uba ehiga Uña Töröŋi melenġa kembö nei ewö aka Jisösgö qakŋe eta meöyk. ¹¹ *Mi ehiga Suep mireyök keu kun kewö asuhuyök, “Göŋön mönö nani wölböt nahöni aknöŋga köröni ölöwahiga geknahöm ak gihizal.” Mewö.

Satanöŋ Jisös esapköba malök.

Mat 4.1-11; Luk 4.1-13

¹² O melun mem wanġiiga miangöŋöŋök Uña Töröŋan Jisös kuŋgum wanġiiga gölme qararankölkölŋe anök. ¹³ Anda wehön 40 miangö dop miangöŋ maliga öme bohönŋini Satan yaŋön esapköm wanġiba malök. Sömbup kalŋi miengö sutŋine maliga Suep garata yeŋön bauköm wanġiba malget. Mewö.

Jisösnöŋ gwarekurupŋi mutukŋi enggohölök.

Mat 4.12-22; Luk 4.14-15; 5.1-11

¹⁴ Könangeŋ Jon kösö mire alget tariga Jisösnöŋ nalö miangöŋ Galili prowinsnöŋ lilingöba anök. Anda Anutugö Ölöwak Buñaŋi jim asariba malök. ¹⁵ *Jim asariba kewö jiyök, “Anutunöŋ bemtohoŋi almawanġö nalöŋan mönö dopdowiza. Anutunöŋ nalö aliga mala malgetka dölkö akza miangöra mönö uruŋini melenġa Ölöwak Buña möt nariget.” ¹⁶ Jisösnöŋ mewö jiba liliköba mala Galili o anġögö göraŋe mötöteiba anda söra örörö azi yahöt ekehök. Qetŋiri Saimon, munŋi qetŋi Andru. Yekŋön mösakŋiri o anġönöŋ söra öröbitköra gila malohot. ¹⁷ Jisösnöŋ etkeka kewö jiyök, “Aziyahöt, iŋiri mönö ni nuatanġöba kayöhotka kusum etkibi ambazip söra ewö öröm engimakŋahot.” ¹⁸ Mewö jiiga miangöŋöŋök mösakŋiri mosöta könahiba Jisös wuatanġöba anöhot. ¹⁹ Jisösnöŋ yetpuk borom kun toroqeba anda Zebedigö nahönŋi Jeims aka munŋi Jon ekehök. Yetköŋ mewöŋanök wanġenöŋ tata mösakŋiri möhamgöba jöhöba malohot. ²⁰ Malohot ekeka miangöŋöŋök etkohölök. Etkoholiga iwiŋiri Zebedi aka moneŋ nup aziurupŋi wanġenöŋ engömosöta könahiba Jisös wuatanġöba andöŋe anohot. Mewö.

Jisösnöŋ öme kun wuatanġöyök.

Luk 4.31-37

²¹ Mewö mohotŋe anda Kaperneam sitinöŋ anġotketka Sabat kendon aiga Jisösnöŋ miangöŋöŋök köuluk miriŋine öngöba Buña kusum engiyök. ²² *Köna keugö böhi ewö qahöpmö, kukösum ahöm wanġiyöhanġö dop kusum engiba ahakmemenġanġö dop akŋegöra jiyök. Miangöra könagesö yeŋön mi eka auruba welipköget.

²³ Köuluk miriŋine miangöŋöŋök nalö miangöŋöŋök azi kun ömenġambuk tariga öme miangön qetŋi kewö qerök, ²⁴ “O Jisös, Nazaret azia! Gi wania ak neŋgimangö akzane? Mönö ayuhum neŋgimangöra kazan me? Ni könaŋamgi möt kutuzal. Gi Anutugöŋe azi Tök-kutukutuŋi mi akzan.”

²⁵ Mewö qeriga Jisösnöŋ tembula kewö jim wanġiyök, “Gi mönö keugi bököiga azi ki mosöta kesalnöŋ.”

²⁶ Mewö jim wanġiiga ömenöŋ azi mi utuköba urepköm wanġiba qet bölöbölö qeta kota mosöta anök. ²⁷ Aniga körekŋan nemböŋini teköiga welipköba qesim anġuba kewö jiget, “Yei! Ki mönö wani yuaia? Ki mötmöt dölköŋi kukösumŋambuk. Yaŋön ömewöröme mewöyök jim kutum engiiga jitŋi tem kölje.”

²⁸ Mewö asuhuiga Jisösgö qetbuñaŋan könöŋpuk sehiba miri kösutŋe tat angeri, miangöŋöŋ anda anda Galili prowins pakpak dop kölö. Mewö.

Jisösnöŋ kawöl ambazip gwötpuk meiga ölöwaket.

Mat 8.14-17; Luk 4.38-41

* 1:11: Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22 * 1:15: Mat 3.2 * 1:22: Mat 7.28-29

²⁹ Jisösnöñ Kaperneam yeñgöreñ köuluk miri mosöta miangöreñök Jeims Jon yetpuk Saimon aka Andru yetkö mire öngöget. ³⁰ Miangöreñ öngögetka Saimongö suhunjan silekönöp kawöl yöhöi ahöyök. Ahöiga buzupñi mi ösumok Jisös jiget mörök. ³¹ Jiget möta yangöreñ anda böröñe memba kököbiiga wahörök. Wahöriga silekönöpñan mosöriga nene ohoba gumohom engiyök.

³² Gumohom engiiga mare aiga wehön jeñi geiga miangöreñ Kaperneam toñi yeñön kinda ambazipñi ambazipñi kawöl ömeñinambuk mi körek enguangita Jisösgöreñ kaget. ³³ Kaperneam taonöhök kambulembenöñ kaba Saimongö miri nangunje tokoget. ³⁴ Tokogetka kinda ambazip kawöl könañi könañi engöhöyöhi, mi gwötpuk mem ölöwak engiyök. Mewöyök ömewöröme yeñön Jisösgö könañi mötkerangöra Jisösnöñ numbuñini muhungöba gwötpuk enguatangöyök. Mewö.

Amöt böröñi Galili körek dop kölök.

Luk 4.42-44

³⁵ Jisösnöñ gaun ahöiga miri wangaran suruiga wahöta miri yaigepñe geba görane anda nanñök tiñ kutuba miangöreñ köuluköyök. ³⁶ Köuluköiga Saimon aka alaurupñi yambuk malgeri, yeñön zilañ könañe anget. ³⁷ Anda miwikñaiba kewö jiget mörök, “Ambazip körekñan mönö göhöra jaruze.”

³⁸ Mewö jigetka möta kewö jiyök, “Miri tosatñi tosatñi liliköba tat anjei, ekze. Nöñön Buña keu miri dop jim sehimangöra eta maljal. Miangöra mönö miri liliköba anbin.”

³⁹* Mewö jiba anda Galili prowins körek liliköba köuluk miriñine Buña keu jiba ömeñi ömeñi mi enguatangöba malök. Mewö.

Jisösnöñ uzikuku azi kun mem solaniyök.

Mat 8.1-4; Luk 5.12-16

⁴⁰ Jisösnöñ taon kunöñ maliga uzikuku azi kunñan kaba simin köla Jisösgö wösöñe geba kewö köuluköm wangiyök, “Göñön sihimgan mem ölöwak niñgimangö mötzan ewö, mönö ni ölop mem solanim niñgiman.”

⁴¹ Mewö jiiga yangöra wösöñi möta böröñi böranda silenji misiriba jiyök, “Nöñön mi akñangö mötzal. Gi mönö solaniman.” ⁴² Mewö jiiga uzikukuñi mi miangöreñök solanii ölöwahök. ⁴³ Solaniiga galöm meme keu köhöikñi wangiba miangöreñök “Ölop anman,” jiyök. ⁴⁴* Goro mi kewö jiiga mörök, “Mötnöñ. Kiañgö buzup keuñi mi kun kude jinöñ mötme. Qahöpmö, mönö jike nup galömgöreñ anda silegi kondel wangiman aka Mosesgöreñ jimkutukutu wuatangöba solanizanangö saiwap nalukñi ala jöwöwöl ohoman. Mi ohonöñ ehiga ambazipñöñ könañamgi möt kutume.”

⁴⁵ Jisösnöñ mewö jiyökmö, yangön anda töndup könahiba keu buzupñi mi gwötpuk jiba maliga sehiyök. Sehiiga Jisösnöñ taonñi taonñi miangöreñ aukñe kunbuk anmamgö osiyök. Osiba taon andöñine miri gwamönñi miangöreñök malök. Miangöreñ maliga miri dop miangöreñök ambazipñi ambazipñi mi yangöreñ kaget. Mewö.

2

Jisösnöñ azi sile likepñi kömukömuñi möhamgöyök.

Mat 9.1-8; Luk 5.17-26

¹ Mewö liliköiga nalö tosatñi teköiga Jisösnöñ lilingöba kunbuk miriñe Kaperneam kayök. Kaiga “Mire malja,” jiget mötket. ² Ambazip gwötpukñan mi möta tokoba yangö miri nangun söndakñe gwözöñda sombemñe kokolak qeget. Kokolak qegetka Jisösnöñ kinda Buña keu jiiga mötket. ³ Mötketka miangöreñ azi kun sile likepñi kömukömuñi, mi wangita yangöreñ kaget. Azi 4:ñan i kululunöñ ala anguba kaget. ⁴ Kagetka gwözöñda kingerangöra aka Jisösgö kösutñe anda albingö osiget. Osiba miri qakñe öngöba Jisösgö bohonñeyök bo esim lulunget. Lulungetka kinimñi ahuiga miangöreñ kawöl azi mi kululunambuk kösönöñ jöhöba algetka geiyök. ⁵ Mewö geiga Anutu möt

* 1:39: Mat 4.23; 9.35 * 1:44: Lew 14.1-32

narim wangigeri, Jisösnöy yengö tandökñini mi ehi dop köliga kawöl azigöra kewö jiyök, “Nahöni! Nöñön singisöndoki mosötzal.”

⁶ Mewö jiiga Köna keugö böhi tosatñan sutñine tata uruñinan kewö mötmöriget, ⁷ “Azi kianön denöwögöra mewö jiza. Mönö Anutu ilita mepaqepaik akza. Anutu mohotñan singisöndoknini mosörakzapmö, azi kunñan mi qahö.”

⁸ Uruñinan mewö mötmörigetka Jisösnöy miangöreyök uruñan mi möt kutuba kewö jii mötket, “Inini mönö wuanöngöra keu mewöñi uruñinan mötmörize? ⁹ Nöñön ‘Singisöndoki mosötzal,’ kawöl azigö mewö jizali, keu miangön mönö awamñanök jijiña. Kunñan mewö jiiga tosatñan keu miangö öñi qahö ekñe. Miangöra mi keu awamñangö dop. Nöñön keu kun kewö jimangö mötzal, ‘Mönö wahöta tumbulahöpki memba anöñ.’ Keu mi mönö lömbötñambuk jijiña akza. Mewö jibiga öñi ahuma me qahöwi, miangön mönö aukñe asuhui ekñe. ¹⁰ Mötket, gölmenöy singisöndok mosötmosötkö kukösumñi mi Sup gölmegegö azi öñangörey ahözawi, inini miangö könañangöra janjuñ malbepuk. Miangöra keu lömbötñi mi azi kiangöra jibi öñi eket,” Mewö jiba azi sile likepñi kömukömuñangö jeñe eka jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi öñambuk akña ewö, keu awamñi mi mönö mewöyök denöwögöra omañi akawak?” ¹¹ Mewö jiba azi sile likepñi kömukömuñi kewö jii mörök, “Nöñön göhöra jizal: Gi mönö wahöta tumbulahöpki memba mirige anöñ.”

¹² Jiiga mönö wahöta miangöreyök tumbulahöpñi memba ambazip pakpak yengö jeñine yaigepñe anök. Mewö aniga körekñan welipköba Anutu möpöseiba kewö jiget, “Yei! Tandök kewöñi mi mönöwök nalö kungen qahö ehin. Qahö. Dölki je murutña ekzin.” Mewö.

Jisösnöy Matyu (Liwai) oholök.

Mat 9.9-13; Luk 5.27-32

¹³ Jisösnöy kunbuk Kaperneam mosöta angönöy geba sak qöhöröñe anda malök. Maliga ambazip kambulembenöy yangörey kagetka Buña keu kusum engiyök. ¹⁴ Anda takis ofis ongitmangö aiga miangörey azi qetñi Liwai Alfiusgö nahönñi tariga eka jii mörök, “Gi mönö nöngö andöne kanöñ.” Mewö jiiga möta wahöta takis nup mosöta Jisösgö andöñe anök.

¹⁵ Anda Liwaigö mire anda nene memba tatkeri, nalö miangörey takis meme azi tilipqilipñinambuk aka singisöndok azi gwötpukñan kaba Jisös aka yangö gwarekurupñi yembuk tata nene mohokñe neget. Gwötpukñan mönö Jisös wuatangöba malget. ¹⁶ Jisösnöy takis meme tilipqilipñinambuk aka singisöndok ambazip tosatñi yembuk tata nene negeri, mi Farisi (Köna keugö kapañkölköl) aka yengörey böhi tosatñan eka Jisösgö gwarekurupñi kewö jim engiget, “Aek! Yanön mönö wuanöngöra takis meme tilipqilipñinambuk aka singisöndok ambazip yembuk tata nene neza? Mi qahö dop kölja.”

¹⁷ Mewö jim engigetka Jisösnöy likepñi kewö jii mötket, “Sile unditundit ambazipnöy doktagöra qahö ak engimakzapmö, kawöl ambazipnöy doktagörey anakze. Nöñön singisöndok ambazip engoholmamgöra kaba maljalmö, ambazip nanñinangö mötketka solanñi akzei, i qahö.” Mewö.

Nene siñgi malmalgö keuñi

Mat 9.14-17; Luk 5.33-39

¹⁸ Nalö miangörey Jongörey gwarekurupñi aka Farisi (Köna keugö kapañkölköl) yeñön nene siñgi malgetka tosatñan Jisösgörey kaba kewö qesiget, “Jon O-melun azigö gwarekurupñi neñön Anutugöra nene siñgi malahakzin. Farisi (Köna keugö kapañkölköl) yengö gwarekurupñinan mewöñanök aka malje. Nangi gwarekurupkan mönö wuanöngöra Anutugöra siñgi qahö malje?”

¹⁹ Mewö qesigetka kewö melerñök, “Öñ! Nini wani nalönöy nene siñgi malakzin? Ambi meme nalöñe azigö andöurupñan könöpñi algetka ambigö sepkitipurupñan yuai mi tökömakze me qahö? Nöñön nani gwarekurupni yengö azi buñaya aka yengö sutñine

köisirik tatzal. Tatpiga yejön miangöra aijölön söngaiba tata siŋgi malbingö osimakze.
²⁰ Osimakzemö, Anutunöŋ noaŋgiri kömumbiga yejön mönö nalö miangöreŋ ölop siŋgi malakje.

²¹ (Ijini malmal walŋi aka sösongai Buŋa dölökŋi mi mindirim etkibingö osime. Miangö keu pasetŋi mi kewö jibi mötket.) Löŋgölöŋgöt walŋi jurariga kunŋan opo dölökŋi qahö saŋgoŋsaŋgoŋi mitiba miaŋön opo su jöhanŋi qahö uhum memba umgöreŋgömakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²² Mewöŋanök kunŋan wain o dölökŋi mi jobö me toru walŋi lama sileŋan memerŋi miangöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miangöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, miaŋön mönö jula kisipisirik eriga nempa kawöl neŋgöhöbapuk. Mewö akapuköra o ölopŋi mi gina ölopŋe umakzin. Ijini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnöŋ Sabat kendongö Kembuŋi akza.

Mat 12.1-8; Luk 6.1-5

²³ *Miangö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga gwarekurupŋan wösöŋini enŋuiga wit ölnŋi mohot mohot könahiba böröŋinan misiba neget. ²⁴ Mewö negerangöra Farisi (Köna keugö kaparŋkölköl) tosatŋan Jisös kewö jiget mörök, “Mötnöŋ, yejön mönö wuanöŋgöra Sabat kendongö nup meme soŋgoŋi oŋgitze?”

²⁵ *Mewö jigetka kewö meleŋnök, “Kiŋ Deiwidnöŋ yarö aziurupŋi yembuk liliköba wösöŋini enŋuiga nenegöra osiba yuia akeri, mi lök nalö kunöŋ oyonget me qahö? ²⁶ *Yaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yejönök nezema. Tosatŋan mi nembepuköra soŋgo ahöiga töndup neyök. Nempa aziurupŋi tok enŋiiga mohotŋe neget. Nalö miangöreŋ azi qetŋi Abiatar yaŋön jike nup galöm bohonŋangö nup memba malök.”

²⁷ Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸ Mewö aiga Suep gölmegö azi ölnŋan mönö Sabat kendongö Kembuŋi mewöyök akza.”

3

Jisösnöŋ azi böröŋi sösröŋgöŋi mem ölöwahök.

Mat 12.9-14; Luk 6.6-11

¹ Jisösnöŋ kunbuk köuluk mire öŋgöiga miangöreŋ azi böröŋi sosoholiŋi kun tarök. ² Miangöreŋ azi böröŋi sosoholiŋi kun tarök. Ambazipnöŋ Jisös keu jakeŋe al waŋgibingöra “Azi mi Sabat kendonöŋ möhamgöma me qahö?” jiba Jisös je galöm memba tatket. ³ Megetka Jisösnöŋ azi böröŋi sosoholiŋi mi kewö jii mörök, “Mönö wahöta jenine kinöŋ.” ⁴ Mewö jiba kewö jii mötket, “Köna keu wuatangöba Sabat kendonöŋ yuai ölopŋi me bölöŋi akin? Ölop kungö bohonŋi jöhöbin me mosöringa kömuma? Wanat kun meinga dop kölma?” Mewö jii möta göröŋ alget.

⁵ Keuŋini göröŋ tatketka lilingöm purik enŋehi uruŋinan köhöikŋi gwözöŋnöhangöra wösöbirik aka kukjejenöŋ enŋehök. Mewö enŋeka azi miangö jiyök, “Gi mönö börögi qötöteinöŋ.” Mewö jiiga böröŋi qötöteiba kunbuk ölöwahök. ⁶ Ölöwahiga Farisi (Köna keugö kaparŋkölköl) yejön yaigep anda miangöreŋök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöŋ kawöl ambazip mem ölöwak enŋiyök.

* 2:23: Dut 23.25 * 2:25: 1 Sml 21.1-6 * 2:26: Lew 24.9

⁷ Mewö megetka Jisösnöñ gwarekurupñi enguangita o angö jitñe anget. Angetka Not prowins qetñi Galili mianğöreñök ambazip kambulelembe yeñön könañe wuatangöba anget. Judia prowins mianğöreñök mewöyök yangöreñ kaget. ⁸ Siti bohonñi qetñi Jerusalem, Saut prowins qetñi Aidumia aka Jordan o likepñeyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öröba kaget. Jisösnöñ angöletot ketañi ketañi memba malöhi, mianğö buzupñi möta mindiqindiriba kangotket. ⁹ *Mewö kangota utal wangibepuköra Jisösnöñ gwarekurupñi kewö jii mötket, “Ölököm ningibepuköra inini mönö wange kun miwikñaiba nongöra dowe alget tarök.” ¹⁰ Mewö jii möta ambazip sehisehiñi mem ölöwak engiba malök. Mianğöra qemjem-mamjen aka sile lölömböröñinambuk pakpak yeñön sileñe misiribingöra liliköba gwötpuk aum metala utal wangiget. ¹¹ Ömerñi ömerñi yeñön Jisös eka jemesoholñe gölmenöñ geba kewö qetket, “Gi Anutugö Nahönñi akzan!” ¹² Mewö qetketka Jisösnöñ qetal engiba könöñamñan aukñe asuhubapuköra soñgo köhöikñi al engiyök. Mewö.

Jisösnöñ gwarekurupñi möwölöhöm engiyök.

Mat 10.1-4; Luk 6.12-16

¹³ Könañep Jisösnöñ kundunje öngöba mianğöreñ nanñi sihimñangö dop azi engoholiga yangöreñ kaget. ¹⁴ Kagetka azi 12 mi yambuk malmegöra al engiba Buña keñi jim sehimegöra melaim engiyök. ¹⁵ Melaim engiba ömewöröme közöl engimegö kukösumñi engiyök.

¹⁶ Mewö aka azi 12 ki kewö al engiyök: Pitö, Jisösnöñ qet mi Saimon wangiyök. ¹⁷ Jeims aka munñi Jon, iwiñiri qetñi Zebedi. Jisösnöñ yetkö qetñiri kun Boanerges qerök. Mi nanine keunöñ Pöndandangö Nahönyahötñi. ¹⁸ Andru, Filip, Bartolomyu, Matyu, Tomas, Jeims Alfiusgö nahönñi, Tadius, Saimon Zelot-politik azia* ¹⁹ aka Judas Iskariot. Kariot azi mianğön könañgen Jisös mamalolo mem wangiyök. Mewö.

Jisösnöñ öme yeñgö kukösumñini ongita qei etza.

Mat 12.22-32; Luk 11.14-23; 12.10

²⁰ Jisösnöñ mi al engiba kunduneyök eta nanñi miriñe kayök. Mire kaiga ambazip kambu ketañi kunbuk kangota tokogetka mönö mianğöra tosolumñi yembuk nene nembangö osiget. ²¹ Osigetka sepkitipurupñan mi möta “Uruñi lök sohoza!” jiget. Jiba geba wangitpingöra anget.

²² *Angetka Köna keugö böhi Jerusalemök kageri, yeñön jiget, “Satangö Katakömulatnön mönö uruñe geiga malja. Yangön öme yeñgö kembuñinangö ösumnön ömewöröme enguatangömakza.”

²³ Mewö jigerangöra Jisösnöñ engoholi kagetka dopkeunöñ kewö jii mötket, “Satanöñ mönö denöwö alañi Satan kun wuatangöbawak? ²⁴ Kantri kungö galömurupñinan sutñine angururuk aka julme ewö yeñön mönö galömkölköl nupñini memba kinbingö osime. ²⁵ Mewöyök miri kungö könagesö yeñön sutñine angururuk aka julme ewö, mönö galömkölköl nupñini memba kinbingö osime. ²⁶ Mewöyök Satangö könagesö yeñön sutñine angururuk aka tuarenjoñ ak angubeak ewö, galömkölkölñinangö ösumñan eriga bemtohoñinan mönö qahöwakñamgö akza.

²⁷ Kunñan azi köhöikñangö köna böröñi mutuk qahö jöhöma ewö, yangön mönö miriñe öngöba qezanda sukinapñi memamgö osima. Mutuk i jöhöi tarigun mönö ölp miriñeyök öroyuainñi pakpak wangita memba anma. (Mianğö dop nöñön mewöyök Satan jöhöba andöñe ömerñi enguatangömakzal.) Mewö.

Singisöndok mosötmosötñi qahö

²⁸ Nöñön keu ölni kun kewö jibi mötme, “Ambazip ketañi moröñi singisöndok ahakzei, mi Anutunöñ mosörakza. Lömbötñambuk me awamñi mepaqepaik akeak

* 3:9: Mak 4.1; Luk 5.1-3 * 3:18: Nasönöl pati zelot yeñön Rom gawman tuarenjoñ aka nanñine kinkin membangöra tuaköpek memba malget. * 3:22: Mat 9.34; 10.25

mönö mi Anutunöŋ saŋgoŋ enŋima. ²⁹ *Saŋgoŋ enŋimapmö, Kunŋan Uŋa Töröŋi ilita mepaikömawi, mianŋö siŋgisöndokŋi Anutunöŋ mönö nalö kunöŋ qahö mosötma. Saumbaŋ! Siŋgisöndok mianŋön mönö qakŋe öŋgöiga nalö teteköŋi qahö Anutugö jeŋe keuŋambuk malma.” Mewö jiyök. ³⁰ “Ömenöŋ uruŋe geyöhawa malja,” Jigeranŋöra aka mewö kusum enŋiyök. Mewö.

Jisösgö nam-munurupŋi.

Mat 12.46-50; Luk 8.19-21

³¹ Mewö eraum mötketka nam-munŋan kaba yaigep kinda yeŋgöreŋ etmapkö keu alget yaŋgöreŋ anök. ³² Aniga ambazip kambu yeŋön liliköm waŋgiba tata kewö jiget mörök, “Mötnöŋ! Göhö nam-mungan mönö yaigep kinda göhöra qesize.”

³³ Jigetka melenŋa kewö jii mötket, “Nöŋgö namni mi daŋön aka munurupni daŋön?” ³⁴ Jisösnöŋ mewö jiba ambazip liliköm waŋgiba tatkeri, i uba enŋeka kewö jiyök, “Eket nöŋgö namni aka munurupni mönö ki. ³⁵ Anutugöreŋ jitsihitŋi tem kölahakzei, mierjön mönö nöŋgö namni aka nen-munurupni akze.” Mewö.

4

Qesiŋ gilŋil azigö dopkeu

Mat 13.1-9; Luk 8.4-8

¹ *Jisösnöŋ kunbuk o aŋgö jitŋe geba könaŋiba kusum enŋiyök. Kusum enŋiiga ambazip kambulembenöŋ yaŋgöreŋ anda tokogetka waŋgenöŋ öŋgöba o aŋgö qakŋe anda tarök. Tariga ambazip pakpak yeŋön aŋgö göraŋe saknöŋ tokoget. ² Mewö tokogetka dopkeu gwötpuk jiba kusum enŋiyök. Kusum enŋiba kewö jiyök.

³ “Mötket! Azi kunŋan nene kötŋi qesiŋ gilmamgöra nupnöŋ anök. ⁴ Anda qesiŋ giliga kötŋi tosatŋan köna jitŋe geba kölget. Geba kölgetka (warawen) neiŋi neiŋi kaŋgota mi nem teköget. ⁵ Kötŋi tosatŋan köt jamönjiŋnöŋ geba kölget. Geba köla mianŋöreŋ gölme gwötpuk qahö miwikŋaiget. Gölme dutŋi qahö ahöyöhaŋgöra korapŋi zilaŋ kotket. ⁶ Kotketmö, wehönöŋ kota enguba jem kutum enŋiiga jalöŋini qahöpköra soholiba gororoŋgöget. ⁷ Kötŋi tosatŋan siriuret waŋŋinambuknöŋ mianŋöreŋ geba kölget. Geba kölgetka mierjön kota qem turugetka böbölohot mem enŋiget. Mewö aka öŋi qahö kuŋguget. ⁸ Kötŋi tosatŋan gölme ölöpŋe geba kölget. Geba köla korapŋini jula wahöta ipŋinaŋgö öŋiŋi ölöpŋi asuhuget. Tosatŋan kötŋini 30, Tosatŋan kötŋini 60, tosatŋan 100 mianŋö dop ahum sehiget.” ⁹ Mewö jiba jim teköyök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ waniŋöra dopkeu jiyök.

Mat 13.10-17; Luk 8.9-10

¹⁰ Kambu ketanŋi yeŋön deŋda angetka Jisösnöŋ nanŋök tarök. Nanŋök tariga gwarekurupŋi 12 aka tosatŋi liliköm waŋgigeri, mi mohotŋe dopkeu kiengö könaŋinaŋgöra qesim waŋgiget. ¹¹ Qesim waŋgigetka kewö melenŋa jiyök, “Anutugö bemtohoŋe aŋgota malbingö keu tölapŋi mi enŋöra aukŋe jibi möt kutuzemö, yaigep maljei, yeŋgöra mi pakpak mönö dopkeunöhök asuhumakza. ¹² *Mewö asuhuiga ‘Nanŋini jeŋinan yuai ekagun könaŋi töndup qahö möt kutume.

Nanŋini Kezapŋinan keu törörök mötagun könaŋi töndup qahö möt asarime.

Mi möt asaribeak ewö, mönö ölöp uruŋini melenŋetka Anutunöŋ siŋgisöndokŋini mosötpawak.’ ”

Jisösnöŋ dopkeugö könaŋi jiyök.

Mat 13.18-23; Luk 8.11-15

¹³ Jisösnöŋ toroqeba kewö jii mötket, “Dopkeu mianŋö könaŋi kewö. Mi kude möt asarize ewö, dopkeu tosatŋi pakpak jimami, mi mönö denöwö möt asaribeak? ¹⁴ Dop Keu mianŋö könaŋi kewö: Qesiŋgilŋil azinöŋ Buŋa keu qesiŋda gilja. ¹⁵ Nene kötŋi köna jitŋe geba kölgeri, mi kewö: Buŋa keu qesiŋ gilgetka ambazip uruŋine gezapmö, mi mötketka

* 3:29: Luk 12.10 * 4:1: Luk 5.1-3 * 4:12: Ais 6.9-10

Satanöŋ miangörejök kaba keu uruŋine qesiŋget geyöhi, mi qeköba enġuangirakza. ¹⁶ Nene Kötni qesiŋniga köt jamönjiŋnönġ geba kölgeri, mi mewöyök ambazip söpsöpŋi kun. Yeŋön Buŋa keu möta miangörejök sösongai qakŋe möt anġön kölakze. ¹⁷ Mewö ahakzemö, uruŋine jalöŋi qahö ahöm enġimapmö, nalö töröptökŋi miyök kin köhöiba malme. Buŋa keugöra aka kahasililiŋ me sesewerowero asuhuiga nalö miangörejök mönö tala enġuma. ¹⁸ Nene kötni qesiŋniga siriuret wahinambuknönġ geba kölgeri, mi kewö: Yeŋön Buŋa keu mötketka uruŋine geza. ¹⁹ Gezapmö, gölmenöŋ malmalgö waimanjatŋi aka moneŋ inap memegö urukönöpŋi ahuba lömbörim enġimakzal. Qet-buŋaŋinambuk akingö köpösönġögetka sihim kömbönari bölöŋi tosatŋan mewöyök uruŋine dumgöba Buŋa keu böbölöhöt mem waŋgize. Mewö aiga öljini qahö gilipitŋi (ambetakŋi) akŋe. ²⁰ Nene kötni gölme ölpŋe qesiŋniga geba kölgeri, mi ambazip kewöŋi: Yeŋön Buŋa keu kezap ala möta möt anġön köla pöndaŋ kinda öljini miwikŋaimakze. Tosatŋan keu jit mohoknöhök kötni 30 miwikŋaimakze. Tosatŋan öljini 60, tosatŋan keu köt mohot mohot mieŋgö öljini 100 mem sehiba miwikŋaimakze.” Mewö.

Lampe mi asakŋi neŋgimapköra ahöza.

Luk 8.16-18

²¹ *Jisösnöŋ keu kun kewö jiyök, “Kunŋan lambe me kiwa memba ohotiriba kimbut me dum bapŋe alma me qahö? Mi waniŋe alma? Mi mönö miangö dum tatatnönġ aukŋe alma. ²² *Mewöŋanök yuai kun asambötket ahözawi, mi mönö aukŋe asuhum tiŋgitmapköra ahöza. Yuai kun köl turuget ahözawi, mi mönö lulunġet kötulmapköra aka ahöza. ²³ Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Denöwö diwelopmen ahuza?

²⁴ *Jisösnöŋ keu kewö jii mötket, “Keu mötzei, mi mönö möt anġön köla urukönimŋine ala köl guliba malme! (Mewö malgetka uruŋini diŋgiiga mötmötŋinan qariiga möt kömume.) Inini tosatŋi yeŋgö keuŋini kewöta jim tekömei, Anutunöŋ mönö jimkutukutuŋini mohot miangö dop nanŋini keuŋini kewöta jim teköma. Dop mi mönö onġita likepŋi meleŋ enġima. ²⁵ *Miangö könaŋi kewö: Kunŋan mötkutukutuŋambuk maljawı, Anutunöŋ mönö mi toroqem waŋgiiga malmapmö, kunŋan mötkutukutuŋi qahö maljawı, Anutunöŋ mönö mötmötŋi moröŋi ahözawi, mi mewöyök qeköba waŋgitma. Mewö.

Buŋa keu kötni mi korapŋambuk.

²⁶ Jisösnöŋ dopkeu kun kewö jiyök, “Anutugöreŋ bemtohoŋi mi kiangö dop: Azi kunŋan nuwe anda nene kötni qesiŋda gilma. ²⁷ Qesiŋda gila anda suŋgem silim ahöba wahöta ahöba wahöriga nene kötnangö korapŋi jula korakze. Denöwö jula korakzei, mi nanŋak qahö möt kutuza. ²⁸ Gölmönöŋ nanŋök nam köli öljı asuhumakza: Mutuk ipŋi, könanġep öljı aka miangö andöŋe öljangö kötni mi körek asuhuba qarim teköme. ²⁹ *Öljı qarim teköba öliiga öljı memegö nalöŋi aiga welenqeŋeurupŋi melaim enġiiga souŋini kapeŋkapeŋgöŋi jitŋinambuk memba öljı membingöra nupŋe anme.” Mewö.

Nejoŋ kötnangö dopkeu

Mat 13.31-32, 34; Luk 13.18-19

³⁰ Jisösnöŋ dopkeu kun kewö jiyök, “Anutugö bemtohoŋi mi wanatpuk dop albinak me wanat söpsöp keu jiba jim asaribinak? ³¹ Mi nejoŋ kötnangö dop kewö akza: Kötni mi morö közözömŋi. Mi gölmegö nene köt pakpak mieŋgö eretŋini akza. Mewö aiga nup gölmenöŋ esize. ³² Esizemö, jula wahöta yöha pakpak enġonġita qariba böroŋi ketanŋi gili anje. Mewö gili angetka könakembagö neiŋi neiŋi mieŋön aipŋini miangö aumŋe alakze.” Mewö.

* 4:21: Mat 5.15; Luk 11.33 * 4:22: Mat 10.26; Luk 12.2 * 4:24: Mat 7.2; Luk 6.38 * 4:25: Mat 13.12; 25.29;
Luk 19.26 * 4:29: Joel 3.13

malöhañon mönö opo sileötañi törörök jöhöba tata uruñi amöriiga imbi mötmötñi pakpak asuhuiga eka awöwöliget. ¹⁶ Kingetka bau mi denöwö geba kömugeri aka azi ömeñambuk yañgöreñ yuai asuhuyöhi, mi ekerañon kösohot yahöt mi jiget mötket.

¹⁷ Möta kinda Jisösnöñ mindimindiri sel gölmeñini mosöta anmapkö ulet wañgiget.

¹⁸ Ulet wañgigetka mosöta wañgenöñ öngömamgöra ahiga azi ömeñambuk malöhañon kaba Jisösbuk mohotñe anda malmamgöra qesiyök.”

¹⁹ Qesiyökmö, Jisösnöñ qetal wañgiba kewö jii mörök, “Gi mönö mirige anda tinitosolomurupki engeka Kembunöñ angöletot ketañi aka ak-kömum gihiyöhi, mianggö kösohotñi jinöñga mötme.”

²⁰ Mewö jiiga mosöta anda Jisösnöñ angöletot ketañi ketañi ak wañgiyöhi, mianggö keuñi könahiba Ten-taon distrik uruñe jim sehiiga körekñan welipköget. Mewö.

Jairusnöñ böratñangöra Jisös köuluköyök.

Mat 9.18-26; Luk 8.40-56

²¹ Jisösnöñ wañgenöñ öngöba lilingöba angö kutuba likepñe kaiga ambazip kambu gwötpukñan yañgöreñ kaba tokogetka angö jitñe kinget. ²² Kingetka köuluk mirigö keu galöm kun qetñi Jairus yañon kaba Jisös eka wösöñe geba simin köl wañgiyök. ²³ Simin köl wañgiba kapan köla köuluköba kewö jiyök, “Böratni moröñan mönö kömumamgö akza. Mönö kaba börogi qakñe alnöñga ölöwaka toroqeba malma.”

²⁴ Mewö jiba Jisös wañgiriga mohotñe anohotka ambazip kambuleembe yeñon andöñire anda ölöqölököba liliköm etkiba anget. Mewö.

Kawöl ambi kunöñ Jisösgö malukuñi misiriyök.

²⁵ Angetka mianggöreñ sutñine ambi kun malök. Yañon (yara) yambu 12:gö dop köiñnöñ ehiga nalö dop kawöl yöhöiga malök. ²⁶ Mewö mala sihimbölö gwötpuk möriiga sile galöm gwötpukñan yañgö nup megetka baukbauk kun kude miwikñaiba malök. Yañon sile galöm ambazip yeñgö töwañinangöra moneñ inapñi körek gila malökmö, kawölñi miangön mönö mem bölim wañgiiga malök. ²⁷⁻²⁸ Mewö mala Jisösgö buzupñi möta kewö jiyök, “Nöñon i oseimangö möt lömböriba malukuñeyök borom kun misiribileñak ewö, mönö ölop ölöwakñam.” Mewö jiba ambazip kambu sutñine Jisösgö andöñe anda malukuñe misiriyök.

²⁹ Misiriiga sepñi mianggöreñök jöpköiga qemjem-mamjenan qahöwahiga sileñan ölöwahiga mörök. ³⁰ Ölöwahiga Jisösnöñ mianggöreök ösumñi kun kutuba anöhi mi möta ambazip kambu sutñine lilingöba jiyök, “Dañon malukuñi misiriza?”

³¹ Mewö jiiga gwarekurupñan kewö jiget mörök, “Ambazip kambunöñ ölököba liliköm gihiba goseize. Mi eka denöwö ‘Dañon nömisiriza?’ jizan?”

³² Mewö jigetmö, Jisösnöñ kunbuk “Dañon mi akza?” jiba mi miwikñaimamgöra lilingöba uba engehök. ³³ Engehiga ambi sileñe angöletot asuhuyöhi, yañon mi möta mianggöra kengetñi möta jönömñi unduiga kaba Jisösgö wösöñe geba simin köla könani pakpak jiiga mörök. ³⁴ Jisösnöñ mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjenan mönö qahöwahiga ölop urubönjörñon anman.” Mewö.

Jisösnöñ Jairusgö böratñi mem guliyök.

³⁵ Keu mewö jiba kiniga köuluk mirigö keu galömñangö mireyök kunñan welen kaba Jairusgöra jiyök, “Böratki kömuza! Mianggöra böhigö qakñe lömböt toroqeba kude alman.”

³⁶ Jiiga Jisösnöñ keu mianggö nöñöñgan aka köuluk mirigö keu galömñi kewö jii mörök, “Kengetki kude mötnöñ! Mönö ni möt narim niñinöñ.” ³⁷ Mewö jiba ambazip tosatñi enögmosöta Pitö, Jeims aka Jeimsgö munñi Jon miyök enguangiri i wuatangöba anget. ³⁸ Anda köuluk mirigö keu galömñangö mire angotketka ambazip kambu göju megetka engehök. Gwötpukñan jingey köla köhöikñanök sahöta amburereñ meget. ³⁹ Engeka mire öngöba kewö jii mötket, “Inini mönö wuanöñgöra göju memba sahötze? Morö miangön qahö kömuzapmö, gaunök ahöza.”

⁴⁰ Mewö jii mötket gönahit ewö aiga gön köl waŋgigetmö, yaŋön i körek enġuatangöba morögö iwinamŋi aka tosatŋi yambuk malgeri, miyök enġuaŋgiriga morönöŋ ahöyöhaŋgöreŋ öŋgöget. ⁴¹ Öŋgögetka börat mi böröŋe memba yaŋgöra jiyök, “Talita kum.” Mi nanine keunöŋ Ambi moröŋi, ni göhöra jizal: Mönö wahötnöŋ!

⁴² Mewö jiiga ambi (yara) yambuŋi 12 mianöŋ mönö mianġöreŋök wahöta kinda anda kayök. Mewö aiga eka kesötŋini yöhözömgöba welipköget. ⁴³ Welipkögetka mianġö buzupŋi kun jiget mötpepukö jiba soŋgo köhöikŋi al enġiyök. Al enġiba ambi moröŋi numbu nene waŋgiget nemapkö jiyök. Mewö.

6

Nazaret yeŋön Jisös andö qeget.

Mat 13.53-58; Luk 4.16-30

¹ Mi asuhuiga Jisösnöŋ Jairusgö miri gölme mosöriga gwarekurupŋan wuatangöba yambuk anda Jisösgö malqarip taonön anġotket. ² Sabat kendonöŋ kaiga köuluk mire öŋgöba Buŋa keu könahiba kusum enġiyök. Kusum enġiiga möta ambazip gwötpukŋan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuŋi mi mönö daŋön kusum waŋgiiga jiza? Aka anġöletot kukösumŋinambuk mewöŋi mi mönö daŋön inahöi böröŋan meiga asuhuze? ³ Azi ki mönö miri kianġö mitimqege azia. Mariagö nahönŋi aka Jeims, Josef, Juda aka Saimon yeŋgö datŋina. Nenurupŋan mönö sutnine ki malje.” Nazaret yeŋön mewö jigetka uruŋinan böliiga mianġöreŋ qaköget.

⁴ *Qakögetka Jisösnöŋ kewö jii mötket, “Kezapqetok azigö sepkitip aka tinitosolomurupŋan mönö nanŋi taonöŋ jijiwilit ak waŋgimakzemö, miri tosatŋi mianġöreŋ mewö qahö.

⁵ Mewö akerangöra Jisösnöŋ kawöl ambazip mohot mohot böröŋi qakŋine ala mem ölöwak enġiyökmö, anġöletot kukösumŋinambuk tosatŋi memamgö osiyök. ⁶ Mewö ahiga mötnaripŋinan qahö asuhuiga yaŋgisenjanangöra aka auruyök. Auruba Nazaret mosöta kösutŋe miriŋi miriŋi liliköba Buŋa keu kusum enġiba malök. Mewö.

Jisösnöŋ gwarekurupŋi 12 melaim enġiyök.

Mat 10.5-15; Luk 9.1-6

⁷ Jisösnöŋ gwarekurupŋi 12 mi enġoholi kagetka könahiba yahöt yahöt pakpak melaim enġiyök. Melaim enġiba ömewöröme közöl enġimegö kukösumŋi enġiyök. ⁸ *Mi enġiba kewö jim kutum enġiyök, “Köna anmeangöra öröpŋini memba anme. Yuai tosatŋi kun kude meme. Köna nalem qahö, gösö qahö me soujeŋi mi irimuŋaŋjine kude jöhöme. ⁹ Köna esu ölop könaŋjine jöhöba maluku semönŋi qahöpmö, mohot meme.”

¹⁰ Mewö jiba kewö jii mötket, “Anda miri denike denike anġotmei, mönö mianġöreŋök mala nup memba taon mi mosöta köna anme. ¹¹ *Anda mala miri kunöŋ anġotketka qahö köl öröm enġiba keuŋini qahö mötketka nesampurekŋini mönö kewö jiba kondel enġime, ‘Nini enġö gölmenöŋ kainga sölbuham köna tambönine mekötahözawi, mi mönö tim tönjöraringa nanŋine lilingöba gema.’ Mewö jigetka könaŋamŋini solanŋi möt kutugetka ölop miri me taon mi mosöta toroqeba anme.”

¹² Mewö jiiga mosöta anda ambazip uruŋini meleŋmegö Buŋa keuŋi jim sehiba malget.

¹³ *Mala öme gwötpuk enġuatangöba kawöl ambazip gwötpuk kelöknöŋ enġömiriba mem ölöwak enġiget. Mewö.

Kiŋ Herodnöŋ keŋgötŋi mörök.

Mat 14.1-12; Luk 9.7-9

¹⁴ *Jisösgö qetbuŋaŋan sehiba kiŋ Herodkö kezapŋe gei mörök. Ambazipnöŋ kewö jiget, “Jon o melun azinöŋ mönö kömupnöhök wahöta nupŋi meiga anġöletot kukösumŋinambuk asuhumakze.”

* 6:4: Jon 4.44 * 6:8: Luk 10.4-11 * 6:11: Apo 13.51 * 6:13: Kemb 5.14 * 6:14: Mat 16.14; Mak 8.28; Luk 9.19

¹⁵ Mewö jigetmö, tosatan kewö jiget, “Mi mönö Elaija (Elia)” Tosatan toroqeba jiget, “Mi kezapqetok azi walji yengöreñök kun.”

¹⁶ Mewö jigetmö, kiñ Herodnön mi möta kewö jiyök, “Jon o melun azi nöñön jibi jölñi kutugeri, yañön mönö kömupnöhök wahöta malja.” Waimanjat möta Mewö jiyök.

Jongö jölñi kutugetka kömuyök.

¹⁷ *Mi kewögöra jiyök: Herodnön munñi Filipkö anömñi Herodias ölöñ meiga Jon o melun azinön kiñ jim wañgiiga opotöröp melaim enñgiiga anda Jon memba jöhöba kösö mire al wañgiget. ¹⁸ Jonön Herodköra keu kewö jiyök: Gi qamböt ki memba mala Köna keu oñgitzan.”

¹⁹ Mewö jiiga Herodiasnön Jon kazik ak wañgiba qeget kömumapkö mörökmö, miangö könañi kun qahö miwikñaiyök. ²⁰ Qahö miwikñaiiba Jonön azi solanñi aka sarakñi töröñi ahöhi, mi möta sel jöhöba kölközizip ak wañgiba Jongöra keñgötñi möta malök. Mewö mala Jongö jitñeyök keu möröhi, mi uruñi kuñgugetka keu gwötpuköra uruyahöt ahök. Mi töndup töndup Jongö keuñi mötmangö sihim mörök.

²¹ Mewö aiga Herodiasnön Jon qemangö könañi qahö miwikñaiiba maliga miangö nalöñi ölöññi kewö kam kuñguyök: Kiñgö ahuahua nalöñan kaiga közölömbuan ala jembon aka suahö galömurupñi aka Galili prowinsgö jitñememe bohonñi mi köl öröm, enñgiiga kaba tatket. ²² Kaba tatketka Herodiasgö böratñan miri miangö uruñe kañgota danis aliga Herod aka yambuk tebol liliköba tatkeri, yeñön miangö eksihimñi gwötpuk mötket. Mewö mötketka kiñnön ambi serangöra kewö jiyök, “Böratni! Wani yuaigöra sihimgi mötzani, mi ölop qesinönga tököm gihimam.” ²³ Mewö jiba keu mi jöjöpañ keunön jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenja likepñi kun gihibiga galömñi akrjan.”

²⁴ Mewö jii möta yaigep anda namñi kewö qesim wañgiyök, “Namni, ni mönö Kiñnön wani yuaiya niñgimapköra qesimam?”

Mewö qesim wañgiiga kewö meleñök, “Mönö jinönga Jon O-melun azigö jölñi yandigetka nöropñi memba kaba niñgiman.”

²⁵ Mewö meleñniga miangöreñök miri uruñe kiñkiñgöba kiñgöreñ öngöba kewö qesiba jiyök, “Kewöni! Nöñön sihimnan kewö mötzal: Göñön mönö jimkutunönga Jon O-melun azigö jölñi yandiba nöropñi memba kaba köndenön algetka mia döldöpki niñgiman.”

²⁶ Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholñine etpapuköra qeqesini andö qemangö möt lömböriba tököyök. ²⁷ Tököba miangöreñök opotöröpñi kun melaiba jiyök, “Gi mönö anda Jongö jölñi yandiba nöropñi memba kaman.” ²⁸ Mewö jiba melaiga kösö miri gwaröñe anda jölñi yandiba nöropñi memba kaba köndenön ala ambi seram mi wañgiiga namñi wañgiyök. ²⁹ Jongö gwarekurupñan miangö buzupñi möta anda qamötñi memba qaksirigö köt köteñnön ala löm kölget. Mewö asuhuyöhangöra kiñ Herodnön könañep Jisösgöra jiyök, “Jonön mönö kömupnöhök guliba wahöta malja.” Mewö.

Jisösnön azi 5000 nene gumohom enñgiyök.

Mat 14.13-21; Luk 9.10-17; Jon 6.1-14

³⁰ Melai melai azi Aposol yeñön Jisösgöreñ kaba tokoba yuai memba ambazip kusum enñgigeri, miangö kösohotñi pakpak jiget mörök. ³¹ Jiget möriga ambazip totnön totnön qösösök kaba anda aketka silenini köñgañiiga nene nembangö nalö qahö ahöyök. Miangöra Jisösnön gwarekurupñi kewö jii mötket, “Iñini mönö kaba gölme kötikñe naninök malbingöra anda borom kun luhut meme.” ³² Mewö jiiga enñgömosöta wañgenön öñgöba gölme kötikñi kungen nanñinök malbingöra anget.

* 6:17: Luk 3.19-20

³³ Angetka ambazipnön mi eka gwötpukñan miangö buzupñi möta taon aka miri dop miangöreñök gölme köna kiñkiñgöba mutuk anda miangöreñ angotket. ³⁴* Angotketka Jisösnön wañgenöhök eta ambazip kambu ketañi engehiga lama galömnini qahö tandök ilingösön lañ malgetka yeñgöra wösönji mörök. Wösönji möta könahiba Buña keu könaji könaji kusum engiyök. Mewö.

Jisösnön azi 5000 nene gumohom engiyök.

³⁵ Mewö aka maliga miri jeñan teköba gemamgö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumamgö akza. ³⁶ Miangöra gi ölop ambazip ki melaim enjinönnga miri aka kouw dowe dowe tat anjei, miangöreñ anda numbu nenenini söngörönji memba neget.

³⁷ Mewö jigetmö, kewö melenđa jii mötket, “Enön mönön nanñinak i nene gumohom engame.” Mewö jiiga jiget, “Neñön mönön denöwö akinto? Nup meme nalö 200:kö töwañi (Kina 1000,-) ahöza. Moneñ mia memba anda nene beret söngörönji memba gumohom engingöra jizan me?”

³⁸ Mewö qesim wañgigetka jiyök, “Nanñine nene beret dawik ahöza? Mi anda eket.” Mewö jiiga gösönjini qeañda jiget, “Beret 5 aka söra yahöt mia memba maljin.”

³⁹ Mewö jigetka Jisösnön ambazip kambu kewö jim kutum engiyök, “Ambazip pakpak, iñini mönön denđa nene nemingö kambu morömorö tokoba lulup görökñe geba tatket.” ⁴⁰ Mewö jim kutum enjiiga kambuñi kambuñi dowe dowe denđa tatket. Kirip tosatñi 100 aka tosatñi 50 mewö mewö tokoba tat anget. ⁴¹ Tat angetka beret 5 aka söra yahöt mi memba Suepnön ui öngöiga kötuatköba beret mindipköba gwarekurupñi enjiiga ambazip kirip dop mendenđa sutñine alget. Söra yahöt mi mewöyöhök kambu pakpak yeñgöra mendenök. ⁴² Mendenñiga ambazip körekmakörek memba nem timbireñ aket. ⁴³ Nem timbireñ aka nene kitipñi kitipñi mosötkeri, mi gwarek yeñön qezakögetka sakap 12 miangöreñ geba kokolak qeyök. Mewöyök söra kitipñi mi mem kiripköget. Mewö. ⁴⁴ Azi beret negeri, yeñgö jañgönjini mi 5000.

Jisösnön o anğö qakñe tiba tiba anök.

Mat 14.22-33; Jon 6.15-21

⁴⁵ Neget teköiga Jisösnön miangöreñök gwarekurupñi jim kutum engiya kewö jiyök, “Iñini mönön wañgenön öngöba qeljiñe o anğö kutuba likepñe Betsaida mire anme. Nönön ölop nalö sutñe ambazip kambu ki melaim engiyagin kamam.” ⁴⁶ Mewö jiba yaizökzök jim engiya engiyubula kundunje öngöba köuluköyök. ⁴⁷ Köuluköba mali mare ahiga nanñik kötikñi kundunje maliga wañgeninan anğö bibiñe anök. ⁴⁸ Ani lökuatnön qeba qem bibihibi nañgöget aniga luhutnön angerangöreñök gila kai lömböriiga bömböngöget. Miri awörañgöiga (3-6 kilok) miangöreñ Jisösnön mewö engeka o anğö qakñe tiba tiba gwarekurupñi yeñgöreñ Kaba enğonğitmamgö ahök. ⁴⁹ O anğö qakñe tiba tiba kaiga eka “Köwet Songorinönñ kazal!” jiba könahiba qeta silatket. ⁵⁰ Qeta silata körek i eka keñgötporin aketmö, Jisösnön miangöreñök keukeu jiba kewö jii mötket,

“Alaurupni! Mönön ewebibiñinambuk saitinğit malme. Nanak kazal. Keñgötñini kude mötme.” ⁵¹ Mewö jiba yeñgöreñ wañgenön öngöiga luhutnön nön qeba görön alök. Görön aliga jönömnini undui önönñi qahö auruget. ⁵² Mutuk beret mem sehiba gumohom engiyöhi, miangö könaji qahö möt asarigetmö, uruñinan gwözönñiga tok auruba tatket. Mewö.

Jisösnön Genesaret mala mem ölölowak nup meyök.

Mat 14.34-36

⁵³ O anğö kutuba likepñe Genesaret mire anğota wañge mosöta saknön geget. ⁵⁴ Wañge mosöta Saknön gegetka ambazipnön Jisös miangöreñök möt kutum wañgiget. ⁵⁵ Möt kutum wañgiba keu algetka kiñkiñgöba mindimindiri sel gölmeñine miri dop liliköget. Lilikögetka möta könahiba kawöl ambazip kululunön anğum engiya Jisösnön miri denike malöhanğö dop enğuañgita kaget. ⁵⁶ Miri dop, taon, miri me kouw kungö uruñe

* 6:34: Jañ 27.17; 1 Kiñ 22.17; 2 Hist 18.16; Eze 34.5; Mat 9.36

anöhangö dop kawöl ambazip enguangita sombemñine al engiget. Al engiba sileje me Jisös malukunangö suje misiribingö ulet wanğiba malget. Misirigeri, körek yerjön mönö ölöwak teköget. Mewö.

7

Ambösakon yerjön keu kusum sohoget.

Mat 15.1-9

¹ Köna keugö kapañkölköl aka miangö böhi tosatñi Jerusalem sitinöhök kageri, yerjön Jisösgöreñ kaba tokoget. ² Nalö miangöreñ Jisösgö gwarekurup tosatñan böröñini kude sanğonnda dom amöt qahö qeba nene negetka engeka uruñini böliyök.

³ Farisi (Köna keugö kapañkölköl) aka Juda ambazip tosatñi pakpak yerjön ambösakon yengö silikñini wuatangöba malget. Miangöra böröñini mutuk sanğon soroköbagun nene nemalget. ⁴ Mewöyök nupnöhök me maketnöhök kamei, mutuk o utuba arim tönjöratagun nene misirimalget. Mewöyök kiwi qambi, közökimbut aka jout pakpak mi sanğonnda amöt qemalget. Silik mewöñi mewöñi mi gwötpuk wuatangöba malget.

⁵ Miangöra Köna keugö kapañkölköl aka miangö böhi yerjön Jisös kewö qesim wanğiget, “Göhö gwarekurupkan wuanöngöra ambösakoninangö silikñini qahö wuatangöba böröñini domamöt qahö qeba töndup nene neze.”

^{6*} Mewö qesim wanğigetka kewö jii mötket, “O urumelengö silesile ambazip, kezapqetok azi Aisaianöñ mönö engö könangamñini törörök indela Buzup Kimbi kun kewö ohoi ahöza,

‘Ambazip kambu kianjön mönö numbu jitñinan ölopñanök göda qem ningimakzemö, uruñinan nönöngan ak ningiba kungen algetka köröwen ahöza.

⁷ Mewö ahöiga nöngö waikni öne töhön memba möpöseim ningimakze.

Köna keu kusum engibin, jiba salupñe ambazip yengö jimkutukutuñini mi numbu o alakze.’

⁸ Aisaianöñ mewö ohoyök. Inini mönö miangö dop Anutugöreñ jöjöpañ keu andö qeba ambösakoninangö silikñi wuatangömakze. Mi qahö dop kölja.”

⁹ Mewö jiba kewö jiyök, “Nanñini silikñini walñi wuatangöbingöra mönö ölopñanök Anutugöreñ jöjöpañ keu qeapkömakze. ^{10*} Miangö keuñi kun kewö: Mosesnöñ kewö jim kutuyök, ‘Iwinangi mönö göda qem etkimakñan,’ aiga ‘Kunñan iwiñi me namñi qesuahömawi, i mönö qegetka kömuma.’ ¹¹ Mewö jim kutuyökmö, inini keu mi onğita kewö jimakze, ‘Kunñan iwinamñi yetköra kewö jima. Wösöni mötzal. Nöngö nangönanğö yuaini buña qem anğubahorak, mi lök Anutugö danğe tahaya albi ahöza. Mi saiwap naluköra kewöta albi ahöza. ¹² Kunñan mewö jiiga dop kölma.’ Mewö jiba jöhöm wanğigetka iwinamñi yetköra baukbauk kun qahö toroqeba etkimakña. Mi qahö dop kölja. ¹³ Yei! Mewö aka nanñini ahakmemeninangö silikñini jim kutuba miangön Anutugöreñ jöjöpañ keu utala omañi aka pömsöm qemakza. Inini yuai mewöñi gwötpuk ahakze.” Mewö meler engiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnöñ ambazip kambu kunbuk engoholi kagetka kewö jii mötket, “Inini mönö körek keu ki kezap ala möt asarime. ¹⁵ Azi yaigepñeyök yuai uruñe gemakzawi, miangön mönö tölohom wanğimangö osimakzapmö, nanñi urukönömñeyök keu kota erakzawi, miangön mönö tölohom wanğimakza. ¹⁶ Kunñan kezapñambuk malja ewö, yanjön mönö keu ki kezap ala möt kutuma.” Mewö.

¹⁷ Jisösnöñ mewö jiba ambazip kambu engömosöta anda miri kunöñ öngöyök. Öngöba tariga gwarekurupñan dopkeu miangö könangöra qesiget. ¹⁸ Qesigetka kewö jii mötket, “O alaurupni, inini mewöyök mötmötñini ölopñi qahö akze me? Nene yuai azi yaigepñeyök uruñe gemakzawi, mi tölohom wanğimangö osimakza. Mi möt kutuze me

* 7:6: Ais 29.13 * 7:10: Eks 20.12; 21.17; Lew 20.9; Dut 5.16

qahö? ¹⁹ Mi urukönömne qahö gemakzapmö, kömgokne geba yaigep erakza.” Jisösnön keu mewö jiba mianjön “Numbu nene pakpak mem sarahim teköyök.”

²⁰ Jisösnön toroqeba kewö jiyök, “Azi urukönömneyök keu kota erakzawi, mianjön mönö tölohom wangimakza. ²¹ Ambazip uru könömñineyök yuai kewöni asuhuba korakza: Keu bölöni mötmöriba serowilin akingö mörakze. Yongorö memba suna jinañ memba ambazip enguget kömumegö mörakze. ²² Qesabulum akingö mörakze. Membagu membingö nepaqepalok köpösöngömakze. Bidañda gatmisimisi, jiliwitiñ aka isimkakalek akingö mörakze. Lösö jiba urupik akingö mörakze. Kezapjupjup aka körögisigisi akingö mörakze. Söngöröqök mala andöqeqe keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze. ²³ Yuai bölöni pakpak mianjön mönö ambazip uru könömñineyök kota ambazip tölohom engimakza.” Mewö.

Kenan ambi kunjan kapañ köla köuluköyök.

Mat 15.21-28

²⁴ Jisösnön wahöta Genesaret gölme mosöta siti qetñiri Taiö aka Saidon mietkö distrik qetñi Fonia mianjö uruñe anök. Anda miri kunön öngöba buzupñi kunjan mötpapuköra numbuñini muhungöyökmö, töndup tölapne malmamgö osiyök. ²⁵ Osiiga mianjöreñök ambi kun böratñi moröñan ömeñambuk maliga Jisösgö buzupñi möta yangöreñ kaba könañe geba simin kölök. ²⁶ Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yañön böratñangö uruñeyök öme közölmapköra ulet wangiyök. ²⁷ Ulet wanggiiga kewö jii mörök, “Juda nini mutuk nanine nahönböraturnpini gumohom engiinga bikñi enguma. Mianjöra morö yengö miriñineyök beret memba kiam engiinga qahö dop kölbapuk. Juda nini kianurup engö qetñini kiam qerakzin. Nöñön mutuk Juda ambazip bauköm engibiga kantri tosatñi erjön mönö kiamgö dop mamböta malme.”

²⁸ Mewö jii möta kewö meleñnök, “Kembu, mi ölop mötzalmö, kiam moröñi yeñön mönö mewöyök morö yengöreñ nene boromñi tebol bapne eriga nemakze.”

²⁹ Mewö meleñniga Jisösnön kewö jii mörök, “Keu mewö jizanañgöra ölop möt gihizal. Öme mianjön mönö döлки böratki mosöta anja. Mianjöra ölop anman.”

³⁰ Mewö jii möta miriñe ani ömenöñ böratñi mosöriga dumne ahöiga ehök. Mewö.

Jisösnön azi kun möhamgöyök.

³¹ Jisösnön kunbuk Taiö siti gölme mosöta Saidon sitinön anda ongita mösököba Tentaon gölmegö bibiñi ongita Galiligö o angö kösutne kayök. ³² Kaiga kezapduhup azi kun keuñi qahöwakñapköra ahöhi, mi wangita Jisösgöreñ kaget. Kaba böronñi nöropne almapköra qesim wangiget. ³³ Qesim wangigetka azi mi wangita ambazip kambu mosöta kungen anohot. Anda Jisösnön böro suapñi kezapne ala kinda kunbuk nanñi böro suapne söutköba nesilamne misiriyök. ³⁴ Misiriba suepnön ui öngöiga osongombuk köuluköba nanñe keunön “Efata,” nanine keunön Tohonön! mewö jiyök.

³⁵ Mewö jiiga kezapyahötñan tohoyohotka nesilamñan lolohoiga keuñi ölopñanök jiyök. ³⁶ Jiiga Jisösnön mianjö buzupñi ambazip jiget mötpepuköra qetal engiyök. Qetal engiba kapañ köliga yeñön mi kapañ köla jim sehiba malget. ³⁷ Jim sehiba malgetka ambazipnön kamböñda welipköba kewö jiget, “Yuai pakpak ölopñanök ahakza. Kezapduhup kezapñini metohoiga mötketka ambazip mötökñi yengö nesilamñini pösariga keu jimakze.” Mewö.

8

Jisösnön ambazip 4000 nene gumohom engiyök.

Mat 15.32-39

¹ Nalö mianjöreñ ambazip kambu ketanjan dumne kunbuk tokoget. Neneñini qahö malgerañgöra Jisösnön gwarekurupñi engoholi yangöreñ kagetka kewö jii mötket, ² “Nöñön ambazip kambu kienjöra wösöni mötzal. Yeñön nöngöreñ kaba wehön karöbut lök mala kotketka neneñini qahöwahiga ekzal. ³ Yengöreñök tosatñan köröwenök kaba

malgetka nöñön 'Ölöp miriñine anme,' jibi nene qahö negetka öne melaim engbiga könänön anda mala kembra jeñini gili tirinbirin akepuk."

⁴ Mewö jiiga gwarekurupñan melenða kewö jiget mörök. "Gölme qararankölkölñe kiangörej kunñan mönö denikeyöhök numbu nene mewöñi mi mönö miwikñaiba kambu ki gumohom engibawak?"

⁵ Mewö möta kewö qesim engiyök, "Engörej beret dawik ahöza?" Qesim engiiga "Beret 7 ahöza," jiget.

⁶ Jigetka Jisösnön ambazip kambu mi gölmenön geba tatmegöra jim kutum engiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi engiba ambazip kambu dop sutñine almegöra jiyök. Mewö jiiga miangö dop alget. ⁷ Yeñgörej söra morömorö tosatñi mewöyök ahöyök. Mi tok memba kötuatköba ambazip kambu dop sutñine toto qem engimegöra jim kutuyök. ⁸ Jim kutuiga engiget memba nem timbirengöget. Nem timbirengöba nene kitipñi mosötket geyöhi, mi sakap 7 miangörej qezakögetka numbuñe qeyök. ⁹ Azi nene negeri, yeñgö jañgöñi mi 4000. Negetka melaim engiiga miriñine anget. Mewö.

Böhi tosatñan angöletot ekingöra kapañ kölget.

Mat 16.1-4

¹⁰ Angetka miangörejök gwarekurupñi yembuk wañgenön öngöba distrik qetñi Dalmanuta miangörej anget. ¹¹ *Farisi (Köna keugö kapañkölköl) tosatñan miangörej kaba Jisösbuk könahiba jitnakölik aket. Keu bötaknön örömapköra esapköm wañgiba kewö kapañ köla qesiget, "Mönö jinöñga Suepnöhök angöletot kun asuhuiga ekin." ¹² *Mewö jigetka uruñan lömböriiga osongombuk qeiga jiyök, "O ambazip nalö kewöñe gölmenön maljei, iñini mönö wuanöngöra Anutugö aiwesök asuhumapköra kapañ kölakze? Nöñön keu öñji kun kewö jibi mötme: Anutunön aiwesök mewöñi mi qahö memba kondel engima. Ombañ saumbañ!"

¹³ Mewö jiba engömosöta kunbuk gwarekurupñi yembuk wañgenön öngöba angö kutuba likepñe angotket. Mewö.

Farisi aka Herod yeñön wösökömbuk ewö akze.

Mat 16.5-12

¹⁴ Miangörej angota semön memingö ölum enguiga beret mohot-töp mia wañgenön memba tatket. ¹⁵ *Tatketka Jisösnön kewö jim kutum engiyök, "Iñini Köna keugö kapañkölköl (Farisi) yeñgö wösökömbukñini aka Herodkö gipmi kakñi mietköra mönö galömñini meme. Mi ölpñanök qahö kewöta andö qegetka mietköñ mönö yist ewö qariba mem bölim engimahot."

¹⁶ Jiiga keu pasetñi mi qahö möt asariba sutñine kewö eraum mötket. "Beretnini qahöpköra jiza me denöwö?"

¹⁷ Mi eraum mötket kezapñe geiga kewö jii mötket, "Wuanöngöra beretnini qahö jiba eraum mötze? Nöñgö könanamni mi wuanöngöra qahö möt kutuze? Mi tok qahö möt asarize me? Urukezapñinan gwözöñda tatza me? ¹⁸ *Jeñini ahözapmö, töndup qahö ek kutuze me? Kezapñini ahözapmö, töndup qahö möt asarize me? Yuai asuhuyöhi, mi ölum enguza me qahö? ¹⁹ Nöñön beret 5 mi 5000 yeñgöra mindipköbiga miangö kitipñi qezakögetka könde dawiknön geba numbuñine qeyök?" Qesim engiiga "Könde 12," jiget.

²⁰ Jigetka toroqeyök, "Nöñön beret 7 mi 4000 yeñgöra mindipköbiga miangö kitipñi qezakögetka sakap dawiknön geba kokolak qeyök?" Qesim engiiga sakap 7 jiget."

²¹ Jigetka jii mötket, "Miangöra könanamni mi mönö tok qahö möt asarize me?" Mewö

Jegömöl azi kun jeñi metohoyök.

²² Jisösnön gwarekurupñi yembuk Betsaida taonön kaget. Miangörej kaba jegömöl azi kun wañgita Jisösgörej kangota böröñan misirimapkö köuluköm wañgiget. ²³ Köuluköm

* 8:11: Mat 12.38; Luk 11.16 * 8:12: Mat 12.39; Luk 11.29 * 8:15: Luk 12.1 * 8:18: Jer 5.21; Eze 12.2; Mak 4.12

wanġigetka jegömöl azi mi böröñe memba wanġita miri yaigepñe anohot. Anda söutnezit jeñe ala böröñi nöröpñe ala qesim wanġiyök, “Yuai kun ekzan me qahö?”

²⁴ Qesim wanġiiga jeñi ui öñgöiga jiyök, “Ambazip engekzalmö, mi ip tandöktandök aketka imutimutñanök engekiga anda kaba kinje.”

²⁵ Mewö jiiga kunbuk böröñan jeyahötñi misiriiga tohoyohotka törörök uiga asarim sölölöñgöiga yuai pakpak ölöpñanök ek teköyök. ²⁶ Ek teköiga melaim wanġiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö köñañi jim miwikñaiyök.

Mat 16.13-20; Luk 9.18-21

²⁷ Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Köñanöñ anda gwarekurupñi kewö qesim enġiyök, “Ambazipñöñ nöñgöra denöwö jimakze? Ni niñia akzal?”

²⁸ *Jiiga melejda kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yeñgöreñök kun akzan.’

²⁹ *Mewö jigetka kewö qesim enġiyök, “Aka nanñinak nöñgöra denöwö jize? Ni niñia akzal?” Qesim enġiiga Pitönöñ kewö melejñök,

“Gi Anutugöreñ Amötqeqe Toñi Kraist akzan.”

³⁰ Mewö jiiga köñañi aukñe jiget kunñan mötpapuköra soñgo köhöikñi al enġiyök.

Jisösnöñ kömumamgö keuñi jiyök.

Mat 16.21-28; Luk 9.22-27

³¹ Jisösnöñ gwarekurupñi köñahiba kewö kusum enġiyök, “Suep gölmegö azi öljñan mönö sihimbölö gwötpuk mötma. Kantrigö jitñememe, jike nup galöm aka Köña keugö böhi yeñön mönö andö qeba qegetka kömuma. Kömui wehön karöbut teköiga kömupñöhök wahötma.” ³² Jisösnöñ keu mi qahö köyatiba aukñe jiiga Pitönöñ miangöreñök öröm wanġiba görañe anda köñahiba qetal wanġiyök. ³³ Qetal wanġiiga lilingöba gwarekurupñi uba engeka Pitö qetala kewö jim wanġiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö dölkni nöñgö jemesoholneyök kesalnöñ.” Mewö.

Kraist wuatangöbingö söñgöröñi.

³⁴ *Jisösnöñ ambazip kambu aka gwarekurupñi enġoholi kagetka keu kewö jii mötket, “Kunñan nöñgö andöne kamamgö mötzawi, yañön mönö nanñi urusileñangö sihim kömböñañi bölöñi andö qeiga sisitñi megetka sihimbölö mi bisimakña. Mi maripomñöñ kömumawangö dop mökösoñda ni nuatangöba kama. ³⁵ *Kunñan malmalñi nanñangöra angön köla nanñi imbi-imbi maljawi, yañön mönö malmalñi öljñi jöhöi sohoma. Sohomapmö, kunöñ gölmegö malmalñi mi ni aka nöñgö Ölöwak Buñanangöra aka kölejda tököm niñgimawi, yañön mönö malmal öljñangö köñañi miwikñaiiba köhöiba malma. ³⁶ Kunñan gölmeñi gölmeñi miengö öroyuaiñi pakpak köl öroi buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga uruñan ayuhuiğa qahö dop kölma. Sukinapñi miarñön mönö urusösöñgai qahö ak wanġima. Qahöpmahöp! ³⁷ Körek neñön mönö bohonini jöhöbingö osibin. ³⁸ Ambazip kambuñi kambuñi nalö kewöñe gölmeñöñ qesabulum aka siñgisöndok tosatñi aka malakze. Kunñan yeñgö sutñine nöñgö qetni aka Buña keuni memba et aljawi, mi Suep gölmegö azi öljñan mewöyök ehöröñ kölma. Yañön köñanġep Suep garata töröñi yembuk ki etketka Iwiñangö asakmararañi eka aurugetka yañön azi me ambi mewöñi mönö ehöröñ köl wanġima.” Mewö.

* 8:28: Mak 6.14-15; Luk 9.7-8 * 8:29: Jon 6.68-69 * 8:34: Mat 10.38; Luk 14.27 * 8:35: Mat 10.39; Luk 17.33; Jon 12.25

9

¹ Mewö jiba kewö jii mötket, “Nöñön keu ölñi kun kewö jibi mötme: Kiañgöreñ kinjei, engö sutñineyök tosatñan Anutunöñ bemtohoñi kuñguiga kukösumñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga ekñe.” Mewö.

Jisösgö sileñe letotqetot ahök.

Mat 17.1-13; Luk 9.28-36

² *Wehön 6 teköiga Jisösnöñ Pitö, Jeims aka Jon enğuangita ambazip engömosöta nanñinök kundunji köröpñi kunöñ öngöba kötikñe malget. Mianğöreñ malgetka jeme-soholñine kiniga Jisösgö sile tandökñan letota murutñi ahök. ³ Malukuñan tuat lalamñi asakmararañambuk ahök. Gölmenöñ opo tuatñi saipenöñ (omo bliz) sañgoñmakzei, mönö mi onğita tuariyök. ⁴ Mewö aiga Elaija aka Moses yetkön asuhum engiba Jisösbuk keukeu jiget. ⁵ Jigetka Pitönöñ könahiba keu jiba Jisösgöra kewö jiyök, “Ketañamnini! Neñön kianğöreñ uruölöwak mötzin. Mianğöra neñön ölöp koum karöbut qebin: Göhö kun, Mosesgö kun aka Elaijagö kun.” ⁶ Gwarek yeñön jönömñini gwötpuk unduiga Pitönöñ “Denöwö jimam,” jiba keu jaruyök.

⁷ *Keu jaruba kiniga unuñunuj tuat lalamñi asakmararañambuk kunöñ eta aumñan esuhum enğiiga mianğö uruñeyök qet kun kewö eriga mötket, “Azi ki nani wölböt nahöna akza. Mönö yanğö keurñi möta malme.” ⁸ Keu mi möta könöpuk lilingöm purik um jaruba tosatñi kunbuk qahö etkeketka Jisösnöñ nanñök yembuk kinök. Mewö.

Jon O-melun azi mi Elaijagö salupñi akza.

⁹ Kunduneyök etketka Jisösnöñ sörokñi mianğöreñ kewö jim kutum enğiyoök, “Injini yuai ekzei, mianğö buzupñi mi mönö ambazip kun kude jiget mötme. Suep gölmegö azi ölñan kömupnöñöhök wahöriga mianğö andöñe mi ölöp jim asariba malme.”

¹⁰ Mewö jim kutum enğiiga gwarekurupñi karöbut yeñön keu mi uruñine anğön köla “kömupnöñöhök wahötwahötkö” könani mi nanñini qesim anğuba eraum mötket.

¹¹ *Eraum möta Jisös kewö qesim wañgiget, “Köna keugö böhi yeñön mönö keu kewö jimakze, “Kezapqetok azi Elaijanöñ mönö Suepnöhök mutuk eta asuhuma.”

¹² Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhamgöma. Keu mi ölña akzapmö, keu kun ki mönö wuanöngöra ohoget ahöza: Suep gölmegö azi ölñan mönö sihimbölö gwötpuk möriga jijiwilit ak wañgime.” ¹³ Keu yahöt mi ahözahotmö, nöñön kewö jibi mötme: Elaijanöñ lök eta asuhuyökmö, yanğöra Buña keu ohoget ahözawañgö dop ambazipnöñ i nanñini sihimñini wuatanağöba lañ ak wañgiget.” Mewö.

Jisösnöñ öme wuatanağöi morönöñ ölöwahök.

Mat 17.14-21; Luk 9.37-43

¹⁴ Jisös aka gwarek karöbut yeñön kunduneyök eta gwarekurupñi tosatñi yeñgöreñ kaba yuai kewö eket: Köna keugö böhi tosatñan kinda yembuk jitnakölik aka goranora keu jigetka ambazip jesöngöñan liliköba enğeka kinget. ¹⁵ Mewö kinda ambazip kambu pakpak yeñön Jisös eka mianğöreñök auruba kiñkingöba kösutñe anda jölöñi jiget. ¹⁶ Jölöñi jigetka kewö qesim enğiyoök, “Injini wanatköra yembuk jitnakölik aka goranora keu jize?”

¹⁷ Qesim enğiiga kambuñineyök azi kunöñ melenđa kewö jii mörök, “Böhi! Nöñgö nahöni ömenöñ numbuñi muhungöba töñöt mem wañgiiga wañgita göhöreñ kazal. ¹⁸ Mi mianğöreñ me mianğöreñ memba mendawöla öröm giliga eta qeba numbuñeyök qölqöl söutsöt eriga irimñi yöhözömgöba sileñan sölöpkömakza. Mewö ahiga kaba göhö gwarekurupki ulet enğiba öme mi wuatanağömegö jizalmö, yeñön osize.”

* 9:2: 2 Pitö 1.17-18 * 9:7: Mat 3.17; Mak 1.11; Luk 3.22 * 9:11: Mal 4.5; Mat 11.14

¹⁹ Mewö jiiga melen wangiba jiyök, “Gölmegö yangisen ambazip yei! Mönö nalö dawik embuk mala qatön engubiga Anutu qahö möt narigetka sihimbölö mötmam. I mönö wangita nöngören kaget.

²⁰ Mewö jiiga wangita yangören kaget. Kagetka ömenöy Jisös eka miangörenök morö utuköba urepköm wanggiiga wölöhariba tala gölmenöy qeba pörappöran mitiba semben auba ahöiga numbuñeyök qölqöl söutsöut kota erök. ²¹ Jisösnöy mi eka iwiñi kewö qesim wangiyök, “Nalö dawikö dop yuai ki lök asuhum wanggiiga kotza?” Qesim wanggiiga jiyök, “Mi lök morörökneyök asuhum wangiyök.

²² Mi mem bölim wangimangöra nalö tosatje könöpnöy, nalö tosatje onöy metal wanggiiga nalö gwötpuk geba qebayök kinahakza. Mewömö, miangö kukösumñi kun göhörey ahöza ewö, mönö ak kömumba bauköm netkiman.”

²³ Mewö jiiga jiyök, “ ‘Kukösumñi göhörey ahöza ewö,’ jizan. Anutugö kukösumñan mönö yuai kungöra qahö qakömakza. Anutu möt narizawañön mönö yuai pakpak ölop ahakña.”

²⁴ Mewö jiiga iwiñan miangörenök qeta jiyök, “Anutu möt narizalmö, mötnariñan lölöwöröñi akza. Mötnariñni mönö mem köhöiman.”

²⁵ Jiiga ambazip jesöngöñan ösumñinan kaba kingetka eka miangöra öme mi kewö jim wangiyök, “Gi töñöt aka kezapduhupkö ömeñi, nöñön jim kutum gihizal: Gi mönö azi ki mosöta kota anda kunbuk kude lilingöba kaman.”

²⁶ Jim wanggiiga qeta silata morö mi utuköba könöpuk urepköm wangii wölöhariiga utala kota anök. Kota aniga qeba qamöt tandök aka ahöiga gwötpukñan mi eka “Wösöñi alja!” jiget. ²⁷ Mewö jigetmö, Jisösnöy böröñe memba köbibiiga wahöta kinök.

²⁸ Mewö kiniga Jisösnöy miri uruñe öngöiga gwarekurupñan nanjinök tata kewö qesim wangiget, “Neñön mönö wuanöngöra mi naninök wuatangöbingö osizin?”

²⁹ Qesim wangigetka kewö jii mötket, “Öme tandökñi mewöñi mi mönö köuluköba nene siñgi mala wuatangöbin. Yuai murutñi kun ahinga qahö kota anma.” Mewö.

Jisösnöy kömumangö Buñaji jiiga yahöt ahök.

Mat 17.22-23; Luk 9.43b-45

³⁰ Jisösnöy gwarekurupñi yembuk miri gölme mi mosöta anda Galili prowins uruñe liliköba denike malgeri, mi kunñan mötmapkö tököyök. ³¹ Mia tököba gwarekurupñi kusum engimangöra ölöy anget. Könanöy anda keu kötñi kewö jii mötket, “Anutunöy Suep gölmegö azi ölni mi gölme ambazip yeñgö böröñine al wangii gema. Geiga i qegetka kömuma. I qeget kömui wehön karöbut teköiga miangören mönö kömupnöhök wahötma.”

³² Keu kötñi mewö jii mötketmö, mi qahö möt kutuget aka könañi denöwö, mi qesibingö kölköldömdöm aket. Mewö.

Gwarek sutñine dañön mutukñi akza?

Mat 18.1-5; Luk 9.46-48

³³ Mewö anda Kaperneam taonöy kangetket. Miangören kangeta nanñi miri uruñe öngöba gwarekurupñi kewö qesim engiyök, “Inini Könanöy kaba wani keuya eraum mötze?”

³⁴ *Yeñön könanöy kaba ‘Dañön öngöngöñi akza’ mia nanjinök eraum möta kaget. Miangöra qesim engiiga keu böc tatket. ³⁵ *Keu böc tatketka Jisösnöy geba tata gwarekurupñi 12 engoholi kagetka kewö jii mötket, “Kunñan mutukñi malmangö mötza ewö, yañön mönö körek engö nembö bapñine eta qöndökñi aka tosatñi pakpak welen qem engimakña.” ³⁶ Mewö jiba namande moröñi kun memba sutñine ali kinök. Kiniga böröñan memba tambuñe ala kewö jii mötket, ³⁷ * “Kunñan namande kewöñi kun nöngö qetne miriñe köc öböba köyan kölmawi, yañön mönö ni köc öböm niñgima. Kunñan mewö

* 9:34: Luk 22.24 * 9:35: Mat 20.26-27; 23.11; Mak 10.43-44; Luk 22.26 * 9:37: Mat 10.40; Luk 10.16; Jon 13.20

ak ningizawi, yañon niyök qahöpmö, dañon melaim ningiyöhi, mönö i mewöyök köl öröm wañgima.” Mewö.

Jisösnöñ gwarekurupñi mindiñgöm engiyök.

Luk 9.49-50

³⁸ Jonöñ Jisös kewö jii mörök, “Böhi! Nini azi kun neñgö andönine qahö kayöhi, yañon göhö qetnöñ ömewöröme közöl enñgiiga ehin. Yañon nembuk qahö liliköba maljawañgöra nini i qetal wañgiin.”

³⁹ Mewö jiiga Jisösnöñ jiyök, “I kude qetal wañgime. Kunñan nöñgö qetni qeta añgöletot mezawi, yañon mönö miangö andöñe nöñgö andöqeçe keu awamñanök jimamgö osima. ⁴⁰ *Kunñan qahö qetal neñgimakzawi, yañon mönö neñgö areññöñ malja. (Miangöra nöñgö alaurupni tosatñi mi kude qetala añgösirip meme.) ⁴¹ *I mönö nañgöm enñgigetka Anutunöñ töwañini enñgima. Kunñan Kraistkö qetñe yañgö buñañi akzeañgöra aka o qambi nemegö enñgimawi, Anutunöñ mönö miangö töwañi melenña wañgima. Nöñon keu öññi kun kewö jibi mötme: Nañgöm enñgimei, mienñon mönö töwa meme.” Mewö.

Singisöndökö kölgorom mönö qetal enñgime.

Mat 18.6-9; Luk 17.1-2

⁴² Jisösnöñ keu kewö jiyök, “Morö kewöñi möt narim ningizei, kunñan yengörejök kun kölgorom ak wañgiiga singisöndök akñawi, azi miañon mönö lömböt öñgöñgöñi miwikñaima. Anutunöñ lömböt miangö likepñi denöwö wañgiiga dopñe akawak? Kemuñ jamönñij jölñe jöhöba köwet röndumnöñ gilget mulumgöi gebawak, miañon mönö awamñi ahum wañgii tandök akawak. ⁴³ *Miangöra börögan singisöndök akñangö kölgorom ak gihima ewö, mönö yandim gilman. Yandim gilagun börötak mala malmal köhöikñi miwikñaiaba oyaenñkoyaen akñanmö, börö yahötpuk mala könangep könöp sianöñ gebanbuk. Sia könöpñi mi nalö kunöñ qahö bököma. ⁴⁴ *Miangöreñ ‘Döhöñini enñgöhöm pilikuta mala qahö kömume aiga könöpñinan nalö kunöñ kude bököma.’

⁴⁵ Mewöyök könagan singisöndök akñangö kölgorom ak gihima ewö, mönö yandim gilman. Yandim gilagun könatohot mala malmal köhöikñi miwikñaiaba oyaenñkoyaen akñanmö, köna yahötpuk malnöñga könöp sianöñ gil gihigetka gebanbuk. ⁴⁶ *Miangöreñ ‘Döhöñini enñgöhöm pilikuta mala qahö kömume aiga könöpñinan nalö kunöñ kude bököma.’

⁴⁷ *Mewöñanök jegan singisöndök akñangö kölgorom ak gihima ewö, mönö qözöla gilman. Qözöla gilagun je-ilik mala Anutugö bemtohoññöñ añgota oyaenñkoyaen akñanmö, je yahötpuk malnöñga könöp sianöñ gil gihigetka gebanbuk. ⁴⁸ *Miangöreñ ‘Döhöñini enñgöhöm pilikuta mala qahö kömume aiga könöpñinan nalö kunöñ kude bököma.’

⁴⁹ Könöp sia miangöreñ ambazip körek mi howe sihi kölköl ewö könöpñöñ enñgo-hogetka sihimbölöñi mötme.

⁵⁰ *Howe mi ölöpñi akzappmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Iñini mewöñanök urumohot malmalgö nahömñi mosötpepuk. Miangöra Sup howeñini mosötpepuköra mönö galömñini memba sutñine luai qem añguba malme.” Mewö.

10

Awanöm añgömosötmosötkö keunji

Mat 19.1-12; Luk 16.18

¹ Jisösnöñ wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnöñ kayök. Kaiga ambazip kambulelembenöñ kunbuk yañgöreñ tokogetka akmalöhi, miangö dop kunbuk kusum enñgiyök.

* 9:40: Mat 12.30; Luk 11.23 * 9:41: Mat 10.42 * 9:43: Mat 5.30 * 9:47: Mat 5.29 * 9:48: Ais 66.24
* 9:50: Mat 5.13; Luk 14.34-35

² Kusum engiiga Farisi (Köna keugö kapañkölköl) tosatñan yañgöreñ kaba keugö bötaknön örömapkös esapköm wañgiba kewö qesim wañgiget, “Azinön anömñi mosötmawi, mewö miañön Köna keu ongitma me qahö?”

³ Qesim wañgigetka melennda kewö jii mötket, “Mosesnön miañgö keuñi denöwö jim kutum engiiga ahöza?”

⁴ *Mewö jii möta kewö jiget, “Azinön añañgömosötmosöt papia ohoba anömñi ölop mosötma. Mosesnön mewö jim kutui ahöza.”

⁵ Mewö jigetka kewö jim engiyök, “Yañön mönö uruköhöikñinañgöra aka jimkutukutu mewö ohom engiyök. ⁶ *Ohom engiyökmö, Anutunön könañahine yuai pakpak miwikñaiyöhi, nalö miañgöreñök ‘Azi aka ambi malmegöra miwikñaim engiyök.’ ⁷ *Miañgöra azinön mönö iwinamñi etkömosöta anömñañgöreñ anda qekötahöiga ⁸ yetkön sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹ Anutunön azi aka ambi mindirim etkiyöhi, ambazip kunñan mönö i kude mendeñ etkima.”

¹⁰ Jisösnön mewö jiba miri uruñe öngöiga gwarekurupñan keu miañgöra kunbuk qesim wañgiget. ¹¹ *Qesim wañgigetka kewö jii mötket, “Azi kunön anömñi wuatañgöba ambi kun memawi, yañön mönö qesabulum sero yoñgorö akña. ¹² Mewöyök ambi kunön añañ wuatañgöba azi kun memawi, yañön mönö qesabulum sero yoñgorö akña.” Mewö.

Jisösnön nahönbörat kötuatköm engiyök.

Mat 19.13-15; Luk 18.15-17

¹³ Ambazip tosatñan nahönbörat morömorö enguangita Jisösnön engömisirimapköra yañgöreñ kagetmö, gwarek yeñön ambazip mi jim qetal engiget. ¹⁴ Mewö aketmö, Jisösnön mi eka uruñi böliiga kewö jii mötket, “Nahönbörat moröñi mönö engömosötketka nöñgöreñ kame. Anutunön ambazip mewö mia bemtohoñi buña qem engima. Miañgöra i kude jöhöm engime. ¹⁵ *Nöñön keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem añañgumawi, yañön mönö miañgö uruñe añañgotmamgö osima. ¹⁶ Mewö jiba tambuñe ala dohongöm engiba böröñi nöropñine ala kötuatköm engiyök. Mewö.

Jisösnön azi pomñi kungö qambañ keu jiyök.

Mat 19.16-30; Luk 18.18-30

¹⁷ Jisösnön könañiba köna anmamgö ahiga azi kunön ösumñan yañgöreñ kayök. Kaba wösöñe geba simin köla kewö qesim wañgiyök, “Böhi ölopñi, nöñön mönö denöwö aka malmal köhöikñañgö buña qem añañgubileñak?”

¹⁸ Qesim wañgiiga kewö jii mörök, “Nöñgöra ‘Böhi ölopñi,’ mi wuanöñgöra jizan? Anutu mohotñan ölopñi akza. Azi kunñan i ewö ölopñi qahö akza. ¹⁹ *Gi jöjöpañ keu ki möt teközan,

‘Ambazip kun kude qenön kömuma. Sero yoñgorö kude akñan. Yoñgorö kude meman. Jitnön alal keu kude jiman. Kalöpköba yoñgorö kude meman. Iwinamgi mönö göda qem etkimakñan.’ ”

²⁰ Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹ Mewö jiiga Jisösnön uba eka urukönömñan jöpaköm wañgiba kewö jii mörök, “Mohot kungöra kewö osizan: Gi mönö anda sukinapki pakpak söñgoröñi memegöra alnön moneñ kaiga ambazip wanapñi engiman. Mewö aknöñga sukinapki ketañi (guli masapugi milyön kinagi ewö) ketañi mi Suep mire ahöm gihima. Mewö aka ni nuatañgöba kaman.” ²² Jisösnön mewö jiyökmö, sukinapñi gwötpuk ahöyöhañgöra aka keu mi möta uruñi bosoleiiga wösöbirik aka jeñi asöliiga öne mosöta anök.

* 10:4: Dut 24.1-4; Mat 5.31 * 10:6: Jen 1.27; 5.2 * 10:7: Jen 2.24 * 10:11: Mat 5.32; 1 Kor 7.10-11 * 10:15: Mat 18.3 * 10:19: Eks 20.12-16; Dut 5.16-20

²³ Mosöta aniga Jisösnöñ ui anda kaiga gwarekurupñi kewö jii mötket, “Ye! Ambazip moneñ inapñinambuk yeñön mönö Anutugö bemtohoññöñ aᅅgotpingö lömböriba kupuk-kapak akñe.”

²⁴ Mewö jiiga gwarek yeñön mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñön moneñ inapñini möt narimakzei, yeñön mönö Anutugö bemtohoñ uruñe aᅅgotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimñe ölop qahö aᅅgotma. Miangö dop ambazip pomñi yeñön Anutugö bemtohoñ uruñe aᅅgotpingö lömböriba qaköme.”

²⁶ Mewö jii möta aurum tililingöba nanñinangöra kewö jiget, “Oporoñ! Ambazip dañön mönö Suepkö buñaya akawak?”

²⁷ Mewö jigetka Jisösnöñ uba eñgeka kewö jiyök, “Ambazipnöñ mi esapköba osiba qakömazemö, Anutunöñ mewö qahö ahakza. Anutunöñ mönö yuai pakpak ölop ahakza. Yañön yuai kun aka memangö qahö osiba qakömakza.” Mewö.

Jisösgö nup memegö töwañi

²⁸ Pitönöñ keu mi möta melenña Jisös kewö jii mörök, “Mötnöñ, neñön mönö yuai pakpak mosöta gi guatangöba kain.”

²⁹ Mi möta Jisösnöñ kewö jiyök, “Nöñön keu ölni kun kewö jibi mötme: Kunñan nöngö aka Ölowak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi eñgömosöriga Anutunöñ mönö miangö likepñi oñgita melenñ wañgiiga sehima. ³⁰ Kunñan yuai mi mosöröhi, Anutunöñ mönö salupñe mi 100:kö dop toroqeba wañgiiga nanñi buñaya akña. Gölmegö malmalnöñ sesewerowero uruñe malmappmö, jike miri, darumun, nenbehöt, iwinam, nahönbörat aka nup kisi mi mönö salupñe ahum wañgima aka nalö könañeppñe malmal köhöikñi teteköñi qahö buña qem aᅅguma. ³¹ *Mewö asuhumappmö, mutukñi eñgöreñök gwötpukñan dagibezupñi aketka dagibezupñi yeñgöreñök gwötpukñan mutukñi akñe.” Mewö.

Kömumangö keuñi jiiga karöbut ahök.

Mat 20.17-19; Luk 18.31-34

³² Jisösnöñ gwarekurupñi yembuk Jerusalem sitinöñ öngöbingöra gölme köna anget. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñön mönö keñgötñini mötket. Mewö aketka Jisösnöñ gwarekurupñi 12 mi kunbuk öröm eñgiba könahiba kusum eñgiyök. Yañgöreñ yuai asuhumawi, keu mi jim asariba kewö jiyök, ³³ “Mötket, nini Jerusalem öngöbin. Miangöreñ kunñan Suep gölmegö azi ölni mamalolo mem wañgiiga jike nup galöm aka Köna keugö böhi yeñgö böroñine gema. Yeñön kömumapkö keuñi jim teköba kian gawman yeñgö böroñine al wañgime. ³⁴ Al wañgigetka mepaiköba söutkölap qeba ihilek wahinambuknöñ tauköm wañgime. Tauköm wañgiba qegetka kömuma. Kömumba wehön karöbut teköiga kömupnöñök wahötma.” Mewö.

Jeims Jon yetköñ yuaigöra ulerohot.

Mat 20.20-28

³⁵ Jisösnöñ mewö jiiga Jebedigö nahönyahötñi Jeims aka Jon yetköñ yañgöreñ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Inñiri wani yuai ak etkimangöra mötzahot?”

³⁷ Qesim etkiiga kewö jiyohot, “Göñön ölop jim kutunöñga niri göhö asakmararaññöñ eu öngöba kunöñ börogi ölni aka kunñan börogi qaniñe tata yuai pakpak galöm kölbinañk.”

³⁸ *Mewö Jiyohotmö, Jisösnöñ kewö jii mörohot, “Inñiri miangö könañi qahö möt yaköba uletzahot. Nöñön qambi asölnambuk nemami, inñiri mi ölop nemba sihimbölä mötmahot me qahö? Jöm nöñgwambuknöñ melun mem niñgimei, inñiri mi memahot me qahö?”

* 10:31: Mat 20.16; Luk 13.30 * 10:38: Luk 12.50

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölja! Nöñon qambi asölhambuk nemami, injiri mi mewöñanök nemahot aiga jöm nöñgwambuknöñ melun mem niñgimei, miañon mönö injiri mewöyök melun mem etkime. ⁴⁰ Mem etkimemö, nöñgö böröni ölje me qaniñe dañon tatmahori, nöñon keu mi jim kutumamañgö dop qahö. Anutunöñ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm öljan mönö welenqeqeya akza.

⁴¹ Jeims Jon yetköñ mewö ulerohotka alaurupñi 12 yeñon mi möta könahiba urubölö aket. ⁴² *Mewö aketmö, Jisösnöñ engoholi kagetka kewö jii mötket, “Gölmegö kantriñi kantriñi mieñgö jembonñinan galöm köl engibingö jizei, yeñon mönö azi kembu tandök ak engimakze. Yeñgö ketañamñinan mönö keu jim kutuba mindiñgöm engiba kukösumñini kondelakze. Injini könañini mi ölop mötze. ⁴³ *Engö sutñine silik mewö ahöbapukmö, kunñan engö sutñine ketañamñini akñamgö mötzawi, yañon mönö welen qem engiba malma. ⁴⁴ Mewöyök kunñan engö sutñine mutukñi malmamgö mötzawi, yañon mönö körek engö nembö bapñine mala welenqeqeñini omañi akja. ⁴⁵ Suep gölmegö azi öljan mönö mewöyök silik mewöñi kondela nanñi welen qem wañgimegöra aka qahö kayök. Qahöpmö, welen qem engiba ambazip sehisehiñi yeñgö sohopñini memamgöra aka eta malmalñi köleñda mosötma.

Bartimeus jeñi gömöliiga mem ölöwahök.

Mat 20.29-34; Luk 18.35-43

⁴⁶ Jisösnöñ gwarekurupñi yembuk Jeriko sitinöñ kaget. Kaba siti mi mosöttingö aketka ambazip kambulelembenöñ enguatangöba andöñine kaget. Mewö kagetka jegömöl azi qetñi Bartimeus, Timeusgö nahönñi yañon moneñ aka nene wañgimegö ulet engiba köna jitñe tarök. ⁴⁷ Tariga “Nazaret-azi Jisösnöñ kaza!” jiget möta könahiba kewö qerök, “Jisös Deiwidkö gwölöñarökñi, mönö ak-kömum niñgiman!”

⁴⁸ Mewö qeriga gwötpukñan böc tatmapköra qetal wañgigetmö, yañon mönö kapañ köla qerök. “Deiwidkö gwölöñarökñi, mönö ak-kömum niñginöñ!”

⁴⁹ Qeriga Jisösnöñ dörök ala kewö jiyök, “Ölop qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰ Mi möta malukunñi qeköba gila pörañ wahöta kinda Jisösgöreñ anök.

⁵¹ Aniga kewö qesim wañgiyök, “Alani, nöñon wani yuai ak gihimamgöra mötzan?” Mewö qesim wañgiiga jegömöl azinöñ jiyök, “Ketañamni, ni jeni kunbuk umamgöra mötzal.”

⁵² Mewö jiiga Jisösnöñ kewö jii mörök, “Mötnaripkan mönö mem ölöwak gihiza. Mönö ölop anman.” Mewö jii möta jeñan miangöreñök tohoiga uba andöñine Jisös wuatangöba anök. Mewö.

11

Jisösgöra köiray kölgetka Jerusalem öñgöyök.

Mat 21.1-11; Luk 19.28-40; Jon 12.12-19

¹ Jisösnöñ gwarekurupñi yembuk Jerusalem siti dopdowiba Betfage aka Betani miri yahöt kösutñire kaba Oil ip kundunje öngöba gwarekyahötñi yahöt melaim etkimamgöra aka ² kewö jii mörohot, “Miri wösöñire tatzawi, mönö miangöreñ anohot. Anda miangöreñ angota doñki moröñi kösönöñ jöhöget kinjawi, mi miangöreñök miwikñaimahot. Doñki mi dölokña, azi kunñan qakñe qahö tatatña. Mi mönö pösata memba ki kamahot. ³ Pösarohotka kunñan ‘Wuanöñgöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilañ meleñniga kunbuk ki kama.’

* 10:42: Luk 22.25, 26 * 10:43: Mat 23.11; Mak 9.35; Luk 22.26

⁴ Mewö jiba melaim etkiiga anda doŋki moröŋi miri towokŋe miri kungö nanguje kösönöŋ jöhöget kiniga miwikŋaiba pösarohot. ⁵ Pösarohotka azi tosatŋi miangöreŋ kingeri yeŋön kewö qesim etkiŋet, “Hei, wania akitköra doŋki moröŋi pösatzahot?”

⁶ Mewö qesim etkiŋetka Jisösnöŋ jiyöhaŋgö dop jiyohot möta “Ölöp memba anmahot,” jiget. ⁷ Jigetka memba Jisösgöreŋ kayohotka malukuŋini qeköba doŋki moröŋaŋgö qakŋe algetka öngöba tarök. ⁸ Mewö tata aniga ambazip jesöŋgöŋan göda qeba malukuŋini qeköba köna namŋe tumbulgetka tosatŋan gölme köröŋe anda ip sinŋi mitiba tumbulget. ⁹ *Tumbulgetka ambazip jeŋe köl öröba angeri aka andöŋe wuatangöba kageri, yeŋön kewö jiba qetket, “Hosana, owe owe! Anutu möpöseizin. Kembugö qetŋe kamawi, Anutunöŋ mönö i kötuetköm waŋgima. ¹⁰ Kiŋ Deiwidnöŋ kantri tohoŋ kuŋguba galöm köl enŋiyöhi, nalö mewöŋan mönö kunbuk kam nengiza. O Anutu mönö kantri tohoŋnini kötuetköman. Hosana! Qetbuŋagi möpöseininga euyangöreŋ öngöza. Owe Owe!”

¹¹ Mewö qetketka Jerusalem sitinöŋ öngöba jöwöwöl jikegö tohoŋ uruŋe anök. Miangöreŋ liliköba yuai pakpak ehi mare ahiga eta gwarekurupŋi 12 yembuk jike mosöta Betani mire anda ahöget. Mewö.

Jisösnöŋ fig ip kun qesuahöiga ululuŋgöyök.

Mat 21.18-19

¹² Ahöba söŋanök wahöta gwarekurupŋi yembuk Betani miri mosöta angetka Jisösnöŋ nenegö kömuyök. ¹³ Nenegö kömumba ui aniga fig ip kun* sinŋambuk kini ehök. Eka “Sinŋangö uruŋe ölni tari miwikŋaiba nembilenak,” jiba fig ipkö könaŋe anök. Anökmö, ölnangö nalöŋan qahö töriyöhaŋgöra sinŋanök kini ehök. ¹⁴ Mewö eka ip mi kewö jim waŋgiyök, “Kunŋan ölni kunbuk kude nema.”

Mewö jim waŋgiiga keu mi gwarekurupŋan mötket. Mewö.

Jisösnöŋ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵ Anda mala Jerusalem sitinöŋ öngögetka Jisösnöŋ jöwöwöl jikegö tohoŋ uruŋe anök. Miangöreŋ ambazip engehiga inap bohonŋi memegöra algetka söŋgöŋi megeri, mi könahiba közöl enŋiiga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miengö dum tatatŋini mi tok tötaliga anget. ¹⁶ Sombem kömbukŋi kutuba yuai siriba angotkaŋgotkö könaŋi jöhöyök.

¹⁷ *Mewö aka kusum enŋiba kewö jii mötket, “Aisaiänöŋ keu kun kewö ohoi ahöza, ‘Nöŋgö jikenan mönö gölmeŋi gölmeŋi pakpak yeŋgö köulukö miriŋina akŋapakö qetme.’ Keu mi ahözapmö, inŋini mi utekögetka kegwek-kahasililiŋ yeŋgö baŋet ewö akza.”

¹⁸ Mewö jii möta ambazip kambu pakpak yeŋön miangöra nemböŋini teköiga welipköget. Miangöra jike nup galöm aka Köna keugö böhi yeŋön mi möta Jisösgöra keŋgötŋini möta eraum möta kewö jiget, “Mönö denöwö jiinga qegetka kömumbawak?”

¹⁹ Mare ahiga Jisösnöŋ gwarekurupŋi yembuk siti mosöta yaigep anda ahöget. Mewö.

Fig ipnöŋ ululuŋgöiga eket.

Mat 21.20-22

²⁰ Ahöba söŋanök wahöta könanöŋ anda fig ip mi ongitpingö aketka jalöŋambuk uluŋgöba kini eket. ²¹ Kiniga Pitönöŋ Jisösgöreŋ keu mötmöriba kewö jii mörök, “Ketaŋamni eknöŋ, fig ip qesuahönöŋi, mi mönö ululuŋgöba kinja.”

²² Jii möta Jisösnöŋ kewö meleŋnök, “Anutugö mötnariŋ mönö töp memba malme.”

²³ *Nöŋön keu ölni kun kewö jibi mötme, “Kunŋan keuŋangö ölni ahumapakö uruyahöt qahö aka kundunŋi kiangö toŋangöra kewö jim kutubawak, ‘Mönö kundunŋi ki qeköba wahöta anda köwetnöŋ alman.’ Mewö jim kutuba Anutu möt nariiga ölni mönö miangö dop ahuma. ²⁴ Miangöra nöŋön kewö jibi mötme: Wani yuaigöra qesiba köulukömei, mi pakpak lök buŋa qem anŋuzin, mewö möt narigetka mönö buŋaŋini akŋa. ²⁵ *Inŋini kind

* 11:9: Sum 118.25-26 * 11:13: Fig mi sambu ipkö alaŋi kun. Mi nupŋine kömötketka kötni nahömŋinambuk asuhugetka gwötpuk nemakzema. * 11:17: Ais 56.7; Jer 7.11 * 11:23: Mat 17.20; 1 Kor 13.2 * 11:25: Mat 6.14-15

Anutu köulukögetka kunjan alañangö pinjtköra urubölö akña ewö, pinjit mi mönö mosötme. Mewö akrje ewö, engö Iwiñini Suep mire maljawanön mönö mewöñanök engörej singisöndok mosötma. ²⁶ (Injini tosatñi yeñgörej singisöndok qahö mosötme ewö, engö Iwiñini Suep mire maljawanön mönö mewöñanök engörej singisöndok qahö mosötma.)” Mewö.

Jitñememe yeñön Jisösgö kukösumñangö qesiget.

Mat 21.23-27; Luk 20.1-8

²⁷ Jisösnöñ gwarekurupñi yembuk kunbuk Jerusalem sitinöñ öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yeñgörej kançotket. ²⁸ Kançota kewö qesim wañgiget, “Gi kiançoreñ yuai akzani, mi mönö dañön jim kutum gihiiga ahakzan? Mi memamgö kukösumñi mi dañön gihiyök?”

²⁹ Qesim wañgigetka kewö meleş engiyök, “Nöñön mewöyök keu kun qesim engimam. Mi meleş niñgigetka nöñön mewöyök dañön kukösum niñgiiga yuai ki ahakzali, mi jibi mötme. ³⁰ Jonöñ ambazip o-melun mem engiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

³¹ Mewö meleş engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima: Injini mönö wuanöñgöra Jon qahö möt narim wañgiget? Mi qahö dop kölja. ³² Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapçetok azia akza,’ jigerañgöra aka ambazip kambu yeñgöra keñgötñini möta mi jibingö osiget. ³³ Miangöra “Mi qahö mötzin,” meleşget. Mewö meleşgetka Jisösnöñ kewö jii mötket, “Mewö aiga nöñön mewöyök yuai ki ahakzalançö kukösumñi dañön niñgiyök, mi qahö jibi mötme.” Mewö.

12

Wain kösö nup galöm bölöñi miengö dopkeu

Mat 21.33-46; Luk 20.9-19

¹*Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketañi kötnöñ meyök. Miangörej waingö ölni ala könanöñ tözöhölget oñan lalanöñ geyök. Wain jout ketañi mi memba wain yoñgorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, “Mönö nup memba ölnañgö bahöñi nanñini memba bahöñi toñi ni niñgime.” Mewö jiba nup mi böröñine ala engömosöta kantri kunöñ anda malök. ² Mala mali ölni öliyöhañgö nalöñi (yambu 5) töriiga miangörej welenqeqeñi kun melaim wañgiiga galöm yeñgörej anda wain nup ölnañgö bahöñi wañgimegöra jiyök. ³ Jiyökmö, galöm yeñön i memba jöhöba kömbinöñ qeba wuatañgögetka böröñi börak lilingöyök. ⁴ Miangö andöñe welen azi kun melaii yeñgörej aniga nööröpñi qesinçda gamu qem wañgiget. ⁵ Miangö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim engiiga tosatñi kömbinöñ sepgwörörök enguba tosatñi enguget kömuget. ⁶ Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wañgime me denöwö?’ Mewö jiba qöndökñi mi nahöñña melaiiga yeñgörej anök. ⁷ Anökmö, kaiga eka sutñine kewö jiget, ‘Yañön mönö börösamotñangö toñi akña. Ayop, mönö memba qein kömuiga wain kösö nup kiançön mönö nanine buñanina akña.’ ⁸ Mewö jiba memba jöhöba qeget kömuiga qamötñi nup yaigepñe gilget geyök.

⁹ Wain nup toñan mi möta mönö denöwö akña? Yañön mönö nançak kaba nup galöm mi könderñ engima aka nup galöm dölokñi miwikñaim engiba wain kösö nupñi yeñgö böröñine alma. ¹⁰*Buña Kimbigö keu ki lök oyonçet me qahö?

* 12:1: Ais 5.1-2 * 12:10: Sum 118.22-23

'Miri meme yeñon köt tandö kun andö qeba öne mosötket taröhi, miañon mönö tandö kömbönañi ahiga miwikñaiget. Miañon tinjiriga mirinöñ mönö gororongöba eta kölma.

¹¹ Kembunöñ tandö mi kuñguiga jeninan ehinga qetbuñabuk ahiga welipkömakzin.' ”

¹² Jisösnöñ mewö jiiga galöm yeñon keu miañgö könañi möt asariba kewö jiget. “Dopkeu mi mönö neñgöra jiza.” Miañgöra i memba jöhöbingö mötketmö, ambazip kambu yeñgöra keñgötñini möta osiba mosöta anget. Mewö.

Takis alalgö Jisös esapköm wañgiget.

Mat 22.15-22; Luk 20.20-26

¹³ Juda jitñememe yeñon Farisi aka premiö Herodkö pati alaurup tosatñi melaim eñgiba kewö jiget, “Inini mönö Jisösgöreñ anda qesiba keugö bötaknöñ öröi gwaröhöm wañgime.” Mewö jigetka Jisösgöreñ kaget. ¹⁴ Jisösgöreñ kaba kewö jigetka mörök, “Böhi, göñon azi ölni akzani, nini mi mötzin. Göñon ambazip tosatñi qahö eñgek soriba tosatñi qahö qepureim eñgimakzanmö, dop mohotnöñ kewöt neñgimakzan. Miañgöra kuñgum gihigetka qahö goñgiba ketani qahö esuhum eñgimakzanmö, Anutugöreñ köna mi keu ölnañgö dop kusum neñgimakzan. Göñon Anutugöreñ keu diñdiñi miañon öngöngöñi eretñi mohot pakpak jim qindiñ ak neñgimakzan. Miañgöra nini sisa-kiñgöra takis ala miañon Mosesgö Köna keu siñgibin me qahö? Mi alinga dop kölja me qahö?”

¹⁵ Mewö jiget möta areñini munetñi mi möt kutuba kewö jii mötket, “Inini wuanöñgöra keugö bötaknöñ al niñgibingö esapköm niñgize? Ölop silwö moneñ (Kina 5) kun memba kaget eki.”

¹⁶ Mewö jiiga mi memba kagetka kewö qesim eñgiyök. “Dagöreñ imut aka qet mi ki ohoget ahöza?” “Mi sisa kiñgöreñ!” Mewö melenja jiget.

¹⁷ Jigetka kewö jii mötket, “Mewö ahiga yuai sisa-kiñgö imutñambuk buñañi ahözawi, mi mönö yañgöra al wañgime. Yuai kun Anutugö buñaya ahözawi, mi mönö Anutugö buña qeme.” Mewö jii möta yañgöra gwötpuk welipköget. Mewö.

Kömupnöñök wahötwahötkö esapköm wañgiget.

Mat 22.23-33; Luk 20.27-40

¹⁸ *Sadyusi (Jike nupkö kapañkölköl) yeñon “Kömugeri yeñon kude wahötme,” jiba malget. Yeñgöreñök tosatñan Jisösgöreñ kaba kewö qesim wañgiget, ¹⁹ * “Böhi, Mosesnöñ kewö jim kutum neñgiyök ahöza, ‘Azi kun ambi meiga nahönbörat qahö ahui kömumba malöñi öne mosöriaga munñan ölop malöñi memba gwölöñarök qiwikñaim wañgiiga datñañgö qet bisiba malma.’

²⁰ Mötnöñ! Nalö kunöñ darumun 7 malget. Datñini mutukñan ambi memba mala gwölöñarökñi qahö öne mala kömuyök. ²¹ Kömuiga munñan malöñi mi memba mala mewöyök gwölöñarökñi qahö öne kömuyök. Kömuiga munñi kun yañgö bapne miañon ambi miyöhök memba mala öne kömuyök. ²² Mewöña mewö darumun 7 pakpak yeñon ambi mohot miyöhök memba gwölöñarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñon Kömugeri yeñon guliba wahötme, jizanmö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhañgöra aka mönö dagö anömña akawak?”

²⁴ Mewö qesigetka Jisösnöñ melenja kewö jii mötket, “Inini keu jim sohoze. Urumelenjö Buña Kimbiñi aka Anutugö kukösumñi qahö möt kutuzeañgöra mönö janjuñ ahakze. ²⁵ Ölna, kömupnöñök wahöta nalö miañgöreñ awanöm qahö akñemö, garata yeñon Sup mire maljeañgö tandök aka malme. ²⁶ *Mötket! Kömugeri, yeñon guliba wahötmegö keuñi mi Mosesgö Buknöñ kewö ahöza: Sötman köhösönöñ könöp bölam ahuba qahö jem kutuyöhi, inini kösohot mi oyorñget me? Anutunöñ miañgöreñ Moses kewö jii mörök,

* 12:18: Apo 23.8 * 12:19: Dut 25.5 * 12:26: Eks 3.6

'Nöñön Anutu Abrahamgö Kembu, Aisakö Kembu aka Jeikobkö Kembuya mala kota maljal.'

²⁷ Isik bömön karöbut yeñön Anutubuk mala mal köhöiba öngöme. Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapañkölköl pati) iñini mönö keu gwötpuk möt sohomakze." Mewö meleşnök.

Jöjöpañ keu bohonñi yahöt mi denöwö?

Mat 22.34-40; Luk 10.25-28

²⁸ *Jisösnöñ Sadyusi (Jike nupkö kapañkölköl) yembuk eraum möta jim soroköba meleş engiyöhi, mi Köna keugö böhi azi kunöñ mörök. Mewö möta jeñe kañgota kewö qesim wañgiyök, "Jöjöpañ keu pakpak mieñgöreñök bohonñi ketañi mi denöwö?"

²⁹ *Qesim wañgiiga meleşnök, "Bohonñi ketañi mi kewö, 'Israel könagesö mötket! Anutu mi Kembunini. Yañön Kembu mohot ahiga bem alañi kun qahö.

³⁰ Miangöra urugi jömukñi, uñagi jömukñi, mötmötki jömukñi aka kuki jömukñi, mianñön mönö Kembu Anutugi jöpaköba malman."

³¹ *Jöjöpañ keu miangö alañi kewö,

'Nangi jöpaköm añgumakzani, mewöñanök mönö ambazip pakpak jöpaköm engiba malman.'

Jöjöpañ keu kunñan mönö keu yahöt mi qahö etkoñgitza."

³² *Köna keugö böhigöra mewö meleşniga jiyök, "Böhi! Gi törörök keu öñangö dop jizan. Anutunöñ mohot akza. Bem alañi kun qahö. ³³ *Gi urugi jömukñi, mötkutukutugi jömukñi aka kuki jömukñi, mianñön Anutu jöpaköba malman. Aka nangi jöpaköm añgumakzani, mewöñanök mönö ambazip pakpak jöpaköm engiba malman. Jöjöpañ keu yahöt mi bohonñi ketañi akzahot. Mi tem kölmani, mianñön mönö jöwöwöl pakpak aka naluk kötin tosatñi engoñgitza." ³⁴ Mewö jiiga Jisösnöñ urumötmötñi möri dop köliga kewö jii mörök, "Gi Anutugö bemtohoññöñ añgotmamgö dopdowizan." Mewö eraum möröhotka körek yeñön Jisös toroqeba qesim wañgibingö kölköldömdöm aka mosötket. Mewö.

Kraist mi kiñ Deiwidkö kembuñi aka gwölöñarökñi.

Mat 22.41-46; Luk 20.41-44

³⁵ Jisösnöñ jöwöwöl jikenöñ kinda Buña keu kusum engiba kewö qesim engiyök, "Kraistnöñ kiñ Deiwidkö gwölöñarökñi akzawi, Köna keugö böhi yeñön keu mi denöwögöra jimakze? ³⁶ *Deiwidnöñ nanñak Uña Töröñan sölölohöm wañgiiga kewö jiyök,

'Anutunöñ kinda nöngö Kembuni kewö jii mörök: Göñön mönö kaba nöngö böröni öñe tatnönga nöñön nalö sutñe kerökurupki tim tötöla luhut alengiba göhö köna tambö gwaröñe al engimam. Nalö mi kam kuñgumawañgö dop mönö asakmararaññöñ ki tatman.'

³⁷ Deiwidnöñ nanñak mewö jiba qetñi 'nöngö Kembuni' jiza.' Kembuni jiba mönö denöwö aka yañgö gwölöñarökñi mohot akawak?" Mewö jiiga ambazip kambu ketañi yeñön Jisösgö keuñangö sihimñi möta kezap alget. Mewö.

Urumeleşgö silesile malmalgö galöm meme keu.

Mat 23.1-36; Luk 20.45-47

³⁸ Jisösnöñ kusum engiba toroqeba kewö jiyök, "Iñini mönö Köna keugö böhi yeñgöra galöm memba malme. Yeñön maluku köropñi löngöta anda kaba kondel añgubingö mörakze aka maketnöñ me könanöñ ambazip engigetka jölöñini jimegö mörakze.

³⁹ Köuluk mire qaikñe eu tatpingö sihimñi mörakze, aka közölömbuaññöñ dum tatat mutukñe jegep tatpingö mörakze. ⁴⁰ Yeñön malö yeñgöreñ miri yuai bidañda gagabe köla

* 12:28: Luk 10.25-28 * 12:29: Dut 6.4-5 * 12:31: Lew 19.18 * 12:32: Dut 4.35 * 12:33: Hos 6.6

* 12:36: Sum 110.1

enɣuaŋgirakze, aka qetbuŋaŋini asuhumapköra köuluk köröpŋi köuluköba töptöpŋine qemakze. Mianɣöra Anutunöŋ keuŋini jim teköba likepŋi öŋgöŋgöŋi meleŋni qakŋine öŋgöma.” Mewö.

Ambi malö kunöŋ naluk kötin öljü alök.

Luk 21.1-4

⁴¹ Jisösnöŋ jöwöwöl jikenöŋ naluk dundum andöŋe tariga ambazipnöŋ monerŋ mi-angöreŋ alget geiga uba engehök. Ambazip pomŋi sukinapŋinambuk gwötpuk yeŋön kaŋgota kina monerŋ lömbötŋambuk alget geyök. ⁴² Alget geiga malö wanapŋi kunöŋ kaŋgota souje kötŋi yahöt, mi toiya tosatŋi mianɣö dop ali geyök. ⁴³ Jisösnöŋ mi eka gwarekurupŋi köl öröm enɣiba kewö jii mötket, “Nöŋön keu öljü kun kewö jibi mötme: Malö wanapŋi kianön naluk aljawi, mi mönö tosatŋi pakpak yeŋön yuai dundumnöŋ alget gezawi, mianɣö dopŋi onɣita alja. ⁴⁴ Körek yeŋön monerŋ gwötpuk ahöm enɣiiga kitipŋanöhök aljemö, ambi kianön mönö köruebörue maljawaŋgö dop yuaiŋi pakpak al teköba öne töhöŋ malma.” Mewö.

13

Jöwöwöl jikenöŋ köndenmöndeŋ asuhuma.

Mat 24.1-2; Luk 21.5-6

¹ Jisösnöŋ jöwöwöl jike mosöta eriga gwarekurupŋi yeŋgöreŋök kunŋan kewö jii mörök, “Böhi eknöŋ! Jikegö tohoŋ uruŋe miriŋi miriŋi mi mönö wewelipŋambuk. Mi kötnöŋ memba meŋölögetka ölöpbölöpŋi kinja.”

² Jisösnöŋ mi möta keu kewö meleŋnök, “Jikegö tohoŋ uruŋe miri ketari ki engekanmö, mi mönö köndengetka mirigö köt kun mi köt kungö qakŋe qahö ahömapmö, qeqelaŋlaŋ aka sahoŋŋanök ahöma.”

Kahasililiŋ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kundune öŋgöba likepŋe endu jöwöwöl jikenöŋ kinöhi, mi eka tatket. Mianɣöreŋ tata Pitö, Jeims, Jon aka Andru yeŋön Jisös nanöök öröba kewö qesim waŋgiget, ⁴ “Böhi! Keu jizani, mianɣö öljü mönö wanat nalönöŋ asuhum tiŋgitma aka yuai pakpak mi könahiba asuhum tekömawi, mianɣö aiwesökŋan mönö denöwö asuhuma? Mia ölöp jinöŋ mörin.”

⁵ Mewö qesim waŋgigetka könahiba kewö jii mötket, “Kunŋan isimkakalek aiga janjuŋ anbepeköra mönö galömŋini memba malme. ⁶ “Ambazip gwötpukŋan asuhuba nöŋgö qetne kewö jime, ‘Nöŋön Kraist akzal.’ Mewö jiba ambazip gwötpuk tilipköm enɣime. ⁷ Inini yarö miengö buzupŋini aka ötöŋini asuhugetka mörakŋe. Mi möta jönömŋini kude undumakŋa. Yuai mewöŋi mi mutuhök asuhumapkö jijiŋa. Mi asuhumapmö, gölmegö nalöŋan mönö mianɣöreŋök zilaŋ qahö teköma. ⁸ Kantri kunöŋ kantri kun enɣubingöra wahötme. Ambazip kambu kunöŋ kambu kun yembuk aröŋ enɣubingöra wahötme. Gölmene gölmene mianɣöreŋ kenöŋ ketari ketari qözöla memba gölme meleŋni gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Yuai mewöŋi mi ambi köröbuknöŋ masi könahiba enɣumakzawaŋgö dop. Gölmegö nalöŋan mönö mianɣö dop könahiba tekömamgö akŋa.

⁹ *Mewö akŋapmö, inini ölöp galömŋini mem enɣuba malme. Ambazipnöŋ inini öröba keu jakeŋe al enɣiba köuluk mireŋini keu nupŋini memba kömbinöŋ enɣume. Tosatŋan nöŋgöra aka enɣuaŋgitketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme. Mewö kinda nöŋgö könaŋamni nanɣöba jigetka mötme. ¹⁰ Ölöwak Buŋa ki mönö mutuk gölmegö kantriŋi kantriŋi pakpak yeŋgöra jim sehim tekögetkun gölmegö nalöŋan mianɣö andöŋe teköma. ¹¹ Öröba enɣuaŋgita keu jakeŋe al enɣigetka kinmei, nalö mianɣöreŋ keu denöwö jibinak, mianɣö waimanjatŋi qeljiŋe kude mötme. Uŋa Töröŋan aua mianɣöreŋök keu enɣimawi, mönö mia jime. Nanŋine

* 13:9: Mat 10.17-20; Luk 12.11-12

uruñinangöra keu qahö jimemö, Uña Töröñan mönö uruñini sölölohöiga keu jime. ¹² Urumeleñgö kopa kunöñ darumunñan uruñi meleñnöhanğöra aka i mamalolo meiga keu jakeñe algetka qeget kömuma. Mewöyök iwi kunöñ nahönböratñi mamalolo meiga kömuma aka nahönbörat yeñön iwinamurupñini qetal engiba jigetka enguget kömume. ¹³ *Kantri pakpak yeñön nöñgö qetnanğöra aka kazik ak engigetka malmemö, kunñan kapan köla köhöiba böñ qeba kinda maliga gölmegö nalöñan tekömawi, yeñön mönö oyaenğoyaen buña qem anğuma. Mewö.

Jerusalem sitigö köndeymöndey uru-önöñambuk

Mat 24.15-28; Luk 21.20-24

¹⁴ *Könañgep tosatan kaba köndeymöndey aka yuai anğöjörakñambuk jikenöñ qahö alalgö dop mi altanöñ ala kiniga ekñei, - keu ki oyoñmawañön mönö ölop kezap ala möt kutuma - nalö miangöreñ Judia prowinsnöñ malmei, eñön mönö misinğöba öroba kundunye anme. ¹⁵ *Miri kösutñe sombemnöñ malmawañön mönö eta yuaiñi memangöra miri uruñe kude öñgöma. ¹⁶ Nupnöñ anda malmawañön mönö mewöyök malukunji memangöra lilingöba mirinöñ kude anma. ¹⁷ Yei! Ambi gölömbuk aka morö juzunöñ yeñön nalö miangöreñ denöwö ösumñinan anbeak. ¹⁸ Miangöra yuai mi kie luhut nalöñe kude asuhumapköra köuluköme. ¹⁹ *Nalö miangöreñ kahasililiñ keta bölöknji asuhuma. Kahasililiñ dopñi mewöñi mi mönöwök nalö kungen kude asuhuba ahöyök. Anutunöñ yuai pakpak miwikñaiyöhi, nalö miangöreñök könahiba nalö kianğöreñ mala kota nalö sutñe kun qahö asuhuyök. Mönöwök qahö asuhuyök aka könañgep nalö kunöñ qahö ahuma. Miangöra mönö köuluköba malme. ²⁰ Kembunöñ wahöjaliniñ nalö mi qahö mem töribawak ewö, ambazip körekñan mönö ayuhum teköbeakmö, ambazip nanñangöra möwölöhöm engiyöhi, yeñgöra aka wehön miengö qötöñini mi mem törima.

²¹ Nalö miangöreñ kewö jime, 'Mötket! Kraistnöñ ki malja.' aka 'Eket! Amötqege Toñan endu kinja.' Kunñan mewö jima ewö, mi mönö kude möt narime. ²² Mi kewögöra: Amötqege toñi muneyi aka kezapqetok ambazip takapulakanji asuhuba anğöletot aka aiwesök jemurutñi megetka letotme. Mewö letotketka Anutunöñ ambazip nanñangöra möwölöhöm engiyöhi, i mewöyök eñololon mem engimegö esapköba kapan kölgetka janjuñ akepuk. Eñön ölöññanök galömnini memba malgetka mi osibeak. ²³ Nöñön yuai pakpak mi kude asuhuiga qeljine lökñanök jibi mötze. Mi mutuk jizalañgöra mi mönö uruñine ala galömnini mem anğuba malme. Mewö.

Suep gölmegö azi öljän mönö asuhum tinğitma.

Mat 24.29-31; Luk 21.25-28

²⁴ *Wahöjaliniñ mi teköiga nalö miangöreñök wehön jeñan injañ köliga köiñnöñ ömun kölma. ²⁵ *Senğelau yeñön suepnöhök teköba etme aka suepnöñ uturuköiga miangö öroyuainji mi tatatñini mosöta eñololon aketka sohoma. ²⁶ *Nalö miangöreñ Suep gölmegö azi öljä yeñön kousu qakñe kangori ekñe. Kukösumñi ketañan saköldinğinambuk aukñe asuhuiga asakmararañi ekñe. ²⁷ Kangota Suep garataurupñi melaim enğıga yeñön ambazip Anutunöñ nanñangöra möwölöhöm engiyöhi, i gölme görañi likeplikep, euke emuke miangöreñök kölolohoba enğuanğitme. Mewö.

Geröp ipkö dopkeu

Mat 24.32-35; Luk 21.29-33

²⁸ Inini geröp ip eka tandökñi mötmöriba dopkeu ki mötme. Böröñan lök onambuk aiga sinñan yonğoigetka mi eka möta kewö jimakze, 'Wehön nalöñan mönö dopdowiza.' ²⁹ Eñön mewöñanök aiwesök miangö dop asuhuiga eka möt asariba könañi kewö jime, 'Jisösnöñ mönö nanñunöñ dopdowiza.' ³⁰ Nöñön keu öljä kun kewö jibi mötket: Ambazip

* 13:13: Mat 10.22 * 13:14: Dan 9.27; 11.31; 12.11 * 13:15: Luk 17.31 * 13:19: Dan 12.1; Ind 7.14 * 13:24: Ais 13.10; Eze 32.7; Joel 2.10, 31; 3.15; Ind 6.12 * 13:25: Ais 34.4; Joel 2.10; Ind 6.13 * 13:26: Dan 7.13; Ind 1.7

ki merak gölmenöy maljei, yejön qahö kömugetka yuai pakpak jizali, mi mönö yejgö malmal nalöjine asuhuma ³¹ Suep gölmenöy göröy qemahotmö, nöjgö Buña keunan mönö qahö ayapköma.' Mewö.

Jisös kamawangö nalöji mi kunjan qahö mötza.

Mat 24.36-44

³² *Suep gölmegö azi öljän dawinöy kamawi, miangö wehönnji me aua nalöji mi kunjan kun qahö mötza. Suepnöy garata yejön mi qahö mötze. Anutugö Nahönnjan mewöñanök mi qahö mötza. Iwinöy nanjök mi mötza. ³³ Nalö dawinöy asuhumawi, mi qahö mötzeangöra eñön mönö alöm memba uruguliguli malme. ³⁴ *Mi dopkeu kiangö dop ahöza: Azi kunöy miriñi mosöta kantri kungen anök. Anmamgöra aka galömurupñi yuai pakpakñangöra jim kutum engiba nanggu kiñi böröjine ala kukñi engiyök. Kukñi engiba welenqequeurupñi mohok mohok nup keu engiyök. Engiba mala nanggu galömnji mewöyök uruguliguli malmapköra jim kutum wangiyök. ³⁵ Miri toñan dawinöy lilingöba kamawi, mi qahö mötze. Mare me sungem ömbibiñe kama me? Wangaraj suruiga kama me? Wehön gianjiiga kama me? Miangö dop iñini mi qahö mötzeangöra mönö uruguliguli malme. ³⁶ Könöpuk wölañ kaiga eñön gaun ahögetka mewö miwikñaim engibapuk. ³⁷ Iñini mönö uruguliguli malme. Keu mi gwarekurupñi engöra jizali, mi mewöyök alaurupni körek pakpak engögöra jizal: Iñini mönö urugwölögwölö malme." Mewö.

14

Jisös qein kömumapkö angöñay alget.

Mat 26.1-5; Luk 22.1-2; Jon 11.45-53

¹ *Pasowa kendon * aka beret yistñi qahö miangö kendonñi töriyohot. Wehön yahöt teköiga miangöreñ könahitkö ahotka jike nup galöm aka Köna keugö böhi yejön tokoget. Tokoba denöwö möndöñninga Jisös öljön memba qeget kömumbawak, miangö könañi jaruba kewötket. ² Jaruba kewöta kewö jiget, "Ambazip irimñini seholiiga karimñi karimñi asuhubepuköra mi sösöñgai kendon nalöñe akingö osibin." Mewö jiget.

Ambi kunjan Jisös o umköhöwawakñambuknöy miriyök.

Mat 26.6-13; Jon 12.1-8

³ *Jisösnöy Betani mirinöy mala Saimon kun uzikukuñi mem solaniyöhi, yangö mire öngöba tarök. Miangöreñ nene memba tariga ambi kunjan köt kirin kun memba yangöreñ kayök. Kirin mi nöluk tuat-tuat qetñi alabastö miangön memena. Mia o umköhöwawakñambuk öljñi qetñi nad miangön kokolak qeba tarök. Yangön mi bohonñi ketanjan memba kaba nöluk jölñi kutuba oñi Jisösgö nööröpñe mimbiliba miriyök. ⁴ Miriiga azi tatkeri, yejgöreñök tosatñan urubölö aka nanjinök kewö eraum mötket, "Nad o mi mönö wuanöngöra mewö ayuhuzawi? ⁵ Nad o kelökñambuk mi bohonñi memegöra albawak ewö, ölp silim 300:kö töwañi (Kina 1500,-) oñgita yöhötibawak. Mi ambazip wanapñi engiiga dop kölbawak." Mewö jiba ambi mi jim wangiget.

⁶ Jim wangigetka Jisösnöy kewö jii mötket, "Ambi ki kude jim wangime. Wuanöngöra uruñi mem böliize? Yangön silik ölpñi ak soroköm niñgiiga dop kölja. ⁷ *Ambazip wanapñi mi nalöji nalöji sutñine malgetka ölpñi ak engibingö möta mi ölp nalö dop akñemö, nöjön engö sutñine nalö dop qahö malmam. ⁸ Yangön mi nanñi akakmemenangö dop ak niñgiza. Nöjön kömumbi löm köl niñgimeangöra ölp qeljñe sileni kelöknöy nömiriza. ⁹ Nöjön keu öljñi kun kewö jibi mötket: Ölöwak Buña ki kantri igen waigen jim sehigetka anmawi, miangöreñ ambi kianjön yuai ak niñgizawi, miangö buñañi mohok jiget sehiiga yangöra mötmörriba malme." Mewö.

* 13:32: Mat 24.36 * 13:34: Luk 12.36-38 * 14:1: Eks 12.1-27 * 14:1: Kantri qetñi Ijpt miangöreñ Kembugö garatanöy engehoriiba engöñgirök, kendon miangö qetñi Nei keunöy Pasowa. Eksodus 12.15 * 14:3: Luk 7.37-38 * 14:7: Dut 15.11

Judasnönj Jisös mamalolo mem wangimangö urumohok ahök.

Mat 26.14-16; Luk 22.3-6

¹⁰ Gwarekurupni 12 yengörenök kun qetni Judas Iskariot yanön Jisös mamalolo mem wangimangöra aka jike nup galöm yengören anök. ¹¹ Yengören anda keuni jiiga mi möta uruñinan ölöwahiga söngöröni monen wangibingöra keu jöhöget. Keu jöhögetka Jisös nalö kungen mamalolo mem wangimangö köna möt jaruba köñbingöba malök. Mewö.

Jisösnönj gwarek yembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹² Beret yistni qahö miangö kendon silim mutukne (Seqononön) pasowa lama kun qeba ohozema. Miangöra Jisösgö gwarekurupnan jiget, “Böhi, nini miri denikeangören anda pasowa lama mözözmögöm gihiba nembin? Sihimgi denöwö ahöza?”

¹³ Mewö jigetka gwarekyahötñi yahöt kewö jiba melaim etkiyök, “Injiri Jerusalem sitinön öngöyohotka azi kun o kumbut kunduta kaiga miwikñaimahot. Miwikñaiba i ölop wuatangöba anmahot. ¹⁴ Anohotka mire öngöiga miangö toni kewö jiyohot mötma, ‘Böhinönj kewö jiza: Ölop miri uruñi kun ninginönnga miangören öngöba gwarekurupni yembuk pasowa lama nembin.’ ¹⁵ Mewö jiyohotka tonan möta miri qakne eu öngöba uruñi ketani kun kondel etkima. Miangören dum tatat yuai mözözmögöget ahöza. Mi kondel etkiiga miangören lama qeba ohomahot.”

¹⁶ Mewö jiiga gwarekyahötñan mosöta sitinön öngöba Jisösnönj keu jiyöhi, miangö dop miwikñaiba kinda lama qeba ohom mözözmögöyohot.

¹⁷ Miri söñauiga Jisösnönj gwarekurupni 12 yembuk miri miangören kangotket. ¹⁸*Kangota öngöba dumnönj tata nene negetka Jisösnönj kewö jii mötket, “Nönön keu ölni kun kewö jibi mötket: Engörenök kun nömbuk nene nempa tatzawanön mönö mamalolo mem ningima.”

¹⁹ Mewö jiiga uruñinan wösöbirik aiga könahiba nanjök nanjök qesim wangiba jiget, “Nöngöra jibanbuk?”

²⁰ Qesim wangigetka kewö jii mötket, “12 engörenök kun nömbuk beret kuluñnön kundunögöwawi, yanön. ²¹ Suet gölmegö azi ölnan mönö yangöra keu ohoget ahöza-wangö dop gölme mosöta anma. Anmapmö, mamalolo mem wangimawi, yangöra Yei wösöbirik! jizal. Anutunön mönö likepni öngöngöni melej wangima. Azi mi nam köröuruñeyök qahö ahubawak, miangön mönö amqem wangibawak.” Mewö.

Kembubuk semön qöndökni neget.

Mat 26.26-30; Luk 22.14-20; 1 Kor 11.23-25

²² Nene nempa tata Jisösnönj beret nempa kötuetsköba mindipköba engiba kewö jiyök, “Ki nani busuni. Ki nempa neget.”

²³ Mewö jiba wain qambi nempa saiwap jiba engiiga körekñan qambi kiangörenök neget. ²⁴*Negetka kewö jii mötket, “Ki nani sepi. Ki Anutunön ambazip yembuk jöhöjöhö areñ aiga köhöimapköra sepi mokoget geiga ambazip gwötpuk amöt qem engima. ²⁵ Nönön keu ölni kun kewö jibi mötket: Nönön wain kösögö ölni kiangören kunbuk toroqeba qahö nemam. Könañgep Anutugö bemtohoñ uruñe eu taringa közölömbuan almawi, wehön miangören mönö wain o qainni kun mia nemam.”

²⁶ Mewö jiiga sösongai liñet köla mosöta anda Oil ip kundunö öngöget. Mewö.

Pitönönj Jisös qay kölmapkö jii mörök.

Mat 26.31-35; Luk 22.31-34; Jon 13.36-38

²⁷*Öngöba Jisösnönj kewö jii mötket, “Kezapqetok azi kunönj keu kun kewö ohoi ahöza, ‘Nönön galömnini qebiga lama kambunan denme.’

Miangö dop enön körek uruñini böliiga nömosöta buratime.

²⁸*Buratigetka nunqumemö, nönön mönö kömupnöhök wahöta mutuk Galili prowinsönj anda miangören asuhum engimam.”

* 14:18: Sum 41.9 * 14:24: Eks 24.8; Jer 31.31-34 * 14:27: Zek 13.7 * 14:28: Mat 28.16

²⁹ Mewö jiiga Pitönöŋ kewö jii mörök, “Yeŋön körek uruŋini böliiga gömosöta buratime ewö, nöŋön mönö töndup mewö qahö akŋam.”

³⁰ Jiiga Jisösnöŋ jii mörök, “Nöŋön keu öŋŋi kun kewö jibi mötnöŋ: Kuruknöŋ indimŋi yahöt qahö qeriga göŋön merak sungem qaŋ köl niŋginöŋga indimŋi karöbut akŋa.”

³¹ Mewö jiyökmö, Pitönöŋ kapaŋ köla köhöiköhöi ahök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³² Mewö eraum möta anda arö kun qetŋi Gezemane miangöreŋ angotket. Angota gwarekurupŋi kewö jii mötket, “Nöŋön endu anda köuluköbiga iŋini ölöp nalö sutŋe ki tatme.” ³³ Mewö jiba Pitö, Jeims aka Jon eŋguaŋgita anget. Angetka Jisösnöŋ könahiba köŋjiliŋ kanjamŋambuk möriga köna böröŋi qeköyök. ³⁴ Mewö aka kewö jii mötket, “Nöŋgö urunan mönö kondum köla kotzawaŋgöra aka wösöbirik mötpiga kömukömuŋi ak niŋgiza. Iŋini ölöp kiangöreŋ tata nömbuk guli malbin.”

³⁵ Mewö jiba nanŋök boromkun toroqeba anda simin köla sipköba sihimbölä nalöŋi mi Iwiŋaŋgö jitŋaŋgö dop oŋgitmapköra köuluköyök. ³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölägö qambiŋi ki mönö noaŋgitman. Noaŋgitpanak, mi nöŋgö sihimgö dop qahöpmö, mönö nangi jitkahö dop asuhuma.”

³⁷ Mewö jiba lilingöiga gwarekurupŋi karöbut yeŋön gaun ahöget eŋgeka Pitögö kewö jii mörök, “Saimon, gi gaun ahözan me? Gi aua mohot-töp guli malmangö kude köhöizan me? ³⁸ Uruninan guli malbingö sihimŋi mörakzinmö, sileninan lölöwöröŋi akza. Miangöra esapesapnöŋ et eŋgubapüköra mönö köuluköba guliguli malme.”

³⁹ Mewö jii möriga kunbuk eŋgömosöta anda keu miyöhök kunbuk jiba köuluköyök. ⁴⁰ Köuluköba lilingöiga jeŋini böŋböŋ meyohaŋgöra kunbuk gaunök ahöget eŋgehök. Gaunöhök wahöta keu melenbingö janjuŋ aket.

⁴¹ Jisösnöŋ ani indimŋi karöbut aiga lilingöba kaba kewö jii mötket, “Iŋini toroqeba luhut memba gaunök ahöbingö mötze me? Mötket! Kunöŋ Suet gölmegö azi öŋŋi mamalolo mem waŋgiiga bölöŋi meme yeŋgö böröŋine öŋgöma. Miangö aua nalöŋan lök kam kuŋguza. Eŋgö gaun ahöahö nalöŋinan mönö teköza. ⁴² Mönö wahötketka anin. Mötket! Mamalolo mem niŋgimawi, yaŋön mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöŋ mewö jiba kiniga miangöreŋök gwarekurupŋi 12 yeŋgöreŋök kun qetŋi Judas yaŋön kambu kun jitŋe mem eŋgiiga kaŋgotket. Jike nup galöm, Köna keugö böhi aka kantrigö jitŋememe yeŋön i melaim eŋgigetka bimgö sou ketanŋi aka liŋgipŋini memba kaget. ⁴⁴ Mamalolo memangö ahöhi, yaŋön mutuk yembuk aiwesök keu kewö jöhöba jii mötket, “Nöŋön azi numbuŋi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreŋök Jisösgöreŋ angota “O Böhini!” jiba numbuŋi yöhötüm neyök. ⁴⁶ Yöhötüm neiga eka Jisös qelanjiba memba jöhöget. ⁴⁷ Jöhögetka kösutŋe kingeri, yeŋgöreŋök kunŋan bimgö sou ketanŋi öröba jike nup galöm bohonŋaŋgö welenqeŋeŋi qeba kezapŋi köteköi erök. ⁴⁸ Jisös jöhögetka keu kewö jii mötket, “Ni kegwek-kahasililiŋ azia qahöpmö, töndup nöŋgöra mewö möta bimgö sou ketanŋi aka liŋgip memba nömemba jöhöbingöra kaŋgotze. ⁴⁹ *Nöŋön wehön dop jöwöwöl jikenöŋ embuk kinda Buŋa keu kusum eŋgiba malbiga qahö nömigetmö, yuai ki mönö Buŋa Kimbigö keuŋan öŋŋambuk akŋapköra asuhuza. ⁵⁰ Jisös jöhögetka gwarek yeŋön körek Jisös mosöta buratiba unjurata anget. Mewö.

Sepguli kunöŋ unjurata anök.

* 14:49; Luk 19.47; 21.37

⁵¹ Azi gwabö kunöŋ bindoŋi tuatŋanök köpeiba Jisösgö andöŋe wuatangöba anök. Oponi tosatŋi qahö löngöta aniga i esapköba meget. ⁵² Mëmbingö osiba bindoŋi qekögetka aukŋamŋe unjurata anök. Mewö.

Jikegö jitŋememe yeŋön Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³ Jisös jöhöba waŋgita jike nup galöm bohonŋangö mire anget. Angetka jike nup galöm pakpak, kantrigö jitŋememe aka Köna keugö böhi yeŋön miangöreŋ anda tokoget.

⁵⁴ Angetka Pitönöŋ sikepsikep eŋguatangöba jike nup galöm bohonŋangö mire angota jakömbuak mirigö kiripo uruŋe öŋgöyök. Öŋgöba welenqeŋe azi yeŋgö sutŋine tata könöp kösutŋe jömörök. ⁵⁵ Mewö tarökmö, jike nup galöm aka jike kaunsöl kambu yeŋön Jisösgö silenöŋ alal keu denöwö naŋgöinga qeget kömumapkö jim jarugetmö, könari kun qahö miwikŋaiget. ⁵⁶ Jaruba kindä gwötpukŋan keu muneri sileŋe ala naŋgöba jigetmö, keuŋinan könari mohok qahö ahök.

⁵⁷ Mewö aiga tosatŋan wahöta kindä keu muneri sileŋe ala naŋgöba kewö jiget, ⁵⁸ **“Yaŋön kewö jiiga mörin, ‘Nöŋön jöwöwöl jike börönöŋ memeri ki könderbiga gölmenöŋ eriga wehön karöbutkö uruŋe jike qainŋi kun börönöŋ memeri qahö mi mem wahöta kuŋgumam.’”* ⁵⁹ Mewö jigetmö, töndup keuŋinan könari mohok qahö ahök.

⁶⁰ Mewö aiga jike nup galöm bohonŋan wahöta mesohol köl eŋgiba kindä Jisös qesim waŋgiba kewö jiyök, *“Yeŋön göhö silege keu ala naŋgözei, miangö likepŋi kun jiman me qahö?”*

⁶¹ Qesim waŋgiiga yuai bölöŋi kun qahö ahökmö, töndup likepŋi kun qahö meleŋda keuŋi bökö kinök. Keuŋi bökö kiniga jike nup galöm bohonŋan kunbuk kewö qesim waŋgiyök, *“Anutu möpöseim waŋgimazini, gi yaŋgö Nahönŋi Kraist akzan me qahö?”*

⁶² *Qesim waŋgiiga *“Oŋ!”* jiba kewö jii mötket, *“Suep gölmegö azi öŋŋan mönö kukösüm Toŋangö böröŋi öŋŋe tata suepkö kousu qakŋe eri ekŋe.”*

⁶³ Keu mi jiiga jike nup galöm bohonŋan malukuŋi munjurata kewö jiyök, *“Yei, iwinangö jitŋi! Tosatŋan keuŋi naŋgömögöra kunbuk qahö qesim eŋgibin.* ⁶⁴ **Anutu mepaiközawi, mi mönö nanŋinak möt teköze. Miangöra denöwö mötmörize?”* Mewö qesim eŋgiiga yeŋön körek Jisös kömupkö buŋaya akŋapköra jim teköget.

⁶⁵ Mewö jim teköba tosatŋan könahiba söutkölap miriba jemesoholŋi esuhuba börönin nan misiba qeba kewö jiget mörök, *“Daŋön guhuzawi, mi ölöp jinöŋ mörin.”* Jikegö kiripo galöm (sikiriti) yeŋön mewöyök Jisös memba nuŋgulumŋe qekötahöget. Mewö.

Pitönöŋ Jisös qaŋ kölökö.

Mat 26.69-75; Luk 22.56-62; Jon 18.15-18, 25-27

⁶⁶ Nalö miangöreŋ Pitönöŋ kiripo uruŋe sombemnöŋ malök. Emu maliga jike nup galöm bohonŋangö welenqeŋe ambiŋi kuŋŋan miangöreŋ kaŋgorök. ⁶⁷ Kaŋgota Pitönöŋ könöp kösutŋe jömöri ehiba kewö jiyök, *“Gi mewöyök Nazaret azi Jisös miambuk malnöŋ.”*

⁶⁸ Mewö jiyökmö, Pitönöŋ qaŋ köla kewö jiyök, *“Keu jizani, mi qahö möta köndatzal.”* Mewö jiba kiripo naŋguŋe geiga kindä kuruk qerök.

⁶⁹ Naŋgunöŋ geiga welenqeŋe ambi kuŋŋan i miangöreŋ kunbuk eka azi kösutŋe kingeri, i könahiba kewö jii mötket, *“Azi kiaŋön mönö yeŋgöreŋök kun akza.”*

⁷⁰ Mewö jii mötketmö, yaŋön kunbuk qaŋ kölökö. Qaŋ köliga nalö borom kun teköiga azi kösutŋe kingeri, yeŋön kunbuk Pitögöra kewö jiget, *“Göŋön Galili asia kun akzanangöra mönö alakŋa, yeŋgöreŋöhök kun akzan.”*

⁷¹ Mi möta könahiba nanŋi qesuahöm anguba jöjöpaŋ keunöŋ jim köhöiba jiyök, *“Azi keuŋi jizei, mi qahö möt waŋgizal. Muneri jibileŋak ewö, Anutunöŋ mönö likepŋi meleŋ niŋgima.”*

* 14:58: Jon 2.19 * 14:62: Dan 7.13 * 14:64: Lew 24.16

⁷² Mewö jiba kiniga miangöreñök kuruk qeri yahöt ahök. Kuruk qeriga Jisösgö keu kewjö jii möröhi, Pitönöñ mi mötmöriyök, “Göñön indimñi karöbut qañ köl niñginöñga kuruknön qeri indimñi yahöt akña.” Keu mi mötmöriiba wösöñi julmamgö aiga sahot bölüyök. Mewö.

15

Jisösnön premiö Pailötkö jeñe kinök.

Mat 27.1-2, 11-14; Luk 23.1-5; Jon 18.28-38

¹ Miri gianjiiga amandine jike nup galöm, kantrigö jitjememe (70), aka Köna keugö böhi aka jike kaunsöl pakpak yeñön kot öngöngöñi miangö totoko ala Jisösgö keu jim teköget. Jim tekögetka Jisös jöhöba wangita premiö Pailötkö böröñe alget. ² Rom premiö yañön Jisös kewö qesim wangiyök, “Ölña, gi Juda yeñgö kiña akzan me qahö?” Qesim wangjiiga Jisösnön melernda jii mörök, “Mönö nangak jizani, mewö.”

³ Jike nup galöm yeñön keu gwötpuk Jisösgö sileñe ala jiget. ⁴ Jigetka Pailötnön Jisös kunbuk qesim wangiba jiyök, “Mötnön! Yeñön keu gwötpuk göhö silege ala jizei, göñön miangö likepñi kun jiman me qahö?”

⁵ Mewö jiyökmö, Jisösnön bölöñi kun qahö ahökmö, töndup keu kitipñi kunbuk qahö melernök. Keu bök kiniga premiönön welipköyök. Mewö.

Pailötnön Jisös kömumapkö jim teköyök.

Mat 27.15-26; Luk 23.13-25; Jon 18.39-19.16

⁶ Yambu (yara) dop pasowa sösongai nalöñe premiönön kösö mireyök azi kun qetñi qeta qesigeri, mi pösat engizapma. ⁷ Nalö miangöreñ azi kun qetñi Barabas qetkeri, yañön kösö mire tarök. Yañön kegwek-kahasililij azi tosatñi yembuk karim gila azi kun qeget kömuyöhi, miangöra kösö mire al engiget. ⁸ Mewö aiga könagesö yeñön premiögö miri sombemñe eu öngöba kinda könahiba akñalöhangö dop akñapkö qesim wangiget. ⁹ Qesim wangigetka melernda kewö jii mötket, “Nöñön Juda engöreñ kiñ pösatpi etmapkö mötze me?” ¹⁰ Jike nup galöm yeñön Jisösgöra körögisigisi mötkerangöra aka i premiögö böröñe al wangiget. Mi möta sihimñinangö mewö qesim engiyök.

¹¹ Qesim engjiiga jike nup galöm yeñön ambazip kambu uruesiesi mem engiba kewö jiget, “Mönö Jisös mosöta Barabas pösatman! Mewö qesim wangime.” ¹² Mewö jigetka kunbuk melernda qesim engiyök, “Mewö jizeangöra Juda engöreñ kiñ qetñi mewö qerakzei, nöñön mönö i denöwö ak wangibilerjak?”

¹³ Mewö qesim engjiiga kunbuk qetket, “Mönö maripomnön qeget jiman!”

¹⁴ Mewö qetketka Pailötnön kewö jii mötket, “Mi wuanöngöra? Yañön mönö wani bölöña ahök?” Mewö jiyökmö, yeñön mi möta kapañ köla toroqeba qet gigilahöba kewö qetket, “Mönö maripomnön qeget jiman!”

¹⁵ Mewö qetketka Pailötnön ambazip kambu sihimñinangö dop akñangö möta Barabas pösat engii erökmö, Jisösyia jiiga ihilek wahinjambuknön qeyöyaköba qeget. Mewö qegetka maripomnön qemegöra Rom yarö azi yeñgö böröñine alök. Mewö.

Jisös kukulömbuan ak wangiget.

Mat 27.27-31; Jon 19.2-3

¹⁶ Yarö azi yeñön Jisös wangita premiögö jakömbuak mirigö kiripo uruñe angotket. Angota yarö kambu lökñanök öröm engigetka miangöreñ kaget. ¹⁷ Kaba maluku pisikñi gugakgugak mi Jisösgö sileñe löngöt wangiba sötman kösö limbiñda ila ewö nöropñe kölget geyök. ¹⁸ Mewö geiga könahiba waikñi memba jölöñi jiget, “Owe owe, Juda yeñgöreñ kiñ, owe!” ¹⁹ Titipepe mewö aka jigetka jehotnön nöropñe qeba söutkölap qeba simin köl wangiba sipköba möpöqöpösei muneñi mem wangiget. ²⁰ Mepaqepaik mewö ak wangim teköba maluku pisikñi gugakgugak mi qeköba nanñe sile esu löngöt wangiba maripomnön qebingöra wangita anget. Mewö.

Jisös maripomnön qeget.

Mat 27.32-44; Luk 23.26-43; Jon 19.17-27

²¹ *Anda köna namje azi kun qetji Saimon miwikñaiget. Yañön Afrika siti qetji Sairini miangö aziña aka Aleksander aka Rufus yetkö iwiñira. Yañön nupnöhök kañgoriga kuñgum wañgigetka Jisösgö maripomñi memba añguyök. ²² Jisös mewö wañgita gölme kun qetji Golgota mi nanine keunöñ nöröp sihit, miangörej anda añgotket. ²³ Añgota wain o aka marasin qetji mör mi mindiriba lolonqaloñ memba wañgigetmö, Jisösnöñ mi tököyök. ²⁴ *Tököiga kinda maripomnöñ qeget. Qeget kiniga kiawen meget qötöñi ahuiga Jisösgö sile esuñi mohok mohok sutñine miangö dop mendeñda meget. ²⁵ Söñan 9 kilok miangörej maripomnöñ qeget. ²⁶ Maripomnöñ qeba nöröpñe eu qegeraño könañi kewö ohoba qeget, “Juda yeñgö kiñ kemuñjina ki.” ²⁷ Kegwek-kahasililiñ azi yahöt mewöyök yambuk maripomnöñ etkuget. Kun böröñi ölje kun qaniñe likeplikap mewö etkuget. ²⁸ *(Anutugörej Buña Kimbinöñ keu kewö ohoget ahöza, “I kewöta kegwek-kahasililiñ azi ewö mötmöriba yeñgö sutñine alget.” Keu miangöñ mewö öljambuk ahök.)

²⁹ *Ambazip oñgita anda kaba kukulömbuan aka jelikit aka nöröp köla kewö jiget, “Yei! Gi mönö jöwöwöl jike ölop köndeñnönga gölmenöñ eriga wehön karöbutkö uruñe kunbuk mem wahöt kuñgumamgö jinöñ. O, gi azi qetpuk! ³⁰ Mönö nangi bauköm añguba maripomnöñ etman.”

³¹ Jike nup galöm aka Köna keugö böhi yeñön mewöyök sutñine mepaqepaik ak wañgiba jiget, “Tosatña bauköm eñgiba malökmö, nanñi bauköm añgumamgö osiza. ³² Yañön Amötqeqe Toñi Kraist aka Israelgö kiñ akza ewö, mönö dölkü maripomnöñ eri eka mi möt naribinak.” Mewö jiget.

Azi yambuk maripomnöñ etkugeri, yetköñ mewöyök uruqeqe keu töhörej jim wañgiyohot. Mewö.

Jisösnöñ kömuyök.

Mat 27.45-56; Luk 23.44-49; Jon 19.28-30

³³ Silim bibiñi 12 kilok aiga miangörej söñaupnöñ eta gölme pakpak dop köla ahöiga anda aua karöbutkö dop ahök. ³⁴ *Jisösnöñ 3 kilok miangörej nanñe keunöñ kewö qet ketañi qerök, “Eloi, eloi, lama sabaktani?” Mi nanine keunöñ: Anutuni, Anutuni mönö wuanöñgöra andö nuñguzan?

³⁵ Mewö qeriga azi kösutñe kingeri, yeñgöreñök tosatñan mi möta jiget, “Mötket! Mönö Elaijagöra qetza.” ³⁶ *Yeñgöreñök kunöñ ösumñan anda mömöndö kun kahali tandök mi memba wain o asölñambuknöñ kundumgöba ip göröm kitipñe jöhöba suruba Jisös numbu susuñe eu ali neiga jiyök, “Mönö mosötketka nanñök kinök. Elaijanöñ kaba meköi etma me qahöpto, mönö mi ekin.”

³⁷ Mewö aketka Jisösnöñ qet ketañi qeta wösöñi nöñ qeiga kömuyök.

³⁸ *Kömuiga miangöreñök jöwöwöl jikegö uruñe opo kinöhi, miangöñ mönö euyök bibiñe jurata eta yahöt ahök. ³⁹ Suahö galömnöñ maripom mesohol köla kinda Jisösnöñ wösöñi nöñ qeiga kömuyöhi, mi eka kewö jiyök, “Azi kianañ mönö öljä Anutugö nahönña akza.”

⁴⁰ *Ambi tosatñan mewöyök sikep kinda yuai mi eket. Yeñgö sutñine Magdalagö Maria aka Maria Jeims dubatñi aka Joses yetkö namñiri aka Salome yeñön mohotñe kinget. ⁴¹ Yeñön Jisösnöñ Galili prowinsnöñ maliga miangörej i wuatangöba welen qem wañgiba malget. Mewöyök ambi tosatñi gwötpuk Jisösbuk Jerusalem sitinöñ öñgöba kageri, yeñön mewöñanök kösutñe kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

* 15:21: Rom 16.13 * 15:24: Sum 22.18 * 15:28: Ais 53.12 * 15:29: Sum 22.7; 109.25; Mak 14.58; Jon 2.19
* 15:34: Sum 22.1 * 15:36: Sum 69.21 * 15:38: Eks 26.31-33 * 15:40: Luk 8.2-3

⁴² Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³ Neñgogie miangöreñ Arimatia toni, azi qetbuñañambuk qetñi Josef yañön kayök. Yañön mewöyök Anutu bemtohoñangö öññi asuhumapköra mamböta malök. Yañön Juda yeñgö jike kaunsöl kambugö jitrjememe kun aka Sabat kendonöñ könahimangö ahörañgöra aka keñgötñi yaköriba Pailötköreñ anda Jisösgö qamötñi memangö qesiyök. ⁴⁴ Qesiiga “Ölña kömuza me qahöpto?” jiba mötmöriba suahö galömñi jii kaiga “Jisösnöñ nalö köröpñi me töröpñi kömuza,” jiba qesim wañgiyök. ⁴⁵ Qesim wañgiiga buzup keuñi möta Jisösgö qamötñi Josef jim teköm wañgiyök. ⁴⁶ Jim teköm wañgiiga opo tuatñi söñgöronñi memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ urorohogetka dum ahöyöhi, miangöreñ alök. Ala köt kötañi kun metaliga köteñ numbuñi közipköyök. ⁴⁷ Denike alöhi, mi Magdalagö Maria aka Maria Josesgö namñi yetkön kinda ehot. Mewö.

16

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

¹ Sabat kendon tatket teköiga miangöreñ Magdalagö Maria, Maria Jeimsgö namñi aka Salome yeñön “Jisösgö qamötñi anda miribin.” jiba jiniñ jimoronñ umköhöwakñambuk söñgöronñi meget. ² Memba ahöba Sonda söñanök wahöta miri gianñi wehön jilijbölaj kori qaksirinöñ anget. ³ Anda eraum möta jiget, “Qaksirigö numbuñe köt ketañi tatzawi, mi mönö dañön qetalma?” ⁴ Mewö jiba ugetka ani kewö eket: Köt keta bölökñi mi lök qetalget anda ahöyök. ⁵ Qaksirigö köt köteñ numbuñi mewö añañiba kiniga uruñe öñgöget. Öñgögetka öññine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶ Awöwöligetmö, kewö jii mötket, “Mönö keñgötñini kude mötme. Inini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangöreñ suluget ahöyök. ⁷ *Miangöra mönö anda Pitö aka gwarekurupñi pakpak buzup kewö jiget mötme, ‘Yañön mönö qeljine mutuk Galili prowinsnöñ anma. Inini mewöyök miangöreñ anda keuñi jiyöhangö dop i ekñe.’”

⁸ Mewö jiiga auruba jöñömñini unduiga köt köteñök eta ösumñinan anget. Sömburñini mötkerañgöra keu kun kude jigetmö, keuñini bököyök. Mewö.

Jisösnöñ Magdalagö Mariagöreñ asuhuyök.

Mat 28.9-10; Jon 20.11-18

⁹ Jisösnöñ Magdalagö Maria yañgö uruñeyök öme 7 enguatangöiga malök. Jisösnöñ kömupnöñök wahöta Sonda söñan amandiqnöñ mutuk Maria mi asuhum wañgiyök. ¹⁰ Asuhum wañgiiga alaurupñan Jisösbuk mala kota nalö miangöreñ jingey köla sahötteri, Marianöñ mönö yeñgöreñ anda buzupñi jii mötket. ¹¹ Mötketmö, Jisösnöñ guliba mali Marianöñ ehöhi, mi qahö möt nariget. Mewö.

Jisösnöñ alayahötñi yetköreñ asuhuyök.

Luk 24.13-35

¹² Miangö andöñe alayahötñan Jerusalem siti mosöta miri kunöñ anbitköra könanöñ anohotka Jisösnöñ kaisongolomñan meleñniga asuhum etkiyök. ¹³ Yetkön mewöyök anda buzupñi mi alaurupñi jiyohot mötketmö, yeñön mi mewöyök qahö möt nariget. Mewö.

Jisösnöñ gwarekurupñi asuhum enñiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴ Könañgep gwarekurupñi 11 mienön tokoba nene namba tatketka yeñgöra mewöyök asuhuyök. Asuhuba uruköhöikñinañgöra tembula kömupnöñök wahöriega ekerañön buzupñi jiget möta mi qahö möt narigeri, miangöra i jim enñiyök. ¹⁵ *Jisösnöñ kewö

* 16:7: Mat 26.32; Mak 14.28 * 16:15: Apo 1.8

jii mötket, “Inini mönö kantri dop anda gölmeŋi gölmeŋi liliköba ambazip mal anjeangö dop Ölöwak Buŋani jim asarigetka mötme. ¹⁶ Kunŋan Anutu möt nariiga o melun mem waŋgigetka uruŋi meleŋmawi, yaŋön mönö letota Suepkö buŋaya akŋa. Kunŋan qahö möt nariba yaŋgiseŋ malmawi, Anutunöŋ mönö yaŋgö keuŋi jim teköiga könöp siagö buŋaya akŋa. ¹⁷ Möt narim niŋgiba malmei, mi aiwesök mem eŋgibiga könaŋamŋini kewö asuhuma: Yeŋön nöŋgö qetne ömewöröme eŋguatangöme. Kantri tosatŋi yeŋgö keuŋini jime. ¹⁸ Mokoleŋ böröŋinan memba wahötme. Möröm warabe o yuai negetka miaŋön mönö qahö mem bölim eŋgima. Böröŋini kawöl ambazip qakŋine algetka ölöwakŋe.” Mewö.

Jisösnöŋ Suep mire öŋgöyök.

Luk 24.50-53; Apo 1.9-11

¹⁹ *Kembu Jisösnöŋ keuŋi mewö jii mötketka Anutunöŋ waŋgiriga Suepnöŋ öŋgöba Anutugö böröŋi ölje tata malja. ²⁰ Eu maljapmö, gwarekurupŋan mosöta miri gölme dop anda Buŋa keuŋi jim sehiba malget. Mewö malgetka Kembunöŋ yembuk nup memba inahöm eŋgiiga aŋgöletot asuhugetka keuŋinan köhöiyök. Mewö.

* 16:19: Apo 1.9-11

Luk Ölöwak Buḅa Luknönj ohoyök. Jim-asa-asari

Urumeleḅ yeḅön miti dölökḅi qahö memba kazei, dokta Luknönj mi azi öngöḅḅöḅḅi Tiofilusgöra kondelmangöra aka Ölöwak Buḅa ki ohoyök. Luk yeḅön Jisösgö gwarekḅi 12 yeḅḅöḅöḅök kun qahöpḅö, Grik azia aka kawöl ambazip mem ölöwak nupnönj malök. Luknönj Jisösgö könaḅi yahöt kewö kondel neḅgiza: 1) Anutunönj Amötqeqe Toḅi melaimamgö keu jöhöiga Israel yeḅḅöḅöḅö asuhuyök, 2) Yeḅön mönö kantriḅi kantriḅi mem ölöwak neḅgimamgöra kayök. Kembugö Uḅaḅan Jisös oholiga “ambazip etqeqeḅi yeḅḅöḅöḅö Ölöwak Buḅa” jim asariyök. Ambazip yuai könaḅi könaḅi miangöra osigeri, Jisösnönj yeḅḅöḅöḅö waimanjat möta bauköm eḅgiba malök. Luknönj kösohot mewöḅi sehiseḅiḅi areḅḅöḅöḅö ohom teköyök. Luknönj sösoḅḅöḅöḅö kösohotḅi gwötpuk ohoyök. Jisösnönj mutuk gölmenönj erök aka teteköḅe miangöḅḅöḅö gölme mosöta Suepnönj öḅḅöyök. Miangöra sösoḅḅöḅöḅö sehiseḅiḅi mi boḅ 1-2 aka boḅ 24 miangöḅḅöḅöḅö ahöza. Jisösnönj Suepnönj öḅḅöḅöḅöḅö Buḅa nup mem sehigetka mötnariḅ kambunönj qariba qariba anök. Luknönj miangö kösohotḅi mi buk qetḅi “Aposol nup meme” miangöḅḅöḅöḅö ahöi ahöza.

Luknönj Ölöwak Buḅa ohoyöhi, miangö keu bohönḅi mi kewö dop köla ali ahöza: Köuluk nup megetka öḅḅi asuhuyök, Uḅa Töröḅan ambazip sölölohöm eḅḅi malget, Ambi yeḅön Jisösbuk nup gwötpuk naḅḅöḅöḅö meget, Anutunönj siḅḅisöndokḅini mosöta malök.

Buk kiangö bahönḅi bohönḅi 8 mi kewö:

Buk kiangö könaḅi Luknönj ohoyök boḅ 1.1-4

Jon O-melun azi aka Jisös asuḅa qaruyohot 1.5-2.52

Jon O-melun azinönj Anutugö nup meyök 3.11-20

Jisös o melun mem waḅḅiiga esapesap miwikḅaiyök 3.21-4.13

Jisösnönj qenjarök nupḅi Galili prowinsnönj meyök 4.14-9.50

Galili mosöta köna anda Jerusalem aḅḅörök 9.51-19.27

Jerusalem aḅḅöta sonda qöndökḅi malök 19.28-23.56

Wahöta asuḅum eḅḅi Suepnönj öḅḅöyök 24.1-53

Matyu Mak Jon yeḅön kösohot tosatḅi qahö ohogeri, mi Luknönj nanḅök ohoi bahönḅi 2 aka 6 miangöḅḅöḅöḅö ahöza. Kösohot tosatḅi mi kewö: Garata yeḅön liḅet köḅḅet, Lama galöm yeḅön Jisös asuḅuiga kaba eket, Jisösnönj moröröpḅe jöwöwöl jikenönj öḅḅöyök, Samaria azinönj guruseḅ azi ak kömum waḅḅiyök aka nanḅi imbi-imbi azinönj siḅḅisöndoknönj geba sohoyöhi, miangö dopkeu.

Luknönj kimbi Tiofilusgö ohoyök.

¹ Kezapqetok ambazipnönj Amötqeqe Toḅi ahumapkö keu jigetka miangö öḅḅi sutnine asuhuyöhi, ambazip gwötpukḅan miangö kösohotḅi könaḅi ohoget. ² Yuai öḅḅi mi sutnine asuḅuiga tosatḅan mi könaḅi könaḅi könaḅi kota nanḅine jeḅḅinan eka möt yaköḅeri, yeḅön miangö dop miangö buzupḅi toroqeba jim sehigetka kezapḅine geba nanine buḅaya ahök. Ambazip mewöḅi yeḅön Buḅa mi könaḅi papianönj ohoba areḅḅöḅöḅöḅö ahöza.

³ Nöḅön mewöyök yuai pakpak asuḅa koröhi, mi törörök qesim eḅḅi könaḅeyök könaḅi jigetka möt kutuzal. O Tiofilus nöḅön göhöra mötpi öngöḅḅöḅöḅö akzan. Nöḅön göbuk keu eraum mötpitkö mötpi ölöwahiga Jisösgö kösohotḅi mi köḅḅḅḅḅḅöḅö areḅḅöḅöḅö ohozal. ⁴ Buḅa keu öḅḅi kusum gihigetka mötzani, göḅön miangö könaḅi oyondä köḅḅḅḅḅḅö möt kömuman. Mewö.

Jon asuḅumapkö keuḅi Geibrielnönj jiyök.

⁵*Judia prowinsgö kiñ qetñi Herod yangö nalöñe azi kun qetñi Zekaraia malök. Yanön jike nup galöm mala Abaiagö nup areññöñ kinök. Anömñi qetñi Elisabet yanön mewöyök jike nup galöm Arongö gwölönarökñi kun ahök. ⁶Yekñön Anutugö jeñe malmal diñdiñi mala Kembugö jöjöpñ keu aka jimkutukutuñi pakpak törörök wuatangöba köpösihitkö keunñiri qahö malohot. ⁷Malohotmö, Elisabetnön köpingöra gwölönarökñiri qahö mala ambazip namñi ahot.

⁸Nalö kunön Abaiagö nup areññ nalöñan kaiga Zekaraianön jike nup galöm nup memapköra Anutugö jemesoholñe kanğorök. ⁹Kanğoriga jike nup galöm yeñön aiakanñini wuatangöba sutñine nup mendenđa Zekaraia mekögetka Kembugö altanön öngöba jiniñ wörönñambuk ohoyök. ¹⁰Jiniñ wanafu ohoho nalöñan kam kuñguiga yanön yuai wörönñambuk mi ohoiga ambazip kambu pakpak yeñön jöwöwöl jike yaigepñe mamböta Anutu köuluköba malget.

¹¹Jiniñ ohoiga wörönñan pukpuköba miri uruñi dop köliga miangöreñ Kembugö garata kunön altanön eu asuhum wangiba böröñi ölñe göröken kinök. ¹²Kiniga Zekaraianön eka auruba keñgötñi mörök. ¹³Keñgötñi mörökmö, garatanön kewö jii mörök, “Zekaraia, gi keñgötñi kude mötnön. Anutunön köuluki lök mötza. Miangöra anömñan gölöm ala morö nahöna mema. Mi meiga göñön qetñi Jon qetman.

¹⁴Nahönñi asuhuiga urugan yangöra ölöwahiga söñgainöñga ambazip gwötpukñan sösongai akñe. ¹⁵*I nam körö uruñe tariga Uña Törönñan miangöreñök könahiba uruñi kokolak qeiga qariba wain me o köhöikñi mi qahö namba Kembugö qöhöröñe azi öngöñgöñi aka malma.

¹⁶Mewö mala Israel ambazip gwötpuk urumeleñ enğiiga Kembuñini Anutugöreñ lilingöme. ¹⁷*Anutugö Uñañan kezapqetok azi Elaija inahöiga kukösum qakñe nup meyöhi, yanön mönö miangö dop mutuk qeljiñe aniga Kembunön andöñe kama. Yanön anda könagesö uru kuñgum enğiiga Kembunön kamapköra jöjöröba kinme. Iwi aka nahönbörat jula deñgetka uru kuñgum enğiiga kunbuk mindirim angume aka qequetal ambazip mi diñdiñi yeñgö mötmöt areññöñ angotme.”

¹⁸Suep garatanön mewö jiiga Zekaraianön jiyök, “Anömni netkön ambazip namñi akzirangöra keugan mönö dewöwö öñambuk akawak?”

¹⁹*Mewö jiiga meleññök, “Ni Geibriel. Nöñön Anutugö mesoholñe kinbi melaim ninggi buzup ölöpnji ki memba kaba jibi mötzan. ²⁰Nöñgöreñ keu jit öñambuk asuhumawi, göñön mi jibi qahö möt narizanañgöra keugan mönö qahöwahiga mötök malman. Mewö malnöñga buzup keu kiangö öñji asuhumapkö nalöñan kam kuñguiga miangöreñ nesilamgan lolohoi keu kunbuk jiman.”

²¹Nalö sutñe miangöreñ ambazipnön mamböt mala Zekaraianön jöwöwöl jikenön nalö köröp tiñtiñi kinöhanğöra mötkurumkurum aket. ²²Mewö aka tatketka yaigep eta keu jimangö osiiga möt asariba kewö jiget, “Yanön jöwöwöl jikenön kinda jeñi meleñni Suepnöhök imut kun ekza.” Mewö jigetka böröñanök kaisöpsöp al enğiba mötök aka malök.

²³Mewö mala jike nup meme nalöñan teköiga lilingöba miriñe anök. ²⁴Wehön tosatñi teköiga Elisabetnön gölöm ala köiñ 5 miangö dop mire asamböta kewö jiba tata malök, ²⁵“Moröni qahöpköra ambazipnön memba eta al niñgigetka Kembunön mesohol köñ niñgiba miangö lömbötñi memba gila ak kömum niñgiza.” Mewö.

Jisös asuhumapkö keunji Geibrielnön jiyök.

²⁶Elisabetnön gölöm alöhanğö köiñi 6 aiga Anutunön garatañi qetñi Geibriel melaiiga Galili prowinsgö miriñi kun qetñi Nazaret miangöreñ erök. ²⁷*Eta ambi seram jömukñi qetñi Maria yangöreñ anök. Yanön azi qetñi Josef yangö ambi buñaya malök. Josefñöñ kiñ Deiwidkö gwölönarökñi kun ahök. ²⁸Garatanön Mariagöreñ anda kewö jiyök, “O Maria, silimgi ölöpnji. Kembunön kalem möriam gihibi göbuk kinma.”

* 1:5: 1 Hist 24.10 * 1:15: Jaj 6.3 * 1:17: Mal 4.5-6 * 1:19: Dan 8.16; 9.21 * 1:27: Mat 1.18

²⁹ Mewö jiyökmö, Marianön jölön miangöra gwötpuk auruba könanj jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunön kalem möriam gihiiga yangö jeje dop köljan. Miangöra kengetki kude mötnön. ³¹ *Mötnön, göñön gölöm ala morö nahöna meman. Memba qetji Jisös qetman. ³² *Jisös yanön qariba azi qetbuñambuk aiga qetji ‘Öngöngöñi ketanangö Nahönñi,’ qetketka malma. Mewö mali Kembu Anutunön amböñi kinj Deiwidkö jakömbuak dum wanggiiga salupje ambazip galöm köl engiba malma. ³³ Jeikobkö könagesö yengö kinj aka teteköñi qahö galöm köl engiba malma. Bemtohoñi miangön mönön nalö kunön kude qahöwakña.”

³⁴ Garatanön mewö jiiga Marianön jii mörök, “Yei! Ni azigö könanj qahö mötzal. Miangöra keu jizani, miangö ölni mönön denöwö asuhuma?”

³⁵ Mewö jii möta meletnök, “Uña Töröñan mönön aum köl gihiiga Anutu öngöngöñi ketanangö ösumñan dop köla turum gihima. Miangöra morö memani, yanön töröñi aiga ambazipnön qetji ‘Anutugö Nahönñi,’ jiba qerakñe. ³⁶ Mötnön. Tinigi Elisabet yanön mewöyök ‘Köpin mala morö memangö osiza,’ jigetmö, töndup ambi namñi aka nalö kewöñe morö nahöngö gölömñambuk aiga köñi 6 akza. ³⁷ *Anutunön yuai kun akñangö jiba mi qahö qaköba osimakza.”

³⁸ Mewö jiiga Marianön jiyök, “Mötnön, nöñön Kembugö welenqege ambia akzal. Miangöra keu jizani, miangö dop ölop ahum ninggima.” Mewö jiiga Suep garatanön mosöta anök. Mewö.

Marianön Elisabetköreñ kusak anda ehök.

³⁹ Marianön mi möri nalö köröñi qahö aiga wahöta zilañ jöjöröba gölme kunduje öngöba Judia prowinsgö taon kunön anök. ⁴⁰ Anda Zekaraiagö mire öngöba anömñi Elisabet eka söngaiba jölöñi jiyök. ⁴¹ Jölöñi jiiga miangöreñök möri morö nahönön körö uruñe luhuba öngöba eri Uña Töröñan Elisabetkö uruñi kokolak qeyök.

⁴² Kokolak qeiga qet ketanj qeta kewö jiyök, “O alani, Anutunön kötümötuetñi öngöngöñi al gihiiga ambi sutnine malman aka morö memani, i mewöñanök kötuetköm wanggima. ⁴³ Denöwögöra Kembunangö namñan kaba neiga mewö asuhum ninggiza? ⁴⁴ Mötnön, gi jölöñi jinönga keu jölgi kezapne gei morönön urune mewöyök sösongai qakñe luhuba öngöba etza. ⁴⁵ Kembunön buzup keunji jiiga möta miangö ölni asuhumawi, mi möt narizanañgöra göhö mötpi simbawon akzan.” Mewö.

Marianön sösongai lijet kölok.

⁴⁶ *Marianön keu mi möta kewö jiyök,
“I-ia! Nöngö urukönömnan mönön öñöñi qahö Kembu möpöseiza.

⁴⁷ Nöngö unanan Anutu, Amötqege Toni yangöra söngaiba köirañ kölja.

⁴⁸ *Nöñön welenqege ambi etqegeñi maljalmö, Anutunön töndup mesohol köla ak kömum ninggiza.

Mötnön, ambazip kambuñi kambuñi merak könahiba asuhumei, yeñön mönön nöngöra ‘Simbawon!’ jiba möpöseim ninggiba malme.

⁴⁹ Kukösom Toñan mönön angöletot öngöngöñi mem ningii maljal.
Yangö qetji mi Töröñi.

⁵⁰ Ambazip merak gölmenön maljei aka könañgep ahum sehimei, yengö sutnine gwöt isik denike yeñön Anutugö jitñi onggitpinbukö kengetñini mötmei, yangö ak-kömukömuñan mönön yembuk pöndañ ahöma.

⁵¹ Anutunön böröñan angöletot memba miangön kukñi kondel neñgiiga ehin.

Ambazip nanñini miwidimgöba söngöröqök malgeri, yanön mönön i köndeñ enggiiga simbisembel aka malget.

⁵² *Kinj kambuñi kambuñi jakömbuak dumñine tata ambazip galöm

* 1:31: Mat 1.21 * 1:32: 2 Sml 7.12, 13, 16; Ais 9.7 * 1:37: Jen 18.14 * 1:46: 1 Sml 2.1-10 * 1:48: 1 Sml 1.11 * 1:52: Job 5.11; 12.19

köl engiba malgeri, yañön i miangöreñök qeköba utal engiiga etket. Etketmö, etqeceñi ia mönö mem wahöta al engiyök.

⁵³ Ambazip yuaigö jañkötatañ malgeri, miengö uruñini mönö yuai ölopñi ölopñi miangön kokolak qeyökmö, ambazip pomñi mi melaim engiiga böröñini börak öne anget.

⁵⁴⁻⁵⁵ *Yañön amböskonurupñini meköba engömeiga Israel aketka nini toroqeba Anutugö welenqeceurupñi maljin.

Anutunöñ mönöwök jöjöpäñ keuñi kewö jim jöhöm nengiyök, 'Nöñön Abraham aka yañgö gwölönarökurupñi teteköñi qahö mal öngöba malmei, i ak kömum engiba malmam.'

Mewö jiba keuñi mi qahö ölum qei mala korök.

Qahöpmö, yañön mönö keu jitñi mi wuatängöba mala merak bauköm nengimamgöra kaza."

Marianöñ mewö jiyök.

⁵⁶ Marianöñ köiñ karöbut miangö dop Elisabetpuk mala kunbuk miriñe lilingyök. Mewö.

Jon O-melun azinöñ asuhuyök.

⁵⁷ Elisabetkö morö meme nalöñan kam kuñguiga morö nahöna meyök. ⁵⁸ Morö nahöna meiga miri kösutñe malgeri aka tinitosolomurupñi yeñön Kembunöñ ak-kömükömu öngöngöñi kondel wañgiyöhi, mi möt asariba yambuk mohotñe sösongai aket.

⁵⁹ *Sösongai aka wehön 7 teköiga wahöta anda Anutugö aiwesökñi morö sileje yandimegöra tokoget. Tokoba iwiñangö qetñi Zekaraia mi wakan mem wañgibingöra jiget. ⁶⁰ Jigetmö, namñan jiyök, "Mi qahöpmahöpmö, qetñi mönö Jon qetpin."

⁶¹ Jiiga kewö jiget mörök, "Jon qetzanmö, göhö tinitosolomgi yeñgöreñök kunñangö qetñi mi qahö ahöza." ⁶² Mewö jiget möri kinda iwiñan yañgö qetñi qetmapkö qesiba böröñinan kaisöpsöp alget.

⁶³ Kaisöpsöp algetka tafegöra qesii wañgigetka miangöreñ kulem kewö ohoyök, "Qetñi mi Jon." Mewö ohoiga miangöra körek aurum tililingöget. ⁶⁴ Aurum tililingögetka miangöreñök numbuñi amgöiga nesilamñi lolohoiga keu jiba Anutu möpöseiyök. ⁶⁵ Möpöseiga miri alaurupñini pakpak yeñön qemsömbuñini gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

⁶⁶ Buzupñi eraum mötketka körekñan mi möta urukönömñine ala añgön kölget. Kembunöñ kukösumñi morösesep qakñe mokoï malöhi, miangö könäñi möt asariba kewö jiget, "Morö kiañön qariba mönö wani yuaia kun denöwö akña?" Mewö.

Zekaraianöñ kezapqetok keu jiyök.

⁶⁷ Mewö jigetka Uña Töröñan iwiñi Zekaraigö uruñi kokolak qeiga kezapqetok keu kewö jiyök,

⁶⁸ "Nini Israel nengöreñ Kembu Anutu möpöseibin. I-ia!

Yañön mönö könagesöurupñi mesohol köl nengiba sohopeni memamgöra jöjöröba kama.

⁶⁹ Anutunöñ welen azinji kin Deiwidkö könagesö nengö sutninyök azi kukösumñambuk kuñgui wahöta Amötqece Tonina akña.

⁷⁰ Möpñangö möpñeyök kezapqetok ambazipurupñi tök-kutukutuñi i sölohöm engii keu jit kewö jiba malget,

⁷¹ 'Nöñön mönö kerökurupñini yeñgö ösumñini qebi eriga bohonñini jöhömam. Denike yeñön kazik ak engimeï, nöñön mönö körek yeñgö böröñineyök meköba sel jöhöm engimam.'

⁷² Keu mewö jiba bömönurupñini ak kömum engiba yembuk jöhöjöhö

* 1:54-55: Jen 17.7 * 1:59: Lew 12.3

areŋ qainŋi kun jöhöyöhi, mi mötmöriba wuatangöiga amötqeqegö öljü asuhuma.

⁷³ Jöhöjöhö keu mi bömönini Abrahamgöra jiba jöjöpäŋ keunöŋ jim köhöii ahöza.

⁷⁴ Jöhöjöhö keu miangö öljü kewö:

Yaŋön nini kerökurupnini yeŋgö böröŋineyök meköm neŋgiiga yeŋgöra keŋgötnini qahö möta welenni qem waŋgiba malbin.

⁷⁵ Yaŋön keunini jim teköi solaniba yaŋgö jeŋe sarakŋi aka malmalnini ölüluŋ mewö mala kömumbin.

⁷⁶ *O gömokni Jon, göjön qariba mala qeljiŋe mala ambazip uruŋini mindiŋgöba mewö miangön Kembugö könaŋi mesatnöŋga kama.

Miangöra qetki 'Anutu öŋgöŋgöŋi ketanaŋgö kezapqetok azia,' mewö qetketka malman.

⁷⁷ Mewö mala amötqeqegö könaŋi mi Anutugö könagesöurupŋi kusum enŋinöŋga mi möt kutuba uruŋini melengetka Anutunöŋ siŋgisöndokŋini saŋgonŋa mosötma.

⁷⁸ Anutuninan uruŋan jöpaköba ak kömum neŋgimakza.

Mewö aka mesohol köl neŋgiba undiŋi euyangöreŋök ali gilikbilik akza.

Mewögöra neŋön mönö waŋgaraŋ surui aukŋe asaribingö akzin.

⁷⁹ *Nini pandamanöŋ jipjap taringa kömupkö kondotkondot Toŋan aum köl neŋgi-makzapmö, wehön jiliŋbölaŋ kota qaknine kuŋguba mem asarim neŋgima.

Mem asarim neŋgiiga luaigö könaŋi aukŋe asuhui eka miangöreŋ aŋgota tiba kinbin." Zekaraianöŋ mewö jiyök.

⁸⁰ Morö Jon yaŋön qariba wahöriga Uŋa Töröŋan inahöm waŋgiiga Anutugö kolek azi köhöikŋi ahök. Mewö aka gölme qararaŋkölkölŋe mala mali nalöŋan kam kuŋguiga Israel könagesö yeŋgö jeŋine aukŋe asuhuba qenjarök nupŋi könahiba meyök. Mewö.

2

Jisös Betlehem taonöŋ ahuyök.

Mat 1.18-25

¹ Jon O-melun azinöŋ ahuiga nalö miangöreŋ sisa kiŋ Ogastus yaŋön Rom sitinöŋ gölmeŋi gölmeŋi galöm köl enŋiyök. Galöm köl enŋiba takis könahiba memegöra gawmangö jimkutukutu aliga gölmeŋi gölmeŋi pakpak yeŋön tokogetka kuskus (sensus azi) yeŋön qetŋini papianöŋ ohoba areŋgöget.

² Areŋ nup mi nalö mutukŋa meget. Megeri, nalö miangöreŋ azi qetŋi Qirinius yaŋön Siria prowinsgö premiö mala galöm köl enŋiyök. ³ Ogastusnöŋ jimkutukutu aliga ambazip körek pakpak yeŋön öröba anda qetŋini areŋnöŋ ohomegöra nanŋini ahuahu miri bohonŋini dop anget.

⁴ Galili prowinsgö taon qetŋi Nazaret miangöreŋ azi qetŋi Josef malök. Yaŋgö amböŋi mi kiŋ Deiwid. Kiŋ Deiwidkö taonŋi qetŋi Betlehem mi Judia prowinsnöŋ ahöyök. Miangöra Josefnöŋ Nazaret mosöta öŋgöba geba Betlehem anök. ⁵ Anmam jiiga nalö miangöreŋ ambi buŋaŋi qetŋi Marianöŋ gölömnambuk malök. Maliga i auangita qetŋiri ohomegöra mohotŋe anohot.

⁶ Anda Betlehem angorohotka Mariagö morö meme nalöŋan kam kuŋguyök. ⁷ Kam kuŋguiga qenjarök ahöahö mire aŋgota miangö uruŋe tiŋi qahö miwikŋaiyohot. Miangöra bau bulmakau miriŋe öŋgöba tarohot. Tata miangöreŋ nahönŋi mutukŋi memba oponöŋ esuhuba bulmakau joutŋe ali geba ahöyök. Mewö.

Lama galöm yeŋön Suep garata enŋeket.

⁸ Betlehem taon gölme miangöreŋ azi tosatŋan suŋgem dop gölme köröŋi miangöreŋ anda lama kambuŋini galöm köl enŋiba malget. ⁹ Mewö malgetka suŋgem miangöreŋ Kembugö garata kunŋan kösutŋine asuhum enŋiyök. Asuhum enŋiiga Kembugö asakmararaŋan liliköm enŋiba asariiga qem sömbuŋini möta jönömŋini unduyök.

¹⁰ Jönömŋini unduyökmö, Suep garatanöŋ jii mötket, "Mönö kezap alget. Nöŋön sösoŋgai Buŋa ketanŋi ambazip körek pakpak yeŋgöra memba kazal, mi indel enŋimam.

* 1:76: Mal 3.1 * 1:79: Ais 9.2

Miangöra jönömni kude unduma. ¹¹ Buña mi kewö: Engö Amötqeqe Toñinan dölki ahuza. Yañön kiñ Deiwidkö taonöñ asuhaba Kembu qetñi Kraist akza. ¹² Keu miangö aiwesökñi kewö: Injini anda morö sepsep oponöñ esuhaba bulmakau joutñe alget ahözawi, mi miwikñai.”

¹³ Garatanöñ mewö jiiga miangöreñök garata kambu ketanjan Suepnöhök kañgota yambuk aitonöba Anutugö möpömöpösei liñet köla kewö jiget,

¹⁴ “Anutugö qetbuñani möpöseininga Suepnöñ euyangöreñ öñgöza. Yañön ambazip nanñangöra meköm enjiyöhi, yeñgöra körö ölöwak möta gölmenöñ luai al enñgiza.” Mewö.

Lama galöm yeñön anda Jisös eket.

¹⁵ Garata yeñön enñgömosöta Suepnöñ lilingöba öñgögetka lama galöm yeñön naninak kewö jiget, “Ayop, Betlehem miangöreñ yuai ahuiga Kembunöñ miangö keuñi jii mötzini, nini mönö mia anda ekin.”

¹⁶ Mewö jiba ösumñinan anda Maria Josef aka morösepsep bulmakau joutñe ahöyöhi, miwikñai eket. ¹⁷ Eka kinda garatanöñ morögöra keu jii möta kageri, mi indela jim asariget. ¹⁸ Jim asarigetka mötkeri, yeñön körek pakpak auruba welipköget.

¹⁹ Welipkögetmö, Marianöñ keu pakpak mi uru könömñe ala dumgöba jöhöba könañi mötmöriba malök. ²⁰ Welipkögetmö, yuai pakpak Suep garatanöñ jiyöhangö dop asuhuyöhi, mi lama galöm yeñön eka möta miangöra Anutugö sösongai liñet köla möpöseiget. Möpöseiba mosöta lilingöba anget. Mewö.

Morö qetñi Jisös qetket.

²¹ *Jisös ahui Sonda mohot miangö dop teköiga Anutugö aiwesökñi silene yandibingö nalöñi kaiga qetñi Jisös qetket. Suep garatanöñ qet mi mutuk qeta wañgiigun nalö miangöreñök namñangö gölöm uruñe ahuyök. Mewö.

Jisös wañgita Anutugö buñaya alget.

²² *Mosesgö Köna keunöñ keu kewö ahöza, “Ambinöñ morö nahönñi mutukñi memba silim 40 kounmñe mali teköiga söro guluñi köl köñjorat wañgiba injini mönö jöwöwöl jikenöñ öñgöba morö mi Anutugö jeñe algetka yañgö buñaya akña.” Miangöra nalö mi kam kuñguiga Josef Maria yetköñ keu mi tem köla Jisös wañgita Kembugö buñaya akñapköra Jerusalem öñgöyohot.

²³ *Kembugö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembugö buñaya akñapköra qem teköba mem sarahime.” Yetköñ keu mi wuatangöyohot. ²⁴ Mewöyök Kembugö Köna keunöñ jimkutukutu keu ahözawangö dop kembö me kembö supsup nei yahöt mi jöwöwöl ohomahotköra Jerusalem sitinöñ öñgöba anohot.

²⁵ Nalö miangöreñ azi kun qetñi Simeon Jerusalem malök. Yañön uruñi jömuks Anutugöreñ qekötahöba urumelengö kölguliguli aiga Uña Töröñan yambuk kiniga Amötqeqe Toñan Israel uruñe asuhumapköra mamböta malök. ²⁶ Mamböta maliga Uña Töröñan keu kewö indeli mörök, “Gi Kembugö Amötqeqe Toñi Kraist ahui mutuk ekagun kömupkö sihimbölöñi mötman.” ²⁷ Iwinamñan Mosesgö Köna keu wuatangöba Jisös wañgita jöwöwöl jikenöñ öñgöyohot. Öñgöyohotka Uña Töröñan Simeon sölölohöi nalö miangöreñök mewöyök jikenöñ öñgöyök. ²⁸ Öñgöba morö mi eka memba dohongöba Anutu möpöseiba kewö jiyök,

Simeongö sösongai liñet

²⁹ “O Kembu, merak welen azigan ölop anda uruluainöñ mala kömuma.

³⁰ Göhö keugahö dop Amötqeqe Toñi melainöñ asuhuiga i nani jenan eka simbawoñ mötzal.

Miangöra ölop anda kömumam.

* 2:21: Lew 12.3; Luk 1.31 * 2:22: Lew 12.6-8 * 2:23: Eks 13.2, 12

³¹ Göñön amötqeqegö könañi mözözömgöba kantri pakpak yengöra indel enjinönnga mi eka möt kutume.

³² *Göñön Amötqeqe Tonangö asakñi indelnönnga kian kantri yengö uruñini kuñguiga asarime aka qetbuñagan nangi könagesögi Israel nengö sutnine mewöyök qarima.”

Simeongö kezapqetok keu

³³ Simeonöñ morögöra keu mewö jiiga iwinamñan möta köñkuñ aka welipköyohot. ³⁴ Welipköyohotka kötuetköm engiba namñi Maria kewö jii mörök, “Mötnöñ, Anutunöñ morö ki kuñguba ali Israel ambazip sehisehiñan i andö qeba eta enjugetka gwötpukñan uruñini melenja ölöwakñe.

Anutunöñ nanñak i ali aiwesök aiga gwötpukñan i tuaköpek jim wañgime.

³⁵ Tuaköpek jim wañgigetka urumötmötñini asa-asambötñan mewö aukñe asuhuma. Nangi urugan mewöyök wösöbirik aiga miangön sou zuluk alalñi ewö urugi kuñguba qesinma.” Mewö.

Ana ambiqö kezapqetok keu

³⁶ Jerusalem miangöreñ kezapqetok ambi namñi kun qetñi Ana malök. Yangö isikñi qetñi Aser, iwiñi qetñi Fanuel. Ambi miangön seramñe azi memba mali yambu (yara) 7 mohotñe malohot. ³⁷ Malohotka apñi kömui malö aka mala kori nalö miangöreñ yambunji 84 ahök. Yangön nalö dop jöwöwöl jikenöñ öngöba mi silim kun qahö mosörökmö, sungem asak Anutugöra nene singi mala köuluköba waikñi memba möpöseiba malök.

³⁸ Yangön nalö miangöreñök kañgota morö mi eka Anutu möpöseiyök. Anutunöñ Jerusalem ambazip sohopñini memapköra mamböta malgeri, körek yengöra morö miangö könañi jim asarii mötket. Mewö.

Jisösbuk Nazaret lilingöget.

³⁹ *Josef Maria yetköñ Kembunöñ areñi jim kutuiga Köna keunöñ ahözawi, mi körek ahot teköiga Galili prowinsnöñ lilingöba taonñiri Nazaret miangöreñ anohot. ⁴⁰ Morönöñ qariba wahöta köhöiba mötkutukutuñi ahuba kokolak qeiga Anutugö kalem möriamñan qakñe öngöi kinök.

Jisös yarañi 12 aiga jöwöwöl jikenöñ öngöget.

⁴¹ *Jisös iwinamñan yambu (yara) dop ak-kömukömu* kendon nalöñe Jerusalem siti öngöba anjahotma. ⁴² Mewö mala Jisös yambu (yara)ñi 12 aiga silikñini ahakzeangö dop nalöñi kam kuñguiga mewöyök öngöba anget. ⁴³ Anda mala kendon nalö miangön teköiga lilingöba mirinire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. ⁴⁴ “Yangön ambazip kambu yembuk anja,” jiba silim mohotkö dop köna anda sepkitip aka alaurupñiri yengö uruñine qeta jaruyohot. ⁴⁵ Qeta jaruyohotmö, qahö miwikñaiiba kunbuk lilingöba Jerusalem anda jaruyohot.

⁴⁶ Jaruba malohotka silim karöbut teköiga jöwöwöl jikenöñ öngöba miangöreñ miwikñaiyohot. Miwikñaiyohotka azi ketañi yengö sutñine tarök. Tari kusum wañgigeri, mi möta qesim engiba tarök. ⁴⁷ Tata Buña keugö könañi törörök möt asariba diñdñanök melenjiga körek pakpak yengön mi möta welipköget. ⁴⁸ Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimañat möta qeta jaruba malit.”

⁴⁹ Mewö jiiga kewö melenj etkiyök, “Inñiri mönö wuanöngöra ni göraim ningizahot? Ni Iwinañgö mire tatpi dop kölja, mi mötzahot me qahö?” ⁵⁰ Mewö melenj etkiyökmö, yetköñ keu jiyöhi, miangö könañi mi qahö möt asariyohot.

* 2:32: Ais 42.6; 49.6; 52.10 * 2:39: Mat 2.23 * 2:41: Eks 12.1-27; Dut 16.1-8 * 2:41: Anutunöñ Ijipt miangöreñ Israel ambazip engehoriiba engonñiröhi, ak-kömukömu kendon miangö qetñi kun Pasowa.

⁵¹ Qahö möt asariyohotmö, töndup wahöta yetpuk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba aŋgön köläk. ⁵² *Jisösnöŋ mala qarri yambu (yara)ŋi öŋgöiga mötkutukutuŋi asariba sehiiga Anutunöŋ kalem möriamŋi waŋgii köhöiba ambazip aka Anutu yeŋgö jeŋine dop köl eŋgiyök. Mewö.

3

Jon O-melun azinöŋ Buŋa keu jiyök.

Mat 3.1-12; Mak 1.1-8; Jon 1.19-28

¹ Zekaraiagö nahönŋi Jon yaŋön nupŋi könahiyök. Nalö mianŋöreŋ sisa kiŋ qetŋi Taiberius yaŋön Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl eŋgii malget. Galöm köl eŋgimamgöra gölmeŋi gölmeŋi Israel liliköba ahözei, mi meŋgetka bahöŋi 4 aiga miŋgö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiöŋina malök. Kiŋ Herodnöŋ Galili prowins galöm köl eŋgiyök aka datŋi Filipnöŋ Ituria aka Trakonitis prowins yahöt miŋgö kembuŋina malök aka Lisantias yaŋön Abilene gölme memba malök.

² Jike nup galöm bohönŋini yahöt malohot, qetŋiri Anas aka Kaiafas. Nalö mianŋöreŋ Zekaraiagö nahönŋi Jon yaŋön gölme qararaŋkölkölŋe maliga Anutugöreŋ Buŋa keu asuhuiga mörök. ³ Anutugö Buŋa möta anda Jordan o töwatŋaŋgö kösutŋe miri dop liliköba malök. Liliköba mala Buŋa keunöŋ uruŋini kuŋguba kewö jiba malök, “Iŋini mönö uruŋini meleŋgetka nöŋön o melun mem eŋgimam. Mewö aketka Anutunöŋ siŋgisöndokŋini saŋgoŋda mosötma.”

⁴ *Mianŋö keuŋi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza, “Kolek garata kuŋŋan gölme qararaŋkölkölŋe qeta maliga anda qetŋi kewö mötme, ‘Kembunöŋ kamawo! Mianŋöra mönö jöjöröba könaŋi mesatket. Mönö uruŋini mindiŋgöba könaŋi qölöleiget.

⁵ Köna örue pakpak mönö qem tigetka diŋdiŋi akŋa.

Kunduŋi wanŋaŋi pakpak mi mönö qeköba köl qölöleigetka köröŋi akŋa.

Köna mösököqösökŋambuk mi mönö möhamgögetka diŋgime.

Luhutnöŋ köna misiiga simbiŋsambaŋ tatzawi, mi mönö kutuba mesatketka solanima.

⁶ Anutunöŋ oyaenŋkoyaenŋ Toŋi melaii kaiga gölmeŋi gölmeŋi pakpak yeŋön mi eka ek kutume.”

⁷ *Jonöŋ mianŋö dop uruŋini kuŋguiga ambazip kambuŋi kambuŋi yeŋön o melun mem eŋgimapköra yaŋgöreŋ kagetka eŋgeka yeŋgöra kewö jiyök, “O qatö moröŋi, iŋini uruŋini qahö meleŋgetka Anutugö irimŋan seholiiga likeŋi meleŋ eŋgimamgö akza. Mi ölöŋ kölbingö goro keuŋi mi mönö daŋön jii möta sömbuŋini möta ki kaze?

⁸ *“Mianŋöra mönö öŋŋanök uruŋini meleŋme. Bölöŋamŋineyök lilingögetka öŋŋi asuhui mi mönö ahakmememjanan aukŋe kondela malme. Uruŋine möndömöndö keu kewö kude mötmörime, ‘Neŋön mönö Abrahamgö gwölönarökŋa malinga Anutunöŋ qahö ayuhum neŋgima.’ Mewö töptöpŋine qemakzemö, öŋŋi mi qahö ahakze. Nöŋön mianŋöra kewö jibi mötket: Anutunöŋ köt ki ölöŋ jim kutum eŋgiiga letota Abrahamgö gwölönarökurupŋi aka Anutu möpöseimakŋemö, iŋini denöwö?

⁹ *“Uruŋini qahö meleŋme ewö, Anutunöŋ mönö iŋini ip ewö teŋgöri etpingö akze. Ip pakpak öŋŋi ölöŋŋi qahö kuŋgumakzei, mi mönö köli etket könöpnöŋ gili geme. Ip mewöŋi kölmamgö keŋiŋi lök jitŋi saŋe ala ip könaŋe ali jöjöröba ahöza. Anutunöŋ mönö bölöŋamŋinaŋgö likeŋi meleŋ eŋgima.”

¹⁰ Mewö jiiga ambazip kambuŋi kambuŋi yeŋön kewö qesiba jiget, “Mewögöra nini mönö denöwö ahinga dop kölma?”

* 2:52: 1 Sml 2.26; Qam 3.4 * 3:4: Ais 40.3-5 * 3:7: Mat 12.34; 23.33 * 3:8: Jon 8.33 * 3:9: Mat 7.19

¹¹ Qesiba jigetka kewö melerñök, “Kunjan maluku yahöt memba maljawi, yanjon mönö mietköreñök kun mi malukuñi qahö i wanjima aka denike yeñon nenerjinambuk maljei, yeñon mönö mewöyök nenerjini qahö yeñgöra menderj engime.”

¹²*Takis meme azi tosatan mewöyök o melun mem engimapkö kaba qesim wanjiget, “Böhi, neñon mönö denöwö ahinga dop kölma?” ¹³ Qesim wanjigetka jii mötket, “Gawmanöñ takisgö jim kutum engii ahözawi, dop mi mönö qahö ongitata meme.”

¹⁴ Yarö azi tosatan mewöyök qesim wanjiget, “Niniato? Neñon denöwö ahinga dop kölma?” Qesim wanjigetka kewö jii mötket, “Kungöreñ monengöra kunguba upetkupet aka kiom kude kölmemö, nanjini töwanjini memakzei, miambuk mönö urumohok aka ösöñ malme.” ¹⁵ Ambazip pakpak yeñon “Jonöñ Amötqege Toñi Kraist akapuk,” jiba uruñinan mewö mötmöriget. Miangö könañi mötpingö kezapñini köröpñi aket.

¹⁶ Mewö aketka Jonöñ körek yeñgöra kewö jiyök, “Nöñon o töhönöñ melun mem engizalmö, azi kukösumñi köhöikñi kun kama. Yanjö kukösumñi öngöñgöñan mönö nöñgöreñ ongitma. Yanjon azi öngöñgöñi akñawanjöra nöñon yanjö köna esunanjö kösöñi bauköba pösatmamgö qötötangömam. Yanjon mönö Uña Töröñi uruñine ali könöp bölamñan köl köñjorat engiiga mewö mianjon melun mem engima. ¹⁷ Yanjon öñji aka kamböñi menderj etkimamgö sapakñi memba kanjuta uba qöröreñgöba kewötma. Kewöta wit köñji tokoba köweje almapmö, kamböñi aka gwaugulapñi mi mönö usuñniga köñöpñöñ geba teteköñi qahö jema.”

¹⁸ Keu mewöñi mewöñi gwötpuk toroqeba jiba uruñini kunguba Ölöwak Buña ambazip kambu yeñgöra jim asariba malök. ¹⁹*Malökmö, gölme bahöñangö kiñ Herod yanjon datñangö anömñi qetñi Herodias mi ölöñ meyök aka bölöñi könañi könañi aka malöhi, miangö sapñi Jonöñ qeba munjurariga jim wanjiyök. ²⁰ Jim wanjiba bölöñamñi kun toroqeba aka Jongöreñ nupñi tözöpköba suahö galömñi jii Jon memba kösö mire alget. Mewö.

Jonöñ Jisös o melun mem wanjiyök.

Mat 3.13-17; Mak 1.9-11

²¹ Jonöñ ambazip pakpak o melun mem engiba Jisös mewöyök o melun mem wanjiyök. Mem wanji köuluköiga miangöreñök Suepnöñ añañiyök. ²²*Añañiiga Uña Töröñan melerda kembö nei ewö aka Jisösgö qakñe erök. Mewö eriga Suepnöhök qet kun kewö asuhuyök, “Göñon mönö nani wölböt nahöna akñöñga köröni ölöwahiga geknahöm ak gihizal.” Mewö.

Jisösgö isikuruñi yeñgö qet areñini

Mat 1.1-17

²³ Jonöñ Jisös o melun mem wanjiiga yambu (yara)ñi 30 miangö dop aiga amötqege nupñi könahiba memba malök. Memba maliga Josefö nahönña akzawi, ambazipñöñ mewö mötmöriget. Jisös iwiñi Josef, asañi qetñi Heli. ²⁴ Jisös amböñi qetñi Matat, sukumñi qetñi Liwai. Liwai iwiñi Melki, asañi Janai, amböñi Josef, ²⁵ sukumñi Matatias. Matatias iwiñi Amos, asañi Nahum, amböñi Esli, sukumñi Nagai. ²⁶ Nagai iwiñi Mat, asañi Matatias, amböñi Semen, sukumñi Josek. Josek iwiñi Joda, ²⁷ asañi Joanan, amböñi Resa, sukumñi Zerubabel. Zerubabel iwiñi Sealtiel, asañi Neri,

²⁸ amböñi Melki, sukumñi Adi. Adi iwiñi Kosam, asañi Elmadam, amböñi Er, ²⁹ sukumñi Josua. Josua iwiñi Eliezer, asañi Jorim, amböñi Matat, sukumñi Liwai. ³⁰ Liwai iwiñi Simeon, asañi Juda, amböñi Josef, sukumñi Jonam. Jonam iwiñi Eliakim, ³¹ asañi Melea, amböñi Menna, sukumñi Matata. Matata iwiñi Neitan, asañi Deiwid, ³² amböñi Jesi, sukumñi Obed. Obed iwiñi Boaz, asañi Salmon, amböñi Nason,

³³ sukumñi Aminadab. Aminadab iwiñi Admin, asañi Arni, amböñi Hezron, sukumñi Perez. Perez iwiñi Juda, ³⁴ asañi Jeikob, amböñi Aisak, sukumñi Abraham. Abraham iwiñi Tera, asañi Nahor, ³⁵ amböñi Serug, sukumñi Reu. Reu iwiñi Peleg, asañi Eber, amböñi

* 3:12: Luk 7.29 * 3:19: Mat 14.3-4; Mak 6.17-18 * 3:22: Jen 22.2; Sum 2.7; Ais 42.1; Mat 3.17; Mak 1.11; Luk 9.35

Sela, ³⁶ sukumñi Kainan. Kainan iwiñi Arpaksad, asañi Siem, amböñi Noa, sukumñi Lamek. ³⁷ Lamek iwiñi Metusela, asañi Enok, amböñi Set, sukumñi Adam. Adam mi Anutunöñ mei ahuyök. Mewö. ³⁸ (-)

4

Satanöñ Jisös esapköba malök.

Mat 4.1-11; Mak 1.12-13

¹ Jonöñ Jisös o melun mem wanggiiga Uña Töröñan uruñi kokolak qei Jordan onöhök lilingöiga wangita gölme qararañkölkölñe anök. ² Anda miangörej mali Bölöñi Toñan esapköm wangii wehön 40 teköyök. Nalö 40 miangörej nene kun qahö namba mali teköiga neneñangö kömuyök.

³ Yakanangö kömuiga Bölöñi Toñan jii mörök, “Gi Anutugö nahönña akzan ewö, mi mönö kondela köt ki jim kutunöñga letota beret aketka neman.”

⁴ *Jii möta meleñnök, “Qahö, Buña Kimbinöñ keu kewö ohoget ahöza, ‘Nenenöhök ambazip malmal qahö neñgimakza.’”

⁵ Meleñniga wangita kundunji köröpñi kunöñ öngöba gölmegegö kantriñi kantriñi pakpak mi zilañ kondel wangiyök. ⁶ Kondel wangiba jii mörök, “Nönön kantri pakpak mi galöm köl engimangö kukösumñi aka inap yuainangö aködamunñi mi nönögö böröne alalña ahöza. Miangöra mi nani sihimnangö dop niñia wangimam jiba ölop wangimam. Miangöra yuai pakpak ki mönö göhö böröge almam. ⁷ Miangöra gi waikni memba möpöseim niñgiman ewö, mi pakpak mönö göhö buñaya ak teköma.”

⁸ *Mewö jii möta kewö meleñnök, “Qahö, Buña Kimbinöñ keu kewö ohoget ahöza, ‘Gi mönö Kembugi Anutu waikñi memba möpöseiba ia mohot welen qem wangiba malman.’”

⁹ Meleñniga Jisös wangita Jerusalem sitinöñ anda jöwöwöl jikegö boñe euyangörej öngöba kewö jii mörök, “Gi Anutugö nahönña akzan ewö, mönö kiangörejök luhuba emu geman. ¹⁰ *Buña Kimbinöñ keu kun kewö ohoget ahöza, ‘Anutunöñ garataurupñi jim kutum enggiiga ölopñanök galöm köla sel jöhöm gihime,’ ¹¹ *aka keu kun kewö, ‘Yeñön böröñine ala nönögölim gihigetka geba kötnöñ könage qahö guhum qizit akrja.’” Miangöra geba kude ayuhuman.

¹² *Mewö jiyökmö, Jisösnöñ kewö meleñ wangiyök, “Qahö! Anutunöñ jiza, ‘Gi mönö Kembugi Anutu kude esapköm wangiman.’”

¹³ Bölöñi Toñan esapesap pakpak mi Jisös ak wangii teköiga mosöta anök. Mewö.

Jisösnöñ könahiba amötqeqe nup meyök

Mat 4.12-17; Mak 1.14-15

¹⁴ Jisösnöñ gölme qararañkölkölñi mosöri Uña Töröñangö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli miriñi miriñi liliköba köuluk miriñine öngöba Buña keu kusum engiyök. Kusum enggiiga mötkeri, körek yeñön mönö söñgaiba möpöseim wangiget. Mewö.

Nazaret yeñön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret miangörej anök. Sonda kendonöñ kaiga ahakzawangö dop köuluk mire öngöba Buña Kimbi oyon engimangö wahörök. ¹⁷ Wahöri kezapqetok azi Aisaiagö Buzup Kimbi wangigetka kötula keu kemañi kewö ohoget ahözawi, mi miwikñaiyök:

¹⁸ * “Kembugö Uña Töröñan nönögö urune geba nup memegö kelök supapñi köl niñgiba ambazip etqeqeñi yeñgöra Ölöwak Buña jim asarimakzal. Yañön melaim niñgiiga keu kewö jim sehimakzal:

* 4:4: Dut 8.3 * 4:8: Dut 6.13 * 4:10: Sum 91.11 * 4:11: Sum 91.12 * 4:12: Dut 6.16 * 4:18: Ais 61.1-2

Bölöñan gwaröhöm engii maljei, Anutunöñ mönö i pösata meköm engiiga malme.

Anutunöñ jegömöl ambazip jeñini mem tohoiga kunbuk uba ekje.

Taikpaik memba eta alget maljei, Anutunöñ mönö i meköm engiiga siyonsayonji qahö malme.

¹⁹ Kembunöñ amötqeqegö yambu ölopñi ali kam kuñgumawi, nöñön miangö kolekña kaba mi jim asarimakzal.”

²⁰ Keu mewö oyoñda köpöp supap mi köpeiba galömñi wañgiba eta tarök. Tariga köuluk mire tatkeri, yeñön körek je qisilmisilñi qahö dörötköba ehiget. ²¹ Ehigetka könahiba kewö jii mötket, “Buzup Kimbigö keu ki oyoñbi kezapñine gei mötzei, miangö ölñan mönö merak asuhuza.”

²² Mewö jii mötketka kalem möriam keuñi keuñi numbuñeyök eriga körekñan mi möta welipköba jim soroköm wañgiba keu miangö jiji-kilik-kilikñi mi kewö jiget, “Azi ki Josefgö nahönña me?”

²³ Jigetka kewö jii mötket, “Iñini nalöñi nalöñi keu kötñi ki jimakze, ‘Mem ölöwak azi gi mönö nangi mem ölöwak anguman.’ Iñini keu kötñi mi döлки nöñgöra jibingö mötze, mi mötzal. Mi jiba kewö jibeak, ‘Gi Kaperneam taonöñ anda angöletot öñgöñgöñi menöñga buzupñi mörini, miangö dop mönö nangi miri kiangöreñ mewöyök meman.’” ²⁴* Mewö jiba jiyök, “Nöñön keu ölñi kun kewö jibi mötme: Kezapqetok ambazip kunöñ mönö nanñi malqarip taonöñ qahö dop kölja.

²⁵* “Nöñön keu ölbölñi kun kewö jibi mötme: Elaijagö (Elia) nalöñe Anutunöñ Suep nanñuñi köli yambu (yara) karöbut aka köiñ 6 miangö uruñe kie qahö yöhöiga bödi ketanji ahuiga gölme pakpak dop kölök. Nalö miangöreñ ambi malö gwötpuk Israel uruñe malget. ²⁶* Gwötpuk malgetmö, Anutunöñ Elaija yeñgöreñök kungöreñ anmapkö qahö melaiyökmö, kian gölme Saidongö miri qetñi Sarefat miangöreñ ambi malö mohot-töp yanğöreñ melaiiga anök. ²⁷* Kezapqetok azi Elisagö nalöñe uzikukunöñ Israel azi gwötpuk turum engiiga malgetmö, yeñgöreñök kunñan kun qahö solaniyök. Qahöpmö, kian gölme Siriagö azi qetñi Naman yanğön mohot-kun mönö Elisagö keuñi möt nariba solaniba ölöwahök.”

²⁸ Jisösnöñ mewö jiiga köuluk mire tatkeri, yeñön körek keu mi möta irimñini seheliiga urupik aket. ²⁹ Urupik aka wahöta Jisös közöla taon yaigepñe wuatangöba taon mi kundunangö sem kösutñe meget kinöhi, miangöreñ aköget gemapköra anget.

³⁰ Angetmö, sutñine qenderñda engömosöta anök. Mewö.

Kaperneam taonöñ öme kun közölök.

Mak 1.21-28

³¹ Jisösnöñ Galili prowins uruñe Kaperneam sitinöñ eta angota Sabat kendonöñ ambazip kambu kusum engiyök. ³²* Kusum engiiga keuñan kukösumñambuk aiga jiyök. Miangöra könagesö yeñön mi eka auruba welipköget.

³³ Köuluk miri miangöreñ azi kun ömeñambuk tarök. Tariga ömeñan teriñgöba silata qetñi kewö qerök, ³⁴ “Aek! Jisös, Nazaret azia! Gi wania ak neñgimangö akzane? Mönö ayuhum neñgimangöra kazan me? Ni könañamgi möt kutuzal. Gi Anutugöreñ azi Tök-kutukutuñi akzan.”

³⁵ Mewö qeriga Jisösnöñ tembula kewö jim wañgiyök, “Gi mönö keugi bököiga azi ki mosöta kesalnöñ.” Mewö jim wañgiiga ömenöñ azi mi memba gili tala sutñine gölmenöñ geiga miziqizikñi qahöpmahöp aka kota mosöta anök.

³⁶ Aniga körekñan nemböñini teköiga welipköba sutñine eraum möta kewö jiget, “Ye! Keu ki mönö wani keuya? Yanğön kuk aka ösum-mumu qakñe ömewöröme jim kutum engiiga tem köla kota anje.” ³⁷ Mewö asuhuiga Jisösgö qetbuñañan sehiba miri pakpak kösutñe tat angeri, miangöreñ anda gölme mi dop kölök. Mewö.

* 4:24: Jon 4.44 * 4:25: 1 Kiñ 17.1 * 4:26: 1 Kiñ 17.8-16 * 4:27: 2 Kiñ 5.1-14 * 4:32: Mat 7.28-29

Jisösnöj kawöl ambazip gwötpuk meiga ölöwaket.

Mat 8.14-17; Mak 1.29-34

³⁸ Jisösnöj wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunjan sile könöp öngöngöni yöhöi ahöyök. Ahöiga yangöra aka Jisös köuluköm wangiget. ³⁹ Köuluköm wangigetka anda sipköba geba sile könöp jim kutum wangiiga mosöriga miangörenök wahöta nene ohoba gumohom engiyök.

⁴⁰ Wehön jeji teköba geiga miangören ambazip denike yejön alaurupjini kawöl könaji könaji miangön engöhöi ahögeri, mi körek enguangita Jisösgören kaget. Kagetka böröni körek yengö qakjine inanjik inanjik aliga ölöwak teköget. ⁴¹ Ömewöröme yejön mewöyök ambazip gwötpuk yengö uruñineyök kota silata kewö qetket, “Gi Anutugö nahönji akzan.”

Jisösnöj Amötqeqe Toji Kraist akzawi, yejön mi mötkeurangöra Jisösnöj jim engiba numbuñini muhungöba enguatangöyök. Mewö.

Amötqeqe nupji Galili dop kölok.

Mak 1.35-39

⁴² Jisösnöj gaun ahöiga miri wangaran suruiga wahöta nanjik tirij (tin) kutuba geba görane kunöj anök. Anökmö, ambazip yejön göraim wangiba anda miwikjaiba kude engömosöta anmapköra esapköba angön köl wangiget. ⁴³ Angön köl wangigetmö, kewö jii mötket, “Nöjön Anutu bemtohonjangö Ölöwak Buñaji mi taon tosatji yengöra mewöyök jim asarim engibi dop kölma. Anutunöj mönö miangöra melaim ningiyök.”

⁴⁴ Mewö jiba anda Galili prowins liliköba köuluk mirijine Buña keunöj uru kungum engiba malök. Mewö.

5

Jisösnöj gwarekurupji mutukji enggholök.

Mat 4.18-22; Mak 1.16-20

¹ *Nalö kunöj Jisösnöj Genesaret o angö jitje kiniga ambazipnöj kambu köla Anutugö Buña keu mötpingö ölöqölököba liliköm wangiget. ² Liliköm wangigetka kinda wange yahöt köwet görane tarohotka etkehök. Söra örörö yejön wange mi mosöta geba mösakjini kusahöla sanjonget. ³ Wange kun mi Saimongöreña. Jisösnöj miangören öngöba toji kewö qesim wangiyoök, “Göjön mönö nanjönönga borom kun noangita onöj göröken anma.” Qesim wangiiga nangöiga anda wangenöj tata ambazip kambu kusum engiyök.

⁴ Kusum engim teköba Saimongöra jiyök, “Göjön mönö wange ki nanjönönga o angö bibiñe aniga alaurupki yembuk mösakjini söragöra gilgetka gema.”

⁵ *Jiiga Saimonöj meleñök, “Ketanamni, nini sungem köröp mösak gil bibihibe ölni kun qahö mezin. Qahöpmö, göjön jim kutuzanangöra mönö töndup anda gilin gema.” ⁶ *Mewö meleñni jiyöhangö dop aketka söranöj awamji qahö mösakjine gegetka buratibingö aket. ⁷ Mewö aketka alaurupjini wange kunöj malgeri, yengöra kaba bauköm engimegö börökaek kölgetka kaget. Kagetka wange yahöt mi söranöj kokolak qegetka nemulahöm taköyohot.

⁸⁻⁹ Söra öngöngöni mewö memba eka miangöra körekjan welipköget. Welipköba Saimon Pitönöj mi eka Jisösgö wösöñe geba simin köla jiyök, “O Kembu, ni singisöndok azia akzalanangöra mönö nömosöta anöj.” ¹⁰ Saimongö alayahötji Jeims aka Jon Zebedigö nahönyahötji yetkön mewöyök nemböñiri teköiga welipköyohot. Saimonöj keunji jiyökmö, Jisösnöj kewö meleñök, “Mönö keñgötki kude mötman. Gi kiangö andöñe ambazip mi söra ewö öröba engömemba malman.”

¹¹ Mewö jiiga wangerni öröba kota saknöj ala öroyuaini pakpak mosöta Jisösgö andöñe wuatangöba anget. Mewö.

* 5:1: Mat 13.1-2; Mak 3.9-10; 4.1 * 5:5: Jon 21.3 * 5:6: Jon 21.6

Jisösnöj uzikuku azi kun mem solaniyök.

Mat 8.1-4; Mak 1.40-45

¹² Jisösnöj taon kunöj maliga miangörej azi kun sileji uzikukunöj mem bölim teköiga tarök. Tata Jisös eka kösutje simin köla geba kewö köuluköm wangiyök, “O Kembu, göjön sihimgan mem ölöwak niŋgimangö mötzan ewö, mönö ni ölop mem solanim niŋgiman.”

¹³ Mewö jiiga böröni böranda sileji misiriba jiyök, “Nöjön mi akŋamgö mötzal. Gi mönö solaniman.” Mewö jiiga uzikukuŋi mi miangörejök solaniyök. ¹⁴*Solaniiga kewö jim kutum wangiyök, “Mötnöj kiangö buzup keuŋi mi kun kude jinöj mötme. Qahöpmö, gi mönö jike nup galömgörej anda silegi kondel wangiba Mosesgörej jimkutukutuŋi wuatangöba solanizangö saiwap nalukŋi ala jöwöwöl ohoman. Mi ohonöj ehiga ambazipnöj könaŋamgi möt kutume.”

¹⁵ Mewö jiyökmö, mi töndup Jisösgö qetbuŋani sehiba miri dop asariba anök. Anöhangö dop ambazip kambuŋi kambuŋi yejön keuŋi mötpingö aka kawölŋini mem ölöwakŋapkö yangörej kaba tokoget. ¹⁶ Kagetmö, Jisösnöj engömosöta gölme qararaŋkölkölje anda mala köuluköyök. Mewö.

Jisösnöj azi sile likepŋi kömukömuŋi möhamgöyök.

Mat 9.1-8; Mak 2.1-12

¹⁷ Jisösnöj wehön kunöj Buŋa keu kusum engiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kembugö kukösumŋan Jisös nam köl wanggiiga ambazip kawölŋini mei ölöwaket.

¹⁸ Nalö miangörej azi tosatŋan alaŋini sile likepŋi kömukömuŋi mi kululunöj ala aŋguba kaget. Kaba kutuba Jisösgö kösutje miri uruŋe öngöba albingö esapköget. ¹⁹ Esapkögetmö, ambazip kambunöj ölököba kingeraŋgöra paŋpaŋgöba miri uruŋe öngöbingö köna kun qahö miwikŋaiba memba miri qakŋe öngöget. Öngöba bo kötnöj memenji mi esim lulungetka kinimŋi ahui kawöl azi kululunambuk kösönöj jöhöba miangörej algetka ambazip sutŋine Jisösgö wösöŋe geyök. ²⁰ Mewö geiga Anutu möt narim wangigeri, Jisösnöj yeŋgö tandökŋini mi ehi dop köliga kawöl azigöra kewö jiyök, “Alani, nöjön siŋgisöndoki mosötzal.”

²¹ Mewö jiiga Köna keugö böhi aka Farisi yejön mi möta könahiba kewö jiba mötmöriget, “Azi ki niŋja? Yangön mönö Anutu ilita mepaqepaik akza. Anutu mohotŋan siŋgisöndoknini mosörakzampö, azi kunŋan mi qahö.”

²² Mewö mötmörigetmö, Jisösnöj uruŋini ek kutuba kewö jii mötket, “Tosatŋi iŋini uruŋinan wuanöngöra keu jizali, miangöra gwötpuk mötmörize? Mi qahö dop kölja. ²³ ‘Nöjön siŋgisöndoki mosötzal, jizali, keu miangön mönö awamŋanök jijiŋa. Kunŋan mewö jiiga tosatŋan keu miangö öljö qahö ekŋe. Miangöra mi keu awamŋangö dop. Nöjön keu kun kewö jimamangö mötzal, ‘Möno wahöta anöj.’ Keu mi mönö lömbötŋambuk jijiŋa akza. Mewö jibiga öljö asuhuma me qahöwi, miangön mönö aukŋe asuhui ekŋe.”

²⁴ Mötket, gölmenöj siŋgisöndok mosötmosötkö kukösumŋi mi Sup gölmegeö azi öljaŋgörej ahözawi, iŋini miangö könaŋangöra jaŋjuŋ malbepuk. Miangöra keu lömbötŋi mi azi kiangöra jibi öljö eket.” Mewö jiba azi sile likepŋi kömukömuŋi yangöra jiyök, “Nöjön göhöra jizal: Gi mönö wahöta tumbulahöpki memba mirige anöj. Keu lömbötŋi mi öljambuk akŋa ewö, keu awamŋi mi mönö mewöyök denöwögöra omaŋi akawak?”

²⁵ Mewö jiiga miangörejök jeŋine wahöta tumbulahöpŋi ahöyöhi, mi memba Anutu möpöseiba mosöta miriŋe anök. ²⁶ Mewö asuhuiga ambazip köreŋan welipköba sömbuŋini möta Anutu möpöseiba jiget, “Yei! Merak yuai qetpuk soroha ekzin.” Mewö.

* 5:14: Lew 14.1-32

*Jisösnöj Matyu (Liwai) oholök.**Mat 9.9-13; Mak 2.13-17*

²⁷ Miangö andöje Jisösnöj Kaperneam mosöta anda takis ofis ongitmamgö aiga miangörej takis meme azi qetji Liwai tariga eka jii mörök, “Gi mönö nöngö andöne kanöj.” ²⁸ Mewö jii möta nupji pakpak mosöta wahöta Jisösgö andöje anök.

²⁹ Anda Jisös mirije köl öröba yangöra közölömbuañ ketani mözözömgöyök. Mözözömgöba takis meme tilipqilipninambuk aka alaurupji tosatji öröm enjiiga kambu ketani köla yembuk tata nene neget. ³⁰ *Mewö negetka Farisi (Köna keugö kapankölköl) aka yengörej böhi yejön mi eka jimongot aka Jisösgö gwarekurupji kewö jim enjiget, “Aek! Inini mönö wuanöngöra takis meme tilipqilipninambuk aka sinjisöndok ambazip yembuk tata nene aka o neze? Mi qahö dop kölja.”

³¹ Mewö jim enjigetka Jisösnöj likepji kewö jii mötket, “Sile unditundit ambazipnöj doktagöra qahö ak engimakzapmö, kawöl ambazipnöj mönö doktagörej anakze. ³² Nöjön sinjisöndok ambazip urunini melemegö engoholmamgöra kaba maljalmö, ambazip nanjinangö mötketka solanji akzei, i qahö.”

*Nene sinji malmalgö keunji**Mat 9.14-17; Mak 2.18-22*

³³ Ambazip tosatjan Jisösgörej kaba qesiget, “Jon O-melun azigö gwarekurupji nejön nalö gwötpuk Anutugöra nene sinji mala köuluk totoko köröpji alakzin. Farisi (Köna keugö kapankölköl) yengö gwarekurupjinan mewöñanök aka maljemö, nangi gwarekurupkan mönö pöndañ nene aka o nemakze.”

³⁴ Mewö qesigetka kewö melemök, “Ölña! Nini wani nalönöj nene sinji malakzin? Ambi meme nalöje azigö andöurupjan könöpji algetka ambigö sep kitipurupjan yuai mi tökömakze me qahö? Nöjön nani gwarekurupni yengö azi bujaya aka yengö sutñine köisirik tatzal. Tatpiga sinji malbingö jigetka yejön aijölön söngaiba tata sinji malbingö osimakze. ³⁵ Osimakzemö, Anutunöj noañgiri kömumbiga yejön mönö nalö miangörej ölop sinji malakje.

³⁶ “Inini malmal walji aka sösongai Buña dölökñi mi mindirim etkibingö osime. Miangö dopkeu pasetji kun mi kewö jibi mötket: Löngölöngöt walji jurariga kunöj löngölöngöt dölökñi mitiba opo su johañji mianön qahö ala uhum görengömakza. Mewö akawak ewö, opo su johañji dölökñan mönö walñambuk örörön qahö aka mi öröba munjurariga böliqölibapuk.

³⁷ “Mewöñanök kunöj wain o dölökñi mi jobö me toru walji lama silenjan memenji miangörej qahö kusuiga gemakza. Mewö akawak ewö, wain o dölökñan mönö qariba toru qesijniga jula mokoiga gölmenöj eta sohoiga torujan böliqölibepuk.

³⁸ “Miangöra wain o dölökñi mi toru dölökñeyök mokoin geiga dop kölma. (Mewöñanök kunöj o ölopñi mi gina gisagisahöje qahö umakzin. Mewö ubinak ewö, mianön mönö jula kisipisirik eriga nempa kawöl neñgöhöbapuk. Mewö akapuköra o ölopñi mi gina ölopñe umakzin. Inini mewöyök malmal walji aka Ölöwak Buña dölökñi mi mindirim etkibingö osime.) ³⁹ Kunñan wain o walji möpöseiba nempa malakzawi, yanön wain o dölökñi nemangö sihimji qahö möta ölan alakza.” Mewö.

6

*Jisösnöj Sabat kendongö Kembuñi akza.**Mat 12.1-8; Mak 2.23-28*

¹ *Miangö andöje Sabat kendon kunöj Jisösnöj wit padi nup köröñi ketani kutuba anök. Ani gwarekurupjan wösöñini enjiiga wit ölni mohot mohot böröñinan misiba sömanña neget. ² Mewö negerangöra Farisi (Köna keugö kapankölköl) tosatjan mi eka kewö jiget, “Inini mönö wuanöngöra Sabat kendongö nup meme songonji ongitze?”

* 5:30: Luk 15.1-2 * 6:1: Dut 23.25

³ *Mewö jigetmö, Jisösnöñ kewö meleşnök, “Kiñ Deiwidnöñ yarö aziurupñi yembuk liliköba wösöñini enğuiga yuai akeri, mi lök oyonget me qahö? ⁴ *Yañön mönö Anutugö opo seri jikenöñ öngöba beret kömbukñi Anutugö jemesoholñe altanöñ alget tariga ösumñan walöñniga qekögeri, mi mönö meiga neget. Beret kömbukñi mosötmosötñi mi jike nup galöm yeñönök nezema. Yañön aka yañgö sunğurumurupñan mi nembepuköra sonğo ahöyök mi töndup neget.”

⁵ Mewö jiba kewö jii mötket, “Suep gölmegö azi ölñan mönö Sabat kendongö Kembuñi akza.” Mewö.

Jisösnöñ azi böröñi sösröngöñi mem ölöwahök.

Mat 12.9-14; Mak 3.1-6

⁶ Jisösnöñ Sabat kendon kunöñ köuluk mire öngöba Buña kusum enğiyök. Miangöreñ azi kun böröñi ölñi soholiiga tarök. ⁷ Köna keugö böhi aka Farisi (Köna keugö kapañkölköl) yeñön Jisös eka keu jakeñe al wañgibingö könañi jaruba “Azi mi Sabat kendonöñ möhamgöma me qahö?” jiba je galöm memba tatket. ⁸ Tatketmö, Jisösnöñ mötmötñini mi möt kutuba azi böröñi sosoholiñi mi kewö jii mörök, “Mönö wahöta jenine kinöñ.” Mewö jiiga wahöta kinök.

⁹ Kini Jisösnöñ jii mötket, “Köna keu wuatangöba Sabat kendonöñ yuai ölöpnñi me bölöñi akin? Ölop kungö bohonñi jöhöbin me mosöringa ayuhuma. Wanat kun meinga dop kölma? Mi qesim enğibi jiget.” ¹⁰ Mewö jiba körek pakpak lilingöm purik engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiiga kunbuk ölöwahök.

¹¹ Ölöwahökmö, galöm yeñön irimñini gwötpuk seholiiga “Jisös denöwö ak wañgibin?” jiba nanñini eraum mötket. Mewö.

Gwarekurupñi 12 möwölöhöm enğiyök.

Mat 10.1-4; Mak 3.13-19

¹² Nalö miangöreñ Jisösnöñ kundunje köulukömamgö öngöba sunğem köröp mi Anutu köuluköm wañgiba mali miri alök. ¹³ Miri gianjiiga gwarekurupñi enğohola yeñgöreñök 12 möwölöhöm enğiba melaimelai azi aposol qet mi enğiyök.

¹⁴ Qetñini kewö qerök: Saimon, Jisösnöñ qetñi Pitö wañgiyök, yañgö munñi Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönñi aka Saimon qetñi kun Tuaköpek azi qetket.* ¹⁶ Judas Jeimsgö nahönñi aka Judas Iskariot. Kariot azi miangöñ könañgen mamalolo azia ahök.

Jisösnöñ kawöl ambazip mem ölöwak enğiyök.

Mat 4.23-25

¹⁷ Jisösnöñ aposolurupñi yembuk kunduneyök eta gölme köröñe anda kinget. Kingetka gwarek kambuñi ketañi aka ambazip kambuleleme yeñön yañgöra tokoba mambötket. Yeñön “Buñañi jii möringa kawölnini mem ölöwakña,” jiba miangöra Judia prowins pakpak, Jerusalem siti aka köwet jitneyök Taiö aka Saidon taon miangöreñök kaba tokoget. ¹⁸ Ömewörömenöñ kölköljinñiñ mem enğiyöhi, yeñön mewöyök kaba ölöwaket. ¹⁹ Kukösumñan yañgöreñök kutuba yeñgöreñ öngöiga körek ölöwak enğiyök. Miangöra ambazip körekñan Jisös misiribingö jaram tiget. Mewö.

Simbawoñ aka kezapjupjup ahakö keunji

Mat 5.1-12

²⁰ Jisösnöñ gwarekurupñi uba wahöta engeka kewö jiyök, “Anutugö bemtohoñ mi wanapñi enğö buñaya. Miangöra wanapñi inñini mönö simbawoñ akze.

²¹ Nalö kewöñe nenegö ewö kömumba qemñen qeba maljei, Anutunöñ mönö

* 6:3: 1 Sml 21.1-6 * 6:4: Lew 24.9 * 6:15: Nasönöl pati zelot yeñön Rom gawman tuarenjoñ aka nanñine kinkin membینگö tuaköpek memba malget.

sihimɲini mi gumohom engima. Mianğöra iɲini mönö simbawoɲ akze. Nalö kewöŋe sahötzei, eɲön mönö sösöŋgai aka gön kölme. Mianğöra wösöbirik maljei, iɲini mönö simbawoɲ akze.

²² * “Ambazipnöŋ iɲini Suep gölmegö azi ölnaɲğöra aka kazik aka yaköriba sileŋe ala uruqeŋe keu töhöreɲ jim engiba kiam sekbölö ewö qetɲini kutumei, iɲini mönö simbawoɲ akze.

²³ * “Ambösakonurupɲinan mianğö dop kezapqetok ambazip yeɲğöra ak engiba malget. Mötket! Anutunöŋ töwaɲini öngöŋgöŋi Suep mire ali ahöza. Mianğöra mewö ak engigetka nalö mianğöreɲ mönö söŋgaiba köiraɲ kölme.

²⁴ Iɲini simbawoɲ maljemö, pomɲi sukinapɲinambuk iɲini malmal siyoŋsayoɲi qahö maljei, mi teköma. Mianğöra nöŋön engöra wöziköba ‘Yei!’ jizal.

²⁵ Nalö kewöŋe nem timbireɲ maljei, iɲini mönö wösöŋini ali (buörö) bödi malme. Mianğöra nöŋön engöra wöziköba ‘Yei!’ jizal. Nalö kewöŋe sösöŋgai aka gön köljei, iɲini mönö amburereɲ aka sahötme. Mianğöra nöŋön engöra wöziköba ‘Yei!’ jizal.

²⁶ “Ambösakonurupɲinan kezapqetok ambazip takapulakaɲi jim möpöseim engiba malget. Ambazip pakpak mianğö dop ak engigetka nöŋön engöra wöziköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

²⁷ “Bölöŋi ak engimemö, iɲini keuni möta maljei, nöŋön engöra kewö jibi mötme: mönö kerökurupɲini uruɲinan jöpaköm engiba malme. Denike yeɲön kazik ak engizei, i mönö ölöŋanök ak engiba malme.

²⁸ “Denike yeɲön qesuahöba jinjerereɲ ak engizei, i mönö köl tömbiba kötuetaköm engime. Örom ureim ak engizei, yeɲğöra mönö Anutugö köuluköme.

²⁹ “Kunɲan nuɲgulumgi likeɲi qekötahöliiga likeɲi mewöyök melen waɲgi-man. Kunɲan qakɲaɲğö malukugi goaɲgiriga göŋön mönö dutɲaɲğö oponi mohokɲe memangö möri mi kude aɲgön kölman.

³⁰ “Yuaigö ulet gihigetka mi mönö körek yeɲğöra engiman. Kunɲan göhö inap yuaigi meiga mi mönö melen gihimapkö kude kapaɲ köla qesiman. ³¹ * “Ambazipnöŋ yuai nanɲinaɲğö ak engimegö mörakzei, mianğö dop mönö nanɲini mewöyök i ak engimakɲe.

³² “Gölmegö siɲgisöndok ambazipnöŋ alaurupɲinan jöpaköm engigetka kitipɲi melenɲa jöpaköm engiba möpöseim aɲgumakze. Iɲini mianğö dop gölmegö tandökɲi wuatəngömakze ewö, Anutugöreɲ tosa qahö ahuiga mönö denöwö iɲini möpöseim engibawak? Alaurupɲini aka kerökurupɲini mi mönö mohotɲe jöpaköm engigetka töwa engiiga oyaɲkoyaɲ akɲe.

³³ “Gölmegö siɲgisöndok ambazipnöŋ alaurupɲinan yuai ölöŋi ak engigetka kitipɲi melen engiba ala ak aɲguba möpöseim aɲgumakze. Iɲini mianğö dop aka gölmegö tandökɲi wuatəngömakze ewö, Anutugöreɲ tosa qahö ahuiga iɲini qahö möpöseim engima.

³⁴ “Gölmegö siɲgisöndok ambazipnöŋ moneɲ yuai mi siɲgisöndok ambazip tosaɲi yeɲğöra engiba kitipɲi miyök melen engimegöra kapaɲ kölakze. Mi gölmegö ahakmemeya. Iɲini tosaɲan tosaɲini melen engimegö al mambötketka Anutunöŋ mönö denöwö möpöseim engibawak? Tosatɲan tosaɲini qahö melen engigetka Anutunöŋ mönö kitipɲi mi melenɲa töwa engima.

³⁵ “Iɲini mönö Suep Toɲaɲğö ahakmemeya aka memba malme. Gölmegö ambazipnöŋ bölöŋi aka saiwap qahö jimakzemö, Anutunöŋ töndup i ölöŋi ak engimakza. Mianğöra iɲini mönö kerökurupɲini uruɲinan jöpaköba ölöŋanök ak engiba moneɲ yuai engiba

* 6:22: 1 Pitö 4.14 * 6:23: 2 Hist 36.16; Apo 7.52 * 6:31: Mat 7.12

mianğö likepñi kun melenđa engimegöra kude al mambötme. Mewö aka malgetka töwarınan sehiba öngöngöñi aiga Anutu öngöngöñanğö nahönböratuñi aka malme.

³⁶ “Suep Iwiñinan körek pakpak ak kömum engimamğö mötzawi, iñini mönö mianğö dop ambazip pakpak ak kömum engiba malme.” Mewö.

Jimtekötekö tonji ewö kude akñe.

Mat 7.1-5

³⁷ “Ambazip tosatñi yeñğö keuñini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Iñini tosatñi yeñğö siñgisöndokñinamğö likepñi mi qahö melenğ engime. Mi qahö melenğ engigetka Anutunöñ mönö nanñini siñgisöndokñinamğö likepñi mi mewöyök qahö melenğ engima. Iñini mönö tosatñi yeñğö siñgisöndokñini mosötme. Mi mosötketka Anutunöñ nanñini siñgisöndokñini mewöyök sanğonđa mosötma.

³⁸ “Iñini ambazip tosatñi yeñğöra yuai ak engigetka Anutunöñ mönö mianğö dop kewöta yuai mi melenđa engöra ak engima. Mianğöra iñini mönö yuai kalema engimakñe. Mewö engigetka Anutunöñ mönö mewöñanök kalema engimakña. Öñja, Anutunöñ ekbonep qahö möta bauköm engimakña. Anutunöñ kewöta iñini engigeri, mianğö dopñi jömuk memba kiwinöñ mokoï numbuñe kori utuköi qörörañ aiga mulungöi gei toroqeba qakñe mokoï dopñi onğita qeqelanğan eri, mi mönö gösöñine löngöt engima.” Anutugö könañi mewö.

Ambazipnöñ nanñini könañini eka mötme.

³⁹ *Jisösnöñ dopkeu kun kewö jii mötket, “Jegömöl ambazip kunöñ jegömöl alañi kun ölop böronje memba wañgitma me qahö? Mewö anbahorak mönö mohotje lömnöñ geba etkubawak. ⁴⁰ *Gwareknöñ böhiñi qahö onğitza. Böhiñinan mötmöt pakpak törörök kusum engii möt kömumei, körek yeñön mönö böhiñini ewö akñe.

⁴¹ “Gi wuanöngöra alagahö jeñe gödöwöröt morörökñi ekzanmö, nangi jege ip sahötñi ketañi ahözawi, mia denöwö kude ek kutuzan? ⁴² Nangi jege ip sahötñi ketañi ahözawi, mi qahö ek kutuba denöwögöra alagahö kewö jibanak, ‘Alani mötnöñ! Jege euke gödöwöröt geba tatzawi, mi ölop itaköbi etma.’ O urumelenğö silesile azi, gi mönö mutuk nange jegeyök ip sahötñi (tapötñi) ketañi mi memba gilman. Mi mem gilagun törörök ek kutuba alagahö jeñe gödöwöröt geba tatzawi, mi ölop itakönöñga etma.” Mewö.

Ipkö könañi mi öñji eka kewöta möt kutume.

Mat 7.16-20; 12.33-35

⁴³ “Ip ölopñi kunñan öñji bölonji qahö kuñgumakza. Mewöñanök ip bölonji kunñan öñji ölopñi qahö kuñgumakza. ⁴⁴ *Jau kötñi mi jömnöñ asuhuiga membingö osimakzin aka muli öñji mi koururuknöñ asuhuiga qeköbingö osimakzin. Mianğö dop ipkö öñji eka kewöta könañi möt kutume.

⁴⁵ * “Azi uruñan yuai kokolak qei ahözawi, mia mönö numbuñan aukñe jimakza. Mianğöra azi ölopñanğö uru köweñe ölopñanğö möriamñi ahözawi, yañön mönö ölopñi mi aukñeyök jimakza. Azi bölonñanğö uru köweñe bölonji ahözawi, yañön mönö bölonji mi aukñe jimakza.” Mewö.

Miri tandö köhöikñi aka lölöwöröñi

Mat 7.24-27

⁴⁶ “Iñini nöngöra ‘Kembu Kembu!’ qet mi mönö wuanöngöra qerakzemö, nöñön yuai memegö jimakzali, mi qahö tem köla memakze.

⁴⁷ “Denike yeñön nöngöreñ kaba keuni möta tem köla mezei, nöñön yeñğö könañamñini kondela dopkeunöñ jimam. ⁴⁸ Yañön mitim qeqe azi kianğö dop akza: Azi mianğön ‘Miri memam,’ jiba löm köröpñi esiba geba tandöñi köt jamönñiñ qakñe kuñgum köhöii kinök. Mewö kiniga kie uru nalöñe o göulu köhöikñi gila miri kembaje kuñguyökmö, ölopñanök mem muhungöi kinök. Mianğöra kusumamğö qem bibihiiga

* 6:39: Mat 15.14 * 6:40: Mat 10.24-25; Jon 13.16; 15.20 * 6:44: Mat 12.33 * 6:45: Mat 12.34

köhöiba kinök. ⁴⁹ Qem bibihiyökmö, kunöñ keuni möta qahö tem köla mezawi, yañön mönö mitimqece azi kiarögö dop akza: Yañön ‘Miri memam,’ jiba tandö qahö esim kömöta gölme qakñe kut bim miyök ala meyök. Mei kiniga kie uru nalöñe o göulu köhöikñi gila miri kembrañe kuñguiga miri mi miangöreñök kusuiga goromorongöba erök.” Mewö.

7

Jisösnöñ suahö galöm kungö nup aziñi mem ölöwahök.

Mat 8.5-13

¹ Jisösnöñ ambazip kambu sutñine mala Buña keuñi pakpak mi jii mötketka engömosöta Kaperneam taonöñ kangörök. ² Miangöreñ Rom suahö galöm kungö nup azinan kawöl yöhöi kömumangö ahök. Galömñan yangö möri öngöngöñi ahök.

³ Miangöra Jisösgö buzupñi möta Juda yeñgö jitñememe tosatñi melaim enjiiga Jisösgöreñ anda kewö qesiget, “Mönö kaba welen aziñi mem ölöwakñan.” ⁴ Anda Jisösgöreñ angota kapañ köla köuluköba jiget, “Ketañamnini, suahö galöm mianjön mönö bauköm wañgimanangö dop ölop sorokñi akza. Miangöra mönö kanöñ.” ⁵ Mötnöñ, yañön Juda ambazip kambu neñgöra ak wañgiiga ‘Köuluk mirinini membini,’ jiinga kian yañön moneñ ali meget.”

⁶ Mewö jiget möta yembuk anök. Anökmö, suahö galömgö miriñi dopdowii yañön alaurupñi melaim enjiba Jisösgöra keu kewö alök, “O Kambu, ni mewörökñi malbiga nöngö miri boñan gualöñmapkö gamuni mötzal. Miangöra mönö qahö aum kömumba kaman. ⁷ Ni nanañgö mötpi eretñi akzawañgöra göhöreñ kamangö dop kude mötzalmö, keu jitkanök jinöñga welen azinan ölöwakña. ⁸ Mi kewögöra: Ni nanak mewöyök galömnangö kukösum bapñe al niñgiget maljal. Nöngö bapne yarö azi malgetka mi jim kutum enjimakzal. Yeñgöreñök kungöra ‘Anman’ jim kutubi yañön anma. Kungöra ‘Kanöñ’ jim kutubi yañön kama aka welen azini kungöra ‘Nup ki meman,’ jibiga yañön mi mema.”

⁹ Jisösnöñ keu mi möta suahö galömgöra welipköba ambazip kambu wuatangöba kageri, yeñgöreñ lilingöba kewö jiyök, “Nöñön kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaijal.”

¹⁰ Mewö jiiga suahö galömgö kolekaziurupñan lilingöba mire angota welen azi miwikñaiaba eketka ölöwaka tarök. Mewö.

Jisösnöñ malö kungö nahöññi mem guliyök.

¹¹ Miangö andöñe Jisösnöñ taon qetñi Nain miangöreñ aniga gwarekurupñi aka ambazip kambulelebenöñ wuatangöba anget. ¹² Miangöreñ taon kiripo nañguñi dopdowiiiga qamöt kun anguba kaget. Malö kungö nahöñña mohok-kunñan kömuiga taongö ambazip kambu ketañan tokoba löm kölbingö kaget.

¹³ Kembunöñ malö mi eka wösöñi möta jii mörök, “Kude sahötman.” ¹⁴ Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.” ¹⁵ Mewö jiiga qamöt mianjön guliba wahöta könahiba keu jiyök. Keu jiiga Jisösnöñ namñambuk anmapkö wañgiyök.

¹⁶ Ambazip pakpak yeñön mi eka qem sömbuñini möta Anutu möpöseiba jiget, “Kezapqetok azi ketañi kunöñ mönö sutnine asuhaba malja.” Tosatñan jiget, “Anutunöñ könagesöñi mesohol köñ neñgii maljin.”

¹⁷ Yangö keu buzupñi mi sehiba Judia prowins pakpak dop köla gölmenji gölmenji likepliket miangöreñ an teköyök. Mewö.

Jongö gwarekyahötñi Jisösgöreñ kayohot.

Mat 11.2-19

¹⁸ Jon O-melun azinöñ kösö mire tariga gwarekurupñan yuai pakpak mi asuhuyöhi, miangö kösohotñi jiget mörök. ¹⁹ Jiget möta gwarekñi yahöt etkoholi kayohotka Kembangöreñ anda kewö qesim wañgimahotköra melaim etkiyök, “Mem ölöwak azi kamapköra mamböringa göñön mia akzan me azi kun bian kamapköra mambötpin.”

²⁰ Melaim etkiiga Jisösgöreñ angota jiyohot, “Jon O-melun azinöñ kewö qesim gihibitköra melaim netkiiga kazit, ‘Mem ölöwak azi kamapköra mamböringa göñön mia akzan me azi kun bian kamapköra mambötpin.’ ”

²¹ Jisösnöñ nalö miangöreñök ambazip gwötpuk uzi kawöl izekwaizek (ijeñwaijeñ) aka ömeñinambuk mi mem ölöwak eñgiyök aka jegömöl ambazip gwötpuk jeñini metohoi uba eket. ²² *Jongö gwarek yahötñan angota qesim wañgiyohotka kewö melenök, “Yuai eka mötzahori, miangö kösohotñi mönö anda Jon kewö jiyohot mötma: Jegömöl yeñön uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqeñi yeñöra Ölöwak Buñja jim asaribiga mörakze. ²³ Mewö asuhui eketka kungö uruñan qahö bölii andö nuñgumawi, yeñön mönö simbawoñ akza.”

²⁴ Mewö jiiga Jongö gwarek yetkän anohotka Jisösnöñ könahiba Jongö könañi ambazip kambu yeñöra kewö jim asariyök, “Iñini gölme qararañkölkölñe miangöreñ wania ekingöra anget? Luhutnöñ jehot uwutapköba metali anjañbanjañ ahakzawi, iñini azi mewöñi ekingöra anget me?”

²⁵ “Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñi kulemñi ek sihimñambuk löngöta anda kaba siyoñsayoñi qahö maljei, mieñön mönö kiñ yeñgö jakömbuak miriñine malje. Mi gölme qararañkölkölñe qahö.

²⁶ “Me wanat yuaia ekingöra anget? Kezapqetok azi kun ekingöra me? Öñña, nöñön kewö jibi mötket: Azi ekeri, yeñön mönö kezapqetok ambazip tosatñi eñgongita tandökñi kun akza. ²⁷ *Yeñgö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qelñe anda ambazip uruñini mindiñgöba göhö könañi mesariga göñön mönö yeñgö andöñe gölmenöñ emu geman.’ ²⁸ Keu mewö ahözapmö, nöñön kewö jibi mötket: Ambinöhök morö pakpak eñgömegetka asuhugeri, yeñgö sutñine Jonöñ mönö körek eñgongita qetbuñañambuk kinja. Kinjapmö, Anutugö bemtohoñ uruñe angota Anutugö qetbuñañi miwikñaimakzei, yeñgö sutñine eretñi kondikñi yeñön mönö Jon oñgitza.”

²⁹ *Ambazip könañesö pakpak aka yeñgö sutñine takis meme yeñön mohokñe Jongö Buñañi mötkeri, yeñön jim köleñda “Aha! Anutugö köna diñdiñi jim asariza,” jiba uruñini melengetka Jonöñ o melun mem eñgiyök. ³⁰ Mewö eñgiyökmö, Farisi aka Köna keugö böhi yeñön Anutugö areñi qahö tem köla Buñañi andö qeba silekmalek aketka Jonöñ o melun qahö mem eñgiyök.

³¹ “Ambazip merak gölmenöñ maljei, mi mönö wanatpuk dop al eñgibileñak? Yeñgö silikñini mi denöwö? ³² Yeñön namande ewö akze. Mieñön maket sombemnöñ tata keu gön gila lañ qeta kewö jimakze, ‘Nini awölop uinga iñini liñet gwawet qahö unduget. Nini jingereñ kölinga iñini qahö toroqeba sahötket.’ ³³ Miangö könañi kewö: Jon O-melun azinöñ kaba nene siñgi mala wain o qahö neiga iñini yeñgöra jimakze, ‘Öme kunöñ uruñe geiga malja.’

³⁴ “Suep gölmegeö azi öññan kaba nene nem söñgaip aiga eñön jimakze, ‘Mötket, yeñön bau numbu tandök közöjeriba wain o gwötpuk nempa takis tilipqilipñinambuk aka bölöñi meme yeñgö alañina malja.’ ³⁵ Körek pakpak Anutugö mötkutukutu köl gulimakzei, yeñgö ahakmemerinañgö öññan mönö mötkutukutuñinan dop köljawi, mi kondelakza.” Mewö.

Singisöndok ambinöñ Jisösgö könañi kelök miriyök.

³⁶ Farisi (Köna keugö kapañkölköl) azi yeñgöreñök kunñan Jisös mi nanñi miriñe kaba nene nemapkö köl öroyök. Köl öroi anda miriñe öñgöba nene dumñe tarök. ³⁷ *Taon miangöreñ singisöndok ambi kun malök. Yeñön Jisös Farisi azigö mire öñgöba tata nene neyöhi, miangö buzupñi möta kelök umköhöwakñambuk mokoi köt kirin kun kokolak

* 7:22: Ais 35.5-6; 61.1 * 7:27: Mal 3.1 * 7:29: Mat 21.32; Luk 3.12 * 7:37: Mat 26.7; Mak 14.3; Jon 12.3

qeyöhi, mi memba öngöba kayök. Kirin mi nöluk tuat-tuat qetji alabastö mianjön memeja.

³⁸ Öngöba kaba Jisösgö könañe geba tata könahiba sahöri imbiljan tingita geba könañe miriyök. Miriiga nörop jupjan kereñ memba kutui öroniiga könañi numbuñan yöhötüm namba kelök umköhöwakñambuknöñ miriyök. ³⁹ Miriyökmö, Farisi azinöñ Jisös köl öroyöhi, yañön mi eka uruñan kewö mötmöriyök, “Ambi ki singisöndokñambuha. Azi kianjön kezapqetok azia malbawak ewö, yañön mönö ambi könañe misirizawañgö könañi möt kutubawak.”

⁴⁰ Jisösnöñ mi möt kutuba kewö meleñda jiyök, “Saimon, nöñön keu kun jimamgö mötzal.” Jiiga jiyök, “Böhi, ölop jinöñ mötpi.”

⁴¹ Jiiga Jisösnöñ kewö jii mörök, “Ambazip yahötjan benknöñ anda tosa albitkö moneñ galömñañgö qesiyohot. Kunöñ silim 500:kö töwañi (Kina 2500,-), kunöñ silim 50:gö töwañi (Kina 250,-) miangö dop tosa albitkö qesiyohot. Qesiyohotka miangö dop etkiyök. ⁴² Etkiba könañgep tosañiri misimahot jiiga moneñiri qahöwahiga osiyohot. Osiyohotka benk galömñan tosañiri qeköba kutuba mosöt etkiyök. Mosöt etkiiga yetköreñök danön i uruñan gwötpuk jöpaköm wañgimakza?”

⁴³ Mewö qesiiga Saimonöñ kewö meleñnok, “Nöñgö mötmötnöñ tosa ketanji kutuba mosöt wañgiyöhi, yañön.” Mewö meleñniga jiyök, “Gi keu törörök kewöta jizan.”

⁴⁴ Mewö jiba ambigöreñ lilingöba kewö jii mörök, “Ambi ki eknöñ. Nöñön mirige kotpiga göñön könañi sañgoñmamgö o kun qahö niñgizanmö, ambi kianjön mönö könañi imbiljan miriba nörop jupjan kereñ memba kutui öroniza. ⁴⁵ Göñön numbuni qahö yöhötüm nezanmö, ambi kianjön mönö mire kotpiga miangöreñök kapañ köla könañi yöhötüm namba malja. ⁴⁶ Göñön nöropni kelök kude mirizanmö, ambi kianjön mönö kelök umköhöwakñambuknöñ könañe nömiriza. ⁴⁷ Miangöra nöñön kewö jibi mötnöñ: Anutunöñ ambi kiangö singisöndokñi gwötpuk mi mosöta sañgoñniga miangöra uruñan ni gwötpuk jöpaköm niñgiza. Kunöñ singisöndok boromdökñi ahiga Anutunöñ singisöndokñi morörökñi mosöriga yañön uruñan borom kun miyök jöpaköm niñgimakza.”

⁴⁸ Mewö jiba ambi mi kewö jii mörök, “Nöñön göhö singisöndoki sañgoñda mosötzal.”

⁴⁹ Mewö jiiga azi mohotje nene namba tatkeri, yeñön könahiba nanjinök kewö jiget, “Singisöndok sañgoñda mosötzawi, yañön mönö niñi azia akñamgö mötza?”

⁵⁰ Mewö jigetmö, Jisösnöñ ambigöra jiyök, “Mötnariptan mönö amöt qem gihiza. Ölop luainöñ anman.” Mewö.

8

Ambi tosatjan Jisös nañgöba anget.

¹ Miangö andöñe Jisösnöñ liliköba taonñi taonñi aka miriñi miriñi miangöreñ anda Anutugö bemtohongö könañi jim asariba Ölöwak Buña keunöñ ambazip uruñini kuñguba malök. Gwarekurupñi 12 yeñön yambuk mohotje anget. ² *Mewöyök ambi tosatjan yambuk anget. Ambi mi mutuk kawöl engöhöi ömenöñ kölköljinjin mem engii malgetka Jisösnöñ mem ölöwak engiyök. Ambi mi kewö: Maria qetji kun Magdalagö ambia qetket. Jisösnöñ yañgö uruñeyök öme 7 közöl engii kota anget. ³ Ambi kun qetji Joana. Yañgö apñi qetji Kuza yañön kiñ Herodkö jakömbuak miri miangöreñ gawmamgö moneñ galömña malök. Ambi kun qetji Susana, Yeñön aka ambi tosatji gwötpuk yeñön nanjin moneñ inapñinan Jisös aka gwarekurupñi könanöñ galöm köla nañgöm engiget. Mewö.

Qesiñqesiñ azigö dopkeu

Mat 13.1-9; Mak 4.1-9

⁴ Ambazipnöñ taon dop miangöreñök öroba Jisösgöreñ kaba kambulelemenöñ tokogetka Jisösnöñ dopkeu kun kewö jiyök:

⁵ “Azi kunöñ nene kötnji qesiñ gilmamgö anök. Anda qesiñniga kötnji tosatjan köna jitre geba kölget. Geba kölgetka ambazipnöñ tim tökötahögetka könakemba (warawen)

* 8:2; Mat 27.55-56; Mak 15.40-41; Luk 23.49

neinji neinji kangota mi nem teköget. ⁶ Kötñi tosatñan köt jamönjiññön geba kölget. Geba köla miangöreñ gölme oñambuk qahö miwikñaiiba korapñi kota soholiba gororongöget.

⁷ “Kötñi tosatñan siri uret wahiñinambukñön geba kölget. Geba kölgetka mienön örörön kota engongita qem turuba böbölohöt mem engiget. ⁸ Kötñi tosatñan gölme ölpñe geba kölget. Geba köla jula wahöta öljini ölpñi asuhuba handötkö dop ahum sehiget.”

Keu mi jim teköba qet ketañi kewö qerök, “Kunñan urukezapñambuk malja ewö, yañön mönö dopkeu ki kezap ala möt kutuma.” Mewö.

Jisösnön denöwögöra dopkeugö könani jiyök.

Mat 13.10-17; Mak 4.10-12

⁹ Mewö jiiga gwarekurupñan dopkeu kiangö könangöra Jisös qesim wangiget. ¹⁰ *Qesim wangigetka jiyök, “Anutugö bemtohone angota malbingö keu tölapñi mi engöra aukñe jibi möt kutuzemö, tosatñi yengöra mia dop keunön jibi mörakze. Mewö möta nanñini jeñinan yuai ekagun könani töndup qahö ek kutume. Nanñini kezapñinan keu törörök mötagun könani töndup qahö möt asarime.”

Jisösnön dopkeugö könani jiyök.

Mat 13.18-23; Mak 4.13-20

¹¹ “Dopkeu miangö könani kewö: Köt qesiñ giljawi, mi Anutugöreñ Buña keu. ¹² Nene kötni köna jitñe geba kölgeri, mi kewö: Ambazip tosatñan Buña keu mötzemö, mi mötketka Bölöñi Toñan kaba uruñini melenña Suepkö buña akepuköra keu kötni mi uruñineyök qeköba enguanñirakza. ¹³ Nene kötni qesiñniga köt jamönjiññön geba kölgeri, mi ambazip söpsöpñi kun. Yeñön Buña keu möta mi sösongai qakñe möt angön kölakzemö, uruñine geba jalöñini qahö megerangöra nalö töröptökñi miyök möt nariba malgetka esapesapkö nalöñe mönö tala enguma.

¹⁴ “Nene kötni qesiñniga siriuret wahiñinambukñön geba kölgeri, mi kewö: Yeñön Buña keu mötketka uruñine gezapmö, gölmenön malmalgö waimanñatñi aka moneñ inap memegö urukönöpñi ahuba lömbörim engimakza. Qetbuñanñambuk akingöra köpösöngögetka sihim kömböñani bölöñi tosatñan mewöyök uruñine dumgöba Buña keu böbölohöt mem wangize. Mewö aiga öljini qahö gilipitñi akñe. ¹⁵ Qahöpmö, nene kötni gölme ölpñe geba kölgeri, mi ambazip kewöñi: Yeñön Buña keu kezap ala mötketka uruñini ölpñi geñmoñi qahö miangöreñ geiga sohobapukö mökösönña 8kapan köla galöm kölgetka öljini ölpñi ölpñi miwikñaimakze.” Mewö.

Yuai asa-asambötñi pakpak mi aukñe ahuma.

Mak 4.21-25

¹⁶ * “Kunñan lambe me kiwa ohotiriba kimbutñön kude köl turuma me dum bapñe qahö alma. Mi qahöpmö, mi miangö dum qakñe ali tatma. Tata asariiga tosatñan miri uruñe öngöbingö mötzei, yeñön miangö asakñi eka ölp öngöme.

¹⁷ * “Mewöñanök uruñine yuai kun asambötket tölapñe ahözawi, mi mönö aukñe asuhum tingitma. Yuai kun köl turuin ahözawi, mi mönö lulungetka kötula ahöma.

¹⁸ * “Miangöra Anutugö keu mötzei, mi mönö urukönömñine ala mötmöriba köl guliba malme. Kunñan mötkutukutuñambuk maljawi, Anutunön mönö mi toroqem wangii qarimapmö, kunñan mötkutukutuñi qahö maljapmö, ‘Miambuk maljal,’ jizawi, Anutunön mönö mötmötñi moröñi mi mewöyök qeköba wangitma.” Mewö.

Jisösgö nam-munurupñi.

Mat 12.46-50; Mak 3.31-35

¹⁹ Jisösnön mewö jiba maliga nam munñan i ekingö kagetmö, ambazip kambu ketanjan ölököba gwözöñgerangöra kösutñe anbingö osiget. ²⁰ Osiba kingetka kunñan kewö jii mörök, “Göhö nam-mungan mönö yaigep kindä gi gekingö mötze.”

* 8:10: Ais 6.9-10 * 8:16: Mat 5.15; Luk 11.33 * 8:17: Mat 10.26; Luk 12.2 * 8:18: Mat 25.29; Luk 19.26

²¹ Jii mörökmö, Jisösnöñ kewö melenḡa jii mötket, “Ambazip ki Anutugö Buḡa keu möta tem köla köl gulimakzei, mienḡön mönö nöñgö namni aka munurupni akze.” Mewö.

Jisösnöñ jiiga raidimbom göröñ qeyök.

Mat 8.23-27; Mak 4.35-41

²² Wehön kunöñ Jisösnöñ gwarekurupñi kewö jii mötket, “Mönö mosöta o aḡgö kutuba likepñe aḡgotpin.” Mewö jiiga waḡgenöñ mohotñe öñgöba o aḡgö qakñe anget. ²³ Anda opo seri möröreñgögetka luhutnöñ naḡgöiga angetka Jisösnöñ gaun ahöyök. Ahöiga luhut raidimbom o aḡgönöñ gila siri kunduriga waḡge uruñe geyök. Geba numbuñe qemangö aiga ayuhubingö aket.

²⁴ Ayuhubingö aka gwarekurupñan anda möndöba jiget, “Kembu Ketaḡamnini, mönö nini aḡgönöñ ayuhubingö akzin.” Mewö jigetka imbiñi möta luhut aka o aḡgögö siriñi kewö jim qetal etkiiga ösumñiran eriga nöñ qeba ahöyök.

²⁵ Mewö aiga jii mötket, “Eḡgö mötnariḡñini mi denike?” Mewö jiyökmö, yeñön awöwöliba qem sömbuñini möta jiget, “Yei, azi kia mönö denöwöñan malja? Yaḡñön mönö luhut aka köwet siri jim kutum etkiiga jitñi tem köl waḡgizahot.” Mewö.

Ömenöñ bau uruñine gegetka azinöñ ölöwahök.

Mat 8.28-34; Mak 5.1-20

²⁶ Jisösnöñ gwarekurupñi yembuk toroqeba opo seri möröreñgögetka luhutnöñ naḡgöi anda o aḡgö kutuba Galili prowins likepñe Gerasa gölmenöñ aḡgotket.

²⁷ Miangöreñ aḡgota saknöñ öñgöi azi ömeḡambuk kun mi taonöhök kaba Jisös miwikñaiyök. Azi mi qaksirinöñ mala qamöt köteñi esiba urorohoget ahögeraḡgöreñ ahöm malök. Nalö köröpñi opo maluku qahö löñgöta miri kungö uruñe qahö ahömalök.

²⁸⁻²⁹ Ömenöñ nalö köröpñi öröm ureim waḡgiiga azi gwötpukñan börö takñi qeba könañi tapepnöñ (muḡgamuḡa) jöhöba galöm köla malgetmö, tapepñi öroi tiḡgitqñingiriga ömenöñ kuḡguiga gölme qararañkölkölñe anda laḡ malök. Miangöra Jisösnöñ ömeñi mi kewö jim kutum waḡgimangöra ahök, “Öme bölöñi, gi mönö kota azi ki mosöta anöñ.” Mewö jimangö aiga Jisös eka silata gölmenöñ kösutñe geba qet gigilahöba kewö qerök, “Aek Jisös, gi Anutu öñgöñgöñgö nahönñi akzan. Gi mönö denöwö ak niḡgimangöra ki kazan. Nöñön ulet gihizal: Gi sihimbölö könöpñambuk kude ak niḡginöñ.”

³⁰ Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgeraḡgöra “Qetnini lijön jizin” jiget. Mi nanine keunöñ Kerök kambu ketañi. ³¹ Mewö jiba Jisös kewö ulet waḡgiget, “Gi neḡuatangöba öme löm dutñi qahö miangöreñ gebingöra kude jim kutum neḡgiman.”

³² Kösutñine kundunñi marömñe miangöreñ bau kambu ketañi kun gwözözak uruñe kulunḡa malget. Miangöra ömenöñ kewö jiba ulet waḡgiget, “Gi ölöp jinöñga nini bau miengö uruñine gebin.” Ulet waḡgigetka “Mönö anda geget.” Jiba jim kutum eḡgiyök. ³³ Jim kutum eḡgiiga azi uruñeyök kota anda bau uruñine geget. Gegetka bau kambu yeñön mönö luhuba nembönembönöñ anda jororoḡgöba o aḡgönöñ geba nemulahöba kömuget.

³⁴ Mi asuhuiga bau galöm yeñön mi eka taon aka miri morömorö miangöreñ ölöñ unjurata anda keu buzupñi mi jiget mötket. ³⁵ Jiget möta ambazip sesegilgil yeñön yuai asuhuyöhi, mi ekingöra kaget. Kaba Jisösgöreñ kaḡgota azi uruñeyök ömenöñ kotkeri, yaḡñön könañe tariga miwikñaiget. Opo sileötañi törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶ Azi ömeḡambuk malöhañön denöwö ölöwahöhi, mi jeñinan ekerañön jiget mötket.

³⁷ Möta gwötpuk awöwöliba qem sömbuñini mötket. Miangöra Gerasa gölmegö ambazip kambu pakpak yeñön Jisösnöñ eḡgömosötmapköra ulet waḡgiget. Ulet waḡgigetka lilingöba anmangö waḡgenöñ öñgömangö ahök. ³⁸ Öñgömangö aiga azi uruñeyök ömenöñ kotkeri, yaḡñön kaba Jisösbuk mohotñe anda malmangöra qesiyök. Mewö qesiyökmö, Jisösnöñ qetala melaim waḡgiba kewö jiyök,

³⁹ “Gi mönö lilingöba mirige anda Anutunöŋ aŋgöletot ketaŋi ketaŋi ak gihiyöhi, miangö kösohotŋi jinöŋga mötme.” Mewö jiiga anda Jisösnöŋ aŋgöletot ketaŋi ketaŋi ak waŋgiyöhi, miangö keuŋi mi taon uruŋe liliköba miri dop jim sehiyök. Mewö.

Jairusnöŋ bōratŋaŋgōra Jisōs köulukōyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söŋgaiba öröm waŋgiget. ⁴¹ Köuluk mirigö keu galöm kun qetŋi Jairus yaŋön kaba Jisösgö wösöŋe geba simin köla miriŋe kamapkōra köulukōm waŋgiyök. ⁴² Morōurupŋi qahöpmö, bōratŋi mukmorö mohok yambuŋi (yara) 12:gö dop mala kömumamgö ahök. Jisös köl öröm waŋgigetka aniga ambazip kambunöŋ likeplikep ölököba utal waŋgiget. Mewö.

Kawöl ambi kunöŋ Jisōsgō malukuŋi misiriyök.

⁴³ Utal waŋgiba angetka miangöreŋ sutŋine ambi kun malök. Yaŋön yambu (yara) 12 miangö dop köiŋnöŋ ehiga nalö dop kawöl yöhöiga malök. Yaŋön sile galöm yengö töwaŋini moneŋ inapŋi pakpak gil maliga sile galöm körekŋan mem ölöwakingö osiget. ⁴⁴ Ambi miangöŋ Jisösgö andöŋe anda malukuŋaŋgö kitip suŋi misiriiga miangöreŋök sepŋi jöpköyök.

⁴⁵ Jisösnöŋ qesiba jiyök, “Daŋön nömisiriza?” Mewö jiyökmö, ambazip körekŋan mi qaŋ kölgetka Pitönöŋ jiyök, “Ketaŋamni, ambazip kambunöŋ ölököba utal aŋguba kaba goseize.”

⁴⁶ Jiiga Jisösnöŋ jiyök, “Qahö, kunŋan nömisiriiga ösumni kun ani mötzal.” ⁴⁷ Mewö jiiga ambinöŋ “Kōnaŋamni lök asuhuza,” jiba jönömŋi unduiga kaba Jisösgö wösöŋe simin köla kawölŋaŋgö kōnaŋi aka misiriba miangöreŋök ölöwahöhi, miangö kōnaŋi aukŋe jiiga ambazip kambu körekŋan mötket. ⁴⁸ Mötketka Jisösnöŋ kewö jii mörök, “Bōratni, mötnaripkan mönö mem ölöwak gihiza. Ölöp urubönjōŋnōŋ anman.” Mewö.

Jisōsnōŋ Jairusgō bōratŋi mem guliyök.

⁴⁹ Keu mewö jiba kiniga köuluk mirigö keu galömŋaŋgö mireyök kunŋan welen kaba Jairusgōra jiyök, “Bōratkan kömuza! Miangōra böhigö qakŋe lömböt toroqeba kude alman.”

⁵⁰ Jiyökmö, Jisösnöŋ keu mi möta köuluk mirigö keu galömŋi kewö jii mörök, “Keŋgötki kude mötman! Mohok-kun akŋan. Mönö ni möt narim niŋginöŋga bōratkan ölöwakŋa.”

⁵¹ Mewö jiba yaŋgö mire anda ambazip tosatŋi eŋgōmosōta Pitö, Jon, Jeims aka morö bōratkö iwinamŋi iyök eŋguaŋgiri nanŋinök miri uruŋe öŋgöget. ⁵² Öŋgögetka ambazip körekŋan jingēŋ köla sahōta amburereŋ megetmō, Jisösnöŋ jiyök, “Yaŋön qahö kömuzapmō, gaunök ahōza. Miangōra mönö sahöt mosötme.”

⁵³ Mewö jiiga gönahit ewö aiga “Mönö kömuza!” möta gön köl waŋgiget. ⁵⁴ Gön köl waŋgigetmō, bōrat mi böröŋe memba qeta jiyök, “Bōratni, mönö wahötnöŋ.” ⁵⁵ Mewö jiiga uŋaŋan lilingöiga miangöreŋök wahöta kinök. Kiniga numbu nene waŋgiget nemapkö jiyök. ⁵⁶ Iwinamŋan mi eka welipköyohotmō, Jisösnöŋ yuai asuhuyöhi, miangö buzupŋi kun jigēt mötpepukö soŋgo al eŋgiyök. Mewö.

9

Jisōsnōŋ gwarekurupŋi 12 melaim eŋgiyök.

Mat 10.5-15; Mak 6.7-13

¹ Jisösnöŋ gwarekurupŋi 12 mi eŋgoholi tokogetka ömewöröme pakpak közöl eŋgimegōra aka uzi kawöl mem ölöwakŋegōra kukösumŋi ösum-mumuŋambuk al eŋgiyök. ² Kukösum eŋgiba kewö jiba melaim eŋgiyök, “Iŋini mönö anda Anutugö bemtohoŋaŋgö kōnaŋi ambazip jim asarim eŋgiba kawöl ambazip mem ölöwak eŋgiba malme.” ³ *Melaim eŋgiba jii mötket, “Iŋini kōna anmeaŋgōra yuaiŋi kun qahö memba

* 9:3: Luk 10.4-11; Apo 13.51

anme, öröp qahö, gösö qahö, köna naleme qahö, soujeri qahö. Maluku semönji qahöpmö, mohok meme.

⁴ “Anda mire denike denike aḡotmei, mönö miangöreḡök mala nup memba taon mi mosöta köna anme ⁵ Anda mala miri kunöḡ aḡotketka qahö köl öröm eḡgiba keurjini qahö mötketka nesampurekjni mönö kewö jiba kondel eḡgime, ‘Nini eḡgö gölmenöḡ kainga sölbuhame köna tambönine mekötahözawi, mi mönö tim tönjöraringa nanjine lilingöba gema.’ Mewö jigetka könaḡamjni solanji möt kutugetka ölop taon mi mosöta toroqeba anme.”

⁶ Mewö jiiga mosöta anda miriḡi miriḡi liliköba miri dop Ölöwak Buḡa jim asariba kawöl ambazip mem ölöwak eḡgiba malget. Mewö.

Herodnöḡ Jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, miangö qetbuḡanjan sehiba gölme bahöḡanḡö (Galili prowinsgö) kiḡ Herodkö kezapḡe geiga mörök. Ambazip tosatḡan kewö jiget, “Jon O-melun azinöḡ mönö kömupnöhök wahöta malja.” Miangöra kiḡnöḡ keugö jaruba lalalulu siksauk ahök. ⁸ Ahökmö, tosatḡan jiget, “Elaijanöḡ kunbuk asuhuba malja.” Tosatḡan toroqeba jiget, “Kezapqetok azi walji yeḡgöreḡök kunöḡ mönö guliba wahöta malja.” ⁹ Mewö jigetmö, kiḡ Herodnöḡ kewö jiyök, “Jon O-melun azi mi nöḡön jibi jölḡi kutugetmö, kungö keurji mewö jiget mötzali, mi mönö daḡön?” Mewö jiba Jisös ekḡamḡö kapar köla jörömqöröm ahök. Mewö.

Jisösnöḡ azi 5000 nene gumohom eḡgiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeḡön Jisösgöreḡ lilingöba yuai aka megeri, miangö kösohotḡi pakpak jiget mörök. Jiget möta eḡḡuḡgita ambazip qenjarökjni mosöta taon qetḡi Betsaida miangö kösutḡe nanjinök kötikḡe malbingö anget. ¹¹ Angetmö, ambazip kambu yeḡön mi möta Jisös andöḡe wuatḡgöba anget. Anda Jisösgöreḡ kagetka köl öröm eḡgiba Anutu bemtohoḡanḡö könanji jim asariba kawöl ambazip mem ölöwak eḡgiyök.

¹² Mewö aka mali wehön jeḡan teköba gemangö ahök. Mewö aiga gwarek 12 yeḡön kaba Jisös kewö jiget mörök, “Nini gölme kötikḡi kiangöreḡ maljinangöra gi ölop ambazip kambu ki melaim eḡḡinöḡga miri koum dowe dowe tat anjei, miangöreḡ anda ahöahö miri aka nene miwikḡaime.”

¹³ Mewö jigetmö, kewö jii mötket, “Eḡön mönö nanjinak i nene gumohom eḡgime.” Mewö jiiga melenḡet, “Nini beret sahötḡi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeḡgöra nene söḡgörüḡi membinak me? ¹⁴ (Yeḡön azi 5000:gö dop malje.)” Mewö melenḡetka gwarekurupḡan kewö jii mötket, “Eḡön mönö ambazip eḡgöra jiba mendeḡ eḡgigetka kambu dop 50:gö dop nene nembangö tokoba eta tatme.”

¹⁵ Jiiga mewö aka mendeḡ eḡgigetka ambazip körekḡan eta kambuḡi kambuḡi tat anget. ¹⁶ Tat angetka beret 5 aka söra yahöt mi memba suepnöḡ ui öḡgöiga kötuatköyök. Kötuatköba beret mindipköba gwarekurupḡi eḡḡiiga ambazip kirip dop mendeḡda sutḡine alget. ¹⁷ Sutḡine algetka körekmaköreḡ nembra nem timbireḡ aket. Nene kitipḡi kitipḡi mosötkeri, mi gwarek yeḡön qezakögetka sakap 12 miangöreḡ geba kokolak qeyök. Mewö.

Pitönöḡ Jisösgö könanji jim miwikḡaiyök.

Mat 16.13-20; Mak 8.27-30

¹⁸ Nalö kunöḡ Jisösnöḡ nanjök gölme kungen köuluköiga gwarekurupḡan yambuk malgetka qesim eḡgiba kewö jiyök, “Ambazipnöḡ nöḡgöra denöwö jimakze? Ni niḡa akzal?”

* 9:7: Mat 16.14; Mak 8.28; Luk 9.19

¹⁹ *Jiiga melenja kewö jiget, “Tosatnjan ‘Gi Jon O-melun azia akzan,’ jimakzemö, tosatnjan ‘Gi Elaija akzan,’ jimakze aka tosatnjan toroqeba kewö jimakze, ‘Gi kezapqetok azi walji yengörejök kunjan kömupnöhök wahöta maljan.’”

²⁰ *Mewö jigetka kewö qesim engiyök, “Aka nanjinak nöngöra denöwö jize? Ni niñia akzal?” Qesim engiiga Pitönöñ melenja jii mörök, “Gi Anutugöreñ Amötqeqe Tonji Kraist akzan.” Mewö.

Jisösnöñ kömumamgö keuñi jiyök.

Mat 16.20-28; Mak 8.30-9.1

²¹ Mewö jiiga könañi aukñe jiget kunjan mötpepuköra songo köhöikñi al engiyök. Mewö. ²² Jisösnöñ jiyök, “Suep gölmegö azi ölnjan mönö sihimbölö gwötpuk mötma. Kantrigö jitnememe, jike nup galöm aka Köna keugö böhi yeñön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatangöbingö söñgörüñi

²³ *Jisösnöñ ambazip pakpak yengöra keu kewö jii mötket, “Kunjan nöngö andöne nuatangöba kamamgö mötzawi, yeñön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñda ni nuatangöba kama.

²⁴ * “Kunjan malmalñi nanñangöra angön köla nanñi imbi-imbi maljawi, yeñön mönö malmalñi ölni jöhöi sohoma. Sohomapmö, kunjan gölmegö malmalñi nöngöra aka kölenja tököm niñimawi, yeñön mönö malmal ölnangö könañi miwikñaiba köhöiba malma.

²⁵ “Kunjan gölmeñi gölmeñi miengö öroyuaiñi pakpak köl öroiğa buñañi an teköiga uruñangö malmalñi mem sohoba silebile mala kömuiga Anutunöñ keuñi jim teköiga könöp sianöñ geba uñañan ayuhuiga qahö dop kölma. Sukinapñi mianñön mönö urusösöñgai qahö ak wangima. Qahöpmahöp!

²⁶ “Kunjan nöngö qetni aka Buña keuni memba eta aljawi, i Suep gölmegö azi ölnjan mewöyök ehöröñ kölma. Yeñön könañep Suep garata töröñi yembuk ki etketka yengö, nanñangö aka Iwiñangö asakmararañini eka aurume. Nalö miangöreñ azi me ambi mewöñi mönö ehöröñ köl wangima. ²⁷ Nöñön keu ölni kun kewö jibi mötme: Kiangöreñ kinjei, engö sutñineyök tosatnjan Anutugö bemtohoñan asuhumawi, mi ek kutume. Jebuk mala kömupkö sihimbölöñi qahö mötketka asuhum tiñgiriga mi ekñe.” Mewö.

Jisösgö sileje letotqetot ahök.

Mat 17.1-8; Mak 9.2-13

²⁸ *Keu mi jiiga wehön 8:kö dop teköiga Jisösnöñ Pitö, Jon aka Jeims enguangita kundune öngöba Anutu köuluköyök. ²⁹ Köuluköiga miangöreñ jemesoholñangö kaisongolomñan letota tandökñi murutñi ahök. Malukuñan tuat lalamñi aka kölkölbilikbilikñambuk asariyök. ³⁰ Miangöreñök etetka azi yahötñan asuha Jisösbuk keu keu jiget. Mi Moses aka Elaija. ³¹ Asakmararañ uruñe asuha Jisösbuk keu kewö eraum mötket, “Anutunöñ Jisös sihimbölö möta kömumapkö melaiiga eta zilañ Jerusalem sitinöñ aniga areñ mianñön ölnambuk ak teköma.”

³² Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeketa. ³³ Engeketa kinda Jisös mosötpitkö ahotka Pitönöñ Jisösgöra jiyök, “Ketañamnini, neñön kiangöreñ uru ölöwak mötzin. Miangöra neñön ölop koum karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

³⁴ Mewö jiba kiniga unuñunuñ kunöñ eta aumñan esuhum engiiga kousu uruñe mala awöwöliba jönömñini unduyök. ³⁵ *Jönömñini undui kingetka kousu uruñeyök qet

* 9:19: Mat 14.1-2; Mak 6.14-15; Luk 9.7-8 * 9:20: Jon 6.68-69 * 9:23: Mat 10.38; Luk 14.27 * 9:24: Mat 10.39; Luk 17.33; Jon 12.25 * 9:28: 2 Pitö 1.17-18 * 9:35: Ais 42.1; Mat 3.17; 12.18; Mak 1.11; Luk 3.22

kun kewö eriga mötket, “Azi ki mi nani nahöna. I ambazip amöt qem engimamgöra möwölöhöm wanğial. Mönö yangö keunji möta malme.”

³⁶ Qet mianjon eri möta gwarek yejon mianğoreñök uba Jisösnön nanjök kini eket. Kunduje yuai ekeri, mianğö buzupji mi nalö mianğoreñ kude jiba keu böc malgetka kunjan kun qahö mörök. Mewö.

Jisösnön öme wuatangöi morönön ölöwahök.

Mat 17.14-21; Mak 9.14-29

³⁷ Ahöba wahötketka Jisösnön gwarekurupji karöbut yembuk kundujeyök eta sörökne ambazip kambuleleme engeget. ³⁸ Engegetka ambazip kambunöhök azi kunjan qeta kewö jiyök, “Böhi, nongö nahöni mukmoröya akzawangöra mönö kaba i ekjan. Mianğora köuluköm gihizal. ³⁹ Mötnön, öme kunön i memba mendawöli mianğoreñök qet gigilahöi utuköm wanğii wölöhariiga numbuñeyök qölqölsöutsüt erakza. Öme mianjon öröm ureim wanğiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet engizalmö, yejon mi osize.”

⁴¹ Mewö jiiga Jisösnön melej wanğiba jiyök, “Yei, gölmegö yangisen aka misimkaulup ambazip, nönön mönö nalö dawik embuk mala qatön engubiga Anutu qahö möt narigetka sihimbölö mötmam? Nahöngi mönö wanğita ki kanön.”

⁴² Morö mi wanğita kaiga nalö mianğoreñ mewöyök ömenön morö utuköba urepköm wanğiiiga wölöhariyök. Mewö ahökmö, Jisösnön öme mi jim wanğii mosöri morö mem ölöwaka iwiñi wanğiyök. ⁴³ Anutugö kukösumñi ketañan mewö asuhuiga körekñan mi eka nemböñini teköi welipköget. Mewö.

Jisösnön kömumamgö buñani jiiga yahöt ahök.

Mat 17.22-23; Mak 9.30-32

Jisösnön yuai pakpak mi meyöhi, mianğora ambazip körekñan welipkögetka Jisösnön nalö mianğoreñ gwarekurupji keu kötji kewö jii mötket, ⁴⁴ “Keu ki mönö kezap ala mötme: Anutunön Suep gölmegö azi ölni mi gölme ambazip yeñgö böröñine al wanğii gema.” ⁴⁵ Keu kötji mi jii mötketmö, mi qahö möt kutuget. Anutunön mi köl turui tölapne ahöiga mi qahö möt asariget aka könani denöwö, mi qesibingö kölköldömdöm aket. Mewö.

Gwarek sutjine dañön mutukñi akza?

Mat 18.1-5; Mak 9.33-37

⁴⁶ *Gwarek neñgöreñök ‘Dañön öngöngöñi akza?’ jiba keu mi mötmöriget. ⁴⁷ Mi mötmörigetmö, Jisösnön urumötmötñini möt kutuba namande moröñi kun memba qöhöröñe ali kinök. ⁴⁸ *Kiniga kewö jii mötket, “Körek engöreñök kunjan eretñi kondökñi akzawi, yañön mönö öngöngöñi akza. Mianğora kunjan namande ki nongö qetne miriñe köl öröba köyan kölmawi, yañön mönö ni köl öröm niñgima. Kunjan ni köl öröm niñgimawi, yañön melaim niñgiyöhi, mönö i mewöyök köl öröm wanğima.” Mewö.

Kunön keröki qahö, yañön mönö alami akza.

Mak 9.38-40

⁴⁹ Nalö mianğoreñ Jonön könahiba keu kewö jiyök, “Ketañamni, azi kunjan göhö qetnön öme közöl engiiga ehin. Yañön nembuk qahö liliköba maljawangöra nini i qetal wanğiin.”

⁵⁰ Mewö jiyökmö, Jisösnön kewö jii mörök, “I kude qetal wanğime. Kunjan qahö qetal engimakzawi, yañön mönö engö areñnön malja. (Mianğora iñini mönö nongö alaurupni tosatñi mi qetala angösirip mem engibepuk.)” Mewö.

Samaria miri kun yeñön Jisös andö qeget.

⁵¹ Jisösnön Suepnön öngömamgö ahök. Mianğö nalöñi törizawangöra Jisösnön kinda “Jerusalem sitinön anmam,” jiba jim köhöiba könahiba könanön anök. ⁵² Anda kolek

* 9:46: Luk 22.24 * 9:48: Mat 10.40; Luk 10.16; Jon 13.20

qeljine aliga mutuk anget. Könanöñ anda mala Samaria prowinsgö miri kunöñ aᅇgota “Jisösgöra mözöqözözöm akingöra kazin,” jiget. ⁵³ Jiba angetka anökmö, “Ni Judia prowinsnöñ Jerusalem jike göröken anmam” jiiga miangöra miri aᅇgön köla yaizözkök qahö jiget. ⁵⁴ *Mewö aketka gwarekyahötñi Jeims aka Jon yekñön mi eka jiyohot, “O Kembu, Suepnöhök könöp eta eᅇgohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöñ lilingöba tembula jim etkiyök. ⁵⁶ Mianᅇöreñök toroqeba miri kunöñ anget. Mewö.

Jisös wuatangöbingö möndömöndö keuñi

Mat 8.18-22

⁵⁷ Könanöñ angetka azi kunñan kaba Jisösgöra jiyök, “Gi denike denike anmani, nöñön mönö mianᅇöreñ gi guatangöba kamam.”

⁵⁸ Mi möta Jisösnöñ kewö jii mörök, “Arökñangö kiam yeñön köteñine ahögetka könakemba nei yeñön aipñini memba malakzemö, Suep gölmegö azi ölñan mönö denike anda nöropñi wani qömböññöñ nariba luhut membawak.”

⁵⁹ Jisösnöñ azi kungöra jiyök, “Gi kaba ni nuatangöman.” Jiyökmö, kewö meleñnök, “Kembu, mi ölöpmö, iwinan kömumangö aiga mutuk jinöñga anda galöm kölbi kömuni löm kölbigun.”

⁶⁰ Mewö jiyökmö, Jisösnöñ meleñda jiyök, “Mosötnöñ! Köhömuñi yeñön qamötñini köhömuñi mi ölöp löm kölmemö, göñön mönö anda Anutu bemtohoñangö könañi jim asarim eᅇgiba malman.”

⁶¹ *Kunbuk azi kunñan kaᅇgota jiyök, “Kembu, nöñön gi guatangömamgö sihimni mötzalmö, mötnöñ, gi ölöp jinöñga mutuk mire anda tinitosolomurupni yaizözkökñini jibigun.”

⁶² Jiyökmö, Jisösnöñ meleñnök, “Kunöñ gölme mesiñmesiñgö kionoñ mi hos andöñe jöhöba böronñan kionoñ supñe memba kini aniga dumñe lilingöba andöñe uzawi, yañön mönö Anutugö bemtohoññöñ aᅇgota nupñi memawangö dop qahö akza.” Mewö.

10

Jisösnöñ gwarek 72 melaim eᅇgii anget.

Mat 9.37-38; 10.7-16

¹ Mianᅇö andöñe Kembunöñ gwarek tosatñi 72* mi möwölöhöm eᅇgiyök. Nanñak “Taonñi taonñi miriñi miriñi anmam,” jiba mianᅇöreñ yahöt yahöt meköba mutuk melaim eᅇgiyök. ² * “Melaim eᅇgimam,” jiba kewö jii mötket, “Anutugö nupñöñ nene ölñi gwötpuk öliba ahözapmö, mi tokobingöra nup meme ambazip nini awamdökñi maljin. Mianᅇöra mönö nene öliöliñangö Kembuñi köuluköm wangigetka nup meme ambazip melaim eᅇgiiga ölñi mem tokome.

³ * “Iñini mönö anme. Mötket, lama yeñön arökñangö kiam kalñi yeñgö sutñine gegetka luhuba eᅇgöhöbepuk, nöñön iñini mianᅇö tandök ewö melaim eᅇgibi anme.

⁴ * Iñini moneñ irimuñga me gösö kun me köna esu mi kude memba anme. Anda könanöñ ambazip eᅇgeka jiji-kilik-kilik yaizözkök kude akñe.

⁵ “Anda miri kunöñ öñgöba mutuk kewö jime, ‘Anutunöñ miri kianᅇöreñ luai ali böñjön malme.’ ⁶ Mewö jigetka kunñan luai aᅇgön kölmamgö dop akzawi ewö, luaiñinan mönö yañgö qakñe öñgömapmö, kunñan mi qahö aᅇgön köлма ewö, luaiñinan mönö lilingöba nanñini qakñine öñgöma. ⁷ * Miri öñgömei, mönö mianᅇöreñök mala nup meme. Ambazipñöñ nup meme ambazip malmalñini nangömeañgö dop akze. Mianᅇöra yeñön nene aka o eᅇgime, mi mönö neme. Miri tosatñe larñan kude ahöme. Miri suen kude anda kame.

* 9:54: 2 Kirj 1.9-16 * 9:61: 1 Kirj 19.20 * 10:1: Tosatñan oyoñda 70 jize. Tosatñan 72 jize. * 10:2: Mat 9.37-38 * 10:3: Mat 10.16 * 10:4: Mat 10.7-14; Mak 6.8-11; Luk 9.3-5 * 10:7: 1 Kor 9.14; 1 Tim 5.18

⁸ “Taon miangörej me miangörej angotketka köl öröba nene engimei, mia mönön neme. ⁹ Nemba tosatjan miangörej kawöl engöhöi ahömei, i mönön mem ölöwak engime. Mewö aka kewö jiget mötme, ‘Anutugö bemtohojan mönön dowe kaiga miangö uruje angotme.’ ¹⁰ *Mewö akjemö, taon kunön angotketka andö engumei, miangörej mönön maketnön me sombemnön anda kewö jiget mötme,

¹¹ ‘Nini engö taonön kainga sölbuham yuai köna tambönine mekötahözawi, mi mönön tim tönjöraringa nanjine lilingöba gema. Gemapmö, keu ki mönön möt yaköme: Anutugö bemtohojan mönön kösutjine asuhuza.’ ¹² *Nönön kewö jibi mötket: Anutunön nalö ketaje qemasolokepjinangö likepji melejni taon miangö qakje öngömawi, dop miangön mönön Sodom yejögö sihimbölö dopji ongita toroqem engima.”†

Jisösnön taon 3 yejögöra ‘Yei wösöbirik!’ jiyök.

Mat 11.20-24

¹³ * “O Korazin toni, nönön engöra ‘Yei!’ jiba sahötzal aka Betsaida toni, engöra mewöyök ‘Yei!’ jiba sahötzal. Nönön yejögörej anbiga keuni jibi sösonihii angöletotni kukösumjinambuk asuhugetmö, urujini töndup qahö melejget. Angöletot mi kian gölmenön Taiö aka Saidon sitinön asuhubeak ewö, yejön mönön nalö köröpji urujini melejbingö kaisösöpji kondela dodohonön angömiriba kau ariba sahötpeak.

¹⁴ “Sahötpeakmö, Anutunön könanjep Korazin aka Betsaida yejögö keujini jim teköba likepji melejni sihimbölö mötmei, nalö ketaji miangörej mi mönön Taiö aka Saidon yejögö sihimbölö dopji ongita mötme. ¹⁵ *Aka Kaperneam toni, Anutunön injini ölop mem wahöt engii Suep mire öngöbeak me qahöpto? Qahöpmahöp! Injini mönön kömupkö senjom mire kölölohoba geme.

¹⁶ * “Kunjan keujini mötmawi, yejön mönön nönjögö keuni mötma. Kunjan andö engumawi, yejön mönön ni andö nuñgumapmö, kunjan ni andö nuñgumawi, yejön melaim ninjiyöhi, mönön i andö qema.” Mewö.

Gwarek 72 yejön lilingöba söngaiget.

¹⁷ Gwarek 72‡ yejön mala lilingöba kaba söngaiba kewö jiget, “Kembu, nini göhö qetke öme wöröme jim kutum engiinga yejön mewöyök keunini bapje anda tököba anget.”

¹⁸ Mewö jigetka Jisösnön melejnök, “Nönön Satan kakögetka Suepnöhök luhuba wölbilik ewö aköba gei ehal. ¹⁹ *Mötket, nönön kukösum engibiga injini ölop kitim soramen, skorpion (nendañ kömbukji pomemba) aka kerökninangö ösum-mumuji jitjambuk pakpak tiget eriga luhut alme. Miangöra yuai kunjan qahö engum mizit ak engima.

²⁰ “Miangöra ömewöröme yejön keujini bapje anjemö, töndup engörej sösongai bohönji mi miangöra kude söngaime. Engö qetjini Suep mire ohoget Anutugö buknön ahözawi, miangöra mönön önönji qahö söngaime.” Mewö.

Jisösnön söngaiba Anutu möpöseiyök.

Mat 11.25-27; 13.16-17

²¹ Nalö miangörej Uña Töröjan Jisös inahöm wangiiga söngaiba keu kewö jiyök, “O Iwini, göjön Buja keugi mötkutukutu ambazip mötmöt ketaji megeri, yejögörej asambötnöjmö, ambazip nahönbörat ewö nanjinangöra mötketka gukmaulem akzei, mi mönön yejögörej indelnönga möt asarize. Miangöra nönön Suep gölmegö Kembuñji gi möpöseim gihizal. O Iwini, gi nangak mewö asuhumapköra mötnön dop köli ölöwahök.

²² * “Iwinan mönön yuai pakpak jim kutuiga nönjögö bujaya ahök. Iwinan Nahönjängö könanji nanjök möt yaköiga kunjan mi qahö mötza. Mewöyök kunjan Iwinangö könanji

* 10:10: Apo 13.51 * 10:12: Jen 19.24-28; Mat 11.24; 10.15 † 10:12: Sodom yejön bölöñji kanjamjambuk memba mala urujini qahö melejgetka Anutunön könöpnön könder engiyök. * 10:13: Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * 10:15: Ais 14.13-15 * 10:16: Mat 10.40; Mak 9.37; Luk 9.48; Jon 13.20
‡ 10:17: Tosatjan oyondä 70 jize. Tosatjan 72 jize. * 10:19: Sum 91.13 * 10:22: Jon 3.35; 10.15

qahö möt yaköiga Nahönñanök mi mötza aka ambazip möwölöhöm engiba yeŋgöra mi indelmawi, yeŋön mönö Iwi möt waŋgime.”

²³ Jisösnöŋ mewö jiba gwarekurupñi yeŋgöreŋ lilingöba nanñinök ölöŋ kewö jii mötket, “Iñini yuai ek kutuzei, denike yeŋön mi ek kutuzei, yeŋön mönö jeŋinaŋgöra aka simbawoŋ akze. ²⁴ Mianğö könaŋi kewö: Nöŋön keu kewö jibi mötket, Kezapqetok ambazip aka kiŋ azi kembu gwötpukñan iñini yuai ki ekzei, mi ekingö awöweŋgöba malgetmö, mi qahö eket. Iñini keu ki mötzei, yeŋön mi mötpingö awöweŋgöba malgetmö, mi qahö mötket.” Mewö.

Jöjöpaj keu bohonji yahöt mi denöwö?

Mat 22.34-40; Mak 12.28-31

²⁵ *Köna keugö böhi kunñan wahöta Jisös bötak ala kewö qesim waŋgiba jiyök, “Böhi, nöŋön denöwö aka malmal kömbönaŋi teteköŋi qahö buña qem aŋgubilenak?” ²⁶ Jiiga Jisösnöŋ kewö melenđa qesiyök, “Mosesgö Köna keunöŋ keu denöwö ohoget ahöza? Mianğö könaŋi denöwö?” ²⁷ *Qesiiga melenđa jiyök, “‘Gi urugi jömukñi, uŋagi jömukñi, kuki jömukñi aka mötmötki jömukñi mianğön mönö Kembu Anutugi jöpaköba malman,’ aka ‘Nangi jöpaköm aŋgumakzani, mewöñanök mönö ambazip pakpak jöpaköm engiba malman.’”

²⁸ *Jiiga Jisösnöŋ melenñök, “Törörök melenjan. Mi tem köla malmal kömbönaŋangö buñaya akñan.” ²⁹ Mewö melenñökmö, Köna keugö böhinöŋ ‘Mi tem köla solanñi akzal,’ mewö mötmöriba könaŋamñi kondelmamgö möta Jisösgöra jiyök, “Ambazip sutñine mala koralı, yeŋgöreŋök mönö dagöra jizan? Niñia qahö jöpaköm waŋgibileŋak?”

Samaria azinöŋ gurusep azi ak-kömum waŋgiyök.

³⁰ Mewö jiiga Jisösnöŋ melenđa jiyök, “Azi kunñan Jerusalem siti mosöta Jeriko mire geba könanöŋ kegwek-kahasılılın yeŋgö böröŋine gei meget. Memba inap yuaiŋi waŋgita opoŋi qeköba gurusep qeba gila angetka kömumamgö aka ahöyök. ³¹ Ahöba mamböriga jike nup galöm kunñan köna miyök anda eka ek siriba köna likepñeyök anda oŋgita anök. ³² Aniga mamböri jike nup azi (Liwait) kunñan mianğöreŋ kaŋgota eka mewöñanök ek siriba oŋgita anök. ³³ *Anökmö, Samaria prowinsgö azi[§] kunñan köna miyök anda ahöyöhi, mianğöreŋ aŋgota eka wösöŋi möta ehoriyök.

³⁴ “Ehoriba kösutñe geba uziŋi kelök aka wain oŋan miriba esuhuyök. Uziŋi esuhuba memba kököbihiba doŋkiŋi qakñe ala waŋgita qenjarök ahöahö mire anda ala köyan köl waŋgiyök. ³⁵ Köyan köl waŋgiba ahöba wahöta söñanök silim yahötkö töwaŋi (Kina 10,-) uzeta qenjarök mirigö toŋi waŋgiba jiyök, ‘Azi ki mönö köyan köl waŋgiba malnöŋga moneŋ gihizali, mi kude dop köla oŋgitma ewö, mi mönö lilingöba kaba mianğöreŋ toroqeba gihimam.’ ³⁶ Azi karöbut könaŋamñini mewö kondelget. Azi kegwek-kahasılılın yeŋgö böröŋine geyöhi, yeŋgö alaŋi daŋön ahök? Yeŋgöreŋök dagöra mötnöŋ, i uru kalem ak waŋgiyök?”

³⁷ Qesim waŋgiiga melenñök, “Ak kömum waŋgiyöhi, yaŋön.” Mewö melenñiga Jisösnöŋ jii mörök, “Gi mönö anda mewöñanök aka malman.” Mewö.

Jisösnöŋ Marta Maria yetpuk kujuk tarök.

³⁸ *Jisösnöŋ gwarekurupñi yembuk könanöŋ angetka Kembuñinan miri kunöŋ aŋgorök. Aŋgoriga ambi kun qetñi Marta yaŋön köl öröm waŋgii miriŋe öŋgöyök. ³⁹ Martagö munñi qetñi Maria malök. Yaŋön Kembu eka könaŋi kösutñe eta tata Buña keu jiyöhi, mi kezap ala mörök. ⁴⁰ Mörökmö, Martanöŋ lömbuaŋ nupnöŋ öroi anda kaba mökösusu aka Jisösgöra jiyök, “Kembu, munan nömosöri nanök welen nup membi mötnöŋ dop kölja me qahö? Mianğöra mönö Maria jinöŋga kaba bauköm niŋgima.”

⁴¹ Jiiga Kembunöŋ melenđa jii mörök, “Marta Marta, gi yuai könaŋi könaŋi mianğöra waimanjat möta mötkurumkurum aka könöpñambuk aka kinjan. ⁴² Mewö kinjanmö,

* 10:25: Mat 22.35-40; Mak 12.28-34 * 10:27: Lew 19.18; Dut 6.5 * 10:28: Lew 18.5 * 10:33: 2 Hist 28.15

§ 10:33: Juda yeŋön Samaria ambazip jijiwilit ak engizema. * 10:38: Jon 11.1

waimanjat mohok kun memba mem köhöininga dop kölma. Nini yuai sehisehiñi miangöra qahö osizin. Marianöñ kewöta urugö likepñi möhamgöm anjumamgö möwölöhöba simbawoñ akza. Malmalgö bahöñi ölopñi mi kunñan kun kude wanjitma.” Mewö.

11

Jisösnöñ köulukö könañi kusum enjyök.

Mat 6.9-13; 7.7-11

¹ Jisösnöñ miri kunöñ köuluköba mali teköiga gwarekurupñi yengöreñök kunñan kewö jiyök, “Kembu, Jon O-melun azinöñ gwarekurupñi köulukö könañi kusum enjyöhi, gi mönö mewöñanök nini kusum neñgiman.”

² Jiiga Jisösnöñ kewö jii mötket, “Iñini köuluköbin jiba kewö jime: Iwi, göhö qetkan mönö töröñi ahöma. Mönö galöm köl neñginöñga bemtohongahö ölni asuhuma. (Göhö jitsihitki Suepnöñ tem kölakzei, gölmenöñ mönö mewöñanök asuhuma.)

³ Gi wehön dop nene dopnine neñgiman.

⁴ Tosatñan bölöñi ak neñgigeri, nini körek yengö siñgisöndokñini mosötzin ewö, gi mönö neñgöreñ siñgisöndok sañgoñ neñgiman.

Gi esapesapnöñ eta neñgubapuköra anñön köl neñgiba Bölöñi Toñangö böröñeyök meköm neñgiman.”*

⁵ Jisösnöñ toroqeba kewö jii mötket, “Engöreñök kunñan suñgem bibiñe alañangö mire anda möndöba kewö jima, ‘Alani, beret karöbut niñginöñga likepñi bian meleñ gihibi. ⁶ Alani kunñan könanöñ mala nöñgöreñ kañgoriga neneñamni qahöpköra gumohom wanjimamgö jaruzal.’ ⁷ Mewö jii alañan miri uruñeyök kewö meleñda jima, ‘Gi gaun gwölö ak neñgizan. Ni nañguni lök köl köhöibiga nahönböraturupñan nömbuk tumbulahöpnini tumbula gaun ahözin. Miangöra wahöta mi gihimamgö osizal.’ ⁸ Mewö jimapmö, nöñön jibi mötket: Miri toñan alañi akzawangöra aka qahö wahöta wanjimapmö, mi töndup kapañ köla jiba kinjawangöra mi ölop wahöta qesizawangö dop körek wanjima.

⁹ “Nöñön miangö likepñi kewö jibi mötket: Mönö Anutu köuluköme. Köulukögetka enjgima. Anutugöreñ mönö yuaigö böröñan memba jarume. Mi jarugetka kondeliga miwikñaima. Kinda nañgunöñ qeme. Qegetka nañgu tal enjgima. ¹⁰ Kunñan Anutu köulukömakzawi, yañön mönö likepñi buña qem anjuma, yuaigö jarumakzawañön mönö mi miwikñaima. Nañgunöñ qemakzawangöra mönö nañgu öröm wanjima.

¹¹ “Iwiurup engöreñök dañön kewö akza: Nahöññan söragöra qesiiga salupñe qatö wanjima. ¹² me kuruk kötnangö qesiiga skorpion (nendañ kömbukñi pomemba) wanjima? ¹³ Mewögöra iñini ambazip bölöñi akze aka töndup kalem ölopñi ölopñi mi nahönböraturupñini enjgibingö mötze ewö, Suep Iwinöñ mönö kalemñi denöwö anñön kölbawak? Yañgö uruñangö ahakmemeni mi neñgongita tandökñi kun akza. Miangöra Uña Töröñangöra köuluköba qesim wanjime ewö, yañön mönö sihimñan i melaiiga uruñine gema.” Mewö.

Jisösnöñ öme yengö ösumñini onjita qei etza.

Mat 12.22-32; Mak 3.20-27

¹⁴ Ömenöñ azi kun töñöt aka numbuñi jöhöiga mötök maliga Jisösnöñ ömeñi mi wuatangöiga kota mosöri nesilamñan lolohoiga kunbuk keu jiyök. Keu jiiga ambazip kambu yeñön mi eka welipköget. ¹⁵ *Welipkögetmö, yengöreñök tosatñan kewö jiget, “Yañön mönö öme yengö kembuñini Katakömulat yañgö ösumnöñ ömewöröme enjuatangömakza.”

¹⁶ *Mewö jigetka tosatñan Jisös keugö bötaknöñ örömapköra esapköm wanjiba kewö qesiget, “Gi mönö jim kutunöñga Suepnöhök anjöletot kun asuhuiğa ekin.”

* 11:4: Tosatñan keu mi kewö meleñda jimakze: bölöñeyök meköm neñgiman. * 11:15: Mat 9.34; 10.25 * 11:16: Mat 12.38; 16.1; Mak 8.11

¹⁷ Qesigetmö, yañön uru mötmötņini möt teköba kewö jii mötket, “Kantri denike yeñgö galömurupņinan sutņine aņgururuk aka julmei, yeñön mönö ayuhum aņgugetka kantriņinan böliba sahopņanök ahöma. Mewöyök miri kungö könagesö yeñön julmei, miriņinan mönö qeqelaņlaņ ahöma.

¹⁸ “Mötket! Satangö könagesö yeñön mewöyök sutņine aņgururuk aka julbeak ewö, yeñön mönö gawman nupņini memingö osigetka ömetohoņinan mönö denöwö kinbawak? İņini nöņgöra kewö jize: Yañön Katakömulatkö ösumnöņ ömewöröme eņguataņgömakza. ¹⁹ Mewö jizemö, mötket, nöņön Katakömulatkö ösumnöņ ömewöröme közöl eņgibileņak ewö, eņgö alaurupņinan mönö dagö ösumnöņ mi közöl eņgibeak? Mianğöra yeñön mönö keuņini öļņi me qahö, mi kewöta jim teköme.† ²⁰ Mi jim tekömemö, Anutugö ösumņan nöņgö börö kesötņi sölölohöi öme eņguataņgömakzal ewö, Anutugö bemtohoņan mönö eņgöreņ kam kuņguza.

²¹ “Azi köhöikņan timbi liņgipņambuk miri gölmeņi galöm meiga sukinapņan mönö kahaimök ahöma. ²² Mewö ahömapmö, azi köhöikņi kötökņan luhuba kaba qeba luhut al waņgiba timbi liņgipņi nariyöhi, mi körek waņgita qezaņda sukinapņi memba anda alaurupņi mendeņ eņgima.

²³ * “Kunņan nömbuk qahö maljawi, yañön mönö qetal niņgimakza. Kunņan ambazip nöņgö qetne tokomeğöra qahö öröm eņgimawkawi, yañön mönö mendeņ eņgimawkawi.” Mewö.

Öme yeñön azi uruņe lilingöbingö kapaņ kölje.

Mat 12.43-45

²⁴ “Ömenöņ azi uruņeyök kota gölme qararaņkölkölņe anda laņ liliköba mala luhut memangö miri jaruba kun qahö miwikņaiiba ölan yöhöiga kewö jima, ‘Mirini mosöta kazali, mianğöreņ mönö kunbuk lilingömam.’ ²⁵ Mewö jiba lilingöba miriņi usuņda meņölöi ahöyöhi, mi mewöņanök ahöi miwikņaima. ²⁶ Mewö miwikņaiiba anda öme tosatņi 7 eņguaņgitma. Öme 7 mi nanņi oņgita bölöņi kötökņi akze. Yañön mi eņguaņgiriga kaba miri mi öņgöba mianğö uruņe malme. Mewö aiga azi mianğö könaņi mutuk kileņkileņ ahökmö, könaņep bölim qölim teköma.” Mewö.

Denike yeñön simbawoņ akze?

²⁷ Jisösnöņ keu mewö jiba mali ambazip kambu sutņineyök ambi kunņan qeta Jisös kewö jii mörök, “Gömokni, ambinöņ gölöm ala gömimba juzu gumohom gihiyöhi, nöņön yaņgö mötņi simbawoņ akza.” ²⁸ Mewö jiyökmö, Jisösnöņ kewö meleņnök, “Mi jizannö, nöņön kewö jimam: Ambazip Anutugö keugöra kezap ala möta tem köla köl gulimakzei, yeñön mönö simbawoņ akze.” Mewö.

Böhi tosatņan aņgöletököra kapaņ köla uletket.

Mak 8.11-12; Mat 12.38-42

²⁹ * Ambazip kambunöņ tokogetka qariiga Jisösnöņ toroqeba keu kewö jiyök, “Ambazip merak gölmenöņ maljei, mi kambu bölöņa. Yeñön Anutugö aiwesökņaņgöra kapaņ kölakzemö, aiwesök kun kezapqetok azi Jonagöra lök asuhuyök. Anutunöņ aiwesök murutņi kun qahö al eņgima. ³⁰ * Keu mianğö könaņi kewö: Anutunöņ mönöwök Jona melaiiga Niniwe yeñgö sutņine anda Anutugö aiwesökņi ahök. Mianğö dop Suep gölmegö azi öļņan mewöyök ambazip kambu kianğö sutņine asuhuba uruņini meleņmegöra kuņgum eņgiba aiwesökņina akņa.

³¹ * “Könaņamņinaņgö kaisösöpņi kun kewö: Anutunöņ mönöwök mötkutukutu öņgöņgöņi ketanņi mi kiņ Solomon waņgiiga Saut görökenök kantri kungö qin ambinöņ Solomongö mötkutukutuņi mötmangö sihimņi mörök. Sihimņi möta gölme

† 11:19: Nanņini sile galömurupņinan Anutugö qetņi qeta töndup öme mi Katakömulatkö kukösumnöņ közöl eņgigetka nöņön mi Anutugö ösumnöņ közöl eņgimawkal. Öroröņ qahö kinjinaņgöra daņön öļņi aka daņön keu muneņi uatataņgömakzawi, mi ambazipnöņ kewöta jim teköme. * 11:23: Mak 9.40 * 11:29: Mat 16.4; Mak 8.12

* 11:30: Jona 3.4 * 11:31: 1 Kij 10.1-10; 2 Hist 9.1-12

göraŋeyök wahöta köna köröp tiŋtiŋi kaba mala Solomongö mötmötŋi mörök. Mi mörökmö, mötket, nalö kewöŋe nöŋön sutŋine asuhiba kinda Anutugöreŋ mötkutukutu öŋgöŋgöŋi memba kazali, mi Solomongö mötkutukutuŋi oŋgitza. Oŋgitzapmö, iŋini töndup nesampurek ak niŋgiba tönpin kingetka qahö dop kölja.

“Miaŋgöra Anutunöŋ könaŋep ambazip körek pakpak öröm eŋgii keuŋini jim tekömapköra jeŋe aŋgotmei, nalö miaŋgöreŋ Saut kantrigö qin ambi miaŋön mönö mewöyök aŋgotma. Yaŋön ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinma. Mohotŋe kinda keu kewö eŋgö sileŋine alma, ‘Iŋini Jisös nesampurek ak waŋgigetka Anutunöŋ likepŋi meleŋ eŋgii sihimbölä öŋgöŋgöŋi mötme.’ Yaŋön mewö jiiga silikŋi kewöta nanŋinaŋgöra gamuŋini mötme.

³² * “Jonanöŋ Niniwe ambazip sutŋine anda Anutugö keunöŋ uruŋini kuŋgui möta miaŋgöreŋök uruŋini meleŋgetmö, mötket, nöŋön sutŋine asuhiba kinda Jonagö ahakmemerŋi oŋgita ahakzal. Mewö ahakzalmö, iŋini töndup nesampurek ak niŋgimakze.

Miaŋgöra Niniwe ambazipnöŋ jimtekötekögö nalö ketanŋe ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotŋe kinme. Mohotŋe kinda Niniwe yeŋön keu kewö eŋgö sileŋine alme, ‘Iŋini Suep gölmegö azi öŋi nesampurek ak waŋgigetka Anutunöŋ likepŋi meleŋ eŋgii sihimbölä öŋgöŋgöŋi mötme.’ Niniwe yeŋön mewö jigetka ahakmemerŋinan nanŋini könaŋamŋini indelgetka gamuŋini mötme.” Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

³³ * “Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miaŋgö dum tatatnöŋ alma. Mewö ali tosatŋan miri uruŋe öŋgöbingö mötzei, yeŋön miaŋgö asakŋi eka öläp öŋgöme. ³⁴ Göhö jegi mi uru silegahö kiwaŋi akza. Miaŋgöra kawöl kunöŋ jegi qahö mem böliza ewö, miaŋön mönö tohoba asarim teköi Anutugö asakŋan öläp uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, miaŋön silegö malmalgi mewöyök mem söŋauiga pandaman uruŋe jipjap malman.

³⁵ “Mewö aiga mötnöŋ, söŋaupnöŋ urugahö asakŋi közamböri söŋaubapüköra mönö tihitki möta galöm mem aŋguman. ³⁶ Mewö aknöŋga Anutugö asakŋan urugi körek dop köli waŋgömŋi kun qahö söŋauza ewö, göhö silegan mönö mewöyök asoŋkilik-kilikŋambuk aka jemesoholgan asariza. Kiwa ketanŋan silege kuŋguba kölkölbilikbilikŋambuk mem asarim gihizawi, malmalgi mönö miaŋgö dop Anutugö asakŋe al teköba malman.” Mewö.

Urumeleŋgö silesile tandököra ‘Yeil’ jiiga 6 ahök.

Mat 23.1-36; Mak 12.38-40; Luk 20.45-47

³⁷ Jisösnöŋ keu mi jim teköi Farisi (Köna keugö kapaŋkölköl) azi kunöŋ kewö jiba köl öröm waŋgiyök, “Gi öläp nöŋgö mire öŋgöba tata nene nembin.” Mewö jiiga anda öŋgöba nene nemamgö tarök. ³⁸ Mutuk böroŋi qahö saŋgoŋda eta tarökmö, Farisi azinöŋ silik mi eka welipköyök. ³⁹ Welipköiga Kembunöŋ kewö jii mörök, “O Farisi iŋini mönö öŋa amöt qem aŋgubingöra qambi aka al nenegö sileŋi saŋgoŋ yakömakzemö, nanŋini uruŋinan mönö tölohoza. Mi dogo jimamoŋ aka qewöloŋ miaŋön kokolak qei malje.

⁴⁰ “O iŋini, uruŋini qahö. Kunöŋ sileŋi pakpak miwikŋaiyöhi, yaŋön mönö uruŋi mewöyök miwikŋaiyök me qahö? Iŋini mönö wuanöŋgöra uru likepŋaŋgöra tanŋaŋ akze? Mi qahö dop kölja. ⁴¹ Miaŋgöra yuai kiwi al nenenöŋ tatzawi, mi mönö kalema ambazip wanapŋi eŋgime. Mewö aketka Anutunöŋ amöt qem eŋgii eŋgöreŋ yuai pakpak mönö sarakŋi ahöma.” Mewö.

⁴² * “O Farisi ambazip, lömböt qakŋine öŋgözawaŋgöra mönö wölziköba ‘Yeil’ jizal. Iŋini nene pakpak mendeŋda bahöŋi 10 miaŋgöreŋök mohot Anutugö bujaya qemakze.

* 11:32: Jona 3.5 * 11:33: Mat 5.15; Mak 4.21; Luk 8.16 * 11:42: Lew 27.30

Gipɲi, supe aka yöha kõnaɲi kõnaɲi mi mewöyök meɲdeɲda tenöhök mohot mi Anutugö buɲa qemakze. Naluk mi törörök alakzemö, Kõna keugö kötɲi bohonɲi ki mönö oɲgita mosörakze: Gi Anutu uru kõnömɲan jöpaköm waɲgiman aka ambazip sutɲine ahakmeme diɲdiɲi wuatangöba malman. Keu bohonɲi mi mönö kapaɲ köla wuatangöba malme aka keu morömorö mi mewöyök kude oɲgita mosötme.

⁴³ “O Farisi, lömböt qakɲine öngözawaɲgöra mönö wöziköba ‘Ye!’ jizal. Iɲini köuluk mire dum tatat mutukɲe jeɲep tatpingö sihimɲi mörakze. Maketnöh me kõnanöh ambazip engeketa jölöhɲi jimegö mörakze. ⁴⁴ O iɲini, lömböt qakɲine öngözawaɲgöra wöziköba ‘Ye!’ jizal. Iɲini qaksiri qetɲini qahö miaɲgö dop akze. Ambazipnöh qamöt wöröɲambuk denike ahözawi, mi qahö möta qakɲine laɲlaɲ tiba yuai dönqizinɲambuk oseiba tölohomaɲke.” Mewö.

⁴⁵ Jisösnöh keu mewö jiiga Kõna keugö böhi yeɲgöreɲök kunɲan möta melaɲda kewö jiyök, “Böhi, gi keu mewö jiba nini mewöyök gamu qem nengizan.”

⁴⁶ Mewö jiyökmö, Jisösnöh keu kewö jiyök, “O Kõna keugö böhi, engö qakɲine mewöyök lömböt öngözawaɲgöra wöziköba ‘Ye!’ jizal. Iɲini keuɲi keuɲi jim kutuba miaɲgö kõɲjöh lömbötɲi ambazip qakɲine alagun algetka mi tem kölböngö lömböriiga jaraɲbaraɲ ahakzemö, nanɲinak i kesötɲinan borom kun bauköm engibingö wösömöt-mötɲini kun qahö ahöza.

⁴⁷ “O iɲini, lömböt qakɲine öngözawaɲgöra mönö wöziköba ‘Ye!’ jizal. Iɲini kezapqetok ambazip yeɲgö qaksirinöh simen kum memba meɲölömaɲkemö, nanɲini ambösakonɲinan mönö i enguget kömuget. ⁴⁸ Nanɲini ambösakonɲinan kezapqetok ambazip enguget kömugetka iɲini yeɲgö qaksirinöh kum memba simen alakze. Mewö aka miaɲön ambösakonɲini yeɲgö ahakmemegöra imbi köla keuɲini naɲgöba jiba dangunu ewö kinje.

⁴⁹ “Miaɲgöra Anutu, mötkutukutu Toɲi yaɲön kewö jiza, ‘Nöhön kezapqetok ambazip aka aposol melaim engibi engöreɲ kame. Kagetka yeɲgöreɲök tosatɲi i enguget kömume aka tosatɲi sesewerowero ak engime.’

⁵⁰ “Anutunöh Suep gölme miwikɲaim etkiyöhi, nalö miaɲgöreɲök kõnahiba kezapqetok ambazip engugetka sepɲini mokoget eri, miaɲgö sep kitipɲi pakpak mi ambazip merak maljei, mönö engö qakɲine öngöi sihimbölö mötme. ⁵¹ *Abelgö sepɲan eri miaɲgöreɲök kõnahiba enguba kota mala Zekaraia jöwöwöl alta aka jöwöwöl jike kömbukɲi mietkö sutɲire qeget sepɲi eri miaɲgöreɲ teköyök. Nöhön keu kewö jibi mötme: Sepɲinaɲgö kitipɲan mönö ambazip merak maljei, engö qakɲine öngöiga sihimbölö mötme.

⁵² “O Kõna keugö böhi iɲini, lömböt qakɲine öngözawaɲgöra mönö wöziköba ‘Ye!’ jizal. Iɲini Anutugö mötmöt membingö naɲgu ki moröhɲi mi ambazip enguaɲgita aɲgön köl engimakze. Nanɲinak miaɲgö uruɲe qahö aɲgotket aka tosatɲan miaɲgö uruɲe aɲgotpingö akzei, iɲini i jöhöba aɲgön köl engiba malget.”

⁵³ Jisösnöh keu mewö jiba mosöta ani Kõna keugö böhi aka Farisi yeɲön kõnahiba keu kõnöpɲambuk jim waɲgiba keu kõnaɲi kõnaɲi jimapkö qeqesi gwötpuk al waɲgiget. ⁵⁴ Al waɲgigetka numbuɲeyök keu kun qiwitipköiga miaɲön köpeiba keugö bötaɲnöh örömapköra mönöget. Mewö.

12

Urumelaɲgö silesile malmalgö galöm meme keu Mat 10.26-27

¹ *Jisösnöh keuɲi jiiga nalö sutɲe miaɲgöreɲ ambazip tausenni tausenni yaɲgöreɲ tokoba ölöqölököba utakutal aɲguba kinget. Mewö aka kingetka kõnahiba gwarekurupɲi kewö jii mötket, “Yuai mutukɲi ki: Iɲini mönö Farisi (Kõna keugö kapaɲkölköl) yeɲgö urumelaɲgö silesile ahakmemenaɲgöra galömɲini meme. Mi wösö kömbukɲi ewö akza. Mi qahö mosötme ewö, miaɲön mönö yist ewö qariba mem bölim engima.

* 11:51: Jen 4.8; 2 Hist 24.20-21 * 12:1: Mat 16.6; Mak 8.15

² **“Ambazipnön yuai önun meget ahözawi, mi pakpak mönö kötulgetka aukne ahuma. Mewöñanök keu asambötket ahözawi, mi pakpak mönö indelgetka möt kutume.*
³ *Miangöra mönö keuñinangö galöm memba malme. Inini keu söñaupnön ölöñ jimei, mi mönö asakne jigetka mötme. Inini miri uruñe wangöññi kungen sañepnön kezapñine jimei, mi sobemñöñ aukne jim asarime.”* Mewö.

Dagöra keñgötñini mörin dop kölma.

Mat 10.28-31

⁴ *“Alaurupni nöñön engöra kewö jibi mötme: Tosatñan silenini qem kömumba miangö andöñe yuai kun toroqeba akingö osimei, yeñgöra mönö keñgötñini kude möta malme.*
⁵ *Mi qahöpmö, dagöra keñgötñini mötketka dop kölmawi, nöñön mi kondel engimam. Kun dañön kukösum memba engui kömugetka tötal engii könöp sianön gemei, yanğöra mönö keñgötñini möta malme. Engöra keu mi kunbuk jizal: yanğöra mönö keñgötñini möta malme!*

⁶ *“Tosatñan bekösöm (jöröm, ulisit) 5 mi toiya yahötñan söñgörüñi memegöra alakzemö, Anutunön miengöreñök mohok-kungö qahö ölum qeyök.* ⁷ *Anutunön köyan köl engiba nörop juññi pakpak mewöyök oyon teköba yanğöñini mötza. Ambazip engö söñgörüñini mi bekösöm ulisit gwötpuk engongita öngöñgöñi akza. Miangöra keñgötñini mönö kude möta malme.”* Mewö.

Kraist jim miwikñaim me qañ kölme?

Mat 10.32-33; 12.32; 10.19-20

⁸ *“Nöñön keu kun jibi mötket: Kunñan ni ambazip jeñine jim miwikñaim niñgimawi, Suep gölmegö azi öñan mönö mewöñanök i Anutugö garataurup yeñgö jeñine jim miwikñaima.* ⁹ *Mewömö, kunñan ni ambazip jeñine qañ köl niñgimawi, nöñön mönö mewöñanök i Anutugö garataurup yeñgö jeñine qañ kölmam.*

¹⁰ **“Kunñan Suep gölmegö azi öñi qetala keu jimawi, Anutunön mi ölop mosötmapmö, kunñan Uña Töröñi ilita mepaqepaik akñawi, yanğö siñgisöndokñi mi Anutunön qahö mosötma.*

¹¹ **“Ambazipnön inini öröba keu jakeñine al engigetka köuluk miriñine me kiap premiö aka kantriñi kantriñi miengö kiñ kembu yeñgö jemesoholñine kinmei, nalö miangöreñ keuñinangö likeñi wani keuya denöwö jibinak miangö waimanjatñi kude mötme.* ¹² *Mi kewögöra: Inini keu jimei, mi Uña Töröñan aua miangöreñök kusum engiiga jime.”* Mewö.

Nepaqepalok azi pomñangö dopkeu

¹³ *Ambazip kambu sutñineyök azi kunñan Jisösgö jiyök, “Böhi, iwiniran kömuiga gi mönö datnangö jinöñga iwinirangöreñ börösamotñi mendeñda niñgima.”*

¹⁴ *Mewö jiyökmö, Jisösnön kewö melej wangiyök, “O azi, dañön etkö jimtekötekö tonjiri akñamgöra kuñgum niñgiyöha gölmeñiri mendeñbileñak?”* ¹⁵ *Mewö jiba keu kewö toroqeyök, “Inap ainemalukuñinan awamñanök me keleñmalelej ahöbawak, malmalñinangö könañi mi miangöreñ qahö ahöza. Malmalñini qahö kewöta moneñ sukinapnön möndöme ewö, mönö ayuhume. Miangöra membagun mendingö nepaqepalok (gridi) pakpaköra mönö galömñini memba malme.”*

¹⁶ *Mewö jiba dopkeu kun kewö jii mötket, “Azi pomñi kun malök. Yanñön gölmeñe nene nupñi meiga töhötmöriam ketañi asuhuyök.* ¹⁷ *Mi asuhiiga uruñan kewö mötmöriiba jiyök, ‘Nöñgö köwe mirini mi morörökñi. Miangöra padi gösöñi gösöñi, koñ kambuñi kambuñi, sehoñ böranñi böranñi mi mönö denikeangöreñ tokobileñak? Mönö denöwö akñamto?’* ¹⁸ *Mewö jiba jiyök, ‘Mönö kewö akñam: Ni köwe mirini köndeñda salupñe köwe miri ketañi ketañi memam. Mi memba nene töhötmöriamni aka sukinapni pakpak mönö miangöreñ qezaköbi tatma.* ¹⁹ *Miangöreñ tariga nanangöra kewö jimam: O gi simbawoñ! Töhötmöriamgi mönö awamñi qahö ahöm gihiza. Miangöra mönö nene*

* 12:2: Mak 4.22; Luk 8.17 * 12:10: Mat 12.32; Mak 3.29 * 12:11: Mat 10.19-20; Mak 13.11; Luk 21.14-15

nem söngäiba yambuñi yambuñi siyoñsayoñi qahö luhut memba ösöñ malman.’²⁰ Mewö jiyökmö, Anutunöñ kewö jii mörök, ‘O gi, urugi qahö! Nöñön nalögi ala jim teköba uraji sun gem kiangöreñök goangitpiga kömuman. Kömunöñga öroyuai pakpak buja qem anguba malnöñi, mi mönö dagö bujaya akñapto?’

²¹ “Kunjan nanñangöra ainemaluku guli dötnam yuai tokomakzapmö, Anutugö qöhöröñe urugö töhötmöriamñi qahö ahöm wangizawi, yanğöra mönö lömböt ketanji mewö asuhuma.” Mewö.

Anutu möt nariba waimanjat kude akñe.

Mat 6.25-34

²² Jisösnöñ gwarekurupñi kewö jii mötket, “Mewö asuhumapmö, nöñön engöra kewö jibi mötket: Inini gölmenöñ malmeangö waimanjatñi mi kewö jiba kude akñe: Nini mönö wanat yuainöñ gumohom angubinak aka wanatnöñ sileninañgö löngötpinak?²³ Sileñinambuk maljei, miañön bohonñi aiga opo kereñnöñ mönö miañgö nembö bapñe ahöza. Jeñinambuk maljei, miañön bohonñi aiga nenenöñ mönö miañgö nembö bapñe ahöza.

²⁴ “Möno koekoe nei engekñe: Mienön nene kötni qahö qesiñ gilakze. Padi ölni qahö yandiba köwe miriñine qahö tokomakze. Yöha sihiñini mi qeköm nembö mirinöñ qahö alakze aka Anutunöñ mi töndup i gumohom engimakza. Ambazip engö söngöröñini mi nei söngöröñini engongita öngöba ahöza. Möno mi mötmöriget anök.

²⁵ “Engöreñök kunjan waimanjat aka mewö miañön gölmenöñ malmawangö nalöñi mi sömañi mohotkö dop mem toroqema me qahö? Mi qahöpmahöp!”*

²⁶ “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak?²⁷ *Inini mönö jariñ jurañi aködamunñinambuk mi engekñe: Mienön opo söroninañgöra möt qahö löngalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi asoñ-bilikbilikñambuk löngöta malökmö, yanğö malukuñi mi kiteñ soranjingö dop eksihimñambuk qahö ahöyök.

²⁸ “Jariñ jurañi töhöñ mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ jurañi mewöñi kun mi tok ölöpñanök meñölömakza. Miañgöra yanön inini mewöyök ölöp esuhum engima. Inini jariñ jurañi miañgö dop qahö akze. Anutunöñ köyan köl engimangö mötzawi, sihimñi miañön mönö yuai pakpak engongita öngöza. O ambazip, mötnariñinan mönö wuanöñgöra morörökñi akza?

²⁹ “Mewö aiga inini mewöyök malmalñinañgöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini miañgöreñ kude ala urueret aka urukönöpuk miwikñabepuk.³⁰ Kantri dop urumelengö kopa yeñön yuai mewöñi pakpak buja qem angubingö kapañ köla urukönöp ahakze. Mi ahakzemö, inini nene opo yuaigöra mözöröngöba osizei, Iwiñinan mönö mi möt teköza.³¹ Miañgö urukönöp kude akñemö, mönö Anutugö bemtohoñnöñ angotpingö kapañ kölme. Uruñini miañgöreñ alget ahöiga yanön mönö galöm köl engiba yuai mewöñi mi mewöñanök toroqem engima.” Mewö.

Bujanini Suepnöñ me gölmenöñ tokoinga dop kölja?

Mat 6.19-21

³² “O kambuni morörökñi, Iwiñinan bemtohoñ al engimangö mötzawangöra mönö kenğötñini kude möta malme.³³ Gölmegö moneñ inapñi mi kapañ köla qeraköbepuk. Miañgöra yuai ahöm engizawi, mi mönö söngöröñangö ala moneñ öröba bahöñi ambazip wanapñi kalemñinañgöra engime. Mewö aketka qetbuñanini guli dötnam ewö mi Suep mire ahöba sehiba kude qahöwakña. Moneñ gösöñini qainñi kun mi Suep miañgöreñ

* 12:25: Tosatjan kewö melejda jize: Engöreñök kunjan waimanjat aka mewö miañön silenji wan fitkö dop toroqeba mem körimangö osima. * 12:27: 1 Kij 10.4-7; 2 Hist 9.3-6

qahö bölime. Gurem jijilukut aka yon̄gorö meme yeñön mönö eu öngöba yuai mem bölibingö osime.

³⁴ “Yuaigöra aködamun̄ni memba mötnöñ öngözawi, miañön miri kungen ahöiga göñön mönö urugi mewöyök miañgöreñ qekötahöba malman.” Mewö.

Urugwölö mala nup megetka dop kölma.

³⁵ * “Ijini mönö Anutugö nup̄ni memingöra jöjöröba opo söröñini jöhöm yaköba aködamun̄nambuk kinda urun̄inañgö kiwañan ohotirigetka jeiga malme. ³⁶ *Mi kiañgö dop: Miri toñi kun mi ambazip amemegö lömbuañnöñ kaba söñgaibingöra öröm wañgigetka anök. Miañgöreñ ani moröurup̄nan mire tata lilingömapköra jeñinan yaigep uba ‘Kinsin̄-paṅsañ!’ jiba kapañ köla mambötze. Mamböta malgetka yañön nalö miañgöreñ me miañgöreñ kañgota nañgunöñ qebawak, yeñön mönö miañgöreñök nañgu örögetka kotma. Ijini mönö morö miengö dop aka jöjöröba malme.

³⁷ “Kembunöñ lilingöba kaiga nup memeurup̄ni tosatñan urugwölö malgetka mewö miwikñaim engimawi, yeñön mönö simbawoñ akze. Nöñön öln̄a kewö jibi mötket: Yañön kañgota tokom engiba nene dumnöñ ali tatketka nene gumohom engimangö jöjöröm anguba welen qem engima. ³⁸ Yañön ömbibiñe me miri awörañgöiga miañgöreñ lilingöi tosatñan urugwölö malgetka miwikñaim engimawi, yeñön mönö simbawoñ akze.

³⁹ * “Gwölö malbingö keu ki mönö ölop mötmörime: Sun̄gem aiga kegwek azinöñ wanat nalönöñ me auanöñ kamawi, miri toñan mi mötpawak ewö, yañön mönö gwölö mala miriñi ölop galöm meiga qesiñda öngömangö osima. ⁴⁰ Ijini ‘Suep gölmegö azi öln̄an nalö kiañgöreñ qahö kañgotma,’ jiba mötmörime, yañön mönö nalö miañgöreñök kañgotma. Miañgöra iñini mewöyök jöjöröba malme.” Mewö.

Nup azinöñ silekmalek mala ayuhuyök.

Mat 24.45-51

⁴¹ Jisösnöñ keu mewö jii Pitönöñ qesiyök, “Kembu, gi dopkeu ki mi neñgöra me ambazip tosatñi pakpak yeñgöra mohok jizan?”

⁴² Mewö qesii Kembunöñ jiyök, “Nup meme ambazip sutñine dañön tiñ kutuba tosatñi engongitza? Tosatñan sörörauba nup mosötketka kunñan mötkutukutu ölopñangö qakñe kapañ köla pöndañ memakzawi, yañön mönö simbawoñ akza. Miri toñan ahakmemer̄i kewöta eka kungen anda mirinañgö öroyuaiñi mi yañgö böröñe ali galöm akña. Galöm aka welenqeaurup̄ni jiyöhangö dop köyan köla nalö diñdiñe gumohom engimakña. ⁴³ Mewö köyan köl engiba maliga toñan lilingöba kaba mewö eka mönö simbawoñ jima.

⁴⁴ “Nöñön keu öln̄i kun kewö jibi mötket: Toñan simbawoñ jiba sukinap̄ni pakpakö galömñi kungum wañgima. ⁴⁵ Kungum wañgimap̄mö, nup meme okon̄ni yañön uruñan mötmöriba kewö jima ewö, ‘Kembunañgö kaka nalöñan mönö köröp̄ni ahöza.’ Mewö jiba könahiba nup meme ambazipurup̄ni engum ureiba közölömbuañ ala söñgaiba o köhöikñi namba uruñi sohoiga en̄ololoñ silekmalek aka malma. ⁴⁶ Mewö mala nalö kunöñ Kembuñi kañgotmapköra qahö mambötmawi, mönö miañgöreñ kañgotma. Nalögöra ikmaok in̄ululuñ mali mönö aua miañgöreñ kañgota qeba yayapaleleñ mem wañgiba jim kutuiga qegetal ambazip ewö könöp sianöñ geba sihimbölo mötma.

⁴⁷ “Nup meme kunñan Kembunañgö jitsihitñi möt yaköyökmö, keu areñi jiyöhangö dop qahö jöjöröm anguba nup̄ni memba malöhi, Kembuñan miañgö likep̄ni jiiga jöhöba ihileknöñ ambem̄ni gwötpuk qeaköba qeme. ⁴⁸ Mewö qememö, nup meme azi kunñan Kembunañgö jitsihitñi qahö möt yaköba yuai aka meiga likep̄ni ölop jiget ihileknöñ qemeangö dop akzawi, Kembunöñ miañgö likep̄ni jiiga amqeqeñi qeme. Anutunöñ kungöra yuai gwötpuk wañgiyöhi, yañön mönö mi mem sehiiga öln̄i gwötpuk ahumap̄köra al mambötma. Anutunöñ kungöra yuaigö warökñi sehisehiñi al wañgiyöhi, yañön mönö mi mem sehiiga öln̄i sehisehiñi ahui meleñ wañgimapköra qesima.” Mewö.

* 12:35: Mat 25.1-13 * 12:36: Mak 13.34-36 * 12:39: Mat 24.43-44

Jisösnöj könöp bölam memba eri dejnök.

Mat 10.34-36

⁴⁹ “Nöjön gölmenöj könöp ala ubi jemapköra etpiga urusihimni miangö bölamjan lök jeyöhañgöra ahöza. ⁵⁰ *Ahözapmö, mi ‘Ala umam,’ jibi sihimbölö gwötpuk mi nöngö qakne öngöba mösölumgöm niñgimangö akña. Anutunöj mewö miañön melun murutji mem niñgima. O ni wahöjalinj ketanji möta malbi mem niñgii miangöreñ teköma. ⁵¹ Kewö mötmöribepuk: Jisösnöj luai qemangöra aka gölmenöj erök. Nöjön kewö jibi mötket: Nöjön luai qemangöra qahöpmö, nöngöra aka jula deñgetka köñ jabö ahuma.

⁵² “Mi kewögöra jizal: Nöngö Buña keunan ambazip uruñini kuñgui melenđerangöra nalö kewöneyök könahiba kewö asuhuma: Miri kungö uruñe ambazip 5 yeñön sutñine añgururuk aka julme. Likep karöbut yeñön yahöt yetpuk añgururuk aketka likep yahöt yetköñ karöbut yembuk jujul aka malme. ⁵³ *Iwi morö yetköñ jula kerök-kerök ahotka nam morö yetköñ tötal añguyohotka iranñan iranñi qetala julmahot.” Mewö.

Nalö maljini, mi möt kewötme.

Mat 16.2-3

⁵⁴ Jisösnöj toroqeba ambazip kambu yeñgöra kewö jii mötket, “Wehön gegeñe miri böuleiba kousu töwiiga iñini mi eka miangöreñök ‘Kie kama,’ jimakze. Mewö jigetka kama. ⁵⁵ Saut görökenök luhut giliga eka möta kewö jimakze, ‘Miri könöpñambuk akña.’ Jigetka miangö dop akña. ⁵⁶ O urumelenğö silesile ambazip, iñini suep gölmegö tandökñiri eka kie wehönğö könañiri ölop kewörakzemö, nalö ki maljini, miangö könañi qahö kewöta möt kutugetka qahö dop kölja.” Mewö.

Añgururukñini mindiñğögetka solanima.

Mat 5.25-26

⁵⁷ “Iñini ‘Yuai diñdiñi mi denöwö akin,’ jiba miangö könañi mi denöwögöra aka nanñinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakeñe öröm gihimangö aiga jimtekötekö galömgöreñ anda köna namñe miangöreñ mönö kapañ köla imbi mohok aka keuñiri jim solanimahot. Mewö qahö akñahot ewö, kerökan ölop örörahöm ghihiiga (jas, majistreit) jimtekötekö toñangö jeñe añgotnönğa möta jii opotöröpkö böröñe genönğa kösö mire al gihibapuk. ⁵⁹ Nöjön kewö jibi mötnöñ, Gi miangöreñ töwagi pakpak almanangö dop qaköba tatman. Toiyagi kondikñi mewöyök al teköbagun mönö töwagi memba etman.” Mewö.

13

Uruñini melenğet me kömumba ayuhuget.

¹ Nalö miangöreñök tosatñan kañgota Jisös kösohot kewö jiget mörök, “Galili ambazip tosatñan Jerusalem jikenöñ jöwöwöl ohogetka premiö Pailötnöñ jiiga suahö galömurupñan miangöreñ öngöba eñgum kömugetka sepñini eta lama bulmakau sepñinambuk lolonqalon ahök.”

² Mewö jigetka melenğda kewö jii mötket, “Iñini miangöra kewö mötmöribepuk: Galili ambazip mienñon Galili ambazip tosatñi pakpak eñgongita siñgisöndok aka malđerangöra sihimbölö mi mötket. ³ Mewö qahöpmö, nöjön kewö jibi mötket: Iñini uruñini qahö melenğme ewö, iñini körekñan mönö mewöyök ayuhum teköme. ⁴ Me miri qetñi Siloam miangöreñ miri köröpñi kuññan eta köla ambazip 18 turum eñgii kömugeri, iñini yeñgöra kewö mötmöribepuk: Yeñön Jerusalem könagesö tosatñi pakpak eñgongita siñgisöndok aka keuñinambuk malget. ⁵ Qahöpmö, nöjön kewö jibi mötket: Iñini uruñini qahö melenğme ewö, iñini körekñan mönö mewöyök ayuhum teköme.” Mewö.

Muli ip gorosonñangö dopkeu

⁶ Jisösnöñ dopkeu kun kewö jiyök, “Azi kuññan muli ip kömöri nupñe kota kini miangö ölni jarumangö anökmö, kun qahö miwikñaiyök. ⁷ Qahö miwikñaiiba nup galömñangöra

* 12:50: Mak 10.38 * 12:53: Mai 7.6

jiyök, 'Mötnöj, nöjön muli ip kiangö öljü yambu (yara) karöbutkö dop kaba jaruyalmö, kun qahö miwikjaial. Miangöra mi mönö wuanöngöra toroqeba gölmegö kelökñi önewat öroi sihitjanök akapuk. Miangöra mi mönö köla gilnöh anma.' ⁸ Tojan mewö jiyökmö, galömnöh melenäda jii mörök, 'O azi kembuni, mi ölop mosötnönga yambu (yara) ki kunbuk kinma. Nöjön nalö sutñe kiangörej kinöñöh gölme esiba kundupköba isonbason ala liliköbi kelökñambuk akña. ⁹ Nöjön mewö akiga yambu (yara) andöje miangö öljü ölop ahubawak. Mi qahö ahuma ewö, mi ölop kölman.' " Mewö.

Jisösnöh Sabat kendonöh ambi kun mem ölöwahök.

¹⁰ Jisösnöh Sabat kendonöh köuluk miri kunöh öngöba Buña keu kusum engiyök. ¹¹ Miangörej ambi kun tarök. Ömenöh yambu (yara) 18 miangö dop mem löwörim wanjiiga könisemñi milipköiga qötöteimangö osiba tata malök. ¹² Jisösnöh ambi mi eka oholi kaiga kewö jii mörök, "Ambi, eksekpeksek kawölğan mönö gömosöri ölöwakzan." ¹³ Mewö jiba böröñi nöropñe ali miangörejök qötöteiba Anutu möpöseim wanjiyök.

¹⁴ *Möpöseim wanjiyökmö, Jisösnöh Sabat kendonöh ambi mi mem ölöwahöhi, köuluk mirigö galömñan mi eka miangöra möri bölii keu könahiba ambazip kambu yengöra jiyök, "Nup memegö nalö 6 ahözawi, miangörej mönö kaba mem ölöwak engimapköra jime. Mi Sabat kendonöh qahö."

¹⁵ Mewö jiyökmö, Kembunöh melenäda kewö jiyök, "O urumelenäda silesile ambazip! Inini pakpak bulmakau azinjini me doñkinjini mi Sabat kendonöh mireyök pösata enguangitketka onöh anda nemakze me qahö? Engörejök kunöh mi qahö angön köl engimakza. ¹⁶ Mötket! Ambi kianön Abrahamgö gwölönaröha aiga Satanöh jöhöm wanji yambu (yara) köröpñi 18:gö dop maliga nöjön kösöñi mi Sabat kendonöh pösatpi dop köl engiza me qahö?" ¹⁷ Mewö jiiga tuarenjonurupñi pakpak yehön gamuñini mötket aka ambazip kambu pakpak yehön angöletot wewelipñambuk meyöhi, mi pakpak eka möta söngaiget. Mewö.

Nejöh kötnangö dopkeu

Mat 13.31-32, 34; Mak 4.30-32

¹⁸ Jisösnöh dopkeu kun kewö jiyök, "Anutugö bemtohoñangö könañi mi denöwö? Mi wanatpuk dop albileñak? ¹⁹ Mi nejöh kötnangö dop kewö akza: Azi kunñan mi memba nupñe anda esiiga wahöta qariba ip ahök. Ip aiga könakemba neiñi neiñi mienöh aipñini ip miangö böröñe alget." Mewö.

Yistkö dopkeu

Mat 13.33

²⁰ Jisösnöh dumñe kunbuk dopkeu kun kewö jiyök, "Anutugö bemtohoñi mi wanat yuaibuk dop albileñak? ²¹ Mi yist me flaua mem qariqarigö dop kewö akza: Ambi kunñan 'Beret ohomam,' jiba yist memba flaua könde karöbut miangörej mindiriba melenqeleñ aka anda anda tari körekñanök qariyök." Mewö.

Mönö nanju giwikñe jaram tiba angotme.

Mat 7.13-14, 21-23

²² Jisösnöh anda taonñi taonñi aka miriñi miriñi miangörej Buña kusum engiba anda mala Jerusalem sitinöh göröken anök. ²³ Ani kunñan kewö qesim wanjiyök, "Kembu, uruñini melenget Anutunöh amöt qem engii letotmei, mi ambazip awamdökña me denöwö?" Qesim wanjii kewö jii mötket,

²⁴ "Inini mönö nanju giwikñe angotpingö jaram tiba aum-mörime. Nöjön kewö jibi mötket: Ambazip gwötpukñan Anutugö bemtohoñ uruñe angotpingö esapkömemö, mi osime. ²⁵ Könanjep miri tojan wahöta nanju köligun injini nalö miangörej könahiba yaigep kinda nanjunöh qeba kewö jime, 'Kembu, mönö nanju öröm nenjinöh.' Mewö jigetka melenäda kewö jii mötme, 'Ni qahö möt engizal. Inini denikegöra, mi qahö mötzal.'

²⁶ Mewö jiiga injini miangörejök könahiba kewö jime, 'Nejöh mönö göbuk köisirik tata

* 13:14: Eks 20.9-10; Dut 5.13-14

nene nein. Göñön mönö liliköba nengö sombemnöñ Buña kusum nenginöñ.’ ²⁷ *Mewö jimemö, yañön keu kewö jima, ‘Injini denikeañgöra, ni qahö möt engizal. Miangöra kewö jibi mötket: Bölöñji meme pakpak, injini mönö nömosöta kesalget.’

²⁸ **“Kesalgetka miangöreñ Abraham, Aisak, Jeikob aka kezapqetok ambazip pakpak yeñön Anutugö bemtohoñ uruñe kingetka engekñemö, nanñini aköm engigetka yaigep kinme. Könañini mewö miwikñaiba sahöt gigilahöba irimñini yöhözömgögetka qetñi qeri malme. ²⁹ Ambazipñi ambazipñi mi wehön kotkotñeyök aka gegeneyök aka likeplikep Not Saut miangöreñök kaba Anutugö bemtohoññöñ añaota dum tatatñini memba nene nem söñgaip aka malme. ³⁰ *Mewö malmemö, mötket! Qöndökñi yeñgöreñök tosatñan mutukñi akñe aka mutukñi yeñgöreñök tosatñan qöndökñi akñe.” Mewö.

Kiñ Herodnöñ kiam soñ miangö dop akza.

Mat 23.37-39

³¹ Nalö miangöreñök Farisi (Köna keugö kapañkölköl) tosatñan Jisösgöreñ kaba kewö jiget, “Kiñ Herodnöñ guhui kömumangö mötza. Miangöra mönö miri ki mosöta anman.”

³² Jigetka kewö meleñ engiyök, “Injini mönö arökñañgö kiam soñ mi kewö jiget mötma, ‘Mötnöñ! Nöñön merak aka uran ömewöröme enguatangañmam aka kawöl ambazip mem ölöwak engiba malmam. Anmami, uruwale mönö miangöreñ añaota nupni mekömam.’ ³³ “Kezapqetok ambazip sehisehiñi mi Jerusalem sitinöñ engugetka kömuget. Miri tosatñe qahö toroqeba enguget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem añaotpiga nunguget kömumam ewö, mönö yeñgöreñ aiakañina mi toroqeba akñe.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, injini kezapqetok ambazip enguget kömugetka Anutunöñ ambazip melaim engii engöreñ kamakzei, mi kötnöñ kumbuköm engimakze. Poi namñan moröurupñi ginginñi bapñe ala köjöjohom engimakzawi, nöñön miangö dop nalöñi nalöñi göhö könagösöurupki suhuba tokom engimangö möta malalmö, injini mi tököba mala kotket. ³⁵ *Mötket! ‘Anutunöñ mönö jike miriñini andö qeiga sahoññanök ahöma.’ Mewö ahömapmö, nöñön kewö jibi mötket, injini ni kunbuk qahö nekñemö, könangep nalö kun kam kuñgui miangöreñ neka kewö jime, ‘Kembugö qetñe kam nengizawi, Anutunöñ mönö i kötuetköm wañgima.’ Mewö.”

14

Jisösnöñ kawöl azi kun mem ölöwahök.

¹ Jisösnöñ Sabat kendon kunöñ Farisi (Köna keugö kapañkölköl) yeñgö jitñememe kungö miriñe öngöba nene neyök. Nemba tari tosatñan galöm memba ektiget.

² Miangöreñ yañgö jemesoholñe kawöl azi kun köna böröñi onöñ ölököba qarri tarök.

³ Jisösnöñ i eka könahiba Köna keugö böhi aka Farisi mi qesim engiba kewö jiyök, “Sabat kendonöñ azi mem ölöwak wañgiba mewö miangön Köna keu ongitpin me qahö?”

⁴ Mewö jiyökmö, yeñön göröñ qeba tatket. Tatketka böröñan azi mi misiriba mem ölöwaka melaii anök. ⁵ *Ani kewö jii mötket, “Engöreñök kungöreñ morö me bulmakau aziñi mi Sabat kendonöñ o lömnöñ gema ewö, mi mönö ösumok örögetka kotma. Darñön mi qahö öröi kotpawak?” ⁶ Mewö qesim engii miangö likepñi meleñbingö lömböröba numbuñini muhungöba böc tatket. Mewö.

Jisösnöñ sile mem-öñgö-öñgö mi qetalök.

⁷ Farisi (Köna keugö kapañkölköl) azinöñ ambazip nenegöra köl öröm engiyöhi, yeñön dum qaikñe eu meköba tatkeri, Jisösnöñ mi eka miangöra dopkeu kun kewö

* 13:27: Sum 6.8 * 13:28: Mat 22.13; 25.30 * 13:28: Mat 8.11-12 * 13:30: Mat 19.30; 20.16; Mak 10.31

* 13:35: Sum 118.26; Jer 22.5 * 14:5: Mat 12.11

jii mötket, ⁸*“Kunñan gi amembitkö lömbuangörej köl öröm gihii miangörej anda dum jegenneyök qahö memba tatman. Mewö akñan ewö, tosatji köl öröm engiyöhi, yeñgörejök kunñan gi gongita qetbuñanambuk akapuk.

⁹“Yañön kañgoriga lömbuan toñan göhörej kaba kewö jibawak, ‘Gi dum ki mosöt-nöñga öñgöñgöñi yañön tatma.’ Mewö jima ewö, gi mönö wahöta bapñe emu eta dum memba tata gamugi senjombuk mötpanbuk. ¹⁰ Mewö qahöpmö, kunöñ köl öröm gihimawi, gi ölop dum siminñe emu anda tatman. Mewö tatnöñga lömbuan toñan kota geke jima, ‘Alani, gi ölop kaba dum jegenñe eu anda tatman’. Mewö jiiga göñön ambazip göbuk tata nene nezei, mönö körek yeñgö jeñine qetbuñagabuk akñan. ¹¹*Mi kewögöra: Nanñini uruñini memba öñgömei, Anutunöñ i körek memba et al engima. Kunñan nanñi uruñi memba etmawi, Anutunöñ mönö i memba öñgöba al wañgima.”

¹² Farisi (Köna keugö kapañkölköl) azinöñ ambazip köl öröm engii lömbuanöñ tatketka Jisösnöñ lömbuan toñi lilingöba eka kewö jii mörök, “Gi silimgö me sungemgö lömbuan kun ohoba miangörej nangi alaurupki me darumunurupki mi kude köl öröm engiman. Tinitosolomurupki me miri kasunñangö ambazip pomñi qetbuñanambuk mi kude köl öröm engiman. Mewöñi lömbuangöra köl öröm enginöñi, i mewöñanök köl öröm gihiba tosañi mi meköm gihiget teköma. Mewö akñan ewö, Anutunöñ mönö miangö töwañi qahö gihima.

¹³ “Mewö qahöpmö, lömbuan mözözömgöba ohomani, gi mönö ambazip etqeñeñi mia köl öröm engiman. Ambazip wanapñi, simalokon aka jegömöl akzei, mönö mia engoholnöñga dop kölma. ¹⁴ Mi köl öröm enginöñga yeñön tosa meköm gihibingö osigetka gi miangöra simbawoñ aka malman. Tosañini mi öne ahöi malnöñga solanñi yeñön kömupnöhök wahötketka nalö miangörej Anutunöñ nanñak mi göhöra meköm gihima.” Mewö.

Lömbuan ali möndömöndö keu jiba tököget.

Mat 22.1-10

¹⁵ Jisösnöñ mewö jiiga nene nembata tatket yeñgörejök kunñan mi möta kewö jii mörök, “Kunöñ Anutugö bemtohoñ uruñe añaota nene nembata tatmawi, nöñön yañgöra simbawoñ jizal.”

¹⁶ Mewö jiiga kewö meleñök, “Azi kunñan sungemgö lömbuan ketanji mözözömgöba ohoba ambazip gwötpuk öröm engiget kamegöra jiyök. ¹⁷ Lömbuan nalöñi kam kuñgui welenqeñeñi kun melaii köl öröm engimangö jiyöhi, yeñgörej anda jii mötket, ‘Yuai pakpak lök mözözömgöinga ahöza. Miangöra mönö ölop kame.’ ¹⁸ Jii mötketmö, mi möta yeñön körekmakörek könahiba yuai tosatñe möndöba tököget. Mutukñan jiyök, ‘Ni arö kun söñgöroñi mealangöra miangörej anda ekñangö mötzal. Miangön jöhöm niñgiza. Miangöra ölop anda jinöñga möta kude möt bölim niñgima.’ ¹⁹ Kunñan jiyök, ‘Ni bulmakau aziñi 10 söñgöroñini meali, mi kösönöñ ilikñine jöhöbi kinöñ örögetka anda nup esapköba qeba qindipkömam. Miangön jöhöm niñgizawañgöra ölop jinöñga möta kude möt bölim niñgima.’ ²⁰ Kunñan toroqeba kewö jiyök, ‘Ni ambi urandöpki bohonñi mealangöra kamangö osizal.’

²¹ “Mewö jigetka welenqeñeñi lilingöba azi kembuanangöra buzup mi jii mörök. Möta uruñi könöp jeiga welenqeñeñi kewö jim kutum wañgiyök, ‘Gi mönö wölañ taongö köna namñe aka sombemnöñ anda ambazip etqeñeñi, wanapñi, köna böroñini titiñgitñi, jegömöl aka simalokon ambazip mi mönö enguanñitnöñga lömbuan miri uruñe ki kame. ²² Jiyöhañgö dop ak teköba kaba kewö jiyök, ‘Kembuni, jim kutum niñgizanañgö dop akzalmö, dum tiñi tok ahöza.’

²³ “Mewö jiiga azi kembunöñ jiyök, ‘Gi mönö könanöñ aka rowoñqeñeñine anda ambazip tat anjei, mi kapañ köla kuñgum enginöñga lömbuan miri uruñe kañaota kokolak qeme. ²⁴ Nöñön kewö jibi mötket: Ambazip mutuk köl öröm engimangö jiali,

* 14:8: Qam 25.6-7 * 14:11: Mat 23.12; Luk 18.14

yeŋgöreŋök kunjan kun nöŋgö lömbuaŋnön qahö kaŋgota nembra nahömŋi mötma.’ ” Mewö.

Jisösgö gwarek malmalgö könaŋi

Mat 10.37-38

²⁵ Jisösnön ani ambazip kambu ketanji yeŋön wuatangöba angetka lilingöba kewö jii mötket, ²⁶ * “Kunjan nömbuk kaba malmam jiba ni göragöra al niŋgiba iwinamŋi, anöm-moröŋi, darumunŋi, nenbehötŋi aka nanŋi malmalŋi mewöyök jegep ala jöpakö-makzawi, yaŋön mönö nöŋgö gwarekni akŋamgö osima. ²⁷ * Sisitŋini megetka kunjan ni nuatangöba sihimbölö möta maripomnön kömumamgö qahö jöjörömawi, yaŋön mönö nöŋgö gwarekni akŋamgö osima.

²⁸ “Engöreŋök kunjan miri köröpŋi memamgö mötza ewö, yaŋön mönö mutuk eta tata moneŋi miri mem tekömawaŋgö dop akza me qahö, miangö könaŋi kewöta ek kutuma. ²⁹ Mewö qahö aka miri tandönŋi kömöta mi mem tekömamgö köhököhöiŋi qahö ahöm waŋgiiga mosöri öne kiniga ambazip pakpak mi eka könahiba jiji-ilit jiba mepaik waŋgibepuk. ³⁰ Mewö ak waŋgiba kewö jibepuk, ‘Azi mi könahiba miriŋi meyökmö, mi mem tekömamgö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹ Jisösnön keu mi toroqeba kewö jiyök, “Mewöyök kiŋ azi kembu kunjan kiŋ kunbuk arönda ‘Bim qemam,’ jiba denöwö akŋa? Yaŋön zilaŋök kerök qahö al waŋgimapmö, mutuk jembonurupŋi öröm tokom engii tata qambaŋ keu kewö eraum mötme, ‘Nanine aziurupnini 10.000 maljin aiga likepŋe kerökurupnini mi 20.000 malje. Azi kembuŋinan i enguawgita kaget engeka ölop köhöiba engubin me qahöpto?’ ³² ‘Qahö köhöibin,’ jime ewö, yaŋön kerök kiŋnön köröwen tariga miangöreŋök jitŋememurupŋi melaim engii yaŋgöreŋ anda luai qebingö goro eraum mötme. ³³ Mewöyök engöreŋök kunjan yuai pakpak ahöm waŋgizawi, mi jegep almawaŋön mönö nöŋgö gwarekni akŋamgö osima. Miangöra mönö nia jegep al niŋgigetka dop kölma.” Mewö.

Howe nahömŋi qahö mi yuaia omaŋi kötökŋi.

Mat 5.13; Mak 9.50

³⁴ “Howe mi ölopŋi akzapmö, sihimŋi mosötma ewö, mi mönö denöwö möhamgöinga kunbuk sihimŋambuk akawak? ³⁵ Nesak omaŋi mi gölme kelökŋambuk akŋapköra tokoba isoŋbasoŋ alakzinmö, howe nahömŋi qahö mi yuai kungöra qahö dop kölma. Qahö! Mi mönö önewat gölmenön gilinga geba öne töhöntöhön ahöma. (Gi mewöŋanök nöŋgö gwarekni aka kambaŋe kutuba nömosötman ewö, mönö yuai omaŋi akŋan.) Kunjan kezapŋambuknön malja ewö, yaŋön mönö keu mi möt kutuma.” Mewö.

15

Lamanön sohoyök, miangö dopkeu

Mat 18.12-14

¹ * Takis tilipqilip aka megeri aka siŋgisöndok ambazip tosatŋi mi jesöŋgöŋan Jisösgö Buŋanŋi mötpingö kaget. ² Mewö kagetmö, Farisi aka Köna keugö böhi yeŋön Jisösgöra uruŋinan böliiga irikuruk keu kewö jiget, “Azi miangön siŋgisöndok ambazip engimemba yembuk tata nene neza.” ³ Mewö jigerangöra Jisösnön dopkeu kun kewö jii mötket,

⁴ “Engöreŋök kungö lamaurupŋi 100 malgetka miengöreŋök kunjan sohoba janjuŋ aniga toŋan denöwö akŋa? Yaŋön mönö 99 mi gölme qararaŋkölkölŋe engömosöta anda mohot janjuŋ anöhi, miangö jaruba anda mala miwikŋaiiga teköma. ⁵ Miwikŋaiba urusösöŋgai aka awötŋe ala kama. ⁶ Mire kaba alaurupŋi aka tosatŋi kösutŋe malmei, mi engoholi tokogetka kewö jii mötme, ‘Lamani sohoyöhi, mi lök miwikŋaizalaŋgöra mönö nömbuk sösöŋgai akin’ ⁷ Nöŋön kewö jibi mötme: Miangö dop siŋgisöndok azi mohotŋan uruŋi meleŋmawi, yaŋgöra Suep mire sösöŋgai ketanji asuhuma. Ambazip

* 14:26: Mat 10.37

* 14:27: Mat 10.38; 16.24; Mak 8.34; Luk 9.23

* 15:1: Luk 5.29-30

99 nanjine jejine solanji diŋdiŋi aka uruŋini melenjbingö qahö möta maljei, yeŋgöra sösöŋgai mewöŋi qahö asuhuma.” Mewö.

Monej kötji sohojök, miangö dopkeu

⁸ “Mewöyök ambi kunjan silwö monej kötji 10 memba maliga miengörejök mohknan geba sohoiga denöwö akja? Yaŋön mönö kiwa ohotiriba kapan köla miri usuŋda jaruma. Jaruba mala miwikŋaiiga teköma. ⁹ Mi miwikŋaiba ambi alaurupni aka ambi tosatni kösutje maljei, mi engoholi tokogetka kewö jii mötme, ‘Nöngöreŋ soujeŋi mohotnan sohojöhi, mi miwikŋaizalaŋgöra mönö nömbuk sösöŋgai aki.’ ¹⁰ Miangö dop nöŋön kewö jibi mötme: Siŋgisöndok ambazip kunjan uruŋi melenjiga Anutugö garataurupni yeŋön miangöra sösöŋgai öngöŋgöŋi akje.” Mewö.

Nanji imbi-imbi azinöŋ kumkanjam aka imbiŋi melejnök.

¹¹ Jisösnöŋ toroqeba kewö jiyök, “Azi kungö nahönyahötŋi yahöt malohot. ¹² Munjan iwiŋaŋgöra kewö jiyök, ‘Iwini, gi mönö monej sukinapki mendeŋda nöŋgö bahöŋi niŋgiman.’ Mewö jiiga öröyuaiŋi pakpak dopjire mendeŋda etkiyök. ¹³ Mi etkiiga nahöŋni moröŋan sömaŋi yahöt karöbut mala inap yuaiŋi pakpak mi kölölohoba memba kantri kungen anök. Miangöreŋ anda nanji imbi-imbi aka köna ketaŋi ambi yembuk kiam bau ewö söŋaup malmal mala monej inapŋi gil teköyök.

¹⁴ “Yuai pakpak gil teköiga bödi (buörö) ketaŋi asuhuba gölme pakpak mi dop kölök. Yaŋön nalö miangöreŋ könahiba öngöpŋi aka osiyök. ¹⁵ Osiba kantri miangö toŋi kungöreŋ anda nupköra qesim waŋgiiga melaii yaŋgö bau selje geba bau galömnina malök. ¹⁶ Miangöreŋ mali bau yeŋön sokop kötji neget eka ‘Ölöp mi nemi gölömni dop kölbawak,’ jiyökmö, mi mewöyök kunjan qahö waŋgiyök.

¹⁷ “Mewö mala uruŋi ahuiga kewö jiyök, ‘Iwiŋaŋgö nup ambazip wanat awamŋi yeŋön nup megetka söŋgöŋi engii nene nem timbireŋ aka maljemö, nöŋön kiangöreŋ uzukörörap aka bödi mala kömumamgö akzal. ¹⁸ Ni mönö wahöta iwiŋaŋgöreŋ liliŋgöba anda kewö jibi mötma, ‘Iwini, ni siŋgisöndok memba miangön gi aka Suep Toŋi qetal etkiba qetki mem böliäl. ¹⁹ Miangöra göŋön kunbuk nöŋgöra ‘Nahöni,’ jimaŋgö dop qahö akzal. Gi ölöp jinöŋga welenqegega kun akjam.’

²⁰ “Mewö jiba wahöta iwiŋaŋgöreŋ anök. Anda mala miri dopdowii iwiŋan tikep endu kinda ehi kaiga wösöŋi pöröraköiga ehoriba ösumjan diŋdiŋgöba anda imbiŋe gili geiga numbuŋi yöhötim memba ‘Nahöni, owe owe!’ jiyök. ²¹ Mewö ahökmö, nahöŋnan jiyök, ‘Iwini, ni siŋgisöndok memba miangön gi aka Suep Toŋi qetal etkiba qetki mem böliäl. Miangöra göŋön kunbuk nöŋgöra ‘Nahöni,’ jimaŋgö dop qahö akzal.’

²² “Mewö jii iwiŋan miangöreŋök welenqegeurupni kewö jii mötket, ‘Ijini mönö ösumok maluku aködämunjambuk kun memba kaba löŋgöt waŋgiget. Ila jalö imbiŋe köla meŋölöm waŋgiba köna esu könaŋe löŋgöt waŋgiget. ²³ Mewöyök selnöŋ anda bulmakau dömjŋi kelökŋambuk kun memba kaba qeba ohogetka memba sösöŋgai albin. ²⁴ Nahöni ki kömum taköyöhaŋön mönö kunbuk guliba kaza. Yaŋön lök sohoigun Anutunöŋ kunbuk miwikŋaiiga asuhum tiŋgitza.’ Mewö jiiga könahiba sösöŋgai alget.

²⁵ “Sösöŋgai algetmö, datjan nupnöŋ mala liliŋgöba miri dopdowiba miangöreŋ liŋet gwawet köla unduba söŋgaigeri, miangö kourukŋi mörök. ²⁶ Mi möta welen morö kun qeri kaiga ‘Mi denöwögöra akze?’ jiba qesim waŋgiyök. ²⁷ Qesim waŋgiiga kewö jiyök, ‘Mungan liliŋgöba kaiga iwiŋan i kunbuk meiga unditundit aiga miangöra jiiga bulmakau dömjŋi kelökŋambuk qeba ohoba söŋgaize.’

²⁸ “Mewö jiiga irimŋi sehöliiga mire öngömamgö tököyök. Tököyökmö, iwiŋan mi möta yaigep eta uruluai keu ösöŋ jiba mölöwörim waŋgiyök. ²⁹ Mölöwörim waŋgiyökmö, yaŋön mendeŋda kewö jiyök, ‘Iwini, nöŋön yambu gwötpuk welengi qeba mala jimkutukutugi nalö kunöŋ qahö öŋgita malalmö, töndup göŋön nalö kunöŋ meme (noniŋ) moröŋi kun alaurupni yembuk sösöŋgai albingöra qahö niŋginöŋ. ³⁰ Qahö niŋginöŋmö, nahöŋgi kiangön köna ketaŋi ambi yembuk mala monej inapki ayuhuba kaŋgoriga göŋön mönö yaŋgöra aka jinöŋga bulmakau dömjŋi kelökŋambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñani pakpak mi mönö göhö buñaya mohok akza. ³² Mohok akzapmō, mungi kianön kömum taköyohañön kunbuk guliba kaza. Yañön lök sohoiga Anutunöñ kunbuk miwikñaiiga asuhum tiñgitza. Miangöra döлки nene sösöngai alinga dop kölja.’” Mewö.

16

Sukinap galöm tilipqilipñambukö dopkeu

¹ Jisösnöñ gwarekurupñi keu kun kewö jii mötket, “Azi pomñi kungö sukinap galömñi kun malök. Tosatñan kaba azi pomñi mi luasö keu jiget mörök, ‘Yañön göhöreñ moneñ inapki köndennda lañ gila malja.’ ² Mi möta galöm mi jii kaiga jim wañgiyök, ‘Ni göhöra buña bölöñi jiget mötzal. Gi nöngö miri aka sukinapni kunbuk galöm kölmanangö dop qahö akzan. Miangöra mi denöwö galöm köla malnöñ, miangö löpötñi jim asarim niñgiman.’ ³ Mewö jiiga uruñan kewö mötmöriyök, ‘Miri toñan galömkölköl nupni noañgiri denöwö akñamto? Ösumni qahö dop köljawangöra gölme esimangö osizal aka ulet azi malmangö gamuni mötzal. ⁴ Yañön galömkölköl nupni noañgitmawi, nöñön nalö miangöreñ denöwö akiga tosatñan miriñine köl öröba köyan köl niñgibeak? Aha! Köna kun mötmörizal.’

⁵ “Mewö jiba ambazip toñan tosa al engiyöhi, mi pakpak nanñik nanñik öröm enñiiga kaget. Mutukñan kaiga yangöra kewö jiyök, ‘Tonangöreñ tosa göhöreñ dawik ahöza?’

⁶ Mewö qesiiga jiyök, ‘Oil dram 100 meal.’ Mewö jiiga kewö meleñnök, ‘Gi tosa papiagi memba ki tata ösumok uteköba 50 ohonöñga ahöma.’ ⁷ Mewö jiba azi kun qesim wañgiyök, ‘Aka gi? Göhöreñ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miangöreñ 16.800 kilogram mewö ohonöñga ahöma.’

⁸ “Mewö aiga miri toñan möta jim-ölöwak keu kewö jiyök, ‘Galömnan tilipqilip qakñe yuai ahöhi, mi mötkutukutu ölöpñi kondelja.’” Kembu Jisösnöñ kösohot mewö jiba toroqeba jiyök, “Söñaupkö ahakmeme wuatangömakzei, yeñgö mötkutukutuñini mi ambazip tosatñi merak maljei, mi tilipqilip ak engimeangö dop ahözapmō, Anutugö asakñe maljei, yeñgö mötkutukutuñini mi miangö bapñe akza.

⁹ “Miangöra kewö jibi mötket: Tosatñan gölmegö moneñ inapñöñ ambazip tilipköm engimakzemö, eñön mönö miangön memba alaurup miwikñaim engime. Mi miwikñaim engigetka gölmegö yuainöñ qahöwakñawi, Anutunöñ mönö nalö miangöreñ köl öröm enñiiga malmal köhöikñi mire añgota teteköñi qahö malme.

¹⁰ “Kunñan yuai morörökñi memba kapañ köla törörök galöm köljawi, yañön mönö yuai ketañi mewöyök törörök galöm kölma. Kunñan yuai morörökñi galöm köla kitik-katuk akzawi, yañön mönö yuai ketañi mi mewöyök galöm kölmapkö jiinga kitik-katuk akña. ¹¹ Gölmegö moneñ inapñi böröñine algetka mi pöndañ qahö galöm kölgetka öñji qahö asuhuyök ewö, kunñan mönö yuai buñañi öñgöñgöñi öñji mi böröñine qahö alma. ¹² Injini tosatñi yeñgöreñ yuai mi pöndañ qahö galöm kölgetka öñji qahö asuhuyök ewö, nanñini uruñinañgö buña öñji mi dañön kun engibawak?

¹³ * “Welenqege kunñan kembu yahöt welen qem etkimangö osimakza. Kunñan mewö akñamgö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Miangöra eñön Anutu aka moneñ inap mi mindiriba welen qem etkibingö osime.” Mewö.

Monengö urukönöp akepakö goro keu

Mat 11.12-13; 5.31-32; Mak 10.11-12

¹⁴ Farisi (Köna keugö kapañkölköl) yeñön monengö nahöm gwötpuk ahöm enñii malgerangöra Jisösnöñ keu pakpak mi jiyöhi, mi möta je misiba ilit wañgiget. ¹⁵ Ilit wañgigetka kewö jii mötket, “Farisi eñön mönö ambazip jeñine solañji tandök kondel

* 16:13: Mat 6.24

engbingö könöpuk ahakzemö, Anutunöŕ uruŕinaŕgö könaŕi möt kutum teköza. Ambazip jeŕine yuai kungöra mötketka öŕgöŕgöŕi akzawi, mi Anutunöŕ ehi imbilonŕlorŕambuk ahakza.

¹⁶*“Bemtohoŕgö könaŕi mi Mosesgöreŕ Köna keunöŕ aka kezapqetok ambazip yeŕgö Buzup Kimbiŕine ohogetka oyoŕda mala koringa Jonöŕ asuhiba öŕŕi aukŕe indelök. Nalö miangöreŕök könaŕi keu mi jim sehiba Anutuŕgö bemtohoŕe aŕgotmegöra ambazip uruŕini kuŕgumakzin. Ambazip körekŕan mönö jaram tiba kapar köla bemtohoŕ miangö uruŕe aŕgotpingö ahakze. ¹⁷*Suep gölmenöŕ göröŕ qemahotkö dop akzahotmö, Köna keugö kulem jönbölanŕi mohok-kun mi nalö kungen qahö kötökŕi ayapköma. Mewö.

¹⁸*“Azi kuŕnan anöŕmŕi mosöta ambi kun memawi, yaŕöŕ mönö qesabulum akŕa. Azi kuŕnan ambi aŕnan mosöröhi, mi memawaŕöŕ mönö mewöyök qesabulum akŕa.” Mewö.

Azi pomŕi aka Lazarus

¹⁹“Azi pomŕi kun malök. Yaŕöŕ opo maluku gugakgugak pisikŕi aködamunŕambuk löŕgöta mala nalö dop nene söŕgaip aka siyoŕsayoŕi qahö malök. ²⁰ Mewö malökmö, yaŕgö miri naŕuŕi kösutŕe azi wanapŕi kun qetŕi Lazarus ahöba malök. Uzi nömböŕnöŕ silenŕi dop köla tarök. ²¹ Wösöŕi aliga gwarönöŕ ahöba azi pomŕaŕgö tebolnöhök nene irip boromŕi eri mia nemamgö mörök. Möta ahöiga kiam yeŕöŕ kaŕgota uzi nömböŕi bözöba malget.

²²“Mewö mala wanapŕi yaŕöŕ kömuyök. Kömui Suep garata yeŕöŕ waŕgita öŕgöba Abrahamgö qöhöröŕe alget tarök. Azi pomŕi yaŕöŕ mewöŕanök kömuiga löm kölget. ²³ Löm kölgetka kömupkö senjom mire geiga jem sölöŕgöi sihimbölö ketanŕi möta ui öŕgöiga Lazarus Abrahamgö qöhöröŕe köröwen endu tari etkehök. ²⁴ Etkeka silata qeta jiyök, ‘O iwini Abraham, mönö wösögi möt niŕgiman. Ni köŕöp bölamnöŕ nohoi kiaŕgöreŕ wahöjalŕ öŕgöŕgöŕi möta kinjal. Miangöra mönö Lazarus melainöŕ anda kesöt suŕan onöŕ kusahöla kaba nesilamne miri amörima.’

²⁵“Mewö jiyökmö, Abrahamnöŕ meleŕnök, ‘Nahöni, mönö ki mötmörinöŕ anök. Göŕöŕ gölmenöŕ malmal söŕöŕgaŕambuk lök malnöŕ teköyökmö, Lazarusnöŕ gölmenöŕ malmalŕi qemjem-mamjeŕ aka malök. Mewö malökmö, nalö kewöŕe urukölalep ak waŕgiŕga tatzapmö, göŕöŕ sihimbölö möta wahöjalŕ qakŕe kinjan. ²⁶ Mewö maljin aiga toroqeba kewö jizal: Anutunöŕ nini aka iŕini sutnine mendeŕda jabö al köhöi ahöza. Miangöra tosatŕan jabö qösököba neŕgöreŕök engöreŕ kaŕgotpingö mötpeak, mi mönö osime. Mewöyök likep endu maljei, eŕöŕ mewöyök neŕgöreŕ yuhu kaŕgotpingö qaköme.’ ²⁷ Mewö jiiga kewö jiyök, ‘Iwini, mewö aiga kewö ulet gihizal: Göŕöŕ mönö Lazarus melainöŕga iwinangö mire anma. ²⁸ Miri miangöreŕ darumunurupni 5 maljei, yeŕöŕ mewöŕanök senjom miri kiaŕgöreŕ eta sihimbölö ketanŕi mötpepuk. Miangöra mönö jinöŕga anda kezapqetok keu jii mötme.’

²⁹“Mewö ulerökmö, Abrahamnöŕ jiyök, ‘Qahö! Mosesgö Köna keu aka kezapqetok ambazip yeŕgöreŕ Buzup Kimbi mi yeŕgö buŕaya ahöza. Keu mia mönö kezap ala mötme!’ ³⁰ Mewö jiiga kewö jiyök, ‘O iwi Abraham, mewö qahöpmö, kömukömuŕi neŕgöreŕök kuŕnan yeŕgöreŕ anawak, mewö mönö uruŕini meleŕbeak.’ ³¹ Jiiga Abrahamnöŕ kewö jii mörök, ‘Yeŕöŕ Moses aka kezapqetok ambazip yeŕgö keugöra kezap qahö alje ewö, mewöŕanök kömukömuŕi neŕgöreŕök kuŕnan wahöta keu jibawak, yeŕöŕ mönö töndup Anutu qahö möt narim waŕgibeak.’ ” Mewö.

17

Singisöndökö kölgörom mönö qetal engime.

Mat 18.6-7, 21-22; Mak 9.42

* 16:16: Mat 11.12-13 * 16:17: Mat 5.18 * 16:18: Mat 5.32; 1 Kor 7.10-11

¹ Jisösnöj gwarekurupji keu kewö jii mötket, “Bölönangö supatitikjan mönö awamñanök asuhumakza. Kunöj supatitik angön kölmamgö osimakzapmö, kun darjon tosatnji kölgrom ak engiiga singisöndok akñei, yangöra mönö wölköba ‘Yei!’ jizal. Si-himbölo öngöngöñan mönö yangö qakñe öngöma. ² Yangön ambazip moröñi yengöreñök kun kölgrom ak wanggiiga singisöndok akñawi, azi miañon mönö lömböt öngöngöñi miwikñaima. Anutunöj lömböt miangö likepñi denöwö wanggiiga dopñe akawak? Kemuñ jamönjiñ jölñe jöhöba köwet röndumnöj gilget mulumgöi gebawak, miañon mönö awamñi ahum wanggi tandök akawak.

³ * “Miangöra mönö nanñini galömñini mem anguba malme. Alagi kunñan singisöndok akzawi, i mönö jim mindiñ ak wangiman. Jim mindiñ ak wanginönga möt bölim anguba wösöñi mötma ewö, gi mönö singisöndokñi mosöt wangiman. ⁴ Wehön kungö uruñe singisöndok 7 ak bölim gihiba indimñi 7 göhöreñ lilingöba kewö jima, ‘Alani, ni singisöndok akzalañgöra möt bölim anguzal.’ Mewö jima ewö, gi mönö singisöndokñi mosöt wangiman.” Mewö.

Mötnaripkö ölni mi kukösumñambuk.

Mat 17.20; 21.21; Mak 11.23

⁵ Aposol yeñon Kembugöra jiget, “Mötnaripnini mönö toroqeba mem köhöiman.” ⁶ Mewö jigetka Kembunöj melenñök, “Mötnaripñinangö ölni mi nejoñ kötnangö dop ahöbawak ewö, eñon ölop nömozup ip* kiañgöra kewö jim kutubeak, ‘Gi mönö jöla jalögabuk wahöta luhuba köwetnöj geba nangi kömöta kinman.’ Mewö jiba möt narigetka ip miañon mönö keuñini tem kölma.” Mewö.

Welenqeqe ölopñi mi denöwö?

⁷ “Engöreñök kungö nup azinöj bulmakau memba nupnöj anda kinöj öröi gölme mesinma me lama galömñina malma. Mala mire kangori miangöreñ toñan kewö jii mötma me qahöpto, ‘Gi mönö mire kota tata nenegi neman.’ ⁸ Mewö qahö! Yangön mönö kewö jima: ‘Gi mönö o ariba möhamgöm anguba sungemgö neneñamni ohoba ala niñginöj nemam. Miangö andöñe nangi neneñamgi ohom neman.’ ⁹ Mewö jim kutum wanggiiga nup aziñan jiyöhangö dop nupñi mem teköi dop köliga galömñan miangöra möpöseim wangima me qahö? Qahö! ¹⁰ Engö könañini mi mewöñanök ahöza. Galömñinan yuai pakpak jim kutum engiyöhi, iñini mi ak teköba miangöreñ kewö jime, ‘Nini nup ambazip töhöna maljin. Galömninan yuaigöra jiyöhi, mönö miyök memba kaziñgöra möpömpösej jarubingö osizin.’” Mewö.

Jisösnöj azi 10 sileñini mem solaniyök.

¹¹ Jisösnöj Jerusalem sitinöj anmamgöra Galili aka Samaria prowins yahöt mietkö sutñire köna ahöyöhi, miangöreñ anök. ¹² Könanöj anda miri kunöj angoriga azi 10 sileñini uzikukuñambuk yeñon miwikñaiiba eka tikep endu kinget. ¹³ Kinda köhöikñanök qeta jiget, “Ketañamnini Jisös, mönö neñgöra ak kömum gihima!”

¹⁴ * Qeta jigetka engeka kewö jii mötket, “Iñini mönö jike nup galöm yengöreñ anda sileñini kondel engime.” Mewö jiiga tem köla könanöj angetka sileñinan miangöreñ solaniba ölöwahök. ¹⁵ Ölöwahökmö, 10 yengöreñök kunñan sileñi solanii eka lilingöba kaba Anutu köhöikñanök qeta möpöseiyök. ¹⁶ Möpöseiba Jisösgö könañe geba sipköba simin köla ‘Saiwap!’ jiyök. Azi mi Samaria asia. Juda yeñon Samaria prowinsgö ambazip yengöra mötketka eretñi ahakzapma.

¹⁷ Saiwap! jiiga Jisösnöj melenñda jiyök, “Mi ölop akzanmö, azi pakpak 10 engö sileñinan lök solanim teköyök me? Azi 9 mienöñ mönö denike malje? ¹⁸ Kian azi göñon nangik lilingöba kaba Anutu möpöseizanmö, azi 9 yeñon mönö anda nöñöñgan akze.” ¹⁹ Mewö jiba kewö jii mörök, “Mötnaripkan mönö mem ölöwak gihiza. Miangöra ölop wahöta anman.” Mewö.

* 17:3: Mat 18.15 * 17:6: Jisösnöj mulberi ip kun kondelök. Ip mi nömozup ewöya, kötni köuruk (köwörörök) kötni ewö neneña. * 17:14: Lew 14.1-32

*Anutugö bemtohoŋi mi denöwö asuhuma?**Mat 24.23-28, 37-41*

²⁰ Farisi (Köna keugö kapaŋkölköl) yeŋön Jisös kewö qesim waŋgiba jiget, “Anutugö bemtohoŋi mi mönö wanat nalönöŋ asuhuma?” Jiget möta melenċa kewö jiyök, “Anutugö bemtohoŋan mönö jeninan ekinanċö dop qahö asuhuma. ²¹ Mötket! Anutugö bemtohoŋi mi sutŋine uruŋine asuhuba ahöza. Mianċöra mi kianċöreŋ me enduyangöreŋ ahözawi, mewö jibingö osimakzin.”

²² Jisösnöŋ gwarekurupŋi kewö jii mötket, “Könaŋgep nalö kun kam kungumawi, mianċöreŋ Suep gölmegö azi ölnanċö nup meme wehöŋŋi miengöreŋök kun ekingö ak engimapmö, mi kunbuk ekingö osime. ²³ Nalö mianċöreŋ kewö jiget mötme, ‘Mötket! Amötqeŋe Toŋan mönö endu malja. Mötket! Mönö ki asuħuza.’ Mewö mewö jigetka i ekingöra mianċöreŋ ösumok kude luluhuba anme. ²⁴ Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akŋa: Mi suep likepŋeyök zilaŋ biliksik ala asariba likepŋe dop köla anjawi, yaŋön mönö mianċö dop asuhuma. ²⁵ Könaŋgep mewö asuhumapmö, mutuk ambazip nalö kewöŋe gölmenöŋ maljei, yeŋön azi mi yaköriba andö qem waŋgigetka sihimbölö ketanċi mötma.

²⁶ * “Mönöwök Noagö nalöŋe ambazipnöŋ malmalŋini qemasolokep qakŋe mala ayuhugeri, mianċö dop mönö Suep gölmegö azi ölnan kunbuk kamawaŋgö nalöŋe mewöyök asuhuma. ²⁷ * Noagö nalöŋe nene lömbuanċa ala o köhöikŋi nembra ambi kenam bohonċanċö alget anda kaiga anċömeget. Ahakmeme mewö aka memba qemasolokep malgetka Noanöŋ waŋge uruŋe öngöyöhi, silim mianċöreŋ teköyök. Teköiga o göulu ketanċan kaba ambazip jinonŋi qahö löm köl engii o nemulahöba kömuget.

²⁸ * “Lotkö nalöŋe mewöyök qemasolokep malgetka mewöŋanök asuhuyök. Ambazipnöŋ nene lömbuanċa ala o jawat nembra nup köl kömöta jike mirinċini memba qeköm nembu ala yuai bohonŋi memegöra algetka yuai tosatŋi bohonŋi memba malget. ²⁹ Mewö aka memba malgetmö, Lotnöŋ Sodom miri mosöta aniga wehöŋ mianċöreŋök könöŋ aka köt sömsöm könöŋnambuk mi mönö kie ewö suepnöhök eta ambazip jinonŋi qahö engohoi kömuget. ³⁰ Könaŋgep Suep gölmegö azi ölnan kunbuk asuhumawi, nalö mianċöreŋ ambazipnöŋ mewöŋanök qemasolokep aka mala ayuhume.

³¹ “Silim mianċöreŋ sombemnöŋ malmawaŋön mönö inap yuaiŋi memamgöra miri uruŋe kude öngöma me nupnöŋ anda malmawaŋön mönö mewöŋanök miriŋe kude lilingöba kama. ³² Lot anömŋan melenċa andöŋe uba kömumba köt ahöhi, mönö mi mötmörime. ³³ * Kunŋan malmalŋi siyoŋsayonċi qahö nanċanċöra anċön köla nanŋi imbi-imbi malmamgö mötzawi, yaŋgö malmalŋan mönö sohomapmö, kunŋan malmalŋi nöŋgöra aka köleŋniga sohomawi, yaŋön mönö malmal ölnanċö könanċi miwikŋaiba oyaenċkoyaenċ malma.

³⁴ “Nöŋön kewö jibi mötket: Sunċem mianċöreŋ azi yahöt dumnöŋ mohotŋe ahöyohotka yetköreŋök kun waŋgita kun mosötme. ³⁵ Mewöyök ambi yahöt mi mohotŋe taweŋ urasiba (bunahöba) tatmahori, yetköreŋök kun waŋgita kun mosötme.” ³⁶ (Azi yahöt nupnöŋ malohotka yetköreŋök kun waŋgita kun mosötme.)

³⁷ Jisösnöŋ mewö jiiga gwarekurupŋan melenċa jiget, “O Kembu, mi denikeanċöreŋ asuhuma?” Mewö jigetka kewö jii mötket, “Sömbup gisakŋan kungen göröken ahömawi, manu köraraknöŋ mönö mianċöreŋ öröba tokomakzei, mönö mianċö dop asuhuma.” Mewö.

18

Malönöŋ kapaŋ köla uleriga azi ketanċan bauköyök.

¹ “Inċini mönö nalö dop Anutu köuluköba qemalokolip qahö aka malme.” Jisösnöŋ mewö jiba mianċö dopkeuŋi kewö jii mötket, ² “Taon kunöŋ keu jimtekötekö azi kun malök. Yaŋön ambazip yeŋgö keugöra gamuŋi qahö möta nanŋi imbi-imbi mala Anutugö

* 17:26: Jen 6.5-8 * 17:27: Jen 7.6-24 * 17:28: Jen 18.20-19.25 * 17:33: Mat 10.39; 16.25; Mak 8.25; Luk 9.24; Jon 12.25

jitni ongitpilejbuköra keŋgötŋi qahö mörök. ³ Taon miangörej malö ambi kun malök. Yaŋön sundan dop keu jimtekötekö azi miangörej anda kewö jiba malök, ‘Kunjan nömbuk anjururuk akzawaŋgöra göŋön ölop baukôm ningibanak.’

⁴ “Mewö jiiga nalö köröpŋi mi möta andö qeba malökmö, könangep uruŋan kewö jiyök, ‘Nöŋön ambazip yeŋgö keugöra gamuni qahö möta nani imbi-imbi mala Anutugö jitni ongitpilejbuköra keŋgötŋi qahö mötzal. ⁵ Mewö maljalmö, malö kiaŋön mönö keu söksök pöndaŋ jim ningiba kamakzawaŋgöra ölan nöhöiga ölop baukôm waŋgibiga keuŋi teköma. Qahö baukôm waŋgibileŋak ewö, yaŋön mönö qösösök kaiga qeriqeriŋi mötpilejbuk.’”

⁶ Kembunöŋ kösohot mi mem teköba jiyök, “Jimtekötekö azi goŋgoŋan keu jiyöhi, mönö miangöra kezap ala könaŋi mötmöriŋet. ⁷ Anutunöŋ ambazip nanŋangöra möwölöhöm enŋiyöhi, yeŋön suŋgem asak baukôm enŋimapköra köulukögetka Anutunöŋ mönö yeŋgö keuŋini kewöta jim teköi ölöwakŋe. Baukôm enŋimamgö jiba taŋqaŋ qahö aka nalö qahö könjörari öŋgöma. Mi qahöpmahöp! ⁸ Nöŋön kewö jibi mötket: Anutunöŋ mönö nalö kude köriiga keuŋini kewöta jim teköi ölöwakŋe. Wölaŋ baukôm enŋimakzapmö, mi töndup Suep gölmegö azi ölnan lilingöba kaba ambazip kewöt enŋimawi, nalö miangörej mötnariŋ ölni miwikŋaima me qahöpto?” Mewö.

Farisi aka takis meme yetkö köulukŋiri

⁹ Ambazip tosatŋan nanŋinaŋgö mötket öŋgöiga solanŋi diŋdiŋi akzin jiba tosatŋi mötketka eretŋi ahök. Jisösnöŋ i enŋeka dopkeu kun kewö jii mötket, ¹⁰ “Azi yahötŋan jöwöwöl jikenöŋ öŋgöba köuluköyohot. Kunöŋ Farisi aka kunjan takis meme asia.

¹¹ “Farisi (Köna keugö kaparŋkölköl) yaŋön kinda nanŋök kewö köuluköyök, ‘O Anutu, ambazip tosatŋan uruŋini goŋgiiga kalöpmalöp aka sero yoŋgorö ahakze, ni yeŋgö dop qahö maljal me takis meme endu kinjawi, ni yaŋgö dop mewöyök qahö maljal. Miangöra saiwap jim gihizal. ¹² Nöŋön sonda dop sömaŋi yahöt nenegö ŋiŋi malakzal. Nöŋön moneŋ inapni pakpak mendeŋda 10:nöhök mohok Anutugö buŋaya qemakzal.’

¹³ “Mewö köuluköyökmö, takis meme yaŋön waŋgömŋi kunöŋ kinda Suepnöŋ eu umamgö gamuŋi möta böröŋan jeŋi esuhuba kewö köuluköyök, ‘O Anutu, ŋiŋisöndok azi ni mönö ak kömum ningiman.’ ¹⁴ *Nöŋön kewö jibi mötme: Yaŋön mönö Anutugö jeŋe solaniba miriŋe lilingöyökmö, Farisi (Köna keugö kaparŋkölköl) yaŋön mewö qahö. Denike yeŋön nanŋini uruŋini memba öŋgömei, Anutunöŋ mönö i körek memba et al enŋimapmö, kunjan nanŋi uruŋi memba etmawi, Anutunöŋ mönö i memba öŋgöba al waŋgima.” Mewö.

Jisösnöŋ nahönbörat kötuatköm enŋiyök.

Mat 19.13-15; Mak 10.13-16

¹⁵ Ambazip tosatŋan nahönbörat morömorö mewöyök enŋuangita Jisösnöŋ böröŋan enŋimisirimapköra yaŋgörej kaget. Kagetmö, gwarek yeŋön mi eka jim qetal ak enŋiget. ¹⁶ Mewö aketmö, Jisösnöŋ nahönbörat mi köl öröm enŋii kagetka kewö jiyök, “Nahönbörat moröŋi mi ölop enŋömosötkeŋka nöŋgörej kame. Anutunöŋ ambazip mewö mia bemtohoŋi buŋa qem enŋima. Miangöra i kude jöhöm enŋime. ¹⁷ Nöŋön keu ölni kun kewö jibi mötme: Kunjan Anutugö bemtohoŋi mi nahönbörat ewö buŋa qahö qem anŋumawi, yaŋön mönö miangö uruŋe anŋotmamgö osima.” Mewö.

Jisösnöŋ azi pomŋi kungö qambaŋ keu jiyök.

Mat 19.16-30; Mak 10.17-31

¹⁸ Galömkölköl azi kunjan Jisösgörej kaba kewö qesim waŋgiyök, “Böhi ölopŋi, nöŋön mönö denöwö aka malmal köhöikŋangö buŋa qem anŋubileŋak?”

¹⁹ Qesim waŋgiiga kewö jii mörök, “Gi nöŋgöra ‘Böhi ölopŋi’, mi wuanöŋgöra jizan? Anutu mohotŋan ölopŋi akza. Azi kunjan i ewö ölopŋi qahö akza. ²⁰ *Gi jöjöpaŋ keu ki

* 18:14: Mat 23.12; Luk 14.11 * 18:20: Eks 20.12-16; Dut 5.16-20

möt teközan, ‘Sero yongorö kude akñan, Ambazip kun kude qenöñ kömuma, Yongorö kude meman, Jitnöñ alal keu kude jiman, Iwinamgi mönö göda qem etkimakñan.’”

²¹ Mewö jiyökmö, galömkölköl azinöñ kewö jiyök, “Mi pakpak mönö gwaböneyök tem köla mala kotzal.” ²² Jii Jisösnöñ möta kewö jii mörök, “Mohot-kungöra kewö osizan. Gi mönö anda sukinapki pakpak söngöröñi memegöra alnöñ moneñ kaiga menjenja ambazip wanapñi engiman. Mewö aknöñga sukinapki ketañi (guli masapu, milyön kina ewö) mi Suep mire ahöm gihima. Mewö aka ni nuatanğöba kaman.” ²³ Mewö jiyökmö, azi mianñon kindiñbirik malöhanğöra aka keu mi möta wösöbirik aka jeñi asöliiga öne mosöta anök.

²⁴ Wösöbirik ahöhi Jisösnöñ mi eka kewö jiyök, “Yei! Ambazip moneñ inapñinambuk yeñon mönö Anutugö bemtohoñnöñ angotpingö lömböriba kupuk-kapak akñe. ²⁵ Mi kewö jim tuarimam: Sömbup ketañi kamel mi kondi kinimje ölop qahö angotma. Mianğö dop ambazip pomñi yeñon Anutugö bemtohoñ uruñe angotpingö lömböriba qaköme.”

²⁶ Keu mi jii mötkeri, yeñon kewö jiget, “Opoñon! Ambazip dañon mönö Suepkö buñaya akawak?” ²⁷ Mewö jigetka kewö melenök, “Ambazipnöñ mi esapköba osiba qakömakzemö, Anutunöñ mönö yuai pakpak ölop ahakza. Yeñon yuai kun aka memamğö qahö osiba qakömakza.”

Jisösgö nup memegö töwanji

²⁸ Pitönöñ keu mi möta melenja kewö jiyök, “Mötnöñ, neñon mönö miri gölmenini mosöta gi guatanğöba kain.” ²⁹ Mewö jiiga Jisösnöñ kewö jii mötket, “Nöñon keu ölnji kun kewö jibi mötme: Kunñan Anutugö bemtohoñanğöra aka yuai kun mosöröhi, - mi miri gölmerji, anöm-moröñi, darumunñi me iwinamñi - mi engömosöriğa ³⁰ Anutunöñ mönö salupñe toroqeba onğita likepñi meleñ wañgiiga mi gölmegö malmalnöñ mema aka malmal könangepñe malmal köhöikñi teteköñi qahö buña qem anğuma.”

Jisösnöñ kömumamğö keuñi jiiga karöbut ahök.

Mat 20.17-19; Mak 10.32-34

³¹ Jisösnöñ gwarekurupñi 12 mi öröm engii kagetka kewö jiyök, “Mötket, nini Jerusalem onğöbin. Kezapqetok ambazipnöñ Suep gölmegö azi ölnanğöra keu pakpak ohogeri, mi mönö ölnambuk ak teköma. ³² Kunöñ i mamalolo mem wañgiiga kian gawman yeñgö böröñine gema. Yeñon jijiwilit aka mepaiköba keu töhöreñ jim wañgiba söutkölap qeme. ³³ Söutkölap qeba ihilek wahiñambuknöñ tauköm wañgiba qeget kömuma. Kömumba wehön karöbut aiga kömupnöhök wahötma.”

³⁴ Mewö jiyökmö, gwarek yeñon keu mi qahöpmañöp möt asariget. Keu jiyöhi, mi asa-asambötñe ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

³⁵ Jisösnöñ anda Jeriko mire dopdowiiga jegömöl azi kunñan nene moneñ wañgimegöra uleta köna jitñe tarök. ³⁶ Tariga ambazip kambu könanöñ onğita angetka kourukñini möta “Wanat yuai asuhuza?” jiba qesim engiyök.

³⁷ Qesim engiiga kewö jiget, “Jisös, Nazaret azinöñ mönö könanöñ kaba gonğitmamğö akza.”

³⁸ Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

³⁹ Mewö qeriga ambazip mutuk angeri, yeñon böc tatmapköra qetal wañgigetmö, yeñon kapañ köla qet gigilahöyök, “Deiwidkö gwölönarökñi! Gi mönö ak-kömum niñgiman!”

⁴⁰ Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

⁴¹ “Alani! Gi mönö wani yuai ak gihimamğöra mötzan?” Qesim wañgiiga jiyök, “Kembu! Ni jeni kunbuk umamğöra mötzal.”

⁴² Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

⁴³ Mewö jiiga miangörenjök jeñi tohoiga törörök uba Anutu möpöseiba Jisös wu-atañgöba andöñe anök. Ambazip pakpak yeñön yuai mi eka Anutu möpöseiget. Mewö.

19

Zakiusnöñ uruñi melejnök.

¹ Jisösnöñ Jeriko taonöñ kañgota kutuba anmamgö ahök. ² Miangörenj azi kun qetñi Zakius malök. Yañön azi pomñi aka takis meme yeñgö jitjememeñina malök. ³ Yañön Jisösgö kaisongolomñi ekñamgö ak wañgiyökmö, azi töröptökñangöra ambazip kambu sutñine kinda kökörüba osiyök. ⁴ “Jisösnöñ ki kaba neñgongitma,” jiget möta ekñamgöra ösumök anda ambazip engongita sikamore ip* qakñe öñgöba tarök. ⁵ Tari Jisösnöñ miangörenj angota jeñan ui öñgöi eka yañgöra kewö jiyök, “Zakius, gi mönö ösumök etnöñ. Ni merak göhö mire kabi mohotñe tatpit.”

⁶ Mewö jiiga ösumök eta söñgaiba köl öröm wañgiiga miriñe anohot. ⁷ Anohotka ambazip körekñan mi eka irikuruk aka kewö jiget, “Mönö wuanöñgöra siñgisöndok azi mewöñangö mire öñgöba tatza?”

⁸ Mewö jigetmö, Zakiusnöñ ambazip sutñine aukñe wahöta kinda Kembugöra kewö jiyök, “Kembu mötnöñ, nöñön ainemalukuni bibiñe mendeñda likepñi ambazip wanapñi yeñgöra engimam aka denike yeñgörenj öroyuai kun dop ongita tilipqilip aka wañgiralí, mi mönö ambemñi 4:gö dop toroqeba meleñda engimam.”

⁹ Mewö jiiga Jisösnöñ yañgö könangöra kewö jiyök, “Anutunöñ merak miri kiangö toñi amöt qem wañgii letotza. Yañön mewöyök Abrahamgö gwölönarökurupñi yeñgö sutñine malja. ¹⁰* Suep gölmegö azi öññan mönö ambazip sohogeri, mi jaruba amöt qem engimangöra aka erök.” Mewö.

Moneñ esu 10 mendeñda engiyök, miangö dopkeu.

Mat 25.14-30

¹¹* Jisösnöñ kaba Jerusalem siti dopdowiba keuñi jii ambazip mi mötkeri, yeñön kewö mötmöriget, “Anutugö bemtohoñangö öññan zilañ asuhuma.” Mewö mötmörigerangöra Jisösnöñ dopkeu kun kewö jiyök, ¹² “Azi qetbuñangambuk kunñan kewö jiyök, ‘Ni mirini mosöta kantri kunöñ körowen anbiga miangörenj ni kiñ kembu kuñgum ningigetka mala lilingöba kamam.’ ¹³ Mewö gölme körowen anmamgö jiba nup aziurupñi 10 engoholi kagetka moneñ esu 10 mendeñda engiba kewö jiyök, ‘Nöñön anda mala bian lilingöba kamam. Eñön nalö sutñe kiangörenj moneñ kianñön kölköl-örörö nup memba mem sehime.’ ¹⁴ Mewö jiba anökmö, könagesourupñan kazik ak wañgiba kewö jiget, ‘Nini azi kianñön nanine azi kembu aka galöm köl neñgimapkö töközin.’ Mewö jiba welen azi tosatñi melaim engiget andöñe anda buzup mi jiget mörök.

¹⁵ “Mewö mörökmö, töndup kantri anök, miangörenj yeñön i azi kembu kuñgum wañgigetka nanñi prowinsnöñ kunbuk lilingöba kayök. Kaba nup aziurupñi moneñ esu engiyöhi, mi jiiga yañgö jeñe kañgotket. Mohot mohot yeñön kölköl-örörö nup memba moneñ mem sehigetka dawik asuhuyöhi, mi kondelget ekñamgöra qesim engiyök. ¹⁶ Nup azi mutukñan jeñe kañgota jiyök, ‘Kembu, nöñön moneñ esugi mem sehibiga toroqeba kunbuk esu 10 miwikñai.’

¹⁷ “Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapañkapañ aka galöm köla malnöñga sehiyök. Miangöra nöñön taon gölme 10 mindiriba göhö böröge albi yeñgö galömñina malman.’ ¹⁸ Mewö jiiga nup azi alañan jeñe kañgota kewö jiyök, ‘Kembu, nöñön göhö moneñ esugi mem sehibiga toroqeba kunbuk esu 5 miwikñai.’ ¹⁹ Mewö jiiga yañgöra mewöyök kewö jii mörök, ‘Mi ölop. Nöñön taon gölme 5 mindiriba göhö böröge albi yeñgö galömñina malman.’

* 19:4: Sikamore mi köwu ewöya, kötni neneña. * 19:10: Mat 18.11 * 19:11: Mat 25.14-30

²⁰ “Kunbuk kunjan kangota jiyök, ‘Kembu eknöj. Göhö monej esugi ki. Mi oponöj esuhuba lolongöbi ahöyök. ²¹ Göñön azi könöpñambuk akzananğöra aka göhöra keñgötñi möta malal. Gi nangk inap yuai köwenöj qahö alnöji, mia töndup memamgö mörakzan. Gi nangk nene kötni qahö kömötnöjga asuhuyöhi, mianğö ölni mi töndup yandiba memamgö mörakzan.’

²² “Mewö jiiga melenđa kewö jim wañgiyök, ‘Gi nup azi bölöñi. Nangk keu jizani, nöñön mianğö dop kewöt gihiba likepñi melej gihimam. Ni azi könöpñambuk akzal. Nanak yuai köwenöj qahö ala mi memamgö mörakzal. Nanak nene kötni qahö kömöta mianğö ölni mi töndup yandiba memamgö mörakzal. Mi ölop möta malnöj. ²³ Gi könani mewö mötagun mönö wuanöñğöra monej esuni mi benknöj qahö alnöjga qariyök. Mi kölköl-örörö nupnöj albanak ewö, mianğön mönö sehiiga nöñön kaba suñambuk membileñak.’

²⁴ “Mewö jiba azi kösutñe kingeri, mi kewö jii mötket, ‘Inini mönö yañgö böröñeyök monej esuni mi wañgita esu 10 miwikñaiyöhi, i wañgime.’ ²⁵ Jii möta kewö jiget, ‘Kembu, yañgöreñ monej esu 10 mi lök ahöza!’ ²⁶ *Mewö jigetka melenđa jiyök, ‘Nöñön kewö jibi mötket: Ambazip yuai ahöm engizawi, yeñğöra körek mönö mi toroqem engigetka sehimapmö, kungöreñ yuai kun qahö ahözawi, morörökñi mia mönö mewöyök wañgitketka öne töhön malma.’ ²⁷ Mewö jizalmö, kerökurupnan nöñön kiñ kembu aka galöm köl engimamgö tökögeri, i mönö enğuañgita kagetka engeka jim kutubi enğuetka kömume.’ ” Mewö.

Jisösgöra köirañ kölgetka Jerusalem öñgöyök.

Mat 21.1-11; Mak 11.1-11; Jon 12.12-19

²⁸ Jisösnöj keu mi jim teköba mosöta Jerusalem sitinöj öñgömamğöra mutuk anök. ²⁹ Anda Betfage aka Betani miri yahöt kösutñire kaba kundunji qetñi Oil ip kundunji qerakzei, mianğöreñ öñgöba gwarekyahötñi yahöt melaim etkiyök. Melaim etkimamgö aka ³⁰ kewö jiyök, “Miri wösöñire tatzawi, mönö mianğöreñ anmahot. Anda mianğöreñ añgota doñki moröñi kösönöj jöhöget kinjawi, mi miwikñaimahot. Doñki mi dölokña, azi kunöj qakñe qahö tatatña. Mi mönö pösata memba ki kamahot. ³¹ Pösarohotka kunjan ‘Mi wanigöra pösatzahot?’ jiba qesim etkiiga kewö jimahot, ‘Kembuniran mianğöra osiza.’ ”

³² Mewö melaim etkiiga anda jiyöhangö dop miwikñaiyohot. ³³ Miwikñaiiba doñki moröñi pösatpitkö ahotka toñan jiget, “Hei! Doñki moröñi mi wanigöra pösatzahot?”

³⁴ Jigetka kewö meleñnohot, “Kembuniran mianğöra osiza.” ³⁵ Mewö jiba memba Jisösgöreñ kaba malukuñini qeköba doñki qakñe tumbula jigetka Jisösnöj öñgöba tarök. ³⁶ Mewö tata aniga ambazip kambu yeñön göda qeba opo malukuñini qeköba köna namñe tumbulget.

³⁷ Tumbulgetka anda Jerusalem dopdowiba Oil ip kundunğö söörökñe geiga gwarek kambu pakpak yeñön könahiba söñgaiba añgöletot pakpak kukösum qakñe mei ekeri, miengöra qet ketañi qeta Anutu möpöseim wañgiba ³⁸ *kewö jiba qetket, “Anutu möpöseizin. Kiñ Kembangö qetñe kamawi, Anutunöj mönö i kötuetsköma. Luaigi aka qetbuñagi möpöseininga Suepnöj euyañgöreñ öñgöza. Owe owe!”

³⁹ Mewö qetketka Farisi (Köna keugö kapankölköl) tosatñan ambazip kambu sutñine kindi kewö jim wañgiget, “Böhi, mönö gwarekurupki jim enğinöj.” ⁴⁰ Mewö jim wañgigetka kewö meleñnök, “Nöñön kewö jibi mötme: Yeñön göröñ kinbeak ewö, köt yeñön mönö silata qetpeak.” Mewö.

Jisösnöj Jerusalem sitigöra sahörök.

⁴¹ Jisösnöj Jerusalem dopdowiba siti mi eka sahörök. ⁴² Sahöta kewö jiyök, “Engöreñ luai denöwö ahubawak! Inini mianğö könani wehön kianğöreñ möt kutugetka dop kölbawakmö, nalö kewöñe mi jeñini qahö tohozawañğöra aka tölapñe ahöza. ⁴³ Mianğö

* 19:26: Mat 13.12; Mak 4.25; Luk 8.18 * 19:38: Sum 118.26

konaŋi kewö: Nalö kun kam kungumawi, miangörej kerök yeŋön kaŋgota kiripo köhöikŋan siti ki kungum liliköba likeplikep eu emu kinda gwan ala kahasililiŋ ak engime. ⁴⁴ Anutunöŋ mesohol köla engoholiga inini nalö bohonŋi mi qahö möt kutuba nesampurek aka Anutu andö qeba laŋ mala kotzei, miangöra kerök yeŋön köndenmönden engigetka mirigö köt kun mi köt kungö qakŋe qahö kinmapmö, siti kianön mönö qeqelanlaŋ ahöma. Yeŋön jike mirinini köndenŋda moröurupŋini siti uruŋe maljei, mi engum ureime.” Mewö.

Jisösnöŋ jöwöwöl jike jim kömbuhiyök.

Mat 21.12-17; Mak 11.15-19; Jon 2.13-22

⁴⁵ Jisösnöŋ keu mi jim teköba jöwöwöl jikegö tohoŋ uruŋe anda inap bohonŋi memegöra algeri, mi könahiba közöl engiiga etket. ⁴⁶ *Közöl engiba kewö jii mötket, “Aisaianöŋ keu kun kewö ohoi ahöza, ‘Nöŋgö jikenan mönö köulukö mirinina akŋa.’ Keu mi ahözapmö, inini mi utekögetka kegwek-kahasililiŋ yeŋgö baŋet ewö akza.”

⁴⁷ *Jisösnöŋ nalö dop jöwöwöl jikenöŋ öŋgöba Buŋa keu kusum engiba malök. Mewö malökmö, jike nup galöm aka Köna keugö böhi yeŋön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?” ⁴⁸ Mewö jigetmö, ambazip kambu pakpak mieŋön yambuk qekötahöba Buŋaŋi kezap ala mötket. Miangöra “Mönö denöwö akinak?” jiba köna kun qahö miwikŋaiget. Mewö.

20

Jitŋememe yeŋön Jisösgö kukösumŋangö qesiget.

Mat 21.23-27; Mak 11.27-33

¹ Jisösnöŋ jöwöwöl jikenöŋ öŋgöba ambazip kambu kusum engiba Ölöwak Buŋa jim asarim engiba malök. Nalö kunöŋ mewö aiga jike nup galöm aka Köna keugö böhi yeŋön kantrigö jitŋememe tosatŋi yembuk Jisösgö jeŋe kaŋgotket. ² Kaŋgota kewö qesim waŋgiget, “Gi kiangörej yuai akzani, mi mönö daŋön jim kutum gihiiga ahakzan? Miangö kukösumŋi mi daŋön gihiyök? Mi jinöŋga mötŋin.”

³ Qesim waŋgigetka kewö melenŋ engiyök, “Nöŋön mewöyök qesim engibi mi jiget mötŋin. ⁴ Jonöŋ ambazip o-melun mem engiba malöhi, yaŋön miangö kukösumŋi mi denikeyök meyök? Suep Toŋan waŋgiyök me gölme toŋan waŋgiget?”

⁵ Mewö melenŋ engiiga sutŋine eraum möta kewö jiget, “‘Kukösumŋan Suepnöhök asuhuyök,’ mewö jibin ewö, yaŋön mönö kewö jima, ‘Mewö aiga inini i mönö wuanöŋgöra qahö möt narim waŋgiget? Mi qahö dop kölja.’ ⁶ Könagesö pakpak yeŋön Jongöra ‘Kezapqetok azia akza,’ jiba mi köhöikŋanök möt nariba malje. Miangöra ‘Gölme ambazipnöhök asuhuyök,’ jibin ewö, yeŋön mönö irimŋini seholiiga kötnöŋ neŋgume.” ⁷ Keu mewö kewöta kewö melenŋget, “Kukösumŋan denikeyök ahuyöhi, nini mi qahö mötŋin.”

⁸ Mewö melenŋgetka Jisösnöŋ kewö jii mötket, “Mewö aiga nöŋön mewöyök yuai ki ahakzalaŋgö kukösumŋi daŋön niŋgiyök, mi qahö jibi mötme.” Mewö.

Wain kösö nup galöm bölöŋi, mieŋgö dopkeu

Mat 21.33-46; Mak 12.1-12

⁹ *Jisösnöŋ könahiba ambazip dopkeunöŋ kewö jii mötket, “Azi kunŋan wain kösö nup köla kömörök. Köl kömöta nup galöm tosatŋi miwikŋaim engiba jiiga nupŋi memba öŋŋangö bahöŋi nanŋini memba bahöŋi toŋi waŋgimegöra böröŋine alök. Böröŋine ala engömosöta kantri kunöŋ anda nalö köröpŋi malök.

¹⁰ “Mala mali öŋŋi öliyöhangö nalöŋi (yambu 5) töriiga miangörej welenqeqeŋi kun melaim waŋgiiga galöm yeŋgörej anda wain nup öŋŋangö bahöŋi waŋgimegöra jiyök. Jiyökmö, nup galöm yeŋön i kömbinöŋ qeba wuatangögetka böröŋi börak liliŋgöyök.

¹¹ Miangö andöŋe welenazi kun melaim waŋgiiga anökmö, i mewöyök kömbinöŋ qeba

* 19:46: Ais 56.7; Jer 7.11 * 19:47: Luk 21.37 * 20:9: Ais 5.1

gamu qem waŋgiba wuatangögetka böröŋi börak lilingöyök. ¹² Lilingöiga nup toŋan welenazi kun kunbuk melaii aniga ambemŋi karöbut ahökmö, i mewöyök sepgwörörök qeba nup yaigepŋe gilget geyök.

¹³ “Mewö aketka wain nup toŋan keu jaruba jiyök, ‘Mönö denöwö akŋamto? Nani wölböt nahöni mönö melaibiga ani i eka göda qeme me denöwö?’ ¹⁴ Mewö jiba nahönŋi melaiiga anökmö, wain nup galöm yeŋön i eka sutŋine kewö eraum möta jiget, ‘Yaŋön mönö börösamotŋangö toŋi akŋa. Ayop, i mönö qein kömuiga wain kösö nup kianŋön mönö nanine buŋanina akŋa.’ ¹⁵ Mewö jiba gilgetka nup yaigepŋe geiga qeget kömuyök. Wain nup toŋan mi möta mönö denöwö ak eŋgima?

¹⁶ Yaŋön mönö nanŋak kaba nup galöm mi köndenŋ eŋgima aka nup galöm döläkŋi miwikŋaim eŋgiba wain kösö nupŋi yeŋö böröŋine alma.” Jisösnöŋ dopkeu mewö jii möta jiget, “Mi qahö dop kölja. Yapmakek!” ¹⁷ *Jigetmö, Jisösnöŋ i törörök eŋgeka kinda kewö jiyök, “Buŋa Kimbigö keu kun kewö ahöza, ‘Miri meme yeŋön köt tandö kun andö qeba öne mosötket taröhi, miaŋön mönö tandö kömbönaŋi aiga miwikŋaiget.

Miaŋön tiŋgiriga mirinöŋ mönö gororongöba eta kölma.’ Keu miaŋö könaŋi denöwö?

¹⁸ Miaŋöra kewö jibi: Kunŋan tandö bohönŋi miaŋöreŋ tötöŋgata eta qemawi, mi mönö sileŋi kutumutumapmö, ain tandö miaŋön jöla tala kungö qakŋe eta kölmawi, mi mönö körek qözömözözamöma.”

¹⁹ Jisösnöŋ mewö jiiga Köna keugö böhi aka jike nup galöm yeŋön keu miaŋö könaŋi möt asariba kewö jiget, “Dopkeu mi mönö neŋgöra jiza.” Miaŋöra i nalö miaŋöreŋök memba jöhöbingö mötketmö, ambazip kambu yeŋöra keŋgötŋini möta osiget. Mewö.

Takis alalgö Jisös esapköm waŋgiget.

Mat 22.15-22; Mak 12.13-17

²⁰ Juda jitŋememe yeŋön Jisösgö jegalöm meget. Mewö memba keuŋi kun qiwitipköi keugö bötaknöŋ öröi gwaröhöm waŋgimegöra aka azi tosatŋi melaim eŋgiget yaŋgöreŋ kaget. Opotöröp aka premiö yeŋö böröŋine al waŋgibingö möta Buŋa keu öläpŋi jiji tandök aka qesiba keuŋangö kezap alget.

²¹ Areŋ mewö ala qesiba kewö jiget, “Böhi, nini göhö könaŋi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnöŋ kewöt neŋgimakzan. Mewö aka Anutugöreŋ köna mi keu öläŋangö dop kusum neŋgimakzan. ²² Miaŋöra nini sisa-kiŋgöra takis ala miaŋön Mosesgö Köna keu siŋgibin me qahö?”

²³ Mewö jigetmö, Jisösnöŋ isimkakalek areŋini möt kutuba kewö jii mötket, ²⁴ “Öläp silwö moneŋ (Kina 5) kun kondel niŋgigetka eki. Dagöreŋ imut aka qet mi miaŋgöreŋ ohoget ahöza?” “O, mi sisa-kiŋgöreŋ,” mewö meleŋda jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋgöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnöŋ mewö jiyöhaŋgöra ambazip kambu yeŋö jeŋine keugö bötaknöŋ al waŋgibingö osiba keuŋangöra welipköba keu böc kinget. Mewö.

Kömupnöhök wahötwahötkö Jisös esapköm waŋgiget.

Mat 22.23-33; Mak 12.18-27

²⁷ *Sadyusi böhi pati yeŋön “Kömugeri, yeŋön kude wahötme,” jiba malget. Yeŋgöreŋök tosatŋan Jisösgö jeŋe kaŋgota kewö qesim waŋgiba ²⁸ *jiget, “Böhi, Mosesnöŋ kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan öläp malöŋi memba mala gwölönarök qiwikŋaim waŋgiiga datŋangö qet bisiba malma.’

²⁹ “Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ³⁰ Kömuiga munŋan malöŋi mi meyök.

* 20:17: Sum 118.22 * 20:27: Apo 23.8 * 20:28: Dut 25.5

³¹ Miangö andöŋe munŋi kunŋan ambi miyök meyök. Mewöŋa mewö darumun 7 pakpak yeŋön ambi mohok miyök memba gwölönarök qahö mala kömum teköget. ³² Kömugetka tekögetka qöndökŋi malöŋini mi mewöyök kömuyök. ³³ Göŋön ‘Kömugeri yeŋön guliba wahötme,’ jizänmö, nini mi qahö möt narizin. Mötnöŋ, azi 7 pakpak mi öröröŋ wahötpeak ewö, ambi mohok mi anömŋina meget malöhaŋgöra aka mönö dagö anömŋa akawak?”

³⁴ Mewö jigetka Jisösnöŋ kewö meleşnök, “Nalö kewöŋe gölme kiangöreŋ ambazip awanöm aka malahakze. ³⁵ Mi malahakzemö, ambazip uruŋini meleşgetka Anutunöŋ eka möri dop köliga kömupnöhök wahöta miri gölme kun euyangöreŋ aŋgota malmei, yeŋön miangöreŋ qahö amime.

³⁶ “Miangö könaŋi kewö: Mötnarip ambazip guliba kömupnöhök wahötmei, yeŋön Anutugö nahönböraturupŋi akze. Yeŋön Suep garata tandök ewö aka kunbuk qahö kömumemö, teteköŋi qahö mal öŋgöme. ³⁷ *Mötket! Kömugeri, yeŋön guliba wahötme-gö keuŋi mi Mosesnöŋ mewöyök naŋgöba jiyök. Ip köhösnöŋ könöp bölam ahuba qahö jem kutuyöhi, yaŋön mi eka kösohotŋi ohoi miangöreŋ keu kewö ahöza, ‘Nöŋön Anutu Abrahamgö Kembu, Aisakö Kembu aka Jeikobkö Kembuya mala kota maljal.’ ³⁸ Isik bömöŋ karöbut yeŋön Anutubuk mala mal köhöiba öŋgöme. Körek köhöiba maljei, yeŋön mönö malmalŋini Anutugöra malje. Miangöra Anutunöŋ köhömuŋi yeŋgö Kembuŋini qahöpmö, malmal köhöikŋi maljei, mönö yeŋgö Kembuŋina akza.”

³⁹ Jisösnöŋ mewö meleşniga Köna keugö böhi tosatŋan meleşda kewö jiget, “Böhi, mi törörök jizan.” ⁴⁰ Mewö jiba keu kun kunbuk qesim waŋgibingö kölköldömdöm aka mosötket. Mewö.

Kraist mi kiŋ Deiwidkö Kembuŋi aka gwölönarökŋi.

Mat 22.41-46; Mak 12.35-37

⁴¹ Jisösnöŋ keu kun kewö jii mötket, “Kraistnöŋ Kiŋ Deiwidkö gwölönarökŋi akzawi, tosatŋan keu mi denöwögöra jimakze? ⁴² *Deiwidnöŋ nanŋak keu kewö jiiga Sumbara (Buŋa liŋet, sam) Kimbinöŋ ahöza, ‘Anutunöŋ kinda nöŋgö Kembuni kewö jii mörök, Göŋön mönö kaba nöŋgö böröni ölŋe tatnöŋga

⁴³ nöŋön nalö sutŋe kerökurupki tim tötala luhut al eŋgiba göhö köna tambö gwaröŋe al eŋgimam.

Nalö mi kam kuŋgumawaŋgö dop mönö asakmararaŋnöŋ ki tatman.’

⁴⁴ Deiwidnöŋ mewö jiba qetŋi ‘Nöŋgö Kembuni’ jiza. ‘Kembuni’ jiba mönö denöwö aka yaŋgö gwölönarökŋi mohot akawak?” Mewö.

Urumeleŋgö silesile malmalgö galöm meme keu

Mat 23.1-36; Mak 12.38-40; Luk 11.43

⁴⁵ Jisösnöŋ gwarekurupŋi yeŋgöra keu kewö jiiga ambazip kambu pakpak mi mötket, ⁴⁶ “Köna keugö böhi yeŋgöra mönö galömŋini memba malme. Yeŋön maluku köröpŋi löŋgöta anda kaba kondel aŋgubingö mörakze. Maketnöŋ me könanöŋ ambazip eŋgeketka jölöŋini jimegö mörakze. Mewöyök köuluk mire qaikŋe eu tatpingö sihimŋi mörakze aka közölömbuaŋnöŋ dum tatat mutukŋe jegep tatpingö mörakze. ⁴⁷ Yeŋön malö yeŋgöreŋ miri yuai bidaŋda gagabe köla eŋguaŋgirakze aka qetbuŋaŋini asuhumapköra köuluk köröpŋi köuluköba töptöpŋine qemakze. Miangöra Anutunöŋ keuŋini jim teköba likepŋi öŋgöŋöŋi meleşni qakŋine öŋgöma.” Mewö.

21

Ambi malö kunŋan naluk kötin ölŋi alök.

Mak 12.41-44

¹ Jisösnöŋ kinda ui ani ambazip pomŋi yeŋön nalukŋini mi naluk dundumŋe alget geyök. ² Alget geiga ambi malö wanapŋi kunŋan kaba souje kötŋi pisikŋi yahöt ali geyöhi,

* 20:37: Eks 3.6 * 20:42: Sum 110.1

mi mewöyök ehök. ³ Mi eka kewö jiyök, “Nöñön keu ölni kun kewö jibi mötket: Malö wanapni kianön naluk aljawi, mi mönö tosatni pakpak engonggita alja. ⁴ Miangö könañi kewö: Körek yeñön moneñ ketani ahöm enñiiga kitipñanöhök aljemö, ambi kianön köruebörue maljawangö dop yuaini pakpak al teköba öne töhön malma.” Mewö.

Jöwöwöl jikenöñ köndeymöndeñ asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimñambuk aka kalemni kalemni Anutugöra algeri, mianön meñölögetka aködamunñambuk ahöyök, gwarek tosatñan mi eka eraum mötketka Jisösnöñ keu kewö jii mötket, ⁶ “Miri ki engekzei, mi mönö köndeygetka mirigö köt kun mi köt kungö qakñe qahö ahömapmö, qeqelanlan aka sahopñanök ahöma.”

Kahasililiñ aka sesewerowo asuhuma.

Mat 24.3-14; Mak 13.3-13

⁷ Mewö jiiga möta qesim wangiget, “Böhi, keu jizani, miangö ölni mönö wanat nalönöñ asuhum tinjitma aka asuhumangö akñawi, miangö aiwesökñan mönö denöwö asuhuma?”

⁸ Qesim wangigetka kewö jiyök, “Kunñan isimkakalek aiga janjun anbepuköra mönö galömñini memba malme. Ambazip gwötpukñan asuhuba nöngö qetne kewö jime, ‘Nöñön Kraist akzal,’ aka, ‘Nalönöñ mönö töriza.’ Mewö jimemö, enñön mönö yeñgö andöñjine kude anme. ⁹ Yarö aka karimni karimni asuhugetka ötöñini mötmemö, jönömñini kude unduma. Yuai mi mutuhök asuhumapkö jijiña. Mi asuhumapmö, gölmegö nalöñan mönö miangöreñök zilañ qahö teköma.”

¹⁰ Mewö jiba toroqeba kewö jii mötket, “Kantri kunöñ kantri kun engubingöra wahötme. Ambazip kambu kunöñ kambu kun yembuk aröñ angubingöra wahötme. ¹¹ Gölmene gölmene miangöreñ kenöñ ketani ketani qözöla memba gölme meleni gemakña. Mewöyök bödiñi bödiñi (buöröñi buöröñi) asuhuba öngöba ahöma. Kawöl köhöikni köhöikni mienön asuhugetka sesegilil kömumakñe. Suepnöñ aiwesök ketani jemurutni murutni engeka kenöt kotkot akñe.” Mewö.

Ölöwak Buñagöra kerök asuhuma.

Mat 24.9-14; Mak 13.9-13

¹² “Yuai pakpak mi asuhumemö, mutuk qeljine tosatñan inini uruñini melengerangöra aka engömembra jöhöba sesewerowo ak engime. Tosatñan öröm engiba köuluk miriñine keu nupñini memba jim tekögetka kösö miriñi miriñi miangöreñ al engime. Tosatñan nöngö qetnangöra aka enguangetketka kantriñi kantriñi yeñgö kir kumbu aka premiö yeñgö jemesoholjine kinme. ¹³ Mewö kinda nöngö könañamni nangöba jigetka mötme. ¹⁴ *Keu jakeñe al engigetka kinmei, nalö miangöreñ keu denöwö jibinak, miangö waimanjatni qeljine kude mötme. Keu mi mönö urukönömñine algetka ahöma.

¹⁵ “Mi kewögöra: Nöñön embuk kinda mötkutukutu engiba numbuñini mem amqemam. Uruawamñanök malgetka tuarenjoñurupñini yeñgöreñök kunñan mötkutukutu mi qetala keuñini qeapköba memba et al engibingö osima. ¹⁶ Nanñini iwinam, darumun, tinitosolom aka alaurupñini yeñön mewöyök angönañ mem engigetka engöreñök tosatni engugetka kömume. ¹⁷ Kantri pakpak yeñön nöngö qetnangöra aka kazik ak engigetka malme.

¹⁸ “Mewö malmemö, nöñön köyan kölni engibi nöropñinangö jupñi kunñan qahö sohoma. ¹⁹ Injini kapan köla köhöiba böñ qeba kinda mianön mönö luhut ala oyaenkyoayen malmal buña qem angume.” Mewö.

Jerusalem sitigö köndeymöndeñ uru-önönñambuk

Mat 24.15-21; Mak 13.14-19

²⁰ “Könañep yarö kambu yeñön kangota Jerusalem siti liliköba gwan almei, injini mi eka miangöreñ kewö mötmörime, ‘Siti bohonni köndeymöndeñmegö nalöñan mönö kam kuñguza.’ ²¹ Nalö miangöreñ Judia prowinsnöñ malmei, enñön mönö misingöba

* 21:14: Luk 12.11-12

öröba kundunje anme. Sitinöj malmei, enjon mönö siti mosötme. Siti yaigepnje mire malmei, enjon mönö sitinöj kude anme.

²² **“Mi kewögöra: Buja Kimbinöj kezapqetok keu ohoget ahözawi, mi pakpak mönö ölñambuk akña. Keu miangö dop Anutunöj nalö miangörej singisöndokninangö likepñi melenja qakñine ali öngöma. ²³ Anutunöj Israel könagesö singisöndokñinangöra irimñi seholiiga kazikñi kondel engiiga gölmenöj kahasililij keta bölökñi asuhuma. Ambi gölömbuk aka morö juzunöj yejon mönö nalö miangörej denöwö ösumñinan anbeak? Miangöra Yei! jizal.*

²⁴ *“Köndermönödeñ miangörej ambazip tosatñi mi bimgö sou ketanjan engugetka kömume. Tosatñi kösö gwaröhöm engiba enguangitketka kantri pakpak yengö sutñine angotme. Angotketka kian kantri yejon kangota Jerusalem tiamgöba malme. Mewö malgetka Anutunöj nalöjini tohot qei tatzawi, miangön kam kuñguiga mosötme.” Mewö.*

Suep gölmegö azi ölñan mönö asuhum tiñgitma.

Mat 24.29-31; Mak 13.24-27

²⁵ **“Wehön aka köinj jeñire aka señgelau miangörej aiwesök murutñi murutñi asuhume. Köwetnöj siri qegetka öton ketanji ahumakzawangöra gölmegö kantri pakpak yejon tötbörömñini kaiga wahöjalij möta malme. ²⁶ Mewö malgetka suepnöj uturuköiga miangö öroyuaiñi mi tatatñini mosöta enjololöj aketka sohoma. Miangöra gölmeñi gölmeñi miangörej lömböt bölöñi kötökñi asuhumapköra mamböt-torok mala kenjötni möta uruñini duhuiga jegilgil akñe.*

²⁷ **“Nalö miangörej Suep gölmegö azi ölñi yanjon kousu qakñe kangori ekñe. Kukösumñi ketanjan saköl-diñdiñambuk aukñe asuhuiga asakmararañi ekñe. ²⁸ Mewö kangotmapmö, yuai mi könahiba asuhumei, enjon mönö nalö miangörej Suepnöj öngöbingö nalöñinan törimawangöra nöropñini uba wahöta uruñini qezaköba awösamkakak kinme.” Mewö.*

Geröp ipkö dopkeu

Mat 24.32-35; Mak 13.28-31

²⁹ *Jisösnöj dopkeu kun kewö jii mötket, “Injini geröp aka ip tosatñi mi eka tandökñini mötme. ³⁰ Ip mi sinñan yongoigetka mi eka miangö könañi nanñinak möt asariba kewö jimakze, ‘Wehön nalöñan lök dopdowiza.’ ³¹ Enjon mewöñanök keu jizali, miangö ölñan asuhuiga eka möt asariba könañi kewö jime, ‘Anutugö bemtohoñan mönö dopdowiza.’*

³² *“Nöñon keu ölñi kun kewö jibi mötket: Ambazip merak gölmenöj maljei, yejon qahö kömugetka yuai pakpak jizali, mi mönö yengö malmal nalöjine asuhuma. ³³ Suep gölmenöj göröñ qemahotmö, nöngö Buja keunan mönö qahö ayapköma.” Mewö.*

Urugwölö mosöta köhömuñi malbinbuk.

Mat 24.42-44; Mak 13.33-37

³⁴⁻³⁵ *“Nalö ketanji miangön ambazip körek gölmenöj maljei, yengö qakñine mewö asuhuma. Miangöra miangön wölañök kaba simba ewö qeraköm engibapuk. Miangöra gölmenöj malmalgö waimanjatñan qakñine öngöiga közölömbuan ala o köhöikñi negetka enjololöj aiga uruñinan lömböribapuköra mönö galömñini mem anguba malme.*

³⁶ *“Miangöra mönö nalö dop urugwölö mala köuluköba malme. Mewö malgetka ösum engiiga yuai pakpak mi asuhumawi, miangö uruñeyök kök ala mönö Suep gölmegö azi ölñangö jemesoholñe awösamkakak kinme.” Mewö.*

³⁷ **Nalö miangörej Jisösnöj wehön dop jöwöwöl jikenöj kinda Buja kusum engiiga miri mare aiga mosöta kundunji qetñi Oil ip kundunji qerakzini, miangörej öngöba ahömalök. ³⁸ Mewö maliga ambazip kambu pakpak yejon wehön dop söñanök jöwöwöl jikenöj öngöba Bujañi jii mötpingöra yanjörej kamalget. Mewö.*

* 21:22: Hos 9.7 * 21:25: Ais 13.10; Eze 32.7; Joel 2.31; Ind 6.12-13 * 21:27: Dan 7.13; Ind 1.7 * 21:37: Luk 19.47

22

Jisös qein kömumapkö aṅṅonay alget.

Mat 26.1-5; Mak 14.1-2; Jon 11.45-53

¹*Mewö malgetmö, beret yistṅi qahö miangö sösöṅgaiṅi, qetṅi kun Pasowa kendon jimakzin, mi töriyök.* ²Töriiga miangörej jike nup galöm aka Köna keugö böhi yeṅön ambazip kambu yeṅö keṅṅötṅini mötkeṅṅöra aka nanṅinök tokoba “Denöwö ahinga qeget kömumbawak,” jiba köna jaruba mötmöriṅet.

Judasnöṅ Jisös mamalolo mem waṅṅimamgö urumohok ahök.

Mat 26.14-16; Mak 14.10-11

³Nalö miangörej Satanöṅ Judasgö uruṅe geyök. Judas mi Jisösgö gwarekurupṅi 12 yeṅörejök kun. Kariot mireyök kayöhaṅṅöra qetṅi kun Iskariot qetket. ⁴Yaṅön jike nup galöm aka jikegö kiripo galöm bohonṅi yeṅörej anda Jisös mamalolo memba böröṅine almamgö keuṅi jiyök. ⁵Yeṅön mi möta “Ayop!” jiba uruṅinan ölöwahiga söṅṅöröṅi moner waṅṅibingö keu jöhöget. ⁶Keu jöhögetka Judasnöṅ Jisös ölöṅ mamalolo memba böröṅine almamgö köna möt jaruba köiṅbingöba malök. Mewö.

Jisösnöṅ gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷Beret yistṅi qahö miangö kendon silim kunöṅ Pasowa lama qeba ohozema. Nalö miangön kam kuṅguyök. ⁸Jisösnöṅ Pitö aka Jon kewö jiba melaim etkiyök, “Iṅiri anda Pasowa lama mözözömgöyohotka nembin.”

⁹Mewö jiiga qesim waṅṅiyohot, “Mi denikeaṅṅörej anda mözözömgöbit?”

¹⁰Qesim waṅṅiyohotka kewö meleṅnök, “Mörohot! Iṅiri sitinöṅ aṅṅorohotka azi kun o kimbut kunduta kaiga miwikṅaimahot. Miwikṅaiba i wuatangöba anda mire öṅṅömawi, miangörej öṅṅömahot. ¹¹Öṅṅöba miri toṅi kewö jiyohot mötma, ‘Böhinöṅ göhöra jiza: Ala mirigi denike? Neṅön ölop miangö uruṅe kaba gwarekurupṅi yembuk Pasowa lama nembin?’ ¹²Mewö jiyohotka möta miri qakṅe eu öṅṅöba uruṅi ketanṅi kun kondel etkima. Miangörej dum tatat yuai mözözömgöget ahöza. Mi kondel etkiiga miangörej lama qeba ohomahot.”

¹³Mewö jii anda Jisösnöṅ keu jiyöhi, miangö dop miwikṅaiba kinda lama qeba ohom mözözömgöyohot. Mewö.

Kembubuk semön qöndökṅi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴Nene nalöṅan kaiga Jisösnöṅ aposolurupṅi yembuk nene nembangö eta tatket. ¹⁵Tatketka kewö jii mötket, “Nöṅön Pasowa lama ki embuk nembangö gwötpuk ak niṅgiba malök. Nene ki nembagun mönö sihimbölö mötmam. Miangö nalöṅan töriza. ¹⁶Mi törizawaṅṅöra kewö jibi mötket: Nöṅön Pasowa lama kiangörej kun toroqeba qahö nemam. Könaṅṅep nene semön kiangö öṅṅan aukṅe asuhumawi, mi Anutugörej bemtohoṅ uruṅe euyangörej nemam.”

¹⁷Mewö jiba wain qambi memba kötuetköba kewö jiyök, “Mönö ki memba nanṅinak aṅṅuba neme. ¹⁸Nöṅön kewö jibi mötket: Ni wain kösögö öṅṅi kiangörej kunbuk toroqeba qahö nemam. Kunbuk nemami, mi Anutugörej bemtohoṅ asuhum teköiga miangörej nemam.”

¹⁹Mewö jiba beret memba kötuetköba mindipköba engiba kewö jiyök, “Ki nani busuni. Ki engöra aka tököm engizal. Namba ni mötmörim niṅgiba malme.” ²⁰*Mi engii negetka mewöṅanök wain qambi memba kewö jiyök, “Qambi ki mi jöhöjöhö areṅ dölökṅi akza. Nöṅön amöt qem engimamgöra aka sepni mokoba kömumam. Sep miangön mönö Anutugörej jöhöjöhö areṅi mem köhöima.

* 22:1: Eks 12.1-27 * 22:1: Pasowa mi nanine keunöṅ neṅṅehoriba neṅṅöṅirök. Eksodus 12.15 * 22:20: Jer 31.31-34

²¹ * “Mewö akzapmö, mötket, mamalolo mem ningimawañön mönö mohotje ki nene namba tatzit. ²² Ölña, Anutunöñ jim kutuyöhi, Suep gölmegö azi ölñan mönö miangö dop gölme mosöta anma. Anmapmö, mamalolo mem wangimawi, yangöra mönö wöziköba ‘Yei!’ jizal. Anutunöñ mönö likepñi öngöñgöñi melej wangima.”

²³ Mewö jiiga gwarekurupñan könahiba sutñine eraum qesim anguba jiget, “Nengöreñök mönö dañön mamalolo mem wangibawak?” Mewö.

Gwarek yeñön sutñine goranora aket.

Mat 20.25-27; Mak 10.42-44

²⁴ * “Gwarek nengöreñök galöm bohonñi mi dañön akza?” mewö jigetka miangöra mewöyök sutñine goranora asuhuyök. ²⁵ * Mi asuhuiga Jisösnöñ kewö jii mötket, “Gölmegö kantriñi kantriñi miengö kininan mönö azi kembu tandök aka galöm köl engimakze. Yeñgö pom jembonñinan mönö keu jim kutuba könagesöñini mindingöm engigetka welenñini qeba ‘Azi ölöpñi!’ jiba möpöseim engimakze. ²⁶ * Mewö ahakzemö, eñön miangö dop kude akje. Engö sutñine kunñan ketañamñini akzawañön mönö eretñangö dop aka malma. Galöm bohonñan mönö welenqeje ewö aka malma.

²⁷ * “Kunöñ tata nene neiga kunñan nene köl wangiba anda kamakzawi, yetköreñök öngöñgöñi mi dañön? Ölña, ‘Tata nene nezawañön mönö öngöñgöñi akza.’ Mewö jiget mörakzinmö, nöñön engö sutñine welenqeje ewö aka maljal.

²⁸ “Mewö malbi esapköm ningigetka wahöjalinj wahösömbu uruñe angotpiga iñini töndup kapañ köla nömbuk qekötahöba mala kotze. ²⁹ Iwinan jim kutum ningiiga nöñön yangö bemtohoñi kukösum qakje galöm kölakzal. Miangöra nöñön toroqeba jim kutum engibiga iñini mewöyök kukösum qakje ambazip kiñ ewö galöm köl engimakje. ³⁰ * Miangöra iñini ölop nöngö bemtohoñne angota nene dumni liliköba tata o aka nene namba malme aka azi kembu tatatnöñ tata Israel ambazip kambu 12 yeñgö keurñini kewöta jim teköm engime.” Mewö.

Pitönöñ Jisös qañ kölmakö jii mörök.

Mat 26.31-35; Mak 14.27-31; Jon 13.36-38

³¹ Jisösnöñ jiyök, “O Saimon Saimon! Mötnöñ! Kölkömöt azinöñ wit padi kötni joutnöñ ala uturuköiga kamböñi deñda erakzawi, Satanöñ mönö miangö dop eñön löwöriba yangö böröñe gemegöra uturuköba esapesap al engimangö kapañ köla jöjöröza. ³² Jöjörözapmö, göhö mötnaripkan sörauba pömsöm qebapuköra nöñön göhöra köuluköba malal. Miangöra nalö kungen urugi melejda nöngöreñ kamani, miangöreñ mönö mötnarip alaurupki nañgöba mem köhöim engiman.”

³³ Mewö jiiga Saimonöñ melejñök, “Kembu, nöñön göbuk kösö mire anbitkö aka mohotje kömumbitkö jöjöröba maljal.”

³⁴ Mewö jiyökmö, Jisösnöñ jii mörök, “Pitö, nöñön kewö jibi mötnöñ: Kuruknöñ merak qahö qeriga göñön mutuk ni möt ningimangö qañ kölnöñga indimñi karöbut akña.

Gösö aka bimgö sou ketañi miyök memba anme.

³⁵ * Jisösnöñ gwarekurupñi kewö qesim engiyök, “Nöñön iñini mutuk gösö qahö, moneñ gösö qahö, köna esu qahö mewö melaim engibi angeri, miangöreñ yuai kungöra osiget me qahö?” Qesim engiiga “Yuai kungöra qahö osiin,” jiget.

³⁶ Jigetka kewö toroqeba jiyök, “Mutuk mewö aketmö, nalö kewöñe kungöreñ gösö aka moneñ gösö tuñi ahözawi, mi ölop memba teñgöba malma. Bimgö sou ketañi mi kungöreñ qahö ahöza, yañön mönö malukuñi bohonñi memegöra ala moneñ miwikñaiba sou mi bohonñi mema. ³⁷ * Nöñön miangöra kewö jibi mötket: Anutugö keu nöngöra jigeri, mi körek pakpak köhöim teköma. Miangö nalöñan mönö kam kungumangö akza.

* 22:21: Sum 41.9 * 22:24: Mat 18.1; Mak 9.34; Luk 9.46 * 22:25: Mat 20.25-27; Mak 10.42-44 * 22:26: Mat 23.11; Mak 9.35 * 22:27: Jon 13.12-15 * 22:30: Mat 19.28 * 22:35: Mat 10.9-10; Mak 6.8-9; Luk 9.3; 10.4 * 22:37: Ais 53.12

Buŋa keu kun kewö ohoget ahöza, ‘Yaŋön bölöŋi meme yeŋgö kambuŋine ahöma, jiget.’ Miangöra jizal: Keu miangö ölni mi nöŋgöreŋ asuhum teköma.”

³⁸ Mewö jiiga gwarekurupŋan jiget, “Kembu eknöŋ, bimgö sou ketanji yahöt ki ahözahot.” Mewö jigetka “Mi dop kölja,” jiba meleŋ engiyök. Mewö.

Jisösnöŋ Gezemane arönöŋ köuluköyök.

Mat 26.36-46; Mak 14.32-42

³⁹ Jisösnöŋ miri mosöta silikŋi wuatangöba Oil ip kunduje öŋgöiga gwarekurupŋan andöŋe anget. ⁴⁰ Öŋgöba miangöreŋ angota kewö jii mötket, “Esapesapnöŋ et engubapuköra mönö köuluk nup meme.”

⁴¹ Mewö jiba engömosöta köt gilin anakzawi, miangö dop anda simin köla köuluköyök ⁴² Köuluköba kewö jiyök, “Iwini, göŋön urusihimgi mötzan ewö, sihimbölögö qambiŋi kianön mönö nöŋgö qakne öŋgöbapuköra noaŋgitman. Noaŋgitman me qahö, mi mönö nangi jit keugahö dop asuhuma. Mi nöŋgö sihimgö dop qahö.” ⁴³ Mewö köuluköiga garata kunŋan Suepnöhök asuhuba mem köhöim waŋgiyök. ⁴⁴ Mem köhöim waŋgiiga köŋjiliŋ öŋgöŋöŋi möta mönö kapan köla uruŋi qezaköba köuluköyök. Köuluköiga nöŋgöpŋi mi sep jöjöl ewö tiŋgita gölmenöŋ etket.

⁴⁵ Köuluköm teköba wahöta gwarekurupŋi yeŋgöreŋ anök. Anda miwikŋaiba engehi wösöbiriknöŋ mem et engii sörrörauba gaun ahöget. ⁴⁶ Ahögetka jiyök, “Mönö wuanöŋgöra gaunök ahöze? Mönö wahöta esapesapnöŋ et engubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöŋ mewö jiba kiniga miangöreŋ azi kambu kaŋgotket. Gwarekurupŋi 12 yeŋgöreŋök kun qetŋi Judas yaŋön jitŋemem engiba Jisösgöreŋ kaŋgota numbuni yöhötüm neyök. ⁴⁸ Yöhötüm neyökmö, Jisösnöŋ kewö jii mörök, “Judas, gi numbuni yöhötüm memba mewö mianön Suep gölmegö azi ölni mamalolo mem waŋgizan me?”

⁴⁹ Mewö aiga tosatŋan Jisös liliköm waŋgiba kingeri yeŋön yuai asuhumangö ahi mi eka jiget, “Kembu, nini bimgö sou ketanjan enguin me?” ⁵⁰ Mewö jiba yeŋgöreŋök kunŋan jike nup galöm bohönangö welenqeŋeŋi qeba kezapŋi ölni köteköi erök.

⁵¹ Erökmö, Jisösnöŋ meleŋda “Mönö mosötket!” jiba welenqeŋegö kezapŋi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikegö kiripo galöm bohönŋi aka kantrigö jitŋememe yeŋön Jisös membingö kaŋgotkeri, mi kewö jii mötket, “Ni kegwek-kahasililiŋ azia qahöpmö, töndup nöŋgöra mewö möta bimgö sou ketanji aka lingip memba kaŋgotze. ⁵³* Nöŋön wehön dop jöwöwöl jikenöŋ embuk malbiga inini böröŋini böranda ni qahö nömiget. Mi qahöpmö, dölni söŋaupkö ösumŋan luhut ala aukŋe asuhuiga engö nalöŋinan kam kuŋguza.” Mewö.

Pitönöŋ Jisös qaŋ kölök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeŋön Jisös memba jöhöba waŋgita jike nup galöm bohönangö mire anget. Angetka Pitönöŋ andöŋine sikepsikep enguatangöba anök. ⁵⁵ Miangöreŋ anda jakömbuak mirigö kiripo uruŋe geba sombem bibiŋe köŋöp ohoba mohotŋe tatket. Pitönöŋ mewöŋanök yeŋgö sutŋine tarök. ⁵⁶ Tari welenqeŋe ambi kunŋan Pitönöŋ köŋöp kösutŋe tari ehiba kewö jiyök, “Azi kianön mönö mewöyök yambuk malök.”

⁵⁷ Mewö jiyökmö, Pitönöŋ qaŋ köla kewö jiyök, “Ambi, ni i qahö möt waŋgizal.”

⁵⁸ Mewö jiba tari kude köriiga azi kunŋan eka jiyök, “Gi mewöyök yeŋgöreŋök kun akzan.” Mewö jiyökmö, Pitönöŋ meleŋnök, “Alani, ni qahö.”

⁵⁹ Aua mohotkö dop teköiga kunŋan keu mi kunbuk kapan köla jiyök, “Azi kianön mewöyök ölna yambuk malök. Yaŋön mönö Galili azia akza.”

* 22:53: Luk 19.47; 21.37

⁶⁰ Mewö jiyökmö, Pitönöy meleynök, “Azi, keu jizani, mi köndatzal.” Mewö jiba kiniga miangöreñök kuruk qerök.

⁶¹ Qeriga Kembunöy lilingöba Pitö uba ehiga miangöreñök keuñi kewö jiyöhi, mi mötmöriyök, ‘Gi merak indimñi karöbut qañ köl niñginönga kuruknöy qetma.’ ⁶² Keu mi mötmöriba wösöñi julmamgö aiga yaigep geba sahöt böliyök. Mewö.

Jisös jim gönahit ak wañgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeñön mepaqepaik ak wañgiba kinda qeapköget. ⁶⁴ Qeapköba jemesoholñi esuhuba qesiba jiget, “Gi kezapqetok azia akzanangöra danñön guhuzawi, mönö yangö qetñi qetnöy!” ⁶⁵ Mewö jiba gwötpuk terenqerenja ilita jim qetal wañgiget. Mewö.

Jikegö jitrjememe yeñön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal wañgiba malgetka miri gianjiiga kantrigö jitrjememe aka jike nup galöm aka Köna keugö böhi yeñön tokoba Jisös wañgita Juda yeñgö jike kaunsöl kambu yeñgö jeñine alget.

⁶⁷ Miangöreñ algetka jiget, “Göñön Amötqeqe Toñi Kraist akzan ewö, mi mönö aukñe pañ jinönga mötpin.” Mewö jigetka meleynök, “Mi jibi mötpeaha kun, mi mönö qahö möt narime. ⁶⁸ Me qesim engibilerjaha kun, mi mönö qahö meley niñgime. ⁶⁹ Mewö mötzalmö, nalö kewöñeyök könahiba Suep gölmegö azi ölni yanñön mönö Anutu, kukösum Toñangö böröñi ölñe tata malma.”

⁷⁰ Mewö jiiga miangöreñök körekñanök kewö jiba qesiget, “Ölña, gi Anutugö nahönña akzan me qahö?” Mewö qesigetka kewö meley engiyök, “Mi akzalañgö keuñi mönö nanñinak jize.” ⁷¹ Melay engiiga jiget, “Nanñak uñemuyem (gunemgunem) keuñi mönö nanñi numbuñan jiiga möt teközin. Miangöra tosatñan keuñi nanñögömögöra mönö wuanöñgöra kunbuk qesim engibinak?” Mewö.

23

Jisösnöy premiö Pailötkö jeñe kinök.

Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeñön wahöta Jisös wañgita premiö Pailötköreñ anget. ² Yangöreñ anda könahiba sileñe keu ala undenda kewö jiget, “Azi kiangö könani kewö eka mörin: Yanñön ambazip kuñgum engiiga enololon aka karim asuhumakze. Nini Sisa kiñgö takis kude almegöra songo alakza. Nanñangöra ‘Ni Amötqeqe Toñi Kraist aka kiñ akzal,’ jimakza.”

³ Mewö jigetka Pailötnöy kewö qesim wañgiyök, “Ölña, gi Juda yeñgö kiña akzan me qahö?” Qesim wañgiiga Jisösnöy meleynda jiyök, “Mönö nangak jizani, mewö.”

⁴ Pailötnöy jike nup galöm aka ambazip kambu yeñgöra kewö jii mötket, “Nöñön azi kiangö pinjitñi kun qahö miwikñaizal.”

⁵ Mewö jii möta kunbuk kapañ köla kuñguba jiget, “Yanñön mönö ambazip kambu kuñgum engiba Buñani Galili prowinsnöy könahiba kusum engiba gölme dop köla kaba Judia prowins kiangöreñ mewöyök mi jim sehimakza.”

⁶ Mewö jiget möta qesim engiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnöy Galili aka prowins tosatñi mindiriba galöm köl engiba nalö miangöreñök Jerusalem sitinöy kaba malöhi, miangöra Pailötnöy Jisös Herodköreñ wañgita anget. Mewö.

Jisösnöy kiñ Herodkö jeñe kinök.

⁸ Herodnöy Jisösgö kösohotñi möta lök nalö köröpñi ekñamgö sihimñi möta malöhanñgöra i eka uruñan gwötpuk ölöwahök. Jisösnöy anñöletot kun meiga ekñamgö al mamböta malök. ⁹ Miangöra qeqesi gwötpuk Jisös qesim wañgiyök. Mi qesim wañgiyökmö, Jisösnöy likepñi kun qahö jii mörök.

¹⁰ Jike nup galöm aka Köna keugö böhi yejön kinda silenöy alal keu könöpñambuk jim wañgiget. ¹¹ Herodnöy yarö aziurupñi yembuk Jisös memba et ala jijiwilit aka mepaqepaik mem wañgiget. Mewö aka maluku aködamunñambuk kun löngöt wañgiget kini melaiiga kunbuk premiö Pailötkö jeñe anök. ¹² Mutuk Pailöt aka Herod yetkön kerök-kerök ak añguba malohora nalö miañgöreñ ala-ala ahot. Mewö.

Pailötnöy Jisös kömumapkö jim teköyök.

Mat 27.15-26; Mak 15.6-15; Jon 18.39-19.16

¹³ Jisösnöy kaiga premiö Pailötnöy jike nup galöm aka galömkölköl aziurupñi aka ambazip kambu öröm engii tokoget. ¹⁴ Tokogetka kewö jii mötket, “Injini azi ki kewö jiba nöñgöreñ wañgita kaze, ‘Yañön ambazip kambu kuñgum engiiga erjololoy ahakze.’ Mötket! Injini keu sileñe aljei, nöñön miañgö könañi engö jeñine kewöta kewö miwikñaizal: Injini azi kiangö sileñe keu aljei pakpak, miañön pinjitñi qahö akza. ¹⁵ Herodnöy keu mewöñanök jiba melaiiga kunbuk neñgöreñ kaza. Mötket, yañön yuai pinjitñambuk kun qahö ahök. Miañgöra kömupkö buñaya akñapakö osima. ¹⁶ Miañgöra nöñön jibi yarö azi yejön ihileknöhök qegetka pösatpi etma.” ¹⁷ (Pailötnöy yambu (yara) dop Pasowa sösongai nalöñe kösö mireyök azi mohok pösat engimaljapma.)

¹⁸ Mewö jiiga yejön körebörek silata qeta jiget, “Ia mönö yapmakek! Barabas mönö pösat neñginöy.” ¹⁹ Barabas miañön sitinöy karim gila malgeri, yeñgö galömñina aka azi kun qei kömuyöhi, miañgöra kösö mire alget tarök.

²⁰ Pailötnöy Jisös pösatmamgö möta keu kunbuk jiyök. ²¹ Jiyökmö, yejön qetala örañbörañ misiba qet gigilahöget, “Maripomnöy qeget! Maripomnöy qeget!”

²² Qet gigilahögetka yañön keu indimñi karöbut kewö jiyök, “Yañön mönö wani bölöña ahök? Nöñön yañgöreñ pinjit kun kude miwikñaibiga kömupkö buñaya akñawañgö dop qahö akza. Mewö aiga nöñön jibi yarö azi yejön ihileknöhök qegetka pösatpi etma.”

²³ Mewö jiyökmö, yejön jakbak memba kapañ köla toroqeba qet gigilahöba qetket, ‘Jisös maripomnöy qeget kömuma.’ Mewö qeta Pailötköreñ keu mi qeapköget. ²⁴ Qeapkögetka Pailötnöy keuñi bapñe anda keu kapañ köla jigeri, miañgö öñi ahumapkö jim teköyök. ²⁵ Jim teköba Barabas etmapkö kapañ kölgerañgöra i pösari erök. I karim qeba malgeri, yeñgö galömñina aka azi kun qei kömuyöhi, miañgöra kösö mire alget tarök. Mi pösari erökmö, Jisös sihimñinañgö dop jaunğaurañga ak wañgimegöra böröñine alök. Mewö.

Jisös maripomnöy qeget.

Mat 27.32-44; Mak 15.21-32; Jon 19.17-27

²⁶ Pailötnöy Jisös böröñine aliga wañgita köna namñe anda Afrika siti qetñi Sairini miañgö azi kun qetñi Saimon miwikñaiget. Yañön nupnöhök kañgoriga jim kutum wañgiba Jisösgö maripomñi wañgita yañgö awötñe algetka añguba wuatañgöba anök.

²⁷ Mewö aniga ambazip kambu ketañi yejön luluñda andöñe wuatañgöba anget. Yeñgö sutñine ambi tosatñan mewöyök jinğeñ köla sahöta anget.

²⁸ Sahöta angetka Jisösnöy lilingöba engeka kewö jiyök, “O Jerusalem ambi, injini mönö nöñgöra kude sahötket. Nöñgöra qahöpmö, nanñini aka nahönböraturupñini miengöra mönö sahötme. ²⁹ Mötket! Könañep nalö kun kai miañgöreñ kewö jime, ‘Ambi köpin mi simbawoñ. Gölöm qahö ala morö kude megeri, mi simbawoñ akze. Nahönbörat juzu enğiba qahö dohongögeri, mi simbawoñ.’ ³⁰ *Nalö miañgöreñ ambazipnöy könahiba kundunji Toñi yeñgöra kewö uletme, ‘Injini mönö kundunji mi jigetka teköba qaknine öñgöme.’ Aka sem siagö Toñi mi kewö ulet enğime, ‘Injini mönö bañetñine asamböt neñgime.’

³¹ “Nöñön Anutugöreñ ip gwölögwölö akzal aka nöñgöra töndup kewö ak niñgize. Injini ip köhömuñi siñgisöndokñinambuk könöp sihit qeba kinje. Miañgöra Anutunöy likepñi melen enğiiga könöpnöy amqeqeñanök enğohotiriiga sihimbölö öñgöñgöñi mötme.”

* 23:30: Hos 10.8; Ind 6.16

³² Bölöni meme yahöt mi mewöyök Jisösbuk mohotje etkubingöra etkuangita anget. ³³ Anda gölme qetji Nöröpsihit qetzei, miangörej angota Jisös maripomnöj qeget. Qeba bölöni meme yahöt mi mohotje kun ölje kun qanije likeplikep mewö etkuget. ³⁴* Mewö aketmö, Jisösnöj jiyök, "Iwini, yejön yuai akzei, miangö könanji qahö möt kutuzeangöra singgisöndokñini mönö mosöt engiman."

Qeget kiniga Jisösgö sile esuñangöra kiawen megetka qötöni ahui miangö dop mendenja meget.

³⁵* Mewö aketka ambazip kambu yejön kinda mi uba eket. Eketmö, Juda jitmeme yejön mewöyök mepaqepaik mem wangiba kewö jiget, "Anutunöj möwölöhöm wangii Amötqege Toñi Kraist akza ewö, tosatñi bauköm engiba malöhañön mönö nanñi bauköm anguma."

³⁶* Yarö azi yejön mewöyök keu gönahit jiba ilita kösutje anda wain o asölñambuk kusahöla memba öngöba wangiba ³⁷ kewö jiget, "Gi Juda yejörej kiñ kembuya akzan ewö, mönö ölop nangi bauköm anguman."

³⁸ Nöröpñe eu kulem kun kewö ohoget kinök, "Juda yejö kiñ kembuñina ki."

³⁹ Kegwek-kahasiliñ azi yahöt mohotje möndögetka kingeri, yetkörejök kunjan uruqege keu töhörej Jisös jim wangiba kewö jiyök, "Gi Amötqege Toñi Kraist akzan ewö, mönö nangi bauköba niri mewöyök bauköm netkinöj."

⁴⁰ Mewö jiyökmö, alañan jim wangiba kewö jiyök, "Gi gödaqegegi qahö. Gi Anutugöra mewöyök kengetki qahö mötzan me? Yejön jim teköba sihimbölö öröröj neñgigetka bisizin. ⁴¹ Niri ölña pinjit ahirañgöra likepñi dopñe melenja ak netkigetka sihimbölö mötzit. Mi mötzitmö, azi kianön bölöni kun qahö aiga ia töndup ayuhuze." ⁴² Mewö jiba jiyök, "Jisös, gi bemtohoñgahö uruñe angotmani, miangörej mönö ni mötmörim niñgiman."

⁴³ Jiiga kewö jiyök, "Nöñön keu ölña jibi mötnöj: Göñön mönö merak nömbuk oyaenköyaen mire öngöba malman." Mewö.

Jisösnöj kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupnöj eta gölme pakpak dop köla ahöiga anda aua karöbutkö dop ahök. ⁴⁵* Nalö miangörej jöwöwöl jike uruñe opo kinöhi, miangön mönö euyök bibiñe jurata eta yahöt ahök. ⁴⁶* Jisösnöj nalö miangörej köhöikñanök qeta kewö jiyök, "Iwini, nöñön urñani göhö böröge aljal." Mewö jiba söngörö ösum kondikñi öröba kömuyök.

⁴⁷ Kömuiga yuai asuhuyöhi, suahö galömnöj mi eka Anutu möpöseiba kewö jiyök, "Yañön mönö ölña azi solañña akza."

⁴⁸ Ambazip kambu pakpak mi ekingö kaba tokogeri, yejön yuai mi asuhui eka wösöñini juliga nörop gila mohot mohot miriñine anget. ⁴⁹* Angetmö, ambazip pakpak Jisös möt wangigeri, yejön sikep kinda i uba eket. Ambi tosatñan Jisös wuatangöba Galiliyök kageri, yejön mewöyök kinda mi eket. Mewö.

Jisösgö qamötñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹ Juda yejörej taon qetji Arimatia miangörejök azi ölopñi qetbuñangambuk qetñi Josef yañön mewöyök kayök. Yañön Anutu bemtohoñangö ölñi asuhumapköra mamböta malök. Yañön Juda yejö jike kaunsöl kambugö jitmeme mala Jisösgö keu jim jöhöba akeri, miangö urumohok qahö ahök.

⁵² Yañön Pailötköreñ anda Jisösgö qamötñi memangö qesiyök. ⁵³ Qesiba öngöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöj anda köt köteñ kun urorohoba qamöt kun miangörej qahö algeri, Jisösgö

* 23:34: Sum 22.18 * 23:35: Sum 22.7 * 23:36: Sum 69.21 * 23:45: Eks 26.31-33 * 23:46: Sum 31.5

* 23:49: Luk 8.2-3

qamötñi mi miangörej alök. ⁵⁴ Sabat kendon tatatkö yuaini mözözömgögeri, miangö wehön jeñi gemamgö ahök.

⁵⁵ Gemamgö aiga ambi Jisösbuk Galiliyök kageri, yeñon Josefgo könañe qaksirinönj anda yañon Jisösgö qamötñi memba köt köteñnönj alöhi, mi eket. ⁵⁶ *Miangörejök lilingöba mire anda jiniñ suamburup umköhöwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnönj Köna keunönj Sabat kendongöra jim kutui ahöyöhi, mi wuatangöba luhut memba ösönj tatket. Mewö.

24

Jisösnönj kömupnöhök wahörök.

Mat 28.1-10; Mak 16.1-8; Jon 20.1-10

¹ Sabat kendon tatket teköiga Sonda söñanök miri gianjiiga ambi yeñon wahöta jiniñ jimoroñ umköhöwakñambuk mözözömgögeri, mi memba qaksirinönj anget. ² Anda kunjan qaksirigö numbuñe köt ketani qetali ani eket. ³ Mi eka köt köteñ uruñe öngögetmö, Kembu Jisösgö qamötñi qahö miwikñaget. ⁴ Miangöra mötkurumkurum möta kingetka azi yahöt malukunñi tuatñi kölköl-bilikbilikñambuk yetkөн wösöñine kinohotka etkeket.

⁵ Mi etkeka awöwöliba gölmenönj geba dapkögetka kewö jiyohot mötket, “Jebuk mal köhöizawi, i mönö denöwögöra kömukömuñi yeñgö sutñine jaruze? ⁶ *Yañon ki qahö ahözapmö, mönö guliba wahötza. Galili prowinsnönj mala keu jii mötkeri, mi mönö mötmörime: ⁷ Yañon kewö jiyök, ‘Kunönj Suep gölmegö azi ölni mamalolo mem wañgiiga bölöñi meme yeñgö böröñine geiga maripomnönj qeget kömumba wehön karöbut aiga guliba wahötma.’”

⁸ Mewö jiyohotka keuñi mi mötmötñine angoriga mötmöriget. ⁹ Mewö mötmöriba qaksirinöhök lilingöba kaba yuai pakpak asuhuyöhi, miangö buzup keuñi mi gwarek 11 aka tosatñi pakpak yeñgöra jiget mötket. ¹⁰ Keu mi jigeri, mi Magdalagöra Maria, Joana aka Maria Jeimsgö namñi aka ambi tosatñi yembuk malgeri, yeñon mi kaba aposol yeñgöra jiget mötket.

¹¹ Buzup keu mi jiget mötketmö, keu jigeri, mi keu omañi tandök ahöhi, mewö mötmöriba mi qahö möt nariget. ¹² Qahö möt narigetmö, Pitönönj wahöta ösumjan qaksirinönj anda köt köteñ uruñe ui aniga opo esu miyök miangörej tari ehök. Mi eka yuai asuhuyöhi, mi nanñök mötmöriba welipköba mire lilingöyök. Mewö.

Gwarek yahötñan Emeus könanönj anohot.

Mak 16.12-13

¹³ Wehön miangörejök Jisösgö gwarekurupñi yeñgörejök yahötñan Jerusalem siti mosöta miri qetñi Emeus sewen mail miangörej anbitkö anohot. ¹⁴ Könanönj anda yuai asuhuyöhi, mi pakpak nanñirök eraum mörohot. ¹⁵ Mi eraum möta könañi jim lömböriba anohotka Jisösnönj nanñak kösutñire angota mohotñe anget. ¹⁶ Angetmö, jeñiri közamböri i qahö ek kutuyohot. ¹⁷ Qahö ek kutuyohotka kewö jiyök, “Inñiri nanñirök wani keuya könanönj eraum möta kazahot?” Mewö jiiga dörok mitiba wösöbirik jeje uba eka kinohot.

¹⁸ Eka kinda yetkörejök kun qetñi Kliopas yañon kewö qesim wañgiyök, “Pasowa kendonönj yuai asuhuyöhi, mi Jerusalem ambazip körekñan mötze. Gi mohotñan kiana aka mi qahö mötzan me?”

¹⁹ Qesim wañgiiga “Mi wania?” jiiga möta kewö jiyohot mörök, “Nazaret azi Jisösgöra yuai asuhuyök mi. Yañon kezapqetok azia mala Anutu aka ambazip pakpak yeñgö jeñine ahakmeme kukösumñambuk aka keu köhöikñi jiba malök. ²⁰ Mewö maliga neñgö jike nup galömnini aka galömkölköl aziurupninan i wañgita premiögö böröñe algetka kömumapkö jim teköi maripomnönj qeget kömuyök. ²¹ Yañon Israel könagesönini

* 23:56: Eks 20.10; Dut 5.14 * 24:6: Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

kösönöhök pösata sohohnini memapköra al mamböta jörömqöröm aka malinmö, Ye! i mönö qeget kömuyök. Yuai mi asuhuiga mala koringa merak sömañi karöbut lök akza.

²² “Mi qahö dop köliga merak neñgöreñök ambi tosatñan keunöñ kuñguba welipköm neñgiget maljin. Yeñön söñan amandine qaksirinöñ anda, ²³ qamötñi qahö miwikñaiba lilingöba kewö jize, “Nini Suep garata yahötkö jemelenj imut ehinga yetköñ ‘Jisösnöñ guliba malja,’” jiyohotka mötzin. ²⁴ Keu mi möta azi nembuk maljei, yeñgöreñök tosatñan qaksirinöñ anda ambi yeñön keu jizei, miangö dop ahöiga ekze. Löm gwamöññi ekzemö, nanñi qahö ekze.”

²⁵ Keu mi möta kewö jii mörohot, “Ye! Injini kezapqetok yeñön keu jigeri, mi pakpak mönö wuanöñgöra ölanbölan aka ajojohoba gawönjeje mala qahö möt narize? ²⁶ Amötqege Toñi Kraistnöñ sihimbölo mewöñi mötagun nanñi asakmararañ uruñe öñgöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeñön keu jigeri, miangöreñök könahiba nanñangöra keunñi pakpak ohoget ahözawi, miangö könañi jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangöreñ toroqeba anmangö mörök. ²⁹ Mewö mörökmö, yetköñ kapañ köñ wangiba kewö jiyohot, “Miri mare aiga wehön jeñan lök gemangö akza. Miangöra ölop netpuk tata ahöman.” Mewö jiyohotka yetpuk mire öñgöba tatket. ³⁰ Tata yetpuk nene nembangö aka beret memba kötuettöba mindipköba etkimangö aiga yuai kewö asuhuyök:

³¹ Miangöreñök jeñiran tohoiga ek kutuyohotka at atop (jiatatorñ) köliga kunbuk qahö ehot. ³² Mewö aiga nanñirök kewö eraum mörohot, “Köna namñe Buña Kimbigö keu jiba könañi jim asarim netkizawi, nalö miangöreñök mönö urunire köñöp jezawangö dop mötzit.”

³³ Mewö jiba miangöreñök wahöta Jerusalem sitinöñ lilingöba angota gwarekurupñi 11 aka alaurup yembuk tokoba tatkeri, mi miwikñaim eñgiyohot. ³⁴ Miwikñaim eñgiyohotka kewö jiget mörohot, “Kembunöñ mönö öñña wahöta Saimongöreñ asuhum wangiza.”

³⁵ Mewö jigetka nanñirak könanöñ yuai asuhuyök aka beret mindipköyöhi, nalö miangöreñ uruñiri tohoiga möt kutuyohot, miangö kösohotñi mem eñgiyohot. Mewö.

Jisösnöñ gwarek kambuñi asuhum eñgiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupñi yeñön keu mi eraum möta tatketka miangöreñök Jisösnöñ nanñak sutñine asuhuba kinda kewö jiyök, “Alaurupni, luainöñ embuk ahöma!”

³⁷ Mewö jiiga keñgötporiñ aka jönömñini undui “Öme imura ekzin,” mewö mötmöriget. ³⁸ Mewö mötmörigetmö, kewö jii mötket, “Injini denöwögöra auruba mötmöt mewöñi uruñine ahuza? ³⁹ Ni nanak ki maljal. Mi nanñinak köna böröni uba eka mötme. Öme imut mi bususihitñini qahö. Ni bususihitnambuk kinbi nekze. Mönö nömisiriba nek kömume.”

⁴⁰ Mewö jiba köna böröñi kondel eñgiyök. ⁴¹ Kondel eñgiyökmö, mi sösoñgairinangöra töndup qahö möt nariba welipköba tatketka kewö qesiba jiyök, “Neneñamñini kun ki tatza me qahö?” ⁴² Mewö jiiga söra jeñeñi miangö kitipñi kun wangiget. ⁴³ Wangigetka memba neiga eket.

⁴⁴ Neiga eketka kewö jii mötket, “Ni embuk mala nalö miangöreñ keu jibi mötkeri, miangö öññi nalö kiangöreñ asuhui ekze. Nöñön kewö jiba malal: Nöñgö keu mi Mosesgö Köna keu aka kezapqetok azi yeñgö Buzup Kimbi aka Sumbara (Buña liñet) buknöñ ohoget ahözawi, mi pakpak mönö öññambuk ak teköma.”

⁴⁵ Mewö jii mötketka miangöreñök Buña Kimbigö könañi möt kutumegöra uruñini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnöñ sihimbölo möta kömumba sömañi karöbut aiga kömupnööhök wahötma. ⁴⁷ Miangöra eñön mönö Jerusalem sitinöñ könahiba Buña keu nöñgö qetne jim asariba kantri pakpak dop köla anda uru kuñgum eñgimakñe. Denike yeñön uruñini meleşmei, Anutunöñ mönö yeñgö siñgisöndokñini mosöta sañgoñma.

⁴⁸ “Keu mi ölnambuk ahök aka aknawi, injini mi asuhui eka nanngöba jiba dangunu ewö kinme. ⁴⁹ *Mötket! Iwinan kalem engimapkö keu jöhöyöhi, nöñön i melaibiga uruñine gema. Euyangöreñök kukösum albi qakñine öngöma. Injini siti kiangöreñ miangöra mamböta tata malme.” Mewö.

Jisösnöñ Suep mire öngöyök.

Mat 16.19-20; Apo 1.9-11

⁵⁰ *Jisösnöñ keuñi jim teköba gwarekurupñi enguangita anda Betani miri kösutñe angota miangöreñ böröñi mem wahöta kötuetköm engiyök. ⁵¹ Kötuetköm engiiga miangöreñök Anutunöñ wanñiriga engömosöta Suepnöñ öngöyök. ⁵² Öngöiga sösongai ketañi möta sipköba waikñi memba möpöseim wanñiba Jerusalem lilingöget. ⁵³ Lilingöba sundan dop jöwöwöl jikenöñ mala Anutu möpöseim wanñiba malget. Mewö.

* 24:49: Apo 1.4 * 24:50: Apo 1.9-11

Jon Ölöwak Buña Jonöñ ohoyök. Jim-asa-asari

Jonöñ nanñi qetñi Ölöwak Buña kiangörej aukñe qahö ohoyökmö, nanñangöra kewö jiza, “Gwarek Jisösnöñ uruñan jöpaköm wañgiyök.” (19.26) Jonöñ urujöpak urukalemgö keuñi kapañ köla jimakza. Jonöñ Ölöwak Buña ki mi ambazipnöñ keu kewö möt kutumegöra (20.31) ohoyök, “Jisös Kraist mi gölme aziyöhök qahö malökmö, ölna Anutugö Nahönñi aka Amötqeçe Toñi akza. Inñini mönö i möt köhöiba mewö miañön malmal köhöikñi miwikñajime.” Jisösnöñ mutuk Iwigörej mala keu jitña malök. (1.1) Mewö mala gölme azia aka ösum-mumuñi aka mötmötñi mi aiwesök aḡöletot memba miañön kondelök. Mi kondela bemtohoḡgö könañi jim asariiga tosatñan uruñini melengetka tosatñan töndup yangiseñ aket.

Jisösnöñ kewö akza, jiyök: Amötqeçe Toñi (4.26), malmalgö nene wötñi (6.35), miri gölme euyangö buñaya (8.23), bem koñkoñ (8.58), gölme pakpakö asakñi (9.5), nañgu (10.7), lama galöm ölöpnñi (10.11), Anutugö Nahönñi (10.36), Kembu aka Böhi (13.13), kömupnöñök wahötwhöt Toñi aka malmal kömbönañi Toñi (11.25), köna, keu ölni aka malmal köhöikñi (14.6), wain ip ölni (15.1), kulem namñi mutukñi aka teteköñi A aka Z (Ind 1.8), Mutukñi aka Qöndökñi (Ind 1.17) aka mewö mewö.

Jisösnöñ gwarekurupñi ölna jöpaköm eḡgiba malöhi, goro keu qöndökñan (Boñ 13-17) mi törörök kondelja. Keu mi nahömñambuk. Kömupnöñök wahötagun Pitö mem köhöimapköra kewö qesiyök: “Ni jöpaköm niñgizan me qahö? Mewö akzan ewö, mönö alaurupni köyan köñ eḡgiman.”

Buk kiangö bahöñi bohönñi 6 mi kewö:

Keu mutukñi 1.1-18

Jon O-melun azi aka gwarekurup mutukñi 1.19-51

Jisösnöñ qenjarök nup meyök 2.1-12.50

Teteköñe Jerusalem kaba mala kömuyök 13.1-19.42

Guliba wahöta alaurupñi asuhum eḡgiyök 20.1-31

Galili kaba gwarekurupñi asuhum eḡgiyök 21.1-25

Anutugö numbu jitñi malmahambuk.

¹ Könakönahiñe möpñangö möpñeyök keu jit malök. Yañön malmalgö könañi nañgöba jiba kota malök. Keu jit yañön Anutugö qöhöröñe mala korök aka nanñak bem Anutuyöhök ahök. ² Keu jit yañön könakönahiñe Anutugö qöhöröñe malök. ³ Yañgö qöhöröñe mala bauköm wañgiiga yuai pakpak ahuyök. Yuai kun qahö bauköm wañgibawak, mi mönö qahö ahubawak. ⁴ Keu jit yañön malmal bömöññanök ahök. Yañgörej malmal köhöikñi miañön ambazip mem asarim eḡgiiga eka mala kotket. ⁵ Asakñan panaman uruñe asarimakzapmö, söñaupnöñ malgeri, yeñön asakñangö könañi mi qahö möt asariba mala kotket. Mewö.

⁶⁻⁷* Anutunöñ ambazip körek pakpak asakñi möt narimegöra möta kolek azi qetñi Jon melaiiga asuhuyök. Asuhuba kaba asakñangö könañi indela nañgöba jiba malök. ⁸ Jonöñ nanñak asakñi mi qahö aka malökmö, yañön mönö asakñangö könañi mi nañgöba jiba malök. ⁹ Asak ölbölñi yañön ambazip gölme dop mem asarim neñgimakzawi, yañön gölmenöñ asuhumangö ahök.

¹⁰ Yañön könakönahiñe gölmeñi gölmeñi miangö öröyuañi pakpak mi nam köñ eḡgiiga ahuget. Ahugetka nanñak sutñine mala korökmö, gölme ambazipnöñ töndup i qahö möt kutum wañgiba töñpin malget. ¹¹ Mewö töñpin malgetka nanñi miri gölmeñe kaiga könañesöurupñan zikzik tököba nesampurek aka andö qem wañgiget. ¹² Mewö

* 1:6-7: Mat 3.1; Mak 1.4; Luk 3.1-2

aketmö, denike yejön köl öröm waŋgiba qetbuŋaŋi möta möt narigeri, yaŋön mönö körek yeŋgöra köna mesari kewö asuhuyök: Nanŋak nam köla kukösum enŋiiga ahuahü dölökŋi ahüba Anutugö nahönböraturupŋi aket. ¹³ Anutugö jitsihitŋan mönö nam köl enŋiiga asuhuget. Gölme azinöŋ jit sihitŋi wuatangöba anömŋambuk keu jöhöiga gölöm ala morö meiga asuhuzawi, yejön köna mewö mianjöŋ Anutugö nahönböraturupŋi qahö aket. Mewö.

¹⁴ Keu jit yaŋön azi silebuk aka sutnine anda kaba malök. Mewö maliga aködamunŋi uba eka malin. Iwiŋan Nahönŋi mohok-kungöra aködamunŋi pakpak ala aum köl waŋgiiga qainŋi kun maljawi, yaŋön mönö miangö dop kalem möriamŋan uruŋi kokolak qeiga aködamunŋambuk aka nalö dop keu öl töhöŋŋi jiba malök.

¹⁵ Jonöŋ azi miangö könaŋi naŋgöba kewö qeta jiba malök, “Nöŋön kungöra keu jiba malali, yaŋön mönö mia akza. Kewö jiba malal: Nöŋgö andöne azi kun kamawi, nöŋön qahö asuhubiga yaŋön mutuk malök. Miangöra yaŋgö qetbuŋaŋan mönö ni noŋgita öŋgöŋgöŋi akza.” Jon O-melun azinöŋ mewö jiba malök.

¹⁶ Kalem möriamŋan azi miangö uruŋi kokolak qeiga aködamunŋambuk malöhi, yaŋön mönö miangö dop kötuatköm neŋgiba malök. Kötumötuetŋi mi nalöŋi nalöŋi mokoiga körek neŋgö qaknine öŋgöi malin. ¹⁷ Mosesnöŋ Köna keunini nam köli asuhuyökmö, Jisös Kraistnöŋ keu ölni indel teköba Anutugö kalem möriamŋi nam köli aukŋe asuhuyök. ¹⁸ Gölme azi kunŋan Anutu nalö kunöŋ qahö ehök. Nahönŋi mohok-kunŋan Iwigö wösöŋe mala kota malöhi, yaŋön mönö gölmenöŋ eta könaŋi indel neŋgii mörin. Mewö.

Jon O-melun azinöŋ nanŋi könaŋi jim asariyök.

Mat 3.1-12; Mak 1.1-8; Luk 3.1-18

¹⁹ Juda jitreŋememe yejön jike nup galöm aka jöwöwöl jikegö welenqeŋe tosatŋi Jerusalem sitinöhök melaim enŋigetka Jongöreŋ kaget. Kaba qesim waŋgiba jiget, “Gi wani azia akzan? Könaŋamŋi denöwö?” Mewö jigetka könaŋamŋi indela jii mötket.

²⁰ Könaŋamŋi qahö qaŋ kölökmö, aukŋe kewö jim miwikŋaiyök, “Nöŋön Amötqeŋe Toŋi Kraist qahö akzal.”

²¹ *Mewö jiiga kapaŋ köla qesim waŋgiget, “Gi mönö azi niŋia akzan? Gi Elaija (Elia) akzan me qahö?” Qesim waŋgigetka “Qahö!” jiyök. “Gi kezapqetok azi kun akzan me qahö?” Mewö qesigetka “Mewö qahö!” meleŋnök.

²² Meleŋniga qesiget, “Gi niŋia akzan? Melaim neŋigetka kazini, yeŋgöra mönö denöwö meleŋda jiin mötme? Gi nangi könaŋi denöwö jim asariman?”

²³ *Qesigetka kewö jii mötket,
“Kezapqetok azi Aisaianöŋ keu kun kewö jii ahöza, ‘Ni garata aka gölme qararaŋkölkölŋe mala kewö qerakzal: Kembunöŋ kamawo!

Miangöra iŋini mönö uruŋini mindiŋgöba könaŋi mesata möhamgöget.’ Ni miangö kolek garataŋi akzal.”

²⁴ Azi melaim enŋigetka Jongöreŋ kageri, mi Farisi (Köna keugö kapaŋkölköl) azia aket. ²⁵ Yejön kunbuk kewö jiba qesim waŋgiget, “Gi Amötqeŋe Toŋi Kraist qahö akzan aka Elaija (Elia) me kezapqetok azi yeŋgöreŋök kun qahö akzani, miangöra mönö wuanöŋgöra ambazip o melun mem enŋimakzan?”

²⁶ Qesim waŋgigetka kewö meleŋ enŋiyök, “Nöŋön o töhöŋöŋ enŋömirimakzalmö, azi kun iŋini qahö möt kutuzei, yaŋön lök sutŋine kinja. ²⁷ Azi kun nöŋgö andöne kamapköra jiba malali, yaŋön mönö mi. Yaŋön kaiga ketaŋamni aka malma. Miangöra nöŋön yaŋgö kösutŋe anda wayangösöŋi teŋgöba köna esuŋaŋgö kösöŋi pösatmamgö qötötangömam.”

²⁸ Jonöŋ Jordan o likepŋe miri qetŋi Betani miangöreŋ mala ambazip o melun mem enŋigiba malök. Yuai mi mönö miangöreŋ asuhuyök. Mewö.

Jonöŋ Jisösgöra “Anutugö lama moröŋi,” jiyök.

* 1:21: Dut 18.15, 18; Mal 4.5 * 1:23: Ais 40.3

²⁹ Mi asuhuiga miri gianjiiga Jonöñ Jisös tikep kaiga eka jiyök, “Eket, azi mi Anutugöreñ lama moröñi. Yañön mönö gölmerji gölmerji neñgö siñgisöndoknini köl köñjörari solanibin. ³⁰ Nöñön kungöra keu jiba malali, yañön mönö mia akza. Kewö jiba malal: Nöñgö andöne azi kun kamawi, nöñön qahö asuhubiga yañön lök mutuhök malök. Miangöra yañgö qetbuñañan mönö ni nongita öñgöñgöñi akza. ³¹ Nöñön i mutuk qahö möt kutuyalmö, Anutunöñ könañamñi Israel ambazip neñgöra indeli mötpingöra mötza. Mi möta ni melaim niñgiiga kaba o melun mem eñgimakzal.”

³² Jonöñ mewö jiba dangunu ewö kinda nañgöba kewö jiyök, “Uña Töröñan mönö Suepnöhök eta kembö nei ewö yañgö nööröpñe eta köla tari ehal. ³³ Nöñön i mutuk qahö möt kutuba malalmö, kunöñ ambazip o melun mem eñgimangöra melaim niñgiyöhi, yañön kewö jii möral, ‘Uña Töröñan kungö nööröpñe eta köla tari ekñani, yañön mönö Uña Töröñi ambazip uruñine ala melun mem eñgima.’ ³⁴ Nöñön mi ehalangöra aka könañamñi kewö nañgöba jizal, ‘Yañön Anutugö Nahönñi akza.’” Mewö.

Jisösnöñ gwarekurupñi mutukñi eñgoholök.

³⁵ Mewö jiiga miri gianjiiga Jonöñ kunbuk o jitñe miangöreñök aniga gwarekurupñi yengöreñök yahötñan yambuk mohotñe kinget. ³⁶ Kingetka Jisösnöñ miangöreñ eñgongita anöhi, i törörök uba ehiba jiyök, “Azi mi ehot. Yañön mönö Anutugöreñ lama moröñi ewö akza.”

³⁷ Mewö jiiga gwarek yahöt yetkön keu mi möta Jisösgö andöñe anohot. ³⁸ Anohotka Jisösnöñ lilingöba andöñe kayohori, i etkeka kewö qesim etkiyök, “Inñiri niñia jaruba kazahot?” Mi möta jiyohot, “Ketañamniri! Gi miri denike ahöba maljan?” (Juda yeñön ‘Ketañamnini’ keu mi böhigöra jiget.)

³⁹ Mewö jiyohotka meleñnök, “Mönö kaba ehot!” Mewö meleñniga wehön möñaiiga 4 kilok miangö dop ahök. Wehön möñaiiga miangöreñ mohotñe anda miri denike ahöba malöhi, mi eket. Mi eka miangöreñ yambuk malohotka miri söñaubu suñgem aiga mosöta kayohot.

⁴⁰ Jonöñ keu jiiga gwarek yahötñan möta Jisösgö andöñe anohori, yetköreñök kungö qetñi Andru, datñi qetñi Saimon Pitö. ⁴¹ Andru yañön mutuk datñi Saimon miwikñaiba kewö jii mörök, “Niri Amötqeqe Toñi mönö miwikñaizit.” Amötqeqe Toñi mi Grik keunöñ Kraist. ⁴² Mewö jiba datñi wañgita Jisösgöreñ anohot. Anohotka Jisösnöñ Saimon törörök uba ehiba jiyök, “Gi Saimon, Jongö nahönñi akzanmö, nöñön qetki Sifas qetpi ahöma.”* Mewö.

Jisösnöñ Filip aka Natanael etkoholök.

⁴³ Miri gianjiiga Jisösnöñ Galili prowinsnöñ anmamgö möta anda könanöñ azi qetñi Filip miwikñaiba kewö jii mörök, “Gi mönö ni nuatanğöba kaman!” ⁴⁴ Filipnöñ Andru aka Pitö yetpuk miriñini mohok. Taonñini qetñi Betsaida.

⁴⁵ Filipnöñ azi qetñi Natanael miwikñaiba kewö jii mörök, “Mosesnöñ azi kungöra Köna keunöñ ohoba kezapqetok yeñön toroqeba ohoget ahözawi, nini mönö azi mia miwikñaizin. Azi mi qetñi Jisös, iwiñi qetñi Josef, miriñi qetñi Nazaret.”

⁴⁶ Natanaelnöñ mi möta welipköba jiyök, “O Nazaret! Mi miri qandakña. Yuai ölöpñi kun mönö miangöreñök asuhumawañgö dop qahö.” Mewö jiiga Filipnöñ jii mörök, “Mönö kaba nangak ek kutuman!”

⁴⁷ Mewö jii möta Jisösgöreñ kaba asuhuiga eka yañgöra keu kewö jiyök, “Eket! Azi kianñön mönö Israel azi ölni akza. Uruñe muney geñmoñi kun qahö.”

⁴⁸ Mewö jiiga Natanaelnöñ qesim wañgiba jiyök, “Gi mönö denöwö aka ni möt kutum niñgizan?” Mewö jiiga Jisösnöñ meleñda jiyök, “Gi fig ip† könañe tatnönnga gek kutuyal. Mutuk gek kutubiga Filipnöñ miangö bapñe geke goholök.”

⁴⁹ Mewö jiiga Natanaelnöñ meleñda jii mörök, “O Ketañamni, gi mönö ölna Anutugö Nahönñi akzan. Gi Israel neñgöreñ azi Kembuya maljan!”

* 1:42: Sifas mi Grik keunöñ Pitö, nanine keunöñ köt jamönñij. † 1:48: Fig mi sambu ewöya. Mi nupñine kömötketka kötni nahömñambuk asuhuiga mi nalö gwötpuk nezema.

⁵⁰ Mewö jiiga Jisösnöñ melenḁa jiyök, “Ni mutuk kewö jizal, ‘Gi fig könañe tatnönḁa gek kutuyal.’ Mewö jim miwikñaiḁazalañḁora ölöḁ möt narim niñḁizan. Anutugöreñ kukösüm ki eka mötzani, mi mönö yuai kötoñḁökñi akza. Ölnji ketañi mi mönö bian eka möta malman.”

⁵¹ *Mewö jiba toroqeba jii mörök, “Nönñon keu öñ töhöññi kun kewö jibi mötnönñ: Könañḁep nönḁö gwarekurupñi aketka kutum enḁuasöriga imut kewö ekñe: Sueḁ nañḁunönñ taliga Anutugö garataurupñan asuḁuba Sueḁ gölmegö Azi Ölnji yambuk nariba yañḁöreñ eta öñḁöba aketka enḁekñe.” Mewö.

2

Jisösnöñ o mem letoriga wain ahök.

¹ Jisösnöñ Filip aka Natanael etkoholiga silimñi karöbut teköi malgetka kunönñ ambi memegö maren lömbuañ ali tokoget. Mi Galili prowinsgö miri qetñi Kana miangöreñ alget. Jisösgö namñan miangöreñ mohotñe ani malget. ² Jisös aka yañḁö gwarekurupñi mi mewöyök öröm enḁigetka lömbuañnönñ mohotñe malget. ³ Miangöreñ malgetka wain onönñ qahöwahiga Jisös namñan nahönñañḁora jiyök, “Yenḁöreñ wain o qahöwakza.”

⁴ Mewö jiiga kewö jii mörök, “Namni, mi denöwö akñamḁora jizan? Jim kutum niñḁizan me? Nönḁö anḁöletot meme nalönan mönö qahö kam kuñḁuiga maljal.”

⁵ Mewö jii möta welenqeqe yenḁora kewö jiyök, “Yaññon yuai kungöra jim kutum enḁimawi, mi inḁini ölöḁ akñe.”

⁶ Juda yenñon amöt qem anḁubingöra Köna keuñini wuatañḁöba börönñini sañḁonñmaljema. Miangö dop miri miangöreñ köurañen ketañi 6 tarök. Köurañen mohot mohot mi o gina 8 me 12 miaññon geba kokolak qenahanḁö dopñan tatket.

⁷ Jisösnöñ mi eka kewö jii mötket, “Inḁini mönö o uba kaba mokogetka köurañen ki kokolak qeget.” Mewö jii möta jiyöhanḁö dop aket. ⁸ Köurañen mi kokolak qegetka kewö jim kutum enḁiyök, “Möno o qakñi tosatñi uba anda lömbuañ galöm wañḁime.” Jim kutum enḁiiga memba anget.

⁹ Uba angetmö, galömnönñ o letota wain ahöhi, mi memba möta denikeyök memba kageri, mi qahö möt asariba auruyök. Auruyökmö, welenqeqenönñ o ugeri, yenñon mi möta jigetka galömnönñ maren toñi oholi kayök. ¹⁰ Kaiga kewö jii mörök, “Maren nalöñe körek pakpak yenñon wain o ölöḁñi mi mutuk memba kaba enḁimakze aka mi memba enḁololonñ aketkun wain o nahömñi qahö mi könañḁep enḁimakze. Göñon wain o ölöḁñi mi mutuk anḁön köla qahö enḁiba dölnki nalö onḁita memba kazan. Mi silik murutñi kun akzan.”

¹¹ Jisösnöñ anḁöletot mutukñi ki mi Galili prowinsgö miri qetñi Kana miangöreñ meyök. Mi memba mewö miaññon kukösümñi indeliga asuhuyök. Mi asuhuiga gwarekurupñan möt narim wañḁiget.

¹² *Közölömbuañnönñ malget teköiga Jisös, yañḁö nam-munñi aka gwarekurupñi yenñon mirinñine Kaperneam anget. Miangöreñ anda sömañ tosatñi toroqeba malget. Mewö.

Jisösnöñ jöwöwöl jike jim kömbuhiyök.

Mat 21.12-13; Mak 11.15-17; Luk 19.45-46

¹³ *Nalö miangöreñ Juda nenḁöreñ ak-kömukömu kendon nalöñan dopdowiyök. Anutunönñ mönöwök nenḁehoriba nenḁonḁiröhi,* miangöra söñḁaibingö aketka Jisösnöñ mewöyök mirinñi mosöta Jerusalem sitinönñ öñḁöyök. ¹⁴ Sitinönñ öñḁöba jöwöwöl jikegö tohoñ uruñe anda yuai kewö miwikñaiyök: Ambazip bulmakau azinñi, lama aka kembö nei mi bohonñi memegöra alget aka tosatñan moneñ utekutek albingöra tatkeri, mi enḁehök.

* 1:51: Jen 28.12 * 2:12: Mat 4.13 * 2:13: Eks 12.1-27 * 2:13: Anutunönñ Ijipt miangöreñ Israel ambazip nenḁehoriba nenḁonḁirök, miangö söstöñḁainñi mi Nei keunönñ Pasowa. Eksodus, Mekömekö 12.15

¹⁵ Mi engeka kösönöŋ tapep (muŋgamuŋga) mönjöŋda mianjön enghotiriba enghuyök. Enguba ambazip mi körek közöl enghiba lama bulmakauŋinambuk jöwöwöl jikenöhök enghuatangyök. Utekutek ambazip yeŋgö souje kötnini metaliga mokoba eriga tebolŋini metali anget. ¹⁶ Kembö bohonŋini memegöra algeri, ambazip mi kewö jim enghiyök, “Yuai mi mönö memba kesala yaigep anget. Inini nöŋgö Iwinangö jöwöwöl jikenŋi ki mönö wuanöŋgöra utekögetka kölköl-örörö miri ewö akza?”

¹⁷ *Mewö jiiga Buŋa keu kun gwarek yeŋgö mötmötŋine kaŋgoriga mötmöriget. Keu mi kewö ohoget ahöza, “Nöŋgö urunan göhöreŋ jike mi kömbukŋi ahömapköra kapaŋ kölbiga mianjön urune newaŋ könöp ewö jeiga waimanjat mianjön kawöl mi-wikŋaimakzal.”

¹⁸ Mi közöl enghiga Juda jitŋememe yejön tembula wahöta Jisösgöreŋ kaŋgota kewö qesim waŋgiget, “Gi mönö wani aŋgöletot kun aknöŋga kukösumgi ehinga dop köl nenghigun kimbi mewöŋi akanak?”

¹⁹ *Mewö qesim waŋgigetka kewö meleŋ enghiyök, “Inini jöwöwöl jike ki köndengetka gölmenöŋ eriga nöŋön mi wehön karöbutkö uruŋe memba wahöta kuŋgumam.”

²⁰ Meleŋ enghiga kewö jiget, “Yambu (yara) 46:gö uruŋe jöwöwöl jike ki memba mala mem tekögetka asuhaba kinja aiga göŋön mi wehön karöbutkö uruŋe mönö denöwö aka memba wahöta kuŋgubanak?”

²¹ Mewö jigetmö, Jisösnöŋ jikegö keu mi nanŋi sileŋangö söpsöpŋa ala jiyök. ²² Jisösnöŋ könaŋgep kömupnöhök wahöriga söpsöp keu jiyöhi, mi nalö miangöreŋ gwarekurupŋi yeŋgö mötmötŋine kaŋgori ölop möt asariget. Mi mötmöriba Jisösnöŋ keu jiyöhi, mi aka Buŋa keu ohogeri, mi pakpak möt nariget. Mewö.

Jisösnöŋ ambazip könaŋamnini möt teköza.

²³ Jisösnöŋ Jerusalem sitinöŋ ak-kömukömu kendongö nalöŋe mala aŋgöletot kukösumŋambuk meyöhi, mi ambazip gwötpukŋan eka qetŋi möt nariba yaŋgöreŋ lap-ingöget. ²⁴ Lapingögetmö, Jisösnöŋ ambazip pakpak yeŋgö könaŋamŋini möt kutum teköyök. Mewögöra ambazip pakpak qahö möt narim teköm enghiba keuŋinaŋgö bapŋe qahö anda malök. ²⁵ Ambazip uruŋine keu yuai ahöyöhi, Jisösnöŋ kuŋŋan ambazip uruŋinaŋgö könaŋi mi indela kondel waŋgimawaŋgö dop qahö ahök. Mönö nanŋak mi ölop möt kutum teköyök. Mewö

3

Jisösnöŋ Nikodemus urumeleŋgö könaŋi kusum waŋgiyök.

¹ Juda könaŋesögö jike kaunsöl sutŋine jitŋememe azi kun qetŋi Nikodemus malök. Yaŋön Farisi (Köna keugö kapaŋkölköl) kambunöŋ kinök. ² Yaŋön suŋgem kunöŋ Jisösgöreŋ kaŋgota kewö jii mörök, “Ketaŋamni, gi aŋgöletot memakzani, mi azi kuŋŋan Anutu yambuk qahö kiniga nanŋök memangö osimakza. Miangöra gi Anutunöŋ nam köl gihiiga böhi akzan, mewö mötzin.”

³ Mewö jiiga kewö jiba meleŋ waŋgiyök, “Nöŋön keu öl töhöŋŋi kun kewö jibi mötnöŋ: Kuŋŋan Anutugöreŋök ahuahü dölökŋi qahö ahuma ewö, yaŋön mönö Anutugö bemtohoŋe aŋgota ekŋamgö osima.”

⁴ Meleŋ waŋgiiga kewö jiyök, “Kuŋŋan lök ahuba ambazip namŋi aka malagun ahuahü dölökŋi mönö denöwö ahubawak? Yaŋön mönö nam körö uruŋe aŋgori kunbuk gölöm ala memangö osima.”

⁵ Mewö jiiga kewö meleŋnök, “Nöŋön keu öl töhöŋŋi kun kewö jibi mötnöŋ: Kuŋŋan o melun mem waŋgigetka Uŋa Töröŋan uruŋe geiga mewöŋi mianjön ahuahü dölökŋe qahö ahüza ewö, mewöŋi mianjön mönö Anutugö bemtohoŋ uruŋe aŋgotmamgö osima. ⁶ Gölmegö iwinam enghöreŋök morö ahuzawi, mi gölme moröya. Uŋa Töröŋan inahöba nam köliga morö asuhumakzawi, mi mönö Suepkö moröya.

* 2:17: Sum 69.9 * 2:19: Mat 26.61; 27.40; Mak 14.58; 15.29

⁷ “Mewögöra inini ahuahu dölökni Anutugöreñök qahö ahume, mianjón mönö qahö dop kölja. Keu mi jibiga miangöra mönö kude auruman. ⁸ Luhutnön nanji imbi-imbi laj giliga ötöñi mörakzanmö, mi denikeyök kaba gilakza aka denike gila anakzawi, gi miangö könañi qahö möt asarizan. Uña Töröñan ambazip nam köl enjiiga ahuahu dölökñe ahugeri, körek yeñgö könañinan mönö luhut miangö dop akza.”

⁹ Mewö meleşniga Nikodemusnön köñkuñ aka kewö jiyök, “Mi ahakö dop qahö.”

¹⁰ Mewö jiiga Jisösnön jiyök, “Gi Israel könagesö kusum neñgimakzan aka töndup keu miangö könañi qahö möt asarizan. Mi kude dop kölja. ¹¹ Nönön keu öl töhönñi kun kewö jibi mötnön: Neñön wania möt kutuzini, mi jiba indelakzin aka wania jeninan eka mötzini, mi nañgöba jimakzin. Mewö ahakzinmö, enñön töndup Buña keunini mi qahö möt anjón kölakze.

¹² “Gölmegö yuaiñi jenön ehekñi miangö keunji jibiga möta qahö möt narim niñgize ewö, nönön Suepkö yuaiñi qahö ehekñi miangö könañi jibiga mötmei, mi mönö denöwö möt naribeak? ¹³ Gölmegö azi kunñan Suepnön qahö öngöyökmö, Suep gölmegö Azi öñan Suep mire mala eta asuhuyöhi, yañön mönö lilingöba Suepnön öngöma.

¹⁴ * “Anutunön Moses gölme qararankölkölñe jim kutui kopö ainön mokoleñ imutñi memba tohotnön kösököi kinöhi, miangö dop Suep gölmegö Azi Öñi mi kösökögetka öngöba kinma. ¹⁵ Ambazip i möt narim wañgizei, yeñön körek pakpak malmal köhöikñi miwikñaiba malmegöra aka eu öngöma.

¹⁶ “Miangö könañi kewö: Ambazip i möt narim wañgizei, yeñgöreñök kunñan ayuhubapuköra Anutunön gölme dop önöñi qahö jöpaköm neñgiyök. Neñön körek letota malmal köhöikñañgö buñaya akingöra mönö Nahönñi mohotsirik mi neñgiyök. ¹⁷ Ambazip gölme dop mal anjini, Anutunön Nahönñi neñgö keunini jim tekömapköra aka qahöpmö, Nahönñan amöt neñguiga kantri dop letota oyaenköyaen akingöra aka melaiiga gölmenön erök.

¹⁸ “Ambazip kunñan Nahönñi möt narizawi, Anutunön yañgö keunji jim teköiga qahö ayuhumapmö, kunñan Jisös qahö möt narim wañgizawi, Anutunön yañgö keunji lök jim teköiga malja. Anutugö Nahönñi mohotsirikö qetñi qahö möt narizawañgöra aka könöp siagö buñaya akña. ¹⁹ Anutunön gölme ambazip keunini jim tekömakzawi, miangö könañi kewö: Asakñan lök gölmenön eta asuhuyökmö, ambazipnön ahakmeme bölöñi bölöñi aka memba malget. Mewö mala Anutugö asakñi tököba uruñini söñaupkö ahakmemenön laj jöhöba mala kotket.

²⁰ “Körek pakpak ahakmeme bölöñi ahakzei, yeñön Anutugö asakñi tököba andö qemakze. Anutunön ahakmemenini bölöñi bölöñi mi indela jim enjiiga gamuñini mötpepuköra keñgötñini mörakze. Mi möta asakñañgö uruñe qahö angorakze. ²¹ Qahö angorakzemö, kunñan kun keu öñi wuatangöba maljawi, yañön ölop asakñañgö uruñe kañgotma. Anutunön sölölohöm wañgiiga ahakmemenini aka memba malöhi, miangöra ahakmemenini mianjón aukñe asuhumapköra mötza.” Mewö.

Jon O-melun azinön Jisösgö könañi jim miwikñaiyök.

²² Jisösnön mewö jim teköba kinda gwarekurupñi enğuangita Jerusalem siti mosöta Judia prowinsgö miri andöñe anget. Miangöreñ anda gwarekurupñi yembuk sonda tosatñi toroqeba yembuk mala ambazip o melun mem enjiba malök. ²³ Jisösnön mewö malökmö, Jonön mewöyök miri qetñi Salim miangö kösutñe malök. Miri qetñi Aion miangöreñ o jök ahöyök aka ambazipnön Jongöreñ kañgota o melun mem enjimapkö qesigetka amqeba mem enjiba malök. ²⁴ *Nalö miangöreñ Jon mi kösö mire qahö algetka tarök.

²⁵ Juda yeñön amöt qem angubingöra böröñini sanjonmaljema. Mewögöra Jongö gwarekurupñi yeñön Juda azi kunbuk keu miangö goranora aka könañi hitnakölik jiget. ²⁶ Mewö jigetka lömböriiga Jongöreñ kaba kewö jiget mörök, “Ketañamnini mötnön,

* 3:14: Jañ 21.9 * 3:24: Mat 14.3; Mak 6.17; Luk 3.19-20

azi Jordan o likepne göbuk maliga nangak könanamni nangöba jinöni, yanön ambazip o melun mem enjiiga jesöngönan mönö yangören anakze.”

²⁷ Jonön mi möta kewö meleşnök, “Anutunöy azi kungöra yuai kun Suepnöhök qahö al wanğibawak ewö, yanön mönö mi buja qem anğumamgö osiza. ²⁸ *Yambuk mala kewö jial, ‘Ni Amötqeqe Toñi Kraist qahö akzalmö, Anutunöy melaim niñgiiga mutuk kazala yanön andöne kama.’ Nöñon keu mi jiali, injini mi ölop nanñinak nangöba jiba malbeahangö dop akze. ²⁹ Mianğö keuñi dop ala kewö jimam: Azi kunñan ambi buñañambuk aka ambi memamgöra sösöngai keu jim sehiba malja. Mewö maliga azi alañan kösutje kinda sösöngai keuñangö jölñi möta yangöra önöni qahö söngaimakza. Mianğö dop nöñon Jisösgö alañi aka yangöra söngai biga sösöngai mianñon döлки uruni kokolak qeiga maljal. ³⁰ Jisösgö qetbuñañan qarim sehiiga nöngörenan mönö waziiga dop kölma.” Mewö.

Jisösnöy Suepnöhök eröhanğö könañi jiyök.

³¹ “Dañon euyangörenök eröhi, yanön ambazip körek pakpak engongita öngöngöni akza. Kunñan gölmenöy asuha gölmegö bujaya akza aka gölmenöy malmalgö keuñi jimakza. Suepnöhök eta kayöhanñon mönö körek pakpak engongita öngöngöni akza. ³² Yanön yuai eka möt kutuba malöhi, mianğö könañi jiba nangöba dangunu ewö kinja. Mewö kinjapmö, nangönanğö keuñi mi ambazip kunñan kun qahö möt anğon kölja.

³³ “Ambazip kunñan nangönanğö keuñi möt anğon köljawı, yanön Anutu ölbölñi akzawangö keuñi mem köhöiiga pöwöwömni akña. ³⁴ Anutunöy kolek aziñi melaiba Uñañi Törönji musa qakñe qahöpmö, keleşmaleleş wanğimakza. Mianğöra kolek aziñan mönö Anutugö keu töhönñi indela jimakza. ³⁵ *Iwinöy Nahönñi uruñan jöpaköm wanğimakzawangöra aka yuai pakpak buja qem wanğiba böröñe ali ahöza.

³⁶ “Ambazip kunñan Nahönñi möt nariba uruñi melenjawı, yanön mönö kunbuk letota malmal köhöikñangö bujaya akza. Kunñan Nahönñangö keuñi qahö tem kölakzawı, Anutugö irimesewölñan mönö yangö qakñe öngöba pöndañ kini malmal köhöikñangö könañi qahö ek kutuba önewat lañ malja.” Mewö

4

Jisösnöy Samaria ambi kunbuk keu eraum mörohot.

¹ Jisösnöy mewö ambazip kusum enjiiga gwarekurupñi aketka o melun mem engiba mewö mianñon Jon O-melun azi luhut ala malöhi, keu mi Farisi (Köna keugö kapañkölköl) yeñgö kezapñine gei mötket. Yeñon mi mötkeri, buzup mi jiget sehiba Kembangö kezapñe gei mörök. ² Jisösnöy nanñak ambazip qahö o melun engiyökmö, yanön jiiga gwarekurupñan mi aket. ³ Mi möta Judia prowins mosöta lilingöba kunbuk Galili prowinsnöy göröken anget. ⁴ Köna mewö anda Samaria prowins onğita anget.

⁵ *Onğita anda Samaria prowinsgö taonñi kun qetñi Sikar mianğören anğorök. Sikar taon mi Jeikobnöy gölme bahöñi kun nahönñi Josef wanğiyöhi, mianğö kösutje ahöza. ⁶ Jeikobkö o lömñi diginğambuk mi Sikar taonöy ahöza. Jisösnöy köna kayöhanğöra aka sileñi lömböriiga silim bibiñe o lömñi mianğören anğota kösutje eta tarök.

⁷ O löm kösutje tariga Samaria ambi kunöy o umamgö kayök. Kaiga Jisösnöy eka kewö jii mörök, “Gi ölop o niñginöñga nembileñak.” ⁸ Nalö mianğören gwarekurupñan nene bohonñi membingöra i mosöta taonöy angetka nanñirök kinohot.

⁹ *Juda ambazipnöy Samaria prowins qepureim engiba yembuk köisirik qahö maljema aka pake mohot mianñon o qahö uzema. Mewögöra nanñirök kinohot mianğören ambinöy kewö jii mörök, “Gi Juda azia aiga ni Samaria ambiapmö, denöwögöra ‘O niñginöñga nembileñak,’ jiba qesim niñgizan?”

* 3:28: Jon 1.20 * 3:35: Mat 11.27; Luk 10.22 * 4:5: Jen 33.19; Jos 24.32 * 4:9: Esra 4.1-5; Neh 4.1-2

¹⁰ Jisösnöñ qeqesi mi möta kewö meleş wañgiyök, “Gi Anutu kalemñangö könañi möt kutunöñga dop kölbawak. Dañön ‘O niñginöñga nembileñak,’ jiba qesim gihizawi, yañgö könañi möt asaribanak ewö, i mönö qesinöñga malmalgö onji gihibawak.”

¹¹ Mewö jiiga kewö jii mörök, “O ketañamni, o umamgö pakegi kun qahö ahöza aka o löm kianñön mönö diginñambuk akza. Miangöra malmalgö ogöra jizani, mi mönö denikeyök miwikñainöñga ahubawak? ¹² Isik bömönini Jeikob yañön o lömñi ki neñgiyök. Yañön mutuk nanñak aka yañgö andöñe nahönurupñan ki kaba o uba nempa maljema aka bulmakau kambuñi kambuñi o engigetka nempa maljema. Gi Jeikob onñgita öñgöñgöñi aka ambazip o mem sehim eñgimamgö jizan me?”

¹³ Mi möta Jisösnöñ kewö meleşnök, “Ambazip körekñan o ki nembagun mönö kunbuk ogö kömumba nembangö mörakñe. ¹⁴ Mewö malmemö, nöñön kungöra o wañgimami, yañön mi nembagun nalö kunöñ ogö kunbuk qahö kömuma. Mewö qahöpmö, o wañgimami, mi mönö yañgö uruñe letota malmalgö o jeñi jöpjöpköñi qahö aiga malma. Mewö mali mönö uzumgöba malmal köhöikñi teteköñi qahö wañgimakña.”

¹⁵ Mewö meleşniga ambinöñ jiyök, “O ketañamni, gi mönö o mia niñginöñga nemi. Mi nembagun nalöñi nalöñi kunbuk ogö qahö kömumbileñak aka o umamgöra ki könasöksök qahö tibileñak.”

¹⁶ Mi jiiga kewö jim kutum wañgiyök, “Gi mönö anda apki wañgita ki kamahot.”

¹⁷ Mewö jim kutum wañgiiga “Ni apni qahö,” jiba meleşnök. Meleşniga kewö jii mörök, “Gi ‘Apni qahö,’ keu mi törörök jizan. ¹⁸ Gi öñña azi 5 eñgömempa malnöñ aka merak kun memba maljani, yañön mönö göhö apki qahö akza. Keu jizani, mi öñ töhöñña.”

¹⁹ Ambinöñ mi möta kewö jii mörök, “Ketañamni, gi mönö kezapqetok azi qainñi kun akzan. Nöñön tandöki mewö gek kutum gihizal. ²⁰ Neñgö ambösakonurupñinan kunduñi kondela kiangöreñ öñgöba sipköba köuluköba malgetmö, Juda eñön kewö jimakze, ‘Samaria eñön mönö Jerusalem sitinöñ öñgöba jöwöwöl jikenöñ sipköba köulukögetka dop köñja.’”

²¹ Mi möta Jisösnöñ kewö jim kutuyök, “O ambi, nalö kun kam kuñguma. Inñi nalö miangöreñ Iwi waikñi memba möpöseibingöra kunduñi kiangöreñ me Jerusalem miangöreñ qahö öñgöba malme. Gi keu mi ölop möt narinöñga dop köñma. ²² Samaria inñi Anutugö könañi törörök qahö möt kutuba töndup yañgö waikñi lañ memba möpöseimakze. Amötqeqegö könañi mi Juda neñgö sutnine aukñe asuhuba ahöza. Miangöra Juda neñön Anutuninañgö könañi möt kutuba waikñi memba möpöseininga dop köñja.

²³ “Töndup nalö kun kewö asuhuma: Nalö miangöreñ Uña Töröñan ambazip sölölohöba inahöm eñgiiga keu öññi wuatangöba Iwi waikñi memba öñña möpöseiba malme. Iwininan ambazip mewöñi jarum eñgiba asuhumegöra sihimñi möta malja. Nalö murutñi miangön mönö lök kam kuñguba döñki ahöza. ²⁴ Anutunöñ Uñaya akza. Miangöra Uña miangö waikñi memba möpöseimakzei, yeñön mönö Uña Töröñan sölölohöba inahöm eñgiiga keu öññi wuatangöba möpöseiba malme.”

²⁵ Jisösnöñ mewö jim kutuiga ambinöñ jii mörök, “Amötqeqe Tonji qetñi Kraist qetzei, yañön kamamgö akza, mi mötzal. Yañön kamawi, nalö miangöreñ mönö keu pakpak indel neñgiiga mötpin.”

²⁶ Jisösnöñ keu mi möta könañi kewö indelök, “Göbuk ki kinda keu eraum mötziri, nöñön mönö mia akzal.” Mewö.

Gwarek yeñön kaba yetpuk toroqeqet.

²⁷ Könañamñi indeliga gwarek yeñön miangöreñök lilingöba kaget. Kaba ambibuk eraum mörohot, mi eka welipkögetmö, kunöñ kewö qahö qesiyök, “Gi denöwögöra yambuk keukeu jizahot?” me “Wanigöra ak gihiza?” Mewö qesibingö mötketmö, körekñan ölöñ tatket.

²⁸ Ölöñ tatketka ambinöñ o pakeñi mosöta taonöñ anda ambazip yeñgöra kewö indela jii mötket, ²⁹ “Mötket! Nöñön azi kun miwikñaibiga yuai pakpak aka malali, miangö

könañi indela jii mötzal. Miangöra yañön mönö Amötqeqe Tonji Kraist akapuk. Mönö nanñinak kaba azi mi ekñe.”³⁰ Keu mi möta taon mosöta öröba Jisösgöreñ anget.

³¹ Gwarek yeñön nalö sutñe miangöreñ Jisös qesim wañgiba kewö jiget, “Ketanjamnini, ölop nene nenöñ.”

³² Mewö jigetmö, kewö jiyök, “Nöñön neneñamni qainñi kun memba maljali, iñini miangö könañi qahö möt kutuze. Qahö!”

³³ Mi möta nanñini qesim añguba kewö jiget, “Kunñan nene kun memba kaba wañgiza me denöwö?”

³⁴ Mewö jigetka kewö jii mötket, “Melaim niñgiiga kayali, nöñön yañgö jitrñi tem köla nupñi mem sorokömakzali, miangön mönö nöñgö neneñamni akza. ³⁵ Iñini keu kewö jibepuk, ‘Köiñ 4 kunbuk ahöiga öläm-izi-izi nalöñan törima.’ Mötket, nöñön miangöra kewö jizala kezap alget: Nup boñi ketañi miangö öññinan lök öliiga meme nalöñinan kam kuñguza. Iñini mönö jeñini uget aniga mi uruñine ek kutume. ³⁶ Tosatñan mutuk keu kötni qesiñda gila malgetka öññan nalö kewöñe asuhuiga tosatñan mi lök tokoba töwañini megetka ambazipñi ambazipñi malmal köhöikñangö buñaya ahakze. Mewö asuhuiga öññi meme yeñön qesiñ gilgil ambazip yembuk mindiriba mohotñe söñgaiba simbawoñ mötze.

³⁷ ‘Kunöñ kötni qesiñ giliga kunöñ öññi mezawi,’ keu mewö jimakzei, mi keu öñña. Mi Anutugö nup memegö könañi indelja. ³⁸ Nöñön iñini melaim eñgibiga nup qainñi kunöñ nanñinak yuai kötni qahö kömötkeri, mönö nup miangöreñ anda öññi meme. Tosatñan mutuk sileñini qeba nup memba malgetka eñön yeñgö könañine anda nup megerañgö öññi miwikñaiba memakñe. Mewö melaim eñgizal.” Mewö

Samaria ambazip gwötpukñan uruñini melenget.

³⁹ Samaria ambinöñ keu kewö nañgöba jiyök, “Nöñön azi kun miwikñaibiga yuai pakpak aka malali, yañön mönö miangö könañi indela jii mötzal.” Mewö jiyöhañgöra Samaria ambazip gwötpukñan Sikar taon miangöreñ uruñini melenñda Jisös möt narim wañgiget. ⁴⁰ Möt narim wañgiba yañgöreñ kaba yembuk toroqeba malmapköra kapan köla qesigetka silim yahötkö dop toroqeba miangöreñ malök.

⁴¹ Mewö mala keu jiba malöhañgöra aka gwötpukñan Jisös möt nariba toroqem wañgigetka kambuñini qariyök. ⁴² Toroqem wañgiba ambigöra kewö jiget, “Azi kiañön öñña gölmenji gölmenji neñgöreñ Amötqeqe Tonina akza. Neñön mi göhö keugörök qahö toroqeba möt narizimö, mi naninak kezap ala möta möt kutuzin.” Mewö.

Jisösnöñ jembon azi kungö nahöñni mem ölöwahök.

⁴³ Jisösnöñ Samaria maliga silim yahöt teköiga eñgömosöta Galili prowinsnöñ anök.

⁴⁴ *Jisösnöñ nanñak nalö kunöñ keu kun kewö nañgöba jiyök, “Kezapqetok ambazip kunñan nanñe miri gölmenöñ maliga yañgöra qahö mötket öñgöiga göda qahö qem wañgimakze.”

⁴⁵ *Mewö jiyökmö, töndup nalö miangöreñ nanñe Galili prowinsnöñ kañgoriga miangöreñ mewöyök tosatñan jölöñi jiget. Yeñön ak-kömukömu kendongöra Jerusalem sitinöñ öñgöba Jisösnöñ kendon nalöñe añgöletot meyöhi, mi pakpak eka mötket. Miangöra nalö miangöreñ ölop köl öröm wañgiget.

⁴⁶ *Galili prowins yeñön köl öröm wañgigetka miri qetñi Kana mutuk o meiga letota wain ahöhi, miangöreñ kunbuk kayök. Taon qetñi Kaperneam miangöreñ kin kembugö jembonñi kun malök. Yañgö nahöñnan kawöl yöhöiga ahöyök.

⁴⁷ Ahöba kömumangö ahök. Miangöra Jisösnöñ Judia prowins mosöta Galili uruñe kayöhi, yañön miangö buzupñi möta Jisösgöreñ anda kewö qesim wañgiyök, “Gi ölop kaba nahöni mem ölöwak wañgiman.” ⁴⁸ Qesim wañgiiga kewö jii mörök, “Iñini ni öne qahö möt narim niñgimeañgö dop akzei, mi qahö dop kölja. Nöñön añgöletot aiwesök membi ekagun mönö amqeba ni möt narim niñgiba uruñini melenbeak.”

* 4:44: Mat 13.57; Mak 6.4; Luk 4.24 * 4:45: Jon 2.23 * 4:46: Jon 2.1-11

⁴⁹ Mewö jii mörökmö, jembonöy kewö jiyök, “Ketanjamni, nahönan kömumbapuköra mönö ösumok kaman.”

⁵⁰ Mewö jiiga melen wangiyök, “Nahöngan mönö ölöwaka malma. Miangöra mönö ölop lilingöba anman.” Mewö melen wangiiiga yanön mi möt nariba lilingöba anök. ⁵¹ Anda könanöy maliga welenqequeurupnan kaba miwikñaiba kewö jiget mörök, “Nahöngan lök ölöwaka malja.”

⁵² Mi möta qesim engiba jiyök, “Wani nalönöy könahiba ölöwahök?” Mewö jiiga jiget mörök, “Uran mare wan kilok miangörey sile könöpni mosörök.” ⁵³ Mi möta mötmötji kewö ahuba asariyök: Aha! Jisösnöy “Nahöngan mönö ölöwaka malma,” jiyöhi, mönö aua miangöreyök ölöwahök. Keu mi möt asariba i aka saiwaurupni pakpak yanön urunini melenja Jisös möt narim wangiget.

⁵⁴ Jisösnöy Judia mosöta Galili prowins uruje kaba angöletot kun ki meiga yahöt ahök. Mewö.

5

Jisösnöy Betesda o angö jitje azi kun mem ölöwahök.

¹ Könanjep nalö kunöy Juda yengö kendon ketani kun töriiga Jisösnöy Jerusalem sitinöy öngöyök. ² Jerusalem sitigö selnöy nangu kun mi lama yengöra ahöyök. Miangö kösutje o angö kun qetji Hibu keunöy Betesda qetkeri, mi ahöyök. Miangö görane luhut miri köröpni ketani 5 tatket. ³ Luhut miri 5 miangö uruje kawöl ambazip kambu ketani ahözema. Tosatjan jejini gömölii tatket. Tosatjan simalokon aka tatket. Tosatjan likepni kömukömuja tatket.*

⁴ Nalö tosatje Kembangörey garata kunöy eta o angönöy timjaliiga unduzapma. Onöy unduiga nalö miangöreyök kunjan mutuk angönöy geiga kawölji mi me mi mianön ölöwahakzapma. Miangöra mamböta tatket. ⁵ Miangörey azi kun yambu (yara) 38 miangö dop kawöl yöhöiga ahömalök. ⁶ Miangörey ahöiga Jisösnöy kangota eka lök nalö köröp tifti kawöl yöhöi ahöba malöhi, mi möta kewö qesim wangiyök, “Gi ölöwakngangö ak gihiza me qahö?”

⁷ Qesim wangiiiga kewö melen wangiyök, “O Kambu, onöy unduba ötöy qeiga alani danön noangita o angönöy anda al ningibawak? Alani mewöni kun qahö malja. Nanak anmangö möta esapköba malali, nalö miangöreyök tosatni yengöreyök kunöy ni nongita anda gemalget.”

⁸ Melen wangiiiga Jisösnöy jii mörök, “Gi mönö wahöta tumbulahöpki memba anöy.” ⁹ Mewö jii möta miangöreyök ölöwaka tumbulahöpni memba anök. Anökmö, yuai mi Sabat kendonöy asuhuyök. ¹⁰ *Miangöra Juda yanön azi ölöwahöhi, yängöra kewö jiget mörök, “Merak Sabat kendon akza. Miangöra tumbulahöpki memba angunöynga qahö dop kölja.”

¹¹ Mi möta kewö meleni mötket, “Möhamgöm ningizawanön mönö kewö jim teköm ningiza, ‘Gi mönö tumbulahöpki memba anöy.’”

¹² Mi möta kewö qesim wangiget, “Azi danön göhöra ‘Tumbulahöpki memba anöy,’ jiza?”

¹³ Qesim wangigetmö, Jisösnöy mem ölöwahiga ambazip kambu ketanan ölökögetka yengö sutrineyök sömuniba anök. Miangöra danön mi ak wangiyöhi, mi qahö möta tönpin kinök.

¹⁴ Miangö andöne jöwöwöl jike tohoj uruje öngöiga Jisösnöy miangörey miwikñaim wangiba gamba keu kewö jii mörök, “Mötnöy, gi lök ölöwakzan. Miangöra ayuayuhu törsait bölöni kötökni kun asuhum ghibapuköra mönö singisöndok kunbuk kude aka malman.”

¹⁵ Azi ölöwahöhi, yanön Jisös ek kutuba anda Juda jitjememe yängöra kewö jii mötket, “Azi mem ölöwak ningiyöhi, yängö qetji Jisös.” ¹⁶ Mi möta Jisösnöy Sabat kendonöy

* 5:3: Mötmöt ambazip tosatjan kewö mötmörimakze: Könakönahiye jabö 3:gö kitipni teteköni aka jabö 4 mi kewö ohoget ahöyök: Yanön o angönöy gwözöynda undumapkö mamböta tatzema. * 5:10: Neh 13.19; Jer 17.21

nup mewöni meyöhi, Juda jitnememe yejön miangöra aka sesewerowero ak wangiba malget. ¹⁷ Mewö malgetmö, Jisösnöj kewö melenj engiyök, “Nöngö Iwinan sundan dop nup memakza aiga nöjön mewönanök mi memakzal.”

¹⁸ Mewö melenj engiba ambazip Sabat kendongö keu tosatni toroqeba algetka Jisösnöj mi ahakmemejan qeapköba yejgö jejine singisöndok ahök. Singisöndok mi toroqeba Anutugöra ‘Iwini’ jiba Anutu tandök ewö maljawangö dop aka nanji mem öngöyök. Juda ambazip yejön yuai yahöt miangöra aka möt kömbuhiba kapan köla Jisös qebingö jim köhöiget. Mewö.

Malmal gulimapkö kukösumni mi Jisösgöreñ ahöza.

¹⁹ Mewö aketmö, Jisösnöj keu kewö jii mötket, “Nöjön keu öl töhönni kun kewö jibi mötket: Nahönöj nanji uruñangö yuai kun qahö memakzawmö, Iwinöj yuai memakzawi, Nahönjan mönö mewönanök memakza. Miangöra Iwinöj yuai meiga ehakzawi, yejön mönö miyök memakza. ²⁰ Iwinöj Nahönji urunöj jöpaköm wangiba mala nanjak nup memakzawi, mi pakpak kondel wangimakza. Miangöra angöletot eka maljei, mi yuai eretji. Miangö ölni mi könangep kondel engiiga eka nemböjini teköi welipköba malme.

²¹ “Kun kewögöra welipköme: Iwinöj ambazip kömukömuñi engömindiga gulimakze. Nahönjan mönö miangö dop mewönanök ambazip köhömuñi niñia gulimegö mötzawi, mi engömindiga gulimakze. ²² Mewönanök Iwinöj kungö keuñi qahö jim tekömakzawmö, jimtekötekö nupkö kukösumni pakpak mi kewögöra Nahönjanjö böroñe ali ahöza:

²³ “Ambazip Iwi göda qem wangimakzei, miangö dop körekñan Nahönji göda qem wangimegöra mötza. Iwinöj Nahönji melaim wangiyök. Miangöra kunjan Nahön qahö göda qem wangizawi, yejön mönö Iwi mewöyök göda qahö qem wangiza.

²⁴ “Miangöra nöjön keu öl töhönni kun kewö jibi mötket: Kunjan nöngöreñ Buña keu möta mötmöriba ni melaim niñgiyöhi, i möt narim wangiza ewö, yejön mönö malmal köhöikñangö buñaya akza. Nöjön keuñi jim teköbiga könöp siagö buñaya qahö akña. Kömup köhöikñangö likepñi mosöta jabö kutuba malmal köhöikñangö likepñe angota mal öngöma.

²⁵ “Nöjön keu öl töhönni kun kewö jibi mötket: Nalö kun kama aka nöngöra aka lök kam kuñguza. Nalö miangöreñ singisöndok aka uru köhömuñi akzei, yejön Anutugö Nahönjan keu qeri mötme. Mi möta tem kölmeañön mönö guliba köhöiba malme.

²⁶ Mi kewögöra: Iwinöj nanjak malmal köhöikñi kondorakzawi, miangö dop malmal gulim köhöimapkö kukösumni mi Nahönji wangii yejön mewöyök ambazip mem gulim engimakza. ²⁷ Yejön Suep gölmegö Azi Ölni maljawangöra aka Iwinöj ambazip keuñini jim tekömapkö kukösumni mewöyök yejgö böroñe ali buñani ahök.

²⁸ “Nöjön keu kötni jizali, miangöra mönö kude aurume. Nalö kun kam kuñgumawi, miangöreñ körek pakpak qaksirinöj ahözei, yejön mewöyök qet qetmawi, mi mötme.

²⁹ *Qetni mi möta wahöta aukñe asuhugetka ahakmeme ölpñi aka malgerañön malmal köhöikñe öngömemö, ahakmeme bölöñi aka malgeri, nöjön yejgö keuñini jim teköbiga kömup köhöikñangö buñaya akñe. ³⁰ Nöjön nani uruñangö yuai kun nanak aka memangö osizal. Ni Iwigö jitñe mörakzali, mönö miangö dop ambazip keuñini jim teköm engimakzal. Nani imbinangö dop lañ qahö memakzalmö, melaim niñgiyöhi, mönö yejgö keuñi wuatangömakzal. Miangöra jimtekötekö keuni jimakzali, mi mönö dopñeyök asuhumakza.” Mewö.

Tosatñan Jisösgö könañamni nangöba jiget.

³¹ “Nöjön nani könañamni nangöba jibileñak ewö, keuni miangön ölp qahö köhöibawak. ³² Alani kunöj nöngö könañamni nangöba jimakza. Yejön nöngöra keu jimakzawi, miangön mönö köhöiba öljambuk akza, mi mötzal. ³³ *Ijini jitnememe

* 5:29: Dan 12.2 * 5:33: Jon 1.19-27; 3.27-30

melaim engigetka Jongörej kagetka keu öljangö dop nöngö könañamni indela jiba nangöyök.

³⁴ “Jiba nangöyökmö, nöñön gölme azigö nangönañgö keuñi mi möta qahö mötpi öngöza. Qahö öngözapmö, Jongö nangönañgö keugöra jimakzali, mi mönö injini nalö kewöñe letotketka Anutunöñ bohonñini jöhömapköra aka jimakzal. ³⁵ Jonöñ kiwa ketañi aka ölöpñanök jeba asariyökmö, injini nalö köröpñi qahöpmö, töröptökñanök yangö asakñe lañ söñgaibingö sihimñi mötket.

³⁶ “Jonöñ köñani töröptökñanök jiiga mötketmö, kunöñ mi nangöba jimakzawi, yangö keuñan mönö Jongörej nangönañgö keu ongitza. Nani Iwinan nupñi al ningii membiga öñi asuhumakza. Öñi miangön mönö könañamni kewö nangöba indelakza: Iwinöñ mönö melaim ningii jitñe memerñi akzal. ³⁷ *Iwinöñ melaim ningii erali, yanön könañamni nangöba jiba malök. Injini nalö kunöñ yangö keu kourukñi qahö mötket aka kaisongolomñi qahö eket. ³⁸ Yanön ninja melaiiga eröhi, injini i qahö möt narim wangize. Miangöra yangö keuñan mönö engö uruñine qahö kinja.

³⁹ “Injini malmal köhöikñangö könañi mi Buña Kimbinöñ ahöm engiza, mewö möt-möriba mi oyonda uru könömñine ala Suepkö buñaya akingö mötze. Mewö mötzmö, kimbiñi kimbiñi pakpak mieñön mönö nöngö könañamni nangöba indelakze. Mi möt yaköze me qahö? ⁴⁰ Nangönañgö keu gwötpuk ahözapmö, injini malmal köhöikñi buña qem angubingöra nöngörej kabingö tökömakze.

⁴¹ “Gölme ambazipnöñ qetbuña ningigetka qarimapköra qahö mambötzal. Mi ningigetka mötpi qahö öngöi maljal. ⁴² Mewö maljalmö, engö könañamñini mi kewö ahöza, mi mötzal: Injini uruñini Anutugörej qahöpmahöp jöhöba urukalem qahö ak wangiba malje. ⁴³ Nöñön Iwinangö qetñi qeta kabiga injini andö qem ningimazemö, kunöñ nanñi qetñi qeta kamawi, injini mönö i ölop möt angön köla köl öröm wangime.

⁴⁴ “O injini nanñini möpöseim anguba qetbuñani qarimapkö mötket öngöza. Öngözapmö, bem mohotñan Anutu öñi akzawi, yanön qetbuña engimapaköra qahö kapan kölje. Mewö aködamunñinambuk akñegöra qahö jaram tiba kinje. Miangöra denöwö ni möt narim ningibeak? Mi mönö osibeak.

⁴⁵ “Nöñön injini ‘Iwigö jemesoholñe keu jakeñe al engimam,’ mewö mötmöribepuk. Injini Mosesgö keugö jörömqöröm al wangiba Suep mire öngöbingö mamböta maljemö, Anutugö jeñe angotketka Mosesnöñ nanñak Anutugö keu jakeñe ala jim aum engiiga gamuñini mötme.

⁴⁶ “Mi kewögöra: Mosesnöñ nöngö könañamni jim asariba Buña Kimbinöñ ohoi ahöza. Miangöra Moses möt narim wangibeak ewö, mönö nia möt narim ningibeak. ⁴⁷ Mewömö, Mosesgörej kimbia qahö möt nariba tem köljeangöra mönö nöngö keuni mi denöwö möt naribeak? Mi kupuk-kapakñambuk akapuk.” Mewö.

6

Jisösnöñ azi 5000 nene gumohom engiyök.

Mat 14.13-21; Mak 6.30-44; Luk 9.10-17

¹ Miangö andöñe Jisösnöñ Galili o angö, qetñi kun Taiberias o angö qetkeri, mi kutuba likeñe angörök. ² Kawöl ambazip möhamgöm engii angöletot asuhui ekerangöra aka ambazip kambu jesöngöñan Jisösgö andöñe wuatangöba kaget. ³ Jisösnöñ gwarekurupñi engömeiga kundunje öngöba tatket.

⁴ Nalö miangörej Juda neñgörej ak-kömukömu kendonöñ töriyök.* ⁵ Jisösnöñ je ui aniga ambazip kambu jesöngöñan yangörej kangotkeri, i engeka Filipköra jiyök, “Nini nene denikeyök bohonñi meinga kambu mewöñan nem timbireñ aketka dop kölbawak?” ⁶ Yuai akrangö ahöhi, mi nanñak mörökmö, keu mi Filip esapköm wangiba jiyök.

* 5:37: Mat 3.17; Mak 1.11; Luk 3.22 * 6:4: Anutunöñ mönöwök neñgehoriba neñgongiröhi, Juda yeñön miangöra yambu (yara) dop nalö ala söñgaimakze. Nei keunöñ qetñi Pasowa jize. Eksodus 12.15

⁷ Mewö jiiga kewö meleşnök, “Nene beret silim 200:kö töwanj (Kina 1000,-) mianjôn bohonji memba menderjninga körek yejnön kitipjanöhök nembeak aka töndup qahö dop köl enjibawak.”

⁸ Mewö jiiga gwarekurupji yejgöreşök kun qetji Andru, Saimon Pitögö munjan kewö jii mörök, ⁹ “Azi moröni kun kiangöreş malja. Yangöreş bali† beret 5 aka söra yahöt ahözapmö, ambazip sehisehişi kewö kagetka yejgöra mi qahö dop kölma.”

¹⁰ Jisösnöş jiyök, “İjini mönö ambazip kambu ki jiba menderj enjigetka nene nemingö eta tatme.” Gölme miangöreş kegwanj luplup gwötpuk ahöyök. Miangöra azi jangöşini 5000:gö dop yejnön gölmenöş eta tatket.

¹¹ Eta tatketka Jisösnöş beret mi memba saiwap jiba ambazip tatkeri, menderja enjyök aka söra mi mewöyök menderja sihimşinan jigerangö dop enjyök.

¹² Menderja enjiiga memba nem timbireş aketka Jisösnöş gwarekurupji kewö jii mötket, “Nene kitipji ayuhubapüköra mi mönö qezaköget.” ¹³ Mewö jiiga möta bali beret 5 miangöreşök memba kitipji kitipji mosötket taröhi, mi qezakögetka sakap 12 miangöreş geba kokolak qeyök.

¹⁴ Jisösnöş angöletot mewö mei asuhuiga ambazipnöş eka welipköba jiget, “Kezapqetok azi gölmenöş asuhumapkö jigeri, yanön mönö öljä mia akza.” ¹⁵ Mewö jiba Jisöşgöra köiraş ala kiş kembuşini akşapkö mötmörişet. Mötmörişeba kaba liliköm wanşiba walimgöba kiş kuşşum wanşibingö aket. Mewö möt kutuba enşek tököba enşömosöta kunbuk kunduşe öşgöba nanşök malök. Mewö.

Jisösnöş o angö qakşe tiba tiba anök.

Mat 14.22-33; Mak 6.45-52

¹⁶ Neşet teköiga mare aiga Jisöşgö gwarekurupji yejnön o angögö jitşe geşet. ¹⁷ Geba wanşenöş öşgöba gölme mi mosöta o angö kutuba likeşşe Kaperneam mire göröken anşet. Anşetka miri söşaum teköiga Jisösnöş töndup yejgöreş qahö asuhuyök.

¹⁸ Anşetka luhut köhöikşanök giliga o angönöş könöpuk kunduta öşgöba erök.

¹⁹ Öşgöba eriga lökuatnöş qeba nanşgöba 5 me 6 kilomita miangö dop anşetka Jisösnöş o angö qakşe tiba tiba wanşe köşutşe kaiga eka auruba keşşötporiş aket. ²⁰ Mewö mötketka kewö jii mötket, “Nanak kazal. Keşşötşini kude mötme.” ²¹ Mewö jii möta Jisösnöş wanşenöş öşgömapkö jigetka öşgöyök. Öşgöiga wanşenşinan miangöreşök öşumok enşuanşita gölme göräşe anşingö akeri, miangöreş anşotket. Mewö.

Ambazip yejnön Jisöşgöra um jarum bibişişet.

²² Miangöreş anşotketka miri gianşiga ambazip kambu ketanji yejnön o angö likeşşe toroşeba mala kewö mötmörişet, “Uran wanşe mohotşan tari eşişga Jisösnöş gwarekurupji yembuk wanşenöş qahö öşgöba anök. Jisös umbula nanşinök anşet. Wanşe murutşini kun qahö eşiş. Miangöra Jisösnöş kunbuk ki malja.”

²³ Mewö mötmörişeba toşatşan kewö jiget, “Wanşe mohotnöş anşetmö, öljä, Taiberias taonök wanşe toşatşini kaget. Wanşe mi Kembunöş beretköra saiwap jiiga memba tarini, mönö gölme miangö köşutşe kagera Jisösnöş wanşe miangöreşök kunöş öşgöba anök me denöwö?” ²⁴ Ambazip kambu yejnön mewö jiba Jisös aka gwarekurupji miangöreş qahö miwişşaim enjiget. Mewö eka möta mewöşanök wanşenöş öşgöba Kaperneam taonöş anda Jisös jaruşet. Mewö.

Jisösnöş malmal köhöikşanşgö neneşi akza.

²⁵ Ambazipnöş Jisös jaruba o angö likeşşe yuke göröken miwişşaişeba eka kewö jiget mörök, “O Ketaşşamnini, gi mönö wani nalönöş ki kazan?”

²⁶ Mewö jigetka kewö meleş enjyök, “Nöşön keu öş töhöşşini kun kewö jibi mötket: İjini angöletot membi ekerangöra aka ni qahö jarum nişşizemö, nene beret köşuetköbi memba nem timbireş akeri, mönö miangöra ni nuatangöba ki kaze. ²⁷ Nene ayapkömawi, mi miwişşaişingöra urukönöp kude aka malmemö, urugö neneşan malmal köhöikşini

† 6:9: Bali mi padi, wit, out aka seşon miangö alaşini kun.

engimakzawi, mönö mia buña qem angubingöra kapañ köla malme. Iwi Anutunöñ munjem silimbanni Suep gölmegö Azi Ölnji wañgiiga kukösumñan walöñniga ölop urugö nene engiiga oyaenjkoyaen akñe. Mewö aka mal köhöiba kömumba toroqeba teteköñi qahö malme.”

²⁸ Mewö meleñ engiiga kewö qesim wañgiget, “Anutugö sihimñangö dop ahakmeme tandökñi mönö denöwö ahinga dop kölbawak?”

²⁹ Qesim wañgigetka kewö meleñnök, “Anutunöñ azi melaim wañgiyöhi, iñini i möt narim wañgiba malme. Ahakmeme miarñon mönö Anutu sihimñangö dop akza.”

³⁰ Mewö meleñniga kewö qesim wañgiget, “Mewö aiga gi kunbuk wani angöletot kukñambuk kun menöñga eka möt narim gihibinak? Gi mönö wani yuai kun Mosesnöñ ahök, miangö dop aka meman? ³¹ *Buña Kimbi kun kewö ohoget ahöza, ‘Yañon Suepnöhök nene beret engiiga neget.’ Keu miangö dop nanine ambösakon yeñon gölme qararañkökölñe anda mala nene qetñi mana namba malget aka gi mönö könañamgi Moses ongita denöwö kondelbanak?”†

³² Qesim wañgigetka Jisösnöñ kewö jii mötket, “Iñini miangö könañi ölop qahö möt kutuze. Nöñon keu öl töhönñi kun kewö jibi mötket: Mosesnöñ angöletot Toñi qahö ahök. Yañon nene beret mi Suepnöhök qahö engii negetmö, nani Iwinan mönö Suepnöhök beret ölbölñi engimakza. ³³ Anutugö nene beret mi mönö Suepnöhök eta asuhuba gölme dop ambazip malmal köhöikñi engimakza.”

³⁴ Mewö jii möta kewö jiget mörök, “O Kambu, gi nalö dop nene beret mi neñinöñga namba malbin.”

³⁵ Jisösnöñ mi möta jiyök, “Nöñon malmal köhöikñangö neneñi akzal. Kunñan nöñgöreñ kazawi, yañon nem timbireñ aka wösöñi nalö kunöñ qahö alma. Kunñan ni möt narim niñgimakzawi, yañon ogöra qahö kömuma. ³⁶ Mewö aigun iñini ni nek teköba töndup qahö möt narim niñgize. Mi mönö lök jibi mötze. ³⁷ Aka töndup Iwinöñ ambazip tosatñi niñgimakzawi, yeñon mönö körek nöñgöreñ kame. Kunñan nöñgöreñ kamawi, nöñon mönö i qahö yakörimam.

³⁸ “Nöñon Suepnöhök eta nani imbinangö dop yuai lañ aka memba malmamgöra qahö asuhuyal. Mewö qahö. Melaim niñgiyöhi, mönö yañgö jirkö dop nup memba malmamgöra eral.

³⁹ “Melaim niñgiyöhi, yañgö jitsihitñan kewö ahöza: Yañon ambazip nöñgö böröne al engiiga maljei, nöñon mi pakpak köyan köl engiba malbiga yeñgöreñök kunñan kun qahö sohoba ayuhuma. Qahö ayuhugetka nöñon i nalö ketaje engömindiba mem gulim engimam.

⁴⁰ “Iwinangö jitsihitñan kewö ahöza: Tosatñan Nahönñi eka möt narim wañgize, yeñon körek nalö kewöñe letota malmal köhöikñi buña qem anguba malme. Mewö mal kömugetka nöñon i nalö ketaje miangöreñ engömindiba mem gulim engimam.”

⁴¹ Jisösnöñ mewö jiiga keu köñi kun kewö ahök, “Nöñon malmalgö nene ölnji aka Suepnöhök eta asuhuyal.” Mewö jiyöhangöra aka Juda jitñememe yeñon möt böliba uruñinan ihururuk jiba jim wañgiget. ⁴² Jim wañgiba jiget, “Azi ki Jisös, Josefko nahönña. Yañgö iwinamñi mi ölop möt etkizinmö, mönö denöwögöra ‘Suepnöhök eta asuhuyal,’ jiza?”

⁴³ Mewö jigetka möta kewö meleñnök, “Uruñinan mönö kude ihururuk jiba jim niñgime. ⁴⁴ Iwi ni melaim niñgiyöhi, yañon ambazip qahö öröm engiza ewö, engöreñök kunñan nöñgöreñ kamangö osima. Öroi kabawak ewö, nöñon i mönö nalö ketaje engömindiba mem gulim wañgimam.

⁴⁵ * “Kezapqetok yeñgöreñ kimbinöñ keu kewö ohoget ahöza, ‘Anutunöñ i körek pakpak kusum engii mötme.’ Iwinöñ ambazip kusum engii keu möta urukönömñine ala

* 6:31: Eks 16.4, 15; Sum 78.24 † 6:31: Gölme qararañkökölñe Anutunöñ söñan dop söñangö yuai amötñi, jöhanñi tuatñi aka awamñi juzu paura ewö ali gölmenöñ ahöi eka yaigep sombemnöñ anda qezaköba koumñine kaba beret lölöwöröñi memba nezema. Eks 16.13-36 * 6:45: Ais 54.13

maljei, yeñon mönö körekñanök nöngörej kame. ⁴⁶ Ambazip kunñan Iwi qahö eka malja. Iwigöreñök eröhi, yeñon mohot kun mönö i eka malja. ⁴⁷ Nöñon keu öl töhönñi kun kewö jibi mötket: Kunñan ni möt narim niñgizawi, yeñon mönö malmal köhöikñi buña qem anguba mal öngöma.

⁴⁸ “Nöñon malmal köhöikñangö nene ölni akzal. ⁴⁹ Mötket! Engö amböskonuruñinan gölme qararañkölkölñe anda mala nene qetñi mana namba malgetmö, töndup kömumba gisahöget. ⁵⁰ Yeñon kömugetmö, nene beret nalö kewöñe Suepnöhök eta maljawi, kunñan mi namba mala qahö kömum köhöima.

⁵¹ “Nene beret malmalñambuk Suepnöhök eröhi, mi nöñon akzal. Kunñan nene mi namba malmawi, yeñon mönö teteköñi qahö köhöiba malma. Nene wañgiba malmami, mi nöngö busuni. Gölmeñi gölmeñi yeñon köhöiba malmegöra mi al engimam.”

⁵² Jisösnöñ mewö meleñniga Juda jitñememe yeñon sutñine urukönöpnöñ jim qesim anguba jiget, “Ye! Azi kiañon mönö denöwö aka busuñi neñgiiga nembinak?”

⁵³ Mi möta jigetka kewö jii mötket, “Nöñon keu öl töhönñi kun kewö jibi mötket: Iñini Suep gölmegö Azi ölnangö sepnji aka busuñi qahö neme ewö, malmal köhöikñi miañon mönö engö uruñine qahö ahöma. ⁵⁴⁻⁵⁵ Nöngö sepnan o ölni akza aka nöngö busunan nene ölni akza. Miañgöra kunñan nöngö sep busuni nemakzawi, yeñon mönö letota malmal köhöikñangö buñaya aka mal öngöma. Mewö mal kömuiga nöñon i nalö ketane mindiba mem gulim wañgimam.

⁵⁶ “Kunñan nöngö sep busuni nemakzawi, yeñon mönö nömbuk qekötahöba kinakza aka nöñon yambuk kinakzal. ⁵⁷ Iwinöñ Malmal Toñi aka melaim niñgiba wötñi aka nam köl niñgiiga köhöiba maljal. Mewöñanök kunñan ni nem niñgimakzawi, nöñon mönö mewöñanök yanö wötñi aka nam köl wañgibiga ölop köhöiba malma. ⁵⁸ Nene ölni Suepnöhök eröhi, mi nöñon akzal. Engö amböskonuruñinan Anutugö nene namba mala kömugetmö, nalö kewöñe engöreñök kunñan beret ki namba malmawi, yeñon mönö teteköñi qahö köhöiba malma.”

⁵⁹ Jisösnöñ Kaperneam taongö köuluk miriñe kinda keu mi jim kusum engiyök. Mewö.

Gwarek gwötpukñan uruñini böliiga Jisös mosötket.

⁶⁰ Jisösgö gwarekurupñi yeñgöreñök gwötpukñan keu mi möta jiget, “Keu jit jizawi, miañon mönö keu köt ewö lömbötñambuk akza. Mi möringa uruninan lömböriba bölim teköza. Miañgöra mi kunbuk mötpingö ölan neñgöhöiga i mönö mosötpin.”

⁶¹ Gwarek yeñon Jisösgö keugöra möt böliba uruñinan ihururuk jiba jim wañgigetka Jisösnöñ mi uruñan enguañgita möta kewö jii mötket, “Keu jizali, mi möt böliize me qahö?

⁶² Keu miañgöra möt böliize ewö, könangep mönö denöwö asuhubawak? Suep gölmegö Azi ölnan mutuk miri mala koröhi, euyangöreñ kunbuk lilingöba öngöi ekñe ewö, nalö miañgöreñ mönö denöwö mötme?

⁶³ “Uña Töröñi yeñon ambazip mem gulim engimakza. Iñini gölme ambinöhök ahuba busuñinambuk akzemö, ahuahu dölökñe qahö ahuba nanñini ösumñinan öne letota Suepkö buña ahak mi qahöpmahöp. Uña Töröñan malmal köhöikñi engizawi, nöñon keu kötrñi mi jim tuaribi möta malget. ⁶⁴ Mewö möta malgetmö, engöreñök tosatñan töndup ni qahö möt narim niñgiba malje.” Denike yeñon qahö möt narim wañgigeri aka dañon könangep mamalolo mem wañgimawi, Jisösnöñ mi könakönahineyök möta korök. Miañgöra mewö jiyök.

⁶⁵ Mewö jiba toroqeba jiyök, “Miañgöra nöñon kewö jibi mötme: Nöngö Iwinan ambazip kun qahö inahöm wañgiza ewö, yeñon mönö nöngöreñ kamangö osima.”

⁶⁶ Keu miañgöra aka gwarek yeñgöreñök gwötpukñan poraiba ziriñziriñ aka mosöta yambuk qahö toroqeba anda kaget. ⁶⁷ Miañgöra Jisösnöñ gwarek 12 mieñgöra kewö jiyök, “Iñini mönö mewöñanök nömosöta anbingö mötze me qahö?”

⁶⁸ *Mewö jiiga Saimon Pitönöj meleşnök, “O Kambu, nini mönö dagörej anbinak? Malmal köhöiknağö Buja keuñi mi mönö göhörej ahöza. ⁶⁹ Göñön Anutugörej azi sarakñi akzani, nini mi möt nariba möt asariba maljin.”

⁷⁰ Mewö meleşniga Jisösnöj möta jiyök, “Nöñön azi 12 injini möwölöhöm engial aka engörejök kunöj mönö bölönağö bohonñi akza.” ⁷¹ Judas Saimon Iskariotkö nahönñi yañön gwarek 12 yeğö sutñine mala könağep mamalolo mem wañgiyök. Jisösnöj keu mi yağöra möta jiyök. Mewö.

7

Jisösnöj munurupñi yembuk keu eraum mötket.

¹ Juda jitñememe yeñön Jisös qebingö kapañ kölgerağöra Judia prowins uruñe anda kamangö tököyök. Mianğöra Judia mosöta Galili prowins uruñe anda liliköba maliga köiñ tosatñi teköyök. ² *Mi teköiga Juda yeğörej kendon kun qetñi koumkoum mianğö nalöñan törüyök.*

³ Mianğöra Jisösgö munurupñan kewö jiget mörök, “Gi kianğörej mala aņğöletot memakzani, mi gwarekurupkan mewöyök ek kutumegöra gi mönö gölme ki mosöta Judia anöñga dop kölma. ⁴ Kunñan nanñak aukñe asuhumangö mörakzawi, yañön yuai kun tölapñe qahö memakza. Aņğöletot mewöñi memakzanağöra mönö ambazip kambuñi kambuñi yeğö jeñine anda asuħuba könañamgi indelman.” ⁵ Munurupñan qahö möt narim wañgiba tönpin malgerağöra aka mewö lañ jiget.

⁶ Mewö jigetka kewö jii mötket, “Urugö nup aukñe memangö nalöñan qahö kam kuñguiga maljalmö, engö nalöñinan mönö sundan dop anmeañgö dop ahöza. ⁷ Gölme ambazipnöñ kazik ak engibingö osimakzemö, nöñön yeğö ahakmemeñini bölöñi indela nañgöba jibi mötzeañgöra mönö ni kazik ak niñgimakze. ⁸ Anmamangö nalöñan mönö qahö kam kuñguza. Mianğöra nöñön sösöñgai kendon kianğörej qahö öñgömam. Nöñön mire tatpiga injini ölop endu anda öñgöba söñgaime.” ⁹ Keu mewö jii mötketka Galili prowins uruñe toroqeba malök. Mewö.

Jisösnöj koumkoum sösöñgainöj malök.

¹⁰ Jisösgö munurupñan koumkoum kendongöra angetmö, nanñak mire tata könağep aukñe qahöpmö, tölapköba anda Jerusalem öñgöyök. ¹¹ Juda yeğö jitñememeurupñinan sösöñgai nalöñe Jisösgö jeñi jaruba qesiqesi aka kewö jiget, “Azi mi denike?”

¹² Ambazip kambu yeñön sutñine Jisösgöra sañep keu gwötpuk jiget. Tosatñan “Azi mi ölop sorokñi,” jigetmö, tosatñan kewö jiget, “Qahö! Yañön mönö ambazip kambu eñololon ak engiiga kahapmahap ahakze.” ¹³ Mewö mewö lañ jigetmö, Juda jitñememe yeğöra keñgötñini möta malgerağöra kunñan yağö keuñi aukñe qahö jiyök. Mewö.

Jisösnöj nanñi könañi ambazip kusum engiyök.

¹⁴ Kendon sösöñgai bibiñe malgetka Jisösnöj jöwöwöl jike tohoñ uruñe öñgöba könahiba ambazip kusum engiyök. ¹⁵ Kusum engiiga Juda yeñön welipköba kewö jiget, “Azi ki mötmöt jake öñgöñgöñe qahö öñgöba töndup Buja Kimbigö könañi denöwö möt soroköza?” Mewö jiba welipköget.

¹⁶ Welipkögetka kewö jii mötket, “Mötmöt Buja jimakzali, nöñön mianğö Toñi qahö akzal. Nanak qahöpmö, melaim niñgiyöhi, nöñön mönö yağö mötmötñi memba kaba jimakzal. ¹⁷ Ambazip kunñan Anutugö jitsihitnağö dop aka memangö mötzawi, yañön mötmöt jibiga mianğö Toñi dañön akza, mi möt kutuma. Anutunöj Bujañi nöñgö urune ali asuħuza me nani imbinangö keu lañ jimakzal?”

* 6:68: Mat 16.16; Mak 8.29; Luk 9.20 * 7:2: Lew 23.34; Dut 16.13 * 7:2: Juda yeğörej yambu jeñi qeqe sösöñgai kendonñi mi yambu (yara) dop kewö alget: Wain nupñine anda ip sinñi memba koumkoum qeba mianğörej ahöba wehön 8 söñgaiba kendon tata malget. Wehön kondikñe sösöñgai öñgöñgöñi alget. Mönöwök gölme qararañkölkölñe yambu (yara) 40 mianğö dop opo koumñine ahöba kaba malgeri, mi mötmöriba söñgaiget. Lew 23.33-36,39-43; Dut 16.13-15

¹⁸ “Kunñan nanñi imbiñe mötmöriba keu jimakzawi, yañön nanñak qetbuñañambuk akñamgö mötza. Mewö mötzapmö, melaimelai azi kun toñan qetbuñañambuk akñap-köra kapañ köljawi, yañön mönö jitñememe ölbölñi geñmoñi qahö akza. ¹⁹ Mosesnönj Köna keu al enñii mi ahöza me qahö? Mi ahözapmö, engöreñök kunñan mi qahö tem köla wuatañgömakza. Inñini mönö wuanöñgöra kapañ köla ni nuñgubingö mötmörize?”

²⁰ Mewö jii möta ambazip kambu yeñön kewö melenget, “Ömewörömenönj mönö uruge geba kinja. Dañön kapañ köla gi guhumangö mötmöriza?”

²¹ Mewö melengetka jii mötket, “Nöñön angöletot mohot membiga inñini körek pakpak auruba köñkuñ akze. ²²* Mosesnönj sileñine Anutugö aiwesök yandibingöra jim kutum enñiyöhi, o Mosesnönj mi mutuk qahö jim kutuyökmö, ambösakonurupninan mi könahiba memba malgetka silik mi neñgöreñ kaiga Sabat kendonönj mewöyök azi sileñini yandimakze.

²³* “Nini Mosesgö Köna keu walöñnin siñgisöndok ahubapüköra köhöikñi mötzin. Mi mötzinmö, keu mi qetala Sabat kendonönj mewöyök azi sileñini yandiba töndup nanñini qahö jim anguba silebile malje. Mewö maljemö, nöñön azi jömukñi Sabat kendonönj mem ölöwak wañgiali, miangöra mönö wuanöñgöra mi yom jim niñgize? ²⁴ Inñini ambazip sileñini miyöhök eka mewö miangön bahösöhamök kewöta keu lañ jim tekömakzei, mi mönö mosötme. Mi mosöta uruñini törörök möt kewöta keu öñanök jim teköme.” Mewö.

Jisösnönj Amötqeçe Toñi akza me qahö?

²⁵ Jerusalem toñi yeñgöreñök tosatñan kewö jiget, “Azi kapañ köla qebingö mötmörize, yañön mönö mia me? ²⁶ Eket, yañön ambazip yeñine aukñe keu jiiga qahö jim wañgize. Mewögöra azi kianön Amötqeçe Toñi Kraist akzawi, keu mi öñña galömkölköl azi yeñgö kezapñine geiga mötze me qahö? ²⁷ Amötqeçe Toñi Kraistnönj kamapköra jiba kota malgeri, yañön ‘Denikeyök asuhumawi, mi kunönj kun qahö mötma,’ jizemö, azi kianön denikeyök asuhuyöhi, mi mönö ölop mötzin.”

²⁸ Mewö eraum mötketka Jisösnönj jöwöwöl jikegö tohoñ uruñe kinda imbiñi memba wahöta kusum enñiba keu kewö jiyök, “Inñini nöñgöra kewö jize, ‘Azi mi möt wañgiba miriñi denikegö mi ölop mötzin.’ Nani kukösum qakñe qahö asuhuba kinjal. Melaim niñgiyöhi, yañön melaimelai Toñi öñña aiga i qahö möt kutum wañgiba malje. ²⁹ Yañön melaim niñgiiga yeñgöreñök eralañgöra i ölop möt wañgizal.”

³⁰ Mewö jiiga i memba jöhöbingö mötketmö, nalöñan qahö kam kuñguyöhañgöra aka kunñan sileñe qahö meyök. ³¹ Mewö mötketmö, ambazip kambu yeñgöreñök gwötpukñan möt narim wañgiba kewö jiget, “Kraistnönj kamawi, yañön mönö azi ki onñgita angöletot memba malma me denöwö? Mewö tandök akza.” Mewö.

Jisös memba jöhömögöra nanñu galöm melaim enñigetka kaget.

³² Ambazip kambu yeñön Jisösgöra mewö goranora jiba jitnakölik akeri, mi Farisi (Köna keugö kapañkölköl) yeñön mötket. Mi möta jike nup galöm yembuk kinda nanñu galöm (sikiriti) tosatñi melaim enñigetka memba jöhöbingö kaget. ³³ Kagetka Jisösnönj kewö jiyök, “Nöñön embuk nalö töröptökñi toroqeba malmam. Mi malagun enñimosöta melaim niñgiiga erali, mönö yeñgöreñ lilingöba öñgömam. ³⁴ Öñgöbiga göraim niñgiba malmemö, ni qahö miwikñaim niñgime. Nöñön miri malmami, inñini miangöreñ kabingö osime.”

³⁵ Mewö jiiga Juda jitñememe yeñön sutñine kewö erauget, “‘Nini miwikñaim wañgibingö osibin,’ jiza. Miangöra mönö denikeañgöreñ öñgömamgöra jiza? Juda ambazip tosatñan deñda kantri tosatñe anda Grik yeñgö sutñine maljei, mönö yeñgöreñ anda Grik ambazip kusum enñimamgö möta jiza me? ³⁶ Keu kewö jiza, ‘Göraim niñgiba malmemö, ni qahö miwikñaim niñgime,’ aka keu kun kewö jiza, ‘Nöñön miri malmami, inñini miangöreñ kabingö osime.’ Keu yahöt mietkö könañiri denöwö?”

* 7:22: Jen 17.10; Lew 12.3 * 7:23: Jon 5.9

Malmal köhöiknangö onan mönө jeji tohoba kangotma.

³⁷ *Mewө eraugetmө, kendon söngageri, miangө wehön qөndökji ketanji mianjөн kam kuңguiga Jisösnөң kinda köhöiknänök qeta kewө jiyөk, “Kunңan ogөra kömuzawi, yanjөн mönө nөngөreң kaba nema. ³⁸ *Buңa Kimbigө keu kun kewө ohoget ahöza, ‘Kunңan ni möt narim niңgizawi, yanğö uruңeyөk malmal köhöiknangö onan mönө tohoba saksakөba kaңgorakңa.’”

³⁹ Mewө jiyөkmө, keu mi Uңa Tөрөңangөra aka kewө jiyөk, “Denike eңjөн ni möt narim niңgizei, iңini mönө Uңa Tөрөңi buңa qem aңguba malme.” Anutunөң Jisös gölmenөң malөhanğö dop Suepkө asakmararaңi qahө al waңgiiga malök. Mianğөra Uңa Tөрөңi qahө melaiiga eta uruңine geiga öne malget. Mewө.

Ambazip sutjine jujul ahui malget.

⁴⁰ Jisösnөң mewө jiiga ambazip kambu yeңgөreңök tosatңan keu mi möta kewө jiget, “Azi kianjөн mönө ölna kezapqetok azi asuhumapkө jigeri, mönө mia akza.”

⁴¹ Tosatңan jiget, “Yanjөн Amötqeqe Toңi Kraist akza.” Mewө jigetmө, tosatңan qetala jiget, “Kraistnөң mönө denөwө Galili prowinsnөhök kabawak? Mi qahө dop kölja. ⁴² *Buңa Kimbinөң kewө jiza, ‘Kiң Deiwidnөң Judia prowinsgө taon morөji Betlehem mianğөreң malөhi, Kraistnөң mianğөreңök asuhuba Deiwidkө gwölönarөkurupңi yeңgөreңök kunңan akңa.’”

⁴³ Mewө mewө laң jigetka ambazip kambu yeңjөн Jisөsgөra aka jula denget. ⁴⁴ Yeңgөreңök tosatңan memba jöhөbingө mötketmө, kunңan sileңe qahө meyөk. Mewө.

Juda galөm yeңjөн Jisös qahө möt narim waңgiget.

⁴⁵ Jөwөwöl jikegө kiripo galөm (sikiriti) yeңjөн lilingөba jike nup galөm aka Farisi (Kөna keugө kapañkөlkөл) yeңgөreң kagetka kewө jim eңgiget, “Iңini wuanөңgөra i qahө memba kaze?”

⁴⁶ Jim eңgigetka kewө melenget, “Azi mianjөн keu jimakzawi, kunңan nalө kunөң keu tandökji mewөңi qahө jiyөk.”

⁴⁷ Mewө melengetka Farisi (Kөna keugө kapañkөlkөл) yeңjөн qesiba jim eңgiget, “Iңini tok eңololөң ak eңgii malje me? ⁴⁸ Galөmkөlkөл azi neңgөreңök kunңan mönө i qahө möt narim waңgiyөk. Aka Farisi (Kөna keugө kapañkөlkөл) neңgөreңök kunөң kun uruңi yanğөreң görөken melenök me qahө? ⁴⁹ Mewө qahөpmahөpmө, ambazip kambu Mosesgө Kөna keu qahө möt kutuba Jisөsgө keu möta kopa keu laң jimakzei, yeңgөra muat! Anutunөң mönө i qesuahөm eңgiiga ayuhume.”

⁵⁰ *Mewө jim eңgigetka azi qetңi Nikodemus mutuk Jisөsgөreң kaiga qambaң waңgiyөhi, yanjөн mewөyөk yeңgөreңök kun aka sutjine tata kewө jii mötket, ⁵¹ “Azi kunөң singisөndok ahөhi, mi qahө qesiinga jiiga möta töndup kewөringa dop kölja me qahө? Qahө kewөta keuңi öne jim tekөbin ewө, mönө naninak Kөna keunini qebin me? Mi qahө dop kölma.”

⁵² Mewө jii möta kewө melen waңgiget, “Gi mewөyөk Jisös ewө melenđa Galili qandak azia akzan me? Galili prowinsnөhök kezapqetok azi kun qahө asuhumawi, mi mötzin. Mewө mi nangak Buңa Kimbi oyoңda könaңi jaruba möt kutuman.” ⁵³ Mewө jitnakөlik aka jula denđa miriңine anget. Mewө.

8

Ambi kunөң serowilin aiga miwikñaget.

¹ Miriңine angetmө, Jisösnөң anda Oil ip kunduңe öngөyөk. ² Öngөba ahөba miri giaңiiga söñanök kunbuk lilingөba jөwөwöl jikenөң öngөiga ambazip kambu pakpak kaba lilikөm waңgigetka eta tata kusum eңgiyөk.

* 7:37: Lew 23.36 * 7:38: Eze 47.1; Zek 14.8 * 7:42: 2 Sml 7.12; Mai 5.2 * 7:50: Jon 3.1-2

³ Kusum enjiiga Köna keugö böhi aka Farisi (Köna keugö kaparjököl) yeñon ambi kun wanjita yangöreñ kaget. Ambi mianjon sero yongoro ahiga mianjora memba johögeri, mi wanjita kambu jeñine alget. ⁴ Jeñine ala Jisösgöra jiget, “Böhi, ambi kianjon qesabulum ahiga mönö mianjoreñök miwikñaiba memba kazin. ⁵ *Mosesnöñ Köna keu ala mianjoreñ ambi mewöñi mi kötnöñ gila qeinga kömumapköra jim kutum neñgiyöha ahöza. Mewö ahözapmö, göñon yangöra denöwö jiman?”

⁶ Mewö jiba mianjoreñ möndöba Jisös keugö bötaknöñ öroi qaköiga qebingö könañi ahui keu jakeñe albingöra jiget. Mewö jigetka sipköba eta böröñan kulem kun gölmenöñ ohoyök.

⁷ Ohoyökmö, toroqeba kaparj köla qesim wanjigetka hök ala wahöta diñdiñi kinda kewö jii mötket, “Engöreñök kunjan siñgisöndok kun qahö aka maljawi, yanjon mönö ölop köt mutukñi memba gila qema.” ⁸ Mewö jii mötketka kunbuk sipköba eta kulem kunbuk gölmenöñ ohoyök.

⁹ Jisösnöñ keu jiyöhi, mianjon engömembra johöiga nanñini siñgisöndokñini gamuñambuk akeri, mi Anutunöñ kondeliga nanñini uruñinan nanjöba jiiga isikusukñini qahöwahök. Mianjon qahöwahiga keu göröñ kingetka bohonñinan mutuk engömosöta aniga yangö nemböñan andöñe aniga tosatñi mohot mohot yeñon mömölaköba körek an teköget. Qöndökñan aniga Jisösnöñ zoñ kunguba tari ambinöñ nanjöök yambuk kinök. ¹⁰ Jisösnöñ hök ala wahöta diñdiñi kinda ambi eka kewö jii mörök, “Ambi, keu jakeñe al gihibingö jizei, yeñon mönö denike gi sök ni sök anjeye? Yeñgöreñök kunöñ kinda gi kömumangö keuñi qahö jim teköza me?”

¹¹ Jii möta meleñnök, “O Kembu, kunöñ qahö jim teköm niñgiza!” Mewö meleñniga jii mörök, “Nöñon mewöyök gi qahö jim teköm gihizal. Gi mönö döлки könahiba siñgisöndok kunbuk kude aka malman.” Mewö.

Gölme dop neñgö asakñini mi Jisös.

¹² *Jisösnöñ keu kunbuk suariba kewö jii mötket, “Nöñon ambazip gölmeñi gölmeñi tat anjei, engö asakñini akzal. Kunjan ni nuatangöba kamawi, yanjon mönö söñaupnöñ jipjap qahö qeba malmappmö, malmal köhöikñangö asakñi mianjö uruñe malma.”

¹³ *Mewö jiiga Farisi (Köna keugö kaparjököl) yeñon kewö jiget mörök, “Nanganök könañamgi nanjöba jim asarimakzani, mianjon mi qahö dop köl köhöiza. Qahö!”

¹⁴ Mewö jiget möta kewö jii mötket, “Nöñon denikeyök eta kayali aka denike anda öngömami, mi möt teközal. Mianjora nanak könañamni nanjöba jim asarimakzali, keu mi mönö ölop dop köl köhöiza. Mi köhöizapmö, iñini nöñgö köñani mi öñña qahö möt kutuze. ¹⁵ Eñon ambazip sileñini miyöhök eka mewö mianjon bahösapsap kewöt engiba keuñini lañ jim tekömakzemö, nöñon ambazip kungö keuñi qahö jim tekömakzal.

¹⁶ “Ni nanök qahö maljalmö, Iwi melaim niñgiyöhi, yanjon mönö nömbuk kini maljit. Mianjora kungö keuñi jim teköbileñak ewö, mi mönö diñdiñanök kewöta dopñe jim teköbileñak. ¹⁷ *Yahötñan keu kun urumohot aka nanjöba jiyohotka dop köl köhöimakza. Keu mi engö Köna keuñine mewöyök ohoget ahöza.

¹⁸ “Nöñon nani könañamni nanjöba jimakzal aka Iwi melaim niñgiyöhi, yanjon mewöyök nöñgö könañamni nanjöba jimakza. Mianjora yahöt akziga mianjon ölop dop köla köhöim teköza.”

¹⁹ Jisösnöñ mewö jii möta kewö qesim wanjiget, “Göhö Iwigi mi denike malja?” Qesim wanjigetka meleñnök, “Iñini ni aka Iwini netkö könañamniri qahö möta malje. Iñini nöñgö könañamni möt kutubeak ewö, mönö nöñgö Iwini mewöyök möt wanjibeak.”

²⁰ Jisösnöñ jöwöwöl jikegö naluk dum kösutñe kinda ambazip kusum engiba keu mi jiyök. Mi jiyökmö, nalöñan qahö kam kunguyöhangöra aka kunjan i qahö memba johöyök. Mewö.

“Denike öngömami, iñini mianjoreñ öñgöbingö osime.”

* 8:5: Lew 20.10; Dut 22.22-24 * 8:12: Mat 5.14; Jon 9.5 * 8:13: Jon 5.31 * 8:17: Dut 19.15

²¹ Jisösnöñ keu kun kewö toroqeba jii mötket, “Nöñön engömosöta anda malbiga injini ni göraim ningiba malme aka siñgisöndok akeri, miangörej qekötahöba kinda kömum köhöime. Miangöra denike öngömami, injini miangörej öngöbingö osime.”

²² Juda jitjememe yeñön mi möta jiget, “Kewö jiza, ‘Denike öngömami, injini miangörej öngöbingö osime.’ Keu mi denöwö? Imbi aumangöra jiza me?”

²³ Mewö jigetka jii mötket, “Injini gölme kiangö toñi aka maljemö, nöñön miri gölme euyangö buñaya akzal. Eñön gölmenöñ ahuba gölme kiangö buñaya aka maljemö, nöñön mutuhök gölme kiangörej qahö ahuyal. ²⁴ Qahö ahuba malmalgö könañi nalö dop mala korali, nöñön mönö mia akzal. Nöñgöra mewö qahö möt narize ewö, mönö siñgisöndok akeri, mi qahö mosötpiga miangörej qekötahöba kinda kömum köhöime. Könañi miangöra aka kewö jibi mötze, ‘Injini siñgisöndok akeri, mönö miangörej qekötahöba kinda kömum köhöime’. Keu mi öñja.”

²⁵ Keu mi möta kewö qesim wangiget, “Gi mönö niñja akzan?” Qesim wangigetka melenök, “Könañamni lök indelbiga mötzei, nöñön mönö mia akzal. ²⁶ Nöñön engöra keu gwötpuk ölop toroqeba jibileñak aka siñgisöndok gwötpuk akeri, miangö keuñi ölop jim teköbilenakmö, melaim ningiyöhi, yañön mönö nöñgö melaimelai Toni öñji akza. Yañön keu jiiga yangörejök möta kota maljali, nöñön mönö keu mi aukñe jibiga gölmeñi gölmeñi yeñön mörakñe.”

²⁷ Mewö melenökmö, Iwigöra keu suariba jiyöhi, yeñön mi qahö möt asariget.

²⁸ Jisösnöñ toroqeba kewö jii mötket, “Nöñön malmalgö könañi nalö dop mala korali, mönö mia akzal. Miangö könañi mi könañgep ölop möt asarime. Nöñön yuai kun nani ösumnan me nani imbinangö dop qahö ahakzalmö, Iwinan keu kusum ningiba malöhi, mönö miangö dop keu jitni ki jimakzal. Keu kötnji yahöt miangö könañi mi könañgep möt asarime. Injini Suep gölmegö Azi Öñji kösökögetka eu öngöba kömumawi, nalö miangörej mi ölop möt asarime.

²⁹ Melaim ningiyöhi, yañön mönö nömbuk kini maljit. Ahakmeme möri dop köl wangimakzawi, nöñön mönö sundan mia ahakzal. Miangöra yañön qahö nömosöriğa nanök qahö maljal.”

³⁰ Keu mewö jiyöhangöra aka ambazip gwötpukñan uruñini melenğa Jisös möt narim wangiget. Mewö.

Abrahamgö gwölönarökurup muneñi aka Jisös.

³¹ Jisösnöñ Juda ambazip tosatñan möt narim wangigeri, yeñgöra keu kewö jii mötket, “Nöñgö Buña keunan uruñine geiga miangörej qekötahöba kinje ewö, mönö öñja nöñgö gwarekurupni akze. ³² Mewö mala keu öñhangö könañi möt kutugetka Buña keu öñjan injini bölöñangö kösönöhök pösat engiiga solanñi (fri) aka malme.”

³³ *Mewö jii möta melenğa kewö jiget, “Nini Abrahamgö gwölönarökurupñi mala könagesö walñi akzin. Mewögöra azi kunöñ kösö gwarö mem neñgiiga maljinangö jizani, mi qahö. Nini mönö nalö kunöñ etqeñeñi mewö qahö aka malin. Aiga gi denöwögöra aka kewö jizan, ‘Kösönöhök pösat engiiga solanñi aka malme?’ Keu mi qahö dop kölja.”

³⁴ Mewö jigetka kewö meleñ engiyök, “Nöñön keu öñ töhönñi kun kewö jibi mötket: Siñgisöndok akzei, körek yeñön siñgisöndökö welenqeçe omani töwa qahö aketka miangö kösöñan köpeim engimakza. ³⁵ Köpeim engimakzapmö, welenqeçenöñ toñangö miri uruñe nalö dop qahö mal öngöma. Nanñi Nahönñan ölop miriñe nalö teteköñi qahö malma.

³⁶ “Nahönñan bölöñangö kösönöhök pösat engiiga solanime ewö, eñön mönö öñja kösö gwarö qahö solanñi (fri) aka malme. ³⁷ Injini Abrahamgö gwölönarökurupñi maljei, mötzalmö, bölöñan uruñini gwözönjawangöra nöñgö Buña keunan mösösönihim engiba kondondongöba erakza. Könañi miangöra mönö kapañ köla ni nungubingö mötze.

³⁸ Nöñön Iwinangö qöhöröñe mala yuai eka mala korali, miangö keuñi jimakzal. Eñön mewöyök iwiñinan keu jii mötkeri, miangö dop ahakze.”

* 8:33: Mat 3.9; Luk 3.8

³⁹ Jisösnöñ mewö meleş enjiiga kewö jiget mörök, “Abrahamnöñ mönö nanine iwiambönini akza.” Mewö jiget möta jiyök, “Injini Abrahamgö gwölönarökurupñi akeak ewö, mönö yañgö ahakmemeñi wuatangögetka dop kölbawak. ⁴⁰ Miangö tandökñi kewö akza: Nöñön Anutugö jitneyök keu möta miangö dop keu ölbölñi mi jibi mörakze. Nalö kewöñe injini kapañ köla azi ni nuñgubingö mötzemö, Abrahamnöñ mewö qahö ahök. ⁴¹ Nanñini iwiurupñinanagö ahakmeme miyök wuatangöba malje.” Mewö jiiga jiget mörök, “Serowilinöñ qahö ahuba iwi qahö (bastet) mi qahö akzinmö, Iwininambuk maljin. Anutunöñ mohok-kun nanñak iwi ak neñgiza.” Mewö.

“Bölöñi Toñangö buñaya akze,” jiyök.

⁴² Jisösnöñ kewö jii mötket, “Anutunöñ nanñak iwi ak engibawak ewö, nöñön yañgöreñök eta asuhuyalangöra mönö ölop ni uru jöpaköm niñgibeak. Nani ösumnöñ nam köliga qahö asuhuyalmö, Anutunöñ melaim niñgiiga eta maljal. ⁴³ Keu jimakzali, mi wuanöngöra möt asaribingö lömbörimakze? Nöñgö keunan uruñini undenjawangöra mi möt kutubingö ölan qeba zikzik tökömakze. Mewögöra mi möt asaribingö osimakze?

⁴⁴ “Möno iwiñini Bölöñi Toñangö buñaya akze. Sihim kömbönañinan mönö iwiñinanagö sihimñi bölöñi wuatangöbingöra ahöza. Yañön könakönahineyök ambazip enguget kömukömu azia aka kota malja. Keu ölnan uruñe qahö kinjawangöra aka keu ölni ongita loloñqaloloñ kinja. Muneñ jiji azia aka muneñ jijigö iwiñi akzawangöra muneñ jimakzawi, mi mönö nanñi uruñangöra jimakza.

⁴⁵ “Yañön muneñ jimakzapmö, nöñön keu ölni jimakzal aigun injini ni qahö möt narim niñgimakze. ⁴⁶ Injini körekñan nöñgö könani kewö kondelbingö osize: Yañön siñgisöndök aka keuñambuk malja. Könañamni mewö jaruzemö, nöñön keu ölni jimakzali, mi mönö wuanöngöra qahö möt narim niñgize?

⁴⁷ “Kunñan Anutugö buña akzawi, yañön mönö Anutugöreñ keu kezap ala mörakza. Injini Anutugö buña qahö akzeangöra aka keu mi qahö möta möt asarimakze.” Mewö.

Jisösnöñ nanñangöra denöwö jim miwikñaiyök?

⁴⁸ Jisösnöñ Juda ambazip yeñgö könani indeliga likepñi meleşda kewö jiget mörök, “Gi Samaria prowinsgö loloñqaloloñ azia aknönga ömewörömenöñ uruge geiga maljan. Mewö jiba dopñe jizin me qahöwi, mi ölop nangak jinöñ mörin.”

⁴⁹ Mewö möta kewö meleşnöñ, “Ömenöñ urune qahö geiga maljal. Ni Iwinanök göda qem wangiba maljal aigun töndup eñön gamu qem niñgimakze. ⁵⁰ Mewö ahakzemö, nanak qetbuñanambuk akñangö jaram qahö timakzal. Mohot kunñan mewö akñangö bimñi qeba malja. Azi yañön mohot kewöt niñgiba ‘Dop kölnan,’ jiba jim teköm niñgimakza. ⁵¹ Nöñön keu ölp töhöññi kun kewö jibi mötket: Kunñan nöñgö Buña keuni tem köla wuatangömakzawi, yañön mönö nalö kunöñ kömup köhöikñangö buñaya qahö akña.”

⁵² Mewö meleşniga Juda jitñememe yeñön Jisös kewö jiget mörök, “Abraham aka kezapqetok ambazip yeñön kömuget aigun göñön töndup kewö jinöñga siksauk akza, ‘Kunñan nöñgö Buña keuni tem köla wuatangömakzawi, yañön nalö kunöñ kömup köhöikñangö buñaya qahö akña.’ Mewö jizanangöra gi öme kunöñ uruge geiga maljan. Mi döлки ölop möt asarizin. ⁵³ Neñgö bömöñini Abraham kömuyöhi, göñön mönö i ongita yañgö ketañamñi akzan me? Kezapqetok yeñön mewöyök kömuget. Gi nangahöra mötnöñ öngöiga ‘Ketanji niñia akzal?’ jiba mötzan?”

⁵⁴ Mewö jiget möta kewö meleşnöñ, “Nanangöra mötpi öngöiga Anutugö aködamunñi mi nana buña qem angubileñak ewö, qetbuñani mi mönö nesak akawak. Iwinan nanñi aködamunñi niñgiyöhangöra aka qetbuñanambuk aka maljal. Eñön yañgöra ‘Neñgö bem Anutunini akza,’ jize. ⁵⁵ Eñön könani mi ölop qahö möt kutumakzemö, nöñön i ölop möt wangizal. ‘I qahö möt wangizal,’ jibileñak ewö, mönö injini ewö tilipqilip azi akileñak. Ni azi mewöñi qahö akzalmö, i ölop möt wangizal aka yañgö keunji tem kölakzal. ⁵⁶ Eñgö bömöñini Abrahamnöñ ni gölmenöñ eta malmangöra mamböta nalö mi ekñangöra

uru sösöngai aka malök. Nalö kewöñe Suepnöñ mal köhöiiga nöñön asuhubiga nöñgö nalöni eka miangöra söngaiyök.”

⁵⁷ Mewö melenjiga Juda jitñememe yeñön kewö jiget mörök, “Yambugi (yara) 50 qahö öngita miangö bapñe maljan aka ‘Abraham ehal,’ jinöñga qahö dop kölja.”

⁵⁸ Mi möta jii mötket, “Nöñön keu öl töhöññi kun kewö jibi mötket: Abrahamnöñ qahö asuhuiga nöñön lök nalö miangörej malal.”

⁵⁹ Mewö jii möta kötnöñ gila qebingöra köt umburañgöba megetmö, Jisösnöñ tölapköba jöwöwöl jikegö tohoñi mosöta ölöñ köla anök. Mewö.

9

Jisösnöñ jegömöl azi kun mem ölöwahök.

¹ Jisösnöñ toroqeba köna anda azi kun nam körö uruñeyök jegömöl asuhuyöhi, mi ehök. ² Mi ehiga gwarekurupñan qesim wañgiba jiget, “Ketañamnini, yañön mönö dagö siñgisöndököra aka jegömöl mewöñi asuhuyök? Nanñi siñgisöndököra me iwinamñi yetkö siñgisöndököra?”

³ Jigetka kewö melenjök, “Nanñak siñgisöndök kun qahö ahök aiga iwinamñan siñgisöndök qahö ahotmö, Anutugö kukösumñan yañgö malmalñe aukñe asuhumapköra mewö ahuyök. ⁴ Wehöñöñ asariba ahözawañgörej mönö melaim niñgiyöhangö nuwa töp memba malbin. Sunjem akñawi, miangörej körek nup memingö osibin. ⁵* Nöñön gölmenöñ malmamañgö dop gölmenji gölmenji eñgö asakñini aka asariba malmam.”

⁶ Mewö jiba gölmenöñ söutköi geiga gwakötak melenja jegömöl azigö jeñe timbilyök. ⁷ Timbiliba kewö jim kutuyök, “Gi mönö Siloam o añgönöñ anda jegi sañgoñman.” (Siloam qet mi nanine keunöñ Melaimelai azi.) Mewö jim kutuiga anda jeñi sañgoñni tohoiga ui asariiga lilingöba miriñe kayök.

⁸ Mewö kaiga alaurupñan kösutñe malgeri aka tosatñan mutuk nene yuaigöra ulet eñgiba mali ekeri, yeñön i eka jiget, “Jegömöl azi nenegö uleta tata malöhi, yañön azi mia me?”

⁹ Tosatñan jiget, “Yañön mönö mia.” Tosatñan jiget, “Qahö, kaisongolomñi i ewö akzapmö, yañön qahö.” Mewö mewö jigetka nanñak jiyök, “Nöñön mönö ia akzal.”

¹⁰ Mewö jiiga kewö qesiget, “Jegi mönö denöwö aknöñga tohoza?”

¹¹ Qesigetka kewö melenj eñgiyök, “Azi qetñi Jisös qerakzei, yañön söutköi gwakötakñöñ geiga melenja jene timbiliba jim kutuba kewö jiyök, ‘Gi mönö Siloam o añgönöñ anda jegi sañgoñman.’ Mewö jiiga o miangörej anda jeni sañgoñbi tohoiga ubi asariyök.”

¹² Mewö melenj eñgiiga kewö qesiget, “Azi mi denike malja?” Qesim wañgigetka “Qahö mötzal,” jiyök. Mewö.

Farisi yeñön jeñi tohoyöhangöra qeqesi alget.

¹³ Azi jegömöl malöhi, yañön “Qahö mötzal,” jiiga ambazipñöñ i wañgita Farisi (Köna keugö kapañkölköl) yeñgörej anget. ¹⁴ Jisösnöñ söutñan gwakötakpuk melenja jeñe timbiliba metohoyöhi, mi mönö Sabat kendon nalöñe meyök. ¹⁵ Miangöra Farisi yeñön mewöyök kewö qesim wañgiget, “Jegi mönö denöwö aknöñga tohoza?” Qesim wañgigetka kewö melenj eñgiyök, “Azi miangön mönö söutñan gwakötakpuk melenja jene timbiliiga anda jemesoholni sañgoñda jeni ubi asariza.”

¹⁶ Mewö melenj eñgiiga Farisi yeñgörejök tosatñan jiget, “Azi miangön Sabat kendon köteközawi, miangöra mönö Anutugörej asia qahö akza.” Tosatñan jiget, “Mewö qahö! Azi goñgoñi kunñan mönö denöwö aka añgöletot mewöñi memangö köhöibawak?” Mewö mewö jiba nanñini jula denget.

¹⁷ Mewö dengetka jegömöl azi miangörej kunbuk lilingöba jiget, “Jegi metohoyöhi, yañgöra mönö denöwö jiman?” Mewö jigetka “Kezapqetok asia akza,” jiyök.

¹⁸ Mewö jiiga jeñi ölna gömöliyöha tohoiga uyöhi, Juda jitñememe yeñön mi qahö möt nariget. Qahö möt nariba uruyahöt kinda iwinamñi öröm etkigetka kayohot.

* 9:5: Mat 5.14; Jon 8.12

¹⁹ Kayohotka kewö qesim etkiget, “Azi ki etkö nahönñira me qahö? ‘Jegömöl asuhuyök,’ jizahotmö, denöwö aka mönö dölki jeñi uba ekza?”

²⁰ Qesim etkigetka kewö meleşhot, “Azi ki netkö nahönira akza aka jegömöla asuhuyök, mi ölop mötzit. ²¹ Mewö mötzitmö, denöwö aka dölki jeñi uba ekzawi, mi qahö mötzit. Dañön jeñi metohoi uzawi, niri mewöyök qahö mötzit. Gömokñi qahö, lök qariba töwatñi jörak alalña aka mötkutukutuñambuk akza. Mianğöra mönö nanñangö qesigetka könarñi ölop jima.”

²² Juda jitñememe yeñğöra keñğötñiri möta mewö jiyohot. Yeñön sutñine keu kewö jöhöba urumohot aka kinget, “Kunñan Jisös Amötqeqe Toñi Kraist akzawi, mewö jim miwikñaima ewö, i mönö köuluk miri kambunöhök közöl wañgibin.” ²³ Keu mianğöra aka kewö jiyohot, “Gömokñi qahö, lök qariza. Mianğöra mönö nanñi qesim wañgime.”

²⁴ Mianğöra azi jegömöl malöhi, mi kunbuk öröget kaiga kewö jiget mörök, “Azi mi siñgisöndök azia akza, mi mötzin. Mianğöra mönö Anutugö qetbuñarñi möpöseinöñga aködämunñambuk ahi dop kölma.”

²⁵ Mi möta kewö meleşnök, “Siñgisöndök azia akza me qahö, nöñön mi qahö mötzal. Mohot kewöyök mötzal: Nöñön jegömöl malalmö, dölkwöñe kunbuk ölop uba ekzal.”

²⁶ Mewö meleşniga kewö qesim wañgiget, “Wani yuaia ak gihiza? Jegi mönö denöwö metohöza?”

²⁷ Qesim wañgigetka kewö meleş eñgiyök, “Nöñön lök meleş eñgizalmö, eñön keu jizali, mi qahö mötze. Wuanöñğöra mi kosikñi kunbuk jibi mötpingö kapan kölje? Eñön mönö mewöyök yañğö gwarekurupñi akingö mötze me?”

²⁸ Mewö meleş eñgiiga mepaqepaik aka uruqeqe keu töhöreñ kewö jim wañgiget, “Gi mönö yañğö gwarekña akzanmö, neñön Mosesgö gwarekurupña maljin. ²⁹ Anutunöñ Mosesya Buña keu wañgii mötzinmö, azi mianñön mönö igen me waigenök asuhuyöhi, mi qahö mötzin.”

³⁰ Mewö jigetka keu kewö jii mötket, “Yañön denikeyök asuhuyöhi, inini mianğöra tok kök qeba tönpin akzeañğöra mi welipközal. Öñña welipközalmö, töndup nöñğö jeni metohöiga ölop uba ekzal. ³¹ Ambazip goñgoñi yeñön Anutu köulukögetka qahö möt eñgimakza, mi mötzin. Mi mötzinmö, kunñan Anutu göda qem wañgiba dinqiba keu jitñi tem köla wuatañğömakzawi, yañğö köulukñi mönö kezap ala mörakza. ³² Kun jegömöl asuhuiğa kunöñ kaba jeñi metohoyöhi, kösohot mewöñi mi mutuhök qahö möta malin. Suep gölmenöñ asuhuyohot, nalö mianğöreñök könahiba kota mala merak mianğöreñ kösohot mewöñi kun qahö mörin. ³³ Anutugöreñök qahö kabawak ewö, yañön mönö yuai mewöñi memangö osibawak.”

³⁴ Mewö jii möta kewö jim wañgiget, “Iwinamgan siñgisöndökpuk gölöm alohotka siñgisöndök pakpak miambuk ahuba qarinnöñarñön merak ninia kusum neñgimangö mötzan. Mi qahö dop kölja.” Mewö jim wañgiba közölgetka gumnöñ erök. Mewö.

Urujenöñ gömöliiga ilingösöñ jipjap malmal.

³⁵ Közölgetka gumnöñ eröhi, keu mianñön Jisösgö kezapñe gei möta azi mi miwikñaima kewö jii mörök, “Gi Anutugö Nahönñi möt narim wañgizan me qahö?”

³⁶ Mi möta kewö qesiba meleşnök, “O Ketañamni, azi mi dañön? Mi jinöñ mötagun i ölop möt narim wañgimam.”

³⁷ Meleşniga kewö jim kutum wañgiyök, “Gi kewö uba neknöñ. Göbuk keu jizali, azi mia mönö nöñön akzal.”

³⁸ Mi möta jiyök, “O Kembu, ni möt narim gihizal.” Mewö jiba sipköba köuluköm wañgiyök.

³⁹ Jisösnöñ jiyök, “Nöñön ambazip kewöta keuñini jim tekömangöra aka eta gölmenöñ asuhuyal. Nöñğöra aka tosatñan jegömöl akzei, yeñğö jeñini tohoiga ölop uba ek kutume. Tosatñi jeñini ölopñi maljei, yeñön nöñğöra aka bau jegömöl aka malme.”

⁴⁰ Mewö jiiga Farisi tosatñan kösutñe mianğöreñ kinda keu mi möta kewö qesiget, “Wae! Nini tok jegömöl azia akzin me? Neñğöra jizan me?”

⁴¹ Mewö qesigetka kewö jii mötket, “Injini ‘Jegömöl akzin,’ jibeak ewö, mönö singisöndok qahö ahöm engibawakmö, nalö kewöne ‘Ölöp ek kutuzin,’ mewö jimakzeangöra aka singisöndokñinan mönö ahöm köhöim engima.” Mewö.

10

Lama aka galömñini ölöpnji.

¹ Jisösnöñ galöm meme keu kewö jiyök, “Nöñön keu öl töhöñji kun kewö jibi mötket: Tosatñan lama tohoñ uruñe öngöbingöra nangunöhök qahöpmö, sel walöñda gezei, yeñön mönö kegwek aka yoñgorö meme ambazip akze. ² Kunñan nangunöñ gezawi, yañön lama mienjö galömñina akza. ³ Yañön kañgoriga nangü galömñan eka nangü öröm wanggiiga eta qeriga lama yeñön keu jölñi ölöp möt kutumakze. Galömñinan nanñi lamaaurupñi engohola qetñini qeta enguanñiriga tohoñini mosöta ölöp yaigepñe anakze.

⁴ “Nanñi lamaaurupñi pakpak enguanñiriga tohoñini mosöta yaigepñe angetka yañön jitñememeñini aka mutuk aniga keu jölñi möt kutuzeangöra andöñe wuatangöba anakze. ⁵ Nanñini galömñini ölöp wuatangömakzemö, kian kunñan kaiga i qahöpmahöp wuatangöme. Kian yeñgö keu jölñini qahö möt kutuzeangöra mönö ziriñziriñ aka yañgöra kök ala deñme.”

⁶ Jisösnöñ keu tölapñi mi jii mötketmö, keuñangö könañi qahö möt asariba köñkuñ qeget. Mewö.

Jisösnöñ lama galöm ölöpnji akza.

⁷ Köñkuñ qegetka toroqeba engöra kewö jiyök, “Nöñön keu öl töhöñji kun kewö jibi mötket: Nöñön lama tohoñgö nangunñi akzal. ⁸ Nöñgö andöñe kambu galöm pakpak mutuk kageri, yeñön kegwek aka yoñgorö meme ambaziwa aket. Mewö akerangöra lama yeñön i qahö möt kutum engiba malget.

⁹ “Nöñön mohot lama tohoñgö nangunñi akzal. Denike eñön Anutubuk köhöiba malbingö jiba nömbuk qekötahöba maljei, nöñön mönö amöt qem engibiga letotme. Mewö aka lama tohoñ uruñe öngöba eta yaigep anda nene gölmeñi möriamñambuk miwikñaimakñe. ¹⁰ Yoñgorö meme yeñön wuanöñgöra kamakze? Yeñön yoñgorö memba neñguba ayuhum neñgibingöra kamakze. Yuai murutñi akingöra qahö. Nöñön mewö qahö akzal. Nöñön injini malmal köhöikñi miwikñaiaba oyaenñkoyaenñ aka malmegöra kaba maljal.

¹¹ “Nöñön lama galöm ölöpnji akzal. Lama galöm ölöpnñan mönö lamaaurupñi yeñgöra aka malmalñi köleñda engima. ¹² Kunñan lama toñi qahö aka bohon memegörök kaba lañ galöm köleñ engimakzawi, mi kewö: Kiam kalñan kaiga eka lamaaurup engömosöta unjurata aniga kiam kalñan lama engöhöba kiom enguba mendeñ engima. ¹³ Yañön yaigewök kaba bohon memegörök ‘Lama galöm köleñ engimam,’ mi jitnöñ jiba lama engöra waimanñat qahö möta nesampurek qakñe mala lañ unjurata anma.

¹⁴⁻¹⁵ * “Nöñön lama galöm ölöpnji akzal. Iwinan ni möt niñgiiga nöñön Iwini möt wangiba maljal. Mianjö dop nöñön nani lamaaurupni möt engibiga yeñön ni möt niñgimakze. Nöñön malmalni lamaaurupni engöra aka köleñda mosötmam. ¹⁶ Nöñgöreñ lama kambu tosatñi mi mewöyök ahuba malme. Yeñön lama tohoñ kiangö toñi qahö maljemö, töndup nöñgö keu jölñi mörakñe. Nöñön i mewöyök enguanñitpiga mianjö dop anda kamakñe. Könañgep kamburñi kamburñi mienñön mindiriba kambu mohot aketka galöm mohotñan galöm köleñ engiiga malme.

¹⁷ “Iwinöñ kewögöra aka ni urunöñ jöpaköm niñgimakza: Nöñön malmalni mosöta kunbuk guliba mal öngömam. Mi Iwigö jeñe dop kölja. ¹⁸ Malmalni kunñan qahö noañgitmapmö, mi nanak köleñda mosötmam. Iwinan jim kutum niñgiiga nanak malmalni köleñda mosötmam aka mianjö andöñe kunbuk guliba mal öngömam. Kukösüm mewöñi mi nöñgöreñ ahöza.”

* 10:14-15: Mat 11.27; Luk 10.22

¹⁹ Jisösnöñ keu mi jiyöhangöra aka Juda jitnememe yengö sutñine goranora kunbuk asuhuyök. ²⁰ Yengöreñök gwötpukñan kewö jiget, “Ömewörömenöñ uruñe geyöhawa mala kahapmahap akza. Mönö wuanöñgöra keuñi mötpinak? Muat mosötpin.”

²¹ Tosatñan jiget, “Keu mewöñi mi kölköljinñin azigö keu ewö qahö. Ömewörömenöñ mönö jegömöl ambazip yengö jeñini denöwö metohobawak?” Mewö erauget.

Juda jitnememe yeñön Jisös andö qeget.

²² Mönöwök jöwöwöl jike köñjörata nanñuñi öröget. Mi yambu (yara) dop mötmöriba kendongö söñgaibingöra* Jerusalem tokoget. Nalö mianñön kam kuñguiga kömunñan kie uru nalö amötñi ahök.

²³ Jisösnöñ jöwöwöl jikegö tohoñ uruñe kin Solomongö sombem söranñambuk qetkeri, miangöreñ anda liliköyök. ²⁴ Anda liliköiga Juda jitnememe yeñön kaba liliköm wañgiba kewö qesim wañgiget, “Könañamgi köyatinöñga mönö nalö dawik toroqeba mambötpingö mötzan? Gi Amötqege Toñi akzan me qahö, mi mönö aukñe jinöñga mötpin.”

²⁵ Mewö jim qesim wañgigetka kewö melenñ engiyök, “Nöñön lök jibiga mötketmö, inñini nöñgö keuni mi qahö möt narize. Nöñön Iwinangö qetñe angöletot ahakzali, mianñön mönö könañamni indela nanñgöba kondelakze. ²⁶ Mi nanñgöba kondelakzemö, inñini nöñgö lama kambu uruñe qahö maljeangöra aka keuni qahö möt narimakze.

²⁷ “Nöñön mönö lamaurupni möt engibiga yeñön mewöyök nöñgö keu jölñi möta ni nuatanñömakze. ²⁸ Nöñön malmal köhöikñi engibiga letota nalö kunöñ qahö kötökñi ayuhume. Kunñan kun i nöñgö böröneyök qahö öröba köndenñ engima. ²⁹ Nöñgö Iwinan i nöñgö böröne al engiyöhi, yanñön körek engongita öñgöñgöñi ketanñi akza. Mianñgöra körekñan i nöñgö Iwinangö böröneyök öröba köndenñ engibingö osime. ³⁰ Ni aka Iwi netkön mönö mohot aka maljit.”

³¹ Jisösnöñ mewö jiiga Juda jitnememe yeñön kunbuk gölmenöhök köt umburanñgöba memba mianñön gila qebingö aket. ³² Mewö aketmö, kewö jim engiyök, “Iwinöñ nam köñ niñgiiga angöletot ketanñi gwötpuk aka membiba ekeri, miengöreñök mönö wania kun mötmöriba ni kötnöñ gila nuñgubingö mötze?”

³³ *Jim engiiga Juda yeñön melenñda jiget, “Neñön angöletot ketanñi aknöñangöra aka qahö kötnöñ gila guhubingö akzinmö, Anutu mepaqepaik ak wañgizanangö likepñi ak gihibin. Gi gölme azia aigun silegi öne mem öñgöba Anutu tandök akñamgö jizan.”

³⁴ *Mewö jigetka Jisösnöñ melenñ engiyök, “Buña Kimbinöñ Köna keu kun kewö ohoget ahöza, ‘Anutu nöñön jial: Inñini mönö nöñgö bemurupni akze.’ ³⁵ Buña Kimbigö keu mi mönö pömsöm qahö qemapmö, pöwöwöm ahöma. Mianñgöra Anutunöñ keuñi ali kaba ambazip buñanñina ahöhi, Anutunöñ yengö qetñini ‘bemurup’ mewö qet engiyök. ³⁶ Ambazip omanñi mewö qet engiyökmö, Iwinöñ azi mem sarahiba melaiiga gölmenöñ eröhi, eñön mönö denöwö aka yanñgöra kewö jize, ‘Gi Anutu mepaqepaik ak wañgiba maljan.’ Nöñön ‘Anutugö nahöññi akzal,’ keu mewö jibiga eñön mönö wuanöñgöra mi mötket qahö dop kölja? Inñini Anutugöreñ Buña keu mi qeze me?”

³⁷ “Nup memakzali, mi eketka Iwinangö ahakmemegö dop qahö ahakza ewö, mönö kude möt narim niñgime. ³⁸ Iwinangö ahakmemegö dop aka memba maljal ewö, könañamni mewö eka mönö möt narim niñgime. Mi keunanñgöra aka qahö möt naribeak ewö, mönö angöletotnanñgöra aka töndup möt narim niñgime. Iwinöñ nömbuk qekötahöba kinja aka nöñön Iwibuk qekötahöba kinjali, inñini mianñgö könañi möt sölöñgöba asarimegöra jizal.”

³⁹ Jisösnöñ mewö jiiga kunbuk memba jöhöbingö mötketmö, börö bapñineyök unju-rata eta anök.

* 10:22: Kendon qetñi Hanuka mi Disemba 25 könahiba wehön 8 mianñgö dop tata söñgaiget. Miri pakpak kiwa ohotiriget asariiga ip sinñi tokoba liñet köla söñngai aket. * 10:33: Lew 24.16 * 10:34: Sum 82.6

⁴⁰ *Engömosöta Jordan o töwatji kutuba kunbuk likepne anda Jonöñ mutuk o melun mem engiba malöhi, miangörej angota nalö tosatji toroqeba miangörej malök. ⁴¹ Miangörej maliga ambazip gwötpukñan yangörej kangota eka kewö jiget, “Jonöñ angöletot mohot kun qahö meyökmö, keu pakpak azi kiangöra jiyöhi, mi mönö keu ölña jiba malök.” ⁴² Kangotkeri, yengöreñök gwötpukñan uruñini melenja möt narim wangiget. Mewö.

11

Jisösgö alañi Lazarusnöñ kömuyök.

¹ *Betani taongö azi kun qetji Lazarus miangön kawöl yöhöi ahöyök. Maria aka Marta darumun yetkön Betani taon miangöreñök malohot. ² *Maria miangön Kambu o köhöwakanjambuknöñ miriba nörop jupñan könañi kereñ meyök. Lazarus kawöl yöhöi ahöyöhi, mi yangö nenja. ³ Lazarusnöñ kawöl yöhöi ahöiga nenyahötñan buzup keu kewö alohotka Jisösgöreñök, “Kambu mötnöñ, alagi yangö ak gihimakzawi, yangön mönö kawöl yöhöi ahöza.”

⁴ Buzup mi anökmö, Jisösnöñ mi möta kewö jiyök, “Kawöl miangön azi alani kömumapköra aka qahö asuhum wangii ahöza. Miangöra qahöpmö, Anutugö Nahönñan i mem ölöwaka miangöra Suepkö aködamunjangbuk aiga ambazipnöñ könañi mi ek kutuba Anutu möpöseigetka qetbuñan asarim sehima. Kawöl mi miangöra aka asuhum wangiyök.”

⁵ Jisösnöñ Marta, yangö munji aka nenjiri Lazarus yengöra ak wangiiiga malök. ⁶ Mewö malökmö, töndup kawölñangö buzupji möta miri malöhi, miangöreñök sömaj yahöt toroqeba malök. ⁷ Mi mali nalö mi teköiga gwarekurupji yengöra kewö jii mötket, “Nini mönö Judia prowinsnöñ lilingöba anbin!”

⁸ Mewö jiiga melenget, “Ketanamnini, Juda yeñon uruwale kapañ köla kötnöñ gila guhubingö mötket. Miangöra kunbuk Judia lilingöba anmangö jizani, mi qahö dop kölja.”

⁹ Mewö melengetka Jisösnöñ keu kewö jiyök, “Wehöngö auñi 12 ahözei, kunñan miangö asakne köna anmawi, yangön mönö yuai kunñan qem mizit qahö ak wangima. Gölmegö asakñan asarim wangiiiga ölop eka anma. ¹⁰ Ölop anmapmö, kunñan kiwañi qahö ahöm wangiiiga sunjem jipjap anmawi, yangön mönö qem mizit miwikñaima.” ¹¹ Keu mi jibagun kewö jii mötket, “Alanini Lazarusnöñ gaunwat ahözapmö, nöñon anda gaunöhök möndöbi wahötma.”

¹² Keu mi möta kewö jiget mörök, “Kambu, ölña gaun ahöza ewö, mönö ölop ahöba ölöwakña.”

¹³ Jisösnöñ Lazarus kömuyöhangö keu saiñi jiyökmö, gwarek yeñon ‘Gauna ahöza,’ jiyöhi, miangö möt bibihiba keu könañi qahö möt kutuget. ¹⁴ Qahö möt kutugerangöra Jisösnöñ aukneyök jim miwikñaiiba jiyök, “Lazarusnöñ kömuyöha ahöza. ¹⁵ Nöñon yambuk qahö malbiga kömuyöhangöra nöñon anda mem gulibiga wahöri eketka möt-naripñinan asuhum köhöima. Mewö aiga engöra söngaiiba ‘Simbawoñ akñe!’ jizal. Mönö wahötketka yangöreñ anin.”

¹⁶ Mewö jim miwikñaiiga Tomas qetji kun Siwisiwi qetkeri, yangön gwarek alaurupji yengöra kewö jii mötket, “Nini ölop mohotne miangöreñ anin. Andagun yambuk kömuin.” Mewö.

Malmal Toñan nenyahötji uruñiri qesawöliyök.

¹⁷ Lazarusnöñ kömumba wehön 4 lök qaksirinöñ ahöi teköiga Jisösnöñ kangoriga buzupji mewö jiget mörök. ¹⁸ Betani taon mi Jerusalem siti mosöta 3 kilomita anangö dop dowe ahöyök. ¹⁹ Miangöra Juda ambazip gwötpukñan Marta Maria nenjiri kömuyöhangöra ‘Songon etkekin,’ jiba kaba tatket.

* 10:40: Jon 1.28 * 11:1: Luk 10.38-39 * 11:2: Jon 12.3

²⁰ Tatketka Martanöj “Jisös kaza,” jiget möta miri mosöta könanöj anda miwikñaiyökmö, Marianöj mire tarök. ²¹ Könanöj miwikñaiya kewö jii mörök, “Kembu, gi kiangöreñ malbanak ewö, nenan mönö qahö kömumbawak. ²² Qahö kömumbawakmö, göñön nalö kewöje mewöñanök Anutugö yuai kungöra köuluköman ewö, mi pakpak ölop miwikñaim gihiiga asuhuma, mewö mötzal.”

²³ Keu mi möta Jisösnöj jii mörök, “Göhö nengan mönö guliba wahötma.”

²⁴ Mi möta Martanöj jiyök, “Gölmegö nalö teteköje kömukömuñi yeñön wahötmei, yañön mönö nalö ketanji miangöreñ guliba wahötmawi, mi möt yaközal.”

²⁵ Mewö jiiga Jisösnöj jii mörök, “Kömupnöhök wahötwahötkö Toñi mi nöñön akzal. Nanak Malmal köhöikñangö Toñi akzal. Miangöra kunñan ni möt narim ningizawi, yañön kömumapmö, töndup toroqeba mal köhöiba malma. ²⁶ Kunñan kun gölmenöj mala möt narim ningiza ewö, yañön mönö nalö kunöj qahö kömum köhöima. Qahö! Keu mi möt narizan me qahö?”

²⁷ Martanöj keu mi möta jiyök, “O Kembu, mi möt narizal. Göñön Anutugö Nahönñi akzan. Amötqeqe Toñi Kraist gölmenöj asuhumapkö jigeri, göñön mönö mia akzan. Mewö möt narizal.” Mewö.

Jisösnöj sahöri imbiljan erök.

²⁸ Martanöj keu mewö jiba miriñe lilingöba anda munñi Mariagöra keu ölöñ jiiga görañe kaiga jiyök, “Böhinöj kaba könanöj kinda göhöra endu anda ekñangöra jiza.”

²⁹ Mewö jiiga Marianöj keu mi möta miangöreñök i mosöta Jisösgöreñ anök. ³⁰ Anökmö, Jisösnöj miri sombemnöj qahö kançoriga endu Martanöj köna namñe miwikñaiya ehöhi, miangöreñök kinök. ³¹ Juda ambazip yeñön Mariabuk miri uruñe uru qesawölökö tatketka Marianöj zilañ wahöta gumnöj eta aniga eka kewö mötmöröba jiget, “Yañön mönö qaksirinöj anda sahötma.” Mewö jiba yañgö andöñe wuatangöba anget.

³² Marianöj anda Jisös kinöhangöreñ angota eka könañe sipköba eta kewö jii mörök, “O Kembu, göñön ki malbanak ewö, nenan mönö qahö kömumbawak.”

³³ Mewö jiba silata qeta sahöriña Juda ambazip yambuk kaba nañgöba mohotñe sahötkeri, Jisösnöj mi eka wösöñi pölpölgöiga jeñi asöliiga köna böröñi jönömñambuk unduyök. ³⁴ Jönömñambuk undui qesim ençiyök, “I denike alget ahöza?” Qesim ençiiga jiget mörök, “Kembu, kewö kaba eknöñ!”

³⁵ Mewö jigetka Jisösnöj sahörök. ³⁶ Sahöriña Juda ambazip yeñön eka jiget, “Yei! Mönö alañangöra önöñi qahö ak wañgii malök.”

³⁷ Mewö jigetmö, tosatñan keu mi qeba kewö jiget, “Jegömöl ambazip jeñini metohoba malök ewö, mönö ölop Lazarus jiiga qahö kömumbawak me?” Mewö.

Jisösnöj Lazarus mem guliiga kömupnöhök wahörök.

³⁸ Mewö lañ jigetka Jisösgö wösöñi kunbuk pölpölgöiga jeñi asöliiga qaksirinöj anök. Qaksirinöj anda yuai kewö ehök: Köt köteñ urorohoba qamötñi miangö uruñe ala nañguñi köt ketanjan köl közipkögetka tarök. ³⁹ Mi eka kewö jiyök, “Mönö köt qililingögetka anök.” Mewö jiiga azi kömuyöhangö nenñi Marta yañön kewö jii mörök, “O Kembuni, sömañ 4 ahözawañgöra lök wörönñambuk akza.”

⁴⁰ Jisösnöj mi möta Martagöra kewö jiyök, “Gi möt narim ningibanak ewö, Anutugö kukösumñan aködammunñambuk asuhuiga ekanak. Mutuk keu mewö jibiga mötnöj me qahö?”

⁴¹ Mewö jiiga köt qililingöget aniga Jisösnöj eu ui öngöiga kewö jiyök, “Iwi, gi köulukni mötzanañgöra aka ‘Pipsaiwap!’ jim gihizal. ⁴² Gi nalö dop köulukni mörakzani, mötzalmö, göñön melaim ninginöñga gölmenöj erali, ambazip kambu liliköm ningiba ki kinjei, yeñön mi möta möt narimegöra aka keu ki jizal.”

⁴³ Mewö jiba imbiñi memba wahöta ketanjanök qeta kewö jiyök, “Lazarus, gi mönö wahöta kançotnöñ!” ⁴⁴ Mewö qeriga azi kömukömuñi yañön guliba wahöta kayök. Köna böröñi opo kawukñambuknöj esuhuba jemesoholñi opo jöhanñan köpeiba jöhöget ahöi

dundunjabuk kayök. Mewö kaiga Jisösnöj jiyök, “Mönö dundunji pösatketka ölop anma.” Mewö.

Juda galöm yejön Jisös kömumapkö anğönañ geget.

Mat 26.1-5; Mak 14.1-2; Luk 22.1-2

⁴⁵ Juda ambazip Mariagörej kañgota Jisösnöj yuai aiga asuhuiga ekeri, yeñgörejök gwötpukñan uruñini melenđa Jisös möt narim wañgiget. ⁴⁶ Möt narim wañgigetmö, tosatñan Farisi (Köna keugö kapañkölköl) yeñgörej anda Jisösnöj yuai ahöhi, miangö kösohotñi jiget mötket.

⁴⁷ Mi jiget mötketka jike nup galöm aka Farisi yejön jike kaunsöl jitñememe öröm engiget tokogetka kewö jiget, “Azi miañön anğöletot kukösumñambuk sehisehiñi memakzawañgöra i mönö denöwö ak wañgiinga dop kölbawak? ⁴⁸ Wakosorañ aka yuai kun qahö ak wañgiinga toroqeba mewö aka malma ewö, mönö ambazip körek pakpak i möt narim wañgibeak. Mewö aketka Rom gawman yeñgö irimñini seholiiga kaba nanini jöwöwöl jikenini aka ambazip kambu ki nenguañgitketka öne töhön malbinbuk.”

⁴⁹ Mewö jiget tatketka yeñgörejök kun qetñi Kaiafas yañön yambu (yara) miangörej jike nup galöm bohonñi aka nup mia memba malök. Yañön wahöta goro keu kewö jii mötket, “Injini uru mötmötñinañgö kinimñi tok qahö tohoza. ⁵⁰ Injini keu ki ölop qahö kewötze: Nini ambazip kambu körekñanök ayuhuinga lömböt keta bölökñi akapuk. Miangöra azi mohotñan Juda kambu neñgö aip selnini ala sohohnini memba kömuiga dop kölma.”

⁵¹ Yañön keu mi nanñi imbiñe qahö ahuiga jiyökmö, yambu (yara) miangörej jike nup galöm bohonñi malöhañgöra aka nanñak keuañgö könañi qahö möta kezapqetok keu jiyök, “Jisösnöj ambazip kambu neñgöra aka kömui dop kölma.” Keu mi ölña jiyök. ⁵² Juda ambazip kambu neñgöröhök qahö kömuyökmö, Anutugörej urumelen könağesö gölme dop deñqenda mal anjini, nini mewöyök mindirim neñgiiga urumelen kambu mohok aka malbingöra kömuyök. Kömumapkö keuñi mi qeljiñe jiyök.

⁵³ Wehön miangörejök könahiba jitñememe yejön tokoba mewö eraum möta Jisös kömumapkö keuñi jim köhöiba areñi alget. ⁵⁴ Miangöra Jisösnöj toroqeba Juda yeñgö sutñine aukñe qahö anda kaba malök. Mewö qahöpmö, engömosöta gölme qararañkölköñanğö görañe anök. Miangörej anda taon qetñi Efraim miangörej anğota gwarekurupñi yembuk nanñinök malget.

⁵⁵ Juda neñgörej ak-kömükömu kendonöj törüyök.* Miangöra Juda ambazip gwötpukñan miri dop miriñini mosöta köl köñjorat ak anğubingöra möta Jerusalem sitinöj öngöget. ⁵⁶ Jisös jaruba mala jöwöwöl jikegö tohoñ uruñe kinda eraum möta kewö qesim anğuguet, “Jisösnöj sösongai kendongöra ki kama me qahöpto? Denöwö mötze?”

⁵⁷ Mewö qesim anğuguetmö, jike nup galöm aka Farisi yejön jimkutukutu keu kewö algetka sehiyök, “Kunñan Jisösgö ahöm tatatñi eka mötmawi, yañön mönö neñgörej kaba buzupñi jii möta anda memba jöhöbin.” Mewö.

12

Marianöj Jisös o köhöwakñambukñöj miriyök.

Mat 26.6-13; Mak 14.3-9

¹ Anutunöj mönöwök neñgehoriba neñgongiröhi, miangö ak-kömükömu kendonñan* töriba sömañi 6 teköiga miangörej kam kuñgumamgö ahök. Jisösnöj nalö miangörej miri qetñi Betani miangörej anök. Mutuk azi qetñi Lazarus mem gulii kömupnöhök wahöta malöhi, mönö yañgö mire anğorök. ² Miangörej anğoriga Jisös göda qem wañgibingöra miri kunöj nene ohoba mözözömgöget. Martanöj ohom töndeñ köl enğiyökmö, azi Jisösbuk mohotñe tata nene negeri, Lazarusnöj yeñgö sutñine tarök.

* 11:55: Kendon qetñi Nei keunöj Pasowa jize. Anutunöj mönöwök Israel ambazip neñgehoriba neñgongiröhi, miangöra yambu dop nalö ala söngaimakzema. Eksodus 12.15 * 12:1: Eksodus 12.15

³* Mewö tatketka Marianöŋ kelök kirin kun lömbötŋi 500 gram mi memba Jisösgöreŋ kayök. Kirin mi o umköhöwaktambuk ölni qetŋi nad bohonŋi öngöngöŋi ketarŋi mianŋön kokolak qeŋeŋa. Yaŋön mi memba kaba simin köla Jisös könaŋe mimbiliba miriba nööröp jupŋan kereŋ meyök. Mewö aiga miri uruŋe tatkeri, mi ogö wöronŋan pukpuköba dop köla ahöiga mötket.

⁴ Mewö asuhuiga Jisösgö gwarek yeŋgöreŋök kun qetŋi Judas Iskariot, könaŋep Jisös mamalolo meyöhi, azi mianŋön qetala kewö jiyök, ⁵ “O köhöwaktambuk mi mönö wuanöngöra bohonŋi memegöra qahö alök? Iwinangö jitŋi! Mi albawak ewö, mönö silim 300:kö töwarŋi (Kina 1500,-) miangö dop yöhötibawak. Mia ambazip wanapŋi enŋiinga dop kölbawak.” ⁶ Mewö jiyökmö, keu mi ambazip wanapŋi yeŋgöra waimanjat möröhanŋöra aka qahö jiyök. Yeŋgöra aka qahöpmö, yongorö meme azia mala moneŋ gösö kutukutulaŋini galöm köli moneŋ alget geiga miangöreŋök kitipŋi nanŋangöra memba malök. Mönö miangöra aka mi jiyök.

⁷ Mewö jiiga Jisösnöŋ jiyök, “Injini ambi ki mönö kude jim wangime. Nöŋön kömumbiga löm köl niŋgimeangö nalöŋi törizawangöra ölop sileni o umköhöwaktambuknöŋ nömiriza. ⁸* Ambazip wanapŋi mi mönö nalö dop sutŋine malakzemö, nöŋön embuk nalöŋi nalöŋi qahö malmam.” Mewö.

Lazarus qebingö keu jöhöba angönaŋ alget.

⁹ Jisösnöŋ Betani mire malöhi, mi Juda ambazip kambu gwötpukŋan möta miangöreŋ kaget. Jisösgöröhök qahö kagetmö, Lazarus kömupnöhök mem gulii wahöröhi, i mohot ekingö likeplikep öröba kaŋgotket. ¹⁰ Mewö kaŋgotketmö, jike nup galöm yeŋön Lazarus mewöyök qein kömumapkö keu jöhöget. ¹¹ Juda ambazip gwötpukŋan Lazarusgöra aka Betani anda uruŋini melenŋa Jisös möt nariget. Miangöra keu mewö jöhöget. Mewö.

Jisös köiraŋ kölgetka Jerusalem öngöyök.

Mat 21.1-11; Mak 11.1-11; Luk 19.28-40

¹² Mewö aketka ahöba wahöta miangöreŋ ambazip kambulembenöŋ ak-kömökümü kendongöra Jerusalem sitinöŋ kaŋgota malgeri, yeŋön buzup keu kewö mötket, “Jisösnöŋ Jerusalem kamangö könanöŋ kaza.” ¹³* Keu mewö möta umji böröŋi memba könanöŋ miwikŋaibingö anda kewö jiba qetket, “Hosana, owe owe! Anutu möpöseizin. Kembangö qetŋe kamawi, Anutunöŋ mönö kötuatköma! Israel neŋgö Kiŋ Kembunini owe owe!”

¹⁴ Jisösnöŋ doŋki moröŋi kun miwikŋaiba miangö qakŋe öngöba tarök. Mi kezapqetok keu kun kewö ohoget ahözawangö dop asuhuyök,

¹⁵* “O Jerusalem ambazip Zaion kundunŋi liliköba maljei, injini mötket, enŋö Kiŋ Kambuŋinan mönö kama.

Doŋki moröŋangö qakŋe tata kama. Miangöra keŋgötŋini mönö kude mötme.”

¹⁶ Jisösgö gwarekurupŋan yuai asuhuyöhi, miangö könaŋi mutuk qahö möt kutugetmö, könaŋep ölop möt asariget. Jisösnöŋ Suepnöŋ öngöba asakmararaŋambuk malöhi, keu mi nalö miangöreŋ mötmöriba kewö jiget, “Aha! Keu mi mönö Jisösgöra ohoget ahöza aka ambazipnöŋ keu miangö dop ak wangigetka ölnambuk ahök.”

¹⁷ Ambazip Jisösbuk Betani malgeri, yeŋön dangunu ewö kinda buzupŋi jim sehiget. Jisösnöŋ Lazarus qeriga kömupnöhök guliba wahöta qaksirigö köt köteŋ mosöta kaŋgoriga ambazip kambunöŋ ekeri, yeŋön Jisösgö könaŋi naŋgöba jiba jim asariget. ¹⁸ Jisösnöŋ angöletot mi meyöhi, keu mi mötkeraŋgöra aka ambazip kambunöŋ luluŋda köl öröm wangibingö anget.

¹⁹ Mewö angetka Farisi (Köna keugö kapaŋkölköl) yeŋön nanŋinök eraum möta kewö jiget, “Mötket. Gölmeŋi gölmeŋi ambazip yeŋön mönö luluŋda öröba yangö andöŋe anakze aka nini keu nup miyök mem bibihiinga ölni kun qahö asuhuza.” Mewö.

Grik ambazip tosattŋan Jisös jaruget.

* 12:3: Luk 7.37-38 * 12:8: Dut 15.11 * 12:13: Sum 118.25, 26 * 12:15: Zek 9.9

²⁰ Juda ambazip ak-kömukömu kendongöra Jerusalem sitinöŋ öngöba Anutu waikŋi memba möpöseigeri, yeŋgö sutŋine Grik ambazip tosatŋi mohotŋe malget. ²¹ Yeŋön gwarek qetŋi Filip yaŋgöreŋ kaget. Filipnöŋ Galili prowinsgö taon qetŋi Betsaida miangö azia malök. Grik yeŋön yaŋgöreŋ kaba qesiba kewö jiget mörök, “Ketaŋamnini, nini sihimninan Jisös ekingö mötzin.”

²² Mewö jiget möta Andrugöreŋ anda keu mi jii mörök. Jii möta mohotŋe anda Jisös jiyohot mörök. ²³ Keu mi möta meleŋda kewö jiyök, “Suepkö asakmararaŋan Suep gölmegö Azi Ölŋi yaŋgöreŋ kunbuk asuhum kutuiga asarimawi, miangö nalöŋan mönö töriza. ²⁴ Nöŋön kömupnaŋgö söpsöp keu öl töhöŋŋi kun kewö jibi mötket: Sehoŋ kötŋi gölmenöŋ qahö geba julma ewö, mönö öne miyök ahöma. Mewö öne ahömapmö, geba julma ewö, korapŋan mönö jula öndölböndöl wahöri ölŋi gwötpuk söhöma.

²⁵ **“Miangö dop denike yeŋön malmalŋini nanŋinaŋgöra aŋgön köla nanŋini imbi- imbi siyoŋsayoŋi qahö malbingö ak eŋgimakzawi, yeŋgö malmalŋinan mönö sohoma. Mewö sohomapmö, kunŋan kun nanŋi malmalŋi göragöra ala nia jegep al niŋgimawi, yaŋön mönö malmal ölŋi öndölböndölŋambuk miwikŋaiba köhöiba teteköŋi qahö mal öngöma. ²⁶ Kunŋan ni welen qem niŋgimangö jizawi, yaŋön mönö ni nuatangöba mali dop kölma. Weleni qemakzawi, mönö ni anda kaba malmamaŋgöreŋ mewöyök nömbuk malma. Kunŋan nömbuk mala weleni qem niŋgimakzawi, Iwinöŋ mönö i göda qem waŋgii malma.”* Mewö.

Jisösnöŋ kömumba gulimawaŋgö keu saiŋi jiyök.

²⁷ Jisösnöŋ jiyök, “Wösöni dölkö kot gwözöŋniga amqam aka maljal. Denöwö jibileŋak? Keu jaruzal. O Iwi, gi ölop aua nalö kewöŋaŋgö köŋjiliŋnöhök meköm niŋgiman. Töndup kewögöra mewö qahö köulukömam: Aua kiangö sihimbölöŋi mi mökösoŋda bisimangöra aka nangak qakne aljan. ²⁸ O Iwi, gi mönö nangi aködamungi al niŋgiba qetbuŋagi mem qariman.” Mewö köuluköiga Suepnöhök keu kewö asuhuba erök, “Nöŋön aködamuni lök al gihiba mewö qetbuŋani mem qarial aka toroqeba mem qaribiga sehiba anma.”

²⁹ Keu mi asuhuiga ambazip kambu kinget yeŋön mi möta jiget, “Wöl pöndaŋ qetza.” Tosatŋan jiget, “Suep garata kunŋan yaŋgöra keu jiiga kourukŋi mötzin.”

³⁰ Mewö mewö jigetka kewö jii mötket, “Kouruk mi nöŋgöra aka qahö asuhuzapmö, mi eŋgöra aka asuhuza. ³¹ Nalö kewöŋe gölmeŋi gölmeŋi ambazip ahakmeme bölöŋi wuatangömakzei, yeŋgö kewötkewöt nalöŋinan mönö mesohol köl eŋgiza. Anutunöŋ yeŋgö keuŋini jim teköba likepŋi meleŋ eŋgiiga qakŋine öngömapkö akza. Nalö kewöŋe Anutunöŋ Bölöŋaŋgö Kembuŋi gölme dop galöm köl eŋgimakzawi, mönö i közöliga yaigep etmapkö akza. ³² Yaŋön etmapmö, nöŋgöra kewö asuhuma: Ambazipnöŋ gölmenöhök nömemba könakemba kösököm niŋgigetka öngöba kinbiga köna ahuiga ambazip gölme dop öröm eŋgibiga luluŋda nöŋgöreŋ kaba kambu köla kinme.” ³³ Mi kömup denöwöŋi kömumawi, miangö keu saiŋa mewö jii mötket.

³⁴ **“Ambazip kambu yeŋön mi möta kewö jiget mörök, ‘Nini Köna keu oyöŋda kewö mötzin, ‘Kraistnöŋ qahö kömumba teteköŋi qahö mal öngöba malma.’ Göŋön wuanöŋgöra kewö jizan, ‘Suep gölmegö Azi Ölŋi gölmenöhök memba kösökögetka könakemba öngöba kinma.’ Suep gölmegö Azi Ölŋi mi daŋön?”*

³⁵ Mi möta meleŋ eŋgiyök, “Asakŋan nalö töröptökŋi kunbuk sutŋine asariba malma. Söŋaupnöŋ qakŋine öngöba turum eŋgii miangö buŋaŋi akepuköra mönö asakŋe anda kaba malme. Asakŋan ahöm eŋgimawaŋgö dop mönö asakŋe malme. Daŋön panamanöŋ jipjap anda kamakzawi, mönö denike aŋgotmawi, mi qahö mötza. ³⁶ Miangöra asakŋan nalö dawik embuk malmawi, nalö miangöreŋ mi mönö urunöŋ möt aŋgön köla malme. Asakŋaŋgö könagesö aka malmegöra mönö asakŋi mi möt nariba malme.” Jisösnöŋ keu mewö jiba eŋgömosöta tölapköba anök. Mewö.

* 12:25: Mat 10.39; 16.25; Mak 8.35; Luk 9.24; 17.33 * 12:34: Sum 110.4; Ais 9.7; Eze 37.25; Dan 7.14

Juda ketanji yengö uruköhöikjnan qahö löwöriyök.

³⁷ Jisösnöñ angöletot gwötpuk memba maliga Juda yeñon mi jeñinan eketmö, tündup i qahö möt narim wañgiba silebile malget. ³⁸*Mewö malgetka kezapqetok azi Aisaigörej keu kun mi ölñambuk asuhuyök. Yañon keu mi kewö ohoyöha ahöza, “O Kembu, neñon Buja keu jim asariba uruñini kuñgum engimakzinmö, dañon mi möt naribawak? Kembunöñ kukösumñi mi mönö dagöra indeli möt asarima?”

³⁹ Amötqeqe Toñi möt narim wañgibingö lömböriba osigeri, Aisaianöñ miangö könañi möta keu kun qeljije kewö jiba ohoyöha ahöza,

⁴⁰*“Nanñini jeñinan yuai eka könañi ek kutubepuk me uruñinan keu könañi möt asaribepuk. Mi möt asariba uruñini melenjepuk. Uruñini melengetka mem ölöwak engibileñbuk. Yañon mewö asuhubapüköra ambazip jeñini mem gömöliba uruñini gwözöñniga malje.”

⁴¹ Jisösnöñ Suepkö asakmararañöñ asariba mali Aisaianöñ mewö eka könañi jim asariba keu mi jiyök.

⁴² Jitñememe aka galömkölköl azi yengörejök gwötpukñan mewöyök Jisös möt narigetmö, Farisi (Köna keugö kapañkölköl) yeñon köuluk miri kambunöhök közöl engibepüköra mi aukñe qahö jim miwikñajaget. ⁴³ Ambazipnöñ möpöseim engimegöra kapañ kölgetmö, Anutunöñ möpöseim engimapköra mi qemasolokep aket. Mewö.

Jisösgö keuñan ambazip kewöta keunini jim teköma.

⁴⁴ Tosatñan mewö aketmö, Jisösnöñ keu qeta kewö jiyök, “Kunñan möt narim niñgizawi, yañon niyök qahö möt narim niñgizapmö, kunöñ melaim niñgiyöhi, i mewöyök möt narim wañgiza. ⁴⁵ Kunñan ni neka mönö melaim niñgiyöhi, i mewöyök ehakza. ⁴⁶ Ambazip kun ni möt narim niñgizawañon mönö söñaupnöñ qekötahöba malbapuk. Miangöra nöñon eta asuhuba gölmeñi gölmeñi engö asakñina aka maljal.

⁴⁷ “Nöñon eta asuhuba gölmeñi gölmeñi engö keuñini jim tekömamgöra aka qahö kayalmö, ambazip gölme dop amöt qem engibiga nalö kewöñe letota Suepkö bujaya akñegöra aka kayala maljal. Miangöra ambazip nöñgö Buja keuni möta qahö tem köla wuatangömakzei ewö, nöñon yengö keuñini qahö jim tekömam. ⁴⁸ Denike yeñon jijiwilit ak niñgiba Buja keuni qahö möt angön köljei, yengö jim teteköñinan mönö kewö asuhuma: Nöñon Buja keu jibi mötkeri, keu miangön mönö nalö ketaje keuñini jim teköiga sihimbölöñini miangö dop mötme.

⁴⁹ “Könañi kewögöra mewö asuhuma: Nöñon Buja keu jiba malali, mi keu omañi qahö. Mi nani imbineyök qahö asuhuiğa jiba kota malal. Mewö qahöpmö, Iwi melaim niñgiyöhañon nanñak keu jit denöwö jimami, miangö jim kutum niñgiiga jiba kota maljal. ⁵⁰ Iwigörej jimkutukutu miangön mönö iñini malmal köhöikñe al engimakza, mi mötzal. Miangöra Iwinan mi jimamgö jim kutum niñgiyöhi, mönö miangö dop Buja keu jimakzal.” Mewö.

13

Jisösnöñ gwarek yengö könañini sañgoñök.

¹ Ak-kömukömu kendonöñ* töriiga Jisösnöñ könañi kewö möt yaköyök, ‘Gölme mosöta Iwinañgörej öñgömamañgö nalöñan mönö töriza.’ Mewö möt yaköba nanñi alaurupñi gölmeñöñ malgeri, mi uruñan jöpaköm engiba mala teteköñe miangörej mewöyök uru jöjöpañi mi kondel engiyök.

² Kömumawañgö nalöñan kam kuñgumamgö aiga nalö kunöñ sungemgö nene nembingö tokoba mohotñe tatketka yuai kewö asuhuyök: Saimon Iskariotkö nahöññi qetñi Judas i Satanöñ lök sölölohöyök. Jisös mamalolo ak wañgimapkö keuñi mi sañep ali uruñe geiga möta tarök. ³ Jisösnöñ nanñi könañi mi kewö möt kutuyök, ‘Iwinöñ yuai

* 12:38: Ais 53.1 * 12:40: Ais 6.10 * 13:1: Anutunöñ mönöwök Israel ambazip neñgehoriğa neñgonggiröhi, kendon miangö qetñi Nei keunöñ Pasowa jize. Eksodus 12.15

pakpakö kukösumñi mi nöngö böröne aliga Anutugöreñök eta mala kunbuk yangöreñ öngömamgö akzal.⁷

⁴ Könañi mewö möt kutuba nene nempa tatkerangöreñök wahöta malukuñi köteköba nupkö opo johanñi kun memba kempañe köpeiba jöhöyök. ⁵ Mi jöhöba o joutnöñ mokoi geiga könañiba gwarekurupñi yengö könañini sanjoñök. Sanjoñ teköba opo johanñi (tauöl) kempañe köpeiba jöhöyöhi, miañön könañini kutuyök. ⁶ Sanjoñda anda Saimon Pitögö könañe kanjoriga kewö jii mörök, “O Kembu gi welenqeqe etqeqeñi qahö. Göñön nöngö könañi sanjoñnöñga qahö dop kölma.”

⁷ Mewö jii möta kewö meleñök, “Yuai döлки akzali, göñön miañgö könañi nalö kewöñe qahö möt kutuzanmö, könañepnöñ mi ölop möt asariba malman.”

⁸ Meleñniga kewö kapañ köla jiyök, “Gi mönö nöngö könañi nalö kunöñ qahöpmañöp sanjoñman.” Mewö jiiga kewö jiyök, “Nöñön gi qahö sanjoñ gihimam ewö, gi mönö nöngö gwarekni toroqeba malmamgö osiman.”

⁹ Mewö jiiga Saimon Pitönöñ pörösöl ala auruba meleñök, “Kembu, mewögöra gi könananök qahöpmö, böröni aka nöropni mi mohotñe sanjoñman.”

¹⁰ Mewö meleñniga kewö jii mörök, “Kunñan o ariba kaiga könañi tok sanjoñninga töwötñi qahö sarakñi ak teköma. Inini körek lök sarakñi ak teközemö, mohotnöñök sarakñi qahö akza.” ¹¹ Dañön mamalolo ak wanjimagmögö ahöhi, Jisösnöñ mi möta miañgöra kewö jiyök, “Inini körek sarakñi qahö akze.”

¹² * Könañini sanjoñ teköba malukuñi kunbuk löngöta eta tari negetka kewö qesim engiba jiyök, “Nöñön yuai ak engizali, inini miañgö könañi möt asarize me qahö? ¹³ Inini nöngöra ‘Böhi!’ aka ‘Kembu!’ mewö noholakze aka nöñön mi ölna akzal. Miañgöra mi dopñe jimakze. ¹⁴ Nöñön engö Kembu Böhiñini aka welenqeqe eretñangö silik memba könañini sanjoñjal ewö, inini mönö mewöñanök memba et al anguba weleqeqe aka könañini sanjoñ anguba malgetka dop kölma. Mi mönö nupñina.

¹⁵ “Nöñön aka kondel engizali, inini mönö miañgö dop nanögöba welen qem anguba malme. Mewö malmegöra miañgö silikñi nöñön merak kondel engibiga ekze. Mi mötmöröba miañgö tandökñi wuatangögetka dop kölma. ¹⁶ * Nöñön keu ölö töhöññi kun kewö jibi mötket: Welenqeqenöñ eretñi aiga toñan öngöñgöñi akza. Gwareknöñ böhiñi ongita öngöñgöñi akñamgö osima. Mewöyök azi kembu kunöñ garatañi melaiiga kolek anda nup memakzawi, yanön mönö kembuñangö bapñe malakza. ¹⁷ Inini keu kötni mi merak möt kutuze. Mewögöra silememe mosöta alaurupñini nembö bapñine anda malme ewö, nöñön mönö engöra ‘I-ia simbawoñ!’ jimam.” Mewö.

Kunöñ mamalolo ak wanjimagpkö qeljine jiyök.

Mat 26.20-25; Mak 14.17-21; Luk 22.21-23

¹⁸ * “Keu jizali, mi mönö inini lökñanök qahö engömeza. Nöñön niñia möwölöhöba engömeali, engö könañamñini mönö ölop möt kutuzal. Mewö maljalmö, Buña Kimbi kun miañön ölnambuk aiga dop kölma. Keu mi kewö, ‘Kunöñ nöngöreñ nene mohotñe neziri, yanön mönö kelewele aka gwakötñan tötal niñgiba nuñgumamgö jöjöröza.’†

¹⁹ “Ni ölni könañep asuhumawangö keuñ mutuk jizal. Miañgöra ölni asuhumawi, inini nalö miañgöreñ nöngö könañi möt asariba kewö jime, ‘Aha! Malmalgö könañi nalö dop mala kota malöhi, yanön mönö mia akza.’ Mewö jiba möt narim niñgimegöra nöñön keu mi qeljine aukñe jibiga mötze.

²⁰ * “Nöñön keu ölö töhöññi kun kewö jibi mötket: Nöñön ambazip kun melaibi nup memamgöra kaiga kunñan i kölö örözawi, yanön mönö ni tok kölö öröm niñgima. Mewöñanök ni kölö öröm niñgizawanön mönö melaim niñgiyöhi, mönö i mewöyök kölö öröm wanjima.”

* 13:12: Luk 22.27 * 13:16: Mat 10.24; Luk 6.40; Jon 15.20 * 13:18: Sum 41.9 † 13:18: Gwakötñan tötal niñgiba nuñgumamgö jöjöröza, keu mi Israel yengöreñ dopkeu kun. Könañi kewö: Yanön uruñan qetala utaköm niñgiza. * 13:20: Mat 10.40; Mak 9.37; Luk 9.48; 10.16

²¹ Jisösnöñ keu mewö jiba wösöñji kot gwözöñda jul takömamgö ahiga keu indela kewö jiyök, “Nöñön keu öl töhönñi kun kewö jibi mötket: Engöreñök kunñan ni mamalolo mem ninggima.”

²² Mewö jiiga gwarekurupñan nanñini kunjaliliñ uba angehiba nanñök nanñök kewö mötmöriget, ‘Mönö dagöra jizapto?’ Mewö mötmöriba uruyahöt tönpin tatket.

²³ Tönpin tata nene negetka Jisösgö wölböt gwarekñan yañgö qöhöröñeyök tarök.

²⁴ Yañön tariga Saimon Pitönöñ nöröpñan gwarek mi söpsöp ak wañgiba kewö jii mörök, “Keu mi dagöra jizawi, mi qesiba jinöñ mötpi.”

²⁵ Mewö jii möta lapingöba Jisösgö töptöpñe nañgöba kewö qesiyök, “Kembu, azi mi dañön?”

²⁶ Mewö qesiiga meleş wañgiyök, “Beret kitipñi kuluññöñ kundumgöba kun wañgimami, yañön mönö mi.” Meleş wañgiba beret kitipñi memba kuluññöñ kundumgöba Judas wañgiyök. Judasgö iwiñi qetñi Saimon Iskariot. ²⁷ Beret kitipñi mi wañgiiga Satanöñ miangöreñök Judasgö uruñe geyök. Miangöra Jisösnöñ i jim kutum wañgiba kewö jiyök, “Yuai akñani, mi mönö zilañ akñan.” ²⁸ Keu mewö jiyökmö, mi wuanöñgöra jii möröhi, mi gwarek tosatñan mohokñe tata nene negeri, yengöreñök kunñan kun qahö möt asariyök. ²⁹ Gwarek tosatñan miangöra kewö mötmöriget, “Judasnöñ moneñ gösögö galömña malöhi, miangöra kendon nalöñe yuai osibini, mi bohonñi memapköra melaiza me ambazip wanapñi moneñ yuai kun memba engimapköra jiza.”

³⁰ Judasnöñ keu mi ölop möt asariba beret kitipñi mi memba miangöreñök mosöta yaigep aniga sunjem ahök. Mewö.

Jisösnöñ jöjöpañ keu dölokñi jim kutuyök.

³¹ Judasnöñ mosöta yaigep aniga Jisösnöñ kewö jiyök, “Dölki Anutunöñ aködamunñi Suep gölmegö Azi Ölni al teköm wañgiiga yañön Anutugö qetbuñaji mem qarii asuhuza.

³² Yañön Anutugö qetbuñaji mem qariba Anutubuk qekötahözawañgöra Anutunöñ mönö mewöñanök yañgö qetbuñaji mem qarima. Mi nalö qahö körüi mem qariiga asakmararañan asuhum tinñiri mal öñgöma.

³³ *“O gömokurupni, nöñön nalö töröptökñi kunbuk embuk malmam. Mi mala engömosötpiga könangep jarum ninggiba malme. Juda yengöra kewö jibi mötket, ‘Ni miri anmami, inñini miangöreñ kabingö osime.’ Keu miyöhök dölkü engöra mewöyök jizal.

³⁴ *“Nöñön jöjöpañ keu dölokñi jim kutum engizal: Inñini mönö uruñinan jöpaköm anguba malme. Nöñön urukalem ak engiba malali, inñini mönö miangö dop jöpaköba urukalem ak anguba malme. ³⁵ Sutñine uruñinan jöpaköm anguba malme ewö, ambazip körek yepñön engeka könangamñini möt kutuba kewö jiba malme, ‘Aha! Mönö Jisösgö gwarekurupñi akze.’” Mewö.

Pitönöñ Jisös qañ kölmakö keu qeljiñe jiyök.

Mat 26.31-35; Mak 14.27-31; Luk 22.31-34

³⁶ Saimon Pitönöñ Jisös kewö qesim wañgiyök, “Kembu, gi denike anman?” Qesim wañgiiga meleşnök, “Ni denike anmami, gi miangöreñ nuatangöba kamamgö osiman. Nalö kewöñe osimanmö, könangep mia ölop nuatangöba kaman.”

³⁷ Meleşniga kewö qesiyök, “Kembu, ni mönö wuanöñgöra nalö kewöñe gi guatangöba kamamgö osimam? Nöñön mönö malmalni göhöra aka köleñda mosötmam.”

³⁸ Qesiiga kewö meleşnök, “Gi ölna malmalgi nöñgöra aka köleñda mosötmamgö jizan me? Keu mi jitkanök jizan. Nöñön keu öl töhönñi kun kewö jibi mötnöñ: Merak kurukñöñ qetmamgö dopdowiiga göñön nalö miangöreñ qañ köleñda indimñi karöbut akña.” Mewö.

14

Jisösnöñ gwarekurupñi urukölalep mem engiyök.

* 13:33: Jon 7.34 * 13:34: Jon 15.12, 17; 1 Jon 3.23; 2 Jon 5

¹“Uruñinan mönö waimanjat kude möta wösöbirik kude aka malme! Mönö Anutu möt narime aka ni mohok möt narim niñgiba malme! ²Nöñgö Iwinanğö miri bohonje miri uruñi sehisehiñi ahöze. Mi qahö ahöbeak ewö, mönö enğöra keu kewö jibileñak: Nöñön mönö miangörej öñgöba enğö dum miri mem möhamgömam.

³“Nöñön mutuk anda öñgöba enğö dum miriñini mem möhamgömam-mö, nöñön miri malmami, iñini mewöyök nömbuk miangörej mohotje malbingö sihimñi mötzal. Miangöra nöñön mönö kunbuk lilingöba kaba enğuangitpiga euyangörej öñgöme. ⁴Nöñön miri denike anmami, iñini miangö könañi lök möt kutuze.” Mewö.

Iwigörej anangö köna mi Jisös.

⁵Jisösnöñ mewö jiiga gwarek qetñi Tomas yañön kewö jiyök, “O Kembu, gi miri denike anmani, nini mi qahö mötzin. Miangöra miangö könañi mi mönö denöwö möt kutubinak?”

⁶Mi möta kewö jii mörök, “Nöñön Köna akzal. Nöñön Keu öñji aka Malmal köhöikñi akzal. Kunñan Iwigörej anğotmangö möta nöñgörej kama ewö, yañön mönö köna miwikñajima. Köna murutñi kun qahö ahöza. ⁷Iñini ni öñja möt kutum niñgibeak ewö, mönö nani Iwini mewöñanök möt kutum wañgibeak. Iñini nalö kiangörejök könahiba nöñgö Iwini lök eka möt wañgize.”

⁸Mewö jiiga Filipnöñ kewö jii mörök, “O Kembu, gi Iwi kondel neñginöñga neñön i uba ehinga dop köñ neñgima.”

⁹Mi möta Jisösnöñ jii mörök, “O Filip, ni nalö köröp tiñtiñi embuk pöndañ malbigun neka töndup könañi qahö möt kutuzan me? Kunñan ni nek kutuyöhi, yañön mönö Iwini mewöyök eka malja. Miangöra gi mönö denöwögöra Iwi kondel neñginöñga ekingöra jizan?”

¹⁰“Nöñön Iwibuk qekötahöba kinbiga Iwinöñ nömbuk qekötahöba kinjawi, mi möt narizan me qahö? Keu Buña jibiga mörakzei, nöñön keu mi nani uruneyök qahö memba jimakzal. Qahö! Nup memakzali, mi mewöyök Iwi nömbuk qekötahöba kinjawañön nam köñ niñgii öñji ahumakza. Miangöra nup memakzali, mi mönö yañgö nuwa memakzal.

¹¹“Nöñön Iwibuk qekötahöba kinbiga Iwinöñ nömbuk qekötahöba kinja. Iñini mönö mewö möt narim niñgiget. Keu mi jitiñöñ jibi möta qahö möt narim niñgibeak ewö, mi mönö anğöletotni ekzeañgöra aka möt narim niñgime. ¹²Nöñön keu öñ töhöññi kun kewö jibi mötket: Denike yeñön ni möt narim niñgizei, yeñön mewöyök ni anğöletot memba malali, miyöhök memakñe. Miyöhök memakñe aka nalö tosatñe nöñön meali, miangö dopñi onğita mi memakñe. Nöñön Iwigörej öñgöba malmamañgöra aka anğöletot öñgöñöñi ketañi megetka asuhume.

¹³“Iwinan nöñgöra aka qetbuñañambuk akñapkö mötzal. Miangöra aka Iñini nöñgö qetne wani yuaigöra köulukömei, nöñön mönö mi akñam. Mewö akigun miañön Iwinanğö qetbuñañi jigetka qarimakñe. ¹⁴Iñini yuai kungöra nöñgö qetne köuluköba qesim niñgime ewö, nöñön mönö mi akñam. ¹⁵Iñini uruñinan jöpaköm niñgimakze ewö, mönö nöñgö jöjöpañ keuni tem köla wuatañgöba malme.” Mewö.

Jisösnöñ Uña Töröñi melaimangö jim jöhöyök.

¹⁶“Nöñön Iwi köuluköm wañgibiga yañön nam köiñput Toñi kun enğiiga eta nöñgö salupni aka teteköñi qahö embuk mal öñgöma. ¹⁷Nam köiñput Toñi mi Uña Töröñi. Yañön keu öñjañgö Toñi akza. Uruñini qahö melenget yeñön i qahö ek kutuba qahö möt wañgize. Miangöra yeñön i köñ öröba möt anğön köñbingö osimakzemö, Uña yañön lök embuk malja aka könañgep uruñine geba embuk kinma. Miangöra i kiana qahöpmö, i ölöp möt kutum wañgize.

¹⁸“Nöñön enğömosötpiga gwani morö ewö qahö aka malme. Ni mönö enğörej lilingöba kamam. ¹⁹Nalö töröptökñi teköigun gölme ambazip omanñi yeñön ni kunbuk qahö neka malme. Yeñön qahöpmö, uruñini melenğeri, enğön ni ölöp nehakñe. Nöñön köhöiba maljalañgöra iñini mewöñanök guliba köhöiba malme. ²⁰Iwi, nani aka iñini, nini mohok aka maljin. Nöñön Iwinambuk qekötahöba kinbiga iñini nömbuk qekötahöba

kingetka nöñön embuk qekötahöba kinjal. Miangö könañi mi Uña Töröñan uruñine gemawañgö nalöñe ölop möt asarime.

²¹ “Kunñan nani jöjöpaj keuni pakpak möt añañön köla tem kölakzawi, yañön mönö uruñan ni jöpaköm niñgimakza. Kunñan ni jöpaköm niñgiiga nöñgö Iwinan mönö i jöpaköm wañgimakza aka nöñön i jöpaköm wañgimakzal. Nöñön i jöpaköba könañamni indel wañgibiga möt kutuma.”

²² Jisösnöñ mewö jiiga Judas Iskariotkö wakañi Judas yañön kewö jiyök, “Kembu, gi denöwögöra könañamgi neñgöreñök indelman aka ambazip uruñini qahö melenjeri, yeñgöra mi köyatim engimamgö jizan?”

²³ Mewö jiiga kewö meleñ wañgiyök, “Kunñan uruñan jöpaköm niñgimakza ewö, yañön mönö nöñgö Buña keuni tem köla wuatangöba malma. Mewö maliga Iwinan i jöpaköm wañgiiga Iwi netkön mönö yañgö uruñe geba pöndañ yambuk mohotñe malbin.

²⁴ Kunñan ni uruñan qahö jöpaköm niñgimakza ewö, i mönö nöñgö Buña keuni qahö tem köla wuatangöba malma. Keu jibi mörakzei, mi nani Buñaya qahöpmö, Iwi melaim niñgiyöhi, yañön mi niñgiiga jimakzal.

²⁵ “Nöñön keu pakpak mi embuk pöndañ malali, nalö miangöreñ kusum engiba malal. ²⁶ Mewö malalmö, Iwinöñ Uña Töröñi nöñgö qetne melaiiga eta nam köiput (aka tinjonjon) Toñini akña. Yañön keu pakpak kusum engiba nöñön qambañ keu pakpak engiali, mi ölüm engubapüköra köñ gulim engimakña.

²⁷ “Nöñön luai engizal. Nane luai sorokni qainñi kun mi albi uruñine ahöma. Gölmönöñ ambazip yeñön luai qem añañumakzei, nöñön miangö tandök ewö kude qem engimakzalmö, mi oñgita luai qainñi kun engimakñam. Miangöra uruñinan mönö wösöbirik kude aka keñgötñini kude möta malme.

²⁸ “Nöñön keu kewö jibiga mötket, ‘Nöñön engömosöta öñgöba mala kunbuk engöreñ lilingömam.’ Iñini uruñinan ni öñña jöpaköm niñgibeak ewö, keu jizali, miangöra ölop söñgaibeak. Iwinöñ nöñgö ketañamni akza. Miangöra ni ‘Iwinangöreñ öñgömam,’ jizali, iñini mi möta ölop urusösöñgai miwikñaigetka dop kölbawak. ²⁹ Keu döñki jibi mötzei, miangö öññi biañ asuhuma. Öññi asuhumawi, iñini nalö miangöreñ mi ölop mötmöröba möt narime. Miangöra mi nalö kiangöreñ qeljiñe jibi mötze.

³⁰ “Nalöni törizawañgöra embuk keu gwötpuk kunbuk jimamgö dop qahö mötzal. Bölöñañgö Kembuñan gölme dop galöm köñ engimakzawi, yañön mönö kamamgö jöjöröza. Yañgö ösumñan mönö luhut qahö al niñgiba kondondongöma. Nöñgöreñ köna mi yañön jim kutumawañgö dop qahö ahöza. ³¹ Qahö ahözapmö, nöñön Iwi jöpaköm wañgimakzalañgöra yuai pakpak keu jim kutum niñgimakzawañgö dop ahakzal. Göñme ambazipnöñ nöñgö könañamni mewö jim kusum engigetka möt asarimegöra mötzal. Miangöra mönö mosöta wahöta kagetka anbin.” Mewö.

15

Jisösnöñ wain ip bömönñi, neñön böröñi akzin.

¹ Jisösnöñ gwarek yeñgöra kewö jiyök, “Nöñön wain ip öñ sorokñi akiga nöñgö Iwinan wain nupkö toñi akza. ² Nöñön ip ewö qak börönambuk akzal. Ip böröni pakpak öññini qahö miwikñaiba gilipitñi akzei, Iwinan mi kutum gil engima. Ip böröni pakpak nöñgöreñ tatketka öññini ahum sirizei, Iwinan mi mönö köñ köñjorat engima. Ahakmemegö öññi qarim kuwulem sehiseññi miwikñaimegöra mönö mem solanim engima.

³ “Iñini Buña keu jibi mötketka miangön lök mem solaniba köñ köñjorat engii sarakñi aka malje. ⁴ Miangöra eñön mönö nömbuk qekötahöba kinme. Mewö kingetka nöñön embuk kinmam. Wain böröñi kunñan ip kemañe qahö tata tala etza ewö, mi mönö nanñi nam köñ añañuba öññi ahum wañgimapakö osima. Miangö dop iñini mewöñañök nömbuk qahö qekötahöba kinje ewö, mönö nanñinök ahakmemegö öññi öne ahum wañgibingö osime.

⁵ “Ni waingö ipñi akiga eñön miangö böröñi akze. Iñini nömosöta nanñinök kinda yuai kun akingö osime. Miangöra kunñan nömbuk qekötahöba kiniga nöñön yambuk

qekötahöba kinbiga yañon mönö ahakmemegö öljü önöñi qahö miwikñaiba siriba malma. ⁶ Denike yeñon nömbuk qahö qekötahöba kinje ewö, wain ip toñan mönö i ip böröñi ewö kutum engiba gili yaigep anme. Anda soholigetka memba tokoba könöpnöñ gili geba jeme.

⁷ “Yeñon jememö, likepñi injini mönö nömbuk qekötahöba kinme. Mewö kingetka nöngö Buña keunan engö uruñine qekötahöba kinja ewö, injini i me wai buña qem angubingö mötzei, mi mönö Iwi köuluköm wañgigetka engima. ⁸ Injini nöngö gwarekurupni aka kingetka ahakmemeninañgö öljü önöñi qahö ahuba eta tatketka malme. Mewö memba malgerañgöra Iwinañgö qetñan mönö aködamurañbuk aka ahöma. ⁹ Iwinan ni jöpaköm niñgiba malöhi, nöñon mönö miangö dop mohot jöpaköm engiba malal. Injini mönö nöngö urukalem uruñe kinme. ¹⁰ Nöñon Iwinañgöreñ jöjöpañ keu tem köla mala kota yañgö urukalem uruñe kinjal. Miangö dop eñon nöngö jöjöpañ keuni memba tem köla malme ewö, mönö ölop nöngö urukalem uruñe kingetka jöpaköm engiba malmam.

¹¹ “Nöñon uru sösoñgai al engibi engöreñ kutuiga uruñini kokolak qei ahöiga önöñi qahö söñgaim sehiba malmegöra keu mi jibi mötze. ¹² *Nöngöreñ Köna keu mi kewö: Nöñon uru jöpaköm engiba malali, injini mönö miangö dop nanñini jöpaköm anguba malme. ¹³ Kunñan alaurupñi yeñgöra aka nanñi malmalñi tököba mosötmawi, mianñon mönö urukalem öngöñgöñi ketañi akza. Kunñan mi öngita jöpaköm engimamgö osima. Urukalem tosatñi mi miangö eretñi.

¹⁴ “Nöñon yuai akñegöra jim kutum engimakzali, injini miangö dop ahakze ewö, mönö nöngö alaurupni akze. ¹⁵ Welenqegegö könañi kewö: Galömñan nupñi denöwö aka memakzawi, mi welenqegeñan qahö mörakza. Miangöra engö qetñini ‘Welenqe-qeurupni,’ mewö qahö toroqeba engoholmam-mö, Iwinañgöreñök Buña keu mörali, mi pakpak mönö engöra indelbiga mötze. Mewögöra qetñini ‘Alaurupni,’ mewö engoholbiga dop kölja.

¹⁶ “O alaurupni, eñon ni qahö möwölöhöm niñgigetmö, nöñon injini möwölöhöba kuñgum engibiga kinje. Miangöra eñon liliköba anda öljü kewö miwikñaiba pöndañ sirigetka ahöahöñi ahi dop köлма: Nöngö qetni qeta yuai mi me mi miangöra Iwi köulukömei, mi mönö engii buñañini akña. ¹⁷ Injini mönö sutñine jöpaköm anguba malme. Nöñon jöjöpañ keuni mewö jim kutum engizal.” Mewö.

Urumelenjö kopañi yeñon injini kazik ak engime.

¹⁸ “Gölmenöñ uruñini qahö melenget yeñon kazik ak engime ewö, mönö keu kewö mi möt kutume: Yeñon mutuk ni mewöñanök kazik ak niñgiba malget. ¹⁹ Injini urumelenjö kopa kambunöñ malbeak ewö, kambu-urup mienñon mönö nanñini alaurupñini urukalem ak engibeak. Mi ak engibeakmö, nöñon injini möwölöhöba yeñgö areñnöhök engömembiga murutñi aka malje. Yeñgöreñ ahakmeme bölöñi mi andö qeba maljeañgöra aka kazik ak engimakze.

²⁰ * “Nöñon keu kun kewö jibi mötkeri, mi mönö urukönömñine ala mötmörime, ‘Welenqegeñon eretñi aiga toñan ketañamñi akza. Gwareknöñ böhiñi öngita öngöñgöñi akñamgö osima.’ Miangö dop tosatñan ni sesewerowero ak niñgiba mala kotket ewö, tosatñi yeñon mönö nöngö undumurupni injini mewöñanök sesewerowero ak engiba malme. Yeñon nöngöreñ Buña keu möt angön köla malget ewö, injini nöngö keuni jim sehiba malgetka mönö mewöñanök ölop möt angön köla malme. ²¹ Mewö malmemö, ni melaim niñgiyöhi, yeñon i qahö möt wañgize. Miangöra silebile qakñe yuai könañi könañi lañ ak engime, mi mönö nöngö qetbuñañgöra aka asuhum engima.

²² “Nöñon yeñgöreñ qahö eta Buña keu jibi mötpeak ewö, yeñon mönö köpösihitñinañgö gamuñi qahö möta malbeak. Mewö öne malbeakmö, nalö kewöñe siñgisöndokñini möt teköba kölm turubingö osize. Möndömöndö keuñini mönö denöwö miwikñaibeak?

²³ Kunñan ni kazik ak niñgizawi, yañon mönö Iwini mewöñanök kazik ak wañgiza.

²⁴ Angöletot öngöñgöñi ketañi meali, mi kunñan kun engö sutñine qahö memba malök.

* 15:12: Jon 13.34; 15.17; 1 Jon 3.23; 2 Jon 5 * 15:20: Mat 10.24; Luk 6.40; Jon 13.16

Nöñön mi qahö membilenak ewö, yeñön mönö köpösihitñinanğö gamuñi mi qahö möta malbeak. Tönpin malbeakmö, nalö kewöñe nöñön mi membiga ek teköbagun töndup ni aka Iwini mewöñanök öne töhön kazik ak netkiba malje.

²⁵ **“Mewö ak netkiba malgetka Buña keu kun ölñambuk ahök. Mosesnöñ köna keu engiyöhi, miangöreñ keu mi kewö ohoget ahöza, ‘Yeñön öne töhön lañ kazik ak niñgiba malget.’ Keu miangön lök ölñambuk ahök.*

²⁶ Nöñön Iwigöreñ öngöba köiput Toñi melaibiga engöreñ kaba uruñine geba nangömm engima. Uña Töröñi yañön keu ölñangö Toñi akza. Yañön Iwigöreñök eta nöñgö könañamni nangöba jim asarim engiba malma. ²⁷ Yañön mewö malma aka eñön mewöñanök nöñgö könañamni nangöba jim asariba malme. Nöñön könahiba urugö qenjarök nup memba malali, eñön mönö könakönahineyök nömbuk mala kotket. Miangöra iñini mönö mi ölop jim asariba malme. Mewö.

16

Jisösgö gwarekurupñi bim engöhöi utal engime.

¹ Jisösnöñ toroqeba kewö jiyök, “Iñini tala eta engui janjuñ akepuköra nöñön keu mi qeljiñe jibi mötze. ² Uruñini qahö melenget yeñön mönö köuluk miri kambuñineyök utal engigetka yaigep eta malme. Könañep nalö kun kam kuñgumawi, miangöreñ iñini nöñgöra aka engugetka kömume. Mewö enguba kewö jime, ‘Mewö miangön Anutugö welenñi qeinga Anutugö uruñan ölöwakza.’ Körekñan mewö möt sohoba jime. ³ Yeñön Iwi aka ni netkö könañamniri qahö möt asarimakzeangöra aka mewö ak engiba malme.

⁴ “Mewö tönpin malmemö, nöñön keu mi qeljiñe engöra jibi mötze. Miangöra nalö mi kam kuñguiga keu miangö ölni asuhumawi, iñini nalö miangöreñ ölop kewö jime, ‘Kraistnöñ kiangö buzup keuñi lök qeljiñe jii mörin.’ Nanak embuk malalañgöra aka keu mi nalö köröpñi ahöiga mutuk qahö jibi möta kotket.” Mewö.

Uña Töröñan nupñi kewö memakza:

⁵ “Nöñön nalö kiangöreñ melaim niñgii erali, mönö yangöreñ öngömmangö akzal aigun engöreñök kuñjan kun kewö qahö qesim niñgiza, ‘Gi denike anman?’ ⁶ Keu mewö jizali, eñön mi möta miangöra wösöbiriknön uruñini kokolak qei malje.

⁷ “Mewö maljemö, töndup nöñön miangö likepñi keu ölni kun kewö jibi mötket: Nöñön engömosöta lilingöba öngömmami, miangö ölnan asuhuiga mönö kewö mem ölöwak engima: Nöñön öngöba köiput Toñi melaibiga engöreñ eta uruñine gema. Nöñön qahö engömosöta öngöbilenak ewö, Toñi yañön mönö engöreñ etmamgö osima.

⁸ “Köiput Toñi yañön eta malmalgö könañi kewö kondel engiba malma: Gölme dop siñgisöndokñini indela kondeli Anutunön keuñini jim teköiga solanime me uruñini qahö melengetka keuñini jim teköba likepñi melen engima. Ambazipnön könañamñini mewö eka möt kutume. ⁹ Ni qahö möt narim niñgizeangöra siñgisöndökö könañi indel engiiga möt kutume.

¹⁰ “Anutugö köna solanñi möt sohoba nöñgöra keu lañ jimakze. Miangöra yañön nöñgö könañamni indela kondel engiiga kewö möt kutum niñgime: Nöñön solanñi mala Iwinangöreñ lilingöba öngöbiga ni kunbuk qahö neka malme. ¹¹ Bölöñangö Kambuñi gölme dop galöm köl engimakzappmö, Anutunön yañgö keuñi lök jim teköyöha köñöp siagö Toñi akña. Miangö dop körek neñgö keunini mewöyök jim teköma.

¹² “Nöñön ölop keu gwötpuk toroqeba jibileñakmö, mi nalö kewöñe jibiga usuñum-burañ aka köl gulibingö osibepuk. ¹³ Mi osibepukmö, keu ölñangö Toñi, Uña Töröñi yañön eta uruñine geba keu sañep qei mötme. Mi nanñi imbiñangö dop lañ qahö jiba malmappmö, Anutugöreñ keu kezap ala mötzawi, yañön mönö miyök jimakña aka könañep yuai asuhumawi, mi qeljiñe indela jima. Miangöra yañön engömmemba keu ölni pakpak miangö o angöñe al engiiga keu ölñangö köna tiba anme.

* 15:25; Sum 35.19; 69.4

¹⁴ “Yañön mönö nane köwenöhök keu memba jim asariba uru kungum engiba malma. Mianğöra mönö nongö könani indeliga nongön qetbuñanambuk ahakjam. ¹⁵ Iwinangörej yuai pakpak ahözawi, mi mönö nongö böröne ali ahöza. Mianğöra jizal, ‘Yañön mönö nane köwenöhök keu memba jim asariba uru kungum ak engiba malma.’ Keu mi mewö.”

Wösöbirik malgetka meleyniga urusösöngai mötme.

¹⁶ “Nalö töröpñi kun teköiga injini ni kunbuk qahö nekñe. Mianğö andöñe nalö töröpñi kun teköigun mönö asuhum engibi ölop kunbuk nekñe.”

¹⁷ Mewö jiiga gwarekurupñi yengörejök tosatñan nanñinök kewö eraum mötket, “Keu kewö jiza, ‘Nalö töröpñi kun teköiga injini ni qahö nekñe. Mianğö andöñe nalö töröpñi kun teköigun mönö asuhum engibi ölop kunbuk nekñe,’ aka keu kun kewö jiza, ‘Ni Iwinangörej öngömam.’ Mewö jiiga mötzini, keu yahöt mianğö könani mi denöwö?”

¹⁸ Mewö eraum möta uzohola jiget, “Yañön ‘Nalö töröpñi teköigun,’ jizapmö, keu mianğö könani denöwö? Mi wuanöngöra jizawi, nini mi qahö möt asarizin.”

¹⁹ Mewö jiba qesim wangibingö mötketka Jisösnöñ enggek kutuba kewö jii mötket, “Keu kewö jizal, ‘Nalö töröpñi kun teköiga injini ni qahö nekñe. Mianğö andöñe nalö töröpñi kun teköigun mönö asuhum engibi ölop kunbuk nekñe,’ injini mönö keu mianğö könani jaruba eraum mötze me?”

²⁰ “Nongön keu öl töhöññi kun kewö jibi mötket: Nongön anbiga injini jingey köla sahötmemö, uruñini qahö meleyget yeyön lañ börum memba sösongai aka malme. Injini wösöbirik aka malmemö, wösöbirikñini mianğön mönö nongöra aka meleyda sösongai aka malme. ²¹ Ambinöñ morö memangö nalöñi kam kunguiga masö qeiga qemjey qakñe morö mezapmö, morö dölokñi memba kindi i eka sösongainangöra mönö sihimbölöñi mi ölum qemakza. ²² Mianğö dop injini mewöyök nalö kewöñe wösöbirikpuk maljemö, nongön könangep kunbuk asuhuba enggekiga injini ölop urusösöngai buk malme. Urusösöngaiñini mi kunñan kun qahö enguanğitma.

²³ “Nalö mianğörej yuai kungöra ni qahö qesim niñgimemö, köulukñini Iwigörej algetka diñdiñanök ani amqei malme. Nongön keu öl töhöññi kun kewö jibi mötket: Injini nongö qetnöñ yuai kungöra Iwi köuluköm wangime ewö, yañön mi mönö tököm engima. ²⁴ Nömbuk mala kageri, injini nalö mianğörej yuai kungöra nongö qetne qahö köuluköba malget. Mönö Iwi köuluköba malme. Köulukögetka ölop meley engima. Mi engiiga sösongaiñinan asuhum sehiba uruñini kokolak qem teköi malme.” Mewö.

Jisösnöñ gölmeğö ahakmeme bölöñi mi luhut alakza.

²⁵ “Keu jibi möta kamakzei, mi keu sainjambuk jibi möta malget. Könangep nalö kun kam kungumawi, mianğörej keu sainji mi kunbuk qahö qeba jibi mötme. Qahöpmö, Iwinangö könani mi aukñe jim asariba malmam. ²⁶ Nalö mianğörej injini nongö qetni qeta Iwi köuluköba malme. Mianğö könani kewö: Injini köulukñini Iwigörej albingöra nongörej kunbuk qahö kamakñemö, nanñinak Iwigörej diñdiñi köuluköba malme. Nongön engö jit memba Iwigö qahö köulukömam.

²⁷ “Iwinöñ nanñak uruñan jöpaköm engiba köulukñini kewögöra möta malma: Nongön Anutugörejök erali, injini nongö könani mewö möt nariba pöndañ uruñinan jöpaköm niñgiba mala kotketka köna mewö ahuiga köulukñini möta malma. ²⁸ Nongön Iwi mosöta gölmenöñ eta mala gölme mosöta kunbuk lilingöba Iwinangörej öngömam.”

²⁹ Mewö jiiga gwarekurupñan jiget, “Mötnöñ, keu döлки jizani, mi sainji qahö qeba jizan. Mi mönö aukñeyök jinöñga ölop möt asarizin. ³⁰ Nini merak könangamgi kewö möt yaközin: Göñön mönö nanganök yuai pakpak möt tekönöñga kunñan kun qesiba kusum gihimapköra qahö osizan. Mianğöra gi Anutugörejök etnöñi, nini mi ölop möt narizin.”

³¹ Mewö jigetka Jisösnöñ meleyda jiyök, “Merak ölop möt narim niñgizemö, ³² mötket, nalö tandökñi kun kama aka mianğön lök mesohol köla nangunöñ kinja. Nalö mianğön kam kunguiga eyön keñgötñini möta nömosöta deñqeyda simbisembel aketka nanök

malmam. Töndup nanöhök töhön qahö malmam-mö, Iwinan nömbuk malma. Iwinön nömbuk malmawarjóra aka nanöhök töhön qahö malmam. ³³Enjön toroqeba gölmenön mala kahasililiñ qakñe möta malmemö, nömbuk qekötahöba luainön malmegöra möta keu qöndökñi ki jibi mötze. Keuyök qahö jizalmö, nöjön gölmegö ahakmeme bölöñi mi lök luhut ala wahijambanji kusum teköbiga erök. Mianjóra mönö ewebibiñinambuk köhöiba saitiñgit malme.” Mewö.

17

Jisösnön nanjajóra Iwi köuluköyök.

¹⁻² Jisösnön keu mewö jim teköba Suepnön göröken ui öngöiga kewö köuluköyök, “Iwini, göjön gölme dop ambazip pakpak Nahöngi nöngö bapne al enjinönga kukösum qakñe Kembu ak enjizal. Ambazipnön Nahöngi nöngö keuni ölop qahö andö qeba ongita malme. Göjön ambazip sutñineyök tosatñi meköba nöngö böröne al enggiba kewö jim kutum niñginön, ‘Gi mönö i körek kusum enjinönga malmal köhöikñi miwikñajiba malme.’ Nup mi mem teköbiga Nahöngan qetbuñagi mem qarimapköra mönö aködamungi niñginön. Nöngö nalöni mi döliki kam kuñguiga kinda mewö köuluközal.

³ “Malmal köhöikñangö könani mi kewö: Göjön mohot Anutu ölni akzan aka azi Jisös Kraist ni melaim niñginönga erali, ambazipnön netkö könajamniri mewö möt kutume. Malmal kömbönanji mewö miwikñajime. ⁴ Nup al niñgiba ‘Meman,’ jiba jim kutum niñginöñi, nöjön mi tem köla memba mala meköyal. Aködamungabuk mala qetbuñagi gölmenön indel sehibiga aködamunñambuk ahök.

⁵ “O Iwi, nöjön gölme qahö asuhuiga Suep mire mianjoreñ göhö qöhörönge asakmararabuk asariba malal. Asakmararaj miyöhök mönö döliki kunbuk al niñginönga asuhum kutum niñgiiga kunbuk göhö qöhörönge asakmararabuk asariba malmam.” Mewö.

Jisösnön gwarekurupñi yengöra aka köuluköyök.

⁶ “O Iwini, göjön gölme ambazip tosatñi kewöta nöngö böröne al enjinöñi, nöjön göhö qetbuñagi mi yengöra indela kondela malal. Yeñön göhö buñaya aketka göjön i nöngö böröne al enjinönga yeñön göhö Buña keugi mi möt angön köla malje. ⁷ Göjön yuai niñginönga mi pakpak göhöreñök kamakzawi, yeñön mi nalö kewöñe lök möt kutuze. ⁸ Göjön keu Buña niñginöñi, nöjön mi gwarekurupni kusum enggibiga möt angön köla malje. Ni gömosöta gölmenön erali, yeñön mi ölna möt yaköze. Göjön melaim niñginönga asuhuyali, yeñön mi mewöyök möt narize.

⁹ “Ni yengöra aka köuluköm gihizal. Urumelengö kopa ambazip yengöra qahö köuluközalmö, könagesö nöngö böröne al enjinönga uruñini melenja göhö buñaya akzei, mönö yengöra aka köuluköm gihizal. ¹⁰ Ambazip pakpak nöngö buña akzei, yeñön mönö göhö buñaya akzei aka ambazip göhö buñaya akzei, yeñön mönö nöngö buña mewöyök akze. Nani aködamuni al enggibiga mianjögö qakñe kinda ahakmemeñini aketka nöngö qetbuñanan qarim sehimakña. ¹¹ Ni gölmenön malmalni teköiga göhöreñ kotmamgö akzalmö, yeñön toroqeba gölmenön malme. O Iwi Töröñi, göjön qetki niñginönga mianjögö ösumñan mönö sel jöhöm enjinönga qahö julme. Netkön mohot aka maljiri, yeñön mianjögö dop mohot aka malmegöra köuluközal.

¹² * “Nöjön yembuk gölmenön mala korali, nalö mianjoreñ qetbuñagi niñginönga mianjön sel jöhöm enggiba malal. Buña Kimbigö keu kunön ölnambuk akñapköra azi mohok-kunñan sohoba könöp siagö buñaya aka sihimbölö möta malma. Nöjön galöm köl enggialanjöra yengöreñök tosatñan qahö janjuñ aka sohoget. ¹³ Tosatñan qahö sohogetmö, nöjön döliki gölmenön mala göhöreñ kamamgöra kaba keu ki jizal: Nöngö uru sösöngainan mönö yengöreñ kutui megetka uruñini kokolak qeiga söñgaiba malme. Mewö asuhumapköra köuluközal. ¹⁴ Nöjön göhö Buña keugi kusum enggibiga möta malje. Nöjön gölmegö ahakmeme bölöñi mi qahö wuatangömakzali, yeñön mönö

* 17:12: Sum 41.9; Jon 13.18

mewöyök mi qahö wuatangöba andö qemakze. Miangöra gölmenöy uruñini qahö melenget yeñön mönö kazik ak engimakze.

¹⁵ “Nöñön gölmenöhök enguangitmangöra qahö qesim gihizalmö, Bölonji Tonangöreñök angön köla sel jöhöm engiba malmangöra köuluközal. ¹⁶ Nöñön gölmegö ahakmeme bölonji andö qeba mi qahö wuatangöbiga yeñön mewöyök mi andö qeba qahö wuatangömakze. ¹⁷ Keu ölnji mianñön mönö mem sarahim engiba malman. Göhö Buña keugan mönö keu öl töhöñji akza. ¹⁸ Göñön melaim niñginöñga gölme ambazip sutñine anda nup memba malali, nöñön mewöñanök i melaim engibiga gölme ambazip yeñgö sutñine denja anme. ¹⁹ O Iwini, yeñön keu ölnangö dop malmalñini körek tököm gihimegöra aka bauköm engiba nani malmalni jömuk tököm gihizal.” Mewö.

Jisösnöy mötnarip ambazip pakpak neñgöra köuluköyök.

²⁰ “O Iwini, nöñön gwarekurupni yeñgörök aka qahö köuluközalmö, Buña keu jim sehigetka ambazip möt narim niñgimei, mönö yeñgöra aka mewöyök köuluközal. ²¹ Iwi göñön nömbuk qekötahöba kinöñga nöñön mewöyök göbuk qekötahöba kinjal. Miangö dop yeñön mewöyök netpuk qekötahöba kinmegöra mötzal. Nangak melaim niñginöñga erali, gölme ambazipnöy mi möt narimegöra aka yeñön körek pakpak mohot aka malmegöra köuluközal. ²² Naniri mohot aka maljiri, yeñön mewöñanök mohot aka malmegöra aka aködamungi al niñginöñji, nöñön mi yeñgöra al engial.

²³ “Nöñön yembuk qekötahöba kinbiga göñön nömbuk qekötahöba kinjan. Miangö dop yeñön keuñini jöhöm teköba mohot aka malmegöra köuluközal. Mohot aka kingetka gölme ambazipnöy könañamni kewö möt asarime: Göñön melaim niñginöñ etpiga jöpaköm niñgiba malnöñji, miangö dop i mewöyök jöpaköm engiba malnöñji.

²⁴ “O Iwini, göñön gölme qahö miwikñainöñji, qeljine nalö miangöreñ lök urugan jöpaköm niñgiba asakmararañ al niñginöñga mala koral. Könañgep alaurup niñginöñji, nöñön yeñön mewöyök asakmararañ mi ekñegöra mötzal. Miangöra nöñön miri malmami, yeñön miangöreñ nömbuk mohotñe malbingö sihimñi mötzal.

²⁵ “O Iwi solanñji, gölme ambazip uruñini qahö melengeri, yeñön gi qahö möt kutum gihiba mala kotketmö, nöñön gi ölöpñanök möt kutum gihizal. Nangak melaim niñginöñji, nöñgö urumeleñ alaurupnan mi lök möt yaköze. ²⁶ Nöñön göhö qetki mi jim tuarim engibiga möta malget. Göñön urugan jöpaköm niñgiba malnöñji, urukalem mianñön uruñine ahöi mötketka nöñön yembuk qekötahöba kinbi malmegöra mönö toroqeba qetki jim tuarim engiba malmam.” Mewö.

18

Jisös memba jöhöget.

Mat 26.47-56; Mak 14.43-50; Luk 22.47-53

¹ Jisösnöy keu mi jim teköba gwarekurupñi engömeiga siti mosöta geba o qetñi Kidron kutuba likepñe angota arö kun ahöyöhi, miangöreñ anget. ² Jisös aka yangö gwarekurupñi yeñön qösösök miangöreñ tokoba malget. Miangöra Judas mamalolo mem wangimangö ahöhi, yanñön mewöyök arö mi ölop mörök.

³ Jike nup galöm aka Farisi (Köna keugö kapañkölköl) yeñön jöwöwöl jikegö kiripo galöm (sikiriti) tosatñi melaim engigetka Judasnöy i aka gawmangö yarö azi kambu kun engömeiga mohotñe kaget. Yeñön kiwa lambe aka timbi liñgipñini memba bisiba arönöñ kaget. ⁴ Kagetka Jisösnöy yuai pakpak mewö asuhum wangimawi, mi lök möröhangöra aka wahöta aukñe kaba kewö qesim engiyök, “Iñini dagöra jaruze?”

⁵ Qesim engiiga kewö melenget, “Nini Jisös Nazaret toñi mia jaruzin.” Melengetka kewö jiyök, “Mia nöñön.” Judas mamalolo meme azi yanñön mewöyök yembuk kinök.

⁶ “Mia nöñön,” Jisösnöy keu mewö jiiga möta andöandö anda gölmenöy tala eta enguyök. ⁷ Mewö aketka kunbuk qesim engiyök, “Iñini mönö dagöra jaruze?” Qesim engiiga jiget, “Jisös Nazaret toñi ia jaruzin.”

⁸ Jigetka meleşnök, “Mia nöñön, mi lök jibi mötze. İñini nia jarum niñgize ewö, mönö azi ki ölop engömosötketka öne anme.” ⁹ Mutuk köuluköba gwarekurupji yengöra keu kun kewö jii mötket, “Ambazip nöñgö böröne al enginöñga maljei, nöñön mi köyan köl engiba malbiga yengöreñök kunöñ kun qahö sohoba ayuhuyök.” Keu mianön ölnambuk akñapköra Jisösnöñ jitñememe yengöra keu mewö jiyök.

¹⁰ Mewö jiiga Saimon Pitönöñ bimgö sou ketanji memba malöhi, yanön mi kupinneyök öröba jike nup galöm bohonñangö welen aziñi qeba kezapñi öñge göröken köteköi erök. Welenqeçe azi mi qetñi Malkus. ¹¹ *Mewö asuhuiga Jisösnöñ Pitö kewö jim kutum wañgiyök, “Gi bimgö sou ketanji mi mönö kunbuk alnöñga kupinñe geyök. İwinan sihimbölögö qambi o qölnambuk nöñgö buñaya qeyöhi, mi ölop möta mököşöñda mesohol kölmam.” Mewö.

Jisös wañgitketka Anasgö jeñe kinök.

¹² Suahö galömñinan jiiga yarö azi kambu aka Juda yengö nañgu galöm (sikiriti) yeñön Jisös memba jöhöget. ¹³ Jöhöba wañgita mutuk jike nup galöm qetñi Anas yanğö mire anget. Anasgö qinğinji qetñi Kaiafas yanön jike nup galöm bohonñi aka yambu (yara) miangöreñ nup mi memba malök. ¹⁴ *Kaiafasnöñ mutuk Juda ambazip yengöra qambañ keu kewö jiyök, “Ambazip kambu jömuk ayuhum teköbinbuköra azi mohotñan nengöra aka kömuiga dop köлма.” Mewö.

Pitönöñ Jisös könahiba qañ kölok.

Mat 26.69-70; Mak 14.66-68; Luk 22.55-57

¹⁵ Jisös memba angetka Saimon Pitö aka gwarek alañi kun yetkön andöñine anohot. Anohotka alañi mianön jike nup galöm bohonñi möt wañgiyöhanğöra aka ölop amqeba Jisös wuatangöba jakömbuak miri sel uruñe geyök.

¹⁶ Yanön geyökmö, Pitönöñ sel yaigepñe nañgunöñ kinök. Mewö kiniga gwarek alañan jike nup galöm bohonñi möt wañgiyöhi, yanön yaigepñe geba nañgu galöm ambi yambuk keu jii möta nañgu öröiga Pitö wañgita sel uruñe geyohot. ¹⁷ Gebitkö ahoñi, miangöreñ welenqeçe ambi sel nañgunji galöm kölöhi, yanön Pitö eka kewö qesim wañgiyök, “Gi öñga mewöyök azi miangö gwarek yengöreñök kun akzan me?” Mewö qesim wañgi möta “Ni qahö!” jiyök.

¹⁸ Welen azi aka nañgu galöm (sikiriti) yeñön amötñangöra aka könöp jeba uru-runğöba ahöiga jömöta kinget. Mewö kingetka Pitönöñ mewöyök yengö sutñine anda könöp jömöta kinök. Mewö.

Jike nup galöm bohonñan Jisös qeçesi al wañgiyök.

Mat 26.59-66; Mak 14.55-64; Luk 22.66-71

¹⁹ Jike nup galöm bohonñi Anas yanön Jisösgö qeçesi al wañgiba kewö jiyök, “Gi ambazip denöwö kusum engiba gwarekurupki niñi niñi engömembra maljan?”

²⁰ Mewö jiiga kewö meleş wañgiyök, “Ni nalö dop aukñe ambazipñi ambazipñi kusum engiba malal. Juda könagesö pakpak neñön jöwöwöl jikenöñ öñgöba köuluk mirininangö dop tokomakzini, ni mönö miangöreñ kinda kusum engiba malal. Buñga keu tölapñi kun qahö jial. ²¹ Nöñön keu denöwö ambazip kusum engiba malali, wuanöñgöra ni mewö qesim niñgizan? Nöñön keu jibiga ambazip möta malgeri, yeñön mönö keunangö köñji möt teköze. Mianğöra i qesim enginöñga dop köлма.”

²² Mewö meleş wañgiyökmö, jikegö kiripo galöm (sikiriti) kunöñ kösutñe kinda Jisös nuñgulumñe qekötahöba jiyök, “Jike nup galöm bohonñan qesim gihiiga gi keu silik mewöñi mönö wuanöñgöra meleş wañgizan? Gödaqeçegi qahö.”

²³ Mewö jiiga kewö meleş wañgiyök, “Keu bölöña jibileñak, mi mönö indelnöñga dop kölmam, keu öñji jizal ewö, mönö wuanöñgöra ni öne nuñguzan?”

²⁴ Mewö meleş wañgiiga Anasnöñ Jisös melaiba jiiga tapepñi (muñgamuñga) tok böröñe tariga wañgita jike nup galöm bohonñi Kaiafas yanğöreñ anget. Mewö.

* 18:11: Mat 26.39; Mak 14.36; Luk 22.42 * 18:14: Jon 11.49-50

Pitönöj Jisös qaj köliga yahöt karöbut ahök.

Mat 26.71-75; Mak 14.69-72; Luk 22.58-62

²⁵ Saimon Pitönöj könöp jömöta kiniga tosatjan qesiba kewö jiget, “Gi ölja mewöyök yangö gwarekurupni yengöreñök kun akzan me qahö?” Mewö jigetka qaj köla “Ni qahö,” jiyök.

²⁶ Pitönöj jike nup galöm bohonñangö welen azini qeba kezapni qeköi eröhi, yangö tinitosolomni welenqege alanj kunöñ mi möta qesiba jiyök, “O gi mönö arönöñ yambuk mohokne malohotka gekzal me denöwö?”

²⁷ Mewö jiiga Pitönöj kunbuk qaj köliga nalö mianğöreñök kuruknönj könahiba qeriga mörök. Mewö.

Jisösnöj premiö Pailötkö jeje kinök.

Mat 27.1-2, 11-14; Mak 15.1-5; Luk 23.1-5

²⁸ Miri gianjiiga söñanök Jisös Kaiafasgö mirinöhök wañgita eta Rom premiögö jakömbuak mire anget. Juda yeñon uruñini tölöhoba kölköljinjinj akinbuköra waimanjat möta kewö jiget,* “Ak-kömukömu kendongö lama nembangö osibinbuk.” Mewö jiba möt lömbörriba premiögö jakömbuak miri uruñe qahö öñgöget. ²⁹ Mianğöra premiö Pailötnöñ yaigep eta engeka kewö qesim enğiyök, “Azi kianñon mönö wani pinjit aiga keu jim wañgiba wañgita kaze?”

³⁰ Qesim enğiiga melenget, “Azi mianñon kegwek me bölönj meme azi kun qahö akawak ewö, neñon mönö öne töhön i wañgita göhö böröge qahö albinak.”

³¹ Mewö melengetka Pailötnöñ jii mötket, “Injini mönö nanñinak keu jakeñine al wañgiba Köna keuñinangö dop kewöta keuñi jim teköme.” Mewö jii möta jiget, “Neñon azi kun kömumapkö keuñi jim teköbingö songo ahöi osizin.” ³² *Juda yeñon mewö jigetka Jisös nanñak kömup denöwönj kömumawi, keu mi indela jiiga mewö mianñon ölñambuk ahök.

³³ Pailötnöñ Juda yeñö keuñini möta kunbuk jakömbuak miri uruñe öñgöba Jisös oholi kaiga kewö qesim wañgiyök, “Gi Juda enğöreñ kinj kembuñina akzan me qahö?”

³⁴ Mewö qesim wañgiiga melenđa kewö qesiyök, “Keu mi mönö nangi urugeyök jizan me tosatjan nönğöra keu mewö jiba jitke algetka jizan?”

³⁵ Mewö qesiiga Pailötnöñ melenñök, “Ye! Ni mönö Juda azia aka Juda enğö keuñini nañğömakzal me? Qahöpmahöp! Ni Rom premiö malbiga nangi ambazip kambu-urupki aka jike nup galöm yeñon mönö goağita nönğö böröne al gihize. Göñon mönö wanat yuai aknön?”

³⁶ Mewö melenñiga jiyök, “Nönğö kiñtohoñni mianğö könañi mi gölme kianğöreñ qahö ahöza. Nönñon gölmegö kiñtohoñ kungö kiñ kembuya akileñak ewö, nönğö sunğurumurupnan mönö ölop wahöta nönğöra aka suahö akeak. Suahö aka nönñon Juda jitñememe yeñö böröñjine gebilenbuköra kapañ köla bim qegetka nömembangö osibeak. Mi osibeakmö, nönğö kiñ tohoñnangö könañi mi miri kungen ahöza. Ni gölme azi kembuya qahö akzal.”

³⁷ Keu mi jiiga Jisös kewö qesim wañgiyök, “Gi töndup kiñ kembu qainñi kun akzani, mi ölja me qahö?” Mewö qesim wañgii melenñök, “Ni kiñ kembu qainñi kun akzali, mi nangak jizan. Nönñon keu ölñi nañğöba jim tuarimangöra aka gölmenöñ eta asuhuyal. Körek yeñon keu ölñangö likepne maljei, yeñon mönö nönğö keuni kezap ala mörakze.”

Jisös kömumapkö jim teköget.

Mat 27.15-31; Mak 15.6-20; Luk 23.13-25

³⁸ Mewö melenñiga Pailötnöñ mepaqepaik aka qesiyök, “Keu ölñi mi mönö wania kun?” Mewö qesiba kunbuk Juda yeñöreñ geba söndaknönj kinda kewö jii mötket, “Nönñon azi mianğö pinjitji jaruba kun qahö miwikñaizal.” ³⁹ “Kun qahö miwikñaizalmö,

* 18:28: Rom gawman yeñöra Juda yeñon kewö möt nariget: Nini Rom yeñö jakömbuak mire öñgöinga urunini tölöhoi ösumnini eri kölköljinjinñambuk aka ak-kömukömu kendongö lama törönj nembangö osibin. Mianğöra sombennöñ yaigep malget. * 18:32: Jon 3.14; 12.32

ahakmemeni kun kewö ahöi mötze: Yambu (yara) dop ak-kömukömu kendon nalöne kösö mireyök azi mohot engöra pösatpi erakza, mi mötze. Miangöra Juda engö kiñ kembuñini ölop engöra pösatpi etpawak me qahö? Miangöra injini sihimñinan denöwö mötze?”

⁴⁰ Mewö jii möta melenđa kewö qetket, “Qahö, i qahöpmö, Barabas pösatnönğa nengöreñ etma!” Mewö qetketmö, Barabas yañön kegwek azia aka bim karim kun megeri, miangö bohonñi ahök. Mewö.

19

Pailötnön Jisös maripomnön kömumapkö jim teköyök.

¹ Silata qetketka Pailötnön Jisös wañgita anda jiiga yarö azi yeñön ihilek wahinambuknön tauköba qeget. ² Yarö azi yeñön tauköba mepaqepaik kewö ak wañgiget: Yeñön Jisös qeba kösö wahinambuk memba köpeiba ila möhamgöba nöroppe kölget geiga maluku pisikñi gugakgugakñambuk mi köl wañgigetka geyök. ³ Mewö aka kösutne arengöba kinda jiget, “Owe owe! Juda engö Kiñ Kembuñini, owe!” Mewö jiba nunğulumne gwötpuk qekötahöget.

⁴ Mewö mepaqepaik ak wañgigetka Pailötnön kunbuk yaigepne geba kewö jii mötket, “Mötket! Nöñön azi mi kewöta pinjitñi kun qahö miwikñaizal. Miangöra i kunbuk wañgitpiga engö jeñine eriga könañi mewö möt kutuba ekne.” ⁵ Mewö jii mötketka Jisösnön eta söndakne kini kewö eket: Tosatñan kösö wahibuknön ila köpeiba nöroppe köla maluku pisikñi gugakgugakpuk köl wañgigetka kiniga Pailötnön jii kewö mötket, “Azi ölni ki eket!”

⁶ Mewö jii mötketka jike nup galöm aka nanğu galöm (sikiriti) yeñön i eka keu wöl-wölbuk qeta jiget, “Maripomnön qeget kömuma. Maripomnön qeget kömuma.” Mewö jigetka Pailötnön jitñine memba kewö jii mötket, “Nöñön pinjitñi kun qahö miwikñaizal. Miangöra injini mönö nanñinök i memba maripomnön qeget kömumbawak.”

⁷ Juda jitnememe yeñön keu mi möta kapan köla kewö jiget, “Nengöreñ Köna keu ahöza. Keu miangö dop kewöringa kömumawañgö dop akza. Nanñi memba öngöba ‘Anutugö nahönñi akzal,’ jimakza. Miangöra mönö kömupkö buñaya aiga dop kölma.”

⁸ Mewö kapan köla jigetka Pailötnön möta bönni wahöriğa jönömñi undui keñgötñi mörök. ⁹ Mewö möta Jisös wañgita kunbuk jakömbuak miri uruñe öngöba kewö qesim wañgiyök, “Gi denikegöra?” Qesim wañgiyökmö, yañön kitipñi kun qahö melenđa keu bök kinök. ¹⁰ Keu bök kiniga kewö jii mörök, “Gi nöngöra keu kitipñi kun melenđan me qahö? Nöñön jim teköbiga pösat gihime me maripomnön guhugetka kömuman. Miangö kukösumñi mi nöngöreñ ahöza. Miangö könañi mötzan me qahö?”

¹¹ Mewö jii möta kewö melen wañgiyök, “Kunön euyangöreñök kukösum qahö al gihiyök ewö, gi mönö azi omañi mala yuai ak niñgimangö osibanak. Miangöra azi kun dañön ni göhö böroge al niñgizawi, yañgö siñgisöndokñan mönö göhöreñ pinjit onğita ketañi akza.”

¹² Mewö melen wañgiyöhanğöra aka Pailötnön Jisös pösari etmapkö kapan kölöc. Mewö kapan kölökmö, Juda yeñön qet gigilahöba kewö jiget, “Pösatnönğa etma ewö, mönö sisa kiñgö alañi qahö toroqeba aka malman. Kunön nanñangö möri öngöiga ‘Kiñ kembuya akzal’ jizawi, yañön mönö sisa kiñ tuarenjoñ ak wañgiza.”

¹³ Mewö jigetka keu mi möta jim kutuiga Jisös wañgita yaigep etket. Etketka premiö Pailötnön jake kun kötnön ala tömbulget ahöyöhi, miangöreñ öngöba keu jimtekötekögö dum tatatne eta tarök. Jake miangö qetñi Hibru keunön Gabata jimalget. Mi nanine keunön Jake Kötnön mem tömbultömbulñi. ¹⁴ Eta taröhi, Juda ambazipnön wehön miangöreñ ak-kömukömu kendon tatpingöra jöjöröget. Wehön mi aiga silim bibiñi dopdowiiga Pailötnön dum tatatne tata Juda yengöra kewö jii mötket, “Eket, engö kiñ kembuñini ki!”

¹⁵ Mewö jii möta qet gigilahöget, “Yapmakek! Yapmakek! Maripomnön qeget kömuma!” Qet gigilahögetka kewö jiyök, “Engö kiñ kembuñinangö keuñi jim teköbiga

maripomnön öngömapköra jize me?” Mewö jiiga jike nup galöm yejön melenḁa jiget, “Sisa kiḁnön mohok kiḁ kembunina akza. Neḁgöreḁ kiḁ kembu murutḁi kun qahö ahöza!”

¹⁶ Mewö melenḁa jigetka Pailötnön Jisösgö keuḁi jim teköba maripomnön qeget kömumapköra böröḁjine alök. Böröḁjine aliga yarö azi yejön Jisös memba galöm kölget.

Jisös maripomnön qeget.

Mat 27.32-44; Mak 15.21-32; Luk 23.26-43

¹⁷ Galöm kölgetka nanḁi maripomḁi nanḁak anguba siti kutuba yaigep geba gölme kun qetḁi Nöröpsihit qerakzema, miangöreḁ anget. Nöröpsihit qet mi Hibu keunön Golgota qerakze. ¹⁸ Miangöreḁ anda maripomnön qeget aka yambuk azi yahöt likeplikep mohotḁe etkuba Jisös sutḁire algetka kinget.

¹⁹ Mewö qegetka Pailötnön kulem ohoba jiiga maripomnön Jisösgö nöröpḁe göröken eu ala qeget. Kulem mi kewö ohoi kinök, “Jisös Nazaret toḁi, Juda yeḁgö kiḁ kembuḁina ki.” ²⁰ Jisös maripomnön qegeri, gölme mi siti kösutḁe ahöyök aka kulem mi keu karöbut, Hibu, Latin aka Grik keu miangön ohoget kinök. Miangöra Juda ambazip gwötpukḁan ongita anda kaba eu uba kulem mi oyonget. ²¹ Mewö ohoiga Juda yeḁgö jike nup galöm yejön Pailöt kewö jiget mörök, “ ‘Juda yeḁgö kiḁ kembuḁina ki,’ mewö kude ohomanmö, kewö ohoman, ‘Nanḁangöra Juda kiḁ kembunina akzal, jiyök.’ ”

²² Mi möta Pailötnön keu kewö melenḁök, “Keu lök ohozalangöra mi mönö mewö ahöma.”

²³ Yarö azi yejön Jisös maripomnön qebagun opo silepöke öroyuaini memba azi 4 sutḁine mendenḁa 4 aiga totoḁjine meget. Mewö megetka malukuḁi ahöi megetmö, mi kewögöra ölop qahö mendenḁet: Mi körekḁanök opo johanni mohotḁan memenḁa. Opo kitipḁi kitipḁi qahö mindiriba euyök liliklilik uhum megetka emu gegeni ahöyök. Miangöra mi bölibapuköra mendenḁbingö osiget. ²⁴ *Osiba eraum möta kewö jiget, “Mi mitiinga qahö dop kölma. Miangöra ölop miangö unḁi qeinga toḁi ahuma.” Mewö jiba unḁi qegetka Buḁa keu kun öḁambuk ahök. Keu mi kewö ohoget ahöza, “Yejön opo silepökene memba sutḁine mendenḁa totoḁjine memba malukunangö unḁi mönahot algetka kunöḁ luhut alma.”

Yarö azi yejön keu miangö dop aket.

²⁵ Jisös maripomnön qeget kiniga ambi kewöḁan könaḁe kinget: Jisösgö nam nasöḁi aka Klopas anömḁi qetḁi Maria aka Magdalagö ambi qetḁi Maria. ²⁶ Jisösnön namḁi aka wölböt gwarekḁi kösutḁe kinohotka etkeka namḁangöra kewö jiyök, “Namni, mönö nahöḁgi ki eka töḁjongöba malman.”

²⁷ Mewö jiba gwarek mi kewö jii mörök, “Möno namgi ki eka töḁjongöba malman.” Mewö jii möta Jisösgö namḁi nalö miangöreḁjök wangiriga miriḁe anda mohotḁe malohot. Mewö.

Jisösnön maripomnön kinda kömuyök.

Mat 27.45-56; Mak 15.33-41; Luk 23.44-49

²⁸ *Jisösnön nupḁi pakpak mem teköyöhi, mi möta miangöreḁ Buḁa Kimbigö keu kunöḁ öḁambuk akḁapköra kewö jiyök, “Ni ogöra ak niḁgiza.”

²⁹ Miangöreḁ qem nene kun wain o asöḁambuk miangön kokolak qeba tarök. Mi tariga köwet mömöndö kun kahali tandök mi memba wain onöḁ kundumgöba songorep suḁe qesamböta meget öḁgöiga numbuḁe alget. ³⁰ Algetka wain o asöḁambuk mi memba jiyök, “Möno teköza.” Mewö jiba malmalḁi mosötmangöra nöröpḁi wambelahöi eri imutḁi koriga nöḁ qeyök. Mewö.

Jisösgö marömḁi liḁipnön utohoget.

³¹ Jisösnön nöḁ qeiga Juda ambazipnön silim miangöreḁ ak-kömukömu kendon tat-pingöra jöjöröget. Ak-kömukömu Sabat kendon mi kendon nalö ketanḁi ahök. Miangöra Juda jitḁememe yejön waimanḁat möta kewö jiget, “Qamöt miengön Sabat kendon nalöḁe

* 19:24: Sum 22.18 * 19:28: Sum 69.21; 22.15

maripomnön kingetka qahö dop kölja.” Mewö jiba premiö Pailötkörej anda kewö qesim wanğiget, “Gi ölop jinönga anda maripomnön engugeri, yengö töwat sihitjini kusugetka qamötjini meköin etme?” ³² Qesim wanğigetka jim teköiga yarö azinön kanğotket. Kanğota Jisösbuk maripomnön etkugeri, mi zilañ kömumahotköra mutuk yetkörejök kungö töwat sihitji kusuba likep anda kungörej mewöñanök aket.

³³ Mewö aketmö, Jisösgörej kanğota eketka lök kömuyök. Mewö eka sihitji qahö kusuget. ³⁴ Qahö kusugetmö, yarö azi yengörejök kunñan liñgip memba marömñi umburatiiga miangörejök sep aka o erök.

³⁵ Mewö aketka kunön yuai mi jeñan ehöhi, yañön mi nañgöba jiba ki ohoi ahöi döлки oyonje. Keu nañgöba jiba ohoi ahözawi, mi mönö keu ölna akza. Inini mewöyök mi möt narimegöra möta keu ölna jizawanğö dop mötza. ³⁶ *Yuai mi asuhuyöhi, mi Buña Kimbigö keu kunön ölnambuk akñapköra asuhuyök. Keu mi kewö, “Yañgö sihitji mönö kude kusume.”

³⁷ *Aka Buña Kimbigö keu kun kewö ahöza, “Azi utohogeri, yañön mönö yañgörej göröken jeñini uba ekje.” Inini keu yahöt miangöra aka mi möt narime. Mewö.

Jisösgö qamötji köt köteñnön löm kölget.

Mat 27.57-61; Mak 15.42-47; Luk 23.50-56

³⁸ Miangö andöñe Arimatia taon toñi qetji Josef kayök. Yañön Jisösgö gwarekñi aka malökmö, Juda jitñememe yengöra kengötji möta mötnaripñi köyatiba malök. Yañön kaba premiö Pailötkörej anda Jisösgö qamötji mekömamğö qesim wanğiyök. Qesim wanğiiga möta jim teköiga kaba meköyök.

³⁹ *Azi qetji Nikodemus mutuk Jisösgörej sunğem kayöhi, yañön mewöyök kayök. Kaba qamöt mirimamğöra kelök köhöwakñambuk qetji mör mi repa oñambuk melenğeri, mi esu mohot lömbötji 30 kilogö dop bohonñi memba kaba Josef bauköm wanğiyök. ⁴⁰ Bauköm wanğiba mohotje Jisösgö qamötji meköyohot. Meköba jiniñ wöronñi ölopñi memba qamöt sileñe ala opo tuatñi miangön köpeiyohot. Juda ambazip neñön qamötnini mewö aka mözözömgöba löm köl enğizinma.

⁴¹ Jisös maripomnön qegeri, gölme miangö likepñe arö kun ahöyök. Arö miangörej qaksirigö köt köteñ löm dölokñi kun urorohoget kinök. Miangörej qamöt kun qahö algetka gwamönñi ahöyök. ⁴² Gwamönñi aka kösutje ahöiga Juda ambazipnön akkömükömu kendon tatpingöra jöjörögetka nalöñini töriyök. Miangöra Jisösgö qamötji memba miangörej ala löm kölohot. Mewö.

20

Jisösgö löm qaksirinñan gwamönñi ahök.

Mat 28.1-8; Mak 16.1-8; Luk 24.1-12

¹ Sabat kendon tatket teköiga Magdalagö Maria yañön Sonda söñanök wanğarañ suruiga qaksirinön anök. Anda je ui ani köt ketañi ehiga miangön lök köteñ urorohoñi miangö numbuñeyök qetalget kaba ahöyök. ² Mewö eka miangörejök mosöta ösumok anda Saimon Pitö aka Jisösgö wölböt gwarekñi yetkörej kaba kewö jii mörohot, “Möno Kembangö qamötji qaksirinöhök memba anda denike alget ahözawi, mi qahö mötzin.”

³ Mewö jii möta mosöta qaksirinön anohot. ⁴ Mohotje ösumok anohotmö, gwarek alañan ösumñan anda Pitö oñgita mutuk qaksirinön anğorök. ⁵ Anğota köt köteñ urorohoñi miangö uruñe qahö öngöba numbuñe öne kököriba ui aniga oponi köpeköpeianök ahöiga ehök. ⁶ Mi ehiga Saimon Pitönön mewöyök andöñe kanğota köt köteñ uruñe öngöba oponi köpeköpeianök ahöi ehök. ⁷ Mi ehök aka nörorpñi opo jahönñi kunön köpeiba esuhugeri, mi tosatan kusuba silegö oponi miambuk qahö mindiriba kungen algetka nanñök tariga ehök.

* 19:36: Eks 12.46; Jañ 9.12; Sum 34.20 * 19:37: Zek 12.10; Ind 1.7 * 19:39: Jon 3.1-2

⁸ Mewö ehiga gwarek alajan mutuk qaksirinöy kanjoröhi, yañön mewöyök köt kötey uruñe öngöba yuai mi eka möt nariyök. ⁹ Jisös guliba kömupnöhök wahötmawi, yetkөн Buja Kimbigö keu mewöñi mi qeljine qahö möt asariba tönpin mala korohot. Mewö.

Jisösnöy Magdalagö ambi Mariagöreñ asuhuyök.

Mat 28.9-10; Mak 16.9-11

¹⁰ Mala kota miangöreñök möt nariba lilingöba miriñire anohot. ¹¹ Yetkөн anohotmö, Marianöy nanjök qaksirigö köt kötey numbuñe kindä sahörök. Mewö sahöta kötey urorohöñi miangö uruñe kököriba ui anök. ¹² Ui aniga Suep garata yahöt malukuñiri tuat lalamñi etkehök. Jisösgö qamötñan ahöyöhi, yetkөн mönö miangöreñ tarohot. Kunöy nöropñi ahöyöhanjöreñ tariga kunöy könañe tarök.

¹³ Mewö tata kewö jiyohot mörök, “Ambi, gi mönö wuanöñgöra sahötzan?” Mi möta jiyök, “Kembunangö qamötñi memba anda denike alget ahözawi, mi qahö mötzal.”

¹⁴ Mewö jiba lilingöba Jisösnöy kösutñe kiniga ehökmö, kaisongolomñi mi qahö ek kutuba tönpin kinök. ¹⁵ Tönpin kiniga Jisösnöy kewö qesim wangiyök, “Ambi, gi mönö wuanöñgöra sahötzan? Dagöra jaruzan?” Mewö qesim wangii ga arö galömñan kinja me denöwö, mewö mötmöriba kewö jiyök, “O ketañamni, gi qamötñi memba anguba kungen anda alnöy ewö, mönö denike ahöza, mi jinöñga möta anda memam.”

¹⁶ Mewö jiiga Jisösnöy qetñi qeta “Maria!” jiyök. Mi qeta jiiga yangöreñ lilingöba Hibru keunöy qeta “Raboni!” jiyök. Mi nanine keunöy “Ketañamni.”

¹⁷ Mewö jiiga kewö jii mörök, “Ni Iwinangöreñ qahö öngöba ki kinjal. Miangöra ni kude nömisirimanmö, nöñgö munurupni yeñgöreñ anda buzup kewö jinöy mötme: Nöñön mönö Iwi Anutuni aka engö Iwi Anutuñini yangöreñ lilingöba öñgömam.”

¹⁸ Mewö jii möta Magdalagö ambi Maria yañön lilingöba anda gwarekurupñi kewö jii mötket, “Nöñön Kembu ekiga keu mewö mewö jii mötzal.” Mewö.

Jisösnöy gwarekurupñi asuhum engiyök.

Mat 28.16-20; Mak 16.14-18; Luk 24.36-49

¹⁹ Sonda miangöreñök miri söñauiga gwarek yeñön ömbibiñe tokoba Juda yeñgöra keñgötñini möta miri nanjuri köla ki namñi misiget geiga tatket. Mewö tatketka Jisösnöy asuhuba sutñine kindä kewö jiyök, “Alaurupni, luainöy embuk ahöma!” ²⁰ Mewö jiba böroyahötñi aka marömñi kondeliga Kembu eketka söñöñgainöy uruñini kokolak qeyök. ²¹ Kokolak qeiga toroqeba kewö jiyök, “Alaurupni, luainöy embuk ahöma! Iwinöy ni melaim niñgiiga nöñön iñini mewöñanök melaim engizal.”

²² Mewö jiba nöropñine memba ösum engiba uwulamgöba jiyök, “Mönö Uña Töröñi meget. ²³ *Iñini ambazip siñgisöndokñini mosöta sanjonje ewö, mi mönö Anutugö jeje solanim teköza. Ambazip siñgisöndokñini qahö mosöta sanjonje ewö, mi mönö Anutugö jeje qahö solaniza.” Mewö.

Jisösnöy Tomas asuhum wangiyök.

²⁴ Jisösnöy gwarekurupñi mewö asuhum engiyökmö, gwarek 12 yeñgöreñök kun qetñi Tomas, qetñi alañi Siwisiwi qetkeri, yañön nalö miangöreñ sutñine qahö malök. ²⁵ Tomasnöy kaiga gwarek tosatñan “Mönö Kembu ekzin,” jiget möta kewö jiyök, “Jenan biriñ löpötñi böronje eka kesötñan marömñe misirimam ewö, mönö ölop möt narimam. Ni nanak mi qahö eka misiriba oseimam ewö, mönö keuyök jiget möta ölna mi qahö möt narimam.”

²⁶ Mewö jiiga sonda mohot teköiga gwarek yeñön Sonda miangöreñ kunbuk mire qezaköba nangü köla ki memba Tomasbuk mohotñe tatket. Mohotñe tatketka Jisösnöy kunbuk asuhuba sutñine kindä kewö jiyök, “Alaurupni, luainöy embuk ahöma!” ²⁷ Mewö jiba Tomasgöra jiyök, “Gi mönö börogi börañda böroyahötñi eka kesötkan marömne misirimam. Mewö aka yangiseñ mosöta uruyahötñi yaköriba ni möt narim niñgiman.”

²⁸ Mewö jiiga kewö meleñnök, “O, gi nöñgö Kembu Anutuna!”

* 20:23; Mat 16.19; 18.18

²⁹ Mewö meleşniga kewö jii mörök, “Gi nekanangöra ni ölop möt narim niŋgizanmö, ambazip qahö neka töndup ni möt narim niŋgimakzei, yejñon mönö simbawonj akze.” Mewö.

Jonöj Ölöwak Buña ki kewögöra ohoyök:

³⁰ Jisösnöj nup ösum-mumu qakne memba maliga angöletot sehisehiñi tosatñi mi gwarek yejgö jeñini qakne asuhugetmö, mi buk kiangörej qahö ohoyal. ³¹ Keu tosatñi ohoyali, mi kewögöra ohoyal: Jisösnöj Anutugö Nahönñi aka Amötqeçe Tonji Kraist akzawi, iñini keu mi möt nariba mewö miañön Jisösgö qetbuñanangöra aka malmal köhöikñi buña qem angume. Mewö aka malmegöra nöñön Ölöwak Buña papia ki ohobiga engörej kaza. Mewö.

21

Jisösnöj gwarek 7 yejgörej asuhuiga söra jök öröget.

¹ Könanjep Jisösnöj kunbuk gwarek tosatñi yejgörej asuhuyök. Taiberias o angö jitne miañgörej kewö asuhum engiyök: ² Gwarek azi kewöñan mohotne malget: Saimon Pitö, Tomas qetñi kun Siwisiwi qetkeri, Natanael azi mi Galili prowinsgö Kana taonöhök aka Zebedigö nahönyahötñi yahöt aka gwarek tosatñi yejgöreñök yahöt.

³ *Mohotne malgetka Saimon Pitönöj jii mötket, “Ni mönö söra örömamgöra anmam.” Mewö jiiga tosatñan jiget, “Nini ölop göbuk mohokne anbin.” Mewö jiba mosöta wanjenöj öngöba anda sungem miañgörej söra kun qahö öröget. ⁴ Söra qahö öröba öne malgetka miri lök gianañi Jisösnöj saknöj kinök. Kinökmö, yangö kaisongolomñi mi qahö ek kutuget. ⁵ Jisösnöj kinda engohola jiyök, “Alaurupni, söra kun öröze me qahö?” Jiiga meleşda “Qahö!” jiget.

⁶ *“Qahö!” jigetka kewö jim kutum engiyök, “Iñini mönö mösakñini wange ölje göröken gilgetka eri ölop söra miwikñaime.” Mi möta mösakñini gilgetka söra sehisehiñi geba ölokögerangöra öröget kotmapkö osiiga öröm suksuköget.

⁷ Mewö aiga Jisösgö wölböt gwarekñi miañön Saimon Pitö kewö jii mörök, “Mi mönö Kembuya!” Mewö jiiga Kembugö qetñi möta opo bindoñanök jöhöba malöhangöra silepökeñi köpeiba miañgöreñök o angönöj luhuba geyök. ⁸ Yeñön sak qöhöröñe 100 mita miañgö dop kösutne anda malget. Miañgöra Pitönöj geba ani gwarek tosatñi yejñon wange lökuatnöj qem nangöba anda mösak sörañambuk örögetka wange andöñe kayök.

⁹ Mewö kaba sak körikne öngöba miañgörej yuai kewö eket: Könöp jeiga gapnöj söra jejeñi aka beret soñsoñ ahöyök. ¹⁰ Mi eketka Jisösnöj kewö jii mötket, “Iñini döлки söra örözei, mönö miañgöreñök tosatñi memba ki kaget.”

¹¹ Mi jiiga Saimon Pitönöj möta wanjenöj öngöba mösak öröiga körikne öngöyök. Öngöiga ölni 153 eket. Mösak mi söra ketañi sehisehiñi mieñön kokolak qegetmö, mösaknöj töndup qahö tiñgirök. ¹² Ölni mi eketka Jisösnöj kewö jii mötket, “Mönö kaba söñangö neneñi neget!” Mewö jii möta kaba “Mi Kembunina,” mewö möt kutugetmö, gwarek yejgöreñök kunñan “Gi dañön?” mewö qesimangö urulömböt aka qahö qesiyök. ¹³ Qahö qesiyökmö, Jisösnöj anda beret memba engiba söra mewöyök mendenja engiyök.

¹⁴ Jisösnöj kömupnöñök wahöta gwarekurupñi asuhum engiyöhangö indimñi karöbut mi ahök. Mewö.

Jisösnöj Pitö kunbuk kunğuba mem köhöiyök.

¹⁵ Söñangö neneñi neget teköiga Jisösnöj Saimon Pitögöra kewö jii mörök, “Saimon Jongö nahönñi! Alaurupki kieñön ni uruñinan jöpaköm niŋgimakzei, gi mönö i engongita gwötpuk jöpaköm niŋgimakzan me qahö?” Mi möta kewö meleşnök, “O Kembu, ni göhöra ak niŋgimakza. Gi wölböt alani akzan. Mi nangak ölop mötzan.” Mewö meleşniga Jisösnöj jii mörök, “Gi mönö nöñgö lamaaurupni moröñi gumohom engiba malman.”

* 21:3: Luk 5.5 * 21:6: Luk 5.6

¹⁶ Mewö jii möri indimñi yahöt qesim waŋgiyök, “Saimon Jongö nahönñi! Gi ölña jöpaköm niŋgimakzan me qahö?” Mi möta kewö meleñnök, “O Kembu, ni göhöra ak niŋgimakza. Gi wölböt alani akzan. Mi nangak ölop mötzan.” Mewö meleñniga Jisösnöñ jii mörök, “Gi mönö nöñgö lamaurupni galöm köl eñgiba malman.”

¹⁷ Mewö jii möri indimñi karöbutñi qesim waŋgiyök, “Saimon Jongö nahönñi! Gi mönö ölña wölbötkan (jojopaŋgan) nöñgö ak gihimakza me qahö?” Mewö qesim waŋgiiga uru-jöjöpakö qequesiñi mohot miyök qesiiga indimñi karöbut ahöhañgöra Pitönöñ wösöbirik möta meleñda kewö jiyök, “O Kembu, gi yuai pakpak ölop möt teközan. Gi wölböt alani akzan. Göñön mönö nangak mi ölopñanök mötzan.” Mewö jiiga Jisösnöñ jii mörök, “Gi mönö nöñgö lamaurupni gumohom eñgiba malman.

¹⁸ “Nöñön keu öl töhöññi kun kewö jibi mötnöñ: Gi sepgulia mala nangak sileötañgi jöhöba köna igen me waigen ‘anmam,’ jiba ak gihiyöhañgö dop ölop anda kaba malnöñ. Mewö mala malnöñmö, azi namñi akñani, nalö miangöreñ börögi börañnöñga kunñan kaba opo silepökegi jöhöm gihiba köna kungen qahö anmangö mötmani, mönö miangöreñ goañgiriga anman.”

¹⁹ Jisösnöñ kezapqetok keu mewö jiba Pitö kömumawañgö keu saiñi indelök. Yañön kömup tandökñi qainñi kun kömuiga Anutugö qetbuñaji qarimapköra mötmöriba mi jiyök. Keu mi jiba yañgöra jii mörök, “Gi mönö kaba ni nuatañgöba malman!” Mewö.

Jisösnöñ Pitöbuk gwarek kunjö keuñi eraum mörohot.

²⁰ Pitönöñ Jisösbuk anda lilingöba Jisösgö wölböt gwarekñan andöñire kaiga ehök. Gwarek miañön ak-kömükömu lama negeri, miangöreñ nöropñan Jisösgö töptöpñe nariba jiyök, ‘Kembu, göhöreñ mamalolo azi mi dañön?’ ²¹ Gwarek miañön könañire kaiga Pitönöñ i eka Jisös kewö qesim waŋgiyök, “Kembu, gwarek kianañgöra mönö denöwö asuhuma?”

²² Qesim waŋgiiga kewö jii mörök, “Nöñön yañgö malmal areñi mewö me mewö albileñak, mi mönö göhöreñ waimanjara qahö. Nöñön jibiga yañön qahö kömumba nöñön gölmenöñ lilingöba kamamañgö nalöñe toroqeba jebuk mal öngöbawak, keu mi yañgö keuya akawak. Gi mönö yañgö keuñi mosöta nangi malmalgi möhamgöba galöm köl añguba nöñgö andöne kaba ni nuatañgöba malman.”

²³ Keu mewö jiiga tosatñan lañ möta jim sehigetka urumeleñ alaurup yengö sutñine keu mi kewö jim sohoget, “Gwarek miañön qahö kömuma.” Mewö jim sohogetmö, Jisösnöñ jebuk teteköñi qahö mal öngömapköra qahö jiyökmö, keu kewö jiyök, “Nöñön yañgö malmal areñi mewö me mewö albileñak, mi mönö göhöreñ waimanjara qahö. Nöñön jibiga yañön qahö kömumba nöñön gölmenöñ lilingöba kamamañgö nalöñe toroqeba jebuk mal öngöbawak, keu mi yañgö keuya akawak. Gi mönö yañgö keuñi mosöta nangi malmalgi möhamgöba galöm köl añguba malman.” Mewö.

Nanak mi pakpak jenan eka nañgöba ohom eñgizal.

²⁴ Gwarek miañön yuai mi jeñan eka mala miangö dop mi nañgöba jim asariba Ölöwak Buña ki ohoyök. Körek pakpak eñön gwarek miangö könañi mötzeañgöra aka ölop tönguba kewö jiba malme, “Yañön keu nañgöba jiyöhi, miañön mönö keu öl töhöññi akza.”

²⁵ Jisösnöñ nup aka añgöletot tosatñi sehisehiñi mi mewöyök aka memba malök. Miengö kösohotñini mohot mohot mi lökñanök törörök ohobinak ewö, mönö buk papia böranñi böranñi sehisehiñi asuhugetka kantri dop papia köwe miri (laibreri) pakpak miangöreñ alinga kokolak qeba ölököiga tiñi töndup qahö dop kölbawak. Mewö mötmörizal.

Aposol Nup Meme

Aposol yejön Uña Töröñangö ösumnöñ nup meget.

Jim-asa-asari

Dokta Luknöñ buk qetji “Kraistkö Ölöwak Buña” ohoba kösohotñi toroqeba buk qetji “Aposol nup meme” ohoyök. Jisösnöñ gwarekurupñi mutukñi kusum enji Uña Töröñan sölölohöm enjiiga Kraistkö keu buzupñi jim sehigeri, Luknöñ miangö kösohotñi aukñe almamgöra möta kewö (1.8) ohoyök, ‘Yejön mi Jerusalem sitinöñ könahiba Judia prowins dop köla Samaria prowinsnöñ anda toroqeba gölme görañe eu emu likeplikep angetka dop köl teköba anök.’ Mutuk Juda könagesö uruñe nup megetka uruñini melenđa guligetka Kraistkö qeburuñ könahiba yöhöba sehiba anda anda kantriñi kantriñi dop köliga urumelenñ könagesö yeñgö bohonñini ahök. Kösohotñi oyoñjei, Luknöñ yeñgö uruñini böñjön almamgö kapañ köla keu kötni yahöt kewö ohom asariyök,

1) ‘Kraistkö alaurupñan Rom mindimindiri gawman mi tuarenjoñ qahö ak enjiba malje. Yejön mi memba et almegöra tuaköpek qahö akze. Tosatñan mewö mötpeak, mi böññi öne wahötpapuk.’

2) ‘Juda yejön jike nup meget korembenji aiga ölni asuhumapköra mamböta malgeri, Jisösnöñ mönö ölni mi memba kaba enjiyök.’ Keu kötni mi.

Jisösgö Buña keuñi kuñguba jim sehiba zioz könahiba mem köhöigetka toroqeba aniga urumelenñ yeñgö kambuñinan qariyök. Miangö dop “Aposol nup meme,” kösohot mi juliga keu bahöñi bohonñi karöbut kewö akze: 1) Jisösnöñ Suep mire öngöiga gwarek yejön Jerusalem malgetka Kraistkö Buña keuñan könahiba qeburuñ yöhöyök. 2) Yöhöba qariba Palestain gölmegö prowins tosatñe anök. 3) Kunbuk qariba kantriñi kantriñi Sutñire Köwet liliköba tat anjei, mi dop köla teteköñe siti bohonñi Rom anök.

“Aposol nup meme” miangö keu bohonñi mi Uña Töröñangö könañi aka nup memenji. Aposol aka mötnarip ambazip yejön yambu dölökñangö (Pentekost) nalöñe Jerusalem köulukögetka Uña Töröñan ösumñambuk uruñine geyök. Uruñine geba sölölohöba mem köhöim enjiiga denđa kantri liliköba nup megetka ölni könañi könañi asuhuyök. Zioz ambazip aka yeñgö jitñememe yejön Kraistkö Buña keu mi könakönahije denöwö jiba malgeri, Luknöñ miangö keuñi ohoiga mi ölop buk kiangöreñ oyoñda mötpin. Ambazip uruñini melenđa mindiriba nañgöm añguba malgeri, yejön Buña keugö kukösumñi möt kutugetka miri dop aukñe asuhuyök. Denöwö asuhuyöhi, Luknöñ miangö kösohotñi ohoba Uña Töröñangö kukösumñi kondel neñgiza.

Buk kiangö bahöñi bohonñi 4 mi kewö:

1. Buña keu nañgöba jibingöra jöjöröget 1.1-26
 - a) Jisösnöñ jimkutukutu ala Uña enjimamgö jiyök 1.1-14
 - b) Judas Iskariotkö salupñe Matias meköget 1.15-26
2. Jerusalem sitinöñ Buña keu nañgöba jiget 2.1-8.3
3. Judia aka Samaria Buña keu nañgöba jiget 8.4-12.25
4. Polnöñ misin nup memba malök 13.1-28.31
 - a) Misin nup liliköba megetka 1 ahök 13.1-14.28
 - b) Jerusalem totoko ala keu jöhöget 15.1-35
 - c) Misin nup liliköba megetka 2 ahök 15.36-18.22
 - d) Misin nup liliköba megetka 3 ahök 18.23-21.16
 - e) Pol Jerusalem, Sisaria aka Rom kösö mire tarök 21.17-28.31

Jisösnöñ zioz könahiyök.

¹*O Tiofilus!

* 1:1: Luk 1.1-4

Luk nöñön kösohotni mutukñi ohoyali, miangöreñ Jisösnöñ nup könahiba memba liliköba ambazip kusum engiba malöhi, miangö kösohotñi pakpak arengöba albi eknöñ. ² Jisösnöñ nup memba melaimelai azi aposolurupñi möwölöhöba kusum engiba mala Uña Töröñangö ösum qakñe nup memegöra jim kutum engiyök. Mi engiiga Anutunöñ wangiri Suepnöñ öngöyök. Nöñön kösohotni ohoyali, mi miangöreñ ohom teköyal. Merak miangöreñök kösohot mi toroqeba ohomam.

³ Jisösnöñ sihimbölö möta kömumba kömupnöhök wahöta wehön 40 gölmenöñ toroqeba malök. Nalö miangö uruñe aposolurupñi sömañi gwötpuk asuhum engiba Anutu bemtohoñangö könañi toroqeba jim asarim engiba malök. Mewö mala aiwesök tandök könañi könañi memba kondel engiyök. Yeñön mi eka Jisösnöñ guliba maljawi, mi ölp möt yaköget. Aiwesök ekeri, yeñön mi nangöba jiba dangunu ewö kinje aka kunñan mi qeapkömamgö osima.

⁴ *Nalö kunöñ yembuk mohotñe mala kewö jim kutum engiba jiyök, “Inini Jerusalem siti ki mönö zilañ kude mosötme. Iwinan ‘Kalem uruñine al engimam,’ jiba keuñi jöhöi jibi mötkeri, mi mönö öljambuk akña aiga eñön mönö miangöra mamböta malme.

⁵ *Mutuk Jonöñ ambazip o töhönöñ melun mem engiba malökmö, Anutunöñ nalö kude köriiga Uña Töröñi uruñine ala miangön melun mem engima.” Mewö.

Jisösnöñ Suep mire öngöyök.

⁶ Aposol yeñön nalö kunöñ tokogetka Jisösnöñ sutñine asuhuiga kewö qesim wangiget, “Kembu, göñön mönö nalö kewöñe me wani nalönöñ Israel kantrigö tohoñi mi kunbuk kuñguba mem köhöiman?”

⁷ Qesim wangigetka kewö jii mötket, “Iwinöñ nanñi kukösum qakñe yambu gwani aka aua nalö arengöba ali ahözawi, mi mönö eñön mötmeangö dop qahö. ⁸ *Mi qahöpmö, Uña Töröñan eta uruñine gemawañön mönö kukösum engiiga letota nöngö könani nangöba jiba malme. Mi Jerusalem sitinöñ könahiba Judia prowins dop köla Samaria prowinsnöñ anda liliköba toroqeba gölme görañe eu emu likeplikep angetka dop köl teköba anma.” ⁹ *Jisösnöñ keu mi jim teköiga Anutunöñ jeñini qakñe wangita wahöriiga kusunöñ eta esuhuiga euyangöreñ öngöiga ekingö uget öngöba at atop (jiataton) köliga jaruba kinget.

¹⁰ Mewö öngöiga suepnöñ eu ehiba kingetka miangöreñök azi yahöt malukuñiri tuat lalamñi yetköñ kösutñine asuha kinohot. ¹¹ Kinda kewö jiyohot, “Galili azi inini mönö denöwögöra suepnöñ eu ubayök kinje? Anutunöñ Jisös ki engö sutñineyök wangita Suep mire eu öngöi ekzei, yañön mönö tandök mewöñanök kunbuk lilingöba etma.” Mewö.

Judas Iskariotkö salupñe Matias meget.

¹² Mewö jiyohotka aposol yeñön Jerusalem siti kösutñe kundunñi qetñi Oil ip kundunñi miangöreñök lilingöba eta 1 kilomitagö dop kaba sitinöñ kangotket*. ¹³ *Jerusalem kangota miri uruñi kun qakñe tat malgeri, miangöreñ anda öngöget. Öngögeri, yeñgö qetñini kewö: Pitö, Jon, Jeims aka Andru; Filip, Tomas, Bartolomyu aka Matyu; Jeims Alfiusgö nahönñi, Saimon Zelot politik azia aka Judas Jeimgö nahönñi†. ¹⁴ Azi pakpak miengön urumohot aka ambi yembuk kapañ köla köuluköba malget. Yeñgö sutñine Jisös munurupñi aka namñi Maria yeñön mewöyök malget.

¹⁵ Köuluköba mala wehön kunöñ mötnarip ambazip jañgöñini 120 miangö dop tokogetka Pitönöñ sutñine wahöta keu kewö jiyök, ¹⁶ “Azi alaurupni! Jisös memba jöhögeri, Judasnöñ yeñgöra köna kondelök. Uña Töröñan Judasgö keu mi mutuhök kiñ Deiwidkö uruñe sañep ali numbu jitñan jiiga Sumbara buk (Buña Liñet buk Sam) miangöreñ

* 1:4: Luk 24.49 * 1:5: Mat 3.11; Mak 1.8; Luk 3.16; Jon 1.33 * 1:8: Mat 28.19; Mak 16.15; Luk 24.47-48 * 1:9: Mak 16.19; Luk 24.50-51 * 1:12: Juda yeñön 1100 mita mi Sabat kendonöñ qahö ongita anjema. Miangöra Köna keu qahö ongita kaget. * 1:13: Mat 10.2-4; Mak 3.16-19; Luk 6.14-16 † 1:13: Zelot pati yeñön nanñini kinkin mendingöra Rom mindimindiri gawmanbuk tuaköpek aka urukönöp aka malget.

ohoget ahözawi, mianön mönö ölñambuk ahuyök. ¹⁷ Jisösnöñ Judas möwölöhöi nanine kambunöñ kun mali nupñi memapkö kuñgui melaimelai azi bohonñi aposol ahök.

¹⁸ *¹⁸ “Judasnöñ ahakmeme bölöñi aiga söñgöronñi wangiget memba mianön gölme köröñi kun bohonñi meyök. Mi memba miangöreñ imbi auba nöropñan melenja gölmenöñ kuñguiga gölömñi juliga irip kömongokñi datñi munñi mi körek usuba erök. ¹⁹ Mewö ahiga Jerusalem ambazip pakpak miangö buzupñi möt teköba gölme miangö qetñi nanñine keunöñ Akeldama qetket. Mi nanine keunöñ Sep Gölme köröñi.”

²⁰ *²⁰ Pitönöñ toroqeba kewö jiyök, “Sumbara (Sam) buk miangöreñ keu kun kewö ohoget ahöza,
‘Miriñi mönö balonñi gwamön kinma. Mi kunñan tonñi qahö aka maliga miriyök kinma,’
aka keu kun kewö ahöza,
‘Kunöñ ölöp yangö salupñe galöm nup memba kinma.’

²¹⁻²² *²¹⁻²² “Mewögöra aka nini azi kun möwölöhöba kuñguinga nembuk jitñe meme aka dangunu ewö kinda Jisösnöñ kömupnöhök wahöröhi, miangö Buñarñi nangöba jiba mali dop kölma. Jonöñ Jisös o melun mem wanggiiga Kembunöñ nalö miangöreñök qenjaröknöñ anda nupñi könahiba memba neñgö gölmenöñ liliköba anda kaba mali Anutunöñ sutnineyök wangita öngöyök. Azi nalö pakpak miangöreñ kambunine mohotñe mala korini, mönö yeñgöreñök kun möwölöhöinga dop kölma.”

²³ Pitönöñ mewö jiiga azigö jaruba azi yahöt qetñiri qetket. Kun qetñi Josef, qetñi alañi Barsabas aka qetñi kun Jastus. Azi kungö qetñi Matias. ²⁴ Qetñiri qeta kewö köuluköba jiget, “O Kembu, gi ambazip urunini körek pakpak möt kutuzan. Miangöra gi azi kietköreñök niñia möwölöhözani, mi mönö kondel neñgiman. ²⁵ Judasnöñ goñgiba geñmoñ aka eta aposol nup mosöta bölöñamñangö dop ayuhuba geyöhi, yangö salupñe azi kunöñ mönö aposol aka kinda melaimelai azigö nup memba malma.”

²⁶ Mewö jiba yetkö kiawen (kas, lot) algetka Matias asuhuyök. Asuhuiga aposol 11 yeñgö sutñine dum kun wangigetka kambunine toroqeyök. Mewö.

2

Uña Töröñan eta gwarek uruñine geyök.

¹ *¹ Jisösnöñ kömuyöhi, nalö miangöreñök sonda 7 teköiga wehön 50* miangöreñ yambu jeñi qeçe nalöñi kam kuñguiga urumelen ambazip pakpak yeñön tokoba kendon tatket. ² Tatketka miangöreñöhök Suepnöhök yuai kun biliksik eri kouruk ketañi asuhui mötket. Dimbomnöñ köhöikñanök qemakzawi, mönö miangö tandök ewö asuhuba eta miri tatkeri, mi körek kokolak qeyök. ³ Miri kokolak qeba yuai mianön denqenda sehiba könöp bölam tandök ewö nöropñini qakñe öñgöi eket.

⁴ Mewö asuhuiga Uña Töröñan körek yeñgö uruñini kokolak qeiga gölme tosatñe keu ahözawi, mi könahiba jiget. Uña Töröñan sölölohöba keu sañep alöhanö dop aukñe jiget.

⁵ Juda ambazip tosatñan Anutu göda qeba kantri könani könani suep bapñe tat anjei, miangöreñ denja anda mala Jerusalem lilingöba kageri, tosatñi mewöñi mewöyök sitinöñ malget. ⁶ Mewö mala kouruk ketañi mi möta ambazip kambu gwötpukñan kañgota tokoget. Tokoba kingetka mötnarip ambazipnöñ keu murutñi murutñi jigeri, mi pakpak möta nanñak nanñak möt asariba miangöra aurumpurik aka köñkuñ aket.

⁷ Köñkuñ aka welipköba jiget, “Mötket! Azi ki keuñi keuñi jizei, yeñön mönö körek Galili ambaziwa akze me? ⁸ Nini kantri murutñi murutñi miangöreñ ahuba kota malinga yeñön mönö denöwö aka malqarip kantrininañgö dop keunini nanñik nanñik jigetka mötzin? ⁹ Nini Partia ambazip, Midia ambazip aka Elam ambazip ki kinjin. Nini tosatñan Mesopotemia malin. Tosatñan Judia malje aka tosatñan Kapadosia gölmenöñ

* 1:18: Mat 27.3-8 * 1:20: Sum 69.25; 109.8 * 1:21-22: Mat 3.16; Mak 1.9; 16.19; Luk 3.21; 24.51 * 2:1: Lew 23.15-21; Dut 16.9-11 * 2:1: 50 mi Grik keunöñ Pentekost.

malget. Ambazip tosatñan Pontusgöra, tosatñan Eisia prowinsgöra akzin aka yeñon nanini keunine keu jigetka mötzin.

¹⁰ “Tosatñan Frigia gölme mosöta ki kaba malje. Tosatñan Pamfilia taon mosötket. Tosatñan Ijipt kantrinöñ malget. Tosatñan Sairini gölme likepñe Libia kantrinöñ malget. Tosatñi nini Rom sitiyoök kusukñanök ki kaba maljin. ¹¹ Nini tosatñan Juda ambazip ahuba maljin aka tosatñan kantri tosatñe ahuba könangep Juda ambazip ahin. Mewö kinjin aka yeñon keu jigetka nini keunini mohot mohot mi ölop möt kutuzin. Neñgöreñök tosatñan gölme jölanñi qetñi Krit mosöta köwet kutuba kaget. Tosatñan Arebia keu jize. Nini mewöñan maljinmö, yeñon söñgaiba Anutunöñ angöletot öngöngöñi ahöhi, miengö könañi mi nanine keunöñ nanjik nanjik jigetka mötzin.”

¹² Mewö jiba körek yeñon auruba lalalulu siksauk aka nanjini kewö jim qesim anguget, “Kiangö könañi mönö denöwö?” Mewö qesim anguba keu jaruba tönpin kinget.

¹³ Tönpin kingetmö, tosatñan mepaqepaik aka kewö jiget, “Yeñon wain o nahömñambuk gwötpuk nembra erjololoñ akze.” Mewö.

Pitönöñ Uya Töröñangö könañi jim asariyoök.

¹⁴ Mewö jigetka Pitönöñ aposol 11 yembuk mohotñe wahöta kinda köhöikñanök qeta ambazip kambu yeñgöra kewö jii mötket, “Alaurup, Juda ambazip aka ambazip körek Jerusalem maljei, nöñon yuai asuhuzawangö könañi jibi kezap ala mi mötket. ¹⁵ Injini tosatñan neñgöra kewö jize, ‘Yeñon o köhöikñi negetka uruñinan erjololoñ akza.’ Mewö mötmörizemö, neñon mewö qahö akzin. Ki söñangö 9 kilokñi akza. Söñan mi o nene nalöya qahö. ¹⁶ Qahöpmö, kezapqetok azi Joelnöñ Buña keu kewö jiyöhi, miañon mönö öñambuk akza,

¹⁷ *Anutunöñ jiza: Kembangö kaka nalöñan törimawi, nöñon nalö miañgöreñ Uñani Töröñi mokobiga ambazip körek yeñgö qakñine öngöma. Öngöba sölölohöba kutum enguasöriga kewö asuhuma:

Engö nahönböraturupñinan kezapqetok keuñi keuñi jimakñe.

Engö gwabö seramurupñinan jeñini meleñni imutñi imutñi ehakñe.

Engö ambazip namñi yeñon gaunñi gaunñi ekñe.

¹⁸ Uñani Töröñi mokomami, mi azi aka ambi weleni qeba malmei, yeñgö qakñine mewöyoök öngöiga kezapqetok keu jimakñe.

¹⁹ Nöñon angöletot suepnöñ albiga uget eu öngöiga ekñe aka gölmenöñ aiwesök mi kewö ekñe:

Yuai sepnambuk, könöp öngöngöñi aka köwak köndumñambuk mi asuhume.

²⁰ Wehön jeñan pandaman meiga köiñnöñ pisihiba sep ewö akña.

Mewö asuhuiga miañgö andöñe Kembangöreñ nalö ketarñan kam kuñguma.

Wehön mi aködamun aka qetbuñarñambuk.

²¹ Denike yeñgöreñök kunñan kun Kembangö qetñi qeta köulukömawi, yañon mönö amöt qem wanggiiga letotma.’ Joelnöñ mewö ohoi ahöza.

²² “O Israel ambazip, injini mönö kezap ala keu ki mötket: Anutunöñ Jisösgö malmal nalöñe sölölohöm wangii mali angöletot, aiwesök aka aiaka ösum-mumuñambuk mi engö sutñine gölmenöñ aukñe asuhuget. Injini mi ölop mötze. Anutunöñ yuai mi asuhum wangiba mewö miañon Nazaret azi miañgö könañi nañgöba jiba kondel engiba malök.

²³ *Anutunöñ mönöwök Jisösgö keuñi qeljine jöhöba möt kutuba kewö jiyöha ahöza, ‘Amötqeqe Toñan mönö pinjit azi yeñgö böröñine etma.’

Keu miañgö dop Anutunöñ Jisös qahö angön köli engö böröñine erök. Mewö eriga injini kömumapkö qetketka kian kantri gawman yeñon Mosesgöreñ Köna keu qahö möta töndup jim kutugetka böröñinan Jisös memba maripomnöñ qeget kömuyök. Kömuyökmö, sepnan mönö engö qakñine öngöyoaha ahöza. ²⁴ *Jisösnöñ kömuyökmö, kömupkö kösö gwaröñe eri kömup Toñan i jöhöba nalö köröpñi galöm köl wangimamgö

* 2:17: Joel 2.28-32 * 2:23: Mat 27.35; Mak 15.24; Luk 23.33; Jon 19.18 * 2:24: Mat 28.5-6; Mak 16.6; Luk 24.5

osiyök. Mi Anutugörej qahö dop kölök. Mianğöra yañön i mem guliba kömupkö sihimbölöneyök meköiga wahörök. ²⁵*Kiñ Deiwidnön Jisösgöra kewö jiyök ahöza, 'Nöñön garanguruñ aka talbilenbuköra Kembunön böröni ölhe malja.

Yañön nalö dop qöhöröñne kini imut ewönönj eka maljal.

²⁶⁻²⁷Mewö mala kömumam-mö, kömupkö uñem mire gebiga andö qahö nuñguman. Göñön nangi wölböt azi sarakñi tök-kutukutuñi ni mönö meköm niñginöñga kömupkö lömnönj ahöba qahö gisahömam.

Mianğöra urunan sösongai aiga numbu nesilamnan renduñ liñet köla maljal.

Silenan mewöyök guliba wahötmawanğöra al mamböta jörömqöröm aka luhut memba ahöma.

²⁸Göñön malmal köhöikñañgö könañi kondel niñginöñga möt kutumam.

Nöñön göhö jemesoholge pöndañ malbiga göñön uruni sösongainönj kokolak qeman.' Deiwidnön Jisösgöra mewö jii ahöza.

²⁹"O alaurupni! Pitö nöñön bem ambönini kiñ Deiwidkö könañi mi awösamkakak qakñe aukñe kewö jim asarimam: Deiwidnön kömuiga löm kölgetka qaksiriñan merak sutnine ki ahöza. ³⁰*Deiwidnön kezapqetok azia aka malöhañön kewö mörök: Anutunön gwölönarökuruñi yengörejök kun möwölöhöba kuñgui nanñi ewö azi kembugö dum tatatñe tatma. Anutunön keu mi jöhöba jöjopañ keunönj jim köhöiba malök. ³¹Kunñan tatmawi, mi qeljiñe eka mörök. Amötqeçe Toñi Kraist yañön kömupnöñhök wahötmawi, Deiwidnön mi möta kewö jiyök,

'Kraistnönj mala kömumapmö, kömupkö uñem mire geiga Anutunönj i andö kude qei ahöma.

Yañgö sileñi mi kude mosöri qamötñan kömupkö lömnönj qahö gisahöma.'

³²Anutunön Jisös mem gulii wahöriga mewö mianñön keu mi öñambuk ahök. Nini körek mi je kötninan eka nañgöba jiba dangunu ewö kinjin. ³³Jisösnönj wahöta mala Anutunönj wañgiri öñgöba böröñi ölhe tatza. Mianğorej tata Iwinönj Uña Töröñi melaimapkö jim jöhöyöhi, yañön (promis) mi möta i mokoï eriga öñji merak ki asuhui eka mötze.

³⁴*Deiwidnön Suepnönj kude öñgöyök. Yañön nanñak keu kewö jii ahöza,

'Anutunönj Sup miri uruñe nani Kembunawañgöra kewö jim kutui mörök:

Göñön mönö kaba böröni ölhe asakmararañ kianğorej eta tata malman.

³⁵Mewö tata malnöñga nöñön nalö sutñe kianğorej tuarenjoñurupki tim tötala luhut al engimam.

Luhut al engibiga yeñön tala geba sihimbölö möta sahöta köna döp ewö akñe.

Mewö aketka göñön ölop wahöta yengö qakñine tiba söñgaiba malman.'

³⁶"O Israel ambazip, iñini Jisös maripomnönj qegetka kömuyökmö, Anutunönj Jisös mi kuñguiga Kembu aka Amötqeçe Toñi Kraist ak neñgiba malja. Israel kambu pakpak iñini mönö mianğö könañi möt yaköme."

³⁷Pitönönj mewö jiiga ambazip kambunönj möta uruñini qesiñni Pitö aka aposol tosatñi yengöra kewö jiget, "Azi alaurup, nini mönö dendenöwö ahin dop kölma?"

³⁸Jigetka Pitönönj kewö jii mötket, "Iñini mönö uruñini melenget. Mohot mohot uruñini melenğerañgö dop neñön mönö Jisös Kraistkö qetñe o mem melun mem engibin. Mi enğiinga Anutunönj siñgisöndokñini sañgoñda mosöta Uña Töröñ kalemñi mi buña qem engima. ³⁹Anutunönj Uña mi engimangö jim jöhöyöhi, keu mi mönö nanñini aka engö gwölönarökuruñini engöra aka jiyök. Engöra aka tosatñi köröwen mal angetka Anutu Kembuninan engoholmawi, yañön jöhöjöhö keu (promis) mi mönö körek engöra aka mewöyök jiba jöhöi ahöza."

⁴⁰Pitönönj mewö jiba toroqeba qambañ keu tosatñi gwötpuk mianñön uruñini kuñguba kewö jiyök, "Ambazip misimkaulup ki gölmenönj maljei, Anutunönj mi amöt qem enğiiga letotmegö mötza. Yembuk sihimbölö miwikñai bepuköra mönö uruñini melenğda ambazip goñgoñi mi jabö ala engömosötme." ⁴¹Pitönönj mewö jiiga ambazip jesöñgöñan

* 2:25: Sum 16.8-11 * 2:30: Sum 132.11; 2 Sml 7.12-13 * 2:34: Sum 110.1

keunji möt angön kölgetka o melun mem engiget. Mi mem engigetka könagesöhjine toroqegetka jaŋgöŋinan wehön miangöreŋök 3000 miangö dop qariyök. Mewö.

Mötnarip yeŋön uru jöhöm anguba malget.

⁴² Uruŋini melenjeri, yeŋön urumohok aka urunöŋ jöhöm anguba nalö dop angeka tokogetka aposol yeŋön Buŋa keu kusum engigetka beret mindipköba nempa köuluk nup memba malget. Pöndaŋ malmal mewöŋi malget.

⁴³ Mewö kinda Anutugö qetŋan bölibapuköra jönöm undu-undu aka malget. Mewö malgetka Anutunöŋ sölölohöm enŋiiga aposol yeŋön jitŋe memeniŋi aka nup megetka anŋöletot aiwesök murutŋi murutŋi asuhuget. ⁴⁴ *Anutu möt narigeri, yeŋön körek malmalŋini mohotŋe mala sukinap (ainemaluku) yuaiŋini pakpak mindiriba mohotŋe memba malget.

⁴⁵ Mewö memba mala gölme sukinap yuaiŋini bohonŋi memegöra algetka söŋgöronŋi engiget kayöhi, mi sutŋine mözöqözörön aka osigerangö dop mendeŋ anguba malget.

⁴⁶ Mewö mindiriba mala qösösök (qörörök) urumohot aka nalö dop jöwöwöl jikenöŋ tokomalget. Beret mi miriŋini dop mindipköba nemalget aka numbu neneŋini mi geŋmoŋini qahö sösoŋgai qakŋe tata nemalget. ⁴⁷ Aiakaŋini mewö aka Anutu möpöseiba malgetka ambazip pakpak yeŋön i engek soriba malget. Engek soriba malgetka kambuŋinan qariiga Kembunöŋ nalö dop ambazip tosatŋi uru melenjeri enŋiiga letota mindimindiri areŋine toroqeget. Mewö.

3

Pitönöŋ lokon azi kun mem ölöwahök.

¹ Juda yeŋön mare dop 3 kilok köuluközema. Mare kunöŋ Pitö Jon yetköŋ köuluk nalö miangöreŋ jöwöwöl jikenöŋ öŋgöyohot. ² Öŋgöyohotka miangöreŋ azi kun nam körö uruŋeyök lokon asuhuba tat malöhi, mi anguba kaba jöwöwöl jikegö kiripo naŋguŋe alget. Alaurupŋan silim dop kaba kululunöŋ anguba kiripo naŋgu qetŋi Naŋgu Eksihimŋambuk qetkeri, miangöreŋ alget tarök. Tata ambazip jikenöŋ öŋgögeri, yeŋön moneŋ kalem waŋgimegöra ulet enŋiba malök.

³ Mewö algetka tari Pitö Jon yetköŋ jöwöwöl jikenöŋ öŋgöbitkö ahotka etkeka i mewöŋanök kalemgö ulet etkiyök. ⁴ Ulet etkiiga jemesoholŋi uba eka Pitönöŋ kewö jii mörök, “Mönö niri netkeknöŋ!”

⁵ Mewö jii möta je kusumusulŋi qahö etkehiba yuai kun börönjireyök niŋgimahotkö mambörök. ⁶ Etkehiga Pitönöŋ jiyök, “Nöŋgöreŋ silwö me goul moneŋ qahö ahözapmö, nöŋgöreŋ yuai kun ahözawi, mi ölöp gihimam: Gi mönö Nazaret azi Jisös, Amötqeqe Tonŋi Kraistkö qetŋe wahöta anman!”

⁷ Mewö jiba börönŋi ölnje memba kököbibiiga wahörök. Wahöriga könaŋi aka gwaköt sihitŋi mönö miangöreŋök köhöiget. ⁸ Köhöigetka wahöta luhuba yetpuk jöwöwöl jikenöŋ öŋgöba miangöreŋ anda kaba sereŋsereŋ unduba Anutu möpöseiyök. ⁹ Mewö anda kaba Anutu möpöseim waŋgiiga ambazip kambu pakpak yeŋön mi eket. ¹⁰ Mi eka kewö jiget, “Azi ki kalem waŋgimegöra jikegö kiripo Naŋgu Eksihimŋambukö kösutŋe tata uleta malöhi, mönö mia.” Mewö jiba möt waŋgiba “Silerŋe wani yuaia asuhuzapto?” jiba auruba nemböŋini teköi welipköget. Mewö.

Pitönöŋ jöwöwöl jikenöŋ Buŋa keu jii mötket.

¹¹ Welipkögetka ulet azi mianöŋ sundan Pitö Jon yetpuk mohotŋe anda kaiga ambazip kambu körek pakpak yeŋön ösumŋinan kösutŋine kaba jöwöwöl jikegö tohoŋ uruŋe öŋgöba kiŋ Solomongö sombem söraŋŋambuknöŋ tokoba kinda ehiget.

¹² Mewö ehigetka Pitönöŋ engeka könahiba kewö jii mötket, “O Israel alaurupni, inŋini mönö wanigöra yuai ki eka auruze? Wanigöra niri uba netkehize? Azi kiaŋön ölöwaka köna anda kazawi, mi mönö netkö ösumnöŋ me Anutugö Buŋaŋe pitirik maljiraŋgöra

* 2:44: Apo 4.32-35

aka qahö. Mewö kude mötmörime. ¹³ *Nanine ambösakonini Abraham, Aisak aka Jeikob yengö bem Anutunöy mönö Nahönñi Jisös asakmararaj wanggiiga jitnememenji öngöngöñi ahiga ölni asuhuiga ekze. Inini Jisös mi memba galöm yengö böröñine algetka premiö Pailötnöy pösatmamgö keuñi jöhöba jiyökmö, eñön Jisös mi yangö jeñe qaj köla andö qem wangiget.

¹⁴ * “Inini azi diñdiñi aka sarakñi mi andö qem wangiba azi qeçe azi kun pösatmapkö kapan köla qeta qesiget. ¹⁵ Mewö qeta qesiba mewö mianñön malmalgö Toñan kömumapkö keuñi jigetka kömuyök. Kömuyökmö, Anutunöy i mem guliiga kömupnöhök wahörök. Netkön mi jeninan eka nangöba jiba yangö dangunu ewö kinjin. ¹⁶ Mewö kinda Jisösgö qetñi möt narim wangiba maljit. Azi ki eka möt wangizei, mi mönö qet miangö ösumñan mem köhöiiga kinja. Jisösnöy sölölohöm netkii mötnaripniran asuhui miangö qakñe kinda jim kutuziga köna gwakötñan ölöwak teköiga inini körek mi ekze.

¹⁷ “O alaurupni! Jisös kömumamgö kapan kölgeri, eñön mi mönö gukmaulem qakñe aket, mi mötzal. Nanñini aka galömurupñinan mewöyök yuai ak wangigeri, miangö könajñi kude möt kutuba lañ aket. ¹⁸ Mewö aketmö, miangö likepñi Anutunöy kewö ahök: Anutunöy keuñi mönöwök kezapqetok ambazipurupñi pakpak yengö jitñine aliga qeljine kewö jiba ohoget, ‘Anutugö Amötqeqe Toñi Kraistnöy mönö sihimbölö mötma.’ Miangöra inini mewö aketka Anutugö keu mianñön mönö mewö öljambuk ahök. ¹⁹ Miangöra mönö uruñini melenja Anutugöreñ lilingöba kagetka siñgisöndokñini kutuba sanjoñma.

²⁰ “Anutunöy oyaenköyaen Toñi akza. Inini öne lañ malbepüköra Anutunöy Jisös qeljine möwölöhöyök. Miangöra inini mönö uruñini melenjetka Amötqeqe Toñi Kraist melaiiga engöreñ kaiga yambuk qekötahögetka malmalñinan guliiga oyaenköyaen nalöñinan kam kuñguma. ²¹ Anutunöy möpñangö möpñe könahiba keuñi kezapqetok ambazipurupñi tök-kutukutuñi pakpak yengö jitñine aliga qeljine kewö jiba malget, ‘Anutunöy Amötqeqe Toñi añgön köl wangii Suep mire tata mali yuai pakpak kunbuk arengöba kölönaimawi, mönö nalö miangöreñök melaiiga Suep mosöta etma.’ Jisösnöy keu miangö dop eta neñgöreñ kayök.

²² * Mosesnöy kewö jii mötket,

‘Kembu Anutunöy Juda kambu engö sutñineyök kezapqetok azi kun mem guliiga wahöta Moses ni ewö akña.

Yañön ipñina kinda engöra keu jimawi, mönö mi pakpak kezap ala möta tem köla malme!

²³ * Kunñan kun kezapqetok azi miangö keuñi qahö tem kölmawi, Anutugö könagesö eñön mönö yangö keuñi jim teköba ayuhum wangime.’

²⁴ Kezapqetok ambazip Samuelgöreñök könahiba kota keu jigeri, mienñön mönö körek-makörek mewöyök kezapqetok keu nalö kewöñe öljambuk akzawi, mia qeljine jiba malget. ²⁵ * Anutunöy ambösakonurupnini yembuk jöhöjöhö areñi aka Abrahamgöra kewö jii mörök,

‘Göhö gwölönarökurupki yengöreñök kunñan ahuba wahötmawi, Anutu nöñön mönö yangöra aka gölmegö ambazip kambuñi kambuñi pakpak kötuëtköm engibi oyaenköyaen akñe.’

Anutunöy jöhöjöhö keuñi indeli kezapqetok ambazipnöy mi toroqeba jim köhöiba malgeri, mi mönö engöra aka ali ahöza. ²⁶ Anutunöy Nahönñi mem guli wahöri kötuëtköm engimapköra melaiiga mutuhök engöreñ erök. Miangöra mönö dölkü uruñini melenja nanjik nanjik malmalñinangö köna bölöñi andö qeme. Mewö aka oyaenköyaen akñe.” Mewö jiyök.

4

Pitö Jon yetkön jike kaunsöl kambunöy kinohot.

* 3:13: Eks 3.15 * 3:14: Mat 27.15-23; Mak 15.6-14; Luk 23.13-23; Jon 19.12-15 * 3:22: Dut 18.15, 18 * 3:23: Dut 18.19 * 3:25: Jen 22.18

¹ Pitö Jon yetkôn ambazip kambu yengöra keu mewö jiyohotka jike nup galöm yeñon, jikegö kiripo galöm bohonñan aka Sadyusi (Jike nupkö kapankölköl) yeñon wahöta jeñire kañgotket. ² Gwarekyahötñan ambazip kambu kusum engiba kewö jiyohot, “Jisösnöñ kömupnöhök wahörök. Miangö dop kömugeri, yeñon mewöñanök guliba wahötme.” Mewö jiyohotka uruñini böliiga yetköreñ kañgotket. ³ Kañgota etkömemba miri söñauyöhañgöra aka kösö mire al etkiba jiget, “Miri gianjiigun keu jakeñe al etkibin.”

⁴ Mewö jigetmö, Buña keuñiri mötkeri, yengöreñök jesöñgöñan uruñini melenja Jisös möt nariget. Möt narigeri, yengö jañgöñinan qariiga 5000:gö dop aka malget.

⁵ Miri gianjiiga galömkölköl aziurupñini, Juda yengö jitñe memeurupñini aka Köna keugö böhi yeñon Jerusalem tokoget. ⁶ Tokoba jike nup galöm bohonñi qetñi Anas yañon sutñine tarök. Mewöyök Kaiafas, Jon, Aleksander aka jike nup galöm bohonñangö saiwaurupñi tosatiñi pakpak mi mohotñe tatket. ⁷ Tatketka Pitö Jon etkuangita jeñine al etkiget kinohotka kewö qesim etkiget, “Etkön mönö denöwö ahot? Dagö qetñi qerohotka ösumñi etkualöñni letorök?”

⁸ Qesim etkigetka Uña Töröñan Pitögö uruñi kokolak qei kinda kewö jii mötket, “Kantrigö galömkölköl azi aka jitñememeurupñini, mötket! ⁹ Niri lokon azi denöwö alabauk ak wañgiziga könañi guliba ölöwahök, merak mewö qesim netkize. ¹⁰ Miangöra miangö likepñi mi ölop jibiga iñini aka Israel ambazip könagesö pakpak mötme. Eñon Nazaret azi Jisös, Amötqeqe Tonini maripomnöñ qegetmö, Anutunöñ i mem gulii kömupnöhök wahörök. Jisös qetñangö ösumñan mönö azi ki möhamgöiga engö jeñine ölöwaka kinja. ¹¹ *Keu kun kewö,

‘Miri meme azinöñ köt tandö kun andö qeba mosötketmö, Anutunöñ mi aliga ain tandö kömbönañi bohonñi akza.’
Ain tandö bohonñi mi Jisös.

¹² “Jisös mohotnöñ mönö amöt qem neñgiza. Qet kun köuluköinga mi osimemö, Jisösgö qetñan mönö dop kölja. Anutunöñ qet kun Suepkö bapñe qahö neñgiiga ahöza. Qahö! Qet mohot mi qeta letota Suepkö buñaya akin.”

¹³ Mewö jim teköiga tandökñiri eka kewö jiget, “Azi yahöt kietkôn mötmöt mire qahö öngöba töndup keu köhöikñi köhöikñi jiba awösamkakak kinda suahö ewö akzahot.” Mewö jiba köñkuñ aka welipköba könañiri möt kutuba jiget, “Alakña! Azi yahöt mietkôn mönö Jisösbuk mala letorohot.” ¹⁴ Könañiri möt kutuba jiba lokon azinöñ ölöwaka yetpuk kinöhi, mi eka keuñiri qeapköbingö osiget. ¹⁵ Mi osiba jike kaunsöl kambu engömosöta yaigep gemahotkö jim kutuget geyohotka nanñinök keu jaruba goro aket.

¹⁶ Goro aka jiget, “Nini azi yahöt ki mönö denöwö ak etkibinto? Yetkôn jim kutuyohotka angöletot qainñi kun asuhuyöhi, mi Jerusalem körek pakpak yeñon möt teköze aka nini mi mewöyök qañ kölbingö osizin. ¹⁷ Mi osizinmö, miangö keuñi ambazip sutñine kunbuk sehiba anapuköra mönö ölop kewö jim kutum etkiinga dop kölma, ‘Iñiri mönö Jisösgö qetnöñ keu kunbuk kude jimahot.’ Mewö jiba köhöikñanök jim qetal etkiinga sörauyohotka kunñan kun mi qahö möri teköma.”

¹⁸ Mewö jim jöhöba etkoholget öngöyohotka kewö jim kutum etkiget, “Iñiri mönö Jisösgö qetnöñ keu kun kude toroqeba jiba ambazip kusum engimahot.” Mewö jiba songö köhöikñi al etkiget. ¹⁹ Mewö jim kutum etkigetmö, Pitö Jon yetkôn melenja kewö jiyohot, “Netkôn engö jimkutukutuñini tem kölbitköra Anutugöreñ keu memba et aljiga omañi akapuk. Mi Anutugö jemesoholñe dop kölja me qahöwi, mi mönö nanñinak kewöta jiba jöhöme! ²⁰ Mewö me mewö jiba jöhöbeakmö, netkôn yuai eka möriri, mi köyatiba keu bökö malbirangö dop qahö.”

²¹ Mewö jiyohot mötketka ambazip körekñan angöletot asuhuyöhi, miangöra Anutu möpöseiget. Mewö möpöseigerangöra aka “Likepñi denöwö ak etkibinak?” jiba köna kun qahö miwikñaiget. Qahö miwikñaiba galöm meme keu köhöiba jim etkiba etkömosötketka erohot. ²² Angöletot asuhuiga lokon azi ölöwahöhi, mi (yara) yambuñi 40 lök ongita malök. Miangöra mönö Anutu gwötpuk möpöseiba malget. Mewö.

* 4:11: Sum 118.22

Mötnarip yejön köuluköba kin köhöiget.

²³ Jike nup galöm bohonji aka jitjememe yejön Pitö Jon galöm meme keu jim etkiba etkömosötketka nanjiri alaurupjiri yejgöreñ lilingöba anohot. Anda keu pakpak jigeri, mi jiyohotka mötket. ²⁴ *Mi jiyohotka möta urumohot aka uruñini qezaköba jölñini memba wahöta Anutu kewö köuluköm wañgiget, “O Kembu öngöñgöñi ketani, göñön Suep, gölme, köwet aka yuai pakpak miengöreñ ahözawi, mi miwikñaim engiba Toñina akzan. ²⁵ *Göñön mönöwök nangi Uña Töröñi melainöñ eta nup azigi Deiwid, neñgö ambönini yañgö numbuñe keugi ali göhö jitki memba kewö jiyök, ‘Urumelenjö kopa yejön mönö wuanöñgöra göjuñi göjuñi memakze?

Kantriñi kantriñi yejön mönö denöwögöra aka mötmöt omani omani mötmörimakze?

²⁶ Gölmegö kiñ kumbuñi kumbuñi yejön gölmeñinañgö dop wahörakze. Pom jembonji jembonji yejön mindiriba tokomakze. Mewö qeburuñ yöhöi Kembu aka yañgö Amötqeçe Toñi qetal etkimakze.’

²⁷ *Ölña, keu miangö dop siti kiangöreñ asuhuyök. Gi Nahöngi Töröñi Jisös kungunöñga Amötqeçe Tonina akza. Yañön asuhuiga azi kembu yahöt Herod aka Pontius Pailöt yetkön Rom gawman galöm aka nanine Israel isikurupnini yembuk mindiriba totoko ala tuarenjöñ ak wañgiget. ²⁸ Gi nangak ösumgi aka jittkahö dop yañgöra yuai asuhumapkö keuñi jiba qeljine jöhöba areñgönöñ. Yejön yuai mi ak wañgigetka keu areñ pakpak mi mewö öljambuk ahök.

²⁹ “O Kembu, nini gi welen qem gihiinga merak galöm meme keu neñgizei, gi mönö mi eka nañgöm neñginöñga ölop göhö Buña keugi suahö ewö awösamkakak kinda jiba malbin. ³⁰ Göñön mönö börögi surunöñga kawöl ambazip mi Nahöngi Töröñi Jisösgö qet ösumne ölöwakñe aka añgöletot aiwesök murutñi murutñi asuhumakñe. Keu mi ölña.”

³¹ Mewö köulukögetka miri tokoba tatkeri, gölme mi memenjaliba utuköiga Uña Töröñan körek pakpak uruñini kokolak qeiga anda suahö ewö awösamkakak kinda Anutugö Buña keu jiba malget. Mewö.

Mötnarip ambazipnöñ uru jöhöm añguget.

³² *Urumelenj kambu ketani yejön urumohot aka mötmöt mohot aka malget. Yuai pakpak ahöm engiyöhi, mi göhöreñök me nöñgöreñök, mewö qahö jigetmö, yuai pakpakñini mi mutulañgöba mohot aiga malget. ³³ Mewö malgetka Anutugö ösumñan engualöñniga köhöigetka aposol yejön jitñini memba dangunu ewö kinda Kembu Jisösnöñ kömupnöñök guliba wahöröhi, keu mi nañgöba jiba malget. Mewö malgetka Anutunöñ kalem möriamñi ketani mokom enjiiga ambazipnöñ göda qem engiget. ³⁴ Mewö malgetka miangö dop sutñine kunñan yuai kungöra qahö mözöröñgöba osiba malök. Körek pakpak nene nupñi nupñi aka miriñi miriñi miengö toñi akeri, yejön mi bohonji memegöra alget. Mewö algetka söñgöronji moneñ kaiga mi memba kaget. ³⁵ Memba kaba aposol yeñgö böröñine algetka körek pakpak mözöröñgöba osigerañgö dop mi sutñine menderda engiba malget.

³⁶ Azi kun qetñi Josef, aposol yejön qetñi Barnabas qetkeri, mi nanine keunöñ: Uru nañgönañgö azi, yañön gölme jölannji qetñi Saiprus miangöreñ asuhuba qariba jike nup azia (Liwait) malök. ³⁷ Yañön mewöyök nene nup gölmeñi bohonji memegöra ali moneñ kaiga söñgöronji mi memba aposol yeñgöreñ kaba böröñine alök. Mewö.

5

Ananias Safaira yetköreñ tilipqilip

¹ Mewö aka malgetmö, azi kun qetñi Ananias anömñi qetñi Safaira yetkön nup gölmeñirañgö bahöñi bohonji memegöra alohot. ² Alohotka söñgöronji kaiga azinöñ moneñ bahöñi nanñangöra añgön köla asamböri anömñan mi möt teköi bahöñi kun memba kaba aposol yeñgö böröñine alök.

* 4:24: Eks 20.11; Neh 9.6; Sum 146.6 * 4:25: Sum 2.1-2 * 4:27: Mat 27.1-2; Mak 15.1; Luk 23.1, 7-11; Jon 18.28-29 * 4:32: Apo 2.44-45

³ Böröñjine alökmö, Pitönöñ kewö jiyök, “O Ananias, gi mönö wuanöñgöra Satan qahö qetalnöñga urugi kokolak qeza? Yanön urugi kokolak qeiga göñjön esapköba Uña Töröñji isimkakalek ak wañgiba nup gölmegö moneñ bahöñji añañön köla asambötzan?
⁴ Gi miangö toñji aknöñji, nalö miangörej mi nangi buñaya ahök me? Aiga nup gölmeji bohonñji megetka söñgörej kayöhi, moneñ mi mönö göhö buñaya ahök me? Gi mönö wuanöñgöra urugan keu jöhöba yuai ki akzan? Gi moneñ jiba mewö miangöñ ambazip qahö tilipköm neñgizanmö, Anutu nanñi mönö tilipköm wañgizan!”

⁵ Mewö jiiga keu mi möt sasauba tala gölmenöñ geba kömuyök. Mewö kömuiga ambazip pakpak miangö buzupñi möta sömbu mötmöt ketanji aket. ⁶ Kömuiga azi gwabö yeñön kota qamötñi memba esuhuba añañuba anda löm kölget.

⁷ Aua karöbut teköiga anömñan yuai asuhuyöhi, mi qahö möta kayök. ⁸ Kaiga Pitönöñ anömñi Safaira kewö qesim wañgiyök, “Inñi nup meme gölmenñi bahöñji bohonñji memegöra alohotka moneñ kayöhi, mi miangö dop me qahö? Mi jinöñga mötpi!”

Qesim wañgiiga kewö melenñök, “Moneñ mi ölna miangö dop kayök.”

⁹ Mewö melenñiga jim wañgiyök, “Inñi mönö wuanöñgöra urumohok aka Kembugö Uña Töröñji tilipköm wañgizahot? Mötnöñ, apkan kömuiga azinöñ memba anda löm köljei, yeñön mönö nanju ki dopdowigetka kourukñi mötzan. Yeñön gi mewöyök esuhuba añañum gihibba anme.” ¹⁰ Mewö jiiga miangörejök tala Pitögö könañe geba kömuyök. Kömuiga azi gwabö yeñön kota qamötñi miwikñaiba memba añañuba anda añañgö qöhöröñe löm kölget. ¹¹ Löm kölgetka urumeñ kambu jömukñi yeñön möta awöwöligetka buzupñi sehiiga körek pakpak mötketka sömbu mötmöt ketanji aket. Mewö.

Aposol yeñön ambazip gwötpuk mem ölöwak engiget.

¹² Mewö aketka Anutugö kukösumñan aposol inahöm engiiga nup memba böröñjini ambazip qakñine algetka Anutunöñ aiwesök añañöletot meiga sutñine gwötpuk asuhuget. Ambazip Jisös möt narigeri, körek yeñön jöwöwöl jikegö tohoñ uruñe öñgöba kin Solomongö sombem söranñambukñöñ tokoba kambu mohot aka malget.

¹³ Mewö tokoba malgetka ambazip tosatñan keñgötñini möta zirinñi aketka kunñan totoköñine qahö öñgöyök. Mewö qahöpmö, ambazip kambu yeñön göda gwötpuk qem engiba malget. ¹⁴ Mewö tokoba malgetmö, töndup ambazip sehisehiñi yeñön kambuñini toroqem engiba malget. Azi aka ambi kambuñi kambuñi yeñön Jisös möt nariba uruñini melenñetka kambuñinan qariba sehiyök. ¹⁵ Aposol yeñön nup mewö megetka ambazip sehisehiñan ölöwaket. Mewö ölöwakerañgöra aka tosatñan kawöl ambazip enguañgita kululu köla añañuba köna görañe mewöyök dum möhamgöba möki tumbula miangörej al engiba kewö jiget, “Pitönöñ kaba neñgongitmawi, imutimutñan mönö nalö miangörej yeñgörejök kungö qakñe öñgöi ölöwakawak!”

¹⁶ Mewöyök taon aka miri Jerusalem siti liliköba tat anjei, miengörejök ambazip kambu gwötpukñan öroba kaget. Mewö kaba ambazip kawöl engöhöyöhi aka ömenöñ töñöt memba* kölköljinñi ak engigeri, mi enguañgita kaba kañgotket. Kañgotketka körek yeñön ölöwaket. Mewö.

Garatanöñ aposol kösö mireyök enguañgiri etket.

¹⁷ Mewö aka malgetka jike nup galöm bohonñan aka yanö sunğurumurupñi Sadyusi (jike nupkö kapañkölköl) pati nanğöm wañgigeri, körek yanö irimñini sehiliiga urupik aket. ¹⁸ Urupik aka aposol engömembra jöhöba gawmangö kösö mire al engiget. ¹⁹ Al engigetmö, sunğem miangörej ahögetka Kembugörej garata kunöñ kösö miri nanğunji öroba enguañgita yaigep eta kewö jiyök, ²⁰ “Mötket! Inñi mönö anda jöwöwöl jikenöñ öñgöba ambazip jeñine kindaa malmal dölokñañgö könañi pakpak aukñe jigetka mötme.”

²¹ Mewö jii möta miri gianañiga jöwöwöl jikenöñ öñgöba kindaa Buña keu kusum engiget. Mewö kindaa kusum engigetka jike nup galöm bohonñi aka alaurupñan nanğöm wañgigeri, yeñön añañgota jike kaunsöl kambu aka Israel jitmemeurup köl örom

* 5:16: Töñöt mi kewö: Ömenöñ numbuñi möwöngöiga keu bökö malja.

engigetka mohotje tokoget. Tokoba kinda opotöröp tosatji aposol enguangitpingö melaim engigetka kösö mire anget. ²² Angetmö, i miangörej qahö miwiknjaim engiba öne lilingöba kösohotjini kewö alget, ²³ “Nini ölña kösö mire angota nangunji köhöikni kötökni kölget kini wahip azinöj nangunöj kingetka ehin. Mi ehinmö, nangunji öröba öngöba miangörej azi kun qahö miwiknaizin.”

²⁴ Mewö jigetka jikegö kiripo galöm bohonji aka jike nup galöm bohonji yejön keu mi möta urujini lalalulu siksauk aiga jiget, “Oporoj! Merak mewö asuhuba könangep kunbuk supapköiga denöwö akapuk!” ²⁵ Mewö jigetka kunjan kota kewö jii mötket, “Mötket, azi kösö mire al engigeri, yejön mönö jöwöwöl jikenöj kinda ambazip Buja keu kusum engize!” ²⁶ Mewö jii mötketka jikegö kiripo galöm bohonjan opotöröp engömeiga anget. Anda “Ambazipnöj köt gila nengubepuk!” jiba kenjötnini möta lolonjanök jöwöwöl jikenöj öngöba aposol enguangita kaget.

²⁷ Mewö enguangita kaba jike kaunsöl kambu yejögö jejine alget kingetka jike nup galöm bohonjan kewö qesim engiyök, ²⁸ *²⁸ “Injini Jisösgö qetje keu kun kude kusum engime! Nejön mewö jiba songo köhöikni al engiinmö, keu miangö ölñan mönö denöwö asuhuyök? Ejön mönö toroqeba kusum engiba mala Jerusalem siti ki Jisösgö keunöj kokolak qegetka maljin. Aiga azi mianön kömumba sepji mokoiga ejön nengöra kewö jimakze, ‘Yangö keujan mönö Juda nengö qakjine öngöyöha ahöza.’”

²⁹ Mewö jiyökmö, Pitö aka aposol tosatjan kewö melenget, “Nejön ambazip engö jimkutukutunini tem kölbingöra aka Anutugörej keu andö qeinga qahö dop kölma. Qahö! ³⁰ Anutunöj nanine amböskonurupninangö bemjina akza. Injini Jisös ip kembang möndöba qegetka kömuyökmö, Anutunöj i mem gulii wahörök. ³¹ Anutunöj i mem guliba wangita öngöi nanji böröni ölñe ali tatza. Euyangörej tari Anutunöj singisöndoknini mosöt nengimangöra kungui Pom Kembunini aka Amötqeqe Tonini akza. Mewö aka Israel könagesö urumelen ak nengimangö mötza. ³² Nini yuai mi eka keu pakpak mi nangöba jiba dangunujni aka kinjin. Uña Töröjan mewöyök keu mi nangöba jimakza. Anutunöj Uña Töröni ambazip jitji tem köl wangimakzei, mönö yejögö urujine ala buja qem engiza.”

³³ Pitönöj keu mewö jiiga jike kaunsöl kambu yejön mötketka urujini sounöj qesinqesiq ewö qesinqök. Qesinqiga urujini könöp jeiga aposol enguget kömumegö mötket. Mewö.

Gamalielnöj alaurupji jim mölöwörim engiyök.

³⁴ Mewö mötketmö, Farisi (Köna keugö kapañkölköl) azi kun qetji Gamaliel yanön jike kaunsöl kambu yejögö sutjine tarök. Yanön Köna keugö böhi azia mali ambazip pakpak göda qem wangigetka jitjemememjina ahök. Mewö aka wahöta aposol enguangitketka yaigepje geba borom kun mambötmegöra jim kutuyök.

³⁵ Mewö jim kutui gegetka jitjememe alaurupji kewö jii mötket, “Israel aziurup, injini azi ki denöwö ak engibeak, miangöra mönö ölöpñanök galöm mem angume. ³⁶ Mutuk emune azi kun qetji Teudas yanön wahöta ‘Nöjön ketanjamjina akzal,’ jiiga merak (yara) yambu tosatji teköi maljin. Teudasnöj mewö jiiga azi 400:gö dop yambuk öröröj jöhöba mindiriba malgetmö, kunjan qei kömui tosatjan aziurupji imbi köl wangigeri, mi kungum engigetka buratigetka qeburunjan pömsöm qeba qahöwahök.

³⁷ “Yangö andöje Galili azi kun qetji Judas asuhuyök. Yanön takis memegöra ambazip qetjini ohoba arengögeri, nalö miangörej asuhuyök. Asuhuba ambazip mölöwörim engiiga karim akjegöra sungurum alabaukurupji aket. Mewö aketmö, i mewöyök qegetka kömuyök aka tosatjan sungurumurupji imbi köl wangigeri, mi kungum engigetka buratiget. ³⁸ Mewö aiga nöjön kewö jibi mötket: Injini mönö azi kienjö silejine yuai laj kude akje. Yejön nup ki megetka qeburuñ ahuzawi, mi gölme ambazipkö mötmöt arejneyök ahuzaw ewö, mi mönö sohoba pömsöm qeba qahöwakña. Miangöra i mönö engömosötketka etme. ³⁹ Mi qahöwakñapmö, Anutugö mötmöt

* 5:28: Mat 27.25

arejnöhök ahubawak ewö, enjön mönö qeburuñ mi jöhöbingö osime. Injini Anutu nanñi qetala tuarenjoñ ak wañgiba malbepuk. Nanñini könanjini mewö miwikñajibepuköra mönö galömnjini mem anjume!”

⁴⁰ Gamalielnöñ mewö jiiga goro keuñi anjön köla wuatangöget. Mi wuatangöba aposol engholget kotketka opotöröpköra jigetka raukapañ (raurapañ) mem engiget. Raukapañ mem engigetka jike kaunsöl kambu yeñon aposol mi Jisösgö qetñe keu kun toroqeba jibepukö songo köhöikñi al engiba “Eta anme,” jiget.

⁴¹ Mewö jigetka jike kaunsöl kambu mosöta anget. Könanöñ anda kewö jiget, “Jisösgö qetköra aka qetbuñanini mewö mem sohozei, mi Anutunöñ mötza. Yañon nini sihimbölö mewöñi mötpinañgö dop möta neñgehiga ölop dop kölja.” Mewö jiba uruñinan miangöra ölöwahiga söñgaiget. ⁴² Söñgaiba nup toroqeba memba silim dop jöwöwöl jikenöñ öngöget aka miriñi miriñi miangöreñ anda Buña keu kusum engiba malget. Jisösnöñ Amötqeqe Toñi Kraist akzawi, yeñon miangö Ölöwak Buñari jiba miangön ambazip uruñini kuñguba malget. Mewö.

6

Nupbaur azi (dikon) 7 meköm engiget.

¹ Gwarek jañgöninan qariba öngöiga Juda ambazip kambu yahöt aka malget. Tosatjan kantri tosatñeyök kaba Grik keu jiget aka tosatjan nanñine gölmenjine mala kota Arameik aka Hibru keu jiget. Mewö malgetka nalö miangöreñ goranora (noragora) asuhuyök. Grik keu jigeri, yeñon kewö jigetka böliyök, “Aposol yeñon nalö dop nene inap mendeñ neñgimazemö, Grik keu ambi malö neñgö nene inap bahöñi mi bahösapsap neñgimakze. Öroröñ qahö misigetka qahö dop kölja.”

² Mewö jigerangöra aka aposol 12 yeñon gwarek kambu köl öröm engiget tokogetka kewö jiget, “Neñon silegö nup memba nene mendeñda engiba Anutugö Buña nupköra nalönini ölop qahö dop köli urugö nupninan etpapuk. Mi kude dop kölja. ³ Mewögöra alaurupnini, mötket! Enjön mönö nanñini sutñineyök nupbaur miwikñaim engime. Uña Töröñan azi uruñini kokolak qeiga Anutunöñ mötkutukutuñi qainñi kun al engii qetbuña ölopñi memba kinjei, mönö azi mewöñi 7 meköm engime. Mi meköm engigetka nup mi engiinga mi galöm köla memba malme. ⁴ Yeñon mewö malmemö, naninak nalö jömukñanök köuluköba Anutugöreñ Buña keu jegep kinda jim sehiba malbin. Nup miangöreñ mönö pöndañ kinbin.”

⁵ Mewö jigetka kambu pakpak yeñon “Ölop dop kölja!” jiget. Mewö jiba azi qetñi Stiwen meköget. Stiwen mi Anutu köhöikñanök möt narim wañgiiga Uña Töröñan uruñi kokolak qei malök. Toroqeba azi kewö meköba möwölöhöm engiget: Filip, Prokorus, Nikanor, Timon, Parmenas aka Nikolas. Nikolas mi kian kantrigö siti qetñi Antiokia miangöreñ ahuba könanjep Juda azia aka uruñi Kraistköreñ meleñnök. ⁶ Mi meköba möwölöhöm engigetka aposol yeñgö jemesoholjine öngöm angetka böröñjini nöropñjine ala köuluköba kötuatköm engiget.

⁷ Anutugöreñ keu jim sehiyetka töhötmöriamñambuk aiga gwarek yeñgö jañgöninan Jerusalem sitinöñ qariba sehiyök. Jike nup galöm yeñgö kambunöhök sehisehijñi yeñon mewöyök uruñini meleñda Jisös möt nariget. Mewö.

Stiwen meraköba memba jöhöget.

⁸ Anutugö kalem möriamñi aka kukösumñi miangön nupbaur azi Stiwegö uruñi kokolak qei kinda aiwesök anjöletot ketañi ketañi mi ambazip sutñine mei asuhuget. ⁹ Mi asuhugetmö, Juda tosatjan wahöta Stiwen anjötuaarenjoñ ak wañgiget. “Lolohoba kagerangö köuluk miri kambu”* yeñgö sutñine Juda tosatjan Sairini aka Aleksandria Ijipt siti yahöt miangöreñök lilingöba kaba kinget. Azi mewöñan mindiriba wahöta

* 6:9: Köuluk miri kambu kungö qetñi mi kewö asuhui qetket: Ambazip pomñi yeñon tosatñi bohonñjini engömegetka buñajini aka toñinañgö welennjini öne qeba mala (sleiw) böröñjineyök lolohoba kageri, yeñon mönö nanñini köuluk miri kambuñini ala qetñjini mi mewö qetket.

Silisia aka Eisia prowinsnöhök kageri, yengö kambunöhök Juda azi tosatnji engömembra mohotje Stiwenbuk möndönnda goranora aka jitnakölik erauget.

¹⁰ Mewö jigetmö, Uña Töröñan Stiwen sölölohöi mötkutukutu ketarjangö qakje keunji melennda jiyöhi, mi Juda yeñon qeapköbingö osiba etket. ¹¹ Osiba eta mömölaköba anda azi tosatnji miwikñaiba kuñgum engiba kaba kewö jiget, “Yañon mepaqepaik keu jiba mianñon Moses aka Anutu qetal etkii mörin.”

¹² Mewö jiba anda ambazip kambu, yengö jitmeme aka Köna keugö böhi miengö urugege keu jigetka urujini könöp jeyök. Könöp jeiga kölölohoba kaba Stiwen öröba meraköba memba jike kaunsöl kambu yengö jeñine anget. ¹³ Anda azi tosatnji enguangitketka kota Stiwegö sileñe keu muneñi ala kewö nangöba jiget, “Azi kianñon mönö jöwöwöl jikenini aka Mosesgöreñ Köna keu tuarenjoñ aka qahö mosörakzäpmö, mi toroqeba jimahakza. ¹⁴ Tuarenjoñ aka kewö jii mörin, ‘Jisös, Nazaret azinöñ mönö jöwöwöl jike ki könderniga qeqelanlan ahöma aka Mosesnöñ Köna keu neñgii ahözawi, mi uteköma.’”

¹⁵ Mewö jigetka jike kaunsöl kambugö totokonöñ tatkeri, yeñon körekñan Stiwen törörök ugetka kaisongolomñan Suet garata tandök ewö ahiga eka mötket. Mewö.

7

Stiwenöñ keu likepñi melennda jii mötket.

¹ Stiwen keu jakeñe al wangigetka kini jike galöm bohonñan kewö qesim wangiyök, “Keu mi ölña me muneña?”

Stiwenöñ Abrahamgö kösohotñi jiyök.

² *Qesim wangiiiga likepñi kewö melenök, “Aziurup, iwi darumuni, nöñon kewö jibi mötket: Nanine ambönini Abrahamnöñ Mesopotemia gölmenöñ maliga asakmararañ Toñi Anutu yañon asuhum wangiiiga Mesopotemia mosöta Haran mirinöñ anda malök.

³ Anutunöñ kewö jii mörök,

‘Gi nangi miri gölmegi aka tinitosolomurupki engömosöta gölme kun kondel gihimami, mönö miangöreñ anda malman.’

⁴ *Mewö jii möta Kaldia gölme mosöta Haran gölmenöñ anda malök. Miangöreñ mali iwiñan kömui Anutunöñ melaim wangiiiga inñi nalö kewöñe ki maljei, mönö gölme kiangöreñ kaba könahiba tata malök. ⁵ *Gölme kiangöreñ tata maliga Anutunöñ gölme kitipñi borom kun köna tamböñangö dop mi qahö buña qem wangiyök. Gölme kiangö toñi qahöpmahöp qahöpmö, Abrahamgö gwölönarökñi qahö ahuiga Anutunöñ nalö miangöreñök yangö keu qeljine kewö jiba jöhöyök,

‘Nöñon gölme ki mi gi aka göhö andöge gwölönarökurupki ahumei, mönö engöra engibi miangö toñi akje.’

⁶ *Mewö jiba toroqeba keu kewö jiyök,

‘Göhö gwölönarökurupkan gölme kungen anda kian aka malme. Kian aka malgetka gölme miangö toñi yeñon jöhöm engigetka toñinangö welenñini öne qeba malme. Mewö malgetka tulungöm engigetka nup lömbötñi lömbötñi öne megetka söngöröñi qahö engigetka (yara) yambu 400:gö dop wahöjalij qakje malme.

⁷ *Mewö malmemö, nöñon köñangep gölme ambazip welenñini qeba malmei, mi keunöñ ala jim teköm engimam.’

Mewö jiba toroqeba jiyök,

‘Mewö asuhuga gwölönarökurupkan gölme mi mosöta gölme kiangöreñ lilingöba kaba waikni memba möpöseim niñgiba malme.’ Mewö.

Aisak, Jeikob aka Josef yengö kösohotñini jiyök.

* 7:2: Jen 12.1 * 7:4: Jen 11.31; 12.4 * 7:5: Jen 12.7; 13.15; 15.18; 17.8 * 7:6: Jen 15.13-14 * 7:7: Eks 3.12

⁸ *“Anutunöŋ Abrahamgöra mewö jiba aiwesök kewö aknegöra jii mörök, ‘Injini nömbuk jöhöjöhö aknegöra mönö nöngö aiwesök esöŋini köla azi sileŋine yandiba malme.’ Miangö dop Abrahamnöŋ nahönŋi Aisak ahuiga silim 8 aiga miangöreŋ aiwesök mi sileŋe yandiyök. Aisaknöŋ nahönŋi Jeikob qiwikŋaiba aiwesök mi yandiyök aiga Jeikobnöŋ nahönurupŋi qiwikŋaim engiba miangö dop yandim engiyök. Jeikobkö nahönurupŋi 12 yeŋön Israel neŋgöreŋ ambösakonurupnina aket.

⁹ *“Ambösakonurupninan munŋini Josef mi andö qem waŋgiba bohönŋi memegöra algetka tosatŋan söŋgöŋöŋi memba waŋgita Ijpt kantrinöŋ anda algetka malök. Miangöreŋ malökmö, Anutunöŋ yambuk kinök. ¹⁰ *Yambuk kiniga köŋjiliŋ könaŋi könaŋi qakŋe öngöi möröhi, körek miengöreŋök mönö meköm waŋgiyök. Meköm waŋgiba kalem möriamŋi waŋgii mötkutukutuŋi ölöŋŋan asuhuyök. Mi asuhiiga Ijpt kantrigö farao kiŋ yaŋgö jeŋe aŋgori ehi dop köliga azi kembu kuŋgum waŋgii Ijpt kantri aka farao kiŋgö jakömbuak miri yuainŋi galöm köl engiba malök. ¹¹ *Galöm köl engiiga bödi nalöŋi kam kuŋguiga Ijpt pakpak aka Kenan gölme mi dop kölök. Miangöra ambazipnöŋ kahasililiŋ ketanŋi möta malget. Mewö mala nanine amböurupninan nene miwikŋaibingö meme yaŋgap meget.

¹² “Mewö megetka ‘Ijpt gölme miangöreŋ padi ahöza,’ mewö jigetka Jeikobnöŋ mörök. Mewö möta nahönurupŋi, nanini amböurupnini mi nalö mutukŋi melaim engii miangöreŋ anget. ¹³ *Mewö anda mala liliŋgöba iwiŋinaŋgöreŋ kaget. Könaŋgep indimŋi kun kunbuk angetka Josefnöŋ könaŋamŋi indeli mötket. Mötketka farao kiŋnöŋ mewöŋanök tinitosolomŋi engeka könaŋini möt kutuyök. ¹⁴ *Möt kutuiga Josefnöŋ keu ala iwiŋi Jeikob aka tinitosolomurupŋi pakpak mi köl öröm engii yaŋgöreŋ anget. Ambazip angeri, yeŋgö jaŋgöŋini mi 75 ahök.

¹⁵ *“Jeikob mewö waŋgitketka Ijpt gölmenöŋ anök. Anda mala miangöreŋ kömuyök. Amböurupninan mewöyök kömum teköget. ¹⁶ *Kömum tekögetka qamöŋtŋini memba aŋguba Kenan gölmenöŋ liliŋgöba Sekem mire kaba löm köl engiget. Mönöwök Abrahamnöŋ Sekem (Sikem) mala gölme kun azi qetŋi Hamor yaŋgö gwölönarökurupŋi yeŋgöreŋök moneŋnöŋ söŋgöŋöŋi meyöhi, mönö miangö qaksiriŋe köt köteŋ urorohoba miangöreŋ al engiget.” Mewö.

Mosesnöŋ Ijpt kantrinöŋ ahuba mala korök.

¹⁷ *Stiwenöŋ toroqeba kewö jiyök, “Anutunöŋ mönöwök jöhöjöhö keu Abraham waŋgiyöhi, mi ölnambuk akŋapkö nalöŋi töriba dopdowiyök. Dopdowiyöhi, miangö dop Israel yeŋön Ijpt gölmenöŋ ahum sehiba malgetka kambuŋinan qariba öŋgöyök. ¹⁸ Qariba öŋgöiga farao kiŋ kunöŋ wahöta könahiba Ijpt galöm köl engiyök. Kiŋ döläkŋi miangöŋ Josefgö könaŋi mi qahö möta malök. ¹⁹ *Yaŋgö könaŋi kude möta nanini könaŋesö mi isimkakalek qakŋe tilipköba amböurupnini mulumgöm engii malget. Mewö malgetka kiŋnöŋ köhöiba Israel kewö jim kutum engiyök, ‘Injini mönö morö azi sepsepŋini memba yaigepŋe anda onöŋ gilgetka geba kömume.’

²⁰ *“wö jiiga nalö miangöreŋök morö kun qetŋi Moses asuhuyök. Anutunöŋ i eka möri dop kölök. Mosesnöŋ ahuiga iwinamŋan i köiŋ karöbut miangö dop miriŋire galöm köla malohot. ²¹ *Köiŋ karöbut mi teköiga namŋan waŋgita yaigepŋe anda köndenöŋ o qakŋe ala mosörök. Mosöta ani farao kiŋgö böratŋan miwikŋaiba meiga nahönŋi aiga galöm köl waŋgii malök. ²² Mewö maliga Ijpt yeŋgöreŋ mötmöt aka aiaka pakpak mi kusum waŋgigetka miangö dop Ijpt yeŋgöreŋ mötkutukutu azi ketanŋi ahök. Yaŋön keuŋi aka ahakmemerŋi mi ösum-mumu qakŋe jiba aka malök.

* 7:8: Jen 17.10-14; 21.2-4; 25.26; 29.31-35.18 * 7:9: Jen 37.11, 28; 39.2, 21 * 7:10: Jen 41.39-41 * 7:11: Jen 42.1-2 * 7:13: Jen 45.1, 16 * 7:14: Jen 45.9-10, 17-18; 46.27 * 7:15: Jen 46.1-7; 49.33 * 7:16: Jen 23.3-16; 33.19; 50.7-13; Jos 24.32 * 7:17: Eks 1.7-8 * 7:19: Eks 1.10-11, 22 * 7:20: Eks 2.2 * 7:21: Eks 2.3-10

²³ **“Mosesgö (yara) yambuñi 40 teköiga miangörej Israel darumunurupñi yengö prowinsnön anda engekñangö mötmörriba keuñi jöhöba anök. ²⁴ Anda Ijpt azinön Israel azi kun yambuk öne töhön anjururuk aka öröm ureim ak wangiba qeyöhi, mi ehök. Mi eka anda Israel azi mi bauköm wangiba andöñe anda likepñi melenña Ijpt azi mi qeba qem kömuyök. ²⁵ Qem kömuiga Anutunön Mosesgörej nariba Israel ambazip farao kingö böröñeyök meköm engimamgöra kukösüm wangii kayök. Yeñön Moses eka könani mewö ölop möt asarize, mewö mötmöriyökmö, yeñön mi qahö möt asariba öne tönpin malget.*

²⁶ **“Miri gianjiiga kunbuk yengörej ani Israel azi yahötñan auyohotka etkehök. Etkeka esapköba sutñire luai ahumapkö möta kewö jiyök, ‘Azi yahöt, injiri darumuna. Nanñiri mohot mianñön mönö wuanöngöra mewö ayuhum anguzahot?’ ²⁷ Mewö jiyökmö, azinön alani mem bölim wangiyöhanñön mönö Moses könöpuk utala kewö jim wangiyök, ‘Gi mönö nengörej galöm aka jimtekötekö azia akzan me? Dañön mewö kuñgum gihiiga kinjan? ²⁸ Gi uran Ijpt azi qenön kömuyöhi, mönö mewö ni nungumamgöra jizan me?’ ²⁹ *Mewö qesim wangiiiga keu miangöra aka Ijpt kantri mosöta ölon köla Midian gölmenön anda kiana malök. Mewö mala ambi memba nahönyahötñi yahöt qiwikñaim etkii malget.” Mewö.*

Mosesnön gölme qararankölkölñe yambu 40 malök.

³⁰ **Stiwenön keu toroqeba kewö jiyök, “Mewö malgetka (yara) yambu 40 teköiga miangörej Mosesnön gölme qararankölkölñe liliköba kundunji qetñi Sainai miangö könane mali Suep garata kunñan asuhuyök. Mi ip köhöso kembane könöp bölam asuhuba qahö jem kutuyöhi, miangörej asuhum wangiyök. ³¹ Mewö asuhum wangiiiga tandök miangöra welipköba könani eka möt kutumamgöra kösutñe ani Anutugörejök keu kun kewö kai mörök, ³² ‘Nöñön göhö amböskonurupki yengö Anutunina akzal. Nöñön Abraham, Aisak, Jeikob yengö Kembunina mala kota maljal.’ Mewö jii möta jönömñi könahiba unduiga miangörej göröken uba ekñangö keñgötñi mörök.*

³³ **“Keñgötñi mörökmö, Kembunön kewö jii mörök, ‘Gölme tiba kinjani, mi gölme kömbukña. Miangöra gi mönö köna esugi qeköman! ³⁴ Nöngö ambazip kambu-urupni Ijpt maljei, mi mulumgöm engigetka sihimbölö qakñe aum-mörriba malje. Nöñön mi eka maljal. Yeñön osongom engui sahöt uletzei, nöñön mi möt teközal. Nöñön yengö böröñineyök meköm engimamgöra etzal. Miangöra gi mönö döлки wahöta ki kanöñga melaim gihibiga Ijpt anman!’ Mewö jiyök.”*

Mosesnön Israel enguanñiri yambu 40 könanön malget.

³⁵ **Stiwenön keu toroqeba kewö jiyök, “Yeñön Moses qañ köla köndat wangiba kewö jiget, ‘Gi mönö galöm aka jimtekötekö azia akzan me? Dañön mewö kuñgum gihiiga kinjan?’ Mewö qañ köla jigetmö, Anutunön Moses mi melaim wangiiiga yengö pom kembunina ahök. Suep garatanön ip köhösonön bölam jeyöhanñorej asuhum wangiyöhi, yeñön mönö Anutugörej buzup keu mi memba kaba urunji kuñgui mekömekö aziñina ahök. ³⁶ *Israel mekömekö aziñina aka ambazipurupñi mi aiwesök angöletot könani könani memba Ijpt kantrinöhök meköba enguanñiriga mosöta Köwet Pisikñi miangörej kaget. Emu kagetka miangörej aka gölme qararankölkölñe mewöñanök toroqeba aiwesök angöletot murutñi murutñi mi (yara) yambu 40 miangö uruñe memba kondeli eka malget. ³⁷ *Mosesnön pom kembunina mala Israel könagesö yengöra kewö jiyök, ‘Anutunön Juda kambu engö sutñineyök kezapqetok azi kun möwölöhöba kuñguiga ni ewö akña.’*

³⁸ **“Israel yeñön gölme qararankölkölñe kaba malgetka pom kembunini aka nanine amböskonurupñini yembuk mala könagesöñini galöm köl engiyök. Galöm köl engiba kundunji qetñi Sainai miangörej öngöi Suep garata kunñan keu jii möta yambuk malök.*

* 7:23: Eks 2.11-15 * 7:29: Eks 18.3-4 * 7:30: Eks 3.1-10 * 7:35: Eks 2.14 * 7:36: Eks 7.5; 14.21; Jan 14.33
* 7:37: Dut 18.15, 18 * 7:38: Eks 19.1-20.17; Dut 5.1-33

Mewö mala Anutunöŋ malmal köhöikŋaŋgö keuŋi sundan jii möta malöhi, yaŋön keu mi miangö dop jiiga neŋgö Buŋaya ahök.

³⁹ “Yaŋön pom kembuŋina malökmö, nanine amböskonini yeŋön keuŋi tem köl waŋgibingö ölan engöhöiga andö qeget. Andö qeba utal waŋgiba uruŋini möŋaiiga Ijpt kantrinöŋ kunbuk lilingöbingö sihimŋi mötket. ⁴⁰ *Mewö möta Mosesgö datŋi Aron yaŋgöra kewö jiget, ‘Mosesnöŋ pom kembunini aka Ijpt kantrinöhök meköba neŋguar-giriga kaini, yaŋön kunduje öngöba tandök denöwö akzawi, nini mi qahö mötzin. Mi qahö mötzinaŋgöra göŋön ölop tandö lopioŋ menöŋga mieŋön jitŋememenini aketka könaŋine toroqeba anbin.’

⁴¹ * “Mewö jiba miangöreŋök goul memba miangön lopioŋ kun bulmakau moröŋaŋgö tandök meget. Mi memba jöwöwöl memba kaba al waŋgiba lömbuaŋ ohoba yuai böröŋinan megeri, miangö sösoŋgai aka möpöseiget. ⁴² *Mewö aketmö, Anutunöŋ mi eka ölan yöhöiga andö enŋui Suepkö seŋgelau Toŋi waikŋini memba möpöseim enŋimegöra enŋömosörök. Kezapqetok azi Amosnöŋ keu kun ohoi Buzup Kimbinöŋ ahözawi, mönö miangö dop kewö aket,

‘O Israel ambazip, iŋini gölme qararaŋkölkölŋe kaba (yara) yambu 40:gö dop mala nalö miangöreŋ sömbup jöwöwöl ohoba naluk tosatŋi memba kaba niŋgiba malget me qahö?’

⁴³ Mi qahöpmö, enöŋ mönö bem qetŋi Molok yaŋgö opo seri koumŋi mi anŋuget aka bem qetŋi Refan yaŋgöreŋ seŋgelau imutŋi mi anŋuba kaba malget. Enöŋ imut lopioŋ mi waikŋiri memba möpöseim etkibingö meget buŋaŋina ahök. Miangöra aka nöŋön mönö iŋini közöl enŋibi kerökurupŋinan kaba enŋuangitketka anda mala köröwen Babilon kantrigö andöŋe öngöba malme!’ ” Mewö.

Stiwenöŋ opo seri jikegö keuŋi jiyök.

⁴⁴ * “Amböskonurupnini yeŋön gölme qararaŋkölkölŋe kaba mala Anutugö dan-gunuŋi kuŋguba opo seri jike memba anŋuba malget. Mi memba anŋuba Anutunöŋ jikeŋi memegöra Moses jim kutum waŋgiba söpsöp imutŋi kondel waŋgii ehöhi, mönö miangö dop meget kinök. ⁴⁵ *Mosesnöŋ amböskonurupnini galöm köl enŋiiga yeŋön opo seri jike mi anŋuba malget. Könaŋep Josuanöŋ wahöta galöm köl enŋii gwölö-narökurupŋinan jike mi buŋa qem anŋuba toroqeba kaba mala kantri ki kaŋgotket. Kantri ki kaŋgotketka Anutunöŋ gölme toŋi kambuŋi kambuŋi enŋuatangöi angetka gölmeŋini anŋön köla meget. Memba tata malgetka kiŋ Deiwidnöŋ asuhuyök.

⁴⁶ * “Yaŋön asuhuba Anutu jemesoholŋe kalem möriamŋi miwikŋaiba kewö qesim waŋgiyök, ‘Anutu Jeikobkö bemŋi, göŋön ölop jinöŋga nöŋön jim kutubi nini göhöra jöwöwöl jike bohonŋi membin.’ ⁴⁷ *Mewö qesim waŋgiyökmö, Solomonöŋ jiiga Anu-tugöra jöwöwöl jike meget. ⁴⁸ Mi megetmö, Öngöŋgöŋi Ketaŋi yaŋön azinöŋ miri böröŋinan megeri, miangöreŋ qahö malja. Miangö keuŋi kezapqetok azi kuŋŋan kewö ohoi ahöza,

⁴⁹ * “Kembunöŋ jiza: Nöŋgöreŋ jakömbuak dum tatatni mi Suepnöŋ ahöiga gölme mi könanangö döŋŋi aiga miangöreŋ tiba tatzal.

Iŋini mönö nöŋgöra miri tandökŋi denöwö megetka dop kölbawak?

Me miri denikeangöreŋ miwikŋaim niŋgigetka miangöreŋ öngöba luhut memba mal-bileŋak?

⁵⁰ Yuai pakpak mi mönö nanak nani börönan miwikŋaim enŋial mi mötze.’ ” Mewö.

Stiwenöŋ kaunsöl yeŋgö uruŋini kuŋguyök.

⁵¹ * “O qegetal ambazip, enŋö uruŋinan mönö duhuiga kopa akze! Kezapŋinan köungöba qahö kötökŋi tohoza! Mi duhuzawaŋgöra Anutugöreŋ keu qetala kezapjupjup

* 7:40: Eks 32.1 * 7:41: Eks 32.2-6 * 7:42: Amos 5.25-27 * 7:44: Eks 25.9, 40 * 7:45: Jos 3.14-17
* 7:46: 2 Sml 7.1-16; 1 Hist 17.1-14 * 7:47: 1 Kij 6.1-38; 2 Hist 3.1-17 * 7:49: Ais 66.1-2 * 7:51: Ais 63.10

ahakze. Ambösakonņinan Uņa Töröņi tuarenjoņ ak waņgiba malgetka eņön mönö yeņgö dop toroqeba mewöřanök Uņa Töröņi sundan dop andö qemakze! ⁵² Engö ambösakonurupņinan kezapqetok ambazip awamņi qahö sesewerowero ak engiba malget. Yeņgöreņök daņön mönö kahasililiņ qahö miwikņaiyök? Yeņön Azi Solanņan asuhumapkö kezapqetok keuņi jigetka i enguget kömuget. Yeņön kömugetka Azi Solanņan nanņak asuhuiga iņini i mamalolo ak waņgiba qeget kömuyök. ⁵³ Anutunöņ garataurupņi melaim engiiga Suepnöhök eta Köna keu engigetka Buņanņini ahökmö, eņön mi qahö tem köla malget.” Mewö.

Stiwen kötnöņ qeget kömuyök.

⁵⁴ Stiwenöņ keu mewö jiiga jike kaunsöl yeņön mötkeri, mi uruņini sounöņ qesiņqesiņi ewö qesiņnök. Qesiņniga uruņini könöp jeiga ambarik (amdabö) yöhöba wahöta kinget. ⁵⁵ Mewö aketmö, Uņa Töröņan Stiwengö uruņi kokolak qeiga jeņi Suepnöņ göröken ui öņgöiga Jisös Anutugö asakmararaņ uruņe euyangöreņ Anutugö böröņi ölņe kini ehök. ⁵⁶ Jisös eka jiyök, “Mötket! Suepnöņ aņaņiiga Suetp gölmegö Azi Ölņan mönö Anutugö böröņi ölņe kiniga ekzal.”

⁵⁷ Mewö jii möta qet gigilahögetka göju ketani wahöriga kezapņini böröņinan gwözöņda körekņan luhuba anda qeraköba meget. ⁵⁸ Mewö memba taon göraņe örörahöba anda yaigepņe ala kötnöņ könahiba gila qeget. Mewö qegetka tosatņan mi eka kinda malukuņini qeköba mölohoba azi gwabö Solgö kösutņe alget. ⁵⁹ Mewö aka kötnöņ gila qebayök kingetka Stiwenöņ Anutugö köuluköba kewö jiyök, “O Kembu Jisös, gi mönö uņani memba aņgön kölman!” ⁶⁰ Mewö jiba siminņan geba köla qet gigilahöba jiyök, “Kembu, siņgisöndok ki akzei, mianğö lömbötņi mönö yeņgö qakņine kude alman!” Mewö jiba nöņ qeba kömuyök. Mewö.

8

Solnöņ urumeleņ kambu sesewerowero ak engii deņget.

¹ Stiwen qeget kömuyöhi, mi Solnöņ mewöyök möri dop kölök. Nalö mianğöreņök sesewerowero ketani ahuiga Jerusalem sitigö urumeleņ kambu kazik ak engiget. Mianğöra yeņön körekņanök siti mosöta deņda Judia aka Samaria prowins yahöt mi dop köla angetka aposol yeņönök kapaņ köla sitinöņ malget. ² Ambazip Anutu göda qeba waikņi memba malgeri, yeņgöreņök tosatņan Stiwen kömuyöhaņgöra jingey köla gwötpuk sahöta qamötņi memba anda löm kölget.

³ *Löme kölgetmö, Solnöņ urumeleņ könagesö jaņgauranga mem engiba miriņi miriņi liliköba öņgöba urumeleņ azi aka ambi örörahöba engömemba gili etketka jiiga kösö mire al engiget. Mewö.

Filipnöņ Samaria sitinöņ Buņa nup meyök.

⁴ Urumeleņ ambazipnöņ deņda miri dop anda kaba liliköba malgeri, yeņön Ölöwak Buņa jiba mianğön ambazip uruņini kuņguba malget. ⁵ Filipnöņ Samaria prowinsgö siti kunöņ geba Amötqeçe Toņi Kraistkö könaņi jim asarim engii mötket. ⁶ Mia jim asarim engiba aņgöletot meiga letotketka ambazip kambu yeņön mi eka keu jiyöhi, mi urumohot aka kezap ala möta aņgön kölget.

⁷ Filipnöņ nup meiga Anutugö ösumņan öme gwötpuk mi ambazip uruņineyök enguatangöyök. Enguatangöiga qet bölöbölö qeta kota anget. Nup meiga ambazip sehisehiņi likepņini kömukömuņi aka lokon malgeri, mi ölöwaket. ⁸ Mewö aiga Samaria sitinöņ sösöņgai öņgöņgöņi asuhuba ahöyök. Mewö.

Sile galöm azi Saimonöņ timbiqim bilim ahök.

⁹ Sösöņgai ahöyökmö, Samaria siti mianğöreņ suņa jinaņ azi kun qetņi Saimon malök. Yaņön (yara) yambu tosatņi qarösoņgo amötqeçe nup memba Samaria ambazip welipköm engiiga malget. Mewö malgetka “Azi öņgöņgöņi akzal,” jiba nanņaņgöra möri

* 8:3: Apo 22.4-5; 26.9-11

öngöyök. ¹⁰ Ambazip öngöngöni eretnji yeñon körek pakpak Saimongö keugöra kezap ala möta kewö jimalget, “Anutugö ösumnji qetnji ‘Kükösum ketañi,’ qetzei, miangön mönö azi miangö uruñe geiga ahöza.” ¹¹ Saimonöñ qarösoñgo amötqeqe nup mi nalö köröpñi memba ambazip welipköm enjiiga malget. Mewö ak engiyöhängöra aka yangöreñ qekötahöba malget.

¹² Mewö malgetmö, Filipnön kaba Anutugö bemtohoñe angotpingö Ölöwak Buñani aka Jisös Kraist qetñangö könañi mi jim asarim engiyök. Mi jim asarim enjiiga ambazip gwötpukñan Buña keu möt nariba uruñini melengetka o melun mem engiyök. ¹³ Mewö aketka Saimonöñ mewöyök keu mi möt nariiga o melun mem wangigetka Filipkö kösutñe kaba mala wuatangöyök. Mewö aiga Filipnön angöletot aiwesök ketañi ketañi mei asuhgetka mi eka welipköba malök. Mewö.

Uña Töröñan Samaria yeñgö uruñine geyök.

¹⁴ Samaria ambazipnön Anutugöreñ Buña keu mewö möt angön kölgeri, miangö buzupñan sehiba Jerusalem sitinön ani aposol yeñon mötket. Yeñon mi möta Pitö aka Jon meköba melaim etkigetka yeñgöreñ anohot. ¹⁵ Anda angota yeñgöra aka köuluköba Uña Töröñan uruñine gemapköra Kembu qesiyohot. ¹⁶ Könañi kewögöra qesiba köuluköyohot: Yeñon Kembu Jisösgö qetñe o melun mem engigetmö, Uña Töröñan yeñgöreñök kungö uruñe qahö gei öne malget. ¹⁷ Miangöra köuluköba böröñiri nöropñine alohotka Uña Töröñan uruñine geiga meget. Mewö.

Saimonöñ Uña Töröñi söngöröñi memangö jiyök.

¹⁸ Aposol yetköñ böröñiri ambazip nöropñine alohotka Anutunön miangö dop Uña Töröñi yeñgö uruñine aliga Saimonöñ mi eka moneñ memba kaba kewö jiyök, ¹⁹ “Inji mönö kukösum mewöñi mi nia kun ningiyohotka memba böröni denike yeñgö nöropñine almami, Uña Töröñan mönö yeñgö uruñine gema.”

²⁰ Mewö jiyökmö, Pitönön kewö jim wangiyök, “Aek! Yapmakek! Göñon Anutugö kalemñi mi moneñnön söngöröñi memangöra jizan. Miangöra gi mönö moneñgabuk könöp sianön geman. ²¹ Göhö urugan mönö Anutugö jeñe qahö diñgiza. Miangöra gi Buña keu kiangö öñi kun qahöp mahöp meman. ²² Bölönamgeyök mönö urugi melenña Kembu köulukönöñga yeñon uru mötmötkahö siñgisöndokñi mi mosötpawak. ²³ Göhö urugan mönö kömbuhiiga wösökömbuk ewö jula kokolak qem gihiza. Siñgisöndokan mönö kösö ewö köpeim gihiiga qaközan.”

²⁴ Pitönön mewö jiiga suña jinañ azi Saimonöñ kewö melen etkiyök, “Mönö nöngöra aka Kembugö köuluköyohotka keu jizahori, miangö öñi kun qahö asuhum ningibawak.”

²⁵ Aposol yetköñ Kembugö Buña keu mi siti miangöreñ nangöba jiba jim asariba engömosöta anohot. Könanön anda Samaria prowinsgö miriñi miriñi liliköba ambazip uruñini Ölöwak Buña keunön kuñgum engiba mala Jerusalem sitinön lilingöba anohot. Mewö.

Filipnön Afrika azi kungöra Buña keu jii mörök.

²⁶ Kembugöreñ garata kunñan Filipköra keu kewö jii mörök, “Gi mönö Jerusalem siti mosöta Saut göröken anman. Göñme qararankölkölñe köna isikñi (walñi) Gaza taonön gemakzei, mönö miangöreñ anman.” ²⁷ Mewö jii möta Filipnön amqeba mosöta anök. Anda Afrika azi kunñan miriñe lilingöba ani könanön miwikñaiyök. Yeñon Etiopia kantrigö kandas qingö jembonñi öngöngöni aka ambi kembugö jakömbuak miriñe moneñ aka inap yuaini galöm köla malök. Sileñangö yuaigöra aka Juda azi akñamgö osiyökmö, töndup Anutugö waikñi memba möpöseimangöra Jerusalem sitinön kayök.

²⁸ Kaba miriñe lilingömamgöra hos karenön öngöiga hosnön örögetka könanön anök. Miangöreñ anda kezapqetok azi Aisaiagö buk kötula oyoñda tarök. ²⁹ Mewö aiga Uña Töröñan Filipköra sañep ala keu kewö jiyök, “Gi mönö hos kare miangö qöhöröñe anda mötöteiba anman.” ³⁰ Uña Töröñan mewö jiiga miangöreñök ösumñan kösutñe anök. Anda azinön kezapqetok azi Aisaiagö buk miangö Buña keuñi oyoñni mörök. Möta kewö qesim wangiyök, “Keu oyoñjani, mi ölop möt asarizan me qahö?”

³¹ Qesim waŋgiiga jiyök, “Kunŋan qahö jim asariiga nanak mi denöwö möt asari-bileŋak?” Mewö jiiga hos karenöŋ öŋgöiga mohotŋe tarohot. ³² *Buŋa Kimbi oyoŋnöhi, mi kewö,

“Azinöŋ lama qem yandibingöra memba waŋgitzei, yaŋön mönö miangö dop ösöŋ sororoŋgöba ahöyök.

Galömŋan lama moröŋaŋgö jupŋi fitanöŋ mitiiga qöhöröŋe göröŋ qeba tim gwiriŋi qahö kinjawi, yaŋgö numbuŋaŋgö dop mönö qahö waumgöba aŋaŋiyök.

³³ Memba et al waŋgigetka kunŋan keu jakerŋe keuŋaŋgö likeŋi qahö naŋgöba jiiga öne jim teköget. Gölmenöŋ malmalŋi mewö waŋgitket.

Gwölönarökurupŋi qahö mewö kömuyök. Miangöra kunŋan qet areŋi könaŋgep qahö oyoŋda jima.”

³⁴ Jembonöŋ mi oyoŋda Filip kewö qesim waŋgiyök, “Kezapqetok azinöŋ keu mi dagöra jiza? Mi nanŋaŋgöra me azi kungöra jiza? Gi ölop miangö könaŋi jinöŋ mötŋi.”

³⁵ Qesim waŋgiiga kezapqetok yeŋgöreŋ Buzup Kimbinöhök könaŋiba Jisösgö Ölöwak Buŋa mi könaŋambuk jim asarii mörök. ³⁶ Mewö eraum möta könanöŋ anda o kösutŋe aŋgorohotka qin jembonŋan jiyök, “Eknöŋ, o töwatŋi ki ahöza. Miangöra gi ölop o melun mem niŋgiman. Keu kunöŋ aŋgön köl gihiza me qahö?” ³⁷ (Mewö jiiga Filipnöŋ jiyök, “Gi keu jibi mötzani, mi urugi jömuk Anutugöreŋ ala möt narizan ewö, mi ölop akŋam.” Jiiga keu kewö meleŋnök, “Jisös Kraistnöŋ Anutugö Nahönŋi akza, nöŋön mi möt narizal.”

³⁸ Mewö meleŋda jim kutuiga hos kare jöhögetka mohotŋamŋire oe geba Filipnöŋ o melun mem waŋgiyök. ³⁹ Mi mem waŋgiiga onöhök korohotka Kembangö Uŋa Töröŋan Filip waŋgiri öŋgöba sök aliga qin jembonŋan i kunbuk qahö ehök. Qahö ehökmö, toroqeba sösongai qakŋe miri gölmeŋe Etiopia anök. ⁴⁰ Filipnöŋ sök ala anda taon qetŋi Asdod miangöreŋ asuhui miwikŋaiget. Miangöreŋök toroqeba taonŋi taonŋi liliköba miangöreŋ Ölöwak Buŋa keunöŋ ambazip uruŋini kuŋguba anda mala Sisaria taonöŋ kaŋgorök. Mewö.

9

Kembunöŋ Sol asuhum waŋgiiga uruŋi meleŋnök.

Apo 22.6-16; 26.12-18

¹ Nalö sutŋe miangöreŋ Solnöŋ urukönöp qakŋe kinda uru sileŋi bölam tepköiga Kembangö gwarekurupŋi eŋgum ureim eŋgiba malök. Mewö mala jike nup galöm bohonŋi yaŋgöreŋ anök. ² Yaŋgöreŋ anda kewö kuŋguba qesiyök, “Köna döläkŋi wuatangöba maljei, yeŋgöreŋök tosatŋan Damaskus sitinöŋ köröwen malje. Miangöra nöŋön ölop endu anda jarum eŋgiba kun miwikŋaimami, i mönö jöhöba waŋgita Jerusalem sitinöŋ kamam. Damaskus sitinöŋ Juda neŋgö köuluk miri galöm kölakzei, yeŋön i aŋgön köl eŋgibepuköra mönö jimtekötekö kimbi ohoba niŋginöŋga memba anda kondel eŋgimam.” Mewö jii ohoi memba anök.

³ Könanöŋ anda mala Damaskus siti dopdowimangö aiga yuai kun wölaŋ kewö asuhuyök: Asakmararaŋ kun Suepnöhök wölbilik ewö asuhuba eta liliköm waŋgiyök.

⁴ Liliköm waŋgii tala gölmenöŋ geba ahöba kouruk kun möriŋa keu kewö jii mörök, “Sol Sol, gi mönö wuanöŋgöra sesewerowero qakŋe al niŋgizan?”

⁵ Mewö jiiga Solnöŋ qesiba jiyök, “Kembu, gi daŋön?” Mewö jiiga meleŋnök, “Ni Jisös sesewerowero qakŋe al niŋgimakzani, ni mönö mi. ⁶ Mi akzalmö, ölop wahöta sitinöŋ anman. Miangöreŋ anda wani yuai akŋani, kunŋan miangö buzupŋi jii mötman.”

⁷ Azi yambuk köna anda malgeri, yeŋön keuŋini qahöwahiga tömtömimba kinget. Yeŋön keu kouruk ölaŋa mötketmö, azi kun qahö eket. ⁸ Keu meleŋniga Solnöŋ gölmenöhök wahörökmö, jeŋi uba yuai kun qahö eka jipjap kinök. Mewö kiniga böröŋe memba Damaskus sitinöŋ waŋgita anget. ⁹ Angetka wehön karöbut miangö dop jipjap mala o me nene kun qahö nembra öne malök. Mewö.

* 8:32: Ais 53.7-8

Ananiasnöj Sol o melun mem wangiyök.

¹⁰ Damaskus sitinöj Jisösgö gwarekñi kun qetñi Ananias malök. Kembunöj kutum wasöriga imut ehiga “Ananias!” qerök. Qetñi qeriga jiyök, “O Kembu, ni ki maljal.”

¹¹ Mewö jiiga jii mörök, “Gi mönö wahöta köna qetñi Köna Diñdiñi jimakzei, miangöreñ anman. Miangöreñ anda Judasgö mire öngöba Tarsus azi qetñi Solgöra qesiman. Mötnöj, yañön ni köuluköm niñgiba tatza. ¹² Köuluköba tata uruñan imut kun kewö ehök: Azi qetñi Ananiasnöj miriñi uruñe kangota jeñi kunbuk tohomapköra böröñi nöropñe alma.”

¹³ Kembunöj keu mewö jii möta melenök, “O Kembu, ambazip gwötpukñan azi miangö kösohotñi lök jiget möral. Yañön Jerusalem sitinöj göhöreñ könagesöurup sarakñi mi gwötpuk engum ureim ak engiba malök. ¹⁴ Jike nup galöm bohonñi yeñön nam köla kukösum wangigetka Damaskus siti kiangöreñ mewöyök nup miyök memamgöra kayök. Ambazip göhö qetki qeta köulukömakzini, yañön mönö nini körek pakpak neñgömembra jöhöm neñgimangö mötza.”

¹⁵ Mewö melenökmö, Kembunöj jii mörök, “Nöñön azi mi meköm wangibiga qetni bisiba nöngöra bim qeba malma. Mewö mala gölmeñi gölmeñi liliköba Buñani jim sehiiga Israel aka kian kantri ambazipnöj mötme. Keu jakeñi jakeñi miangöreñ örögetka azi kembu gwötpuk yeñgö jeñine angota Buñani jii mötme. Miangöra mönö töndup anöj. ¹⁶ Yañön qetni bisiba miangöra sihimbölö gwötpuk mötma. Nöñön miangö areñi kondel wangimangö mötza.”

¹⁷ Mewö jii möta Ananiasnöj anda miri miangö uruñe öngöba böröyahöñi Solgö nöropñe ala jiyök, “Sol alani, köna namñe kanöñga Jisösnöj asuhum gihiyöhi, Kembu miangö mönö melaim niñgiiga kazal. Göhö jegan kunbuk tohoiga Uña Töröñan urugi kokolak qemawangöra jiiga kazal.” ¹⁸ Mewö jiiga miangöreñök yuai sönuetñambuk tandök miangö jeñeyök tala et teköi jeñi tohoyök. Jeñi tohoiga ui asariiga wahörök. Wahöta jiiga o melun mem wangiyök. ¹⁹ O melun mem wangiiiga nene nembra köhöiyök. Solnöj köhöiba gwarek yeñgö sutñine Damaskus sitinöj wehön tosatñi malök. Mewö.

Solnöj Damaskus sitinöj Buña nup meyök.

²⁰ Mala miangöreñök wahöta Juda yeñgö köuluk miriñi miriñi miangöreñ öngöba Jisösgö könañi jim asariba ambazip uruñini kuñguba kewö jiyök, “Jisösnöj mönö Anutugö nahöñi akza.”

²¹ Mewö jii möta körek yeñön auruba welipköba jiget, “Jerusalem sitinöj qet mia qet köulukögeri, azi kiangöñ mi engum ureiba malök me qahö? Mewöñanök kiangöreñ kayöhi, mi mönö nini jöhöba neñguangita jike nup galöm bohonñi yeñgö böröñine al neñgimangöra kayök. Miangöra mönö denöwö letota nanjak Anutugö keu miyök nangöba jiza?”

²² Mewö jigetmö, Anutunöj Sol ösum-mumu wangii kunbuk köhöiba malök. Köhöiba mala Juda ambazip Damaskus sitinöj malgeri, yeñgö uruñini kuñguba kewö jiba malök, “Jisösnöj öñga Anutugöreñ Amötqeqe Toñi Kraist akza.” Keu mi jim köhöiba könañi kondela maliga yeñön köñkuñ aka keu mi qeapköbingö osiba malget.

²³ *Silim gwötpuk teköiga miangöreñ Juda yeñön tokoba keu nup memba Sol qeget kömumapkö angönañi alget. ²⁴ Angönañi algetmö, miangö buzupñi mi Solgö kezapñe gei mörök. Solnöj Damaskus siti mosötmangö aiga miangöreñ qeget kömumapköra siti kiripo nangüñe yangöra suñgem asak je galöm memba malget. ²⁵ Mewö memba malgetmö, gwarekurupñan suñgem kunöñ sakap (misak) ketañi memba kösönöj jöhöba Sol sakapnöñ ala siti selgö kinimñeyök alget geba anök. Mewö.

Solnöj Jerusalem kusukñanök anda malök.

²⁶ Solnöj anda Jerusalem sitinöj angota Jisösgö gwarekurup yembuk esapköba toroqeyökmö, körek yeñön Sol gwarek aka malöhi, mi qahö möt narigerangöra aka yangöra keñgötñini mötket. ²⁷ Keñgötñini mötketmö, azi qetñi Barnabas yañön ala ak

* 9:23: 2 Kor 11.32-33

wangiba köyan köla wangita aposol yengörej anda kondela kösohotnji kewö jim asarim engiyök, “Sol azi kianjön könanöj kaiga Kembunöj asuhum wangii ehiga keunji jii mörök aka könanjep Jisösgö qetnji mi Damaskus sitinöj jim asariba köhöikjanök uru kunjum engiba malök.”

²⁸ Kösohotnji mewö jim asarim engiiga yembuk toroqeba Jerusalem siti uruje liliköba awösamkakak kinda Kembangö qetnji aukje qeta ambazip urukungukungu köhöikni al engiba malök. ²⁹ Mi al engiba mala Juda ambazip Grik keu möta malgeri, yembuk eraum möta möndömkösök keu melenqelej ahökmö, yejön Sol kapan köla qeget kömumapkö mötket. ³⁰ Mi esapkögetka alaurupjan Sol miwikjaiba wangita Sisaria taonöj anda kinda melaigetka nanjök toroqeba ahuahua taonnji qetnji Tarsus miangörej anök. Mewö.

Urumelej kambu yejön luainöj malget.

³¹ Solnöj urunji melenjiga miangö andöje urumelej könagesö pakpak Judia, Galili aka Samaria prowins dop köla malgeri, yejön luai miwikjaigetka Uja Töröjan i mem köhöiba nanjöm engiiga malget. Mewö mutulanjöba Kembangö keunji ongipinbuköra kengötjni möta nup megetka urumelej könagesöjnan qarim sehiiga malget. Mewö.

Pitönöj Lida azi kun mem ölöwahök.

³² Pitönöj mirinji mirinji liliköba Jisösgö könagesö sarakni engeka anda mala nalö kunöj taon qetnji Lida miangörej angorök. ³³ Angota miangörej azi kun qetnji Ainias miwikjaiyök. Likepni kömukömuji aiga dumnöhök ahöba mali (yara) yambu 8 teköyök. ³⁴ Pitönöj i miwikjaiba kewö jiyök, “Ainias, Jisös Kraistnöj gi mem ölöwak gihiza. Miangöra mönö wahöta tumbulahöpki qezaköman.” Mewö jiiga miangörejök wahörök. ³⁵ Mewö asuhuiga Lida aka Saron ambazip pakpak yejön i eka urunji melenja Kembangörej qekötahöget. Mewö.

Pitönöj Jopa anda Tabita mem guliyök.

³⁶ Jopa taonöj gwarek ambi kun qetnji Tabita malök. (Qet mi Grik keunöj Dorkas, nanine keunöj teu, Inklis keunöj deer.) Yanjön nalö dop nup ölöpni ölöpni memba kalem sehisehinji mendenja ambazip etqeqeni bauköm engiba malök. ³⁷ Pitönöj gölme miangörej mali Tabitanöj nalö miangörej kawöl asuhum wangii kömuyök. Kömui qamötji sanjonja memba miri urunji kunöj öngöba alget.

³⁸ Lida mi Jopa taon kösutje tarök. Miangöra Pitönöj Lida malöhi, gwarek yejön mi möta azi yahöt melaim etkigetka anda Pitö kewö qesim wangiyohot, “Gi mönö zilañ kanönga netpuk Jopa taonöj anbin.” ³⁹ Qesim wangiyohotka miangörejök amqeba yetpuk anget. Anda angotketka qamöt miri uruje ahöyöhangörej wangita öngöget. Öngögetka ambi malö pakpak Pitö liliköba sahöta Dorkasnöj yembuk mala opo maluku uhum memba engiyöhi, mi kondel wangiget. ⁴⁰ Kondel wangigetmö, Pitönöj jii körek yejön gem tekögetka simin köla köuluköyök. Köuluköm teköba qamöt mesohol köla kewö jiyök, “Tabita, mönö wahötnöj.” Mewö jiiga jeñi uba Pitö eka wahöta tarök.

⁴¹ Tariga Pitönöj böröje memba kököbiihiiga wahöta kinök. Kiniga urumelej alaurupni aka ambi malö engoholi öngöget. Öngögetka kömupnöhök guliba wahöröhi, ambi mi jemesoholjine ali eket. ⁴² Miangö keu buzupni mi Jopa uruje miri dop ani möta ambazip gwötputkjan könahiba Kambu möt narim wangiget. ⁴³ Pitönöj Jopa miangörej sömanji tosatni toroqeba mala Saimongö mire tata ahöyök. Azi mi köna esu memegöra bulmakau silenji urasiba sanjonja möhamgöba malök. Mewö.

10

Korniliusnöj Pitö ohola urunji melenjök.

¹ Taon qetnji Sisaria miangörej suahö galöm kianji kun qetnji Kornilius malök. Yanjön yarö kambu bahöni kun qetnji “Italigö yarö kambu” qetkeri, miangörej yarö azi 10 yengö galömjina malök. ² Yanjön saiwaurupni pakpak yembuk Anutu göda qeba waikni memba möpöseiba malget. Mewö malgetka Juda ambazip wanapni yengöra kalem

sehisehiñi engiba Anutu qösösök (qörörök) köuluköba malök. ³ Mare kunöñ 3 kilok miangö dop aiga Kembunöñ Kornilius kutum wasöriğa imut kun ehök. Imut törörök eka miangöreñ Anutugöreñ garata kunñan miriñe öngöi ehök. Garata miangön öngöba “Kornilius!” jiba qetñi qerök.

⁴ Mewö qeriga garata ehiba sömbuñi möta jiyök, “Ketañamni, wanigöra ki kazan?” Mewö jiiga melenök, “Gi köuluköba malnöñga keugi Anutugöreñ öngöiğa möri ölöwakza. Gi ambazip wanapñi kalemñi kalemñi mender engimakzani, mi Anutunöñ möta angön köla göhöra mötmöriba melaim niñgiğa kazal. ⁵ Miangöra mönö dölki kolek alnöñga Jopa taonöñ aniga azi qetñi Saimon, qetñi kun Pitö qetzei, ia wanğita kame. ⁶ Yañön sömbup silenangö nup meme azi qetñi Saimon yangö mire köwet jitñe miangöreñ malja.”

⁷ Suep garatanöñ Korniliusgöra keu mewö jibagun mosöta anök. Mosöta aniga welenqeqeñi yahöt etkoholi kayohot. Kayohotka yarö azi kun kösutñeyök kaparñ köla Anutu göda qeba malohori, i mewöyök oholi kayök. ⁸ Kagetka garatagöreñ keu mi körek jii mötketka melaim engii Jopa taonöñ anget. Mewö.

Kembunöñ Pitö kutum wasöriğa imut ehök.

⁹ Azi yeñön könanöñ angetka miri gianji taon dopdowigetka silim bibiñe miangöreñ Pitönöñ miri uruñi kun eu miangöreñ öngöba kinda köuluköyök. ¹⁰ Kinda köuluköba nenegö kömumba yuai nemangö möta jii ohoget. Ohogetka nalö miangöreñ Kembangö alburupñan qeiga tata imut kun kewö ehök: ¹¹ Suepnöñ añañiğa könde ketañi kun erök. Könde mi opo tuatñi ketañangö tandök ewö ahök. Garata yeñön yuai miangö wangömnji 4 miangöreñ memba nangöbeak, miangö tandök ewö gölmenöñ erök. ¹² Yuai miangö uruñe sömbup könañi könañi tatket. Sömbup tosatñan köna 4:ñan tiba anakze. Tosatñan wösönöñ ölöñgöba anakze. Mewöyök neiñi neiñi könakemba bölbölgöba anakzei, yuai mewöñi mewöñi mi könde miangö uruñe mohotñe etket. ¹³ Etketka miangöreñ qet kun asuhuba keu kewö jii mörök, “Pitö, gi mönö wahöta yuai ki qeba ohoba nenöñ.”

¹⁴ Mewö jii mörökmö, Pitönöñ jiyök, “O Kembu, mewö qahö kötökñi! Mi dönqiz-inğambuk. Ni nalö kunöñ yuai angöjörakñambuk mi kude neal. Ni miangöra imbilonñon mötzal.”

¹⁵ Mewö jiiga qet miangön kunbuk asuhuba yangöra jiyök, “Anutunöñ yuai jim köñjörari ahözawi, göñön miangö qetñi angöjörakñambuk mewö qetnöñga qahö dop kölja.” ¹⁶ Yuai mewöñi mi kunbuk asuhui indimñi karöbut ahök. Indimñi karöbut aiga miangöreñök könde mi kunbuk örögetka Suepnöñ öngöyök.

¹⁷ Pitönöñ imut mi eka miangö könañangöra köñkuñ aka mötmangö möt bibihiba tarök. Mewö tariga nalö miangöreñök Korniliusnöñ azi melaim engii kaba Saimongö miri jaruba miangöra qeqesi aka miwikñaiba kañgota miri nangunje kinget. ¹⁸ Miri nangunje kinda kewö qeta qesiget, “Saimon qetñi alañi Pitö qetzei, yañön miri miangöreñ malja me qahö?”

¹⁹ Pitönöñ toroqeba imut miangö könañangöra möt bibihiba tariga Uña Töröñan kewö jii mörök, “Mötnöñ, azi karöbutñan kaba gi jarum gihize. ²⁰ Nöñön azi mi melaim engibiga ki kaze. Miangöra mönö dölki wahöta geba uruyahöt mosöta yembuk anman.”

²¹ Mewö jiiga Pitönöñ azi miengöreñ geba jiyök, “Mötket, iñini azi jaruzei, nöñön mia akzal. Mönö denöwögöra kaze?”

²² Jiiga melenget, “Suahö galöm Kornilius mi azi diñdiñi akza. Yañön Anutu waikñi memba möpöseiba mali Juda ambazip kambu körek yeñön göda öngöñgöñi qem wanğimakze. Anutugö garata töröñi kunñan asuhum wangiba kewö jim kutui mörök, ‘Gi mönö kolek ala Pitö köñ öröm wanginöñga mirige öngöba keu uruñeyök jimawi, mi kezap ala mötman.’” ²³ Mewö melengetka öröm engii miri uruñe öngögetka köyan köñ engii köisirik tata ahöget. Ahögetka miri gianjiğa Pitönöñ wahöta yembuk anök. Jopa taon miangöreñök ala tosatñi engömeiğa yambuk mohotñe anget. Mewö.

Pitönöñ kian ambazip yembuk tokoget.

²⁴ Mohotne anda sömaŋi mohot ahöba anda mala Sisaria taonöŋ aŋgotket. Aŋgotketka Korniliusnöŋ yeŋgö mamböt aka malök. Mewö mala tinitosolom aka alaurupŋi ölopŋi mi köl öröm eŋgii miriŋe tokoba tatket. ²⁵ Aŋgota Pitönöŋ mire öŋgömamgö aiga Korniliusnöŋ wahöta eta jölöŋi jiba könaŋe geba sipköm waŋgiyök. ²⁶ Sipköm waŋgiyökmö, Pitönöŋ böröŋe memba kököbihiiga wahöri kewö jiyök, “Mönö wahötnöŋ, nia kun gölme aziyök akzal.”

²⁷ Mewö jii yambuk eraum möta miri uruŋe öŋgöyohotka ambazip gwötpukŋan tokoba tatkeri, mi eŋgehök. ²⁸ Eŋgeka kewö jii mötket, “Iŋini Juda ambazip neŋgö könaŋamnini mötze. Juda nini ambazip kianŋi eŋgö mire öŋgöba embuk köisirik tatatkö soŋgo ahöi osizin. Mi osizinmö, Anutunöŋ keuŋi kun kondel niŋgiba kewö jiyök, ‘Göŋön ambazip iŋi waiŋi yeŋgö qetŋini mi aŋgöjörak imbilonloŋambuk mewö kude qetman.’ ²⁹ Miangöra iŋini kolek ala köl öröm niŋgigetka nöŋön qahö qetala kaba kaŋgotzal. Kaŋgota kewö qesizal: Iŋini mönö wuanöŋgöra kolek ala köl öröm niŋgiget? Mi ölop jiget mötŋi.”

³⁰ Mewö jiiga Korniliusnöŋ meleŋnök, “Ni mare kunöŋ nalö kewöŋe 3 kilok miangöreŋ mirine tata köuluk nup memba mala kotŋi merak sömaŋi 4 akza. Köuluk nup memba malbiga miangöreŋök azi kun sileötaŋi asakmararaŋambuk mianön asuhuba wösöne kinök. ³¹ “Wösöne kinda kewö jiyök, ‘Kornilius, gi köuluköba malnöŋga keugi Anutugöreŋ öŋgöiga möri ölöwakza. Gi kalemŋi kalemŋi ambazip wanapŋi mendeŋ eŋgimakzani, mi Anutunöŋ möta aŋgön köla göhöra mötmöriba melaim niŋgiiga kazal. ³² Miangöra mönö dölki kolek alnöŋga Jopa taonöŋ aniga azi qetŋi Saimon, qetŋi kun Pitö qetzei, ia waŋgita kame. Yaŋön sömbup sileŋaŋgö nup meme azi Saimon yaŋgö mire köwet jitŋe malja.’

³³ “Mewö jiyöhaŋgöra aka nöŋön miangöreŋök kolek albiga göhöreŋ kaget. Göŋön keuni möta kazaŋgöra uruni ölöwakza. Kembunöŋ keu pakpak jimangö jim kutum gihiyöhi, göŋön mi ölop jinöŋ mötŋin. Nini pakpak dölki miangöra tokoba Anutugö jemesoholŋe ki tatzin.” Mewö.

Pitönöŋ Korniliusgö mire Buŋa keu jiyök.

³⁴ *Korniliusnöŋ mewö jiiga Pitönöŋ könaŋiba kewö jiyök, “Aha! Anutunöŋ ambazip tosatŋi qahö eŋgek soriba tosatŋi qahö qepureim eŋgimakzapmö, dop mohotnöŋ kewöt neŋgimakza. Yaŋgö jeŋe kunŋan aŋgöjörakŋambuk qahö akza. Nöŋön mi dölki ölna möt kutuzal.

³⁵ “Mewö qahöpmö, ambazip kambuŋi kambuŋi körek yeŋgö sutŋine denike yeŋgöreŋök kunŋan Anutu waikŋi memba möpöseiba aiakaŋan köna diŋdiŋi wuataŋgözawi, yaŋön mönö Anutugö jeŋe dop kölja. ³⁶ Jisös Kraistnöŋ ambazip körek neŋgö Kembuya aka luai qem neŋgimakzawi, Anutunöŋ Buŋa keuŋi mi Israel könaŋesö neŋgöreŋ ali kayök. Buŋa mianön kaiga nini miangö Ölöwak Buŋaŋi jim asariba maljin. ³⁷ Jonöŋ ambazip uruŋini kuŋguba kewö jiyök, ‘Iŋini mönö uruŋini meleŋgetka nöŋön o melun mem eŋgimam.’ Mewö jiiga miangö andöŋe keu mi Galili prowinsnöŋ könaŋiba jiget sehiba anda Judia prowinsnöŋ aŋgota körek dop kölök. Iŋini mi lök mötze.

³⁸ “Anutunöŋ Uŋa Töröŋi Nazaret azi Jisösgö uruŋe mokoiga kukösum buŋa qem aŋguba gölme dop liliköba malöhi, mi yambuk kiniga anda ambazip ak kömum eŋgiyök. Bölöŋaŋgö Toŋan ambazip ösumŋan jöhöba öröm eŋgii gegeri, yaŋön mi pakpak mem ölöwak eŋgim teköyök. ³⁹ Yuai mi Juda neŋgö gölmenöŋ aka Jerusalem sitinöŋ aka memba maliga ip kemaŋe ala qeget kömuyök. Nini mi pakpak eka naŋgöba jiba dangunuŋi aka kinjin. ⁴⁰ Kömumba ahöi sömaŋi karöbut aiga Anutunöŋ mem gulii wahörök. Wahöta indimŋi gwötpuk ambazip asuhum eŋgiyök.

⁴¹ “Yaŋön ambazip kambu pakpak yeŋgöra qahö asuhuyökmö, Anutunöŋ mutuhök nini möwölöhöm neŋgiiga Jisösnöŋ kömupnöhök wahöta malöhi, nalö miangöreŋ yambuk keu eraum möta nene aŋgum nem malini, mönö neŋgöra asuhuiga nini miangö keuŋi naŋgöba jiba kinjin. ⁴² Mewö kininga Jisösnöŋ kewö jim kutum neŋgiyök,

* 10:34: Dut 10.17

‘Anutunöy kuḡum niḡgiiga nöḡön ambazip maljei aka kömugeri, yeḡgöreḡ jimtekötekö Toḡina akzal. Miangöra eḡön mönö nöḡgö könaḡamni mi ambazip kambu dop yeḡgöra naḡgöba jim asariba malme.’ ⁴³ Ambazip denike yeḡön Jisös möt narim waḡgiba qetḡi qerakzei, Anutunöy mönö qet mi möta yeḡgö siḡgisöndokḡini mosöta saḡḡonmakza. Yaḡgö könaḡamḡi mewö ahözawi, mi kezapqetok ambazip körek yeḡön naḡgöba jim asariba ohoget ahöza.” Mewö

Uḡa Töröḡan kian ambazip yeḡgöreḡ erök.

⁴⁴ Pitönöy keu mewö jibayök kiniga Uḡa Töröḡan ambazip kezap ala mötkeri, yeḡgö uruḡine geyök. ⁴⁵ Anutunöy Uḡa Töröḡ kalemḡi mi kian ambazip yeḡgö uruḡine mewöyök mokoi geyöhi, mi Pitögö alaurupḡan eka auruget. Juda ambazip sileḡine Anutugö aiwesökḡi yandigetka uruḡini melenḡa Jisös möt nariba Pitö wuatangöba kaba tatkeri, mieḡön mönö auruba kewögöra welipköget: ⁴⁶ Yeḡön kantri tosatḡi yeḡgö keuḡini murutḡi murutḡi könahiba jiba Anutu möpöseiget. Miangöra welipkögetka Pitönöy kewö qesiba jiyök, ⁴⁷ “Yeḡön Uḡa Töröḡi mi neḡön ahin ewö aḡön köla buḡa qem aḡuzei, mi mötzin. Miangöra i ölop o melun mem eḡḡinga dop kölma. Mi ahinga daḡön qetal neḡḡibawak?”

⁴⁸ Mewö jiba jim kutum eḡḡiiga Pitögö alaurupḡan kinda Jisös Kraistkö qetḡe Kornilius saiwaurupḡi o melun mem eḡḡiget. O melun mem eḡḡigetka Pitö aḡön köl waḡḡigetka toroqeba silim tosatḡi yembuk malök. Mewö.

11

Pitönöy Jerusalem anda nupḡangö kösohotḡi jiyök.

¹ Kian kantri yeḡön mewöyök Anutugöreḡ keu memba aḡön kölgeri, miangö buzupḡi mi aposol aka urumeleḡ alaurup Judia prowins dop köla mala mötket. ² Miangöra Pitönöy Jerusalem sitinöy lilingöba öḡgöiga Juda sileḡine Anutugö aiwesök yandigetka uruḡini melenḡeri, yeḡön jjiwilit (jelikit) aka jim waḡḡiget. ³ Jim waḡḡiba kewö jiget, “Kian kantri azi Anutugö aiwesökpuk qahö maljei, gi mönö wuanöḡgöra anda yembuk köisirik tata nene nenöy? Mi qahö dop kölja.” ⁴ Mewö jigetka könakönahineyök könahiba yuai asuhuyöhi, mi körek pakpak areḡambuk jim asarim eḡḡiba kewö jiyök,

⁵ “Nöḡön Jopa sitinöy mala köuluköbiga Kembugö alburupḡan nuḡguiga tata imut kun kewö ehal: Suepnöy aḡaḡiiga könde ketanḡi kun erök. Könde mi opo tuatḡi ketanḡangö tandök ewö ahök. Garata yeḡön yuai miangö waḡḡömḡi 4 miangöreḡ memba naḡḡöbeak, miangö tandök ewö nöḡgö kösutneyök eta ahöyök. ⁶ Eta ahöiga yuai miangö uruḡe törörök ekiga sömbup könaḡi könaḡi miangöreḡ tatket. Sömbup tosatḡi mi gölmenöy köna 4:ḡan tiba anakze. Tosatḡi kalḡi könöḡḡinambuk akze. Tosatḡan wösöḡinan ölölöḡgöba anakze. Mewöyök nei könaḡi könaḡi könakemba bölbölgöba anakzei, yuai mewö mi könde miangö uruḡe mohotḡe etketka eḡḡeḡal. ⁷ Eḡḡekiga qet kun mewöyök asuhuba kewö jii möral, ‘Pitö, mönö wahöta yuai ki qeba ohoba nenöy.’

⁸ “Mewö möralmö, nöḡön kewö jial, ‘O Kambu, ni miangöra imbilonḡon mötzal. Yuai dönqizin aḡḡöjörakḡambuk mewöḡi mi nalö kungen nöḡgö numbunan qahö oseiyök. Miangöra mi mönö qahö kötokḡi nemam.’ ⁹ Mewö jibiga qet miangön kunbuk Suepnöhök asuhuba kewö jiyök, ‘Anutunöy yuai jim köḡjörari ahözawi, göḡön miangö qetḡi aḡḡöjörakḡambuk mewö kude qetman.’ ¹⁰ Yuai mewöḡi mi indimḡi karöbut asuhuyök. Mewö asuhuiga yuai pakpak mi kunbuk örögetka Suepnöy lilingöba öḡḡöyök. ¹¹ Öḡḡöba atatop (jiataton) köliga nalö miangöreḡök Korniliusnöy Sisaria taonöhök azi karöbut melaim eḡḡi nöḡgöreḡ kageri, yeḡön miri tarini, miangö naḡḡuḡe kinget.

¹² “Naḡḡuḡe kingetka Uḡanöy kewö jim kutum niḡḡi möral, ‘Gi mönö uruyahöt yaköriba yembuk anman.’ Keu mi mötpiga urumeleḡ alaurupḡi 6 yeḡön mewöyök Jopa mosöta nömbuk Sisaria taonöy anin. Sisaria aḡgota suahö galöm miangö mire öḡḡöin. ¹³ Öḡḡöinga keu kösohot kewö ak neḡḡiyök, ‘Garata kunḡan nöḡgö mire asuhuiga ekiga kinda kewö jii möral: Gi mönö Jopa mire kolek ala azi qetḡi Saimon, qetḡi kun Pitö i

wanğita kaget. ¹⁴ Yanjon kaiga Buja keu jiiga gi aka saiwaurupkan mi mot nariba urujini melengetka korek amot qem enjiiga letotme.’

¹⁵ “Kosohot mi ak nenjiiga nonjon konahiba Buja keu jial. Mi jibi motketka Uja Toronjan konakonahiye nenjo urunine geyohi, mono mianggo dop kezap ala motketka yenggo urujine mohot geyok. ¹⁶ *Yanjon geiga ekiga mianggorenjok Kembanggo keu kun nonggo motmotnonj kanjori motmorial. Keu mi kewo, ‘Jononj o tohononj melun mem enjiyokmo, nonjon Uja Toronji urujine ala miangon melun mem enjimam.’ ¹⁷ Nejon Kembu Jisos Kraist mot narim wanjiinga Anutunonj kalemni nenjiyohi aka yenon mot narigetka Anutunonj kalemni miyok engo urujine mewoyok alok. Mianggora aka ni ewonjan mono denowo Anutu kukosum Tonji esapkoba qetal wangibilejak? Yanjon mewo ak enjiiga nonjon anjon kol wangimanggo osial.”

¹⁸ Pitononj kosohotni mewo jii mota urujini amorii bonjonj aiga Anutu moposeiba kewo jiget, “Olja, nini urunini melenja malmal kohoiqnanjo bujaya akzin motzinmo, Anutunonj kona mohot mi kian kantri ambazip yenggora mewoyok al enji ahiza. Mi mono dolki asariba mot kutuzin.” Mewo.

Kian kantrinonj urumelej kambu mutukni asuhuyok.

¹⁹ *Stiwen qeget komuyohanggora aka kahasililij asuhuiga urumelej ambazipnonj denja lilikoba anda kaget. Anda kagetka tosatjan kowet jitje Fonisia golmenonj anget. Tosatjan kowet kutuba golme jolanji qetji Saiprus mianggorenj anget. Tosatjan Siria prowinsgo sitinji qetji Antiokia anget. Mewo denja angetmo, ambazip sutjine Jisoggo Buja keu mi Juda ambazip yenggorok jigetka motket. Kian kantri yenggora mi qahö jiget. ²⁰ Qahö jigetmo, Saiprus aka Sairini azi tosatjan yenggo sutjine malget. Yenon kian golmenonj qariba Antiokia sitinonj kanjota golme tonji yembuk Grik keunonj eraum mota Kembu Jisoggo Olowak Buja mi mewo Juda qahö yenggora mewoyok jim asarim enjiget. ²¹ Mi jim asarim enjigetka Kembunonj yembuk mali osumnan ambazip urujini kunjum enji gwotpuk yenon Kembu Jisos mot nariba urujini melenja yanggorenj qekotahogetka kambunini qariiga ketaji ahok.

²² Mewo aiga mianggo buzupnan anda Jerusalem konageso yenggo kezapjine gei motket. Mi mota Barnabas melajetka Antiokia sitinonj anak. ²³ Anda anjota Anutunonj kalem moriamni ambazip enji olowakeri, mi jejan eka mori ongoi songaiba qambañi kewo jiyok, “Inini mono korek pakpak urujini qezakoba kohoiba Kembubuk qekotahoba kinme.” ²⁴ Barnabasnönj azi olonji aiga Uja Toronjan uruji kokolak qeiga uruyahot ando qeba uruji jomuk miangon Jisos mot narim wangiba malok. Mianggora ambazip gwotpuknan urujini melenja Kembanggo kambunonj toroqetka qariyok.

²⁵ Barnabasnönj Antiokia mosota Sol jarumanggora Tarsus taononj anak. ²⁶ Anda miwikjaiba wangiri Antiokia sitinonj kayohot. Kaba mianggorenj mohotjamjire (yara) yambu mohot jomuknanok mala zioz nup memba urujini melenjeri, mi kambunji kambunji kola kusum enjiyohotka ambazip gwotpuknan motmot memba urukononjine alget. Antiokia ambazipnonj mutukni konahiba gwarek qetjini Kraistko alaurup (kristen, Kraistko buja) qeta malget. Mewo.

Kian kantrigö urumelej yenon Juda nangom enjiget.

²⁷ Nalo mianggorenj kezapqetok ambazip tosatjan Jerusalem mosota Antiokia sitinonj eta kanjotket. ²⁸ *Yenggorenjok kun qetji Agabus mi wahota Uja Toronjan sololohoi buzup keu kewo jii motket, “Bodi ketanan asuha golmenji golmenji dop kola ahoma.” Mewo jiiga mianggo dop sisa kin qetji Klodius yanggo galomkolkol nalone asuhuyok. ²⁹ Mi asuhuiga gwarek yenon mindiriba urumelej alaurupjini Judia prowinsnonj malgeri, mi nangom enjiba mindimindiri naluk ketaji alget anmapko keu johoget. ³⁰ Keu mi johoget aka mianggo dop olja aket. Yenon monej aka yuai tokoba Barnabas Sol yetko boronjire ala

* 11:16: Apo 1.5 * 11:19: Apo 8.1-4 * 11:28: Apo 21.10

melaim etkigetka Jerusalem anda urumelenj könagesö yengö jitnememeurupnjini engeka engyiyohot. Mewö.

12

Herodnön Jeims qeba Pitö kösö mire alök.

¹ Nalö miangörej kij Herodnön* urumelenj könagesö sesewerowero mem engibingö möta jiiga urumelenj ambazip tosatnji enjgimemba jöhöm enjiget. ² Kiñnön jiiga Jongö datnji Jeims mi bimgö sou ketanjan qegetka kömuyök.

³ Mewö jii kömuiga Juda ambazip tosatjan mi mötket ölöwahiga ehök. Mi eka miangöra toroqeba jiiga Pitö mewöyök memba jöhöget. Yuai mi beret yistnji qahöpkö kendon nalöje jiiga asuhuyök. ⁴ *Miangöra kiñnön kewö jiyök, “Nönön ak-kömukömu kendon† teköiga Juda yengö keu jakeje almam.” Mewö jiba jii kösö mire alget. Algetka yarö azi 16 yenön sutjine kambu 4 köla nalö utekutek aketka azi 4:ñan sundan sunjem asak kinda galöm mem wanggiba malget. ⁵ Pitö mewö galöm mem wanggiba malgetka kösö mire ahöyökmö, urumelenj könagesö yenön sundan dop wanggöra aka Anutu kapan köla köuluköba malget. Mewö.

Suep garatanön Pitö pösata wanggita erök.

⁶ Köuluköba malgetka ak-kömukömu (Pasowa) kendon teköiga sunjem miangörej yarö azi yahötñan Pitö tapep (mungamunga) yahötñan jöhöm köhöiyohotka sutjire gaun ahöyök aka wahibuk tosatjan nanju andöje kinda kösö miri galöm meget. Kij Herodnön miri gianjiiga Pitö wanggita keu jakeje almamgö mötmöriba areñ ali gaun ahöget. ⁷ Gaun ahögetmö, Kembugö garata kunjan wölan asuhuba Pitö qöhöröje kini kösö mirigö uruji asarim teköi Pitögö nambulje qeba jiyök, “Mönö zilañ wahötñan.” Mewö jii tapep (mungamunga) yahötñan miangörejök Pitögö böröneyök öne sulohot. ⁸ Sulohotka garatanön jii mörök, “Mönö opogi jöhöba köna esugi utnön.” Mi möta mewö ahök. Mi aiga toroqeba jii mörök, “Mönö malukugi kölnön geiga ni nuatangöba kaman.”

⁹ Mewö jii möta miri uruji mosöta wuatangöyök. I wuatangöba anökmö, garatanön yuai ahöhi, mi ölna asuhuyök me qahö, yanön miangöra möri janjuñ ahök. Yanön gaun ahöba imut ehöhi, miangö tandöktandök möri ahök. ¹⁰ Miri uruji mosöta nanju mutukje galöm memba kinohori, mi etkongita nanju kunön angota etkongita öne kutuba anda kösö miri silenangö ain kiripöje angorohot. Angorohotka nanju köhöikñi ketani miangön mönön nanjök öne taliga yaigepje siti köna numbuje geyohot. Geba köna namñi strit kun toroqeba anohotka garatanön wölan Pitö mosöta sök alök.

¹¹ Sök aliga Pitögö uruji tohoiga kewö jiyök, “Ö Kembunön mönön garatanji melaii kaba Herodgö böröneyök meköm ningiza, mi mötzal. Juda ambazipnön nongö silene yuai asuhumapköra mambötzei, yanön mönön yuai pakpak miangörejök bohoni jöhöza. Nönön dölki mi ölna möt kutuzal.”

¹² Mewö möt kutui asariiga Jongö namñi Mariagö mirinön göröken anök. Jon miangö qetji kun Mak qetket. Miri miangörej ambazip gwötpukñan tokoba Anutu köuluköba malget. ¹³ Mewö malgetka Pitönön kaba söndakñan kinda nanjunön qeyök. Nanjunön qeiga welenqege ambi qetji Roda yanön kaba “Gi danön?” jiba qesiyök. ¹⁴ Qesiba kinda Pitögö jölñi möt kutuba “I-ia kazan!” jiba söngaiba luhuba nanju qahö öröba ösumñan miri uruje öngöba jiyök, “Pitönön kaba nanjunön kinja.” ¹⁵ Jii möta wanggöra “Urugi sohoi jizan,” jiget. Jigetmö, yanön bohön köla “Keu ölna jizal!” jiyök. Mewö jiiga jiget, “Mi mönön Pitögö garatanjan kinja.”

¹⁶ Mewö eraum mötketmö, Pitönön nanju qebayök kiniga öröba eka auruget. ¹⁷ Aurugetka böröñan söpsöp ala ölöñ almegö jiyök. Jiba Kembunön kösö mireyök

* 12:1: Kij Herod Agripa I (mutukñi) yanön (yara) yambu 37-44 miangörej Palestin pakpak galöm köl enjgiba malök.

* 12:4: Eks 12.1-27 † 12:4: Pasowa nanine keunön qetji alaji mi walöñsörak aka goukölköl. Israel ambazip yanön Ijipt mala nanjunini sepnön mirigetka Anutugö garatanön nenjehoriba nenjonggita morö mutukñini qahö enjgui kömuget.

wangiri yaigepne eröhi, kösohot mi jiyök, “Inini buzup ki mönö bisop Jeims aka urumelen alaurup tosatni yengöra jigetka mötme.” Mewö jiba engömosöta miri kungen anök. Mewö.

Pitönöj kösö miri mosöriga Herodgö irimji seholiyök.

¹⁸ Miri gianjiiga yarö azi yejön Pitö jaruba “Denike sömuniba sök ala anja?” jiba miangöra kahasililij aka waimanjat ketani mötket.[‡] ¹⁹ Herodnön mewöyök Pitö miwikñaimegö jii jarum bibihiba qahö miwikñaigetka azi wahibuk Pitögö galöm megeri, mi keu jakeje ala gwötpuk qesim engiba jim teköba enguangita enguget kömumegö jim kutum engiyök. Miangö andöne Judia prowins mosöta Sisaria taonön geba miangörej malök. Mewö.

Anutunöj kij Herod kitipji wangii kömuyök.

²⁰ Fonisia prowinsgö taon qetjiri Taiö aka Saidon yejön nenegö nupñini membingö osiba kij Herodkö kantri yengörejök nene yuainini bohonji memba malget. Mewö malgetka Herodkö irimji seholiiga Taiö Saidon kerök ak engiba nene engimegö songo alök. Miangöra yejön mindiriba jitñememeurupñini melaim engigetka kambu köla kij Herod ekingöra anget. Angetka jembonji qetji Blastus jakömbuak miriñangö galömñan i mutuk engehök. Engehiga jiget, “Nini keu jim solaniinga luai ahumapkö qesibingöra kazin.” Mewö jiba jim mölöwörim ak wangigetka jiyök, “Ölop keunini kötöngöba andöjine kinmam.”

²¹ Mewö jiiga kiñnön keu mejen engimangö nalö mem enjiiga miangörej tokogetka nanji silenji menjölöba kij azi kembugö malukuñi köla eta jakömbuak dum tatatje tata yengöra sösongai keu jiyök. ²² Jiiga ambazip kambu yejön möta kewö jiba qetket, “Keu mi Anutugörej keuya. Mi gölme azigö keuya qahö.” ²³ Mewö qetketmö, kiñnön mewö aka Anutugö qetbuñani qarñ köla qahö möpöseiba nanji möri öngöyök. Miangöra Kembugörej Sup garata kunñan miangörejök qei döhnön yöhösii kömuyök. ²⁴ Mewö asuhuyökmö, Anutugörej Buña keu mi jiba malgetka töhötmöriamñambuk aka sehiyök.

²⁵ Antiokia siti yejön Barnabas aka Sol nangönanjö misin nup kun[§] etkigeri, yetkön mi Jerusalem mala meköyohot teköyök. Mi teköiga Jon qetji kun Mak qetkeri, i wangita mohotje Jerusalem mosöta Antiokia sitinön lilingöba kaget. Mewö.

13

Barnabas Sol yetkön misin nupkö könahiba anohot.

¹ Antiokia sitinön tosatñan uruñini melenda urumelen könagesö aketka jitñememurupni kewöñan kezapqetok keu jiba kusum engiba malget: Qetjini Barnabas aka Simeon qetji kun Injanji (Grik keunön Najjö) aka Lusius (Sairini gölmegöra), Manain (mi kembu gawönö Herod* yambuk örörön mala qariyohot) aka Sol. ² Urumelen könagesö yejön Kembugö waikñi memba möpöseiba nene siñgi malgetka miangörej Uña Töröñan kewö jiyök, “Nönön Barnabas aka Sol nup qainji kun memahotköra etkoholal. Miangöra enjön mönö i jim teköba melaim etkigetka anmahot.”

³ Mewö jiiga köulukömegöra nene siñgi mala böröjini nöropñire algetka Kembugö ösumñan etkualöjniga melaim etkigetka anohot. Mewö.

Saiprus gölme jölanje anda nup meget.

⁴ Uña Töröñan mewö melaim etkiiga miri qetji Selusia miangörej geyohot. Miangörej geba wangenön öngöyohotka opo seri öröba mörörengögetka luhutnön nangöi anda gölme jölanji Saiprus miangö wehön kotkotje angotket. ⁵ Angotketka siti qetji Salamis miangörej anda Juda ambazip yengö köuluk miriñi miriñi miangörej öngöba

[‡] 12:18: Köso azinön ölöñ kölbawak, azi wahibuk mi mönö engugetka kömuzema. Rom gawman nupkö areñi mewö. Miangöra kahasililij aka waimanjat ketani mötket. [§] 12:25: Antiokia yengörej nangönanjö money mi memba anda Jerusalem urumelen könagesögö jitñememeurup yengö böröjine alohot. Miangöra qetji nangönanjö misin nup kun jizin. Apo 11.30 ^{*} 13:1: Herod Antipas yanön (yara) yambu 4 B.K.-39 A.D. miangörej Galili aka Perea prowins yahöt mi galöm köl engiba malök.

Anutugö Buña keu jiba uru kuᅅgum eᅅgiyohot. Azi qetᅅi Jon i mewöyök waᅅgirohotka yetpuk anda kaba alabaukᅅjira malök. ⁶ Mewö mala gölme jölanᅅi jömuᅅᅅi liliköba kutuba likepᅅe wehön gegeᅅe Pafos sitinöᅅ aᅅgotket. Miangöreᅅ aᅅgota Juda azi qetᅅi Barjisös miwikᅅaiget. Yaᅅön suᅅa jinaᅅ azia aka kezapqetok azi takapulakaᅅi malök.

⁷ Suᅅa azi mi gölme jölanᅅi miangö kiapᅅi qetᅅi Sergius Pol yaᅅö mire tata malök. Kiap miangöᅅ mötkutukutu azia malök. Mewö mala Anutugöreᅅ Buña keu mötmamgö sihimᅅi ahöiga Barnabas Sol köᅅ öröm etᅅii yaᅅgöreᅅ kayohot. ⁸ Kayohotmö, Elimas, (suᅅa memegöra qetᅅi Grik keunöᅅ mewö jimalgeri,) yaᅅön kiapᅅi Anutu möt narim waᅅgibapuköra tuarenjoᅅ ak etᅅiba kiap uruᅅi keunöᅅ eᅅololoᅅ memamgö esapköyök. ⁹ Esapköiga Sol, qetᅅi alaᅅi Pol qetᅅeri, Uᅅa Töröᅅan yaᅅö uruᅅi kokolak qeᅅi Elimas törörök ek kutuyök.

¹⁰ Ek kutuba kewö jiyök, “Yei! Timbiqim bilim azi gi mönö Böᅅöᅅi Toᅅaᅅö moröya akzan! Satanöᅅ urugi isimkakaleknöᅅ kokolak qeᅅa silenöᅅ alal könaᅅi könaᅅi aka malakzan. Keu diᅅdiᅅi pakpakö kerökᅅi aka Kembangöreᅅ köna diᅅdiᅅi möwöramgönöᅅga goᅅgimakzawi, mi mönö mosötman me? ¹¹ Miangöra mötnöᅅ! Kembunöᅅ mönö böroᅅi qake aliga ösumᅅan turum gihiiga jegi gömölii wehön asakᅅi ekᅅamgö osiman. Yaᅅön nalö meyöᅅaᅅö dop mönö jaᅅjuᅅ aka malman.” Jii miangöreᅅök söᅅaupᅅi qakᅅe eta turui ömuᅅ köᅅa jipᅅap aka ilingösöᅅ anda kaba böroᅅe memegö qesiba böroᅅan mezaᅅqezan ahök. ¹² Yuai mi asuhuiga kiapᅅi mi eka Kembangö Buña keu mötmötᅅaᅅöra welipköba möt narim waᅅgiyök. Mewö.

Pisidiagö Antiokia taonöᅅ misin nup meget.

¹³ Polnöᅅ neᅅakurupᅅi yembuk Pafos miri mosöta waᅅgenöᅅ öᅅgögetka opo seri öroba möroᅅeᅅgögetka luhutnöᅅ naᅅgöiga anda mala Pamfilia prowinsgö siti qetᅅi Perga miangöreᅅ aᅅgotket. Miangöreᅅ aᅅgota kinda Jonöᅅ etᅅkömosöta eleᅅda Jerusalem sitinöᅅ lilingöyök. ¹⁴ Lilingöyökmö, yetköᅅ Perga siti mosöta toroqeba anda Pisidia prowinsgö taon qetᅅi Antiokia miangöreᅅ aᅅgorohot. Miangöreᅅ aᅅgota Sabat kendonöᅅ köuluk miriᅅine öᅅgöba tarohot. ¹⁵ Tarohotka köuluk mirigö galöm yeᅅön Mosesgö Köna keu aka kezapqetok yeᅅgöreᅅ Buzup Kimbi oyonᅅa welen algetka eta kewö qesim etᅅiget, “Azi alayahöt, etᅅöreᅅ keu kun könaᅅesö urunini kuᅅgubingöra ahöza ewö, mi mönö öᅅp jiyohot mötᅅin.”

¹⁶ Mewö jigetka Polnöᅅ wahöta böro misiba kewö jiyök, “Israel kianurup aka gölme toᅅi nembuk Anutu waikᅅi memba möpöseimakzeᅅi, iᅅini mönö kezap ala mötᅅet. ¹⁷ *Israel ambazip kambu nanine bemnini mi Anutu. Yaᅅön bömöᅅnurupnini möwölöhöm eᅅgiiga ambösakonurupninan Ijpt gölmenöᅅ anda kian aka malget. Anutunöᅅ nalö miangöreᅅ Israel ambazip kambu mi töhötmöriam eᅅgiiga sehiba qetbuᅅaᅅinambuk aket. Mewö aketka Anutunöᅅ aᅅgöletot aka kukösumᅅi kondela miangöᅅ eᅅguangiri Ijpt kantri mosöta yaigep kaget.

¹⁸ * “Kaba mala gölme qararaᅅköᅅköᅅe kutuba kaba ahakmeme böᅅöᅅi aka malgetka Anutugö irimᅅan sehöliiga (yara) yambu 40:gö dop urubölö möta malök. ¹⁹ * Möta malökmö, töndup kaba mala Kenan gölmenöᅅ kaᅅgotket. Kaᅅgotketka miangöreᅅ ambazip kambu 7 közöᅅa köᅅdeᅅ eᅅgiba gölmeᅅini memba mendeᅅda isikurupnini toᅅe toᅅe akᅅegö buᅅa qem eᅅgiyök. ²⁰ * “Mewö asuhuiga (yara) yambu 450 miangö dop anök. Miangö andöᅅe Anutunöᅅ jimtekötekögö azi kembuᅅi kembuᅅi kuᅅgum eᅅgiyök. Mi kuᅅgum eᅅgii mala kotketka Samuelnöᅅ asuhuyök. Yaᅅön jimtekötekögö azi kembuᅅi qöndökᅅi aka kezapqetok azia malök.

²¹ * “Samuelnöᅅ asuhaᅅa mali nalö miangöreᅅ kiᅅ kembangöra uletketka Anutunöᅅ azi qetᅅi Sol eᅅgiyök. Sol yaᅅön Benjamin isikurup yeᅅgöreᅅök azi qetᅅi Kis yaᅅö nahönᅅa ahök aka (yara) yambu 40:gö dop kiᅅ kembuᅅina malök. ²² * Mi malökmö, Anutunöᅅ Sol

* 13:17: Eks 1.7; 12.51 * 13:18: Jaᅅ 14.34; Dut 1.31 * 13:19: Dut 7.1; Jos 14.1 * 13:20: Kemb 2.16; 1 Sml 3.20
* 13:21: 1 Sml 8.5; 10.21 * 13:22: 1 Sml 13.14; 16.12; Sum 89.20

uteköba salupje azi qetji Deiwid kiñ azi kembuñini akñapköra möwölöhöba kuñguyök. Kuñguba könañamñi jim asariba kewö jiyök, ‘Nöñön Jesigö nahönñi Deiwid miwikñaizal. Yanğö uruñi kewöta mötpi ölop dop köl niñgiza. Yanğön mönö ahakmemerñi pakpak miangöreñ nöngö jitni tem köla malma.’ ²³ Anutunöñ mönöwök Amötqeqe Toñi melaim neñgimapkö jiyöhi, jöhöjöhö keu miangö ölnan mönö kewö asuhuyök: Deiwidkö gwölönarökurupñi yengöreñök azi qetji Jisös asuhuiga Anutunöñ i Israel kambu neñgö Amötqeqe Tonini aka malmapköra kuñguyök.

²⁴ *‘Jisösnöñ qahö asuhuiga qeljine miangöreñ Jonöñ mutuk kaba kewö jiba malök, ‘Inini mönö uruñini melenget. Uruñini melengetka nöñön o melun mem engimam.’ Mewö jiba Israel ambazip kambu pakpak uru kuñgum engiba malök. ²⁵ *Mewö malökmö, yanğön mirililik nupñi mem tekömamgö aka miangöreñ kewö jii mötket, ‘Inini nöngöra denöwö mötmörize? Yuai mötmörizei, nöñön mia qahöpmö, mötket, nöngö andöne azi kun kama. Yanğön kaiga nöñön yanğö qöhöröñe eretñi maljalangöra wayangösöñi tengöba köna esu kösöñi pösatmamgö qötötangömam.’

²⁶ *‘O alaurupni, Abrahamgö gwölönarökurupñi aka gölme toñi eñön nembuk Anutu waikñi memba möpöseimakzei, Anutunöñ amöt qem neñgimapkö Buñaji mi ali neñgöreñ kaza. ²⁷ Miangö könañi kewö: Jerusalem toñi aka galömurupnini yeñön Jisösgö könañi qahö möt kutuget. Kezapqetok yengöreñ Buzup Kimbi Sabat kendon dop oyoñmakzemö, miangö könañi qahö möt asarimakze. Mewö tönpin maljemö, töndup galömkölköl aziurupninan Jisös kömumapkö keuñi jim tekögetka kezapqetok ambazip yengöreñ keu mi mewö miangöñ ölnambuk ahök. ²⁸ *Yeñön Jisös kömupkö buña akñawanğö dop keu könañi jaruba kun qahö miwikñaiba töndup ‘Yapmakek!’ qetket. Qeta Pailötnöñ jim teköi kömumapkö qeta uletket.

²⁹ *‘Yanğöra keu pakpak ohoget ahözawi, yeñön mönö miangö dop aketka ölni ahum teköiga Jisös ipnöhök meköba eta qaksirinöñ anda köt köterñ uruñe alget. ³⁰ Algetmö, Anutunöñ i kömupnöhök mem gulii wahörök. ³¹ *Wahöri yambuk Galili prowinsnöhök Jerusalem sitinöñ kageri, yanğöra mönö silim gwötpuk miangöreñ asuhum engiyök. Alaurupñi asuhum engiyöhi, yeñön nalö kewöñe ambazip sutñine dangunu ewö kinda könañi nanğöba jim asariba malje. ³² Anutunöñ Juda ambösakonurupnini yembuk yuai akñamgö keu jim jöhöiga nini yanğö gwölönarökurupñini ahinga keu walñi miangö ölnan mönö nalö kewöñe neñgöra kewö asuhuyök: Yanğön Jisös mem gulii wahöta malja. Miangöra neñön miangö Buña ölopñi mi jim asarim engizin.

³³ *‘Anutunöñ Jisösgöra keu jii Deiwidnöñ möri Sumbara (Buña liñet Sam) jangö yahöt miangöreñ kewö ohoi ahöza, ‘Göñön nani nahöna akzani, nöñön mi merak ambazip engöra kondelbiga eka mötze.’ Yanğön keu miangö dop Jisös mem gulii wahörök.

³⁴ *Jisös mem gulii kömupnöhök wahöta köhöiba mala könañgep kunbuk qahö kömuma. Miangö keuñi Anutunöñ kewö jii ahöza, ‘Ni kalem möriamni kiñ Deiwid wanğiba malbiga sarakñi aka pöwöwöm köhöiba kinöhi, miangö dop mi mönö engöra tököm engimam.’

³⁵ *Deiwidnöñ miangö keuñi mi Sumbara (Buña liñet Sam) kun miangöreñ mewöyök kewö ali ahöza, ‘Nangahö wölböt azigi sarakñi i mönö qahö mosötnöñga kömupkö lömnöñ qahö gisahöma.’

³⁶ Nini kiñ Deiwidkö könañi mötzin: Yanğön malmalñi mala Anutugö jitñi wuatangöba nup wanğiyöhi, mi mem teköba nöñ qeba kömuyök. Kömui ambösakonurupñi yanğö kösutñine löm kölgetka qamötñan ahöba gisahöba qahöwahök. ³⁷ Deiwidnöñ gisahöba qahöwahökmö, Anutunöñ azi mem gulii wahöröhi, yanğön mönö qahö gisahöyök.

* 13:24: Mak 1.4; Luk 3.3 * 13:25: Mat 3.11; Mak 1.7; Luk 3.16; Jon 1.20, 27 * 13:28: Mat 27.22-23; Mak 15.13-14; Luk 23.21-23; Jon 19.15 * 13:29: Mat 27.57-61; Mak 15.42-47; Luk 23.50-56; Jon 19.38-42 * 13:31: Apo 1.3 * 13:33: Sum 2.7 * 13:34: Ais 55.3 * 13:35: Sum 16.10

³⁸ “Azi alaurupni, miangöra keu ki mönö mötket: Anutunöŋ Jisösgöra aka singgisöndokŋini mosöta sanŋorŋma. Neŋön miangö Buŋaŋi jim asarim enŋgizin. ³⁹ Mutuk ‘Mosesgöreŋ Köna keu wuatangöba mewö miangön solanŋi akin,’ jinnmö, mi inöŋ wainöŋ qaköba osiba malin. Mewö malinnmö, nalö kewöŋe denike yeŋön Jisös möt nariba yambuk qekötahömei, Anutunöŋ mönö körek yeŋgö keuŋini jim teköiga solanime. ⁴⁰ Kezapqetok ambazipnöŋ keu jiba ohoget ahözawi, Anutunöŋ miangö dop likepŋi meleŋni qakŋine öŋgöbapuköra mönö galömmŋini mem anŋume. Keu mewöŋi kun kewö,

⁴¹ *Nöŋön enŋgö malmal nalöŋe anŋöletot qainŋi kun memam.

Kunŋan miangö keu buzupŋi jii mötpeak, mi öljŋi akŋapkö qahö möt naribeak.

Miangöra keu mi memba et ala jijiwilit ahakzei, iŋini mönö öne uba eka welipköba ayuhume.’ ”

⁴² Polnöŋ mewö jiiga Barnabasbuk köuluk miri mosöta erohotka tosatŋan kewö qesim etkiget, “Nini keu ki kunbuk mötpingö mötzin. Miangöra mi Sabat kendon euneanöŋ ölöp toroqeba jiyohot mötpinak.” ⁴³ Köuluk mireyök eta dengetka ambazip gwötpukŋan Pol aka Barnabas könaŋire etkuatangöget. Tosatŋan Juda ahuba malget aka tosatŋan kian kantrinöŋ ahuba könaŋep Juda ambazip aka malget. Yeŋön etkuatangögetka eraum möta qambaŋ keu kewö enŋgiyohot, “Anutunöŋ kalem möriam enŋgiyöhi, miangöreŋ mönö böŋ qeba kinme.”

⁴⁴ Sabat kendon kun kam kuŋguyöhi, miangöreŋ taon gölme miangö ambazipŋi mi kölolohoba “Anutugö Buŋa keu mötpin!” jiba kaŋgota tokoget. ⁴⁵ Kaŋgota tokogetka Juda yeŋön ambazip kambuŋi kambuŋi enŋgeka irimŋini seholim teköyök. Seholim teköiga Polgö keuŋi qemegö jitnakölik aka goranora (noragora) jiba mepaqepaik ak etkiget. ⁴⁶ Mewö ak etkigetka Pol Barnabas yetköŋ awösamkakak kinda köhöiba keu kewö jiyohot, “Anutunöŋ nup netkiiga Buŋaŋi mutuk Juda ambazip enŋgöra jiinga dop kölbawakmö, iŋini mi andö qeba laŋ kewö jize, ‘Nini malmal köhöikŋe anŋotpingö dop qahö.’ Miangöra mötket, netköŋ mönö enŋgömosöta kian kantriŋi kantriŋi yeŋgöreŋ eleŋda anbit. ⁴⁷ *Kembunöŋ miangö keuŋi kewö jiba jim kutum neŋgiyök, ‘Nöŋön kuŋgum gihibiga kian kantri yeŋgö asakŋina aka amötqeqegö könaŋi jim asariba malnöŋga gölme göraŋi göraŋi dop köl teköi likeplikep eu emu yeŋön letota Suepkö buŋaya akŋe.’ ”

⁴⁸ Mewö jiyohotka gölme toŋi Juda qahö malgeri, yeŋön möta uruŋini ölöwahi Kembugöreŋ Buŋaŋi möpöseiget. Möpöseiba malmal köhöikŋangö buŋa akŋegöra Anutunöŋ möt kewöt enŋgiyöhi, yeŋön miangö dop uruŋini meleŋda Jisösgö Buŋaŋi möt nariget.

⁴⁹ Möt narigetka Kembugö Buŋa keu jim sehigetka prowins pakpak mi dop köla anök. ⁵⁰ Ölöp anökmö, Juda yeŋön taongö azi ipŋi aka ambi öŋgöŋgöŋi Anutu göda qeba malgeri, mieŋgö uruŋini esiba kuŋguba Pol Barnabas mohotŋe sesewerowero ak etkiba miri gölmeŋineyök etkuatangöget. ⁵¹ *Anbitkö aka nesampurekŋini kondela kewö jiyohot, “Netköŋ enŋgö gölmeŋöŋ kaziga sölbuham köna tambönire ahözawi, mi mönö tim tönjöratziga nanŋine lilingöba gema.” Mewö jiyohotka könaŋamniri solanŋi möt kutugetka anda Galesia prowins uruŋe siti qetŋi Aikoniam miangöreŋ anŋorohot. ⁵² Anŋorohotmö, gwarekurup Antiokia taonöŋ malgeri, Uŋa Töröŋan yeŋgö uruŋini kokolak qei önöŋi qahö söŋgaiba malget. Mewö.

14

Aikoniam sitinöŋ uru kuŋgum enŋgiyohot.

¹ Pol Barnabas yetköŋ Aikoniam sitinöŋ anŋgota mewöŋanök Juda yeŋgö köuluk mire öŋgöba Buŋa keu jiyohot. Jiyohotka Juda aka kian kantri ambazip yeŋgöreŋök kambu sehisehiŋi yeŋön uruŋini meleŋda Jisös möt nariget. ² Möt narigetmö, Juda ambazip qahö möt narigeri, yeŋön gölme toŋi Juda qahö malgeri, mieŋgö uruŋini esiba aposol

* 13:41: Hab 1.5 * 13:47: Ais 42.6; 49.6 * 13:51: Mat 10.14; Mak 6.11; Luk 9.5; 10.11

urunön gege ak etkimegöra uruñini kuñguget. ³ Kuñgugetka tøndup nalö köröpñi miangöreñ mala Kembu möt nariba awösamkakak kinda Buñaji jiba malohot. Kembu kalem möriamñangö keuñi jim asariyohotka keuñiri nañgöba ösumñi böröñjire ali aiwesök angöletot meyohotka asuhuget. ⁴ Mewö asuhugetka taongö ambazipñan jula denget. Tosatñan Juda jitñememe yembuk örörön jöhögetka tosatñan aposol yetpuk toroqeba kinget.

⁵ Mewö aröñda kingetka gölme toñi aka Juda ambazip kianñi yeñön wahöta jitñememurupñini yembuk urumohot aka melaimelai azi aposol mi “Kötnön gila etkubin!” jiba mötmöriget. ⁶ Mewö mötmörigetka möta ölöñ köla tököba Likaonia prowinsñöñ anohot. Miangöreñ anda taon qetñiri Listra aka Derbe aka miri liliköm etkiba tat angeri, miangöreñ angorohot. ⁷ Miangöreñ angota Ölöwak Buña jim asariba uru kuñgum engiba malohot. Mewö.

Listra taonön Pol Barnabasgöra bem qetket.

⁸ Listra taonön azi kun köna yahötñi kömukömuñi malök. Mi nam körö uruñeyök lokon asuhaba nalö kungen köna qahö tiba öne tatmalök. ⁹ Polnön Buña keu jii möta tari uba könañamñi kewö eka mötmörüyök, “Yañgö uruñe mötnariñi ahöm wañgiyöhañgöra aka ölop ölöwakña,” mewö jiyök. ¹⁰ Mewö mötmöriba qet ketañi qeta jii mörök, “Mönö wahöta kinön.” Mewö jii pörañ ala wahöta anda kaba kinök.

¹¹ Polnön mewö aiga ambazip kambu yeñön mi eka Likaonia keuñine kewö silata jiget, “Bem yetkön letota azi silebuk aka sutnine asuhaba neñgöreñ eta maljahot.”

¹² Mewö jiba Barnabas qetñi bem bohonñini qetñi Zus qetket aka Polnön jitñe memba keu jiyöhañgöra aka bem qetñi Hermes qetket. ¹³ Mewö qetketka bem Zus yañgö jöwöwöl jikenñi taon wösöñe ahöyöhi, miangö jike nup galömñan bulmakau aziñi enguangita kayök. Mewö kaba ila kösasorom memba kaba taon kiripo nañguñe kinda ambazip kambu yembuk jakenön ala jöwöwöl ohom etkibingö aket.

¹⁴ Mewö aketka aposolyahöt yetkön mi möta “Qahö dop kölja,” jiba qetala silepökenñiri munjurata ösumñiran ambazip kambu uruñe anda qerohot. ¹⁵ *Qeta kewö jiyohot, “Aziurup, iñini mönö denöwögöra aka yuai mewöñi akze? Niri mewöyök iñini ewö gölme azi töhöna akzit. Niri Anutugö Ölöwak Buña jim asarim engizit. Miangöra iñini mönö bem omañi andö engume aka uruñini melenña Anutu malmal Toñangöreñ qekötahöme. Anutu malmal Toñan Sup, gölme, köwet aka miengö uruñine yuai pakpak ahözawi, mi miwikñaim engii malje. ¹⁶ Gölmeñi gölmeñi pakpak yeñön mönöwök mala kotkeri, Anutunön i qahö angön köñ engii nanñini imbiñinañgö dop malmalñini ilingösöñ malget.

¹⁷ “Qahö angön köñ engiyökmö, tøndup tönpin jipjap qahö malget. Qahöpmö, Anutunön yuai ölopñi ölopñi ak engiba malök. Yañön jiiga kie yöhöi wehön qei töhötmöriamñan nalöñi nalöñi asuhui nem söñgaip aka mewö miangön uruñini kuñgum engii malget. Mewö malgetka nanñi könañi mötmegöra kalemñi mi kondel engiba mewö miangön dangunuñi ali malget.” ¹⁸ Yetkön mewö jiba ambazip kambu jöwöwöl ohom etkibepüköra jarañbarañ tiba jim susuhum engiyohotka löwöriba mosötket. Mewö.

¹⁹ Listra yeñön Pol Barnabas etkömosötketmö, Juda ambazip tosatñan Antiokia taon aka Aikoniam siti mietköreñök kañgota ambazip kambu urunön gege ak engiget. Ak engiba yembuk örörön luhuba Pol kötnön qeba “Mönö kömuza!” jiget. Mewö jiba örörahöba taon andöñe eta mosötket ahöyök. ²⁰ Ahöyökmö, gwarek yeñön kañgota liliköm wañgigetka wahöta anda taonön öngöyök. Miangöreñ öngöiga ahöyohot miri ganiiga Barnabasbuk Derbe sitinön anohot.

Siriagö Antiokia sitinön lilingöba kayohot.

²¹ Derbe sitinön Ölöwak Buña jim asariba uruñini kuñgum engiyohotka gwötpukñan uruñini melenña Jisösgö gwarekurupñi aket. Mewö aketka Derbe taon mosöta Listra Aikoniam aka Antiokia taon miengöreñ lilingöba anda engehot. ²² Engeka tata miri dop liliköba Jisösgö gwarekurup yeñgö uruñini nañgöba mem köhöiyohot. Kembu möt

* 14:15: Eks 20.11; Sum 146.6

narigeri, yambuk qekötahöba kinmegö qambañ keunji enggiba kewö jiyohot, “Nini mönö iririkwarörök qakñe (lömböt könañi könañi miwikñaiba) mala pañpañgöba Anutugö be-mtohoññöñ eu angotpin.”²³ Urumeleñ könagesö dop jitñememeurupñini möwölöhöba galöm malmegö könañi kusum enggiba kuñgum enggiyohot. Kuñgum enggiba Anutugöra nene siñgi mala gwarek kambu yeñgöra köuluköba Kambu möt narigeri, yañgö böröñe al enggiyohot.

²⁴ Al enggiba enggömosöta Pisidia prowins kutuba anda Pamfilia prowinsnön angorohot. ²⁵ Miangöreñ angota Perga sitinön tata Buña keu jiba uruñini kuñgum enggiba Atalia taonön geyohot. ²⁶ Miangöreñ geba wañgenön öñgöyohotka opo seri öröba möröreñgögetka luhutnön nañgöi anda mala Antiokia sitinön angorohot. Antiokia urumeleñ könagesö yeñön i Anutugö kalem möriam uruñe misin nup memahotköra mutuk Anutugö böröñe al etkigetka enggömosöta anohot. Anda liliköba nupñiri mi mem teköba kunbuk nanñire sitinön lilingöba kayohot.

²⁷ Miangöreñ kaba urumeleñ könagesö köl öröm enggiyohot. Köl öröm enggiyohot tokogetka keu kösohotñiri kewö jiyohot, “Anutunön netpuk mala angoletot ketañi ketañi aka memba malök. Yañön nam köl netkii nup meziga kian kantriñi ketañi yeñön Jisös möt narimegöra nañgu öröm engii uruñini melenget.”²⁸ Kösohotñiri mewö jiba gwarek kambu yembuk nalö köröpñi qem köriba tata malohot. Mewö.

15

Kian kantri yeñgöra aka zioznön julmamgö ahök.

¹ *Antiokia malohotmö, Judia prowinsnöhök ambazip tosatñan eta kaba könahiba urumeleñ ambazip kewö kusum enggiget, “Inini Mosesgöreñ Köna keugö dop Anutugö aiwesökñi sileñine qahö yandime ewö, mewö mönö Suepkö buñaya akingö osime.”

² Mewö kusum enggigerañgöra aka anjururuk ahuiga Pol Barnabas yetkön tuarenjoñ ak enggiba köñöpñambuk jim enggiyohot. Jim enggiyohotka urumohot qahö aka keu kewö jöhöba jiget, “Nini mönö Pol Barnabas aka jitñememe tosatñi melaim engginga Jerusalem sitinön öñgöba keu mi memba aposol aka Jerusalem urumeleñ könagesögö jitñememe yeñgöreñ anda jime.”

³ Keu mewö jöhöba jigetka urumeleñ könagesö yeñön i melaim enggigetka könanön anget. Anda mala Fonisia aka Samaria prowins yahöt mi kutuba könanön könagesöñi kö-nagesöñi engeketa. Engeketa kian kantri tosatñi yeñön uruñini melengerañgö buzupñi jiba urumeleñ kambu yeñgöra sösongai ketañi al enggiget. ⁴ Al enggiba anda mala Jerusalem sitinön angotket. Angotketka aposol aka jitñememe yeñön urumeleñ könagesö yembuk köl öröm enggiget. Köl öröm enggigetka kösohotñini kewö jiget, “Anutunön nam köl neñgii misin nup meinga nembuk mala angoletot ketañi ketañi aka memba malök.”

⁵ Kösohot mi jigetmö, Farisi (Köna keugö kapañkölköl) kambunöhök urumeleñ azi tosatñan wahöta kewö jiget, “Kian kantri yeñön uruñini melengeri, yeñgöra mönö kewö jim kutubin: Yeñön mönö Anutugö aiwesök sileñine yandiba Mosesgöreñ Köna keu pakpak wuatañgöba malme.” Mewö.

Jerusalem totoko ala anjururuk keu mindiñgöget.

⁶ Mewö jigetka aposol aka jitñememe yeñön keu mi jim kewöttingö tokoget. ⁷ *Tokoba goranora (noragora) keu gwötupuk jiba jitnakölik aket. Mi aketka Pitönön wahöta kewö jii mötket, “Azi alaurupni, Anutunön mutuhök sutnine nup mendenja möwölöhöm niñgiba nöñgöra kewö jiyök, ‘Gi mönö kian kantrinön anda Ölöwak Buña keu jim asarim enñinöñga yeñön uruñini melenja Kambu möt narime.’ Inini keu mi mötze.

⁸ *Anutunön ambazip pakpak urunini möt kutuzawañön könañamñi kondela Uña Töröñi Juda ambazip neñgöra melaiiga eröhi, miangö dop mönö kian kantri ambazip yeñgöra mewöñanök i melaii uruñine geyök.

* 15:1: Lew 12.3 * 15:7: Apo 10.1-43 * 15:8: Apo 2.4; 10.44

⁹ “Melaii geiga mewö miañön Juda ambazip qahö engek soriba kantri tosatñi qahö qepureim enjiyök. Qahöpmö, yeñön Anutu möt narigetka siñgisöndokñini mosöta uruñini sañgoñniga sarakñi aket. ¹⁰ Mianğöra inñini mönö wuanöñğöra Anutu esapesapnönj al wañgibeak? Wuanöñğöra gwarek dölökñi yeñğö qakñine tem köñjöh toroqeba alinga añgubeak? Tem köñjöh mewöñi mi nanine ambösakoninan me naninak mewöyök añgubingö dop qahö akmalin. ¹¹ Mewö qahöpmö, kewö möt narizin: Kembu Jisösgö kalem möriamñan mönö Anutu nam köl wañgiiga amöt qem neñgiiga Suepkö buñaya akin. Kian kantri yeñön mewöyök köna mohot miyök wuatañğöba letota Suepkö buñaya akingö möt narimakze.”

¹² Mewö jiiga kambu yeñön lökñanök keu jaruba bök tatket. Tatketka Pol Barnabas yetkön keu kösohotñiri kewö jiyohot, “Anutunöh nam köl netkii kian kantrinöh anda sutñine misin nup meziga aiwesök añğöletot ketañi ketañi asuhuget.” Mewö jiyohotka kezap ala mötket. Mewö.

Bisop Jeimsnöh keu jii mötket.*

¹³ Pol Barnabas yetkön kösohotñiri jim teköyohot mötketka Jeimsnöh keu kewö jiyök, “Azi alaurupni, nöñön keu jibi kezap ala mötket. ¹⁴ Anutunöh nalö mutukñi kian kantri ambazip mesohol köl enğiba sutñineyök ambazip nanñañğöra möwölöhöm enjiiga qetñi bisiba könagesöñi toroqeget. Anutunöh mewö aka könañamñi kondel neñgiyöhi, Saimon Pitönöh mianğö keuñi jii mötzin. ¹⁵ Keu mewöñi mi kezapqetok ambazip yeñön mewöyök nañğöba jize. Yeñön keu kun kewö ohoget ahöza,

¹⁶ *Mianğö andöñe nöñön lilingöba kaba kiñ Deiwidkö kantri tohoñi kunbuk memba wahötmam. Yañön mutuk jakömbuak koumñi qeba ambösakonini galöm köl enjiiga koumñan buratiba tiñgita erökmö, nöñön mi kunbuk möhamğöba kuñgubiga kantrinöh ölöwaka kinma.

¹⁷ Mi kewö asuhumapköra akñam: Ambazip kambu tosatñi pakpak yeñön Kembu jarume.

Kian kantri pakpak nani buñani akñegöra enğoholali, yeñön Kembu ni göraim niñgime. Kembu nöñön mewö jizal aka mianğö dop kantriñini mem ölöwakñam.

¹⁸ Mewö ahakzali, mi mönö möpñañğö möpñeyök möta kota malje.’

¹⁹ “Mianğöra Jeims nöñön keu mi kewöta mötmötnan kewö möta jizal: Kian kantri ambazip uruñini Anutugöreñ melenjei, neñön mönö lömböt köñjöh ketañi yeñğö qakñine alinga qahö dop kölma. ²⁰ *Mewö qahöpmö, yeñğöra kimbi kewö ohoinga dop kölma: Yeñön sömbup busuñi bem lopionğö naluk buña qeba könañine algetka ösumñinan walöñhöhi, mi kude neme. Sero yoñğorö kude akñe. Sömbup jölñi qeçeñañğö busuñi aka sep mi kude neme. Yuai 4 mi mosötmegöra jim köhöibinak. ²¹ Mosesgö Köna keu mi mönö möpñañğö möpñeyök miri dop jim asariba kota maljin. Mi Sabat kendon dop köuluk mirinine oyoñda mörakzin. Mianğöra keu 4 mi ölop qahö mosötpin.” Mewö.

Jerusalem totokonöh kian kantri yeñğöra kimbi ohoget.

²² Jeimsnöh mewö jiiga aposol aka jitñememe yeñön könagesö pakpak yembuk keu mi mötket dop kölök. Mötket dop kölīga sutñineyök azi tosatñi möwölöhöm enğiba Pol Barnabas yetpuk mohotñe Antiokia sitinöh melaim enğibingöra jiget. Mewö jiba azi qetñi Judas qetñi alañi Barsabas aka Sailas möwölöhöm etkiget. Azi yahöt mi urumeleñ kambugö jitñememe azia ahot. ²³ Azi mi melaim etkibin jiba kimbi kun kewö ohoba böröñire alget,

“Mötnaripkö kian alaurupnini, Antiokia siti aka Siria aka Silisia gölmenöh maljei, neñön enğö jölöñini jizin. Aposol neñön mötnarip könagesögö jitñememe yembuk enğö

* 15:12: Bisop, Grik keunöh episkopos, nanine keunöh jegalöm me inspekta. Yañön zioz nup pakpakö mindimindiri galömñi akza. Jeims kianñön Jisösgö gwarekñi qahöpmö, Jisösgö munñi. * 15:16: Amos 9.11-12 * 15:20: Eks 34.15-17; Lew 17.10-16; 18.6-23

- urumelen alaurupjina akzin. Mewö embuk keu eraum mötpingöra kimbi al engizin.
- ²⁴ Nanine ambazip tosatji qahö jim kutum engiinga nanjinök nengömosöta engören kaba urujini kunguba keu murutji kekelolo engigetka uru mötmötjini siksauk aiga mörin.
- ²⁵ Miangöra nini körekjanök totoko ala urumohot ahin dop kölök. Dop kölīga azi yahöt meköba melaim etkiinga wölböt alayahöt Barnabas Pol yetpuk engören kame.
- ²⁶ Barnabas Pol yetkön nanine Kembu Jisös Kraistkö qetjangöra aka malmalhiri kölejnohotka tosatjan etkuget kömumbitkö ahot.
- ²⁷ Nini Judas Sailas melaim etkiinga kaba keu miyök toroqeba jitnön jiyohotka mötme.
- ²⁸ Uña Töröni aka nejön keu kewögöra urumohot ahinga dop kölja: Engö qakjine lömböt könjön qahö toroqeba albin. Keu bohonji 4 miyök wuatangöme. Mi ongitketka julbinbuk.
- ²⁹ Keu 4 mi kewö: Sömbup busuji bem lopiongö naluk buja qeba könanjine algetka ösumjnan walöjnöhi, mi kude neme. Mewöyök sep me sömbup jölji qeqenangö busuji mi kude neme. Sero yongorö kude akje. Yuai 4 mi mosöta andö qegetka urumohot ahinga Anutunön kötuetköm engiiga ölöwaka malme. Mönö uru bönjön malme.” Mewö.

Keu memba angetka Antiokia siti yejön söngaiget.

³⁰ Kimbi mewö ohoba melaim engigetka anget. Köna anda geba Antiokia sitinön angotket. Angota urumelen könagesö köl öröm engigetka tokoget. Tokogetka kimbi mi engigetka oyonget. ³¹ Mi oyongetka miangöra amqeba urukölalep möta söngaiget. ³² Judas Sailas yetkön nanjirak kezapqetok azia mala goro keu gwötpuk engiba urugö nangönangö keu jiba mem köhöim engiyohot. ³³ Mem köhöim engiba nalö tosatji miangören toroqeba malohot. Malohot teköiga urumelen alaurup yejön “Luaibuk anmahot,” jiba melaim etkiget. Jerusalem malohotka melaim etkigeri, Judasnön mönö yejön lilingöyök. ³⁴ (-)†

³⁵ Pol aka Barnabas yetkön toroqeba Antiokia sitinön mala ambazip tosatji gwötpuk yembuk Kembugören Buja keu kusum engiba urujini kungum engiba malget. Mewö.

Pol aka Barnabas yetkön dejnohot.

³⁶ Mewö malgetmö, nalö tosatji teköiga Polnön Barnabasgöra kewö jiyök, “Netkön taon miri pakpak liliköba Kembugören Buja keu jim asariba maliri, mönö miangören lilingöba urumelen alaurupniran denöwö maljei, mi ölop anda eka mötpit.” ³⁷ Mewö jiiga Barnabasnön Jon qetji alani Mak qetkeri, i mewöyök wangita mohotje anbingö mörök.

³⁸ *Mewö mörökmö, Jonön mutuk Pamfilia taonön löwöriba etkömosöta yetpuk toroqeba nup qahö meyök. Miangöra Polnön i wangita anbingö möri qahö dop kölök. ³⁹ Qahö dop kölīga angururuk aka urujiri könöp jeiga dejnohot. Dejda Barnabasnön Mak wangita geba wangenön öngöyohotka opo seri öröba mörörengögetka luhutnön nangöi gölme jolanji Saiprus miangören anohot. ⁴⁰ Anohotmö, Polnön azi qetji Sailas meköiga urumelen alaurup yejön Kembugö böröje al etkiba kalem möriamjan sel jöhöm etkimapköra jigetka mosöta anohot. ⁴¹ Anda mala Siria aka Silisia prowins yahöt mi kutuba liliköyohot. Liliköba Polnön urumelen könagesöni könagesöni engeka mem köhöim engiba malök. Mewö.

16

Timotinön Pol aka Sailas yetpuk toroqeyök.

† 15:34: Tosatjan toroqeba jabö v 34 kewö alje: Lilingöyökmö, Sailasnön keuji jöhöba toroqeba miangören malök.

* 15:38: Apo 13.13

¹ Polnönj liliköba anda mala taon qetñiri Derbe aka Listra miangörej angorök. Listra angota miangörej gwarek kun qetñi Timoti miwikñaiyök. Namñan Juda urumelenj ambia ahökmö, iwiñan Grik azia. ² Polgö azi alaurupñan Listra aka Aikoniam malgeri, yeñön Timotigö könani jim ölöwaka jiget mörök. ³ Mewö jiget möta wañgiri mohotñe anmamgö mörök. Mi mörökmö, Timotigö iwiñan Grik azia malöhi, mi körekñan möt teköget aka miri gölme miangörej Juda ambazip gwötpuk malget. Miangöra yeñön Pol jim wañgibepuköra Timoti wañgita Anutugö aiwesökñi sileñe yandiyök. ⁴ Yandiiga anda taon aka miri dop angotkeri, miangörej Jerusalem mindimindiri totokogö keurji jiget. Aposol aka Jerusalem urumelenj könagesögö jitñememe yeñön keu jöhöm köhöigeri, mi wuatangömegöra jim kutum engiget. ⁵ Mewö lilikögetka Jisösgö könagesöñi könagesöñi miri dop malgeri, yeñgö mötnariññinan köhöiyök. Mewö köhöiba Buña keu jigetka tosatñan uruñini meñda wehön dop kam toroqetka kambuñinañgö jañgöñan qariba öñgöyök. Mewö.

Anutunöy Pol gaunöy kutum wasöriğa Yurop anget.

⁶ Liliköba mala “Eisia prowinsnönj anda Buña keu jim asaribin,” jigetmö, Uña Töröñan songo ala anğön köl engiyök. Miangöra yeñön toroqeba anda Frigia aka Galesia prowins yahöt mi öne kutuba etkonğita anget. ⁷ Anda mala Misia gölme görañe angota Bitinia prowinsnönj angotpingö mötketmö, Jisösgö Uña Töröñan miangörej anmegö urumohot qahö ahök. ⁸ Urumohot qahö aiga mosöta anda Misia gölme öne kutuba köwet jitñe geba Troas taonönj angotket. ⁹ Troas angota sunğem gaun ahögetka Anutunöy Pol kutum wasöriğa imut kun kewö ehök: Yurop azi kunñan Masedonia likepñe kinda ohola kewö jiba köuluköm wañgiyök, “Gi mönö köwet kutuba Masedonia gölmenönj kaba bauköm neñgiman.”

¹⁰ Polnönj jemelej imut mi ehiga nini miangö könani kewö möt kutuba jiin, “Anutunöy mönö neñgohola köwet kutuba Yurop uruñe anda Ölöwak Buña Masedonia prowinsnönj jim asarim engibingöra jiza.” Mewö jiba miangörejök mosöta anbingö mötmöröba amqein. Mewö.

Filipai ambi Lidianönj uruñi melejñök.

¹¹ Neñön amqeba geba wañgenönj öngöinga opo seri öröba möröreñgögetka luhutnönj nañgöi Troas siti mosöta anda diñdiñanök Samotres gölme jölanñe angorin. Angota ahöba miri gıañiiga toroqeba anda Neapolis sitinönj angorin. ¹² Miangörej angota wañgenöhök eta köna anda Filipai sitinönj angorin. Rom ambazip yeñön mönöwök kaba Filipai siti mi memba miangörej malmal tatatñini algetka Masedonia prowinsgö siti ketani ahök.* Nini Filipai angota wehön tosatñi miangörej malin.

¹³ Miangörej mala Sabat kendonönj siti kiripo yaigepñe anin. Miangörej anda Juda yeñön o sakñe tokoba Anutu köulukömakzei, mewö mötmöröba geba rowoñqeqe kunönj anin. Anda ambi tokoba tatkeri, i enğeka tata eraum möta Anutugörej Buña keu yeñgöra jiinga mötket. ¹⁴ Mötkeri, yeñgö sutñine ambi kun qetñi Lidia malök. Yañön Taiataira sitinöhök Filipai kaba opo pisikñi gugakgugak aködamunñambuk tokoba bohonñi memegöra ala malök aka Anutu waikñi memba möpöseiba malök. Kembunönj uruñi mem amqeiga Polnönj keu jiyöhi, miangöra sihimñan ahui kezap ala möta anğön kölö. ¹⁵ Anğön köli nanñi aka saiwaurupñi o melun mem enğiinga qesim neñgiba kewö jiyök, “Ijini nöñgöra ‘Kembu möt narizal,’ jize ewö, mönö ölop kaba nöñgö mire öñgöba tata nene namba ahöme.” Mewö jiba kapañ köla qesim neñgiyök. Mewö.

Pol Sailas yetkön kösö mire tarohot.

¹⁶ Nini nalö kunönj köuluk rowoñqeqeñe gebingö köna namñe aninga welenqeqe ambi kunönj miwikñaim neñgiyök. Ambi mi andö lawönñambuk mala ambazip könaniñi aukñe jim miwikñaimamgö mörök. Mi möta kezapqetok keu asambötñi jim miwikñaiiba

* 16:12: Masedonia prowinsgö siti bohonñi mi Tesalonaika. Distrik mutukñangö siti bohonñi mi Amfipolis aka siti keta bölökñi kun Filipai. Rom yeñön Filipai mi Itali ewö galöm köl engiget. Grik miri toñi yeñön nanñine gölmenönj kian ewö aka malget.

mewö miangön monej yuai mi gwötpuk öröba mali tourupni yeŋgö böröŋine geyök. ¹⁷ Yaŋön Pol aka nini neŋgeka neŋgö andönine kaba kewö jiba qerök, “Azi kierjôn Anutu öngöngöŋi ketanangö welenji qeba Suepkö buŋaya akingö könaŋi jim asarim engimakze.” ¹⁸ Mewö jiba sömaŋi gwötpuk qeta malök. Mi malökmö, Polnön tököba miangöra sihimbölö mörök. Mi möta nalö kunön lilingöba ömeŋi kewö jim kutum wangiyök, “Ni Jisös Kraistkö qetŋe jizal: Gi mönö ambi kiangö uruŋeyök kota anöŋ.” Mewö jim kutum wangii miangöreŋök kota mosöta anök.

¹⁹ Mi anökmö, ambi tourupnan mi möta monej yuai öröbingö könaŋi jöpköyöhi, mi miwikraiba irimŋini sehohiyök. Irimŋini sehohiiga Pol Sailas etkömembra jöhöba maket sombemŋe öröm etkiba galöm azi yeŋgö jeŋine etkuangita anget. ²⁰ Etkuangita anda keu jake galöm yeŋgö jeŋine al etkiba sileŋire keu kewö ala jiget, “Nini siti kiangöreŋ luainön maljinmö, azi yahöt kietkôn kaba eŋololoŋ ak neŋgimakzahot. Yetkôn Juda azia akzahot ²¹ aka Juda silikŋini kusum neŋgimakzahot. Nini Rom mindimindiri kantrigö tohoŋ toŋi akzin. Miangöra nini silikŋini mi ölop qahö möt angön kölbin. Mi memba wuatangöbingö songo ahöi osizin.”

²² Sileŋire keu mewö aka jim etkigetka ambazip kambu yeŋön mewöyök wahöta mindiriba qetal etkim köhöiget. Qetal etkim köhöigetka galöm yeŋön kuŋgum engigetka sileötaŋiri öröba munjukunjuratket aka jim kutum engigetka arawambu kömbinön etkuget. ²³ Gwötpuk etkum teköba kösö mire al etkibingö etkuangita wahibuknön ölpnanök galöm mem etkimapkö jim kutum wangiget. ²⁴ Mewö jim kutum wangigetka möta etkömembra kösö miri bibiŋe miri uruŋi kunön anda könayahötŋiri ip özöpaŋ† sutŋire ala kösönön jöhöba miri uruŋi miangö nanguni yahöt mi ki misigetka tarohot. Mewö.

Kösö miri galömŋan uruŋi meleŋnök.

²⁵ Pol Sailas yetkôn mewö tarohot. Tata mala sungem bibiŋi aiga miangöreŋ Anutu köuluköba liŋet köla möpöseiba malohotka kösö azi körekŋan kezap ala mötket.

²⁶ Mewö aketka miangöreŋök wölaŋ kenön (naŋ) ketanji giliga kösö mirigö tandöŋi pakpak anjaŋanjan kölget. Mewö kölgetka miangöreŋök nangu pakpak talgetka kösö azi pakpak yeŋgö ain tapeŋŋinan (muŋgamuŋga) lolohoba erök. ²⁷ Mewö asuhuiga kösö miri galöm yaŋön gaun uruŋeyök wahörök. Wahöta kösö mirigö nanguni pakpak tal tekögeri, mi eka jiyök, “Kösö azinön an teköze me denöwö?” Mewö jiba mötmöriba jönömŋi unduiga bimgö sou ketanji mi kupinŋeyök öröba nanŋi aumangö ahök.‡ ²⁸ Nanŋi aumangö ahökmö, Polnön paunpaun teriŋgöba kewö jiyök, “Nini körekŋanök ki tatzin. Mönö nangi silegi öne kude ayuhuman.”

²⁹ Mewö jii möta kiwa wangimegöra qesii wangigetka ösumŋan kösö miri uruŋe anda jönömŋi unduiga Pol Sailas yetkö kösutŋire anda simin köl etkiyök. ³⁰ Simin köl etkiba kösö mireyök etkuangita eta kewö qesim etkiyök, “Azi ketanji yahöt, ni mönö denöwö akiga Anutunön amöt qem niŋgiiga letotpileŋak?”

³¹ Qesim etkiiga jiyohot, “Mönö urugi meleŋda Kembu Jisös möt narim wanginöŋga gi aka saiwaurupkan mewöyök letota Suepkö buŋaya akŋe.” ³² Mewö jiyohotka miriŋe angetka könagesöurupni pakpak yembuk tokogetka Anutugöreŋ Buŋa keu jiyohot mötket. ³³ Jiyohot möta sungemgö aua miangöreŋök etkuangita anda uziŋiri sanŋonöŋ. Sanŋonŋiga miangöreŋök i aka saiwaurupni pakpak mi o melun mem enŋiyohot. ³⁴ O melun mem enŋiyohotka etkuangiri nene mire öngöba nene ohoba ala etkiyök. Etkiba nanŋi aka saiwaurupni yeŋön körek Anutu möt narigerangöra sösongai aket. Mewö.

Kösö mireyök közöl etkigetka erohot.

³⁵ Miri gianjiiga keu jake galöm (majistreit) yeŋön opotöröp melaim engigetka kösö mire kaba kewö jiget, “Azi yahöt mi mönö pösat etkinöŋga etmahot.”

† 16:24: Ip özöpaŋnön könaŋiri yöhöräköiga osiba tarohot. Imutŋi ekŋan. ‡ 16:27: Kösö azinön ölöŋ köliga galömŋi mi keu jakeŋe ala qegetka salupŋe sihimbölö möta kömuzapma. Nanŋi gamuŋi möta aubawak, mewö amqeba kömumbawak.

³⁶ Mewö jigetka wahibuknöñ kaba buzup mi Polgöra kewö jii mörök, “Majistreit galöm yeñön keu kewö alget kaza: Injiri mönö kösöñjiri pösatpiga etmahot. Miangöra etkön mönö dölki mosöta eta luainöñ anmahot.”

³⁷ Mewö jii mörökmö, Polnöñ opotöröp yeñgöra kewö jiyök, “Rom mindimindiri gawmanöñ sel jöhöm netkiba miangö (jimkutukutu) paspot netkigetka maljit. Miangöra yeñön keuniri qahö kewöta jim teköba töndup aukñe ambazip jeñine öne lañ arawambu kömbinöñ netkuba kösö mire al netkiget. Mi gamuñambuk. Mewö al netkiget tatziga dölki denöwögöra melaim netkiget öne ölöñ etpirak? Mi qahö dop kölja. Niri qahöpmañöp etpitmö, yeñön mönö nanñinak kaba netkömegetka etpirak.”

³⁸ Polnöñ opotöröp yeñgöra mewö jiiga keu mi memba majistreit galöm yeñgöreñ anda jiget mötket. Mi möta Rom gawmangö (jimkutukutu) paspot memba malohori, mi möta auruba sömbuñini mötket. ³⁹ Sömbuñini möta kösö mire kaba ösöñ susahuba kelök ala kuñgum etkigetka geyohot. Geyohotka Filipai siti mosötmahotkö ulet etkiget. ⁴⁰ Ulet etkigetka Pol Sailas yetkön kösö miri mosöta Lidiagö mire anohot. Miangöreñ anda urumeleñ alaurupñiri engeka urugö nanñonañgö keu jiba enñomosöta anohot. Mewö.

17

Tesalonaika nup megetka sesewerowero aket.

¹ Anda mala Amfipolis aka Apolonia siti yahöt mi kutuba Tesalonaika sitinöñ angotket. Siti bohonñi miangöreñ Juda yeñön köuluk miriñini meget kinök. ² Polnöñ ahakmemenñi aka malöhi, miangö dop köuluk miriñine öngöba Sabat kendon karöbut miangöreñ yembuk Urumeleñgö Buña Kimbi oyoñda könañi eraum möta malget. ³ Mewö mala Buña Kimbigö könañi jim asariba kewö jiyök, “Anutunöñ areñ ala Amötqeçe Toñan sihimbölä möta kömumba kömupnöñök wahötmapkö jiyök.” Mewö jiba miangö könañi Buña Kimbinöhök kondela uruñini kuñguba kewö jiyök, “Azi Jisös jim asarim enñizali, yañön mönö Amötqeçe Toñi Kraist akza.”

⁴ Mewö jiiga Juda könagesö yeñgöreñök tosatñan möt nariba uruñini meleñda Pol Sailas yetpuk toroqeba kinget. Grik ambazip tosatñan Anutu waikñi memba möpöseigeri, yeñgöreñök mewöyök kambu ketañi yeñön yembuk toroqeget aka ambi öngöñgöñi qetbuñanambuk yeñgöreñök gwötpukñan uruñini meleñget.

⁵ Uruñini meleñgetmö, Juda ipñi yeñön uruñini seholiiga urunöñ mututqutut möta andöqeçe aket. Mi aketka injarere ambazip rowoñqeçenöñ lañ malgeri, yeñgöreñ anda azi goñgoñi tosatñi enñömeget. Mi enñömemba mindiriba ambazip kambu uruñini kuñguba öröm enñigetka tokoget. Tokoba lañ qetketka qeburuñ göjupmajup ahuiga siti dop köl teköyök. Lañ qeta luhuba azi qetñi Jeison yañgö miri töungöba (töwöngöba) Pol Sailas ambazip kambu jeñine al etkibingöra jarum etkiget. ⁶ Jarum etkigetmö, qahö miwikñaim etkiba Jeison aka urumeleñ alaurup tosatñi jöhöm öröm enñgiba sitigö galömkölköl azi yeñgö jeñine angota kewö qetket, “Yei! Azi gölmeñi gölmeñi liliköba miri dop uru kuñgum enñigetka kahapmahap aka sohomakzei, yeñön mönö ki mewöyök kayohot. ⁷ Kiangöreñ kayohotka Jeisonöñ i etkömemba anñön köl etkiyök. Ambazip pakpak mieñön kewö jimakze, ‘Azi kun qetñi Jisös yañön kiñ kembunini akza.’ Mewö jiba Rom sisa kiñgö jimkutukutuñi qetala memba eta alakze.”

⁸ Mewö qetketka ambazip kambu aka galömkölköl azi yeñön mötketka uruñinan eta raidimbom ewö siksauk ahök. ⁹ Siksauk aiga Jeison aka urumeleñ alaurup tosatñi kuñguba qesim enñigetka moneñ ala meköm etkiba pösatketka eta anget. Mewö.

Berea angetka Baiböl stadi ala keuniri kewötket.

¹⁰ Eta angetmö, urumeleñ alaurup yeñön Pol aka Sailas miangöreñök melaim etkigetka mosöta sungem miri qetñi Berea miangöreñ anohot. Anda angota Juda yeñgö köuluk miriñine öngöyohot. ¹¹ Köuluk miriñine öngöba Buña keu jiyohori, mi sihim ketañi möta möt anñön kölget. Juda könagesö Berea malgeri, yeñön Tesalonaika könagesö enñongita ölop sorokñi aket. Keu törörök jiyohot me qahö, mi wehön dop Buña

Kimbigö keunöy kewöta oyonda eraum möta malget.* Silik ölopñi mewöñi wuatangöba Juda ambazip Tesalonaika malgeri, mi luhut al engiget. ¹² Buña keu jiyohotka Juda yengöreñök jesöngöñan möt nariba uruñini melenget. Grik ambazip yengöreñök mewöyök gwötpukñan Jisös möt narigetka sutñine ambi öngöngöñi qetbuñanambuk mi gwötpuk malget.

¹³ Jisös möt narigetmö, Polnöy Berea miangörey mewöyök Anutugörey Buña keu jim asariba malöhi, miangö buzupñan sehiba Tesalonaika anda Juda jitñememe yengö kezapñine geyök. Kezapñine gei möta wahöta Berea kaba mewöñanök ambazip uruñini esiba kuñguget. ¹⁴ Kuñgugetka urumelej alaurup yejön mi möta miangöreyök Pol melaigetka köwet jitñe geyök. Geyökmö, Sailas Timoti yetkön toroqeba Berea malohot. ¹⁵ Azi Pol umbulgeri, yejön toroqeba wangita anda Atens sitinöy angotket. Angotketka kewö jim kutum engiiga mötket, “Injini mönö lilingöba Sailas aka Timoti jigetka ösumok nöngörey kamahot.” Keu mi möta mosöta anget. Mewö.

Polnöy Atens sitinöy mala nup meyök.

¹⁶ Polnöy Atens sitinöy tata Sailas Timoti yetkö mamböta mala liliköyök. Liliköba siti mi tandö lopionji lopionji mienön kokolak qegetka köna töwokñe töwokñe kingetka engeka awöwöliba tembula uruñi könöp jeyök. ¹⁷ Polnöy Juda yengö köuluk miriñine öngöba Juda kian ambazip aka gölme toñi Anutu waikñi memba möpöseigeri, yembuk kinda eraum mötket. Polnöy wehön dop rowoñqeqe sombemñini dop anda ambazip miwikñaim engiba yembuk aitoñgöba eraum mötket.

¹⁸ Eraum mötketka Epikuros aka Stoik mötmöt jake yahöt mietköreyök böhi tosatñan kaba Polbuk keu siñginñi siñginñi jiba goranora aka jitnakölik erauget.† Tosatñan toroqeba Polgö keuñi möta kewö jiget, “Mötmöt kitipñi kitipñi zezengok ewö usunda um jaruba lañ qezaköba mohot yahöt miwikñaim bibihiba memba kaza. Mi memba kaba sesekñai ewö lañ jizapmö, keuñangö öñi wania jimangö mötzawi, mi qahö mötzin.”

Polnöy Jisösgö Buñaji jim asariba uruñini kuñguba kömupnöhök wahörök‡ jiyök. Miangöra tosatñan toroqeba kewö jiget, “Bem kiannji memba kaba mietkö könanjiri jim asariza, miangö tandök ewö akza, ekzin.”

¹⁹ Mewö lañlañ jigetka Pol wangita maket sombem ketanji Areopagus§ miangörey öngöba kaunsöl yengö jeñine alget kini kewö jiget, “Gi mötmöt areñ dölökñi aukñe kusum neñgimazani, miangö könanji denöwö? Mi ölop jinöñga mötpin. ²⁰ Göñön kian kantri yengörey keu murutñi memba kaba jinöñga kezapñine gei mötzin. Miangöra göhö keu areñgahö könanji mi törörök mötpingö mötzin.” ²¹ Atens toñi aka kian miangörey malgeri, yejön pakpak öne lañlañ mala mötmöt keu dölökñi dölökñi onggitgonggit aka jiba möta uruñini miangörey ala nalöñini ayuhuba malget. Mewö.

Polnöy Areopagus sombemñöy kinda keu jiyök.

²² Polnöy wahöta Areopagus sombem biñe anda kaunsöl yengö jeñine kinda kewö jiyök, “Atens aziurup, nöñön ki kaba yuai pakpak eka könanjini kewö ahöi mötzal: Injini bemurupñini göda ölopñi qeba möpöseim engiba malje. ²³ Nöñön liliköba engörey miri kömbukñi kömbukñi eka miengö sutñine alta kulemñambuk kun miwikñaijal. Miangörey kewö ohoget ahöi ehal, ‘Bem könanji qahö mötzini, yangöra mein.’ Miangöra injini bem kun könanji qahö möta töndup waikñi memba möpöseimakzei, nöñön mönö yangö könanji indela jibi mötme.

²⁴ * “Bem Anutunöy Suep gölme aka yuai pakpak mietkö uruñire ahözawi, mi miwikñaim engiyök. Yañön Suep gölmegö Kembuña akza. Yañön jöwöwöl jike börönöy

* 17:11: Berea yejön Baiböl stadi ölopñi alget. † 17:18: Mötkutukutu böhi qetñi Epikuros yañön uruölöwak mötpingö könanji kusum engiyök. Stoik mötmöt jake (akademi) miangö böhiñi qetñi Zeno yañön sihim ölopñi aka bölöñi qömbököba böñ qeba köhöiba kinbingö könanji kusum engiyök. ‡ 17:18: Jisös aka Kömupnöhök wahötwahöt keu yahöt mi qahö möt asariba tönpin kinda kewö jiget, ‘Yañön mönö bem azi ambi yahöt yetkö qetñiri mewö qetza.’

§ 17:19: Areopagus miangö könanji mi yarögö bemñi qetñi Ares yangö kunduñ. * 17:24: 1 Kij 8.27; Ais 42.5; Apo 7.48

memeŋi miangöreŋ qahö tata malja. ²⁵ Yaŋön nanŋak malmalgö könaŋi akza. Mi aka neŋön gölmenöŋ malbinaŋgöra sile, urja (imut) aka yuai tosatŋi pakpak neŋgiiga söŋgöro ösum örömakzin. Mewö neŋgimakzawaŋgöra aka nanŋak nene me yuai kungöra qahö osiza. Miangöra ambazip nini gumohom waŋgibingö osizin. Nini börönanan yuai qahö memba naluk al waŋgiin ewö, yaŋön mönö qahö kömuma. Yaŋön azi tandök qahö malja. Qahö.

²⁶ “Yaŋön mutuk azi mohot miwikŋaiiga yaŋgöreŋök sehiba deŋda gwala injaŋi aka sile tosatŋi aka gölmeŋi gölmeŋi pakpak dop köla maljin. Yaŋön nalönini pakpak törörök areŋgöm neŋgiiga miangö dop maljin aka miri gölme denike denike ahöm tat ala maljini, miangö göraŋi aka aiwesökŋi ala jim kutuiga miangö dop maljin. ²⁷ Nini mönö Anutu nanŋi möt jarum waŋgibingöra yuai pakpak mi areŋgöba al neŋgiyök. Yaŋön körek pakpak kösutnineyök maljapmö, töndup mezaŋqezaj ala Anutu jaruba mala miwikŋaibin me qahö? ²⁸ Nanŋini Grik mötmöt ambazipnöŋ keu kötŋi areŋgöba ohogeri, yeŋgöreŋök yahötŋan mewöyök keu kötŋi kun kewö jiyohot, ‘Ninia kun yaŋgö gwölönarökurupŋi maljin.’

Azi mewöŋi kunŋan keu kötŋi kun kewö ohoyök,

‘Yaŋön mönö mem letot neŋgiiga yaŋgö aumŋe malmalnini malakzin, könanini anda kamakzin aka ahöm wahötnini ahakzin.’**

²⁹ Keu miengö dop nini mönö Anutugö gwölönarökurupŋi mala kösutŋeyök kinjin. Kösutŋeyök kinjinmö, töndup yaŋgö könaŋi möt sohoba janjuŋ akinbuk. Imut ohoho azi yeŋön mötmöt qakŋe kinda bem kungö tandökŋi mötmöriba goul, silwö me köt jamönjiŋ memba urorohoba tandö lopioŋi söhöba meŋölöba memakzei, yaŋön mönö mewö tandök qahö akza. ³⁰ Ambazipnöŋ gukmaulem aka jipjap mala kotketka Anutunöŋ nalö miangöreŋ ahakmemeŋini möt böliiga likeŋi qahö meleŋda malökmö, nalö kewöŋe keuŋi indela kewö jiza, ‘Ambazip körek pakpak miriŋini dop tat anjei, iŋini mönö uruŋini meleŋda nöŋgöreŋ kaget.’

³¹ “Anutunöŋ nalö ketaŋi ali kam kuŋguma. Yaŋön nalö miangöreŋ ambazip gölmeŋi gölmeŋi pakpak mal anjei, mi tokom neŋgiba keunini kewöta törörök jim teköma. Yaŋön azi kun keunini jim tekömapköra möwölöhöba jimtekötekögö kukösumŋi böröŋe alök. Yaŋön azi mi mem gulii kömupnöhök wahöriga mewö miangön kukösumŋi ketaŋi mi ambazip pakpak kondel neŋgiiga eka mötzin. Azi kömupnöhök wahöröhi, yaŋön mönö jimtekötekö Tonina akza.”

³² ‘Anutunöŋ azi kun kömupnöhök mem gulii wahöröhi,’ tosatŋan keu mi möta mepaqepaiköget. Mewö aketmö, tosatŋan kewö jiget, “Keu jizani, nini mi kunbuk mötpingö mötzin. Miangöra gi ölop nalö kunöŋ keu mi toroqeba jim tuariman.” ³³ Mewö aketka Polnöŋ yeŋgö sutŋineyök wahöta eŋgömosöta anök. ³⁴ Anökmö, tosatŋan kaba Jisös möt nariba yambuk toroqezet. Möt narigeri, yeŋgö sutŋine Areopagus kaunsöl kambu yeŋgö jitŋememe azi kun qetŋi Dionisius malök. Mewöyök ambi ketaŋi kun qetŋi Damaris aka tosatŋan yetpuk toroqeba möt nariget. Mewö.

18

Polnöŋ Korint sitinöŋ ani uruŋini meleŋget.

¹ Yuai mi asuhuiga Polnöŋ Atens siti mosöta Grik siti kun qetŋi Korint miangöreŋ anök. ² Korint anda Juda azi kun qetŋi Aqila miwikŋaiyök. Aqila yaŋön Eisiagö prowinsŋi qetŋi Pontus miangöreŋ ahuba könaŋgep mindimindiri siti Rom anda malök. Miangöreŋ mali sisa kiŋ qetŋi Klodius yaŋön jimkutukutuŋi kewö alök, “Juda ambazip iŋini mönö körek pakpak Rom siti mosöta deŋme.” Mewö jiyöhaŋgöra aka Itali kantri mosöta Grik geba nalö miangöreŋ Korint kaŋgorök. Kaŋgoriga Polnöŋ miwikŋaiba i aka anömŋi qetŋi Prisila yetköreŋ anök. ³ Malmalŋiri naŋgöbitköra opo kounŋi kounŋi meyohot. Polnöŋ

** 17:28: Mötmöt azi ketaŋi Pol yaŋön mötmöt jakeŋi jakeŋi öŋgöba Grik yeŋgöreŋ buk murutŋi murutŋi oyoŋda möt kutuba miangöreŋök keu kötŋi kötŋi amqeba memba aukŋe jiyök.

mewöyök opo seri koum meme azia. Miangöra yetköreñ ani nupñini öröröñ ahöiga yetpuk mala ahöba opo seri koum nup mohotje meget. ⁴ Memba malgetka Sabat kendon dop köuluk mire öngöba Juda aka Grik ambazip yembuk Jisösgö könani erauba mesinđa uruñini melenmegöra kuñgum engiba malök.

⁵ Kuñguba mali alayahötñi Sailas Timoti yetköñ Masedonia prowinsnöhök kañgoro-hotka Jisösgö Buñani nalö dop jim asariba malök. Mewö mala Jisösnöñ Amötqece Toñi Kraist akzawi, miangö könani aukñe kondela keu miangön Juda ambazip uruñini kuñguyök. ⁶ Uruñini kuñguyökmö, Pol tuarenjoñ aka uruqece keu töhöreñ jim wañgigetka böröñan jeñine kuñguba sölburañi tönjörari eriga kewö jiyök, “Nöñön köpösihit qahö akiga iñini ayuhuba miangö likepñi mi mönö nöngö qakne albingö osime. Mi nanñinak bisime. Iñini Buña keu qetalgetka nöñön ölop engömosöta merak kinda öngömawi, miangöreñ kian kantri ambazip yengöreñ elenđa anmam.”

⁷ Mewö jiba engömosöta köuluk miri görañe azi kun qetñi Titius Jastus yangö mire öngöba malök. Yañön Juda azia qahöpmö, töndup Anutugö waikñi memba möpöseiba malök. ⁸ Görañe anökmö, köuluk mirigö galöm qetñi Krispus aka yangö anöm-moröñi yeñön körek uruñini melenđa Kembu möt nariget. Mewöñanök Korint ambazip tosatñi Polgöreñ keu mötkeri, yengöreñök gwötpukñan Jisös möt nariba uruñini melengetka o melun mem engiget.

⁹ Polnöñ sungem kunöñ gaun ahöiga Kembunöñ kutum wasöriğa imut ehiga kewö jii mörök, “Gi kengetki kude mötmanmö, Buña keu mönö köhöiba jiba malman. ¹⁰ Siti kiangöreñ ambazip kambu gwötpuk yeñön nöngö buñaya akze. Miangöra nöñön göbuk malbiga kuñan yuai kun qahö könahiba mem bölim gihima.” ¹¹ Mewögöra Polnöñ nalöñi mem köriğa yeñö sutñine (yara) yambu mohot aka köiñ 6 miangö dop mala Anutugöreñ Buña keu kusum engimalök.

¹² Kusum engimalökmö, Rom yeñön azi Galio kuñgugetka Akaia prowinsgö kiap gawönö malöhi, nalö miangöreñ Juda jitñememe yeñön mindiriba Pol tuarenjoñ ak wañgiba öröba keu jakeñe al wañgiget. ¹³ Keu kewögöra al wañgiget, “Azi kianñön ambazip eñololoñ ak engimakza. Rom yeñön jimkutukutuñini alget ahözawi, yañön ambazip köna mi qösököba Anutugö waikñi memba möpöseimegöra uru kuñgum nengimakza.”

¹⁴ Keu mewö sileñe ala jigetka Polnöñ keu jimamgö aiga kiap gawönö Galio yañön Juda ambazip yengöra jiyök, “Juda ambazip engö sutñine kuñan azi qei kömumbawak me pinjit bölöñi kötökñi kun akawak ewö, miangöra nöñön ölop keuñini kezap ala mötpilejak. ¹⁵ Mimö, engö sutñine mötnaripkö keu asuhuğa qet murutñi murutñi qeta aņgururuk aka jimkutukutuñini denöwö akñei, mi mönö nanñini lömbötñina. Nöñön yuai mewöñi mi kewöta jim tekömamañgö dop qahö akzal.” ¹⁶ Mewö jiba keu jakeñeyök enġuatangöiga etket. ¹⁷ Eta nanñinök mindiriba mohotje luhuba köuluk mirigö galöm qetñi Sostenes mi qeraköba memba kaba keu jakeñangö köna numbuñe ala qeget. Qegetka kiap gawönö Galionöñ mi eka miangöra möriğa öñi kun qahö ahök. Mewö.

Polnöñ nanñi miriñe Antiokia sitinöñ liliñgöyök.

^{18*} Polnöñ töndup toroqeba Korint sitinöñ silim gwötpuk malök. Mal teköba urumeleñ alaurupñi yaizözkök keuñini jiba engömosöta Prisila aka Aqila etkömembra köwetnöñ geba wañgegöra mamböta tatket. Mutuk Anutugö jeñe kewö jiyök, “Nöñön Anutugö nupñi pöndañ kapañ köla memam.” Keu mewö jiba mi jöjöpañ keunöñ jöhöba malök. Nalö mi teköiga köwetnöñ miri qetñi Senkria miangöreñ geba jöjöpañ keuñangöra jiiga nörop jupñi mitiget. Wañge kun Siria prowinsnöñ anmamgö ahöhi, mi miwikñaiba miangöreñ öngöba opo seri öröba möröreñgögetka luhutnöñ nanñi anget.

¹⁹ Anda Efesus taonöñ aņgota Polnöñ Prisila aka Aqila etkömosörökmö, nanñak köuluk mire öngöba Juda yembuk Jisösgö könani eraum mötket. ²⁰ Eraum möta kewö qesim wañgiget, “Gi ölop nalö köropñi nembuk malman.” Mewö qesim wañgigetmö, Polnöñ

* 18:18: Jañ 6.18

miaŋgö urumohot qahö ahök. ²¹ Miaŋgöra yaizözkök kewö jiyök, “Anutunöŋ miaŋgö Oŋ! jima ewö, mönö ölop lilingöba enögorenj kamam.” Mewö jiba waŋge kunöŋ öngögetka opo seri öröba mörörengögetka luhutnöŋ naŋgöi Efesus mosöta anget.

²² Anda taon kun qetŋi Sisaria miaŋgörenj angota waŋge mosöta gölme köna Jerusalem öngöyök. Öngöba lilingöba urumelenj könagesö jölönini jiyök. Mi jiba tata wahöta geba Antiokia sitinöŋ anök. ²³ Antiokia sitinöŋ anda mali sonda tosatŋi teköiga enögomosöta könanöŋ anök. Könanöŋ anda Galesia aka Frigia prowins yahöt mi ongita miri dop liliköba gwarek pakpak engeka köl gulim enjii köhöiget. Mewö.

Apolosnöŋ Efesus aka Korint nup meyök.

²⁴ Nalö miaŋgörenj Juda azi kun qetŋi Apolos mi Efesus kayök. Apolos yaŋön Ijiptkö taon qetŋi Aleksandria miaŋgörenj ahuba mala mötmöt mire öngöi teköiga Buŋa Kimbi Waŋŋangö keuŋi ölopŋanök möt kutuyök. Mi möt kutuba könaŋi jii keuŋi tandökŋi miaŋgöra ambazip miri dop sihim gwötpuk möta söŋgaiget. ²⁵ Kembugö könaŋi wuatangöbingö könaŋi kusum waŋgigetka Anutugörenj könöp bölamŋan uruŋe jeyök. Jisösgö könaŋi törörök diŋdiŋi kusum enjiba Jonöŋ o melun mem enjyöhi, miaŋgö könaŋi ölop möt sölöngöba jiyök. Mi jiyökmö, miaŋgö likepŋi kun mosörök. Uŋa Töröŋan melun mem nengizawi, mi qahö mörök.

²⁶ Yaŋön kaba köuluk miri uruŋe könahiba keu ösum-mumuŋambuk jiyök. Jiiga Prisila Aqila yetköŋ keuŋi möta kinda waŋgirohotka yetkö mire anget. Anda Anutugö könaŋi ölopŋanök toroqeba jim asariba jiyohotka mörök. ²⁷ Apolosnöŋ Grik kantrigö bahöŋi qetŋi Akaia miaŋgörenj anmamgö möriga Efesus urumelenj alaurup yeŋön kötöngöm waŋgiget. Kötöngöm waŋgiba Akaia gwarekurup yeŋgöra kimbi kewö ohoget, “Azi ki mönö köl öröm waŋgime.” Apolosnöŋ kimbi mi memba Akaia prowinsnöŋ anda ambazip Anutugö kalem möriamŋi möt asariba uruŋini melenjeri, mi gwötpuk bauköm enjyök. ²⁸ Bauköm enjiba “Jisösnöŋ Amötqeŋe Toŋi akza,” jiba miaŋgö könaŋi mi Buŋa Kimbigö keuŋi keuŋi oyoŋda miaŋön kondel enjii mötket. Juda yeŋön keu mi möta jitnakölik aketka goranora (noragora) ahuyökmö, Apolosnöŋ Anutugö kukösum qakŋe kinda keuŋini aukŋe qeapköiga etket. Mewö.

19

Polnöŋ Efesus mala nup meyök.

¹ Apolosnöŋ Korint sitinöŋ maliga Polnöŋ Antiokia siti mosöta prowins tosatŋi* ongita mala mala köwet göraŋe Efesus sitinöŋ angorök. Angota miaŋgörenj gwarek tosatŋi miwikŋaiba engehök. ² Engeka kewö qesim enjyök, “Iŋini möt nariba uruŋini melenjeri, Uŋa Töröŋan mönö nalö miaŋgörenj uruŋine geyök me qahö?” Mewö qesim enjiiiga kewö melenja jiget, “Uŋa Töröŋan maljawi, nini miaŋgö keuŋi qahöpmahöp mörin.”

³ Melenja jigetka kewö jiyök, “Iŋini mönö wani o melun mem enjigerawa malje?” Mewö jiiga melenjet, “Nini Jonöŋ o melungöra jiba malöhi, mönö mi mem nengiget mein.”

⁴* Mewö melenjetka Polnöŋ jiyök, “Jonöŋ Jisösgöra keu jiba ambazip kambu uruŋini kuŋguiga kewö mötket, ‘Nöŋgö andöne azi kun kamawi, iŋini mönö i möt nariba uruŋini melenjet.’ Mewö jii möta uruŋini melenjeri, Jonöŋ i o melun mem enjiba malök.”

⁵ Mewö jii mötketka Polnöŋ Kembu Jisösgö qetŋe o melun mem enjyök. ⁶ Mem enjiba böröŋi nööröŋjine aliga Uŋa Töröŋan uruŋine geiga kantri tosatŋangö keu murutŋi murutŋi könahiba jiba kezapqetok keu jiget. ⁷ Azi mi mindiriba 12 miaŋgö dop malget.

⁸ Polnöŋ köuluk mire öngöba kinda Anutugö bemtohoŋangö könaŋi eraum möta awösamkakak kinda suahö ewö uruŋini kuŋgui keuŋi qeapköbingö osiba malget. Mewö malgetka köiŋ karöbut teköyök. ⁹ Qeapköbingö osigetmö, tosatŋan yaŋgiseŋ aka qahö

* 19:1: Gölme mi nalö kewöŋe kantri qetŋi Töki (Turkey) miaŋgö uruŋe ahöza. * 19:4: Mat 3.11; Mak 1.4, 7-8; Luk 3.4, 16; Jon 1.26-27

möt nariba Kembangörej könañi aukñe jim böliba ambazip jeñine luasö jiba kinget. Mewö jiba kingetka Polnön kewöta menden engiba engömosöta gwarekurupñi enguangiriga tikep anget. Tikep anda azi qetñi Tiranus yangö qenjarök mötmöt jakenön silim dop (aua 5 tokoba) kusum engiiga eraum-mötmöt aka malget. ¹⁰ Mewö aka malgetka Kembangö Buña keuñan sehiiga (yara) yambu yahöt teköyök. Mi teköiga Buña keu mi Eisia prowins uruñe miri toñi aka Juda ambazip pakpak yangö kezapñine gei möt teköget. Mewö.

Sewa nahönurupñan öme közölbängö osiget.

¹¹ Anutugö kukösumñan Polgörej angoriga nup memba böröñi ambazip nöropñine ali Anutunön angöletot murutñi murutñi meiga asuhuget. ¹² Mewö mali ambazip kawöl engöhöi malgeri, tosatñan Polgö sileñeyök nöngöp mitimiti aka opo jöhanñi tosatñi mewöyök memba anda kaba qakñine algetka kawölñini engömosöri ömerñini kota angetka ölöwaket. ¹³ Juda sile galöm tosatñan liliköba öme enguatängöba anda kaba malgeri, yeñön mewöñanök könahiba ömenön kölköljinñiñ mem engigeri, yangö qakñine Kembu Jisösgö qetñi qeta ösumñi köl öröbängö esapköget. Esapköba kewö jiget, “Polnön Jisösgö qetñi qeta uru kuñgum neñgimazawi, nöñön mönö Kembu miangö qetñe öme kota kesalmegöra jim kutum engizal.” ¹⁴ Jisösgö qetñi mewö qetkeri, yangö sutñine Juda jike nup galöm bohonñi qetñi Sewa yangö nahönurupñi 7 yeñön mewöyök malget.

¹⁵ Yeñön ömewöröme kun mewö jim kutum wañgigetmö, yeñön melenña kewö jim engiyök, “Ni Jisös möt wañgizal aka Pol möt wañgizalmö, inini mönö niñia?”

¹⁶ Mewö jim engiba azi uruñe kinöhañön mönö luhuba qakñine öngöba qeraköba engömeyök. Mewö körek pakpak luhut ala yaijapaleñ mem engiba sileñini kutumutuba opo malukuñini munjukunjurariyök. Munjukunjurariga nanñik nanñik sileñine sepgwörörök eta kini tököba kesala miri uruñi mi mosöta sileñini gwamönñi aukñe eta angaiget. ¹⁷ Mewö asuhuiga Juda kian aka gölme toñi Efesus malgeri, körek yeñön miangö buzupñi möta gwötpuk auruba awöwöliget. Awöwöligetka tosatñan Kembu Jisösgö qetñi kapañ köla möpöseigetka aködamunñambuk ahök. ¹⁸ Möt nariba uruñini melenñeri, yangörejök gwötpukñan anda siñgisöndokñini indela jim kölenget. ¹⁹ Tosatñan qarösongo amötqeçe memba malgeri, yangörejök gwötpukñan buk papi-añini memba kaba tokoba ambazip pakpak yangö jeñine kinda aukñe köñöpnön gilget jeyök. Buk papi miangö söngöröñini oyonña mindirigetka mindimindiri jañgöñini mi silwö moneñ (Kina) 50.000 miangö dop ahök. ²⁰ Tandök mewö aketka Kembangö Buña keuñan mönö ösum-mumuñambuk sehiba köhöiba anök. Mewö.

Polnön nupñangö areñi alök.

²¹ Yuai pakpak mi asuhum teköiga Uña Töröñan Pol sölölohöm wañgii keuñi jöhöba kewö jiyök, “Ni köwet kutuba Grik kantrigö likepñi yahöt Masedonia aka Akaia miangörej liliköbi teköiga mosöta Jerusalem sitinön anmam.” Mewö jiba toroqeyök, “Miangörej anda tata Jerusalem mosöta Rom siti mewöñanök anda ekñam.” ²² Mewö jiba neñakñi yahöt Timoti aka Erastus melaim etkiiga Masedonia anohotka nanñak toroqeba nalö tosatñi Eisia prowins uruñe malök. Mewö.

Efesus yeñön bim karim aket.

²³ Efesus sitinön Kembangörej köna wuatängögetka miangöra nalö miangörej enjololöñ göjupmajup keta bölökñi asuhuyök. ²⁴ Silwö nup meme azi kun qetñi Demetrius yeñön silwö ohoiga kolkolögöiga qekötahöba bem ambi qetñi Artemis yangö jöwöwöl jikegö dop imut morömorö memba malök. Mi meiga bohonñi memba malgetka moneñ öngöñgöñi öröi kölköl-örörö alaurupñan mendenña meget. ²⁵ Megetka Demetrius aka kambu tosatñan nup mewöñi memba malgeri, mi mohotñe engoholi kaba tokogetka kewö jii mötket, “Azi alaurup, nini nup ki meinga bohonñi ölopñi asuhuba kamakza, mi mötzin. ²⁶ Mi mötzinmö, Pol azi miangön Efesus kiangörej kanñgota ambazip uruñini esiba ki aka Eisia prowins pakpak dop köla ambazip kambuñi kambuñi kuñgum engii jañjuñ

akzei, mi nalö kewöñe ölop eka mötze. Yanñon kewö jimakza, ‘Bem börönöñ memenji mi bem ölnji qahö.’

²⁷ “Mewö jiba maliga nini kölköl-örörö nupnini memakzini, miangö qetñi mem bölii jijiwilit akepukö urulömböt akza. Aka miyöhök qahöpmö, urulömböt kun kewö ahöza: Ambazip pakpak Eisia prowins uruñe aka gölmenji gölmenji pakpak miangörej bem ambi öngöngöñi Artemis waikñi memba möpöseimakzei, yangö bem qetbuñani ketajan ayuhuba ösumñan etpapuk aka jöwöwöl jikeñangö qetñan böliba ambazip jeñine eta omañi akapuk. Urulömböt mewö ahöza. Miangöra waimanjat möta keu ki jizal.”

²⁸ Demetriusnön mewö jiiga sunğurum alaurupñan mi möta irimñini seholiiga kewö jiba qet gigilahöget, “Efesus neñgörej Artemis mi öngöngöñi!” ²⁹ Qet gigilahögetka eñololonğöjupmajup miangön sehiba sehiba siti körek dop kölok. Mewö aiga Masedonia azi yahöt qetñiri Gaius aka Aristarkus Polgö sunğurumyahötñi mi qeraköba etkömembra örörahöm etkiba qezakqezak mirinön anda totoko alget. ³⁰ Totoko algetka Polnön mewöyök ambazip kambuleleme yeñgö sutñine anmamgö mörökmö, urumeleñ ambazipnön i angön köl wañgiget.

³¹ Eisia prowinsgö galömkölköl azi tosatñan Polgö alaurupñi akeri, yeñon mewöyök kolek ala kewö ulet wañgiget, “Qezakqezak mirinön totoko aljei, gi mönö nangi miangörej kude kondel eñgiman.” ³² Totoko algeri, miangörej ambazip gwötpukñan kinda tokogerangö könani kun qahö mötkerangöra nanñik nanñik lañlañ qet gigilahöba siksauk eñololonğö ketani megetka sehiba anök. ³³ Mewö ani Juda yeñon azi qetñi Aleksander kuñguba nanğögetka kambu yeñon öröba köna algetka qaikñe eu öngöba kinök. Öngöba kinda ambazip jemesoholñine keu likepñi meköba jimamgö möta börö pözön misiba aiwesök mem eñgiyök.

³⁴ Aiwesök mem eñgiyökmö, Juda azia akzawi, mewö möt kutuba miangörejök numbuñini mindiriba körekñan könahiba keu kewö qetket, “Efesus neñgörej Artemis mi öngöngöñi!” Mewö qeta mala aua yahötkö dop silata qeta kinget.

³⁵ Qeta kingetka siti pomñan ambazip kambu uruñine memba eta ali görön algetka kinda kewö jiyök, “Efesus ambazip, nini nanine siti kiangörej Artemis öngöngöñi mi möpöseiba maljin. Nini yangörej jöwöwöl jike aka köt imutñi kömbukñi Suepnöhök eröhi, mi galöm köla maljin. Keu mi iñini körek ölop mötze. ³⁶ Mi kuññan qañ kölmawangö dop qahö. Miangöra iñini mönö uruñini ösön memba eta ala böñjön malme. Kezapjupjup yuai kun kude akñe. ³⁷ Azi ki jöwöwöl jikenön öngöba yuai kun qahö kiom qeba mem böliyohot. Bem ambinini qahö ilit wañgiyohot. Iñini töndup i etkuangitketka ki kinjahot.

³⁸ “Demetrius aka yangö kölköl-örörö alaurupñan tosatñi yembuk anğururuk aka keu jim anğubeak ewö, kiap mönö ahöze aka keu jakegö totokoñi totokoñi mi keu mindiñgöbingöra alakze. Miangöra mönö ölop miangörej anda keu jakeñe al anğuba arönđa kingetka dop köлма. ³⁹ Iñini yuai kun toroqeba jibingö mötpeak ewö, siti kiangö toñan mönö ölop könagesö öröm eñgiiga qenjarök sombemnön tokoba keu kewöta jim teköme. ⁴⁰ Merak eñololonğöjupmajup ketani ki könani qahöpmö, töndup imbisölöm asuhuzawi, mi Rom gawman yeñon möta kewö jibepuk, ‘Efesus yeñon Rom mindimindiri gawman qetala bim karim akze.’ Mewö jiba keu jakeñe al neñgibepuk. Miangö urulömbötñi akza, mi mötzal. Keu jakeñe al neñgiba karim kiangö könangöra qesim neñgibeak ewö, nini mönö likepñi gagabe köla jibinañgö dop qahö mötzin.” ⁴¹ Efesus siti pomñan keu mewö jiba ambazip kambu köñdeñ eñgiiga sörrörauba deñđa anget. Mewö.

20

Polnön Masedonia aka Grik anda nup meyök.

¹ Efesus miangörej göjupmajup miangön sörauba teköiga Polnön gwarekurupñi eñgoholi kagetka urugö nanğonanğö keu qambañ eñgiba yaizözkök jiba eñgömosöta Masedonia prowinsnön anök. ² Masedonia anda gölmenji gölmenji kutuba liliköba

miaŋgöreŋ qambaŋ keu gwötpuk jiba mala Grik kantrinöŋ kayök. ³ Grik kaba köin karöbut malök. Mi mal teköiga waŋge memba köwet kutuba Siria anmamgö mörök. Mewö mörökmö, Juda jitjememe yeŋön könanöŋ qebingö aŋgönaŋi algetka kezapŋe gei mörök. Mi möta miaŋgöra Masedonia prowins kutuba gölme köna miriŋe lilingömamgö keuŋi uruŋan jöhöyök.

⁴ Keuŋi jöhöi sunŋurumurupŋi kewöŋan yambuk anget: Berea azi qetŋi Sopater Pirusgö nahönŋi, Tesalonaika azi qetŋiri Aristarkus aka Sekundus, Derbe azi qetŋi Gaius, Timoti aka Eisia prowinsgö azi qetŋiri Tikikus aka Trofimus. ⁵ Yeŋön qeljine Troas anda miaŋgöreŋ neŋgöra mamböta malget. ⁶ Troas anda malgetmö, Luk ni aka tosatŋi neŋön beret yistŋi qahöpkö kendon mi Filipai sitinöŋ tarin. Mi tarin teköiga waŋgenöŋ öŋgöinga opo seri öröba möröreŋgögetka luhutnöŋ naŋgöi anda wehön 5 aiga Troas yeŋgöreŋ aŋgorin. Troas aŋgota miaŋgöreŋ wehön 7 toroqeba malin. Mewö.

Polnöŋ nalö kondikŋi Troas malök.

⁷ Wehön 7 malin teköiga Polnöŋ wehön 8 miaŋgöreŋ eŋgömosöta anmamgö mörök. Mi möta sunŋem kondikŋi Sondagie miaŋgöreŋ tokoba Jisös mötmöröiba beret mindipköbingöra tarin. Mewö taringa Polnöŋ yembuk eraum möta keuŋi jim köriiba mali mali sunŋem bibiŋi ahök. ⁸ Nini miri uruŋi kungö qakŋe eu öŋgöba tokoba taringa lambe gwötpukŋan jeba asariget. ⁹ Tokoba taringa azi gwabö kun qetŋi Yutikus yaŋön jeŋgenaŋnöŋ tarök. Tari Polnöŋ keu jiba mali möri nalö köriiga gaunŋaŋgö möta ahöba gwörörök öröba könakembayök tala imbiŋi qahö möta miri uruŋi karöbut oŋgita gölmenöŋ geba qeyök. Geba qeiga luhuba geba memba wahöriŋa kömuyöhi, ehin.

¹⁰ Mewö ehinmö, Polnöŋ geba kepölaköba jiyök, “Kunbuk söŋgöro ösum ala guliza. Miaŋgöra kude awöwöliget.” ¹¹ Mewö jiba kunbuk eröhaŋgöreŋ öŋgöba beret mindipköba neyök. Nemba yembuk nalö köröpŋi keu jiba mala mala miri gianaŋigun eŋgömosöta könanöŋ anök. ¹² Aniga azi gwabö mi waŋgitketka guliba malöhi, mi eka urukölalep ketaŋi möta anget. Mewö.

Polnöŋ Troas mosöta Miletus anök.

¹³ Yeŋön angetmö, Polnöŋ nanŋak gölme köna anmamgö möta kewö jim kutum neŋgiyök, “Inini mönö qeljine köwet köna miri qetŋi Asos miaŋgöreŋ angetka aitongöba noaŋgitketka waŋgenöŋ öŋgöbin.” Miaŋgöra neŋön mosöta waŋgenöŋ öŋgöinga opo seri öröba möröreŋgögetka luhutnöŋ naŋgöi anda Asos miaŋgöreŋ aŋgorin. ¹⁴ Asos aŋgota nembuk aitongöba Pol waŋgiringa waŋgenöŋ öŋgöba miri qetŋi Mitilini miaŋgöreŋ anin. ¹⁵ Mitilini anda miaŋgöreŋ opo seri kunbuk öröba möröreŋgögetka luhutnöŋ naŋgöi anda mala ahöba wahöta gölme jöhanŋi qetŋi Kios miaŋgö kösutŋe aŋgorin. Aŋgota toroqeba kutuba anda ahöba wahötagun miri qetŋi Samos miaŋgöreŋ geba kunbuk anda ahöba wahöta miri qetŋi Miletus miaŋgöreŋ kewögöra aŋgorin: ¹⁶ Polnöŋ “Yambu dölokŋi (Pentekost) mi esapköba Jerusalem sitinöŋ tatmam,” jiba nalö ayuhubinbuköra ösumok anbingö mörök. Miaŋgöra Eisia prowinsnöŋ nalö köröpŋi ayuhubinbuköra möta waŋgenöŋ öŋgöba Efesus siti oŋgitpingö keuŋi jöhöi malin. Mewö.

Polnöŋ Efesus yeŋgöra keu kondikŋi jiyök.

¹⁷ Miletus aŋgoringa Polnöŋ Efesus yeŋgöra kolek ala urumelen könagesögö jitjemeurup yeŋön eta kamegöra köl öröm eŋgiyök. ¹⁸ Köl öröm eŋgii miri qetŋi Miletus miaŋgöreŋ kaŋgotketka eŋgeka kewö jii mötket, “Nöŋön nalö mutukŋi Eisia prowinsnöŋ kayali, miaŋgöreŋök könahiba nalö pakpak embuk mala kota nup meali, inini miaŋgö tandökŋi ölöp möt yaköze. ¹⁹ Nöŋön Kembugö jeŋe uruni mem et al aŋgum teköba nupŋi denöwö memba kota malali, inini mi ölöp mötze. Nupŋi memba ambazip eŋgöra sahöta imbilni eriga malal. Juda yeŋön uruŋini qahö meŋgeri, yeŋön nalö tosatŋi miaŋgöreŋ silenöŋ alal aket aka nuŋgubingöra areŋ asa-asambötŋi ala malget. Mi ala malgeraŋgöra aka esapesap murutŋi murutŋi miwikŋaiba sihimbölö möta malal.

²⁰ “Nöjñon Buja keu mem ölöwak enggimakzawi, mi jim asarim enggiba malal. Mi qenjaröknöj tokoba aka miriñi miriñi miangörej öngöba kusum enggiba malal. Nöjñon miangöra poraiba nup qahö mosöral. ²¹ Nup qahö mosöralmö, Juda kian aka gölme toñi engöra mewöyök keu kötni kewö nangöba jiba malal, ‘Inini mönö uruñini melejnda Anutugörej qekötahöba Kembunini Jisös Kraist möt narim wangime.’ Inini mi pakpak ölop möt teköze.

²² “Mötket, merak Uña Töröñan ni Jerusalem sitinöj anmamgö kuñgum niñgiza. Miangörej anbi wani yuai asuhum niñgimawi, mi qahö mötzal. ²³ Mohok-kun kewö mötzal: Nöjñon taon denike denike anda malali, Uña Töröñan miangörej sarjep ala kewö nangöba jii möta malal, ‘Gi mönö kahasililiñ möta malnöñga kösö mire al gihigetka tatman.’ ²⁴ *Mewö jii möta malalmö, muat. Nöjñon toroqeba malbileñak me kömumbileñak, mi keu kun qahö ak niñgiza. Mi qahöpmahöpmö, Kembu Jisösnöj nup al niñgiyöhi, nöjñon mönö mia mem yakömamgö möt köhöizal. Yanön nöjñora kewö jiyök, ‘Anutunöj kalem möriamñi ambazip enggimamgö mötzawi, gi mönö miangö Ölöwak Bujañi jim asariba malman.’ Miangöra gölmenöj malmami me kömumami, mi mönö yuai omañi kötokñi ak niñgiza. Ambazip mönahotkö aongit akzei, kuññan miangörej kembang kutuba luhut qahö alma. Nöjñon mönö miangö dop nupñi memba kembang kutuba mosötpilejñbuköra ösumni pakpakñan kapaj köla anda malmam.

²⁵ “Mewö malmam-mö, mötket, nöjñon engö sutñine anda kaba Anutu bemtohoñangö könañi jim asaribi mötkeri, inini nöjñö jesöñgöroni mi kunbuk qahö ekñe. Engörejök kuññan kun qahö nekñawi, merak mewö mötzal. ²⁶⁻²⁷ Miangöra nöjñon inini Anutugö jitiñi pakpak wuatangömegöra jiba uru kuñgum enggiba malal. Mi mönö qahö poraiba mosöral. Miangöra engörejök kuññan kun siñgisöndokñangöra sohoba kömumba köñöp sianöj gema ewö, inini mönö ni jim niñgibingö osime. Nöjñon mi merak engöra aukñe nangöba jim köhöizal.

²⁸ “Kembunöj nanñi sepñi mokoba miangön köñagesöurupñi bohonñini meiga bujañi ak teközei, inini mönö i lama ewö galöm köla köyan köñ enggiba malme. Uña Töröñi yanön nanñak nup mi al enggiyök. Miangöra inini mönö nanñini aka Kembangörej lama kambu yengöra galömñini mem anguba malme. ²⁹ Nöjñon anbiga miangö andöñe ambazip kanjamñinambuk mi kiam kalñi ewö engö sutñine asuhume. Yanön asuhuba lama kambu engöra qahö möta piakñi aka lañ kaba engöhöme, mi mötzal. ³⁰ Nanñini sutñineyök azi tosatñan wahöta kinda Jisös gwarekurupñan görañe anmegöra öröm enggiba muney keu jiba malme. ³¹ Miangöra inini mönö uruguliguli mala keu ki uru köñömñine ala mötmörime: Nöjñon (yara) yambu karöbutkö dop suñgem asak qambay keuñi keuñi mi inini mohot mohot qösösök (qörörök) kusum enggiba malbiga imbilni erök.

³² “Nöjñon merak inini Anutugö böröñe al enggiba kewö jizal: Yangö Buja keuñan mönö kalem möriamñi indela köyan köñ enggimakña. Anutunöj köhöiba uruñini nangöba möhangöiga ölop köhököhöi miwikñaiba mutulangömakñe. Inini Anutubuk lapingögetka alaurupñi pakpak tök kutum enggiiga sarakñi akzei, mönö yengö sutñine angota dum tatatñini memba oyaenköyaen aka malme. ³³ Ni engörejök kungö guli jalö me monej opo mi qahö buja qem angumamgö möta malal. ³⁴ Ni aka suñgurumurupnan yuaigöra osiba malini, mi mönö nani böröni kianön nup memba miwikñaiba malal.

³⁵ “Mi pakpak aka memba silik ölopñi kondel enggial. Inini mönö mewöñanök nup memba malme. Mewö mala ambazip löwöriba nup memegö osizei, mi ölop köyan köñ enggiba malme. Nup megetka ölni ahuiga Kembu Jisösgörej keu ki mötmörime: Yanön nanñak keu kun kewö jiyök, ‘Inap yuai buja qem anguggetka teköba pömsöm qeiga öne malmemö, tosatñi yengöra yuai kalemñina enggigetka Anutunöj likepñi melejñiga oyaenköyaen akñe.’ Mewö.”

³⁶ Polnöj keu mewö jiba eta simin köla körek yembuk Anutu köuluköyök. ³⁷ Köuluköiga körek yanön amburereñ aka urusahöt qeba angum wanggiba numbuñi yöhötim neget. ³⁸ Polnöj mutuk keu kun kewö jii mötket, “Inini nöjñö jesöñgöroni

* 20:24: 2 Tim 4.7

kunbuk qahö ekne.” Keu mewö möta miangöra wösöbirik öngöngöni möta kinda wanğita wanğenöy öngöba yaizöczök jiba umbulget. Mewö.

21

Polnöy Jerusalem anök.

¹ Yaizöczök jiba neñgömosötkeka opo seri öröba mörörengögetka luhutnöy nanğöi anda gölme jölanni qetji Kos miangöreñ göröken diñdiñanök anda anğorin. Anğota ahöba wahöta toroqeba gölme jölanni qetji Rodos miangöreñ anin. Miangöreñök toroqeba Lisia prowinsgö miriñi qetji Patara miangöreñ anğorin. ² Anğota kinda wanğe kun Fonisia gölmenöy anmamgö ahiga mi miwikñaiba miangöreñ öngöinga opo seri öröba mörörengögetka luhutnöy nanğöi anin.

³ Anda mala gölme jölanni qetji Saiprus miangö kösutne kaba eka mösököba Saut görökenök onğita toroqeba luhutnöy nanğöiga Siria prowins göröken anin. Anda “Wanğegö inapni mi Taiö taonöy anda wanğenöhök memba albin,” jigeranğöra miangöreñ anin. Miangöreñ anda wanğe mosöta gein. ⁴ Geba gwarekurup miwikñaim enğiba yembuk toroqeba wehön 7 malin. Miangöreñ malinga Uña Töröñan sölölohöm enğii Pol Jerusalem sitinöy anapuköra galöm meme keu jiget. ⁵ Mi jigetmö, nini wehön 7 mi yembuk malin teköiga enğömosöta köna anin. Köna anbin jiinga yeñön körek pakpak anöm-moröurupñinambuk neñgubula taon mosöta sileñe kaget. Taon sileñe kaba köwet sakne eta simin köla Anutu köuluköin. ⁶ Köuluköba yaizöczöknini jim anğuinga Jerusalem anbingöra wanğenöy öngöinga yeñön miriñine lilingöget.

⁷ Pol aka nini yanğö sungurumurupñan mewö Taiö mosöta toroqeba anda miri qetji Toles miangöreñ anğota wanğe mosörin. Wanğe mosöta urumeleñ alaurup jölöñini jiiñ aka yembuk wehön mohot malin. ⁸ *Mala ahöba wahöta enğömosöta gölme köna anda Sisaria taonöy kanğorin. Jerusalem urumeleñ kambu uruñe urukunğukunğü azi (ewanjelis) sewen meköm enğigeri, * yeñgöreñök kun qetji Filip yanğön Sisaria malök. Neñön Sisaria kanğota yanğö mire anda tata ahöin. ⁹ Filipkö böraturupñi 4 malget. Anutunöy ambi seram miengö uruñine kezapqetok keu jijigö mötmöt kalem aliga malget.

¹⁰ *Neñön Sisaria taon miangöreñ wehön gwötpuk toroqeba malin. Miangöreñ malinga Juda prowinsnöhök kezapqetok azi kun qetji Agabus erök. ¹¹ Neñgöreñ eta Polgöreñ örigit memba miarñön nanñi köna böröñi jöhöba kewö jiyök, “Uña Töröñan kewö jiza, ‘Juda jitñememe yeñön örigit kiangö tonji mi Jerusalem sitinöy kewö jöhöba kian kantrigö galöm† yeñgö böröñine alme.’” ¹² Mewö jii möta nini aka urumeleñ alaurup miangöreñ malgeri, yeñön mohot Polnöy Jerusalem anapuköra uleta qetal wanğiin. ¹³ Qetal wanğiinga kewö melenđa jiyök, “Iñini mönö denöwö akze? Sahöta keu jiba mewö miarñön uruni munjuritze. Nöñön Jerusalem ambi gwaröhöm niñgimegöra jöjörözal aka miyök qahöpmö, Kembu Jisös qetñanğöra aka nunğugetka kömumbilenjak, nöñön mönö miangöra mewöyök jöjöröba kinjal.”

¹⁴ Mewö jiiga mölöwörim wanğibingö osiba urunini böñjön köliga kewö jiiñ, “Mi mönö Kembugö jitsihitñanğö dop asuhuma.”

¹⁵ Sisaria taonöy malin nalö mi teköiga angöba mözözömgöba enğömosöta anda Jerusalem sitinöy öngöin. ¹⁶ Sisaria miangöreñök gwarek tosatñan mewöyök neñgö köinini kaget. Kaget yeñön kewö jiget, “Iñini Saiprus azi qetji Nason yanğö mire ahöba malme.” Mewö jiba neñguanğita yanğö mire anin. Nasonöy mutuhök uruñi melenđa Jisösgö gwarekñi aka mala korök. Mewö.

Polnöy Jerusalem sitinöy kanğorök.

* 21:8: Apo 6.5; 8.5 * 21:8: Aposol nup meme boñ 6 miangöreñ azi 7 mi meköm enğigetka nanğönanğö nup aka ewanjelis nup mi mindiriba meget. * 21:10: Apo 11.28 † 21:11: Kian kantri yeñgö böröñine alget, mi Rom gawman yeñgöra jiza.

¹⁷ Neñon Jerusalem angoringa urumelen alaurup yeñon neñgömembra söngaiaba jölörñini jiget. ¹⁸ Jölörñini jigetka ahöba wahöta Polnön nembuk bisop Jeims ekingö möta anin. Aninga urumelen könagesögö jitñememe yeñon körek pakpak miangören kangota tatket.

¹⁹ Tatketka Polnön jölörñini jiba kösohotñi alök. Anutunön köiput aka nam köl neñgiiga kian kantri yeñgö sutñine anda liliköba misin nup meinga ölni ahuyöhi, miangö kösohotñi mesiñda mohot mohot mi körekñanök jii mötket. ²⁰ Mi jii möta Anutu möpöseigetka azi ipñi kunñan kewö jiyök, “Pol alanini, Juda ambazip tausenni tausenni yeñon Jisös möt nariba uruñini meleñda töndup körek pakpak toroqeba Mosesgö Köna keu mi törörök wuatangöbingö kapañ kölje. ²¹ Mewö kapañ köljemö, göhö buzupki mi kewö lañ jiget mötket, ‘Juda ambazip deñda kian kantri yeñgö sutñine anda maljei, göñon liliköba i kewö kusum enggiba maljan, jimakze, “Inini mönö Mosesgö köna keu andö qeba Anutugören aiwesök mi azi morosepsep sileñine kude yandime aka Juda ahakmeme tosatñi mi kude wuatangöme.” ’

²² “Mi jimakzeangöra aka göñon kazani, yeñon mi möta miangörenök öröba kambu ketani köla tokobeak. Miangöra nini waimanjat möta mönö denöwö ahinga dop kölbowak? ²³ *Miangöra neñon dölkö keu göhöra jibini, göñon mönö miangö dop akñan. Azi 4:ñan yuai akingö keuñini Anutugören jiba jöjopañ keunön jöhöget. ²⁴ Mi keunön jöhögetmö, monengöra osiba mamböta sutnine ki malje. Miangöra göñon mönö i engömembra yembuk köl könjorat ak anguba yeñgöra aka naluk alnonga dop köli ölop nörop jupñini mitigetka keuñini köhöima. Göñon mewö aka Mosesgö Köna keu tem köla wuatangöba maljani, körek pakpak göhö könañamgi mi törörök eka möt asarime. Mi möt asariba göhöra keu jiget mötkeri, mi ölni kun qahö miwikñagetka omani aiga kömuma. ²⁵ *Göhören keu kömumapmö, kian kantri yeñon Jisös möt nariba uruñini meleñgeri, neñon yeñgöra keu kewö jöhöba kimbi ohoba alin anök, ‘Sömbup busuñi bem lopion yeñgö naluk buña qeba könañine algetka ösumñinan walöñnöhi, mi mönö kude neme. Mewöyök sep me sömbup jölni qequeñi miangö busuñi mi kude neme. Serowilin kude akñe. Yuai kanjamñambuk 4 mi mönö mosöta andö qegetka dop kölma.’ ”

²⁶ Jitñememe yeñon mewö jigetka Polnön azi 4 mi engömembra ahöba wahöta yembuk köl könjorat ak anguget. Ak angugetka jöwöwöl jikenön öngöba azi mohot mohot engöra naluk ala jöwöwöl ohogetka köl könjorat nalöñini tekömawi, miangö nalö buzupñi jii mötket. Mewö.

Jöwöwöl jikegö tohoñ uruñe Pol memba jöhöget.

²⁷ Polnön mi jii mötketmö, silim 7 mi tekömamgö aiga Juda tosatñi Eisia prowinsnöhök kageri, yeñon Pol jöwöwöl jikenön öngöi eket. Eka ambazip kambu körek uruñini kuñgum engiget wahöri Pol qeraköba meget. ²⁸ Qeraköba memba kewö qetket, “Israel ambazip, mönö bauköm neñgiget! Azi kianñon mönö gölmeñi gölmeñi liliköba miri dop kusum enggiba uruñini kewö kuñgum engimakza: Inini pakpak mönö Israel ambazip kambu qetala mem bölim neñgime. Nanine Köna keu mosöta jöwöwöl jikenine lañ öngöba iwilele aka malme. Mewö kusum enggiba malök aka merak Grik azi mi tok wañgita jöwöwöl jikenön öngöiga miri kömbukñi kianñon mönö töwiba kölkölñinñambuk akapuk.” ²⁹ *Mi kewögöra qetket: Efesus azi Trofimus yañon mutuk siti könanön Polbuk ani etkeka kewö mötmoriget: Polnön i wañgiri mohotñe jöwöwöl jikenön öngöbahotpuk.

³⁰ Mewö qetketka ambazipñon enololon aka ösumñinan luluñda kaba tokoba göjupmajup aketka qeburuñ ketani yöhöi siti körek dop kölök. Mewö aiga Pol qeraköba jöhöba jöwöwöl jikenöhök öröba yaigep eta miangörenök jikegö kiripo nañguni pakpak mi miangörenök köla jöhöget. ³¹ Pol jöhöba qebingö kapañ kölgetka buzupñi sehiba Rom yarö kambugö suahö galöm bohonñi yañgö kezapñe keu kewö geiga mörök, “Jerusalem pakpak yeñon karim aka bim qeze.” ³² Mewö möta miangörenök yarö azi kambu tosatñi

* 21:23: Jañ 6.13-21 * 21:25: Apo 15.29 * 21:29: Apo 20.4

suahö galömjnambuk enġuaŋgita luhuba yeŋgöreŋ geget. Gegetka i enġeka Pol qegeri, mi mosötke.

³³ Mosötkeka suahö galöm bohonġan sutrjine anda jim kutuiga Pol memba tapep (muŋgamuŋga) yahötnöŋ jöhöget. Jöhögetka kewö jiba qesim enġiyök, “Azi ki nirja?” aiga “Wania aiga qeze?” ³⁴ Qesim enġiyökmö, ambazip kambunöhök keu murutji murutji melenġa laŋlaŋ qetket. Mewö laŋlaŋ qeta göju megeraŋgöra aka könaŋi törörök mötmamgö osiyök. Mi osiba miangöra jim kutuiga Pol waŋgita yarö azi yeŋgö ain kiripo uruŋe anget. ³⁵⁻³⁶ Waŋgita angetka ambazip kambu ketani yeŋön könaŋine enġuatangöba kaba kewö qetket, “Mönö qeget kömuma. Yapmakek!” Mewö qetkeka yarö azi yeŋgö ain kiripo naŋguŋe aŋgoriga könpuk anda kaba göjupmajup ketani akerangöra aka gwötpuk lömböriyök. Miangöra yarö azi yeŋön Pol memba aŋguba anget. Mewö.

Polnöŋ keuŋaŋgö likepŋi könaħiba melenġa jiyök.

³⁷ Aŋguba kaba yarö azi yeŋgö sel uruŋe öngöbingö aketka Polnöŋ suahö galöm bohonji kewö qesim waŋgiyök, “Ni göhöra keu kun ölop jimam me qahö?” Qesim waŋgiiga möta köŋkuŋ aka jiyök, “O, gi Grik keu mötzan me? ³⁸ Miangöra gi Ijipt azia akzan me qahö? Ijipt azi kunġan uruwale tuarenjoŋ azi timbiŋinambuk 4000 mi eŋololoŋ ak enġiiga Rom gawman tuarenjoŋ aka bim karim könaħiba aka enġuaŋgiri gölme qararaŋkölkölŋe anget. Gi galöm azi mia akzan me qahö?”

³⁹ Mewö jiiga Polnöŋ jiyök, “Ni Juda azia. Ni Silisia prowinsgö taon qetŋi Tarsus mötzani, mönö miangöreŋ aħuba mala koral. Miangöra qesim giħibi: Gi ölop jinöŋga nöŋön ambazip kambu kiengöra keu jibi mötme.”

⁴⁰ Mewö jiiga “Ölop jiman,” jiiga Polnöŋ döpnöŋ kinda ambazip enġöra böro misiyök. Böro misiiga göju mosöta keu bök kingetka Ĥibru keunöŋ keu kewö jii mötke,

22

¹ Polnöŋ kinda kewö jiyök, “Azi alaurupni, nöŋön keugö likepŋi jimami, mi mönö kezap ala mötke.” ² Ĥibru keunöŋ keu jii möta keuŋini körek bököm teköi kingetka toroqeba jiyök,

³ * “Ni Juda azia. Ni Silisia prowinsgö taon qetŋi Tarsus miangöreŋ aħubiga Jerusalem siti kiangöreŋ galöm köl niŋgigetka mala qarial. Mala qariba kota böhi qetŋi Gamaliel yaŋgö keu baŋŋe tatpiga yaŋön Juda ambösakonurupnini yeŋgöreŋ Köna keu aka aħakmeme mi törörök kusum niŋgiiga miangö mötmötŋi möta malal. Merak eŋön körek pakpak Anutugö keu baŋŋe aŋgota kapaŋ köla yaŋgöra bim qeba maljei, nöŋön mönö miangö dop aka malal. ⁴ * Mewö mala ambazip Kembugö könaŋi wuatangöba maljei, mi köndenġa sesewerowero ak enġibiga siħimbölö möta tosatŋan kömuget. Nöŋön ambazipŋi ambazipŋi enġuaŋgita tapepnöŋ (muŋgamuŋga) jöhöba kösö mire al enġial. ⁵ Jike nup galöm bohonji aka jitmeme pakpak yeŋön mi ölop mötze aka yeŋgöreŋ anda qesim enġiinga mi ölop naŋgöba jibeak. Yeŋön Juda azi ipŋi Damaskus sitinöŋ maljei, yeŋöra kimbi ohoba niŋgiget memba malal. Miangöreŋ ambazip Kembugö könaŋi wuatangöba maljei, nöŋön mönö mi mewönaök ‘Likepŋi melenġa enġimegöra gwaröhöm enġiba Jerusalem ki enġuaŋgitmam,’ jiba könanöŋ anal.”

Polnöŋ nanji urumeleŋaŋgö könaŋi jiyök.

Apo 9.1-19; 26.12-18

⁶ “Könanöŋ analmö, Damaskus siti dopdowibiga miangöreŋ yuai kun kewö asuhuyök: Silim bibiŋe miangöreŋ asakmararaŋ ketani kun Suepnöhök wölbilik ewö asuħuba wölaŋ eta turum niŋgiyök. ⁷ Turum niŋgiiga tala gölmenöŋ eta aħöbiga Suepnöhök keu kun kewö asuħui möral, ‘Sol Sol, gi mönö wuanöŋgöra sesewerowero qakŋe al niŋgimakzan?’ ⁸ Mi möta melenġal, ‘Kembu, gi daŋön?’ Mewö melenġa jiyök, ‘Ni Nazaret azi Jišös, sesewerowero qakŋe al niŋgimakzani, nia mönö mi.’ ⁹ Azi nömbuk kaba kingeri, yeŋön

* 22:3: Apo 5.34-39 * 22:4: Apo 8.3; 26.9-11

asakmararaŋ mia eketmö, keu nöngöra jiyöhi, miangö kourukŋi kun qahö mötket. ¹⁰ Mewö jiiga nöjön qesiba jial, ‘Kembu, mönö nöjön denöwö akŋam?’ Jibiga jiyök, ‘Gi mönö döлки wahöta Damaskus sitinöŋ anöŋga Anutunöŋ wani yuaia akŋangö jimawi, mi kunŋan jiiga mötman.’ ¹¹ Asakmararaŋ miangöŋ jeni qeiga janjuŋ aka kinbiga azi nömbuk malgeri, yeŋön böröne memba noaŋgitketka Damaskus sitinöŋ anin.

¹² “Miangöreŋ azi kun qetŋi Anaias malök. Yaŋön Anutu göda qeba Mosesgöreŋ Köna keu törörök wuataŋgöba malök. Miangöra Juda ambazip Damaskus malgeri, yeŋön körek gödaŋi ölopŋi ak waŋgiba malget. ¹³ Yaŋön nöngöreŋ kaba kösutne kinda nöngöra kewö jiyök, ‘Sol alani, jegi mönö kunbuk tohoyök.’ Mewö jiiga aua nalö miangöreŋök jeni tohoiga uba ehal. ¹⁴ Ekiga Anaiasnöŋ jiyök, ‘Göŋön ahakmeme diŋdiŋi solanŋangö Toŋa eknöŋga keu jitŋan jii könömŋi mötnöŋ. Nanine ambösakonini yeŋgöreŋ Anutu yaŋön gi möwölöhöm gihiiga yaŋgö jitsihitŋi möt kutuman. ¹⁵ Gi wani yuai eka mötzani, mönö mi naŋgöba jiba yaŋgö jitŋe memenji aka gölmenji gölmenji ambazip jeŋine dangunu ewö kinda malman. ¹⁶ Mewögöra gi wuanöngöra mambötzan? Mönö wahöta yaŋgö qetŋi qeta köuluköba jinöŋga o melun mem gihiinga siŋgisöndoki saŋgoŋniga solanima.’ Anaiasnöŋ mewö jiyök.”

Misin nup kian kantri yembuk memangöra noholök.

¹⁷ “Damaskus siti mosöta Jerusalem sitinöŋ lilingöba jöwöwöl jikenöŋ köuluköbiga Kembangö alburupŋan (aŋsumbemŋan) nuŋgui kinda imut kun ehal. ¹⁸ Imut miangöreŋ Jisös ekiga nöngöreŋ kaba kewö jiba jii möral, ‘Gi kantri kiangöreŋ nöngö könani aka Buŋa keuni mi kude jiba malman. Mi naŋgöba jinöŋga nesampurek aka andö qeme. Miangöra Jerusalem siti ki mönö ösumok mosöta anman.’

¹⁹ “Mewö jiiga jial, ‘Kembu, yeŋön könaŋamni mötze. Nöjön mutuk liliköba ambazip gi möt narim gihizei, mi köuluk miriŋi miriŋi miangöreŋ öngöba miwikŋaim enggiba jöhöba ihilek wahinambuknöŋ tauköm enggiba tosatŋi kösö mire al enggiba malal. ²⁰ *Göhöreŋ nupbaur azi Stiwönöŋ könagi naŋgöba jiiga qeget sepŋi mokoeri nöjön nalö miangöreŋ mewöyök kösutŋine kinda imbi köla malukuŋini galöm memba kinbiga qeget kömuyök.’ ²¹ Mewö jibiga Kembunöŋ nöngöra jiyök, ‘Nöjön melaim gihizalawa gi mönö köröwen kian kantri ambazip yeŋgöreŋ anman.’ Mewö.”

Romgö yarö azi yeŋön Pol galöm kölget.

²² Polnöŋ keu likepŋi jiyöhi, mi ambazip kambu yeŋön kezap ala mötketmö, (Kembunöŋ kian kantri ambazip yeŋgöreŋ anmamgö jiiga jiyöhi,) keu mi möta miangöreŋök köhöikŋanök silata jiget, “Yapmakek! Azi mewöŋi mi qeget kömuma. Mi gölmenöŋ nembuk malmawangö dop qahö.” ²³ Mewö jiba qeta opo kereŋ qeköba gila (könaŋinan börömböröm tiba) sömsöm urata könakemba laŋlaŋ gilget. ²⁴ Mewö aketka Rom engö suahö galöm bohonŋan jim kutuiga yarö azi yeŋön Pol waŋgita anda yarö azi yeŋgö ain kiripo uruŋe alget. Kiripo uruŋe algetka Juda yeŋön i wanigöra aka göju memba qetzei, miangö könaŋi mötmangöra kewö jim kutuyök, “Inini mönö Pol memba ihilek wahinambuknöŋ qeba qesim waŋgigetka könaŋi aukŋe jii mötpin.” ²⁵ Mewö jim kutuyökmö, Pol memba jöhöba ihilek wahinambuknöŋ qebingö aketka Rom suahö galöm kunŋan kösutŋe kini Polnöŋ kewö jiyök, “Rom mindimindiri gawman yeŋön sel jöhöm niŋgigetka böröŋine maljal. Nöjön miangö (jimkutukutu) paspot memba maljal. Miangöra inini nöngö keuni qahö möta kewöta laŋ jim teköba öne ihilek wahinambuknöŋ nuŋgumei, mi mönö Rom jimkutukutu toŋi yeŋgö jeŋine dop kölma me qahö?”

²⁶ Polnöŋ mewö jiiga suahö galömnöŋ möta miangöreŋök suahö galöm bohonŋi yaŋgöreŋ anda buzup waŋgiba kewö jiyök, “Azi miangöŋ mönö Rom gawmamgö (jimkutukutu) paspot memba malja. Miangöra gi mönö denöwö akŋan?”

* 22:20: Apo 7.58

²⁷ Mewö jiiga suahö galöm bohonjan Polgöreñ anda qesiba jiyök, “Gi ölna Rom gawmangö (jimkutukutu) paspot memba maljan me qahö? Mi jinöñ mötpti.” Jiiga Polnön meleşnök, “Ölna, nöñön mi memba maljal.”

²⁸ Mewö meleşniga jiyök, “Ni moneñ ketani gila Rom mindimindiri gawmangö (jimkutukutu) paspot bohonji membi niñgigetka maljal.” Jiiga Polnön jiyök, “Mi ölöpmö, nöngö iwinan Rom gawmangöreñ paspot memba maliga nöñön yangö nahönñi ahuba miangöreñök qet mi memba maljal.”

²⁹ Mewö jiiga azi qesim wangibingö akeri, yeñön miangöreñök mosöta lilingöba anget. Polnön “Ni Rom gawmangö paspot memba maljal,” jiiga suahö galöm bohonjan mi möta Rom azia gwaröhöm wangiyöhanjöra aka awöwöliba sömbuñi mörök. * Mewö.

Polnön jike kaunsöl kambu yeñgö jeñine kinök.

³⁰ Miri gianjiiga suahö galöm bohonjan wahöta Juda yeñön wuanöñgöra Pol keunöñ al wangiba jigeri, miangö könañi törörök mötmangöra möta jike nup galöm bohonji aka jike kaunsöl kambu pakpak yeñön tokomegöra jim kutum engiyök. Mewö tokogetka jiiga Polgö tapepñi (munğamunğa) pösatketka wangita eta yeñgö jemesoholjine ali kinök. Mewö.

23

¹ Polnön kinda jike kaunsöl kambu mi uba engeka kewö jiyök, “Azi alaurupni, nöñön ahakmemeni pakpak mi Anutugö jemesoholje aka memba malbiga yanön eka ‘Dop kölja,’ jiiga urunangö kezapnan möta ölöwaka kota mala merak ki kinjal.” ² Polnön mewö jiyökmö, jike nup galöm bohonji qetñi Ananias yanön kösutñe kingeri, i jim kutum enjiiga nungulumñe qekötahöget. ³* Qekötahögetka Polnön jii mörök, “Anutunöñ mönö gi qekötahöm gihima. Göñön miri sel tuatñangö dop akzan. Sileñi mundanöñ ohogetka tuatñi akzadmö, uruñi sewön memba injañi akza. Göñön Mosesgö Köna keu memba miangön kewöt niñgiba keuni jim tekömangöra tatzanmö, töndup nangak Mosesgö Köna keu miyök qeba jim kutum enjinöñga nunguze. Mi qahö dop kölja.”

⁴ Polnön mewö jiiga kösutñe kingeri, yeñön jiget, “Gi Anutugöreñ jike nup galöm bohonji mepaqepaik aka gamu qem wangizan me?”

⁵* Mewö jigetka jiyök, “O alaurupni, yanön jike nup galöm bohonji akzawi, mi qahö möta jizal. Buña Kimbigö keu kun kewö ahöza, ‘Gi mönö könagesö kambugahö azi kembuñi kude qesuahöman.’ ”

⁶* Mewö jiyökmö, jike kaunsöl kambu yeñgöreñök tosatñan Sadyusi (Jike nupkö kapañkölköl) pati qekötahögetka tosatñan Farisi (Köna keugö kapañkölköl) pati azia malget. Polnön mi möta miangöra jike kaunsöl kambu yeñgö jeñine keu kewö qerök, “Azi alaurupni, nöñön Farisi azia akzal. Iwinan mewöyök Farisi pati azia. Kömukömuñi yeñön guliba wahötmei, nöñön mewö asuhumapkö al mamböta jörömqöröm aka maljal. Mewö maljalangöra aka keu jakeñe al niñgigetka kewöt niñgiba jize.”

⁷ Mewö jiiga miangöreñök Farisi aka Sadyusi pati miengö sutñine angururuk ahui jike kaunsöl kambu yeñön jula kambu yahöt aket. ⁸* Sadyusi (Jike nupkö kapañkölköl) yeñön kewö jizema, “Ambazip kömukömuñi yeñön kude guliba wahötme. Suep garata qahö malje. Öme aka uña mi qahö malje.” Mewö jigetmö, Farisi (Köna keugö kapañkölköl) pati yeñön keu karöbut miangöreñ qekötahöba miangö dop möt nariba kinjema. ⁹ Kambu yahöt mewö aka qetketka göju ketani ahuiğa Köna keugö böhi tosatñan Farisi kambu yeñgö sutñineyök wahöta könöpñambuk tereñgöba kewö jiget, “Nini azi kiangö bölönamñi kun qahö miwikñazain. Suep garata me uña kunjan keu kutum wasöta yangö uruje ali jibawak, mi mönö denöwö dop köl engibawak?”

* 22:29: Kun Rom gawmangö paspot memba malöhi, mi kösönöñ gwaröhöm wangibepukö songo ahöyök. Kunjan songo mi walöñnök ewö, i mönö keunöñ al wangizema. Miangöra sömbuñi mörök. * 23:3: Mat 23.27-28 * 23:5: Eks 22.28 * 23:6: Apo 26.5; Fil 3.5 * 23:8: Mat 22.23; Mak 12.18; Luk 20.27

¹⁰ Mewö jigetka anggururuk miangön kunbuk könöwiba qariyök. Qariiga awöranjöba Pol likeplikep örögetka anda kaiga mesij taköget. Mewö tandök ahök. Mewö aiga suahö galöm bohonnan miangö kenjötnji möta yarö kambu kun jim kutum enjiiga geba Pol sutñineyök öröba wangita yarö azi yengö ain kiripo uruñe alget.

¹¹ Algetmö, sungem miangören gaun ahöiga Kembunöñ Polgö qöhöröñe kinda kewö jiyök, “Mönö ewebibigabuk aka saitngit malman. Nöñgö könañamni Jerusalem kiangören nanjöba jiba malnöñi, miangö dop mönö Rom sitinöñ mewöyök anda mi nanjöba jim asariba malman.” Mewö.

Pol qebingö angönañ meget.

¹² Kembunöñ mewö jiyökmö, miri gianjiiga miangören Juda azi tosatñan ölöñ tokoba Pol kömumapkö angönañ meget. Yeñön areñ mi alget aka mi jöjöpañ keunöñ jöhöm köhöiba kewö jiget, “Nini Pol kömumapköra mamböta nalö sutñe kiangören nene siñgi malbin. Siñgi mala qein kömuiga miangö andöñe ölöp nene me o kun kunbuk nembin.”

¹³ Azi 40 aka jañgö mi ongitkeri, yeñön mindiriba jöjöpañ keu mi jöhöm köhöiba jiget.

¹⁴ Mi jibagun jitñememe aka jike nup galöm yeñgören anda kewö jiget, “Nini Pol kömumapköra mamböta nalö sutñe kiangören nene siñgi malbin. Polnöñ qahö kömuma ewö, ambazipnöñ mönö ölña qesuahöm nengigetka dop kölma. Miangöra nini mönö mindiriba jöjöpañ keu kewö jöhöm köhöiba maljin: Pol qein kömuiga miangö andöñe ölöp nene me o kun kunbuk nembra malbin. ¹⁵ Miangöra aka inini mönö dölki jike kaunsöl kambu yembuk mohotñe mindiriba suahö galöm bohonnanjören anda keu kewö ala qesime, ‘Nini Polgören keu könañi kunbuk qesiinga jii ölña mötpingö mötzin.’ Mewö tandök aiga qesigetka ölöp Pol wangiriga engören etma. Etpawakmö, könanöñ kaba engören kangotmamangö akñawi, miangören mönö i qein kömumapkö jöjöröba malbin.”

¹⁶ Mewö jigetmö, qein kömumapkö angönañ algerangö buzupñi mi Pol behötñangö kezapñe gei mörök. Mi möta yarö azi yengö ain kiripo uruñe anda Pol taröhanjören öngöba jii mörök. ¹⁷ Jii möta suahö galöm kun qeri kaiga kewö jiyök, “Azi gwabö kianön keu kun memba kazawangöra göñön i ölöp wangita suahö galöm bohonnanjören anöñga keu mi jii mötma.” ¹⁸ Mewö jiiga i memba wangita suahö galöm bohonnanjören anohotka jiyök, “Kösö azi Polnöñ noholi yangören anbiga azi gwabö ki wangita göhören kamapköra qesim niñgiza. Yañön göhöra keu kun memba kaza.”

¹⁹ Mewö jiba aniga galöm bohonnan böröñe memba wangita görañe anda qesim wangiyök, “Gi wani keuya memba kazan?”

²⁰ Qesim wangiiiga jiyök, “Juda jitñememe yeñön keu kun qesim gihibingöra jöhöba göhören kaba kewö jime: Nini Polgö keu könañi törörök qahö möt kömuzin. Miangöra gi ölöp Pol uran wangitnöñga jike kaunsöl kambu yeñgören eriga kunbuk qesim wanginöñga jii könañamñi ölñi mötpin. Yeñön mewö asuhumapköra mötze. ²¹ Mewö kaba jimemö, göñön keu miangö imbi ölöp kude kölman. Juda könagesö yeñgö sutñineyök azi 40 aka jañgö mi ongitkeri, yeñön mindiriba Polgöra kewö jiba mi jöjöpañ keunöñ jöhöm köhöiget, ‘Nini Pol kömumapköra mamböta nalö sutñe kiangören nene siñgi malbin. Siñgi mala qein kömuiga miangö andöñe ölöp nene me o kun kunbuk nembin.’ Mewö jiba göñön imbi kölmangöra mamböta jöjöröba mönöze.”

²² Mewö jiiga azi gwabö mi melaiba kewö jii mörök, “Buzup ki jinöñ mötzali, mi kun kude jinöñ mötma.” Mewö.

Pol wangitketka Sisaria taonöñ anök.

²³ Suahö galöm bohonnan mi möta suahö galömyahötñi etkoholi kayohotka kewö jii mörohot, “Iniri mönö timbi azi 200, hos yarö azi 70 aka lingip yarö azi 200 mi jim kutum enjiyohotka merak sungemgö 9 kilok miangören Sisaria anmegöra jöjöröme.

²⁴ Mewöyök hos tosatñi meköba möhamgöm engiba Pol kungö qakñe ala köyan kölgetka sungem kiangörenök premiö Feliksgören anma.” ²⁵ Mewö jii mörohotka premiögöra kimbi kun kewö ohoyök,

²⁶ “O Öngöñgöñamni sorok premiö Feliks! Klodius Lisias, nöñön jölöñgi jizal.

- ²⁷ “Juda yeñon azi ki memba jöhöba qein kömumapköra aket. Mewö aketmö, Rom mindimindiri gawmangö (jimkutukutu) paspot memba maljawi, nöñon mi möta miangöreñök yarö kambu yembuk kañgota sel jöhöm wañgiba meköba bohonñi jöhöyal.
- ²⁸ Wani keugöra keu jakeñe aljei, nöñon miangö könañi mötmamgö möta wañgita Juda yeñgö jike kaunsöl kambu yeñgö jeñine al wañgial.
- ²⁹ Al wañgibiga keu jakeñe ala nanñini Köna keugö kösawörañ keuñi keuñi miangöra añgururuk aka tuarenjoñ aka jim wañgigetka miwikñaiial. Mi miwikñaiialmö, yuai bölöñi kömumapkö dop me kösö mire alin tatmawañgö dop mi qahö ahök. Yeñon keu mewöña kun qahö jiget möral.
- ³⁰ Mi qahö möralmö, kunöñ yangö buzup keuñi kewö indeli möral: Tosatñan ‘Azi mi qein kömuma,’ jiba añgöñañ alget ahöza. Buzup keu mi möta dölkiañgöreñök melaibiga göhöreñ kaza. Keu jakeñe al wañgibingö mötzei, nöñon i mewöyök jim kutum eñgibiga göhö jemesoholge kañgota keuñini pakpak aukñe jim miwikñaiigetka mötman.”
- ³¹ Kimbi mewö ohoiga yarö azi jim kutum eñgigeri, yeñon keu mi wuatangöba Pol memba wañgita söñaupnöñ miri qetñi Antipatris miangöreñ anget. ³² Anda miri gianjiiga yarö azi hosñinambuk yeñon Pol wañgita köna toroqeba angetmö, timbi azi yeñon nanñinak lilingöba yarö azi yeñgö ain kiripo uruñe kaget. ³³ Yarö azi hosñinambuk yeñon Sisaria taonöñ añgota kimbi mi premiö wañgiba Pol mewöyök yangö jeñe alget. ³⁴ Algetka kimbi oyoñda “Pol mi wani prowinsgöra?” jiba qesiyök. Qesiiga “Silisia prowins azia,” mewö jiget mörök. ³⁵ Mewö jiget möta jiyök, “Keu jakeñe al gihibingö mötzei, yeñon mewöyök kañgotketka miangöreñ ölop qesim gihimam.” Mewö jiba jim kutuiga Pol wañgita kiñ Herodkö jakömbuak mirigö kiripo uruñe ala jegalöm mem wañgiget. Mewö.

24

Pol keunöñ algetka premiö Filiksgö jeñe kinök.

¹ Wehön nup memeni 5 teköiga jike nup galöm bohonñi qetñi Ananias yañon jitñememe tosatñi aka loya (Köna keugö mötmöt azi) qetñi Tertulus yembuk aitongöba Sisaria taonöñ geba premiö Filiksgö jeñe öngöba Pol keu jakeñe albingö keuñi jiget mörök.

² Mi möta Pol köl öröi kañgori loya Tertulusnöñ könahiba Polgö sileñe keu ala premiögö jemesoholñe keu kewö jiyök, “O Filiks, göñon galöm köl neñgiba malnöñi, nini nalö miangöreñ luai ketañi möta guñböñjönjön malin. Göñon ölopñanök köyan köla jim kutum neñginöñga malmal tatatnini likeplikep möhamgögetka kantri kianñon uteköba wahöri ölöwakzin. ³ O ketañamnini Filiks, nini mi miri dop ölopñanök möt kutuba göhöra söñgaiba kilik-kalukñi kun qahö möta saiwap jim gihizin. ⁴ Saiwap jim gihizimmö, nöñon keu köröpñi jibi ölan göhöbapuköra kewö qesim gihizal: Nini keu memba kainga kötoñanök jimami, mi mönö neñgöra ak gihiiga kezap ala mötman.

⁵ “Nini azi kiangö könañi kewö eka miwikñainin: Yañon kegwek-kahasililiñ azi keñgöt kotkotñambuk akza. Yañon gölmeñi gölmeñi liliköba Juda ambazip uruñini esiba kuñgum eñgiiga karimñi karimñi miri dop asuhugetka göjupmajup qeta alakze. Tosatñan tuaköpek aka Nazaret azi kungö qetñe pati aljei, yañon mönö yeñgö ketañamñina akza. ⁶ Yañon jöwöwöl jike mi mewöyök kapañ köla mem töwiba memba et almamgö ahök. Miangöra nini i memba jöhöin. Nini keuñi kewöta nanine Köna keu wuatangöba jim teköbingö mörin. ⁷ (Mi mörinmö, suahö galöm bohonñi Lisias yañon yarö azi yembuk kaba kukösum ketañi miangön könöpuk börönineyök meköba wañgitket.* ⁸ Wañgita keu sileñe ala jim wañgizei, i göhö jemesoholge kañgotmegöra jim kutum neñgiyök.) Göñon nangak qesim wañginöñga könañi indela jima. Mi jiiga keu

* 24:7: Keu sel uruñe ahözawi, mi mötmöt ambazip yeñon kewöta Luknöñ mi könakönañiñe ohoyök aka tosatñan mi qahö ohoyök, mewö jigetka uruyahötñambuk akza.

memba kazini, miangö ölñi pakpak ölöp aukñe asuhuiga mötman.”⁹ Mewö jiiga Juda ambazip yeñon mewöyök “Keu pakpak mi ölña,” jiba imbi köla mi nangöba toroqeba silene ala jim wangiget. Mewö.

Polnön keu likepni melepni Filiksnön mörök.

¹⁰ Pol jim wangigetka premiönön keu jimapköra böröjopañ kunguiga kewö melepna jiyök, “Göñon (yara) yambu gwötpuk ambazip kambu kiangö jimtekötekö toni aka malnön mötzal. Miangöra nöñon keunangö likepni mi göhö jege awösamkakak jimam.¹¹ Nöñon uruwale Anutu waikñi memba möpöseimamgöra Jerusalem sitinön öngöyal. Mi wehön 12 miyök teköiga merak ki kinjal. Nangak qesim engibanak ewö, mi ölöp nangöba jime. ¹² Nöñon jöwöwöl jikenön me köuluk miri kungen öngöba azi me ambi kunbuk goranora (noragora) keu jiba jitnakölik akiga mewö qahö miwikñaim ningiget. Siti uruñe köna me sombem kunön ambazip uruñini kungubi öloköba liliköm ningigeri, mewö qahö neket.

¹³ “Mewö qahö neka dölki keu silene ala jim ningizei, yeñon miangö ölñi kondel gihibingö osize. Keu omañi jize. ¹⁴ Mi osizemö, keu kun mi ölña jim miwikñaim gihimam: Yeñon Nazaret pati qetñi qetzei, nöñon mönö miangö köna wuatangöba mala nanine amböskonurup yeñgöreñ bem Anutu mi waikñi memba möpöseimakzal aka Mosesgöreñ Köna keu aka kezapqetok yeñgöreñ Buzup Kimbi miangöreñ keu ohoget ahözawi, mi pakpak möt narim köhöizal. ¹⁵ Anutunön ambazip diñdiñi aka goñgoñi mi körek pakpak mem gulim engii kömupnöñök wahötmei, Juda azi kieñon miangöra mambötze. Nöñon yembuk toroqeba örörön kinda mewö asuhumapköra jörömqöröm aka mamböta maljal. ¹⁶ Mewö mala Anutu aka ambazip jeñine diñdiñi kinbiga Anutunön keuni nangöba jiiga urunangö kezapñan mörakzal. Jönömnan qahö unduza. Mönö sarakñi aka malmamgöra nalö dop kapañ köla köhöiba malakzal.

¹⁷ * “Nöñon kungen malbiga (yara) yambu tosatñi teköi lilingöba miri tosatñi yeñgöreñök kalem memba uruwale kayal. Mewö kaba ‘Mi nani könagesöurup wanapñi yeñgöra mendeñ engimam,’ jiba Anutugö jöwöwöl ohoba naluk al wangimamgöra Jerusalem öngöyal. ¹⁸ Miangöreñ öngöba köñ köñjorat ak anguba solanñi mala jöwöwöl jikenön öngöyal. Yuai mi ohoba Anutu al wangibiga miwikñaim ningiget. Miwikñaim ningigeri, miangöreñ ambazip tosatñan qahö kaba liliköba öloköm ningiba göju meget. ¹⁹ Juda ambazip tosatñan Eisia prowinsnöñök kaba jikenön öngöba nekeri, yeñon mönö dölki göhö jege kiangöreñ kangota kinda keu kun ahöm engibawak, mi aukñe silene ala jim ningigetka dop kölbawak.

²⁰ “Me jike kaunsöl kambu yeñgö jeñine kinda keu jiali, mi wani Köna keu oñgita pinjit akiga keu jakeñe alalgö keuni miwikñaiget? Azi ki tatzei, yeñon mönö mi jigetka dop köлма. ²¹ * Nöñon yeñgö sutñine kinda keu mohok-kun jiba töhöreñ qetpiga lömböriyök. Köpösihit mewö kun ahal me qahö? Mi denöwö kewötket ahöza? Keu kewö qeta jial, ‘Kömukömuñi yeñon guliba wahötmei, nöñon mewö möt narizalangöra aka keu jakeñe al ningigetka merak keuni kewöta jim teköm ningibingö akze.’ ” Mewö.

Polgö keuñi qahö jim teköba kösö mire alget.

²² Polnön mewö jiiga premiö Filiksnön Jisösgö könañi wuatangöba maljei, miangö könañi ölöp möt soroköba Polgö keuñi kemañe kutuba kewö jiyök, “Suahö galöm bohonñi Lisiasnön kangoriga nalö miangöreñ Polgö keuñi jim tekömam.” ²³ Mewö jiba suahö galöm jim kutuiga Pol qahö jöhöba öne jegalöm meiga kösö mire tarök. Tinitosolomurupñan Pol köyan köla yuai osiyöhi, mi memba wangimegöra qahö qetal engiyök.

Polnön keuñi jiiga Filiks aka Drusila mörohot.

²⁴ Wehön tosatñi teköiga Filiksnön anömñi qetñi Drusila, Juda ambi mi wangita kayohotka Polgöra keu ali kaiga keuñangöra kezap ali Kraist Jisös möt narim wangibingö

* 24:17: Apo 21.17-28 * 24:21: Apo 23.6

kōnaŋi jim asariiga mörök. ²⁵ Mi mörökmö, Anutugö keu tosatŋi toroqeba eraum mötketka lömböriyök. Polnōŋ Anutugö jeŋe solanibingö kōnaŋi jim asariba nanine ahakmemenini galöm köl aŋgubingöra jiyök aka Anutunōŋ nalö kun ali miangöreŋ kewöt neŋgiba keunini jim tekömawi, keu karöbut miangōn uruŋi kuŋguyök. Polnōŋ keu mewōŋi jiiga töwōratiba bök qesiŋda jiyök, “Yapmakek! Muat mosōtnōŋ. Dölki ölop mosōta anōŋga nalö kun mötŋi dop kölmawi, miangöreŋ ölop kunbuk köl öröm gihibi kaman.” ²⁶ Mewö jiba töndup toroqeba Pol nanŋi töwaya moneŋ waŋgimapkōra mötmōriyök. Mewö al mambōta jörömqöröm aka sömaŋi gwōtpuk köl öröm waŋgii kaiga keukeu jiba tarohot.

²⁷ Polnōŋ kōsō mire tari (yara) yambu yahöt tekōyök. Mi tekōiga azi qetŋi Porsius Festus yaŋōn Filiksgö undumŋa premiö akŋamgö ahök. Mewö aiga Filiksnōŋ Juda ambazipnōŋ nek sorimegöra möta Pol qahö pōsari kōsō mire toroqeba tarök. Mewö.

25

Polnōŋ premiö Festusgö jeŋe keu likeŋŋi jiyök.

¹ Festusnōŋ premiö aka prowins uruŋe aŋgota tariga wehōn karöbut tekōiga Sisaria taon mosōta Jerusalem sitinōŋ öŋgōyök. ² Öŋgōiga jike nup galöm bohōŋŋi aka Juda jitŋememe yeŋōn jemesoholŋe kaŋgota Pol keu jakeŋe albingö jiba arōŋda kinget. ³ Arōŋda kinda kewö jiba uletket, “O premiö, göŋōn ölop neŋōn möringa dop kölmapkōra jim tekōnōŋga keu algetka Pol waŋgita Jerusalem sitinōŋ ki kame.” Yeŋōn mutuk keu kewö jöhōba jiget, “Polnōŋ kōnanōŋ kaiga miangöreŋ mönō qein kōmuma.” Mewö jiba jöjörōba mönögeraŋgöra kaba uletket. ⁴ Mewö uletketmö, Festusnōŋ kewö meleŋ eŋgiyök, “Pol mi Sisaria taongö kōsō mire tari galöm kölje. Ni nanak nalö kude kōriiga miangöreŋ lilingōba anmamgö mötzal.” ⁵ Mewö jiba toroqeyök, “Miangōra azi miangōn bölōŋi kun akawak ewö, ölop eŋgö jitŋememeurup tosatŋan nömbuk Sisaria geba miangöreŋ keuŋini sileŋe ala jim waŋgigetka mötmam.”

⁶ Mewö jiba wehōn 8 me 10 miangö dop Jerusalem sitinōŋ yembuk mali tekōiga lilingōba Sisaria taonōŋ geyök. Geba ahōba wahōta miangöreŋök keu jimtekōtekögö dum tatatŋe tata jim kutuiga Pol waŋgita kagetka jeŋe kaŋgota kinök. ⁷ Polnōŋ kaŋgota kiniga Juda jitŋememe yeŋōn Jerusalem sitinōhök kageri, yeŋōn liliköm waŋgiba kinda kazik qakŋe keu bölōŋi gwōtpuk sileŋe ala jiget. Mi jigetmö, keuŋinaŋgö ölhŋi mi kondelbingö osiget. ⁸ Kazik keu öne jiba kingetmö, Polnōŋ mi qeapköba kewö jiyök, “Nōŋōn yuai bölōŋi kun qahö ahal. Juda neŋgöreŋ Kōna keu qahö qetalal. Jöwöwöl jike qahö mem töwial aka Rom sisa kiŋgöreŋ keugöra tuarenjoŋ qahö ahal.”

⁹ Mewö jiiga Festusnōŋ Juda yeŋōn nanŋaŋgö mötket öŋgōmapkö möta Pol kewö qesim waŋgiyök, “Silenōŋ alal keu ki jizei, gi ölop miangö likeŋŋi mi Jerusalem öŋgōba miangöreŋ nöŋgö jemesoholne kinda jiman me qahö?”

¹⁰ Qesim waŋgiyökmö, Polnōŋ jiyök, “Rom sisa kiŋnōŋ jim kutuiga keu jake ki kuŋgugera ki kinbiga kewöt niŋgiba keuni jim tekōnōŋga dop kölma. Ni Juda ambazip yeŋgöra bölōŋi kun qahö ahal. Mia nangak ölop möt yakōzan. Mönō Wuanōŋgöra kunbuk yeŋgöreŋ anbileŋjak? ¹¹ Bölōŋi kun qahö ahalmö, Kōna keu kun qösökōba yuai kun ak böliba miangōra kōmupkö buŋaya akileŋjak ewö, ‘Nōŋōn kōmumbileŋbuk,’ jiba qahö öloh kölma anmam. Mi qahōpmö, yeŋōn kazik keu öne töhōntöhōn jiba keuŋinaŋgö kōnaŋi kondelbingö osize ewö, keu omaŋaŋgöra aka kuŋŋan nömimba yeŋgö börōŋine almapkö osima. Rom sisa kiŋnōŋ mönō keuni mindiŋgōba jim tekōi diŋgima. Miangōra nöŋōn mönō yaŋgö jeŋe anmamgö köhōiba qesizal.”

¹² Mewö jiiga Festusnōŋ jembonurupŋi yembuk qambaŋ keu jaruba kewōta kewö meleŋ waŋgiyök, “Gi sisa kiŋgöreŋ anmamgö möta qesizani, miangōra mönō ölop Rom anda yaŋgö jeŋe kinman.” Mewö.

Polnōŋ kiŋ Agripagö jeŋe kinök.

¹³ Wehön tosatni teköiga kin Agripa aka nenji Bernaisi yetkөн Festus eka gödanjiri kondelbitkөra Sisaria taonөn kayohot. ¹⁴ Kaba miangөreн wehön gwөtpuk malohotka Festusnөn Polgөreн keu mi kinbuk eraum möta kewө jiyөk, “Filiksnөn azi kun qahө pösari kösө mire kiangөreн tata malja. ¹⁵ Nөnөn Jerusalem anbiga Juda yengө jike nup galөm bohонnini aka jitnememeurupninan nөngөreн kangota kewө qesim ningiget, ‘Nini azi miangө keu memba kainga göнөn mönө ölop yangө könanji kewөta keunji jim tekөman.’

¹⁶ “Mewө qesim ningigetmö, nөnөn yengөra kewө jibiga mötket, ‘Rom gawman nengөreн köna mi kewө: Kungө sileңe keu bölөni ala jizei, nini ambazip kun yangө keunji mi laң kude jim tekөmakzin. Mutuk örөba keu jakeңe alin kazikurupnjan kagetka likeplikеп örөрөң arөңda kingetka keu sileңe ala jim wangigetka likepni ölop jima. Keu likepni jiiga mi kewөta ölnji ahuiga miangө dop ölop keunji jim tekөmakzin.’ ¹⁷ Yeңөn ki kaba tokogetka nөnөn nalө qahө köriiga ahөba wahөta miangөreңөk jimtekөtekөгө dum tatatңe tata jim kutubiga azi mi wangita kagetka nөngө jene kangorök.

¹⁸ “Kangorөkmө, keu memba kageri, yeңөn lilikөm wangiba arөңda kinda keu sileңe ala jim wangiget. Mewө aketka yuai bölөni kötөkñi kun akawak, mewө jimegөra mamböralmö, keu mewөni kun qahө jiget möral. ¹⁹ Mi qahө jiget möralmö, salupñe azi mi qetala nanñini mötnaripñinanangө keu kembani tosatni aka azi kun qetñi Jisös yangөra angururuk aket. ‘Jisösnөn kömuyөk,’ jigetmö, Polnөn ‘Guliba malja,’ jiba kapan köla köhöiyөk. ²⁰ Mewө jiba kazik algetka nөnөn ‘Keu mewөni mi denөwө kewөtpileñak?’ jiba köna jaruba uruyahöt möral. Mi möta kinda kewө qesim wangial, ‘Silenөң alal keu jizei, gi ölop miangө likepni mi Jerusalem öngөba miangөreн jibanak me qahө?’ ²¹ Qesim wangialmö, Polnөn Öngөngөñammnanangө jeңe anmamgө kapan köla kewө qesiyөk, ‘Mönө jinөңga galөm köl ningigetka sisa kinğөreн anbiga keuni mindingөiga dingima.’ Mewө qesiiga wahip azi jim kutum engibiga galөm kölgetka tatza. Bian melaim wangibiga sisa kinğө jemesoholñe anma.”

²² Festusnөn mewө jiiga Agripanөn jii mörök, “Nia kun azi miangөn keunji jii mötmamgө sihimñi mötzal.” Jiiga meleñnök, “Urangun ölop keunji mötman.”

²³ Mewө jiiga ahөba wahөtketka kantrigө jembon, suahө galөm ketanji aka jitnememe öngөngөñi yeңөn kaba Agripa aka Bernaisi yetkөra jura sorom jölnjire uta sösөңgai liñet köla köl örөm etkigetka keugө jake miri öngөngөñi miangө uruñe angotket. Festusnөn jim kutuiga Pol wangitketka miangөreн kangorök. ²⁴ Polnөn kangoriga Festusnөn wahөta kinda kewө jiyөk, “Kin Agripa aka azi ketanji pakpak nembuk ki tatzei, inñini mönө azi ki eket. Juda ambazip kambu pakpak yeңөn yangөra aka uruni kunguget. Sisaria taon kiangөreн aka Jerusalem siti miangөreн ölnja keunөn kungum ningiba qet gigilahөba kewө jiba malget, ‘Azi kianөn gölmenөn malmawangө dop qahө. Mönө yapmakek!’

²⁵ “Mewө qeta malgetmö, nөnөn kewөtpiga yuai kun kömupkö buña akñawangө dop mi qahө ahök. Nөnөn könanji mewө miwikñaiiba ehalmө, nanñak Rom Öngөngөñammnanangө jeңe ani keunji mindingөiga dingimapkөra kapan köla qesiyөk. Miangөra keu jöhөba melaibiga Rom anma. ²⁶ Rom sitinөn anmapmö, yangөreн keu mi denөwө ohoba Rom azi kembunangөra albi anawak? Yangөra keu laң jizemө, keu könanjambuk kun mi törөрök qahө möt asarizal. Miangөra jibi wangita kaba kin Agripa göhö jege aka inñini tosatni kinğө andөңe ki tatzei, engө jemesoholñine algetka kinja. Inñini ölop böroñan memba keunji kewөtketka ölnji asuhui mönө mi möta ölop kimbinөn ohobileñak. ²⁷ Azi kun kösөнөң jöhөba keu jakeңe alalgө keunji denөwө jizei, mi aukñe jibingө osiba töndup öne melaibinbuk. Silik mi nөngө mötmөtnөң kezapjupjup tandök ewө akza.” Mewө.

26

Polnөn keuñangө likepni kin Agripagө jeңe jiyөk.

¹ Mewө tatketka kin Agripanөn Polgөra jiyөk, “Gi ölop nangahө keu likepni jinөңga mötpi.” Mewө jiiga Polnөn kinda böro kutum wangiba nanñi keunji angөн köla kewө könahiba jiyөk,

²“O kiŋ Agripa! Juda jitnememe yeŋön keu silene ala jim niŋgizei, nöŋön keu pakpak miangö likepŋi mi merak ölop göhö jege aukŋe jimamgö simbawoŋ mötzal. ³Göŋön Juda neŋgöreŋ ahakmeme aka aŋgururuk keunini pakpak mi törörök möt yaközan. Miangöra nöŋön ölna simbawoŋ mötzal. Mewö aiga qesim gihizal: Keu jimami, mi ölop möta mökösoŋda kezap alman.

⁴“Nöŋön Juda ambazip kambu uruŋe ahuba könakönahineyök könahiba nani kantri ki aka sitinini Jerusalem miangöreŋ mala koral. Miangöra Juda ambazip pakpak yeŋön malmalni gwaböneyök denöwö kota malali, mi ölop möt kutuze. ⁵*Yeŋön könajamni nalö köröpŋi möt kutuze. Sihimŋini ahöi mi ölop kewö naŋgöba jibeak: Nanine jike nup uruŋe Farisi pati neŋön asa yeŋgöreŋ jike mötmöt mi törörök kötökŋi wuatangöba maljin. Nöŋön mutuk yeŋgö kambu patinöŋ aŋgota Köna keu kapaŋ köla wuatangöba malal. ⁶Anutunöŋ ambösakonurupnini yeŋgöra jöhöjöhö keu alöhi, nöŋön miangö ölni ahumapköra al mamböta jörömqöröm aka maljal. Miangöra aka merak keu jakeŋe al niŋgigetka kinjal.

⁷“Nanine Israel ambazip kambu 12 neŋön körek pakpak jöhöjöhö keu miangö ölni asuhumapköra mambörakzin. Mi mamböta jörömqöröm aka qösösök (qörörök) suŋgem asak Anutu waikŋi memba möpöseimakzin. O Öŋgöŋgöŋamni, nöŋön jörömqöröm mewö ahakzalaŋgöra Juda jitnememe yeŋön keu bölöŋi bölöŋi silene ala jim niŋgimakze. ⁸Anutunöŋ ambazip kömukömuŋi mem gulim eŋgii wahötmei, iŋini mi mönö denöwögöra aka qahö möt narize?

⁹*“Nanak mewöyök kewö mötmöriba malal, ‘Ni Jisös Nazaret azigö qetbuŋaŋi saŋgolbi qahöwakŋapköra bim gwötpuk qemamaŋgö dop akzal.’ Mewö mötmöriba kazik aka malal. ¹⁰Kazik aka Jerusalem miangöreŋ ölna bim qeba malal. Jike nup galöm bohonŋi yeŋön nam köl niŋgiget jim kutubiga Anutugö ambazip sarakŋi mi gwötpuk eŋgömembra kösö mire al eŋgiget aka tosatŋi kömumegö keu jigetka nöŋön mewöyök keu mi kötöngöba imbi köla (wout ala) malal. ¹¹Nalöŋi nalöŋi liliköba köuluk miri dop böröjaŋ mem eŋgibiga uruŋini meleŋgeri, mieŋön asuhuget. Asuhugetka Jisös qaŋ köla ilit waŋgimegöra kuŋguba töhöreŋ öröm ureim eŋgial. Mewö ak eŋgibiga ihileknöŋ könöpuk tauköba eŋgugetka sihimbölö kahasililiŋ möta malget. Urunan könöp jem sölöŋgöiga sesewerowero ak eŋgimangöra köröwen kötökŋi kian kantrigö sitiŋi sitiŋi miangöreŋ anda malal.” Mewö.

Polnöŋ uruŋi meleŋnöhanöŋ kösohotŋi jiyök.

Apo 9.1-19; 22.6-16

¹²“Kaisilik mewö aka malbiga nalö kunöŋ jike nup galöm bohonŋi yeŋön nömbuk urumohot aka nam köl niŋgigetka Damaskus sitinöŋ anmamgöra könanöŋ anal. ¹³O Öŋgöŋgöŋamni, nöŋön könanöŋ anbiga silim bibiŋe miangöreŋ Suepnöhök asakmararaŋ kun wölaŋ erök. Eta wölbilik ewö asuha wehön jeŋi oŋgita asariiga ehal. Asak miangön mönö ni aka azi nömbuk anini, nini turum neŋgiyök. ¹⁴Turum neŋgiiga körek tala gölmenöŋ eta kölin. Eta köla ahöinga nöŋgöra keu kun kaiga Hibru keunöŋ kewö jii möral, ‘Sol, Sol, gi wuanöŋgöra sesewerowero ak niŋgizan? Gi mönö bulmakau aziŋi ewö akanbuk. Toŋan gölme mözözamgömapköra bulmakau aziŋi kinöŋnöŋ jöhöi ösöŋ öröiga dop köljapmö, laŋ öröba könöpuk yaköriba öröm ureiiga kerösuap jitŋan uiga sihimbölö mörakza. Gi mönö miangö dop laŋ luhuba nangi könisemgi öne töhöŋ kutubanbuk.’

¹⁵“Mi möta qesial, ‘O Kembu, gi daŋön?’ Qesibiga jiyök, ‘Ni Jisös sesewerowero qakŋe al niŋgimakzani, mönö mia akzal. ¹⁶Mi akzalmö, ölop wahöta kinöŋ. Ni aka yuai ekzani aka könajep toroqeba asuha kondel gihimami, mi mönö naŋgöba jiba dangunu ewö kinda nöŋgö jitnemememi aka weleni qeba malman. Gi nup mi memba malman. Nöŋön miangöra aka asuhum gihizal. ¹⁷Nöŋön mönö nangi Israel ambazip kambu yeŋgö böröŋineyök meköm gihimam aka kian kantri ambazip yeŋgöreŋ melaim

* 26:5: Apo 23.6; Fil 3.5 * 26:9: Apo 8.3; 22.4-5

gihibiga anmani, yeñon guhubepuköra mewöyök galöm mem gihimam. ¹⁸ Nöñon melaim gihibiga anda ambazip jeñini metohonönga uruñini melenja söñaupnöhök asakñe kañgotme. Jeñini tohoiga imbiñini melenja Satangö kukösumnöhök lolohoba Anutugö sel uruñe kame. Mewö kaba möt narim niñgigetka siñgisöndokñini sañgoñda mosötmmam. Mosötpiga Anutunöñ alaurupñi tök kutum enñiiga sarakñi akzei, mönö yeñgö sutñine añaota dum tatatñini memba oyaenköyaen aka malme.' Jisösnöñ mewö kutum nuasöta jiyök."

Polnöñ urugö nupñangö kösohotñi jiyök.

¹⁹ "O kiñ Agripa, Jisösnöñ mewö jiiga nöñon Suepnöhök jemelen imut eka könañi möta mi köyatiba malmangö mötpiga osiyök. Miangöra nöñon imut miangö keuñi mi tem köla nup memba malal. ²⁰ *Mi tem köla liliköba Buña keu kewö jim sehiba malal: Inñini mönö uruñini melenja Anutugöreñ lilingöba kaba uru melengerangö öñi mi ahakmemeninan kondela malme. Buña keu mi mutuk Damaskus aka Jerusalem siti yahöt miangöreñ maljei, yeñgöra jim asariba malal. Miangö andöñe Juda kantri pakpak yeñgöra jial aka kian kantri yeñgöra jiba uruñini kuñguba malal. ²¹ Könañi miangöra aka Juda ambazip tosatñan jöwöwöl jikenöñ öngöba miangöreñ qeraköba nömmimba kapan köla köhömuñi nuñgubingö aket.

²² "Mewö aketmö, uruni melenjalangöreñök mala kotpiga Anutunöñ bauköm niñgiba maliga nalö kewöñe toroqeba ölop maljal. Baukbauk miangöra aka ki kinda öngöngöñi aka eretñi enñgö jeñine keuni ki jizal. Moses aka kezapqetok ambazip yeñon yuai asuhumapkö jigeri, nöñon mönö yeñgö keuñini miyök törörök wuatangöba keu kewö nangöba jizal: ²³ *Anutunöñ areñ ali Amötqeqe Toñi Kraist yañon sihimbölö möta kömumba azi mutukñi kömupnöhök wahötma. Wahöta Anutu asakñangö könañi mi Juda kambu neñgöra aka kian kantri yeñgöra indela jim tuarim enñgiba malmangö jiyök."

²⁴ Polnöñ keuñangö likepñi mewö jiiga premiö Festusnöñ terengöba keu kembaje kutuba jiyök, "Pol, gi kahapmahap akzan. Papia miriñi miriñi miangöreñ öngönöñga mötmötkan sehiba nöropsohop mem gihii maljan."

²⁵ Mewö jiyökmö, Polnöñ melenñök, "O kembu sorokni Festus, nöñon nöropsohop qahö akzal. Keu jizali, mi mötkutukutu keu öñja akza. ²⁶ Kiñ Agripanöñ keu kiangö könañi möt soroköza, mewö mötzal. Yuai pakpak mi tölapñe wangöm kunöñ qahö asuhuyök. Miangöra keu buzupñi pakpak mi mönö kiñgö kezapñe gei möt teközawi, mewö möt köhöizal. Miangöra nöñon keuni ki ölop awösamkakak qakñe kinda jibiga mötzan. ²⁷ O kiñ Agripa, Juda azi gi kezapqetok yeñgöreñ Buzup Kimbigö keuñi möt narizan me qahö? Mi möt narizan, mewö mötzal."

²⁸ Polnöñ mewö jiiga Agripanöñ melenja jiyök, "O Pol, göñon nalö töröptökñi kiangöreñ uruni kuñgunöñga nöñon uruni melenja Kraistkö alañi akileñakgö mötzan me? Mewö mötmörizan me?"

²⁹ Mewö jiiga Polnöñ melenñök, "O kiñ, keu köröpñi me kötoñi jibileñak, mi muatmö, göñonök qahöpmö, döлки keuni kezap ala mötzei, körek enñon mewöyök Kraistkö alaurupñi akñegöra urusihimnan möta kewö köuluközal: O Anutu, uruñini meñ enñinöñga nöñon ki maljali, mönö miangö dop akñe. Tapep (munğamunğa) miyök al enñimapköra qahö köuluközal."

³⁰ Mewö jiiga kiñnöñ wahöriga premiö aka Bernaisi yetkön mewöyök wahörohot aka yembuk tatkeri, yeñon körek wahötket. ³¹ Wahöta mosöta angetka azi ipñan nanñinök eraum möta kewö jiget, "Azi kianön bölöñi kun qahö aiga wuanöñgöra mönö gwaröhöm wangiget? Yañon kömupkö buña akñawangö dop qahö akza, mi mötzin." ³² Mewö jiba eraum möta Agripanöñ Festusgöra jiyök, "Sisa kiñgöreñ anbiga keuni mindingöi diñgimapköra qahö kapan köla qesiba jibawak ewö, mönö ölop pösaringa gebawak." Mewö.

* 26:20: Apo 9.20, 28-29 * 26:23: Ais 42.6; 49.6; 1 Kor 15.20

27

Pol wanjenöy algetka könahiba Rom anök.

¹ Azi ipni yejön nenjöra keu kewö jöhöget: Nini wanjenöy öngöinga luhutnöy nanjöi Itali kantrinöy anbin. Keu mewö jöhögetka Pol aka kösö miri azi tosatni mi suahö galöm kun qetji Julius yangö böröje al engiget. Julius yanön yarö kambu bahöni kun qetji “Rom sisa kingö yarö kambu” qetkeri, miangörej yarö azi 100 yengö galömñina malök.

² Miri kun qetji Adramitium miangörejök wange kun kaba Eisia prowinsgö köwet jitji mötöteiba wange döpnji mohot mohot miangörej anmapkö aka jöjöröyöhi, miangörej öngöin. Öngöinga opo seri öröba mörörengögetka luhutnöy nanjöi köwetnöy anin. Masedonia prowinsgö siti qetji Tesalonaika miangörejök azi kun qetji Aristarkus yanön sungurumnini aiga mohotje anin.

³ Anda ahöm wahöta miangörej Saidon mire angorin. Angoringa Juliusnöy Pol ala ak wangiba jim teköiga wange mosöta alaurupni yengörej anda engehiga wani yuaigöra osiyöhi, mi bauköm wangiget. ⁴ Miangörejök kunbuk köwetnöy aninga luhutnöy köna anbin jiini, miangörej görökenök qeba gilöhangöra lömböriiga toroqeba gölme jölanji qetji Saiprus miangö tölapje geba qöhöröngöba mötöteiba anin. ⁵ Aninga luhutnöy nanjöi köwet kutuba Silisia aka Pamfilia prowins yahöt mi etkongita Lisia prowinsgö siti qetji Maira miangörej angorin. ⁶ Angota miangörej suahö galömninan wange kun miwikñaiyök. Wange miangön Ijptkö siti qetji Aleksandria miangörejök kaba Itali kantrinöy anmamgö aka jöjöröyök. Mi miwikñaija jim kutum nenjiiga miangörej öngöin.

⁷ Öngöba köwetnöy aninga luhutnöy ölop qahö nanjöi wehön gwötpuk mi ösöjösöj anda malin. Mewö malin teköiga miangörej kupuk-kapak aka köwet miangörej Nidas taon kösutje angorin. Kösutje angoringa luhut köhöikñanök gila miangörej göröken toroqeba anbinangö könaji jöhöyök. Jöhöiga lömböriiga Krit gölme jölanjangö jitji köröpni qetji Salmone mi ongita anda gölme jöhanjangö tölapje geba qöhöröngöba mötöteiba anin. ⁸ Köwet jitji dowe mötöteiba osikosibuk anda mala Lasea taon kösutje miri qetji “Wange surusuruñi eksihimñambuk, Fair Hafens” qerakzei, miangörej angorin.

⁹ Miangörej angota nalö köröpni mösöhöba malin. Mewö malinga singisöndok sanjonsangongö kendonji qetji Yom Kippur* miangö nalöñan teköiga luhutqece nalöñan lök kam kungui angorin. Luhutqece nalöje ambazip köwetnöy anda “Ayuhububuk,” jiba wanjenini jöhözema. Miangöra Polnöy galöm meme keu kun kewö jii mötket, ¹⁰ “Aziurup, nini köwet qakje toroqeba anbinbuk. Mönö kupuk-kapak qakje anda ayuayuhu miwikñabinbuk. Wanjenini raidimbomnöy qei jömgöiga sukinapni genmororöy öngöngöñi aiga naninak mewöyök kömumbinbuk. Miri tandökñan mewö ahiga ekzal.”

¹¹ Galöm meme keu mewö jiyökmö, suahö galömninan Polgörej keu mi qetala wange toni aka stia (möñaqöñai lökuat) galömni yetkön “Ölop anbin,” jiyohori, suahö galömninan keunji mi möt nariyök. ¹² Miri qetji “Wange surusuruñi eksihimñambuk” miangö wange döpnji mi luhutqece nalö tatatkö dop qahö ahök. Miangöra aka azi gwötpukñan anbingö keu kötöngöba kewö jiget, “Ki tatpingö ölan nenjöhöza. Ölop opo seri öröba mörörengögetka köwetnöy anbin. Anda kapañ köla mala köna ahuiga Finiks wange döpnöy angotpinak. Miangörej angota luhutqece nalö ki ölop tata malin teköma.” Wange döpnji qetji Finiks mi Krit gölme jölanji miangö jitje wehön gegeni göröken ahöza. Mewö.

Raidimbomnöy köwet meiga böliyök.

¹³ Anbingö keu mewö jigetka luhutnöy ösöjösöj könahiba Saut görökenök gilök. Giliga “Ölop anda arejnini wuatangöba Finiks ekin,” jiba mötmöriba kinda wanggegö

* 27:9: Yom Kippur sösongai kendon mi Septembe teteköje me Oktobe könakönahiñe alakze.

kösö mendanji musulgetka korök. Koriga waŋgenöŋ lolohoiga luhutnöŋ nanŋöi ösöŋ neŋguaŋgiriga Krit gölme jölanŋanŋö jitŋi mötöteiba dowe anin. ¹⁴ Mewö aninmö, nalö kude köriiga luhut ösumŋi köhöikŋi qetŋi mura (yoware, Not Istkö raidimbom (piwi)lilililikŋi) mianŋön mönö gölme jölannŋi mianŋö qakŋeyök qeba gila neŋguba kayök.

¹⁵ Neŋguba kaiga waŋgenini galöm köl waŋgibingö mem bibihigetka luhut qeba kayöhaŋgöreŋ göröken anmamgö osiyök. Osiiga mosötketka luhutnöhök waŋge kuŋguba memba waŋgiriga nanŋak öne ani utuköm neŋgiiga laŋ malin. ¹⁶ Utuköm neŋgiiga mala gölme jölannŋi moröŋi kun qetŋi Kauda mianŋö tölapŋe Saut göröken anin. Mianŋöreŋ anda gomba kösönöŋ jöhögetka waŋge andöŋe o kutuba kayöhi, mi aum-möriba köwetnöhök öröinga gwötpuk lömböriiga töndup kapaŋ köla öröinga korök.

¹⁷ Gomba mi öröin koriga waŋge ketanŋe alin. Waŋgenöŋ utuköba jömgöbapuköra möriŋga kösö memba waŋge köpeiba jöhöm köhöiget. Mewö anda mala sak qetŋi Sirtis† mianŋöreŋ köwet röndumŋi köröpŋi qahö ahözawaŋgöreŋ kuŋguba qaköbinbuköra keŋgötŋini mörin. Mewö möriŋanŋöra aka waŋgegö opo seri yuainŋi mi meköba eta ala waŋge galömkölköl mosötket. Mi mosötketka luhutnöŋ waŋge kuŋguba neŋgömiŋsiiga öne laŋ anin. ¹⁸ Öne laŋ aninmö, raidimbom mianŋön mönö könöpŋambuk toroqeba gila utuköm neŋgiyök. Mewö utuköm neŋgiiga miri gianŋiiga mianŋöreŋ könahiba waŋgegö sukinap tosatŋi memba köwetnöŋ gilget geyök. ¹⁹ Wehön karöbut aiga mianŋöreŋ waŋgegö öröyuai aködamunŋambuk mi nanŋinak memba gilgetka köwetnöŋ geyök. ²⁰ Mewö memenjaliba anda mala suŋgem silim gwötpuk mianŋöreŋ wehön me seŋgelau kun qahö ehin. Raidimbom mianŋön mewöyök köhöikŋanök toroqeba gila ahöyök. Gilayök ahöiga lömböriiga “Mönö qahöwakin!” jiba malmal jöhöjöhögö möta uruninan eri tötbörömnini tali tarin.

²¹ Raidimbom uruŋe nalö köröpŋi kaba mala nene kun qahö nein. Mianŋöra aka Polnöŋ sutŋine wahöta kinda kewö jiyök, “Aziurup, nöŋön Krit gölme jölannŋi qahö mosötŋingö goro jiali, iŋini nöŋgöreŋ keu mi wuatangögetka dop kölbawak. Mewö ahinga geŋmororoŋ aka ayuayuhu kianŋön mönö qaknine qahö öŋgöbawak. ²² Goroni mosötketmö, dölki qambaŋ keu kewö engizal: Engöreŋök kunŋan kun malmalŋi qahö ayuhuma. Mi qahöpmö, waŋgeyök ayuhuma. Mianŋöra iŋini mönö ewebibiŋini möta tatme.

²³ “Nöŋön bem qetŋi Anutu yanŋö buŋaya aka welenni qeba maljal. Suŋgem gaun ahöbiga yanŋön Suep garatanŋi kun melaiiga nöŋgö kösutne kaba kinja. ²⁴ Kinda kewö jiza, ‘Pol, gi keŋgötŋi kude mötman! Gi ölop Rom sisa kiŋgö jemesoholŋe anöŋga kewöt gihima. Mötnöŋ! Anutunöŋ körö ölöwakŋi kondel gihiba ambazip pakpak göbuk waŋgenöŋ mohotŋe maljei, yanŋö malmalŋini mönö göhö böröge ali göbuk kinda kunŋan qahö kömuma.’ ²⁵ Suep garatanöŋ nöŋgöra keu jizawi, mönö mianŋö dop asuhuma. Nöŋön Anutu mewö möt narim waŋgizal. Mianŋöra aziurup, iŋini mönö ewerŋini möta tatme. ²⁶ Mewö asuhumapmö, luhutnöŋ gila muwutapköm neŋgiiga gölme jöhanŋi kungö jitŋe anŋotpinanŋö dop akza.” Mewö.

Suŋgem 14 aiga gölme dopdowiget.

²⁷ Waŋgeninan Gölme Sutŋire Köwetkö (Mediterranean Sea) bahöŋi qetŋi Adria Köwet mianŋöreŋ öne laŋ aniga suŋgem 14 ahök. Mi aiga suŋgem bibiŋe mianŋöreŋ waŋge nup meme azi yerŋön “Mönö gölme kun dopdowizin,” jiba uruŋinan mewö mötket. ²⁸ Mewö möta kinda kösö kun lömbötŋambuk jöhöba gilgetka geba köwet dutŋi misiriyök. Misiriiga köwet röndumŋö qötöŋi ahuyöhi, mi 40 mita (120 fit) mianŋö dop ahök. Borom kun toroqeba anda tandök mohot miyök aketka qötöŋi mianŋön 30 mita (90 fit) mianŋö dop aiga miwikŋaiget. ²⁹ Mi miwikŋaiba waŋgeninan köt törom kembane kuŋgubapuköra keŋgötŋini mötket. Mewö möta waŋgegö kösö mendanŋi 4 mi waŋge andöŋeyök pösata ösöŋ memba eta alget aka asarimapkö miri qeba mamböta köuluköba tatket.

† 27:17: Sirtis mi Afrika kantri qetŋi Libia mianŋöreŋ göröken ahöza. Sirtis mianŋöreŋ köwet dutŋe sak kukundu ahöza.

³⁰ Mewö tatketmö, wanjegö nup meme azi yeñön kewö möndöba jiget, “Nini mönö wanje numbuje göröken wanjegö kösö mendanji tosatji gilinga gema.” Mewö möndöba jiba wanje moröni gomba kun wanjenöhök meköba mem et algetka köwetnön eri wanje mosöta esapköba tölapne ölöñ köla anbingö aket. ³¹ Mewö aketmö, Polnön suahö galöm aka yarö azi yeñgöra kewö jiyök, “Yeñön wanjenön qahö mösölatiba kinme ewö, engö malmal jöhöjöhögö könani kun qahö ahuma.” ³² Mewö jiiga yarö azi yeñön anda gombagö kösönji yandigetka nanjök aniga nup meme azi yeñön ölöñ köla anbingö osiget.

³³ Wanjaran suruiga miangörej Polnön körek pakpak nene nemegö qamban keu jim kutum engiba kewö jiyök, “Inini lök nalö köröpji uruyahöt mamböta nene kun qahö yöhösöröba malgetka merak wehön 14:ni akza. ³⁴ Miangöra kewö jim kutum engizal: Nini malmal jöhöbingö aum-möribini, miangörej ösumnini etpapuköra mönö köhöiba kinda ölöwahinga dop kölma. Miangöra injini mönö nene neme. Engörejök kunjan kun sileji qahö qema. Nöröp jupjini moröña kun mi qahö kötökji sohoma.” ³⁵ Mewö jiba Polnön beret memba körek pakpak yeñgö jemesoholjine Anutugö saiwap jiba mindipköba könahiba neyök. ³⁶ Mewö neiga eka körek yeñön awösamjini geiga mewöyök nene memba neget. ³⁷ Nini wanje uruje mindiriba jangö 276 miangö dop malin. ³⁸ Yeñön körek pakpak nene memba nem timbireñ aket. Mewö aka wanjenön amqemapköra wit padi toru memba gilgetka köwetnön geyök. Mewö.

Wanjenön köwet töromnön kunjuba qaköba jömgöyök.

³⁹ Miri gianjiiga gölme eka mi qahö möt kutuget. Qahö möt kutugetmö, köwet wangömni (bay) kun sakjambuk miwikñaiba eket. Mi eka “Möno wanje melenda esapköba miangörej angotpinak,” jiba keu jöhöget. ⁴⁰ Keu mewö jöhöba kinda wanjegö kösö mendanjangö kösönji yandigetka suliga mosötketka köwet dutje ahöyök. Mi yandiba miangörejök likeplikep stia (möñaqöñai) lökuat yahöt ahöyöhi, mietkö kösönjiri pösatketka lolohoyök. Mi pösata wanje wösönjangö opo serinji öröba mörörengögetka luhutnön nanjöi wanje möñaigetka saknön göröken anin. ⁴¹ Mewö animmö, wanjenön köwet töromnön anpapuköra jöhöbingö osiba mosöta gilgetka anda kunjuyök. Miangörej kunjuba wanje giliñan töromnön qeba qaköba anda kamangö osiba tarök. Mewö tariga köwet siriñan wanjegö andö likepji gila kinda ösum köhöikñi miangön qeba qesinmesinök.

⁴² Mewö ahiga jiget, “Kösö miri azi yeñgöreñök kunjan o qeba kutuba ölöñ köla anpapuk.” Mewö jigetka yarö azi yeñön kösö azi nini körek nengubingö mötket. ⁴³ Mewö jigetmö, suahö galömninan Polgö malmalji jöhömangö möta yarö aziurupjan mewö akepuköra angön köl engiyök. Angön köl engiba kewö jim kutum neñgiyök, “Denike yeñön köwet qeba anangö könani mötzei, injini mönö mutuk luhuba geba köwet qeba anda körökñe öngöme. ⁴⁴ Yeñön mutuk angetka tosatjan andöñjine katapa sahötñi qelanjiba meme me wanjegö kitipji könani könani miwikñaiba miangö qakñe ahöba köwet qeba anme.” Mewö jim kutum neñgiiga tandök mewö aka körekñan malmalnini jöhöba köwet jitje angot teköin. Mewö.

28

Malta gölme jölanje mamböta malin.

¹ Malmalnini jöhöba köwet jitje kangota miangörej gölme johanni qetji Malta qetketka mörin. ² Kangoringa kienön könahiba eri miri amöriyökmö, Malta ambazipnön ala-ala tandök ölop kötökñi kondel neñgiba könöp ohoba nenguangitketka körekñanök könöp kösutje anda jömöta tarin. ³ Polnön könöp omajarek qezaköba börangöba könöpnön alök. Mi ali jeiga qatö kunön könöp umjan kösuiga kota böronje jöhöba yöhöyök. ⁴ Mokoleñnön mewö jöhöba böronje möndöba eta kiniga gölme jölanjangö toñan eka nanjini eraum möta kewö jiget, “Azi ki köwetnöhök malmalji jöhöba

korökmö, Songorinön tündup likepni melenäda malmalji kutum wanji kömuma. Miangöra mönö engui kömukömu azia akza. Mewö möt köhöizin.”

⁵ Mewö jigetmö, Polnön soramen utuköba kinda giliga könöp uruñe geiga sileñe geñmororoñ kun qahö ahuyök. ⁶ Mewö jiba ehiba “Sileñi qariba pisihima me wölañ kömumba gölmenön tala eta kölma,” mewö jiba ek tiba mamböta kinget. Nalö köröpñi mamböta kingetmö, Polgö sileñe yuai bölöñi kun qahö ahuyök. Mewö aiga mötmötñini melenñiga jiget, “O, azi ki mönö bem azia akza.”

⁷ Malta saknön kañgota lañ uba kösutñe nene nup gölme körö jajapñi aka bau bulmakau kambuñi kambuñi ahögetka ehin. Mi gölme johannangö azi kembuñini qetñi Publius yangö buñaya ahöyök. Gölme toñi mianön köl öröm neñgii miriñe öngöinga urukalem qakñe köyan köl neñgiiga yambuk köisirik taringa wehön karöbutkö dop anök. ⁸ Taringa Publius iwiñan silekönöp aka irip suaip sepñambuk kawöl (dysentery) mianön yöhöiga dumnöhök ahöyök. Ahöiga Polnön yangöreñ anda köuluköba böröñi nöropñe ala mem ölöwahök. ⁹ Mewö asuhuiga miangöreñök kawöl ambazip tosatñi pakpak gölme johanne ahögeri, yeñön mewöyök kañgotketka Polnön Anutu köuluköiga ölöwaket. ¹⁰ Yeñön kalem könañi könañi gwötpuk neñgiba mewö mianön göda qem neñgiba malget. Könañep wanñenön öngöbingö ahini, nalö miangöreñ köwet qakñe köna malmalgö yuaiñangö osiini, mi memba neñgöra wanñenön alget. Mewö.

Malta mosöta anda Rom sitinön angorin.

¹¹ Köiñ karöbut teköiga wanñe kun qetñi “Bem Siwisiwi” miwikñaiget. Wanñe miangö nunduñe siwisiwi bemyahöt qetñiri Kastor aka Poluks mietkö imutñira memba meñölöba alget kinohot. Wanñe mianön Ijipt kantrigö siti qetñi Aleksandria miangöreñök kaiga gölme johanne jöhöba luhutqeçe nalöñi mi tatket. Mi tatket teköiga öngöinga opo seri öröba möröreñgögetka luhutnön nanñöi mosöta anin. ¹² Anda mala siti qetñi Sairakyus miangöreñ angota gölmenön eta wehön karöbut tarin. ¹³ Tata wanñenön öngöinga opo seri öröba möröreñgögetka anda Regium sitinön angorin. Angota ahöm wahöta luhut Saut görökenök könahiba gilök. Gili anda silimñi yahöt aiga miangöreñ Rom likepñe Puteoli taongö wanñe döpnön angorin.

¹⁴ Angota miangöreñ urumelen alaurup tosatñi miwikñaiba engehini. Engehinga kewö qesim neñgiget, “Inini ölop nembuk sonda mohot malbeak me qahö?” Qesim neñgigetka “Ölop!” jiba yembuk malin. Malin teköiga engömosöta Rom sitinön öngöin. ¹⁵ Urumelen alaurupninan Rom siti malgeri, yeñön kainangö keu buzupñi mötket. Mi möta miwikñaim neñgibingöra tosatñan wahöta (köna 43 mail kaba) miri qetñi Apius Forum maket miangöreñ kaget. Tosatñan (33 mail kaba) miri qetñi Kian miri karöbut, miangöreñ kaba miwikñaim neñgiba angehini. Angeka Polnön “Anutu saiwap!” jiba möpöseiba uruñi amqeiga ölöwahök. Mewö.

Polnön Rom tata Juda ambazip uruñini kunguyök.

¹⁶ Rom sitinön kañgota miangöreñ Polnön miri kunön nanñök malmapkö jim teköm wanñigetka yarö azi kunñan galöm memba yambuk malök.

¹⁷ Mewö jim teköm wanñigetka miri miangöreñ tari silim karöbut teköiga Juda ambazip ipñi köl öröm engii kaba tokoget. Tokogetka Polnön kewö jii mötket, “Iwi alaurupni, nöñön nanine Juda ambazip kambunini qahö qetala kazik ak engial me amböskonurupnini yeñgöreñök ahakmeme möta maljini, mi qahö ak bölial. Mewö qahöpmö, tündup Jerusalem sitinön qeraköba nöminba jöhöm niñgiba kösö mire al niñgiget tatpiga Rom gawman yeñgö böröñine al niñgiget. ¹⁸ Al niñgigetka böröñan memba könañamnanñgö qesiba kewötketka ölöwahök. Nöñön yuai bölöñi kun qahö aka kömupkö buñaya akileñakö dop qahö ahal. Yeñön mewö eka pösat niñgibingö mötket.

¹⁹*“Mewö mötketmö, Juda jitñememe yeñön Judia miangöreñ keu mi qetala tuarenjoñ aket. Mewö aketka siksauk aka lömböriiga nöñön köna jaruba kun qahö miwikñaiba kewö kapañ köla qesial, ‘Ni ölop Rom sitinön anbiga sisa kiñnön keuni mindiñgöi

* 28:19: Apo 25.11

dingima.’ Mewö qesibiga melaim ningigetka ki kayal. Nani Juda kambu yeñon kazik al ningigetmö, töndup yeñgö silenine keu bölöni kun ala jim engimangö qahö mötzal. Mewö qahö. ²⁰ Anutunöñ azi kun asuhumapkö jöhöjöhö keu al neñgiiga Israel neñon keu miangö ölni ahumapköra mamböta jörömqröm ahakzini, nöñon mönö azi sorokñi yañgöra aka gwaröhöm ningigetka tapep (muñgamuñga) ki bisizal. Könañamni mewö. Miangöra aka merak engeka keukeu eraum mötpingöra köl öröm engibiga ki kaba tokoze.”

²¹ Mewö jiiga jiget, “Judia gölmenöñ göhöra keu jiba malgetmö, neñgöra kimbi kun qahö alget kaiga ehin. Mewöyök alaurupninan miangöreñök ki kageri, yeñgöreñök kunñan göhö keu buzup me kösohot bölöni kun qahö jii mörin. ²² Mi kun qahö jiget mörinmö, uruge keu ahözawi, nini mi ölop mötpingö mötzin. Göhöreñ Nazaret pati kambu miangö keuñi mi gölme dop jigetka ambazipnöñ qetalgetka likeplikep miangöreñ goranora keu gwötpuk jiba kazik ahakze. Pati kambu miangö buzupñan mewö kezapnine gei mötzin.”

²³ Mewö jiba Polnöñ keu kunbuk jimapköra nalö kun arengöget. Mi arengögetka Juda ambazip jesöngöñan nalö miangöreñ kaba Pol miri malöhangöreñ tokoget. Tokogetka söñanök könañiba Anutu bemtohoñangö könañi jim asariba mali miri söñauyök. Jisösgö könañi möt yaköba möt nariba uruyahöt mosötmegöra kapañ köla uru kungum engiba malök. Mutuk Mosesgöreñ Köna keu aka kezapqetok ambazip yeñgöreñ Buzup Kimbi oyonda keu miangöreñök könañiba Jisösgö könañi indela miangön kondela nañgöba jiba malök. ²⁴ Buña keu mewö jiba maliga tosatñan uruyahöt mosöta möt narigetmö, tosatñan mi qahö möt nariba tönpin malget. ²⁵ Nanñini urumohot qahö ak anguba sutñine mötmöt kambu yahöt aka deñbingö aket. Deñbingö aketka Polnöñ keu kewöyök jii mötket, “Uña Töröñan keu kun kezapqetok azi Aisaiagö uruñe sanep ali ambösakonñini jii mötkeri, mi mönö engöra dopñine törörök jiyök. ²⁶ *Aisaiänöñ keu mi kewö jii ahöza,

‘Gi mönö ambazip kambu kiengöreñ anda kewö jinöñ mötme:

Iñini mönö kezapñini ala keu ölna mötagun könañi möt bibihiba töndup qahö möt asarime.

Jeñinan uba yuai ölna ekagun könañi ek bibihiba töndup qahö ek kutume.

²⁷ Ambazip kambu kiengö uruñinan mönö köhöiba gwözöñda ahöza.

Kezapñinan keu möt bibihiba jeñini kömaziliköba malje.

Mewö qahö akeak ewö, mönö jeñinan yuai ölop ek kutuba kezapñinan keu möta uruñinan könañi möt asariba uruñini melengetka nöñon i ölop mem ölowak engibileñak.’”

²⁸ Polnöñ keu mi jim teköba kewö jiyök, “Miangöra iñini mönö keu kötñi ki ölop möt yaköme: Anutunöñ amötqeqegö Buña keuñi mi mönö kian kantri yeñgöreñ ali anma. Yeñgöreñ aniga yeñon mi ölop kezap ala mötme.” ²⁹ (Polnöñ mewö jim teköiga Juda yeñon nanñinök könöpuk jitrakölik aka goranora erauget öngöba eriga mosöta anget.)

*

³⁰ Polnöñ nanñangöra miri kun kusuk söngöröñi memba miangö uruñe (yara) yambu yahöt jömukñanök ahöm malök. Miangöreñ mala ambazip denike yeñon ekingö kageri, yañon mi pakpak ölop köl öröm engiba malök. ³¹ Awösamkakak qakñe kinda Anutu bemtohoñangö könañi jim asariba uru kungum engiba malök. Kambu Jisös Kraist möt wañgimegöra Anutu amötqeqegö könañi kusum engiba malök. Mewö maliga kunñan kun qahö qetal wañgiiga mala kota malök. Mewö.

* 28:26: Ais 6.9-10 * 28:29: Mötmöt ambazip yeñon Jabö 29:gö keuñi kewöta tosatñan Luknöñ mi könakönañi qahö ohoyök jizemö, tosatñan keu miambuk urumohot qahö akze. Miangöra jabö 29 mi sel uruñe ahöza.

Rom kimbi Polnön Rom yengöra kimbi alök. Jim-asa-asari

Jim-asa-asari Rom sitinön kopa malgetka urumelen kambuñi kambuñi yeñön sutñine simbisembel denđa malget. Juda tosatñan uruñini meleñda Juda ahakmemenön aka Köna keunön qekötahöba sileñini yandiba sömbup qahö nembra malget. Kian kantrigö urumelen kambu yeñön Anutugö kalem möriamñi qekötahöba Anutugö Köna keu bapñe qahö anda söngöröqök aka siñgisöndok amqeba akingö mötket. (6.15) Anutunön Juda könagesö ölni andö enguba salupñine kian ambazip engoholi buñañi akeri, miangöra söngaiba ilit engiget. (11.18-20) Mewö aka Juda urumelen yeñön silikñini walñi mewöyök wuatangögerangöra aka jijiwilit ak engiba malget. Juda kambu yeñön kian kantrigö urumelen alaurupñini qepureim engiba Juda silikñini qahö wuatangögerangöra aka keuñini töhöreñ jim teköba söngöröqök aket. (2.17-20; 14.3)

Mindirim engimangöra Polnön kambu yahöt yengöra goro keu nanjök nanjök engimakza. Juda yengö könañini indeliga (2.21-27) kian kantri yeñön söngaiget. Keu bohonñi kewö jiyök, 'Jisös möt nariinga Anutunön mötnariñini eka keunini jim teköiga solanibin. Köna murutñi kun qahö ahöza.' (1.17) Kian kantri ambazip söngöröqökñini qekömapköra könañini indela kewö jiyök: "Anutunön nanñini ölöpñinañgöra aka qahöpmö, nanñi ak-kömukömuñangöra aka iñini möwölöhöm engiyök. (11.30-32) Miangöra mönö kapañ köla Köna keu tem köla malme. (7.12-24) Körekmakörek siñgisöndokö kösö gwarönön mala ayuhubingö akzinmö, (3.23; 5.12) Anutunön nanñi irimesewölñan etmapköra aka Kraist melaiyök. (5.8-9) Uña Törönjan meköba siñgisöndok aka kömupkö kukösumnöhök pösat neñgima. Miangöra siñgisöndok ahakmeme mosöta (6.11-14) mindiriba jöpaköm anguba kopa yengö sutñine kopa tandök kude malme." Goro mewö engiiga ösönösön tem köla mindiriba malget. Polnön nalö mutukñi Rom ani nañgöm wañgigetka toroqeba Spein kantrinön anmamgö möta mewö ohoyök.

Buk kiangö bahönñi bohonñi 7 mi kewö:

Jim asa-asari keu aka keu bohonñi 1.1-17

Köreknan siñgisöndokö amötqeqegöra osizin 1.18-3.20

Anutunön amöt qem neñgimakzawangö könañi 3.21-4.25

Kraistpuk malmal dölöknañgö könañi 5.1-8.39

Israel yeñön Anutugö mötmöt areñnön malje 9.1-11.36

Urumelen neñgö silik ahakmemegö keu 12.1-15.13

Keu teteköñi aka nanñi yaizökzök keuñi 15.14-16.27

¹ Pol ni Jisös Kraistkö nup meme azia aka Rom urumelen ambazip embuk keu eraum mötpingöra kaba kimbi ohozal. Anutunön noholiga melaimelai azi aposol akzal. Anutunön Ölöwak Buñañi jim sehimangöra möwölöhöm niñgiiga maljal.

² Anutunön oyaenköyaen akingö Ölöwak Buñañi indelmapkö keuñi mi qeljine jöhöba jiiga kezapqetok ambazipñön möta Buña Kimbi törönñi miangöreñ ohogetka ahöza.

³ Ölöwak Buñañi könañi mi nanñi nahönñi Jisös Kraist. Yañön gölme azi ewö kin Deiwidkö gwölönarökurupñi yeñgöreñök asuhuyök.

⁴ Suep azi ewö Uñañan solanñi törönñi ahök. Anutunön i mem guliiga kömupnöhök wahöriga kukösumñan aukñe asuhuyök. Anutunön mewö miangön nanñi Nahönñi akzawangö keuñi mi jim köhöiba kuñgum wañgiyök. Kembuninañgö könañi mewö.

⁵ Kraistnön nupkö ölni kewö asuhumapköra mörök: Neñön kian kantriñi kantriñi liliköba Jisösgö qetñi sutñine jim sehiinga möta uruñini meleñda möt narim wañgiba keuñi tem köla malme. Miangöra aposol nupñi aka kalem möriamñi mi neñgiiga memba

maljin. ⁶ Anutunöŋ ambazip Jisös Kraistkö buŋaya aka malmegöra enggoholöhi, Rom injini mewöyök yeŋgö sutŋine malje.

⁷ Uruŋini melenŋa Rom sitinöŋ maljei, nöŋön körek enggöra kimbi ki ohozal. Anutunöŋ injini nanŋi ambazip sarakŋi malmegöra enggohola jöpaköm enggimakza. Anutu Iwinini aka Kembu Jisös Kraist yetköŋ mönö kalem möriam enggiyohotka luainöŋ malme. Mewö köulukömakzal.

Polnöŋ Anutu möpöseiba kewö köuluköyök:

⁸ Gölmeŋi gölmeŋi pakpak yeŋön Rom enggö mötnariŋinangö kösohotŋi jigetka mörakzal. Miangöra keuni könaŋiba Jisös Kraistnöŋ nam köl niŋgiiga körek enggöra aka Anutuni saiwap jimakzal. ⁹ Nöŋön mötmöt sihimni pakpak Anutugö nupnöŋ ala welenŋi qeba Nahönŋangö Ölöwak Buŋaŋi jim asarimakzal. Miangöreŋ sundan injini mötmörim enggimakzali, mi Anutunöŋ nanŋöba jimakza.

¹⁰ Nalö dop kewö jiba köulukömakzal, “O Anutu, nöŋön Rom yeŋgöreŋ anmamgö möta nalö köröŋŋi lök mambötzal. Miangöra mönö sihimgahö dop jinöŋga köna asuhuiga nalö kewöŋe ölp anmam.” Mewö. ¹¹ Enggeka mötnariŋinan köhöimapköra möta ölp nup memegö mötmöt kalem kun enggimam. Miangöra nalö mutukŋa enggöreŋ kaba enggekŋangö awöweŋgöba maljal. ¹² Kewö akingö awöweŋgömakzal: Nöŋön enggekiga mutulaŋgöba ni aka injini denöwö möt narimakzini, mi eraum möta urunöŋ nanŋöba körö-ölöwak qem aŋgubin.

¹³ *O urumeleŋ alaurupni, injini mönö kewö mötmöriba malme: Nöŋön kian kantri tosatŋi yeŋgö sutŋine liliköba uruŋini kuŋgum enggibiga meleŋgeri, miangö dop enggö sutŋine mewöyök ölp asuhui ekŋangö mötzal. Miangöra nalö gwötpuk lök enggöreŋ kusak kamangö areŋi ala malalmö, yuai tosatŋan mönö nalöŋi nalöŋi jöhöm niŋgiiga osial. ¹⁴ Anutugö jeŋe tosa kewö ahöm niŋgiza: Ambazip kambu könaŋi könaŋi bauköm enggimamangö keuŋan mönö nöŋgö qakne ahöza. Mötmöt ambazip aka gukmaulem ambazip mienŋö welenqeŋeŋini öröröŋ akzal. Mindimindiri keu Grik mötzei aka qandam * mala nanŋini keuŋine irohwaroho jimakzei, mi körek bauköm enggimangö mötzal. ¹⁵ Mewö möta Ölöwak Buŋa mi Rom siti enggöra mewöyök jim asarimangö amqeba urukönöp ahakzal. Mewö.

Ölöwak Buŋagö kukösumŋi kewö:

¹⁶ *Anutugö kukösumŋan nini körek mem letot neŋgiiga nalö kewöŋe Suepkö buŋaya akzin. Juda neŋön mutuk urunini melenŋa mi möt nariin aka neŋgö andönine kantri tosatŋi yeŋön mewöyök mi möt nariget. Miangöra Anutunöŋ kukösumŋi Ölöwak Buŋanöŋ ali ahözawaŋgöra mi algamusum qahö ahakzal. ¹⁷ *Ölöwak Buŋanöŋ mönö solanŋi akingö könaŋi indelakza. Buŋa keu kun kewö ohoget ahöza, “Solanŋi akzawi, yaŋön mönö Anutu möt nariba mewö mianŋön köhöiba mal öŋgöma. Keu miangö könaŋi kewö: Nini Anutu könaŋiba möt nariinga mötnariŋinini eka keunini jim teköiga solaniin aka gölmenöŋ malbinangö dop toroqeba möt narim waŋgiba jeŋe solanimakin.” Mewö.

Neŋgö siŋgisöndököra Anutugö irimŋan seholimakza.

¹⁸ Ölp solanibinakmö, ambazip keu ölp ahakmemeninan közaŋgöba siksauk memakzei, Anutunöŋ mi Suepnöŋ euyaŋ-göreŋök uba ehi qahö dop köliga irimŋi seholimakza. Ambazip mewöŋi pakpak enggeka aŋgöjörakŋini qetala silikŋini bölöŋangöra aka kazikŋi indeli asuhumakza. ¹⁹ Mi kewögöra: Anutugö könaŋi möt kutubinangö dop akzawi, mi mönö nanŋak indel enggiiga sutnine aukŋeyök ahöiga mörakze.

²⁰ Anutugö malmalŋi qahö ehakzinmö, kukösumŋi mi Suep gölme miwikŋaim etkiba miangöreŋök könaŋiba kondela mala koriga nalö teteköŋi qahö asuhumakza. Miangöra Anutugö börösöwöŋi törörök ehinga bem aködamunŋambuk akzawaŋgö könaŋan mönö

* 1:13: Apo 19.21 * 1:14: Qandam, Siawari imbinöŋ qandak, Nei keunöŋ bus kanaka, ambazip arökŋe nanŋinök tönpin mala mötmöt miriŋini qahö gukmaulemnöŋ malget. * 1:16: Mak 8.38 * 1:17: Hab 2.4

ölöp möt kutubinaṅgö dop akza. Mianṅöra ambazipnöṅ yuai kunöṅ möndöba nanṅine keuṅinaṅgö likepṅi naṅgöba jibingö osimakze. ²¹ *Anutugö könaṅi möt kutuba malgetmö, töndup “Yaṅön bemnina,” mewö qahö jiba i qahö möpöseigetka qetbuṅaṅi sutṅine qahö ahöyök. Mewö qahö ahöyökmö, keu omaṅi laṅlaṅ mötmörigetka mötmötṅinan löwöriiga mötök aket. Uru mötkutukutuṅini qahö mianṅön mönö ömuṅ köla pandaman meiga jipjap malje. Mianṅöra “Anutugö könaṅi qahö mötzin,” jiba möndömöndö laṅ aketka qahö dop kölja.

²² “Mötkutukutu ambazip maljin,” jiba sileṅini memba öṅgöba malgetmö, mewö mianṅön uruqahö ambazip akze. ²³ *Anutu qetbuṅaṅi asakmararaṅambuk nalö teteköṅi qahö mal öṅgömawi, i qahö möpöseiba waikṅi qahö memba malgetmö, i mosöta salupṅe tandö lopioṅ aka imut tosatṅi kuṅguget. Tandö lopioṅ söhögetka kaisoṅgolomṅinan azi kömukömuṅaṅgö dop akze. Imut tosatṅi megetka nei sömbup aka gölmenöṅ bapṅinan köla ölölöṅgömakzei, miengö dop akze. Yeṅön mi sipköba bem ewö möpöseim eṅgiba malget.

²⁴ Mewö aka malgeraṅgöra Anutunöṅ i andö eṅguiga nanṅini uruṅinaṅgö sihim kömbönaṅini laṅ wuatṅöba serowilin aka nanṅini sileṅini gamu qeba mem et al aṅguba malje. ²⁵ Anutugö keu ölni mosöta salupṅe keu muneni qekötahöget. Miwimi-wikṅai Toṅi ölna qahö göda qeba welenni qahö qeba malgetmö, yuai miwikṅaiyöhi me nanṅini böröṅinan megeri, mianṅö sihimṅi asuhui möta börösöwö miengö waikṅini memba möpöseim eṅgiba malget. Mewö malgetmö, neṅön miwimiwikṅai Tonini mi nalö teteköṅi qahö möpöseimakin. Keu mi ölna.

²⁶ Mewö aka malgeraṅgöra Anutunöṅ i andö eṅguiga nanṅini sihim kömbönaṅini gamuṅambuk mi laṅ wuatṅöba kewö aket: Yeṅgö ambiurupṅinan awanöm köna diṅdiṅi mosöta nanṅinak melenṅa amimba malget. ²⁷ Azi yeṅön mewöyök ambibuk amimba malmal mosöta goṅgiget. Kaisero akitkö sihim kömbönaṅini mi azi sutṅine öröm aṅguba mötketka könöpṅambuk aiga nanṅinak melenṅa amimba aṅgöjörakṅi-nambuk aka malget. Goṅgiba jaubatbat malgeraṅgö likepṅi mi Anutunöṅ dopṅine meṅ eṅgiiga qakṅine öṅgöiga böliget.

²⁸ Anutugö könaṅi möt kutubinaṅgöra mötketka eretṅi aiga mosötkeṅka Anutunöṅ mönö mewöṅanök i andö eṅguiga nanṅini mötmötṅini goṅgoṅan galöm köl eṅgiiga ahakmeme gamuṅambuk aka memba malget. ²⁹ Ahakmeme goṅgoṅi aka silik bölöṅi könaṅi könaṅi mianṅön uruṅini kokolak qeiga kewö ahakze: Yuaigö nepaqepalok membagun memingö köpösöṅgöba isimkakalek ahakze. Tosatṅi yeṅgöreṅ yuaigöra körögisigisi ahakze. Ambazip eṅguget kömumakze. Aṅgururuk aka tosatṅi tilipköm eṅgimakze. Ambazip tosatṅi jiliwitiṅ qakṅe bölöṅi ak eṅgibingö mörakze. Keu ambazip kezapṅine saṅep alget geiga diwoṅdawoṅ anakza.

³⁰ Andöqeṅe keu jimakze. Anutugö yom jimakze. Silik bölöṅi könöpṅambuk tem köla wuatṅömakze. Jakbak-öraṅböraṅ aka sileṅini memba wahörakze. Silenöṅ alal aka silik bölöṅi murutṅi murutṅi miwikṅaimakze. Iwinam keuṅini qahö tem kölakze.

³¹ Mötmötṅini qahö tohoiga uruqahö mala keu laṅ jöhöba qahö wuatṅömakze. Ala-ala qahö aka tosatṅi yeṅgöra wösömötmöt qahö ak eṅgimakze. ³² Anutunöṅ köna diṅdiṅi kewö jim kutui ahöza: Ambazip bölöṅi mewöṅi ahakzei, yeṅön mönö kömup köhöikṅaṅgö buṅaya akṅeaṅgö dop akze. Yeṅön jimkutukutu mi möt asarizemö, töndup nanṅinak bölöṅi mi ahakze aka miyök qahöpmö, tosatṅan mewö aketka “Ölöp!” jiba imbi köla naṅgöm eṅgimakze. Mewö.

2

Anutunöṅ keunini kewöta diṅdiṅanök jim tekömakza.

¹ *O alani, gi tosatṅi yeṅgö keuṅini jim tekömakzan me qahö? Gi tosatṅi yeṅgö keuṅini jim teköba nangak ahakmeme miyöhök ahakzan. Mianṅöra alagahö keuṅi

* 1:21: Ef 4.17-18 * 1:23: Dut 4.16-18 * 2:1: Mat 7.1; Luk 6.37

kun jim teközan ewö, mönö nangahö keu mewöyök jim tekönönga miangö lömbötjan nangi qake öngöma. Miangöra öngöngöni me eretji akzani, mi töndup mönö yuai kunöy möndöba nangahö keugö likepni nanjöba jimangö osimakzan. ² Ambazip ahakmeme bölöni mewöni ahakzei, Anutunöy yengö keunini keu ölnangö dop kewöta jim tekömakza, mi mötzin.

³ Miangöra denöwö mötmörizan? Gi gölme azia aka töndup yuai mewöni ahakzei, yengö keunini jim teköba nangk ahakmeme miyöhök aknönga dop kölja me qahö? Anutunöy keugi kewöta jim teköba likepni meley gihiiga ölna göhö qake öngöma. Anutugöra jeje qahö mömölaköba asambötman.

⁴ Anutunöy ala ak nengiba bölöngaminangö likepni zilaq qahö meleymapmö, mamböta möta mökösohmakzawi, keu miangöra jijiwilit akzan me? Anutunöy uruölöpni kondela urugi meley-mangöra öröm gihimakzawi, miangöra tönpin malbanbuk. ⁵ Gi kezapjupjup aka urugi qahö meleymani, mewö miangön Anutugö jeje qahö mömölakömanmö, irimsesewöljan göhö qake sehiba öngöma. Kazik nalöngan kam kuñguiga keunini diñdiñanök jim teköma. Likepni meley nengimawi, nalö miangörey irimsesewölñi mönö aukje indeliga eka mötpin.

⁶ *Anutunöy mönö “Ahakmemeninangö dop mohot mohot nengöra likepni meley nengimawi,” mi kewö: ⁷ Anutunöy qetbuñani nengimapköra mamböta aködamuninambuk akingöra kapañ köla pöndañ kinda nup ölöpni ölöpni memba maljini, nengöra malmal köhöikni nengima. Mi nenggiiga nalö teteköni qahö oyaenköyaen mal öngöbin. ⁸ Mewö mal öngöbinmö, ambazip nanñinangörök mötmöriba girinjabak memba Buña keu ölni andö qeba keu bölöni wuatangömakzei, Anutugö irimñan mönö miangöra sehöliiga kazikni ali qakñine öngöma. ⁹ Kazikni mi mutuk Juda nengö qakñine öngöiga nengö andönine kantri tosatni aiaka bölöni ahakzei, körek yengö qakñine mewöyök öngöiga sihimbölö kahasililij möta malme.

¹⁰ Mewö malmemö, Juda aka nengö andönine kantri tosatjan mewöyök urunini meleyda aiaka ölöpni ahakzini, Anutugö aködamunñan mönö körek nengö qakñine öngöiga qetbuña nenggiiga luainöy malbin. ¹¹ *Anutunöy ambazip tosatni qahö nengkek soriba tosatni qahö qepureim engimakzappmö, dop mohotnöy kewöt nengimakza.

¹² Miangö könani kewö: Kantri tosatni yeñön Anutugörey Köna keu qahö oyoñda möta siñgisöndok lañ ahakzei, yeñön mönö körekñanök tönpin mala ayuhume. Juda neñön Anutugörey Köna keu oyoñda möta töndup siñgisöndok ahakzini, Anutunöy mönö keu miangö dop körek kewöt nengiba keunini jim teköma. ¹³ Ambazip Anutugörey Köna keu öne mörakzei, yeñön Anutugö jeje solanñi qahö akze. Qahöpmö, Köna keu tem köla wuatangömakzei, Anutunöy mönö yengö keunini jim teköiga solanize. ¹⁴ Kantri tosatjan Anutugörey Köna keu qahö memba maljemö, tosatjan töndup lañ nanñini imbi miangö dop mötmöriba ahakze. Anutugö köna keunij qahö mötzemö, töndup mötmötñinan jim kutum enggiiga Anutugö köna keugö dop aka miangö bapñe malje.

¹⁵ Mewö maljeangö könani mi aukje asuhuba kewö ahöza: Anutunöy ambazip miwikñaim nengiba miangörey Köna keuñangö jimkutukutuñi mi körek nengö urunine ali ahöza. Miangöra Anutunöy keunij jiba sañep alakzawi, mi kian kantri yeñön mewöyök mörakze. Mi uruñinangö kezapñan mötketka keunini jiiga Anutubuk öröröy mörakze. Anutunöy urumötmöt engiyöhi, miangön nalö tosatñe keu jakeje ala kuñgum enggiiga möt bölimahakze aka nalö tosatñe keunini nanjöba jiiga möt ölöwahakze. ¹⁶ Ölöwak Buña jim asarimakzali, miangö dop nalö ketaje kewö asuhuma: Kraist Jisösnöy Anutu bauköm wañgiiga ambazip nengörey keu tölapñi tölapñi kewöta jim teköm nengima. Mewö.

Köna keu miangön könangaminini denöwö indelja?

¹⁷ Gi nangi qetki Juda azia qeta Köna keunöy amöt qem gihimapkö möt nariba “Anutugö buñaya akzal,” jiba silegi möpöseinönga dop kölja me qahö? ¹⁸ Gi Anutugö

* 2:6: Sum 62.12; Qam 24.12 * 2:11: Dut 10.17

jitnangö dop malmalgö keuji möt sölöngöba maljan. Anutugö Köna keu kusum gihigerangöra aka köna qetpuk sorok wuatangömangö jiba keu pakpak kewöta ölni aka muneñi mendenmakzan. ¹⁹ Gi “Ölöp jegömöl ambazip alabauknini aka enguangitmam,” jiba aiweliköm angumakzan. Söñaupnön maljei, mi mem asarim engimanangö dop awösamkakak akzan.

²⁰ Mewö aka kewö jimakzan, “Köna keu kusum ningigetka mötkutukutu lök miwikñaiba keu ölnangö könañi mötzal.” Mewö jiba amqeba kewö jimakzan, “Ni ölöp ambazip mötmötñini qahö yengö böhiñina akñam. Ölöp mönö namande yengö qaquazunina aka kusum engimakñam.” ²¹ Mewö jiba tosatñi kusum engiba wuanöngöra nangi qahö kusum angumakzan? “Yongorö kude meman,” jiba ambazip uruñini kuñgum engimakzanmö, nangak yongorö meme aknönnga qahö dop kölja.

²² “Sero yongorö kude akñan,” mewö jinön mötketka nangak kaisero akzan me qahö? Tandö lopion sisit mem engimakzanmö, töndup nangak jöwöwöl jikenön öngöba yuaini angön köla kiom qeba memakzan. Mi qahö dop kölja.

²³ Anutugöreñ Köna keubuk maljanangöra silegi lañ memba öngömakzanmö, nangak mi walönnda mewö mianön Anutugö qetbuñani memba et ala malnönnga gamuñambuk ahakza. ²⁴ *Miangö keuji mi Buña Kimbinön kewö ohoget ahöza, “Engö silikñinangöra aka kian kantri könagesö yeñon Anutugö qetñi ilita sutñine mepaqepaik ahakze.”

²⁵ Anutugöreñ Köna keu wuatangöba maljan ewö, Anutugö aiwesökñi silege yandigeri, mianön mönö bauköm ghiiga dop kölja. Mi dop köljamö, köna keu walönnda siñgisöndok ahakzan ewö, mönö aiwesöki qahö memeni mewö tandök aka öne lañ maljan. ²⁶ Tosatñan Anutugö aiwesökñi sileñine qahö yandigetka töndup köna keugö jimkutukutunji wuatangömakze ewö, Anutunön aiwesök mi sileñine ahözawangö dop ewö engehiga dop kölja.

²⁷ Mewö engehiga yengöreñök kunñan ölöp Köna keugö dop göhö keugi töhöññi kewöta jim teköiga etman. Anutugö aiwesökñi silege yandigetka Köna keugö bohonñi mohot mohot möt angön köla maljanmö, mi walönnda siñgisöndok ahakzanangöra aka etman. ²⁸ Azi kunñan silenöhök Juda azia akza ewö, yanön mönö Juda azi ölni qahö akza. Mewöyök Anutugö aiwesökñi sileñeyök yandigetka yangiseñ ahakze ewö, mi mönö aiwesök omani, ölni qahö.

²⁹ *Ölni qahöpmö, azi kun uruñan Juda azia akzawi, yanön mönö Juda azi ölni akza. Mewöñanök Anutunön urunini qesönnda Uñanji Törönji miangöreñ ali maljawi, mianön mönö aiwesök ölni akza. Köna keugö bohonñi wuatangöba azi sileñi yandigetka gölme ambazipnön mötketka öngömakzapmö, Anutunön aiwesökñi urunine kinjawangöra möri öngöi möpösem neñgimakza. Mewö.

3

Anutunön keuji pöndañ wuatangömakza.

¹ Mewö ahöiga Juda ambazip maljini, mianön mönö denöwö bauköm neñgibawak? Anutugö aiwesökñi silenine yandigeri, miangö ölnan mönö denöwö ahum neñgiza? ² Ölnan mönö malmal pakpak miangöreñ gwötpuk ahuba ölna bauköm neñgimakza. Miangö keuji mutukñi kewö: Anutunön Buña keuji neñgiiga buñanina aiga maljin.

³ Mewö maljinmö, neñgöreñök tosatñan Anutu qahö möt narim wangiba malgetka denöwö ak engima? Yangiseñ malgerangö likepñi melennda mönö denöwö ak neñgima? Urukalemñi jöhöba angön köliga omani akña me denöwö? ⁴ *Mi qahöpmahöp! Nini körek pakpak muneñ ambazip akzinmö, Anutunön öl töhöññi akza. Anutugö könañi mi Buña Kimbinön kewö ohoget ahöza, “Keu jakeñe ala qesim gihigetka keugahö likepñi jim asariba miangöreñ diñdiñi aka luhut al engiba kinman. Göhö könañamgi mewö miwikñaiba nangöba jime.”

* 2:24: Ais 52.5 * 2:29: Dut 30.6 * 3:4: Sum 51.4

⁵ Neñön ahakmeme gonggoji wuatangöinga Anutunöj qindinjaim neñgiiga ahak-memeji diñdijan mewö aukje asuħuza ewö, neñön keu miangöra mönö denöwö jibinak? Ni keu mi gölme ambazip mötmötkö dop kewö jizal: Anutunöj likepñi melenjiga irimsesewöljan qaknine öngözawi, yangö mötmötñan mewö gonggiza me qahö? ⁶ Qahö, mi yapmakek! Anutunöj gonggoji akawak ewö, yañön gölmeñi gölmeñi neñgö keunini mönö denöwö kewöta törörök jim teköbawak?

⁷ Nöñön munej azia akiga Anutunöj keuji öljan qindinjaim neñgiiga yangö qet-buñan mewö aukje asuħum tiñgitza. Mewö aiga nöñön siñgisöndok ahali, Anutunöj miangö keuji mönö denöwögöra jim teköza? Nömosöri nani imbi-imbi malbi dop kölbawak me qahö? Keuñan mönö qahö löwöriba etma. ⁸ Mönö kewö jiinga dop kölbawak, “Nini ölöp bölöñi toroqeba ahinga Anutunöj mi qindinjaiiga ölöpñangö öljan asuħuiga keuñan qetbuñanambuk akña.” Tosatñan neñgöra keu sirongen mewö jiba toroqeba kewö jimakze, “Polnöj keu mewö jiba miangö dop lañ ahakza.” Mewö aka jigerangö keuji mi Anutunöj kewöta dopñine jim teköm engima, mötzal. Mewö.

Ambazip kunñan solanji qahö akza.

⁹ Keu mewö eraum möta mi denöwö jim teköbinak? Juda neñön kantri tosatñi engonggita Anutugö jeñe diñdiji akzin me qahö? Saumbañ! Miangö keuji lök qeljine kewö jim köhöinin: Juda me kantri tosatñi akinak, nini körekmakörek siñgisöndok ahinga köpeim neñgiiga maljin. Miangöra silenini memba öngöbingö osimakzin.

¹⁰* Miangö keuji mi Buña Kimbinöj kewö ohoget ahöza, “Kunñan kun solanji diñdiji qahö kötökñi akza.

¹¹ Kungö uruje mötmöt qahö ahum kutui lañ malje. Kunñan kun Anutu mi-wikñaimangö qahö kapañ kölakza.

¹² Qahöpmö, köreknan mönö köna ongita janjuñ aka malje.

Körekmakörekñan mönö böliba Anutugö jeñe angjöörakñinambuk akze. Ölöpñi ahakzawi, mohot-töwa kun mi qahöpmahöp miwikñaizal.

¹³* Nesilamñinan isimkakalek ahakze.

Jöl ginaginañinan qaksirigö löm ewö añañiba kiniga kömupkö qösösökñi ewö miangön ambazip lañ ayuħum engimakze. Keu bölöñi mi qatögö jitrji möröm warabe ewö numbuñine kokolak qeba ahöiga jitrñinan ambazip lañ engöhömakze.

¹⁴* Sait keu kömbukñambuknöj mönö numbuñini kokolak qeiga ambazip lañ qesuahöm engimakze.

¹⁵* Ambazip lañ enguba seppini mokomegöra könañinan kik-kek ösumok anda kamakze.

¹⁶ Könañini gonggii maljeangö aiwesökñini kewö akza: Denike lilikömakzei, miangörej mönö köndeñ-möndeñ aketka ambazip uruñinan böliba kömbuħi-makza.

¹⁷ Luainöj malmalgö könañi mi qahö möt kutum yaköze.

¹⁸* Anutu göda qebingö keuji mi uruñine qahö ahöza. Jitrji ongitpinbuköra keñgötñini qahö möta önewat lañ malje.”

Anutugöreñ keu mewö ahöza.

¹⁹ Anutunöj Köna keu kewögöra neñgiyök, mi mötzin: Köna keu pakpak miangön gölme dop jöhöm neñgimakza. Nini keu miangö bapñe anda tem köla malinga dop köлма. Qahö tem kölbini ewö, Anutunöj mönö likepñi melenj neñgii ayuħubin. Miangöra sömbunini möta möndömöndönini mosöta keu böc mala tem köl wanjiinga dop köлма. Anutunöj ambazip könanini mewö indelöha ahöza.

²⁰* Köna keunöj jöhöm neñgimakzapmö, nini lökñanök mi wuatangöbingö osimakzin. Anutugöreñ Köna keunöj siñgisöndok qiwikñaiiga aukje eka ölöp möt kutubinmö, köna miangön Anutugö jeñe solanji akingö osibin. Mewö.

Solanji akinangö könañi mi mötnarip.

* 3:10: Sum 14.1-3; 53.1-3 * 3:13: Sum 5.9; 140.3 * 3:14: Sum 10.7 * 3:15: Ais 59.7-8 * 3:18: Sum 36.1

* 3:20: Sum 143.2; Gal 2.16

²¹ Naninak osimakzinmö, Anutunöj Köna keu wuatangöba solanji akingöra mi qahö jiyökmö, köna murutji kewö arengöba jii ahöza: Anutunöj nanjak keunini jim teköiga yangö jeje solanibin. Anutunöj keu mi Moses aka kezapqetok ambazip yengöra indeliga nangöba jiba Buja Kimbinöj ohogetka nalö kewöje aukje asuhuiga mötzin.

²² *Miangöra denike denike nejön Jisös Kraist möt narizini, Anutunöj mönö körek nengö keunini jim teköiga solanibin. Ambazip kambu murutji murutji nejön Anutugö jeje örörön akzin. ²³ Ambazip körek nejön singisöndok aka Anutugö asakmararaangöra osizin.

²⁴ Mi osizinmö, Anutugö kalem möriamñan asuhuiga Kraist Jisösnöj sohopnini meyök. Anutunöj kalem miangöra aka keunini jim teköiga solanibin. ²⁵ Mutuk singisöndok aka malgeri, Anutunöj mi möta mökösoñda likepji zilañ qahö melej engiyök. Mi qahö melej engiba nanji ahakmeme solanjan aukje asuhumapköra möta Kraist Jisös jöwöwöl sömbup ewö aliga qeget kömuiga Anutugö jeje köl könjorat neñgimapkö könaña ahök. Sepñi mokoyöhi, mi möt nariinga mewö miangön singisöndoknini mosöri solanibin. ²⁶ Könañi mi nalö kewöje aukje asuhumapköra möta Jisös mewö ak wangiyök. Anutugö ahakmeme solanji mi kewö: Nanjak solanji akza aka kunjan Jisös möt narizawi, mönö yangö keunji jim teköiga solanimakza.

²⁷ Mewö aiga mönö wanigöra silenini mem öngöbinak? Yuai kungöra aka qahöpmahöp. Köna keu wuatangöba solanji akingöra mi osizin. Mewö solanji qahö akinmö, Jisös möt nariinga Anutunöj neñgeka keunini jim teköiga solanimakin. ²⁸ Keu ki jim teköba kötñi kewö jim köhöizin: Köna keu wuatangömakzinangöra qahöpmö, Jisös möt narim wangizinanangöra aka Anutunöj keunini jim teköiga solanimakin. ²⁹ Anutunöj Juda neñgö Anutuninanök qahö akza. Mönö kantri tosatñi yengö Anutuñina mewöyök akza me qahö? Mönö yengö Anutuñina mohot akza.

³⁰ *Anutunöj mohot akza. Miangöra silenini yandiget maljini, nejön möt narim wangina mem solanim neñgimakza aka silenini qahö yandiget maljei, mi mewöyök möt narim wangigerangöra aka mem solanim engimakza. ³¹ Mötnarimegö keu jiba miangön kungum engiba mewö miangön Köna keu memba et alinga omañi akña me qahö? Mi yapmakek qahöpmö, Anutugöreñ Köna keu mi qahö qeapkömakzinmö, mi mem köhöimakzin. Mewö.

4

Abrahamnöj Anutu möt nariba solanji ahök.

¹ Nini bömön jalönini Abrahamgö könañangöra denöwö jibin? Yanön Anutugö könañi denöwö miwikñaiba yangö jeje solanji ahök? ² Ölja, Anutunöj yangö keunji ahakmemerji ölöpnangöra aka jim teköiga solanibawak ewö, yanön miangöra ölöp silenji memba öngöbawakmö, mi Anutugö jeje qahö. ³ *Miangö keunji Buja Kimbinöj kewö ohoget ahöza, “Abrahamnöj Anutu möt nariinga mötnaripñi ehi dop köliga keunji jim teköiga solaniyök.” Keu mewö ahöza.

⁴ Keunji mönö kalema jim teköiga solaniyökmö, kunjan nup meiga galömñan töwañi kalema qahöpmö, nup memakzawangö dop ek kewöta töwañi wangimakza. ⁵ Gölme galömnöj mewö wangimakzappmö, Anutunöj angöjörak ambazip neñgö keunini jim teköiga solanimakin. Miangöra kunjan oyaenköyaen akñamgöra nup qahö memba Anutu öne möt narim wangizawi, Anutunöj mönö mötnaripñi mi ehi dop köliga keunji jim teköiga solanima.

⁶ Deiwidnöj mewöyök keu miangö könañi nangöba keu kewö indela jiyök, “Kunjan oyaenköyaen akñamgöra nup qahö meiga Anutunöj mötnaripñi ehi dop köliga keunji jim teköiga solanizawi, yanön mönö simbawon akza.” ⁷ *Mewö jiiga keunji mi kewö ohoget ahöza,

* 3:22: Gal 2.16 * 3:30: Dut 6.4; Gal 3.20 * 4:3: Jen 15.6; Gal 3.6 * 4:7: Sum 32.1-2

“Ambazip Köna keu walöngetka Anutunöŋ singisöndokŋini mosöta köl könjörari maljei, yeŋön mönö simbawoŋ akze.

⁸ Kembunöŋ kungö singisöndokŋi saŋgoŋda ehi dop kölīga likepŋi qakŋe qahö ali öŋgömawi, yaŋön mönö oyaenŋkoyaen akza.”

Keu mewö ahöza.

⁹ Anutunöŋ oyaenŋkoyaen akingö könaŋi mewö indela Anutugö aiwesökŋinambuk neŋgörök jii ahöza me qahö? Mi qahö. Mi mönö kantri tosatŋi aiwesökŋini qahö yeŋgöra mewöyök ahöza. Neŋön lök kewö jiba ohozin, “Abrahamnöŋ Anutu möt nariiga mötnariŋi ehi dop kölīga keuŋi jim teköiga solaniyök.”

¹⁰ Mönö wani nalönöŋ ehi dop kölīga keuŋi jim teköiga solaniyök? Anutugö aiwesökŋi sileŋe yandiget malöhi, nalö mianŋgöreŋ qahöpmö, mutuk öne malöhi, Anutunöŋ mönö nalö mianŋgöreŋ mötnariŋi ehi dop kölīga keuŋi jim teköiga solaniyök.

¹¹ *Mutuk öne mala Anutu möt nariiga keuŋi jim teköiga solaniyök. Mianŋgö andöŋe dop köljawanŋö aiwesökŋi mi sileŋe yandimegöra jiiga muŋgem supap ewö ahök. Mewö aiga yaŋgö andöŋe Anutugö aiwesökŋinambuk qahö mala möt narim wanŋiinga mötnariŋini ehi dop kölīga keunini jim teköiga solanibini, Abrahamnöŋ körek neŋgö bömön jalönina ahök. ¹² Bömön jalönini yaŋön öne mala nalö mianŋgöreŋ uruŋi melenŋa Anutu möt nariba malöhi, nini aiwesökŋinambuk yaŋgö dop aka maljin. Anutugö aiwesökŋinambuk mala urunini melenŋa maljini, mönö neŋgö bömönina mewöyök ahök. Aiwesök yandim neŋgigetka öne laŋ qahö maljinmö, Abrahamgö köna lasupŋi wuatangöba möt narimakzin. Mewö.

Anutugö jöhöjöhö keu möt nariinga öljambuk akŋa.

¹³ *Anutunöŋ Abraham gölme buŋa qem wanŋiiga toŋi aiga gwölönarökurupŋan yaŋgö andöŋe mewö mal öŋgömegö keuŋi jiba jöhöyök. Keu mi Köna keu wu-atangöyöhanŋöra aka qahö jiyökmö, Anutunöŋ mötnariŋi ehi dop kölīga keuŋi jim teköi solanŋi ahöhanŋöra keu mi jiyök.

¹⁴ *Tosatŋan oyaenŋkoyaen akingöra Köna keunöŋ qekötahöba mewö mianŋön Anutugöreŋ yuai mi buŋa qem anŋubeak ewö, yeŋön mönö möt naribingö keuŋi qeapkögetka omaŋi akawak. Mewö Anutugö jöhöjöhö keugöra qahö osiinga keu mianŋön omaŋi akapuk. ¹⁵ Anutugöreŋ Köna keu walönninga irimŋi seholiiga kazikŋan qaknine öŋgömakzapmö, Köna keu qahö ahöbawak, mewö singisöndokö keuŋi qahö jibinak.

¹⁶ *Abrahamnöŋ mewö mindirim neŋgiba körek neŋgö bömönini akza. Mianŋgöra jöhöjöhö keuŋi neŋgiyöhi, mi Köna keunöŋ qekötahömakzei, yeŋgörök qahöpmö, Abraham ahök ewö möt narimakzini, neŋgöreŋ mewöyök öljambuk akŋapköra mörök. Mianŋgöra Anutunöŋ jöhöjöhö keuŋi mi kewö areŋgöba alök: Mi möt nariinga öljö körek neŋgöra kalema neŋgiiga kalem möriamŋan aukŋe asuhumakza.

¹⁷ *Abrahamgö keuŋi kun mi Buŋa Kimbinöŋ kewö ohoget ahöza, “Nöŋön gi kuŋgum gihibiga ambazip könagesö gwötpuk yeŋgö iwiŋina akŋan.” Keu mianŋgö dop Abrahamnöŋ Anutugö jeŋe iwi ak neŋgimakza. Anutunöŋ kömukömuŋi mem gulim enŋgimakza. Könagesö malmalŋini qahö, mi jebuk maljeanŋö tandök ewö enŋgoholi asuhumakze. Abrahamnöŋ mönö Anutu mewöŋi möt narim wanŋiyök.

¹⁸ *Anutunöŋ mutuk Abrahamgöra kewö jii mörök, “Göhö gwölönarökurupkan ahum sehigetka jaŋgöŋini seŋgelau ewö aiga malme.” Jöhöjöhö keu mi möta denöwö öljambuk asuhubawak, mi qahö mörökmö, mi töndup jörömqöröm aka ambazip könagesö gwötpuk yeŋgö iwiŋini akŋanŋö mamböta malök. Jöhöjöhö keu mutukjanŋö dop asuhumapköra mönö Anutu möt narim wanŋiba malök. ¹⁹ *Saragö köröŋan morö memegö dop qahö aiga nanŋak yambuŋi lök 100:kö dop ahök. Mianŋgöra nanŋi mötmöriiga lök azi namŋi sileŋi waziba sohosoholiŋi ahökmö, töndup Anutugöreŋ

* 4:11: Jen 17.10 * 4:13: Jen 17.4-6; 22.17-18; Gal 3.29 * 4:14: Gal 3.18 * 4:16: Gal 3.7 * 4:17: Jen 17.5
* 4:18: Jen 15.5 * 4:19: Jen 17.17

keunöŋ öljambuk akŋapköra möt narim waŋgiba maliga Abrahamgö mötnaripŋan qahö sörauba löwöriyök.

²⁰ Qahö löwöriyökmö, keuŋan öljambuk akŋapkö möt nariba miangöreŋ köhöiba kinök. Anutugö jöhöjöhö keugöra uruŋan an qem kam qem uruyahöt qahö ahökmö, mötnaripŋan köhöiiga Anutu möpöseiba maliga Anutugö qetbuŋaŋan sehiyök. ²¹ Anutunöŋ yuai asuhumapkö keuŋi jiba jöhöba mi ak tekömamgö köhöimakzawi, mi möt köhöim teköba uruyahöt kun qahö aka malök. ²² Mewö aka malöhaŋgöra Anutunöŋ Abrahamgö mötnaripŋi ehi dop köliga keuŋi jim teköiga solaniyök. ²³ Mötnaripŋi ehi dop köliga keuŋi jim teköiga solaniyöhi, keu mi Abrahamgörök qahö ohoget ahöza.

²⁴ Abrahamgörök qahöpmö, neŋgöra aka mewöyök mi ohoget ahöza. Nini Kembunini Jisös mem guli kömupnöhök wahöröhi, Anutu ia möt narim waŋgiinga mötnaripŋini ehi dop köliga jim teköm neŋgiiga solanibin. ²⁵ *Anutunöŋ neŋgö siŋgisöndok-ninaŋgöra aka Jisös qahö aŋgön köli kömuyök aka solanŋi akingöra aka mem guliiga kömupnöhök wahöta malja. Mewö.

5

Anutugö jeŋe solaniba söŋgaiba luainöŋ maljin.

¹ Neŋön Anutu möt nariinga keunini jim teköiga solanizin. Miangöra Kembunini Jisös Kraistnöŋ mönö nam köl neŋgiiga Anutubuk luai miwikŋaiba maljin. ² Mewöyök Jisös Kraist möt nariinga nam köl neŋgiiga kalem möriam buŋa qem aŋgubingö könaŋi miwikŋaiba nalö kewöŋe kalem möriam uruŋe maljin. Anutugö asakmararaŋ uruŋe aŋgotpingö jörömqöröm aka söŋgaimakzin.

³ Miangörök qahö söŋgaimakzinmö, wahöjalin möta miangöra mewöyök söŋgaimakzin. Köŋjilin möta mökösoŋda mewö miangön kapaŋkölköl miwikŋaibin. Mi möta miangöra söŋgaimakzin. ⁴ Kapaŋkölköl miwikŋaiba esapesapnöŋ köhöiba kinbin. Esapesap-nöŋ köhöiba kininga jörömqörömninan köhöimakŋa. ⁵ Anutunöŋ Uŋa Töröŋi al neŋgiiga köna asuhuiiga urukalemŋi mokoiga urunine geiga maljin. Miangöra jörömqöröm aka oyaenŋkoyaen akingö al mamböta gamumamusum qahö miwikŋaibin.

⁶ Miangö könaŋi kewö: Nini mutuk lölöwöröŋi ösumnini qahö malini, Kraistnöŋ mönö nalö diŋdiŋi miangöreŋök kömumba ambazip aŋgöjörakninambuk neŋgö sohopnini meyök. ⁷ Kunöŋ Köna keu törörök wuatangöba diŋdiŋi akzawi, ala mewöŋangöra kunŋan ölop qahö kömumbawak? Mi möriiga osibawakmö, kunöŋ urukalem gwötpuk ambazip ak enŋimakzawi, alaŋi kunŋan yaŋgöra aka ölop sileŋi köleŋda kömumamgö mötpawak.

⁸ Ambazipnöŋ mewö ahakzinmö, Anutunöŋ uruŋan jöpaköm neŋgimakzawi, yaŋön mi kewö kondelök: Yaŋön Kraist melaiiga eta mutuk aŋgöjörak ambazip malini, nalö miangöreŋök mönö neŋgöra aka kömuyök. ⁹ Kömuiga nalö kewöŋe seŋŋan saŋgoŋda jim teköm neŋgiiga solaniba maljin. Töndup mi korembenji ewö aiga öljän mönö könaŋep kewö asuhuma: Anutunöŋ siŋgisön-dökö urukönöpŋi aukŋe kondeliga yuai kanŋamŋambuk gölmenöŋ asuhuma. Mi asuhuiiga Anutugö jeŋe solanŋi akzinangöra Jisösnöŋ mönö jeŋberereŋ miangöreŋök meköm neŋgiiga oyaenŋkoyaen akin.

¹⁰ Nini mutuk Anutugö kerökurupŋi malini, nalö miangöreŋ nanŋi Nahönŋi melaii kömumba miangön töwanini ahiga Anutubuk ala-ala ahin. Ahini, miangön korembenji akzapmö, öljä bohonŋan könaŋep kewö asuhuma: Töwanini ali Anutugö alaurupŋi malinga Jisösnöŋ köhöiba maljaŋgöra mönö amqeba meköm neŋgiiga oyaenŋkoyaen akin. ¹¹ Kembunini Jisösnöŋ Anutugö amötqeŋe nupŋi meiga Anutunöŋ töwanini ali yambuk ala-ala ahini, miyöhök qahöpmö, öljä Anutubuk jöpaköm aŋguba kindä köiraŋ köla söŋgaimakzin. Mewö.

Adamgöra aka köhömuŋi akzinmö, Kraistköra aka gulibin.

* 4:25: Ais 53.4-5

^{12*} Azi mohotnön siŋgisöndok gölmenön kondoriga asuhuyök. Anutunön siŋgisöndok miangö likepni aliga kömup asuhuyök. Miangö dop ambazip körek neñon siŋgisöndok aka malinga kömupnön miangöra ambazip körek pakpak dop köl neñgii maljin. ¹³ Mutuk Köna keu qahö asuhuiğa nalö miangörej mewöyök siŋgisöndok lök aukne asuhuba ahöyökmö, Köna keu qahö ahöiga siŋgisöndokö keunji mi qahö jim kewöta lañ malget.

¹⁴ Adamgö nalöneyök könahiba lañ mala kotketka Mosesgö nalöne Köna keu asuhuyök. Ambazip nalö sutje miangörej siŋgisöndok aketmö, Adamnön köna walöñnöhi, miangö dowök qahö walöñda malgetmö, kömupnön töndup i mewöyök galöm köl eñgii malget.

Adam, azi mutukni yañon mönö azi kun kamawañgö söpsöpña ahök.

¹⁵ Söpsöpña ahökmö, könañiri mi örörön qahö akzahot. Adamnön Köna keu walöñda eri siŋgisöndok asuhum sehiba ambazip gwötpuk dop köl eñgiiga kömumba malget. Mi kömupkö könañi akzapmö, oyaenköyaen akingö könañi mi kun. Mi kewö: Azi mohot Jisös Kraist yañon nam köl neñgiba kalem möriamni indeliga Anutugö kalemñan aukne asuhuba ambazip gwötpuk dop köla qesalöpköm neñgiyök. ¹⁶ Toroqeba kewö jimam: Köna yahöt mi örörön qahö akzahot. Azi mohotnön siŋgisöndok aiga Anutunön keunji jim teköiga siŋgisöndok ambazip körek neñon könöp siagö buñaya akzin. Mi gölme azigö könañi akzapmö, Suet azigö könañi mi kun. Mi kewö: Nalö gwötpuk Anutugö Köna keu walöñninga kalemni kondela jim teköm neñgiiga solanimakzin.

¹⁷ Mi dumge jimam: Azi mohotnön Köna keu walöñda kömup kondoriga ambazip körek makörek kömumba maljin. Adamgö siŋgisöndoköra aka kömupnön körek dop köla galöm köl neñgii lañ malin. Mi köna etqeçeni akzapmö, Anutu ösum-mumuñangö könañi mi kewö: Ambazip nini solanñi akingö kalemni mi keleşmaleleş buña qem aŋguba kalem möriamñangö uruñe maljini, neñon mönö oyaenköyaen akin. Azi mohot Jisös Kraist yañon nañgöba inahöm neñgiiga suahö *

¹⁸ Dumge kunbuk jimam: Azi mohotnön Anutugö Köna keu walöñda eri Anutunön keunji jim teköiga ambazip körek neñon könöp siagö buñaya ahin. Mewöñanök azi kunñan solanñi akingö kondoriga urunini meleşninga Anutunön ölop ambazip pakpak neñgö keunini jim teköiga solaniba köhöiba mal öngöbin. ¹⁹ Dumge kunbuk kewö jimam: Azi mohotnön qeçetal aka siŋgisöndok bohon köli sehiiga ambazip sehiseñi neñon meleşda siŋgisöndok ambazip ahin. Mewöñanök azi kunñan Anutugö jitiñ tem köla siŋgisöndokninañgö töwanji aliga köna asuhuiğa Anutunön ambazip sehiseñi neñgö keunini jim teköiga solanibin.

²⁰ Mutuk öne lañ mala kotketmö, Mosesgö nalöne Anutunön Köna keu ambazip siŋgisöndokniñi möt kutumegöra toroqem eñgiyök. Mi toroqem eñgiyökmö, mi mötketka siŋgisöndokniñan sehiba aukne asuhuyök. Mewö aiga Anutunön mönö kalem möriamni mewöyök mem sehiiga siŋgisöndok oñgita asuhuyök. ²¹ Siŋgisöndokö kukösumni mi ketani. Miangöra siŋgisöndok ahinga miangön galöm köl neñgiiga köhömuñi mala kömumba mala korin. Anutugö kalem möriamni miangön mönö mewöñanök kukösumñambuk akza. Jisös Kraist Kembuninan solanibingö kondoriga Anutunön keunini jim teköiga diñgiba malmal köhöikni miwikñaiba nalö teteköni qahö mal öngöbin. Mewö.

6

Siŋgisöndok andö qeba Kraistpuk guliba malme.

¹ Anutunön kalem möriamni neñgii sehimapköra siŋgisöndok toroqeba aka malbin me qahö? Miangöra mönö denöwö jiinga dop kölma? ² Siŋgisöndok yapmakek! Nini siŋgisöndokö kösönöhök lolohoba urunini walñan qamöt ewö aiga siŋgisöndok akingö tököba maljin ewö, mönö denöwögöra siŋgisöndoknön toroqeba galöm köl neñgii malbinak?

* 5:12: Jen 3.6 * 5:17: Jembon oñi nene (Siawari keunön qariwe ilikni nene) ewö köhöiba mal öngöbin.' ewö köhöiba mal öngöbin.

³ Keu ki mötze me qahö: Nini körek Kraistköreñ qeköta-höbingöra aka o melun mem neñgiget. Miangöreñ urunini waljan mönö Jisös qeget kömuyöhañgö tandök kömui malbingöra o melun mi mem neñgiget.

⁴ *Iwinöñ asakmararañi kondela Kraist mem gulii kömupnöhök wahöröhi, neñgö uruninan mewöyök kölöñaiiga dölökñi aka malinga dop kölma. Iwininan nini Kraistkö tandök ewö guliba wahöta ahakmeme dölökñi aka memba malbingöra mötza. Miangöra o melun mi kewögöra mem neñgiget: Urunini waljan Jisösbuk mohotñe kömumba ahömapköra urunini walji mi mewö löm kölget.

⁵ Urunini waljan Kraistpuk öröröñ kömui miangöreñ yambuk qekötahöba maljin ewö, Iwininan nini mewöyök Kraistpuk kinbingöra mötza. Kraistnöñ kömupnöhök wahöröhi, mönö yangö tandök öröröñ guliba malinga dop kölma. ⁶ Urusilegö sihim kömbönañnini bölöñan siñgisöndok akingö köpösöñgömakzawi, Anutunöñ sihim mi könderñi gemapköra mörakza. Anutunöñ siñgisöndoknöñ toroqeba galöm köl neñgii welenñi qeba malbinbuköra mötza. Miangöra urunini walji mi Kraistpuk maripomnöñ lök qeiga kömuyök. Miangö dop maljin, mi mötzin.

⁷ Kungö uruñi waljan kömuiga yañön mönö siñgisöndokö kösönöhök lolohoba malja. ⁸ Urunini waljan Kraistpuk kömuyök ewö, mewöñanök yambuk guliba mal köhöibingö möt narizin.

⁹ Mewö möt nariba Kraistkö könañi kewö ahöi möt yaközin: Anutunöñ i mem gulii kömupnöhök wahöta mal köhöiba kunbuk qahö kömuma. Kömupnöñ i qahö toroqeba galöm köliga mal öñgöma. ¹⁰ Kömup kömuyöhi, mewö miangöñ mönö nalö mohot miangöreñ siñgisöndokö kukösumñi könderñiga nalö teteköñi qahö lölöwöröñi ahöm öñgöma. Malmal köhöikñi maljawi, mi mönö Anutugöra mala mal öñgöma. ¹¹ Qamötnöñ siñgisöndok akingö osime. Inini mönö mewöñanök nanñinañgö mötketka qamöt ewö aiga Kraist Jisösbuk qekötahöba kinda Anutugöra köhöiba malme.

¹² Sileñini kömumawi, miangö sihim kömbönañi bölöñan galöm köl enñiiga i tem köl wañgiba siñgisöndok akepuköra mi mönö jöhöba malme. ¹³ Miangöra sile kitipñini pakpak mi mönö siñgisöndok Toñangö böröñe kude alme. Mala mewö algetka buñañi aiga bohon köliga añgöjörak asuhubapuk. Mewö qahöpmö, köhömuñeyök gulibagun mönö nanñini Anutu tököm wañgime. Sile kitipñini pakpak mi Anutugö böröñe algetka buñañi aiga bohon köliga ahakmeme solanñi asuhumakña. ¹⁴ Inini Köna keu bapñe qahöpmö, kalem möriam uruñe malje. Miangöra siñgisöndoknöñ mönö öne jöhöba galöm köl enñii malbepuk. Mewö.

Solanñi malmalgö Toñi welen qeba malme.

¹⁵ Miangöra denöwö jibinak? Nini Köna keu bapñe qahöpmö, kalem möriam uruñe mala siñgisöndok ahinga dop kölja me qahö? Mi yapmakek! ¹⁶ To yahöt akzahot. Nanñini yetköreñök kungö böröñe al añguba jitñi tem köla welenñi qemakzei, miangöra mönö keu ki möt yaköme: Inini kun jitñi tem kölakzei, mönö yangö welenqequeurupñi akze. Siñgisöndok Toñangö welenqequeurupñi akze ewö, yañön mönö enñuanñiriga kömum köhöime. Anutugö jitñi tem köla welenñi qemakze ewö, yañön mönö keuñini jim teköiga solanñi aka mal öñgöme.

¹⁷ Inini mutuk siñgisöndok Toñangö welenqequeurupñi aka malget. Mewö malgetka Buña keu mindingöm enñimakñapaköra kusum enñigetka mötket. Mi möta miangö dop uruñini melenña nalö kewöñe Buña keu törörök tem köla Anutugö könañi wuatangömakze. Mewö möta enñgöra "Anutu saiwap!" jiba maljin. ¹⁸ Mi wuatangöba siñgisöndokö kösönöhök lolohoba Anutugö welenñi qeba ahakmeme solanñi aka memba malje.

¹⁹ Urusilenñinan lölöwöröñi akzawañgöra aka keu miangö könañi mi mönö gölme ambazip neñgö keu jijigö dop nöñön kewö jimam: Inini mutuk sile kitipñini pakpak tököba iwilele Toñangö (Satangö) böröñe ala welenñi qeba malget. Mewö malgetka ahakmeme añgöjörakñambuk asuhuiga uruñinan tölöhoi malget. Mewö malgetmö, nalö

* 6:4: Kol 2.12

kewöje sile kitipñini pakpak mi mönö tököba Anutugö böröje alme. Mewö ala welenñi qegetka ahakmeme solanñi asuhuiga sarakñi ahakñe.

²⁰ Inini siñgisöndok Tonangö welenqeueurupñi malgeri, nalö miangörej ahakmeme solanñi mi qahö wuatangögetmö, nanñini imbi-imbi lañ malget. ²¹ Nalö kewöje ahakmeme miangöra gamuñini mötzmö, nalö miangörej mewö aka mala öñji mönö denöwö miwikñaiget? Ahakmeme gamuñambuk miangö öñji mi kömup köhöikñi.

²² Nalö kewöje Anutunöñ siñgisöndokö kösönöhök pösat enñgiiga lolohoba Anutugö welenqeueurupñi aketka öñji asuhuiga sarakñi ahakze. Mewö aka malmal köhöikñi mala teteköñe oyaenköyaen aka mal öngöme. ²³ Siñgisöndok ahinga Tonan töwa neñgiiga kömup köhöikñi miwikñaibinmö, Anutugö kalemñi mi oyaenköyaen malmal. Kraist Jisös Kembuninambuk qekötahöba kinbin ewö, mönö köhöiba teteköñi qahö mal öngöbin. Mewö.

7

Awanöm malmalgö söpsöp keu

¹ O urumelen alaurupni, inini Köna keu mötzeangö dop enğöra kewö jimam: Köna keunöñ ambazip jöhöm nengiza. Gölmönöñ mal öngöbinangö dop mönö miangö bapñe malbin, inini mi mötze me qahö? ² Miangö söpsöpñi kun kewö: Köna keunöñ ambi apñambuk jöhöiga azinöñ malmawangö dop awanöm malmahotmö, apñan kömuma ewö, anömñan mönö awanöm malmalgö Köna keunöhök lolohoma.

³ Miangöra apñan jebuk maliga azi kungöra On! jiiga mema ewö, yangö qetñi mönö qesabulum ambia jimakzin. Mewö jimakzinmö, apñan kömuma ewö, Köna keu miangön qahö toroqeba jöhöi malma. Mewö mala azi kun memawi, yanön mönö qesabulum ambia qahö akña.

⁴ Miangöra urumelen alaurupni, enğö könañamñinan mönö mewöñanök ahöza. Inini mewöyök azi kungö buñañi akrögöra Kraistpuk qekötahöget. Anutunöñ i mem guli kömupnööhök wahoriga malmalninan öñji Anutugöra miwikñaii asuhumapköra mörakza. Kraistnöñ kömuiga uruñini walñan yambuk kömuiga qamöt ewö aka Köna keugö buñañi qahö malje. ⁵ Mutuk urusilegö sihim kömböñañi bölöñan galöm köl neñgiiga lañ malin. Nalö miangörej Köna keunöñ sölölohöba kungum neñgiiga siñgisöndok akingö sihim kömböñañini bölöñan asuhum tiñgita galöm köl neñgiget. Miangöra urusileninan wahoriga malmalninan kömup köhöikñangö öñji miwikñaiba lañ malin.

⁶ Mewö malinmö, mutuk keu miangön jöhöm neñgiiga gwaröñe mala köna keugö bohonñi mohot mohot wuatangöbingö kapañ köla nupñi memba malin. Kraistpuk qekötahöba kininga urunini walñan yambuk kömuiga nalö kewöje köna keugö buña ahinañgöreñök lolohoba kunbuk welenñi qahö qemakzin. Nalö kewöje könañamñinan kölöñaiiga Uña Töröñan inahöm neñgiiga amqeba Anutugö nupñi memakzin. Mewö.

Siñgisöndok akinbukö kapañ köla aum-mörimakzin.

⁷ *Miangöra denöwö jibinak? Köna keu nanñak siñgisöndok-ñambuk akza me qahö? Mi yapmakek! Köna keunöñ mönö siñgisöndokö könañi kondel niñgiiga möral. Köna keu kun kewö ahöza, “Kungörej yuaigöra kude köpösöngöman.” Mewö qahö jibawak ewö, nöñön yuaigö köpösöngömakzali, miangö könañi qahö möt kutubileñak. Miangöra Köna keu qahö möt kutubileñak, mewö siñgisöndok qahö möt yaköbileñak.

⁸ Köna keu qahö ahöbawak, siñgisöndoknöñ mönö keu omañi aka köhömuñi akawak. Mewö akawakmö, jöjöpañ keu mötpiga sel jöhöm niñgiiga mi walöñmamañgö könañi ahuiga siñgisöndok aki asuhuyök. Jöjöpañ keunöñ mönö kungum niñgiiga urunan wahoriga sihim kömböñañi bölöñi könañi könañi asuhum tiñgitketka bölöñangöra lañ köpösöngömakzal. ⁹ Mutuk Köna keu qahö möta tönpin malalmö, jöjöpañ keu mötpiga miangön angön köl niñgiyöhangöra siñgisöndokö sihimnan guliiga urunan wahöri mi ahal. Siñgisöndok akiga mem kömum niñgiiga köhömuñi ahal.

* 7:7: Eks 20.17; Dut 5.21

¹⁰ Anutunöŋ jöjöpəŋ keu mi wuatəŋgöba mal köhöimamgöra aka al ningiyökmö, keu mi wuatəŋgömamgö esapköbiga mem kömum ningiiga köhömuŋi ahal. Köhömuŋi ahal, miaŋön mönö aukŋe asuhui miwikŋaijal. ¹¹ *Jöjöpəŋ keu möt kutubiga sel jöhöm ningiiga mi walöŋmaməŋgö könaŋi ahui jöjöpəŋ keunöŋ kuŋgum ningiiga siŋgisöndoknöŋ tilipköm ningiiga mi ahal. Siŋgisöndok aka keunambuk ahal. Mewö miaŋön Anutugö jöjöpəŋ keu miaŋön siŋgisöndok bohon köliga aki mem kömum ningiiga köhömuŋi ahal.

¹² Mewö ahal mö, töndup Köna keu miaŋön mönö kömbukŋi aka sarakŋi akza. Miaŋgö jöjöpəŋ keunan mönö diŋdiŋi aka ölöŋŋi akza. ¹³ Mewö aiga jöjöpəŋ keu ölöŋŋi miaŋön mem kömum ningiiga köhömuŋi ahal me qahö? Mi yapmakek! Keu ölöŋŋan qahöpmö, Köna keunöŋ mönö nani siŋgisöndoknaŋgö könaŋi indeli möt kutuyal. Siŋgisöndokö gamuŋi aukŋe asuhui kanjamŋambuk mötmamgöra aka jöjöpəŋ keu miaŋön siŋgisöndokö selŋi jöhöiga urunan wahöri walöŋda siŋgisöndok ahal. Nani siŋgisöndokni miaŋön mönö mem kömum ningiiga köhömuŋi ahal. Mewö.

Urone siŋgisöndokö yarö ahöi maljal.

¹⁴ Uŋa Töröŋan Köna keu neŋgiiga diŋdiŋi akzawi, mi mötzinmö, nöŋön siŋgisöndok azia aka sihim kömbönaŋni bölöŋambuk akzal. Eta kölbiga siŋgisöndoknöŋ galöm köl ningiiga tem köla welenŋi qeba siŋgisöndok ahakzal.

¹⁵ *Miaŋgöra yuai ölöŋŋi akŋamgö mörakzali, mi qahö ahakzal. Mimö, yuai bölöŋŋi akŋamgö tököba sisitŋi memakzali, mönö mia ahakzal. Miaŋgöra yuai ahakzali, nöŋön miaŋgö könaŋi ölöŋ qahö möt kutumakzal. ¹⁶ Miaŋgöra yuai bölöŋŋi akŋamgö ölan aka mia ahakzal ewö, Köna keunöŋ mönö töndup ölöŋŋi akza. Köna keugöra mönö urumohot akzal.

¹⁷ Mewö aiga nöŋön nanak mi qahö toroqeba ahakzalmö, siŋgisöndok urune ahözawaŋön mönö kuŋgum ningiiga mi ahakzal. ¹⁸ Ahakmeme ölöŋŋi akŋamgö sihimŋi öljə mörakzalmö, mi akŋamgö ösumnan qahö asuhum ningimakza. Miaŋgöra nöŋgö urune yuai ölöŋŋi kun qahö ahözapmö, urusilenan mönö siŋgisöndok akŋamgö kuŋgum ningimakza, mewö mötzal. ¹⁹ Miaŋgöra yuai ölöŋŋi akŋamgö sihimŋi mörakzali, mia qahö ahakzalmö, yuai bölöŋŋi qahö akŋamgö mörakzali, mönö mia ahakzal. ²⁰ Mewö aiga yuai akŋamgö tökömakzali, mia töndup ahakzal ewö, mi nanak qahö toroqeba ahakzalmö, siŋgisöndok urune ahözawaŋön mönö kuŋgum ningiiga mia ahakzal.

²¹ Miaŋgöra nani könani kewö ahöi miwikŋaimakzal: Yuai ölöŋŋi akŋamgö sihimŋi mötpiga bölöŋaŋgö sihimŋan mönö uruni jöhöiga qakömakzal. ²² Miaŋgö könaŋi kewö: Uroneyök göröken Anutugöreŋ Köna keugöra urumohot aka tem kölmamgö mörakzal.

²³ Mewö mörakzalmö, sileneyök göröken nani könaŋamni kewö ahöi miwikŋaimakzal: Silenaŋgö kitipŋi mieŋön siŋgisöndokö bohonŋi aketka akŋamgö mörakzal. Siŋgisöndok akŋamgö sihimnan mönö urusihimni ölöŋŋi mi memba et almapköra möri auba yarö qemakzahot. Siŋgisöndok akŋamgö sihim kömbönaŋnan mönö silenenaŋgö kitipŋi kitipŋi sölölohöm engiba jöhöm ningiiga kösö gwarönöŋ maljal. ²⁴ O nöŋön bölim teköba aŋgöjöraknambuk akzal. Urusilenaŋgö sihimŋi bölöŋan noaŋgiri kömup köhöikŋi kömumbileŋbuköra mönö daŋön sohopni memba amöt qem ningibawak?

²⁵ O Jisös Kraist Kembuni, mönö yambuk nam köla “Anutu saiwap!” jizal. Könaŋamnan mewö aiga nanak urunanöhhök Anutugöreŋ Köna keugö bapŋe anda welenŋi qemakzalmö, sileni siŋgisöndokŋambuk miaŋgöreŋ göröken siŋgisöndok akŋamgö sihim kömbönaŋnan jöhöm ningiiga miaŋgö kösö gwarönöŋ maljal. Mewö.

8

Uŋa Töröŋan tim töndanini aiga mal köhöizin.

¹ Miaŋgöra ambazip Kraist Jisösbuk qekötahöba kinjini, Anutunöŋ mönö neŋgö keunini jim teköiga nalö kewöŋe könöp siagö buŋa qahö aka maljin. ² Miaŋgö könaŋi kewö: Gi siŋgisöndokö sihimŋi tem köla malnöŋaŋgöra aka kömup köhöik-ŋaŋgö

* 7:11: Jen 3.13 * 7:15: Gal 5.17

buñaya aka malnõj. Mewö malnõjmö, Kraist Jisösbuk qekõtahöba kinõnga malmal köhöikñangö Uñajan mönõ kömup köhöikñangö kösönöhök pösat gihiiga maljan.

³ Ambazip urusilenine sihim kömbönañnini bölõñi mi ahöza. Mi wuatangöinga Köna keugö ösumñan löwõriba malmal köhöikñi neñgimapkö osiiga qaköin. Qaköba urusileninan siñgisöndok aka malini, Anutunõj siñgisöndok miangö keunji jim teköba likepñi kewö melenök: Yañõn nanñi Nahõnñi melaiiga gölmenõj eta siñgisöndok azigö sile tandök ahök. Toroqeba siñgisöndokö jöwöwöl tandök ewö aiga ohogetka kömuyök. Anutunõj malmal köhöikñangö könaji mewö mesarök.

⁴ Anutunõj könaji mi kewögöra mesarök: Köna keunõj nini solanñi aka dirdiñi malbingöra jim kutum neñgimakzawi, Anutunõj keu miangö öljän neñgõrej asuhum tekömapköra mörök. Miangöra nini urusileninangö sihim kömbönañnini bölõñi wuatangöbingö tököba Uña Törõñangõrej nangöba jitsihitñi wuatangöba ahakzin.

⁵ Ambazip urusileninangö sihim kömbönañi bölõñi wuatangömakzei, yeñgö uruñinan mönõ siñgisöndokõrej göröken akingö ahöza. Ambazip Uña Törõñangõrej nangöba jitsihitñi wuatangöba ahakzini, neñgö uruninan mönõ Uña Törõñangõrej göröken akingö ahöza. ⁶ Urusileninangö sihim kömbönañnini bölõñan mönõ örom neñgiiga kömup köhöik-ñangõrej anbingöra ahözapmö, Uña Törõñan urunine luai qeiga mal köhöibingö sihimñi mörakza.

⁷ Anutunõj Köna keu neñgiiga siñgisöndok akingö sihim kömbönañninan mönõ keu miangö bapñe qahö anakza. Mi anmamgö osiza. Mi osiiga lañ mala uruninan Anutu qetala kerök ak wañgimakzin. ⁸ Ambazip urusilegö sihim kömbönañinan galöm köl engigetka lañ maljei, yeñõn mönõ Anutugö jeje dop kölbingö jiiga qaköme.

⁹ Yeñõn qakömemö, Anutugö Uña Törõñan engö uruñine malja ewö, yañõn mönõ galöm köl engii malje. Urusilegö sihim kömbönañini bölõñi mienõn mönõ injini qahö galöm köl engimakze. Kraistkö Uña Törõñan kungö uruñe qahö geiga öne maljawi, yañõn Kraistkö buñaji qahö akza. ¹⁰ Qahö akzapmö, Kraistnõj engö uruñine malja ewö, sileñinan siñgisöndoköra aka kömumemö, uñaninan solanñi akzeangöra aka mal köhöim öngöme. ¹¹ *Anutunõj Kraist Jisös mem gulii kömupnöhök wahöröhi, yañgö Uñajan uruñine malja ewö, yetkõn injini Anutubuk qekõtahöba kingetka sileñini köhömuñi mi mewöyök mem gulimahot.

¹² O urumeleñ alaurupni, guliba maljinangöra neñõn mönõ Anutugõrej tosabuk maljin. Urusilegö sihim kömbönañnini bölõñi wuatangöbinangö tosanji qahöpmö, Uña Törõñangö jitiñi tem köla malbingö tosanjan mönõ ahöm neñgiza. Miangöra nanini imbi- imbi lañ malbinbuk. ¹³ Urusilegö sihim kömbönañini bölõñi wuatangöba malje ewö, injini mönõ kömup köhöikñangö buñaya akñe. Mewö akñemö, Anutugö köulukögetka Uña Törõñan urusileninangö ahakmeme bölõñi mem kömumakña ewö, mewö miangõn mönõ guliba mal köhöiba malme. ¹⁴ Anutugö Uñajan ambazip enñgungiri maljei, yeñõn körek Anutugö nahõnbö-raturupñi akze.

¹⁵ **Ömewöröme yeñõn ambazip sölölohöm engigetka jönömñini undui welenqege omani aka maljemö, injini öme mewõñi mia kun qahöpmö, Uña Törõñi i buña qem anguba malje. Miangöra injini mönõ kunbuk toroqeba keñgöt qakñe malbepuk. Uña Törõñi yañõn mönõ mem letot enñgiiga Anutugö nahõnböraturupñi akze. Uña miangõn sölölohöm neñgiiga Anutugöra “Aba” ¹⁶ Anutugö nahõnböraturupñi akzini, keu mi Uña Törõñan nanñak nanini uñaninambuk imbi köla mohotñe nangöba jimakzahot.

¹⁷ Anutugö nahõnböraturupñi akzin ewö, yañõn nanñi ambazipurupñi neñgöra oy-aenñkoyaen mözözömgöi ahözawi, mi mewöyök buña qem angubin. Anutunõj Kraistköra yuai mözözöm-göi ahözawi, mi mönõ mewöyök Kraistkö qöhörõñe kinda buña qem angubin. Kraistpuk mohotñe sihimbölä mörakzin ewö, mönõ mewöyök Kraistkö asakmararañnõj öngöba yambuk mohotñe asariba malbin. Mewö.

* 8:11: 1 Kor 3.16 * 8:15: Mak 14.36; Gal 4.6 * 8:15: Gal 4.5-7 * 8:15: Aba mi Arameik keunõj iwi.' Iwini!' qerakzin.

Malmal asakmararaṅambuknōṅ öṅgöba malbin.

¹⁸ Nalö kewōṅe sihimbölo möta maljini, mianṅön malmal eretṅi akza. Könāṅgep Kraistkö asakmararaṅnōṅ öṅgöba asariba oyaenṅkoyaen malbini, mianṅön mönō malmal öṅgöṅgöṅṅi aködamunṅambuk akṅa. Malmal yahöt mi likeplikep ala kewöt-pinaṅgö dop qahö. Mewö mötmörizal. ¹⁹ Anutunōṅ sömbup aka yuai pakpak miwikṅaiyöha ahözei, mienṅön mönō mamböta Kraistnōṅ kaba Anutugö nahönböraturupṅi meköba kondel enṅiiga asakmararaṅ asuhum enṅimapköra awöwengömakze.

²⁰ *Anutunōṅ sömbup aka yuai pakpak miwikṅaiyökmö, mienṅön mala kömumba ayapköme. Nanṅini sihimṅinaṅgö dop qahöpmö, Anutunōṅ mönō nanṅi sihimṅaṅgö dop mewö areṅgöyök. Yuai pakpak ayapkömemö, töndup jörömqöröm enṅiiga oyaenṅkoyaen kewö asuhumapaköra al mambörakze: ²¹ Anutunōṅ sömbup aka yuai pakpak miwikṅaiyöha ahözei, mienṅön mönō mewöyök kewögöra mambörakze: Anutunōṅ i mewöyök anṅöjörak malmalgö kösöṅeyök pösat enṅiiga qahö kömumba gisahöba ayapkömemö, Anutugö nahönbörat ewö lolohoba asakmararaṅinambuk asariba ahöm öṅgöme.

²² Mianṅgö könaṅi kewö: Anutunōṅ sömbup aka yuai pakpak miwikṅaiyöha ahözei, mienṅön körek pakpak mönō mohotṅe osoṅgom köla morö memegö masö tandök möta ahöba kota nalö kewōṅe mewöyök ahakze. Mi mötzin. ²³ *Anutunōṅ sömbup aka yuai pakpak miwikṅaiyöha ahözei, mienṅönöhök qahöpmö, Anutugö yambu jeṅiqeṅe ahinga Uṅaṅi kalema neṅgii maljini, neṅön mönō mewöyök uruninan osoṅgom köla maljin. Anutunōṅ neṅguangiri nahönböraturupṅi qainṅi kun akingö mamböta mala osoṅgom ahakzin. Neṅguangita sile sohpnini meiga kunbuk letotṅingöra awöwengöba maljin.

²⁴ Mewö letotṅingö jörömqöröm aka urunini melenṅda Suepkö buṅaya ahin. Yuaigöra jörömqöröm ahakzini, mianṅgö öṅṅi asuhui ehinga jörömqörömnini mewö mianṅön teköma. Kunōṅ kun yuaigö öṅṅi asuhui eka mianṅgö jörömqörömṅi mi qahö toroqeba aka mambörakza. Mi qahö. ²⁵ Yuaigö öṅṅan qahö asuhui ehakzini, mianṅgöra jörömqöröm akzin ewö, mi mönō kapaṅ köla asuhumapaköra al mamböriṅa uruninan qahö erakza.

²⁶ Mewöṅanök löwöriṅga Uṅa Töröṅan bauköm neṅgimakza. Denöwö köuluköiṅga dop kölbawak, mi qahö mötzinmö, Uṅa Töröṅan mönō nanṅak köuluk nupnine bauköm neṅgiba neṅgöra aka köuluköba keu jitṅi aukṅe qahöpmö, osoṅgom aka saṅepnōṅ alakza. ²⁷ Saṅepnōṅ ala Anutugö jitsihitṅaṅgö dop ambazip sarakṅi neṅgöra aka köulukömakza. Anutunōṅ ambazip urunini ek kewörakzawi, yaṅön mönō amqeba Uṅa Töröṅaṅgö uru mötmötṅi mörakza.

²⁸ Anutunōṅ köulukṅi möta öröyulai pakpak galöm köliga mianṅgö mindimindiri öṅṅan mönō nanṅi alaurupṅan ölöwakṅegöra asuhumakza. Mi mötzin. Öṅṅi mianṅön ambazip amötqeqe areṅaṅgö dop enṅoholi jöpaköm waṅgimakzei, mönō i mewö me mewö bauköm enṅimakza. ²⁹ Anutugö areṅaṅgö könaṅi kewö: Nanṅi nahöṅṅan urumeleṅ alaurup sehisehiṅi neṅgö sutnine mutuknini ak neṅgimapköra mörakza. Mianṅgöra qeljiṅe areṅ ala nini tandökninan Nahöṅṅaṅgö dop akingöra mörök. Mianṅgöra ambazip qeljiṅe möt neṅgiyöhi, nini mewöyök mewö akingöra jim möwölöhöm neṅgiyök. ³⁰ Qeljiṅe jim möwölöhöm neṅgiyöhi, nini mewöyök neṅgoholök. Neṅgoholöhi, neṅgö keunini mewöyök jim teköiga solaniin. Solaniini, neṅgöra mewöyök köna kondeliga nanṅe asakmararaṅnōṅ öṅgöba oyaenṅkoyaen akin. Mewö.

Anutugö urukalemṅaṅgö möpömpösei lijet.

³¹ Keu mi möta mianṅgöra denöwö jibinak? Anutunōṅ sel jöhöm neṅgiba likepnine malja ewö, daṅön mönō qetal neṅgibawak? ³² Anutunōṅ nanṅi Nahöṅṅi tok qahö anṅön kölökmö, i jim teköiga malmalṅi körek neṅgöra aka köleṅnök. Mi köleṅniga Anutunōṅ yambuk kalem korembenṅi tosatṅi pakpak mi mewöyök amqeba neṅgima.

³³ Anutunōṅ ambazip nanṅaṅgöra möwölöhöm neṅgiba keunini jim teköiga solani-makzini, mianṅgöra daṅön mönō keu jakeṅe al neṅgibawak? ³⁴ Kraist Jisösnōṅ kömuiga

* 8:20: Jen 3.17-19 * 8:23: 2 Kor 5.2-4

Anutunöy kunbuk mem guliiga Suepnöy öngöba Anutugö böröni ölje tata toroqeba neygora aka köulukömakza. Miangöra kunjan kun keunini kewöta könöp sianöy gebingöra jim teköm neygamangö osima.

³⁵ Kraistkö urukalem uruje malinga danön mönö miangöreñök mendeñ neygiiga etpinak? Kahasililiñ ak neygetka wahöjaliñ mötpinakmö, Kraistkö urukalemneyök ölop qahö etpin. Sese-werowero ak neygebeakmö, miangöreñök ölop qahö etpin. Bödi akinak me opo söroninan qahöwahi malbinak, mönö ölop qahö etpin. Kömumbinbukö keñgöt qakñe malbinak me yarö gilgetka kazik asuhubawakmö, mönö ölop qahö etpin.

³⁶* Miangö keunji Buña Kimbinöy kewö ohoget ahöza,

“Nalö dop söñanök könahiba kömumbingöra neygugetka anda mala suñgem ahakza. Lamaya engum nembinañgörok maljei, neygora miangö tandök mötmörimakze.”

³⁷ Keu miangö dop ak neygebeakmö, Kraistnöy urukalemñi indeli mörini, yanön töngum neygiiga lömböt pakpak miangöreñ mönö luhut ala köiran köla malbin. ³⁸ Yuai kunöy mönö Kraistkö urukalemneyök mendeñ neygamangö osima. Mi öl töhönña möt yaközal. Kömupnöy me malmalgö yuaini kunöy mönö mendeñ neygamangö osima. Suep garata me ömewöröme yeñön mönö nalö kewöñe me könañgep nini mendeñ neygingö osime. Bem suahö kukösumñinambuk yeñön mi osime.

³⁹ Euyangö euje me emuyangö emuje maljei, yeñön mönö mendeñ neygingö osime. Anutunöy öroyuai tosatñi kun miwikñaiyöha ahözei, mieñön mönö mewöyök Anutugö urukalem miangöreñök mendeñ neygingö osime. Anutugö urukalemñi mianön mönö Kraist Jisös Kembunini yangöreñ asuhui indeli, mi mötzin. Mewö.

9

Anutunöy sihimñangö dop Israel möwölöhöm engiyök.

¹ Nöñön Kraistpuk qekötahöba kinda muney keu qahöpmö, keu öl töhönñi kun jimam. Uña Töröñangö keugöra kezap albi keuni nanjöba jim köhöiba sañep urune ali kewö möta jizal: ² Nöñön Juda ambazip tosatñi yeñgö wösöbirikñinan nuñguiga urunan sihimbölo ketanji teteköñi qahö kewögöra mörakzal:

³ Yeñön nömbuk gölme silenöy Israel könagesöya mohot akzinmö, uruñinan Kraistpuk qahö qekötahöba lañ malje. Nöñön Israel alaumurupnan uruñini meleñmegöra aum-mörimakzal. Anutunöy yeñgö keunini kewöriga nanak yeñgö salupñini akiga likepñi meleñda nöngö qakne kewö öngömapkö mötzal: Yanön ni Kraistköreñök mendeñ niñgii könöp siagö buñaya akñamgö mötzal.

⁴* Yeñön Israel kambu uruje malgetka Anutunöy enguanñiri buñanji akze. Anutugö qetbuñanji bisiba aködamunñinambuk akze. Anutunöy yembuk oyaenköyaen akingö jöhöjöhö walñi aka dölokñi aka Köna keunji al engiyök. Miangöra jöwöwöl jikenöy öngöba Anutugö waikñi memba möpöseimakze. Anutunöy kötumötuetñi sehimapkö keu jöhöyöhi, miangö ölñan asuhumapköra mambörakze. ⁵ Yeñön bömön jalönini Abrahamgö gwölönarök-urupñi yeñgö isi moröurupñina malje. Kraistnöy yeñgöreñök gölme sile memba azia asuhuyök. Kraistnöy Anutunina aka yuai pakpak galöm köliga qetñi nalö teteköñi qahö möpöseimakin. Keu mi ölña.

⁶ Mewö maljemö, Israel könagesönöhök asuhum sehiba maljini, neñön pakpak mönö töndup Israel ambazip ölñi qahö akzin. Miangöra Anutugö keujan singgiiga ösumñan erök tandök ahakza me? Mewö jibinak, mi keu ölña qahö. ⁷* Abrahamgö gwölönarök-urupñi yeñgöreñök ahuzinañgöra aka körek neñön mönö Anutugö nahönböraturupña qahö akzin. Mewö qahöpmö, Anutunöy Abrahamgöra kewö jiyök, “Aisakö isimoröurupñan mönö göhöreñ toroqeba qetki bisiba mal öngöme.”

⁸ Keu miangö könanji kewö: Abrahamgö gwölönarökurup gölme ambazip siliknöy morö ahumakzini, körek neñön mönö Anutugö nahönböraturupñi qahö akzin. Mewö qahöpmö, Anutunöy keu jöhöi ahözawangö dop ahuini, Anutunöy mönö ninia möt

* 8:36: Sum 44.22 * 9:4: Eks 9.4 * 9:7: Jen 21.12

nenjiiga Abrahamgö gwölönarökurupji ölni akzin. ⁹ *Jöhöjöhö keu mianjön Abrahamgörej kewö kaiga mörök, “Yambu mohot teköiga mianjögörej kunbuk kaba gekiga Saranön mönö morö nahönjambuk akña.”

¹⁰ Keu mewö möri yangjörej mewö asuhuyökmö, mianjögörejök qahö teköyök. Yangjö andöñe Rebekagörej mewöñanök Anutugö keugö dop asuhuyök. Bömönini Aisak yangjön anömñi mi gölöm wangiiga nahönyahötñiri siwisiwi asuhuyohot. ¹¹ Siwisiwi yetkön gölömñe tata qahö asuhuba yuai ölöpnji me bölöñi kun qahö ahoñi, Anutunöñ mönö nalö mianjögörej nahön yetkörejök kun nanjangöra möwölöhöyök. Nanñi mötmöt areñan köhöiba öljambuk ak tekömapköra aka munñi möwölöhöyök.

¹² *Nanñi jitsihitñan öljambuk akñapköra Rebekagöra kewö jiyök, “Datñan mönö munjangö welenqeqeñi aka nembö bapñe malma.” Anutunöñ mewö jiba ahakmemenñiri akahorahi, mianjögö dopñe i qahö kewöt etkiyökmö, nanñi mötmöt sihimñi miyök wuatangöba munñi oholiga datñangö ketanñamñi ahök. ¹³ *Mianjögö keuñi Buña Kimbinöñ kewö ohoget ahöza, “Jeikob urunan jöpaköba malalmö, Iso (Esau) mi tököba kazik ak wangjiba malal.”

¹⁴ Keu mianjögöra mönö denöwö jibinak? Anutunöñ diñdiñi qahö akza me? Mewö qahöpmañ! ¹⁵ *Anutunöñ Mosesgöra keu kewö jii ahöza, “Nöñön mönö nani jitsihitni wuatangöba kun niñia ehoriba ak kömumangö mötzali, ia mönö ak kömum wangi-makzal. Kun dagöra wösö mötmöt ak wangimangö jizali, yangjöra mönö wösöni mörakzal.” ¹⁶ Keu mianjögöra aka gölme azinöñ Anutu qahö galöm kölakzapmö, yuaigö sihimñi möta akñangö esapköm bibihawakmö, mi töndup Anutu qahö ongitma. Anutu nanñak kalem möriamñangö dop yuai pakpak galöm köliga yangjö böröñe ahöza.

¹⁷ *Anutunöñ farao kingöra keu jiiga Buña Kimbinöñ kewö ahöza, “Nani qetbuñani jim sehigetka gölme körek pakpak dop kölmapköra mötzal. Mewö möta kukösumni kondelbi aukñe asuhumapköra kuñgum gihibiga göñön asuhum tiñgitnöñ. Asuhum tiñgita mala tuarenjöñ ak niñgiba malnönnga mönö luhut al gihial.” ¹⁸ Keu mianjögö dop Anutunöñ nanñi jitsihitñi wuatangöba kun ehoriba ak kömumangö mötzawi, ia mönö ak kömum wangimakña aka kungö uruñi mem gwözöñmamgö jizawi, ia mönö mem gwözöñniga yanggiseñ ahakña. Mewö.

Anutugörej irimsesewöl aka ak-kömukömu

¹⁹ Engjörejök kunñan nöñgöra kewö jibawak, “Mewö aiga körek neñön mönö Anutugö jitsihitñi tuarenjöñ ak wangjibingö osimakzin. Mewö aigun Anutunöñ mönö wuanöñgöra toroqeba jim nenjimakza?” ²⁰ *Kunñan mewö jibawakmö, gölme azi gi mönö niñia aka Anutu tuarenjöñ aka angururuk ak wangibanak? Börösöwönöñ mönö nanñi miwimiwikñai Toñi kewö ölöp qahö jim wangima, “Gi mönö wuanöñgöra tandök kewöñi miwikñaim niñginöñ?” ²¹ Kimbut meme azinöñ mönö nanñi kukösum qakñe sihimñangö dop gwaköm melenñda möwölöhöba gwaköm mohot mianjögörejök kourañen murutñi murutñi memakza. Tosatñi nalö dop memba nupnöñ alakzin aka tosatñi aködamunñinambuk mi mönö sösoñgai nalöñeyök nupnöñ alakzin.

²² Anutu miwimiwikñai Toninan mönö mewöñanök ak nenjimakza. Yangjön irimsesewölñi ambazip kondel neñjiiga kukösumñi eka mötpingöra mörakza. Mewö möta irimñan seholiiga kazikñan ambazip tosatñi yengö qakñine öngöiga jöjöröba könderj engimangö aka malök. Mi töndup likepñi zilañök qahö melenñ engiyökmö, yengöra aka sihimbölö gwötpuk möta mökösoñda uruñini melenñmegöra mamböta malök.

²³ Mewöñanök kalem möriamñi indeli keleñmaleleñ asuhu-mapköra mörakza. Mewö möta ambazip aködamunñi buña qem angubingöra möwölöhöm nenjiyöhi, nini mönö nengehoriiga aködamunñambuk asarimakzin. ²⁴ Nini mewöyök mewö akingöra nengehohök. Juda ambaziwök qahöpmö, kian kantriñi kantriñi i mewöyök mewö akñegöra engoholök. ²⁵ *Anutunöñ mianjögö keuñi jiiga kezapqetok azi Hoseagö kimbinöñ kewö

* 9:9: Jen 18.10 * 9:12: Jen 25.23 * 9:13: Mal 1.2-3 * 9:15: Eks 33.19 * 9:17: Eks 9.16 * 9:20: Ais 29.16; 45.9 * 9:25: Hos 2.23

ahöza,
 “Ambazip nani könagesöurupni qahö aka malgeri, nöñön mönö i engoholbiga nani könagesöni akre. Tosatjan nani wölböt alani qahö malgeri, yengöra mönö ‘Nani wölböt alaurupni,’ mewö jiba malmam.

²⁶* Nöñön gölme kungö ambazip yengöra kewö jiba malal, ‘Iñini nani könagesöurupni qahö malje.’ Mewö jiba malalmö, i mönö gölmenjine miangöreñök engohola qetjini kewö qetmam: Iñini mönö Anutu malmal Tonjangö nahönböraturupni akze. Utekutek mewö asuhuma.”

²⁷* Aisaianöñ mewöyök Israel ambazip nengöra aka kewö sahöta jiyök, “Israel ambazip jangönini köwet sak ewö akawak ewö, mia kun töndup nengöreñök awamñi neñönök mönö urunini melejninga amöt qem neñgima. ²⁸ Kembunöñ gölmenji gölmenji pakpak nengö keunini zilarzilanj kewöta jim teköba likepñi körek melej neñgim teköma.”

²⁹* Aisaianöñ mewö jiba qeljine keu kun jiyöhi, miangö öñjan mönö nengöreñ kewö asuhuza, “Kembu kukösum pakpak Toninan gwölönarökurupnini tosatji qahö engehori uruñini melenbeak ewö, gölmeninan lök Sodom ewö melejni geiga könöp jebawak. Neñön mönö Gomora ambazip ewö ayuhubinak. Anutunöñ lök mewö ak neñgibawak.” Mewö jiyök.

Israel jesöngöñan Anutu yangiseñ ak wangimakze.

³⁰ Miangöra mönö denöwö jibinak? Kantri tosatjan Anutugö jeñe solanji akingö nupñi qahö kapañ köla megeri, yeñön mönö Anutugö jeñe solaniget. Uruñini melenja Anutu möt narigetka miangöra keunini jim teköiga solaniba malje. ³¹ Mewö maljemö, Israel neñön solanji akingöra Köna keu wuatangöbingö kapañ köla mala kota mi töndup Anutugö jeñe qahö solaniin.

³² Miangö könaji kewö: Nanñinanök esapköba ahakmeme diñdini aka mewö miangön solanji akingö kapañ köla Jisös qahö möt narim wangiget. Yanñön köt pöwöwöm ewö akzawi, mönö yangöreñ tötangöba engui qaköba andö qeget. Miangöra solanji qahö aket. ³³* Miangö keunji Buja Kimbinöñ kewö ohoget ahöza, “Eket, Anutu nöñön mönö ain köt kun Zaion kunduje Israel kambu uruñine kuñgubiga yeñön miangöreñ tötangöba et engui andö qemakne. Kunñan azi ip pöwöwöm köhöikñi mi möt narim wangimawi, yanñön mönö nalö kunöñ yangöra gamu qahö miwikñajima.” Mewö.

10

¹ O urumelej alaurupni, nöñön nani könagesöurupnan uruñini melejmegöra awöwengömakzal. Anutunöñ amöt qem engimapköra uruni qezaköba yengöra aka Anutu köuluköm wangimakzal. ² Yengö könajamñinan kewö ahöza: Yeñön Anutugöra urukönöp ahakzemö, mi gukmaulem qakne ahakze. Yengö keunini mewö nangöba jizal.

³ Anutunöñ keunini jim teköiga solanizini, miangö könaji qahö möt yaköba nanñinanök esapköba solanji akingö kapañ kölakze. Mewö aka Anutunöñ keunini jim teköiga solanibingö jimakzawi, keu miangö bapne qahö anda qaköba öne lañ malje. ⁴ Kraistnöñ nanñök Köna keu wuatangöm teköyök. Nini tosatjan mi osiba Kraist möt nariba urunini melenjini, mewö mönö Kraistköra aka Anutugö jeñe solaniba dop köljini. Mewö.

Anutunöñ nini körek amöt qem neñgimangö mötza.

⁵* Mosesnöñ Köna keu wuatangöba mewö miangön solanji akingö keunji mi kewö ohoi ahöza, “Köna keu wuatangöm tekömawanñön mönö miangöra aka mal köhöima.” ⁶* Keu mewö ahözapmö, urunini melenja möt nariinga Anutunöñ keunini jim teköiga solanimakzini, Mosesnöñ miangöra keu kewö jii ahöza, “Urugan kewö mötmöriba jibanbuk: Azi dañön mönö Suep mire öngöbawak?” Ambazipnöñ mi Kraist wangita etmapköra lañ

* 9:26: Hos 1.10 * 9:27: Ais 10.22-23 * 9:29: Ais 1.9 * 9:33: Ais 28.16 * 10:5: Lew 18.5 * 10:6: Dut 30.12-14

jiget. ⁷ me “Azi dañon mönö kömup mirigö dutje gebawak?” Ambazipnönj mi Kraist wanjita kömupnöhök wahötmapköra laj jiget.

⁸ Mewö jiba toroqeba kewö jiyök, “Buja keu mi köröwen qahöpmö, mönö göhö numbuge aka uruge ahöza.” Buja keu mi möt naribingöra aka ahöza. Neñon keu mianjon ambazip uru kungum engiba kewö jim asarim engimakzin: ⁹ Anutunönj Jisös mem gulii kömupnöhök wahörök. Göñon keu mi urugan möt nariba numbu jitkan “Jisösnönj Kembuni akza,” mewö jim miwikñajizan ewö, mönö amöt qem gihiiga letotman.

¹⁰ Gi urugan Buja keu möt narinönja Anutunönj keugi jim teköiga solaniman aka numbu jitkan Jisös jim miwikñainönja amöt qem gihiiga letotman.

¹¹ *Buja Kimbigö keu kun kewö jiget ahöza, “Dañon i möt narim wanjimagawi, yañon mönö gamu qahö miwikñaima.” ¹² Anutunönj Juda ambazip qahö neñgek soriba kantri tosatñi qahö qepureim engimakza. Kembu mohot yañon mönö körek neñgö Kembunini aka dop mohotnönj kewöt neñgimakza. Ambazip i qeta köulukömakzini, yañon mönö kötümötuetñi nini körek kelej-malelej neñgimakza.

¹³ *Miangö keuñi mi Buja Kimbinönj kewö ahöza, “Ambazip denike yeñon Kembangö qetñi qeta köulukömei, yañon mönö i körek amöt qem engiiga letotme.”

¹⁴ Ambazipnönj Kembu qahö möt narim wanjiba yañgö qetñi mönö denöwö qeta köuluköbeak? Yañgö könani qahö jiget mötkeri, i mönö denöwö möt narim wanjibeak? Kunjan Buja keu qahö jim asarima ewö, yeñon mi mönö denöwö mötpeak? ¹⁵ *Ambazip kun Buja keugöra qahö melaibin ewö, yañon mönö denöwö anda mi jim asaribawak? Miangö keuñi Buja Kimbinönj kewö ohoget ahöza, “Ambazip Buja keu ölöprji memba kamakzei, yeñgö köna ötönjini möringa qetpuk sorokñi akza.”

¹⁶ *Mewö ohoget ahözapmö, nöngö Israel könagesö ölni yeñon Ölöwak Buja qahö tem köla malje. Miangö keuñi mi kezapqetok azi Aisaianönj kewö jii ahöza, “O Kembu, nini Buja keu jim sehiinga dañon mönö uruñi melenja mi möt naribawakto?” ¹⁷ Keu miangö dop Kraistkö keuñi jim sehiinga kezapñine geiga mötketka mötnaripñinan mönö mewö asuhuma.

¹⁸ *Mötnarip mewö asuhumapmö, kewö qesim engizal: Buja keu mianjon mönö Juda yeñgö kezapñine qahö geiga mötket me? Qahö, mi mönö mötket. Miangö keuñi mi kewö jigetka Buja Kimbinönj ahöza,

“Keu jigetka keu kourukñinan mönö anda anda gölme pakpak dop kölok. Mi gölmeñi gölmeñi eu emu likeplikep miangörej mötket.”

¹⁹ *Keu miangö dop Buja keu lök mötketmö, kunbuk toroqeba kewö qesim engizal: Israel ambazipnönj mi qahö möt asariget me? Mosesnönj mutuk keu kewö jiyök, “Ambazip könagesö ölni qahö nöñon mi amöt qem engibiga engö uru mututqututñinan mönö miangöra aka asuhuma. Kian kambu gukmaulem maljei, yeñon iñini engongitketka silik mianjon mönö Juda engö uruñini kungubiga irimñini seholiiga uruñinan wahötma.”

²⁰ *Aisaianönj mönö köhöiba kinda kewö jii ahöza, “Ambazip ni qahö jarum ningiba laj malgeri, yeñon mönö ni miwikñaim ningiget. Ambazip nöngö könanangöra qahö qesiba malgeri, nöñon könanamni mönö yeñgöra indelbi mötket.”

²¹ *Yeñgöra mewö jiyökmö, Israel neñgöra mönö keu kewö jii ahöza, “Silim dop söñanök könahiba qeqetal könagesö kezapñupñup ahakzei, iñini nöngörej kamegöra engohola engöra börö kaek köla malbiga sunjem ahakza.” Mewö.

11

Israel uruñe urumelej kambu moröñi ahöza.

¹ *Miangöra kewö qesizal: Anutunönj nanñi könagesöñi andö qem neñgiyök me qahö?

* 10:11: Ais 28.16 * 10:13: Joel 2.32 * 10:15: Ais 52.7 * 10:16: Ais 53.1 * 10:18: Sum 19.4 * 10:19: Dut 32.21 * 10:20: Ais 65.1 * 10:21: Ais 65.2 * 11:1: Fil 3.5

Mi qahöpmahöp! Nöñön mewöyök Abrahamgö gwölönarökñi kun akzal. Nanak Israel könagesögö kambu qetñi Benjamin miangö uruñe maljal. ² Anutunöñ nanñi könagesöñi qeljine möwölöhöm neñgiyöhi, nini mönö qahö andö qem neñgiiga maljin. Kezapqetok azi Elaijagö (Eliagö) kösohotñi mi Buña Kimbinöñ ohogetka ahöza. Yañön Anutugö jeje Israel ambazip jim enggiba köuluköyöhi, injini keu kemañi mi mötze me qahö? Keu mi kewö, ³ * “O Kembu, yeñön mönö göhö kezapqetok ambazipurupki enguget kömugetka göhöreñ jöwöwöl ohoho altañi altañi köndenjmöndenget. Ni mohot nömosötket malbiga mömö-laköba mönömbe nuñgubingö jöjöröze.”

⁴ * Mewö jiyökmö, Anutunöñ mi möta mönö kewö melen wañgiba jiyök, “Gi nangok qahö maljanmö, nöñön azi 7000 mewöñanök sel jöhöm enggibiga nani buñani aka bem muneñi Bal i qahö simin köl wañgiba göbuk toroqeba malje.” ⁵ Keu miangö dop nalö kewöñe mewöñanök Anutugö kambu moröñi ahöza. Anutunöñ kalem möriamñañgö dop ambazip awamñi möwölöhöm neñgiiga maljin.

⁶ Kalem möriamñan mönö nam köl wañgiiga möwölöhöm neñgiyök. Nini ahakmeme ölöppñi aka memba malbinahi, miangöra aka qahö möwölöhöm neñgiyök. Gölm ambazip ahakmemeninan nam köl wañgiiga möwölöhöm neñgibawak ewö, yañgö kalem möriamñan mönö yuai omañi akawak.

⁷ Miangöra mönö denöwö jibinak? Israel könagesönöñ solanñi akingö kapañ köla malgetmö, solanibingö könañi mi qahö miwikñaiget. Yeñön qahöpmö, Anutunöñ kambu moröñi möwölöhöm neñgiyöhi, neñön kalemñi mi miwikñaiba solanñi ahin. Tosatñan mötmöt bölöñan uruñini gwözöñni öne lañ malje. ⁸ * Miangö keuñi mi Buña Kimbinöñ kewö ohoget ahöza, “Gaun jeje malgetka Anutunöñ öme qahö jöhöiga uruñine geiga köhömuñi aket. Yuai eka könañi ek kutubepuköra jeñini mem sohoiga ömuñ kölöc. Keu kezapñinan möta möt asaribepuköra mi mem gwözöñnök. Mewö tönpin mala kota nalö kewöñe mewöyök öne lañ malje.” ⁹ * Kiñ Deiwidnöñ miangö keuñi kewö jii ahöza, “O Anutu, yeñön közölömbuañ ala nempa lañ söngaimakze. Miangöreñ mönö engek miwikñaiba siñgisöndokñinañgöra simba alnöñga engimema.

Mönö nanñini dumñine tötañgöba et enguiga likepñi melen enginöñga sihimbölö mötme.

¹⁰ O Anutu, gi mönö jeñini mömbauba mem gömölinöñga uba ekingö osime.

Mönö likepñi melen enginöñga qakñine öñgöba lömböriiga sundan dop upköba malme.” Deiwidnöñ mewö köuluköyök.

Kian kantri yeñön Anutugö ipñi öñji aket.

¹¹ Toroqeba kewö qesizal: Juda könagesö öñji yeñön tötañgöba et enguiga uruñinan gwözöñniga ölöwakingö osime me qahö? Mi qahö osime! Et enguyöhi, miangön mönö Anutu möt kutubingö awöweñgömegöra aka asuhuyök. Juda könagesö öñji yeñön köna oñgita et enguiga kian kantri yeñön salupñini aka uruñini melen da Anutugö buñani aket. Mewö akeri, miangön uruñini kuñguiga miangöra irimñini sehöliiga uruñini melenmegö sihimñan asuhumapköra aka mewö asuhuyök.

¹² Juda könagesö öñji yeñön köna siñgiba et enguiga miangöra kian gölmeñi gölmeñi yeñön oyaenköyaen akingö könañi miwikñaiget. Mi miwikñaiba uruñini melen da kötumötuet uruñe maljemö, Juda könagesö öñji yeñön tönpin mala Anutugö jeje qahö dop kölje. Könañep Juda yeñön mewöyök körek uruñini melenme. Mewö asuhuiga Anutugö kötumötuetñan sehiba kelemaleleñ aukñe asuhuma.

¹³ Nöñön keuni ki Juda engöra qahöpmö, kian kantri könagesö engöra jizal. Nöñön kian kantri engöreñ melaimelai azi aposol akzalañgöra “Nupni qetbuñañambuk akza,” jiba mewö mötmörizal. ¹⁴ Nupni mi membi öñji asuhuiga uruñini melenmakzei, nani Israel könagesöurupnan miangö buzupñi mötmegöra kapañ köla awöweñgömakzal. Buzup keu miangön mohot mohot yeñgö uruñini kuñguiga miangöra irimñini sehöliiga

* 11:3: 1 Kiñ 19.10, 14 * 11:4: 1 Kiñ 19.18 * 11:8: Dut 29.4; Ais 29.10 * 11:9: Sum 69.22-23

uruḡini melenḡbingö sihimḡan asuhui melenḡetka Anutunöḡ amöt qem enḡima. Nupni qetbuḡaḡambuk mi mönö miangöra aka kian kantri enḡö sutḡine memakzal.

¹⁵ Anutunöḡ Juda kambu andö qem neḡgiiga miangö öljān mönö kewö asuhuyök: Kian kantriḡi kantriḡi enḡön salupḡine aketka Anutunöḡ töwaḡini qeba enḡömeiga alaurupḡi aket. Juda könagesö öljāi yeḡön uruḡini melenḡetka Anutunöḡ amöt qem enḡiba möt aḡḡön köl enḡimawi, miangö öljān mönö kömupnöhök guliba mal köhöimeangö dop akḡa.

¹⁶ Yambu jeḡiqeḡe dölökḡe nene Anutugöra kewöta ala sösoḡgai ahinga sarakḡi akza ewö, nupkö numbu neneḡi pakpak mönö mewöyök sarakḡi akza. Ip jalöḡan töröḡi akza ewö, böröḡan mönö mewöyök töröḡi akze. ¹⁷ Juda kambu mi Anutu nanḡangö oil ipḡi akza. Anutunöḡ nanḡi oil ipḡi mi öḡböḡi memba böröḡi tosatḡi mitii etket aka arökḡangö oil ip böröḡi memba kaba sutḡine ali toroqeba qarimakze. Kantri tosatḡi iḡini arökḡangö oil ip miangö dop akzemö, Anutunöḡ töndup enḡömeiga nalö kewöḡe ip börö qainḡi kun mieḡḡö sutḡine mal köhöimakze. Iḡini mönö Juda kambugö oil ip jalöḡeyök nene oḡi öroba memba qarimakze.

¹⁸ Iḡini Juda nembuk kinjemö, töndup Juda neḡḡoḡgita sileḡini memba öḡḡöbepuk. Sileḡini mem öḡḡöbeak ewö, mönö keu ki mötme: Kantri tosatḡi iḡini ip böröḡanök ewö akze. Iḡini jalöḡnini qahö bisimakzemö, nanine ip jalöḡan mönö iḡini enḡömiisiiga kinje.

¹⁹ Keu kewö jibeak, “Anutunöḡ nini nanḡi ip kemaḡe al neḡgimapköra aka ip böröḡi mi kutui eriga tiḡi asuhuyök.” ²⁰ Keu mi öljā. Anutunöḡ Juda ambazip uruḡini qahö melenḡda möt narigerangöra aka kutum enḡii etketmö, iḡini mönö mötnariḡḡinan töndangöḡ enḡiiga zeḡ kinje. Mewö kinda jakbak-öraḡböraḡ kude aka aiweliköba malmemö, mönö kewö et enḡubapüköra sömbuḡini möta malme: ²¹ Anutunöḡ nanḡi ipḡangö böröḡi öljāi qahö enḡehoriba Juda könagesö kutum enḡiyök ewö, iḡini mönö “Ölöḡ neḡgehoriga,” mewö jibepuk. Öne mewö mötmöriba laḡ malbepuk. ²² Miangöra kian kantri iḡini Anutugö könaḡi mötmöriba kewö jime, “Juda ambazip köna siḡgiba et enḡuyöhi, Anutunöḡ miangö likeḡḡi melenḡda mönö öljāi könöḡḡambuk ak enḡimazapmö, nini ölöwak Toḡambuk qekötahöba kininga mem ölöwak neḡgimakza. Yambuk qahö toroqeba kinbin ewö, mönö kantri tosatḡi nini mewöyök kutum neḡgii etpin.”

²³ Mewö ölöḡ jimemö, Anutunöḡ ambazip köna siḡgigeri, mi mewöyök ölöḡ köhöiba ip kemaḡe kunbuk toroqem enḡima. Miangöra Juda könagesö yeḡön yaḡgiseḡini mosöta uruḡini melenḡme ewö, i mönö ölöḡ Jisösbuk toroqem enḡima. ²⁴ Anutunöḡ iḡini arökḡangö oil ip miangöreḡök kutum enḡiba kölkömötkö könaḡi oḡgita oil ip qainḡi kungö kemaḡe al enḡii toroqeket. Kantri tosatḡi iḡini mewö ak enḡiyök ewö, miangöra nanḡi ip böröḡi öljāi Juda könagesö öljāi mi mönö amqeba enḡömemba sihimḡan nanḡi oil ipḡangö kemaḡe al enḡii kunbuk toroqeme. Mewö.

Anutunöḡ Israel körek ak kömum neḡgimangö mötza.

²⁵ O urumelenḡ alaurupni, nanḡini mötkutukutu qakḡe laḡ malbepüköra mönö keu tölapḡi kun indela möt asarimegöra mötza. Keu mi kewö: Mötmöt bölöḡan Israel könagesögö bahöḡi kun yeḡö uruḡini gwözöḡni maljemö, nalö teteköḡi qahö yaḡgiseḡ qahö toroqeba malme. Qahöpmö, mutuk kian kantri yeḡöreḡök jesöḡḡoḡan uruḡini melenḡda Anutugö bemtohoḡ uruḡe kaḡotme. Mewö aketka Anutunöḡ jaḡḡöḡini ehi dop kölmawi, nalö miangöreḡ Juda könagesö neḡḡö yaḡgiseḡ nalöninan teköiga körek uruḡini melenḡme. ²⁶ *Uruḡini melenḡetka Anutunöḡ Israel könagesö pakpak amöt qem enḡiiga letotme. Miangö keuḡi mi Buḡa Kimbinöḡ kewö ohoḡet ahöza, “Amötqeqe Toḡan mönö Zaion kundueyök asuhuba Jeikob kambu neḡḡö ahakmemenini aḡḡjöraḡambuk mi köl köḡjöratma.

²⁷ *Anutu nöḡön siḡgisöndokḡini köl köḡjörata oyaenḡoyaen akingö jöhöjöhö areḡi mi yembuk akiga mohotḡe malbin.”

* 11:26: Ais 59.20 * 11:27: Jer 31.33-34

Keu mewö ahöza.

²⁸ Juda könagesö ölni yeñon Ölöwak Buña andö qeba Anutugö kerökurupñi akerangöra kantri tosatñi erñon salurupñine Anutugö alaurupñi akze. Mewö akzemö, Anutunöñ Israel bömön jalö-urupnini möwölöhöm engiyohangöra Juda neñon mönö toroqeba wölböt alaurupñi ölbölñi akzin. ²⁹ Anutunöñ ambazip niñia möwölöhöba engohola kalem engimakzawi, keu mi mönö kunbuk uruñi möñaiiga utekömawangö dop qahö. ³⁰ Kian kantri iñini mewöyök mutuk Anutugö jitñi qahö tem köla lañ malgetmö, Juda könagesö ölni yeñon yangiseñ akerangöra aka Anutunöñ iñini ak kömum engiiga letotket.

³¹ Juda könagesö ölni yeñon nalö kewöñe Anutugö jitñi qetala lañ mala kotzemö, erñon letotkerangöra aka Anutunöñ Juda könagesö nini mewöñanök nalö kewöñe ak kömum nengimangö mötza. Kian kantri erñon uruñini meleyda letotketka miangö silikñan uruñini kuñgumakzawi, miangöra yeñon mönö mewö-ñanök amqeba uruñini meleyda ak-kömukömuñi buña qem angume.

³² Ambazip lökñanök pakpak nini Anutu qetala lañ malinga qegetalnini miwikñaiiba gwaröhöm nengiyök. Körek pakpak ak kömum nengimapköra aka kösönöñ gwaröhöm nengiyök. Mewö.

Anutu möpöseiba omsa liyet kewö kölakzin:

³³ *Anutu kalem möriamñangö köweñan mönö keta bölökñi akza. Iwinangö jitñi, mötmötñi mönö gegeni teteköñi qahö. Mötkutukutuñan nengongita öngöñgöñi ketañi akza. Yangön keunini kewöta jim tekömakzawi, neñon mi lökñanök jim asarim teköbingö osibin. Malmalninañgö köna areñgömakzawi, miangö könañi mönö möt kewöta miwikñaim teköbinañgö dop qahö.

³⁴ **“Kembugö urukönömñangö areñi mi ambazip körekñan möt yaköbingö osiba mala korin. Kunñan kun goro wangimawangö dop qahö.”*

³⁵ **“Gölme ambazip kalem angumakzinmö, yambuk mewö akingö osiba mala korin. Yuai wangginga kitipñi qahö meley nengiiga ölop dop köl wangiza. Yuai kun bian nengimapkö tosa wangibingö osimakzin.”*

³⁶ *Mi kewögöra osimakzin: Yangön yuai pakpakö Toñi aka bömön jalöñi akza. Yangön yuai pakpak nam köliga asuhuyök. Mi nanñi aködamun miwikñaim wangimapköra aka asuhuyök. Miangöra neñon qetbuñañi möpöseininga teteköñi qahö aködamunñambuk ahöba öngöba ahöma. Keu mi ölna.

12

Malmalnini denöwö malinga Anutugörey dop kölma?

¹ O urumeleñ alaurupni, Anutunöñ mewö ak kömum nengiyö-hangöra nöñon mönö uruñini kewö kuñgum engizal: Iñini mönö ak-kömukömuñi mi urukönömñinan mötmöriba miangö dop kitipñi meley wangiba waikñi memba möpöseiba malme. Mewöyök nanñini sileñini mi Anutugö kötön naluha alme. Mewö alme ewö, iñini mönö guliba sarakñi aketka Anutunöñ nalukñini mi ehi dop köli sihimñi mörakña.

² Mutuk gölmegö ahakmeme bölöñangö areñi wuatangöba malgetmö, nalö kewöñe mewö kude toroqeba ahakñe. Mewö qahöpmö, mönö urumötmötñinan kölöñaiiga letota malme. Mewö mala Anutunöñ engöra sihimñi denöwö mötzawi, mi jaruba ölop köhöiba kewöta miwikñaiime. Mi miwikñaiiba miangö dop ahakñe ewö, mönö köna ölopñi wuatangögetka dop köl wangii aködamunñinambuk ahakñe.

³ Siksaük lañ malbepuköra keu kun jimam. Anutunöñ kalem möriam niñgiiga miangö qakñe kinda körek engöra kewö jizal: Iñini mönö nanñini mötket öngöñgöñi qahö akñapmö, mohot mohot iñini mönö törörök möt kutum anguba malme. Anutunöñ mötnarip nengiiga miangö ölni asuhumakzawangö dop mönö nanñini kewöt anguba miangö dopkeu jiba malme.

* 11:33: Ais 55.8 * 11:34: Ais 40.13 * 11:35: Job 41.11 * 11:36: 1 Kor 8.6

⁴* Miangö könañi kewö: Sileninan mohot akzapmö, sile kitipnini mi gwötpuk. Kitipñi pakpak mieñon nup mohot miyöhök qahö memakze. ⁵ Miangö dop urumelen ambazip neñon mewöyök gwötpuk maljinmö, töndup Kraistpuk qekötahöba kinda sile ewö öñi mohot akzin. Mohot akzinmö, nanñök nanñök neñon mönö toroqem aᅇguba mohotje nup meinga dop köli kinjin.

⁶* Anutunöñ kalem möriamñi neñgiyöhaᅇgö dop nup memegö mötmöt kalem murutñi murutñi buña qem aᅇguba maljin. Kunöñ kezapqetok nupkö mötmöt kalemñi buña qem aᅇguza ewö, yañon mi mönö nupnöñ alakña. Mötnaripñan töndangöm waᅇgi-makzawaᅇgö dop nupnöñ ala Anutugö keuñi jiba malma. ⁷ Kungöra welenqege nupkö mötmöt kalemñi waᅇgiyök ewö, miangö dop mönö tosatñi pöndañ bauköm eᅇgiba malma. Kungöra böhi qaᅇazu nup memapkö mötmöt kalemñi waᅇgiyök ewö, yañon mönö memburik-qemburikñi qahö pöndañ tosatñi kusum eᅇgiba malma.

⁸ Kungöra uru naᅇgönaᅇgö nupkö mötmöt kalemñi waᅇgiyök ewö, yañon mönö pöndañ kapañ köla ambazip uruñini kuᅇguba naᅇgöm eᅇgiba malma. Tosatñan yuaigöra mözöröᅇgöba osigetka kungöra i naᅇgöm eᅇgimapkö mötmöt kalemñi waᅇgiyök ewö, yañon mönö koᅇgwarakñi qahö pöndañ naᅇgöm eᅇgiba malma. Kungöra galömkölköl nupkö mötmöt kalemñi waᅇgiyök ewö, yañon mönö zeñ kinda tosatñi galöm köl eᅇgiba malma. Kungöra urukalem nupkö mötmöt kalemñi waᅇgiyök ewö, yañon nup mi mönö sösoᅇgai qakñe memba malma. Mewö.

Urukalemᅇ könañi törorök wuatanaᅇme.

⁹ Mönö geñmoñ mosöta törorök urukalem ak aᅇguba malme. Bölöñi sisit memba andö qeba malme. Ölöᅇnaᅇgöra ak eᅇgiiga miangöreñ mönö qekötahöba malme. ¹⁰ Urumelen alaurupñini mi mönö guᅇböñjöñjöñ qakñe ak eᅇgiba törorök jöpaköm aᅇguba malme. Göda qem aᅇgubingö kapañ kölakzei, miangöreñ mönö awöweᅇgöba möpöseim aᅇguba malme.

¹¹ Uruñinan mönö kude sörauba löwörimapmö, köulukögetka Uña Töröñan inahöm eᅇgiiga urukönöpnöñ kinda Kembugö nup memba malme. ¹² Jörömqöröm aka sösoᅇgainöñ malme. Kahasililiñ möta mökösoᅇnda malme. Mönö böñ kinda Anutu köuluköba malme. ¹³ Anutugö ambazip sarakñan yuaigöra osizei, i mönö bauköm eᅇgiba malme. Mönö ambazip köl öröm eᅇgiba mohotje tata nene nem sösoᅇgai ahakñe.

¹⁴* Sesewerowero ak eᅇgimakzei, ambazip mi mönö kude qesuahöm eᅇgimemö, mönö Anutu köulukögetka kötuetaköm eᅇgimakña. ¹⁵ Söᅇgaizei, yembuk mönö bauköba söᅇgaime. Sahötzei, yembuk mönö bauköba sahötme. ¹⁶* Mönö urumohot ak aᅇguba luainöñ malme. Nanñinaᅇgöra mönö kude mötket öᅇgöma. Jakbak-öraᅇbörañ kude akñemö, ambazip eretñi mönö ala ak eᅇgiba malme. Nanñinaᅇgöra mötketka mötkutukutu ambaziwa maljeaᅇgö dop kude akña.

¹⁷ Jinöñ jibi, nuᅇgunöñ guhubi, aknöñ aki mi kungöra kude akñe. Ambazip körekñan silik tosatñi mieᅇgöra mötketka ahakmeme ölöᅇñi akzei, mi mönö kapañ köla memba malme. ¹⁸ Yuai kungöreñ qahö qaköze ewö, mönö köhököhöi ahöm eᅇgizawaᅇgö dop kapañ köla ambazip körek yembuk luainöñ malme.

¹⁹* Keu kun mi Buña Kimbinöñ kewö ohoget ahöza, “Nöñon mönö bölönaᅇgö likeᅇñi melenbiga qakñine öᅇgöma. Mi nöᅇgö nuwa. Kambu nöñon mewö jizal.” Miangöra wölböt alaurupni, iñini nanñinak bölönaᅇgö likeᅇñi kude melenmemö, mi Anutugöra mosötketka irimñan seholiiga eᅇgö kitipñi melenᅇda meköm eᅇgima.

²⁰* Miangöra mi nanñinak kude melenmemö, Buña keu ki mönö wuatanaᅇgöba malme, “Kerökan nenegö kömuza ewö, i mönö nene gumohom waᅇgiman. Göhö kerökan ögö mötza ewö, i mönö o waᅇginöᅇga nema. Mewö aka göhöreñ silik ölöᅇñi miangön mönö uru kuᅇgum waᅇginöᅇga gamuñi möta mosötpawak.” Keu mi mönö wuatanaᅇgöba malme.

* 12:4: 1 Kor 12.12 * 12:6: 1 Kor 12.4-11 * 12:14: Mat 5.44; Luk 6.28 * 12:16: Qam 3.7 * 12:19: Dut 32.35 * 12:20: Qam 25.21-22

²¹ Kunjan silik bölöŋi miaŋön luhut al ghibapukmö, nangak mönö silik ölöŋŋi aka miaŋön luhut al waŋgiba silikŋi bölöŋi mi koyonaniman. Mewö.

13

Gawman yeŋgö keu bapŋine anda tem köla malme.

¹ Gawman kun mi nanŋök qahö asuhuyökmö, Anutu, kukösum Toŋi yaŋön mönö gawman kuŋgui miaŋgö dop ketaŋamninan kukösum qakŋe kinda galöm köl eŋgimakze. Jimkutukutu nupkö kondotkondotŋi mi Anutu. Miaŋgöra iŋini körek mönö nanŋini gawman yeŋgö keu bapŋe anda malme. ² Könaŋi mewö mötzeŋgöra aka kunjan jimkutukutu galöm yeŋgö kukösumŋini qetaljawi, yaŋön Anutunöŋ malmalgö areŋi alöhi, mönö mi qetalja. Jimkutukutu Toŋi qetaljei, Anutunöŋ yeŋgö keuŋini jim teköba likeŋŋi meleŋ eŋgiiga lömböt miwikŋaime.

³ Galömkölköl yeŋön ambazip ahakmeme bölöŋi ahakzei, mi keŋgöt mötmöt ak eŋgimakzemö, ölöŋŋi ahakzei, mi mewö qahö ak eŋgimakze. Miaŋgöra galöm kukösumŋinambuk yeŋgö keŋgötŋi mötmangö mötzan me qahö? Mi qahö mötmangö mötzan ewö, mönö ahakmeme ölöŋŋi aka memba malnöŋga möpöseim gihimakŋe.

⁴ Gawman yeŋön mönö Anutu welenŋi qeba mem ölöwak ghibingö mötze. Mewö mötzeŋgöra ambazip bölöŋi akzei, mönö miaŋgö likeŋŋi meleŋda qakŋine öŋgöi lömböt mötmegöra kinje. Anutugö welenqeŋeurupŋi aketka buldömingö sou ketaŋi eŋgiyöhi, mi öne töhön qahö memba malje. Miaŋgöra yuai bölöŋi akzan ewö, mönö keŋgötŋi möta malman. ⁵ Lömböt qakŋine öŋgöi mötpepuköra mönö gawman jitŋini tem köla malme. Miaŋgörök qahöpmö, Anutugö jeje mohot dop kölmapköra mönö mewö ahakŋe. Qahö tem kölgetka Anutugö irimŋan sehölii jii urukönömŋinan mewö mötketka uruŋinan bölöbapuköra mönö mewöyök gawman yeŋgö keu bapŋe anda malme.

⁶*Gawman yeŋön mönö Anutugö nup bahöŋi kun memba miaŋgöreŋ zeŋ kinda galöm köl eŋgimakze. Nupŋini mi memegöra eŋön mönö bauköm eŋgiba takis mewöyök alakze. ⁷ Gawmangö takis aka kötön könaŋi könaŋi dawik eŋgimegö jimakzei, mi mönö körek miaŋgö dop eŋgimakŋe. Gawmangö takis könaŋi könaŋi pakpak mi mönö törörök eŋgimakŋe. Gawmangö nup meme ambazip yeŋgöra mönö ewe ala göda qem eŋgimakŋe. Mewö.

Nalö ketaŋan dopdowiiga mönö jöpaköm aŋguba malme.

⁸ Mewö aka kuŋgöreŋ tosa kun embuk kude ahöi malme. Töndup eŋgö tosaŋini mohok-kun mi nalö dop kewö ahöza: Iŋini mönö uru jöpaköm aŋguba malme. Kunjan tosaŋi jöpaköba urukalem ak eŋgimakzawi, yaŋön mönö Köna keu wuatangöm tekömakza.

⁹*Jöjöpaŋ keu bohonŋi kewö, “Nangi jöpaköm aŋgumakzani, miaŋgö dop mönö tosaŋi pakpak jöpaköm eŋgimakŋan.” Keu miaŋgö uruŋe jöjöpaŋ keu kewöŋi ahöze, “Sero yongorö kude akŋan,” “Ambazip kun kude qenöŋ kömuma,” “Yongorö kude meman,” “Yuaigöra mönö kude köpösöŋgöman.” Mi aka jöjöpaŋ keu tosaŋi pakpak mi mönö keu bohonŋi miaŋgö nemböŋe akze.

¹⁰ Ambazip kun jöpaköm waŋgizan ewö, yaŋgöra mönö yuai bölöŋi kun kude ak waŋgiman. Miaŋgöra urukalem aka mewö miaŋön mönö jöjöpaŋ keu körek pakpak tem köla wuatangö-makzan.

¹¹ Nalö kiangö könaŋi mötzeŋgöra mönö ahakmeme mewöŋi aka memba malme. Mutuk Kraist möt nariba urunini meleŋnini, nalö miaŋgöreŋök könahiba mala koringa Kembunöŋ meköm neŋgii Suepnöŋ öŋgöbini, miaŋgö nalöŋan mönö dowe ahöza. Miaŋgöra iŋini gaun ahözei, miaŋgöreŋök imbiŋini möta wahötmeaŋgö nalöŋan mönö lök kam kuŋguza. ¹² Sungem köröpŋi malinga wehön jeŋi jililingöba koriga asarimangö akza. Miaŋgöra söŋaupkö ahakmeme mi mönö tömbuluŋaniget geiga asakŋangö bim qebingö aködamunŋi mi mönö memba kölget geiga kinbin.

* 13:6: Mat 22.21; Mak 12.17; Luk 20.25 * 13:9: Eks 20.13-15, 17; Dut 5.17-19, 21; Lew 19.18

¹³ Asakɲaŋgö uruɲe maljinanɲgö dop mönö ahakmeme sarakɲi aka memba malbin. Tosatɲan közölömbuarɲ pati ala bau numbu nempa o köhöikɲaŋgöra enjololoɲ ahakze. Sero namböɲnamböɲ aka laɲ ambi yoŋgorö örömakze. Jula deɲda aŋgururuk aka aŋgöhöba urunöɲ mututqutut möta andönöɲ qem aŋgumakze. Ahakmeme mewöɲan mönö qahö dop kölja. ¹⁴ Urusilegö sihim kömbönaɲini bölöɲan guliba wahötketka miengö sihimɲini tem köl engibepuköra mönö mi kude kezap ala mötmörim engimakɲe. Mewö qahöpmö, Kembu Jisös Kraistkö ahakmemerɲan mönö timbi saiwarɲini aiga mi maluku ewö löngöt aŋguba malme. Mewö.

14

Alaurup lölöwöröɲi i kude jim engiba malme.

¹ *Kungö mötnaripɲan lölöwöröɲi aiga i mönö köyan köla köl öröm waŋgiba malme. Yambuk eraum möta kösawöraɲ keugöra jitnakölik kude ahakɲe. ² Tosatɲan mötnaripɲinanɲgö dop nene pakpak ölop nemakzemö, tosatɲi yeŋgö mötnaripɲinan lölöwöröɲi aiga nene piakɲanök nemakze. Uruɲinan tölöhobapuköra uruyahöt aka sömbup tandö lopioŋgö naluk alalɲi mi sisitɲi memba yöha töhönök inanɲik ohom nemakze. ³ Nene pakpak nemakzeanön mönö alaurupɲini yöhayök nemakzei, mi jijiwilit kude ak engimakɲe. Anutunöɲ alaurupɲini nene pakpak nemakzei, mi mewöyök “Dop kölje,” jiba köyan köl engimakza. Miangöra yöhayök nemakzei, eɲön mönö alaurupɲini yeŋgö keuɲini kude jim teköme.

⁴ Göɲön mönö niɲia aka kungö welenqeqeɲi jim teköm waŋgibanak? Yaɲön mönö nanɲi toɲaŋgö jeɲe keuɲaŋgö likeɲi jiiga kewöta jim teköiga dop kölga kinma me lömböt qakɲe öŋgöiga etma. Kembunöɲ mönö köhöiba böɲ qeba kinmapköra naŋgöm waŋgimakɲa. Miangöra mönö ölop böɲ qeba kinma.

⁵ Tosatɲan silim pakpaköra mötmörigetka tandökɲini öröröɲ ahözemö, tosatɲan silimɲi silimɲi kewöta silim kungö mötket öŋgöiga qainɲi kun aiga silim tosatɲan miangö nemböɲe akze. Iɲini mohot mohot mönö nanɲini mötmötɲini qekötahöba miangöreɲ uruyahöt körek yaköriba awösamakakak kinda malme. ⁶ Tosatɲan silimɲi silimɲi kewöta öŋgöba eta alakzei, yeɲön mi mönö Kembu qetbuɲa waŋgimapköra aka ahakze. Tosatɲan sömbup nemakzei, yeɲön mönö Anutu möpöseiba Kembunöɲ mewö qetbuɲaŋambuk akɲapaköra nemakze. Tosatɲan sömbupkö siŋgi malakzei, yeɲön mönö Kembunöɲ qetbuɲaŋambuk akɲapaköra aka mi ahakze aka mewö mala Anutu möpöseimakze. ⁷ Neŋgöreɲök kunɲan kun mönö nanɲaŋgörök qahö malja aka nanɲaŋgörök qahö kömuma.

⁸ Miangö könaɲi kewö: Jebuk malbin ewö, mönö malmalnini Kembugöra köleɲda malbin. Kömumbin ewö, mönö Kembugöra kömumbin. Miangöra malbin me kömumbin ewö, mönö Kembugö buɲaya akzin. ⁹ Kraistnöɲ mönö kömugeri aka jebuk maljini, körek neŋgö Kembunini aka malmapköra kömumba guliyök. ¹⁰ *Anutunöɲ mönö körek neŋguaŋgita nanɲi keu jakeɲe al neŋgiiga kinbin. Miangöra tosatɲi eɲön mönö niɲia aka urumeleɲ alaurupɲini jim teköm engimakze? Mewöyök alaurupni tosatɲi eɲön mönö wuanöŋgöra urumeleɲ alaurupɲini tosatɲi mi jijiwilit ak engimakze? Jujul silikɲini miangö mönö qahö dop kölja. ¹¹ *Miangö keuɲi mi Buɲa Kimbinöɲ kewö ohoget ahöza, “Kembu nöɲön mal köhöizali, miangö dopkeu öl töhöɲni kewö jizal: Ambazip körek pakpak iɲini mönö nöŋgö jemesoholne simin köla jitɲinan Anutu ni möpöseim niŋgime.”

¹² Keu miangö dop nini köreɲan mönö inanɲök inanɲök ahakmemeninanɲgö kösohotnini mi Anutuɲgöra jim asariinga kewöt neŋgima. Mewö.

Kunöɲ tötaŋgöba et qebapuköra mötmörime.

¹³ Miangöra mönö kude toroqeba jim bölim aŋguba keuɲini jim teköme. Urumeleɲ alaurup yeŋgö könanöɲ tötaŋgöba et engubapukö yuai kun mönö kude alakɲe. Miangö

* 14:1: Kol 2.16 * 14:10: 2 Kor 5.10 * 14:11: Ais 45.23

keuñi mönö kapañ köla jiba jöhöme. ¹⁴ Nene yuai kunöñ nanñanök angjöörakñambuk qahö akzapmö, ambazipnöñ yuaigö mötketka angjöörakñambuk akzawi, yeñgörohök mi angjöörakñambuk akza. Nöñon Kembu Jisösbuk kinda keu mi möta miangöra uruyahöt kun qahö akzal. ¹⁵ Anutunöñ nene pakpak amöt qem teköi sarakñi akzemö, töndup alaurup tosatñan dönqiziziniñi aka sömbup qahö nemakze. Kraistnöñ yeñgöra aka kömuiga tosatñi eñön mönö wuanöñgöra sömbup nemba mewö miangön yeñgö uruñini mem bölimakze? Mewö nanñini imbi-imbi aketka urumelen alaurupñinan miangöra wösöbirik ahakzei, mewö mönö urukalemgö könani mi qahö toroqeba wuatangömakze.

¹⁶ Mötmöt ölöpnji ahöm engizapmö, miangö qakñe ahak-memeñinan lañ aketka tosatñan miangöra sirongen keu jiba jim engimakze. Mewö asuhubapuköra galöm mem anguba malme. ¹⁷ Wani neneya nembini aka wani oya nembini, miangön Anutu bemtohoñangö aiwesökñi qahö akza. Yuai miangön mönö eretñi akza. Yangö bemtohoñ uruñe malmalgö ölnji mi kewö: Uña Töröñan inahöm neñgiiga ahakmeme diñdiñi wuatangöinga luai qem neñgiiga söñgaiba maljin. Miangön mönö aiwesök muñgemñi akza. ¹⁸ Denike yeñön mewö aka Kraistkö welenñi qemakzei, yeñön mönö Anutugö jeje dop kölgetka ambazipnöñ keuñini mötketka dop köl engimakza.

¹⁹ Miangöra nini luai qem anguinga urumohot sehimapköra kapañ kölbin. Mewö miangön mönö urunini möhamgöba mem köhöim angubin. ²⁰ Anutunöñ nene pakpak amöt qem teköi sarakñi akze, mi mötzinmö, kunöñ sömbup me nene kun neiga alañangö uruñan miangöra böliiga urukönöpñi ahuiiga siñgisön-dokpuk akzawi, miangön mönö qahö dop kölja. Kunñan tosatñi yeñgöra qahö mötmöriba nanñangörök möta lañ nezawi, yañön mönö mewöyök siñgisöndokpuk akña. Miangöra Anutunöñ yeñgö uruñine nupñi meyöhi, tosatñi eñön mönö nupñi ölöpnji mi nenegöra aka kude mem bölime.

²¹ Miangöra urumelen alaurupñini yeñgöra aka sömbupkö siñgi mala wain o mi kude nemba malme. Mewö miangön mönö mohotñe ölöwakñe. Mewöyök uruñinan yuaigöra aka böliiga siñgisöndokpuk aka löwöribawak, eñön mi kude akñe. Mewö mönö mohotñe ölöwakñe. ²² Kösaörañ keugö mötnariñi mewö me mewö ahöm gihizawi, mi mönö Anutugö jemesoholñe angön köla malman. Kunñan keu kungöra “Dop kölja,” jiba miangöreñ qekötahöba möt köhöiba miangöra nanñi qahö jim teköm anguzawi, yañön mönö simbawoñ akza.

²³ I me wai mötnariñ qakñe qahö kinda ahakzini, mi pakpak mönö siñgisöndok akza. Miangöra kunñan nene kungöra uruyahöt aka töndup mi neza ewö, yañön mönö mewö siñgisöndok akña. Mötnariñ qakñe qahö kinda nezawangöra Anutunöñ mönö yangö keuñi jim teköi qaköba lömböt miwikñaima. Mewö.

15

Mönö Kraistkö mötmötñi wuatangöba malme.

¹ Mötnariñinan köhöikñi akzawi, neñön mönö naninangörök lañ söñgaiba nanini imbi-imbi malbinbuk. Tosatñi yeñgö mötnariñinan lölöwöröñi aiga tötöpinpinöñ köna oñgita törörök qahö wuatangömakzei, neñön i urukalem ak engiba lömbötñini bisimegö bauköm engibin. ² Nini mohot mohot mönö alaurup-ninan ölöwakñeangö dop mötmöriba ak engimakin. Mewö ak engiba uruñini möhamgögetka köhököhöi miwikñaima. ³ *Kraistnöñ mewöyök nanñangörök nanñi imbi-imbi qahö söñgaiba ahökmö, Buña keu kiangö dop ak wangigetka malök, “Ambazip keu töhöreñ jiba gi jim gihimakzei, yeñgö keuñinan mönö nuñguiga sihimbölöñi mörakzal.” Keu mewö ahöza.

⁴ Anutunöñ neñgöra sihimñi kewö mörakza: Neñön kapañ köla köhöiba kinda Buña Kimbi oyoñninga urunini nangöiga mewö miangön jörömqöröm aka malbin. Miangöra Buña keu pakpak mönöwök ohogeri, Anutunöñ mönö miangö dop kusum neñgimamgö mötza. Miangöra mi ohoget ahöza. ⁵ Anutunöñ mönö nanñak uruñini nangöiga ölop kapañ köla kin köhöime. Yañön mönö Uñañi engiiga inahöm engiiga sutñine uru jöhöjöhö aka Kraist Jisösgö mötmötñi wuatangöba malme.

* 15:3: Sum 69.9

⁶ Mewö mala ölop urumohot qakŋe numbuŋini mindiriba Anutu, Kembunini Jisös Kraistkö Iwiŋi mi möpöseiba malme. Anutunöŋ eŋön mewö aka malmegöra mörakza. Mewö.

Ölöwak Buŋanöŋ kantri tosatŋe anda kayök.

⁷ Kraistnöŋ iŋini möt aŋgön köla köyan köl eŋgimakzawi, miangö dop iŋini mönö mewöyök köyan köl aŋguba malme. Anutugö qetbuŋaŋan sehimapköra mönö mewö aka malme. ⁸ Nöŋön keu öljŋi ki jimam: Anutunöŋ keuŋi keuŋi Juda könagesö neŋgö bömönrupnini yengöra jiba jöhöyöhi, miangön öljambuk akŋapköra mörök. Miangöra Kraist melaiiga Anutugö Buŋa keu öljŋan köhöimapköra aka Juda neŋgö sutnine eta welen qem neŋgiba malök. ⁹*Juda nini welen qem neŋgiba malökmö, kantri tosatŋi yeŋön mewöyök yangö ak-kömükömuŋi möta miangöra Anutu möpöseiba malje. Miangö keuŋi mi Buŋa Kimbinöŋ kewö ohoget ahöza,

“Miangöra nöŋön kantri tosatŋi yeŋgö sutŋine mala möpöseim gihiba qetbuŋaŋan sehimapköra liŋet kölakŋam.”

¹⁰*Miangö keuŋi kun mi kewö jiba ohoget ahöza,

“Anutunöŋ Juda nini möwölöhöm neŋgiiga könagesöŋi aka söŋgaimakzin. Kantri tosatŋi iŋini mönö nembuk toroqeba söŋgaiba köiraŋ ala malme.”

¹¹*Miangö keuŋi kun mi kewö,

“Kian kantrigö kambu pakpak iŋini mönö Kembu möpöseiba malme. Gölme dop maljei, iŋini mönö körek ‘Anutu saiwap!’ jiba liŋet köla malme.”

¹²*Kezapqetok azi Aisaia yaŋön mewöyök miangö keuŋi kewö jii ahöza,

“Azi qetŋi Jesi yangö andöjalöŋan mönö söŋtŋi jula wahöta ambazip gölme dop galöm köl eŋgima.

Mewö ak eŋgiiga jörömqörömŋini yangöreŋ ala bauköm eŋgimapköra mamböta malme.”

Keu walŋi miangön mönö nalö kewöŋe öljambuk ahakza.

¹³ Uŋa Töröŋaŋgö ösumŋan mönö naŋgöm eŋgiiga jöröm-qörömŋinan köhöiba pöwöwöm akŋapköra mötzal. Miangöra jörömqöröm Toŋi Anutu yaŋön mönö luai qem eŋgiba söŋŋgai pakpak miangön uruŋini kokolak qema. Mewö köuluköbiga ölop Anutu möt narim waŋgiba oyaeŋkoyaŋ akingö mamböta malme. Mewö.

Keu köhöikŋi mi denöwögöra ohozal?

¹⁴ O urumeleŋ alaurupni, nanak eŋgöra kewö möt köhöizal: Iŋini mönö tönpin qahö maljemö, Anutunöŋ yuai pakpak ölopŋi uruŋine ali kokolak qeiga mötmöt könaŋi könaŋi miwikŋaiba miangön ölop goro qeba kusum aŋgubinangö dop akze. ¹⁵ Mewö akzemö, töndup keu mi ölum eŋgubapuköra möta miengö könaŋini mi kunbuk köl gulim eŋgizal. Anutunöŋ kalem möriam niŋgiiga miangö qakŋe kinjalangöra mönö awösamkakak qakŋe keu köhöikŋi tosatŋi ohom eŋgizal.

¹⁶ Miangö könaŋi kewö: Anutunöŋ kian kantri eŋön uruŋini melengetka Uŋa Töröŋan mem sarahim eŋgimapköra mörakza. Mutuk jöwöwöl ohogetka köwakŋan öŋgöi Anutunöŋ söŋgaizapma, miangö dop nalö kewöŋe Anutunöŋ ambazip gölme dop buŋaŋi aketka eŋgeka söŋgaimangöra awöwengömakza. Miangöra Ölöwak Buŋaŋi kantri tosatŋi yeŋgö sutŋine jim sehimangö jiba nupŋi qakne aliga miangö dop urugö nup galöm aka Kraist Jisösgö welenŋi qemakzal.

¹⁷ Miangöra Kraist Jisösbuk qekötahöba kinda Anutugö nupŋi membiga qetbuŋa niŋgiiga sileni memba öŋgöba awösamkakak kinjal. ¹⁸ Kraistnöŋ kantri tosatŋi yeŋön Anutugö jitŋi tem kölmegöra möta sölölohöba kuŋgum niŋgimakzawi, miangön mönö nam köl niŋgiiga keuni jiba ahakmemeni ahakzal. Keu tosatŋi laŋ jim sehisehigö awösamkakakŋi mi qahö ahöm niŋgiza.

* 15:9: 2 Sml 22.50; Sum 18.49 * 15:10: Dut 32.43 * 15:11: Sum 117.1 * 15:12: Ais 11.10

¹⁹ Uña Töröñangö ösumñan mönö nam köl ninggiiga angöletot aiwesök kukösumñi-nambuk asuhuget. Nöñön Jerusalem siti mosöta kantriñi kantriñi liliköba anda mala mala Yuropkö siti qetñi Ilirikum miangörej angoral. Mewö gölme dop liliköba Kraistkö Ölöwak Buña mi jim asarim engim teköyal. ²⁰ Kunöñ tandö kuñguiga kunñan kaba nanñi miriñi miangö qakñe memba mönö keuñambuk akña. Miangö dop kunöñ Kraistkö keuñan mötnaripkö tandö lök kuñgui kinöhi, nöñön mönö kaba yangö tandö qakñe töndangöba kinda uruñini toroqeba möhamgöba mem köhöim engimamgö tököba malal. Urugö nup mutukñi memba miangöñ aködamuni miwikñaimamgö kapañ köla malal. Miangöra ambazip denike yeñön Kraistkö qetñi qahö möta tönpin malgeri, nöñön Ölöwak Buña yeñöra jim asarimamgö awöweñgöba malal. ²¹ *Miangö keuñi Buña Kimbinöñ kewö ohoget ahöza,

“Denike yeñön keuñi qahö jiget mötkeri, yeñön mönö mala i ekñe. Denike yeñön könañi mutuk qahö möta tönpin malgeri, yeñön mönö mala mi möt asarime.”

²² *Nup mewöñan jöhöm niñgiyöhangöra mönö nalö dop engörej kamamgö osiba malal. Mewö.

Polnöñ Rom anmamgö areñi alök.

²³ Mewö malalmö, liliköba urukuñgukuñgu nup mutukñi memba gölme pakpak möt engizini, miangörej mi mem teköba malal. Urugö nup mutukñi memamangö gölmeñi mi nalö kewöñe kunbuk qahö ahöza. Mewöyök iñini engekñamgö sihimñi möta malbiga yambu (yara) gwötpuk lök teköyök. ²⁴ Miangöra kantri qetñi Spein anmami, miangö könañe mönö engörej kamamgö areñi ala engekñamgö jörömqöröm aka kewö mötzal: Engeka embuk sösongai aka borom kun köisirik tatpiga bauköm niñgigetka ölop köna toroqeba Spein anmam.

²⁵ *Mewö mötzalmö, nalö kewöñe Jerusalem sitigö könagesö sarakñi nangöm engibingöra miangörej anmam. Miangörej andagun engörej kamam. ²⁶ Masedonia aka Akaia prowins yahöt mietkö urumelen könagesö kambuñi kambuñi yeñön mönö Jerusalem sitigö ambazip sarakñi bauköm engibingö keu jöhöget. Anutugö ambazip sarakñi wanapñi maljei, mönö yeñöra keu jöhöba naluk gwötpuk ketañi ala mindirigetka mi membagan anda engimam.

²⁷ *Mewö akingö uru sösongai möta keu jöhöba mindimindiri naluk ketañi mi alget. Mewö almegö tosa ahöm engiiga algetka ölna dop kölja. Anutunöñ Juda könagesö kötuatköm nengimamgö keuñi jii ahöiga kötumötuet miangöñ kian kantriñi kantriñi dop köla qakñine öngöi malje. Miangöra kian kantri yeñgörej tosa ahöiga likepñi melenña kalemñinan Juda könagesögö wanapñi bauköm engigetka dop kölja. ²⁸ Nöñön kalem mi memba anda böröñine albi nupni miangöñ teköiga miangö andöñe engömosöta kusukñanök engörej kaba engekagun toroqeba Spein anmam. ²⁹ Engörej kamami, nalö miangörej mönö Kraistkö kötumötuetñi mi körek memba kaba engimam. Mewö möt yaközal.

³⁰ O urumelen alaurupni, nöñön Kembu Jisös Kraistpuk qekötahöba kinda kewö uru kuñgum engizal: Uña Töröñan jöpaköba nangöm engimakzawangö dop mönö nöngöra Anutu köuluköba malme. Aum-mörimakzali, miangörej mönö uruka-lemñinan bauköm niñgiba malme.

³¹ Judia prowinsnöñ anda ambazip Kraistköra yangiseñ ahakzei, yeñgö böröñine gebilenbuköra mönö Anutugö köulukögetka sel jöhöm niñgibawak. Mewöyök naluk kalem ketañi memba Jerusalem anda ambazip sarakñi yeñgö böröñine albiga dop köli sihimñi mötmegöra mönö köuluköba malme. ³² Mewö köulukö-getka Anutunöñ sihimñi mötza ewö, nöñön mönö sösongai qakñe engörej kaba embuk köisirik tata körö-ölöwak qem niñgigetka malmam. ³³ Lui Torñi Anutu yangöñ mönö körek embuk kinma. Keu mi ölna.

* 15:21: Ais 52.15 * 15:22: Rom 1.13 * 15:25: 1 Kor 16.1-4 * 15:27: 1 Kor 9.11

16

Yaizözkök keu teteköji

¹ Alanini Fibi (Foibe) yañön Senkria urumelen könagesögö nup meme ambia akza. Yañön Rom engören kamawi, i köyan kölmegöra mönö qesim engiba böröjine aljal.

² Yañön ambazip gwötpuk aka ni mewöyök bauköm nengiba malök. Miañgöra Anutugö ambazip sarakñan alaurupnini köl öröm engimakzini, miañgö dop Fabinöñ kaiga i mönö Kembangö qetñe köuluköba köl öröm wañgime. Engören kaba yuai kungöra osibawak, miañgören mönö bauköm wañgime.

³ *Awanömyahöt Prisila aka Aqila Kraist Jisösbuk kinjahori, neñakyahötni yetköra mönö nongören yaizözkökni jigetka mötmahot. ⁴ Yetkön mönö nongöra aka malmalñiri kölenäda kömumbitkö ahot. Nöñönök qahö möpöseim etkizalmö, kantri tosatñe urumelen könagesö kambuñi kambuñi yeñön mönö mewöyök yetköra saiwap jimakze.

⁵ Urumelen könagesö mirinjire tokomakzei, yeñgöra mewöyök mönö nongö yaizözkökni jigetka mötme. Eisia prowinsnöñ nup membiga ölni mutukñan asuhuiga Epainetus yañön uruñi meñäda Kraistkö buña ahöhi, wölböt alani yañgöra mönö nongören yaizözkökni jigetka mötma. ⁶ Marianöñ engöra aka nup ketañi memba malöhi, yañgöra mönö nongören yaizözkökni jigetka mötma. ⁷ Andronikus aka Junias tinitosolomyahötni yetkön mutuk Kraistköreñ qekötahöyohotka nöñön yetkö andöñjire uruni meñbiga miañgö andöñe nömbuk kösö mire malin. Aposol yeñön yetköra mötketka sutñine öñgöñgöñi akzahot. Yetköra mönö nongören yaizözkökni jigetka mötmahot.

⁸ Wölböt alani Ampliatus Kembubuk kinjawi, yañgöra mönö nongören yaizözkökni jigetka mötma. ⁹ Neñaknini Urbanus Kraistpuk kinjawi aka wölböt alani Stakis yetköra mönö nongören yaizözkökni jigetka mötmahot. ¹⁰ Apeles Anutunöñ esapesap wañgiiga dop köli Kraistpuk qekötahöba kinjawi, yañgöra mönö nongö yaizözkökni jigetka mötma. Aristobulusbuk miri mohot maljei, yeñgöra mönö nongören yaizözkökni jigetka mötme. ¹¹ Tinitosolomni Herodion yañgöra mönö nongören yaizözkökni jigetka mötma. Narsisusbuk Kambu qekötahöba miri mohot maljei, yeñgöra mönö nongören yaizözkökni jigetka mötme.

¹² Trifina aka Trifosa ambi yahöt mietkön nup ketañi memba Kembubuk kinjahori, yetköra mönö nongören yaizözkökni jigetka mötmahot. Wölböt ambi alani Persis yañön Kembangöra nup keta bölökñi memba maljawawi, yañgöra mönö nongören yaizözkökni jigetka mötma. ¹³ *Rufus yañön Kembangö nupñi ölop kötökñi memakzawi aka yañgö namñi nalö dop ni tok nahöññi ewö köyan köl niñgiba malöhi, yetköra mönö nongören yaizözkökni jigetka mötmahot.

¹⁴ Asinkritus, Flegon, Hermes, Patrobas, Hermas aka urumelen alaurup tosatñi yembuk maljei, yeñgöra mönö nongö yaizözkökni jigetka mötme. ¹⁵ Filologus, Julia, Nereus nenñambuk aka Olimpas aka ambazip sarakñi tosatñi pakpak yembuk maljei, yeñgöra mönö nongören yaizözkökni jigetka mötme.

¹⁶ Urumelen alaurup sutñine mönö añgum añguba nemböñini suhuba jölöñini jiba malme. Kraistkö urumelen könagesö pakpak yeñön mönö yaizözkökñini algetka engören kaza. Mewö.

Qambay keu teteköji

¹⁷ O urumelen alaurupni, nöñön uruñini kewö kuñguba jizal: Ambazip tosatñan uru mendenmenden asuhumapkö nam kölakzei, yeñgöra mönö je galöm mem añguba malme. Urumohotkö silik ölopñi kusum engigetka mötzemö, keu mi qetala kösawörañ keu tosatñi miañön uruñini kuñgugetka bölili qaköba erakze. Ambazip mewöñi mi mönö engömosöta tikep malme. ¹⁸ Ambazip mewöñan mönö nanini Kembunini Kraistkö nupñi qahö memakzemö, nanñini sihimñinañgö dop asuhumapköra tuaköpek jiba nanñini

* 16:3: Apo 18.2 * 16:13: Mak 15.21

welen qem anjumakze. Kelök keu ölöpnji ölöpnji nahömñambuk jiba ambazip geñmorjini qahö yeñgö uruñini kuñguba tilipköm enjgimakze.

¹⁹ Iñini Ölöwak Buña tem köla wuatangömakzei, keu mi körek neñgö kezapnine geiga mötzin. Miañgöra nöñön enğöra aka önöñi qahö söñgaimakzal. Mewö akzalmö, iñini kewö aka malmegöra mötzal: Mönö bölöñi akingö mötkutukutuñini mosötketka etma. Ölöpnji akingö mötkutukutuñini mi mönö pöndañ köl guliba mem qarime. ²⁰ Luai Toñi Anutu yañön mönö Satan ösumok töjñjahöi enğö bapñine eri köirañ köla söñgaiba malme.

Kembunini Jisösgö kalem möriamñan mönö embuk ahöma.

²¹ *Nöñgö neñakni Timoti yañön mönö yaizözkökñi ali enğoreñ kaza. Nöñgö tinitosolomurupni Lusius, Jeison aka Sosipater yañön mewöyök yaizözkökñini algetka enğoreñ kaza.

²² Tertius nöñön Polgö keuñi möta kimbi ki ohozali, nöñön mewöyök Kembubuk kinda yaizözkökni albige enğoreñ kaza.

²³ *Gaiusnöñ miriñi jim teköi malbiga urumelenñ könagesö pakpak yañön mewöyök ki kaba tokogetka nene köisirik al neñgimakzawi, yañön mönö yaizözkökñi alige enğoreñ kaza. Erastus yañön siti pomñangö ofis uruñe takis moneñ galöm kölakzawi aka urumelenñ alanini Qartus yetkөн mönö yaizözkökñiri alohotka enğoreñ kaza.

²⁴ Kembunini Jisös Kraistkö kalem möriamñan mönö embuk ahöma. Keu mi ölnja.

Kembu möpöseiba kewö köulukömakzal:

²⁵ Ölöwak Buña keu ölnji mi möpñangö möpñeyök mala kotketka miañgoreñ tölapñe ahöyök. Mewö ahöiga Jisösnöñ eta indela jim asariiga möta jim sehimakzal. Buña keu miañgö dop Anutunöñ mönö köhöiba mötnariñini mem köhöiiga ölop zeñ kin köhöime. Miañgöra neñön mönö Anutugö qetbuñani möpöseininga sehimakña.

²⁶ Mutuk Buña keu ölnjan asa-asambötñe ahöba korökmö, nalö kewöñe kezapqetok ambazip kulem ohoget ahözawañgö dop mönö aukñe asuhuyök. Anutunöñ nalö dop mala kota teteköñi qahö mal öñgömawi, yañön ambazip kambuñi kambuñi neñön urunini melenñda Buña keu möt nariba tem köla malbingöra mötza. Miañgöra nup kewö memingö jim kutum neñgiyök, “Iñini mönö anda gölme dop liliköba Buña keu jim asariba malme.” Keu miañgö dop neñön Buña keu mi ambazip kambu pakpak mötmegöra jim asariba malin.

²⁷ Anutu nanñök mötkutukutu Toñi akzawi, neñön mönö Jisös Kraistkö qetñe yañgö qetbuñani möpöseininga nalö teteköñi qahö aködamunñambuk ahöm öñgöba ahöma. Keu mi ölnja.

* 16:21: Apo 16.1 * 16:23: Apo 19.29; 1 Kor 1.14; 2 Tim 4.20

Korint Kimbi 1 Polnön Korint yengöra Kimbi mutuknji alök. Jim-asa-asari

Polnön misin nup memba liliköiga indimnji yahöt ahöi Grik siti Korint miangörej anak. Korint mi Akaia prowinsgö siti bohonji. Miangö kösohotnji mi (Apo 18.1-6) eka oyoñme. Nalö miangörej Korint mi siti keta bölökñi. Bisnisñini könani könani gwötpuk ala meget. Korint yeñön tandö lopion aka bem könani könani waikñini memba möpöseiba malget. Mönahotñini könani könani ala söñgaiget. Gwötpukñan serowilin aka malget.

Kimbi ki kewögöra ohoyök: Polnön misin nup memba liliköiga indimnji karöbut ahöi Efesus sitinön maliga tosatñan Korintnöhök kaba sutñine lömböt asuhuyöhi, miangö buzupñi jigetka mörök. Lömböt tosatñi kewö: Urumeleñ kambu yeñön denja simbisembel malget (1.10-4.21), serowilin lañ aket (5.1-13), awanöm malmalgö könanan sohöyök (Boñ 7), tandö lopiongö bau nenegö goranora aket (Boñ 8), semön töröñi nenegö eñololon aket (11.17-34), zioz malmalgö areñ qahö wuatangöba ilingösöñ malget, kantri tosatñangö keuñi keuñi aongit aka jiget (12-14). Tosatñan keu kewö jiget: “Kömugeri, yeñön kunbuk qahö wahötme.” (15.12-33) Korint yeñön kimbi kun mewöyök ohogetka Polgörej kayöhi, miangörej qeqesi tosatñi al wanjiget, (mi 7.1; 8.1; 12.1; 16.1 miangörej oyoñman).

Polnön qeqesiñini mi melenja lömbötñinangö qambañ keu engiba kimbi ki ohoyök. Urukalemgö keu (Boñ 13 mi qetpuk sorokñi. Könangep nanjak Korint anda engkek-mangö keuñi jiba ohoyök (16.5-7).

Buk kiangö bahöñi bohonji 8 mi kewö:

Jim-asa-asari keu 1.1-9

Denja kambuñi kambuñi malget 1.10-4.21

Serowilin aka awanöm malmal 5.1-7.40

Urumeleñgö aka urumeleñgö kopa malmal 8.1-11.1

Urumeleñ malmal aka möpömöpösei areñ 11.2-14.40

Kraist aka körek neñön kömupnöhök wahötpin 15.1-58

Judia urumeleñ kambu yengöra naluk alget 16.1-4

Polgö areñi aka yaizözkök keuñi teteköñi 16.5-24

¹ Kraist Jisösnön Pol ni noholiga Anutugö jitñangö dop melaimelai azi aposol akzal. Nöñön urumeleñ alani Sostenes yambuk tatzit.

² *Anutugörej könagesö Korint sitinön maljei, nöñön embuk Buja keu eraum mötpingöra kazal. Kraist Jisösnön injini enggoholiga yambuk qekötahögetka tök kutum enggiiga sarakñi akze. Mewöyök ambazip denike yeñön gölme dop Kembunini Jisös Kraistkö qetñi qeta köulukögetka i aka nini mohok kembu ak nengimazawi, mönö körek engöra Buja Kimbi ki ohozit.

³ Anutu Iwinini aka Kembu Jisös Kraist yetkön mönö kalem möriam engiyohotka luainön malme. Mewö.

Polnön Korint yengöra Anutu kewö möpöseiza:

⁴ Injini Kraist Jisösbuk qekötahöba kingetka Anutunön kalem möriamñi engiyöhi, miangöra mönö nalö dop engöra Anutuni saiwap jiba möpöseimakzal. ⁵ Injini Kraistpuk qekötahöba kingetka nup memegö mötmöt kalemñi keleñmaleleñ enggiiga mötmöt könani könani buja qem anguba ölop Buja keugö könani pakpak jimakze.

⁶ Nini Kraistkö könani nangöba jiinga keu miangö ölnan ahuba köhöii kinjeangö dop mötmöt kalem pakpak mi engiyök. Miangöra Anutu möpöseimakzal. ⁷ Miangöra nup

* 1:2: Apo 18.1

memegö mötmöt kalem kungöra qahö osiba kinda Kembunini Jisös Kraistnönj kunbuk asuhumapköra mambörakze.

⁸ Kembunini Jisös Kraistnönj mem köhöim enjiiga nalö teteköje aukje asuhumawi, nalö miangörej injini solanji aka keunji qahö kinda i ekje. ⁹ Anutunönj keunji törörök wuatangöba bauköm engimakja. Yanön injini nanji Nahönji Jisös Kraist Kembuninambuk toroqeba malmegöra enggholök. Mewö.

Könagesöjnan denja kambuji kambuji ala kinje.

¹⁰ O urumelenj alaurupni, nöjön Kembunini Jisös Kraistkö qetje kewö uru kunjum engizal: Injini mönö körekjanök urumohot aka sutjine jujul kude aka malmemö, urujini mindirigetka mohot aiga mötmöt mohot wuatangöba malme. ¹¹ O urumelenj alaurupni, injini sutjine angururuk gwötpuk aka maljei, miangö buzup keunji ambi Kloegö saiwaurup tosatjan mönö jigetka möral.

¹² *Kewögöra mi jizal: Engörejök tosatjan kewö jimakze, “Nejön Polgö keunji wuatangömakzin.” Tosatjan “Nejön Apologö keunji wuatangömakzin,” jimakze. Toroqeba tosatjan kewö jimakze, “Nejön Pitögö keunji wuatangömakzin.” Dumje kunbuk tosatjan kewö jimakze, “Nejön mönö Kraistkö keunji wuatangömakzin.” ¹³ Kraistnönj jula gwötpuk ahök me? Pol nöjön mönö engöra aka maripomnönj kömuyal me? Pol nöngö qetne o melun mem engiget me? Mewö möt sohobepuk?

¹⁴ *Nöjön engörejök Gaius aka Krispus o melun mem etkialmö, tosatji mi qahö mem engialangöra “Anutu saiwap!” jizal. ¹⁵ Miangöra “Polgö qetje o melun mem nengiget,” kunjan keu omañi mewö jibapuk.

¹⁶ *O ölja, Stefanas aka yangö saiwaurupni mi mewöyök o melun mem engialmö, yengö andöjine kun o melun mem wanjial me qahöpto, mi törörök qahö mötzal. ¹⁷ Kraistnönj ni ambazip o melun mem engimangöra aka qahö melaim ningiyökmö, Ölöwak Buña jim sehimangöra jiiga anda kamakzal. Kraistnönj nengöra aka maripomnönj kömuyöhi, nup miangö ösumjan eta omañi akapuk. Miangöra Buña keu mi gölme azigö mötkutukutu qakje lanj qahö jimakzal. Mewö.

Kraistnönj Anutugö kukösumji aka mötmöt areñi indelök.

¹⁸ Ambazip könöp siagö buñaya akñei, yejön maripomnangö Buña keunji möta miangöra mötket uruqahö keuya akza. Mewö akzäpmö, Suepkö buñaya akzini, nengöra keu miangön mönö Anutugö kukösumji indeli mörakzin. ¹⁹ *Miangö keunji Buña Kimbinönj kewö ohoget ahöza,

“Nöjön mötmöt ambazip mötkutukutuñini könderbiga sohoma.

‘Möt asarim yakömakzin,’ jimakzei, yengö mötmötñini mönö mem sohobiga söörauba omañi akja.”

²⁰ *Mötkutukutu ambazip ölji mi denike malje? Buk oyonda mötmötkö könañi miwikñaigeri, mi denike? Gölmönj jtnakölikö böhi aka keu melenqelenja jimakzei, mi mönö ölja qetpuk akze me? Gölmönj mötkutukutu ketañi ahözawi, Anutunönj mönö mi mem kaheiga (sahahaiiga) uruqahö mötmöra akza. Keu mi ölja.

²¹ Anutunönj nanji mötkutukutuñangö dop gölmönj malmalgö areñi alökmö, ambazipnönj nanjini mötkutukutuñine nangöba mewö miangön Anutugö könañi möt kutubingö osiba tönpin malget. Osiba mala Kraistnönj maripomnönj kömuyöhi, miangöra “Uruqahö keuya!” jiba mötketmö, Anutunönj Buña keu mi nejön jim sehibingöra jiyök. Mi jim asariinga denike yejön urujini melenja möt narizei, mi dom-amöt qem engimangö möri dop kölök. ²² Juda yejön aiwesök angöletot asuhumegöra kapanj kölakzemö, Grik kantri yejön mötkutukutuñinan sehimapköra jarumakze.

* 1:12: Apo 18.24 * 1:14: Apo 18.8; 19.29; Rom 16.23 * 1:16: 1 Kor 16.15 * 1:19: Ais 29.14 * 1:20: Job 12.17; Ais 19.12; 33.18; 44.25

²³ Mi jarumakzemö, neñön Kraist maripomnöñ qeget kömuyöhangö Buña keuñi jim sehimakzin. Juda yeñön keu mi mötketka uruñini böliiga mianğoreñ qahöba uruñini qahö meleşmakze. Kian kantri yeñön mianğöra mötketka uruqahö keuya akza.

²⁴ Gwötpukñan mewö mötzmö, Anutunöñ neñgoholi urunini meleşnini, neñğöra Kraistnöñ mönö Anutugö mötkutukutuñi indela Anutugö kukösumñi neñgimakza. Juda me kantri tosatñi akzini, mi töndup Kraistpuk qekötahöba kinda mohot akzin.

²⁵ Ambazip neñgö mötkutukutunini aka ösumnini mi eretñi. Anutunöñ uruqahö akawak, mianğön mönö töndup ambazip mötkutukutunini onğita onğonğonği ketañi akawak. Anutunöñ lölöwöröñi akawak, mianğön mönö töndup ambazip ösumnini onğita köhöikñi kötökñi akawak.

²⁶ Urumeleñ alaurupni, nanñini könañini denöwö ahöiga Anutunöñ engoholöhi, mi mötmöriget? Inini gwötpukñan gölmegö mötkutukutu ketañi qahö memba malget. Gwötpukñan kukösum qakñe sukinapñinambuk qahö malget. Iwiurupñini gwötpukñan qetbuñanambuk qahö malget. ²⁷ Mewö qahöpmö, gölme ambazipnöñ engöra mötketka uruqahö ambazip omanñi akzei, Anutunöñ mönö inini mewöñi möwölöhöm engiyök. Gölmegö mötmöt ambazip ipñi mi gamu qem engiyök. Gölme ambazipnöñ engöra mötketka lölöwöröñi akzei, Anutunöñ mönö inini mewöñi möwölöhöm engiyök. Gölmegö kukösum ambazip ipñi mi gamu qem engiyök.

²⁸ Gölme ambazipnöñ jijiwilit ak engiba könañinangöra mötketka etqegeñi akzei, Anutunöñ mönö inini mewöñi möwölöhöm engiyök. Gölmenöñ yuai akzei, yeñgö qetbuñanñini mem solanii qahöwakñapköra yuai kun qahö akzei, mönö mi möwölöhöm engiyök.

²⁹ Kunöñ Anutugö jemesoholñe sileñi memba onğöbapüköra mönö mewö meköba möwölöhöm engiyök. ³⁰ Anutunöñ nam köl engiba enguanğiriga Kraist Jisösbuk qekötahöba mal köhöimakze. Yañön Anutugö mötkutukutuñi qainñi kun indeli mörakzin. Kraistnöñ sohpnini memba keunini jim teköi solaniba maljin aka tök kutum neñgiiga sarakñi akzin. ³¹ *Buña Kimbinöñ keu kewö ohoget ahöza, “Kunñan sileñi memba onğömawi, yañön mönö Kembu möt wañgizawañğöra aka sileñi mem onğöma.” Keu mianğö dop ahinga dop kölma. Mewö.

2

Kraist maripomnöñ kömuyöhangö keuñi jial.

¹ Urumeleñ alaurupni, nöñön engöreñ kaba Anutugö könañi nañğöba jim asarim engiali, mi keuni nahöm sorokñambuk akñapköra qahö jiba malal me gölmegö mötkutukutu onğonğonği kondela mianğön sileni qahö memba onğöba malal. ² Nöñön engö sutñine mötmöt murutñi pakpak gorañe ala Jisös Kraistkö keuñi aka maripomnöñ kömuyöhangö könañi miyök möt kutuba mi jim sehimangö keu jöhöyal.

³ *Keu mewö jöhöba engöreñ kayali, nalö mianğoreñ azi lölöwöröñi aka jönömni gwötpuk undui kenğöt qakñe malal. ⁴ Nöñön Buña keu jim asarim engiali, mi mötkutukutu ketanğö kelök keuñi qahö jiba malal. Mi qahöpmö, Uña Töröñan sölölohöm engii ösum-mumuñan uruñine inahömapköra kapañ köla jiba malal. ⁵ Gölme ambazipkö mötkutukutuñinan qahöpmö, Anutugö kukösumñan nam köl engiiga möt narimeğöra kapañ köla malal. Mewö.

Uña Töröñangö mötkutukutu mi qainñi kun.

⁶ Nöñön töndup urumeleñ alaurup aködamunñinambuk maljei, yeñgö sutñine tatpiga Anutugö mötkutukutuñi gegeñi mi ölep eraum mörakzin. Gölmegö mötkutukutuñi mi qahö eraum mörakzin. Gölmeñi gölmeñi galöm köl engiba malgetka kukösumñinan qahöwakñawi, yeñgö mötkutukutuñini mi mewöyök qahö eraum mörakzin.

⁷ Mi qahöpmö, Anutugö mötkutukutu tölapñi mönö mi eraum mörakzin. Anutunöñ Suep gölme qahö miwikñaim etkiiga mianğoreñ mönöwök qelñe lök areñi kewö ala

* 1:31: Jer 9.24 * 2:3: Apo 18.9

jöhöyök, “Ambazipnöh bian ahuba aködamun miwikñaiba oyaenjkoyaen aknegöra mönö mötkutukutuni qainji kun mi engimam.” Mewö jiba tölapre ali ahöyök. ⁸ Gölmegegö azi kembuñi kembuñi mala kotkeri, yengöreñök kunñan mönö mötkutukutu mi qahö möt kutuyök. Mi möt kutubeak ewö, Kembunini asakmararañambuk i mönö maripomnöñ qahö qegetka kömumbawak. ⁹ *Mötkutukutu qainji kun miangöra keu kewö ohoget ahöza,

“Kunñan yuai mi je kezapñan qahö eka mörök. Miangö mötmötñan kungö uruñe qahö asuhui mörökmö, ambazip Anutu uruñinan jöpaköm wañgimakzei, yengöra mi mönö mözözömgöiga jöjöröba ahöza.”

¹⁰ Gölme ambazip yuai mi qahö möta jipjap malgetmö, Anutunöh mi mönö Uñañi melaiiga neñgöra indeli mörin. Yañön keu pakpakö könañi jaruba miwikñaimakza. Anutugö mötmöt gegeni mewöyök möt teközawañön mönö mi sölölohöm neñgiiga mörin.

¹¹ Kungö uruñi kunöh qahö mötza. Uruñangö uñañi yañönök mönö mi möt yaköza. Mewöñanök Anutugö uruñi mi kunñan qahö mötzapmö, Anutu nanñi Uñañi Töröñi yañönök mi möt yaköza. ¹² Neñön gölmegegö ahakmeme bölöñangö ömerji kun qahö buña qem anguinmö, Anutunöh yuai kalem neñgiyöhi, miangö könañi mötpingöra mönö nanñi Uñañi melaii urunine geiga maljin.

¹³ Miangö könañi gegeni tokoba eraum mörakzin. Gölme ambazipnöh mötkutukutunñangö qakñe keu kusum neñgigetka miangö dop mi qahö eraum mörakzin. Mewö qahöpmö, Uña Töröñan keu kusum neñgiyöhi, miangö dop mönö urugö keu öñji kewöringa sölölohöm neñgii jim asarimakzin. ¹⁴ Uña Töröñan sölölohöm neñgiiga keu mi mewö kewöztzin ewö, könañi mönö miwikñaiba möt asaribinangö dop akza. Miangöra Uña Töröñan denike yengö uruñine qahö mali öne lañ maljei, yañön Anutu Uñañangö buñañi mi möt anğön kölbingö osimakze. Yañön Buña miangöra mötketka uruqahö keu tandök aiga könañi möt asaribingö osize.

¹⁵ Yañön osizemö, Uña Töröñan sölölohöm neñgiza ewö, mönö keu pakpakö könañi kewöta jim teköbinangö dop akzin. Mewö akzinmö, urumelen ambazip kungö könañamñi mi gölme ambazip körekñan törörök jim teköbingö osimakze. ¹⁶ *Miangö könañi mi Buña Kimbinöh kewö ohoget ahöza,

“Kembugö urumötmötñi mi azi kunñan kun qahö mörök.

Miangöra kunñan i goro qambañ wañgimawangö dop qahö.”

Kunñan mi qahö mörökmö, neñön Kraistkö urumötmötñi memba maljin. Mewö.

3

Anutugö nup meme ambazip

¹ O urumelen alaurupni, iñini namande ewö Kraistpuk qekötahöba kinget. Miangöra nöñön iñini gölmegegö ahakmeme mötöteimakzeangö tandök malgetka Buña keu mi jim asarim enggiba sutñine malal. Uña Töröñan sölölohöm engii maljeangö tandök ewö engöra jimangö osiba malal. ² *Nöñön keu möt asarimeangö dop juzu onji ewö gumohom enggiba malal. Nene öñji nemingö dop qahö akerangöra keu gegeni mi qahö engial. Nalö miangöreñ nene öñji nemingö osiget aka nalö kewöñe mewöyök mi ölop qahö nemakze.

³ Iñini toroqeba gölmegegö ahakmeme bölöñi mötöteiba malje. Iñini urunöh mutututut möta anğururuk aka keu jijinöh nonğitnöh gongitpi ahakze. Mewö aketka uru silegö sihim kömbönañini bölöñan galöm köl engiiga urumelenğö kopa ambazip omañi yengö tandök ahakze. ⁴ *Tosatñi iñini kewö jimakze, “Nini Polgö keuñi wuatangömakzin.” Tosatñan kewö jimakze, “Nini Apologö keuñi wuatangömakzin.” Mewö mewö jiba mönö gölme ambazip omañan ahakzeangö tandök aka malje.

* 2:9: Ais 64.4 * 2:16: Ais 40.13 * 3:2: Hib 5.12-13 * 3:4: 1 Kor 1.12

⁵ Apolosnöh niñia akza aka Pol nöhön niñia akzal? Niri mönö Anutugö nuwa memba maljit. Kembunöh nanjik nanjik netköra nup netkiyöhi, miangö dop bauköm engzigia urujini melenä Kembu möt nariba malje.

⁶ *Nöhön kötji kömötpiga Apolosnöh o memba kaba miangörej mokoyökmö, Anutunöh mönö meiga töhötmöriam asuhuyök. ⁷ Miangöra kömöröhi, yañön qetjambuk qahö akza. O mokoyöhi, yañön mewöyök qetjambuk qahö akzapmö, Anutunöh kötuetsköiga töhötmöriamñi kota qarimakzei, yañönök mönö qetbuñambuk akza. ⁸ Mewö akzapmö, kömörakzali aka o mokomakzawi, netkön mönö dop mohot akzit. Mohot akzitmö, mi töndup töwaniri mi mönö nupniri memakzirangö dop nanjök nanjök membit.

⁹ Netkön Anutugö nup neñakyahötji aka yambuk nup memakzit. Engö urujini mi Anutugö arö ewö aiga kölkömöt nupñi miangörej memakza. Anutunöh miri ewö urujini inahöba mindirim engiiga köhöiba wahörakze. ¹⁰ Anutunöh kalem möriam niñgiyöhi, nöhön miangö dop miri memegö mötmöt azi ewö aka Anutugö tandö kömbönañi urujine kuñguba kömötpiga kunöh miangö qakje miri memakza. Ölop memakzapmö, mohot mohot neñön mirigö nupñi ölpñanök membinangö dop akzin. Ek kutuba memingöra mönö je galöm mem angubin. ¹¹ Urugö tandöñi mi Jisös Kraist. Nöhön mi lök urujine kömötpiga kunñan mötnaripkö tandö kun miwikñaimangö osima.

¹² Tandö mohot akzapmö, miangö qakje tosatñan miriñini goul silwönöh me köt öljñambuk tosatñi miangön memakze. Tosatñan miriñini ip kösönöh, tömbö bohöm sinñan me señgwenöh memakze. Siliknini mewö me mewö memakzin ewö, ¹³ urugö nupninañgö öljñan mönö inanjök inanjök aukje asuhuma. Kembunöh nalöñan kam kuñguiga miangörej mönö mirigö esunji luluñma. Miri esuninan mönö Anutugö könöp bölamñan asuhuiga jeba eriga öljñan aukje ekingö dop akña. Könöp miangön mönö mohot mohot neñgö mirininañgö tandökñi öljñi mi esapesapnöh ala kewötma.

¹⁴ Könöpnöh jeba miri pakpak kewöt engiiga megetka öljñan köhöiba kinme ewö, yeñön mönö nupñinañgö töwanji buña qem angume. ¹⁵ Tosatñan miriñini megetka öljñan jeba etme ewö, yeñön mönö töwa qahöpmö, geñmororoñ miwikñaima. Mi miwikñaimemö, nanñinak töndup Suepkö buñaya malme. Könöp bölamnöh jem engohoiga miangö tandök ongitpingö jaram tiba kök alal ewö aketka Anutunöh meköm engiiga Suepnöh öngöme.

¹⁶ *Nanñinak Anutugö Buña jike (tempöl) aketka Anutugö Uñañan urujine maljawi, mi mötze me qahö? ¹⁷ Anutugö Buña jikenji mi kömbukñi akzawi, miangö dop eñön sarakñi akze. Miangöra kunñan Anutugö jike mem böliza ewö, Anutunöh mönö i nanñi mem bölim wangima.

¹⁸ Kunñan nanñi gölmegö mötmötñi wuatangöba tilipköm angubapuk. Engö sutñine kunñan nanñangöra möri “Gölmegö mötkutukutu öngöngöñi memba maljal,” jiza ewö, yañön mönö mutuk uruqahö aka mewö miangön mötkutukutu öljñi miwikñaiabawak.

¹⁹ *Anutunöh gölmegö mötkutukutu öngöngöñi miangöra möri uruqahö keuya akza. Miangö keunji Buña Kimbinöh kewö ohoget ahöza, “Anutunöh mötkutukutu öngöngöñi memba maljei, mi gwaröhöm engiiga nanñini mötmöt imbi-imbinöh supapköba qaköme.” ²⁰ *Miangö keunji kun kewö ahöza, “Kembunöh mötkutukutu ambazip yeñgö mötmöt areñinañgöra möri omanji akza.” ²¹ Miangöra engörejök kunñan mönö ambazip neñgöra aka sileñi memba wahötpapuk. Körek neñön mönö engö buñaya akzin.

²² Pol, Apolos, Pitö* neñön mönö engö buñaya akzin. Ambazip gölme dop maljini, neñön mönö körek engö buñaya akzin. Miangöra ölop keu mi me mi kewöta memba mewö miangön malmalñini malme aka kömupñini kömume. Nalö kewöñe maljini, körek neñön mönö engö buñaya akzin aka könangep nup meme ambazip malmei, yeñön mönö

* 3:6: Apo 18.4–11.24–28 * 3:16: 1 Kor 6.19; 2 Kor 6.16 * 3:19: Job 5.13 * 3:20: Sum 94.11 * 3:22: Pitö qetñi alañi Sifas

mewöyök engö buñaya akñe. ²³ Mewö ak engizinmö, enñon Kraistkö buñaya aketka Kraistnön Anutugö buñari akza. Mewö.

4

Nini Kraistkö aposolurupñi akzin.

¹ Miangöra ambazip körekñan mönö neñgöra kewö mötketka dop kölma: Kraistnön jim kutum neñgiiga nupñi memakzin. Anutunön keuñi tölapñi neñgiiga buñanini aiga galöm kölakzin. Neñon miri galömñangö tandök ewö akzin. ² Galöm yeñgö tonñinan miri yuaiñi galöm kölmegöra böröñine aljawi, yañon mönö keu bohonñi kewö kapañ köla jim kutum engimakza, “Nupñini mönö misila pöndañ memba malme. Memburik-qemburik kude akñe. Mewö miwikñaim engigiba dop kölma.” ³ Korint enñon me gölmegö keu jake kungö galömñan ni kewöta jim teköm niñgibeak ewö, nöñon mönö keu miangöra mötpi eretñi kötökñi akza. Nanak mewöyök nani keuni qahö jim teközal. ⁴ Uruni kewöta keu kun qahö mötpiga mem lömbörim niñgizapmö, miangöra töndup solanñi qahö akzal. Ambazipnön qahöpmö, Kembunön mönö nöñgö keuni kewöta jim teköm niñgimakza.

⁵ Miangöra iñini mönö nalö kewöñe kungö keuñi kun mi kude jim teköme. Kembunön nalöñi ali kam kuñgumapköra mönö mambötme. Mamböta malgetka miangöreñ kaba keu yuai ömukñe asambötket ahözawi, mi mönö asakñan indeliga aukñe asuhuma. Yañon kaba ambazip urunini mem asariiga könañamnini öljän aukñe ekñamgö dop akña. Könañamnini öljä eka mohot mohot kewöt neñgiiga Anutunön mönö miangö dop nalö miangöreñ möpöseim neñgibawak.

⁶ O urumeleñ alaurupni, iñini jula jakbak-örañbörañ aka lañ likeplikep aröñda kinda qetal angumakze. Mewö malbepüköra mönö Apolos niri mötmörim netkiba nanñini imbi-imbi mosöta keu kiangö könañi mötme, “Buña keu ohoget ahözawi, mi mönö kude ongitme.” Keu mi mötket uruñine ahöi tem kölgetka ölöwakñegöra mönö kösohotniri mewö ohozal. Mi nani aka Apolos netkö könañamniri kewöta mötmöriba möt asarimegöra ohozal. Jujulñinan mewö teköma.

⁷ Gölmegö kunñan mönö qahö mem letot gihiiga tosatñi engongita qainñi kun akanak me qahö? Mi qahö. Yuai pakpak ahöm gihizawi, mi mönö Anutunön kalem gihiiga buña qem angunön me qahö? Mi kalema buña qem angunön ewö, mönö wuanöñgöra kalem qahöpkö tandök ewö silegi memba öñgömakzan? Mi qahö dop kölja.

⁸ Yuai pakpak memba malbingö sihimñi mötzei, mi mönö lök ahöm engim teköza. Anutunön Suep köweñeyök kalemñi kalemñi mokom engiiga lök simbawoñ akze. Neñon qahö bauköm engiinga nanñinak töndup mötnaripkö azi kembu tandök akze. Nanñinañgöra mewö mötmörim anguze. O enñon öljä kiñ aketka dop kölbowak. Mewö aketka neñon mönö mewöyök azi kembu-urupñini aka engö qöhöröñine ölop silenini memba öñgöba aiweliköm angubinak. Nöñon mewö akingö sihimñi mötzal.

⁹ Nöñon mewö mötzalmö, nanini könañamnini eki tandök kewö akza: Anutunön aposol nini al neñgiiga ambazip jeñine etqeceñi töhön aka maljin. Ambazip enguget kömumegö jim tekögerangö tandök aukñe anda kainga lañ qeta gamu qem neñgimakze. Yuai ehkñi qainñi kun ahinga gölme dop miengö tonñi aka Suep jakeñi jakeñi miengö pom garatañi miengön mönö jeñinan neñgek kutuba neñgehimakze.

¹⁰ Kraistköra aka uruni sohoi maljali, nöñgöra mewö jimakzemö, enñon Kraistpuk kinda mötmöt ambazip aködamunñinambuk akzeangö tandök akze. Nöñon lölöwöröñi akzalmö, enñon “Ambazip köhöikñi akzin,” jize. Ambazipnön iñini göda qem engim makzemö, nöñgöra mötket eriga jijiwilit ak niñgimakze. ¹¹ Nalö dölkewöñe mewöyök nenegö kömumba ogöra ak neñgiiga opo walñi jujuratñi löngöta malinga binnön lañ neñgugetka dum mirinini qahö mala toroqeba anda kamakzin.

¹² *Nanini böröñinan sileqece tandök nup memakzin. Ambazipnön lañ qesuahöm neñgimakzemö, neñon mönö kötuatköm engiba yeñgöra köulukömakzin. Sesewerowero ak neñgimakzemö, neñon mönö mi möta mökösoñda kapañ köla maljin. ¹³ Uruqece keu

* 4:12: Apo 18.3

töhörej jim neŋgimazemö, neŋön mönö guŋböñjönjön qakŋe ösöñnönj meleşmakzin. Neŋön gölmegö nesak lömŋangö tandök ewö ahinga gölmeñi gölmeñi yeñön sisitnini memba andö qem neŋgimazke. Mewö mala kota nalö dölkwöñe mewö toroqeba maljin.

¹⁴ Gamu qem eŋgimangöra keu ki qahö ohozalmö, wölböt nahön böraturupni ewö mönö goro qambañ eŋgimangö mötzal. ¹⁵ Mötnaripkö böhi 10.000 yeñön Kraistpuk qekötahöba köyan köla kusum eŋgibeak ewö, mi töndup nöñön mönö Kraist Jisösbuk qekötahöba Ölöwak Buña jim asariba iwiñini akiga uruñini meleşget. Miangöra iwiurupñini gwötpuk qahö malje.

¹⁶ *Miangöra uruñini kewö kuŋgum eŋgizal: Nöñön silik ahakzali, miangö dop eñön mönö nöñgö silikni mi wuatangöba malme. ¹⁷ Nöñön silikni Kraist Jisösbuk qekötahöba aka memba gölmeñi gölmeñi liliköba urumeleñ könagesö dop kusum eŋgimazkali, miangöra mönö ölum eŋgubapuk. Nöñön miangöra aka wölböt nahöni Timoti melaibiga eŋgöreñ kama. Yañön nömbuk pöndañ mala Kembubuk qekötahöba kinda kaba könañamni jiba köl gulim eŋgima.

¹⁸ Eŋgöreñök tosatñan nöñön eŋgöreñ qahö kabileñak ewö möta sileñini möpö-seiba jakbak-örañbörañ aka lañ malje. ¹⁹ Mewö maljemö, Kembunönj sihimñan ni kamangö mötma ewö, mönö ösumök eŋgöreñ kamam. Kamami, nalö miangöreñ jakbak-örañbörañ ambazip yeñgö kukösumñinañgöra qesim eŋgibiga jim miwikñajgetka mötmam. Sileñini memba wahöta keu ketañi ketañi lañ jimakzei, miangön nöñgöreñ eretñi akza. ²⁰ Anutugö bemtohoñ mi keuyök jijigö yuaia qahöpmö, ölñi mi Anutugö kukösum. Miangön mönö nam köl neŋgiza.

²¹ Miangöra uruñini qahö meleşda lañ malme ewö, nöñön mönö kömbin memba kaba keunön eŋgohotirimam. Uruñini meleşme ewö, mönö urubönjönjön qakŋe urukalem ak eŋgimangöra kamam? Keu yahöt mi kewöta nöñgöra sihimñini denöwö mötzei, mi möt kewöta jime. Mewö.

5

Kunönj serowilin ahöhi, i mönö sutñineyök közölme.

¹ *Keu kun kewö jigetka nöñgö kezapne geyök: Tosatñan urumeleñ könagesö sutñine serowilin ahakze. Kunñan iwiñangö anömñi memba malja. Serowilin mewöñi mi urumeleñgö kopa ambazip yeñgö sutñine mewöyök kun qahö ahöza. ² Kunñan mewö aiga iñini töndup sileñini memba öñgöba lañ jakbak-örañbörañ ahakze. Mi qahö dop köljamö, silikñangö wösöbiriknönj mönö mem kömum eŋgiiga dop kölbowak. Mewö aka ölöp azi siŋgisöndok mewö ahöhi, i mönö sutñineyök közölgetka yaigep etma. I denöwö aka qahö közöljeje?

³ Nöñön ölña eŋgöreñök köröwen malbi sileni qahö nehakzemö, töndup uñanan mönö embuk maljal. Kunñan ahakmeme kanjamñambuk ahöhi, nöñön lök yañgö keuñi kewöta sutñine maljalangö tandök möta jim teköba kewö jizal: ⁴ Iñini mönö Kembunini Jisösgö qetñe totoko algetka nöñgö uñanan embuk toroqeiga Kembunini Jisösgö kukösumñan nam köl eŋgiiga örörönj kinda keuñi jiba mönö kewö jöhöme: ⁵ Satanönj sileñangö sihim kömbönañi bölöñi qei etmapköra mönö andö qem wañgiba yañgö böröñe algetka mindiñgöm wañgima. Mindingöm wañgiiga löwöriba uruñi meleşni Anutunönj amöt qem wañgiba Kembugö nalöñe uñañi meköiga Suepkö buñaya akawak.

⁶ *Sileñini memba öñgömakzei, mi ölöpñi qahö. Iñini keu yahöt ki möt yaköze, “Yist kitipñi moröñi obuk mindiriba pluanönj alinga mem qariiga dis kokolak qemakza. Mewöyök bau wösö kömbukñan tiŋgirakzawi, miangön mönö busu pakpak mem bölimakza.”

⁷ *Keu miangö dop iñini lök plaua dis sarakñi ewö aketmö, siŋgisöndokö yistñi kun mi ket ewö sutñine kañgota eŋgöhömakza. Körek bölibepuköra mönö yistñini walñi mi kewöt uteköme. Azi mi wösö kömbuk ewö közöla mönö dumñe kunbuk yambu jeñiqeje

* 4:16: 1 Kor 11.1; Fil 3.17 * 5:1: Dut 22.30 * 5:6: Gal 5.9 * 5:7: Eks 12.5

dölökhangö plaua dis sarakni ewö aka malme. Ak-kömukömu kendon nalöje lama jöwöwöl ohoba beret yistni qahö nemakzei, miangö dop Kraistnön nanine ak-kömukömu lamanini aiga lök qeget kömuyök. Miangöra injini ölop plaua dis sarakni yistni qahö ewö akne aka kunbuk oyaenkyoaen uruje kangota malme.

⁸*Kraist kömuyöhangöra mönö sösöngai kendon aka malbin. Yist me wösö kömbukni mi ahakmeme bölöni ingonmanjonambuk. Miangö qakne mönö sösöngai kendon kude akin. Miangöra mönö gejmon mosöta keu ölni wuatangöba beret yistni qahö ewö aka miangö qakne sösöngai kendon aka malbin.

⁹Nönön Buja Kimbi ohom engiba kewö jial: Injini serowilin ahakzei, yembuk mönö kude köisirik tata eraum mötme. ¹⁰Gölmenön urujini qahö melenja ahakmeme bölöni ahakzei, yengöra keu mi qahö ohoyal. Yenön serowilin aka yuaigö nepaqepalok membagan mendingö köpösöngömakze. Yuai kalöpköba yongorö memakze aka tandö lopion waikni memba möpöseim engimakze. Yengöra aka mewö ohom engibilejak ewö, injini mönö gölmenön malbingö osibeak.

¹¹Yengöra aka qahöpmö, könani kewögöra keu mi ohom engial: Kunjan nanji qetni urumelen ala jiba tondup serowilin akza me yuaigö nepaqepalok membagan mamangö kösösöngömakza me tandö lopion waikni memba möpöseimakzawi, yambuk mönö kude köisirik tata eraum mötme. Mötnarip kambu engö sutjine kunjan mepaqepaik ahakza me o köhöikni nempa enololon ahakza me yuai kalöpköba yongorö memakza ewö, yambuk tata nene kun kude neme.

¹²Yaigep maljei, nönön yengö keujini qahö jim tekömakzal. Mi nöngörej nuwa qahö. Injini mewöyök könagesö pakpakö keujini qahöpmö, urujini melenja sel uruje maljei, mönö yengö keujini miyök kewöta jim tekömakze. ¹³*Yaigep lan maljei, Anutunön mönö yengö keujini kewöta jim teköma. Miangöra mönö Buja keu kiangö dop akne, "Azi bölöni mi mönö sutjineyök közölme." Mewö.

6

Urumelen alajini mi yaigep yengö keu jakeje kude alme.

¹Urumelen ambazip sutjine kunjan alaji keu jakeje almangö mötza ewö, yanön Anutugö ambazip sarakni engongita ambazip gongoni yengö jeje aniga qahö dop kölja. Qahö! Urumelen göpa ambazip bauküm wangimegöra qesim engiiga gamunambuk akza. ²Anutugö ambazip sarakni nenön kantriji kantriji yengö keujini kewöta jim teköbini, mi lök mötze. Injini gölme pakpak yengö keujini jim teköbingö dop akze ewö, mönö denöwö aka keu morömorö kewöta jim tekömeangö dop qahö akze? Injini mönö ölna miangö dop akze. ³Urumelen ambazip nenön Suep garataurup yengö keujini kewöta jim teköbini, mi lök mötze. Miangö dop akzin ewö, gölmenön malmalgö keuji mi mönö amqeba kewöta ölop jim tekömakin.

⁴Miangöra gölmenön malmalgö keuji sutjine asuhumakzawi, keujini mi mönö wuanöngöra sileje yengö keu jakeje öngöba jim tekömegö qesim engimakze? Urumelen göpa ambazip sutjine jijiwilit ak engimakzei, yengöra tondup keu nalöje mötketka öngömakza. Mi qahö dop kölja.

⁵Keu mi gamu qem engimangöra jizal. Mötnarip ambazip engö sutjine keu ahözawi, engörejök kungö mötkutukutuji dop kölga keu mi ölop jim tekömawangö dop akza me qahö? Mönö ölop sutjineyök azi mewöni miwikjaim. ⁶Qahö tandök aiga urumelen ala kunön alaji sileje yengö keu jakeje alakza. Mewö ala ambazip Anutu qahö möt narizei, mönö yengö jeje anda keu nupköra qesim engimakza. Mi qahö dop kölja.

⁷Sutjine keu jakeje al angumakzei, mewö miangön mönö nanjini eta enguiga Kraistkö qetbuanan lök eretni aiga malje. Ambazipnön ak bölim engigetka urujini miangöra wahöri keunön al engigetka Anutugö jeje qahö dop kölja. Tilipqipil aka yuaini öböba

* 5:8: Eks 13.7; Dut 16.3 * 5:13: Dut 13.5; 17.7

megetka injini likepni qahö melenj engigetka mewö mianjön Kraistkö könanjan mönö aködamunjambuk akña.

⁸ Injini Kraistkö qetji kewö mem bölimakze: Mönö nanjinak tilipqilip aka ambazip ak bölüm engiba yuaijini öröba memakze. Urumelenj alaurupjini yengöra mewöyök mewö ak engimakze.

⁹ Irimqirim ambazip yejön mönö Anutu bemtohojangö uruje öngöba dum qahö meme. Mi mötze. Ahakmemenjan mönö tilipköm anguba janjuj akepuk. Tosatjan serowilin aka tandö lopionj waikjini memba möpöseimakze. Tosatjan awanöm malmal ongita qesabulum ahakze. Tosatjan monengöra laj amimba malje aka azi nanjirök ambi nanjirök amimba malje. Mewöji mienjön mönö Anutu bemtohojangö bujanji qahö akje.

¹⁰ Tosatjan yongorö memba yuaigö nepaqepalok membagan mbingö köpösöngömakze. Tosatjan o köhöikji memba erjololöj aka laj mepaqepaik ahakze. Tosatjan yuai kalöpköba yongorö memakze. Ambazip mewöjan mönö Anutugö bemtohoji buja qahö qem angume. ¹¹ Engörejök tosatjan mutuk mewö aka malgetmö, könanjep Kembunini Jisös Kraist buja qem angugetka sepnan sanjonja tök kutum engiba yangö qetje sarakji aket. Mem solanim engiiga Anutuninangö Uñanan mönö inahöm engiiga dingiba malje. Mewö.

Sileninan Anutugö jike kömbukji akza.

¹² *Nöjön yuai pakpak ölop memamanjö dop akzalmö, yuai pakpaknöj mönö qahö mem ölowak ningiza. Yuai pakpak ölop memamanjö dop akzalmö, yuai kunöj kumbu ak ningibapüköra mönö galöm mem angumakzal. ¹³ “Nene mi nenyök. Mi kömongokninangöra aka ahöza. Kömongoknini mi nene nein gemapköra aka ahöza.” Kunöj mewö jibawakmö, Anutunöj mönö nene aka kömongok mi mohotje jim teköi qahöwakjahot. Silenini mi serowilin akingöra qahöpmö, Kembugö nupji mbingöra aka ahöza. Mewö ahöiga nanjak silenini ölowakjahpüköra nene yuai nenjimakza. ¹⁴ Anutunöj nanji kukösunnan Kumbu mem gulii kömupnöhök wahöröhi, yanjön mönö nini mewöyök mem gulim nenji wahötpin.

¹⁵ Engö sileninan Kraistpuk toroqeba silenangö kitipji akzei, mi mötze me qahö? Mianjöra nöjön Kraist silenangö kitipji kun memba köna ketanji ambibuk qekötahömam me qahö? Mi qahöpmahöp! Mönö yapmakek! ¹⁶ *Anutunöj keuji kewö jii ahöza, “Yetkön mönö sile mohot akjahot.” Mianjöra kunjan köna ketanji ambibuk qekötahözawi, yanjön mönö yambuk sile mohot akjahot. Mi mötze me qahö? ¹⁷ Mohot akjahotmö, kunjan Kembubuk qekötahözawi, yangö uñanan mönö Kembugö Uñanam-buk mindiriiga mohok aka malmahot.

¹⁸ Serowilin mi mönö misingöba mosötme. Singisöndok tosatji mi me mi ahakzini, mi pakpak mönö sileninangö yaigepje asuhumakza. Kunjan serowilin ahakzawi, yanjön mönö nanji silenji mem böliba singisöndok ahakza. ¹⁹ *Sileninan mönö Uña Töröjangö Buja jikenji (tempöl) akza. Anutunöj Uñani engiiga buja qem angugetka urujine malja. Mianjöra nanjini bujaya qahö akzei, mi mötze me qahö?

²⁰ Nanjini bujaya qahöpmö, Kraistnöj söngöröjini ketanan bohonjini meiga yangö bujaya akze. Mianjöra sileninan mönö ahakmeme sarakji aketka Anutugö qetbujanjan sehimakña. Mewö.

7

Awanöm aka gwabö seram malmal tatat

¹ Injini keu tosatji ohoba qesigeri, mi jim asarimam. Azinöj ambi qahö memba gwaböya maljawi, mi ölop. ² Mi ölopni akzäpmö, silegö sihimnan sero yongorö akepüköra injini mohot mohot mönö nanjik nanjik awanöm amemba malme. ³ Azinöj

* 6:12: 1 Kor 10.23 * 6:16: Jen 2.24 * 6:19: 1 Kor 3.16; 2 Kor 6.16

mönö anömnanğö sihimnanğö dop awanöm malmalgö areni wuatangöma. Anömnan mewöyök mönö anğanğö sihimni wuatangöba malma.

⁴ Anömnanğö silejan mönö nanji bujanı qahö aiga nanjök mi qahö galöm kölakzapmö, anğan mi galöm kölakza. Anğanğö silejan mewöyök nanji bujaya qahö aiga nanjanök qahö galöm kölakzapmö, anömnan mi galöm kölakza. ⁵ Mianğöra nanjiri mönö kude anğön köl anğuba malmahot. Nanjirök urumohot aka pöndañ köuluk nup membitköra ölop nanjök nanjök malmahotmö, nalö tosatni mewö malagun mönö kunbuk mindiriba mohotne malmahot. Urujiri ölop qahö galöm kölohotka Satanön esapköm etkiiga singisöndoknön etpahotpuköra mönö mewö aka malmahot.

⁶ Mewö akñahotköra ölop jizalmö, jöjöpən keu mewöni mi qahö al enğizal. ⁷ Nönön ambazip körek pakpak ni ewö gwabulum malmegöra mötzalmö, injini tosatni Anutugö nup memegöra mötmöt kalem mewöni mi qahö memba malje. Anutunön mötmöt kalemni menderniga mohot mohot neñon mi me mi nanjök nanjök buja qem anğuba maljin.

⁸ Awanöm qahö aka malö maljei, enğöra kewö jizal: Enñon ni ewö toroqeba awanöm qahöpmö, solanji malmei, mi mönö ölopni akza. ⁹ Ölopni akzapmö, awanöm akingö urunini könöp jeiga malbepuköra mönö ölop awanöm aketka amqema. Mianğöra yeñon urunini galöm kölbingö osize ewö, mönö ölop awanöm akne.

¹⁰* Awanöm maljei, enğöra kewö jim kutuzal, nönönök qahöpmö, Kembunön nanjak mönö keu ki jiza: Anömnan anji kude mosötma. ¹¹ Mewö jizapmö, töndup anji mosötma ewö, mönö azi kun kude memba öne malma me anğambuk kunbuk eraum möta urumohot aka malmahot. Mewöyök anğan anömni kude mosötma.

¹² Mi Kembugö keuyapmö, awanöm tosatni enğö goronini mi Kembunön qahö jizapmö, nanak mi kewö jizal: Urumelej azi kungö anömnan urunı qahö meleñda töndup yambuk malmamgö mötzawi, yanñon mönö anömni mi kude mosötma. ¹³ Mewöjanök urumelej ambi kungö anğan urunı qahö meleñda töndup yambuk malmamgö mötzawi, yanñon mönö anji mi kude mosötma. ¹⁴ Mianğö könani kewö: Kungö anğan urumelejgö kopa azia aiga Anutunön i töndup urumelej anömni qekötahözawañgöra aka tök kutum wañgiiga sarakni akza. Mewöjanök kungö anömnan mötnaripni qahöpmö, urumelej anji qekötahözawañgöra aka Anutunön i tök kutum wañgiiga sarakni akza. Kunön sarakni qahö akawak ewö, nahönböratniran mönö Anutugö sel yaigepne malbeak. Mewö malbeakmö, Anutunön mohotne tök kutum enğiyöhanğöra mönö sarakni akze.

¹⁵ Sarakni akzemö, kunjan qahö möt nariba anji me anömni mosötmamgö mötza ewö, mönö ölop mosötma. Mewö asuhuiga nönğö keunan urumelej alanini mi qahö jöhöma. Anutunön injini luainön malmegöra enğoholök. ¹⁶ Ambi, gi apki uru kuñgum wañginönğa urunı meleñma me qahöwi, mi mönö denöwö mötpanak? Me azi, gi anömgi uru kuñgum wañginönğa urunı meleñma me qahöwi, mi mönö denöwö mötpanak? Mianğöra mönö luainön malme. Mewö.

Anutunön enğoholöhanğö dop mönö toroqeba malme.

¹⁷ Kembunön mohot mohot enğö malmalnini areñ aliga awanöm me solanji malgetka Anutunön enğoholöhi, mianğö dop mönö toroqeba mala malmalninanğö könani kude uteköme. Urumelej könagesöni könagesöni liliköba miri dop mewö jim kutum enğimakzal.

¹⁸ Anutugö aiwesökni azi kungö sileje yanğiget maliga mewö oholök ewö, mi mönö kutumamgö kude kapañ kölma. Anutugö aiwesökni kungö sileje qahö yanğiget maliga mewö oholök ewö, mönö mi yandimegö kude kapañ kölma. ¹⁹ Anutugö aiwesökni silenine yandiget ahöza me qahöwi, mianñon Anutugö jeje yuai omani akzapmö, jöjöpən keunı tem köla wuatangöinga ölni akza.

²⁰ Anutunön enğoholiga nalö mianğoreñ awanöm me solanji malgeri, injini mohot mohot mönö mianğö dop toroqeba malme. ²¹ Kungö welenqege omani aknönğa

* 7:10: Mat 5.32; 19.9; Mak 10.11-12; Luk 16.18

Anutunöy goholök ewö, miangöra mönö waimanjat kude aka malman. Urugi meleyda ölop solanji aka nup kun miwikñaibanak ewö, mi mönö ölop miwikñajiman me urugi amqeiga ölop toroqeba welenqege omani malman.*

²² Mi kewögöra: Kunöy welenqege omani aiga Kembunöy mewö oholi uruji meleyniga siŋgisöndokñangö kösöni pösariga solanji aka malja. Mewöñanök kunjan solanji aiga Kembunöy mewö oholi uruji meleyniga nanji imbi-imbi qahöpmö, Kraistkö jiti tem kölmapkö kösönöy kinda welenji qeba malja. ²³ Kraistnöy bohonji ketanan söngörönjini meiga maljeangöra mönö gölme ambazip yengö keu kenöt bapne anda welenqegejini omani aka malbepuk. ²⁴ Miangöra urumeley alaurupni, Anutunöy enghoholiga nalö miangöreñ solanji kösöjini qahö me welenqege toñinangö kösö gwarönöy malgeri, injini mohot mohot mönö miangö dop Anutugö jeje toroqeba malme. Mewö.

Gwabö seram aka malö yengö goro keujini

²⁵ Ambi seram jömukñi† engö goroya mi Kembunöy qahö jim kutui mötzal. Miangöra Kembunöy ak kömum niŋgiiga keuni lañ qahöpmö, möt nariget dop köljawangö dop jimakzali, mönö miangö dop kewöta nani mötmötnan kewö jimam:

²⁶ Kahasililiñ nalöni dopdowizawangöra gwabö seram maljei, körek enön mönö miangö dop toroqeba malgetka ölöwakza. Mewö mötmörizal. ²⁷ Ambi memba maljan ewö, anömgi mosötmangö kude akjan. Anömgi qahö solanji maljan ewö, mönö ambigöra kude jaruman. ²⁸ Töndup ambi memani, miangön mönö siŋgisöndokji qahö akja. Mewöñanök ambi seramnöy azi memawi, yañön siŋgisöndok qahö akja. Siŋgisöndok qahöpmö, mewö akjei, yeñön mönö silerjinan kahasililiñ gwötpuk miwikñaiba mötme. Enön mi mötpepuköra mönö angön köl engimangö mötzal.

²⁹ Mewö möta goro engizalmö, urumeley alaurupni, keu kun kewö jimam: Kembu kamawangö nalöñan törizawangöra aka ambi memba maljei, enön mönö mewöyök nalö kiangöreñök könahiba anömñjini qahö tandök ewö aka malme. ³⁰ Wösöbirik aka sahötzei, enön mönö qahö sahötmeangö tandök ewö aka malme. Urugini ölöwahiga söngaizei, enön mönö qahö söngaimeangö tandök ewö aka malme. Yuai bohonji mezei, enön mönö mi qahö buña qem angumeangö tandök ewö aka malme.

³¹ Gölmönöy nalö kewöñe areñ wuatangömakzei, miangön mönö ayapkömawangö dop akza. Miangöra gölmegö öroyuainji kölköl-örörö aka nupköra alakzei, enön mönö miangön urugini jöhömakzawangö tandök ewö kude aka malme.

³² Injini gölmegö lömbötköra waimanjat qahö malmegö sihimni mötzal. Awanöm qahö solanji maljawanön mönö Kembugö öroyuaigöra waimanjat mörakza. Mi möta “Denöwö akiga Kembugö urujan ölöwahi dop kölbawak,” nanñangöra mewö jimakza. ³³ Mewö jimakzapmö, ambi memba maljawanön mönö gölmegö öroyuaigöra waimanjat mörakza. Mi möta “Denöwö akiga anömnanngö urujan ölöwahi dop kölbawak,” nanñangöra mewö jimakza.

³⁴ Kembunöy likep anömñan likep mötmötñi öroyohotka urudenñeñ aka malja. Mewöñanök ambi apñi qahö aka ambi seram solanji maljahanön mönö Kembugö öroyuaigöra waimanjat mörakzahot. Mi möta “Denöwö akiga unani aka sileni sarakñi aiga Kembugöra dop kölbawak,” nanñiranngöra mewö jimakzahot. Mewö jimakzahotmö, azi memba maljawanön mönö gölmegö öroyuaigöra waimanjat mörakza. Mi möta “Denöwö akiga apnanngö urujan ölöwahi dop kölbawak,” nanñangöra mewö jimakza.

³⁵ Nanñjini bauköm engimangö möta goro mi engizal. Mi tosatñi kösö ewö jöhöm engibi lömböt miwikñaimegöra qahöpmö, könanji kewögöra mi engizal: Nöñön injini ahakmeme diñdñi wuatangöba urudenñeñ qahöpmö, pöndañ Kembubuk qekötahöba kin köhöimegöra mötzal. Miangöra gororjini mi jizal. Mewö.

* 7:21: Keu miangö könanji kun kewö: Urugi meleyda ölop solanji aka nup kun miwikñaizan ewö, gi ölop toroqeba welenqege omani malman. † 7:25: qesabulum qahö qeqeji

³⁶ Azi kunjan ambi serambuk buja qeba malagun angömosötpitkö mötmörizahori, yetkö goronjiri kewö jimam: Azi mianjon kewö mötmöriba jiza, “Ambi mi memba mewö törörök qahö ak wangibilejak.” Mewö jiiga ambi memawangö sihimnji möt köhöiiga ambigö yambuji azi memegö dop akza ewö, yanjon mönö ölop sihimjangö dop aiga ameyohotka dop kölma. Mewö mianjon singisöndokjiri qahö akja. ³⁷ Qahö akjapmö, azinöy ambi mi qahö memapkö keunji nanji urujan jöhöba möt köhöizawi, miangöra kewö jimam: Kunjan azi mi kuñgui qahö qaközapmö, ölop nanji sihimjangö dop wuatangöba keunöy qahö jöhöi ahakza ewö, yanjon mönö ölop sihimjangö dop aka ambi mi qahö mema.

³⁸ Mewö aiga ambi seram mezawanjon mönö dopje akzapmö, i qahö mezawanjon mönö köna ölop soroknji wuatangöba törörök akza. Mewö.‡ (v 37b) Qahö akjapmö, iwan boratnji azi qahö wangimapkö keunji nanji urujan jöhöba möt köhöizawi, miangöra kewö jimam: Kunjan iwi mi qahö kuñgui qaközapmö, ölop nanji sihimjangö dop wuatangöba keunöy qahö jöhöi ahakza ewö, yanjon mönö ölop sihimjangö dop aka boratnji angön kölma. (v 38b) Mewö aiga borat seramnji azi wangizawanjon mönö dopje akzapmö, i qahö wangizawanjon mönö köna ölop soroknji wuatangöiga törörök akza. Mewö.

³⁹ Ambinöy apnan jebuk malmawangö dop amöamögö keunan jöhöi maljapmö, apnan kömuma ewö, keu mianjon mewönanök kömuiga ölop azi sihimnan jimawangö dop mema. Urumeleñgö kopa azia qahöpmö, azi Kembubuk qekötahözawi, miyök mema. ⁴⁰ Ölop azi memba sösongai qorembeji miwikñaimapmö, toroqeba solanji malma ewö, mönö urusösöngai ölnji miwikñaiiba söngaimakña. Nönjon keu mi kewöta mewö jizal. Anutugö Uñajan nönjö urune mewöyök maljawi, miangöra mönö mewö mötmöriba jizal. Mewö.

8

Nene tandö lopiongö naluk alalji mi nembin me qahö?

¹ Injini nene tandö lopiongö naluk alalji miangöra ohogetka goro kewö jimam: Urukalemnöy mönö bauköm engima. Goranora jigetka tosatnan kewö jimakze, “Körek nejon tandö lopiongö könanjini möt yaköinga omañi akza.” Keu mi ölbölña akza, mi mötzin. Injini mötmöt mewöñji jiba malgetka urujinan wahöriga koñaen ewö terereñgöba aiwelikömakze. Mewö aka deñda siksauk malje. Köna bohonji mi urukalem. Köna mewö mianjon mönö nanini urunini möhamgöba mem köhöim angubin. ² Kunöy “Keu kungö könanji möt yaközal,” mi jitnöy jizawi, yangö mötkutukutuñi ölnjan mönö qahö asuhuiga toroqeba tönpin malja. ³ Mi keunöhök jizapmö, kunjan Anutu urujan jöpakömakzawi, Anutunöy mönö yangöra möri ölnji akza.

⁴ Nene tandö lopion yengöra naluk algeri, mi nembin me qahöpto? Keu kewö jimakze, “Tandö lopion mi bem ölnji qahö maljeangö kaisöpsöpñini akze,” aka keu kun kewö, “Anutu mohotnöy malja. Alañi kun qahö.” Keu yahöt mi ölnja akzahot, mi mötzin. ⁵ Keu miangö könanji kewö, “Öme bemñi bemñi,” qetñini mewö qerakzei, mi gwötpuk malje. Suepnöy me gölmenöy maljei, mi ölop qahö mötzin. Ölnja ömewöröme, bem aka azi kembu mi gwötpuk malje.

⁶ Mi maljemö, mi töndup Anutu mohot yanjonök nanini bemnini aka Iwinini akza. Yanjon yuai pakpak miwikñaii asuhuyök. Malmalnini yangöra malbingöra aka al neñgii maljin. Mewöyök Kembu mohot Jisös Kraist malja. Yanjon Anutu bauköiga yuai pakpak miwikñaiyohot. Nini mewöyök bauköm neñgiiga mal köhöimakzin.

⁷ Mewö möt narizinmö, ambazip körekñan mönö mötkutukutu mewöñji mi qahö memba malje. Mi qahöpmö, tosatnan mutuk tandö lopion waikñini memba möt

‡ 7:38: ^{36b} Azi kunöy boratnji azi wangimangö uruyahöt mötzawi, yangö goronji kewö jimam: Iwan kewö mötmöriba jiza, “Boratni wangiba mewö törörök qahö ak wangibilejak.” Mewö jiiga boratjangö yambuji azi memegö dop aiga azi wangimangö sihimnji möt köhöiza ewö, yanjon mönö ölop sihimjangö dop aka mosöriga azi meiga dop kölma. Iwan mewö mianjon singisöndok qahö akja.

köhöigerangöra aka dölkwöñe mewöyök toroqeba nene tandö lopiongö naluk alalji mi nempa mewö mianjón amqeba bemurup mi mötmöriba malje. Uruñinan lölöwöröñi aiga uruyahöt aka negetka uruñinan miangöra tölöhomakza. ⁸ Tölöhomakzapmö, nenenöñ neñguangita Anutu kösutñe qahö al neñgimakza. Nene singi malbini, mewö geñmororoñ qahö miwikñaibin. Nene nempa malbini, qetbuñaninan mewö qahö qarima.

⁹ Mi töndup nene pakpak nembangö amqzei, eñön mönö jaubatbat lañ malbepüköra galöm mem anguba malme. Mewö malgetka tosatñan engeka uruñinan lölöwörö aka bölii et engubapuk. ¹⁰ Miangö könañi kewö: Göñön mötkutukutu ölnji memba mala amqeba tandö lopionj jikeñe anda tata nene nenöñga alagi kunñan gehi kewö lömbörima: Uruñan lölöwöröñi aiga uruyahöt akzawi, yañön mewö geke uruñan wahöri amqeba nene tandö lopiongö naluk alalji mi nempa et qebawak.

¹¹ Göhö mötkutukutugi ölnji mianjón mönö nangi urumelenj alagi kuñguiga uruyahöt qakñe lölöwöröñi akzawangöra mönö amqeba nempa et qebawak. Kraistnöñ yangöra aka kömuyökmö, nene mi nempa mewö et qeba ayuhuiga qahö dop kölma.

¹² Ayuhumapmö, urumelenj alaurupñini mewö mem bölim engiba uruñini lölöwöröñi mi qeba köndenja siñgisöndok ahakzei, mewö mianjón mönö Kraist nanñi qetala siñgisöndok ahakze. ¹³ Miangöra nöñön nene kun nembiga mianjón urumelenj alani kölgorom wañgiiga et qeba siñgisöndok akza ewö, nöñön mönö nalö kunöñ nene mi qahö toroqeba nemam. Nöñön alani jölöngöba kölgorom wañgibileñbuköra kapañ köla kinjal. Mewö.

9

Aposol denöwö akiga dop kölbawak?

¹ Wani kösönöñ jöhöm ninggiiga solanñi qahö akileñak? Eñön kewöt ningigetka aposol akzal me qahö? Kembunini Jisösnöñ asuhum ninggiiga ehal me qahö? Nöñön Kembangöreñ nañgöba nup membiga inini nup miangö ölnji akze. ² Kembunöñ nanñak aposol nup ningii yambuk kinda membiga inini uruñini melenja nöngö muñgem supapni akze. Miangöra tosatñan kewöt ningigetka aposol qahö akileñak ewö, eñön mönö könañamni mewö möt yaköze. Mi mönö amqeba nañgöba jigetka dop kölma.

³ Ambazip tosatñan nöngöra “Aposola qahö akza,” jiba tokoba andönöñ qeque ak ningimakzemö, nöñön mönö engöreñ kösohot jiba mianjón nani könañamni nañgöba jimakzal. ⁴ Miangöra könöp numbu nene neñgigetka neñakurupni yembuk memba nempa malbinak, mianjón mönö dopñe akawak. ⁵ Pitö, aposol tosatñi aka Kembu Jisösgö munurupñi yeñön anömurupñini mötnaripñinambuha enguangita mohotñe anda kamakze. Nöñön mewöyök miangö dop akileñak ewö, silik mianjón mönö köna walöñda qötöñgatpileñak me qahö? Mi qahöpmahöp.

⁶ Silegö malmalñe inini ambazip ipñi nañgöm engimakzemö, ni aka Barnabas qahö. Niri töwa qahö netkigetka öne malakzit. Mi mötketka dop kölja me qahö? Tosatñan urugö nup megetka töwa engigetka sileñinañgö nup qahö memakzemö, netköröhök mönö nañgönañgöniri nanirak miwikñaibitkö dop jize me? ⁷ Gawmangö yarö nup memakzei, yeñgöreñök kunñan nanñi malmalñi nañgöm anguba memakza me qahö? Wain nup kömörakzei, yeñön körek miangö ölnji memba nemakze me qahö? Mewöñanök bulmakau galöm kölakzei, yeñön körek miangö juzu oñi nemakze me qahö?

⁸ Keu mi gölme ambazip nanine mötmötnöhök mötöteiba qahö jizal. Anutunöñ mewöyök mönö keu miyök Mosesgö Köna keunöñ jiza. ⁹ *Mosesgö Köna keunöñ Juda yeñgö nup meme silikñini mi jim asariba kewö ohoget ahöza, “Wit padigö kötni aka kamböñi kewötpingöra bulmakau azinji wañgitketka padi kambu qakñe tiba tözözamgö-makzawi, yañgö numbuñi mönö kude mözöpköme. Mewö gumohom wañgigetka ölp nene kitipñi neiga dop kölma.” Miangö dop kiamnöñ böröjañ memba sömbup meköi qeba nene kitipñi wañgiget neiga dop kölma. Anutunöñ kiam bulmakau miengöra waimanjat qahö möta mewö jiza. Mi qahö.

* 9:9: Dut 25.4; 1 Tim 5.18

¹⁰ Sömbupköra qahöpmö, keu mi mönö neŋgöra jii ahöza. Keu mi neŋön kewö akingöra aka ohoget ahöza: Kinonöŋ nup barözawaŋön mönö ölni asuhumapkö jörömqöröm qakŋe nupŋi memakŋa. Mewöyök padi dudutnöŋ qeba ölni aka kamböŋi kewötzawaŋön mönö bahöŋi memba nemapkö al mamböta nupŋi memakŋa. ¹¹*Neŋön urugö keu kötrŋi sutŋine qesiŋ gila malinga eŋön malmalgö naŋgönaŋgö yuai qahö neŋgigetka gamuŋambuk akza. Nöŋön mem ölöwak eŋgibiga eŋön miangö likepŋi melenŋa niŋgigetka dopŋe akŋa.

¹² Tosatŋan sutŋine urugö nup megetka naŋgöm eŋgigetka dopŋe akza ewö, ni mönö dop mi oŋgita naŋgöm niŋgigetka dop kölma. Likepŋi eŋgiinga miangö likepŋi neŋgigetka dop kölbawakmö, nöŋön miangö dop akŋegöra qahö qesim eŋgial. Kraistkö Ölöwak Buŋa keu sehimapkö könaŋi jöhöbinbuköra mönö yuai neŋgimegöra qahö qesim eŋgiin. Qahöpmö, naninahök mönö kapaŋ köla köhöiba lömböt pakpak bisiba malin.

¹³*Keu ki mönö mötmörime: Jöwöwöl jikenöŋ nup memakzei, yeŋön mönö jike miangöreŋök numbu neneŋini memba nemakze. Jöwöwöl ohoba altagö könöpŋi galöm kölmegöra kuŋgum eŋgigetka kinjei, yeŋön ambazip nene nalukŋini altagöreŋ algetka nene miangö kitipŋi tosatŋi mi miangöreŋök buŋa qem aŋgumakze. ¹⁴*Keu miangö dop Kembunöŋ mewöyök jim kutuba keu kewö jiyök, “Ölöwak Buŋa jim sehiŋetka ambazip-nöŋ mötmei, yeŋön mönö Ölöwak Buŋagö likepŋi kötön naluk algetka malmalŋinaŋgö naŋgönaŋgöŋini miwikŋaiba malme.”

¹⁵ Nöŋön ölop keu miangö dop mötmöriba urugö nup memba töwa niŋgimegöra qesim eŋgibileŋakmö, kötön naluk almeangö keu pakpak mi mönö mosöral. Moneŋ almeangö keu ohozali, mi eŋön mewö ak niŋgimegöra aka qahö ohozal. Töwa memangö mötmöribi lömböriiga kömukömugö mötpiga amqeza. Nanaŋgöra mi keu omaŋi qahöpmö, töwa qahö niŋgimegö keuŋi mi mönö sileni möpöseiba jizal. Nöŋgöreŋ keu mi kunöŋ kun qeapkömamgö osiiga malmam.

¹⁶ Ölöwak Buŋa jim sehimakzali, miangöra sileni möpöseimangö dop qahö akzal. Nöŋön Anutugö jimkutukutu bapŋe mala mi jim sehimangö dop akzal. Nup mi mönö mosötmangö osizal. Ölöwak Buŋa qahö jim sehibileŋak ewö, miangöra lömbötnöŋ qakne öŋgöiga neka pölzik jimeangö dop akileŋak.

¹⁷ Nani sihimnaŋgö dop nup mi möwölöhöba membileŋak ewö, mönö ölop töwa niŋgimegöra mambötpileŋak. Mimö, Anutunöŋ kuŋgum niŋgiiga nani sihimni qahö mötöteiba Buŋaŋi galöm kölakzal ewö, mi mönö Anutunöŋ möt narim niŋgiba nupŋi niŋgii maljalaŋgö dop memakzal. ¹⁸ Mewö aiga wanatnöŋ mönö töwa ak niŋgimakza? Ölöwak Buŋa jim sehiba mi söŋgöronŋi qahö ahakzali, miangön mönö töwa ak niŋgimakza. Anutunöŋ nupŋaŋgö likepŋi niŋgimegöra jim kutui Buŋa Kimbinöŋ ahözawi, keu miangö dop töwagöra qahö kapaŋ kölakzal.

¹⁹ Ambazip kuŋŋan kun qahö jöhöm niŋgiiga ölop nani imbi-imbi malbileŋakmö, mi töndup mönö nani memba et al aŋguba maljal. Ambazip körekŋan uruŋini melenmegöra kapaŋ kölakzal. Mewö akŋegöra ambazip körek welenŋini qeba maljalmö, sehisehiŋi yeŋön töndup Kraistkö buŋaya qahö akŋeangö dop akze. ²⁰ Juda yeŋön uruŋini melenmegö bauköm eŋgiba sutŋine Juda tandök aka malal. Mosesgö Köna keu bapŋe maljeaŋön uruŋini melenmegö bauköm eŋgiba nanak Köna keu miangö bapŋe qahö mala töndup keu miangö gwaröŋe maljal tandök aka sutŋine malal.

²¹ Mosesgö Köna keu qahö möta maljeaŋön uruŋini melenmegöra bauköm eŋgiba sutŋine Köna keu qahö möta maljalaŋgö tandök aka malal. Nanak Anutugö Köna keugöra tönpin qahö maljalmö, Kraistkö Köna keu bapŋe anda mi tem kölakzal. Mi töndup yeŋgö sutŋine Anutugö Köna keu qahö mötmöt tandök aka malal. Ambazip sehisehiŋan uruŋini melenmegöra mewö aka malal.

²² Mötnaripnöŋ lölöwöronŋi maljeaŋön uruŋini melenŋa köhöimegö bauköm eŋgiba sutŋine lölöwöronŋi tandök aka malal. Ambazip tosatŋi wani awamŋan köna inöŋ

* 9:11: Rom 15.27 * 9:13: Dut 18.1 * 9:14: Mat 10.10; Luk 10.7

me wainöŋ uruŋini melenmegö meköm engiba ambazip könaŋi könaŋi yeŋgö sutŋine tandök könaŋi könaŋi aka malal.

²³ Tandök pakpak mi Ölöwak Buŋanöŋ sehimapköra aka ahakzal. Sehiiga kö-tumötuetŋan nani qakne öŋgöi nanak mewöyök oyaenköyaen akŋamgöra aka mewö ahakzal. ²⁴ Keu ki mönö mötmörime: Ösumtiti nalöŋe körek yeŋön luhut almegöra ösumŋini qezaköba anakzemö, mohot kunŋan mönö luhut ala töwa mema. Iŋini mönö mohot mianggö dop ösumŋinan anda töwa meminggöra kaparŋ köla malme. Mönö mianggö dop mötnarip köl guliba malme.

²⁵ Ambazip mönahotnöŋ luhut albingö anakzei, yeŋön mönö körekŋan nanŋini törörök galöm köl aŋgubingö köl gulimakze. Yeŋön kösatorom julkula gororongömawi, miyök meminggö kaparŋ kölakzemö, neŋön ila jalö qahö ayapkömawi, mönö töwa mi meminggö kaparŋ kölakzin. ²⁶ Mianggöra nöŋön ösumnan laŋlaŋ an köl kam köl qahö anakzal. Böröni misiba bim laŋlaŋ qahö qemakzalmö, aŋgit alaurupni luhut al engimamgöra mönö diŋdiŋanök törörök qemakzal.

²⁷ Nöŋön ambazip tosatŋi Buŋa keunöŋ uruŋini kuŋguba malbi teköiga Anutunöŋ mönö andö nuŋgui nanak ila jalöŋi qahö membilenbuk. Mianggöra mönö nani sileni mindiŋgöba törörök köl guliba galöm kölakzal. Mewö.

10

Israel mutuk malgeri, yeŋgöreŋ galöm meme keu

¹ *O urumelen alaurupni, Israel neŋgö ambösakoninan Mosesgö andöŋe kaba wu-atangögetka yuai asuhuyöhi, mianggöra mönö gukmaulem malbepuk. Mianggöra Israel neŋgö könanini kewö suariba ohozal: Yeŋön mönö körek kousu bapŋe kaba mala Köwet Pisikŋi kutugetka yeŋgöreŋök kunŋan kun qahö ayuhuyök. ² Anutunöŋ o melunŋi kusunöŋ aka köwetnöŋ aliga mi kutuba kaba körekŋan uruŋini melenŋa Mosesgö könagesöŋi aket. ³ *Mewö aka körek yeŋön urugö nene miyöhök miwikŋaiba nempa malget.

⁴ *Mewöyök körek yeŋön urugö oŋi miyöhök miwikŋaiba nempa malget. Urugö oŋi mi köt ketanŋi kunöŋ enguatangöba könaŋine kayöhi, mönö mianggöreŋök miwikŋaiget. Köt ketanŋi mi Kraistkö söpsöpŋi. ⁵ *Mewö malgetmö, mi töndup Anutunöŋ könagesö ölnŋi mienggöra urusösöŋgai qahö möta maliga gölme qararankölkölŋe ayuhugetka qamötŋinan qeqelaŋlaŋ ahöba gisahöget.

⁶ *Mewö asuhuyöhi, mi nanini kezapqetoknina akza. Anutunöŋ mönö söpsöp mi neŋgöra aka aliga galöm meme keunina kewö akza: Yeŋön uruŋini qahö galöm köla bölöŋangöra köpösöŋgögeri, neŋön mönö mianggö dop aka ayuhubinbuk. ⁷ *Mewöyök Israel yeŋgöreŋök tosatŋan tandö lopioŋ waikŋini nempa möpöseiba malgeri, eŋön mönö mianggö dop aka malbepuk. Yeŋgöra Buŋa Kimbinöŋ keu kewö ohoget ahöza, “Könagesö yeŋön nem söösöŋgai ala tokoba tatketka uruŋinan wahöriga miangön melenŋa kezapjupjup kewö ahök: Yeŋön liŋet gwawet unduba o köhöikŋi nempa serowilin laŋ aket.” Keu mewö ahöza.

⁸ *Yeŋgöreŋök tosatŋan serowilin aketka Anutugö irimesewölŋanggöra aka ambazip 23.000 mianggö dop silim mohotkö uruŋe kömumba etket. Neŋön mönö tosatŋi mienggö dop serowilin akinbuk. ⁹ *Mewöyök Israel yeŋgöreŋök tosatŋan Kembu esapköm waŋgigetka mokoleŋnöŋ engöhögetka kömuget. Neŋön mönö tosatŋi mienggö dop Kembu esapköm waŋgibinbuk. ¹⁰ *Yeŋgöreŋök tosatŋan galömurupŋini irikuruk jimongot aka andö enguba malgetka mem ayuayuhu garatanöŋ mönö engui kömuget. Neŋön mönö tosatŋi mienggö dop irikuruk jimongot laŋ aka malbinbuk.

* 10:1: Eks 13.21-22; 14.22-29 * 10:3: Eks 16.35 * 10:4: Eks 17.6; Jaŋ 20.11 * 10:5: Jaŋ 14.29-30 * 10:6: Jaŋ 11.4 * 10:7: Eks 32.6 * 10:8: Jaŋ 25.1-18 * 10:9: Jaŋ 21.5-6 * 10:10: Jaŋ 16.41-49

¹¹ Mewö asuhum engiyöhi, söpsöp keu mi mönö nanini kezapqetoknina akza. Gölmönöy malmalgö nalö tetekönjan kam kuŋgum neŋgii maljini, kösohot mi mönö neŋgöra aka ohogetka galöm meme keunina akza. ¹² Mianğöra kin köhöimangö jizani, mönö et guhubapuköra galöm mem aŋguba malman.

¹³ Esapesap qakŋine öŋgömakzei, mi gölme ambazip körek neŋgö qaknine öŋgömakze. Esapesap qainŋi kun miwikŋaibeak, mianğoreŋ ösumŋinan qahö dop köljawanğöra etpeakmö, Anutunöŋ keuŋi jöhöyöhanğö dop mi pöndaŋ wuatangöba ahakza. Yanŋön esapesap Toŋi aŋgön kölga esapesap ösumŋini qahö dop kölmanğö dop mi al engimangö osimakza. Mewögöra esapesap mötketka Anutunöŋ ösumŋi engiba mewö mianğön ölöŋ kölbingö köna mewöyök mesat engii asuhumakza. Mianğöra enğön gölmegö esapesapŋi mi ölöŋ kin köhöiba luhut almeangö dop akze. Mewö.

Tandö lopionğö lömbuan aka Kembugö semön kömbukŋi

¹⁴ Mianğöra wölböt alaurupni, tosatŋan tandö lopionŋ waikŋini memba möpöseim engimakzemö, enğön mi kök ala mosötme. ¹⁵ Nöŋön mötmöt ambazip aködamunŋinambuk akzeangö dopkeu jimami, mi mönö nanŋinak kewöta mianğö ölni miwikŋaime.

¹⁶ **“Kembugö semön nene nemin,”* jiba kötümötuetkö qambigöra Anutu saiwap jiba köuluköba qambi mianğoreŋök nemakzinangöreŋ mönö Kraistköreŋ toroqeba sepŋi nemakzin. Beret mindipköba mianğoreŋök nemakzinangöreŋ mönö Kraistköreŋ toroqeba busuŋi nemakzin. Mianğöra ölum engubapuk. ¹⁷ Körek neŋön beret mohot mianğoreŋök nemakzin. Beret mi mohot akzawanğöra aka gwötpuk neŋön mönö Kraistkö ölni mohot akzin.

¹⁸ **“Ijini mönö Israel könagesögö malmalŋi mötmörime. Ambazip jöwöwöl ohomegöra nene algetka tosatŋan mianğö kitipŋi nemakzei, yeŋön mönö altagöreŋ toroqeba nupŋi Anutugöra memakze. ¹⁹ Keu mianğö könaŋi ölni mi mönö denöwö jibileŋak? Tandö lopionŋ engöra bau qegetka sepŋi eri jöwöwöl ohomakzei, mianğön ölnambuk akzawanğöra jiza me qahö? Tandö lopionŋ mi ölni akzeangöra jiza me qahö? Keu mianğö könaŋi denöwö?”*

²⁰ **Tandö lopionŋ mi ölni qahöpmö, urumelengö kopa yeŋön töndup jöwöwölŋini ömewöröme yeŋgöra ala ohomakze. Mi Anutugöra qahö. Nöŋön ijini ömewöröme yembuk toroqeba malbepuköra waimanjat mötzal. ²¹ Ijini Kembugö qambinöhök aka ömewöröme yeŋgö qambinöhök öröröŋ nembangö osime. Mewöyök Kembugö nene dum aka ömewöröme yeŋgöreŋ nene dum mi öröröŋ toroqebingö osime. ²² **Ahakmeme mewöŋan mönö Kembugö uruŋi qei böliiga irimŋi seholimapköra mötzin me? Kukösumninan mönö Kambu onğita öŋgöba maljin me?**

Nanine imbi-imbi mosöta Kambu möpöseibin.

²³ **Tosatŋan kewö jimakze, “Nini ölöŋ nanine imbi-imbi yuai pakpak ahakzin.” Keu mi ölnapmö, ahakmeme pakpak mianğön mönö qahö bauköm neŋgimakza. “Nini ölöŋ nanine imbi-imbi yuai pakpak ahakzin,” mewö jimakzemö, ahakmeme pakpaknöŋ mönö urunini qahö nanğöba mem köhöim neŋgimakza. ²⁴ Kunŋan kun nanŋanğörök mötmöriba ölöwakŋangöra kapar kölmapukmö, alaurupŋan ölöwakŋegöra kapar köli dop kölma.*

²⁵ Sömbup i me wai maketnöŋ aka qeköm nene mire bohonŋi memegöra alakzei, mi mönö uruyahöt mosöta nemakŋe. Sömbupköra uruŋinan tölöhobapukö qesiqesinŋi kun mönö kude akŋe. Qahö! ²⁶ **Keu mianğö könaŋi mi Buŋa Kimbinöŋ kewö ohoget ahöza, “Gölme aka yuai pakpak mianğoreŋ ahözawi, mi Kembugö burjaya akza.”*

²⁷ Kun Kraist qahö möt narizawanğön engoholiga yanğöreŋ anbingö möta anda tatketka nene i me wai jeŋine al engime, mi mönö uruyahöt mosöta neme. Nenegöra uruŋinan tölöhobapukö qesiqesinŋi mi mönö kude akŋe. Qahö! ²⁸ Nanŋinangöra qahöpmö, “Nene

* 10:16: Mat 26.26-28; Mak 14.22-24; Luk 22.19-20 * 10:18: Lew 7.6 * 10:20: Dut 32.17 * 10:22: Dut 32.21

* 10:23: 1 Kor 6.12 * 10:26: Sum 24.1

ki mönö tandö lopion yengö naluk alahji akza,” kunöñ mewö jii mötme ewö, mi jiyöhi, yangöra aka urujan bölibapuköra mönö galöm mem anguba kude neme.

²⁹ Nangi urujan tölöhobapuköra qahö jizalmö, alagahö urujan bölibapuköra mi jizal. Nöñön nani imbi-imbi yuai akiga alanangö urujan böliiga kewöt ningiba Anutunöñ keuni jim teköba likepñi melenj ningibapuk. Öne mewö mendenj anguinga jabö ahuiga qahö dop kölja. ³⁰ Nöñön ambazip yembuk toroqeba tata nenenjanangöra “Anutu pipsaiwap!” jiba sömbup nemami, tosatñan mewö neka miangöra andö nungugetka qahö dop kölma. Sömbupköra Anutu möpöseizali, miangöra mönö keu töhörenj jim ningigetka qahö dop kölja.

³¹ Miangöra o me nene nemei aka i me wai akñei, mi pakpak mönö Anutugö qetbuñan sehimapköra aka ahakñe. ³² Yuai kun kude aketka kungö urujan miangöra böliiga mötnaripñan söörauba etpapuk. Juda me kantri tosatñangö ambazip me Anutugö könagesö miengö sutñine kungö urujan mönö engöra aka bölibapuk. ³³ Nöñön mewöyök yuai pakpak ahakzali, miangörenj mönö ambazip körek pakpak urujinan ölöwakñapköra kapañ köla maljal. Nanök ölöwakñamgöra qahö kinjalmö, ambazip sehisehiñan ölöwakñegöra jaram tibiga kunbuk letota Suepkö buñaya akñegöra kapañ kölakzal. Mewö.

11

¹ *Nöñön Kraistkö silik ewö ahakzali, miangö dop enön mönö nöñgö silikni wu-atanğöba malme. Mewö.

Ambi enön mönö nöropñini esuhuba Kembu möpöseime.

² Nöñön yuai pakpak ahakzali, iñini miangörenj mötmörim ningimakzeangöra saiwap jim engizal. Iñini kusum engialangö dopkeuni tem köla wuatanğömakzei, miangöra mönö möpöseim engizal. ³ Nöñön iñini keu ki möt kutumegöra mötzal: Kraistnöñ azi körek neñgö bohonini akza. Azinöñ ambigö bohonñi akza aiga Anutunöñ Kraistkö bohonñi akza. ⁴ Miangöra azi iñini mönö duhuñini qeköba köuluköba Anutugö keu jigetka dop kölja. Azi körekñan nöropñini turuba köuluközei me Anutugö kezapqetok keu jim asarizei, Anutunöñ mönö yengö mötmötñinanğöra möri gamuñambuk aiga nanñini memba et al angumakze.

⁵ Mewömö, ambi kunñan nöropñi qahö esuhuba qenjarök totokonöñ köuluközawi me Anutugö kezapqetok keu jim asarizawi, yanñon mönö apñi nöropñi akzawi, mi gamu qeba nanñi memba et alja. Mewö aka nörop jupñi körek mitigetka aukñe öne maljawangö dop akza. ⁶ Ambinöñ nöropñi qahö esuhuza ewö, yanñon mönö nörop jupñi mewöyök jiiga mitigetka dop kölja. Mi dop köljamö, ambinöñ nörop jupñi jiiga mitigetka gamuñambuk akapuk. Miangöra mönö nöropñi esuhuba mali dop kölja.

⁷ *Ambinöñ apñangö aködamunñi akzappmö, azinöñ Anutugö imutñi aka aködamunñi akza. Miangöra azinöñ mönö nöropñi kude esuhui dop kölma.

⁸ *Mi kewögöra: Mutuhök azinöñ ambinöhök qahö asuhuyökmö, ambinöñ azigörenjök asuhuyök. ⁹ Anutunöñ azi mi ambigöra qahöpmö, ambi mi azigöra miwikñaiiga malje. ¹⁰ Könañi miangöra aka ambinöñ mönö kukösum bapñe malmalgö aiwesökñi mi nöropñi esuhuba maliga dop kölja. Mewö aiga Suep garata yanñon gödaqeqegö silik ölopñi ehakze.

¹¹ Mewö dop köljamö, Kembubuk qekötahöba malinga ambinöñ mönö azigö keunji qahö onğita nanñi imbi-imbi lañ kude malma. Azinöñ mewöyök ambigö keunji qahö onğita nanñi imbi-imbi lañ kude malma. ¹² Ambinöñ azigö sihitneyök asuhuiga miangö dop azinöñ mewöyök ambigö körö uruñeyök asuhuba maljinmö, öroyuai pakpakö könañi mi Anutu.

¹³ Miangöra ambinöñ nöropñi qahö esuhuba Anutu köuluköiga dop kölja me qahö? Keu mi mönö nanñinak kewöta jöhöme. ¹⁴ Anutunöñ ambazip miwikñaim neñgiba gölmenöñ mohotñe malmal arengöyöhi, areñ mi eka kewöta silik kewöñi mönö möt

* 11:1: 1 Kor 4.16; Fil 3.17 * 11:7: Jen 1.26-27 * 11:8: Jen 2.18-23

asarizin me qahö? Azinöy nöröp jupñi qahö mitiiga köriza ewö, mianön mönö gamu qem wanğiza.

¹⁵ Anutunöy ambigö nöröp jupñi köröpñi mi esuñi akñapköra wanğii malja. Mianğöra ambinöy nöröp jupñi qahö mitiiga köriza ewö, mianön mönö aködamunñi ak wanğiza.

¹⁶ Kunöy keu mianğöra goranora akñamgö mötza ewö, nöñön mianğöra keu mohok-kun kewö jimam: Anutugö könagesöñi könagesöñi Anutu möpöseibingö tokomakzei, yeñön mönö nembuk urumohot aka silik miyöhök wuatangöba silik tosatñi tökömakze. Mewö.

Kembugö semön töröñi nemegö silikñi

Mat 26.26-29; Mak 14.22-25; Luk 22.14-20

¹⁷ Inini urumelenj totokonöy tokoba mianğoreñ qahö ölöwahakzemö, mönö toroqeba böliqölimakze. Mianğöra qahö möpöseim engizalmö, areñ ala jim kutum engizal.

¹⁸ Keu mutukñi kun kezapne gei kewö möral, “Inini urumelenj könagesögö totokonöy tokomakzei, mianğoreñ mönö sutñine angururuk ahakze.” Keu mi jiget möta bahöñanök öñi akzawi, mewö möt narizal.

¹⁹ Sutñine denđa kambu morömorö aketka Anutunöy engehiga denike enñön mötnar-
ipkö esapesapnöy kin köhöize aka denike enñön qahö dop köljei, keu mianön mönö aukñe asuhumakza. Mianğöra uruyahöt qahö mötzał. ²⁰ Urumelenj totokonöy tokomakzei, mianğoreñ mönö Kembugö semön töröñi nembangö silikñi qahö wuatangömakze.

²¹ Mi kewögöra jizal: Semön töröñi nemakzei, mianğoreñ öröröy qahöpmö, nanñök nanñök neneñini memba könahiba lañ neget teköiga tosatñan toroqeba wösöñini aliga tosatñan o köhöikñi gwötpuk nembra eñololoñ akze. ²² Ahöahö miriñini ahöm engiza me qahö? Mianğoreñ ölop nene aka o neme. Anutugö urumelenj könagesö jijiwilit ak engibingö mötze me ambazip wanapñi neneñini qahö mi memba et al engibingö mötze me? Mianğöra nöñön inini möpöseim engimamgöra mötze me? Mewö qahöpmahöpmö, denöwö jim engibileñak?

²³ Kembunöy keu ningiyöhi, nöñön mönö enñön mewöyök mi mötmegöra kewö jimam: Kembu Jisös mamalolo mem wanğigetka sunğem mianğoreñ beret meyök. ²⁴ Mi memba kötuatköba sawap jiba mindipköba kewö jiyök, “Ki nani busuna. Mi engöra aka tököm engizal. Mi memba mönö ni mötmörim ningiba malme.” ²⁵ *Mewö jiiga neget teköiga mewöñanök qambi memba kewö jiyök, “Qambi ki mönö jöhöjöhö dölökñi akza. Nöñgö sepni kianön mönö Anutugö jöhöjöhöñi mem köhöi ahöma. Mi nemakñeangö dop mönö ni mötmörim ningiba malme.”

²⁶ Beret aka qambi mianğoreñök nemakñei, mianğoreñ mönö nalö dop Kembunöy kö-muyöhi, mianğö buñañi mem asariba mal öngögetka lilingöba kaiga teköma. ²⁷ Mianğöra kunñan beret me Kembugö qambi mianğoreñök iwilele qakñe nezawi, yanñön mönö Kembugö busuñi aka sepñi memba et ala sinğisöndokñambuk akza. ²⁸ Mianğöra ambazip neñön nanini uruninañgö könañi kewötagun mönö beret aka qambi mianğoreñök neinga dop kölma.

²⁹ Kunñan Kembugö busuñi aka sepñi qahö göda qeba nene töhön ewö lañ nezawi, Kembunöy mönö yanğö keuñi jim teköiga lömböt qakñe öngöma. ³⁰ Lañ memba malgerangöra aka ambazip sehisehiñan mönö sutñine löwöriba kawöl miwikñaigetka gwötpukñan lök nöñ qeba kömuget.

³¹ Kömugetmö, nanini urunini kewötpinak ewö, Anutunöy mönö keunini kewöta jim teköiga lömböt qahö miwikñaiabin. ³² Mi qahö miwikñaiabinmö, Kembunöy keunini kewöta jim teköba mewö mönö nalö kewöñe mindingöm neñgimakza. Könañgep jim teköm neñgiiga ambazip uruñini qahö meleñgeri, yembuk öröröy könöp sianöy gebinbuköra mönö mindingöm neñgimakza.

³³ Mianğöra urumelenj alaurupni, nene nemegöra tokomakñei, mianğoreñ mönö nanñinañgöra mamböt anguba öröröy nemakñe. ³⁴ Kunöy wösöñi alja ewö, yanñön mönö nanñe mire neneñi nema. Tokoba lañ negetka Anutunöy engeka keuñini jim teköi

* 11:25: Eks 24.6-8; Jer 31.31-34

lömböt miwikñabepuköra mi jizal. Keu tosatñi engörej kamami, nalö miangörej jim kutum engimam. Mewö.

12

Nup memegö mötmöt kalem miengö könajini

¹ O urumelenj alaurupni, nöñon Uña Töröñangö mötmöt kalemñi kalemñi miangö keugöra gukmaulem malbepuköra mötzal. ² Urumelenjgö kopa malgeri, nalö miangörej inöñ me wainöñ enguanjiriga tandö lopioñ omani waikñini memba möpöseiba malget. Mewö me mewö janjuñ anda lañ malgeri, mi ölop mötze.

³ Miangöra injini keu ki mötmegöra jizal: Anutugö Uñañan kun sölölohöiga “Jisös qesuahözal,” keu mi qahö jiza. Mewöyök Uña Töröñan azi me ambi kun qahö sölölohöm wangiza ewö, yanñon mönö “Jisösnöñ Kembu ak niñgiza,” keu mi jimangö osiza.

⁴ *Nup memegö mötmöt kalemñi mi könajni könajni akzemö, Uña Töröñan mönö mohot akza. ⁵ Urumelenj könagesö welen qem engibingöra nup könajni könajni memakzinmö, Kembunöñ mönö mohot akza. ⁶ Welen qem engibingöra Anutunöñ kukösumñi körek neñgöra mendenj neñgiiga amqeba köhöiba nup meinga ölni könajni könajni asuhumakza. Ölni pakpak mi Anutugöreñök kamakzapmö, Anutunöñ mönö mohot akza.

⁷ Uña Töröñan könagesö urunini nanjgöi köhöibingöra möta nup memegö mötmöt kalemñi indeliga ölnan mönö mohot mohot neñgöreñ kewö me kewö asuhumakza: ⁸ Uña Töröñan kungö uruñe geba Anutu nam köliga mötkutukutu keu jijigö kalemñi wangiza. Uña mohot miangönök mönö kun sölölohöiga mötmöt qainñi kun möt yaközawangö kalemñi buña qem anguza.

⁹ Kunöñ Uña mohot mi qekötahöba mötnaripkö kalemñi buña qem anguza. Toroqeba kunöñ Uña Töröñi miyöhök qekötahöba mem ölö-ölöwakö kalemñi kalemñi buña qem anguza.

¹⁰ Kungöra anjgöletot memegö ösumñi wangiza. Kungöra Anutugö kezapqetok keu jijigö kalemñi wangiza. Kungöra uña aka öme mendenjbingö kalemñi wanggiiga uña ölopñan me ömewöröme kunöñ sölölohöiga maljawi, mi ölop kewörakza. Kungöra keunji keunji qainñi kun jijigö kalemñi wangiza. Toroqeba kunöñ keu qainñi kun jiiga kungöra mi melejmapkö kalemñi wangiza. ¹¹ Nup memegö mötmöt kalem pakpak mi Uña Töröñi mohot miangönök mönö sölölohöba möri dop köljawangö dop mendenjiga körek neñon nanjök nanjök buña qem anguba maljin. Mewö.

Kraistkö ölni mohotmö, kitipurupñi gwötpuk.

¹² *Silenini mohot akzapmö, töndup miangö uruñe silegö kitipurupñi mi gwötpuk akze. Kitipñi pakpak mi gwötpuk akzemö, töndup mi mindiriba sile mohot akze. Kraistkö ölnan mewöyök mönö miangö dop akza. ¹³ Miangö könajni kewö: Uña mohotnöñ mönö körek nini sölölohöba melun mem neñgiiga Kraistkö ölni mohot akzin. Nini Juda me kantri tosatñangö tonji maljini, nanini nupnini memakzini me tonini öne welen qem engimakzini, mi töndup körek nini mönö Uña miyök buña qem anginga urunine geiga möt wangizin.

¹⁴ Sileninan mönö sile kitipñi mohotkö dop qahö akzapmö, miangö uruñe kitipurupñi mi gwötpuk akze. ¹⁵ Könaninan kewö jibawak, “Ni böröya qahö. Miangöra sile qahö toroqeba maljal.” Mewö jibawak ewö, miangöra mönö töndup sile mosöta nanjök qahö malbawak. ¹⁶ Kezapninan kewö jibawak, “Ni jeya qahö. Miangöra sile qahö toroqeba maljal.” Mewö jibawak ewö, miangöra mönö töndup sile mosöta nanjök qahö malbawak.

¹⁷ Sileninan jömuk je akawak ewö, keu mötmötkö kezapninan mönö denike tatpawak? Mewöyök jömukñanök kezap akawak, mewö wörön mötmötkö söngöröninan mönö denike tatpawak?

¹⁸ Nanjök nanjök qahöpmö, Anutunöñ sile kitip mohot mohot mi arengöba möri dop köljawangö dop mindirim engiiga sile mohot akze. ¹⁹ Sile kitip pakpak mi kitip

* 12:4: Rom 12.6-8 * 12:12: Rom 12.4-5

mohot akeak ewö, mönö denöwö sile mohot akawak? ²⁰ Mewö qahöpmö, sile kitipnini mi gwötpukmö, silenöj mönö mohok akza.

²¹ Miangöra jenöj börögöra kewö jimamgö osiza, “Ni göhöra qahö osizal.” Mewöyök nöropnöj könagöra “Ni göhöra qahö osizal,” mewö jimamgö osiza. ²² Simbisembel qahöpmö, sile kitipnini möringa lölöwöröj akzei, mienöj qahöwaketka jebuk malbingö osibin. ²³ Sile kitipnini möringa qetbuñajini eretji akzei, mi mönö esuhuinga qetbuñajinambuk akze. Sile kitipnini möringa gamuñinambuk akzei, mi mönö törörök esuhuinga ambazip jeñine dop kölja.

²⁴ Sile kitipnini aukñe kondelbingö gamu qahö mötzini, mi mönö qahö esuhuinga dop kölja. Mewö ahakzinmö, Anutunöj sile kitipni kitipni mindiriba jöhöm engiba kitipni omañi mi qetbuña ketanji wañgiiga öröröj akze. ²⁵ Sile kitip yeñon sutñine jula angururuk akepukmö, tandök mohot köyan köl angumegöra mönö arengöiga öröröj akze. ²⁶ Sile kitip kunjan sihimbölo mötzawi, tosatji pakpak mönö yambuk sihimbölo mörakze. Sile kitip kunöj qetbuña miwikñajawi, tosatji pakpak mönö yambuk söngaimakze.

²⁷ Eñon Kraistkö öljä akze aka mohot mohot eñon mönö yangö öljangö sile kitipni akze. ²⁸ *Miangö dop Anutunöj al engiiga urumelen könagesögö nup kewö memakze: Mutuk tosatji kuñgum engiiga melaimelai azi aposol akze. Miangö andöje kambu yahötji kuñgum engiiga kezapqetok ambazip akze. Kambu karöbutji yeñon böhi qaquzu akze. Miangö andöje tosatjan angöletot meme ambazip akze. Tosatji yengöra mötmöt kalem engiiga kawölji kawölji mem ölöwahakze. Tosatjan amqeba köhöiba tosatji alabauk ak engimakze. Tosatji yengöra kalem engiiga galömkölköl nup memakze. Tosatjan keu qainji kun jimakze.

²⁹ Körek eñon mönö melaimelai azi aposol qahö akze. Saumbañ! Körek eñon mönö kezapqetok ambazip qahö akze. Körek eñon böhi qaquzu akze me qahö? Körek eñon angöletot meme ambazip akze me qahö?

³⁰ Kawöl mem ölöwakingö mötmöt kalemñi kalemñi mi körek engöreñ ahöza me qahö? Körek eñon mönö keu qainji kun qahö jimakze. Qahö. Keuji keuji qainji kun jigetka eñon mönö körek mi meñbingö amqeze me qahö? ³¹ Eñon mönö nup memegö mötmöt kalemñi kalemñi ölop sorokñi mi buña qem angubingöra awöweñgömakñe. Mewö awöweñgögetka nöñon köna qetpuk sorokñi kondela miangö mötmöt kalemñi mi kewö jim asarimam:

13

Jöpaköm anguanjögö kalemñi

¹ Nöñon ambazip aka Suep garata yengö keuji keuji qainji kun mianön keu jiba malbileñakmö, urukalemnan qahö asuhuza, mönö töndup kewö akileñak: Goñ qegetka goñgoñ qeri angötömualñi mörakzini me göjön (biret) uturukögetka kinqororöj qerakzawi, mönö miangö dop akileñak.

² *Kezapqetok keu jijigö mötmöt kalemñi ahöm niñgiiga keu asa-asambötji pakpak mötpileñak aka keu pakpakö könañi möt yaköbileñak, mianön mönö dopñe akza me qahö? Mi töndup urukalemnanjö öljän qahö asuhuiga mewö mönö yuai omañanök aka öne töhön malbileñak. Mötnarij köhöikñi kötokñi miwikñajiba miangö qakñe kundunangö Toñi jim kutubiga ölop tem köla kundunji qeköba kungen albawakmö, urukalemni qahö asuhuza, mewö töndup mönö yuai omañanök aka öne töhön malbileñak.

³ Sukinapni pakpak ambazip wanapni yengöra mendenj engibileñak aka sileni tosatjan ohoget jemapköra tököm engibileñakmö, urukalemnanjö öljän qahö asuhuza ewö, mianön mönö qahö kötokñi bauköm niñgima.

* 12:28: Ef 4.11 * 13:2: Mat 17.20; 21.21; Mak 11.23

⁴ Kunŋan alaŋi uruŋan jöpaközawi, yaŋön mönö urukönöpŋi qahöpmö, urubönjöp qakŋe ala ak waŋgimakza. Körögisigisi qahö möta yuainŋägora qahö köpösöŋgömökza. Silerji qahö mem wahöta jakbak-öraŋböraŋ qahö malja. ⁵ Ahakmemerjan alaŋaŋgö uruŋi qahö mem bölimakza. Nanŋi ölöwakŋamgörök qahö kapaŋ kölakza. Uruqeŋe ak waŋgigetka urukönöp zilaŋ qahö ahakza. Mem bölim waŋgigetka sihimbölo möröhi, mi qahö mötmöriba mosörakza.

⁶ Tosatŋan bölöŋi akzei, miaŋgöra qahö söŋgaizapmö, keu ölni wuatŋgömökzei, mönö yembuk mohotŋe söŋgaimakza. ⁷ Nalö dop alaŋi sel jöhöba qöhöröŋe kin köhöiba möt narim waŋgimakza. Mewö me mewö asuhuiga Anutugö jörömqöröm aka al mamböta awösamkakak kinda sihimbölo pakpak möta mököstöŋgömökza.

⁸ Urukalem ahakmeme mi nalö teteköŋi qahö ahöm öŋgöma. Kezapqetok keu jiba keuŋi keuŋi qainŋi kun jimakzei, miaŋön qahöwakŋa aka mötmöt qainŋi kun miaŋön mönö mewöyök omaŋi ak teköma. ⁹ Mötmöt qainŋi kun mi bahösapsap möt yakömökzin aka kezapqetok keu mi bahösapsap jimakzin. ¹⁰ Bahösapsap ahakzinmö, Anutugö kalemŋi kalemŋi aködämunŋinambuk asuhumei, nalö miaŋgöreŋ bahösapsap malmalninan mönö qahöwahiga oyaŋkoyaŋ siyoŋsayoŋi qahö malbin.

¹¹ Nöŋön namande malali, nalö miaŋgöreŋ namande keu jiba malal. Urumötmötŋan namande aiga miaŋgö dopkeu kewöta mötmöriba malal. Azi ketanŋi aka miaŋgöreŋ namandegöreŋ ahakmeme mi mosöta andö qeal. ¹² Miaŋgö dop nalö kewöŋe Anutugö aködämunŋi mi ölop qahö ehakzin. Mi piliknöŋ uba ehekö tandök ek bibihiba tandökŋi törörök qahö möta öne mötmörimökzin. Mewö mötmörimökzinmö, könaŋgep Anutubuk mesohol köl aŋguba ek soroköbin. Nalö kewöŋe mötmöt qainŋi kun mi bahösapsap möt yaközalmö, nalö miaŋgöreŋ mi mönö körek möt yaköm tekömam. Anutunöŋ ni möt kömum niŋgizawi, nöŋön miaŋgö dop yaŋgö könaŋamŋi möt kömum tekömam.

¹³ Keu ki jim köhöizin: Kalem karöbut mötnariŋ, jörömqöröm aka urukalem mi köhöiba ahöm öŋgömemö, urukalem ahakmeme miaŋön mönö sutŋine öŋgöŋgöŋi akza. Mewö.

14

Kezapqetok keu aka keu qainŋi kun jijiŋö kalemŋi

¹ Urukalemŋö könaŋi mönö wuatŋgöba malme aka nup memegö mötmöt kalem könaŋi könaŋi mi mönö buŋa qem aŋgubingö kapaŋ köla malme. Miaŋön ölöpmö, kezapqetok keu jijiŋö kalemŋi membingöra mönö köhöiba kapaŋ köla malme. ² Kunöŋ keu qainŋi kun jizawaŋön mönö ambazip neŋgöra qahöpmö, mönö Anutugörök mi jimakza. Uŋa Töröŋan sölölohöiga keu asa-asambötŋi asuhui jimakzawaŋgöra tosatŋi neŋön keu mi qahö möt asarim waŋgimökzin. Mönö nanŋanök bauköm aŋgumökza.

³ Töŋpin maljinmö, kezapqetok keu jimakzawaŋön mönö ambazip urunini mem köhöiba naŋgöba urukölalep ak neŋgimamgöra aka keu jimakza. ⁴ Kunŋan keu qainŋi kun jiba miaŋön mönö nanŋi uruŋi möhamgöba köhököhöi miwikŋaimakzapmö, kezapqetok keu jimakzawaŋön mönö urumeleŋ könagesö pakpak urunini möhamgöba mem köhöim neŋgimökza.

⁵ Iŋini körekŋan keu qainŋi kun jimegöra mötzalmö, kezapqetok keu jimegöra mönö kapaŋ köla gwötpuk mötzal. Kezapqetok keu jimakzawaŋön mönö keu qainŋi kun jimakzawi, mi oŋgitza. Keu qainŋi kun jiba mi miaŋgöreŋök nanine keunöŋ melenjawu, mewö mönö öröröŋ akzahot. Mewö aiga keuŋan mönö urumeleŋ könagesö urunini möhamgöba mem köhöim neŋgiiga dop kölja.

⁶ O urumeleŋ alaurupni, nöŋön eŋgöreŋ kaba keuŋi keuŋi qainŋi kun jibileŋak, mewö mönö denöwö mem ölöwak eŋgibileŋak? Mewö qahöpmö, Anutugöreŋ keu indelmam me mötmöt qainŋi kun eŋgimam me kezapqetok keu jimam me goro kusum eŋgimam ewö, miaŋön mönö mem ölöwak eŋgimam.

⁷ Awölop me gita kulele me yuai kunöŋ lijetkö imbiŋi miwikŋaimakzini, mienjön mönö malmalŋini qahöpmö, könaŋini mönö mewöŋanök kewö ahöza: Kunŋan awölop laŋ uba me gita kulele laŋ qeiga miaŋjön qetŋini nanŋök nanŋök qahö miwikŋaimakza ewö, lijetkö imbiŋi mönö denöwö möt asaribinak? ⁸ Mewöyök tömun um böligetka qetŋi törörök qahö möt asarizin ewö, daŋjön mönö bim qegegöra jöjöröbawak?

⁹ Engö könaŋinan mewöŋanök ahöza: Nesilamŋinan ambazip qahö möt asarimeangö dopkeu laŋ jize ewö, kunŋan keu mewöŋi mönö denöwö möt asaribawak? Keu mewö jizei, miaŋjön mönö öne laŋ luhutnöŋ anakza. ¹⁰ Gölmeŋi gölmeŋi miaŋgöreŋ keu murutŋi murutŋi dawik jimakzini, mi daŋjön mötpawakmö, töndup körek mienjön mönö keugö könaŋi möt asaribingöra aka ahöze.

¹¹ Könaŋi miaŋgöra aka jimakzinmö, kunöŋ keu jiiga keuŋangö könaŋi qahö mötza ewö, nöŋjön yangö keuŋangö kianŋi akiga yaŋjön mewöyök nöŋgö keuŋangö kiani akza. ¹² Engö könaŋinan mewöŋanök ahöza: Inŋini nup memegö mötmöt kalemŋi kalemŋi buŋa qem aŋgubingö awöweŋgögetka dop kölja. Miaŋgöreŋ mönö kalem kewöŋi memingöra kapaŋ köla malme: Mötmöt kalem urumeleŋ könagesö uruŋini möhamgöba mem köhöimakzei, mönö mi buŋa qem aŋguba nupnöŋ algetka qetpuk akŋa.

¹³ Miaŋgöra keu qainŋi kun jimakzawaŋjön mönö kewö köuluköiga dop köлма, “O Anutu, keu jizali, mi melenŋmamgö mötmöt kalemŋi niŋgiman.” ¹⁴ Miaŋgö könaŋi kewö: Nöŋjön keu qainŋi kun jiba köuluközal ewö, nöŋgö uŋanan keuyök jiba köuluközapmö, urumötmötnan mönö öŋŋi kun qahö miwikŋaiza.

¹⁵ Miaŋgöra mönö denöwö akiga dop köлма? Nöŋjön mönö uŋananöhök qahöpmö, urumötmötmi mewöyök miaŋgöreŋ ala köulukömakŋam. Liŋet köla möpöseimakzali, mi uŋananöhök qahöpmö, urumötmötmi mönö mewöyök miaŋgöreŋ ala kölakŋam. ¹⁶ Gi Anutu uŋagan möpöseim waŋgizan ewö, ambazip omaŋi kunŋan totokoŋine kaba tata möpöseizanaŋgö könaŋi qahö möt kutumawi, yaŋjön mönö “Keu mi öŋŋa,” mi denöwö jibawak? Wania jizani, yaŋjön mi qahö möt asariba öne tönpin tatza. ¹⁷ Gi ölop Anutu möpöseizanamö, keugan tosatŋi yeŋgö uruŋini qahö möhamgöba mem köhöim engiza.

¹⁸ Nöŋjön körek inŋini engoŋgita keuŋi keuŋi qainŋi kun mi gwötpuk jimakzali, miaŋgöra Anutu möpöseizal. ¹⁹ Anutu möpöseizalmö, urumeleŋ könagesö uruŋe ambazip kusum engimamgöra kapaŋ köla möt asarimegöra keu jitŋi 5 jimamgö mötŋi öŋŋi akza. Keuŋi keuŋi qainŋi kunöŋ keu jitŋi 10.000 nanangörök jimamgö mötŋi eretŋi akza.

²⁰ Urumeleŋ alaurupni, inŋini keu kewöta mötmörimakzei, miaŋgöreŋ mönö namande tandök mosöta ambazip ketaŋi yeŋgö dop mötmöriba malme. Bölöŋi akin jigetka miaŋgöreŋ mönö moröseŋsep ewö aka osimemö, mötkutukutuŋinan mönö ambazip ketaŋi aka malme. ²¹ *Mosesgö Köna keunöŋ keu kun kewö ohoget ahöza,

“Nöŋjön kian ambazip kuŋgum engigiba könagesö kienŋgöreŋ kaba jitŋinan keu tandökŋi kun jigetka laŋ welipkömakŋemö, mi töndup nöŋgö keuni qahö mötme. Kembu nöŋjön mewö jizal.”

²² Keu miaŋgö dopkeu qainŋi kun jiinga uruŋini qahö melenŋet yeŋjön mötketka Anutugö aiwesökŋi ak engizapmö, mötnariŋ ambazip neŋgöra miaŋjön mönö aiwesökŋi kun qahö akza. Mi qahöpmö, kezapqetok keu jiinga miaŋjön mötnariŋ ambazip neŋgöra Anutugö aiwesökŋi akza. Urumeleŋgö kopa yeŋjön mi mötketka Anutugö aiwesökŋi kun qahö ak engiza.

²³ Urumeleŋ könagesö eŋjön tokoba körek eŋjön keuŋi keuŋi qainŋi kun miaŋgöreŋ jigetka tosatŋan Buŋa keu qahö kusum engigetka uruŋini qahö melenŋda öne miaŋgöreŋ öŋgömei, yeŋjön mönö auruba kewö jibeak me qahö, “Nöröpŋinan mönö sohoi kahalalom akze.”

²⁴ Mewö jibeakmö, körek eŋjön kezapqetok keuŋi keuŋi jigetka kunŋan Buŋa keu qahö kusum waŋgigetka mötnariŋŋi qahö öne totokoŋine öŋgöma ewö, körek eŋjön mönö siŋgisöndökŋi indela uruŋi qahö melenŋöhöŋgö keuŋi jim tekögetka könaŋamŋi möt kutuiga aukŋe asuhuma. ²⁵ Uruŋangö keu tölapŋi tölapŋi aukŋe asuhuiga yaŋjön mönö

* 14:21: Ais 28.11-12

dapköba eta Anutu waikñi memba möpöseiba kewö jim miwikñaiba qetma, “Anutunöñ ölna engö sutñine malja.” Mewö.

Urumelej totokogö areñi kewö:

²⁶ O urumelej alaurupni, mewögöra nini mönö denöwö jiinga dop kölma? Inini Buña keugö tokomakñei, miangörej mohot mohot enjön mönö körek areñini kun me kun mi kewö ahakñe: Kunöñ Buña lijetkö areñi aliga kunöñ Buña keu kusum engiiga kunöñ Anutugö goro dölökñi indeliga kunöñ keu qainji kun jiiga kunöñ mi melerma. Arej pakpak mi mönö urumelej könagesö urunini kuñguget köhöibingöra aka ahakñe.

²⁷ Tosatñan keu qainji kun jime ewö, ambazip 4 qahöpmö, yahöt me karöbut yeñönök mönö totoko mohotkö uruje mewö jime. Yeñönök mönö areñinangö dop awatañ jigetka kunñan mi melerma. ²⁸ Kunñan keu melermamgö dop qahö akza ewö, yeñön mönö urumelej könagesögö totokonöñ keu bök tata nanñinangörök keunini qainji kun jigetka Anutunöñ mötma. ²⁹ Kezapqetok ambazip yeñgöreñök yahöt me karöbut yeñgörök mönö arej engigetka keu jigetka tosatñan mönö keunini kewötme.

³⁰ Mewö akñemö, kunñan totokonöñ tariga Anutunöñ goro keu uruje indeli mötza ewö, yeñön mönö mi jiiga kezapqetok keu mutuk jizawañön keunji mosöta bök tatma.

³¹ Ambazip körekñan Anutugö goronji mötketka urunini nangöi ölöwakñegöra inini mönö körek pakpak ölop nalöñini memba areñinangö dop kezapqetok keu jime.

³² Kezapqetok ambazip yeñön mönö ölop uñañini galöm kölgetka uñañinan keu bapñe anjeangö dop akze.

³³ Anutunöñ kizik-kazuk Toñi qahöpmö, luai Toñi akza. Miangöra totokonjini mönö areñnöñ wuatangöba ahakñe. Ambazip sarakñi yeñgö sutñine könagesö dop ahakzei, inini mewöyök mönö miangö dop kewö ahakñe: ³⁴ Ambi enjön mönö urumelej könagesögö totokonjine keu bök tatme. Yeñön keu jimeangö dop qahö akzemö, Köna keu ahözawañgö dop mönö keu bapñe anda malme.

³⁵ Ambinöñ urumelej könagesögö keu jim kutuba kusum engiiga qahö dop kölja. Miangöra keu kungö könaji mötpingö mötze ewö, yeñön mönö miriñine anda tata nanñini apurupñini qesim engime.

³⁶ Anutugöreñ Buña keu mianjön mönö engö sutñineyök ahuyök me qahö? Keu mianjön ahuba sehiba mala engöreñ kaba engö buñayök akza me qahö? ³⁷ Kunöñ kewö jibawak, “Nöñön kezapqetok keu jibiga Uña Töröñan sölölohöm niñgiiga keu miambuk urumohot qahö akzal.” Mewö jizawañön mönö keu ki möt yaköma: Nöñön ambigöra keu ohom engizali, mianjön mönö Kembugö jöjöpñan keu akza. ³⁸ Kunñan keu miangö kezap qahö ala silebile malja ewö, inini mönö azi yangö keugö kude kezap al wañgiba malme.

³⁹ Miangöra urumelej alaurupni, inini mönö kezapqetok keu jibingöra awöwengöba malme aka keu qainji kun jimegö songonji mi kude alme. ⁴⁰ Mi kude almemo, yuai pakpak mönö törörök arej ala wuatangöba ahakñe. Mewö.

15

Kraistnöñ kömupnöñök wahörök.

¹ O urumelej alaurupni, nöñön ölöwak Buña jim asarim enggiali, mi ölum engubapuköra mönö köl gulim engimam. Inini mi buña qem anguba mötnaripñini miangöreñ ala töndangöba kinje. ² Nöñön ölöwak Buña jim asarim enggiali, inini mi miangö dop töp memba angön kölme ewö, mianjön mönö mem letot engiiga Suepkö buñaya akñe. Mewö qahö akñe ewö, urunini mönö öne töhön melerda malje.

³ *Nöñön keu tosatñi pakpak görane ala nanak Buña keu möt angön kölali, mi mötpi öngöiga miangö keu kötni mötmegöra mi kewö enggial: Kraistnöñ mönö Buña Kimbi ahözawañgö dop neñgö siñgisöndokñinangöra aka kömuyök. ⁴ *Kömuiga Buña Kimbi ahözawañgö dop löm kölgetka sömañi karöbut aiga kömupnöñök wahörök.

* 15:3: Ais 53.5-12 * 15:4: Sum 16.8-10; Mat 12.40; Apo 2.24-32

⁵ *Kömupnöhök wahöta Pitögöreŋ asuhuyök aka miangö andöŋe gwarekurupŋi 12 yeŋgöreŋ asuhuyök.

⁶ Miangö andöŋe nalö mohot miangöreŋök urumelen alaurupnini qötöŋini 500 oŋgiröhi, mönö yeŋgöreŋ asuhuyök. Yeŋgöreŋök ambazip ölni yeŋön toroqeba nalö kewöŋe mewöyök maljemö, tosatŋan lök kömuget. ⁷ Miangö andöŋe munŋi Jeimsgöreŋ asuhuyök aka miangö andöŋe aposol pakpak yeŋgöreŋ asuhuyök.

⁸ *Mieŋgöreŋ körek asuhubagun qöndökŋi mönö nöŋgöreŋ mewöyök asuhuyök. Nöŋön aposol mi asai ewö öröpköba aluŋi asuhuyal. ⁹ *Miangö könaŋi kewö: Nöŋön aposol yeŋgö sutŋine mötŋi eriga dagibezupŋini akzal. Anutugö urumelen könaŋesö sesewerowero ak eŋgiba malali, miangöra nöŋgö qetni aposol qetketka mötŋi gamuŋambuk akza.

¹⁰ Gamuŋambuk akzapmö, nalö kewöŋe yuai akzali, mi mönö Anutugö kalem möriamŋan mem letota nam köl niŋgiiga maljal. Yaŋön kalem möriamŋi niŋgiiga liklak qahö akiga eta qeba omaŋi qahö ahökmö, nöŋön mönö aposol körek luhut al eŋgiba köhöiba nup memba malal. Mi nanak qahöpmö, Anutugö kalem möriamŋan mönö inahöm niŋgiiga nupnaŋgö ölni mewö asuhuba sehiyök.

¹¹ Nöŋön meali me yeŋön megetka ölni asuhuyöhi, mi muat. Neŋön mönö Ölöwak Buŋa keu mewö jim asarimakzin aka iŋini miangö dop uruŋini melenŋa Kraist möt nariba malje. Mewö.

Nini kömupnöhök denöwö guliba wahötpin?

¹² Mötket! Kraistnöŋ guliba kömupnöhök wahöröhi, yaŋgö könaŋi mewö jim asarimakzin ewö, eŋgöreŋök tosatŋan mönö denöwö aka kewö jimakze, “Kömukömuŋi yeŋön qahö guliba wahötme.” ¹³ Mewö jimakzemö, kömukömuŋi yeŋön qahö guliba wahötpeak ewö, Kraistnöŋ mönö mewöyök qahö guliba mal köhöibawak. ¹⁴ Anutunöŋ Kraist qahö mem guli kömupnöhök wahötpawak ewö, nini Buŋa keuŋi mi jim asarimakzini mi omaŋi akawak. Mi möt narigetka miangön mewöyök pömsöm qeba omaŋi akawak.

¹⁵ Anutunöŋ ölna kömukömuŋi qahö mem gulim eŋgii wahötpeak ewö, Kraistnöŋ mönö mewöyök qahö mem guli wahötpawak. Nini mi töndup Anutugö könaŋi kewö naŋgöba jimakzin, “Anutunöŋ mönö Kraist mem guli kömupnöhök wahörök.” Keu mi ölni qahö akawak, ambazipnöŋ mönö miangöra aka könaŋamnini miwikŋaigetka muneŋi aiga ölop nöŋgöra kewö jibeak, “Anutugö könaŋi mönö naŋgöba jim sohomakza.” Keu miangön mönö gamuŋamŋuk akawak. ¹⁶ Anutunöŋ kömukömuŋi qahö mem gulim eŋgii wahötme ewö, Kraistnöŋ mönö mewöŋanök qahö guliba wahötpawak.

¹⁷ Anutunöŋ Kraist qahö mem guli wahötpawak ewö, iŋini mönö öne töhöntöhön möt narim waŋgiba toroqeba siŋgisöndökŋinaŋgö kösögwarönöŋ malbeak. ¹⁸ Mewö aiga alaurupninan Kraistpuk qekötahöba kömugeri, yeŋön mönö mewöyök sohoba könöp siagö buŋaya akeak. ¹⁹ Nini Kraist jörömqöröm ak waŋgiba gölmenöŋ malbinaŋgö dop galöm köl neŋgii miangöreŋ tekömapköra mambötzin ewö, nini mönö ambazip tosatŋi pakpak eŋgongita bapŋine geba öngöpŋi daböŋi malinga körekŋan wösö mötmöt ak neŋgimakzeangö dop akinak.

²⁰ Mewö akinakmö, Kraistnöŋ mönö ölna guliba kömukömuŋi yeŋgö jitŋe memeneŋi aka kömupnöhök wahörök. ²¹ Miangö könaŋi kewö: Azinöŋ kömup kondoriga asuhui könahiba kömumba mala korin. Kömumba maljinaŋgöra aka azi kunŋan kömumba guliba malmal köhöikŋi kondoriga asuhuyök. Miangöra nini körekŋan mönö mewöyök guliba kömupnöhök wahötpin. ²² Körek neŋön Adam ewö aka kömumbini, mewöŋanök Kraistpuk qekötahözini, Anutunöŋ nini körek mal köhöibingöra mem gulim neŋgima.

²³ Mem gulim neŋgimapmö, körek neŋön mönö Anutunöŋ nalö alöhaŋgö dop guliba wahötpin. Kraistnöŋ jitŋememenini aka guliiga miangö andöŋe yaŋgö buŋaŋi akzini, neŋön liliŋgöba kaiga nalö miangöreŋ guliba wahötpin. ²⁴ Kraistnöŋ mönö liliŋgöba kaba ömewöröme pakpak gölme dop ösum-mumu qakŋe galöm kölakzei, mieŋgö kukŋini

* 15:5: Mat 28.16-17; Mak 16.14; Luk 24.34, 36; Jon 20.19 * 15:8: Apo 9.3-6 * 15:9: Apo 8.3

memba et ala ösumņini körek könderņa. Mi könderņa bemtohoņi Anutu Iwigö böröņe aliga gölmenöņ malmal miangöreņ teköma.

²⁵ *Kraistnöņ galöm köla mal öngöiga Anutunöņ Buņa keu ahözawaņgö dop “mönö kerökurupņi körek luhut ala nanņi köna bapņe al engima.” Kraistkö galömkölköl nupņan mönö miangöreņ teköma. ²⁶ Kerökurupņi luhut al enņiiga miangöreņ kömup Toņan mönö qöndökņi aiga memba et al waņgima.

²⁷ *Miangö könaņi mi Buņa Kimbinöņ kewö ahöza, “Anutunöņ mönö yuai pakpak yaņgö köna bapņe ali ahöza.” Keu mewö ahözapmö, “Yuai pakpak ali ahöza,” keu mewö jiiga könaņi mönö aukņe kewö ahöza: Anutunöņ yuai pakpak Kraistkö bapņe ali ahöiga nanņi mönö qahö memba eta Kraistkö bapņe al aņguyök. ²⁸ Mewö qahöpmö, Anutunöņ yuai pakpak Nahönņaņgö bapņe aliga galöm köla kerökurupņi pakpak nanņi kukösumņaņgö bapņe al engima. Mi teköiga miangöreņ Anutunöņ mönö Nahönņi mewöyök nanņi kukösumņaņgö bapņe ala galöm köl waņgima. Mewö aka Anutunöņ yuai pakpakö Kembuņi ak teköba mal öngöma.

²⁹ Keu kun kewö: Ambazip tosatņan uruņini qahö meleņda öne kömugerança tosatņan kömukömuņi mi bauköm engimegöra jiba salupņini aketka dumņe kunbuk o melun mem engimakze. Kömukömuņi yeņön qahö guliba wahötpeak ewö, yeņgö nup öļņa mönö denöwö asuhubawak? Anutunöņ kömugeri, mi qahöpmahöp mem gulim enņii wahötpeak ewö, ambazip mewöņa mönö denöwögöra aka jigetka yeņgö salupņine o melun mem engimakze? Nupņini mi mönö öne membepuk.

³⁰ Kömumba qahö wahötpinak ewö, neņön mewöyök mönö urunini Anutugö nupņöņ qahö ala jöhöbinak. Anutugö nupköra aka kömumbinbukö lömböt bapņe sundan qahö anda malbinak. Qahö.

³¹ Kömupnöņ mönö nalö dop gwahöt niņgimangö dop akza. Keu mi öļņa. O urumeleņ alaurupņi, nöņön Kraist Jisös Kembunini yambuk kinda engöra aka sileni memba öngömakzali, miangö dopkeu öļņi mi aukņe jibi mötmegöra mötzal.

³² *Nani imbi-imbi wuatançaba nup ki memangö mötmörize ewö, yuai kianöņ mönö denöwö bauköm niņgima? Mewö qesim engibiga mi mönö mötmöriba meleņme: Nöņön Efesus siti kiangöreņ ambazip ubibi kanjamņinambuk ewö miwikņaiiba kömumbileņbuköra yembuk auba malal. Mönö tötböröm aka auba malal. Kömumbagun qahö guliba wahötpini, mewö mönö qahö aubileņak. Qahö! Mewö aiga ölop tosatņi yembuk kewö jibileņak, “Uran kömumbinança mönö ölop nene sösöņgai ala o köhöikņi memba malbin.”

³³ Janņuņ kude akņe. “Ambazip bölöņi yembuk köisirik tatketka ahakmeme ölopņan bölima.” Keu kun mewö ahöza. ³⁴ Engö sutņine tosatņan Anutu qahö möt waņgizei, miangöra gamuņini mötmegöra mi jizal. Miangöra mönö gukmaulemņini mosötme. Imbiņinan letoriga törörök möta siņgisöndok kude toroqeba ahakņe. Mewö.

Sileninan guliba wahöta tandökņi kun akņa.

³⁵ Kunöņ kewö qesibawak, “Anutunöņ kömukömuņi mi denöwö mem gulim enņii wahötme? Sileņinan mönö tandök denöwö meleņniga asuhume?” ³⁶ Mewö qesibawak, mönö uruqahö keuya jibawak. Iņini sehöņ kötņi qahö kömuiga öne qesiņ gilme ewö, miangö mönö qahö jula wahötma. ³⁷ Kötņaņgö ipņi wahötmawi, mi qahö kömötzanmö, kötņaņök qesiņ giljan. Wit me sehöņ kötņi me kötņi tosatņi gilakzan.

³⁸ Miyök gilakzanmö, Anutunöņ mönö sihimņaņgö dop ipņi waņgima. Kötņi tandökņi nanņök nanņök mi nanņini ipņi engimakza.

³⁹ Yuai busuņini mi tandökņini mohot qahö. Ambazip busuņini nanņök, sömbup busuņini nanņök, nei busuņini nanņök aka söra busuņini mi nanņök.

⁴⁰ Miangö dop Suepnöņ malmalgö sile mi nanņök akza aka gölmenöņ malmalgö sile mi nanņök akza. Nanņök nanņök akzahötmö, Suep silegö aködamunņi mi gölme silegö aködamunņi oņgita qainņi kun akza. ⁴¹ Wehöngö asakmararaņi mi nanņök,

* 15:25: Sum 110.1 * 15:27: Sum 8.6 * 15:32: Ais 22.13

köingö asakmararaŋi nanjök aka seŋgelau miengö asakmararaŋini mi nanjök. Seŋgelau asarigetka tosatŋi miengö asakmararaŋini mi seŋgelau tosatŋi miengö asakmararaŋini oŋgirakza.

⁴² Guliba kömupnöhök wahötpini, miangö könanaŋ mönö miangö dop ahöza. Sile löm kölbini, miaŋön gisahöba qahöwakŋapmö, Anutunöŋ mi mem gulii wahötmawi, miaŋön mönö qahö kömuma. ⁴³ Sile löm kölbini, miaŋön lölöwöröŋi aködamunŋi qahö akzapmö, Anutunöŋ mi mem gulii wahöta miangöreŋ mönö köhöikŋi aka asakmararaŋambuk akŋa.

⁴⁴ Sile löm kölbini, miaŋön gölmenöŋ malmalgö sileya akzapmö, Anutunöŋ mi mem gulii wahöta miangöreŋ mönö uŋa mire malmalgö sileya akŋa. Gölmegö sile ahöza ewö, miangö dop uŋagö sileŋi mi mewöyök ahöza. ⁴⁵ *Miangö keuŋi mi Buŋa Kimbinöŋ mewöyök kewö ohoget ahöza, “Azi mutukŋi Adam yaŋön letota uŋaŋi miwikŋaiba söŋgöro ösumŋi öröba malmalŋambuk ahök.” Keu mi möringa likeŋi kewö asuhuyök: Adam qöndökŋan mönö memguliguligö uŋaŋi ahök. ⁴⁶ Uŋagö yuaiŋi mi mutuk qahö asuhuyökmö, gölmegö yuaiŋi miaŋön mönö mutukŋi akza. Uŋagö yuaiŋan mönö miangö andöŋe asuhuyök.

⁴⁷ Anutunöŋ azi mutukŋi sömsömnöhök miwikŋaiiga gölme azia asuhuyök. Azi könangeŋi yaŋön mönö Suepnöhök eta sutnine asuhuyök. ⁴⁸ Gölme ambazipnöŋ azi gölmenöhök asuhuyöhi, mönö yaŋgö dop akze. Suepkö buŋa akzinaŋön azi Suepnöhök eta asuhuyöhi, mönö yaŋgö dop akzin. ⁴⁹ Nini gölme azi mutukŋangö kaisoŋgolomŋi memba maljini, miangö dop Suep azigö kaisoŋgolomŋi mi mewöyök memba malbin. Mewö.

⁵⁰ O urumeleŋ alaurupni, nöŋön keu kewö jibi mötme: Sep busuninan mönö Anutugö bemtohoŋ uruŋe aŋgota dum memegö dop qahö. Mi osimahot. Sile kiaŋön gisahöba qahöwakŋawi, miaŋön mönö oyaerŋkoyaerŋ qahö akŋa. Suepkö dum qahö ayapkömawi, sile kiaŋön mönö mi memangö osima.

⁵¹ *Mötket! Nöŋön keu tölapŋi kun kewö indelmam: Körek neŋön mönö qahö nöŋ qeba kömumbin. Qahöpmö, kömukömuŋi yeŋön letotketka tosatŋi neŋön mönö sileninambuk letotpin. ⁵² Anutunöŋ kömukömuŋi mem gulim eŋgiiga tömun qainŋi kun qöndökŋan qeriga miangöreŋ wahötketka neŋön biliksik aliga wölaŋök letotpin. Mutuk kömugeru, yeŋön mönö kunbuk qahö kömume.

⁵³ Sep busu ki gisahöba qahöwakŋawi, miaŋön mönö letota qahö ayapkömawangö dop akŋa. Sile ki kömumawi, Anutunöŋ mi mönö opo ewö qeköba miangö salupŋe sile qahö kömumawi, mi neŋgii memba maluku ewö löŋgötpin.

⁵⁴ *Mewö akzapmö, letotletot mi ak teköiga silenini qainŋi kun meinga qahö kömumba gisahömawi, nalö miangöreŋ mönö söŋgaibin. Buŋa Kimbinöŋ keu ohoget ahözawi, miaŋön mönö öŋambuk aiga miangö dop kewö jime, “Yaŋön mönö kömup Toŋi köndenŋa luhut aliga köiraŋ aljin.”

⁵⁵ *Keu miangö alaŋi kun kewö, “O kömup Toŋi, göŋön mönö luhut almanangö dop qahö. O kömup Toŋi, göhöreŋ lingip jitŋi miaŋön mönö neŋgöhömangö osima.”

⁵⁶ Keu mewö ahözapmö, kömupkö lingip jitŋi mi siŋgisöndok ahakmeme. Jöjöpäŋ keuŋan mönö siŋgisöndok akinbukö soŋgo aliga töndup ahinga kukŋambuk ahakza.

⁵⁷ Kukŋambuk ahakzapmö, Kembunini Jisös Kraistnöŋ mönö Anutugöreŋ bohon köliga alabauknini aiga yaŋgöra aka luhut ala malbin. Miangöra “Anutu saiwap!” jizal.

⁵⁸ O wölböt alaurupni, luhut albinangöra eŋön mönö kin köhöiba anjaŋbanjaŋ mosöta uruŋini kude öŋgöba eta ahakŋa. Kembugöreŋ qekötahöba nupŋi megetka öŋan mönö eta omaŋi qahö akŋa. Mi möt yaköba Kembugö nupŋi mi mönö urukönöp* qakŋe böŋ qeba pöndaŋ memba malme. Mewö.

* 15:45: Jen 2.7 * 15:51: 1 Tes 4.15-17 * 15:54: Ais 25.8 * 15:55: Hos 13.14 * 15:58: Urukönöp mi Kembugöreŋ ölöŋgöra jiza. Urukönöp bölöŋi mi qahö.

16

Jerusalem alabauk engimegö jimkutukutuñi

¹ *Judia könagesö sarakñi yeñgöra alabauk moneñ tokomegöra qesim niñgigeri, miangöra kewö jim kutum engizal: Nöñön Galesia prowinsgö urumeleñ könagesöñi könagesöñi jim kutum engiali, eñön tok mönö miangö dop kewö ahakñe:

² Sonda dop wehön mutukñi miangöreñ iñini körek nanñök nanñök mönö naluk alakñe. Töhötmöriam memakzeangö dop moneñini bahöñi mi köweñini göräñe ala galöm köla malme. Mewö aketka nalö engöreñ kabiga miangöreñ naluk sanğabanğa almeangö dop qahö akñemö, mi ölop köweñineyök memba altanöñ alme.

³ Mewö aketka engöreñ kamami, nöñön nalö miangöreñ ölop jim-asa-asari kimbi ohoba azi nup miangö mötket dop köljawi, mönö yeñgö böröñine ala melaim engibiga mindimindiri kalemñini mi memba Jerusalem anme. ⁴ Nöñön yembuk mohotñe anmamgö anmam ewö, yeñön mönö ölop nömbuk toroqeba mohotñe köwet kutuba anbin. Mewö.

Polgö nupñangö aka köna anangö areñi

⁵ *Nöñön Masedonia prowins onğita anmam. Miangöra Masedonia mosötagun mönö engöreñ kamamgö mötzal. ⁶ Engöreñ kaba nalö tosatñi embuk tatpilenğak me kömunjan kie nalöñi (winter) mi mewöyök engö sutñine toroqeba mal teköbilenğak. Mewö malbi ölop bauköm niñgigetka denike denike anbilenğak, miangöreñ mönö amqeba köna toroqeba anmam. ⁷ Nalö kewöñe engöreñ kaba kusukñanök enğeka engonğita anmamgö qahö mötzalmö, Kembunöñ on jima ewö, mönö nalö tosatñi embuk tatmamgö jöjörözal.

⁸ **Mewö jöjörözalmö, mutuk Efesus siti kianğöreñ toroqeba malbi yambu jeñiqeçe dölokñi (pentekost) miangön kam kuñguma. ⁹ Anutunöñ nöñgöra nupkö nanğunñi ketanñi öroi ölop nup ketanñi membi ölni asuhum sehimakzapmö, gwötpukñan tuarenjon ak niñgimakze. Miangöra kianğöreñ toroqeba malmamgö mötzal.

¹⁰ *Timotinöñ ni ewö Kembangö azi ipñi aka nupñi memba malja. Miangöra yanñon engöreñ kama ewö, iñini mönö köyan köl wañgigetka keñgöt mötmötñi qahö engö sutñine malma. ¹¹ Kunñan kun kude ek sirik kölmamö, embuk mal teköba nöñgöreñ kamamgö jimawi, miangöreñ mönö bauköm wañgigetka luainöñ engömosöta lilingöba kama. Nöñön urumeleñ alaurup yembuk i ekingö mambötzin.

¹² Urumeleñ alanini Apolos yanğö keunñi kewö jimam: Yanñon urumeleñ alaurup yembuk engöreñ kamegöra jiba köhöikñanök uru kuñgum wañgial. Mi wañgialmö, nalö kewöñe engöreñ kamamgö tököm köhöiza. Könanğep nalöñi ölop ahöm wañgimawi, mönö miangöreñ kama. Mewö.

Yaizözkök keu teteköñi

¹³ Iñini mönö uruguliguli mala mötnariñini köl guliba kin köhöiba malme. Azi köhöikñangö dop mönö urugö nanğonangö ambazip aka Kembangö kukösumñambuk kinme. ¹⁴ Yuai pakpak aka memei, mi mönö urukalemñon aketka asuhuma.

¹⁵ *Stefanas yanğö mire maljei, iñini mi möt engize. Akaia prowinsnöñ nup meinga uruñini melengetka nupninañgö ölni mutukñi mewö asuhuyöhi, mötze. Yeñön ambazip sarakñi mi pöndañ welen qem engiba uruñini miangöreñ jöhöba ala maljei, mi mötze. O urumeleñ alaurupni, nöñön uruñini kewö kuñgum engizal: ¹⁶ Iñini tok ambazip mewöñi aka yembuk toroqeba nup mohotñe memba Anutu welenñi qemakzei, mönö körek yeñgö keunñini bapñe anda malme.

¹⁷ Nöñön Stefanus Fortunatus aka Akaius ki kageranğöra söñgaimakzal. Iñini nömbuk Efesus ki qahö malgetka yeñön mönö engö salupñini aka köisirik ak niñgigetka dop kölja. ¹⁸ Yeñön engö uñanñini körö-ölöwak qeba maljei, miangö dop mönö nöñgö

* 16:1: Rom 15.25-26 * 16:5: Apo 19.21 * 16:8: Lew 23.15-21; Dut 16.9-11 * 16:8: Apo 19.8-10 * 16:10: 1 Kor 4.17 * 16:15: 1 Kor 1.16

uɲani mewöyök körö-ölöwak qem niŋgiba malget. Miangöra iɲini mönö azi mewöŋi yeŋgöra mötket öŋgöiga mi aukŋeyök jiba keuɲinaŋgöra törörök kezap ala malme.

¹⁹ *Urumeleŋ könagesöŋi könagesöŋi Eisia prowins kiangöreŋ maljei, yeŋön mönö yaizözköŋi algetka engöreŋ kaza. Aqila Prisila aka urumeleŋ könagesö yetkö mire tokomakzei, yeŋön mönö Kembedö qetŋe yaizözköŋi gwötpuk algetka engöreŋ kaza. ²⁰ Urumeleŋ alaurup pakpak Efesus ki maljei, yeŋön mönö yaizözköŋi algetka engöreŋ kaza. Iɲini mönö urumeleŋ alaurupŋini yembuk jölöŋini jiba aŋgum aŋguba numbuŋini yöhötim namba malme.

²¹ Nani yaizözkökni engöreŋ ala qetni nani börönan kewö ohozal: Pol.

²² Kunŋan Kambu qahö jöpaköba urukalem qahö aka malja ewö, Kembunöŋ mönö qesuakŋi yaŋgö qakŋe ali öŋgöma. Kembunini, gi mönö kanöŋ!

²³ Kambu Jisösgö kalem möriamŋan mönö embuk ahöma.

²⁴ Kraist Jisösbuk qekötahöba kinjei, nöŋgö urujöpaknan mönö körek embuk ahöba kötuatköm enŋii malme. Keu mi öljä. Mewö.

* 16:19: Apo 18.2

Korint Kimbi 2 Polnön Korint yengöra kimbi aliga 2 ahök. Jim-asa-asari

Pol aka Korint urumelen könagesö yejön urumohot ölpni qahö aketka nalö mi-angören Polnön Masedonia mala kimbiñi ki ohoyök. Tosatjan Pol tuarenjon köhöikni ak wangigetmö, Polnön töndup angururuk memba et ala yembuk urumohot akingö kapaj kölök. Angururukni tekömapkö urusösöngaini kondel engiyök.

Kimbi bahöni mutukni (Boñ 1-7) miangören Polnön Korint urumelen könagesö yembuk jöhöjöhö ahöhangö keunji jiza. Könañi denöwögöra urumelen könagesö mi köhöiknanök jim engiyök? Mewö aiga uruñini melenja urumohot akeri, miangö sösongaini kondela jim asariza.

Kimbi bahöni 2 (Boñ 8-9) miangören Judia urumelen könagesö bauköm engiba naluk engimegöra kuñgum engiza.

Kimbi bahöni 3 (Boñ 10-13) miangö keunji kewö: Böhi takapulakanji tosatan nanñini qetñini 'Aposol ölni' jiba Polgöra aposol muneni jigetka Polnön keu miangö likepni mejen engiyök.

Buk kiangö bahöni bohonñi 5 mi kewö:

Jim-asa-asari keu 1.1-11

Pol aka Korint urumelen könagesö 1.12-7.16

Judia urumelen kambu yengöra naluk alme 8.1-9.15

Polnön aposol ölni akzawangö kukösumni 10.1-13.10

Keu teteköni 13.11-13

¹* Anutunön sihimjangö dop Pol ni kuñgum niñgiiga Kraist Jisösgö melaimelai azi aposol akzal. Nöjön urumelen alanini Timotibuk tatzit. Korint sitinön Anutugö urumelen könagesö maljei aka ambazip sarakni pakpak Akaia prowinsñini dop köla maljei, netkön embuk Buña keu eraum mötpingöra kaba kimbi ki ohozit.

² Anutu Iwinini aka Kambu Jisös Kraist yetkön mönö kalem möriam engiyohotka luainön malme.

Polnön Anutu urukölalepnangöra möpöseiza.

³ Nini Kembunini Jisös Kraistkö Anutu Iwiñi möpöseimakzin. Yanön mönö ak-kömökömu Toñi aka urukölalep pakpak nengimakzawangö Anutuñi akza.

⁴ Nini kahasililiñ könañi könañi miwikñaimakzini, nalö miangören Anutunön uruqesawölim nengimakza. Uruqesawölim nengii möta miangö qakñe kininga tosatan kahasililiñ könañi könañi miwikñaimakzei, mi mönö ölp amqeba uruqesawölim engimakin. ⁵ Miangö könañi kewö: Kraistpuk qekötahöinga yangö sihimbölönjan qaknine öngöi kelemaleleñ mörakzinmö, miangö dop uruqesawölim mewöñanök nengii Kraist qekötahöinga urukölalepnjan urunine geiga kelemaleleñ mörakzin.

⁶ Nejön köñjiliñ uruñe maljin ewö, Anutunön mönö inini uru qesawölim nengii uruñini kunbuk melenja oyaenköyaen akñegöra mötza. Anutunön uru qesawölim nengii enön mi eka nanñinak uru qesawölim miwikñaima. Uru qesawölim nengimakzawangö ölnjan mönö uruñine kewö asuhumakza: Nini sihimbölö möringa enön tok sihimbölö miyöhök miwikñaima ewö, mi mönö ölp möta mökösönja kin köhöiba malme. ⁷ Sihimbölönön qakñine öngöi mörakzei, uru kölalepnön mönö mewöñanök qakñine öngöi malje, mötzin. Mi möta miangöra enön kin köhöimegöra mamböta jörömqröm köhöikni ahakzin.

⁸* O urumelen alaurupni, nini Eisia prowins uruñe nup memba mala nupkö sihimbölö möta kahasililiñ miwikñaiba mörini, inini miangöra gukmaulem malbepuköra mötzin.

* 1:1: Apo 18.1 * 1:8: 1 Kor 15.32

Nupkö lömbötņan ösumnini onġita öngöngöņi aka mulumgöm neņgiiga kin köhöibingö osiinmö, töndup kapaņ kölinga mem et al neņgiiga malin. Mewö asuhuiga toroqeba malbin me qahöwi, miangöra mewöyök tötböröm aka malin.

⁹ Mewö mala uruninan kewö mötmöriin: Kunöņ kömumbingö keuņi lök jim teköi keu miangön qaknine öngöi ayuhubingö mambörin. Nanini ösumnöņ nariba malbinbukmö, Anutu kukösum qakņe nariba malbingöra aka mewö asuhuyök. Anutunöņ kömukömuņi mem gulim eņġii wahötmei, yaņön mönö amqeba nini mewöyök bauköm neņgimakņa.

¹⁰ Kömumbinbukö keņġöt mötmöt öngöngöņi ahinmö, Anutunöņ mönö miangöreņöķ meköm neņġiyök. Meköm neņġiyök aka toroqeba meköm neņgimakņa. Nini jörömqörömnini Anutugöreņ ala mewö möt narim waņġiba kinjin. ¹¹ Iņini mewöyök bauköm neņġiba neņġöra aka köulukögetka meköm neņgimakņa. Gwötpukņan neņġöra aka köulukögetka Anutunöņ möta miangö likeņņi meleņni kalem möriamņan dop köl neņġii neņgehorimakņa. Mewö meköm neņgiiga alaurup gwötpukņan mi möta neņġöra aka mindiriba möpöseigetka köiraņ köulukņinan öngöba Anutugö kezapņe gemakņa. Miangöra mönö toroqeba nöņġöra aka Anutu köulukömakņe. Mewö qesizal.

Polnöņ köna anangö areņi uteköyök.

¹² Tosatņi iņini nöņġö könaņamņangöra uruyahöt akzei, miangöra keu kewö jimam: Anutunöņ solanņi malbingö mörakzawi, neņön miangö dop gölmeņi gölmeņi liliköba miangöreņ ahakmeme sarakņi mi pöndaņ wuatangöba malin. Eņġö sutņine mi mönö kapaņ köla törörök wuatangöba malin. Mi gölme ambazip mötkutukutuninangö dop qahöpö, Anutugö kalem möriamņan inahöm neņġiyöhangö dop mi aka memba malin. Anutunöņ ahakmemeni mi eka naņġöba “Dop kölja,” jiiga urukezapnan keu mi mörakzal aiga miangöra silenini memba öņġömakzin.

¹³ Kulem ohomakzali, miangö keuņi pakpak mönö ölop oyonġa möt asarimeangö dop akza. Keuni mi geņmoņi qahö. Keu könaņi asa-asambötņi kun qahö ohomakzal. Mi aukņeyök ahöza. Miangöra nöņġö könani mi körek möt asarim tekömegöra möta jörömqöröm akzal. ¹⁴ Nöņġö könani mi lök bahösapsap kewö möt asarize: Kembunini Jisösnöņ kunbuk kamawi, nöņön mönö nalö miangöreņ eņġöra aka sileni memba öņġömam. Miangö dop iņini mewöyök ölop nöņġöra aka silenini möpöseigetka dop kölma. Iņini nöņġö könani mewö möt asarim tekömegöra mötzal.

¹⁵ Nöņön keu miangö qakņe awösamkakak kinalangöra aka mutuk eņġöreņ kaba eņġekņangö areņi alal. Indimņi yahöt eņġekiga kötumötuet mötmegöra aka köna anmamgö areņi kewö albi ahöyök: ¹⁶ *Masedonia prowinsnöņ anmamgö könanöņ mutuk iņini eņġeka toroqeba Masedonia anda lilingöba kunbuk eņġöreņ kamamgö jial. Kaba malbi yuai tosatņi bauköm niņġiba melaim niņġigetka eņġömosöta Judia prowinsnöņ anmamgö möral.

¹⁷ Areņni mewö albi ahöyökmö, mi uteköyal. Mewö aka an köl kam köl qakņe möndöba laņ qahö ahal. Nani areņni mi gölme ambazipkö dop nanangöra laņ mötmöriba qahö ahal. Mewö kude mötmörime. Numbu ösum mohot miangönök “On, ölop kamam!” aka “Qahö kamam!” keu yahöt mi mindiriba qahö jial. Mönö ahakmeme sarakņi wuatangömakzal.

¹⁸ Anutunöņ keu jiba miangö dop pöndaņ ahakzawi, neņön mönö yaņġö jeņe kewö jim köhöizin: Neņön nalö kunöņ “On, mi ölop akin,” jim jöhöba miangö andöņe “Mi qahö akin,” pötagororoņ keu mewö meleņqeleņ qahö jiba malin.

¹⁹ *Anutu Nahönņangö könaņi kewö: Nöņön Sailas aka Timoti yetpuk eņġö sutņine Kraist Jisösgö könaņi jim asariba malinga yaņön “Anutugö jitņi tem kölmam!” aka “Qahö tem kölmam!” keu jöl yahötyahötkö qakņe meleņqeleņda qahö kaba malökmö, Anutugöra keu jiba jöhöyöhi, miangöra mönö “On!” jiba miangö dop aka memba malök.

²⁰ Anutunöņ jöhöjöhö keu (promis) sehisehiņi dawik neņġiyöhi, qötöņini qahö mötzinmö, Kraistnöņ keu körek miengöra “On!” jiba mem köhöiiga pöwöwöm ahöza.

* 1:16: Apo 19.21 * 1:19: Apo 18.5

Miangöra Kraistnön mewöyök nam köl neŋgii keu miengö öljinan asuhui möta “Keu mi ölja,” jibin. Mewö aHINGA Anutugö qetbuŋaŋan sehimakŋa.

²¹ Anutu nanjak mönö nini aka injini mohot mem köhöim neŋgiiga Kraistpuk qekötahöba kin köhöibin. Yaŋön mönö Buŋa keu jim sehibingöra aka bedu mem neŋgii maljin. ²² Anutunön urunine Uja Töröŋi mekötahöiga yaŋön oyaenŋoyaen malbingö keuŋi naŋgöba jim köhöimakza. Anutunön mewö aka buŋaŋi akzinangö muŋgem supapŋi mi mekötahöm neŋgiyök.

²³ Nönön tembula lömböt enŋgibilenbuköra möta zilaŋ Korint enŋgöreŋ qahö lilingöba kayal. Mewö jiba Anutugö qetŋi qetpi ölop keuni mi naŋgöba jima. ²⁴ Silik denöwö aka Anutu möt narimakzei, miangöreŋ kembu ak enŋgimangö qahö mötzal. Mötnaripŋinan lök töndangöm enŋgiiga kin köhöimakze. Miangöra sösongai qakŋe malmegöra bauköm enŋgimangö möta embuk mohotŋe urugö nup memakin. Mewö.

2

¹ Mutuk enŋgöreŋ kaba siksauk akerangöra jim enŋgibiga gamuŋini möta wösöbirik aket. Miangöra enŋgöreŋ kabiga kunbuk mewö akepuköra möta urunan keu jöhöba köna anangö areŋni uteköyal. ² Miangö könaŋi kewö: Gamu qem enŋgibi wösöbirik akeak ewö, daŋön ölop uruni qesawölim niŋgiiga kunbuk sösongai miwikŋaibilenjak? Janjuŋinangöra aka jim enŋgibi wösöbirik akeak ewö, tosatŋan sösongai ak niŋgibingö osigetka nanak mewöyök wösöbirik aka malbilenbuk. Miangöra zilaŋ kaba gamu qem enŋgimangö töközal.

³ Kimbi köhöikŋi mi könaŋi kewögöra ohoba alal: Nönön söngaibiga körek enŋön mönö nömbuk söngaime. Nönön injini körek mewö uruyahötŋi qahö möt narim enŋgizal. Nönön tosatŋi enŋgöra sösongai miwikŋaimangö mötzalmö, kabiga könaŋamŋini sohoi laŋ malgetka enŋgeka wösöbirik akilenbuk. ⁴ Wösöbirik akŋegöra kimbi mi qahö ohoyalmö, önönŋi qahö uru jöpaköm enŋgimakzali, injini miangö könaŋi möt yakömegöra mönö keu köhöikŋi mi kimbinön ohoyal. Urunan enŋgöra aka waimanŋat ketanŋi möta könjiliŋ qakŋe tata imbilnan eriga ohoyal. Mewö.

Kunŋan köna onŋgiröhi, yaŋgö siŋgisöndokŋi mönö mosötme.

⁵ Kunön siŋgisöndok aiga gamu aka wösöbirik asuhuyöhi, miangön mönö nöŋgö qakneyök qahöpmö, körek enŋö qakŋine mewöyök öŋgöyök. Keu mi jim qaribi sohobapuköra mönö kewöyök jimam: Gamu miangön mönö körek dop köl enŋgii miangöra gwötpuk me borom kun wösöbirik aket. ⁶ Könagesö öljan keuŋangö likepŋi meleŋ waŋgigeri, miangön mönö dop köl waŋgii uruŋi kunbuk meleŋnök.

⁷ Nalö kewöŋe gamu aka wösöbirik keta bölökŋi möriga miangön jem keleleŋgöbapuköra mönö lömböt kude toroqem waŋgime. Lömböt qahöpmö, mönö kapan köla siŋgisöndokŋi mosöta urukölalep ak waŋgime. ⁸ Miangöra kewö uru kuŋgum enŋgizal: Injini mönö keu jöhöba urukalemŋini kunbuk toroqeba köhöiba kondel waŋgiba malme. ⁹ Nönön kimbini mi kewögöra ohoyal: Injini nöŋgö keuni pakpak tem köla esapesapnön kin köhöime me qahö tem köla töteköba etme, miangö könaŋi kewöta mötmangöra möta mi ohoyal.

¹⁰ Injini kungö siŋgisöndokŋi mosötze ewö, nöŋön mi mewöyök mosöt waŋgizal. Bölönŋi ak niŋgiyöhi, miangöra qahö mötŋi öŋgözapmö, enŋön kunbuk ölöwaka mindirim aŋgumegöra mötzal. Miangöra bölönamŋi mi lök Kraistkö jeŋe ölja mosöt waŋgibiga teköyök. ¹¹ Satanön areŋi ala silenön alal könaŋi könaŋi ahakzawi, miangöra tönpin qahö maljal. Miangöra Satanön luhut al neŋgibapuköra aka azi miangö siŋgisöndokŋi mönö mosöt teköme. Mewö.

Polnön Troas mala Taitusgöra waimanŋat mörök.

¹² *Nönön Kraistkö Ölöwak Buŋaŋi jim sehimangöra aka Troas taonön anbiga Kembunön naŋgu öröm niŋgiiga nupŋi miangöreŋ memangö amqeyök. ¹³ Mewö

* 2:12: Apo 20.1

amqeyökmö, urumelenj alani Taitus qahö miwikjaibi keunini qahö jii möralangöra aka waimanjat möta luainöj urune qahö ahöyök. Mianğöra yaizözkökrjini jiba engömosöta Taitus jarumangöra Masedonia prowinsnöj anal. Mewö.

Kraistnöj ösum neŋgiiga luhut alakzin.

¹⁴ Neŋön Anutu kewögöra möpöseimakin: Kraistkö buja aka welenji qeinga Anutunöj nalö dop suahö galöm ewö aka neŋguangiriga anda köiraŋ kölakzin. Luhutnöj plaua juranangö wöronnji ölöpnji memba kaiga mörakzin. Mianğö dop Anutunöj nam köl neŋgiiga denike denike liliköba Kraistkö könaŋi jim asariinga aukne asuhum sehiba aniga gölme dop mörakze. Mianğöra Anutu möpöseimakzin.

¹⁵ Mianğö könaŋi kewö: Neŋön ambazip Suep mire öngömei aka könöp sianöj gemei, yeŋgö sutjine anda kainga wöronnini sarakji mörakze. Kraistkö könaŋi jim sehiinga Anutunöj nupninaŋgö wöronnji möt ölöwahakza.

¹⁶ Könöp sianöj gemei, yeŋön Buja keunini mötketka mianjön keunini jim teköiga kömum köhöimegö möta mönö qamötkö mumu wöronnji ewö akza. Suep mire öngömei, yeŋön Buja keunini mötketka oyaenjoyaen engimapkö möta mönö malmal kömbönaŋangö wöronnji umköhöwakjambuk ewö akza. Daŋön nup mewöji memawangö dop akza? ¹⁷ Ambazip tosatji gwötpukjan mönö ni ewö qahö akze. Yeŋön malmalnini naŋgöbingöra möta Anutugöreŋ keu mi kölköl-örörö ewö laŋ memba ala jimakze. Nöŋön yeŋgö dop qahö ahakzalmö, Kraist qekötahöba köjbiŋ mosöta uruni sarakji aiga kinjal. Anutunöj melaim niŋgiyöhi, mi möta yanğö jemesoholje kinda Buja keuji törörök jim sehimakzal. Mewö.

3

Jöhöjöhö arej dölökjanğö nup meme ambazip akzin.

¹ Nanak könaŋamni kunbuk könahiba jim ölöwakjanangöra mötmörize me? Mi qahö. Nup meme ambazip tosatjan Korint eŋön yeŋgö könaŋini mötmegöra möta jim ölöwak kimbi ohobingö kaparj kölakze. Tosatjan Korint eŋön yeŋgö könaŋini naŋgöba jiba jim ölöwak kimbiŋi kimbiŋi ohomegöra iŋini kuŋgum engimakze. Nöŋön nupni diŋdiŋanök mealangöra jim ölöwak kimbi mewöjanğöra qahö osizal. ² Anutunöj Korint iŋini böröne al engii letota wölböt kötnji aka nanjinak nöngö jim ölöwak kimbini ewö akze. Anutunöj nöngö jim ölöwak kimbini mewö ohoiga ambazip körekjan silik tandökjini dölökjini mi eka oyoŋmakze.

³ *Iŋini Kraistkö papia kimbi ewö akzei, mianjön aukne ahöza. Mosesnöj Köna keuji naŋim oŋi iŋk mianjön köt tafenöj ohoyöhi, iŋini mianğö dop qahö akzemö, Kraistnöj kimbiŋi engö uruŋinaŋgö tafene kewö ohoi kinje: Neŋön nup meinga ölnji asuhui Kraistnöj Anutu malmal köhöikjini Tonangö Uŋaŋi uruŋine ali letotket. Ambazipnöj nupninaŋgö ölnji mi eketka mianjön bauköm engiiga nupninaŋgö könaŋi möt asarimakze.

⁴ Kraistpuk qekötahöinga Anutunöj nupninaŋgö tandökjini mötza. Mianğöra nup meinga iŋini Kraistkö bujaŋi akeri, mi ölöp Anutugö jeŋe awösamkakak kinda jizin. ⁵ Nanini köhököhöi qakne nup ölöpnji ki Anutugö jeŋe membinaŋgö dop akzini, mewö ölöp qahö jibin. Nanini yuai kunöj qahö lapingömakzinmö, Anutunöj nanjök inahöba mötmöt neŋgiiga nup ki memakzin.

⁶ *Anutunöj inahöba mötmöt neŋgiiga jöhöjöhö arej dölökjanğö nup meme ambazip akzin. Mosesgö Köna keujanğö kulemji mohot mohotköra urukönöp akinak ewö, keu mianjön mönö keunini jim teköiga kömum köhöibinak. Uŋa Töröjanğö nup areŋi jim asariinga yanjön mem gulim neŋgiiga mal köhöibin. Mianğöra Köna keugö areŋi miyök wuatangömegöra qahö kaparj kölakzinmö, Uŋa Töröjini möt anğön kölmegöra uru kuŋgum engimakzin. Mewö.

Jöhöjöhö arej dölökjanğö nupni mi aködamunjanbuk.

* 3:3: Eks 24.12; Jer 31.33; Eze 11.19; 36.26 * 3:6: Jer 31.31

⁷* Anutunöŋ Köna keuŋi jiba kulemŋi kötnöŋ möndömgöba ohoyökmö, ambazipnöŋ mi qahö tem kölgetka Anutunöŋ keu miangö dop kewöta likepŋi melenj enŋiiga kömumba köhömuŋi mala kotket. Anutunöŋ mutuk Köna keuŋi neŋgiiga nalö miangöreŋ asakmararaŋan Mosesgö jemesoholŋi qei asariyök. Asakmararaŋ miangöŋ waziba ayapkömawaŋgö dop ahökmö, mi töndup Israel ambazipnöŋ jemesoholŋi törörök uba ekingö dop qahö aket. Gwötpuk asariyöhaŋgöra mi osiget. Köna keugö Buŋa areŋ walŋan lök mewö asakmararaŋambuk asuhuyök.

⁸ Mewö asuhuyökmö, Uŋa Töröŋan Buŋa areŋ dölökŋi neŋgii miangö asakmararaŋan asuhumawi, miangöŋ mönö jöhöjöhö areŋ walŋangö asakmararaŋi oŋgita önöŋi qahö asariba jenini gamugamu ahakŋa. ⁹ Mutuk Mosesgö Köna keu asuha kewöt neŋgiiga miangö dop könöp siagö buŋaya akzin. Buŋa keu mi lök aködamunŋambuk asuhuyök. Miangöra Anutunöŋ keunini kewöta jim teköi solanibini, Buŋa keu miangö aködamunŋan mönö keta bölökŋi akza. Miangöŋ jöhöjöhö areŋ walŋangö aködamunŋi mi gwötpuk oŋgita qetbuŋaŋambuk akza.

¹⁰ Buŋa nup walŋan mutuk aködamunŋambuk ahökmö, mi Buŋa nup areŋ dölökŋambuk mindiriba kewöŋga walŋi miangöŋ mönö qetbuŋaŋi qahö akza. Uŋa Töröŋangö nup areŋ miangö aködamunŋan öŋgöŋgöŋi akzawaŋgöra nup areŋ walŋan mönö yuai omaŋi ewö akza.

¹¹ Anutu amötqeqeŋangö köna walŋan lök waziba ayapkömawaŋgö dop ahök. Miangöŋ lök asakmararaŋambuk asuhuyök. Miangöra köna dölökŋi teteköŋi qahö ahöm öŋgömawi, miangö asakmararaŋan mönö köna mutukŋangö asakmararaŋi mi önöŋi qahö oŋgita jenini gamugamu ahakza.

¹² Jöhöjöhö dölökŋan teteköŋi qahö bauköm neŋgiiga asakmararaŋan asuhumawi, mewö Anutu jörömqöröm al waŋgimakzin. Miangöra keŋgötnini qahöpmahöp möta awösamkakak kinda keu mi kusum enŋimakzin. ¹³* Mosesnöŋ Israel ambazip asakmararaŋ waziba ayapköyöhi, mi ehibepüköra manjat möta jemesoholŋi opo jahönŋan esuhuyök. Neŋöŋ miangö dop qahö ahakzinmö, Buŋanini aukŋeyök jimakzin.

¹⁴ Buŋa walŋangö asakmararaŋi eketmö, uruŋinan töndup gwözöŋni laŋ mala kotket. Nalö kewöŋe mewöyök yuai kunŋan mönö opo jöhan miangö dop Juda ambazip gwötpuk yeŋgö uruŋini gwözöŋni malje. Miangöra Jöhöjöhö Walŋangö Buŋa keuŋi keuŋi oyonjei, miangö könaŋini mi törörök qahö möt asarimakze. Uruŋini melenŋa Kraistpuk toroqezetka mewö miangönök mönö opo jöhanŋini mi qeköi möt asarime. ¹⁵ Nalö kewöŋe mewöyök Mosesgö Köna keuŋi oyongetka yuai kunŋan mönö opo jöhan ewö uruŋini gwözöŋni mötmötŋinan lömbörii malje.

¹⁶* Mewö maljemö, Buŋa Kimbigö keu kun kewö ahöza, “Mosesnöŋ ‘Kembubuk eraum mötpit,’ jiba opo jöhanŋi mesoholŋeyök qeközapma.” Keu mewö ahöiga yeŋgöreŋök kunŋan uruŋi melenŋa Kembubuk toroqezawi, nalö miangöreŋök mönö yuai opo jöhanŋangö dop mi qeköi Anutugö amötqeqeŋangö könaŋi möt asarima. ¹⁷ Keu miangöŋ “Kembugöra” jiba mi mönö Kembugö Uŋaŋangöra jiza. Kembugö Uŋa Töröŋan denike yeŋgö uruŋine maljawi, yaŋöŋ mönö siŋgisöndokŋinaŋgö kösöŋi pösariga solanŋi (fri) malje. (Mewö mala solanŋi diŋdiŋi akingöra Köna keu wuatangöbingö qahö kapaj kölakze.)

¹⁸ Miangö dop urunini melenŋinga Kembugö asakmararaŋan körek neŋgö je mesoholnine kuŋguiga bilikbilik aliga jenini qahö esuhuinga ambazipnöŋ neŋgeka Anutugö aködamunŋi qetpuk mi piliknöŋ uba ehökö tandök ehakze. Nini mi qarim sehiba ehakŋeangö dop letorakin. Mewö letota aködamunŋi qetpuk mi qariba asariba Kembugö tandöktandök ahakin. Kembunöŋ Uŋaya akzawi, yaŋgö asakmararaŋan mönö mewö mem letot neŋgimakza. Mewö.

* 3:7: Eks 34.29 * 3:13: Eks 34.33 * 3:16: Eks 34.34

4

Nini kourajen ewö ahinga Uña Töröñan öljü akza.

¹ Anutunöñ ak kömum neñgiyöhangö dop nup ki qaknine ali memakzini, mi-angöra mönö böñ kininga uruninan qahö etma. Qahö! ² Neñön nup memegö köna tölöpñi gamurjinambuk mi körek andö qein. Tilipqilip qahö aka Anutugö keurji qahö möwöramgömakzinmö, keu öljü mi aukneyök alakzin. Mewö Anutugö jemesoholje ambazip uruölöwak möt neñgimegöra kininga jim ölöwak keuninan asuhui körekñan keunöñ törörök jim neñgibingö osimakze.

³ Mewö ahakzinmö, injini tosatñan kewö jimakze, “Polnöñ Ölöwak Buñaji mi esujambuk jimakza.” Mewö jibileñak ewö, esu miangön könöp sianöñ gemei, mönö yeñgö urujine ahöba miangöra gwözöñniga qakömakze.

⁴ Kraistnöñ Anutugö imutñi akza. Kraistkö aködamunñi mi nanñi Ölöwak Buñajan indela asakñi ewö asarimakzampö, yeñgö jeñinan ömuñ köli jipjap ahakza. Nalö kewöñe bölöñangö Kembuñi gölme dop galöm köñ engimakkawi, yañön urumelengö kopa ambazip yeñgö mötmöt jeñini mem gömöliiga lañ malje. Miangöra Ölöwak Buñagö asakñi ek asaribingö osimakze.

⁵ Nani qetbuñanan qarimapkö Buña keurji qahö jim asarimakzalmö, eñön Kembu Jisös Kraistkö könañi möta jitñi tem kölmegöra uru kuñgum engimakkal. Neñön Kembugö jitñi wuatangöba injini welen qem engimakkzin. ⁶ *Könañi kewögöra welen qem engimakkzin: Anutunöñ mutuk kewö jim kutuyök, “Asaknan mönö söñjap qeiga asarima.” Mewö jiyöhañön mönö Buñañangö asakñi ali urunini qeiga asariyök. Kraistnöñ ahakmemenñi aka meiga Anutugö asakmararañan jemesoholje asarii ekeri, Anutunöñ nini miangö könañi möt kutubingöra kapañ kölakza. Asakñangö könañi jim sehingöra aka asakñi mi neñgiyök.

⁷ Asakñan urunini qei asariinga mötkutukutu miangö bohonñi mi milyön kina ongita öngöñgöñi akzampö, silenini mi kourajen ewö amqeba julakza. Anutu asakñan mönö sile mewöñangö uruñe ahöza. Ambazipnöñ miangö könañi ekñegöra Anutunöñ areñi al neñgiyök. Dopkeu miangö könañi kewö: Kukösum önöñi qahö al neñgimakkawi, mi neñgöreñök öne asuhumakkawangö dop qahöpmö, Anutunöñ mönö miangö Toñi akza.

⁸ Eu emu likep likep miangöreñök lömböt könañi könañi qaknine öngöba qölölömbörim neñgigetka wahöjalij mörakzin. Mi mörakzinmö, töndup mieñön qahö qözöjahöm neñgigetka erakzin. Nalö tosatñe juñ ewö wangömñe qaköba köna qahö miwikñaimakkzinmö, töndup tötböröm qahö ahakzin.

⁹ Ambazipnöñ sesewerowero ak neñgimakkzemö, Anutunöñ andö qahö neñgumakza. Ambazipnöñ mulungöm neñgimakkzemö, töndup qahö ayuhumakkzin. ¹⁰ Jisös qem kömugeri, miangö dop nini mewöñanök buñaji jim sehimakkzinangöra aka neñguget kömumbinbukö möta anda kaba maljin. Jisösbuk mal köhöininga inahöm neñgimakkawi, ambazipnöñ miangö könañi möt kutumegöra aka mewö malbingö urumohot akzin.

¹¹ Gölmönöñ jebuk mala Jisösgö nupñi memakkzinangöra aka nalö dop kömumbingö dop akzin. Sileninan kömumawangö dop akzampö, Jisösnöñ urunine mal köhöiba silenini mem gulimakkawi, ambazipnöñ miangö öljü ek asarimegöra aka kinjin. ¹² Nini nalö dop sihimbölö möta kömumbingö dop ahakzinmö, nöñön engö sutñine nup memba malali, eñön miangöra aka guliba malmal köhöikñe angota mal öngöme.

¹³ *Sumbara (Sam) kunöñ keu kewö ohoget ahöza, “Anutu möt nariba kömupnöñök meköm niñgimapkö köuluköba malal.” Neñön keu miangö dop kömupnöñök meköm neñgimapkö möt narizin. Mötnaripkö Uña Töröñi miyök buña qem anguzinangöra neñön mönö mewöyök keunini jiba köulukömakzin. ¹⁴ Anutunöñ Kembu Jisös mem gulii kömupnöñök wahöröhi, yañön mönö nini mewöyök mem gulim neñgii wahöta Jisösbuk öngöinga jemesoholje al neñgii embuk mohotñe mal öngöbin. Mi mötzinangöra aka keunini jiba köulukömakzin.

* 4:6: Jen 1.3 * 4:13: Sum 116.10

¹⁵ Keunini jiba köuluköinga Anutugö kalem möriamñan toroqeba ambazip sehisehiñi dop köl engima. Mewö aiga yeñon amqeba Anutu keleşmaleleñ möpöseigetka qet-buñajan sehimakza. Eñon mewöyök Anutu möpöseim sehimegöra mötzal. Miangöra lömböt könañi könañi bisiba aum-möriba maljin.

Mötnariñ malmalñangö tandök mi kewö:

¹⁶ Nini mem gulim neñgimapkö möta mönö böñ qeba kininga uruninan qahö etma. Ölña silenini ewö waziba soholimakzinmö, mi töndup urunini ewö nalö dop kölönaimakzin. ¹⁷ Mi kewögöra: Gölmenöñ kahasililiñ nalö töröptökñi möta malbinmö, miangö andöñe asakmararañ önöñi qahö miwikñaiba teteköñi qahö oyaenköyaen malbin. Asakmararañ aka kahasililiñ yahöt mi kewöt etkiinga asakmararañ miangön mönö öñgöñgöñi aiga gölmegö kahasililiñ könañi könañi mi möringa awamñi aka eretñi akza.

¹⁸ Ambazip aka öroyuai jenöñ ehekñi mi nalöñini teköi ayapkömemö, Suep mirigö öroyuaiñi nalö kewöñe qahö ehakzini, miengön mönö nalö teteköñi qahö ahöm öñgöme. Miangöra neñon jeninan ehekñi mia qahöpmö, qahö ehekñi mönö miengöreñ göröken uba engehakzin. Mewö.

5

Polnöñ Suepkö oyaenköyaen koumnöñ anmamgö mörök.

¹ Neñon keu ki mötzin: Gölme silegö opo seri koumñe malinga kömupnöñ mi köndeñniga etmawi, Anutunöñ nalö miangöreñ silegö miri dölokñi nanjak meiga Suepnöñ ahömawi, mi buña qem neñgiiga miangöreñ malbin. Silegö miri qainñi kun mi teteköñi qahö köhöikñi ahöm öñgöma.

² Keu mi möta nalö sutñe kiangöreñ letotpingö osoñgom köla Suep malmal mirinine öñgöbingö möta awöweñgömakzin. ³ Suepnöñ öñgöinga sile qainñi kunöñ löngöt neñgii tatpini, nalö miangöreñ mönö uña sile meinga kunñan aukñe qahö miwikñaim neñgima.

⁴ Gölme sile ki qekömegöra qahö mötzinmö, Suep malmal mirinine öñgöba silenini dölokñi memingö awöweñgömakzin. Sile ki kömumawi, mi malmal köhöikñan gwahöri qahöwahiga Anutunöñ salupñe oyaenköyaen sileya neñgimapkö mötzin. Miangöra nalö kewöñe seri koum kiangö uruñe mala urulömbötnini bisiba letotpingö osoñgom ahakzin.

⁵ Anutu nanjak Suep sile memingöra möta miwikñaim neñgiba Uña Töröñi urunine aliga oyaenköyaen akingö dangunuñi akza.

⁶ Miangöra neñon mönö nalö dop ewebibininambuk saitñgit mal köhöiba kewö mörakzin: Sileninañgö malmal koumnine ki malbini, nalö miangö dop eu Suep malmal mirinine Kambu Jisösbuk qahö malbin. ⁷ Nalö kewöñe Suep mirigö öroyuaiñi qahö uba engehakzinmö, töndup mi möt nariba miangö dop aka memba malinga nam köl neñgimakze. ⁸ Miangöra ewebibininambuk köhöiba sileninañgö malmal koumñi ki mosötpingö kapañ köla mirinini öñi eu öñgöba Kembubuk malbingö mötzin.

⁹ Miangöra mirinine ki me eu malbini, neñon mönö urunini Kambu Jisös uruölöwak ak wañgibingöra jöhöba miangöra köhöiba kapañ kölakzin. ¹⁰*Miangö könañi kewö: Körek neñon mönö Kraistkö keu jakeñe asuhubin. Gölmenöñ silebuk mala Kembugö jitsihitñi dopñe tem kölini me qötömötötañ ahini me önewat lañ malini, nanjak mönö keunini mi kewöta miangö dop töwanini nanjök nanjök neñgii buña qem angubin. Mewö.

Ambazip Anutubuk urumohot akñegö nupñi memakzin.

¹¹ Kraistkö keu jakeñe kinbini, neñon mi möta Kembugö mötmötñi ongitpinbuköra keñgötnini mörakzin. Mi mötzinañgöra ambazip könanini sarakñi mötmögöra kapañ köla uru kuñgum enñgimakin. Könaninan mönö Anutugö jeñe aukñe ahöza. Nöñon tilipqilip azia qahö, eñon mewöyök mi uruñinan möt yakömegöra möta jörömqöröm akzal.

* 5:10: Rom 14.10

¹² Mewö jiba nanini jim ölöwak keunini mötmegöra kunbuk qahö kapañ kölakzalmö, könanini miyök jim asarim engimangö mötzal. Injini mi möta ölop neñgö silenini mi böhi takapulakani yeñgö jeñine möpöseigetka dop kölma. Yeñön yuai engö uruñine ahözawi, miangöra qahöpmö, sileñinañgö yuaiñi jenöñ ekingö dop akzawi, mönö miangöra aiweliköba nanñini sileñini memba öngöba keu lañ jimakze. Miangöra keuni ki jizal. Eñön yeñgö keuñini gilipitñi (ambetakñi) mötzeangöra mönö neñgö könanini jim asariba törörök meleş engime.

¹³ Eñön nöñgöra “Urusohop tandök ewö akza,” jiget ewö, nöñön mönö Anutu nupñangöra aka urukönöp aka malal. Tosatñan nöñgöra kewö jize, “Urukönöpñi qahöpmö, keuñi ösöñök jimakza,” Mewö jize ewö, mi mönö injini bauköm engibingöra aka ahal. Miangöra ölum engubapuk.

¹⁴ Miangö könañi kewö: Kraistnöñ jöpaköm neñgimakzawi, miangön mönö kondota kuñgum neñgiiga nupñi memakzin. Azi mohotnöñ körek neñgö salupnine neñgö kömupnina kömuyök. Miangöra siñgisöndokninañgö likepñi qahö meleş neñgiyökmö, körek neñgö siñgisöndoknini mosöri toroqeba köhömuñi qahö akzin. Keu mi möt asariba möt yaközini, Kraistkö urukalemñan mönö körek nini jölöngöba nupñi membingöra kuñgum neñgimakza.

¹⁵ Yañön mönö kewögöra körek neñgö salupnine kömuyök: Gölmenöñ jebuk maljini, neñön mönö malmalnini toroqeba naninañgörök malbinbuk. Mewö qahöpmö, kun neñgöra aka kömumba wahöröhi, malmalnini mönö yañgöra tököba ala malbingöra kömuyök.

¹⁶ Miangöra urunini meleşnini, nalö miangöreñök könahiba ambazip silesile qahö kewöt engizin. Ambazip kun gölmenöñ silikñangö dowök qahö möt kutum wañgizin. Mutuk Kraist kewöta möringa gölme azi töhön ahökmö, nalö kewöñe möt kutum wañgiinga Suepkö Amötqeçe Tonina akza. ¹⁷ Miangöra kunñan Kraistpuk qekötahöza ewö, yañön mönö ahuahü dölökñi ahuba dömqi dölökñi akza. Malmal walñan ayapköiga malmal dölökñan mönö salupñe asuhum wañgiza.

¹⁸ Mewö maljapmö, yuai pakpak miangö kondotkondot Toñi mi Anutu. Yañön Kraist melaiiga töwanini qeba neñgömeiga Anutu nanñambuk urumohot akingö könañi möwölöhöyök. Köna mewö asuhuiga Anutunöñ nup neñgiiga neñön ambazip Anutugö alaurupñi akñegöra jölöngöba kuñgum engimakzin.

¹⁹ Anutubuk urumohot akingö könañi kewö: Kraistnöñ eta gölmeñi gölmeñi neñgö töwanini qeiga dop köli Anutunöñ neñgömeiga alaurupñi ahin. Köna oñgita mala korini, siñgisöndok miengö keuñini qahö oyonda mötmöröba likepñi qahö meleş neñgiyök. Anutugö alaurupñi ahinga möt narim neñgiba Kraistkö töwagöra aka Anutubuk urumohot akingö Buña keuñi mi börönine alök.

²⁰ Mi aliga Kraistkö jitñememeurupñi akzin. Anutunöñ keu sañep al neñgii miangö dop ambazip uruñini kuñgum engimakzin. Kraistkö jitñi memba kapañ köla kewö qesim engimakzin: Mönö Kraistkö töwañi buña qem añguba Anutugö alaurupñi akñe. ²¹ Anutunöñ körek neñgö siñgisöndokninañgö keuñi jim teköba likepñi meleşda Kraist siñgisöndok kun qahö ahöhañgö qakñe ali öñgöiga salupnine sihimbölö mörök. Kraistkö sihimbölöñi miangöra aka yañgöreñ qekötahöinga Anutunöñ ölop keunini jim teköi solanibin. Mewö.

6

¹ Nini Anutu nanñangö nup meme alaurupñi akzinañgöra aka uruñini kewö kuñguzin: Anutugö kalem möriamñan omañi akapüköra mi mönö buña qem añguba malme.

² *Anutunöñ keu kun kewö jii Buña Kimbinöñ ahöza,
 “Gehorimangö nalönan kam kuñguiga nöñön köuluki möral.
 Amötqeçe nalönan kam kuñguiga miangöreñ bauköm gihial.”

* 6:2: Ais 49.8

Keu mewö ahöiga mötket! Nalö dölkiarjön mönö Anutugö amötqege nalöni akza. Anutunöj engehörimangö möri nalöjan kam kuŋguiga ak-kömukömuŋi mi mönö dölki buja qem angume. Mewö.

Polnöj kahasililij könari könari miwikjaiyök.

³ Nejön mönö kungö urujan neŋgöra aka böli etpapuköra galömnini mem angumakzin. Jim neŋgetka nupninan keuŋambuk aka etpapuköra mewö ahakzin. ⁴ Anutugö nup meme ambazip ölop sorokŋi akzini, ahakmeme pakpakninan mönö mi kondelakza. Kahasililij aka janŋauranga könari könari ak neŋgetka wahöjalinj uruje maljinmö, miangörej mönö mökösoŋda kaparj köla kin köhöimakzin.

⁵* Ihilek wahinambuknöj neŋguba köso mirinji mirinji miangörej al neŋgetka malin. Karimŋi karimŋi asuhugetka miangö uruje kömumbinbukö keŋgötnini möta malin. Gaun guli aka nenegöra wösönini aliga malinmö, töndup silenini qeba nup memba malin.

⁶ Ahakmeme sarakŋi wuatangöba Anutugö sihimŋi möt asariba lömböt möta mökösoŋda ambazip ala ak enŋimakzin. Uŋa Töröjan urunini kokolak qeiga sutŋine geŋmoŋi qahö jöpaköm enŋiba maljin. ⁷ Keu ölnanök jiinga Anutugö kukösumŋan bohon köl neŋgiiga ahakmeme solanŋangö timbi saiwanŋi meinga böro ölnine aka qaninine ahöiga kinjin. Mewö kinda likep Buja keu jim sehiba likep keu munenji silenine algetka miangö likepŋi jim mindinŋöba malin.

⁸ Qetbuja neŋgetka silenini qahö möpöseimakzin. Yom jiba gamu qem neŋgetka uruninan qahö erakza. Neŋgöra kösohot ölopŋi kösohot bölöni mi laŋ jimakze. Munenji jiji ambazip ewö ak neŋgimazemö, töndup keu ölnanök pakpak jimakzin.

⁹ Ambazipnöj könanini ölop möt kutumazemö, töndup tosatŋan nönonŋan aka nesampurek ak neŋgimazke. Nalö tosatŋe kömumbingö aka malinmö, töndup toroqeba jebuk maljin. Kegwek-kahasililij ewö neŋguba malgetmö, töndup qahö kömuin.

¹⁰ Wösöbiriknöj neŋguiga töndup nalö dop söngaiba maljin. Wanapŋi mala töndup ambazip gwötpuk bauköm enŋiinga urujinan pomŋi ahakze. Gölmegö sukinapnini qahöpmö, töndup oyaenŋoyaen pakpak buja qem anguba pipsimbawoŋ maljin.

¹¹ O Korint ambazip, nejön mönö uruninangö nanŋuŋi enŋöra öröba keu kun qahö kölin geiga könanini aukŋeyök jibiga mötze. ¹² Enjön neŋgö urumötmötnini mötpeuköra mi qahö anŋön kölakzinmö, nejön enŋö urujini mötpinbuköra mönö nanŋinanök anŋön köl anŋumakze.

¹³ Nöjön urumötmötni enŋibiga enjön mönö miangö likepŋi mewöyök törörök niŋgime. Nöjön nahönböraturupni ewö tandök keu enŋöra kewö jiba ohozal: Inŋini mewöyök mönö nanŋini urujinangö nanŋuŋi öröba urukalemŋini mi sehiba kondel niŋgime. Mewö.

Mötnariŋŋini qahö yembuk kude qekötahöme.

¹⁴ Ambazip urujini qahö melenŋeri, yembuk mönö urujini kude jöhöba* öröröj kude malme. Malmal solanŋi aka malmal goŋgoŋi mi nanŋök nanŋök akzahot. Mi mindirim etkibingö osibin. Söŋaup aka asakŋi mi mohotŋe qahö akzahot. Qahö! ¹⁵ Kraist aka Katakömulat (Satan) yetkö mönö urumohot aka mohotŋe malbitkö osimahot. Miangöra urumelen ambazip kunŋan ahakmemeŋi urumelenŋö kopa ambazip kun yambuk mohotŋe mindiriba akitkö osimakŋahot. ¹⁶* Anutu nanŋak keuŋi kun kewö jii ahöza,

“Nöjön könagesöni yeŋgö urujine mala sutŋine anda kaba Kembuŋini ak enŋibiga yeŋön nöngö weleni qeba möpöseim niŋgiba malme.”

Keu miangö dop Anutugö Uŋanjan urujine maliga sileninan Anutu malmal köhöikŋi Toŋangö jikenŋi akza. Anutunöj nanŋi jöwöwöl jikenŋe tandö lopioŋ möpöseibingö soŋgo

* 6:5: Apo 16.23 * 6:14: Könjöj me mötöp (yoke) mi hos me bulkamau yahötkö imbinjire alget geiga kare me kinöŋ yuai örömakzahot. Mewö nanŋiri imbi-imbi akitkö osimakzahot. Mewö janjuŋ anbanbuk. * 6:16: Lew 26.12; Eze 37.27; 1 Kor 3.16; 6.19; Ais 52.11; 2 Sml 7.14; 1 Hist 17.13; Ais 43.6; Jer 31.9

ali ahöi osimakzin. Anutugö jikeñi aka asa jikeñi mi inanñök inanñök. Miangö dop neñon urumeleñgö kopa ambazip yembuk qekötahöbingö soñgo ali ahöi osimakzin.

¹⁷ Miangöra iñini mönö Kembunöñ keu kewö jiyöhanğö dop akñe,

“I mönö engömosöta yaigep kaba kambu nanñi kun malme.

Anğöjörakñinambuk ahakzei, mi mönö kude engöseigetka nöñon möt anğon köla köyan köl engiba malmam.

¹⁸ Nöñon mönö Iwiñini akiga iñini nöñgö nahönböraturupni aka malme. Kembu kukösum pakpakö Toñan mewö jiza.” Mewö.

7

¹ O wölböt alaurupni, Anutunöñ mönö köyan köl neñgimamğö keuñi mewö jöhöm neñgii ahöza. Miangöra yuai sile uñanini mem tölöhozawi, neñon mönö mi körek qeköbingöra Kraist köuluköinga amöt qem neñgima. Anutugö jitñi onğitpinbuköra mönö keñğötnini möta kapañ kölinga mem solanim neñgiiga sarakñi ak teköbin. Mewö.

Uruñini meleñgeranğöra Polnöñ uruölöwak mörök.

² Neñon kun qahö mem bölim wañgiinga ayuhuyök. Kun qahö geñmororoñ ak wañgiin. Miangöra eñon mönö uruñinangö nanğuni öröba nini urunöñ jöhöm neñgiba malme. ³ Tosatñan sutñine nup memba silenöñ alal keu mewö jiba jim neñgigetmö, nöñon keu mi engö keuñini jim teköba likepñi meleñ engimamğöra aka qahö jizal. Nöñon lök keu kewö jibi mötket: Neñon uruninangö nanğuni öröba iñini uruninan jöhöm engimakzin. Mewö aka ölop embuk öröröñ jöhöba kömumbin aka öröröñ mal köhöibin.

⁴ Engö uruyahöt qahö mötnaripni ketanji engiba maljal. Engö silenini mönö gwötpuk möpöseimakzal. Engöra aka urukölalepni ketanji miwikñaizalangöra kahasililij könañi könañi möta miangöreñ mönö töndup önöñi qahö söñgaizal.

Masedonia prowinsnöñ anda Taitusbuk aitongöit.

⁵ *Taitus jaruba malalangöra* jiali, keu mi toroqeba jimam. Masedonia prowinsnöñ kañgota miangöreñ mönö mewöyök uruluai miwikñaimamğö osial. Denike denike anali, miangöreñ mönö köñjilij könañi könañi miwikñaial. Anutugö bim qeba tosateñi yembuk anğururuk aka engöra waimanjat möta malal. ⁶ Mewö malalmö, Anutunöñ urueret ambazip nanğöm neñgimakzawi, yañon mönö Taitus kayöhi, miangön urukölalep ak niñgiyök.

⁷ Taitusnöñ kayöhi, miangönök qahöpmö, Korint eñon urukölalep ak wañgigetka yañon jii mötpiga Anutunöñ miangön mewöyök urukölalep ak niñgiyök. Engö kösohotñini kewö jiyök, “Eñon ni nekingö köpösöñgöba kinje. Wösöñini ölña möt niñgiba lömböt niñgigeranğö keuñi jiba nöñgö likepne nanğöba jibingö jöjörömakze.” Kösohot mi jii möta urusösöñgai keta bölökñi möral.

⁸ Nöñon uruñini Buña keunöñ kuñguba kimbi mi ohobi oyoñda nanñini möt bölim anğugeri, miangöra qahö möt bölim anğuzal. Mutuk möt bölim anğuyali, mi töndup nalö kewöñe kewögöra kunbuk söñgaizal: Kimbi keunan uruñini mem bölii wösöbirik aketmö, wösöbirik miangön mönö meleñda nalö töröptökñanök ahöba teköyök. Könañini mewö ehal.

⁹ Nalö kewöñe iñini möt bölim anğugeranğöra aka qahö söñgaizalmö, kewögöra söñgaizal: Iñini ahakmemeninanğöra aka möt bölim anğugetka gamu wösöbirikñinan bauköm engiiga uruñini kunbuk meleñda diñgiget. Mi Anutugö jitñanğö dop asuhuiga uruñinan mönö neñgöra aka qahö böliyökmö, ölña bauköm engial.

¹⁰ Siñgisöndökñinanğöra aka möt bölim anğuzin ewö, gamu wösöbirik miangön mönö bauköm neñgiiga urunini kunbuk meleñda diñgibin. Diñgibinanğöreñ Anutunöñ mönö neñguanğiri Suepnöñ öñgöbin. Miangöra kunñan uruñi meleñda miangöra qahö möt bölim anğuma. Gölme ambazip tosateñan siñgisöndökñinanğö wösöbirik mörakzemö,

* 7:5: 2 Kor 2.13 * 7:5: 2 Kor 2.13 miangöreñ Taitusgöra jiyök.

Anutunöŋ mi mosötmapkö qahö qesime ewö, yaŋön mönö likepŋi meley enŋiiga kömum köhöime.

¹¹ Eŋön Anutugö sihimŋaŋgö dop wösöbirik aketka gamu miaŋgö ölŋan uruŋine ahui letotkeri, mi kewöta ek welipköba kewö jime, “Nini gön mönahotnini mosöta urunini tokoba urukönöp qakŋe wahöta könanini sohosohöŋi kewöta mindiŋgöin. Ambazip siŋgisöndok akeri, miengöra uruninan wahöri sisit memba jim enŋiin. Anutugö jitŋi oŋgitpinbuköra auruba keŋgötnini möta Polnöŋ kaba uru meleyŋinaŋgö ölŋi ekŋapkö köpösöŋgöba malin. Urunini ahakmeme diŋdiŋi akingöra alin aka kunöŋ köna qiwitipköyöhi, mi mindiŋgöm waŋgibingö jöjöröba malin.” Mewö jigetka dop kölma. Nalö kewöŋe köna diŋdiŋi wuatanaŋgözei, mi kondel niŋgigetka ehal.

¹² Miaŋgöra kunŋan sutŋine böliyöhi, iyök mindiŋgöm waŋgimegöra aka kimbini qahö ohoyal me kun i mem bölim waŋgiyöhi, iyök bauköm enŋimegöra kimbi mi qahö ohoyal. Mi kewögöra ohoyal: Inini Anutugö jemesoholŋe nömbuk urumohot akingö kapay kölakzei, silik miaŋön mönö aukŋe asuhumapköra kimbi mi ohoyal.

¹³ Nani urukölalepni miyök qahö mötzalmö, Taitusgö uruŋan sutŋine ölöwahi ehinga miaŋön mewöyök uruni naŋgöi önöŋi qahö söŋgaimakzal. Eŋön körekŋanök Taitus körö-ölöwak qem waŋgigeranaŋgöra söŋgaimakzawi, söŋŋgai miaŋön mönö mewöyök naŋgöm köl niŋgii miaŋgöra önöŋi qahö söŋgaizal. ¹⁴ Nöŋön silikŋinaŋgöra sileŋini Taitusgö jeŋe möpöseiba malali, eŋön miaŋgöra gamu qahö niŋgiget. Nöŋön enŋö sutŋine mala keu pakpak jibi mötkeri, mi ölŋanök jial. Miaŋgö dop enŋö keuŋini Taitusgö jeŋe jim möpöseiba malali, keu miaŋön mönö mewöŋanök könaŋini mindiŋgögetka ölŋi ahök.

¹⁵ Inini körek pakpak mönö nöŋgö keuni tem köla Taitusnöŋ kaiga sömbuŋinambuk möta jönömŋini undui köl öröm waŋgiget. Taitusnöŋ silikŋini mi mötmöriba keu jiiga uru ölöwakŋan enŋöra aka qariiga köhöiba möpöseim enŋimakza. ¹⁶ Nöŋön ahakmemerŋini pakpak mötmöriba miaŋgöreŋ mönö ölöp enŋöra aka ewebibinambuk möt köhöiba saitŋigit malmam. Miaŋgöra söŋgaimakzal. Mewö.

8

Urumeleŋ alaurup naŋgöm enŋibingö keuŋi

¹ *O urumeley alaurupni, Anutunöŋ kalem möriamŋi urumeley könagesöŋi könagesöŋi miaŋgöreŋ neŋgii ölŋan mönö Masedonia prowins uruŋe ölöpŋanök asuhuyök. Nöŋön inini miaŋgöra gukmaulem malbepüköra möta kösohotŋi kewö jimam: ² Yeŋön kahasililiŋ miwikŋaiba mötketka lömbötŋambuk esapköm enŋiiga wanapŋi kötökŋi maljemö, mi töndup önöŋi qahö söŋgaigeranaŋgöra aka urumeley alaurup naŋgöm enŋibingöra moneŋ naluk keta bölöŋŋi alget.

³ Yeŋgö könaŋini kewö naŋgöba jimam: Kunŋan qahö kuŋgum enŋii nanŋini sihimŋinan töndup ahuiga amqeba ösumŋinaŋgö dop nalukŋini alget aka mi tok oŋgita enŋiget. ⁴ Yeŋön mönö kapay köla gwötpuk kuŋgum neŋgiba kewö uleta jiget, “Nini tok Judia prowinsgö ambazip sarakŋi bauköm enŋibingö mötzin. Miaŋgöra Pol, gi ölöp Oŋ! jinöŋga mönö simbawoŋ möta nup miaŋgö bahöŋi amqeba membin.”

⁵ Mewö jiget jibiga naluk almegö mambörali, miaŋgö dowök qahöpmö, mi oŋgita kewö aket: Yeŋön mutuk naŋgönaŋgö Kembangö jeŋe dop köljawi, mi akingöra uruŋini jöhöget aka miaŋgö andöŋe Anutugö jitŋi tem kölbingö möta nanŋini malmalŋini mi mewöyök neŋgö börönine alget. ⁶ Miaŋgöra Taitus kewö jim kutum waŋgial, “Gi mönö naŋgönaŋgö nup mi lök könahiba menöŋ. Miaŋgöra mi mönö toroqeba Korint könagesö bauköm enŋinöŋga urukalemŋini kondela moneŋ naluk ketaŋi mi kunbuk toroqeba algetka sutŋine teköma.”

⁷ Urugö yuai könaŋi könaŋi mi keleymaleley buŋa qem aŋguba kewö aka malje: Ölöpŋanök Kraist möt nariba Buŋa keu ölŋi jim soroköba Anutugö sihimŋi möt kutuba tosatŋi naŋgöm enŋibingö pöndaŋ köpösöŋgömakze. Eŋön mönö tosatŋi enŋoŋgita

* 8:1: Rom 15.26; Eks 16.18

ölöpñanök jöpaköm nengiba qetpuk akze. Miangö dop nangönanğö nup ki mewöyök mönö ölöp mem soroköba tosatñi engongitketka qetpuk akja.

⁸ Mewö jiba moneñ almegöra qahö jim kutum engizal. Mi qahöpmö, urukalemñini geñmonambuk akza me qahöwi, mönö mi esapesapnöh ala könañini mötmangö mötzal. Könagesö tosatñan gönmönahot mosöta nangönanğö nupñini öl töhöñña memba zeñ kinjei, keu mi jiba miangön injini esapköm engizal.

⁹ Naluk dawik almegöra kewötmei, miangöreñ mönö Kembunini Jisös Kraistkö könañangö tandökñi mötmörime. Injini yangö kalem möriamñi ketañi mi kewö mötze: Yangön Suepkö öröyuai pakpakö Toni öngöngöñi ahökmö, töndup injini oyaenköyaenğö pomñi akñegöra aka gölmenöh eta etqegeñi aka malmalñi tököba mosörök.

¹⁰ Moneñ almegöra qahö jim kutum engizalmö, Jisösnöh söpsöp alöhi, miangö dop qambañi miyök engizal. Enön yambu emune lök nangönanğögö mutukñi aka miangö nupñi kapañ köla meget aka mi toroqeba membingö sihimñi köhöikñi mötket. ¹¹ Nalö kewöñe nupñini mi mönö mem teköme. Mutuk nangönanğö nup membingö kapañ köla awöweñgögeri, miangö dop mi mönö toroqeba mem teköme. Yuai ahöm engizawangö dop mönö nalukñini gwötpuk alme. ¹² Miangö könañi kewö: Naluk albingö sihimñinan ahuba ahöza ewö, mönö yuai ahöm engizawangö dop algetka Anutunöh möt angön köli dop kölja. Yuai qahö ahöm engizawangö dop mönö qahö kewöta jim engimakza.

¹³ Naluk ketañi algetka alaurup yeñgö malmalñinan amqeiga nanñini qakñine lömböt öngömapköra qahö mötzinmö, alaurup osiba mözöröñgözei, yembuk mendenđa öröröh malbingöra mötzin.

¹⁴ Miangöra nalö kewöñe yuai kelenmaleleñ ahöm engiiga tosatñan malmalñinangö yuaigöra osizei, injini mönö mi bauköm engigetka dopñe akja. Mewö aka nanñini könañep yuaigö osigetka yeñgö öröyuañinan kelenmaleleñ ahömawi, nalö miangöreñ mönö i kun bauköm engime. Mewö ak anğugetka alabauk silikñinan öröröh akja. ¹⁵ Mi Buña keu ki ohoget ahözawangö dop akja, “Gwötpuk mem tokoba malgerañön nanñini dop negetka numbu surukñini qahö ahöiga boromborom mem tokoba malgerañön nene yuaigöra qahö osiget.” Mewö.

Neñakurup karöbut melaim engiinga kaba bauköm engime.

¹⁶ Anutunöh Taitusgö uruñi sölölohöiga engöra ni ewö waimanjat möta bauköm engimangö kapañ köla malja. Miangöra “Anutu saiwap!” jizal. ¹⁷ Nöhön Taitus engöreñ kamapkö qesiba uruñi kuñgubiga imbiñi meleñnök. Miyök qahöpmö, nanñak injini bauköm engimangö möta köpösöngöba nanñi sihimñangö dop nengömosöta Korint engöreñ kamangö jiyök. ¹⁸ Neñön urumeleñ alanini kun melaininga yambuk kamahot. Kiangöreñ Ölöwak Buña jim sehimakzawangöra i mönö urumeleñ könañesö dop möpöseim wangimakze.

¹⁹ Yangö keuñi toroqeba kewö jimam: Masedonia urumeleñ könañesö yeñön mönö i möwölöhögetka nangönanğö nalukñi mi memba nembuk mohotñe köna anbin. Neñön Kembu nanñangö qetbuñañan sehimapköra möta naluk ketañi mi ölöp galöm köla Judia prowinsnöh anda engibin. Alabauk engibingö urukalemñini mewö aukñe kondeljin.

²⁰ Mewö aka nangönanğö naluk ketañi mi tilipqilip asuhui sohobapüköra ölöp galöm köl soroköbin. Kunñan siliknini miangöra jim nengibapükö möta kapañ köla kinjin.

²¹ *Keu miangö könañi kewö: Neñön silik Kembugö jeñe diñdiñi akzawi, mi qötöñgat-pinbukö galöm mem anğumakzin. Miyök qahöpmö, silik ambazip jeñine dop köljawi, mi mewöyök akingö möta kapañ köljin.

²² Yetpuk urumeleñ alanini kun mi mewöyök melaininga kama. I nalö gwötpuk esapköm wangiba tandökñi kewö ehin: Yangön mönö nalöñi nalöñi Kembugö nupñi memangö köñöpkönöp ahakza. Nalö kewöñe injini tosatñi alabauk engibingö mötzei, mewö möt narim engizawangöra mönö engöreñ kaba bauköm engimangö möta urukönöp ketañi ahakza.

* 8:21: Qam 3.4

²³ Nöñön Taitus kewögöra möwölöhöyal: Yañön nöñgö alabaukni aka nup meme neñakni akza. Urumeleñ könagesöñi könagesöñi yeñön alayahötnini yahöt mi möwölöhöm etkigetka jitñememeñini akzahot. Kraistkö qetbuñan mönö yetköra aka qarimakza. ²⁴ Mianğöra azi karöbut mi kamei, i mönö urukalem ak engiba könaniñi mewö kondelgetka ekñe. Mewö akñe ewö, neñön silikñinağöra sileñini möpöseiniñi, keu mianğö öñan mönö aukñe asuhuiga eketka urumeleñ könagesö gwötpuk yeñön mötme. Mewö.

9

Mönö urumeleñ alaurupñini bauköm engime.

¹ Anutugö ambazip sarakñi alabauk moneñ engimegöra ohomamgö mötzalmö, iñini keu mi lök möta mianğöra qahö osize. ² Iñini alabauk akingö sihimñinan ahui mötze. Nöñön mi möta engö sileñini mi mianğöra Masedonia urumeleñ ambazip yeñgö jeñine möpöseiba kewö jial, “Korint aka Akaia urumeleñ alaurup tosatñan mönö yambu emuneyök könahiba Judia alabauk ak engibingö jöjöröba malje.” Mewö jibiga engö urukönöpñinağöra mötketka keu mianğön mönö kuñgum engiyök. Mianğöra könagesö öñi yeñgö uruñinan mönö amqeba alabauk akingö urukönöp aket.

³ Engö sihimñinan ahui mötzemö, töndup neñakurupni karöbut ki melaim engizal. “Korint yeñön mönö moneñ tokobingöra jöjöröba malje,” mewö jial aka keu mianğöra engö sileñini möpöseial. Keu mianğön omañi aiga gwötpukñan ekepukmö, keuñinağö dop moneñ öñna algetka kahaimök tari körekñan mewö engekñegöra mötzal.

⁴ Keu mianğön omañi aiga moneñinan qahö kahaimök tari öne malgetka Masedonia neñakurup tosatñan nömbuk kaba mewö miwikñaim engibeak ewö, nöñön mönö engöra aka gamu miwikñabileñbuk. Tem kölmegö möt narim engiba malbiga öñi qahö asuhubawak ewö, iñini mönö mewöñanök keuñini omañinağöra aka gamu miwikñabileñbuk.

⁵ Mianğöra urumeleñ alaurupñini karöbut mi uru kuñgum engimamgö mötppi dop köli kewö jial, “Iñini mönö qeljiñe Korint yeñgöreñ anda nañgönağö naluk ketañi almegö keu jöhögeri, areñ mi wuatanağöba al tekömegöra mönö kuñgum engime. Mewö aketka alabauk nalukñini mi kik-kukñambuk ekbonep qakñe qahöpmö, mönö sakalakñi aka amqeba gwötpuk alme. Mi mindirigetka zioz köwenöñ kahaimök tari kabiga ölop membin.” Mewö jial.

Kötñi mönö amqeba gwötpuk qesiñda gilme.

⁶ Keu ki mönö mötmöröba malme: Nene kötñi awamñanök qesiñda giljawañön mönö öñi mewöyök awamñanök mema. Nene kötñi gwötpuk qesiñda giljawañön mönö öñi mewöyök gwötpuk mema. Mianğöra gwötpuk algetka Anutunöñ salupñe gwötpuk engima. ⁷ Iñini nanñök nanñök nalukñini mönö uruñinan jöhögerağö dop alakñe. Sösöñgainöñ amqeba mözöközöröñ ambazip kalem engizei, Anutunöñ mönö i jöpaköm engimakza. Mianğöra nalukñini kunñan kuñgum engizawañgöra aka uruyahöt qakñe kude alme. Mi kik-kukñinambuk kude alme.

⁸ Uruawam qakñe kötönñini gwötpuk algetka Anutunöñ mönö köhöiba kalem möri-amñi pakpak mem sehim engimakña. Mewö engiiga malmal pakpak mianğöreñ yuaigöra osime, mi pakpak mönö nalö dop buña qem anğugetka dop köl engimakña. Mewö aiga nup ölopñi könaniñi mi ölop megetka öñi keleñmaleleñ asuhuma. ⁹ *Ekbonep mosöta naluk ketañi ketañi alakzei, mi Buña Kimbi keu ki ohoget ahözawañgö dop akze, “Yañön amqeba kalemñi kalemñi mendeñda ambazip wanapñi engimakza. Ahakmemeni diñdiñi kik-kukñi qahö mianğön mönö nalö teteköñi qahö Anutugö jeñe ahöm öñgöma.”

¹⁰ *Anutunöñ qesiñ gilgil azigöra nene kötñi wañgiiga nene asuhui nemakzini, yañön mönö nenegö mözöközöröñ ahakñei, mi mewöyök engimakña. Mi engii uruñinan

* 9:9: Sum 112.9 * 9:10: Ais 55.10

lolohoiga ölop amqeba keu kötni qesiñ sehiba gilgetka ahakmeme solanñangö ölni asuhui Anutunöñ mi mem qarri sehimakña. ¹¹ Mewö aketka Anutunöñ mönö malmal pakpak miangörej sehiba kötuetköm enjiiga ölöwahakñe. Mewö ölop amqeba ambazip nalö dop geñmoñi qahö kalem gwötpuk engimakñe. Mewö aketka mi memba (Jerusalem anda) enjiinga ambazip gwötpukñan kötönñinangöra aka Anutu möpöseigetka ölni engörej asuhumakña.

¹² Nanğonangö nup ki memakñei, mianñon mönö Anutugö ambazip sarakñan yuaigöra mözöközörön aketka bauköm engimakña. Miyök qahöpmö, miangöra “Anutu saiwap!” keu mi gwötpuk jimegöra aka ölni engörej asuhumakña.

¹³ Miangö könani kewö: Nanğonangö nup ki memba mewö mianñon mötnaripñinangö könani kondelgetka ambazip gwötpukñan mi eka Anutu tem kölmeangöra möpöseim wangiba kewö jime, “Korint yeñon mönö Kraistkö Ölöwak Buñarñi keunöhök qahö jim miwikñaizemö, Polgö keuñi geñmoñi qahö tem köla amqeba sakalakñi aka neñgöra aka tosatñi pakpak yeñgöra kalem jesöngö engimakze.”

¹⁴ Mewö jiba engöra köuluköba miangörej waikñini gwötpuk mem engiba kewö jime, “Ia! Anutunöñ mönö kalem möriamñi keleşmaleleş Korint enjiiga urukalemñinangö ölni gwötpuk neñgiget.” Mewö jigetka Anutugö kalemñan aukñe asuhuma. ¹⁵ O nini Anutu kalemñangöra aka möpöseimakin. Yanğö kalemñi Jisös Kraistnöñ mönö qetpuk sorok akza. Nanğonangö almeangö keuñi mi mewö kaba teköza.

10

Polgö nupköra keu jigetka likepñi meleşnök.

¹ Tosatñan engö sutñine nöngöra kewö jimakze: Mesohol köl anguba köhöikñi tandök qahö akzapmö, kungen anda miangörej mönö keu köhöikñanök jim neñgimakza. Mewö jimakzemö, Kraistnöñ ak kömumba guñböñjönjön niñgimakzawi, nöñon mönö miangö qakñe nanak uruñini kewögöra kuñgumam:

² Tosatñi mienñon neñgöra kewö tandök mötmöriba jimakze, “Pol aka yanğö neñakurupñi yeñon gölmegö ahakmeme tandök wuatangöba nanñinangöra mötmöriba ahakze.” Nöñon engörej kaba keu mewö jimakzei, i mönö tembul engiba awösamkakak kinda jim engimangö mötzalmö, töndup uruñini köhöikñi kötökñi kuñguba jim engimangö töközal. Miangöra iñini ambazip nöngöra keu mewö jimakzei, i mönö zilanj andö engume. Keuñini mewö mindiñgögetka engeki urunan mönö luai qei sutñine kaba böñjön malmam.

³ Ölna, ahakmemeni gölmenöñ ahakzalmö, mi töndup nanangöra aka gölmegö ahakmeme bölöñangö dop bim qahö qemakzal. Mewö qahöpmö, Anutugö suahö galöm aka kerökurupñi kiripo kuñgum engiba miangörej areñ sarakñi wuatangöba bim qemakzal.

⁴ Gölmegö ambazip uruñini walñangö dop bimgö yuaiñi pakpak miambuk bim qemakzin. Yarö azi yeñon jakömbuak ain selñi selñi eriba köndengetka erakzemö, Anutunöñ timbi saiwañi kukñinambuk neñgii inahöm neñgigetka mianñon mönö kerök yeñgö keu areñini pöwöwöm köhöikñi kuñguba qeapköinga erakze.

⁵ Urumeleñgö kopa yeñon Anutugö könani möt kutubepuköra aka nanñini sileñini memba öngöba mötmötñini közamböta liklak ahakzemö, neñon yeñgö kiripo areñini gongorñi pakpak mi qeapköba köndenñinga erakze. Ambazipnöñ keu mötmötñini bölöñi meraköba jöhömegöra köna kondel enjiinga ölop keuñini pakpak Kraist tem köl wangimakingö dop mötmörimakñe.

⁶ Mewö mötmöriba Korint iñini mutuk Kraistkö keu pakpak tem köla aposol nupni nanğömegöra mambötzin. Iñini uruñini mewö kunbuk meleşgetkun nini mönö qegetal ambazip yeñgö keuñini pakpak kewöta jim teköba likepñi meleş engibingö jöjöröba maljin. Mewö.

⁷ Iñini yuai pakpak mönö silegörök kude eka kewötme. Sutñine ahakmeme sohomakzawi, miangö könani ölni mönö mötmörime. Tosatñan sutñine ni memba et ala nanñini Kraistkö jitñememurupñi akzeangöra uruyahöt qahö aka möt köhöize ewö,

yeñön mönö toroqeba nöngöra mewöyök kewö mötmörime: Yeñön Kraistkö buñaji akzei, nöñön mönö mewöyök Kraistkö buñaya akzal.

⁸ Kembunöñ kewögöra kukösum niñgiyök: Inini mem et al enjgimangöra qahöpmö, mönö uruñini möhamgöbi köhöimegöra aka maljal. Miangöra kukösum miangöra aiweliköba koñaen ewö sileni memba öngöba terereibileñak ewö, mi töndup mönö gamu kun qahö miwikñaibileñak. ⁹ Kimbiñi kimbiñi ohoba albi oyoñda kukösumni mötketka keñgöt mötmöt mem enjgibileñbuk. Miangöra keu mi nalö kewöñe qahö toroqeba jimam. Mewö.

¹⁰ Tosatñan keu kewö jimakze: Polnöñ kimbiñi miangöreñ mönö keu lömbötñambuk ohoba urunini ölna kuñgumakzapmö, sutnine kini ehinga azi löwötñi akza aka keuñi jii möringa qetpuk qahö akza. ¹¹ Nöñön keu miangö likepñi kewö jimam: Keuñini omañi mönö mosöta nöngö könanangöra kewö mötmörime: Ni kungen anda kimbinöñ keuni köhöikñi ohomakzali, miangö dop mönö sutñine mala mewöyök köhöikñanök mindiñgöm enjgimam.

¹² Timbiqimibilim mienöñ nanñini jim ölöwak ak anjgumakzemö, ölna ni nonjita aposol qetpuk akeak ewö, nöñön mönö gamuni mötpileñak. Mewö aiga nani aka enjgö silikñini likeplikep ala kewötmangö qötötangöba kölköldömdöm akileñakmö, yeñön mönö mötmötñini töröpñi wuatangöba nanñini imbiñinañgö dop uruñini dop ala kewörakze. Ahakmemenini mewö lañ kewöta “Pol onjgitzin,” jiba uruölöwak mörakze. Keu omañi mewö jiba uruqahö akze. Anutugö dopnöñ kewöt niñgigetka ölop enjgonjita maljal.

¹³ Anutunöñ nup memegö jaböñi al niñgiyöhi, mi qahö onjgita sileni gwötñuk möpöseimangöra qahö mötzal. Anutunöñ nup meme areñni al niñgii memakzali, miangö dop mönö enjgö sutñine mewöyök nup memakzal aka miangö ölnangörök mönö sileni möpöseimakzal.

¹⁴ Tosatñan keu kewö jim sohomakze, “Polnöñ Korint sutñine nup meyöhangöra sileni möpöseiga qahö dop kölna. Anutunöñ gölme mesiñda nup memapkö jabö al wañgiyöhi, Polnöñ mi onjgita lañlañ walöñmakza.” Yeñön mutuhök nup sutñine qahö megetmö, töndup ni mem et al niñgiba nanñini sileñini keunöhök jiba möpöseimakze. Nöñön Kraistkö Ölöwak Buña jim sehiba anda mala mutuk Korint enjgöreñ kaba urugö nup meal. Mutuk qahö kabileñak ewö, timbiqimibilim böhi mienöñ nöngö keuni mewö jigetka dop köli nöñön nani könanangö könañi jiba jim sohobileñak.

¹⁵ Anutunöñ gölme mesiñda nup memegö jabö al enjgiyöhi, yeñön selñini mi walöñda enjgö sutñine kaba urugö nup memakze. Nanak selni qahö walöñda tosatñi yeñgö sutñine nup mealangöra sileni qahö möpöseimakzal. Böhi tosatñan urugö nup memba malgeri, miangöra mewöyök sileni qahö möpöseimakzal. Enjgö sutñine mutuk nup mealangöra mewö akiga ölop dop kölna. Anutugö areñi wuatangöba sutñine nup memba malinga mötnaripñinan toroqeba qariiga nangöm neñgimegöra mamböta jörömqöröm akzal.

¹⁶ Nangöm neñgigetka ölop gölmeñi gölmeñi Korint likepñine Not göröken ahözei, mönö enduyangöreñ mewöyök anda Ölöwak Buña jim asaribin. Nupñinan mewö qariiga andöqeçe keuñinan teköma. Anutunöñ tosatñi yeñgö nup meme jaböñini al enjgii megetka ölni lök asuhuyöhi, miangöra nani sileni möpöseimangöra qahö mötzal.

¹⁷ *Mewö qahöpmö, Buña keu kiangö dop akñamgö mötzal, “Kunñan sileñi möpöseimangö mötzawi, yañön mönö Kembugö nupkö ölnangöra aka sileñi möpöseii dop kölna.” ¹⁸ Keu miangö könañi kewö: Nanñini jim ölöwak ak anjgumakzeañön mönö Anutugö jeñe qahö dop köljemö, Kembunöñ niñia jim ölöwak ak wañgimawi, yañön mönö esapesapñön köhöiba kinma. Mewö.

11

Aposol takapulakani yeñön tilipköm enjgibepuk.

* 10:17: Jer 9.24

¹ Nöñön borom kun uruqahö keu qakñe silememe aki miangöra mönö kude möt lömbörime. Mi töndup ni kude andö nunguze, mötzal. ² Nöñön injini azi mohot Kraist yangö buñañi aketka ambi seram jömukñi sarakñi ewö engibiga yanjönök engömemapkö keuñi jiba jöhöyal. Miangöra Anutunöñ uruñan engöra aka mututqutut mörakzawi, nöñön mönö miangö dop tosatñan kelök keunöñ jiba engömeget bölibepuköra waiman-jat mörakzal.

³ *Kewögöra waiman-jat mörakzal: Mokoleññöñ isimkakalek aiga Iwnöñ (Ewanöñ) bölüyöhi, miangö dop timbiqimibilim yeññön mewö me mewö jiba tilipköba engömegetka uruñinan tölöhoiga janjuñ akepek.

⁴ Miangö könañi kewö: Tosatñan kaba Jisös jim asariini, mi qahöpmö, Jisös murutñi kungö könañi jim sehiba malgetka yeññöra qahö mötket lömböriza. Uña Töröñi buña qem angugeri, mi qahöpmö, öme kunöñ tosatñi engö uruñine gei lolonqalon mala miangöra töndup köñjiliñ qahö mötze. Ölöwak Buña möt angön kölgeri, mi qahöpmö, keu tandökñi kun qetñanök Ölöwak Buña qeta lañ jigetka tosatñan mi awamñanök möt angön kölakze. Mewö asuhumakzawangöra mönö töndup waiman-jat kun qahö akze.

⁵ Miangöra waiman-jat mörakzalmö, ahakmemeni mewö me mewö kewötketka etqe-qeñi qahö akzal. Tosatñan aposol qet memba timbiqimibilim lañ ahakzei, nöñön mönö yeññö nembö bapñine qahöpmahöp maljal. ⁶ Keu niñgizei, miangö likepñi kewö jizal: Keu ölop sorokñi jijigö tandökñi mi ölop qahö mötzalmö, Buña keugö könañi mönö möt soroközal. Mi mönö nalö dop pöndañ aukñe indelbiga möt yaköze.

⁷ Injini mem wahöt engimamgö möta nani mem et al anguba malmalni nangömamgöra nup memba malal. Miangöra Anutugö Ölöwak Buña mi engöra söngöröñi qahö jim asarim engiba malal. Mewö aka malalangöra tosatñan nöñgöra uruqahö keu kewö jimakze, “Polnöñ mönö köna ongita siñgisöndok ahakza.” ⁸ Urumeleñ könañesö tosatñe nup qahö membiga töndup nalukñini öne niñgigetka membi nangöm niñgiiga injini welen qem engiba malal. Tosatñan miangöra kewö jimakze, “Polnöñ yongorö nene silik tandök ak engiba malja. Miangöra aposol qahö akzapmö, nanñi nupña memakza.” Nöñgöra mewö jiba jim sohomakze.

⁹ *Embuk mala yuaigöra osiba mözöröñgöba miangöreñ mönö engöreñök kun qahö kunguba mem lömböriba nene yuaiñi qahö memba malal. Mewö qahöpmö, urumeleñ alaurup Masedonia prowinsnöñök kaba yuaigöra osiali, mi ek asariba moneñ niñgigetka dop kölök. Ahakmemeni pakpak miangöreñ mem lömbörim engibileñbuköra möta galöm mem anguba malal aka mewö toroqeba malmam.

¹⁰ Mem lömbörim engibileñbukö keuni miangöra mönö nani sileni memba öngöba maljal. Kunñan keuni mi Akaia prowinsñinangö gölmeñi gölmeñi pakpak miangöreñ qeapkömamgö osima. Kraistkö keu ölnan mönö nam köl niñgiiga keu mewö jöhöba jiba kinjal. ¹¹ Mi wuanöñgöra? Mi injini qahö jöpaköm engibileñak, miangöra me? Mönö ölna jöpaköm engimakzali, mi Anutunöñ mötza.

¹² Aposol sesekñai ewö ahakzei, yeññön nembuk “Öröröñ akingö nup tandök miyöhök memakzin,” mewö jibingö mötze. Miangöra kewö kungum engimakze, “Polgö tandök ewö nup memakzinangöra mönö Pol ewö nangöm nengime.” Nupñinangöra sileñini möpöseibingö möta miangö könañi jarumakzemö, mi ölop qahö miwikñaima. Nöñön i ewö qahö akzal. Miangöra mem lömbörim engibileñbuköra mönö nani galöm mem anguba maljal aka toroqeba mewö malmam.

¹³ Yeññön aposol ölni qahöpmö, mönö aposol takapulakañi aka nup meme ambazip isimkakalekñinambuk akze. Kraistkö aposol nengö tandök kondel anguba nup lañ memakze. ¹⁴ Satanöñ nanñak asakñangö garata tandök ewö kondel anguba nup lañ memakza. Miangöra timbiqimibilim mienñön mewö akerangöra qahö welipkömakin.

¹⁵ Miangöra Satangö welenqege ambazipurup mienñön ambazip welenñini qebingö tandöktandök aka Köna keu wuatangöba mewö miangön solanñi akñegöra jim sohoba

* 11:3: Jen 3.1-5, 13 * 11:9: Fil 4.15-18

kondel anjumakze. Mewö nup laŋ memakzeangöra mönö qahö auruba welipkömakzin. Silememe mewö ahakzemö, nalö teteköŋe Anutunöŋ mönö likepŋi ahakmemenjanŋö dop meleŋ engima. Mewö.

Polnöŋ aposol nup memba sihimbölä gwötpuk mörök.

¹⁶ Keuni kunbuk kewö jimam: Engöreŋök tosatŋan nöŋön uruqahö maljal, mewö mötmöribeak. Mewö mötmöribeak ewö, ni mönö uruqahö azigö tandök köl öröm niŋgime. Mewö aketka öläp i ewö nani sileni memba öŋgöba sutŋine malmam.

¹⁷ Awösamkakak ketanŋi möta sileni memba öŋgöba keuni jizali, mi Kembugö mötmöt sihimjanŋö dop qahöpmö, mi uruqahö azigö tandök ewö jizal.

¹⁸ Ambazip gwötpukŋan sutŋine gölmegö ahakmeme bölöŋi wuatangöba sileŋini memba öŋgömakzei, miangöra nöŋön mönö mewöŋanök aka keuni miangö dop jizal.

¹⁹ Nanŋinak “Mötmöt ambazip öŋgöŋgöŋi akzin,” jizeangöra mönö uruqahö ambazip yeŋgöra mötketka qahö lömbörimakza.

²⁰ Inŋini öl közömŋa kewö akze: Ambazip kewöŋi yeŋgöra mötketka uruŋinan qahö lömbörimakza: Kunŋan engömembra jöhöiga welenqeŋeurupŋi etqeŋeŋi akze. Kunŋan tutuhum engiba neneŋini nem tekömakza. Kunŋan jim kelök ak engiiga buŋaŋi akze. Kunŋan nanŋi sileni memba öŋgöba keu töhöreŋ jiba nuŋgulumŋini qekötahömakza.

²¹ I ewö öröm ureim ak engimangöra mönö lölöwöröŋi aka malal. Ösöŋ ak engialangöra “Keŋgöt moröya akza,” jiba nöŋgöra mewö mötmörize me qahö? Keu mewö jiba miangön öläp gamu qem niŋgimeangö dop akzal me? Keu jimami, mi mönö uruqahö azigö dop jimam. Timbiqim bilim yeŋön nup memakzeangöra sileŋini memba öŋgömegöra gamuŋini qahö mötze ewö, nöŋön mönö mewöyök nupnanŋgöra aka sileni memba öŋgömangö möt köhöimakzal.

²² Yeŋön keu kewö jiba sileŋini memba öŋgömakze, “Nini Juda ambazip aka Hibru keu jimakzin.” Mewö jimakzemö, nia kun mewöyök akzal. “Israel ambazip akzin,” jimakzemö, nia kun mewöyök akzal. “Abrahamgö isi amböurupŋi akzin,” jimakzemö, nia kun mewöyök akzal.

²³ *Keu kun mi uruqahö azigö keu tandök ewö jimam, “Yeŋön Kraistkö nupŋi memakzin,” jimakzemö, nöŋön mi mönö i luhut ala engongita memakzal. Nöŋön mönö ambazip mi engongita nup köhöiba memba malal. Kraistkö nupköra aka kösö mire al niŋgigetka miangöreŋ i engongita nalö gwötpuk taral. Ihilek wahiŋambuknöŋ mönö könöpuk könöpuk nuŋguba malget. Nalöŋi nalöŋi lömböt miwikŋaiba kömumangö dop aka malal.

²⁴ *Juda jike galöm tosatŋan jigetka arawambu kömbinöŋ nuŋgugetka areŋi 39 aiga sihimbölöŋi möta malal. Mewö ak niŋgigetka indimŋi 5 ahök. ²⁵ *Rom gawman yeŋön jigetka ihilek wölkiznöŋ nuŋgugetka indimŋi karöbut ahök. Sömaŋi mohot kötnöŋ nuŋgugetka kömumangöra ahal. Waŋge ketaje malbiga köwet töromnöŋ kuŋguba qaköba jömgöiga indimŋi karöbut ahök. Nalö kunöŋ waŋge jömgöiga köwetnöŋ geba silimŋi mohot aka suŋgemŋi kun köwet qakŋe laŋ malal.

²⁶ *Nalöŋi nalöŋi köna anda kaba malal. O töwatŋi töwatŋi (göwöŋi göwöŋi) kutuba miangöreŋ lömböt miwikŋaiba ayuhumangö dop aka malal. Kegwek-kahasiliŋ ambazip yeŋgöra aka kömumangö keŋgötni möta malal. Juda könagesöurupŋi yeŋgöra aka lömböt miwikŋaiba ayuhumangö dop aka malal. Kian kantri yeŋgöra aka lömböt miwikŋaiba ayuhumangö dop aka malal. Taonŋi taonŋi miangöreŋ lömböt miwikŋaiba ayuhumangö dop aka malal. Arökŋangö miriŋi miriŋi miangöreŋ lömböt miwikŋaiba ayuhumangö dop aka malal. Köwet kutuba anda miangöreŋ lömböt miwikŋaiba ayuhumangö dop aka malal. Alaurup takapulakanŋi yeŋön nuŋguget kömumbilenŋbuköra wösöni kot gwözöŋniga malal.

* 11:23: Apo 16.23 * 11:24: Dut 25.3 * 11:25: Apo 16.22; 14.19 * 11:26: Apo 9.23; 14.15

²⁷ Malmalni nanngömamgöra nup köhöiba memba malal. Gaun guli gwötpuk malal. Nup gwötpuk mealaŋgöra nenegö nalöni qahö ahöiga nenegö kömumba ogö kömumba malal. Nene qahöwahiga nalö gwötpuk bödi aka malal. Opo malukugöra osiba sanŋenŋi möta malal. ²⁸ Miyök pakpak qahöpmö, toroqeba kewö möta malal: Urumeleŋ könagesöŋi könagesöŋi pakpak yeŋön waimanjatŋini jigetka urunan mönö nalö dop möt lömbörriba malal.

²⁹ Mötnariŋ alaurup denike yeŋön sörauba löwörize ewö, nöŋön mönö mewöŋanök i uru al enŋizal. Kunŋan kölgorom aliga urumeleŋ alanan siŋgisöndok akzawi, siŋgisöndok mianggö könöpŋan mönö nöŋgö uruni mewöyök nohoiga tembulakzal.

³⁰ Silememe keuyök mönö mötŋingö ak enŋiza. Mianggöra sileni memba öŋgömamanggö dop akileŋak ewö, ni memba et al niŋgigetka ösumeret tandök akzali mönö mianggöra aka sileni memba öŋgömakzal. ³¹ Kembu Jisösgö Iwi Anutuŋi nalö dop möpöseininga teteköŋi qahö aködamunŋambuk mal öŋgömawi, yaŋön mönö nöŋgö könanaŋmi möri muney keu qahöpmö, keu öŋi mi jizal.

³² *Damaskus sitinöŋ malbiga kiŋ Aretasgö kiapŋan mönö buldömin aziurupŋan nönimba jöhöm niŋgimegö jim kutum enŋiiga Damaskus ambazip yeŋgö siti sel nanŋuŋe mönimba ölöŋ köla anbileŋbuköra galöm memba kinget. ³³ Mewö kingetmö, alaurupŋan nömemba sakapnöŋ al niŋgiba kösönöŋ jöhöba siti sel jengenayeyök ösöŋösöŋ algetka gölmenöŋ eta köla böröneyök ölöŋ köla kayal. Mewö.

12

Polnön jemeleŋ imut eka indelindel keu mörök.

¹ Enŋö silememe alaurupŋinan jemelenŋö keuŋi keuŋi jimakzei, mianggöra nöŋön mewöyök sileni möpöseiba jemelenŋö keuni jimam. Keu mi ölöŋ qahö bauköm enŋimapmö, töndup keu toroqeba jemeleŋ imutŋi imutŋi eki Kembunöŋ keuŋini indeli mörali, mianggö kösohotŋi jimam. ² Azi kun möt waŋgibi Kraistpuk qekötahöba malja. Uŋa Töröŋan i waŋgiriga gölmegö kousu luhut jaböŋi onŋgita öŋgöba seŋgelau jaböŋi onŋgita öŋgöba Anutu nanŋaŋgö Suep miri uruŋe eu öŋgöyök. Nalö mianggöreŋök yambu 14 lök teköi maljin. Silebuk me sileŋi qahö uŋaŋanök öŋgöyöhi, mi qahö mötzal. Anutunöŋ mi mötza.

³⁻⁴ Uŋa Töröŋan azi mi waŋgiri Anutugö oyaenŋkoyaen miriŋe öŋgöi keu qainŋi kun jigetka mörök. Gölime azi nöŋön keu mi jimamgö soŋgo ahöza aka keu mi gölme ambazip nenŋö keuninan jibinaŋgö dop qahö. Silebuk me sileŋi qahö öŋgöyöhi, mi Anutunöŋ mötza. Nöŋön mi qahö mötzalmö, yaŋgö kösohotŋi mötzal.

⁵ Nöŋön azi yaŋgöreŋ yuai asuhuyöhi, mianggöra sileni memba öŋgömamanggö dop akzal. Nanaŋgöra mi asuhuyökmö, töndup mianggöra aka nani sileni qahö möpöseimakzal. Mianggöra qahöpmö, ösumeret akzalaŋgörök mönö mewö ahakzal.

⁶ Nanaŋgöra sileni mewöyök memba öŋgömamanggö mötpileŋak ewö, keuni mönö keu öŋŋaŋgö dop jibileŋak. Mewö keu omaŋi jiji azia qahö akileŋakmö, mi kewögöra köyatim aŋgumakzal: Körek enŋön jemeleŋ mi ehalanggöra keu diŋdiŋi onŋgita nöŋgöra mötket öŋgöŋgöŋi akileŋbuk. Ahakmemeni aki eketka keu jibi mötkeri, mönö mianggö dowök kewöt niŋgimegöra mötzal.

⁷ Indelindel keu öŋgöŋgöŋi mötŋi keu tosatŋi onŋgirakzawi, mianggöra aiweliköm aŋgubileŋbuköra Anutunöŋ yuai jitŋambuk nöŋgö silene aliga kondi sötmangö dop nuŋgumakza. Satangö garatanöŋ sihimbölä mi niŋgiiga mörakzal. ⁸ Mianggöra Kembunöŋ mi sileneyök mem gilmapköra köuluköbiga indimŋi karöbut ahök.

⁹ Mewö köuluköyalmö, keu kewö jii möral, “Qahö. Ösumeret aknöŋga nöŋgö kukösumnan mönö amqeba urugi kokolak qeiga aködamungabuk ahakŋan. Mianggöra nöŋgö kalem möriamni mönö buŋa qem aŋgunöŋga dop kölma.” Keu mi jii möta Kraistkö kukösumŋan qakne öŋgömapköra mörakzal. Mianggöra ösumeret ahakzalaŋgöra sileni möpöseimakzal. Lömböt mi qahöwakŋapköra qahö toroqeba köulukömakzal.

* 11:32: Apo 9.23-25

¹⁰ Kraistnōj ni ösumeret ahakzali, nalö miangörej ösum ningiiga köhöiba kinakzal. Miangöra ösumeret akzalañgöra tōndup mötpi dop köli siksuk qahö akzal. Tosatjan uruqeçe keu töhörej jim ningigetka mötpi dop köl ningiza. Kraistköra aka kahasililiñ sesewerowero ak ningigetka wahöjalij möta miangörej tōndup urubönjōj miwikñaimakzal. Mewö.

Polnōj Korint yengöra waimanjat mörök?

¹¹ Sileni memba öngöba mönō uruqahö tandök akzal. Diñgimegöra aka köna murutñi kun qahö miwikñaiba nöngöra mötket öngömapköra mi jizal. Ölja, Anutunōj qahö baukōm ningibawak ewö, nanak mönō yuai kun qahö aki andöqeçe keuñinan öñji akawak. Öñji akawakmö, ahakmemeni mewö me mewö kewöztali, mönō etqeçeñi qahö akzal. Tosatjan aposol qetpukö qet memba timbiqimbilim lañ maljei, nöñnō mönō yengö nembö bapñine qahöpmañp maljal.

¹² Engö sutñine nup memba lömböt gwötpuk möta mökösoñda malali, miangörej Anutugö kukösumñan sölölohöm ningiiga añgöletot aiwesök könañi könañi asuhuget. Ahakmeme miññnō mönō aposol akzalañgö könañi kondel engiiga eket.

¹³ Iñini baukōm engial aka urumeleñ könañesö tosatñi mi embuk örörōñ ak engial. Tosatñi engömembu wahötketka iñini mönō denöwö engömosötpi öne malbeak? Ölja, nañgöm ningimegö lömbötñi mi engö qakñine qahö alal. Aposol takapulakañi yeññnō lömböt mi engö qakñine alakzemö, nöñnō mi tosatñi yengö qakñine albi bisimakze. Nañgöm ningimegöra qahö kuñgum engiba mewö köpösihit ak engial me? Miangöra “Polnōj köpösihit azia akza,” jibeak, mönō pinjitni mi mosötmegöra qesim engizal.

¹⁴ Mötket, nalö kewöñe kunbuk engörej kamangö jöjöröbiga indimñi karöbut akña. Kaba nupni nañgömegö lömbötñi mi dumñe kunbuk engö qakñine qahö almam. Mi qahö. Nanñini sukinapñinañgöra qahö köpösöñgömakzalmö, nanñinak mönō nöngöra ak engimapköra mötzal. Nahönbörat yeññnō iwinamurupñini nañgöba inap tokoba engimeangö dop qahö akzemö, iwinam yeññnō mönō mi nahönböraturupñini yengöra tokogetka dop kölja. Miangö dop urugö nupnōñ göröken nöñnō iwiñini akzal. Miangöra urunōñ göröken baukōm engimangö mötzal.

¹⁵ Miangöra eññnō ölöwakñegöra yuaini pakpak mi sösoñgai qakñe tököm engibi engö burja akñapaköra mötzal. Nani malmalni mewöñanök ölöwakñegöra mosötmangö mötzal. Mewö önōñi qahö jöpakōm engibi urukalemnan qarimakzapmō, engö urukalemñinan mönō tōndup wuanöñgöra wazimakza?

¹⁶ Ölja, nañgöm ningimegö lömbötñi mi engö qakñine qahö alal. Nöngö tuarenjoñurupnan keu miangöra urumohot akzemö, tosatjan kewö jibeak, “Pol mi mötmöt azia aka tilipqilipñambuk uruñini mezañda köpeim engiba monenñini mewö me mewö örömakza.” Keu miññnō öñji qahö. ¹⁷ Mi denöwögöra jize? Neñakurupni melaim engibiga engörej kageri, yengörejök kuññan Pol inap wañgimegöra kuñgum engiyök me qahö? Qahö. ¹⁸ Taitus engörej kamapkö kuñgum wañgiba urumeleñ ala kun yambuk melaibi kayohot. Taitusnōñ ni inap ningimegö kuñgum engiyök me qahö? Qahö. Uña mohot miññnō mönō sölölohöm netkiiga nup nañgönañgögö köna mohot anda kaba malit. Mewö.

Polnōj mönō Anutugö kukösum qakñe kama.

¹⁹ Kimbi ki oyōñda miangörej nöngöra kewö mötmöröbepuk, “Keu jim engiinga miangö likepña kapañ köla jiba mewö ohoza.” O wölböt alaurupni, miangöra kewö jimam: Mönō Kraistpuk qekötahöba keuni Anutugö jemesoholñe jiba ohoyal. Nupnini pakpak mi eññnō uruñini möhamgöba köhököhöi miwikñaimegöra memakzin.

²⁰ Engörej kaba eki ahakmemenñini tökömakzali, mi wuatangöba malbepuk. Mewö miwikñaim engibileñbuköra waimanjat mötzal. Ahakmemenñinañgö likepñi meleñ engibi qakñine öngömawi, eññnō mönō tandök akñami, mi tökömegöra mötzal. Sutñine ahakmeme kewö akepuköra goro mötzal: Urunōñ mututqutut aka añgururuk akepuk. Uruñgok aka yom jibepuk. Silenōñ alal ak añguba deñda nanñini kambugörök

mötmörība malbepuk. Andöqeçe keu töhöreñ jiba mianjön mem bölim angubepuk. Tosatñi yengö keuñini tölapñe jigetka diwoñdawoñ anbabuk. Jakbak-örañbörañ aka areñi törörök qahö wuatangöba nanñini imbi-imbi lañ malbepuk.

²¹ Mewö aka malme ewö, nöñön mönö kewö asuhumapköra waimanjat möta kamam: Ambazip gwötpukñan mutuk siñgisöndok aka malgeri, yengöra mönö urukömbuk aka sahötpileñbuk. Ahakmeme töwötñambuk lañ wuatangöba sihimñini kömbönañi miwikñajimegöra serowilin akerangöra gamu qahö möta qahö möt bölim anguget. Sutñine kabiga uruñini kunbuk qahö melenget engekiga Anutunöñ mönö uruni kuñgui kunbuk urueret akileñbuk. Mewö.

13

Galöm meme keu qöndökñi

¹ *Nalö kewöñe engöreñ kabiga indimñi karöbut akña. “Keugö jakeñe alalgö keuñi pakpak mi mönö ambazip yahöt me karöbutñan nangöba jigetka köhöimakza.” ² Nöñön Buña keu miangö dop akzal. Engö sutñine malbi indimñi yahöt aiga miangöreñ lök galöm meme keu engial. Keu mi nalö kewöñe kunbuk köl guliba qeljiñeyök jizali, mianjön teköza. Miangöra kunbuk kamami, nalö miangöreñ ambazip siñgisöndok mutuk akeri me akzei, mi mönö qahö engehörimam. Bölöñamñinambuk iñini mönö körek mindiñgöm engimam.

³ Kraistnöñ mönö ösumeret qakñe qahö ak engimakzapmö, kukösumñi sutñine konde-lakza. Kraist mianjönök mönö sölölohöm ninggiiga aposol aka keu jimakzali, iñini miangö könañangöra uruyahöt aka kapañ köla qesim angumakze. Miangöra silikñinañgö dop mönö keu engiba mindiñgöm engimam.

⁴ Kraist maripomnöñ qegetka kömuyöhi, nalö miangöreñ mönö ösumeret tandök malökmö, töndup Anutugö kukösumñan nam köl wañgiiga mal köhöiza. Nöñön mewöñanök yambuk qekötahöba nani ösumeret aka maljalmö, Anutugö kukösumñan mönö nam köl ninggiiga Kraistkö jitñi memba mindiñgöm engimamgö mal köhöizal.

Mönö nanñini kewöt anguba uruñini meleñme.

⁵ Mönö nanñini törörök kewöt angume. Uruñini melenja ölna Kraist möt narize me qahö, miangöra mönö esapesapnöñ ala kewöt angume. Kraist Jisösgö Uñañan uruñine mal köhöizawi, mi möt kutuze me qahö? Uruñine qahö malja ewö, iñini mönö esapesap miangöreñ et enguiga Kraistkö buñaya qahö akze. ⁶ Nöñön engöreñ aposol ölni akzal me qahö, iñini mewö kewöt ningigetka esapesap miangöreñ kude eta nuñguma, mewö mötzal. Iñini nöñgö könani mewö aukñe eka möt kutumegöra jörömqöröm aka maljal. Miangöra mindiñgöm engibi ölna dop kölma.

⁷ Keu pakpak ohoba kotzali, mi ak sohobepüköra Anutu köuluközin. Keu kun jim sohoba malgetka kaba mindiñgöm engibiga tuarenjoñurupnan mönö aposol kukösumni ölna eka ek asarime. Mewö asuhumapköra qahö köuluközal. Iñini qahö mindiñgöm engimamangö dop nekepüköra qahö köuluközalmö, enñon urumelen diñdiñi akñegöra köuluközal. Uruñini ölna meleñme ewö, nöñön mönö qahö mindiñgöm engibi tuarenjoñurupnan nöñgöra toroqeba azi lölöwöröñi tandök ewö mötpeakmö, mi muat.

⁸ Nini keu ölni qetala kun uteköbingö osibinmö, keu ölnan sehimapköra ölöp kinbin. ⁹ Nöñön kukösumni qahö kondela ösumeret tandök malbiga enñon köhöiba kinmei, nalö mewöñe mönö sösoñgai ahakin. Urumelenñgö aködamunñini körek miwikñai ba köhöiba kinmegöra neñon Anutu köulukömakzin. ¹⁰ Kembunöñ iñini memba et al engimamgöra qahöpmö, uruñini möhamgöbi köhöimegöra möta kukösumñi mi al niñgiyök. Kukösum miangö qakñe kinda engöreñ kamami, nalö miangöreñ könöpuk ak engibileñbuköra mönö keu ki köröwen mala engöra kimbi ohozal. Nanñinak mindiñgöm angume ewö, mönö ösoñ ak engimam. Mewö.

Yaizözkök keu teteköñi

* 13:1: Dut 17.6; 19.15

¹¹ O urumelej alaurupni, keuni jim teköba qambaŋ kewö eŋgizal: Mönö söŋgaiba malme. Könaŋamŋini sohayöhi, mi mönö körek mindingöm teköme. Urukunŋukunŋu keu eŋgizali, mi mönö buŋa qem aŋguba tem kölme. Keu jiali, mi aŋgöreŋ mönö urumohot aka luainöŋ malme. Mewö aketka Anutu jöpaköm aŋgumegöra inahöm neŋgiba luai qem neŋgimawi, yaŋön mönö embuk malma.

¹² Inini urumelej alaurupŋini yembuk jölöŋini jiba mönö köna sarakŋi wuatangöba jölöŋini jiba aŋgum aŋguba numbuŋini yöhötim nemba malme. Anutugö ambazip sarakŋi pakpak ki maljei, yeŋön yaizökzökŋini algetka eŋgöreŋ kaza.

¹³⁻¹⁴ Kambu Jisös Kraistnöŋ mönö kalem möriamŋi eŋgiiga Anutugö urujöpakŋan nam köl eŋgiiga Uŋa Töröŋan körek inahöm eŋgiiga urumohot aka kösirik malme. Mewö.

Galesia Kimbi Polnön Galesia yengöra Kimbi alök. Jim-asa-asari

Polnön Buja Kimbi ki Galesia prowinsgö urumelen könagesö yengöra ohoyök. Galesia prowins mi Eisia Mainö (Töki) uruñe Rom yengö bapñine malget.

Aposol yeñön Anutugö Buja keu jim sehigetka mutuk Juda tosatñi aka könagep kian kantri tosatñan mewöyök uruñini melenget. Nalö miangöreñ Juda yeñön kapañ köla keu yahöt kewö jigetka lömböriyök:

- 1) “Kian kantri yeñön Mosesgöreñ Köna keugö dop Anutugö aiwesökñi sileñine qahö yandime ewö, yeñön mönö urumelen könagesö ölñi qahö akñe.” Anutunön ambazip nanñangöra möwölöhöm engiyöhi, yengö aiwesökñi mi sile yandiyandi. Jen 17.10–12. Polnön mi möta “Keu mi ölñi qahö!” jiba kewö jim kutum engiyök, “Kian kantri yeñön Jisös möt narigetka Anutunön mötnaripñini miangöra aka keuñini jim teköi solaniba urumelen kambu ölñi akñe.”
- 2) Böhi takapulakarñi yeñön Polnön Uña Töröñangö ösumnön nup meyoñi, mi memba et ala kewö jiget, “Pol mi aposol ölñi qahö akzawañgöra keuñi kude mötme.” Mewö jigetmö, Polnön köhöiba jiyök, “Nöñön Jisösgö Ölöwak Buja jiji azia aka Anutunön meköba kuñgum niñgiiga aposol ölña maljal.” Mewö jiba Galesia yengö urumelen kambuñi kambuñi ahakmemegö qambañ keu ohoyök. Urunini melenbin ewö, mönö amqeba Kraist jöpaköba nupñi meinga ölñi asuhuma.

Buk kiangö bahöñi bohonñi 5 mi kewö:

Keu mutukñi 1.1-10

Pol ni aposol ölñi akzal 1.11-2.21

Anutu kalem möriamñangö Buja keu 3.1-4.31

Nanini imbi-imbi akinbukö songo 5.1-6.10

Kimbigö keu kötni bohonñi 6.11-18

¹ Pol nöñön keu eraum mötpingöra Galesia urumelen könagesö engöra kimbi ki ohozal. Melaimelai azi akzalañgö könañi kewö: Ambazipnön aposol nupköra qahö kuñgum niñgigetka memba maljal. Gölme azi kuññan qahö melaim niñgiyökmö, Jisös Kraist aka Iwi Anutu i kömupnöhök mem guliyöhi, yetköñ mönö arengöba aposol nup al niñgiyohotka kinjal. ² Nejakurup pakpak nömbuk kinjei, yeñön ni kötöngöm niñgigetka kimbi ki albi Galesia prowinsnön anda urumelen könagesö kambuñi kambuñi engöreñ kaza.

³ Anutu Iwinini aka Kembu Jisös Kraist yetköñ mönö kalem möriam engiyohotka luainön malme.

⁴ Jisösnön nanine Anutu aka Iwi yangö numbu jitñi wuatangöba nengö siñgisöndokn-inangöra aka malmalñi köleñniga qeget. Nalö kewöñe gölmegö nalö bölöñe malakzini, yanön mönö kiangöreñök amöt qeba meköm nengimapköra aka kömuyök. ⁵ Miangöra Anutugö qetbuñañi nalöñi nalöñi möpöseininga teteköñi qahö aködamunñambuk ahöba ahöm öngöma! Keu mi ölña.

Ölöwak Buja mi kude jim sohoba mondokqondoköme.

⁶ Nöñön engö könañinangöra aka aurubiga je kötni jölja. Anutunön Kraistkö kalem möriamñi buja qem angumegöra engoholiga yambuk malgetmö, nöñön engömosötpiga tosatñan kaba Ölöwak Buja murutñi jigetka nalö qahö köriiga eleñda keu goñgoñi miangöreñ qekötahöba eñololon malje. Miangöra mönö ölña auruzal. ⁷ Keuñini mi Ölöwak Buja ölñi qahöpmañhöp akzapmö, ambazip tosatñan Kraistkö Ölöwak Buñañi mi eñololon memba melenqeleñ aketka möwököwöramgöiga goñgiza. Mewö aiga lañ liliköba ambazip kuñgum engigetka uruñinan siksauk aiga malje.

⁸ Ambazip mewöni mi yapmakek! Neñön Ölöwak Buña lök jim asarim engiba malini, kunjan mi qeapköba buña keu murutni jim asaribawak ewö, yañön mönö Anutugö jeje könöp siagö buñaya akza. Mi neñgöreñök kunjan me Suepkö garata kunjan eta jibawak, mi töndup keu mewöni mönö qahöpmahöp tem kölme. Keu gonjonji mi muat. ⁹ Keu mutuhök jiba malini, miyöhök mönö dölki kunbuk jizal: Eñön Ölöwak Buña lök möt aňgön kölgeri, kunöñ mi qeapköba buña keu murutni jim asaribawak ewö, Anutunöñ mönö i jörahöm wañgiiga könöp sianöñ gema.

¹⁰ Keu mewö jizali, mi ambazipnöñ nek soriget nanak jerjine dop kölмамгöra aka qahö jizalmö, Anutunöñ nehi yañgö jeje dop kölмамгöra aka mi jizal. Nöñön gölme ambazip uru ölöwak möt niñgimegöra qahöpmahöp kapañ kölakzal. Toroqeba ambazip kelök ak engiba sipköbilenjak ewö, nöñön mönö Kraistköreñ nup memamgö osibileñjak. Mewö.

Kraistnöñ mem letot niñgiiga aposol ahal.

¹¹ O alaurupni, Ölöwak Buñagö könañi mi kewö möt yaköme: Buña keu jim asari-makzali, mi gölme azi kunjan qahö jimbureñ jiyöha ahöza. ¹² Kunjan kun mi qahö kusum niñgiyök. Mi gölme azi kungöreñök qahö möt aňgön kölalmö, Jisös Kraistnöñ nanjak asuhum niñgiba Ölöwak Buñaji indeliga möt asaribiga nöñgö buñaya ahök.

¹³ *Eñön nöñgö könañamni ölop mötze. Juda ambazipnöñ Anutugö Köna keugöra urukönöp ahakzei, nöñön mutuhök yengö mötmötñini wuatangöba yengö dop aka memba malal. Mewö mala Anutugöreñ urumelen könañesö mi engum ureiba jañ-gauranga mem engiba malal. Könöpñambuk sesewerowero ak engiba mem ayuhum engimamgö esapköba malal. ¹⁴ *Juda ambazip gwabö alaurupni qötönini mohot kota malini, nöñön yengöreñök sehisehiñi mi luhut al engiba Köna keugöra urukönöp aka malal. Mewö mala Juda ahakmemegö könañi törörök wuatangöba amböskoninangö jimkutukutu keu etpapuköra mönö önöñi qahö kapañ köla malal.

¹⁵ *Mewö aka malalmö, Anutunöñ mutuhök nam körö uruñeyök neka nanñangöra möwölöhöba al niñgiyök aka könañgep kalem möriamñangöra aka noholök. Noholöhi, yañön mönö nöñgöra areñ kewö möri dop kölök: ¹⁶ Yañön Nahönñangö könañi nöñgöra indeli mötmamgö möta Jisösgö Ölöwak Buñaji memba kian kantri tosatje anda yengö sutñine jim asariba malmamgö jiyök. Yañön mewö jiyöhañgöra aka nöñön wahöta könakönahineyök könahiba gölme ambazip yengö goro keuñinangöra mönö qahöpmahöp jaruba qesim engiba mala koral.

¹⁷ Mewöñanök Jerusalem sitinöñ qahö öñgöba melaimelai azi aposol mutuk mala kotkeri, yengöreñ qahö anda asuhuyal. Mewö qahöpmö, miangöreñök Arebia gölmenöñ anda mala kunbuk Damaskus sitinöñ lilingöyal. ¹⁸ *Damaskus lilingöbiga yambu (yara) karöbut teköiga “Pitö eka möt kutumam,” jiba Jerusalem sitinöñ öñgöba yambuk sömañi 15 miangö dop malal. ¹⁹ Miangöreñ malalmö, melaimelai azi aposol tosatni i qahö engehal. Kembugö munñi Jeims iyök ehal.

²⁰ Miangöra mötket, keu ohom engizali, mi keu öñji akza. Muneñi kun qahö. Keu mi Anutugö jemesoholje jizal.

²¹ Jerusalem mosöta Siria aka Silisia gölmenöñ anda miri tosatni liliköba malal. ²² Mewö anda malalmö, Judia prowinsgö urumelen könañesö kambuñi kambuñi Kraist-puk qekötahöba kinjei, yañön qahö nekerangöra nalö miangöreñ ni qahö möt kutum niñgiba malget. ²³ Nöñgöreñ buzup keu kewöyöktöp yengö kezapñine geiga mötket, “Mutuk sesewerowero ak neñgiba malöhi, yañön mönö letota malja. Mötnarip keu ayap-kömapköra jañgauranga mem neñgiyöhi, yañön nalö dölkwöñe nanjak keu miyöhök jim asarimakza.” ²⁴ Mewö möta nöñgöra aka Anutu möpöseim wañgiba malget. Mewö.

2

Aposol yepñ Pol örogetka sutñine kayök.

* 1:13: Apo 8.3; 22.4-5; 26.9-11 * 1:14: Apo 22.3 * 1:15: Apo 9.3-6; 22.6-10; 26.13-18 * 1:18: Apo 9.26-30

¹ *Miangö andöŋe yambu (yara) 14 teköiga miangöŋeŋ “Barnabasbuk Jerusalem sitinöŋ kunbuk öngömam,” jiba Taitus mewöyök waŋgitpiga mohotŋe öngöin.

² Anutunöŋ mutuk nöŋgöra asuhiba anmamgö keu indelöhaŋgöra aka yetpuk anda Jerusalem aŋgota nupnaŋgö könaŋi jim asarim eŋgial. Nup pöndaŋ memba kota maljali, miaŋön aposol yeŋgöra qahö dop köliga nupnaŋgö ölnan eta qeiga pöröpköbapuk. Mewö mötmörriba kösohotni ambazip omaŋi yeŋgöra laŋ qahö jialmö, jitŋememeurupnini göda qem eŋgimakzini, iyök öröm eŋgibiga tokoget. Tokogetka miangöŋeŋ Ölöwak Buŋa kian kantri sutŋine liliköba jim sehimakzali, mi aukŋe al eŋgibiga mötket. ³ Yeŋön mi möta “Ölöp!” jiget. Mewö jiba neŋakni Taitus Grik azi yaŋön nömbuk malökmö, töndup ketaŋamninan Anutugö aiwesökŋi sileŋe yandimegö qahö jim kutum waŋgiget. Juda neŋgöreŋ Köna keu mi qahö al köhöim waŋgiget.

⁴ Juda ketaŋi yeŋön qahöpmö, tosatŋan sileŋi yandibingö möta sutŋe sutŋe kunguba jigeri, böhi takapulakaŋi miengö könaŋini kewö: Yeŋön “Urunini melenjin,” jiba mewö möndöba neŋgö könanini ek kutumegöra ölöŋ jaŋjaŋ kaba ala tandök sutnine kaŋgota malget. Nini Kraist Jisösbuk qekötahöinga malmal walhaŋgö kösönöhök pösat neŋgiiga solanŋi maljini, miangö silikŋi ek kutumegöra kinget. Yeŋön neŋgöra kewö möta köpösöŋgöget: Ölöp malgetka eŋgömeinga nanine sel uruŋe kagetka Mosesgö Köna keu bapŋe al eŋgiinga nanine welenqeŋeurupnini akŋe. ⁵ Mewö köpösöŋgöba metal neŋgigetmö, neŋön mönö Ölöwak Buŋagö keu ölnan lolonqaloŋ akapüköra kinjin. Mi eŋgö sutŋine kahaimök ahöm köhöimapköra kinjin. Miangöra nalö kunöŋ qahö löwörriba keuŋinaŋgö bapŋe anbingö qahöpmahöp imbi köl waŋgiin.

⁶ *Totokonöŋ nöŋgö Buŋa keuni jim asaribiga jitŋememe yeŋön “Ölöp!” jiba nöŋön keu kun toroqeba jimamgö qahö jiget. Azi mi ipŋina aketka göda qem eŋgimakze. Qetbuŋaŋini mewö me mewö akzawi, nöŋön miangö mötpi dop mohot akza. Anutunöŋ ambazip tosatŋi qahö neŋgek soriba tosatŋi qahö qepureim eŋgimakza. Dop mohotnöŋ kewöt neŋgimakza. ⁷ Buŋa keuni qahöpmahöp utekögögetmö, Anutugö nup areŋi miangöra mönö “Aha!” jiba kewö ek asariget: Anutunöŋ möt narim neŋgiba Ölöwak Buŋa jim asaribingö nupŋi mi kewö mendeŋnök: Nöŋön mi kian kantri sutŋine jim sehibiga Pitönöŋ Buŋa keu miyök Juda könagesö yeŋgöra jim asariba uruŋini kuŋgum eŋgimakza.

⁸ Nupŋi mewö mendeŋda aposol Pitö inahöm waŋgiiga Juda azi sileŋini yandigeri, yeŋgö sutŋine urukuŋgukuŋgu nup memakza aka ni mewöŋanök inahöm niŋgiiga melaimelai azia aka kian kantri sutŋine liliköba nup miyöhök memakzal. ⁹ Miangöra Jeims, Pitö aka Jon, azi ipŋi qetbuŋaŋinambuk yeŋön Kembunöŋ kalem möriam mewöŋi niŋgi malali, keu mi möt kutugetka urumohot ahin. Nup mewö mendeŋda miangö kaisöpsöpŋa Barnabas niri böröniri qegetka kewö jim köhöinin, “Niri kian kantri yeŋgöreŋ anda nup meziga nanŋini Juda könagesö yeŋgö sutŋine toroqeba nup memakŋe.” ¹⁰ Mohot-kungöra qesim netkiba kewö toroqeba jiget, “Ambazip wanapŋi bauköm eŋgibitköra mönö toroqeba mötmörriba malmahot.” Mewö jigetka mönö mewöyök ak eŋgimamgö kapaŋ köla maljal. Mewö.

Polnöŋ Pitö qetala jim waŋgiyök.

¹¹ Mewö jim köhöininmö, Pitönöŋ Antiokia sitinöŋ kaba möŋaqöŋai aiga ambazip uruŋinan gwötpuk böliyök. Miangöra Pitönöŋ kaiga ehali, nalö miangöreŋ mönö jeŋe kunguba kewögöra tuarenjoŋ ak waŋgial: ¹² Pitönöŋ mutuk kian kantri yembuk mala nene mohokŋe namba malgetmö, azi tosatŋan Jeims mosöta Jerusalemök kagetka miangö andöŋe ambazip mi eŋgek siriköba tikeptikep kinök. Anutugö aiwesökŋi sileŋine yandiget yeŋgöra keŋgötŋi möta ziriŋziriŋ aka Juda kambu yembuk qekötahöba malök.

¹³ Mewö kian kantri ambazip mi ölan eŋguba koŋgwarak aiga Juda urumelen ambazip tosatŋan mewöyök Pitöbuk qekötahöba silesile silik aket. Silesile silik aka Barnabas mewöyök örögetka yembuk jaŋjuŋ ahök. ¹⁴ Mewö aka ahakmemeninan Buŋa keu ölni diŋdiŋanök qahö wuatŋögöŋeri, nöŋön mi eka ambazip körek yeŋgö jemesoholŋine

* 2:1: Apo 11.30; 15.2 * 2:6: Dut 10.17

kinda kewö jial, “Pitö, gi Juda aziapmö, töndup kian kantri yengö ahakmemejini wuatangöba maljan. Nangak Juda nanine ahakmeme qahö wuatangöba töndup kian kantri ambazip mi wuatangöba kinmegöra kuŋgum enggiba urukönöp ahakzan? Mi qahö dop kölja.” Mewö.

Juda aka kian kantri nejön Anutugö jeje öröröŋ akzin.

¹⁵ Juda asuhuba urunini melejnini, nejön mönö kian kantri ambazip siŋgisöndokŋi-nambuk qahö aka maljin. ¹⁶ *Mewö maljinmö, amötqeqegö könaŋi mi kewö ahöi möt yaközin: Jisös Kraist möt nariinga keunini jim teköi solanizin. Kunjan Köna keu wuatangöba mewö miaŋön solanŋi qahö akŋa. Miaŋgöra nejön tok solanŋi akingö möta Kraist Jisös möt narim waŋgiinga keunini jim teköi solaniin. Mi Köna keu tem kölbinahaŋgöra aka qahö.

¹⁷ Mewö Kraist qekötahöba Anutugö jeje solanibingö kapaŋ kölinga Anutunöŋ töndup miwikŋaim neŋgiiga naninak kantri tosatŋi tandök siŋgisöndokninambuk maljin ewö, Kraistnöŋ mönö siŋgisöndok akingö nam köl neŋgiza me qahö? Qahöpmahöp! Keu mi yapmakek! ¹⁸ Köna keu wuatangöba solanŋi akingö keuŋi lök köndenŋa qeapköyal. Qeapköyalmö, mi kunbuk esapköba jim kuŋgubilenŋak ewö, mönö Köna keu miyök qetala siŋgisöndok azia aka könaŋamni kunbuk mewö miwikŋaibilenŋbuk. ¹⁹ Mutuk könaŋamni mewö miwikŋaiba Köna keugöra aka kömukömuŋi tandök ewö ahal. Mewö akiga Köna keunöŋ mönö qahö toroqeba galöm köl niŋgiiga solanŋi maljal. Nöŋön malmalni Anutugöreŋ albiga Kraistpuk maripomnöŋ nuŋguget ewö kömumba kinda yambuk köhöiba maljal.

²⁰ Miaŋgöra nanak qahö toroqeba maljalmö, Kraistkö Uŋaŋan mönö nöŋgö urune köhöiba malja. Kraistnöŋ uru jöpaköm niŋgiba malmalni nöŋgöra kölenŋa sohopni meyök. Miaŋgöra toroqeba silebuk malmal malmami, mi mönö Anutugö Nahönŋi möt narim waŋgiba malmam. ²¹ Köna keu wuatangöba mewö miaŋön solanŋi akinak ewö, Kraistnöŋ mönö öne töhön kömumbawak. Kömuyöhi, mi möt nariba Anutugö kalem möriamŋi mewö qahö qeapkömakzal. Miaŋön mönö nam köl neŋgiiga solanimakzin. Mewö.

3

Köna keugörök kinme me Jisös möt narime?

¹ O Galesia kahapmahap ambazip, uruŋini qahö! Nöŋön Jisös Kraist maripomnöŋ qegeraŋgö könaŋi mi jeŋine ala jim kondel enggialmö, kunjan nöŋgö andöne kaba kahalalom mem enggiiga jaŋjuŋ akze. Mi qahö dop kölja. ² Yuai mohot-töp qesim enggibiga jiget mötmangö mötzal: Eŋön Uŋa Töröŋi mi mönö denöwö aka buŋa qem aŋguget? I Köna keu wuatangögeraŋgöra aka qahöpmö, Ölöwak Buŋa möta Jisös möt narigetka Uŋa mi uruŋine ali buŋa qem aŋguget. Nöŋön keu mia ölum enggubapuköra kinda uruŋini kuŋguzal. ³ Mia ölum engguyök tandöktandök meleŋda mötmötniini mosöta kahalalom akze. Mutuk Uŋa Töröŋan uruŋine geba inahöm enggiiga könaŋi könahiba angetmö, kunbuk Mosesgö Köna keugö könaŋe geba anakze. Nalö kewöŋe nanŋini ösum qakŋe solanŋi akingö esapkömakze me? Ösumŋini miaŋön mönö qahö dop kölja.

⁴ Kraistköra aka sihimbölö gwötpuk ak engigetka qakŋine öŋgöyöhi, mi mönö öne töhön möta bisiba malget me? Ölni qahö aiga mi mönö ölna öne töhön bisiget. Miaŋgöra iŋini mönö uruqahö ambaziwa malje. ⁵ Miaŋgöra Anutunöŋ Uŋa Töröŋi enggiba sutŋine aŋgöletot ösum-mumuŋambuk memakzawi, mi eŋön Buŋa keuŋi möta Jisös möt narimakzeaŋgöra aka memakza. Köna keu wuatangömakzeaŋgöra aka mi qahö memakza. Qahö. Keu mi kude ölum engguma. Mewö.

Abrahamgö köna wuatangöinga dop kölma.

* 2:16: Sum 143.2; Rom 3.20, 22

⁶ *Keu miangö dop Anutunöŋ Abraham ak waŋgiiga mi Buŋa keunöŋ kewö ohoget ahöza, “Abrahamnöŋ Anutu möt narim waŋgiiga eka keuŋi jim teköiga solaniyök.”
⁷ Miangöra Abrahamgö könaŋi mötmöriba kewö mötme: Denike yeŋön Anutu möt narimakzei, yeŋön mönö Abrahamgö undumurupŋi aka malje. ⁸ *Anutunöŋ qeljine areŋi kewö alök, “Ambazip Juda qahö yeŋön ni möt narim niŋgigetka keuŋini jim teköbi solanime.” Areŋi mewö ala miangö dop Abrahamgöra Ölöwak Buŋa keu qeljine kewö jii mörök, “Göhöra aka nöŋgö kötuetnan mönö gölmegö ambazip kambu pakpak yeŋgö qakŋine öŋgöma.” Tosatŋan keu mi qeljine ek asariba Buŋa keunöŋ ohoget.
⁹ Abrahamnöŋ Anutu möt narim waŋgiiga kötuetköm waŋgiiga mötnaripkö bömönjalöŋi ahök. Miangö dop denike yeŋön Abrahamgö dop möt narizei, Anutunöŋ i mewöyök kötuetköm eŋgiiga Abrahamgö undumurupŋi akŋe.

Jisösnöŋ salupnine qesuahöp buŋa qem aŋguyök.

¹⁰ *Mewö akŋemö, körek yeŋön Köna keu wuatangöba miangö qakŋe nariba maljei, Anutunöŋ mönö jörahöm eŋgiiga malme. Keu mi Buŋa keunöŋ kewö ohoget ahöza, “Köna keu Kimbinöŋ keu pakpak ohoget ahözawi, kunŋan kun mi körek qahö tem köla wuatangömakzawi, Anutunöŋ mönö i qesuahöm waŋgiiga malma.” ¹¹ *Buŋa keu kun kewö ohoget ahöza, “Ambazip solanŋi kungö mötnariŋŋan mönö nam köl waŋgiiga köhöiba malma.” Miangöra kunŋan Köna keu wuatangöba miangö solanŋi akŋamgö mötzawi, yeŋön mönö Anutugö jeje qahö solanima. Qahö. Keu mi lök aukŋe kondel eŋgibiga teköza. ¹² *Mötnariŋŋan Mosesgö Köna keu qahö nam kölja. Keu miangö jöjöpaŋ keu pakpak tem köl teköbingöra urunini kuŋgumakza. Köna yahöt mi nanŋök nanŋök. Köna keugö könaŋi mi kewö jii ohoget ahöza, “Köna keu pakpak tem köla wuatangömakzawaŋön mönö köhöiba malma.”

¹³ *Köna keu qahö walöŋbinak, mewö malmal köhöikŋi miwikŋaibinak. Mewömö, Anutunöŋ nini nanŋi Köna keuŋangö dop qesuahömamgö tököba Kraist melaiiga al-abauknini aka sohpnini meyök. Buŋa Kimbinöŋ keu kun kewö ohoget ahöza, “Ambazip ip kemaŋe möndöm eŋgizei, Anutunöŋ mi körek qesuahöm eŋgiiga malje.” Miangö dop Kraist ipnöŋ möndögetka nanini salupnini aiga Anutunöŋ qesuahöm waŋgiiga mewö miangö sohpnini meyök. Jöramörahöp neŋgö qakŋine öŋgöyöhi, mi qeköyök.

¹⁴ Bömönini Abrahamnöŋ Anutu möt nariiga kötuetköm waŋgiyöhi, miangö dop kötumötuet miangöŋ kian kantri pakpak dop köla yeŋgö buŋaŋina akŋapkö mörök. Mewö möta körek neŋgö sohpnini meyök. Sohpnini meiga Kraist möt nariinga köna kewö ahuma: Anutunöŋ Uŋaŋi neŋgimamgö keuŋi jöhöyöhi, nini urunini melenŋa Uŋa mi ölop buŋa qem aŋgubin. Mewö.

Köna keu aka oyaenŋkoyaen akingö jöhöjöhö keu

¹⁵ O urumeleŋ alaurupni, nöŋön gölmenöŋ malmalgö söpsöp keuŋi kun kewö jimam: Kunöŋ börosamotŋi tosati yeŋgö buŋaŋina akŋapkö keuŋi kambunöŋ jiiga jöhögetka ahözawi, mi kunŋan kun qeapköba könaŋep keu kun qakŋe toroqemamgö osima.
¹⁶ *Mötket, Anutunöŋ jöhöjöhögö keuŋi mi Abraham aka yeŋgö gwölönarökŋi yetköra jiba jöhöi ahöza. Buŋa keu miangöŋ “gwölönarökurupki” neŋgöra gwötpuk tandök ewö qahö jizapmö, azi mohotkö tandököra kewö jiza, “Mi göhö gwölönaröki waŋgimam.” Azi mohot mi Kraist.

¹⁷ *Keu miangö könaŋangöra kewö jizal: Jöhöjöhögö keu miangö ölnan mönö etmapkö osima. Anutunöŋ mi mutuhök jiba jöhöba yambu (yara) 430 teköiga miangöreŋ Köna keuŋi miwikŋaiba Moses waŋgiyök. Köna keu miangöŋ mönö jöhöjöhö keuŋi mutuk jiyöhi, mi qeapkömamgö osima. ¹⁸ *Oyaenŋkoyaen akingö kötumötuetŋi mi Köna keu wuatangöba miwikŋaibinak ewö, Anutugö jöhöjöhö keugöra qahö toroqeba osiinga öne

* 3:6: Jen 15.6; Rom 4.3, 7; Rom 4.16 * 3:8: Jen 12.3 * 3:10: Dut 27.26 * 3:11: Hab 2.4 * 3:12: Lew 18.5
 * 3:13: Dut 21.23 * 3:16: Jen 12.7 * 3:17: Eks 12.40 * 3:18: Rom 4.14

töhön ahöbapuk. Buja keuñi Abraham wañgiyöhi, mi öne töhön qahö ahöyökmö, Anutunöñ keuñi miangö dop Abraham kötuëtköm wañgiiga oyaenköyaen ahök.

¹⁹ Abraham öne kötuëtköm wañgiba Köna keu mi mönö denöwögöra ali ahöza? Miangö könañi kewö: Ambazipnöñ köna ongita janjuñ aka malgerangöra Anutunöñ Köna keu mi könañgep toroqeba jim miwikñaiyök. Jim miwikñaiiga Suep garata yeñon mi memba eta alabauk azi (namel man, mediator) Mosesgöra indela böröñe algetka Anutugö jitje memba ambazip sutnine kinda jim kutuyök. Köna keu miangön nalö dop ahöm öngöba galöm köl neñgimapköra aka qahöpmö, könañgep Köna keugö ösumñan etmapköra mi neñgiyök. Abrahamgö gwölönarök kungö jöhöjöhö keuñi neñgiiga azi miangön asuhuyöhi, nalö miangöreñ Köna keugö ösumñan eri teköyök.

²⁰ Alabauk azi yanön Anutu aka ambazip sutnine kinda keu nup memakza. Anutunöñ jöhöjöhö keuñi mi alabaukñi qahöpmö, mönö nanñak Abraham wañgiyök. Miangöra oyaenköyaen akingö jöhöjöhö keuñi mi öngöñgöñi aiga Köna keuñi miangön nemböñi akza. Mewö.

Köna keugö nupñi öljñi mi denöwö?

²¹ Mewö aiga Köna keu aka oyaenköyaen akingö jöhöjöhö keu mi auzahot me qahö? Sauban! Anutunöñ mal köhöibingö Köna keuñi neñgibawak ewö, mönö öljña Köna keu wuatangöba Anutugö jeje solanñi akinak. Miangöra keu yahöt mi qahö auzahot.

²² Qahöpmö, keu yahöt mi nanñök nanñök. Anutunöñ jöhöjöhö keuñi mi mötnarip ambazip oyaenköyaen ak neñgimangöra aka ali ahöza. Jöhöjöhö keu miangön Jisös Kraist möt narizini, mönö neñgöreñ öljambuk akñapköra möta kewö arengöba jiyök, “Siñgisöndok ambazipnöñ uruñini qahö meleñme ewö, mönö öne töhön Anutugö jeje qahö solanime.” Miangö könañi mi Buja keunöñ kewö jii ahöza, “Siñgisöndoknöñ mönö gölme dop ambazip pakpak gwaröhöm neñgiiga maljin.”

²³ Mutuk urunini qahö meleñninga mötnaripninan qahö asuhuiga Köna keunöñ jöhöba galöm köl neñgiba gwarö uruñe misim neñgiyök. Könañgep Anutunöñ mötnaripkö könañi indeli asuhuyöhi, nalö miangöreñ kösö gwarö malmalninan teköyök.

²⁴ Mewö taringa Köna keunöñ mönö böhinina aka Kraistkö könañi mötpingöra kusum neñgimakza. Böhi leuam kusum engigeri, miangö dop keu miangön mönö neñguangita solanñi akingö mindingöba galöm köl neñgimakza. Mewö aka Kraistkö könañi möt asariba möt narim wañgiinga keunini jim teköi solanibingöra kungum neñgimakza. Urunini meleñninga böhigö nupñan mönö nalö miangöreñ teköza. ²⁵ Urunini meleñninga mötnaripninan asuhuiga Köna keu bapñe qahö malinga miangön böhi ewö qahö toroqeba galöm köl neñgimakza. Mewö.

Anutugö nahönböraturupñi aka maljin.

²⁶ Körek eñon mönö Jisös möt narim wañgigetka ahuahu dölökñi enñgiiga Anutugö nahönböraturupñi aka Kraistpuk qekötahöba kinje. ²⁷ Kraistpuk kinmegöra o melun mem engigeri, körek eñon mönö Kraist möt angön köla miangön maluku tuatñi ewö esuhum anguba yambuk qekötahöba kinje. ²⁸ Iñini körek pakpak Kraist Jisösbuk qekötahöba kingetka mindirim enñgiiga mohot aka malje. Miangöra Juda aka kantri tosatñi eñon Anutugö jeje kambu yahöt mi kunbuk qahö akze. Nanñini nupñini memakzei aka welenqege omañi akzei, Anutunöñ engehiga kambu yahöt qahö toroqeba akze. Azi ambi eñon Anutugö jeje kambu yahöt qahö toroqeba akze.

²⁹ *Iñini Kraistkö buñaya akze ewö, mönö Abrahamgö gwölönarökñi yanğöreñök ahuba tinibaniurupñi malje. Mewö ahuba jöhöjöhö keuñangö öljñi oyaenköyaen mi buña qem angumeangö dop akze. Mewö.

4

Neñon Kraistköra aka Anutugö nahönböratñi ahin.

* 3:29: Rom 4.13

¹ Keu mi toroqeba kõnaŋi kewö jimam: Nahönön iwinaŋgö börösamotŋi buŋa qem aŋgumawaŋgö dop akzapmö, morö gwabö mala nalö miangöreŋ welenqeŋe omaŋi yembuk örörön tandök akza. Iwinaŋgö börösamot yuai pakpakö toŋi akŋapmö, töndup welenqeŋe yeŋgö qöhörönine alaŋina aka nup töwaŋi qahö memakza.

² Mewö morö mala galömŋi yeŋgö nembö bapŋine kiniga yeŋön malmalŋi pakpak areŋgöba galöm köla jim kutum waŋgimakze. Iwinaŋ nalö al waŋgii kam kuŋgumawi, miangöreŋök kõnahiba nanŋak börösamot toŋi aka malma. ³ Nanini mewöŋanök mutuk urugö likepŋe morö gwabö ewö malin. Nalö miangöreŋ bem suahö galöm Suep gölme sutŋire yuai pakpak galöm köl eŋgimakzei, mienön mönö nini mewöyök galöm köl neŋgigetka öne yeŋgö welenŋini qeba nemböŋini bapŋe malin.

⁴ Mewö malinmö, Anutugö nalöŋan kam kuŋguiga Nahönŋi melaiiga ambigöreŋök asuhuyök. Juda neŋgö Köna keu bapŋe malmamgöra asuhuyök. ⁵ *Köna keu bapŋeyök pösat neŋgiba sohpnini memamgöra asuhuyök. Mewö Anutugö nahönböratuŋi aka buŋaŋi möt aŋgön köl teköba maljin.

⁶ Mewö Anutugö nahönböratŋi akzeŋgöra aka Anutunön Nahönŋaŋgö Uŋaŋi melaiiga urunine geba kewö qerakza, “O Aba Iwini!”* ⁷ Mewö qerakzawaŋgöra aka qahö toroqeba welenqeŋe omaŋi akzanmö, Anutugö nahönböratŋi aka maljan. Mewö maljanaŋgöra aka Anutunön oyaenŋoyaen Buŋaŋi gihiiga buŋa qem aŋguba galöm köla malman. Mewö.

Polnön Galesia yeŋgöra waimanŋat mörök.

⁸ Iŋini mutuk Anutu qahö möt kutuba malget. Nalö miangöreŋ tandö lopionŋ aka bem suahö galöm bem ölnaŋgö malmalŋi qahö memba maljei, mi töwaŋini qahö welen qem eŋgiba etqeŋeŋi malget. ⁹ Mewö malgetmö, uruŋini melenŋa nalö kewöŋe Anutugö kõnaŋi möt kutuba malgetka Anutunön möt kutum eŋgiiga malje. Anutunön möt eŋgizawi, keu mianön bohonŋi ak eŋgiza. Mewö maljemö, wuanöŋgöra dumŋe kumbuk bem suahö galöm yuai pakpak galöm kölakzei, mönö yeŋgöreŋ melenŋa mesohol köl eŋgiba malje? Bem suahö galöm mi ösumŋini eretŋi akzemö, eŋön mönö töndup mi welen qem eŋgiba etqeŋeŋi akingö sihimŋi mötze. Mi qahö dop kölja.

¹⁰ Mi welen qem eŋgiba kendon tatat nalö kõnaŋi kõnaŋi mi mötket öngöiga törörök wuatangömakze. Sabat kendon tarakze. Köiŋ dölökŋi koriga bemŋini mötmöröba köiŋ dop söŋgaimakze. Yambu jeŋiqeŋe söŋŋgai aka söŋŋgai tosatŋi mi yambu (yara) dop törörök wuatangömakze. ¹¹ Nöŋön eŋgöra aka keŋgötŋi kewögöra mötzal: Nöŋön eŋgö sutŋine nup membiga ölni qahö ahuiga öne töhön sileqeŋe akilenbuk.

Galesia yeŋön Pol andö qebingö aket.

¹² O urumelenŋ alaurupni, nöŋön kewö kuŋguba qesim eŋgizal: Nöŋön iŋini ewö aka malalaŋgöra eŋön mönö nöŋgö dop akŋe. Yuai bölöŋi kun kude ak niŋgiget. ¹³ Nöŋön mutuk eŋgöreŋ kaba kawöl nöhöi sileni eri malali, kõnaŋi mewögöra tata Ölöwak Buŋa jim asaribiga mötket. Eŋön mi möt kömuze. ¹⁴ Nöŋön sile-eret malbiga andö nuŋgubingö esapesapŋi miwikŋaiget, mi mötzalmö, töndup qahö jijiwilit aka qepureim niŋgiget. Mewö qahöpmö, ni neketka Anutugö garata ewö akiga nömeget. Opoponŋ, nöŋgöra Kraist Jisös nanŋaŋgö tandök mötmöröba öröm niŋgiba “Owe owe!” jiget.

¹⁵ “Owe owe!” jiba silene pölpöl qeba je kötŋini uzula niŋgibingö mötketmö, mi qahö dop kölīga mosötket. Eŋgö kõnaŋamŋini möta mi ölna mewö naŋgöba jizal. Yei! Nalö miangöreŋ jim söŋŋgai önöŋi qahö akeri, mi mönö denöwögöra nalö kewöŋe qahöwahi öne malje? Mi qahö dop kölja. ¹⁶ Eŋgöra Buŋa keu ölni jimakzalaŋgöra mönö kerök ak niŋgize me?

¹⁷ Ambazip tosatŋi mienön eŋgöra aka urukönöp ahakzemö, mi urukönöp ölöpŋi qahö. Mi ölöpŋi qahöpmö, yeŋön iŋini neŋgöreŋök eŋguaŋgita sutŋine jabö ala tököm niŋgimegöra mötze. Mewö mendenŋ neŋgigetka urukönöp qakŋe nanŋini naŋgöm

* 4:5: Rom 8.15-17 * 4:6: Aba mi Arameik keunön Iwi.

engimegöra kaparj kölakze. ¹⁸ İjini ahakmeme ölöpnj aknegöra urukönöp ahakzei, mi mönö qetpuk. Nöñön engö sutrjine malbiga nalö miangörenök qahöpmö, mönö nalö dop mewö aketka dop kölma.

¹⁹ O gömokurupni, ni ahuahu dölökni ahumegöra masö tandök nunguiga sihimbölö mörali, miyöhök mönö dumje kunbuk mötzal. Kraistkö ahakmemejan engören ahum kutumapköra sihimbölö mi möta maljal. ²⁰ Nöngö urunan mönö engöra aka lalalulu siksauk akza. Miangöra nöñön nalö kewöje engö sutrjine malmamgö mötkurumkurum akzal. Embuk mala keu imbini memba eta ala keu ösöñ jimamgö ak niñgiza. Mewö.

Hagar aka Sara yetkö söpsöp keujiri

²¹ Tosatji eñön Juda neñgö Köna keu Kimbi wuatangöbingö mötzemö, keu miangö könarj mi ölja möt kutuze me qahö? Könarj mi möt asarimegöra qesiba kunjum engizal. ²² *Buña keu kun kewö ohoget ahöza: Abrahamgö nahönyahötñi yahöt ahuyohot: Kun welenqeje ambi etqejejan (sleiw) meyök aka kun mi nanji songojarij anömñi solanji (fri) malmaljan meyök. ²³ Welenqeje ambinöñ nahönñi meyöhi, miangön morö ahuahugö könanöñ ahuyökmö, kun ambi solanji (fri) malmaljan meyöhi, yañön Anutunöñ morö nahön ahumapkö keu jöhöyöhi, mönö keu miangö öljan asuhumapköra ahuyök.

²⁴ Keu miangö könarj mi tölapñi. Ambi yahöt mi Anutunöñ ambazip nembuk jöhöjöhö areñ yahöt alöhi, mönö mietkö söpsöpñira. Jöhöjöhö areñ kun mi Sainai (Sinai) kunduje alöhi, miangö söpsöpñi mi ambi qetji Hagar. Ambazip jöhöjöhö areñ mi wuatangömakzei, yeñön mönö Köna keugö jimkutukutu bapje malje aiga gwölönarökurupñinan keu miangö welenñi qemaknegöra ahumakze.

²⁵ Hagar mi Sainai kunduji, Arebia gölmenöñ kinjawangö söpsöpñi akza. Sainai miangö alanj mi Juda gölmegö siti qetji Jerusalem. Siti miangö könagesögö ketanji moröñi yeñön nalö kewöje Köna keu bapje malgetka jöhöm engii solanji (fri) qahö akze. Miangöra dopñiri mohok akzahot. ²⁶ Solanji (fri) qahö akzemö, Jerusalem siti kun euyangören maljei, yeñön mönö kösö gwaröñini qahö solanji malje. Neñgö namnini Sara yañön mönö siti miangö söpsöpñi akza. ²⁷ *Miangö kezapqetok keujni mi kewö ohoget ahöza,

“Ambi azinöñ ölan qeyöhi, yañön mönö nahönbörat engömiiga sehigetka mewö ambi apñambuk mi luhut alma.

Miangöra ambi köpin morö qahö menöñi, gi mönö töndup söñgaiba malman.

Masö qahö guhui malnöñi, gi mönö töndup qet gigilahöba morö ahumapköra köirañ ala malman.”

²⁸ O urumeleñ alaurupni, ijini mönö Aisakö dowa Anutugö jöhöjöhö keujan nam köl engiiga ahuahu dölökni ahuba malje. ²⁹ *Nalö miangören morö ahuahugö könanöñ ahuyöhi, yañön munji Uña Töröñan nam köl wanggiiga ahuyöhi, mi sesewerowero ak wanggiba malök. Nalö kewöje mewöñanök sesewerowero mewöñi mi ahöza.

³⁰ *Mewö ahözapmö, Buña keu kun mi toroqeba kewö jigetka ahöza, “Welenqeje ambigö nahönñan mönö Iwiñangören börösamotñi qahö mema. Ambi solanji malmalñi yangö nahönñambuk mi mohotje qahö mendenja anğön kölmahot. Miangöra welenqeje ambi etqejeñi mi mönö közölnöñga nahönñambuk anmahot.” ³¹ O urumeleñ alaurupni, söpsöp keu mewöñangö dop neñön mönö welenqeje ambigö undumurupñi gwaröninambuk qahö akzinmö, ambi solanji malmalñangö undumurupñi akzin. Miangöra lolonqaloñ ahakmeme mi közölme. Mewö.

5

Lolongöba Kraistpuk kinkin solanje kinme.

* 4:22: Jen 16.15; 21.2 * 4:27: Ais 54.1 * 4:29: Jen 21.9 * 4:30: Jen 21.10

¹ Kraistnönj Köna keu bapņeyök pösat nenņiiga solanņi maljin. Mewö mala tosatņan iņini kunbuk öröba Köna keugö mötöpnönj* jöhöm enņibepuköra mönö galöm mem anğuba malme. Welenqeçe omanj ewö akepuköra mönö köhöiba böņ qeba kinme.

² Mötket! Pol nönjön kewö jibi mötket: Tosatņan Anutugö aiwesökņi sileņine yandimegö mötketka imbi kölme ewö, Kraistnönj mönö bauköm enņimamgö osima. ³ Keu mi toroqeba kewö nanğöba jimam: Azi pakpak sileņine aiwesök yandimegö mötketka imbi kölmei, yeņön mönö Köna keu pakpak tem köla wuatangöme. Mi qahö wuatangögetka qahö dop kölma. ⁴ Köna keu tem köla wuatangöba mewö miaņön solanņi akingö mötzei, enjön mönö Kraistkö selņi qösököba yambuk qahö toroqeba kinje. Enjön mönö Anutugö kalem möriamņi mosöta yaigep eta laņ malje.

⁵ Laņ maljemö, neņön mönö Anutugö jeņe diņdiņi akingö jörömqörömņi aka awöweņgömakzin. Mewö ahinga Uņa Töröņan inahöm nenņiiga Anutu möt narim waņņiinga keunini jim teköi solanibingöra mambörakzin. ⁶ Kraist Jisösbuk kininga urugö öļņi mötnarip mi mohotņan mönö bauköm enņimamkza. Anutu möt nariinga inahöm nenņiiga amqeba urukalem ak anğuinga dop köljamö, mötnarip öļņi qahö mi qahö bauköm enņimamkza. Mewöyök Anutugö aiwesökņi silenine yandiget ahöza me qahö, mi mönö dop mohot akza. Silegö kun me kun mi Anutugö jeņe qahö bauköm enņigima.

⁷ Mutuk uru melenmeleņgö aonņitnönj mönahot ewö ösumņinan anget. Ölöņjanök angetmö, böhi takapulakanj kunönj kaba siksauk mem enņiba kemaņe kutuiga keu öļņi qahö toroqeba tem kölakze. ⁸ Kun daņön enņoholakzawi, yaņön mönö kemaņe kutumegöra qahö tutuhuba kuņgum enņimamkza. Mi qahö. ⁹*Yist boromdökņi kimbutnönj ala plauabuk meleņninga körek pakpak meiga qariba wahörakza. Miaņgö dop siksauk moröņan mönö dop köl enņiiga körekmakörek jaņjuņ akepuk.

¹⁰ Böhi takapulakanj yaņön siksauk mem enņiiga jaņjuņ ahakzei, Anutunönj mönö yaņgö ahakmemenāņgö likeņņi meleņ waņņiiga sihimbölöņi möta malma. Nönjön Kembubuk kinda möt narim enņiba enņöra kewö möta awösamkakak akzal: Iņini Kraistkö Buņa keu törörök wuatangöba mötmöt murutņi pakpak yaköribingö möt köhöiba malme.

¹¹ O urumeleņ alaurupni, iņini mewö malmemö, nönjön Kraist maripomnönj kömuyöhaņgö könāņi jim sehibiga Juda yeņgö uruņinan miaņgöra bölimamkza. Maripomgö keuņi mosötpileņak ewö, mönö sesewerowero qahö ak niņgibeak. Anutugö aiwesök azi sileņine yandiyandimegö Buņa keuņi toroqeba jiba uru kuņgum enņibileņak ewö, mönö kahasililiņ qahö ak niņgibeak. ¹² Tosatņan kuņgum enņiba siksauk memakzei, yeņön mönö yandiyandigö keuņini wuatangöm teköba nanņini sile kitipņini körek yandim anğugetka mötpi dop kölbawak.

¹³ O urumeleņ alaurupni, Anutunönj iņini köna walāņgö keunöhök lolohoba gwarönņini qahö malmegöra enņoholökmö, kewögöra mönö galöm mem anğuba malme, “Mönö lolohoba solanņi maljin,” mewö jiba möndöba uruņinan wahöri silegö sihim kömbönaņini bölöņan mönö galöm köl enņibapuk. Nanņini imbi-imbi qahöpmö, mönö urukalem qakņe kinda welen qem anğuba malme. ¹⁴*Köna keu bohonņi mohot wuatangögetka Anutugöreņ keu pakpak mönö mewöyök öļņinambuk akņe. Keu bohonņi mohok mi kewö, “Nangi jöpaköm anğumakzani, miaņgö dop mönö ambazip pakpak urugan jöpaköm enņimamkzan.” ¹⁵ Mewö jizapmö, bau kiam ewö anğöhöm söksök aka aumakze ewö, mönö nanņini ayuhum anğubepuköra töhötnini pöndaņ möta malme. Mewö.

Uņa Töröņan galöm köl enņiiga malme.

¹⁶ Nönjön kewö jimam: Uņa Töröņan mönö ahakmemenāņini galöm kölīga malme. Mewö malgetka urusilegö sihim kömbönaņini bölöņi qei eri kude tem köla wuatangömakņe.

* 5:1: Ip kemaņi (yoke) mi bulmakau yahötkö jölņire ala jöhögetka mindirim etkiiga miaņön mohotņe kare me gölmeqegeqö kinonj örömakzahot. Miaņgö dop Köna keu gwarönönj maljan ewö, nupņi mönö töp meman. * 5:9: 1

Kor 5.6 * 5:14: Lew 19.18

¹⁷* Mianḡö kōnaḡi kewō: Urusileḡö sihim kömbōnaḡi bölōḡan mönō Uḡa Tōrōḡi qetala laḡ köpōsōḡōiga Uḡa Tōrōḡan uru walḡaḡō kukḡi qemamḡō mōriḡa sutḡire jujul ahōi aumakzahot. Mewō aumakzahoraḡōra eḡōn yuai ölpḡi aka membingō möta mi osimakze. ¹⁸ Mi osimakzemō, Uḡa Tōrōḡan eḡḡuaḡḡiriga anda malje ewō, mönō Kōna keu bapḡe qahō malje.

¹⁹ Urusileḡö ahakmeme walḡaḡō nup öḡi mi aukḡe ahōi mötzin. Mi kewō: Kaisero nambōḡnambōḡ laḡ aketka uruḡinan tölōhoiga serowilin ahakze. ²⁰ Tandō lopioḡ waikḡini memba bemḡini möpōseim eḡḡigetka uruḡini sölölōhōm eḡḡi suḡa jinaḡ ahakze. Kerök asuhui aḡḡururuk aka aumakze. Kungōreḡ yuaigōra urunōḡ mututqutut möta erōm ota yom jiba urusḡḡok ahakze. Nanḡinaḡḡōrök mötmōriba yuai örōba giriḡjabak memakze. Jula mendeḡ aḡḡuba kambuḡi kambuḡi ala jijiwilit ak aḡḡumakze.

²¹ Tosatḡi yeḡḡō yuaigōra eksihim möta körōḡisigisi aka közölōmbuaḡ pati ala bau numbu memba o köhöikḡaḡōra eḡololoḡ ahakze. Mi aka silik tosatḡi mewōḡi ahakzei, yeḡḡōra mutuk jial aka mianḡō dop galōm meme keu mi qelḡiḡe dumḡe kunbuk kewō jizal: Ambazip silik mewōḡi ahakzei, yeḡḡōn mönō Anutugō bemtohoḡ uruḡe qahō öḡḡōme.

²² Yeḡḡōn qahöpḡmō, Uḡa Tōrōḡan nup memakzawaḡō öḡi mi urukalem, sösōḡgai, luai aka ahakmeme ölpḡi kewō: Lömböt pakpak möta mökösōḡda tosatḡi ala ak eḡḡiba ahakmeme sakalakḡi ahakze. Keuḡi misila pōndaḡ wuatḡḡōmakze. ²³ Guḡbōḡḡōḡḡōḡ qakḡe tosatḡi ak eḡḡiba nanḡini tōrōrök galōm köḡ aḡḡumakze. Ambazip silik mewōḡi ahakzei, yeḡḡōn Kōna keu qahō qetalakze. ²⁴ Ambazip Kraist Jisōḡḡō buḡaya aka maljei, yeḡḡōn uru sileḡinaḡō sihim kömbōnaḡini bölōḡi aka bölōḡaḡō urukōḡḡōḡini mi körek Jisōsbuk maripomḡōḡ algetka mem kömuyōhawa malje.

²⁵ Uḡa Tōrōḡan urunine geiga malḡin ewō, ahakmemenini mönō mewōyōk Uḡa mianḡōn galōm köḡ neḡḡi aka memba malbin. ²⁶ Mewō mala qetbuḡa omaḡi neḡḡimeḡō kude kapaḡ köla öne tōhōn kude aiwelikōm aḡḡumakḡe. Urubölō ak aḡḡubepukōra mönō urukōḡḡaḡ kude aka uruōḡḡōp qakḡe kude ak aḡḡumakḡe. Mewōyōk körōḡisigisi kude ahakḡe. Mewō.

6

Lömbötḡini mönō bisiba baukōm aḡḡumakḡe.

¹ O urumeleḡ alaurupḡi, kunḡan kōna oḡḡita siḡḡisōḡdok aiga miwikḡaize ewō, urumeleḡ alaurup eḡōn mönō mökōköli qakḡe ala ewō mindiḡōm waḡḡigetka kunbuk kōna miwikḡaima. Mewō aka nangak mewōyōk esapesapḡōḡ et guhubapukōra mönō galōm mem aḡḡuba malman. ² Lömbötḡini mönō baukōm aḡḡuba bisimakḡe. Mewō mianḡōn Kraistkö Kōna keuḡi wuatḡḡōgetka öḡḡambuk ahakḡa. ³ Kunḡan eretḡi mala tōndup nanḡaḡō möri öḡḡōḡḡōḡi akzawi, yaḡḡōn mönō nanḡi tilipkōm aḡḡumakza.

⁴ Mewō kude akḡemō, mohot mohot eḡōn mönō nanḡini ahakmemenini kewōta esapkōgetka dop köḡma. Mewō aka alaḡini oḡḡita qetbuḡaḡinambuk akzeḡḡōra kude aiwelikōmemō, mönō nanḡini kōnaḡinaḡḡōrök sileḡini möpōseigetka dop köḡma. ⁵ Anutunōḡ lömbötḡini murutḡi murutḡi mendeḡ neḡḡiiga nanḡōk nanḡōk bisimakzin. Mianḡōra nanini tosatḡi yembuk likeplikep ala kewōt aḡḡubingō osimakzin.

⁶ Böhi qaqaḡunōḡ kungōra Buḡa keu kusum waḡḡimakzawi, yaḡḡōn mönō mianḡō tōwaḡi meleḡda yuaiḡi ölpḡi pakpak mendeḡda bahōḡi waḡḡimakḡa.

⁷ Nanḡini mönō kude tilipkōm aḡḡumakḡe. Kunōḡ nene warōkḡi kömōriḡa öḡi mianḡō dop ahui miwikḡaima. Keu mianḡō dop Anutunōḡ bölōḡamnini eka likeḡḡi mianḡō dop neḡḡima. Mianḡōra Anutu mi azi omaḡi ewō mepaqepaik ak waḡḡibingō osimakzin. ⁸ Urusileḡö sihim kömbōnaḡi bölōḡan kun nam köḡ waḡḡiiga mianḡō warōkḡi laḡ kömōrakzawi, yaḡḡōn mönō mianḡō köndeḡḡmōndeḡi miwikḡaiba bölimakḡa. Yaḡḡōn bölimakḡapḡmō, Uḡa Tōrōḡan kun sölölōhōm waḡḡiiga mianḡō warōkḡi kömōrakzawi, yaḡḡōn mönō öḡi mianḡō dop miwikḡaiba malmal köhöikḡaḡō buḡaya aka malma.

* 5:17: Rom 7.15-23

⁹ Nini jegep kinda nup ölöpnji ölöpnji memba mala miangörej mönö löwöriba zölöczölök kude aknje. Tanqan aka nup qahö mosötpin ewö, ölnji meme nalöñan kam kuñguiga nupninangö töwañi mönö miwikñaibin. ¹⁰ Miangöra gölmenöñ malbinangö dop neñön mönö ambazip ölöpnji ak engibingö jegep kinda malbin. Urumelenj könagesö uruñe maljei, i mutuk alabauk ak engimakin aka yeñgö andöñjine ambazip tosatñi pakpak köna asuhuiga mem ölöwak engimakin.

Galöm meme aka yaizöczök keu teteköñi

¹¹ Pol nöñön kirifi memba nani böröñan kulem je ketanji ki engöra ohozali, mi eknje. ¹² Ambazip Anutugö aiwesökñi silenine yandimegöra kuñgum engimakzei, yeñön mönö körek sile megetka gölme ambazipnöñ yeñgöra mötket öñgömapköra kapanj kölakze. Kraistnöñ maripomnöñ kömuyöhi, keu miangöra sesewerowero ak engibepuköra mönö mewö kuñgum engimakze. Miangö könañi murutñi kun qahö. ¹³ Anutugö aiwesökñi-nambuk mienöñ mönö nanñinak mewöyök Köna keu qahö wuatangöm teköba malje. Mewö qahöpmö, engö silenini yandimegö mötzeañön mönö engö sile kitipñinangöra aka nanñini silenini mem öñgöba qetbuñaninambuk akingö mörakze.

¹⁴ Mewö mörakzemö, nöñön Kembunini Jisös Kraist maripomnöñ kömuyöhi, mönö Buña miangöra aka silenini möpöseimakzal. Qetbuña murutñi kun qahö jarumakzal. Mi yapmakek! Kraistnöñ maripomnöñ kömuiga yambuk toroqebiga mötmöt areñnan uteköiga silik bölöñangö sisitñi memakzal. Gölme ambazipnöñ silegö ahakmeme bölöñi membingö mötmörriba keu jimakzei, nöñön mönö miangörej göröken köhömuñi tandök akzal. Möpöseim niñgimei me silene keu almei, miangö likepnji mi qahö meleñmam. Gölmenöñ keu kewöta tosatñi mötket öñgöi tosatñi mötket eretñi akzawi, mi mönö nöñgö mötmöt areñbuk dop mohot qahö akzahot.

¹⁵ Silenine aiwesök yandiget me qahöwi, miangön mönö dop mohot akza. Miangön gorosonñi akzapmö, ahuahü dölökñangö dömnji akzini, miangön mönö öl töhöññi akza. ¹⁶ Ambazip ahuahü dölökñangö jimkutukutu keu wuatangöba maljei, Anutunöñ Juda körek mi aka Anutugö urumelenj könagesö pakpak inñini mönö ak kömum enñgiiga luainöñ malme.

¹⁷ Keu teteköñi kewö jizal: Nöñön Jisös qegerangö löpötñi mi nani silene ahöiga bisimakzalanğöra kunöñ mönö urulömböt kude toroqem niñgima.

¹⁸ O urumelenj alaurupni, Kembunini Jisös Kraistkö kalem möriamñan mönö embuk ahöba uñanñini kötuatkömakña. Keu mi ölnja.

Efesus Kimbi Polnön Efesus yengöra Kimbi alök. Jim-asa-asari keu

Polnön Rom sitigö kösö mire tata Efesus urumelej kambu yengöra Kimbi ki ohoyök. Efesus mi Eisia prowinsgö siti bohonji. Siti miangö uruje kölköl-örörö gwötpuk ahömalget. Polnön misin nup memba liliköi indimji karöbut ahiga Efesus kaba yambu karöbut miangörej Buña keu jiba malök. Efesus sitinön Juda ambazip tosatji miri tonji yengö sutjine malgerangöra Polnön kimbi ki ohoba kewö kusum engiyök, “Kraistnön lök kambu yahöt toroqeiga urumelej kambu mohok-kun akzahot.” (2.15-16), (3.6) Anutunön jitsihitji aka kalem möriamji urumelej kambu nengöra denöwö ali ahözawi, mi gwötpuk jim asariza. (3.10) Miangö dopkeu karöbut kewö jiyök:

1. Urumelej könagesö enön sile sep busu mohot aketka Kraistnön nanjak nöropjini akza. (1.23; 4.15-16)

2. Urumelej könagesö enön miri mohot tandök aketka Kraistnön engö tandönjini kömbönañi akza. (2.21-22)

3. Urumelej könagesö enön ambi buña ewö aketka Kraistnön apñangö tandök akza. (5.25-27) Mewöyök Kraistnön Efesus engö kambu yahöt toroqem etkiiga miangöra sile sep busu mohot akze. Asakñangö ambazip akerangöra malmalñinangö goro keunji keunji ohoyök. Mewö.

Buk kiangö bahöñi bohonji 4 mi kewö:

Keu mutukji keu 1.1-2

Kraist aka urumelej könagesö 1.3-3.21

Kraistpuk malmal dölokji 4.1-6.20

Kimbigö keu kötji bohonji 6.21-24

¹ * Anutunön Pol ni jitsihitñangö dop melaim niñgiiga Kraist Jisösgö aposol akzal. Mötnarip alaurup sarakji Kraist Jisösbuk qekötahöba Efesus sitinön maljei, nöñjön embuk keu eraum mötpingöra kimbi ki ohozal.

² Anutu Iwinini aka Kembu Jisös Kraist yetkön mönö kalem möriam engiyohotka luainön malme.

Kraistnön Anutugö kötümötuetji nengimakza.

³ Neñön Kembunini Jisös Kraistkö Iwi Anutuñi möpöseimakin. Yañön nini Kraistpuk qekötahöinga uruninan ölöwakñapköra Suep mirigö kötümötuetji aka kalemñi könari könari mi urunine alöha kayambu asuhui mala kotket. ⁴ Anutunön nini mutuk möpñangö möpñeyök kewö akingöra möwölöhöm nengiyök: Kraistnön nam köl nenggiiga neñön yañgö buñaji sarakji aka Anutugö jemesoholñe keunini qahö kinbin. Mewö möwölöhöm nenggiba miangö andöñe Suep gölme miwikñaiba al etkiyök. Nalö miangöreñök könahiba ambazip jöpaköm nenggiba mala korök.

⁵ Jöpaköm nenggiba urusihimñangö dop qeljine keu jit areñi ala keunini kewö jim teköyök: Jisös Kraistnön nam köl nenggiiga Anutunön nengömeiga nanñi nahönböratu-rupñi akin. ⁶ Wölböt Nahönñi nengöra melaiiga eta Anutugö kalem möriamñangö kukösümñi buñabuñangambuk köleñda söngöröñi qahö öne nengiyök. Nini mönö kalem möriamñi miangöra Anutu möpöseim wañgimakin. ⁷ * Anutugö kalem möriamñangö köwenji mi keta bölokji. Miangö dop Jisösnön sepñi mokoba miangön sohoppnini meyök. Mi meyöhanğöra Anutunön ölop siñgisöndoknini mosöta sañgorñ nengimakza.

⁸ Yañön kalem möriamñi mi köweñeyök keleñmaleleñ mokoiga qaknine öngöyök. Mötkutukutuñi öngöñgöñi pakpak miangö dop kewö möt asarim nengiyök: ⁹ Anutunön mutuk nanñi uruje keu areñ jöhöba möri ölöwahiga tölapñe ahöi öne mala kotketmö,

* 1:1: Apo 18.19-21; 19.1 * 1:7: Kol 1.14

Kraistnön Anutugö keu jitjangö dop wuatangöba eta nengörej indeliga eka mörin. ¹⁰ Anutunön mutuhök kalem möriam arenjangö könari kewö mötmöriyök, “Anutu nöjön arej mi wuatangöba mala malbiga nalöni törörök kam kuñguiga miangörej öljambuk aiga kewö asuhuma: Körek Suep mirigö jakeni jakeni miangörej me gölmenön ahuba maljei, nöjön mönö mi pakpak mindiriba jöhöm engimam aka Kraist kuñgum wangbiga körek yengö bohonjini mohot aka malma.”

¹¹ Anutunön mutuhök nanji urujangö dop keu jöhöi ahözawi, mönö arej miangö dop kuñgukuñgu keuji jiiga yuai pakpak asuhumakza. Nanji areji miangö dop qeljine Juda könagesö nini nanji buñaji aka malbingöra jim teköba al nengiyök. Miangö dop nini tosatjan Kraistpuk qekötahöinga meköm nenggiiga buñaji börösamot ewö angön köla memba maljin. ¹² Juda könagesö nejön Kraistnön galöm köl nengimapkö mamböta qeljine jörömqöröm ak wangiba mala korini, yanön nini Anutugö kukösumñi buñabuñajambuk möpöseiba malbingöra aka möwölöhöm nengiyök.

¹³ Kian kantri engöreñök tosatjan mewöyök Kraistpuk toroqeba qekötahöget. Amötqeqegö Ölöwak Buñaji jigetka keu ölni mi möta urujini melenget. Uña Töröñi yanön Anutu buñajangö muñgem aiwesökñi akza. Uña mi melaii etmapkö keu jöhöyöhi, yanön mönö mi urujine ali geyök. Kraist möt narim wangigetka Anutunön aiwesökñi kömbönari mi mekötahöm enggiiga malje. ¹⁴ Anutunön könagesöurupñi Suep Buña nengimangö keu jöhöyöhi, mi memingö aiwesökñi Uña Töröñi mi mutuk al nengiyök. Uña Töröñi urunine ali maljawangöra mönö kewö möt köhöizin: Anutunön lök sohpnini memba buñaurupñi ahinga bian gölmenöhök nenguanjiriga Suepnön öngöba oyaenkoyaen akin. Miangöra mönö Anutugö kukösumñi buñabuñajambuk möpöseimakin. Mewö.

Polnön Anutu möpöseiba kewö köuluköyök:

¹⁵ Mewö oyaenkoyaen akingöra aka nöjön Efesus engöra köulukömakzal. Eñön Kambu Jisös pöndañ möt nariba ambazip sarakñi pakpak urujinan jöpaköm engimakzei, tosatjan miangö buzup keuji jigetka möral. ¹⁶ Miangöra buzup keu mi mörali, nöjön mewöyök engöra aka Anutu möpöseiba mala qahö mosöral. Qahö. Nöjön köuluköba miangörej mötmörim engimakzal.

¹⁷ Mötmörim engiba Kembunini Jisös Kraistkö Anutuñi mi kewö köulukömakzal, “O Iwi kukösum Toñi, gi mönö Uñagi Töröñi Efesus alaurup engiman. Uña mi urujine alnönnga mötkutukutuñini qainñi kun asuhuiga Anutugö könari ölpñanök indeliga möt yaköme. ¹⁸ Anutu, gi mönö uru jeñini mem asarinönnga nangi Buñagahö könari möt yaköme.” Anutunön nanji ambazip sarakñi nengöra Suep Buña kukösumñi buñabuñajambuk mi nengimangö keu jöhöiga injini yuai mi asuhumapkö al mamböta jörömqöröm akñegöra engoholök. Jörömqöröm aketka Jisösnön kunbuk asuhuiga aködamunñinambuk akñei, injini oyaenkoyaen miangö könari möt sölöngömögöra köulukömakzal.

¹⁹ Möt narim wanggiinga Anutugö kukösum köhöikñan urunine sehiba nup memakzawi, miangön mönö keta bölökñi teteköni qahö akza. Injini miangö könari möt kutumögöra köulukömakzal. Ösum-mumuñi wewelipñambuk miangön silenini kutuba inahöm nengimakzawi, Anutunön miangö kukñi kewö kondel nengiyök:

²⁰ *Anutunön kukösumñi nupnön ala Kraist mem gulim wangii kömupnöhök wahörök aka wangiriga Suep mire öngöba selji selji liliköba jakeni jakeni engongiriga Anutunön böröñi ölje dum tatat mutukñe ali tatza. ²¹ Ali jakömbuak dumje tata öroyuai pakpakö bohonina kinja. Bem suahö galöm aka yengö nemböñine jembon pom aka gawman kiap öngöñgöñi eretñi kukösumñinambuk kembu ak nengimakzei, Kraistnön mönö mi körek pakpak galöm köl engimakza. Suep mire, gölmenön aka mietkö sutjire galöm qet pakpak qet engigetka bisize, Kraistnön mi körek engongita öngöza. Gölmegö nalö

* 1:20: Sum 110.1

kewöneyök qahöpmö, könangep nalö qainji kun asuhuiga mal öngöbini, miangörey mewöyök öröyuai pakpak galöm köla mal öngöma.

²² ** Anutunöy uña, ömewöröme, ambazip aka öröyuai pakpak mi memba eta Kraistkö bapne al neñgii malinga Kembunini öngöngöñi akza. Anutunöy Kraist mi urumelej könagesö neñgiba bohonini kinmapköra kuñgum wañgiiga malja. ²³ Yañön kötal neñgiba bohonini aiga neñön yañgö öljañgö köna börö su-urupñi akzin. Kraistnöy nöröwök aiga qahö dop kölbawakmö, neñön yañgö törömunñi aka toroqeinga öljän asuhum tiñgiriga dop kölja. Kraistnöy mewöñanök öröyuai pakpakö törömunñina kun aka toroqeiga körek pakpak mienñön mönö Anutugö aködamunñinambuk asuhuba dop köla anakze. Mewö.

2

Köhömuneyök guliba Kraistpuk köhöiba maljin.

¹ * Mutuhök köna oñgita siñgisöndokñi siñgisöndokñi akerangöra malmal köhömunji mala kotket. ² Injini nalö miangörey gölmegö ahakmeme bölöñi wuatangöget. Ömewöröme yengö Kembuñinan nalö kewöñe Suep gölme sutñire mala qeçetal ambazip uruñini sölölohöba galöm köl engimakzawi, mönö yañgörey qekötahöba tem köl wañgiba malget.

³ Neñön körek mewöñanök mutuk yengö sutñine silebile aka lañ malin. Uru silegö sihim kömbönañnini bölöñi wuatangöba nanine imbi-imbi malin. Mewö lañ malinga Anutunöy neñgehi qahö dop köliga irimsesewölñi qaknine ali malin. Qeçetal ambazip tosatñi yengö dowök Anutugö irimsesewölñangö buñaya aka malin.

⁴ Mewö malinmö, nalö kewöñe mewö qahö. Anutunöy ak-kömükömunji teteköñi qahö miññön mönö jöpaköm neñgiyök. ⁵ Köna oñgita Anutu qetala miangöra köhömunji aka malinmö, Anutunöy Kraist mem guliyöhi, nini mewöyök mönö mewöñanök mem gulim neñgiiga köhöiba maljin. Yañgö kalem möriamñan mönö amöt qem enjiiga kunbuk letotket.

⁶ Kraistnöy wahöröhi, nini mewöyök mönö mewöñanök neñgömindiga köhömuneyök wahörin. Anutunöy Kraist Jisös wañgiriga Suep mire öngöyöhi, nini mewöyök mönö mewöñanök Suep malmalgö jake ahözei, mönö miangörey al neñgiiga yambuk tosatñi galöm köl engiba maljin.

⁷ Anutunöy kewögöra mewö al neñgiyök: Anutunöy kalem möriamñangö köwenji teteköñi qahö miññön aukne asuhui möt asaribingöra mörök. Möt asariba könangep nalöñi nalöñi qainji kun asuhugetka teteköñi qahö mal öngöbini, nalö miangörey mi neñgim qarimapköra mörök. Anutunöy Kraist Jisös melaiiga kaba urukalemñi mewö kondel neñgiyök. ⁸ Anutu möt narim wañgigetka kalem möriamñan mönö amöt qem enjiiga kunbuk letotket. Nanñini nam köl anguba mewö miññön qahö letotketmö, Anutunöy mi kalemña ak enjiyök. ⁹ Nanñinak yuai kun ak sorokögerangöra aka qahö letotket. Kunöy kun nanñi silenji memba öngöbapüköra mönö kalem möriamñangörök aka mewö ak enjiyök.

¹⁰ Nini Anutugö börösöwöya maljin. Kraist Jisösbuk qekötahöinga Anutunöy uru dölokñi miwikñaiba al neñgiyök. Anutunöy qeljñe nup ölöpnji ölöpnji möwölöhöba mözözömgöyöhi, neñön mi memba malbingöra mewö miwikñaim neñgiiga maljin. Mewö.

Kraistpuk qekötahöba öljñi mohot akzin.

¹¹ Miangöra aka Efesus injini mutuk Juda ambazip qahö ahuba Anutugö könagesö qahö malgeri, mönö mi mötmöriba malme. Tosatñan engöra kewö jiba jim engimalget, “Nini Anutugö aiwesökñinambuk maljinmö, kantri tosatñi injini ambazip omañi aiwesökñini qahö!” Qet mi azi börönöy aiwesök silenine yandimakzei, mönö mi mötmöriba jimalget. ¹² Injini nalö miangörey uruñini Kraistpuk qahö jöhöba öne yaigep malget. Kian kantri injini Juda könagesö neñgö kau likepurupnina malget. Anutunöy ambazip nanñangöra

* 1:22: Sum 8.6 * 1:22: Kol 1.18 * 2:1: Kol 2.13

möwölöhöm nengii maljini, injini nengö sutnine qetņini qahö malget. Anutunöŋ Buņaji alaurupņi engimamgö jiba keu jöhöyöhi, injini mi qahöpmahöp möt kutuba tönpin malget. Oyaenköyaen akingö jörömqörömqini qahö. Anutuņini qahö tandök gölmenöŋ önewat laņ malget. Mönö mia mötmöriba malme.

¹³ Injini mutuk tikep malgetmö, Kraist Jisösbuk qekötahögetka sepņan saņgoņ engiiga nalö kewöŋe amqeba Anutugö kösutņe kaba malje. ¹⁴ Kraistnöŋ nanņak luai Tonini akza. Yaņön Juda könagesö aka kian kantri ambazip kambu yahöt nini mindirim nengiiiga kutulaņgömakzin. Sutnine kerök ahöba sel paset köhöikņi ewö mendeņ nengiyöhi, yaņön mönö soņgo mi tumbaköba luluņniga urumeleņ könagesö mohot akzin. ¹⁵ *Jisösnöŋ nanņi gölme sileņan kömuiga mewö mianöŋ Juda nengöreņ Köna keu aka miangö jöjöpaj keuņi aka jimkutukutu tosatņi mi köndeņnök. Sile kambu yahöt mindirim nengiba könagesö dölökņi mohot akingöra mi köndeņnök. Miangöra uru dölökņi miwikņaiba al nengiiiga Kraistpuk qekötahöingä sutnine luai qei asuhum nengiyök.

¹⁶ *Kraistnöŋ kömumba keröknini maripomnöŋ qem kömui erök. Sileņi mohot miangö sepņan mönö ambazip kambu yahöt neņguangiriga ölop lilingöba Anutugö kösutņe kabin. Mewö mindirim nengiiiga ölop böröqeqe akin. Mi ak teköba Kraistkö ölni mohot aka maljin. ¹⁷ *Kraistnöŋ kaba luai asuhumapkö Buņaji mi kian kantri ambazip Anutu andö qeba tikep malgeri, engöra jim asarim engiyök aka Juda ambazip Anutugö kösutņe malini, mönö nengöra mohot jim asarim nengiba malök. ¹⁸ Kraistnöŋ Juda aka kian kantri ambazip nini körek nam köl nengiiiga Uņa Töröŋi mohotņan köna kondel nengiiiga ölop amqeba Iwigö jemesoholņe aņgotpin.

¹⁹ Miangöra injini Juda ambazip qahöpmö, töndup kian ambazip qandakņi mi qahö toroqeba malje. Anutugö miri gölme toņi sarakņi aketka nembuk mohotņe Anutugö urumeleņ könagesö akzin.

²⁰ Kezapqetok ambazip yeņön mutuhök Anutugö keunöŋ tandö esim kuņgugetka Kraist Jisösnöŋ nanņak kaba tandö kömbönaņnini aka aposol melaim nengiba bohonini kiniga Anutugö urumeleņ jikeya akzin. Injini mewöyök tandö miangöreņ aņgota naņgönaņgö ak aņguba köhököhöi miwikņaimakze. ²¹ Yaņön mönö miri mi jömukņanök mindirim jöhöiga kinakza. Nini Kembubuk qekötahöba kindä kutulaņgöingä mötnaripninan köhöim qariiga Anutugö urumeleņ jike kömbukņi akzin. aka ²² Injini mewöyök Kembangöreņ qekötahöba urumeleņ alaurup tosatņi yembuk kutulaņgöba mohotņe kindä uruņini naņgöm aņguba köhököhöi miwikņaimakze. Mewö kindä Anutugö urumeleņ jike aketka Uņa Töröŋi uruņine ala mianöŋ nanņak jikeņi miangö uruņe malja. Mewö.

3

Polnöŋ kian kantri yeņgöreņ anda Buņa nup meyök.

¹ Könaņi miangöra aka Pol nöŋön kian kantri ambazip injini bauköm engimamgöra nup memba maljal. Mewö malbiga Kraist Jisösgö nupņi mealangöra kösö mire al niņgigetka tata simin köla köulukömakzal. ² Anutunöŋ kalem möriamņi kantri tosatņi engöra mendeņ engiiga ölöwakņegö nup niņgiyöhi, injini mi ölna möt teköze. ³ Anutunöŋ keu areņi tölapņi indela jiiga möt yaközali, keu miangö könaņi lök töröpņanök ohom engial. ⁴ *Ohom engiali, injini kulem mi oyoņda ölop nöŋgö könaņi kewö möt asarime: Nöŋön Kraistkö könaņi tölapņi mi ölopņanök möt kutuzal.

⁵ Möpņangö möpņeyök ambazipnöŋ könahiba mala kota malgeri, yeņön nalö miangöreņ Buņa tölapņi miangöra tönpin malget. Mewö mala kotketmö, nalö kewöŋe Uņa Töröŋan mi Anutugö aposol aka kezapqetok ambazip tök-kutukutuņi nengöra jim indeli mötzin. ⁶ Buņa tölapņi mi kewö: Kraist Jisösnöŋ Buņa nengimapkö jiba keu jöhöyöhi, injini mi Juda nembuk öröröŋ aņgön köla memba malje. Ölöwak Buņanöŋ miangö könaņi

* 2:15: Kol 2.14 * 2:16: Kol 1.20 * 2:17: Ais 57.19 * 3:4: Kol 1.26-27

mi kian kantri ambazip engöra mewöyök kondel engimakza. Ijini urujini melenja ölop nembuk mohotje kötümötuetnangö Buñani dop mohot memba malje. Urujini Anutubuk jöhöba mohotje Kraistkö ölni aka nembuk kambu mohot kinjin.

⁷ Yangö kukösumñan mönö nöngö uruni sölölohöiga uruni melenbiga Anutunöñ kalem möriamñi söngöröñi qahö niñgiyök. Mi niñgiiga köna asuhuiga Ölöwak Buñagö nup meme azia ahal. ⁸ Nöñön Anutugö könagesö sarakñi pakpak engö nembö bapñine eretñi kötökñi maljal. Mewö maljalmö, Anutunöñ töndup kalemñi öngöngöñi kewöñi niñgiyök: Nöñön Kraistkö oyaenköyaen Buñani mi kian kantri ambazip engöra jim asarimangö simbawoñ mötzal. Oyaenköyaen miangö könañi mi körek esiba möt kutum teköbinangö dop qahö.

⁹ Anutunöñ möpñangö möpñe yuai pakpak miwikñaiba Buñani tölapñi közamböriga ambazipnöñ mala kota malgetka nalö miangöreñ tönpin malget. Miangöra nöñön Anutugö Buñareñ tölapñi mi galöm köla malbiga öljambuk ahakza. Nöñön miangö könañi aukñe jibiga ambazip körekñan möt sölöngömögöra simbawoñ mötzal.

¹⁰ Anutunöñ mötkutukutuñi qainñi kun könañi könañi indel neñgiiga nalö kewöñe urumelen zioz kambu sutnine eraum möringa aukñe ahum sehimakza. Anutunöñ urusihimñan kewö mörakza: Bem suahö galöm aka pom garata öngöngöñi eretñi Suep gölme sutñire öroyuai pakpak galöm kölakzei, yeñön mewöyök Anutugö mötkutukutuñi mi kezap ala mötmögöra mörakza. ¹¹ Yeñön mi mötmögöra Anutunöñ Buñareñi mi möpñangö möpñeyök nalö qahöpñe uruñan jim köhöiba ali ahöyök. Miangö dop Kembunini Kraist Jisös melaiiga ölni miwikñaiga könagesöurupñi aka mindiriba kinjin.

¹² Kraistpuk qekötahöba kinda möt narim wañgiinga Anutugö nañgunan mewö taliga ölop yangö jemesoholje angotpingöra awösamkakak kinjin. ¹³ Miangöra kewö ulet engizal: Nöñön kösö mire tata eñön ölöwakñegöra aka köñjilij möta malakzali, miangöra uruñinan mönö kude etma. Ijini nöngö sihimbölöni miangöra aka ölop aködamunñinambuk akñe. Mewö.

Polnöñ Efesus yeñgöra kewö köuluköyök:

¹⁴ Könañi miangöra nöñön Iwinini simin köl wañgiba köulukömakzal. ¹⁵ Yañönök mönö iwinini mutukñi akza. Yangö dop Suep aka gölmegö könagesö pakpak neñön iwi qet memba qerakzin. ¹⁶ Kewö köulukömakzal, “Anutu, gi mönö Uñagi Töröñi al enginöñga uruñinan köhöimakña. Göhö Buñagi kukösumñi buñabuñañambuk mi teteköñi qahö köwege ahözawi, gi mönö kukösumgi miangö dop mem köhöim engimakñan. ¹⁷ Mem köhöim enginöñga ölop Kraist möt narim wañgigetka uruñine dumñi memba malma. Mewö maliga kesötñini Kraistkö urukalemnöñ möndömgöba mendawölget geiga töndangöba kinme.

¹⁸ Urukalemñan nam köl engiiga könagesö sarakñi pakpak yembuk ölop Kraistkö urukalemñangö könañi möt kutume. Jöpaköm neñgimakkzawi, urukalem miangö dopñi kewö: Görañi likeplikep teteköñi qahö an bibihiza. Köropñi enduyangö enduje angaiza. Köropñi euyangö euje öngöza. Mewöyök dutñe emuyangö emuje geba ahöza. ¹⁹ Kraistkö urukalemñan mönö gölmegö mötmötninangö dopñi ongitza. Mi möt kömumegöra kewö köulukömakzal: Anutu, gi mönö aködamungi pakpakö dop mötmöt Buñagan urujini kokolak qeba musulungöm engiman.”

²⁰ Anutu mewö köuluköba kewögöra möpöseimakzal: Nini mötmötnini ongita yuaigöra köuluköba qesibinak me jemeleñ imut ala mötmöribinak ewö, yañön mönö yuai mi ölop köhöiba neñgima. Anutu kukösumñan urunine nup memakkzawi, yañön mönö miangö dop köuluk aka mötmöt dopnini ongit teköba amqeba yuai pakpak ölop ak neñgimakña. Miangöra möpöseim wañgimakin. ²¹ Urumeleñ könagesö neñön tokoba Kraist Jisösgöra aka Anutugö qetbuñani möpöseininga aködamunñambuk aka ahöma. Mi gwöt isik ahöm köhöiba teteköñi qahö ahöba öngömei, nalö miangöreñ mönö mewöñanök aködamunñambuk aka ahöma. Keu mi ölna.

4

Kraistnōj mindirim nenjiiga öljī mohot akzin.

¹ Nōjōn Kembubuk qekōtahōba kindā nupņi mealanğōra kōsō miri azia akzal. Keu mi jim tekōba uruņini keu kewō jiba kuņguzal: Anutunōj ahakmeme akōdamunņambuk aka memba malmegōra enğoholōhi, miangō dop iņini mōnō malmal qainņi kun malme.

²* Mōnō uruņini memba et ala keu bapņe anda guņbōnjōnjōj qakņe ambazip ak enğiba malme. Lōmbōt mōkōsōņda malme. Mōnō lolongōba bōlōņanğō kitipņi kude mememō, qaqaenğiba jōpakōm anğuba malme. ³ Uņa Tōrōņan uruņini qezakōba luaigō kōsōnōj jōhōba mindirim enğimakzawi, iņini mōnō uru jōhōjōhō mi sutņine ahōmapkōra kaparj kōla kinme.

⁴ Anutunōj enğoholōhi, miangōreņ mōnō örōrōj oyaenğoyaen akingō jōrōmqōrōmņini mohot miyōk al enğiiga al mambōta malje. Miangō dop iņini mewōņanōk Kraistkō öl kempaņi mohot aketka Uņa Tōrōņi mohotnōj mōnō inahōm enğiiga malme. ⁵ Kembunini mohotnōj galōm kōl enğiiga örōrōj mōt narim waņgigetka o melun mohot miyōhōk mem enğigetka mohot aka malje. ⁶ Anutunini mohotnōj kōrek iwi ak nenğimakza. Yaņōn yuai pakpak kōrek nenğonğita Kambu ōņgōjōņi ak nenğimakza. Mewō aka jitņi tem kōlbingōra kōrek kuņguba inahōm nenğiba urunini dop malmal tatat ak nenğimakza.

⁷ Miangō dop örōrōj Kraistkō öljī mohot maljinmō, Kraistnōj kalem mōriamņi mokoba sihimņanğō dop nenğiyōk. Nup memegō mōtmōt kalem kōnaņi kōnaņi mi mohot mohot nenğōra dopnine mendeņ nenğiiga maljin. ⁸* Miangō keuņi mi kewō jigetka Buņa Kimbinōj ahōza,

“Yaņōn euyangōreņ ōņgōba kindā kōsō ambazip gwōtpuk enğōmeiga buņaurupņi aketka kalemņi kalemņi mi ambazip nenğōra nenğiyōk.”

⁹ “Euyangōreņ ōņgōyōk,” Anutunōj keu mi mōnō denōwōgōra jiyōk? Miangō kōnaņi kewō: Kraistnōj mutuk Suepnōhōk erōk. Mōnō gōlme dutņe emuyangōreņ geyōk.

¹⁰ Erōhi, yaņōn mōnō mewōyōk lilingōba eu ōņgōyōk. ōņgōba Suep mirigō jakeņi pakpak enğonğita qakņe euyangōreņ ōņgōba malja. Miangōreņ mala Suep gōlmegō örōyuaiņiri pakpak mi ōsumņan kokolak qeba jōmuk dop kōl tekōba malja. ¹¹ Kraistnōj ambazip nenğōra mōtmōt kalemņi kōnaņi kōnaņi kewō mendeņ nenğiyōk: Nupņi mendeņ nenğiiga tosatņan melaimelai ambazip bohōņi (aposol) aket. Tosatņan kezapqetok ambazip (profet) aket. Tosatņan urukunğukunğū ambazip (ewanjelis) aket. Tosatņan lama galōm (pasto) aka kusum nenğineņgi bōhi qaqažu aket.

¹² Kraistkō öljī mi urumeleņ ambazip. Neņōn yeņgō uruņini nanğōinga kōhōkōhōi miwikņaibingōra nupņi mewō mendeņda kuņgum nenğiyōk. Kōnagesō sarakņi neņōn kōrek urugō nupņi mēbingō jōjōrōm tekōba malbingōra aka mewō inahōm nenğiyōk.

¹³ Mewōņa mewō nup murutņi murutņi memba mala Anutu mōt nariba kōnanğep Nahōņi mōt yakōm sorokōba miangōreņ qezakōm anğuba mohot aka kinbin. Anutugō mōtmōtņi aka akōdamun yuaiņi pakpak mi mōnō kōrekņanōk Kraistkōreņ ahōza. Neņōn Kraistkō kōweņeyōk mōtmōt ōsumņi örōinga musulumğōm nenğiiga qarim sehiba kōhōiba malinga akōdamunņi kōl nenği kōrek asuhui malbin.

¹⁴ Toroqeba namande tandōk malbinbukōra Kraistnōj urunini kuņguba nanņi ewō akōdamuninambuk akingōra inahōm nenğimakza. Namande tandōk malinga qewōloņ ambazipnōj areņ i me wai ala mōndōba tutuhum nenğigetka tala et nenğuyōhi, iņini mōnō miangō dop aka laņ malbepuk. Luhutnōj lilikqilik qeiga kōwetnōj kunduriga sirinōj gōdōwōrōt laņ waņgiriga an qem kam qem aka simbiņsambaņ ahakza. Miangō dop gōlme ambazipnōj silenōj alal aka unji memba tilipmōtmōt miwikņaiaba ambazip laņ kusum enğigetka janjuņ ahakze.

¹⁵ Miangō dop laņ kude malmemō, keu öljānōk tōp jiba jōpakōm anğuba malme. Mewō mala Kraistnōj nōrōpnini akzawi, kesōtņini mōnō yaņgōreņ mōndōmğōget geiga

* 4:2: Kol 3.12-13 * 4:8: Sum 68.18

töndangöba yuai pakpak miangörej qarim köhöiba aködamunñinambuk aka malme. ¹⁶ *Kraistnön nöröpnini aka ölni jömuhök galöm köl neñgiiga ginimuramñi körekñan mönö ölnangö köna böröñi mindiriba jöhöm neñgigetka kutulangömakzin. Ösum mohot mohot ahöm neñgizawangö dop mönö nupnini memba kötöngöba jöpaköm anginga ölni mianñön köhöiba qarimakza. Mewö.

Asakñangö ahakmeme dölokñi aka memba malme.

¹⁷ Mewö akzinañgöra nöñön Kembugö jitñe memba galöm meme keu kewö jibi möt yaköme: Urumelengö kopa ambazip uru mötmötñini sohoiga nesak ewö aka öne omani lañ malakzei, iñini yeñgö tandök bölöñi kude toroqeba aka memba malme. ¹⁸ Urumelengö kopa ambazip yeñgö urumötmötñinan söñauiga Anutubuk malmalgöra siksauk aka sohoze. Mötmöt bölöñan uruñini gwözöñda duhuyöhanñgöra aka gukmaulem aka tönpin malje. Miangöra Anutugörej malmal köhöikñe qahö qekötahömakzemö, nanñinök lañ töhön malje. ¹⁹ Galömmñini qahö mem angugetka uruñini gwözöñ teköiga gamu tanñeñ malje. Uruñini kaiseröñ jöhöba qewöloñ yuaigöra lañ söñgaiba tölöhomakze. Yuai membagan membingö nepaqepalok köpösöñgömakze.

²⁰ Yeñön mewö ahakzemö, iñini Kraistpuk malmalgö könañi mi mewö qahö kusum engiget mötket. ²¹ Iñini keu ölnangö Toñi Jisösbuk qekötahögetka miangö dop könañi kusum engigetka ölni kewö möt yaköget: ²² *Mutuk ahakmemeñini walñi wuatangögetka sihim kömbönañini bölöñan isimkakalek ak engiiga ayuhum angubingö aket. Köna kusum engiget mötkeri, miangö dop mönö uruñini walñi meteköm gila andö qeme.

²³ Urumötmötñini mem guliget kölöñaiba malmegöra köna kusum engiget. ²⁴ *Anutunöñ nini nanñi kaisöngolomñangö dop sarakñi aka mal köhöibingöra miwikñaim neñgiyök. Uru dölokñangö malmal solanñi wuatangöbingöra mönö al neñgiyök. Miangöra uru dölokñi miyöhök mönö böc kölget geiga malme. Köna mi mönö mewö kusum engigetka möt yaköget.

²⁵ *Köna mewö ahöiga nini Kraistkö ölni mohot miangö uruñe darumun ewö mindiriba ala-ala aka maljin. Miangöra muneñ mi mönö meteköm gilget geiga sutñine keu ölnanök pakpak eraum möta malme. ²⁶ *Tembula kukpiriñnön akñe ewö, mönö töndup siñgisöndok kude akñe. Irimñini seholimawi, keuñini mi mönö zilañ wehön jeñan qahö teköba geiga jim tekögetka solanima. ²⁷ Mewö Bölöñangö Toñan sutñine kangotpapuköra qeapköba nalö kun kude wangiba zilañ yakörime.

²⁸ Kunñan yoñgorö meme malöhi, yanñön mewö kunbuk kude akña. Mewö qahöpmö, mönö nanñi böröñan nup kapañ köla memba malma. Nup memba nanñi nene inapñi miwikñaiba ölop amqeba ambazip wanapñi nangömm engimakña.

²⁹ Keu lösö kun jitñineyök kude etmapmö, keu ambazip uruñini nangöba mem köhöimawi, mönö miyöhök jiba malme. Ambazip keuñini möta uruñini ahözawangö dop qambangöra osizei, mönö miangö dop goro engigetka keu nahömmñi möta ölöwakeak. ³⁰ Anutunöñ buñaurupñi sohopnini meiga Suepnön öñgöbini, nalö miangöra aiwesökñi kömbönañi mekötahöm engiiga uruñine geba Anutugö muñgemñi akza. Miangöra Anutugö muñgemñi Uña Töröñi mi mönö wösöbirik kude qem wangime.

³¹ Iñini mönö urukömbuk, urukondum aka urusöngok pakpak mi qeköba gilget köröwen tatma. Urukönöpnön kude jula engohoiga uruñinan auba yom qeta jim angubepuk. Mewöyök andöqeqe keu töhörej mi kude jime. Anñöjörak könañi könañi uruñini tölöhobapuköra mi mönö körek andö qegetka tikep ahöma. ³² *Tikep ahömapmö, ala-ala ak anguba mököliba guñböñjönjön qakñe ak anguba malme. Kraistpuk qekötahögetka Anutunöñ siñgisöndokñini mosöta sanñonñ engiyöhi, iñini mönö miangö dop toroqeba köpösihitñini mosöt anguba malme. Mewö.

* 4:16: Kol 2.19 * 4:22: Kol 3.9 * 4:24: Jen 1.26; Kol 3.10 * 4:25: Zek 8.16 * 4:26: Sum 4.4 * 4:32: Kol 3.13

5

Anutugö asakje malmal mi kewö:

¹ Anutugö wölböt nahönböratuurupnji akzeangöra silikjni mönö kapan köla Anutunöj ahakzawangö dop aka wuatangöba malme. ² *Kraistnöj jöpaköm neŋgiba malmaljni neŋgöra aka kölenäda mosörök. Jöwöwöl ohogetka köwakjan öngözapma, Anutunöj miangö dop Kraist malmaljangö kalemjni mi möt angön köli wörönjni umköhöwakjambuk ewö aka yangö jeje pukpuköiga söngaiyök. Inini mönö mewöyök urukalemnöj kinda Kraistkö dop jöpaköm anguba aka memba malme.

³ Serowilin, qewöloj angjöjörakjambuk könanji könanji me yuai membagun membingö nepaqepalok (gridi) silikjni mi Anutugö jeje qahö dop kölja. Miangöra Anutugö ambazip saraknji akzeangö dop yuai mewöjangö keunji kun mi sutjine kude misiriba jigetka mötme. Saumbanj!

⁴ Anggögnahitnöj lösö keu imbilonjonambuk aka uruqahö keu sinji sinji mi kude jime. Mianön urujini tölöhoiga qahö dop kölja. Miangöra mi mönö mosöt teköba möpömöpösei keu jim sehiba malme.

⁵ Keu kötnji ki mönö möt kömume: Kunjan serowilin me qewöloj angjöjörakjambuk me membagun membingö nepaqepalok köpösöngömakzawi, yangön mönö Anutugö bemtohoji buja qem angumangö osima. Ahakmeme mianön bem munejni me tandö lopioj möpöseim engimakzeangö tandökjni akza. Mewö akzawangön mönö Kraist aka Anutu yetkö bemtohoj uruje angotpingö osima.

⁶ Anutunöj singisöndok mewöjangöra aka tembula irimsesewöljni qeqetal ambazip yengö qakjine ali öngömakza. Miangöra kunjan keu omanji mewöjni jiba kelök ala tutuhuba tilipköm engibapuk. ⁷ Miangöra ambazip mewöjni mönö andö enguba yembuk köisirik kude malme. ⁸ Mutuk söjaupuk malgetmö, nalö kewöje Kembubuk qekötahöba kinda yangö asakjambuk malje. Ahakmemejni mönö asakjangö bujaya akzeangö dop aka memba malme. ⁹ Asakjangö buja akzeangö töhötmöriam ölnji mi kewö: Inini ahakmeme ölpnji wuatangögetka Anutunöj keunjini jim teköi solanime aka keu öl töhönnanök jiba malme. ¹⁰ Wani yuai Kembangö jeje dop kölmawi, miangö könanji mönö jaruba kewöta möt asarime.

¹¹ Söjaupkö ahakmeme gilipitnji (ambetaknji) aka memakzei, yembuk mönö köisirik kude toroqeba malme. Yengö bölönamjni mi mönö indela asakje ala jim engime. ¹² Tosatjan singisöndok tölapje ahakzei, mi mönö aukje jibingö gamujambuk akapuk. ¹³ Anutugö asakjan singisöndokjni pakpak mem asariiga könanamjni ölnjan mönö aukneyök asuhuma. ¹⁴ Asakjangö Tonjan mönö tölapjangö yuainji pakpak indeliga asakje aukneyök ahöma. Miangöra keu kun kewö jigetka ahöza, “Gau ahözani, gi mönö imbigi mötnöj.

Mönö köhömuñeyök guliba wahötnönga Kraistnöj mem asarim gihima.”

¹⁵ Keu miangö dop ahakmemejni mönö mötkutukutu qakje aka memba malme. Moprop aka tönpin malbepuköra mönö ölpnanök galöm mem anguba malme. ¹⁶ *Kewöje nalö bölizawangöra aka urugö nup membingö köna kun ahumawi, nalö mi mönö kude mösöhöba ayuhumemö, ambazip qöhöröjine anda ösöj qambanj köl engime. ¹⁷ Miangöra uruqahö ewö laj kude malmemö, Kembangö jitsihitnji mi ölpnanök möt asariba kinme.

¹⁸ Wain o köhöiknji nempa enololoj akepuk. Nanjini imbi-imbi malgetka mötmötnji bölönan asuhugetka söjaup malmalnöj titeköba geba ayuhubepuk. Miangöra enololoj akepukmö, Ujan Törönan mönö urujini kokolak qemapköra kapan köla kinme. ¹⁹ *Mönö Buja keu eraum möta Sumbara (sam), möpömöpösei lijet (omsa) aka urugö lijet tosatnji mi urukönömjinan köla Kembu möpöseimakje. ²⁰ Mewö me mewö asuhuga miangöra mönö Kembunini Jisös Kraistkö qetnji qeta Iwi Anutu sundan saiwap jim wanggiba malme. Mewö.

* 5:2: Eks 29.18; Sum 40.6 * 5:16: Kol 4.5 * 5:19: Kol 3.16-17

Awanöm yengö goro qambar keu

²¹ Kraistkö jitrji ongitpepuköra kenjëtrjini möta mönö sutrjine keu bapre anan ak anguba malme.

²²⁻²³ *Kraistkö ölnji mi urumelenj könagesö. Yañön miangö nöröpñi aka Amötqeqe Toñi akza. Miangö dop azinöj mewöyök anömñangö nöröpñi akza. Miangöra ambi injini mönö Kembangö keu bapre anangö dop nanñini apurupñini göda qem engiba keurjini bapre anda malme. ²⁴ Urumelej könagesö neñön Kraistkö keu bapre kinjini, miangö dop ambi eñön mewöyök mönö apurupñinangö keu pakpak wuatangöba malme.

²⁵ *Kraistnönj nanñi könagesöñi jöpaköm neñgiba neñgöra aka malmalñi tököba köleñnöhi, miangö tandök azi eñön mönö mewöyök anömurupñini jöpaköba urukalem ak engiba malme. ²⁶ Kraistnönj könagesöñi Buña keujan tök kutuba ambi buñañi sarakñi akingöra o ewö miangön sanğonđa mösoloñanim neñgiyök. ²⁷ Yañön nini ölülp sorok akingöra möta uru sönuetnini mösoloñaniba töwöt boromñi kun qahö akingöra kapañ kölakza. Könagesö sarakñi köpösihitkö keunini qahö akingöra mörakza. Kraistnönj kaba neñguanğiriga asakmararañe eu anğoringa jihilalomñan neñguiga ambi buñañi ewö nini nanñi jemesoholñe al neñgiiga aködamuninambuk kinbin.

²⁸ Azi injini mewöyök mönö Kraistkö tandökñi mewöñi wuatangöba anömurupñini jöpaköm engiba malme. Anömñi jöpakömakzawañön mönö nanñi köyan köl anğumakza. Miangöra nanñini silenini köyan köl anğumakzeangö tandök mönö anömurupñini köyan köl engigetka dop kölma. ²⁹ Kunñan kun nanñi sileni nalö kunöñ kazik qahö ak wañgiyökmö, körek neñön silenini gumohoba köyan kölakzin. Kraistnönj mewöyök könagesöurupñi nini sileni ewö keujan gumohoba köyan köl neñgimakza.

³⁰ Urumelenj könagesö neñön Kraistkö ölnji akzin. Neñön Kraist ölnğangö törömunñi aka maljin. Miangöra gumohom neñgimakza. ³¹ *Buña keu kun kewö ahöza, “Miangöra azinöj mönö iwinamñi etkömosöta anömñambuk qekötahöba yahöt yetkön silemohot aka malmahot.” ³² Keu mi söpsöp keu tölapñi. Mi Kraist aka urumelenj könagesö neñgö uru jöhöjöhöninangöra jiba ohozal. Keu areñ miangö könarñi mi tölapñi aka dutñi gegeñi. ³³ Mewö akzappmö, engöra keu mi kewö jizal: Injini mohot mohotñan mönö mewöyök anömurupñini nanñini köyan köl anğumakzeangö dop jöpaköm engiba malme. Anöm eñön mönö mewöyök apurupñini göda qem engiba malme. Mewö.

6

Nahönbörat aka iwinam yengö uru jöhöjöhö

¹ *Nahönbörat engörej ahakmeme diñdini mi kewö: Injini mönö Kembangö qekötahöba iwinamyahötñini yetkö jitrjiri tem köla wuatangöba malme. ² *Anutunöñ jöjöpap keu 1-2-3 miengö teteköñe töwa likepñi neñgimangö qahö jii ahözappmö, jöjöpap keu jangö 4 mi törömunñambuk. Mutuk kewö jiza, “Iwinamyahötki mönö göda qem etkiba malman.” Keu mi tem kölinga Anutunöñ töwa likepñi neñgimangö keurñi kewö jöhöi ohoget ahöza, ³ “Göda qem etkinöñga Anutunöñ töhötmöriam gihiiga toroqeba gölmenöñ nalö köröpñi malman.”

⁴ Nahönbörat urupñinan irimsesewöl akepuköra iwi eñön mönö urukanjam kude ak engiba malme. Mewö qahöpmö, Kembangö Köna keu tem kölmegöra kusum engiba miangö dop mindingöm engigetka qarime. Mewö.

Welenqeqe aka galöm yengö qambar keurjini

⁵ *Welenqeqe injini mönö gölme qakñe galömurupñini yengö keurjini Kraistkö keu ewö tem köla jörantauat kude ahakñe. Keurjini ongitpepuköra sömbuñini möta jönömñi-nambuk undui malme. Urugerñmoñ kude aka böñ kinda aka memba malme. ⁶ Köñdöwoñ aketka ambazipnönj engek sorimegöra qahöpmö, uruñini nupnönj ala memba Anutugö

* 5:22-23: Kol 3.18; 1 Pitö 3.1 * 5:25: Kol 3.19; 1 Pitö 3.7 * 5:31: Jen 2.24 * 6:1: Kol 3.20 * 6:2: Eks 20.12; Dut 5.16; Kol 3.21 * 6:5: Kol 3.22-25

jitsihitji wuatangöba Kraistkö welenqece tandök ahakje. ⁷ Gölme ambazip welen qem engiba mewö mianjön Kembangö welenji qemakzin. Mewö möta nupjini mönö Kembangö jeje dop kölmawangö dop uruölöwakpuk memba malme.

⁸ Keu ki mönö mötme: Engö sutjine tosatjan nup toji malje aka tosatjan tojini töwa qahö öne welen qem engiba etqeceji malje. Mi töndup denike yejön nup ölöpnji mi me mi memakzei, Anutunöj mönö mianjö töwanji al engiiga buja qem angume. Keu mia mönö mötmöriba malme.

⁹* Tourup aka welenqece engö Kembangö mohot yanjön Suep mire malja. Yanjön ambazip tosatji qahö engek soriba tosatji qahö qepureim engimakzapmö, dop mohotnöj kewöta keunini jim teköm nengima. Galöm injini mi möt kutuzeangöra mönö welenqece alaurupjini simin titit ölöpnji dop mohot ak engiba öröm könöpkönöp memtöröp qemtöröp mosöta malme. Mewö.

Anutugö jurujamba jömkuk memba malme.

¹⁰ Kimbini tekömangö aiga keu kewö ohozal: Injini Kembangö qekötahöba kingetka kukösumji ketanja mönö inahöba töngum engiiga köhöimakje.

¹¹ Bölöngangö Tojan silenöj alalgö mötmöt arej könanji könanji alakzawi, injini mi mesohol köla kin köhöimegöra mönö Anutugö wahijamba pakpak memba kölget gem angum teköiga malme.

¹² Nini gölme ambazip sep busujinambuk yembuk bim qahö aumakzinmö, bem suahö galöm aka iwiluhut bölöj bölöj tuarenjor ak engibingöra kinjin. Bem suahö galöm bölöj Suep gölme sutjire jakömbuak dumjine kinda kumbu ahakzei, mönö mi qetal engimakzin. Mewöyök pom böhi öngöngöj eretji sutnine panamangö öme tohongö azi ipji mala öryuai pakpak galöm kölakzei, nejön mönö yembuk yarö gilakzin.

¹³ Mianjöra tuarenjor ak engibingöra mönö Anutugö jurujamba lökjanök memba kölget gem anguiga kinme. Mewö kingetka kerökjinan nalö bölöje engubingö gangömakjei, nalö mianjörej mönö ölop amqeba yarö gila tötal engime aka yarö mi teköiga ölop miri gölmenjine kanjam köla kinme.

¹⁴* Wahijambanini mönö kewö löngöt angume: Keu öljanök jijigö irimunganji mönö anjörjine jöhöba kinme. Ahakmeme solan sorokji mi töptöpnjine göwangöwanj (kapa maluku) ewö köla sel jöhöm anguba kinme. ¹⁵* Köna esu böntöjök löngöta ölop töndangöba tiba anakzin. Mianjö dop injini mönö luaigö Bujanji jim sehibingö jöjörögetka mianjön bohon köl engima. ¹⁶ Jurujamba miembuk toroqeba saiwa bohonji qetji mötnarip mi mönö buja qem anguba sundan teנגöba kinakje. Bölöngangö Tojan nengeriba qönsihim nengimangöra möta timbi lingipji mulahakzawi, mianjö esapesap könöpnji pakpak mönö suman mianjön qeapköba angön köl angumakje.

¹⁷* Anutugö Amötqece Toji i mönö buja qem angume. Buja qem anguba kunbuk letotmei, dom-amöt mianjön mönö nöropjini ain irikmarik ewö turuba angön köl engimakja. Uja Törönan bimgö sou ketanja nengizawi, mi Anutugörej Buja keu. Mi mewöyök mönö buja qem anguba urukönömjine ala bimjini mianjön qemakje.

¹⁸ Wahöjambanini pakpak mi löngöt anguba mönö nalö dop Anutu köuluköba qesiba malme. Uja Törönan enguasöta inahöm engimakzawangö dop mönö uletnöj sahöt wangimakje. Mönö pönda uruguliguli mala sundan Anutugö ambazip sarakji pakpak yeנגöra aka kapa köla köulukömakje.

¹⁹ Nöngöra mewöyök kewö köulukömakje, “Anutu, gi mönö keu kötnji dijdini Pol wanginönga göhö Ölöwak Buja gi tölapji mi keu jitjan jimawangö dop jim asariba awösamkakahök kinda uru kungum engimakja.” ²⁰ Nöjön Ölöwak Buja mianjöra aka Anutugö jitmeme azi bohonji akzalmö, nupji memakzawangöra aka nalö kewöje kösö mire tatzal. Mianjöra Buja keu mi Anutugö jeje dop kölmawangö dop awösamkakahök jiba malmangöra mönö köuluköba malme. Mewö.

* 6:9: Dut 10.17; Kol 3.25; 4.1 * 6:14: Ais 11.5; 59.17 * 6:15: Ais 52.7 * 6:17: Ais 59.17

Yaizözkök keu teteköji

²¹ Wölböt alani Tikikus yañön nöngö kösohotni alma. Yañön Kembubuk qekötahöba nupji memburik-qemburikji qahö memakza. Kiañgöreñ denöwö aka memba tarakzali, mi pakpak jiiga injini mewöyök mi mötme. ²² Neñön denöwö maljin tatzin, injini kösohot mi mötmegöra Tikikus melaim wañgibiga Efesus engöreñ kama. Yañön kaba urukölalep engiiga ölop böñjörj malme.

²³ Iwi Anutu aka Kembu Jisös Kraist yetkön mönö urumeleñ alaurup engöreñ luai qeba urukalem ak engiba mötnariprjini mem köhöimakña. ²⁴ Ambazip Kembunini Jisös Kraist nalö teteköji qahö jöpaköba malmei, Anutugö kalem möriamñan mönö körek embuk ahöba ahöm öñgöma. Mewö.

Filipai Kimbi Polnön Filipai yengöra Kimbi alök. Jim-asa-asari

Polnön misin nup liliköba meiga indimji yahöt aiga Eisia Mainö (Töki) mosöta Yuröp gölmenön anök. Anda Rom prowins qetnji Masedonia miangörej uruñini kuñgui melengetka Kraistkö könagesö mutuknji mi Filipai sitinön asuhuyök. Könangep aposol Pol mi Rom sitigö kösö mire alget sihimbölö qakñe tariga nup meme ambazip tosatñan tuarenjon ak wangiget. Mi ak wangigetka tosatñan Filipai uruñe mewöñanök keu gongonji kusum enggigerangöra waimanjat mörök. Nalö miangörej Buña Kimbiñi ki Filipai mötnarip könagesö yengöra ohoyök. Waimanjat mörökmö, töndup urukölalep keu aka urunangönangö keu ki sösöngai qakñe ohoba alök.

Polnön kösö mire tariga Filipai mötnarip könagesö yeñön bauköm wangibingöra kalem alget kayöhi, yeñön miangö sawap jim enggimangöra Kimbi ki ohoyök. Mi ohoba toroqeba urunangönangö keuñi gwötpuk mohotñe alök. Nanjak köñjilij könañi könañi möriga Filipai yeñön Polgö keuñi mi mötketka töndup köhöiba awösamkakak kinmegöra uru nangöm engiyök. Goro keu tosatñi kewö: Nanñini sileñini memba öngöba aiweliköbepuköra mönö galöm memba malme. Dogo jimamon möta toroqeba nepaqepalok köpösöngöbepukmö, Jisös ewö uruñini mem et al anguba malme. Keu ki ölum engubapuk: Kraistpuk qekötahöba kinjei, mi Anutugö kalemñi akza. Juda yeñön Mosesgöreñ Köna keu areñi tem köla wuatangöba Anutugöra silik yuai ahakzemö, urumelej alaurup eñön mewö qahö. Eñön mönö Anutu möt narim wangigetka kalem möriamñi söngöröñi qahö engiiga buña qem anguba mewö mianön malmal dölokñi miwikñaiba malje. Denike yeñön Kraistpuk qekötahöba maljei, Anutunön mönö i luai qem engiiga söngaiba malme.

Kraist möt nariinga Anutunön urusösöngai neñgiiga ölop awösamkakak qakñe mal köhöibin aka urumelej alaurup yembuk mohotñe kapañ köla köhöiba kinbin. Polnön miangö keuñi mi gwötpuk ohoyök. Polnön Filipai könagesö yengö waikñini köhöikñi memingö möta malöhi, miangö keuñi mi mewöyök aukñe ohoyök.

Buk kiangö bahöñi bohonñi 7 mi kewö:

Keu mutuknji 1.1-11

Polnön denöwö aka malök 1.12-26

Kraistpuk malmalgö könañi 1.27-2.18

Timoti Epafroditus yetkö nup areñi 2.19-30

Tuarenjon yeñön tilipköm engigetka etpepuk 3.1-4.9

Polgö alaurup Filipai malgeri, yengö keuñini 4.10-20

Kimbigö keu kötni bohonñi 4.21-23

¹*Pol Timoti netköñ Kraist Jisös welenñi qeba maljit.

Urumelej könagesö sarakñi pakpak Kraist Jisösbuk qekötahöba kinda Filipai sitinön maljei, niri embuk aka engö bohonñini (bisop, pasto) aka Buña nup meme ambazip tosatñi (dikon) embuk keu eraum mötpingöra möta kimbi ki ohozal.

²Anutu Iwinini aka Kembu Jisös Kraist yetköñ kalem möriam engiyohotka luainön malmegöra mötzal.

Polnön Anutu möpöseiba köuluköza.

³Nöñön mötmörim engimakzalanğö dop Anutu möpöseimakzal. ⁴Nalö dop körek pakpak engöra Anutu köulukömakzali, mi mönö sösöngai qakñe köulukömakzal.

⁵Nöñön Anutu kewögöra möpöseimakzal: Inini Ölöwak Buñanön qekötahögeri, nalö mutuknji miangörejök könahiba nömbuk bim qeba kötöngöm niñgiba mala kota malje.

* 1:1: Apo 16.12

⁶ Anutunöj uruñine nup ölöpnj könahiba memba maljawi, mi mönö toroqeba meiga Kraist Jisösnöj kunbuk asuhumapkö nalöje teköma. Mewö möt narim köhöiba Anutu möpöseimakzal.

⁷ O sepnjini nemi, wölböt alaurupni akzeangöra körek injini mewö mötmörim enjgibiga ölöpnanök dop kölja. Anutunöj nup niñgiiga kösö mire tarakzal me awörök nöñön Ölöwak Buñagöra bim qeba enjololoñ keu qeapköba keu öljän jalöñi memba köhöimapköra lilikömakzal. Mewö me mewö ahakzali, körek enñön mönö nömbuk kingetka kalem möriam miyöknöj dop köl enjgiiga nupni nanğögetka mohotje simbawoñ akzin. ⁸ Kraist Jisösnöj injini jöpaköba inahöm enjgimakzawi, nöñön mi möta miangö qakñe kinda körek enğöra ak niñgiiga engeknangö kapañ köla maljal. Mewö jibiga keu öljñ jizali, mi Anutu nanñak ölöpn nanğöm niñgiba jima.

⁹ Nöñön enğöra kewö köulukömakzal: Anutu, gi mönö Filipai alaurup inahöm enjinöñga toroqeba köhöiba jöpaköm anğuggetka urukalemñinan qarim sehima. Mewö aiga ölöpn köna öljñ ek kutuba enjololoñ keu mosöta malme. ¹⁰ Mewö mala ölöpn keu kewöta köna ölöpn sorokñi möwölöhöba sarakñi aka köpösihitkö keunñi qahö mal öngöme. Kraistnöj lilingöba kamawi, nalö miangöreñ lömbötninan teköma. ¹¹ Jisös Kraistnöj ahakmeme solanñi nam köliga miangö öljñ asuhumakña. Öljñ miangön uruñini kokolak qeiga ambazipnöj mewö engeka Anutu möpöseigetka qetbuñanjan sehimapköra köulukömakzal. Keu mi öljña.

Pol kösö mire algetka Buñ keunöj köhöiyök.

¹² O urumelen alaurupni, enñön nöñgö könani möt kutumegöra kewö möta ohozal: Yuai bölöñi nöñgöreñ asuhuyöhi, miangö buzupñan sehiiga Ölöwak Buñaninan ambazip dop köl enjgiiga nupninan töhötmöriamñambuk akza. ¹³ *Ni Kraistköra aka kösönöj gwaröhöm niñgigetka Rom kiangöreñ tatzali, keu mi yarö azi pakpak sisa-kiñgö jakömbuak miri galöm memakzei, yeñön mötze aka mewöyök ambazip tosatñi gwötpuk yeñgö kezapñine geiga möt teköze.

¹⁴ Toroqeba öljñ kewö asuhuyök: Urumelen alaurupninan kösö mire tatpi Kembunöj bauköm niñgimakzawangö keunñi mötket. Mi möta sehisehiñan Kembubuk qekötahöba kinda köhöiba kapañ köla awösamkakak aket. Mewö aka Anutugöreñ keu kenğötñi qahö jim sehigetka toroqeba anakza.

¹⁵ Tosatñan nöñgöra mötket öngöiga urusihim sarakñe kinda Kraistkö könanñi jim asarimakzemö, tosatñan nöñgöra aka uruñinan mututqutut möta andö nunguba anğururuk akingö mötze. ¹⁶ Alaurupni öljñ yeñön nöñgö könani kewö mötze: Anutunöj kuñgum niñgiiga awörök nöñön Ölöwak Buñagöra bim qeba enjololoñ keu qeapkömakzal. Mewö möta jöpaköm niñgiba nanğöm niñgimakze. ¹⁷ Andöqe qe ambazip yeñön nanñinangörök mötmöriba töwagöra möndögetka uruñinan tölöhoiga Kraistkö könanñi mewö jim asarimakze. Mewö aka kösö mire tatzali, nalö kewöñe anğösirip toroqeba ak niñgibingö mötze.

¹⁸ Mewö mötzemö, mi muat. Kraistkö könanñi mi yuaigöra möndöba silebile aka me Anutu törörök tem köla jim asarigetka mötpi dop kölja. Mewö me mewö ahakzei, urunan mönö miangöra ölöwahiga öljña söñgaizala söñgaimakñam. ¹⁹ Söñgaibiga nöñgöra köulukögetka Jisös Kraistkö Uñ Töröñan nanğöm niñgiiga ölöpn pösat niñgigetka etmamgö tandök mötzal. Mewö asuhumapköra möta miangöra mewöyök söñgaimakzal. ²⁰ Yuai kun aka gamu miwikñaibilenbuköra mönö jörömçöröm aka maljal. Gamu qahöpmö, nalö dop Kraist möpöseiba malali, miangö dop nalö kewöñe mewöyök asuhumapköra mötzal. Silenan kömuma me malmawi, mi töndup mönö awösamkakak pakpak qakñe Kraist möpöseibiga qetbuñanjan qarimakña.

²¹ Malmam ewö, malmalni mönö Kraistkö qetbuñanjan qarimakköra aka malmam. Nunguget kömumbilenjak ewö, miangön mönö mem ölöwak niñgiiga oyaenköyaen akñam. ²² Mewö akilenjakmö, gölmenöñ silebuk malmam ewö, mönö urugö nup

* 1:13: Apo 28.30

membiga toroqeba öljambuk ahakña. Mi mötmöriba nanangöra malmal me kömuwa möwölöhöbilenjak, mi ölop qahö mötzal. ²³ Malmal aka kömup sutjire panpangöba maljal. Kraistpuk eu malbilenjak, mianjon mönö yuai pakpak ongita möriam ketani ak ningibawak. Miangöra gölme mosötmamgö sihimni möta maljal.

²⁴ Mewö maljalmö, silebuk qeköriba malmam ewö, mianjon mönö injini bauköm engibiga ölni engöreñ asuhuma. Kömumbilenjak, mianjon mönö injini qahö bauköm engibawak. ²⁵ Mewö möt narim köhöiba miangöra nehorigetka toroqeba mala körek injini bauköm engiba malmamgö mötzal. Bauköm engibiga mötnaripninangö ölnan mönö qarim köhöiiga ölop önöni qahö söngaiba malme. ²⁶ Mewöyök Kraistnönj nehoriiiga kunbuk engöreñ kabiga injini ölop nöngöra aka Kraist Jisös önöni qahö möpöseim wangiba malme. Mewö.

Mötnaripninan köhöimapköra bim qeba malme.

²⁷ Ahakmemerjini mi mönö Kraistkö Ölöwak Buñanjan aködamunñambuk akñawangö dop aka memba malme. Mewö malgetka engöreñ kaba engekñami me qahö kaba sikep mala keu buzupñini mötpi könajini kewö ahöi dop kölma: Injini mindimindiri areñ mohotkö keu jöhöba urumohot aka kinme. Mewö kinda Ölöwak Buñagö keu ölnan sömböleibapuköra örörön jöhöba bim qeba malme. ²⁸ Mewöyök tosatñan tuarenjon ak engimakñei, enjon mönö keu jitrjini könaji könaji miangöra kude töwöratigetka uruñinan kude etma. Könajamñini mewö mötpi dop kölma. Anutunönj kukösum enjiiga tuarenjon ambazip yeñon könajamñini eka kewö möt asarime: Nanñini et enjuiga ayuhugetka Anutunönj meköm neñgiiga oyaenköyaen aka malbin.

²⁹ Anutunönj areñi al enjiyöhi, mi kewö: Injini Kraist möt narim wangiba likepñi söngaiba likepñi yangöra aka sihimbölö möta malme. ³⁰* Nönön mötnaripkö bim mutuk embuk mala qeali, neket aka nalö kewöñe toroqeba qemakzalañgö keu buzupñi ki mötzei, injini mönö bim miyöhök nömbuk tönguba qeba malje, mi mötzal. Mewö.

2

Kraistkö dop nanñini mem et al anguba malme.

¹ Injini Kraistpuk qekötahöba kinjeangöra mönö uruñini nangöm angubingö qambañ miwikñaima. Urukalemñini mianjon mönö urukölalep ak angumakñe. Uña Törönambuk ösupköba kinda waikñini memba ak kömum angumakñe. ² Mewö akzeangöra mönö mötmöt mohot wuatangöba örörön jöpaköm anguba luainönj malme. Urusihimñini mönö mötmöt areñ mohot akingöra jöhöme. Keu mewö jöhöba urumohot aketka ölni asuhui möta nöñon engöra önöni qahö söngaiba malmam.

³ Öroyuai nanñinanangörök öröbingö sihimñan mönö kude nam köl engima. Nanñini qetbuñanjan qarimapköra mönö sileñini kude memba öngömömö, uruñini memba et ala tosatñi yeñgöra mötketka öngömakña. ⁴ Injini mohot mohot mönö nanñini uruñinanök ölöwakñapköra kude mötmörimemö, tosatñi yeñgö uruñinan ölöwakñapköra mewöyök kapañ köla mötmörim yaköme. ⁵ Kraist Jisösnönj gölmenönj maliga imbi mötmöt ahöm wangiyöhi, miyöhök mönö engöreñ ahöi mi wuatangöba malme.

⁶ Anutugö kaisongolom tandökñi ahöm wangii malökmö, töndup Anutugö dop malöhanğöreñ qahö möndöba aiweliköba malök.

⁷ Mewö qahöpmö, nanñak amqeba Anutugö asakmararaji mosöta eta melenja azi tandök asuhuba welenqeqegö kaisongolomñi memba malök.

Mönö gölme azi nanini tandök aka malök.

⁸ Mewö mala uruñi memba et al anguba Iwiñangö keu jitrji nalö dop tem köla malök. Mewö maliga gamu qem wangiba “Maripomnönj qebin,” jigetmö, nalö mianğöreñ mewöyök tem köl teköyök.

* 1:30: Apo 16.19-40

⁹ Mewö tem köla malöhangöra aka Anutunöŋ waŋgiriga euyangöreŋ öngöba tariga qetbuŋa waŋgiyöhi, mianön qet tosatŋi pakpak engongita aködamunŋambuk akza.

¹⁰ *Anutunöŋ qetbuŋa öngöŋgöŋi mi kewögöra waŋgiyök: Ambazip körek pakpak neŋön mönö qet miangöra aka nalö kunöŋ simin köla möpöseim waŋgibin. Tosatŋan Suep mire euyangöreŋ malje. Tosatŋan gölmenöŋ ki maljin. Tosatŋan kömumba urjem mire me senjom mire malje. Neŋön mönö körekmakörek mindiriba sipköba simin köl waŋgibin.

¹¹ Körek nini simin köl waŋgiba numbu nesilam dop Iwi Anutu aukŋe göda qebingöra qetŋi jim miwikŋaiba kewö jibin, “Jisös Kraistnöŋ mönö Kembu ak neŋgiza.” Mewö.

Jisösgö asakŋi mi ambazip sutŋine kondela malme.

¹² Miangöra wölböt alaurupni, iŋini mönö Kraistkö söpsöpŋi wuatangöba miangöreŋ kude sörauba etme. Nalö dop Anutugö keu tem köla letota malgeri, miangö dop silik urumeleŋ ambazip engöreŋ dop köljawi, mi mönö kapaŋ köla wuatangöba urugö nup memba malme. Nöŋön embuk malali, nalö miangöreŋ Buŋa keu ölpŋanök köl guliba zeŋ kinda malget. Engömosöta sikep maljalangöreŋ mönö mewöŋanök Anutugö jeje sömbuŋinambuk möta jönömŋini unduiga pöndaŋ nup mi mem soroköba malme.

¹³ Anutunöŋ nanŋak mönö iŋini sundan sölölohöba nam köl engiba nanŋi areŋangö dop uruŋini kuŋgumakza. Mewö urusihimŋini Anutu dop köl waŋgimawangö dop ahuiga inahöm engiiga nupŋi megetka öŋi asuhumakŋa.

¹⁴ Galömurupŋini yembuk keu mekömpötak kude aka malme. Jimongot aka urunöŋ ihururuk laŋ kude ahakŋemö, areŋini pakpak mönö uruyahöt ziaŋpiak mosöta töp memba malme. ¹⁵ *Ahakmemeninan mönö köpösihitkö keuŋi qahö sarakŋi aka memba malme. Ambazip gongöŋi misimkaulup merak gölmenöŋ maljei, iŋini mönö yeŋgö sutŋine Anutugö nahönbörat solan sorokŋi malme. Seŋgelau suepnöŋ eu asarizei, iŋini mönö mewöŋanök gölmenöŋ silik ölpŋi aka mianön ambazip asarim engiba malme.

¹⁶ Mewö mala malmal köhöikŋangö Buŋa keuŋi töp memba ambazip engibingö jöjöröba malme. Mewö malgetka Kraistnöŋ lilingöba kamawi, nalö miangöreŋ nöŋgö könaŋamnan aukŋe kewö asuhuma, “Mönahot azinöŋ aongitnöŋ luhut almangöra ösumŋi qezaköba anakzawi, nöŋön miangö dop urugö nupköra sile qeba mem köhöiba malal. Mi öne töhöntöhön qahö memba malalmö, öŋi asuhuyök.” Könaŋamni mewö asuhuiga ölpö nani sileni engöra aka möpöseimam.

¹⁷ Nöŋön malmalni köleŋda tököba engiba Anutugö nupŋi tem köla memba malal. Mewö malbi iŋini uruŋini meleŋda Anutu möt narigetka miangö öŋi asuhumakza. Miangöra Rom gawman yeŋön keuni jim teköba sömbup ewö nuŋguba jöwöwöl ohoho ewö ak niŋgibeak. Silenangö seŋni mewö mokobilenak ewö, mi mönö o ewö öne töhöŋ qahö gebawak. Engö mötnariŋ nupŋinangö öŋangöra aka mi mönö aködamunŋambuk ahiga dop kölbawak. Miangöra nuŋguget kömumbilenakmö, urunan mönö töndup söŋgaimakzal aka körek embuk mohotŋe söŋgaimakin. ¹⁸ Mewöŋanök iŋini tok mönö söŋgaime aka nömbuk köiraŋ ala söŋgaiba malbin. Mewö.

Timoti melaibiga Filipai engöreŋ kama.

¹⁹ Kembu Jisösnöŋ nöŋgöra möri dop kölma ewö, mönö zilaŋ Timoti melaimangö möta jörömqöröm akzal. Engöreŋ kaba denöwö maljei, mi möta lilingöba kaba jii möta nöŋgö imbinan mewöyök ölöwak soroköbawak. ²⁰ Mötnariŋŋine köhöize me löwörizei, yaŋön nanŋök engöra waimanjat mewö möta nöŋgö qöhöröŋne kinja. Tosatŋan ki maljei, yeŋön mönö “Nanŋini manjatŋina,” jiba qahöpmahöp kötöngöm engibingö mörakze. ²¹ Yeŋön körek nanŋinangö yuaigöra möta mi köl öröba mem qaribingöra jaram timakzemö, Kraist Jisösgö nupŋan öŋambuk ahakŋapköra qahö kapaŋ kölakze. Mönö qemasolokep laŋ malje.

* 2:10: Ais 45.23 * 2:15: Dut 32.5

²² Laŋ maljemö, Timotinöŋ könaŋi ölopŋi kondelöhi, mi nanŋinak möt yaköze. Nahönöŋ nanŋi iwiŋi welen qem waŋgimakzawi, yaŋön mönö miangö dop ni Ölöwak Buŋa nupkö bauköm niŋgiba malök. ²³ Miangöra Rom gawman yeŋön nöŋgö keu denöwö ak niŋgibingö jöhömei, mi mötagun mönö ölop Timoti melaibiga zilaŋ engöreŋ kamapkö jörömqöröm akzal. ²⁴ Nanak mewöŋanök Kembubuk kinda nalö kude köriiga engöreŋ kamamgö awösamkakak mewö möt narizal.

Epafroditus melaibiga Filipai engöreŋ kama.

²⁵ Nöŋön yuai jaruba osiba malbiga eŋön neŋakni Epafroditus melaigetka kaba naŋgöba bauköm niŋgiyök. Yaŋön nöŋgö qöhöröŋne nup memba bim qeba malökmö, toroqeba jöhöm waŋgibileŋak, miangön qahö dop kölbawak. Mewö mötmöriba urumeleŋ alani i nalö kewöneyök melaibiga engöreŋ lilingöba kama. ²⁶ Yaŋön körek iŋini eŋgekŋamgö kapaŋ köla malja. Kawöl yöhöi ahöyöhi, iŋini keu mi mötket engöreŋ lömböriiga möta miangöra urueret malja. ²⁷ Yaŋön ölna kawölbuk ahöba kömupkö jitŋe ahöyökmö, Anutunöŋ ak kömum waŋgiiga ölöwahök. Anutunöŋ Epafroditus iyök qahö ak kömum waŋgiyökmö, ni mewöyök nehoriba mem amqem niŋgiyök. Yaŋön kömumbawak ewö, nöŋgö wösöbiriknan mönö sehii qaknöŋ qaknöŋ öŋgöi malbileŋak.

²⁸ Iŋini Epafroditus eka kunbuk söŋgaigetka nöŋgö wösöbiriknan mewöyök amqemapköra mötzal. Miangöra nalö kewöneyök zilaŋ melaibiga engöreŋ kama. ²⁹ Iŋini Kembugö ambazipköra önöŋi qahö söŋgaimakzei, söŋgai miangö qakŋe mönö yaŋön kaiga köl öröm waŋgime aka nup meme ambazip mewöŋi mi mönö göda qem eŋgiba malme. ³⁰ Yaŋön Kraistkö nupköra aka kömupkö jitŋeyök öŋgöba kömum taköyök. Iŋini ni naŋgöba bauköm niŋgibingö mötketmö, mi osigerangöra yaŋön eŋgö salupŋine mewö ak niŋgimangöra kaba malmalŋi mosöta ayuhum taköyök. Mewö.

3

Solanŋi akingö köna ölni mi kewö:

¹ O urumeleŋ alaurupni, keu kötŋi kewö toroqeba jimam: Mönö Kembubuk qekötahöba söŋgaiba malme. Keu mi dumŋe kunbuk ohom eŋgimangöra qahö ölan nöhöza. Ambazip tosatŋan tilipköm eŋgibepuköra mi ohom eŋgibiga ölop dop kölna.

² Zioz nup meme ambazip bölöŋi yeŋgöra mönö galömnini memba malme. Yeŋön urumeleŋgö kopa ambazip sutŋine liliköba uruŋini kuŋguba kewö jimakze, “Anutugö buŋaŋi akŋegöra mönö aiwesökŋi sileŋine yandime.” Mewö kapaŋ köla keuyök jiba kiam ewö kohop köla “Könagesö walŋi akzin,” jiba öne töhöŋ jimakze.

³ Yeŋön Anutugö jeŋe qahö diŋgize. Sileŋine aiwesök miyök yandim eŋgigetmö, ölnan mönö neŋgöreŋ kewö asuhuyök: Anutugö Buŋa keuŋan urunini mesiŋnöhi, neŋön mönö yaŋgö urumeleŋ könagesö ölbölŋi aka maljin. Anutugö qetŋe sileŋine aiwesök al neŋgigeri, neŋön miangö qakŋe qahö kinda tönguba möt narimakzinmö, Kraist Jisösnöŋ amöt qem neŋgiyöhi, miangöra mönö sileŋini mem öŋgömakzin. Anutugö Uŋa Töröŋan inahöm neŋgiiga amqeba Anutugö waikŋi memba möpöseimakzin.

⁴ Tosatŋan sileŋinaŋgö yuainöŋ tönguba Anutugö buŋaŋi akingö möt narizei, nöŋön mönö i eŋgoŋgitzal. Miangöra ölopŋanök korua ewö terereŋgöba giŋgini memba wahöta aiweliköbileŋak. ⁵ *Nöŋgö aködamuni kewö: Nöŋön Israel ambazip kambu uruŋe jitŋememe kun akzal. Isik bömöni qetŋi Benjamin. Iwinamni Hibru ambaziwa. Nöŋön yetköreŋök ahuba Hibru azi ölni akzal. Asuhuba ahöbiga wehöŋ 8 aiga miangöreŋ sileŋi yandiget. Farisi aka malalaŋgöra Mosesgöreŋ Köna keu mi törörök wuatangömamgö kapaŋ köla malal. ⁶ Farisi mala urunan uturuŋgöba könöwiiga urumeleŋ könagesö mi ölna sesewerowero ak eŋgiba malal. Mosesgöreŋ Köna keu tem köla wuatangöba diŋdiŋi akinak ewö, nöŋön mönö miangö dop köpösihitkö keuŋi qahö solanŋi malal.

⁷ Yuai mi mötŋi öŋgöiga miangöreŋ tönguba möt nariba malmö, uruni meleŋda mi pakpak mosöta zuenŋ jizal. Nalö kewöŋe Kraistnöŋ amöt qem niŋgi letorali, miangöra

* 3:5: Apo 23.6; 26.5; Rom 11.1, 6; Apo 8.3; 22.4; 26.9-11

mönö mötpti öngömakza. ⁸ Kembuni Kraist Jisös möt kutuba oyaenjkoyaen akjami, mi möt kewötpiga bohonji öngöngönji ewö akza. Miangöra malmalni waljanjö aködamun yuaini pakpak mi Kraist toroqeba miangörej mosöta zuen jizal. Kraist miwiknaiba nöngörej yuai pakpak mi mötptiga nesak irip töhön ewö aiga qepureiba andöne gilal.

⁹ Tosatjan “Mosesgörej Köna keu tem köl teköba mewö mianön naninak diñdiñi akin,” jizemö, nöñön dop miangörej solanji kunbuk qahö maljal. Nalö kewöje Kraist möt naribiga Anutunöñ mewö mianön keuni jim teköi solaniba maljal. Mötnarip qakje malbiga Anutunöñ ak kömum niñgiba jim kutuiga siñgisöndoknanjö keujan kömuiga maljal. Kraistpuk qekötahöba kinda malbiga Anutunöñ nöngö könanjamni mewö miwiknaimapköra kapañ kölakzal.

¹⁰ Nöñön Kraist kewö möt kutumangöra kapañ kölakzal: Sihimbölö möröhanjörej yambuk toroqemangö jöjörözal. Sihimbölö möta kömuyöhi, nöñön tandök miyöhök kömumba mewö mianön yanjö tandök ewö akjamangö jöjörözal. Kömumba wahöröhi, yanjö ösumni mianön mönö tilimgöm niñgiiga köhöimangö mötzal. ¹¹ Kömumbiga Anutunöñ mem gulim niñgii kömupnöhök wahötmangö jörömqöröm akzal. Mewö.

Mönö aongitnön kapañ köla tohotnön anme.

¹² Nanangöra kewö qahö jizal, “Anutunöñ tohot alöhi, miangörej lök kangota urumelengö aködamunji pakpak miwiknaiba maljal.” Mewö qahö aka maljalmö, Kraist Jisösnöñ luhut ala nömeyöhanjörej mönö oyaenjkoyaenji buña qem angumangöra kapañ kölakzal.

¹³ O urumelen alaurupni, Anutugö tohot miangörej qahö angot teközali, mi mötzal. Mohot kewöya möta ahakzal: Yuai köteköba andö qeali, mi ölum nuñguiga Anutunöñ yuai mesoholne ali ahözawi, mönö miangörej göröken ösumnan anmamangö awöwengömakzal. ¹⁴ Anutunöñ euyangörej öngömangö nohola tohotni mewö al niñgiyök. Miangöra Kraist Jisösnöñ amöt qem niñgiyöhanjörej nöñön esapesapnön köhöiba luhut ala Anutugö tohotnön angotpiga yanön ila jalö nöropne köl niñgima. Mi memangöra awöwengöba tohot miangörej göröken diñdiñanök uraköba ösumni qezaköba kiñkiñgömakzal.

¹⁵ Miangöra urugö aködamuninambuk akzini, Anutunöñ nini körek mötmöt mohotkö qakje Kraist möt kutuba malbingö mötza. Keu kungöra mötmöt imbi murutji kun ahöm engibawak ewö, Anutunöñ mönö keu miangöra denöwö mötketka dop köljawi, mi mewöyök jim indel engima. ¹⁶ Mewö qahöpmö, engörej waimanjat bohonji mi kewö aiga dop kölma: Nini nalö köröpni me töröpni urunini melennda Anutugö könanön mala korini, mönö ahakmemegö köna mohot miyök toroqeba aninga dop kölma.

¹⁷ *O urumelen alaurupni, nöñön ahakmemeni ahakzali, iñini mönö ni neka nöngö silikni mi wuatangöba malme. Neñön silik ölopni kondel engiinga tosatjan mianjö dop tiba öröm engimakzei, iñini mönö yengörej uba engkek kutuba malme. ¹⁸ Ambazip kelemalelen yeñön ahakmemeninan Kraist kerök ak wangiba nanñini imbi-imbi lañ malje. Maripomnöñ kömuyöhi, mianjö könanji tim koyonaniba malje. Keu mi nalö gwötpuk janjuñ akepuköra jibi mötketmö, nalö kewöje mi sahöta imbilni eriga jizal.

¹⁹ Silenjanangö sihim kömbönanjini bölöñan bemñini akza. Yuai gamuñambuk ahakzei, mianjörej mötket öngöiga aködamunñina aiga söngöröqök akze. Urumötmötñini gölmegö yuainön jöhögetka gwaröhöm engii lañ mala teteköje könöp sianön geme.

²⁰ Yeñön emu gememö, tosatji nengö mindimindiri tohoñnini mi Suepnöñ eu ahöza. Gölmönöñ kianji aka kusukñanök mala Kembu Jisös Kraist Amötqeje Toninan kunbuk asuhuba nennguanjitmapköra mambörakzin. ²¹ Yanön nenngörej gölme silenini etqeqeñi ki melemniga nanji Suep sile asakmararajambukö tandök akja. Kukösum mewöñi mi Kraist ahöm wangiza. Yanön kukösum mewöñi mianön ambazip aka gölme Suepkö öroyuai pakpak mi ölop köhöiba memba et al nenngiiga yanjö nembö bapje aninga galöm köl nenngiiga malbin. Mewö.

* 3:17: 1 Kor 4.16; 11.1

4

Qambaŋ keu tosatŋi

¹ O wölböt alaurupni, mewö asuhumapköra Kembunöŋ mönö bauköm enŋgiiga böŋ qeba köhöiba kinme. Nöŋön enŋöra ak niŋgiiga enŋekŋamgöra kapaŋ kölakzal. Inŋini söŋöŋgai ak niŋgiget. Sutŋine nup mealangö ölni asuhui kondelgetka Anutunöŋ miangö töwa neŋgimawi, miangöra mönö söŋgööröqök aka söŋgaimakzal.

² Jitŋememe ambi yahöt Yuodia Sintike, etköŋ jula aŋgururuk aka maljahot, mewö möral. Miangöra nöŋön uruŋiri kewö kuŋguzal: Inŋiri Kembubuk mohot kinjahot, miangöra mönö urumohot aka malmahot. ³ O neŋakni ölni, nupkö köŋjöŋi mohotŋe bisiba maliri, gi mewöyök kewö qesim gihizal: Ambi yahöt mietköŋ urumohot akŋahotköra mönö bauköm etkiman. Yetköŋ nömbuk Ölöwak Buŋa köhöiba sehimapköra bim qeba malohot. Yetköŋ Klemen aka neŋakurupni tosatŋi yeŋgö qöhöröŋine mohotŋe bim qeba malohot. Tosatŋi yeŋgö qetŋini mi malmal köhöikŋangö buk papianöŋ eu ahöza.

⁴ Nalö dop mönö Kembubuk kinda söŋgaiba malme. Söŋgaime! keu mi dumŋe kunbuk jizal.

⁵ Inŋini mönö guŋböŋjöŋjöŋ qakŋe ambazip ak enŋigetka körekŋan tandökŋini mi mötme. Kembunöŋ lök kamamgö dopdowiza. ⁶ Yuai kungöra mönö köŋjiliŋ kude möta malmemö, yuai pakpak miangöreŋ qeqesiŋini mönö Anutugöra jigetka mötma. Mewö me mewö asuhumawi, mönö Anutu köuluköba uleta saiwap jiba malme. ⁷ Anutunöŋ uruluai enŋizawi, nini miangö könaŋi möt kutubingö osimakzin. Mi mötkutukutunini pakpak oŋgita qainŋi kun akza. Kraist Jisösbuk kingetka Anutunöŋ mönö uruŋini aka keu mötmötrŋini sel jöhöba kölközizip mem enŋgiiga malme.

⁸ O urumeleŋ alaurupni, keuni jim tekömamgö aka qambaŋ keu kewö jizal: Aŋgöjörak keu kude mötmörimemö, yuai pakpak göda qeinga aködamuraŋbambuk akzawi, uruŋini mönö miangöreŋ jöhöba malme. Keu ölni, keu diŋdiŋi aka sarakŋi mia mönö mötmöriba malme. Keu ehöehölöŋi sihimninan mörakzini, miangön mönö uruŋini kokolak qeiga kinme. Keu ewebibiŋambuk möpömöpösei ahumawaŋgö dop akzawi, uruŋini mönö miangöreŋ qekötahöba malme. ⁹ Nöŋgö ahakmemeni eka Buŋa keuni möta uru köŋömŋine ala buŋa qem aŋgugeri, inŋini mönö mi köl guliba aka memba malme. Mewö malgetka luai Toŋi Anutu yaŋön embuk kinma. Mewö.

Polnöŋ Filipai yeŋgö kalemŋinangöra saiwap jiza.

¹⁰ Nöŋön Kembubuk qekötahöba kinda enŋöra uruölöwak ketanŋi mötzal. Inŋini mutuhök ni köyan köla moneŋ niŋgibingö sihim möta malgetmö, denöwö akingö köna jaruba osiget. Nalö köröpŋi osiba malgetka Kembunöŋ nalö kewöŋe uruŋini mem guliiga amqeba kunbuk bauköm niŋgiget. ¹¹ Silenangö lömbötnöŋ tata osibileŋak, miangöra keu ki qahö jizal. Nöŋgöreŋ yuai ahözawi, nöŋön mönö miambuk uruluainöŋ böŋjöŋ malmamgö mötzal. ¹² Ni jaram tiba luainöŋ malal aka malmal pomŋi siyoŋsayoŋi qahö mala luainöŋ malal. Miri dop nalö dop uruni böŋjöŋ köli malmamgö mötzal. Nem timbireŋ akileŋak me bödi (buörö) tatpileŋak, miangöra mönö uruni qahö memba et al aŋgumakzal. Yuaini keleŋmaleleŋ me boromŋi ahöm niŋgibawak, mi muat. Mönö ölop böŋjöŋ malmam. ¹³ I me wai kun asuhubawak, Kraistnöŋ mem köhöim niŋgiiga yuai kunŋan kun mönö qahö memba et al niŋgiiga ölop malmam.

¹⁴ Töndup köŋjiliŋni miangö uruŋeyök alabauk aka mem amqem niŋgigetka dop kölök. ¹⁵ *Filipai inŋini mewöyök nöŋgö könani möt kömuze. Nöŋön könahiba liliköba Ölöwak Buŋa nup memba embuk Masedonia prowinsnöŋ mala enŋömosörali, nalö miangöreŋök könahiba mötnariŋ könagesö tosatŋan ni silegö yuaiŋinan qahö naŋgöm niŋgiget. Nöŋön urugö Buŋa enŋigiba buŋa qem aŋgugetmö, silegö likeŋi kun qahö melerŋ niŋgiget. Filipai urumeleŋ könagesö inŋini mohotŋan mönö nömbuk jöhöjöhö aka malmalni naŋgögetka naluk moneŋini buŋa qem aŋguba malal.

* 4:15: 2 Kor 11.9, 16; Apo 17.1

¹⁶ Nöñön yuaigöra osiba malali, injini mi nöñgöra algetka Tesalonaika sitinöñ kayök. Indim mohot qahöpmö, indim yahöt silenangö yuaigöra osiali, mi algetka nöñgöreñ kayök. ¹⁷ Engö inap kalemñinangöra köpösöñgöbilenjak, miangöra keu ki qahö ohozal. Anutunöñ engö alabaukñinangö likepñi melen engimakñawi, nöñön mönö öñji mi engöreñ sehimapköra mötzal. ¹⁸ *Enjön nalö kewöñe yuai algeri, mi buña qem anguba nöñgöreñ yuai pakpak miangön mönö dopni ongita gwötpuk ahöm niñgiza. Epafroditus yañön engö alabauk kalemñini memba kaba niñgiiga möriamnambuk aka maljal. Injini naluk kötinñini algetka yañön memba kayöhi, Anutunöñ miangö sihimñi möri ölop dop kölja. Anutunöñ engö nalukñini möt angön köli wöronñi ölopñi umköhökambuk aka yangö jeñe pukpuköiga söñgaimakza.

¹⁹ Nöñgö Anutunan töhötmöriam pakpakö Toñi akza. Yangö köweñe yuai pakpak mi teteköñi qahö ahöza. Miangöra injini Kraist Jisösbuk qekötahöba kindä yuaigöra osizei, mi pakpak mönö ahöm wangizawangö dop engimakña. ²⁰ Miangöra Anutu Iwinini mönö nalö dop möpöseimakin. Mewö ahinga Anutugö qetbuñan nalö teteköñi qahö sehimakña. Keu mi öñja.

Yaizözkök teteköñi

²¹ Nöñön yaizözkökni alaurup sarakñi Kraist Jisösbuk mohot kinjei, körek engöra albi kaza. Neñakurup nömbuk ki maljei, yeñön yaizözkökñini algetka engöreñ kaza. ²² Anutugöreñ ambazip sarakñi tosatñi pakpak ki maljei, yeñön yaizözkökñini algetka engöreñ kaza. Yeñgöreñök tosatñan sisa kiñgö jakömbuak mire nup memakzei, yeñön mönö mewö möta kapañ köla jize.

²³ Kembu Jisös Kraistkö kalem möriamñan mönö embuk ahöm öñgöba uñañini kötuatkömakña.

* 4:18: Eks 29.18

Kolosi Kimbi Polnön Kolosi yengöra Kimbi alök. Jim-asa-asari

Kolosi mi Eisia prowinsgö taon kun. Mi Efesus siti miangöreñök wehön kotkotje göröken ahöyök. Polnön Kolosi nalö kungen qahö anökmö, Eisiagö siti ketanji Efesus miangöreñ yambu karöbut Buña nup memba Kolosi yengöra mewöñanök waimanjatñi möta malök. Könangep Kolosi tosatñan uruñini melenget (1.7; Apo 19.10). Polnön Rom sitigö kösö mire tariga nejakñi Epafrañs yañön Kolosi urumeleñ kambugö buzup keuñi memba yañgöreñ kayök. (1.7-8) Kösohotñini tosatñi mi ölopñi aketmö, Kolosi miangöreñ böhi takapulakanji tok malget.

Böhi mienön ambazip kewö kusum sohom engimalget: “Urumeleñ könagesö eñön Anutu waikñi membingö köna keu könañi könañi mi ölop wuatangöme. Eñön ölop uruñini memba et ala silerñini qeba sihimbölö mötme.” (2.16, 20-21, 23) Toroqeba kewö jim kutum engiget, “Mötnarip eñön mönö simin köla garata waikñini memba malme.” (2.18) Jisös mewöyök mem et al wangiba kewö jiget, “I Anutugö Nahönñi qahöpmö, garata bohonñi kun.” Mewö jiba kewö toroqebet, “Nengö keunini wuatangömei, yeñön mönö mötmöt tölapñi qainñi kun miwikñajime.”

Miangöra Polnön Kimbi ki ohoba Kolosi urumeleñ kambu kewö kusum engiyök, “Yuai pakpak mönö Jisösgö bapñe ahöiga yañön Anutu öl töhönñi aka (1.15-17) urumeleñ kambu nengö Bohonina malja.” (1.18) Toroqeba keu kewö kondel engiyök, “Kraist Jisös möt narigetka yañön Anutugö mötmöt aka mötkutukutu tölapñi ölop kondel engima. Anutugö mötmötñi mi mötmöt tosatñi pakpak oñgita qainñi kun akza.” (2.2-3, 9-10) Polnön mewöyök urumeleñ ambazip malmalñinangö jimkutukutu keu tosatñi ohoba al engiyök. (3.1-4.1)

Buk kiangö bahönji bohonñi 4 mi kewö:

Keu mutukñi 1.1-8

Kraistkö malmalñi aka nupñi 1.9-2.19

Kraistpuk malmal dölokñi 2.20-4.6

Kimbigö keu kötñi bohonñi 4.7-18

¹ Anutunön Pol ni melaim niñgiiga jitñangö dop Kraist Jisösgö aposol akzal. Urumeleñ alanini Timoti yañön nömbuk tatza.

² O urumeleñ alaurupñini sarakñi Kolosi taonön mala Kraistpuk qekötahögetka mötnaripñinan qahö sörauga zeñ kinjei, nöñön embuk keu eraum mötpingöra kimbi ki ohozal. Anutu Iwininan mönö kalem möriam engiiga luainön malme.

Engöra Anutu möpöseiba köulukömakzin.

³⁻⁴ Injini Kraist Jisös pöndañ möt nariba ambazip sarakñi pakpak uru könömñinan jöpaköm engimakzei, miangö keu buzupñi jiget mörin. Miangöra engöra köulukömakzini, miangöreñ mönö nalö dop Anutu, Kembunini Jisös Kraistkö Iwiñi möpöseimakzin.

⁵ Ölöwak Buñagö keu öñan mutuk engöreñ kaiga jigetka jörömqörömninangö könañi lök möta möt asariget. Möt asariba Anutunön engöra yuai ali Suep mire kahaimök ahözawi, injini mi buña qem angubingö al mamböta jörömqöröm akze. Jörömqöröm miangön nam köl engiiga amqeba Anutu möt nariba uru jöpaköm anguba maljei, mönö miangöra möpöseim wangimakzin.

⁶ Ölöwak Buña keu miangön sehiba gölmeñi gölmeñi dop köla öñhambuk aka qarimakza. Miangö dop engöreñ kaiga injini Anutugö kalem möriamñangö könañi öñji möta möt asariget. Mi mutuhök möt asarigeri, wehön miangöreñök könahiba engö sutñine mewöñanök öñhambuk aka kötuatköm engimakza. ⁷*Wölböt neñakñini Epafrañs yañön

* 1:7: Kol 4.12; Flm 23

Kolosi engöra Ölöwak Buja mi kusum engiiga mötket. Epafras yañon neñgö salupnine kinda Kraistkö nupni pöndañ kapañ köla memakza. ⁸ Uña Töröñan sölölohöm engiiga jöpaköm aņgumakzei, Epafrasnöh engö könañamñini mewö eka nini jii mörin.

⁹ Mianğöra buzup keu mi mörini, neñon mewöyök nalö mianğöreñök könahiba engöra Anutu köuluköba mala kotzin. Eñon Anutugö jitsihitji möt yakögetka mötmöt mianñon uruñini kokolak qemapköra ulet waņgimakzin. Mianñon kokolak qem engiiga Uña Töröñan mönö sölölohöba mötmöt engimakña. Mewö mianñon mönö ölop Anutugö sihimñi pakpak diñdiñanök möt kutuba malme.

¹⁰ Engöra kewö köulukömakzin: Mötkutukutu mianñon nam köl engiiga mewö ölop malmalñini Kembugö jeñe dop kölmawañgö dop malme. Jitsihitji ahözawañgö dop ahakmemeñini pakpak aka memba malme. Mewö ölop nup ölopñi könañi könañi pöndañ megetka mianğö ölni asuhumakña. Mötkutukutuñini mewö köl guligetka ölop köhöimakña aka Anutugö könañi toroqeba möt yaköm soroköba malme.

¹¹ Anutugö kukösumñi mi aködamunñambuk. Mianğö dop nanñi ösum-mumuñi pakpak al engiiga engualöñda mem köhöim engimakñaapköra köulukömakzin. Anutunöh mewö mem köhöim engiiga ölop köhöiba nalö dop kapañ köla urubönjöhñöh kinda lömböt möta mökösoñda söñgaiba malme. ¹² Söñgaiba mala Iwigö saiwap jiba malmegöra köulukömakzal. Iwininan alaurupñi sarakñi neñgöra buja yuaiñi arengöba ali asakmararañgö uruñe ahöza. Yañon iñini mewöyök letotqetot mem engiiga buñani mi buja qem aņgumeañgö dop akze.

¹³ Pandamanöh galöm köl neñgiyöhi, Iwinöh mianğöreñök meköba neņguañgita kaba wölböt Nahönñangö bemtohoñ uruñe al neñgiyök. ¹⁴ *Nahönñi yañon sohohnini memba siņgisöndoknini saņgoñda mosötmapkö mörakza. Mianğöra mönö saiwap jim waņgimakzin. Keu mi ölna.

Kraistnöh yuai pakpakö könañi aka bohonñi akza.

¹⁵ Kraistnöh Anutu qahö ehekñi yañgö imutñi akza. Möpñangö möpñe malmal pakpak qahö asuhuiga Kraistnöh mönö mutuhök Iwiñambuk azi bohonna malök. Mewö Iwi Anutu bauköm waņgiiga öroyuai pakpak miwikñaim engiyotka ahuget.

¹⁶ Nahönñan Anutu bauköm waņgiiga öroyuai pakpak miwikñaim engiyohot. Yuai tosatñi Suep mirigö jakeñi jakeñi mianğöreñ ahögetka qahö engehakzini aka yuai tosatñi gölmenöh ahögetka engehakzini, mi Kraistnöh jiiga letotket. Yuai pakpak mi galöm köl engimegöra uña suahö galömñi galömñi miwikñaim engiiga Suep gölme sutñire jakömbuakñine kinda jimkutukutuñini alakze. Yeñgö nemböhñine pom jembonñini öñgöñgöñi eretñi mi al engiiga jakeñine kukösumñinambuk kinda tosatñi kembu ak engimakze. Nahönñan yuai pakpak asuhumapkö bömön jalöñi aiga Anutunöh miwikñaim engiyöhi, mi mönö Kraist aködamun miwikñaim waņgimegöra al engii ahöze.

¹⁷ Kraistnöh mutuhök maligun öroyuai pakpak mianğö andöñe asuhuget. Yañon mönö yuai pakpak mindiriba nam köl engiiga kutulañgöba yañgöreñ töndangöba kinje. ¹⁸ *Kraistnöh bömön jalönini akza. Öroyuai pakpak neñgö öröm neñginenñi bohonina aka malmapköra kömupnöñök wahörök. Kömugeri, yeñgö sutñineyök jittjememeñina aka guliba wahörök. Mewö mutukñamnini aiga nini könagesö walñangö zioz dölok-kunñi asuhaba kinjin. Mianğöra urugö, silegö, yuai pakpakö nörop bohonini aiga urumelen könagesö neñon yañgö öl kemañi akzin.

¹⁹ Anutunöh Nahönñi nanñangö dop köröndöh aka malmapkö möt teköi dop kölok. Mianğöra nanñi mötmötñi aka aködamun yuaiñi pakpak mi körek pakpak Kraistpuk qekötahöba kinjawañgöra körö-ölöwak möta malja. ²⁰ *Öroyuai pakpak gölmenöh aka Suepnöh Anutubuk kazik ahakzei, Anutunöh mi pakpak töwañini ala enguañgiriga nanñambuk qekötahöba urumohot akñegöra möta kewö jim teköi dop kölok, "Mönö nani Nahöni melaibi geba maripomñöh kömumba sepñi mokoba luaigö nam köli asuhuma."

* 1:14: Ef 1.7 * 1:18: Ef 1.22-23 * 1:20: Ef 2.16

²¹ Injini mewöyök mutuk ahakmemenini bölöni ahöyöhangöra aka uruñinan Anutubuk urumohot qahö aka kerök möt wangiba tikep malget. ²² Mutuk mewö malgetmö, nalö kewöje Anutunöñ nanñambuk urumohot aka kinmegöra Nahönñi melaiiga gölme silebuk kömumba köl könjorat mem enjiyök. Mewö kingetka qewöloñini sanjonja mala enjuañgita nanñi jeñe sarakñi köpösihitkö keuñini qahö al enji angotmegöra al mamböta jörömqöröm ahakze.

²³ Jörömqöröm ahakzemö, mala anjañbanjañ köla et enjubañpuköra mönö Kraist pöndañ möt nariba kinme. Anutunöñ Ölöwak Buñañan tandö kuñguyöhi, injini miangö keuñi mötket. Uruñinan miangöreñ nañgöba töndangöba kin köhöiba malme ewö, mönö oyaenköyaen akñe. Nini Ölöwak Buñañi mi jim sehimakzin. Anutunöñ ambazip miwikñaim enjiiga Suet bapñe mal anjei, yeñgö sutñine mi liliköba jim asariba maljin. Pol nöñön mewöyök Ölöwak Buñagö nupñi mi memba maljal. Mewö.

Polnöñ zioz kambugö nup denöwö memba malök?

²⁴ Kraistkö ölni mi urumelen könagesö neñön akzin. Kraistnöñ neñgöra aka könjilij möriga kitipñi ahöba urumelen könagesö qaknine öngömakzawi, mia Kraistkö ölni bauköm enjimangöra aka silenana meköba möta malakzal. Mewö aiga enñgöra aka sihimbölö möta malali, miangöra nalö kewöje söñgaimakzal.

²⁵ Anutunöñ kuñgum niñgiiga urumelen könagesöni könagesöni welenñini qeba nup memba maljal. Anutunöñ kalem möriamñi ambazip mendeñ neñjimangö areñ alöhi, miangö dop Buñ keuñi körek jim sehim tekömangöra jiyök. Enñön ölöwaka köhöimegöra nup al niñgiyök. ²⁶ Anutunöñ Buñ keu mi möpñangö möpñeyök asam-böriga ambazip julkösöñ aka kömugetka gwölönarökñi wahöta kömugetka mewö mewö aka mala kota tönpin malget. Malgetka nalöni nalöni tölapñe ahöyökmö, nalö kewöje könagesöni könagesöni sarakñi neñgöra indel neñgiiga mötzin.

²⁷ Anutunöñ kalem möriamñangö areñi kewö jiba ahöza, “Nöñön keuni tölapñi mi nani könagesöurupni enñgöra indelbi mötmegöra mötzal. Yeñön mi möt yaköba anda jim sehigetka Buñani tölapñangö aködamanñan mönö kian kantriñi kantriñi yeñgö sutñine qariba qetbuñañambuk akña.” Keu kötni tölapñi mi kewö: Kraistnöñ enñgö uruñine malja ewö, mönö asakmararañe angotpiningö jörömqörömñi al enjimakña.

²⁸ Neñön Anutugö areñ miangö dop Kraistkö könañi ambazip pakpak enñgöra jim asariba maljin. Yeñön körek Kraistpuk qekötahöba kin köhöiba aködamanñinambuk akñegöra kusum enjimakzin. Mewö enjuañgiringa Anutugö jemesoholñe angotmegöra mötzin. Miangöra mötkutukutunini pakpak qezaköba qambañ keuñi keuñi enjimakzin. ²⁹ Nöñön miangöra aum-mörimakzal. Kraistnöñ kukösumñangö qakñe sölölohöba inahöm niñjimakzawi, nöñön mönö miangö dop bim qeba malakzal. Mewö.

2

Polnöñ Kolosi yeñgöra waimañjat mörök.

¹ Nöñön Kolosi enñgöra aka bim qeba maljal. Mewöyök Laodisia sitinöñ maljei aka urumelen alaurup tosaññan silenangö jemesoholni qahö nekeri, mönö körek yeñgöra köuluköba gwötpuk aum-mörimakzal. Nöñön injini miangö könañi mötmegöra mötzal.

² Kewö köulukömakzal: Anutu, gi mönö uruñini nañgöm enñinöñga öröröñ jöhöba jöpaköm anñguba mohotñe urugö aködamanñini pakpak miwikñaim. Mi miwikñaiiba ölop köhöiba yuai pakpak möt kutum teköme. Mewö aka ölop Anutugö Buñ tölapñi, Kraistkö könañi mi körek möt asarim teköme. ³ Anutunöñ mötmötñi aka mötkutukutuñi mi körek Kraistköreñ ala asam-böriga ahöza. Anutu mötkutukutuñangö köweni mi guli dötnam ewö köwe tölapñe ahöiga Kraistnöñ miangö kiñi moröñi akza. Kraist tem köla mewö miangön ölop mötkutukutuñi miwikñabin.

⁴ Kunñan mondoqondoroñ ala kelök keu jiba uruñini kuñguba tilipköm enñgibañpuköra Kraistköra keu mi jizal. ⁵ Silenan enñgö kösutñine qahö maljalmö, urumötmötñan mönö

embuk kinja. Injini köhöiba Kraist möt nariba tem köla sutjine arenjinaᅅgö dop bönjöᅅ maljei, enᅅöra mewö möta mötmöriᅅa söᅅgaimakzal. Mewö.

Gölmegö mötmötjan jöhöm enᅅibapukö galöm meme keu

⁶ Miangöra injini Kraist Jisös möt anᅅön kölgetka Kambuᅅini aka kinjawi, mönö yambuk qekötahömakzeanᅅö dop ahakmemeᅅini aka memba malme. ⁷ Keu kusum enᅅigeri, miangö dop mönö kesötᅅini Kraistköreᅅ möndömgöᅅa mendawöla yambuk qekötahöᅅa kinda uruᅅini naᅅgöm anᅅuba mötnaripkö köhököhöiᅅi toroqeba miwikᅅaiba malme. Saiwapᅅini mönö o saksaköᅅa erakzawanᅅö dop jiba möpöseiba malme.

⁸ Ambösakon yeᅅön gölmegö mötkutukutu kusum enᅅigetka köna walᅅi miwikᅅaiba tosatᅅan mi uatanaᅅömakze. Mewöyök bem suahö galöm Suep gölme sutjire mala mietkö öröyuaiᅅiri pakpak galöm köl enᅅimakzei, tosatᅅan Kraist onᅅita yeᅅgöreᅅ qekötahöᅅa keu kusum enᅅimakze. Mewö ahakzei, yeᅅgöreᅅök kunᅅan enᅅömemba tilipqilip omaᅅi miangö kösöᅅan jöhöm enᅅiiga eta böhi miengö buᅅaya akepuk.

⁹ Anutugö mötmötᅅi aka aködamun yuaiᅅi pakpak mi körekmakörek Kraistköreᅅ ahöiga gölme sile memba asuhuyök. Miangöra böhi takapulakaᅅi mewöᅅi yeᅅgöra mönö galömᅅini mem anᅅuba malme. ¹⁰ Kraistnöᅅ uᅅa suahö galöm aka pom jembon pakpak miengö nörop bohonᅅini akza. Kraistpuk qekötahögetka yaᅅön Anutugö mötmötᅅi aka aködamun yuaiᅅi pakpak mi ölop dopᅅine enᅅiiga malje.

¹¹ Mewö mala Kraistpuk qekötahögetka yaᅅön aiwesökᅅi ölnᅅi mi enᅅöreᅅ mewöyök yandim enᅅiiga malje. Aiwesök mi böronöᅅ silenine yandimakzeanᅅö dop qahöpmö, Kraistnöᅅ sile yandiyandi qainᅅi kun ak enᅅiyök. Mi kewö: Yaᅅön silegö ahakmeme walᅅan galöm köl enᅅibapuköra mönö sihim kömbönaᅅini bölöᅅi jöhöiga malje.

¹² *Kraistkö qamötᅅi lömnöᅅ algeri, enᅅö uru walᅅan mönö mewö tandöktandök kömumba o melun miangöreᅅ kömup lömnöᅅ geyök. Mewö geyökmö, Anutunöᅅ Kraist mem guliiga kömupnöhök wahöröhi, yanᅅö kukösumᅅan mönö injini mewöᅅanök inahöᅅa o melun miangöreᅅ nam köl enᅅiiga guliget. Injini Anutugö kukösumᅅi mi möt anᅅön köla möt narim wanᅅigeranᅅöra aka Kraistkö qöhöröᅅe guliba köhöiba malje.

¹³ *Mutuk kunöᅅ enᅅö sihim kömbönaᅅini bölöᅅi mi qahö jöhöiga uru walᅅinan galöm köl enᅅiiga malget. Siᅅgisöndok akeranᅅöra aka uru köhömuᅅi malgetmö, Kraistpuk qekötahögetka Anutunöᅅ yanᅅö qöhöröᅅe mem gulim enᅅiyök. Siᅅgisöndoknini mönö körek sanᅅon teköiga köhöiba maljin. ¹⁴ *Bölöᅅamnini aka miengö likeᅅᅅanᅅö jimkutukutuᅅi mi Suep mire löpöt kimbinöᅅ ohogetka ahöyök. Kraistnöᅅ löpöt mi körek pakpak kutuba qeapköyök. Löpöt miangön Anutubuk kinda andöᅅine qeba tuarenᅅon ak nengiba ahöyöhi, yaᅅön mi köteköᅅa maripomnöᅅ kösököi teköyök.

¹⁵ Maripomnöᅅ kömumba bem suahö galöm aka uᅅa pom Suep gölme sutjire öröyuai pakpak galöm kölakzei, Kraistnöᅅ miengö kukösumᅅini luak jaugem jitᅅi ewö qeapköᅅa tölököᅅa tözangöm teköyök. Mewö kazikurupᅅi kösö gwarö memba gamu qem enᅅiyök. Mewö aka enᅅuanᅅita köiraᅅ ala renduᅅ köliga qenjarökᅅe kagetka luhut al enᅅiyöhänᅅö könaᅅi mi aukᅅe asuhuiga eket.

¹⁶ *Kraistnöᅅ luhut al enᅅiyöhi, miangöra injini mönö Kraistpuk kinda ewebibiᅅinambuk saitingit malme. Mewö malgetka enᅅö sutjine kunᅅan wani onᅅi aka ölnᅅi ohoba nemakzei, miangöra öne döᅅqizizin ala jim kutum enᅅibapuk. Yambu (yara) dop kendon kömbukᅅi kun aka köiᅅ dop köiᅅ dölököᅅi kotzawanᅅö söᅅgaipᅅi mi alakze me qahö, miangöra öne jim bölim enᅅibepuk. Sabat kendon mi Sondagienöᅅ me silim kunöᅅ tarakzei, miangöra öne mesoholᅅine qeba jim enᅅibepuköra mönö galömᅅini mem anᅅuba malme. ¹⁷ Sonᅅo mewöᅅi miengöra mönö kezap kude alme. Mi söpsöp yuaiyök akze. Ölnᅅan dopdowiba imutᅅi gilakzawi, miangö dop ölnᅅi mi Kraist. Nenegö me kendon tatatkö keuᅅi mi Kraistkö söpsöpᅅi aka eretᅅi akza. Kraistnöᅅ lök kaiga mala öne köna söpsöpᅅi walᅅe qekötahöbepuk.

* 2:12: Rom 6.4 * 2:13: Ef 2.1-5 * 2:14: Ef 2.15 * 2:16: Rom 14.1-6

¹⁸ Tosatji yengö sihimñini mi nanñini urunini memba et ala Suep garata waikñini memba bem ewö möpöseim engibingöra ahöza. Mewöyök jeñini melerñi imutimutñini eka miengöra söngöröqök ahakze. Mewö nanñine gölmegö mötmötñan kunñum engiiga sileñini öne töhön memba öngöba tiwokmawok ahakze. Yengöreñök kunñan tilipköm engiba Kraistköreñök utum engibapuk. Mewö mötnaripkö aongitnöñ luhut qahö ala töwañini qahö membepuk. Miangöra mönö galömmñini mem anguba malme. ¹⁹*Yerñon Kraist nöropñini akzawi, yambuk qekötahöba kinkinñini mosöta lañ malje. Kraistnöñ nöropñini aka nanñi ölni körek nini galöm köl neñgiiga ölop mösölatim anguba maljin. Sihit toroqeqeñi aka ginimuramñi miengön mönö ölnangö köna böröurupñi mindiriba jöhöm neñgigetka kutulañgöba mohot akzin. Mewö aka Anutunöñ nam köl neñgimakzawañgö dop qarim köhöimakzin.

Kraistpuk kingetka gölmegö mötmötñan galöm ak engibapuk.

²⁰ Inñini Kraistköreñ qekötahögetka uru walñinan kömuiga bem suahö galöm yengö kösö gwarönöhök lök lolohoget. Miengön Suep gölme sutñire mala yuaiñiri pakpak galöm köl engimakzemö, inñini qahö galöm köl engigetka malje. Miangöra böhi takapulakañi mewöñan jimkutukutu lañ al engimakzei, mi mönö wuanöñgöra öne wuatangömakze? Suepkö buñaya akzemö, töndup gölmegö keuya wuatangögetka siksauk ahakza.

²¹ Songonñini kewö alakze, “Mi kude göjupköba meman. Kun mi kude yöhösöröman. Yuai mi kude misiriman.” ²² Gölmegö ambazipnöñ nanñini nöropñinan mewö jim kutuba tosatji kusum engimakzemö, Anutunöñ mewö qahö. Yañon yuai pakpak mi lökñanök aka mendingöra jiiga nupñini engigetka qahöwakñegöra ali ahöze.

²³ Mi töndup tosatñan bem suahö galöm aka garata waikñini memba bem ewö möpöseim engimegöra kapañ kölakze. Mi kapañ köla “Nanini urunini memba eta aljin,” jiba miangöreñ möndöba silegö sihim kömbönañini bölöñan galöm köl engibapuköra songonñi songonñi ala sileñini qeba qölsihim angumakze. Mewö aka jimkutukutunñini alakzei, mi mönö mötkutukutu qakñe alalñangö tandök aiga gwötpukñan mi möta mötket öngömakza. Öngömakzapmö, mi töndup mewö silegö sihim kömbönañini bölöñi angön kölbingsö osiba mi lañ wuatangömakze. Miangöra jimkutukutunñini miengön mönö yuai omañi kötökñi akze. Mewö.

3

Kraistnöñ malmal dölokñe malbingö ösumñi neñgimakza.

¹*Kraistnöñ euyangöreñ öngöba Anutugö böröñi ölnangö jakömbuak jakeñi memba qetbuñañambuk tatza. Anutunöñ Kraist mem gulim wañgiyöhi, miangö tandök inñini mewöyök mem gulim engiiga köhömuñeyök wahöta malje. Miangöra inñini Suep mire eu öroyuai ahözawi, urunñini mönö miangöreñ jöhöba malme.

² Gölmegö öroyuaigöreñ qahöpmö, euyangöreñ öroyuai ahözawi, urunñini mönö miangöreñ jöhöm köhöiba malme. ³ Engö urunñini walñan mönö kömuiga Anutugöreñ tönguba malje. Mewö Anutugö aumñe anda malmal köhöikñangö könañi miwikñaiget. Kraistnöñ Suep malmal tölapñe maljawu, engö urumalmalñinan mönö miangö dop asa-asambötñe ahöza. Miangöra urunñini mönö Kraistpuk jöhöba malme. ⁴ Kraist malmal köhöikñangö Toninan kunbuk kaiga asakmararañan asuhumawi, nalö miangöreñ inñini mönö mewöyök asuhugetka enguañgiriga yambuk Anutugö asakmararañe angotme.

Uru walñi aka uru dölokñi awöranğözahot.

⁵ Gölmegö sihim kömbönañini bölöñi könañi könañi mi urunñine kinda yayasenñe mem engimakzei, miengö nöropñini mönö körek tözamgöm teköme. Bau kiam tandök serowilin aka qewöloñ angöjörakñambuk mi mönö andö qeme. Urusilegö sihim kömbönañi bölöñi mi mosöta urukönöp bölöñi mi mönö qömbökögetka bököma. Yuai membagan mendingö nepaqepalok köpösöngömakzei, miangön tandö lopioñ waikñini

* 2:19: Ef 4.16 * 3:1: Sum 110.1

memba möpöseim engizeangö tandökñi akza. ⁶ Mi akerangöra aka Anutugö irimjan seholiiga urukazikñi qakñine ali öngömakza.

⁷ Sihim kömbönanjini bölöñi mewöñan mönö mutuk nanñini malmalñini mewöyök galöm kölga köna bölöñi mi tiba wuatangöba maljema.

⁸ Mewö malgetmö, nalö kewöñe injini mewöyök yuai kewöñi pakpak mi mönö gilget anma: Urusingok möta urukönöpnöñ jula engohoiga uruñinan auba urubölö mötzemö, mi uzeta gilget anma. Mewöyök uruqeçe keu töhöreñ aka keu angjöörakñambuk jiba uruñini tölöhozei, mi mönö körek andö qeba mosötme. ⁹* Injini uru walñi aka mianğö ahakmeme angjöörakñambuk mi köteköba mem kömumba malje ewö, keu munenji mönö kude eraum mötme.

¹⁰* Injini uru walñi köteköba kunbuk letota uru dölökñi löngöta malje. Miwimiwikñai Toninan nanñi könañi möt teköm wangibingöra söpsöp alöhi, yañön mönö mianğö dop uru dölökñi mi letot wanggiiga toroqeba kölönaimakza. ¹¹ Mianğöra nini Juda me kantri tosatñangö ambazip maljini, mi mönö dop mohot akza. Anutugö aiwesökñi silenine yandiget me qahö, mi töndup Anutugö jeñe dop mohot akzin. Taon ambazip mötmötni-nambuk me qandam (bus kanaka) mala nanñini keuñine irohowaroho jiba gukmaulem maljei, mi töndup Kraistnöñ urunine kiniga mohot akzin. Nanini nupnini memakzin me toninangö welenñini töwañi qahö qemakzini, mianğön yuai korembenji akzapmö, ölbölñi mi Kraist. Yañön kutulanğöba körek neñgongita öngöba Kiñ Kembunini bohonñi mohot akza.

¹²* Anutunöñ möwölöhöm enggiiga uru dölökñi wuatangöba Anutugö wölböt alaurupñi sarakñi akze. Mianğöra injini mönö sutñine ak kömumba ala ak anguba malme. Uruñini memba et ala tosatñi guñböñjönjön qakñe ak engiba lömböt möta mökösoñda malme. Silik mianğön mönö malukuñini aiga kölget geiga mi töp memba malme.

¹³* Mönö lolongöba bölöñangö kitipñi kude mememö, mönö qaqaengim anguba malme. Köyan köl angugetka sutñine keu köpösihit ahuiga kunñan alarñi jim wangimangö mötzawi, mi mönö mosöt angume. Kembunöñ singisöndokñini sanğonda mosöröhi, injini mönö sutñine mewöñanök ak angumakñe. ¹⁴ Mewö aka urukalemğö malukuñini mi kölget geiga mianğö qakñe mönö urukalem aka jöpaköm angugetka qetpuk akña. Urukalem mianğön mönö aködamun tosatñi pakpaköra jizali, mi köyamğöba mindiriba bohonñina kinja.

¹⁵ Kraistnöñ injini luainöñ silemohot malmegöra engoholök. Mianğöra yangö luainan mönö uruñine ahöba ölöpnangö injup lökuatñi ak enggiiga urubönjönñöñ jim möpöseip aka malme.

¹⁶* Kraistköreñ Buña keu mianğön mönö uruñine kinda sutñine gwötpuk asuhum sehima. Mönö mötkutukutu keu pakpak jiba kusum anguba qambañ qem angumakñe. Uña Töröñan sölölohöm engimakzawangö dop mönö Buña Liñet Sumbara (Sam), möpömöpösei liñet (omsa) aka urugö liñet tosatñi mi urukönömñinan Anutu möpöseiba kölakñe. ¹⁷ Ahakmeme mi me mi jitnöñ me siliknöñ aka memei, mi pakpak mönö Kembu Jisöğö qetñe ahakñe. Mewö aketka Kraistnöñ nam köl enggiiga Iwi Anutu pipsimbawon jim wangiba malme. Mewö.

Awanöm, iwinam aka welenqeçe engöreñ qambañ keu

¹⁸* Ambi injini mönö apurupñini yengö keu bapñe anda malme. Kembugö buñaya akzeangöra mönö mewö aketka dop kölma.

¹⁹* Azi injini mönö anömurupñini urukalemnöñ jöpaköm engiba urupik wösökömbuk qakñe kude ak engiba malme.

* 3:9: Ef 4.22 * 3:10: Jen 1.26; Ef 4.24 * 3:12: Ef 4.2 * 3:13: Ef 4.32 * 3:16: Ef 5.19-20 * 3:18: Ef 5.22; 1 Pitö 3.1 * 3:19: Ef 5.25; 1 Pitö 3.7

²⁰ *Nahönbörat injini Kembubuk qekötahöba kinda iwinamyahötñini yetkö jitiñiri wuatangögetka Kembunöñ engehiga dop kölma. Mianğöra injini mönö keunini jimeangö dop pakpak tem köl engiba malme.

²¹ *Iwiurup engö nahönböraturupñinan awösamkakakñini mosötpepuköra mönö kude engum ureim ak engiba malme.

²² *Welenqeçe injini mönö gölme qakñe galömurupñini yengö keunini pakpak tem köla ahakñe. Köñdöwoñ aketka ambazipnöñ engkek sorimeğöra qahöpmö, geñmoñ mosöta Kembugö jitiñi ongitpinbukö sömbuñini möta uruñini nupnöñ ala memba malme. ²³ Yuai aka memakñei, uruñini mönö mianğöreñ jöhöba kewö mötmörime: Gölme ambaziwök qahöpmö, Kambu nanñi mönö welen qeba malje.

²⁴ Kambu Kraist welenñi qeba malgetka yañön töwañini Suep mire ali ahözawi, mi mönö enğiiga buñañini akña. Mönö mewö mötmöriba malme. ²⁵ *Kunñan nupñi mem sohomawi, Anutunöñ mewöñanök mem sohosohorañgö likepñi meleş wañgima. Anutunöñ tosatñi qahö engkek soriba tosatñi qahö qepureim engimakzapmö, körek nini dop mohotnöñ kewöt neñgiba keunini jim teköma.

4

¹ *Galömurup engöreñ Kambu ketañi mi Suep mire malja, mi möt kutuzeangöra mönö welenqeçe urupñini titit diñdiñi aka dop mohot ak engiba malme. Mewö.

Goro qambañ keu tosatñi

² Köuluk nup mönö kapañ köla memba malme. Mianğöreñ mönö uruguliguli mala jim möpöseip aka malme. ³ Möpöseip akñei, mianğöreñ mönö neñgö mohotñe kewö köuluköba malme, “Anutu, gi mönö Pol neñakurupñi köna mem enjinöñga ölop Kraistkö Buña keu tölapñi mi jim asarigetka sehima.” Nöñön mönö Buña nup mianğöra aka kösö gwarönöñ tatzal. ⁴ Nöñön Buña keu Anutugö sihimñangö dop jibi asarimeğöra mönö köulukñinan töngum niñgiba malme.

⁵ *Ambazip urumeleñ qahö aka yaigep maljei, i mönö mötkutukutu qakñe ak engiba malme. Urugö nup memingö köna kun ahumawi, nalö mi mönö kude mösöhöba ayuhumemö, ambazip qöhöröñine anda ösöñ qambañ köl engime. ⁶ Keu eraum mötmei, mi mönö nalö dop howeñambuk mindiriba jigetka nahömñambuk ahakña. Jigetka mohot mohot nahömñini ahuiga körek yengöra keu denöwö meleş engime, mi mönö ölop möt yaköba mianğö dop jimakñe. Mewö.

Polnöñ Tikikus Onesimus melaim etkiğa kamahot.

⁷ *Wölböt alani Tikikus yañön Kembubuk qekötahöba kinda nömbuk nupñi törörök memba neñakni akza. Yañön engöreñ kaba denöwö aka malakzali, mianğö kösohotñi körek jii mötme. ⁸ Denöwö aka memba tata maljini, injini mönö kösohot mi mötmegöra melaim wañgibiga engöreñ kama. Yañön kaba ölop urukölalep ak engima. ⁹ *Mewöyök wölböt alanini Onesimus Kolosi engöreñök kaba Kembugö keunji pöndañ wuatangöba mem yakömakzawi, nöñön i melai biga liliñgöba kama. Azi yahöt mietkön kaba kianğöreñ yuai pakpak denöwö asuhui maljini, mianğö kösohotñi ölop jim teköyohotka mötme. Mewö.

Yaizözkök keu teteköñi

¹⁰ *Aristarkus nömbuk kösö mire tatzawi aka Barnabasgö numbutñi Mak yetkön yaizözkökñiri jiba alohotka engöreñ kaza. Maköra lök keuni kewö jim kutubiga mötket: Engöreñ kaba kañgotma ewö, mönö ölop köl öröba ala ak wañgime. ¹¹ Josua qetñi kun Jastus qetzei, yañön mewöyök yaizözkökñi jiba ali engöreñ kaza. Neñakurupnan nömbuk

* 3:20: Ef 6.1 * 3:21: Ef 6.4 * 3:22: Ef 6.5-8 * 3:25: Dut 10.17; Ef 6.9 * 4:1: Ef 6.9 * 4:5: Ef 5.16
* 4:7: Apo 20.4; 2 Tim 4.12; Ef 6.21-22 * 4:9: Flm 10-12 * 4:10: Apo 19.29; 27.2; Flm 24; Apo 12.12, 25; 13.13; 15.37-39

Anutugö bemtohoṅṅö nup memba maljei, yeṅgö sutṅine azi karöbut mienṅönök Juda azia malje. Yeṅön mönö urukölalep ak niṅgimalget.

¹²*Nanṅine azi Epafras Kraist Jisös welenṅi qemakzawi, yaṅön mönö yaizözköṅṅi jiba aliga eṅgöreṅ kaza. Yaṅön nalö dop eṅgöra aka köulukömakza. Keu pakpak Anutugö jitṅṅö dop akzawi, iṅini miṅgöreṅ töndangöba kin köhöiba aködamunṅinambuk aka malmegöra aum-mörimakza. ¹³Nöṅön yaṅgö könarṅi möta kewö naṅgöba jizal: Yaṅön iṅini bauköm eṅgimangöra nup gwötpuk memakza. Mewöyök Laodisia aka Hierapolis taon yahöt miṅgöreṅ möt nariba maljei, yeṅgöra aka wani awanṅi nup memba aum-mörimakza. ¹⁴*Wölböt doktanini Luk aka Demas yetkön mewöyök yaizözköṅṅini jiba alohotka eṅgöreṅ kaza.

¹⁵Nöṅön yaizözköṅṅini jiba ohozali, mi mönö urumeleṅ alaurup Laodisia taonöṅ maljei, yeṅgöra jiget mötme. Mewöyök Nimfa aka yaṅgö mire könagesö tokomakzei, mönö yeṅgöra jiget mötme. ¹⁶Kimbi ki oyoṅ eṅgigetka mötket teköiga miṅgö andöṅe mi mönö algetka Laodisia urumeleṅ könagesö yeṅgöreṅ aniga oyoṅme. Laodisia yeṅgöra kimbi kun ohobiga anöhi, mi alget eṅgöreṅ kaiga iṅini mi mewöyök oyoṅme. ¹⁷Arkipus azi mi mönö kewö jigetka mötma, “Kembunöṅ Buṅa nup memangö jim kutuba köiputki tariga maljani, göṅön mönö mi mötmöriba körek mem teköman.”

¹⁸Pol nöṅön yaizözköṅṅi jiba nane börönan qetni kewö ohozal: Pol. Iṅini mönö kösö gwarö azi ni mötmörim niṅgiba malme. Kalem möriamnöṅ mönö embuk ahöma. Mewö.

* 4:12: Kol 1.7; Flm 23 * 4:14: 2 Tim 4.10, 11; Flm 24; Flm 2

Tesalonaika Kimbi 1

Polnön Tesalonaika yengöra Kimbi mutukñi alök.

Jim-asa-asari

Rom mindimindiri kantrigö prowins qetñi Masedonia miangö siti bohonñi mi Tesalonaika. Polnön misin nup memba liliköba Filipai siti mosöta Tesalonaika kaba nup meiga tosatñan uruñini melengetka kusum engii urumelenj kambu alget. Mi algetmö, tuarenjon mi miangörejök asuhuyök. Polnön Kraistkörej Buña keu jim asariba uruñini kuñguiga miangörej Grik ambazip Juda akeri, yengörejök gwötpukñan uruñini melengetka kambu miangön sehiyök. Miangöra Juda ambazip uruñini qahö melenja uruñinan bölliiga Pol andö qem wangiget. Andö qem wangigerangöra lömböriiga köna jaruba engömosöta Berea taonön anök. Könangep Korint sitinön maliga nejakñi Timotinön alabaukñi aka Tesalonaika sitiyök kaba denöwö möt narigeri, miangö kösohotñi ali mörök.

Polnön Kimbiñi mutukñi Tesalonaika alöhi, mi Kraistkö alaurupñi yengö uruñini nangöba mötnariñini mem köhöimapköra ohoyök. Kembu möt nariba urukalem ak angumakzei, miangö buzupñi mötagun yengöra Anutu möpöseiza. Nanjak malmal yembuk denöwö aka malöhi, mia ölum engubapuköra mi papianön ohoza. Tesalonaika urumelenj kambu sutñine keu tosatñi asuhui jigeri, Polnön mi melenja jim asariba ohoza. Keu tosatñi mi kewö: Kraistnön lilingöba kaiga Suep malmalnön angotpini, miangörej tosatñan uruñini melenja kömupnön ahözei, yengöra mönö denöwö asuhuma? Kraistnön wani nalönön lilingöba kama? Keu mi melenja kewö jim kutum engiyök, “Injini Kraist kunbuk kamapkö jörömqöröm aka al mamböta mala miangörej mönö nup ölopñi ölopñi mi jegep kinda pöndañ memba malme.”

Buk kiangö bahönñi bohonñi 6 mi kewö:

Keu mutukñi 1.1

Saiwap jiba söngaiba möpöseiza 1.2-3.13

Ahakmeme diñdiñi akñegö kuñgum engiza 4.1-12

Kraistnön kamapkö keuñi kusum engiza 4.13-5.11

Qambañ keu tetekönñi tosatñi 5.12-22

Kimbigö keu kötni bohonñi 5.22-28

¹ *Pol, Sailas, Timoti neñon Tesalonaika urumelenj könagesö embuk keu eraum mötpingöra kimbi ki ohozin.

Injini Iwi Anutu aka Kembu Jisös Kraist yetpuk qekötahöba kingetka yetkön mönö kalem möriam engiyohotka luainön malme.

Mötnariñ köñ gulizeangöra söngaizin.

² Neñon qösösök mötmörim engiba körek engöra “Anutu pipsaiwap!” jiba möpöseimakzin aka köuluk nup memba miangörej nalö dop qetñini qerakzin. ³ Injini Jisös Kraist jöpaköba möt narigetka urukalemñan nam köñ engiiga nupñi köhöiba memakze aka Kembuninan lilingöba kamapkö jörömqöröm aka kapañ köla mambörakze. Neñon mi pakpak Anutu Iwinanangö jemesoholñe ölop mötmörimakzin.

⁴ Urumelenj alaurupnini, Anutunön jöpaköm engiba injini nanñangöra kewö möwölöhöm engiyöhi, mi mötzin. ⁵ Neñon Jisösgö Ölöwak Buñanji memba engörej kaba sutñine denöwö aka malini, injini mi mötze. Neñon Buña mi keu töhönök qahö jiiñ mötketmö, Uña Töröñan mönö sölölohöm nengii awösamkakak kinda ösummumunambuk uruñini kuñguba malin. ⁶ *Mewö malinga injini köñjiliñ ketanangö uruñe mala Buña keu möt angön köñget. Mi angö köñgetka Uña Töröñan sösongai engiiga Kembu aka nengö siliknini wuatangöba malje. Mi denöwö asuhuyöhi, neñon mi ölop

* 1:1: Apo 17.1 * 1:6: Apo 17.5-9

mötzin. ⁷ Mewö andönine kaba mala Masedonia Akaia prowins yahöt miangörej Jisös möt narizei, körek pakpak yengöra silik ölopñi kondel engimakze.

⁸ Mi kewö: Inini Kembangörej keu möta angön köla jiba malgetka tosatjan mi angötömual ewö toroqeba jim sehigetka anök. Anda mala Masedonia aka Akaia prowins yahöt mi dop köl teköyök. Mi dop köl teköyökmö, miyök qahö. Inini Anutu möt nariba nupñi megeri, miangö ölñan mönö gölme dop anda kaba sehiiga gwötpukñan uruñini melenget. Mi kilik-kalukñi qahö. Miangöra nini miangö keuñi kun qahö toroqeba jibin.

⁹ Nini engörej kainga denöwö asuhuyöhi, miangö kösohotñi mi miri tosatñi yeñon jigetka angötömual ewö mörakzin. Inini tandö lopion aka bem muneni andö enguba Anutu ölbölñi aka malmal Toñi yangörej melenja nupñi memba malje. ¹⁰ Anutunöñ Nahönñi mem gulli kömupnöhök wahöröhi, inini yanñon Suep mireyök eta asuhumapköra mambörakze. Anutugö irimsesewölñan könangep aukñe asuhuiga Jisösnöñ mönö eta jengberereñ kanjamñambuk miangörejök meköm neñgima. Mewö.

2

Polnöñ Tesalonaika uruñe nup denöwö meyök?

¹ O urumeleñ alaurupnini, nini engörej kaba nup meini, miangön mönö qahö pömsöm qeyökmö, ölñi ölöp asuhuyök. Nanñinak mi mewöyök ölöp mötze. ² *Qahö pömsöm qeyökmö, mutuk Filipai sitinöñ nup meinga öröm ureim ak neñgigetka sihimbölö mörini, mi mötze. Sihimbölö mi mötagun engörej kainga tosatñan tuarenjoñ köhöikñi ak neñgigetmö, mi töndup Anutunöñ awösamkakak neñgii kinda Ölöwak Buñari jim asarim engiba malin.

³ Neñgö könanini kewö: Urukungukungu keunini mi isimkakalek qakñe qahö jimakzin. Naninak janjuñ ahinga uruninan tölöhobawak, mewö mi qahö jimakzin. ⁴ Mewö qahöpmö, Anutunöñ Ölöwak Buñari jim sehibingöra neñgeka urunini kewöri dop kölīga möt narim neñgiba Buñari neñgiyöhi, miangö dop mönö keuñi memba jim asarimakzin. Anutunöñ urunini esapköba kewörakza. Miangöra neñon yuai pakpak Anutugö jeñe dop kölbingöra ahakzin. Mi ambazip sihimñini wuatangöbingöra aka qahö. ⁵ Neñon nalö kungen ambazip kelewele keu kelök ak engibingöra qahö anda kaini, mi mötze. Nini nepaqepalok dogonini esuhuba moneñ yuai neñgimegö möndömöndö keu siñginñi qahö jiin. Anutunöñ könajamnini mi ölöp jim nangöma. ⁶ Eñon me ambazip tosatñan qetbuña neñgimegöra qahö kapan köla malin.

⁷ Kraistkö aposolurupñi akzinañgöra ölöp uruñini kewö kungubinak, “Inini mönö nangöm neñgigetka sutñine urugö nup membin.” Mewö jiinga dop kölbowakmö, neñon engö sutñine mököqököli aka malin. Nahönbörat namñinan juzu engiba köyan köl engimakzawi, miangö dop mönö nanini memba et al anguba ösoñ ak engiba malin. ⁸ Neñon iwinam ewö mökökölim ak engiba malinañgöra Anutugörej Ölöwak Buñari engiin aka toroqeba nanine malmalnini mewöyök köleñ engibingö jöjöröba malin. Inini ölña wölböt nahönbörataturupnini aket.

⁹ O urumeleñ alaurupnini, neñon engöra aka nup memba silenini qeba malini, mönö mi mötmörime. Nangöm neñgimegö lömbötñan engörejök kungö qakñe öngöbapuköra sungem asak nanine böroninan nup memba Anutugö Ölöwak Buñari jim asarim engiba malin. Mi mönö ölum engubapuk.

¹⁰ Jisös möt narizei, neñon engö keuñini pakpak diñdiñanök kewöta sarakñi köpösihitkö keunini qahö malin. Inini mi eka möta nangöba jim nangömeangö dop akze. Anutunöñ mewöyök mi jim nangöba dangunu ewö kinja. ¹¹ Iwinöñ nanñi nahönbörataturupñi ösoñ ak engimakzawi, miangö dop neñon inini mohot mohot ak engiba malin. Mi mewöñanök ölöp mötze. ¹² Neñon urugö nangönañgö keu jiba urukölalep ak engiba malin. Anutunöñ inini nanñe bemtohoññöñ angota asakmararane asarimegöra engohölök.

* 2:2; Apo 16.19-24; 17.1-9, 14; Apo 17.5

Miangöra neñon uruñini kunguba keu kewö jim tuariba malin, “Ahakmemeñini mönö Anutugö jeje dop kölmawanjö dop sarak sorokñi aka memba malme.”

¹³ Miangöra neñon mewöyök sundan Anutu kewögöra möpöseimakzin: Anutugö Buja keu enjiini, mi gölme ambazipkö keu ewö qahö buja qem angugetmö, ölna Anutugö keu jtkö dowä möta mi anñon kölget. Mi möt narigetka mianñon mönö kölönjaim enjiiga letorakze. ¹⁴ Juda ambazip Judia prowinsnön uruñini melengetka Juda tosatñan anñosirip ak enjigetka sihimbölö mötket. Yeñon mi möta töndup Kraist Jisösbuk qekötahöba kinda Anutugö urumeleñ könagesöñi aket. Urumeleñ alaurupnini, enjö sutñine mönö mewöñanök asuhuyök: Nanñini Grik ambazipnön Juda yeñgö tandök ewö ak enjigetka inini sihimbölö örörön möta Anutugö könagesöñi aket.

¹⁵ *Juda yeñon kezapqetok ambazip enjuget kömugetka Kembu Jisös mewöyök qegetka kömui nini sesewerowero ak neñgiba malget. Yeñon Anutugö jeje qahö dop köla ambazip pakpak kerök ak neñgimakze. ¹⁶ Neñon kian kantri enñon uruñini meleñda letotmegöra Buja jibinbukö anñon köl neñgimakze. Mewö siñgisöndok sundan aka qerakögetka qakñine öñgömakza. Siñgisöndokñini qerakögetka dopñi Anutugö jeje kokolak qeiga irimsesewölñi toroqeba anñon kölmamgö osiba nalö kewöñe kondeli qakñine lök öñgöza. Mewö.

Polnönj Tesalonaika kunbuk anmamgö mörök.

¹⁷ O urumeleñ alaurupnini, neñon nalö kewöñe nalö töröpñi denña maljin. Sileninan denña maljinmö, uruninan jöhöba mohotñe maljin. Miangöra enjö jesöñgörönjini ekingöra mönö kapañ köla awöwengöba maljin. ¹⁸ Miangöra enjöreñ kabingö möta malin. Pol nönñon sömañ mohot-töp qahöpmö, indimñi yahöt kamamgö esapköyalmö, Satanönj jöhöm neñgiiga osiin. ¹⁹ Inini nanine ila jalö soroknini ewö kinje. Kembunini Jisösnönj lilingöba kaiga yangö jemesoholñe angota kinbini, miangöreñ engeka “Urugö nup önewat qahö memba malin,” mewö jibingö mötzin. Neñon keu mi inini aka tosatñi yeñgöra aka awamñanök jibingö jörömqröm akzin. Miangöra enjöra önönj qahö söñgaiba silenini memba öñgömakzin. ²⁰ Neñon enjöra aka qetbuja miwikñaininga söññgai ak neñgimakze. Mewö.

3

Timoti melaiyohotka Tesalonaika anök.

¹ *Inini denöwö aka maljei, mi mötpingö mötkurumkurum ketañi ak bibihiba toroqeba öne malbingö osiin. Miangöra nanirök Atens sitinönj malbitkö keu jöhöba ² alaniri Timoti melaiziga enjöreñ kayök. Yanñon Anutugö nup memba netpuk Kraistkö Ölöwak Buja jim sehimakza. Yanñon uru nanñonanjö keu enjiba mötnaripñini mem köhöimapköra kayök. ³ Anutunönj areñnini jim teköiga tosatñan anñosirip ak enjimakze, mi nanñinak ölop mötze. Enjöreñök kunñan könjilij uruñe konñwarak aka löwöribapüköra jiinga kayök.

⁴ Neñon Tesalonaika embuk mala nalö miangöreñ enjöra qeljiñe keu kewö jiin, “Kembugö jitsihitñi tem kölinga ambazipnön sesewerowero ak neñgigetka wahöjalij miwikñabin.” Mewö jiinga miangö dop ölna asuhuyöhi, mi ölop mötze. ⁵ Mewö asuhuiga esapesap Toñan esapköm enji löwöriba etketka nupninanjö ölnan eta pömsöm qebapuk. Miangöra denöwö möt nariba maljei, mi mötpingö mötkurumkurum ketañi ahin lömbörrii kunbuk öne malmamgö osiba Timoti melaibiga qesiba mötnamgöra kayök. Mewö.

Timotinönj kösohotñini ali möt ölöwahin.

⁶ *Mötkurumkurum aka malinmö, Timotinönj anda enjömosöta lilingöba kaba buñañini ölopñi memba kaba kewö jiyök: Inini Kembu ölop möt nariba urukalem ak anñumakze aka nalö dop neñgöra mötmöriba ölöwahakze. Neñon engekingö sihimñi möringa enñon mewöyök nini neñgekingö kapañ kölakze.

* 2:15: Apo 9.23, 29; 13.45, 50; 14.2, 5, 19; 17.5, 13; 18.12 * 3:1: Apo 17.15 * 3:6: Apo 18.5

⁷ O urumelenj alaurupnini, neñon sesewerowo könjilij könañi könañi möringa nalö miangöreñ kaba möt narizeañgö kösohotñi ölöpnji jii mötziga keu miangön mönö ölña urukölalep ak neñgiyök. Miangöra nalö kewöñe engöra aka amqeba luainöñ ölöwaka maljin. ⁸ Injini Kembubuk qekötahöba böñ qeba kinmeañgöra neñon mönö ölña köhöiba maljin. ⁹ Engöra aka Anutugö jemesoholñe önöñi qahö söngaimakzini, sösongai pakpak miangöra mönö denöwö Anutu möpöseiba saiwap jiinga dopñe akawak?

¹⁰ Neñon sunjem asak urunini qezaköba kapañ köla kewö köulukömakzin, 'Anutu, mönö bauköm neñginöñga Tesalonaika anda jesöñgöronñi eka mutulañgöba mötnaripñinañgö yuaigöra osizei, mönö mi engibin. Keu mi ölña.'

¹¹ Mewö köuluköingga Anutu Iwinini nanñi aka Kembunini Jisös yetkөн mönö köna mesat neñgiyohotka ölop engöreñ kabin. ¹² Toroqeba kewö köulukömakzin, 'Nini urukalem önöñi qahö ak engimakzini, Kembu göñon mönö urukalemgi toroqeba kondel enginöñga sutñine sehiiga kondel angumakñe aka ambazip pakpak kondel engimakñe. ¹³ Kembu, göñon mönö uruñini mem köhöimakan. Kembunini Jisös göñon könañgep könañgesögi sarakñi pakpak yembuk kunbuk kamani, nalö miangöreñ Tesalonaika yeñon sarakñi köpösihitkö keuñi qahö Iwinini Anutugö jeñe kinme.' Mewö köulukömakzin.

4

Ahakmeme solanji urukalemñambuk mi dop köлма.

¹ Urumeleñ alaurupnini, keu kun kewö: Ahakmemenini Anutugö jeñe aket dop kölmawañgö könañi kusum engiinga mi lök köl guliba wuatañgömakzemö, mi toroqeba gwötpuk ahakñegöra uruñini kuñguzin. Neñon qambañ keu mi Kembu Jisösgö qetñe engizin. ² Neñon Kembu Jisösgö kukösum qakñe kinda jöjöpañ keuñi jim kutum engiini, injini keu mohot mohot mi lök möt teköze.

³ Anutunöñ engöra jitsihitñi kewö mötza: Injini mönö sero yongoro andö qeba sarakñi aka tök-kutukutuñi aka malme. ⁴ Anutugöreñ köna diñdiñi mi mönö kewö möt kutume: Uru sileñinañgö sihim kömbönañini galöm köla sarakñi (mala nanñini anömñini nanñik nanñik memba) malgetka aködamunñambuk akña. ⁵ Urumeleñgö kopa yeñon Anutugö könañi qahö möt kutuba uruñini könöp jeiga ambi lañ memakze. Miangö dop kude aka malme.

⁶ Mewö qahöpmö, ambi apñan kungen aniga kunöñ ölöñ kaba ambi kude saiköma. Kunöñ bölöñi mewöñi ahiga uruñiran kömbuhibapuk. Mutuk qambañ keu mi jiba galöm mem engiini, miangö dop kunöñ ambi mem böliiga Kembunöñ siñgisöndokñi pakpakö likepñi meleñ wañgima. ⁷ Anutunöñ nini qewöloñ malbingöra qahöpmö, malmal sarakñi malbingöra neñgoholök. ⁸ Miangöra jöjöpañ keu mi mosötmawañon mönö gölme ambaziwa qahöpmö, Anutu nanña andö qema. Anutu Uñani Töronñi engimakzawi, ia mönö andö qebepuk.

⁹ Sutñine jöpaköm angumakzei, miangö könañi Anutunöñ kusum engii nanñinak lök möta malje. Miangöra neñon urukalem ak angubingö keuñi kunbuk ohom engibingö qahö osizin. ¹⁰ Masedonia prowins uruñe urumeleñ alaurup pakpak uruñinan jöpaköm engiba maljemö, urumeleñ alaurupni, mi mönö toroqeba gwötpuk ahakñegöra uruñini kuñguzin. ¹¹ Mönö ösöñ mala nanñini malmal nañgönañgöñini galöm köla böronñinan nup memba malme. Mewö aka aködamunñinambuk akingö kapañ köla kinme. Mutuk mewö jim kutum engiinga miangö dop mönö aka memba malme.

¹² Mewö aketka uruñini qahö meleñda yaigep kinjei, yeñon ahakmemenini solanñi ek yaköba göda qem engiba malme. Injarere lañ mala nene yuaigö uleta kungö qakñe kude malme. Mewö.

Kembugö kaka nalöñe kewö asuhuma:

¹³ Urumeleñ alaurupnini! "Tosatñan uruñini meleñda kömumba ahözei, yeñgöra denöwö asuhubawak?" Injini keu mewö jiba miangöra gukmaulem malbepuk. Ambazip uruñini qahö meleñda jörömqöröm qahö maljei, yeñon kömukömuñi yeñgöra aka wösöbirik maljemö, eñon i ewö wösöbirik malbepuköra keu kewö jibin: ¹⁴ Jisösnöñ

kömumba wahöröhi, nini keu mi möt nariba kewö jizin: Anutunöy Jisös mem guliyök. Miangöra ambazip yambuk kömumba nöy qegeri, Anutunöy mönö i mewöyök mem guliba Jisösbuk mohotnje enjuangiri aukje asuhume. Keu likepni möt narizin ewö, likepni kun mi mewöyök möt nariinga dop kölma.

¹⁵ *Kembunöy keu kusum nenngiiga nenön yangö jitni mi engöra kewö jibin: Tosatni nenön qahö kömumba toroqeba silebuk malinga Kembunöy lilingöba kamawi, nini nalö miangöreñ mutuk qahö öngöbin. Nini ambazip kömukömuñi qahö engongitpin. Qahö. ¹⁶ Miangö arenji kewö: Anutunöy tömunñi qainñi kun uiga ötonji asuhuiga Suep garata bohonñan jimkutukutuñi qeriga ambazipnöy kourukñiri mötketka Kembunöy nanjak Suepnöhök etma. Kraistnöy eriga i möt narim wangiba kömugeri, yenön mönö mutuk kömupnöhök wahötme.

¹⁷ Yenön mutuk wahötketkun nini qahö kömumba jebuk malbini, Anutunöy mönö nenjuangiri könakemba öngöbin. Wahötkeri yembuk öröröy kusunöy öngöba Kembubuk aitonngöba yambuk Suep mire sundan dop malbin. ¹⁸ Miangöra keu mewöñi jiba mianön mönö uruñini nanngöm anguba malme. Mewö.

5

Kembunöy kamapköra mönö jöjöröba malme.

¹ O urumelen alaurupnini, Kraistnöy lilingöba kamapmö, wani yambunöy aka wani nalönöy asuhumawi, nini miangö keuñi ohom engibingöra qahö osizin. ² *Injini nanñinak keu mi ölöpnök kewö möt kömuze: Yongorö memenöy sungem ölöy kangorakzawi, Kembugö kaka nalöñan mönö miangö dop wölañ kam kuñguma.

³ Ambazipnöy kewö jime, “Merak luai qem nenngii siyonsayonji qahö maljin.” Mewö jigetka miangöreñök köndenmönöñ asuha qakñine öngöma. Ambinöy morö memangö masöñi qei mörakzawi, mönö miangö dop asuhuiga misingöba anbingö osime. ⁴ Yenön osimemö, urumelen alaurupnini, enön pandaman uruñe jipjap qahö maljeangöra nalö mianön mönö sangabanga yongorö meme ewö engö qakñine öngömapkö osima. ⁵ Körek enön mönö asakñangö ambaziwa akze aka yuai pakpak aukje akingö ak engimakza. Nini söñaupkö ambaziwa qahö akzin aka ömukñangö yuaiñi tököba sisit memakzin.

⁶ Miangöra tosatni i ewö uruninan gaun ahöbapuk. Mewö qahöpmö, nanini galöm köl anguba uruguliguli malbin. ⁷ Gaun ahözei, yenön sungem gaun ahömakze. Ambazip o köhöikñi namba enololon ahakzei, yenön mönö söñaupnöy mewö aka malje.

⁸ *Söñaup uruñe mewö ahakzemö, asakñangö ambazip nenön mönö nanini galöm köl angumakin. Wahöjambanini mönö opo maluku ewö kewö löngöta kinbin: Nenön mötnarip aka urukalem köl guliba mewö mianön töptöpnine göwangöwanj kepölaköba (suman ewö köla) sel jöhöm anguba kinbin aka Suep mire öngöbingö mamböta jörömqöröm aka mewö mianön nööröpnini ain irikmarik ewö esuha turubin.*

⁹ Anutunöy nini et nenngui irimsesewölñi mötpingöra qahö jim teköyökmö, Kembunini Jisös Kraistnöy mem letot nenngii oyaenjoyaen buja qem angubingöra jim teköiga maljin. ¹⁰ Jisösnöy nenngöra aka kömuyöhangöra malmalnini gölmenöy malbini me kömumba nöy qeba ahöbini, mi mönö Jisösbuk köhöiba malbin. ¹¹ Miangöra uru nanngönangö aka möhamgöm anguba köhököhöi miwikñaiba mutulangömakzei, mi mönö toroqeba memba malme. Mewö.

Qambay aka goro keu qöndökñi

* 4:15: 1 Kor 15.51-52 * 5:2: Mat 24.43; Luk 12.39; 2 Pitö 3.10 * 5:8: Ais 59.17; Ef 6.13-17 * 5:8: Ömewöröme yenön sölööhöm nenngimegöra yuai bölöñi bölöñi mi lingip kesarek ewö gila nenngöra mulahakzemö, miangö jitni mi ölöp Jisös möt nariba urukalem kondela kindi likeplikep suman ewö közamböt anguba közangömakin. Mötmötninan siksauk aiga janjuñ anbinpuköra ölöp Anutubuk ösupköinga kalem möriamñan nööröpnini irikmarik ewö sel jöhöm nenngiiga amöriiga Suepkö könanji wuatangömakin.

¹² Urumelej alaurupnini, neñon kewö jim kutum engizin: Galömñinan Kembubuk qekötahöba kinda sutñine nup memba qambarj engimakzei, i mönö göda qem engiba malme. ¹³ Göda qem engiba nupñini memakzeangöra mönö ölja jöpaköm engiba yengöra mötket öngöma. Könagesö sutñine mönö luai qem anguba malme.

¹⁴ Urumelej alaurup, neñon urukunğukunğu keu tosatñi kewö engizin: Tosatñan nanñini imbi-imbi wuatangöba injarere lañ maljei, mi mönö jim engiba galöm meme keu engime. Zirinžirin ambazip yengöra mönö uru nangönangö keu jigetka köhöiba awösamkakak akñe. Ambazip uruñini löwöriiga maljei, i mönö köyan köl engime. Urukönöp kude akñemö, ambazip pakpak mönö urubönjör qakñe ak engime. ¹⁵ Jinöñ jibi, nuñgunöñ guhubi me aknöñ aki mi kunñan kude akña. Soñgo mi walöñbepuköra mönö galöm mem anguba malme. Nalö dop yuai ölöññi ölöññi mi kapañ köla ak angumakñe aka ambazip tosatñi pakpak ak engiba malme.

¹⁶ Mönö nalö dop sösongai aka malme. ¹⁷ Sundan dop Anutu köuluköba malme. ¹⁸ Mewö me mewö asuhumawi, miangörej mönö Anutu möpöseiba malme. Kraist Jisösbuk qekötahöba kinjei, Anutunöñ engöra jitsihitñi mewö mörakza.

¹⁹ Uña Töröñangö bölamñi mönö kude qömbököme. ²⁰ Anutugörej kezapqetok keu jimakzei, miangö jijiwilitñi mönö kude akñe. ²¹ Keu pakpak mönö kewöta esapköme. Esapkögetka keu ölöññi asuhumawi, mi mönö angön köla malme. ²² Keu aka ahakmeme bölöñi könañi könañi mi mönö andö qeba malme.

²³ Nöñon engöra kewö köulukömakzal, 'Luaigö bemñi Anutu, gi nangak mönö lökñanök tök kutum enginöñga sarakñi aka malme. Göñon mönö uruñini, uñañini aka sileñini mi lökñanök sel jöhöm enginöñga köpösihitkö keuñi qahö aka malme. Mewö nalö dop malgetka Kembunini Jisös Kraistnöñ lilingöba kaba mewö miwikñaim engima. Keu mi ölja.' ²⁴ Engoholjawi, yañon keuñi pöndañ wuatangömakza. Miangöra mönö köuluk miangö dop ak engim teköma.

²⁵ Urumelej alaurupnini, eñon mönö neñgöra aka Anutu köuluköba malme.

²⁶ Urumelej alaurup pakpak sutñine mönö angum anguba numbuñini yöhötim nempa malme.

²⁷ Nöñon Kembangö qetñe jim kutum engiba jöjöpañ keunöñ jöhöba kewö ohozal: Kimbi ki mönö urumelej alaurup pakpak yengöra algetka oyoñ engigetka mötme.

²⁸ Kembunini Jisös Kraistkö kalem möriamñan mönö embuk ahöma. Mewö.

Tesalonaika Kimbi 2

Polnön Tesalonaika yengöra Kimbi aliga 2 ahök.

Jim-asa-asari

Tesalonaika urumelej kambu uruje Kraist kamapköra mambötketka tosatjan “Lök kayök,” jigetka tosatjan “Keu mi muneja,” mewö lajlañ jiba siksauk aka malget. Tosatjan “Kembugö kaka nalöñan lök kam kunguyök,” jiba möt nariget. Miangöra “Polnön Kimbi Tesalonaika aliga 2 ahök,” buk mi ohoba keu mi jim tuariyök. Polnön keu muneñi mi mindingöba könani kewö indelök: Kraistkö kaka nalöñan dopdowimawi, nalö miangörej ambazip ahakmemeñinan gongiba bölima. Mewö bölüiga azi tandökñi kun qetñi Iwilele Toñi yañön asuhuba mutuk tölapñe mala könangep Kraist aukñe tuarenjon ak wangiba ambazip kantri dop galöm köl engima.

Tosatjan Tesalonaika urumelej kambu kahasililiñ mem engigetka sihimbölö möta malget. Miangöra aposol Polnön keu bohonñi tosatñi kewö jim tuarim engiyök, “Inñi mönö kapañ köla köhöiba Kembubuk qekötahöba kinda möt nariba malme.” Keu kötñi kun kewö jim tuariyök, “Nöñön neñakurupni yembuk malmalnini nangöm angubingöra nup memba malini, inñi mönö miangö dop injarere malmal mosöta nanñini nene yaka miwikñaiba mi namba malme aka nup ölöpñi ölöpñi kapañ köla jegep kinda memba malme.”

Buk kiangö bahöñi bohonñi 5 mi kewö:

Keu mutukñi 1.1-2

Uruölöwak ak engiba söñgaiba möpöseiza 1.3-12

Kraistnön kamapkö keuñi kusum engiza 2.1-17

Ahakmeme diñdiñi akñegöra kungum engiza 3.1-15

Kimbigö keu kötñi bohonñi 3.16-18

¹ *Pol, Sailas aka Timoti neñön Tesalonaika urumelej könagesö embuk keu eraum mötpingöra kimbi ohozin. Eñön Iwinini Anutu aka Kembu Jisös Kraist yetpuk qekötahöba kinje.

² Iwi Anutu aka Kembu Jisös Kraist yetkön mönö kalem möriam engiyohotka luainöñ malme. Mewö.

Sihimbölö mötagun mönö oyaenjkoyaen aka malbin.

³ Urumeleñ alaurupnini, engö mötnaripñinan gwötpuk köhöiiga körek pakpak urukalem ak angumakzei, silik miangön mohot mohot engö uruñine sehimakza. Miangöra neñön engöra nalö dop “Anutu saiwap!” jiba möpöseim wangimakzini, mi ölöpñanök dop kölja. Buña keu köl guligerangöra saiwap jimakzini, mi mönö nupnina.

⁴ Sesewerowero angösirip könani könani ak engigetka mörakzei, mi pakpak kapañ köla mökösonda böñ qeba kingetka mötnaripñinan qahö sörauba löwöriza. Naninak mewöyök miangö kösohotñi mi Anutugö könagesöñi könagesöñi yengö jeñine jiba engöra aka silenini möpöseimakzin.

⁵ Anutunöñ keu diñdiñanök kewöta jim tekömakzawi, angösirip mötmötñinan mönö miangö aiwesökñi akza. Anutugö bemtohoñ uruje kangota maljeangöra sihimbölö mötketka engehiga Suet mire öngömeangö dop sarak sorokñi akñegöra kapañ kölakza. Miangöra köñjiliñ qahö angön köliga nalö kewöñe qakñine öngömakza. ⁶ Anutunöñ diñdiñi akzawangöra kinda kahasililiñ ak engimakzei, i mönö kahasililiñ miyöhök meleñniga qakñine öngöma.

⁷ Qakñine öngömapmö, kahasililiñ möta maljei, eñön mönö oyaenjkoyaen akñe. Kembu Jisösnöñ garataurupñi kukösumñinambuk enguangita yembuk Suetnöñök eta asuhumei, nalö miangörej mönö nembuk mohotñe luhut meme. ⁸ Jisösnöñ könöp

* 1:1: Apo 17.1

bölam uruñe etma. Mewö eta ambazip Anutu qahö möt wañgiba Kembunini Jisösgö Ölöwak Buñaji qahö tem kölakzei, i mönö likepñi melerj enjiiga sihimbölö kewö möta malme: ⁹ *Kembunöñ mönö “Yapmakek!” jiba jemesoholñeyök közöl enjiiga Anutugö kukösumñi asakmararañambuknöñ qahö öngömömö, yaigepñe mala könöp siagö sihimbölöñi teteköñi qahö möta malme.

¹⁰ Kembunöñ lilingöba kamawi, nalö miangörej kambu-urupñi sarakñi neñön mönö yangö asakmararañi eka miangö dop letota “Owe, Jisös Kembunini owe!” jibin. Möt narim wañgiini, körek neñön mewö welipköinga ambazip omañan neñgeka Yei! jiba auruba kinme. Neñön Jisösgö könañi nañgöba jiinga eñön mewöyök mi möt nariba uruñini melergerañgöra mönö letota jihilalomñinambuk asariba nembuk mohotje kinme.

¹¹ Mewö asuhumapköra neñön nalö dop eñgöra kewö köulukömakzin, “Anutunini, nangak eñgohola miangö dop mönö nam köl eñginöñga sarak sorokñi aka malme. Mönö kukösumgi ala inahöm eñginöñga yuai ölopñi pakpak aka mbingö sihimñini körek asuhum teköma. Mewö mötnaripkö nupñini megetka öñji körek asuhuma.” ¹² Mewö köuluköinga Kembunini Jisös möpöseigetka qetñan eñgöra aka sutñine aködamunñambuk akña. Nanine Anutu aka Kembu Jisös Kraist yetkön kalem möriam eñgiyohot maljeañgö dop mönö nanñinak mewöyök aködamunñinambuk akña. Mewö.

2

Kembunöñ kamangö aiga Iwilele Toñan asuhuma.

¹ *Urumelerj alaurupñini, Kembunini Jisös Kraistnöñ lilingöba kaba neñguañgiriga yangörej eu tokobini, iñini keu mi mötzemö, neñön kewö qesiba qabañ eñgizin:

² Kembugö kaka nalöñan lök kam kuñguzawañgö tandök tötbörömñinan mönö miangörejök kaiga siksauk möta tatpepuk. Keu mi denöwö asuhuyök? Uña kunöñ azi kun alburup qeiga imutimut eka kezapqetok keu jim siñgiyök me kunöñ “Uruñini kuñgumam,” jiba keu jim siñgiiga asuhuyök? Tosatñan kewö jibepuk, “Pol alaurup yeñön keu mi kimbinöñ ohoba alget kayök.” Keu omañi miangöra mönö öne töhön töwöratiba jönömñini undui malbepuk.

³ Kunñan kun mewö me mewö tilipköm eñgibapüköra mönö galömñini mem anguba malme. Mi kewögöra: Mutuk aiwesök yahöt kewö asuhuyohotka Kembunöñ miangö andöñe kama: Ambazip kelejmalelerj yeñön Kembu iwilele aka andö qeme aka Iwilele Toñan nanñak mewöyök aukñe asuhuma. Anutunöñ i jim teköiga könöp sianöñ gema. Aiwesök yahöt mi mutuk asuhuyohotka miangö andöñe nalö ketañan kama.

⁴ *Tuarenjöñ Toñi yañön jakbak-örañbörañ aka nanñi silerji mem öngöm teköma. Ambazipnöñ yuaigö waikñi memba möpöseimakzei me qetji bem qetzei, yañön mönö mi pakpak eñgongita silerji memba öngöba malma. Mewö mala Anutugö jöwöwöl jikenöñ öngöba jakömbuak dumñi ala “Anutu akzal,” jiba kantri pakpak galöm köl neñgiba malma.

⁵ Nöñön Tesalonaika embuk malali, nalö miangörej keu mi lök jibi mötket. Iñini mi ölum eñgubapuk. ⁶ Iwilele Toñan zilañzilañ asuhumapkö osima. Wani yuainöñ könañi angön kölakzawi, eñön mi nalö kewöñe mötze. Nalöñi törörök kam kuñgumawi, miangörejök mönö asuhuma.

⁷ Nalö kewöñe Iwilele Toñangö ösumñi tölapñan lök asuhuba ambazip sölölohöm eñgimakza. Aukñe asuhubapükö könañi angön köljawañön mi mosöri köna ahumapköra mamböta malja. ⁸⁻⁹ Mamböri könañi asuhuiga miangörejök mönö amqeba asuhuma. Satanöñ Iwilele Toñi sölölohöba nam köl wañgii angöletot munenji aka aiwesök kimbi könañi könañi meiga eka malme. Mi eka malmemö, Kembu Jisösnöñ asakmararañambuk asuhuba auyohotka i numbu ösumñan qeba yayapalelerj mem wañgima.

* 1:9: Ais 2.10 * 2:1: 1 Tes 4.15-17 * 2:4: Dan 11.36; Eze 28.2, 8; Ais 11.4, 9; Mat 24.24

¹⁰ Ambazip Anutunöŋ amöt qem engimapköra tököba keu öŋi buŋa qem angubingö qahö ak enŋiiga laŋ mala könöp sianöŋ gemei, yeŋön Iwilele Toŋaŋgö angöletotŋi eketka kölgorom könaji könaji enŋiiga janjuŋ ahakŋe. ¹¹ Mianŋöra Anutunöŋ mötmöt janjuŋ kawikŋambuk ali asuhuiga ambazipnöŋ mi kukösumŋinambuk jim sehigetka sesegilgil yeŋön keu kelökŋi gwahöta munenŋi möt narime. ¹² Könaŋamŋinan aukŋe asuhumapköra Anutunöŋ janjuŋ al enŋii qaköme. Ambazip keu öŋi qahö möt nariba urusihimŋini ahakmeme goŋgoŋe ala qakögeri, Anutunöŋ mönö körek yeŋgö keunŋini jim teköiga könöp sianöŋ geme. Mewö.

Keu öŋi tem köla kapaŋ köla köhöiba kinme.

¹³ Yeŋgöreŋ mewö asuhumapmö, Kembugö wölböt alaurup, enŋöra mönö nalö dop “Anutu saiwap!” jiba möpöseininga dop kölja. Mi nupnina. Anutunöŋ inŋini könakönahinŋeyök Suepkö buŋaya aka letotmegöra möwölöhöm enŋiyök. Mianŋö dop keu öŋi möt narigetka Uŋa Töröŋan mem sarahim enŋiiga malje. ¹⁴ Mewö malmegöra Ölöwak Buŋa al nenŋii jim asariinga mianŋön inŋini enŋoholök. Mewö toroqeba mala Kembunini Jisös Kraistkö asakmararaŋnöŋ öŋgöba aködamunŋinambuk akŋe.

¹⁵ Mianŋöra urumeleŋ alaurup, koŋgwarak mönö kude aka malme. Neŋön keu kusum enŋiba jitninan jiin me kimbinöŋ ohoinga mötkeri, keu kötŋi mi mönö qekötahöba wuatangöba malme. Mewö.

¹⁶ Kembunini Jisös Kraist nanŋak aka Anutu Iwinini yetköŋ jöpaköm nenŋiba kalem möriam qakŋe oyaenŋoyaen akingö jörömŋörömŋi nenŋiyohotka mianŋöra mamböta urukölalep teteköŋi qahö möta maljin. ¹⁷ Yetköŋ mönö uruŋini nanŋöba nup ölöŋŋi pakpak memba keu ölöŋŋi pakpak jiba malmei, mianŋöreŋ mönö mem köhöim enŋiiga malme. Mewö.

3

Ölöŋ nenŋöra köuluköba malme.

¹ Keu teteköŋi kun ki: Kembugö keuŋan sehiba enŋö sutŋine aködamunŋambuk ahöhi, mianŋö dop mönö zilaŋ miri tosatŋe mewöŋanök anda jim sehiinga öŋambuk ahuba anma. Mianŋöra urumeleŋ alaurup, enŋön mönö nenŋöra aka Anutu köuluköba malme.

² Ambazip sesegilgilŋan Anutu qahö möt narimakze. Mianŋöra misimkaulup ambazip goŋgoŋi aka bölöŋi meme yeŋön kahasililiŋ ak nenŋibepuköra mönö Anutugö köuluköba malgetka sel jöhöm nenŋima.

³ Sesegilgil yeŋön bölizemö, Kembu keuŋi pöndaŋ wuatangömakzawaŋön mönö mem köhöim enŋiba bölöŋeyök sel jöhöm enŋima. ⁴ Keu jim kutum enŋiini, enŋön mi nalö kewöŋe aka könaŋgep tem köla malmei, mi möta uruyahötŋi qahö akzin. Neŋön Kembubuk qekötahöba kinda mewö mötzin.

⁵ Kembunöŋ mönö uruŋini möŋaiba Anutubuk jöhöiga urukalemŋi möt yaköba Kraist ewö kapaŋ köla mökösoŋda malme. Mewö.

Injarere malbinbukö galöm meme keu

⁶ Urumeleŋ alaurup, inŋini nanŋini imbi-imbi wuatangöba laŋlaŋ malbepuköra kusum enŋiinnmö, tosatŋan keu bapŋe qahö anda önewat laŋ malje. Mianŋöra nini Kembu Jisös Kraistkö qetŋe kewö jim kutum enŋizin: Inŋini mönö urumeleŋ alaurup mewöŋi pakpak mi enŋömosöta misinŋöba tikep malme. ⁷ Neŋön enŋö sutŋine nanini imbi-imbi laŋ qahöpmö, keu bapŋe malin. Mianŋöra nenŋö köna lasupnini wuatangömegö könaŋi mi nanŋinak ölöŋ mötze. ⁸ Nini injarere qahö malin aka enŋöreŋök kungö nene yuai mi öne qahö nempa malin. Qahö! Nanŋöm nenŋimegö lömbötŋan enŋöreŋök kungö qakŋe öŋgöbapuköra mönö suŋgem asak nup sundansundan memba silenini qeba malin.

⁹ Anutunöŋ nupŋi membingö kukösumŋi nenŋii maljinanŋöra ölöŋ nanŋöm nenŋimegö keunöŋ uruŋini kuŋgum enŋibinakmö, nenŋö köna lasupnini wuatangömegö silik ölöŋŋi kondel enŋibingö mötzin. ¹⁰ Embuk malini, nalö mianŋöreŋ lök kewö jim kutum enŋiin: Nup memamgö töközawaŋön mönö nene mewöyök kude nema.

¹¹ Engö sutnjine tosatñan keu bapñe qahö anda nanñini imbi-imbi wuatangöba lañ malje. Yeñön nup ölnji qahö memakzemö, nup meme tandöktandök öne lañ memba inöñ wainöñ möndöba tosatñi yeñgöreñ yuai mem sohoba qewöloñ silekmalek lañ malakze. Engöreñ keu kun mi mewö kaiga mörin. ¹² Neñön ambazip mewöñji mi Kembu Jisös Kraistkö qetñe jim kutuba uruñini kewö kuñgum engizini: Injini mönö an qekötahöm kam qekötahöm mosöta zeñ mala nup megetka ölnji asuhuiga nanñini nene yakañini namba malme.

¹³ O urumeleñ alaurupnini, eñön nup ölopñji ölopñji memba miangöreñ mönö tañqañ kude akñe. ¹⁴ Neñön kimbi ki ohoba jim kutum engizini, kunñan mi qahö tem köлма ewö, injini mönö uruñi meleşmapköra gamu qem wañgiba ehöröñ köla yambuk keukeu jiba köisirik kude tata malme. ¹⁵ Mewö mala kerök qahöpmö, ala ewö ak wañgiba qambañ köл wañgiba malme. Mewö.

Köuluk aka yaizökök keu teteköñji

¹⁶ Kembu luai Toñan nanñak mönö nalö dop ahakmeme pakpak miangöreñ luai qem engiiga böñjöñ malme. Kembunöñ mönö körek embuk malma.

¹⁷ Pol nanak yaizökökni nani börönan ohozal. Kimbi pakpak ohomakzali, miangöreñ nani yaizökök qet kimbi ki nanak alakzal. Qetni kewö ohozal: Pol*

¹⁸ Kembunini Jisös Kraistkö kalem möriamñan mönö körek embuk ahöma. Mewö.

* 3:17: Mutuk kunöñ tilipköba Polgö qetñe kimbi kun aliga uru siksauk asuhuyök. Miangöra nanñe böröñan qetñi ohoyök.

Timotigö Kimbi 1

Polnön Timotigöra Kimbi mutukñi alök.

Jim-asa-asari

Timoti sepguli azi yangö namñi Juda ambi aka iwiñi Grik azi. Yañön Eisia prowinsnön mala uruñi melenða Kraistkö alañi aka malök. Mewö mala Polgö nejakñi aka bauköm wanggiiga mohotñe liliköba misin nup memba malohot. Polnön lömbötnön memba et al wangibapuköra waimanjat keu bohonñi karöbut mötmöriba Buña Kimbi ki ohoyök.

Waimanjat bohonñi ketañi mi böhi takapulakañi. Tosatñan zioz uruñe kinda keu gongonñi kusum sohom enggiba malgeri, Polnön yenggöra aka galöm meme keu köhöikñi ohoyök. Böhi mienön Juda yenggöreñ mötmöt aka gölmegö mötmöt tosatñi mindirigetka könanamñini loloñqalon aiga kewö möt nariba jiba ambazip kusum enggiba malget: “Gölme aka yuai pakpak ehakzini, mi bölöñi akza. Miangöra tosatñan Suepkö buña akingö kapañ köla mötmöt asa-asambötñi qainñi kun qahö buña qem anguba nenegö dönqizizin aka songo tosatñi walönða awanöm akze ewö, Anutunön mönö keu mianggöreñ qaköba amöt qem enggimangö osima.”

Waimanjat keu bohonñi kun mi: Denöwö urumelen könagesö galöm köl enggiinga törörök Anutugö waikñi memba möpöseibeak. Polnön miangö qambañ keuñi papianön ohoyök. Mewöñanök zioz galöm, babafi aka nup meme ambazip tosatñan denöwö aka malgetka dop köljawi, miangö keu areñi mi jim asariba ohoyök.

Teteköñe keu bohonñi karöbutñi mianggöreñ Timotigöra goro keu tosatñi ohoyök. Undumñi yañön mönö denöwö Jisös Kraistkö welenqeçe ölopñi aka mötnarip ambazip kambuñi kambuñi enggöbisiba bauköm enggiiga dop kölmawi, miangö goronñi ohom wangiyök.

Buk kiangö bahönñi bohonñi 3 mi kewö:

Keu mutukñi 1.1-2

Ziozgo nup meme yenggöreñ jimkutukutu 1.3-3.16

Timotinön nupñi memapkö jimkutukutuñi 4.1-6.21

¹ Anutu, Amötqeçe Tonini aka Kraist Jisösnön galöm köl nenggimapkö jörömqöröm al mamböt ak wangizini, yetkön Pol nonggöra jim kutuba kunguba melaim ningiyohotka aposol maljal. Kraist Jisösgö jitñememe mewöñi aka göbuk keu eraum mötpitköra kimbi ki ohozal.

² *O Timoti! Gi urugi melenða Jisös möt nariba mötnaripkö nahön sorokni aka maljan. Iwi Anutu aka Kembunini Kraist Jisös, yetkön mönö ak kömumba kalem möriam gihiyohotka luainön malman.

Englolon kusum enggibepukö galöm meme keu

³ Masedonia prowinsnön anmangö ahali, nalö mianggöreñ kewö jim kutum gihial, ‘Gi mönö Efesus sitinön toroqeba mala urumelen kambu bauköm enggimakñan. Tosatñan mötnaripkö keu kambañ tosatñi kusum sohomakzei, mi toroqeba akepuköra galöm mem anguba malme.’ Mewö jim kutum enggiba malmangöra jial. ⁴ Tosatñan bem sambanñi sambanñi aka ambösakon yengö qet areñi areñi mi teteköñi qahö eraum mötketka supapköiga angururuk aka keu qeçesi omañi asuhui mötmörimakze. Yeñön uruñini mianggöreñ ala sohobepuk. Keu sinñi sinñi jiji mewöñi mi qahöpmahöp bauköm enggimapmö, Anutugö malmal areñi mi kewö ahöza, ‘Kunñan Jisös möt nariba uruñi melenñiga yañön mönö i amöt qem wanggiiga letotma.’ Merak mewö ak enggimangöra kunbuk uruwahöt keu jim gihizal.

⁵ Jim kutum gihizali, miangö tohotñi mi urujöpak. Nönön urukalem ahumapköra bim qeba kewö jim tuarim enggiba malmangö kungum gihizal: Yeñön uruñinan

* 1:2: Apo 16.1

saraknji ahömapköra galöm köl anjugetka mötmöt bölöñan mi qahö gwözönma. Qahö gwözöniga Anutunöñ sañep alakzawi, mi urukezapñinan ölop möta malme. Mewö mala Kraist törörök möt narigetka Anutunöñ mönö urukalemñi uruñine ali ölop ahumakña. Urujöpak mianjön sutñine ahumapkö kapañ kölakzal.

⁶ Tosatñan Anutugö malmal areñi mi siñgiba janjuñ aka oyoñdewedewet keu omañi omañi lañ jimakze. ⁷ Yerjön Anutugö Köna keugö böhi malbingö mötzmö, nanñi-nak keugö könañi qahö möt asariba mesohol kölayök jimakze. Öne ambazip jeñjine awösamkakak kinda keu lañlañ köhöiba jiba bim qemakze.

⁸ Anutugö Köna keu mianjön mönö ölop sorokñi akza. Mi könañangö dop törörök kusum anjuba wuatangöinga ölop möhamgöm neñgimakza, mi mötzin. ⁹ Anutu Köna keuñangö könañi mönö kewö möt yaköme: Mi ambazip solanñi diñdiñi yeñgöra aka qahöpmö, Anutunöñ mi ambazip goñgoñi mindiñgöm eñgimapköra aka ali ahöza. Tosatñan goñgiba kewö ahakze: Iwilele jaubatbat aka keu qeba yanñiseñ qakñe aum jesöksök ahakze. Anjögörak aka siñgisöndokñinambuk mala töndup Anutu nesampurek ak wanñigetka uruñini tölöhoba nöñöñgan malje. Iwinamñini aka tosatñi enjuget kömumakze.

¹⁰ Serowilin ahakze. Sodom taonöñ akeri, mianjögö dop köna onñgita azi nanñirök aka ambi nanñirök amimakze. Ambazip mem bölim eñgimegöra qeraköba jöhömakze. Keu muney jimakze. Keu jiba jöjöpäñ keunöñ jöhöba töndup tilipkömakze. Anutunöñ ahakmeme diñdiñi akingöra Ölöwak Buña neñgiyöhi, mi iñi waiñi aka memba mianjön qetalakze. Anutugö Köna keu mianjön ambazip mötnaripkö köna diñdiñi siñgimakzei, mönö i mindiñgöm eñgimapköra aka ahöza. ¹¹ Anutu, oyaenñkoyaenñ Toñi yanñön mötnaripkö köna diñdiñi mi Buña keunöñ ali ahöza. Nöñön Ölöwak Buñañi aködamunñambuk jim sehimangö möt narim niñgiba Buña keuñi mi al niñgiyök. Mewö.

Polnöñ Kembu kalem möriamñangöra möpöseiza.

¹² Kraist Jisösnöñ uruni kewöriga nupñi pöndañ memamañgö dop nehi dop köliga nupñi niñgiiga memakzal. Nup memamañgöra kukösum niñgiba mala kotzawi, mianjögöra Kembunini möpöseiba maljal. ¹³ *Nöñön mutuk Jisös mepaiköba alaurupñi ilita sesewerowero könöpuk ak eñgiba malal. Mewö malalmö, yuai mi Jisös qahö möt nariba silebile tönpin mala lañ aka memba malal. Siñgisöndok mewö aka malalañgöra mönö ak kömum niñgiiga kölöñaiba letoral.

¹⁴ Kembuninan kalem möriamñi niñgiba kelenmaleleñ mokoiga nöngö qakne öngöyök. Mewö öngöiga mötnaripnan asuhuiga urujöpakö kondotkondot Toñi Kraist Jisös miwikñaial. Yambuk qekötahöba kinda urukalemñi buña qem anjuba ambazip tosatñi urunan jöpaköm eñgimakzal.

¹⁵ Nöñön ambazip tosatñi pakpak eñgongita siñgisöndokö ambazip yeñgö sutñine ketanamñini aka malal. Mewö malalmö, Kraist Jisösnöñ siñgisöndok ambazip amöt qem neñgimamañgöra aka gölmenöñ erök. Keu kötni mi nöngöreñ öljambuk ahök. Mianjögöra keu kötni mianjön mönö pöwöwöm köhöikñi akza. Mi ambazip körekmakörek möt nariba anjön kölbinañgö dop akza.

¹⁶ Siñgisöndokö ambazip yeñgö ketanamñini aka malalmö, Kraist Jisösnöñ ni kewögöra ak kömum niñgiyök: Yanñön nömbuk uruluai qakñe amöt qem niñgiba Anutugö uru tandökñi aukñe asuhumapkö möt köhöiyök. Nöngö köne ambazip tosatñan Jisös möt narimei, tandökñi mi yeñgöra kondel eñgimamgö mörök. Mi kondel eñgiiga ölop amqeba uruñini melenña malmal köhöikñangö buñaya akñe. ¹⁷ Ak kömum niñgiyöhanjögöra aka Anutu möpöseimakzal. Yanñön Kiñ Kembu teteköñi qahö aka malma. Anutu mohotñan qahö göröñ qeiga kaisoñgolomñi qahö ehakzin. Nöñön yanñgö qetbuñañi nalö dop möpöseibiga teteköñi qahö aködamunñambuk aka ahöma. Keu mi ölja.

* 1:13: Apo 8.3; 9.4-5

¹⁸ O mötnaripkö nahöni Timoti! Mutuk kezapqetok keu tosatnji göhöra jigeri, keu miañön kötöngöm gihiiga ölop aködamungabuk aka malman. Keu miañgö dop kewö jim kutum gihizal: Göñön mönö malmal saraknji malmangöra bim köhöiknji qeba malman.

¹⁹ Bim qeba miañgöreñ mötnaripki söroräuba sohobapüköra mönö töp meman. Urugi köyan köl angunönga mötmöt bölöñan qahö gwözöñniga Anutunöñ urukezapnöñ sañep alakzawi, mi ölop möta malman. Ambazip tosatñan uru köyankölkölñini mosöta lañ malgetka mötnaripñinan löwöriba köhömuñi aka pömsöm qeyök. Wañgenöñ köwet töromnöñ kuñguba jömgözawi, mönö miañgö dop kumkanjañ aka böliget. ²⁰ Mötnaripñinan pömsöm qeyöhi, yeñgö sutñine azi yahöt qetñiri Himeneus aka Aleksander maljahot. Nanak mindiñgöm etkimamgö osiba uruñiri meleymahotköra i Satangö böröñe al etkial. Al etkibiga Satangö kukösumñi ahakmemeñirañgö dop möta uruñiran sihimbölogöra löwöriiga meleynda mepaqepaik kunbuk qahö akahorak. Mewö.

2

Buñ nupkö köuluk areñ

¹ Yuai bohonñi mi köuluk nup. Nöñön miañgö uruwahöt keuñi jiba uruñini kewö kuñguzal: Inñini mönö ambazip körek pakpak engöra köuluköba kapañ köla uleta Anutu qesim wañgiba saiwap jiba malme.

² Kiñ azi kembu aka gawmangö galöm ambazip könañi könañi yeñgöra aka köuluköba malme. Mewö kötöngöm enjigetka diñdiñanök galöm köl neñjigetka luai qakñe guñböñjönñöñ malbin. Mewö mala Anutugö jitñi wuatangöba ahakmeme diñdiñi aka memba malinga aködamunñambuk ahakña. ³ Köuluk nup mewöñi miañön ölop sorokñi akza. Mi Anutu, Amötqeqe Toninañgö jemesoholñe ölop dop kölja. ⁴ Yañön ambazip körekñan Buñ keu ölni möt kutuba uruñini meleygetka amöt qem enñii letotmegöra jitsihitñi mörakza.

⁵ Anutu mohok-kun ahöza aka ambazip Anutubuk mindirim neñgimapköra azi mohok-kun mewöyök ahöza. Azi mohot Jisös Kraist yañön mönö mi köhöiiga tosatñan mi osimakze. ⁶ Yañön siñgisöndok ambazip pakpak neñgö sohpnini memapköra malmalñi köleñda mosörök. Buñ keu mi Anutunöñ nalö ali tosatñan nalö törörök miañgöreñ könahiba nañgöba jim asarigetka neñgöreñ kayök. ⁷ *Miañgöra aka Anutunöñ aposol akñamgö kuñguba melaim ningiiga kantri dop lilikömakzal. Ambazip Jisös möt narimegöra Buñ keu ölbölñi jim asariba kusum enñiba uruñini kuñgum enñimakzal. Könani mewö jiba muneñ kun qahöpmö, keu ölna mewö jizal. Mewö.

Azi aka ambi yeñgö malmal areñini

⁸ Miañgöra jitsihitnan kewö jizal: Azi enñön mönö pöndañ miri dop tokoba köuluk nup töp memba malme. Yom kazik aka anjururuk mosötketka uruñinan sarahiiga ölop böröñini mem wahöta Anutu köulukömakñe. ⁹ *Ambi enñgö qambañ keuñini kewö jizal: Enñön mönö kinisöröñini löngöta sileñini törörök turuba malme. Opo söro sorokñi aködamunñambuk mi mosötme. Nöröp juññini qeba gawasu könañi könañi kude ala minjiñda öñböñ meme. Kösasorom me goul miañön kude meñölöm anñume aka löngölöngöt söñgöröñi ketañi miañön memba aiwelikqaiwelik kude akñe.

¹⁰ Aködamunñini ölni mi ahakmeme ölopñi. Ambi Anutugö jitñi ongitpinbukö keñgötñini möta qetñi jim aumakzei, enñön mönö nup ölopñi ölopñi jegep kinda memakñe. ¹¹ Azinöñ kusum enñigetka ambi enñön mönö uruñini memba et al anñuba Buñ keu ösöñ möta nesilam qakñe takpararak aka jitnöñ söhöp kude meleymemö, mi urukönömñine ala malme.

¹² Ambi enñön azi galöm köla kusum enñimegöra nöñön 'On!' qahö jizalmö, tokogetka ösöñ keu böc tatme. ¹³ *Anutunöñ mutuk Adam miwikñaiba yañgö andöñe Iw (Ewa) miwikñaiyök. ¹⁴ *Mokoleñnöñ Adam qahö tilipköyökmö, ambi mi tilipköm wañgiiga

* 2:7: 2 Tim 1.11 * 2:9: 1 Pitö 3.3 * 2:13: Jen 2.7, 21-22 * 2:14: Jen 3.1-6

keu oŋgita siŋgisöndok ahök. ¹⁵ Töndup ambi yeŋön nup areŋini wuatangöba morö memba Kraist möt nariba ahakmeme sarakŋi wuatangöba urumelen alaurupŋini urunöŋ jöpaköm engiba ösöŋ malme ewö, Anutunöŋ mönö ölop amöt qem engiiga letota Suepnöŋ öŋgöme. Mewö.

3

Ziozgö nup galöm yeŋgö keu areŋ

¹ Kunŋan urumelen könagesögö uru galöm pasto akŋamgö ak waŋgizawi, yaŋön mönö nup sorokŋi aködamunŋambuk miwikŋaime. Keu mi öl töhöŋŋa. ² *Miangöra urumelen könagesögö uru galöm nupköra mönö azi kewöŋi möwölöhöba kuŋgugetka dop kölma: Kungö sileŋö köpösihitkö keuŋi qahö, ambi mohot-kungö apŋi, kekpurikŋi qahö, ahakmemerŋi törörök galöm köl aŋguiga göda qem waŋgimakze. Yaŋgöreŋ kamei, i ölop köl öröba köyan köl engiba mötmöt törörök kusum engimakza.

³ Kunöŋ o köhöikŋi namba bim laŋ qeba aŋgururuk aka moneŋ membagun memamgö köpösöŋgömakzawi, i qahöpmö, kunŋan ölop ambazip mutulaŋgöba mökölim engiba guŋböŋjönjöŋ ak engimakzawi, mönö azi mi kuŋgume. ⁴ Kunöŋ nanŋi anömmoröurupŋi ölop galöm köla goro engiiga nahönböraturupŋan göda qem waŋgiba keuŋi pakpak tem köla maljei, mönö ia kuŋgugetka kinma. ⁵ Galöm azi kunŋan nanŋi saiwaurupŋi galöm köl engimamgö qötötangöza ewö, yaŋön Anutugö urumelen könagesöurupŋi mönö denöwö köyan köl engibawak? Mi mönö osibawak.

⁶ Azi kunŋan nalö köröpŋi uruŋi melenŋa zeŋ kinjawi, yaŋön ölop kutukutulaŋ galöm nup memerŋina aka malma. Kunŋan nalö töröpŋi uruŋi melenŋa an köl kam köl aka tiwokmawok aka töptöpŋe qeba sileŋi memba öŋgöbapuk. Bölöŋangö Toŋan kezapjupjup aiga Anutunöŋ keuŋi jim teköba közöl waŋgi erök. Miangö dop engö galömŋinan sileŋi memba öŋgöiga Anutunöŋ i Satan ewö jim teköiga etpapuk. ⁷ Galöm kunŋan urumelenöŋ kopa yeŋgö sutŋine qetbuŋa ölopŋi qahö bisibawak ewö, ambazipnöŋ i laŋ jim böligetka Bölöŋangö Toŋan mötöp simbaŋi ali mianöŋ töteköi qeiga etpapuk. Mewö.

Ewanjelis aka Buŋa nup ambazip yeŋgö keu

⁸ Buŋa nup ambazip* yeŋön mewöyök ambazipnöŋ göda qem engimeangö dop taŋörakŋini qahö aka malme. Tosatŋan keu jöl yahötyahöt jiba wain o gwötpuk namba möndömöndö qakŋe injarere mala moneŋ yuaigöra kapaj kölakzei, i mönö kude kuŋgum engigetka kinme.

⁹ I qahöpmö, ambazipnöŋ mötnaripkö keu ölpŋi asa-asambötŋi Anutunöŋ indelöhi, mi nöm tik memba miangöreŋ qekötahöba uruŋinan tölöhöbapuköra galöm mem aŋguba sarakŋi maljei, mönö ia kuŋgum engime. ¹⁰ I mewöyök mönö mutuk kewöt engigetka keu jizalaŋgö dop köhöiba kingetka dop kölma ewö, mönö ölop kuŋgum engigetka kinda Buŋa nupkö ambazipŋini aka malme. ¹¹ Yeŋgö ambiurupŋinan† mewöyök ambazipnöŋ göda qem engimeangö dop taŋörakŋini qahö aka andöqeŋe keu jitnöŋ yöhösaŋ qahö jiba malmemö, kekpurikŋini qahö mala yuai pakpak memburik-qemburikŋini qahö memba malme.

¹² Buŋa nup azinöŋ mönö ambi mohot-kungö apŋi aka nanŋi anömmorö aka welenqeŋeurupŋi ölop galöm köl engimakŋa. ¹³ Buŋa nup ambazip nupŋini ölopŋanök memakzei, ambazipnöŋ i göda qem engigetka qetbuŋa ölopŋi miwikŋaime. Mi miwikŋaiba ölop awösamakakak kinda ambazip uruŋini kuŋguba Jisös Kraist möt naribingö keu mi köhöiba jimakŋe. Mewö.

Anutunöŋ Buŋaŋi asa-asambötŋi indelök.

* 3:2: Tai 1.6-9 * 3:8: Dikon mi azi aka dikones mi ambi, yeŋön pasto qöhöröŋjine bauköba nup memba urumelen kambu köyan köl engiba Buŋa keunöŋ gumohoba silegö nup tosati memba mianöŋ nanöŋ engimakze. Ewanjelis me urukuŋgukuŋgu ambazip yeŋön sel yaigepŋe kinjei, yeŋön uruŋini melenmegöra Buŋa keu kusuba mianöŋ uruŋini kuŋguba goro engimakze. † 3:11: Buŋa nup ambi aka Buŋa nup azigö anömmŋi yeŋgö jimkutukutuŋini jiza.

¹⁴ O Timoti, nöjön zilar göhörej kaba gekñamgö jörömqöröm al mamböt akzalmö, töndup kimbi ki göhöra ohozal. ¹⁵ Nalöni qeköriiga kabilenbuköra mutuk kimbi ki kewögöra ohobi kaza: Gi Anutugö urumelej könagesöurupji denöwö galöm köl enjinönga ahakmemeninan diñgiba ölöwakñawi, mönö qambañ keu mi oyoñda mötman. Anutugö könagesöurupji neñön Anutugö mindimindiri zioz selji akzin. Malmal Toñi yañgörej qekötahöinga mindirim neñgiiga miri dop tokoba keu ölnji jim sehimakzin. Keu ölnjan böliba ösumñji etpapuköra miangö wötñji aka tandönji akzin. ¹⁶ Anutunöñ amötqeqegö könani asa-asambötñji indelöhi, neñön Buña keu mi möt asariba kewö jim miwikñaimakzin:

Buña Toñi yañön nanñak gölme azia aka sutnine asuhuyök.

Asuhuiga keu jakeñe albingö keuñi lañ jarum bibihigetka Uña Töröñan könani solanñi aukñe kondelök. Mi kondela meiga Kembu aka wahöta Suep garata galöm köl enñgiiga aködamunñji uba eket.

Mi eketka Anutunöñ wañgiri Suepnöñ öñgöba Anutubuk tata galöm köl neñgimakza. Galöm köl neñgiiga Buña keuñi mi kantriñi kantriñi liliköba jim asarigetka gwötpuk yeñön gölme dop möt narim wañgimakze.

Mewö jim miwikñaininga ölnja aködamunñambuk akza. Mewö.

4

Keu muneni kusum enñgigetka enjololoñ akza.

¹ Anutugö Uñanjan keu kewö jim asariiga törörök möt yaközin: Gölmegö nalöñan tekömangö akñawi, nalö miangörej ambazip kelejmalelej yeñön mötnarip mosöta Kembu andö qeba ömewöröme yeñgö böröñine geme. Mewö gegetka ömenöñ sölölohöba kusum enñgimakzei, mönö yeñgörej mötmöt wuatangöba enjololoñ aka siksauk malme.

² Siksauk mi kewö asuhuma: Tosatñan urumelej silesile aketka Satanöñ aiwesökñi uruñine ain könöpñambuknöñ qekötahöba urukezapñini gwözöñniga köhömuñi aiga keu muneni lañ jim sohomakze. ³ Yeñön ambazip kewö kusum sohom enñgimakze, 'Urumelej ambazip enñön mönö awanöm angömeme kude akñe aka nene tosatñi kude nembra malme.' Mewö kusum sohom enñgimakzemö, Anutunöñ nene pakpak mi nembangöra miwikñaiyök. Mi ambazip Anutu möt nariba keu ölnji möt yaközini, yañön mi kötuetsköiga ölop saiwap jiba nembangöra al neñgiyök.

⁴ Anutunöñ yuai pakpak miwikñaiyöhi, mieñön mönö ölopñi akze. Mi andö qebinangö dop qahöpmö, yuai al neñgimawi, mi ölop saiwap jiba buña qem angubin. ⁵ Yuai ambazip jeñine dönqizinnambuk akawak ewö, mi mönö ölop Anutugö keu jiba köuluköinga ösumñan walöñda dom-amöt qeiga sawölñi akña. Mewö.

Kraist Jisösgö welenqeqe ölopñi mi kewö:

⁶ Göñön urumelej ambazip mewö kusum enñgiba mala Kraist Jisösgörej Buña nup meme azi ölopñi aka malman. Göñön Buña keu wuatangöba mala kotzani, mi tosatñi kusum enñgiba nangak mewöñanök keu ölopñi mi aka mötnaripkö qambañ keu pakpak oyoñda mötmöröba miangöñ urugi gumohom anguba malman. ⁷ Gölme ambazipnöñ bem samban keuñi oyoñdewedewet jigetka Anutugö Buña keunöñ böbölohot akñamgö akzawi, mi mönö yaköröba andö qeman. Mi andö qeba Kraist ewö aka malmangöra urugö kölguliguli aka malman.

⁸ Anutunöñ malmal nalö kewöñe gölmenöñ maljini, mi kötuetsköm neñgiiga könangep oyaenköyaen malbingö jöhöjöhö alök. Mönahot angolat mi boromdökñanök sile guliguligöra bauköm neñgiba eretñi akzapmö, urugö kölguliguliñi mi tandönini bohonñi akza. Miangöra urugö likepñi pöndañ köl guliba malnönga miangöñ mönö yuai pakpak miangörej bohon köla nangöm gihimakña. ⁹ Keu jizali, mi ambazip körekñanök möt angöñ kölbinañgö dop pöwöwöm köhöikñi akza. Keu pöwöwöm köhöikñi kun mi kewö,

¹⁰ "Anutu malmal Toñi yañön ambazip körek pakpak amöt qem neñgimangö mötza. Urunini melenñda möt narim wañgimakin ewö, mönö ölnja amöt qem neñgimakña. Mewö

möt narizin. Nini tosatjan mewö asuhumapköra jörömqöröm mewöñji Anutu al wangiba kinda nupñi memba silenini qeba aum-mörimakzin.”

¹¹ Ambazip keu miangö dop aka memegöra jim kutuba kusum engiba malman. ¹² O Timoti, kunöñ sepgwölö maljanangöra memba et al ghibapuköra mönö mötnarip ambazip sutñine silik ölöpnji kewö kondel engiba malman: Keu ölöpnjanök jiba ahakmeme diñdirji wuatangöba ambazip törörök jöpaköm engiba malman. Mötnaripkö kölguliguli pöndañ memba Anutugö nupñi mem sorokönöñga miangöra möt narim ghibiba malme. Mewö sarakñanök aka menöñga ambazipnönj ölop göda qem gihigetka malman.

¹³ Mönö pöndañ Urumelengö Buña Kimbi mi jegep oyonnda kapañ köla jim asariba könagesö uruñini miangön kunguba kusum engiba malman. Nalö sutñi kiangöreñ mewö aka malnöñga nöñön kabiga dop kölma. ¹⁴ Jitñememe yeñön böröñini göhö qake ala köulukögetka Anutugö kezapqetok keu göhöra asuhuiga Anutunönj nup memegö mötmöt kalem ghiiga uruge ahözawi, mi kude köyatimanmö, miangö qakñe nup memba malman. ¹⁵ Kude köyatimanmö, Buña Kimbi oyonnda jim asariba kusum engiba malman. Yuai karöbut mi mönö kapañ köla jegep köl guliba malman. Tanqañ qahö akñan ewö, urugahö töhötmöriamñan mönö qariiga köhöiba awösamkakak akñani, mi körekñan ek kutume.

¹⁶ O Timoti, mönö nangi uru silegi galöm köl anguba urumeleñ nup törörök kusum engimangöra galöm mem anguba malman. Mewö aka malman ewö, mönö nangi oyaenköyaen ak anguman aka keugi mörakzei, mi mohotñe oyaenköyaen ak enjinöñga Suepnönj öñgöme. Mewö.

5

Malö aka ambazip namñi mi kewö galöm köl enggime:

¹ Azi namñi mi köhöikñanök kude mindingöba jim wangimanmö, iwigi ewö qambañ keu ösöñ jinöñga mötma. Azi sepgwölö mi darumungi ewö ak engiba malman. ² Ambi namñi mi namurupki ewö qambañ engiman. Ambi seram mi nenurupki ewö ahakmeme sarakñi wuatangöba göda qem engiba malman.

³ Malö tinitosolomñini qahö mi mönö gödaqege qakñe ak engiba malman. ⁴ Malö kungö isimoröurupñi malje ewö, yeñön mönö mutukñi aka bohon köla i galöm köl wangime. Anutunönj jim kutum neñgiyöhi, yeñön mönö miangö dop nanñini saiwaurupñini köyan köl engibingö könañi mötme. Iwinamurupñinan mutuk nalö köröpñi köyan köl engiba malgetka yeñön miangö kitipñi melennda tosañini meköm engigetka Anutugö jeñe dop kölma.

⁵ Malö ambi ölnji, tinitosolomñi qahö nanñök maljawi, yanñön mönö jörömqörömñi Anutu al wangiba i sundan dop suñgem asak qesiba köuluköm wangimakza. ⁶ Yanñön mewö maljapmö, ambi malö tosatjan uruñinan könöwiiga sihim kömbönañjanangö dop yuai lanlanangöra böröjañ suhumakzei, yeñön gölmenöñ silebuk maljemö, töndup köhömuñi akze. ⁷ Miangöra malö yeñön silenine köpösihitkö keuñi qahö ahöi malmegöra mönö mewöyök jim tuarim engiba malman.

⁸ Kunñan nanñi tinitosolomurupñi qahö köyan köla engömosöri garömisin maljei, yangö ahakmemeñan mönö bölim teköza. Yanñön Kembu möt narizawangö keuñi mi silikñan qañ köla urumelengö kopa tandök ongita böliqöliba malja.

⁹ Urumeleñ könagesö enñön malö tosatñi kutukutulañ aka köyan köl engimakzei, malö kunñan yeñgö areñnön kangotmapköra qeqesi alma ewö, ambi mi mönö kewötme. Kewötketka kewö asuhuiga iyök mönö qet areñ miangöreñ toroqeba ohoba alme: Kunöñ yambuñi (yarañi) 60 ongita azi mohotkö anömña malök. ¹⁰ Mewö maliga tosatjan könañangöra kewö nañgöba jimakze: Yanñön nup ölöpnji ölöpnji memba mala morö galöm köla goro enñiiga qariget. Ambazip kiannji miriñe köl öröba köyan köl enñiiga Kraistkö alaurupñi sarakñan kagetka uziñini sanñonnda esuhuba yaka tawerñ engiba malök. Wahöjalini uruñe malgeri, mi mem ölöwaka nup ölöpnji pakpak memangöra

uruñi pöndañ jöhöba jegep kinda malök. Malö mewöñi mönö areñ papianöñ ohoba köyan köla malme.

¹¹ Malö ambi namñi qahö, yeñgö qetñini mönö qet areñ papia miangöreñ kude alman. Mi albanak ewö, yeñgö sihim kömbönañinan könöp jeiga azi kunbuk memingö mötmötñini ahum köhöiiga Kraist silekmalek ak wañgiba zioz nup mosötpepuk. ¹² Mi mosöta mutuk Kraist tem kölböngöra jöjöpañ keuñini aukñe jim jöhögeri, mi qegetka pömsöm qeiga Kraistnöñ keuñini jim teköba gamu qem enñgiiga önewat lañ malbepuk.

¹³ Önewat lañ mala toroqeba kewö bölibepuk: Miriñi miriñi lañ liliköba nalö ayuhumegö könañi möt angön kölbepuk. Toroqeba böliba luasö keu lañ jiba keu bapñe qahö anda nanñini imbi-imbi wuatangöba nup meme tandöktandök lilikqilik akepuk. Inöñ wainöñ lañ möndöba nup öññi qahö memba tosatñi yeñgöreñ yuai mem sohobepuk. Keu tosatñi yeñgöreñ yuaia qahöpmö, töndup mi öne lañ jim sehibepuk.

¹⁴ Mewö akepuköra sihimni kewö möta jizal: Malö ambi namñi qahö yeñön mönö azi memba morö memba nup miriñini galöm köla malgetka dop köлма. Mewö aketka tuarenjoñninan jim bölim neñgimangö könañi jaruba mi qahö miwikñaima.

¹⁵ Malö tosatñan galöm qahö mem anguba lök Kraist andö qeba eta Satangö könañe wuatangöba malje. ¹⁶ Urumeleñ könañesö neñön mönö malö ambi öññi, tinitosolomñini qahö maljei, mi köyan kölbepuköra ahakzin. Miangöra mötnariñ ambi kungö tinitosolomurupñan malöya akzei, yañön mönö mi köyan kölbepuköra malma. Miangö lömbötñan mönö zioz kambu enñgö qakñine kude öñgöma. Mewö.

Ziozgö jitñememe mi kewö köyan kölbepuk:

¹⁷ Jitñememurup urumeleñ könañesö ölop galöm kölbepuköra enñgimakei, enñön mönö miangö likeññi melenña gödaqege öñgöñgöñi kondel enñgiba malme. Yeñgöreñök tosatñan Buña keu jim asariba kusum enñgimakei, miangöra mönö kötöññini toroqeget öñgöi enñgiba malme. ¹⁸ *Buña Kimbigö keu kunñan miangö könañi kewö jiza, “Wit padigö kötñi aka kamböñi menderñbingöra bulmakau aziñi wañgitketka padi kambu qakñe tiba tözö zamgömakzawi, yañgö numbuñi mönö kude muzupköme. Mewö gumohom wañgigetka ölop nene kitipñi neiga dop köлма.”

(Miangö dop kiamnöñ böroññi memba sömbup meköi qegetka kitipñi wañgiget neiga dop köлма.) Keu kun kewö ahöza,

“Kunöñ nup meiga tosatñan töwañi wañgigetka dop köлма.”

¹⁹ *Jitñememe kungö sileñe keu lañ ala jim wañgigetka yahöt me karöbutñan mi qahö nañgöbeak ewö, i mönö keu jakeñe kude alman. ²⁰ Denike yeñön siñgisöndök ahakzei, göñön mönö i aukñe tembula jim enñgönöña körek pakpak keugi mi möta siñgisöndök akinbukö keñgötñini möta galömñini mem angumakñe.

²¹ O Timoti, keu ohoba jim kutum gihizali, mi mönö tem köla wuatangöba malman. Azi me ambi kun kude ek soriba tosatñi kude qepureim enñgiman. Miangöra kungö keuñi mi qeljiñe lañ kude jöhöman. Ambazip körek pakpak mönö öröröñ kewöta ak enñgiman. Mewö akñangö keuñi mi mönö Anutu, Kraist Jisös aka Suep garataurup sarakñi yeñgö jemesoholñine jiba mi jöjöpañ keunöñ jöhönöña mötpi dop köлма.

²² Tosatñi yeñgö siñgisöndökñinan göhö qake öñgögetka gamu miwikñaiñbanbuk. Miangöra kunñan “Kembugö nup memam,” me “Urumeleñ kambu toroqemam,” jizawi, yañgö könañamñi mutuk qahö kewöta börogi zilañzilañ yañgö qakñe kude ala kötuëtköm wañgiman. Nangak sarakñi malmangöra mönö galöm kölbepuköra anguba malman.

²³ O Timoti, gi nalö tosatñi kawöl ahum gihiiga “Yaiñmaiñ!” qeta ahakzan. Miangöra mönö oyök kude nemanmö, wain o tosatñi mewöyök nenöñga kömönögoki bauköiga amqema.

²⁴ Keu kun kewö: Ambazip tosatñan siñgisöndök aketka zilañ aukñe asuhugetka ambazipnöñ eka qeljiñe jim tekögetka nalö kewöñe gamuñinambuk kinje. Mewö kinjemö, tosatñan siñgisöndök aka tölapköba mala könañgep Anutugö jeñe angotketka

* 5:18: Dut 25.4; Mat 10.10; Luk 10.7 * 5:19: Dut 17.6; 19.15

aukne asuhui jim teköm engima. ²⁵ Ambazip nup ölöpnji aködamunꞋambuk memakzei, nup miaꞋön mewöyök nalö kewöꞋe aukneꞋyök ahöza. Nup ölöpnji tosatꞋni aukne qahö ahöbeak ewö, mi mönö mewöyök tölapne ahöbingö osiba könꞋngep asuhugetka ekin. Mewö.

6

WelenqeꞋe yengöꞋeꞋ qambaꞋ areꞋ

¹ WelenqeꞋeurupꞋini pakpak toꞋinaꞋꞋö mötöp bisiba nup töwaꞋini qahö memakzei, enꞋön mönö tourupꞋini iwilele laꞋ kude ak engimemö, gödaꞋeꞋe pakpak kondel engibingö dop enꞋeꞋka malme. EnꞋön mönö tosatꝼan Anutugö qetꝼni mepaiköba jibepuköra kapaꝼ köla kinme. Anutugö Buꝼa keuꝼni ambazip kusum enꝼinga mi enꝼö ahakmemenꝼinaꝼöra aka andö qegetka bölibapuk. ² Tourupꝼini tosatꝼan urumelenꝼ alaurupꝼini akzei, miaꝼöra mönö gödaꝼeꝼenꝼini mötket eretꝼni akapuk. Mewö qahöpꝼmö, tourupꝼini welen qem enꝼigetka nupꝼini ölöwahakzawi, yeꝼön Kraist möt narigetka wölböt ala ak enꝼigetka miaꝼöra mönö kapaꝼ köla tourupꝼinaꝼö keu bapꝼe anda uruꝼini nupꝼnöꝼ ala ölöpnꝼanök memba malme. Mönö mewö jim kutuba kusum enꝼiba malman. Mewö.

Buꝼa keu jim sohogetka urukönöp akeꝼuk.

³ Kembunini Jisös Kraistnöꝼ urugö kölguliguli akingöra Buꝼa keuꝼni nengiyöhi, neꝼön mönö miaꝼö dop ambazip ölöwakꝼeꝼöra kusum enꝼimakzin. Kunꝼan Buꝼa keu ölnji qiwitipköba keu kambaꝼi murutꝼni ambazip kusum enꝼimakzawi, yaꝼön mönö kopa akza.

⁴ Yaꝼön silenji mem öngömakzapmö, keugö könꝼni qahö möt kutuza. Qahö möt kutuba mötnaripkö keu kambaꝼi kambaꝼi jim melenꝼqelenꝼda jitnakölik ahumapkö köpösöngömakza. Mewö möta tosatꝼni yembuk möndömkösök aketka ölnji kewö asuhuma: Likepliketp urunöꝼ mututqutut aꝼgururuk ak aꝼguba uruqeqe keu töhöꝼeꝼ jiba mem bölim aꝼgubepukö sömbu mötmöt akze. ⁵ Mewö aka mötmötꝼini sohoi kahapmahap aka malmal ölnꝼaꝼö könꝼni siꝼgiba kewö mötmörimakze, ‘Urunöꝼ kölguliguli ahinga miaꝼön döpnini aiga miaꝼöꝼeꝼ tiba moneꝼ inap miwikꝼaibin.’ Mewö mötmöriba tokoba sundan dop jitnakölik eraumakze.

⁶ Mewö ahakzemö, neꝼön Anutu Buꝼaꝼaꝼö kölguliguli aka moneꝼ inap ahöm nengizawi, miaꝼön uru luai qem aꝼgumakzin. Uꝼa Töröꝼan döpnini aka mem bönjöꝼ ak nengimakzawaꝼöra mönö ölnja oyaenꝼkoyaenꝼ ketanji miwikꝼaiba simbawoꝼ maljin.

⁷ Miaꝼö könꝼni kewö: Nini mutuk böroninan yuai kun qahö memba öne töhöön gölmenöꝼ asuhuin. Könꝼngep mewöyök börotak kömumba gölme ki mosöta anbin.

⁸ Mewö anbinmö, nalö kewöꝼe nene aka opo maluku ahöm nenggiiga miambuk mönö mem bönjöꝼ aka luai qem aꝼgumakin.

⁹ Mewö akinmö, ambazip moneꝼ inap ketanji miwikꝼaibingö mötzei, yeꝼön mönö esapesapnöꝼ simba ewö tötekögetka eta enꝼgumakza. Eta enꝼguiga sihim kömbönaꝼini bölöni bölöni mi gwötꝼuk ahuba uru enꝼololoꝼ mem enꝼigetka kezapꝼupꝼup ahakꝼe. Sihim kömbönaꝼini goꝼgoꝼni mieꝼön mönö öröm jöhöm enꝼigetka ulupköba köndenꝼmöndenꝼ miwikꝼaiba ayuhume. ¹⁰ Moneꝼ inapkö sihim kömbönaꝼi miaꝼön mönö yuai bölöni pakpakö jalöni akza. Gwötꝼuk yeꝼön moneꝼ inapkö urukönöp möta lilikqilik aka jaꝼjuꝼ aketka mötnaripꝼinan pömsöm qeiga laꝼ malje. Urukönöp möt bibihigetka miaꝼön mönö wösöꝼini qösöꝼniga sihimbölö gwötꝼuk möta malje. Mewö.

Polnöꝼ Timoti nupköra jim kutum waꝼngiyök.

¹¹ Gwötꝼukꝼan mewö maljemö, Anutugöꝼeꝼ azi gi mönö yuai mewöni mi qizingöba andö qeba malmal kewöni malmangöra kapaꝼ köla malman: Ahakmeme diꝼdiꝼi wuataꝼgöba Anutugö malmal köhöikꝼi kölguliguli pöndaꝼ memba ambazip ölnja jöpaköm enꝼiba malman. Mönö kapaꝼ köla köhöiba kinda ambazip guꝼböꝼnjöꝼnjöꝼ qakꝼe ek enꝼiba malman.

¹² Mönahot aꝼgolat azinöꝼ aonꝼit miaꝼöꝼeꝼ luhut almapköra ösumꝼi pakpak qezaköba anjawi, gi mönö miaꝼö dop mötnarip kölguliguli aonꝼit aködamunꝼambuk

miaŋgöreŋ köhöiba pöndaŋ bim qeba malman. Anutunöŋ malmal köhöikŋe aŋgot-mangöra goholöhi, gi mönö malmal mi buŋa qem aŋguba qekötahöba malman. Malmal köhöikŋaŋgö buŋaya akzani, göŋön keu mi ölöŋŋanök jim miwikŋainöŋga gwötpukŋan mi möta ölöŋŋi jim naŋgöba jimakze. ¹³ *Anutu yuai pakpak mem gulimakzawi, gi mönö yaŋgö jeŋe könaŋamgi jim miwikŋainöŋ aka Kraist Jisösgö jeŋe mi mewöyök jim miwikŋainöŋga mörök. Jisösnöŋ premiö Pontius Pailötkö jemesoholŋe könaŋamŋi jiba keu ölöŋŋi jim miwikŋaiyöhi, mönö Kraist yaŋgö jeŋe kewö jim kutum gihizal:

¹⁴ Gi mönö Buŋa keu köŋ guliba pöndaŋ tem köla wuatanaŋgöba malman. Mewö malnöŋga kunŋan siŋgiba bölimanaŋgöra aka keu jim gihimamgö osima. Kembunini Jisös Kraistnöŋ kunbuk asuhumawi, nalö sutŋi kianaŋgöreŋ mönö urugö nup mewö memba malman.

¹⁵ Anutunöŋ oyaenŋkoyaen Toŋi aka nalöŋi ali kam kuŋguiga miaŋgöreŋ Jisös Kraist melaiiga aukŋe asuhuiga ekin. Anutunöŋ nanŋök Öŋgöŋgöŋamnini aiga körekŋan yaŋgö nembö bapŋe kinjin. Yaŋön kin kembu yeŋgö Kembuŋini aka pom jembon yeŋgö bohonŋini akza. ¹⁶ Anutu, oyaenŋkoyaen Toŋi yaŋön mohot nalö kunöŋ qahö kömuma. Yaŋön asakmararaŋ mire euyaŋgöreŋ maliga körek neŋön naninak miaŋgöreŋ öŋgöbingö qaközin. Gölmegö kunŋan i jeŋan qahö uba ehök aka ekŋamgö osiza. Yaŋgö qetbuŋaŋi möpöseininga kukösum Toŋi aködamunŋambuk aka nalö teteköŋi qahö yuai pakpak galöm köla malma. Keu mi öŋŋa.

¹⁷ Ambazip pomŋi nalö kewöŋe gölmenöŋ öŋgöŋgöŋi maljei, göŋön mönö i kewö jim kutum eŋgiba malman: Sukinapnöŋ nalö kungen qahöwak teköma. Miaŋgöra yeŋön mönö uruŋini miaŋgöreŋ kude ala malme. Sukinap qakŋe kinda aiweliköba söŋgöŋöqök akze ewö, jörömŋörömŋinan mönö pömsöm qema. Uruŋini gölmegö ainemalukunöŋ kude almemo, Anutunöŋ yuai pakpak miaŋgöreŋ köyan köŋ eŋgimapköra al mam-bötketka dop köŋma. Anutubuk qekötahöba kingetka ölöŋ yuai könaŋi könaŋi malmal söŋgaibingöra keŋŋmaleleŋ neŋgimakza.

¹⁸ Kewö jim kutum eŋgiba malman: Yeŋön mönö nup ölöŋŋi ölöŋŋi jegep kinda memba mewö miaŋön aködamunŋinambuk akŋe. Anutugö jeŋe aködamunŋinambuk aka amqeba jöjöröba tosatŋi bauköm eŋgiba kalem sehiba mendeŋda malme. ¹⁹ Mewö Anutugö jeŋe qetbuŋaŋinambuk aka malmalgö guli dötnam öŋŋi miwikŋaiba mem sehimakŋe. Guli dötnam mewöŋi mi malmalgö tandö wötŋi köhöikŋi akza. Mi mem sehiba galöm köla ölöŋ könaŋep tandö wötŋi miaŋgöreŋ naŋgöba kinda malmal ölböŋŋi buŋa qem aŋguba malme.

²⁰ O Timoti, Anutunöŋ möt narim gihiba nup memegö mötmöt kalem uruge alöhi, mi mönö nupnöŋ ala sohobapuköra galöm memba malman. Gölmegö keu oyoŋdewedewet omaŋi aka aŋgururuk supapköba jigetka sohomakzawi, mi mönö mosöta andö qeba malman. Tosatŋan “Mötkutukutu eraum mötŋin,” jiba keu sinŋi sinŋi jim sehigetka anakza. Mötkutukutu öŋŋi mi mewö jim sohomakze. ²¹ Tosatŋan mötmöt sohosohoŋi buŋa qem aŋguba jim miwikŋaiba janjuŋ aketka mötnariŋŋinan söŋörauba löwöriba sohoyök.

Anutugö kalem möriamŋan mönö embuk ahöma.

* 6:13: Jon 18.37

Timotigö Kimbi 2

Polnön Timotigöra Kimbi aliga 2 ahök.

Jim-asa-asari

Polnön undumnji aka gwabö alabaukñi Timotigöra “Andö qambañni qöndökñi wañgi-mam,” jiba Buña Kimbi ki ohoyök. Keu areñi bohonñi mi kapañkölköl. Polnön mi jim asariba uruñi nañgöba qambañi kewö wañgiba ohoyök: Timoti göñön mönö pöndañ kinda Jisös Kraistkö könañi nañgöba jiba malman. Ölöwak Buña aka Jöhöjöhö Areñ Walñi mötzani, mönö miangöreñ qekötahöba miangö keuñi ölbölñi mi ambazip kusum eñgiba urukunğukunğu nup memakñan. Tuarenjoñ ak gihigetka sihimbölö könañi könañi miwikñaiba mötpanak ewö, mönö töndup Anutunöñ nup gihiyöhanğö dop mi kapañ köla memakñan.

Polnön galöm meme keu köhöikñi Timoti kewö wañgiyök: Tosatñan “gukmaulem qakñe aņgururuk omañi aka kezapjupjup ahakzei,” göñön mönö miangö keunöñ aņgota nalögi mösöhöba ayuhubanbuk. Aņgururuk keu mewöñi miereñ ambazip qahöpmahöp bauköm eñgimakzemö, ambazip kezap ala mörakzei, mönö i mem bölim eñgiiga ayuhume.

Polnön qambañ keuñi pakpak nañgömamgöra nanñi malmalñanğö kösohotñi ohoyök. Wuanöñgöra aka denöwö nup areñi ala bim qeba malöhi, Timotinöñ miangö keuñi ölüm qebapüköra mi kewö jim asariyök, “Nöñön Jisös möt nariba lömböt möta mökösoñda urukalem aka malal. Sesewerowero ak niñgigetka sihimbölö möta kapañ köla köhöiba kinal.”

Buk kiangö bahöñi bohonñi 5 mi kewö:

Keu mutukñi 1.1-2

Anutu möpöseiba Timoti qambañ wañgiyök 1.3-2.13

Goro aka galöm meme keu tosatñi 2.14-4.5

Pol öröm ureim ak wañgigetka malök 4.6-18

Kimbigö keu kötñi bohonñi 4.19-22

¹ Anutunöñ jitsihitñi jim kutuba Pol ni kunğum niñgiiga Kraist Jisösgö aposol akzal. Kraist Jisösbuk qekötahöba kininga malmal köhöikñi neñgimapkö keu jöhöyöhi, miangö Buña keuñi jim asarimamgöra melaim niñgiiga maljal.

² *Timoti göñön mötnaripkö wölböt nahöni akzan. Nöñön göbuk keu eraum möt-pitköra kimbi ki ohozal.

Iwi Anutu aka Kembunini Kraist Jisös, yetkөн mönö ak kömumba kalem möriam gihiyohotka luainöñ malman.

Polnön Timoti uruñi nañgöba keu jiyök.

³ Nöñgö ambösakonon Anutu welenñi qeba malgetka nöñön toroqeba nupñi membiga Anutunöñ “Dop kölja,” jiiga urukezapnan mewö mörakzal. Uruni sarakñi aiga Anutu möpöseimakzal. Möpöseiba sunğem asak köuluköba gi qösösök mötmörim gihimakzal.

⁴ Gömosötpiga sahötnöñga imbilgi eröhi, nöñön mi mötmöriba gekñamğö awöweñgöba kapañ kölakzal. Geka köisirik tatziga sösoñgainöñ uruni kokolak qemapköra mötzal.

⁵ *Göñön geñmoñ qahö öñña Jisös möt nariba maljani, keu mi urukönömne ahöiga mötmörimakzal. Mutuk abugi Lois aka namgi Yunis yetkөн uruñiri meleñnohotka mötnaripñiran ahuyök. Yetkö andöñire göñön mewöyök aka maljani, mewö möt narim köhöizal.

⁶ Miangöra ikmaok malbanbuköra keu kewö köl gulim gihizal: Nöñön mutuk böröni nöropke ala köuluköbiga Anutunöñ nup memegö mötmöt kalem gihiiiga uruge ahözawi, mi mönö mem gulinöñga köñöp bölam ewö köhöiba jeba qahö ilinğö alma. ⁷ Keu ki

* 1:2: Apo 16.1 * 1:5: Apo 16.1, 11; 1 Tim 2.7

mötmörinöy anök: Anutunöy Uña Töröñi mi zirinziyin aka qarösömbu mötpingöra qahöpmö, nanji kukösumgö Uñañi neñgiiga ölop uruninan jöpaköm anguba ahakmemenini törörök galöm köl anguba kinbin.

⁸ Miangöra Kembuninangö keunji nangöba jim sehimangö tanqan kude akjan. Mewö qahöpmö, mönö ni ewö aka malman. Nöñön Kembangö nupñi memba malbiga miangöra kösö mire al ningigetka tatzalmö, töndup nöngöra aka gamu kude möta malman. Mönö köhöiba ni ewö awösamkakak kinda urugö nup memba malman. Ölöwak Buñagöra aka angösirip ak gihibeak ewö, mönö miangö sihimbölöñi möta mökösonda bisiba malman. Anutunöy kukösum gihimakzawangö dop mi ölop nömbuk mohotje kapan köla bisiba malbit.

⁹ Anutunöy möpñangö möpñe Suep gölme qahö miwikñaim etkiba nalö miangöreñ neñgöra mötmöriba areñ kewö alök: Anutunöy Kraist Jisösgöra aka kalem möriam neñgima. Areñ mi ali ahöiga mala kota malgetka nini ahuin. Ahuinga Anutunöy nini yangö buñaji aka sarakñi malbingöra neñgohola amöt qem neñgiyök. Naninak yuai ölopñi ahinangöra aka qahö möwölöhöm neñgiba neñgoholökmö, nanji areñ walñi mi wuatangöba kinda neñgoholök. ¹⁰ Areñ walñi miangö ölni mi nalö kewöñe aukje asuhuyök. Amötqeqe Toninan asuhuba Anutugö kalem möriamñi mokom neñgiyök. Kraist Jisösnöy asuhuba kömupkö ösumñi qeba tulumgöi eriga Ölöwak Buñaji indeliga asariyök. Buña keu mi möt nariba ölop malmal kömbönañi miwikñai ba teteköñi qahö köhöiba mala nalö kunöy qahö kömum köhöibin.

¹¹ Anutunöy ni Ölöwak Buña jim asariba ambazip kusum enjimangöra kunyum ningiiga melaimelai azi aposol akzal. ¹² Aposol akzalangöra aka nupñi köhöiba membiga angösiripñi bisiba sihimbölö mörakzal. Suep Azi möt narim wangimakzali, nöñön yangö könañi ölop möt yaközal. Miangöra awösamkakak kinda gamuni qahö mörakzal. Qahö! Anutunöy möt narim ningiba Buña nupñi al ningiyöhangö dop ni galöm köl ningimapkö köhöiba malma. Mewö maliga nupñan qahö sohoba eriga mal öngöba nalö ketaje angotpin. Mewö möt narim köhöizal. ¹³ Mötnaripkö keu urunini möhamgömapkö köhöizawi, nöñön keu ölni mi kusum gihiba silik ölopñi kondel gihiba malal. Mi mönö uru könömge ala wuatangöba malman. Nini Kraist Jisösbuk mohot kininga jöpaköm neñgimazawi, göñön mönö urukalem miangö uruñe malman.

¹⁴ Anutunöy geke möt narim gihiba yuai ölopñi pakpak gihiga buñagi akzawi, miangön lolonqalon aka sohobapuköra mönö mi galöm memba malman. Uña Töröñan urunine kinda maljawi, mönö yangö kukösum qakje yuai ölni mi galöm kölnöñga kahaimök ahöma.

¹⁵ Eisia prowinsgö neñakurupni yeñön körek nömosöta andö nunguget, mi mötzan. Azi qetñiri Figelus aka Hermogenes yetkөн yeñgö sutñine maljahot. ¹⁶ Tosatñan nömosötketmö, Onesiforus yanñon qahö. Miangöra Kembu, gi mönö Onesiforusgö saiwaurupñi ak kömum enjinöñga malme. Azi miangön mönö nöngö tapepñangöra (mungamunga) sisit gamu qahö ak ningimazapmö, nalö gwötpuk miangöreñ köro-ölöwak qem ningiiga imbini böñjön kölök. ¹⁷ Onesiforusnöy Rom sitinöy ki kangota nalö miangöreñök nöngöra kapan köla jaruba mala miwikñaim ningiyök. ¹⁸ Yanñon mutuk Efesus sitinöy denöwö baukbauk ketani ketani aka mem amqem ningiba malöhi, mi nangak ölop möt kömuzan. Miangöra nalö ketaje Kembangö qöhöröñe angoringa Onesiforusnöy ak-kömukömugö töwañi miwikñaimapköra köuluközal. Mewö.

2

Kraist Jisösgöra mönö bim qeba malman.

¹ O mötnarip nahöni Timoti, gi mönö Kraist Jisösbuk qekötahöba kalem möriam uruñe böñ qeba köhöiba kinman. ² Nöñön Buña keu kusum gihibiga gwötpukñan neka nangöba jiget mötnöñi, mi ambazip möt narim enjiengigö dop akzei, mönö yeñgö buñaya ahömapköra al enjiman. Mewö al enjinöñga ahöi ölop ambazip tosatñi toroqeba kusum enjimeangö dop akje.

³ O Timoti, gi mönö Kraist Jisösbuk kinda yarö aziñi aködamunjangbuk aka kapan köla köhöikñanök bim qeba malman. Angösirip ak gihimei, miangö sihimbölöñi mönö möta mököşöñda bisiba malman. ⁴ Yarö azigö tandökñi kewö: Suahö galöm bohonñinan azi engömeiga yarö kambugö areññöñ angota anda kaba nup töp memba maljei, yeññön mönö körek galömñinan jim kutumakzawangö dop tem köla akingö jöjöröba kinje. Mewö kinda nanñini malmalgö nanğönanğögöra yuai kun qahö memba malje. Uru denqeq qahö malje.

⁵ Miangö dopkeuñi kun kewö: Mönahot angolat azinöñ aongitnöñ angota jimkutukutu galömgö keuñi ongita ösumñan lañ anjawi, yanğön mönö aködamunjangbuk qahö akña. Yanğö nöropñe luhut alalgö ila kun qahö kölgetka gema. Miangöra gi mönö diñdiñanök anman. ⁶ Mewöñanök kölkömöt azinöñ nup lömbötñi meiga öññi asuhuiga mutuk anda jeññi qeba neiga dop kölma. Tosatñan löwörigeri, yeññön yanğö andöñe kame. Gi mönö miangö dop köhöiba nup memba malman. ⁷ Keu ohozali, mi oyonñöñ lömböriiga Kembunöñ mönö mötkutukutu gihiiga mi pakpak ölop möt asariman. Miangöra mi mönö uru könömge ala mötmörriba malman.

⁸ Mönö Jisös Kraist mötmörriba malman. Nöññön Ölöwak Buña jim asarimakzali, Jisösnöñ keu miangö dop kiñ Deiwidkö gwölönarökña ahuba Amötqege Toñi aiga Anutunöñ mem gulii kömupñöhök wahörök.

⁹ Nöññön Ölöwak Buña keu kapan köla jim asariba angösiripkö sihimbölöñi mötpiga kegwek-kahasililiñ azi ewö köşö gwarö mem niñgigetka tatzal. Mewö tatzalmö, Anutugö Buña keuñi mi mönö qahö jöhöba gwaröhöget. ¹⁰ Könañi miangöra aka nöññön sihimbölö pakpak möta mököşöñda köhöiba kinjal. Anutunöñ ambazip nanğönanğöra möwölöhöm engiyöhi, nöññön mönö yeñğöra aka kapan köla bim qeba maljal. Kraist Jisösnöñ amöt qem engii yeññön mewöyök letota oyaenköyaen akñegöra mötztal. Uruñini meleyda malme ewö, mönö Suepkö asakmarararñöñ öngöba teteköñi qahö köhöiba mala mal öngöme. ¹¹ Keu ki mönö pöwöwöm köhöikñi akza,

“Nini urunini walñan yambuk mohotñe kömui maljin ewö, mönö mewöñanök yambuk köhöiba malbin.

¹² *Yambuk mohotñe sihimbölö möta mököşöñda maljin ewö, mönö mewöñanök yanğö bemtohoñ uruñe yambuk galömkölköl akin.

Nini i qañ köljin ewö, yanğön mönö mewöñanök qañ köl nengiba nengehöröñ kölma.

¹³ Nini andö qem wangginga likeññi meley nengimapkö keu jöhöi ahözawi, yanğön mi qeapkömamgö osima.

Mindiñqindiñ aka nanñi könañi utekömamgö qötötangömakza.

Miangöra peksek aka keunini pöndañ qahö wuatangöbin ewö, yanğön mönö töndup (misila) keuñi pöndañ wuatangöba miangö dop ak nengima.” Mewö.

Anutugö Buña nup azi kewö aka malman:

¹⁴ O Timoti, keu ki ölum engubapüköra mi mönö jim gulim engiba Anutugö jemesoholñe kewö jim kutum engiba malman: Mötnaripkö keu imbiñi imbiñi mi mönö meleyqeleñda möndömkösök kude akñe. Jitnakölik mönö qahöpmahöp bauköm nengimazapmö, tosatñan goranora keu mewöñi möta eñololoñ aketka mötnaripñinan sohoi ayuhubepuk. ¹⁵ Göññön mönö Buña nupkö esapesap könañi könañi mi luhut alnöñga Anutunöñ geke “Dop köljan,” jimapköra kapan köla kinman. Gi Kraistkö nupköra gamu kude möta malmanmö, Buña keu öññi mönö törörök mendeñda uruñini kuñgum engiba malman.

¹⁶ Gölmegö keu oyondewedewet omani omani mi mönö yakörriba andö qeman. Tosatñan mi sehiba jiba mala mewö miangön gölmegö angöjörakñe qekötahöba Anutu toroqeba nöñöñgan aka kahapmahap ahakze. ¹⁷ Uzi köhöikñi (qetñi kensö) miangön busu siribuk qem qariba yöhöba anakzawi, yeññön miangö dop keu omani jiba miangön ambazip mem bölim engimakze. Yeñğö kambunöñ azi yahöt qetñiri Himeneus aka

* 2:12: Mat 10.33; Luk 12.9

Filetus maljahot. ¹⁸ Yetkön keu ölnangö könani mosöta janjuu aka keu sinji kewö jimakzahot, “Urumelej ambazip nejön lök guliba wahöta maljin. Miangöra könangep kömupnöhök kunbuk qahö guliba wahötpin.” Mewö jiba tosatni enjololoj mem engiyohotka mötnaripninan bölimakza.

¹⁹ *Mewö bölimakzapmö, Anutunöj tandö pöwöwöm köhöikni kunguyöhi, mianjön mönö töndup qahö uruba kinja. Miangö muŋgemni mi kewö ohoget ahöza, “Kembunöj nanji buñani akzei, mi ölop möt kutum engiza.” Muŋgemni kun kewö, “Ambazip Kembangö qetji memba qetzei, yejön körek mönö ahakmeme bölöni qem yaköriba malme.”

²⁰ Miri ketani miangöreñ jout, kimbut, alnene, umnene könani könani ahöza. Tosatnan ipnöj aka gwaköm gölmenöj memeni, mi nalö dop memba nupnöj alakzin. Tosatnan goul aka silwönöj memeni. Aködamunjinambuk mewöni mi sösongai nalöneyök nupnöj alakzin. ²¹ Miangö dop kunjan keu omani mosöta nanji köl könjörat mem anguzawi, yanön mönö kimbut goulnöj memeni kun ewö akña. Tojan i memba nup aködamunjinambuknöj ali memakña. Mi meiga töhötmöriamnjambuk aiga Ketanamjan yangöra söngaimakña. Anutunöj mem sarahim wanjiiga titingitni kinda nup ölopni pakpak memangö jöjöröba kinma.

²² Sepguli malmalgö sihim kömbönañi bölönan galöm ak ghibapuköra mönö galöm mem anguba malman. (Nupkahö ölnan etpapuköra mi jizal.) Esapesapnöj öröm gihi-makzei, mi mönö qizingöba andö qeba malmal kewöni malmangöra kapañ köla malman: Ambazip uru saraknangö qakne Kembu bauküm engimapköra qerakzei, yembuk mönö ahakmeme diñdini wuatangöba Anutu törörök möt nariba ölna jöpaköm anguba luainöj malme.

²³ Tosatnan kezapjupjup keu jiba oyondewedewet ala jitnakölik aketka goranora angururuk asuhumakza, mi ölna mötzan. Miangöra mi mönö yaköriba andö qeba malman.

²⁴ Kembangö nup meme azi akzawañön mönö angururuk akñawañgö dop qahöpmö, ambazip körek guñböñjñjñjñ qakne ak engiba amqeba kusum engiba malma. Angösirip ak wanjiigetka mi köhöiba mökösongda malma. ²⁵ Tosatnan tuarenjoñ ak wanjiigetka i ölop uruluai qakne mutulanjöba mindingöm engimakña. Mewö ak engiiga Anutunöj uru mölöwörim engiiga ölop Buña keu möt kutuba uruñini melenbeak. ²⁶ Tuarenjoñ ambazip yejön Bölöni Tojanö mötöp simbanöj tötekögetka gwaröhöm engii jitni tem köla ahakze. Mewö aka imbiñini möta urumötmötñini ahuiga yangö kösönöhök lolohoba etpeak. Mewö.

3

Nalö teteköje malmal böliba angjöjöraknjambuk akña.

¹ Keu kötni ki mönö möt kutuba malman: Jisös kaka nalönan töriiga ambazip könanamninan böliiga teteköje malmal kanjamnjambuk kewö asuhuma: ² Ambazipnöj nanjinangörök mötmöriba moneñ yuai girinjabak membagan membingö nepaqepalok (gridi) köpösöngömakne. Silenini möpöseiba korua ewö ginginñini töröreiba söngöröqök mala uruqeke keu töhöreñ lañ jimakne. Iwinamñini yengö jitni qahö tem köla yuai ölopñangöra saiwap qahö jiba nemsep-pamsep (nem-hölölök) ahakne. Anutugö nesampurek nöñöngan ahakne.

³ “Nanji lömböra,” jiba wösö mötmöt qahö ahakne. Tosatni yengö sinjisöndokñini qahö mosöta miangö urubölöni bisimakne. Andöqeke keu yöhösañ jiba nanjini qahö galöm köl anguba ambazip lapköba öröm ureim ak engimakne. Ahakmeme ölopni tököba miangö ölan engöhömakña.

⁴ Mamalolo aka nanjini imbi-imbi wuatangöba jaubatbat ahakne. Söngöröqök mala jakbak-örañbörañnöj uruñini uwutapköiga urukönöp ahakne. Silegö sihim sösongaininangöra gwötpuk ak engiiga Anutugöra mötket eretni aiga göragöra ahakne.

* 2:19: Janj 16.5

⁵ Anutugö Buja nup bahösapsap bisiba silebile memba Sonda arej laj wuatangöba möndömakzemö, ahakmemeninan Anutugö kukösumñi mi je köndat qeba qarj kölakze. Ambazip mewöñi mi mönö jabö ala qizingöba andö enguba malman. ⁶ Yengöreñök tosatñan laj liliköba ambazip miriñine öngöba kelök keunöñ uruqeçe mem engiba kezapñini kumbaumakze. Kumbaugetka ambi tosatñan löwöriba yengöreñ qekötahömakze. Ambi siñgisöndokñinañgö gamugöra et enguiga sihim kömbönañini könañi könañi mienjön yeyaseñsej mem engigetka siksauk akzei, yeñön i bawian mönera aka köpeim engigetka keu mötöpñine et engumakza.

⁷ Ambi mewöñi mienjön möt lömböriba sundan keu kusum engimegö möndöba mörakzemö, Buja keu öljangö könañi mi nalö dop möt kutubingö osimakze. ⁸ *Ijpt kantrigö tirip qözölqözöl azi qetñiri Janes aka Jambres yetkön Moses tuarenjor ak wangiyohot. Takapulaka ambazip yeñön mietkö dop Buja öljangö tuarenjor ahakze. Ambazip mewöñi yengö mötmötñinan sohoiga kahapmahap akzei, mienjön Anutunöñ mötnaripñini esapköi et enguiga Kembubuk kinkinñinan söreima.

⁹ Nalö töröpñi sileñini memba öngömemö, nupñinañgö öljö mi nalö qahö köriiga pömsöm qema. Ijpt azi yetkö könañamñiran aukñe asuhuyöhi, yengö uruqahöpñinañgö könañan mönö miangö dop aukñe asuhui ambazip körekñan ek asarime. Mewö.

Polgöreñ jimkutukutu keu teteköñi

¹⁰ Yengöreñ mewö asuhumapmö, nöñön malmalnañgö tohotñi murutñi kunguba arej alal. Ambazip Buja keu kusum engiba ahakmemeni aka memba malali, göñön mi lök eka möt kömuzan. Malmalnañgö tohotñi wuatangöba mötnaripkö kölguliguli pöndañ memba sihimbölo mökösoñda malali, miangö kösohotñi jiba jigetka möt sölöngözan. Urumelej alaurup urunan jöpaköm engiba malal. Tuarenjor angösirip ak ningigetka miangöreñ kapañ köla köhöiba kinda malal. ¹¹ *Sesewerowo kahasililiñ könañi könañi ak ningiba malgeri, mi mötzan. Antiokia, Aikoniam aka Listra taon karöbut miangöreñ sihimbölo nöñgö qakne öngöiga wahöjaliliñ mörali, mi yuai kanjamñambuk ahök. Iwinangö jitñi! Angösirip mökösoñda bisiba malalmö, Kembunöñ mi pakpak miangöreñök meköm ningiyök.

¹² Keu ki mötnöñ: Ambazip Kraist Jisösbuk mohot kinda malmal köhöikñi mala miangö kölguliguliliñ akingö mötzei, yeñön körek sesewerowo miwikñaime. Ni angösirip ak ningiget ewö, tosatñi iñini mewöyök ak engime. ¹³ Tirip qözölqözöl ambazip bölöñi Buja nup silesile memba öñömböböp akzei, yeñön toroqeba bölimqölimakñe. Yeñön ambazip tosatñi tilipköm engiba nanñini mewöyök tilipköm anguba malme.

¹⁴ Yeñön mewö malmemö, Timoti gi Buja keu öljö möta uru könömge ala möt narim köhöizani, mönö miangöreñ toroqeba böñ qeba kin köhöiba malman. Denike yeñön kusum gihigeri, göñön yengö könañamñini möt kutuzan. I möt narim engizanañgöra mönö Buja keu töp memba kude söroäraba mosötman. ¹⁵ Urumeleñgö Buja Kimbi Töröñi mi morökötkeyök möt sölöngöba mala kotzan. Göñön mönö mi oyoñda mötmörinöñga mötkutukutugi asariiga miangö qakñe kinda Amötqeçe Toñangö könañi möt asariman. Mi möt asariba Kraist Jisös möt narim wanginöñga amöt qem gihiiga toroqeba letota malman.

¹⁶ Anutunöñ Buja Kimbigö keuñi pakpak mi ambazip tosatñi sölölohöm engii ohogetka kewö mem ölöwak neñgimapköra aka ahöza: Mi oyoñninga Anutunöñ urunine sölölohöba köna öljö kusum neñgiba bölöñamñinañgöra tembula jim neñgiba mindingöm neñgimakza aka malmal solanñi malbingöra goro neñgiba kölgulim neñgimakza. ¹⁷ Anutugö ambazip neñön mi oyoñda kölguliba Anutu jitñangö dop köhöiba aködamininambuk aka nup ölöpñi pakpak membingö jöjöröba malbin. Mewö.

4

Polnöñ nupñi undumñi Timotigö qakñe alök.

* 3:8: Eks 7.11 * 3:11: Apo 13.14-52; 14.1-20

¹ Kiŋ Kembunini Kraist Jisösnöŋ asuhuba jebuk malbini me kömumba ahöbini, neŋgö keunini kewöta jim teköba tosatŋi nini bemtohoŋe ala galöm köl neŋgima. Nöŋön Jisös mi aka Anutu yetkö jemesoholŋire kinda gi urugö nup memangöra jim kutum gihizal. Mi wuatangömangö jiba keu mi jöjöpaj keunöŋ jöhönöŋga mötpi dop kölma.

² Kewö jim kutum gihizal: Göŋön Buja keu jiba ambazip uru kuŋgum enŋgiba malman. Mötmegö nalöŋini dop köl enŋgiza me qahö dop köl enŋgiza, mönö töndup kapaj köla wahöta keu jim asariba malman. Ambazip bölöŋamŋinaŋgöra jim enŋgiba mindiŋqindiŋ aka galöm meme keu jiba uruwahöt keu enŋgiba malman. Keu mötme me qahö mötmea kun, mi töndup mönö mökösoŋda kinda köna öŋji nalö dop kusum enŋgiba malman.

³ Neŋön mötnaripkö keu nalö kewöŋe ambazip ölöwakŋegöra kusum enŋgimakzinmö, nalö murutŋi kun kam kuŋguiga miangöreŋ mötnaripkö keu kempaŋi kun mötpepuköra tököba kezapŋini gwözöŋ akŋe. Keu murutŋi murutŋi mötpingö kezapŋini köröpŋi köröpŋi aka aziŋa azi sesegilgil öröm enŋgigetka kaba ambazip keu i me wai mötpingö sihimŋi mötzei, miangö dop kusum enŋgigetka malme.

⁴ Mewö mala Buja keu öŋji mötpinbuköra nöŋöŋgan aka kezapŋini gwözöŋda bem sambanŋi sambanŋi laŋ jiji jimakzeangöreŋ göröken melenŋda mi kezap ala möta malme.

⁵ Malmal mewö me mewö uteköba asuhumawi, Timoti gi mönö töndup böŋ qeba zeŋ kinda ahakmemegi törörök galöm köl aŋguba malman. Aŋgösirip ak gihimei, miangö sihibölöŋi mönö mökösoŋda bisiba malman. Urukunŋukunŋu (ewanjelis) azigö nup areŋ mi körek dop köla mem teköman.

⁶ Nalö köröpŋi bauköm gihimamgö osimamaŋgöra mewö jizal. Tandö lopioŋ möpö-seibingöra sömbup qeba jakenöŋ ala ohogetka köwaknöŋ öŋgözapma. Miangö dop nöŋön malmalni Anutugöra ala köleŋda nupŋi memba malalaŋgöra gawman yeŋön keuni jöhöba nuŋgugetka nani seŋni mokomamgö dopdowizal. Göŋme ki mosötmami, miangö nalöŋan lök kam kuŋgumamgö dopdowiiga mötzal.

⁷ Mönahot aŋgolat azinöŋ ösumtiti aonŋit nalöŋe luhut almamgöra ösumŋi pakpak qezaköba tiba anjawi, nöŋön miangö dop mötnarip köl guliba aonŋit aködamunŋambuk ak teközal. Kraist möt narimamgö keu jim jöhöyali, mi qahö köyatiba qaŋ kölalmö, miangö bimŋi mönö pöndaŋ köhöiba qeba malal.

⁸ Kembunöŋ jimtekötekö Toŋi diŋdiŋi aka malmalni kewöta solanŋi aka malali, miangö ila soromŋi mi jim teköm niŋgiiga nöŋgö mamböt ahöza. Kembunöŋ lilingöba kamawi, nalö miangöreŋ mi niŋgiba imbine köli geiga qetbuŋanambuk akŋam. Mi nöŋgörök qahö niŋgimapmö, ambazip jöpaköm waŋgiba kunbuk asuhumapkö al mam-börakzei, mi yeŋgö imbiŋine mewöyök köli gem enŋgima. Mewö.

Neŋakurupnan nömosöta qeŋgalaŋga kölget.

⁹⁻¹⁰ *Nalö kewöŋe gölmeŋgö ahakmeme aka memakzei, neŋakni Demas yaŋön uruŋi miangöreŋ jöhöba nömosöta Tesalonaika sitinöŋ anök. Neŋakni Kresens yaŋön Galesia prowinsnöŋ anök. Taitusnöŋ Dalmesia gölmenöŋ anök. Miangöra gi mönö zilaŋ nöŋgöreŋ kamamgö kapaj kölman. ¹¹ *Luk yaŋön nanŋök nömbuk maljit. Maknöŋ welen qem niŋgimapköra gwötpuk möta yaŋgöra osizal. Miangöra Mak waŋgita mohotŋe kamahot. ¹² *Neŋakni Tikikus melaim waŋgibiga Efesus sitinöŋ anök. ¹³ Troas taonöŋ mala malukuni azi qetŋi Karpus yaŋgö mire mosörali, mönö mi memba kaman. Mewöyök kulem lama sileŋe ohoba lipiŋgeri, nöŋgöreŋ lama sile mi mönö kapaj köla meman aka miangö andöŋe buk tosatŋi mi mohotŋe memba kaman.

¹⁴ *Aleksander, silwö kopö ohom qeköqekötahö azi mötzani, yaŋön bölöŋi könaŋi könaŋi gwötpuk ak niŋgiba malök. Kembunöŋ ahakmemenŋi kewöta miangö dop likepŋi melenŋ waŋgiiga qakŋe öŋgöi sihibölö mötmawi, mi mötzal. ¹⁵ Yaŋön keuninaŋgöra

* 4:9-10: Kol 4.14; Flm 24; 2 Kor 8.23; Gal 2.3; Tai 1.4

* 4:11: Kol 4.14; Flm 24; Apo 12.12, 25; 13.13; 15.37-39; Kol

4.10 * 4:12: Apo 20.4; Ef 6.21-22; Kol 4.7-8; Apo 20.6

* 4:14: 1 Tim 1.20; Sum 62.12; Rom 2.6

gwötpuk tuarenjon ak nenjiba malök. Miangöra gi mewöyök mönö yangöra galöm mem anguba malman.

¹⁶ Indim mutukni kutukutulan keu jake bohonne al ningigetka keuni likepni jibiga kunjan kun qahö kaba ni nangöm ningiba jiyökmö, alaurup pakpak yejon buratiba nömosötket. Anutunön singisöndokni miangö likepni qakjine albpuköra köuluközal.

¹⁷ Yejon nömosötketmö, Kembunön bauköm ningiyök. Nöjon Buja keu jiba ambazip uru kungum engiba nup mi körek mem tekömangöra aka mem köhöim ningiyök. Kantri pakpak yejon Buja mi mötmegöra möta bauköm ningiba laion sömbup kalji yengö numbujiine gil ningibepukö angön köla jitjineyök meköm ningiiga eral.

¹⁸ Kembunön bölöni könani könani mem ningibepuköra meköm ningiiga ölop Suep bemtohojangö uruñe eu öngömam. Kembugö qetji mönö sundan möpöseininga nalö teteköni qahö aködamunjangbuk aka ahöba öngöma. Keu mi ölja.

Yaizözkök keu teteköni

¹⁹ *Gi mönö nöngö yaizözkökni Prisila aka apni Aqila yetköra aka Onesiforusgö saiwaurupni yengöra jinön mötme. ²⁰ *Nejakni Erastus mosötpiga Korint sitinön malja. Trofimius i Miletus sitinön mosötpiga kawöl yöhöi ahöza. ²¹ Miangöra kömunjan kie uru nalö qahö kaiga mönö bapne kiangörej nöngörej kamangö kapan kölman. Azi qetjini Yubulus, Pudens, Linus, Klodia aka urumelen alaurup pakpak yejon yaizözkökni jiba algetka göhörej kaza.

²² O Timoti, Kembunön uñagi kötuetköba göbuk kinma.

Anutugö kalem möriamnan mönö embuk ahöma. Mewö.

* 4:19: Apo 18.2; 2 Tim 1.16-17 * 4:20: Apo 19.22; Rom 16.23; Apo 20.4; 21.29

Taitusgö Kimbi Polnön Taitusgöra Kimbi alök. Jim-asa-asari

Azi gwabö qetji Taitus yañon uruñi melenđa Polbuk örörön jöhöba bauköba misin nup meyohot. Mema köwet sutje gölme jölanji qetji Krit (Arete) miangörej malohotka Polnön kemañe kutuba alabaukñi mosöriga zioz nup arengöba ek kewöta galöm kölok. Polnön mosöta anda yañgöra köuluköba mala Buña Kimbi ki ohoyök.

Krit mi keu Grik miambuk mindiribanbuk. Krit mi köwet sutje gölme jölanji kun aka Grik (Greece) mi kantri kun.

Polnön Taitusgöra waimañat karöbut möta qamañ keu kewö ohom wañgiyök: Krit yeñgö könañini mi goñgim teköi baunam jegömöl aka malget. Tosatñan uruñini melengetka malmalñinan diñgiyöhi, yeñon kunbuk bölibepuk. Miangöra yeñgö jitñe-memeñinan silik ölop kötokñi kondela köuluk aka Baiböl stadi nup qahö mosöta kambuñini mindiñgöba malmegöra jiza. Uru melenget yeñgö sutñine kambu morömorö mi denöwö mindiñgöba kusum enggiba malme? Azi namñi, ambi namñi, ambi seram, azi gwabö aka welenqege yeñgö goro keuñini mi nanjök nanjök kewö jim asariza, “Uruñini melenđa Buña keu wuatangöba luainön mala ketañi yeñgö keu bapñe anda jegep uruk nup ölopñanök memba kinda julbepuköra kazik angururuk mosöta malme.”

Buk kiangö bahöñi bohonñi 5 mi kewö:

Polnön aposol nupñangö könañi jiza 1.1-4

Anutugö jitñememe yeñgö goro keuñini 1.5-16

Ambazip kambu morömorö yeñgö goro keuñini 2.1-15

Urukunğukunğungu aka galöm meme keu 3.1-11

Yaizökzök aka keu teteköñi tosatañi 3.12-15

Polnön aposol nupñangö könañi jiza.

¹ Anutunön ambazip möwölöhöm enggiyöhi, engö mötnariñinan asuhuba qarimapköra aka Jisös Kraistnön Pol ni melaim niñgiiga yañgö aposolñi akzal.

Nöñon Anutu welenñi qeba keu ölni kusum enggimakzal. Keu ölni mi möt kutuba köलगulime ewö, engö malmalñinan mönö uteköba letorakña. Miangöra kimbi ki ohozal.

² Anutunön keu muneñi jimawañgö dop qahö yañon möpñangö möpñe malmal köhöikñi neñgimamgö jim jöhöba miangö andöñe yuai pakpak miwikñaiyök. Eñon keu ölni möt kutuba möt narigetka miangön mönö nam köलगenggiiga malmal köhöikñe angot-piñgöra al mamböta jörömqöröm ahakze. ³ Anutu, Amötqege Toninan oyaenjkoyaengö keuñi jim jöhöba miangö nalöñi diñdiñi ali kam kunğuga miangörej Buña keuñi indela mi jim sehibingö jimkutukutuñi alök. Miangö dop mi jim asarigetka Anutunön nöñon mi jim sehimamgö möt narim niñgiba kunğum niñgiyök.

⁴ *O mötnariñ nahön sorokni Taitus! Nöñon bauköm gihibi urugi melenđa alabaukni aka mohotñe Kembu möt nariba maljit.

Iwi Anutu aka nanini Amötqege Tonini Jisös Kraist yetkön mönö kalem möriam gihiyohotka luainön malman.

Galöm jitñememe yeñgörej keu areñ

⁵ Köwet jölanji Krit (Crete) miangörej mohotñe misin nup memba kemañe gö-mosötmañgö aka kewö jim kutum gihial, “Uruñini melenget yeñon ilingösön lañ maljei, i mönö arengöm enggiba (pasta aka) jitñe memeñini miri taon dop kunğuba kusum enginönğa areñnambuk zioz nup memba malme.” Mewö jiba deñnit.

* 1:4; 2 Kor 8.23; Gal 2.3; 2 Tim 4.10

⁶ *Urujini meleyeri, yengö sutjineyök azi kewöri möwölöhöman: Kungö sileje pinjtkö keuji qahö, anömri mohok-kun memba mali nahönböratuupjan urujini meleyda Anutu möt nariba yangisej kezapjupjup silikö keu silejine qahö ala jim engimakze.

⁷ Urumelej könagesögö ketanjani pasto (bisop)* yanön Anutugö könagesö galöm köl engimakjawi, miangöra mönö azi kewöri kunguman: Kungö sileje pinjtkö keuji qahö, jakbak-örajböraj qahö aka urupik qahö. O köhöikni qahö memba bim laj qahö qeba möndömöndö qakje injarere mala monej yuaigöra qahö kapan kölakza. ⁸ Yangöreñ kamei, i ölop köl öröba köyan köl engiba keu ahakmeme ölopñangö sihimni möta uruji miangöreñ ala malma. Kilik-kaluk kekpurikni qahö, keu pakpak diñdjanök kewöta sarakni töröri qainni kun aka nanji ahakmemeñi törörök galöm köl angumakja.

⁹ Buja keu kusum neñgetka tandö söran ewö malmal töngumangöra ahözawi, pastonöñ mi mönö töp memba miangöreñ qekötahöba kinma. Mewö kinda ölop Buja Kimbigö dop mötnaripkö keu kembang kembang ambazip kusum engiba miangön urujini kungumakja aka tosatjan Buja keu möwöramgöba qetalakjei, yengö keujini gonjonji ölop qeapköba mindingömakja. Mewö.

Böhi takapulakani mönö qetal engime.

¹⁰ Ambazip gwötpukjan keu qetala kezapjupjup aka sesekjai ewö keu sinji sinji jiba ambazip tilipköm engimakze. Anutugö aiwesökni silejine yandigeri, yengö kambunöhök ambazip jesöngöñan mewö ahakze.

¹¹ Ambazip mewö miengö keujini mönö qömbököme. Yenön Buja keu kusum engibingö möndöba monej yuainni öröbingö möta kösawöraj keu laj jigetka gamuñambuk ahakza. Mewö aka saiwa tosatji lök körekjanök mem sohom engigetka enololon aket. ¹² Krit nanjine kezapqetok azi kunjan aiakanjanangöra kewö jiba ohoyök, “Krit ambazipnön mönö nalö dop keu monej jiba injarere qölmö mala ubibi kömböt ewö lilikqilik aka bau numbu nemakze.” ¹³ Yengöra keu mewö nangöba jiyöhi, miangön mönö ölna. Miangöra kawöljinan qahöwahi mötnaripjanan asuhuba öljambuk akñapköra i mönö köhöikjanök terengöba jim engimakjan.

¹⁴ Mötnaripjanan öljambuk aiga Juda neñgö bem sambanini aka ambazip keu ölni siñgiba jimkutukutu alakzei, keu mewö miangö kezap kude alme. ¹⁵ Urunini meleyninga Uja Töröñan köl könjorat ak neñgiiga sarakni akzini, neñgöra nene kungö dönqizizinni qahö ahöza. Neñön nene pakpak ölop nembinanangö dop akzapmö, qewölon ambazip keu öljangö yangisej ahakzei, yenön i me wai aketka urujinan töndup tölohokakza. Urunjan kölköljinjambuk aiga urujinanangö kezapjan duhui mönö bau jegömöl tandök malje.

¹⁶ Yenön “Anutugö könani möt yaközin,” jitjanan mewö jigetka aiakanjanan mi qanj köla qeapkömakze. Mewö aka Anutugö keuji qetalgetka imbilonlon möt engiiga ahakmeme ölopni kun memeangö dop qahö akze. Mewö.

2

Ambazip ketani yengö qamban keu

¹ Göñön mewö qahö maljanangöra mönö mötnaripkö keu kembang kembang mi Buja Kimbigö dop kewö kusum engimakjan: ² Azi namni yenön mönö kilik-kalukjini qahö malgetka göda qem engibinanangö dop akje. Nanjini ahakmemeñini törörök galöm köl angugetka mötnaripjanangö kawöljinan qahöwahi ölni urukalem asuhumakja. Ölni asuhui ambazip törörök jöpaköm engiba malme aka kapan köla böñ qeba kinme. Mewö malmegöra kusum engimakjan.

* 1:6: 1 Tim 3.2-7 * 1:7: ouwösiö, zioz paris lida, bisop, nup meme bohonji yanön qet ketani öne qahö bisimapmö, paris kambu-urupji yengöra köuluköba kusum engiba urujini kunguba nupñinanangö arejini engiba goro qamban qakje galöm köla mindingöm engimakja.

³ Ambi namñi yeñön mewöyök Anutugörej ambi sarakñi yeñgö dop ahakmemerjini aka memba malme. Andöqeçe keu yöhösañ kude ahakñe. Wain o gwötpuk nemegö mötöp simbañe kude aᅅgota qaköme. Urumelej ahakmemegö silikñi ölöpnji kondela tosatñi kusum engimakñe.

⁴ Mewö aka mala ambi nembö bapñine maljei, yeñgöra ölöp goro enggiba malgetka yeñön mewöyök apmoröurupñini urukönömñinan jöpaköm enggiba malme. ⁵ Jöpaköm enggiba nanñini ahakmemerjini törörök galöm köl aᅅguba sarakñi aka mirigö nupñini nem qerak aka nöñgöp törön qakñe memba apmoröurupñini köyan köl enggiba apurupñinañgö keu bapñe anda kötöngöm engimakñe. Mewö kusum engigetka aka memba malgetka tosatñan Anutugö Buña keu mi mepaiköba ilitnöñ albingö osime. Mewö.

Azi gwabö aka welenqeçe yeñgö qambañ keuñini

⁶ Azi gwabö yeñgö uruñini mewöyök kewö kuᅅgum engimakñan: Yeñön mönö ölöpnjañgö oyankasak mala nanñini ahakmemerjini törörök galöm köl aᅅgumakñe.

⁷ Uruñini mewö kuᅅgum enggiba nangak ahakmeme pakpak miangöreñ silik ölöpnji kondel enggiba malman. Mönö geñmoñ qahö böñ qeba kinda tañörakñi qahö kusum engimakñan. ⁸ Keu mötsihimñambuk jiba malnöñga ambazipnöñ mepaiköba memba et al gihibingö osime. Mewö jiba malnöñga tuarenjoñurupñinan keu bölöñi jim neñgibingö keu jaruba ölnji qahö miwikñaiba gamuñini mötme. Mewö kusum engimakñan.

⁹ Welenqeçeurup mi kewö kusum engimakñan: Yeñön ketañamñini yeñgö keuñini pakpak tem köla keu bapñe anda malme. Sösöñgai ak enggibingö kapañ köla kinme. Keu jimei, mi nesilam qakñan kude meleñ engimakñe. ¹⁰ Ketañamñinañgö mireyök yuai mohot-hök yahöt-hök mi ölöñ kude memakñemö, ketañamñinan engeka möt narim engimakñapköra mönö kapañ köla kinme. Nupñini pakpak mönö geñmoñi qahö pöndañ memba malme. Mewö mala Anutu Amötqeçe Toninañgö Buña keu kusum engimakzei, mi kötön kölgetka ölnji ahui nahömñambuk ahakña. Mewö.

Malmal sarakñañgö nam köipitñi mi kalem möriam.

¹¹ Malmal sarakñañgö nam köipitñi kewö: Anutunöñ ambazip körek amöt qem neñgimapköra aka kalem möriamñi indeli gölme dop asuhuyök. ¹² Kalem möriam mianñön mönö kopa aᅅgöjörak malmalgöra “Qahö,” jibingö köna kondela gölmegö sihim kömböñañi bölöñi qömbököbingöra köl kusuba mindingöm neñgimakza. Ahakmemenini törörök galöm köl aᅅguba keu pakpak diñdiñanök kewöta malbingöra köl gulim neñgimakza. Mewö mianñön Anutugö malmal köhöikñi mi nalö kewöñe köl guliba gölmenöñ malbin.

¹³ Mewö malinga Jisös Kraistnöñ kunbuk kamawi, nini nalö miangöreñ Anutu qetbuñañambuk aka Amötqeçe Tonini yetkö asakmararañiri asuhuiğa ekin. Nini oyaenköy-aen nalöñi mi kam kuᅅgumapköra jörömqröm al mamböt aka maljin.

¹⁴ *Jisös Kraistnöñ mönö neñgöra aka nanñi malmalñi köleñda mosörök. Nini ahakmeme bölöñi köñañi köñañi miangöreñök meköm neñgiba sohopenini memamgö möta köl köñjorat ak neñgiba nanñi buñañi sarakñi akingöra aka malmalñi köleñda mosörök. Mi mosöta qewöloñnini sañgoñniga nanñi könagesöñi aka ölöp nup ölöpnji ölöpnji membingö urukönöp aka jöjörömakin.

¹⁵ Miangö keuñi mönö kusum enggiba ambazip uruñini nañgöba köna siñgimei, mi kukösüm pakpakö qakñe tembula jim engimakñan. Mewö aknöñga kunñan jijiwilit ak ghibapuköra galöm mem aᅅguba malman. Mewö.

3

Urumelej eññön mönö silik kewö aka memba malme:

¹ Kusum enggiba keu ki mönö köl gulim enñinöñga ölöp urukönömñine ala mötmörime: Urumelej könagesö yeñön mönö kiap gawman aka ketañamñini tosatñi yeñgö keu

* 2:14: Sum 130.8; Eks 19.5; Dut 4.20; 7.6; 14.2; 1 Pitö 2.9

baņņine anda keuņini tem kōla malme. Mindimindiri nup ölöņņi memegōra jigetka mi pakpak mōnō jōjōrōba memakņe. ² Uruqeqe keu tōhöreņ mi kungōra kude jim waņgime. Aņgururuk kude akņemō, ala ak aņguba urumohot malmegōra kinme. Ambazip pakpak mi guņbōņjōņjōņ pakpak ak eņgiba uruluai qakņe mutulaņgōm aņguba malme. Mewō.

³ Nini mewōyōk mutuk uruqahō mala qequetal aka jaņjuņ malin. Sihim kōmbōnaņņini bōlöņi kōnaņi kōnaņi miēņgō mōtōp simbaņe qakōinga galōm kōl neņgigetka silegō sihim sōsōņgaiņi laņ jarubingōra malin. Kōrōgisigisi qakņe kegwek-kahasiliļiņ aka miāņgōreņ malmalnini ayuhuba malin. Tosatņan imbilōņloņ mōta kazik ak neņgigetka sutnine urukerōk ak aņguba malin.

⁴ Mewō malinmō, Anutu Amōtqeqe Toninan ahakmemēņi ölöņņi kōleņda indeliga urukalemņan asuhum tiņgiriga kōtala uruņan jōpakōm neņgiyōk. ⁵ Jōpakōm neņgiba bohonini jōhöba amōt qem neņgiyōk. Naninak diņdiņi mala nup ölöņņi ölöņņi memba malbinahi, miāņgōra aka qahō neņgehoriyōk. Miāņgōra qahōpmō, naņņi ak-kōmukōmuņan mōnō nam kōl waņgiiga siņgisōndoknini saņgoņņiga ahuahu dōlöķņi ahuinga Uņaņi Tōrōņi urunine aliga kōlöņaim neņgiyōk. ⁶ Anutunōņ amōt qem neņgiba Amōtqeqe Tonini Jisōs Kraistkōra jiiga Uņa Tōrōņi melaiba keleņmaleleņ mokoiga urunine geiga maljin.

⁷ Anutugō kalem mōriamņan nam kōl waņgiiga keunini jim tekōi solanibingōra aka Uņa Tōrōņan urunine geiga kōlöņainin. Kōlöņaiba kinda oyaeņkoyaeņ malmal tetekōņi qahō malbingō jōrōmqōrōm al mambōt akzini, mi ölöp buņa qem aņgubin. Mewō.

⁸ Keu ohozali, miāņōn öl tōhöņņa. Gōņōn mōnō keu kewō kapaņ kōla jim tuarim eņgiba malman: Ambazip Anutu mōt narizei, yeņōn mōnō jegep aka kinda uruņini pōndaņ nup ölöņņi ölöņņi memegōra ala malme. Mewō akņei, miāņōn mōnō ambazip baukōm eņgiiga nupņinaņgō öļņi eka “Qetpuk!” jiba malme. ⁹ Tosatņan uruqahō keu aka ambōsakon yeņgō qet areņi areņi eraum mōtketka goranora aņgururuk asuhumakzawi, gōņōn mōnō mi yakōriba andō qeman. Mewōyōk Mosesnōņ Kōna keu neņgiyōhi, tosatņan keu mohot mohot miāņgōra mōndōmkōsōk aketka supapkōiga sohomakza. Jitnakōlik mewōņi mi yuai omaņi tōhöņ aka qahōpmahōp baukōm eņgimakza. Miāņgōra mi mōnō andō qeba mosōtman.

¹⁰ Kunņan keu mewō jim örōba miāņōn urujujul mem eņgimakzawi, i mōnō galōm meme keu jim waņģinōņga qahō tem kōliņa kunbuk jim waņģinōņga yahōt aiga tōndup yaņģiseņ akņa ewō, i mōnō kōzōlnōņga urumeleņ kambu mosōta yaigepņe malma. ¹¹ Yaņgō kōnaņi kewō ahōi mōt yakōzan: Yaņōn kōna siņģiba öņōmbōbōp kōla lolōņqaloņ aka siņģisōndok ahakmeme ahakza. Siņģisōndokņi miāņōn mōnō kōnaņi kondeli sohom tekōi Anutunōņ keuņi jim tekōi kōnōp siagō buņaya akņa. Mewō.

Yaizōkzōk keu tetekōņi

¹² *Ni kōmunjaņ kie uru nalō ki siti qetņi Nikopolis Grik miāņgōreņ mōsōhöba malmamgō mōtzal. Miāņgōra Artemas me Tikikus salupke malmapkōra melaibi gōhöreņ kaņgotmawi, nalō miāņgōreņ mōnō nalō kude qem kōrimanmō, zilaņ mosōta Nikopolis kaba miwikņaim niņģiman. ¹³ *Kōna keugō mōtmōt azi (loya) qetņi Zenas aka Apolos yetkōn yuai kungōra osiba mōzōqōzōrōņ aka Krit miāņgōreņ qakōba tatpahotpuk. Miāņgōra mōnō kapaņ kōla örōyuai tosatņan dopņire naņģōm etkinōņga ölöp toroqeba anmahot. ¹⁴ Alaurupņinan mōnō nup ölöņņi ölöņņi memegō kōnaņi mōt sorokōba pōndaņ jegep aka zeņ kinda uruņini miāņgōreņ ala malme. Mewō aketka tosatņan lömbōt keta bōlöķņi saņgabaņga miwikņaimi, i ölöp naņģōm eņgimakņe. Mōtnaripkō öļņi mewō ahuiga malmal gilipitņi (ambetakņi) önewat qahō malme.

¹⁵ Nōmbuk ki maljei, yeņōn kōrek yaizōkzōkņini jigetka gōhöreņ kaza. Gōņōn alaurupņini Krit miāņgōreņ Kembu mōt nariba uruņinan jōpakōm neņgimakzei, yeņgōra mōnō nōņgō yaizōkzōkni jinōņga mōtme.

Kalem mōriamnōņ mōnō kōrek embuk ahōma.

* 3:12: Apo 20.4; Ef 6.21-22; Kol 4.7-8; 2 Tim 4.12 * 3:13: Apo 18.24; 1 Kor 16.12

Filemongö Kimbi Polnön Filemongöra Kimbi alök. Jim-asa-asari

Azi öngöngöni Filemon mi Kolosi sitinön mala uruji meleyda zioz nup memba welenqeqeni qetji Onesimus galöm köliga töndup unjurata Rom sitinön anök. Miangöreñ anda Polbuk mutulañgöba keuji möta uruji meleyda Polbuk Buña nup meyohot. Polnön kösö mire tata Onesimus toñangöra Kimbi ki ohoba böröñe ala melaiiga Kolosi lilingöyök. Kimbi kiangöreñ uruji meleyhöni, miangö buzupñi indela Filemon uruji kewö kuñguyök: “Gi mönö welenqeqegahö pinjitñi mosöta yambuk urumohok aka köl öröm wañginöñga urumelen alagi ewö qöhöröñge kiniga yañgöra söñgaiba malman.” Buk kiangö bahöñi bohonñi 4 mi kewö:

Keu mutukñi 1-3

Polnön Filemon möpöseiza 4-7

Onesimusgöra Filemongö uruji kuñguyök 8-22

Kimbigö keu kötñi bohonñi 23-25

¹ O wölböt alani aka neñakni Filemon!

Pol nönön Jisös Kraistkö nupñi memakzalañgöra aka gwaröhöm niñgigetka kösö mire tatzal. Urumelen alani Timoti yañön nömbuk tariga nönön göbuk keu eraum mötpitköra kimbi ki ohozal.

² *Mewöyök ambi ketarñi urumelen nenini Apia aka Arkipus urumelenjö bimqeqe azinini aka urumelen könagesö göhö mire tokomakzei, nönön kimbi ki engöra ohozal.

³ Anutu Iwinini aka Kembu Jisös Kraist yetkөн kalem möriam enñiyohotka luainön malme.

Filemongö urukalemñangöra möpöseiza.

⁴ Nönön nalö dop köuluköba gi mötmörim gihimakzalañgö dop kewögöra Anutuni saiwap jim wañgimakzal: ⁵ Gi Kembu Jisös möt nariba jöpaköm wañgiba Anutugö ambazip sarakñi pakpak jöpaköba urukalem ak engiba maljan.

⁶ Saiwap jiba kewö köulukömakzal: Mötnaripkan mönö köhöiba pöwöwöm aiga ölop qöhöröñnine kinda nembuk mötnaripkö keuji jim sehiba malman. Mewö Kraistpuk qekötahöba kininga kalem ölopñi ölopñi neñgimawkawi, gi miangö könañi körekñanök möt sölöñgöman. ⁷ O urumelen alani, gi ambazip sarakñi körö-ölöwak qem enñinöñga amgöba malje. Urukalemgi miangöra nönön gwötpuk söñgaibiga mianön uruni nañgömakza.

Filemonön Onesimus köl örömapköra qesiza.

⁸ Mewö malnöñga Kraistpuk qekötahöziga ölop awösamkakak aka kukösum qakñe kinda yuai akñangö jim kutum gihibileñak. ⁹ Mi töndup Anutunön uruñan jöpaköm netkizawañgöra aka ölop jimkutukutuni mosöta ulet miyök ulet gihimam. Gi Pol nönögö silikni mötzan. Nönön azi namñi akzal aka Kraist Jisösgö nupköra aka nalö kewöñe kösö miri asia mewöyök akzal. ¹⁰ *Ni kösö miri kiangöreñ alagi qetji Onesimus aitongöba bauköm wañgibiga uruji meleyda mötnaripkö nahöni ahök. Miangöra merak yañgö numbu jit memba yañgöra aka ulet gihizal. ¹¹ Yañön mutuk welen qeba lañ möndöba injarere mala qemasolokep ak gihiba malökmö, nalö kewöñe letota gi aka ni ölopñanök bauköm netkiiga ölpñi asuhumakñawañgö dop akza.

¹² Yañön nani wölböt nahöni akza aiga nani wölbötñi ewö melaim wañgibi lilingöba göhöreñ kaza. ¹³ Nönön Ölöwak Buñagöra aka kösö mire tatzal. Miangöra Onesimus jöhöbi nömbuk mala göhö salupke bauköm niñgimapkö mötzal. ¹⁴ Mewö mötzalmö, bauköm niñgimapkö qahö kuñgum gihizal. Sihingan jiiga bauköm niñginöñga dop

* 1:2: Kol 4.17 * 1:10: Kol 4.9

köljapmö, göñön welenqegegi niñgiman me aňgön kölman, miangöra Oñ! qahö jinöñga nanök jöhöm wañgimangö osizal.

¹⁵ Onesimusnöñ kewögöra aka gömosörök me? Yañön nalö töröptökñi yaigep mala kunbuk lilingöba kaba göbuk nalö teteköñi qahö malma. ¹⁶ Mutuk welenqege omañi aka malökmö, nalö kewöñe mi oñgita azi qainñi kun akza. Uruñi melenđa mönö wölböt alanina akza. Nöñön yañgöra gwötpuk ak niñgiiga göñön azi mi eknöñga Kembugö buñañi aiga yañgöra mewö ni noñgita önöñi qahö ak gihimakña.

¹⁷ Göñön nömbuk ala-ala aka maljit mötnöñga nöñön kabi köl öröm niñgibanak ewö, mönö Onesimusnöñ kaiga mewö köl öröm wañgiman. ¹⁸ Yuai kun ak bölim gihiyök me yañgöreñ tosa kun göhöreñ ahöza ewö, mia mönö nöñgö tosa ya jinöñ ahöma. ¹⁹ Ni Pol mönö nani börönan kewö ohozal, “Nöñön mi mekömam.” Nöñön bauköm gihibi urugi melenñöñga tosa ketañi mi mekömangöra nangi mewöñanök nöñgö buñaya jim teköm aňgunöñga dop kölbawak. Miangöra ölop kewö jibileñak: Onesimusgö tosañi mi mönö jinöñga nange tosa ya ahöma. ²⁰ O urumeleñ alani, Kembugö Buña gihiali, mi mönö melenđa bauköm niñgimangö ak niñgiza. Kraist qekötahözani, miangö dop mönö Onesimus köl örönöñga nöñgö urunan amgöba ölowakña.

²¹ Keuni tem kölmani, mi möt nariba keuni ohoba könañamgi kewö ahöi mötzal: Keu jizali, mi mönö oñgita qetpuk ak soroköman. Mewö. ²² Keu kun ki: Eñön köulukögetka Kembunöñ ni meleñ niñgii eñgöreñ kamangö al mamböta jörömqöröm akzal. Miangöra mönö miri uruñi kun nöñgöra mem kelötman.

Yaizözkök aka kötuemötuet keu teteköñi

²³* Alani Epafra yañön Jisös Kraistkö nupköra aka nömbuk kösö mire tata yaizözkökñi ali göhöreñ kaza. ²⁴* Neñakurupni nup mohotñe memakzini Mak, Aristarkus, Demas aka Luk yeñön mewöyök yaizözkökñini algetka göhöreñ kaza.

²⁵ Kembu Jisös Kraistkö kalem möriamnöñ mönö uñañini kötuatköba embuk ahöma. Mewö.

* 1:23: Kol 1.7; 4.12 * 1:24: Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11

Hibru Kimbi Kunöñ Hibru yengöra Kimbi alök. Jim-asa-asari

Jisösnöñ Suepnöñ öngöi miangö andöñe yambu 35 miangö dop teköiga azi kun qetñi qahö mötzini, yañön Kimbi ki ohoba Juda urumelen ambazip yengöreñ alök. Juda yerñon Hibru (kian) keu jigeranğora qetñini Hibru qetket. Tosatñan Juda urumelen ambazip mi sesewerowo gwötpuk ak engigetka Jisösgö köna diñdiñi mosötpingö mötmöriba Juda yengö köna walñe dumñe kunbuk anğotpingö mötket. Köna walñi mi Köna keugö kapañkölköl.

Kimbi kiangö keu kötñi 3 mi kewö:

1. Jisös, Anutugö Nahönñi yañön sihimbölo ketanji möta mewö miarñon Iwiñi tem kölmangö könañi mörök. Miarğora Suep garata, Moses aka kezapqetok ambazip pakpak engongita öngöñgöñi akza.

2. Anutunöñ Jisös kuñguiga nalö teteköñi qahö jike nup galömnini bohonñi aka malma. Nanñi sepñi mokoyöhanğora jöwöwöl ohohonöñ teköiga jike nup galöm tosatñi yengöra qahö osibin.

3. Urumelen neñon Jisös möt nariinga singisöndoknini mosöta amöt qem nengiba kömupnöhök meköm neñgiiga keñgötnini qahö mötzin. Jike nup walñi mi imutimut ewö aiga megetka Jisösnöñ amötqeqegö könañi ölni indela nanñi jöwöwöl ohoho ewö akñegöra al anğuyök.

Mötnarip ambazip ketanji yengö silikñinangö kösohotñi mi teteköñe (Boñ 11) ohoba mötnaripñinan söroaubapuköra kewö kuñgum engiza, “Sesewerowo ak engigetka miangö sihimböloñi mi mönö kapañ köla mökösoñda möta Jisösbuk luhut alme.” Buk kiangö qambañi aka galöm meme keuñi mi nahömñambuk.

Buk kiangö bahöñi bohonñi 10 mi kewö:

Keu mutukñi: Kraistnöñ Anutugö könañi indel teköyök 1.1-3

Kraistnöñ garata pakpak engongitza 1.4-2.18

Kraistnöñ Moses aka Josua etkonğitza 3.1-4.13

Kraistnöñ jike nup galöm pakpak engongitza 4.14-7.28

Kraistkö jöhöjöhö areñi mi jöhöjöhö areñ walñi onğitza 8.1-9.28

Kraistkö sep busuñan jöwöwöl pakpak engongitza 10.1-39

Mötnarip mi yuai mutukñi aka bohonñi 11.1-12.29

Ahakmemeninan Anutu uru ölöwak mem wañgime 13.1-19

Köuluk teteköñi 13.20-21

Uruwahöt keu aka yaizökzök keu teteköñi 13.22-25

Anutunöñ Nahönñi melaiiga keuñi indelök.

¹ Anutunöñ mönö möpñangö möpñeyök könahiba köna murutñi murutñi wuatangöba keuñi indelmangö mörök. Mewö möta keuñi nalö gwötpuk kezapqetok ambazip yengö uruñine aliga aukñe jigetka ambösakonurupñinan möta mala kotket. ² Mewö mala kotketmö, nalö teteköñe malinga kewöñe mönö Nahönñi melaiiga keuñi indela aukñe jiiga mörin. Nahönñi yañön Iwiñi bauköiga Suep gölme aka mietkö öroyuaiñiri pakpak miwikñaiyo-hotka Nahönñan nalö teteköñe yuai pakpakö Toñi akñapkö jim teköi malja. ³ Anutugö kaisongolomñan Nahönñi ahöm wañgiiga eta kondelök. Anutugö asakmararañan mönö i kuñguiga biliksik aliga imutimut ewö ehin. Singisöndoknini köñ köñjorat teköbagun mönö Suep mire öngöba dumñi memba Öngöñgöñamninangö böröñi öñje tatza. Miarğoreñ tata Suep gölmegö öroyuai pakpak mi keuñi kukösumñam-buknöñ bisiba galöm köla malja.

Anutugö Nahönñan Suep garata engongitza.

⁴ Anutunöŋ Nahönŋi qet waŋgiiga mianjön mönö Suep garata yeŋgö qetŋini oŋgita aködämunŋambuk akzawi, mianjögö dop Nahönŋan Suep garata eŋgoŋgita ketanŋamŋini aiga nembö bapŋe malje. ⁵ *Anutunöŋ nalö kunöŋ Suep garataurupŋi yeŋgöreŋök kungöra keu kewö qahö jiyök,

“Göŋön nöŋgö Nahöni aknöŋga nöŋön merak göhö Iwigi akzal.”

Mewöyök keu kun kewö jii ahöza, “Nöŋön yaŋgö Iwiŋi akiga yaŋön nöŋgö Nahöni akŋa.”

⁶ *Keu mi dumŋe kunbuk Nahönŋi mutukŋi jim teköiga gölmenöŋ etmamgö ahöhi, nalö mianjögöreŋ mönö qeljiŋe kewö jiyök, “O Suep garataurupni, iŋini mönö körek pakpak yaŋgö waikŋi memba möpöseiba malme.”

⁷ *Suep garata yeŋgöra keu kewö jii ahöza, “Anutunöŋ mönö garataurupŋi mem letot eŋgiiga luhut ewö aka anda kame. Welenqeŋeurupŋan mönö letota könöp bölam ewö aka anda kame.”

⁸ *Yeŋgöra mewö jiyökmö, Nahönŋaŋgöra keu kun kewö jii ahöza, “O Kembu, göŋön mönö jakömbuak dum tatatke nalö teteköŋi qahö tat öŋgöman. Öröpki kukösumŋambuk mianjön qindiraim neŋginöŋga ahakmeme diŋdiran mönö bemtohoŋgahö muŋgemŋi aka ahöm öŋgöma.

⁹ Göŋön ahakmeme solanŋaŋgöra ak gihiiga ahakmeme goŋgoŋaŋgöra irimŋi seholiiga kazik aka mala kotnöŋ. Mianjögöra göhö bemgi Anutu yaŋön mönö al gihiiga alaurupki eŋgoŋgita sösoŋgai kelöknöŋ gömirii maljan.”

¹⁰ *Nahönŋaŋgö keuŋi kun mi kewö, “O Kembu, göŋön könakönahiŋe gölmegö tandöŋi kuŋgunöŋga Suepkö jakeŋi jakeŋi mienjön mönö göhö börösöwögi akze.

¹¹ Suep gölme pakpak mienjön opo maluku ewö walŋi aka ayapkömemö, göŋön mönö köhöiba kin öŋgöman.

¹² Möki köpeimakzini, göŋön mönö mianjögö dop suep ehekŋi mi opo söro jöhözin ewö köpeim eŋginöŋga letotme. Yuai pakpak utekömapmö, göŋön mönö tandök mohot miyök aka yambuŋi (yaragi) teteköŋi qahö mal öŋgöman.”

¹³ *Anutunöŋ nalö kunöŋ Suep garataurupŋi yeŋgöreŋök kungöra keu kewö qahö jiyök, “Göŋön mönö kaba böröni öljö tatnöŋga nöŋön mönö tuarenjoŋurupki nalö sutŋi kiangöreŋ tim tötal eŋgibiga et eŋguiga göhö könagahö döprŋi aketka köiraŋ albin.”

¹⁴ Nahönŋaŋgöra keuŋi keuŋi mewö jiyökmö, Suep garata i mönö niŋia akze? Körek yeŋön Anutugö welenqeŋe uŋaurupŋi akze. Mewö aka ambazip oyaerŋkoyaerŋ buŋa qem aŋgumei, i bauköm eŋgimegöra melaim eŋgii malje. Mewö.

2

Urunini qahö melejbinbukö galöm meme keu

¹ Mianjögöra Buŋa keu mörini, mi mönö törörök möt asaribingö kapan köla kezap alme. Gölmenöŋ malmalgö iŋi me waiŋi kuŋŋan neŋguanŋiri laŋ anda kaba liklak malbin ewö, mönö Jisösgö amötqeŋe nupŋi oŋgita öne mala ayuhubinbuk. ² Keu mi kewö jim tuarimam: Mutuk Suep garata yeŋön Buŋa keu jigetka ambazip jöhöm eŋgii malget. Mewö mala denike yeŋön Köna keu qahö tem köla selŋi walöŋgeri, Anutunöŋ mönö körek yeŋgö keuŋini diŋdiranök jim teköba likepŋi melej eŋgii lömböt qakŋine öŋgöi mala kotket.

³ Yeŋön lömböt miwikŋaigetka neŋön mewöŋanök akzin ewö, lömbötköra mönö denöwö ölöŋ kölbinaŋ? Amötqeŋe nup ketanŋi mi nesampurek qakŋe nöŋöŋgan akin ewö, mönö lömbötnöhök ölöŋ kölbingö osibin. Kembunöŋ könahiba amötqeŋegö könaŋi indeliga tosatŋan keu mi jitŋeyök möta naŋgöba jim köhöigetka sehiba dop köl neŋgiyök.

⁴ Mi naŋgöba jim köhöigetka Anutunöŋ yembuk mohotŋe kindä keuŋini naŋgöba jiiga aŋgöletot aiwesök könaŋi könaŋi mi kukösumŋinambuk asuhugetka Uŋa Töröŋi mokoba jitsihitŋaŋgö dop menderŋiga dop köl neŋgiyök. Mewö.

* 1:5: Sum 2.7; 2 Sml 7.14; 1 Hist 17.13 * 1:6: Dut 32.43 * 1:7: Sum 104.4 * 1:8: Sum 45.6-7 * 1:10: Sum 102.25-27 * 1:13: Sum 110.1

Jisösnöj datnini aka Suepnöj neŋgungitmamgö mötza.

⁵ Suep gölme dölökŋi asuhumegö keuŋi jimakzini, Anutunöj nini miangörej Suep garata nembö bapŋine malbingö areŋi qahö ala jim kutuyök. ⁶*Mewö qahöpmö, keu mi kunŋan naŋgöba jiiga Buŋa Kimbigö kemaŋi kunöŋ kewö ahöza, “Gölme azinöj mönö niŋia aiga i mötmörim waŋgimakzan? Suep gölmegö azi ölŋan mönö niŋia aiga i köyan kölakzan?”

⁷ Göjön i memba et al waŋginöŋga nalö töröpŋi Suep garata yeŋgö nembö bapŋine eta eretŋi aka malök. Mali waŋgitnöŋga asakmararaŋnöŋ öŋgöiga kösasorom ila jalö waŋginöŋga aködamunŋambuk aka qetbuŋaŋambuk malja. Mewö mala öroyuai pakpak galöm köla malja.

⁸ Börösöwögi pakpak mönö yaŋgö jimkutukutuŋgö bapŋe malmegöra memba et al enŋinöŋga malme.”

Keu miangö dop yuai pakpak mi yaŋgö kukösum bapŋe malmegöra memba et al enŋiba miangörej yuai kun qahö mosöriga yaŋgö keuŋgö bapŋe qahö ahöbawak. Areŋ mewö alökmö, nalö kewöŋe börösöwöŋi pakpak mi yaŋgö kukösum bapŋe memba et al enŋii tem kölakzeangö dop qahö enŋehakzin.

⁹ Mewö qahö enŋehakzinmö, Jisösnöj mönö kewö letota mali ehakzin: Kömupkö sihimbölöŋi möröhaŋgöra Anutunöj waŋgiri asakmararaŋnöŋ öŋgöiga kösasorom ila jalö waŋgiiga ehinga aködamunŋambuk aka qetbuŋaŋambuk malja. Anutunöj kalem möriamŋi kondel neŋgimamgö möta körek neŋgöra aka kömupkö sihimbölöŋi mötmapkö jim teköyök. Miangöra memba et al waŋgiiga nalö töröpŋi Suep garata yeŋgö nembö bapŋine eta eretŋi aka malök. Mewö malökmö, nalö kewöŋe qetbuŋa öŋgöŋgöŋi memba malja. ¹⁰ Anutunöj mönö öroyuai pakpakö könaŋi akza. Yaŋön körek nini nanŋi möpöseim waŋgibingöra aka miwikŋaim neŋgiiga maljin. Yaŋön ambazip sehiseŋi neŋgungiri asak-mararaŋnöŋ öŋgöbingöra mötza. Mewö möta amötqeqeninangö Toŋi mi qahö aŋgön köliga sihimbölö möta mewö miangön nupŋi mi mem teköi asakmararaŋi pakpak miwikŋaimapkö möri dop kölök.

¹¹ Kunöj mem sarahim neŋgimakzawi aka ambazip sarakŋi ahakzini, körek neŋgö kondotkondot Toninan mönö mohot akza. Miangöra Jisösnöj qetnini “Alaurupni,” mewö qetmamgö gamuŋi qahö mötza. ¹²*Könaninangöra Buŋa keu kun kewö jii ahöza, “Nöŋön mönö göhö qetki mi nani alaurupni yeŋgöra qet asarim enŋiba urumeleŋ könagesö sutŋine kinda möpöseim gihimakŋam.”

¹³ *Mewöyök miangö Buŋa keuŋi kun kewö jii ahöza, “Nöŋön mönö mötnariŋi Anutugörej ala malmam.” Dumŋe kunbuk miangö Buŋa keuŋi kun mi kewö jii ahöza, “Mötnöŋ, ni aka Anutunöj nahönbörat niŋgiyöhi, neŋön mönö ki maljin.”

¹⁴ Kunöj mem kömum neŋgimamgö kukŋi memba maljawi, Jisösnöj mönö i tulumgöi gemapköra aka kömumba miangön luhut alök. “Bölöŋangö Toŋi tulumgömam,” jiba ambazip sep busuni-nambuk maljini, miangöra yaŋön mönö mewöyök nembuk tandök mohot miyöhök gölme azia ahök. ¹⁵ Ambazip malmalŋini gölmenöŋ maljeangö dop kömumbingö keŋgötŋinan jöhöm enŋii mala kotkeri, mi mönö körek pösat enŋii solanimegöra aka gölme azia ahök. ¹⁶ Suep garata köyan köl enŋimapköra gölme azia qahö ahökmö, Abrahamgö gwölönarökurupŋi nini möt aŋgön köla bauköm neŋgimapaköra mönö mewö ahök.

¹⁷ Könaŋi miangöra aka yaŋön öroyuai pakpak miangörej alaurupŋi nembuk tandök mohot miyöhök ahök. Jike nup galömnini bohonŋi aka nupŋi nömtik memba ak kömum neŋgiba malmapköra mönö nembuk tandök mohot ahök. Tandök mohot akagun mönö ölop jitŋememenini aka jike galöm bohonŋangö nupŋi memakza. Mi memamgöra siŋgisöndokninaŋgö töwaŋi ala Anutugö jeŋe mi köl könjörarök. ¹⁸ Gölme azia aiga esapköm waŋgigetka nanŋak sihimbölö möta malöhi, miangöra ambazip esapköm neŋgimakzei, nini mönö ölop bauköm neŋgimakŋa. Mewö.

* 2:6: Sum 8.4-6 * 2:12: Sum 22.22 * 2:13: Ais 8.17, 18

3

Jisösnöy Moses ongita öngöngöni akza.

¹ Miangöra urumelenj alaurupnini sarakni, Suep Toñan engoholi nembuk kambu mohot maljei, eñon mönö urumötmötrjini pöndañ Jisösgöreñ ala malme. Anutunöñ i melai-iga aposol aka jike nup galömnini bohonñi akzawi, yangöra mewö jim miwikñaimakzin.

² *Mosesnöy Anutugö könagesöñi pakpak mi memburikñi qahöpmö, pöndañ galöm köl enggiba malök. Miangö dop Jisösnöy mewöyök kun kuñgum wangiyöhi, yangö keuñi (misila) törörök wuatangöba memburikñi qahöpmö, pöndañ nömtik memba malök. ³ Miri aka azi miri meyöhi, mi kewöt etkiinga mitimqeçe azigö qetbuñanjan mönö mirigö qetbuñanj gwötpuk ongitza. Miangö dop Moses aka Jisös kewöt etkiinga Jisösgö asakmararañi öngöngöñan mönö Moses gwötpuk ongitza. Könañi mewö eka miwikñaimakzin.

⁴ Miri pakpak mi kungö börösöwöya akzemö, yuai pakpak mi mönö Anutugö börösöwöñi akza. ⁵ Mosesnöy Anutugö könagesöñi pakpak mi memburikñi qahöpmö, pöndañ welen qem enggiba malök. Mewö mala Anutunöñ könangep azi kungöra jiyöhi, mönö keu miangö söpsöpñi mi qeljine indela dangunuña kinök. ⁶ Mewö kinökmö, Kraistnöy mönö Anutugö Nahönñi aka Iwiñangö keuñi (misila) nömtik memba könagesöñi pöndañ galöm köl nenggiba malja. Anutugö könagesöñi mi neñon akzin. Oyaenköyaen akingö jörömqöröm aka miangöreñ qekötahöba silenini memba öngöba awösamkakak kin köhöim teköbin ewö, mönö Anutugö urumelenj könagesöñi aka malbin. Mewö.

Yangisey aka malbinbukö galöm meme keu

⁷ *Miangöra iñini mönö Uña Töröñan keu kewö jimakzawangö dop akñe, “Dölkewöñe Anutunöñ engghola keuñi sañep ali mötze ewö,

⁸ uruñini mönö mötmöt bölöñan kude gwözöñme. Engö amböskonurupñinan gölme qararañkölkölñe kaba nalö kunöñ Anutu qetala esapköm wanggiba karim akeri, iñini mönö miangö dop Anutu qetala akepuk.

⁹ Yeñon gölme qararañkölkölñe kaba Anutu ni esapköm niñgiba malget. Angöletot aka memba malali, iñini mi yambu (yara) 40 miangö dop eka mala mi töndup ni qahö möt narim niñgigetka urunan böliiga malal.

¹⁰ Miangöra ambazip kambu nalö miangöreñ gölmenöñ malgeri, yeñgöra aka irimni seholiiga kewö jial, ‘Yeñon mönö sundan uruñinan kahapmahap aka janjuñ anakze. Malmalgö köna kusum enggiba malalmö, mi qahö möt kutuget. Qahö!’

¹¹ Mewö jiba irimesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al enggialmö, yeñon mönö oyaenköyaen miangöreñ qahö angotme.’”

¹² O urumelenj alaurupni, iñini mönö kewögöra galöm mem anguba malme: Engöreñök kungö uruñan gonggiiga mötnaripñan sörauba eri Anutu malmal Toñi andö qeba malbapuk. ¹³ Mewö qahöpmö, siñgisöndokö isimkakalekñan tilipköm engii miangön engöreñök kungö uruñi gwözöñbapuköra mönö silim dop sutñine uru kuñgum anguba malme. “Merak” keu mi jimakzini, miangö dop mönö jölöngöm anguba malme. ¹⁴ Nini Kraist möt angön köla yambuk kambu mohot aka maljin. Mutuk urunini meleyda uruyahöt yaköriba awösamkakak miwikñaiba malini, mewö gölmenöñ malbinangö dop kapañ köla köhöiba kinbin ewö, mönö oyaenköyaen akin.

¹⁵ *Buña keu mi kunbuk jiba kewö ohozal, “Merak Anutunöñ engghola keuñi sañep ali mötze ewö, uruñini mönö kude gwözöñme. Engö amböskonurupñinan Anutu qetala karim akeri, iñini mönö Anutu miangö dop qetala akepuk.”

¹⁶ *Ambazip denike yeñon Buña keu möta Anutu qetala karim aket? Mosesnöy könagesö engguangiri Ijpt mosöta kageri, yeñon mönö körek mewö aket. ¹⁷ Ambazip denike yeñgöra aka yambu (yara) 40 miangö dop irimni seholiiga kazik ak engii malget?

* 3:2: Jañ 12.7 * 3:7: Sum 95.7-11 * 3:15: Sum 95.7-8 * 3:16: Jañ 14.1-35

Ambazip singisöndok aketka mem kömum engii sileñinan gölme qararañkölkölñe eta kölgeri, yeñgöreñ mönö mewö asuhuyök. ¹⁸ Luainöñ luhut memba malmegö areñ ala nanñini gölmeñine kude añgotmegö keuñi jim kutuba jöjöpañ keuñan jöhöyöhi, keu mi mönö dagöra jiyök? Ambazip keuñi qetala yañgiseñ malgeri, mi mönö yeñgöra aka jiyök. ¹⁹ Keu miangö könañi mi kewö ek asarizin: Yeñön Anutu qahö möt nariba yañgiseñ akerañgöra aka nanñini gölmeñine añgotpingö osiget. Mewö.

4

Anutunöñ könagesöñi sonda kendon neñgima.

¹ Anutugöreñ añgota luainöñ luhut memba malbingö keu jöhöyöhi, keu miarñön mönö pöwöwöm köhöikñi ahöm neñgiza. Miangöra engöreñök kunñan löwöriba nanñi Suep köna ananñi mi kemañe kutui mewö miwikñaim wañgibinbuk. Miangöra mönö sutnine galöm mem añgubin. ² Gölme qararañkölkölñe kagetka Ölöwak Buña jim asarim neñgiget ewö jiget mötketmö, keu mi mönö silesile mötketka uruñine qahö geyök. Miangöra mötnariñini qahö qiwikñaiiga tönpin öne malgetka qahö bauköm engiba pömsöm qeyök. ³ *Urunini melenña möt nariba maljini, neñön mönö Anutugöreñ añgota luhut memba oyaenköyaen malbin, mi mötzin. Anutunöñ miangö Buña keuñi mi kewö jii ahöza, “Mewö jiba irimsesewöl qakñe keuni jim kutuba jöjöpañ keunan mi jöhöba kewö jial, ‘Luhut memba malmegö areñ al engialmö, yeñön mönö oyaenkö-yaen miangöreñ qahö añgotme.’”

Anutunöñ Suep gölme miwikñaim etkii nalö miangöreñök könahiba oyaenköyaen mirinñan lök memteköteköñi ahözapmö, töndup keu mewö jiyök. ⁴ *Anutunöñ silim 7:ñañgö keuñi jiiga Buña Kimbigö kemañi kunöñ kewö ahöza, “Sömañi 7 aiga Anutunöñ nupñi pakpak mem teköyöhañgö luhut memba kendon tarök.” ⁵ *Anutunöñ Buña keu mi toroqeba kewö jii ahöza, “Luhut memba malmegö areñ al engialmö, yeñön mönö oyaenköyaen miangöreñ qahö añgotme.”

⁶ Ambazip tosatñan Anutugö oyaenköyaen miwikñaiiba luhut memba malmei, keu miarñön mönö pöwöwöm köhöikñi ahöm neñgiza. Ölöwak Buña mutuk könagesö jim asarim engigeri, yeñön mönö qeqetalñinañgöra aka oyaenköyaenñöñ qahö añgota luhut qahö meget. ⁷ *Luhut qahö megerañgöra aka Anutunöñ mönö kunbuk nalö kun ala qetñi Nalö dölkewöñi qerök. Nalö köröpñi teköiga nalö miangö Buña keuñi dölkö jiba ohozali, mi mönö Deiwidköreñ indeli kewö jiyök, “Dölkewöñe Anutunöñ engohola keuñi sañep ali mötze ewö, uruñini mönö kude gwözöñme.”

⁸ *Mewö jiiga Josuanöñ enguañgiri oyaenköyaenñöñ añgota luhut membeak ewö, Anutunöñ mönö nalö kungö keuñi mi könañgep qahö jibawak. ⁹ Mi qahö jibawakmö, Anutunöñ mönö ölna könagesö luhut meme neñgii oyaenköyaen miwikñaiabin. Keu miarñön mönö pöwöwöm köhöikñi ahöm neñgiza. ¹⁰ *Miangö könañi kewö: Anutunöñ nanñi nupñi meyöhañgö luhut memba kendon taröhi, miangö dop kunöñ Anutugö oyaenköyaenñöñ añgota luhut memawi, yañön mönö nanñi nupñi meyöhañgö luhutñi mi mewöñanök memba oyaenköyaen malma. ¹¹ Miangöra nini mönö Anutugö oyaenköyaenñöñ añgota luhut memeni miwikñaibingö kapañ kölbini. Engöreñök kunöñ et qeba könagesö walñi yeñgö qeqetal tandökñini miyöhök wuatañgöbapuköra mönö kapañ kölbini.

¹² Anutugö keuñi mi memguliguligö könañi aka kukösum-ñambuk akza. Bimgö sou ketañi mi likep likep jitñirambuk akzapmö, Anutu keuñangö jitñan mönö sou ketañi pakpak engongita jit kötök aiga jitñi bahöbahö mi mauñambuk akzahot. Keu miarñön mönö uru urañini kutuba ömenöñ me Anutugö Uñañan inahöm neñgimakzawi, mi undeñda kuñgum neñgimakza. Sile kitip toroqeqenini aka sihitninañgö digonñi

* 4:3: Sum 95.11 * 4:4: Jen 2.2 * 4:5: Sum 95.11 * 4:7: Sum 95.7-8 * 4:8: Dut 31.7; Jos 22.4 * 4:10: Jen 2.2

mi mewöyök kewöta (keunini asa-asambötñi miwikñaiba) ölopñi aka bölñi menden etkimakza. Urukönömnini aka mötkutukutu areñnini mi kewöta keunini jim tekömakza.

¹³ Anutunöñ yuai pakpak miwikñaii ahözawi, miangöreñök yuai kun mi asa-asambötñe qahö ahöiga ölopñanök ehakza. Yuai kun esuhuinga Anutunöñ esunini mi ölop luluñda ehi yañgö jemesoholñe aukñeyök ahöza. Ahakmemeninangö kösohot pakpak mi mönö yañgöra jim asaribinangö dop akzin. Mewö.

Jisösnöñ jike nup galömnini öngöngöñi akza.

¹⁴ Jisösnöñ jike nup galöm bohonñi öngöngöñi ak neñgiza-wañgöra aka neñön “Möt narim wañgizin,” jiba jim miwik-ñaimakzini, miangöreñ mönö köhöiba kinbin. Jisös Anutugö Nahönñan mönö Suep jakeñi jakeñi engongita öngöba tatza. ¹⁵ Urumötmötnini tosatñan lölöwöröñi aketka jike nup galöm tosatñan miangöra wösömötmöt qahö ak neñgimakzemö, nanine jike nup galömninan mönö qainñi kun kewö akza: Yañön mönö nini ewö ahakmeme pakpak miangöreñ nembuk tandök mohot esapköm wañgiba malgetmö, mi töndup siñgisöndok kun qahö ahök.

¹⁶ Jike galömninan mönö eu kalem möriamgö dum tatatñe tata ak kömum neñgimangö mörakza. Miangöra mönö awösamkakak qakñe kinda yañgö kösutñe anbin. Yañgö kösutñe aninga kalem möriamgöra osizini, miangö nalö diñdiñe mönö bauköm neñgiiga mi ölop miwikñaibin. Mewö.

5

Galöm bohonini Jisösnöñ mönö bauköm neñgimakza.

¹ Gölmegö jike nup galöm bohonñi pakpak mi ambazip sutñineyök möwölöhöm engiba nup kewö memegöra kuñgum engimakzin: Yañön ambazip jitiñememenini aka Anutubuk urumohot aka malbingö nupñi memba siñgisöndok ahinangö sömbup kalemñi kalemñi mi Anutugöra ala miangön jöwöwöl ohomakza. ² Nanñi urumöt-mötñi tosatñan mewöyök lölö-wöröñi akza. Miangöra ambazip gukmaulem qakñe janjuñ ahakzei, mi ölop wösömötmöt qakñe ak neñgimakza. ³ *Lölöwöröñi akza-wañgöra mönö nanñi siñgisön-dokñi aka könagesöurupñi yeñgö siñgisöndokñini mewöyök köl könjoratmapköra sömbupnöñ jöwöwöl ohomakza. ⁴ *Kunñan qetbuña mi nanñangöra qahö buña qem añgumapmö, Anutu-nöñ Aron oholöhi, miangö dop mönö i mewöyök oholja.

⁵ *Miangö dop Kraistnöñ mewöyök nanñak jike nup galöm bohonñi akñapkö qetbuñañi mi nanñangöra qahö buña qem añguyökmö, Anutunöñ kewö jim kutum wañgiyök, “Göñön nöngö Nahöni aknöñga nöñön mönö merak göhö Iwigi akzal.” Keu miangö dop jike nup galöm bohonini ahök.

⁶ *Keu miyöhök jii Buña Kimbigö kembanji kunöñ kewö ahöza, “Göñön mönö Melkizedek ewö jike nup galöm aka nalö teteköñi qahö mal öngöman.”

⁷ *Jisösnöñ silebuk gölmenöñ mala miangöreñ mönö nalöñi nalöñi köuluköba köhöikñanök qeriga imbilñan eri Anutu kömupnöhök mekömapkö köhöiyöhi, i qesim wañgiba malök. Qesim wañgiba mala Anutu göda qeba keuñangö bapñe al añguba malöhañgöra Anutunöñ köulukñi mörök. ⁸ Nahönñi ahökmö, Anutunöñ mi töndup sihimbölo qahö jöhöi qakñe öngöi möta miangöreñ temkölkölgö könañi miwikñaiba möt soroköyök. ⁹ Mi möta aködamunñi pakpak miwikñaibagun mönö oyaenköyaen teteköñi qahö malbingö kondotkondot Toñi ahök. Miangöra ambazip yañgö jitiñi tem köla maljei, mi pakpak mönö ölop kondot engiiga oyaenköyaen akñe. ¹⁰ Toñi mi aiga Anutunöñ i Melkizedek ewö jike nup galöm bohonñi akñapkö jim teköba al wañgiyök. Mewö.

Mötnaripkö ölni sohobapukö galöm meme keu

* 5:3: Lew 9.7 * 5:4: Eks 28.1 * 5:5: Sum 2.7 * 5:6: Sum 110.4 * 5:7: Mat 26.36-46; Mak 14.32-42; Luk 22.39-46

¹¹ Keu mi ölop toroqeba gwötpuk jim qaribinakmö, eñön keu möta wuatängöbingö tanqañ aka gaunjeje akze. Miangöra mi jim asarim engibingö osikosi akzin. ¹²*Injini nalö köröpñi könagesö walñi mala ölop nalö kewöñe lök böhi qaqaazu akñeangö dop akeakmö, nanñinak Anutugö keu kötni mutukñi mi kunñan dumñe kunbuk kusum engimapköra osimakze. Injini mönö qaköba Buña keu mi juzu ewö nemingö mötze. Nene köhöikñi ewö mi nemingö osimakze. ¹³ Kunñan mi juzu ewö nembra maljawi, yañön mönö toroqeba morösepsep ewö akza. Anutugö jeñe solanñi akingö keu kusum engiinmö, yañön miangö könajñi qahö möt kutuba tönpin malja.

¹⁴ Morösepsep ewö maljapmö, nene köhöikñi mi ambazip mötmötñinan qariyöhi, mönö yeñön nemegöra aka ahöza. Ambazip Buña keu sundan köl guliba malgetka urumötmötñinan lök möñjaiiga ölop amqeba silik pakpak kewöta ölopñi aka bölöñi menderñ etkiba ölopñi wuatängömakze. Nene köhöikñi mi yeñgöra aka ahöza.

6

¹ Miangöra Kraist könangö keu kötni mutukñi lök möta miangörej mönö kude qaköbin. Mewö qahöpmö, mönö toroqeba qariba aködamuninambuk akingö kapañ köla malbin. Mötnaripkö tandöñi lök kuñguba mi mönö dumñe kunbuk könahiba kuñgubinbuk. Tandö mi uruñine kewö kuñguin: Ahakmemenini köhömuñi mosöta urunini meleşda Anutu möt narim wañgiin.

² Urunini meleşninga mötnaripkö keu kemañi kemañi kewö kusum neñgigetka mörin: Siñgisöndoknini köl köñjöratmegöra o melun aka amötqege könajñi könajñi miengö könajñi kusum neñgiget. Böröñini qaknine alalgö könajñi kusum neñgiget. Guliba kömupnöhök wahötpingö könajñi kusum neñgiget. Anutunöñ keunini jim teköi teteköñi qahö köhöikñi ahömapkö könajñi kusum neñgiget. ³ Mötnaripkö tandöñi mewö kuñgubagun mönö toroqeba möt qaribingö mötzin. Anutunöñ ösum-mumu neñgimakzawangö dop mönö aködamunini pakpak miwikñaibingö kapañ köla kinbin.

⁴ Mewö kinbingö möta miangörej qaköba etpinbuköra aka kinjin. Ambazip kewöñi mi uruñini meleşmegöra enğuanğitpingö osimakzin: Tosatñan uruñini nalö kunöñ asariiga Anutunöñ Suep kalemñi engii möta söñgaigetka Uña Töröñan ösupköm engii malget. ⁵ Anutu Buña keuñangö nahömñi mötketka oyaenköyaen nalö könangepñangö kukösumñan mönö uruñine gei mötket. ⁶ Mi pakpak mötagun mönö mötnaripñini mosöta Anutu andö qeget. Ambazip mi uruñini kunbuk meleşmegöra enğuanğitpingö osimakzin. Yeñön Anutugö Nahönñi ilita dumñe kunbuk maripomnöñ qege ewö memba et ala aukñe gamu qem wañgimakze. Mewö miangöñ mönö nanñini geñmororoñ ak añgumakze.

⁷ Mi söpsöp keu kiangö dop: Kienöñ nalö gwötpuk yöhöba gölme qakñe eta uruñe geba gölme mem kelöriga nup toñangö welenqequeurupñan nene kömötketka Anutunöñ gölme kötuetsköiga ölni asuhui kölkömöt toñi yeñön mi memba köwenjine alakze. ⁸*Mewö alakzemö, koururuk aka siriuret wahiñambuk miangöñ gölmenöñ asuhuba wahörakzawi, gölme miangöñ mönö nesakñi akza. Toñi yeñön mi saiköbingö mötze aka kapañ köla mambötketka ölni qahö asuhui eka teteköñe mönö kuñgugetka jema.

⁹ O wölböt alaurupni, neñön söpsöp keu mewö jizinmö, mi töndup injini uruñini meleşda malmeañgöra mönö uruyahöt qahö akzin. Enğö uruñine Buña keugö ölnan mönö asuhum qarimapköra möta awösamkakak kinjin. Anutunöñ ölni mi eka mönö meköm engii letota Suepnöñ öngöme. ¹⁰ Anutunöñ mönö ekbonep qakñe goñgoñi qahö akza. Injini Anutugö ambazip sarakñi bauköm engiba mala kota toroqeba bauköm engiba nup memba malakze. Mewö urukalemñini Anutu kondel wañgigetka qetbuñañan qarimakzawi, yañön nupñini aka urukalemñini miangöra mönö qahö ölum qeiga kitipñi meleş enğima.

¹¹ Nini oyaenköyaen akingö jörömqöröm aka miangörej awösamkakak uruyahöt qahö kinmegö sihimnini möta kewö awöwenğömakzin: Injini nanñök nanñök Anutugö

* 5:12: 1 Kor 3.2 * 6:8: Jen 3.17-18

urukönöp ahakzei, miyöhök mönö toroqeba kondela malme. Aködamun-ñinambuk akingö kapañ köla gölmenöñ mal tekömeañgö dop miangörey mönö kude löwörime. ¹² Qölmöm akepuköra mönö awöweñgömakzin. Anutunöñ oyaenköyaen yuai nenñimangö keu jöhöyöhi, tosatñan Anutu möt nariba sihimbölöñini möta mökösoñda mewö miangön mi buña qem angumakze. Inini yeñgö silikñini wuatangömegöra mötzin. Mewö.

Anutugö jöhöjöhö keu mi uruyahötñi qahö.

¹³ Anutunöñ Abraham jöhöjöhö keu wañgiba mi nanñi qetñi qeta jöjöpañ keuñan jim köhöiyök. Kunöñ Anutu onçita öngöñgöñi malbawak, ölop yangö qetñi qetpawakmö, mewöñi kun qahö maliga miangöra mönö nanñi qetñi qeta jöjöpañ keuñi jiiga köhöiyök.

¹⁴ *Jöhöjöhö keuñi mi Abrahamgöra kewö jiba jiyök, “Nöñön mönö ölna kötuetköm gihimam. Mönö ölna gwölönarök gihibiga sehime.”

¹⁵ Mewö jiiga Abraham yuai wañgimapkö keu jöhöi ahöyöhi, yañön mi ölhambuk akñapakö kapañ köla mamböta mala ölni buña qem anguyök. ¹⁶ Ambazipnöñ ketañamñinangö qetñi qeta jöjöpañ keu jiget mörakze. Jöjöpañ keuñinan keu jizei, mi mem köhöiiga qeapköbingö osigetka keu jijininan teköza. ¹⁷ Miangö dop Anutunöñ keuñi Abrahamgö gwölönarökurupñi neñön mötpingöra jöhöba jiyök. Keu areñi mi kunöñ qeapköba utekömangö osizawi, gwölönarökurupñi neñön jöhöjöhö keu miangö könani mi törörök möt yaköbingö mörök. Miangöra jöhöjöhö keuñi jiiga mutukñi aiga keu mi kunbuk jöjöpañ keuñan jim köhöiiga indimñi yahöt ahök.

¹⁸ Anutunöñ keu mi jiba miangö muneñ jimangö osiyök. Yañön keu utekutekñi qahö mi jibagun jim köhöiyöhi, miangön mönö urunini nañgömapköra mörök. Miangöra mi jibagun jim köhöiyök. Neñön gölmegö ahakmeme bölöneyök ölöñ köla Anutugöreñ angota oyaenköyaen nenñimapakö jörömqöröm nenñiyöhi, mi mönö töp memba mamböta maljin. ¹⁹ *Oyaenköyaen akingö al mamböta miangö uruyahötñi kun qahö ahakzin. Jörömqörömnini miangön uruninañgö kösö mendannñi tandök ewö aka nini Jisösbuk jöhöm nenñimakza. Jörömqörömninañgö kösö mendannñi köröpñi miangön mönö nenñöreñök könahiba Suep jikegö uruñe öngöba jike olenñi yahötkö sutñire opo sel ahözawi, mi mewöyök kutuba toroqeba Jisös jakömbuak dum kömbukñe tatzawañgöreñ anja. ²⁰ *Jisösnöñ mönö jitñememenini aka mutuk euyangöreñ öngöba jakömbuak dumñi memba nalö teteköñi qahö tat öngöma. Mewö Melkizedek ewö jike nup galömnini bohonñi aka malja. Mewö.

7

Jike nup galöm Melkizedekö kösohot

¹ *Melkizedek azi mi miri qetñi Salem miangö kiñ kembuñi aka Anutu öngöñgöñangö jike nup galömña malök. Mewö maliga Abrahamnöñ kiñ kembuñi kembuñi bim qeba luhut al engiba lilingöba miriñe kayöhi, nalö miangöreñ kaba Abraham miwikñaiba kötuetköm wañgiyök.

² Kötuetköm wañgiiga sukinapñi pakpak mendeñda ten miengöreñök mohot mohot (1/10) memba nalukña al wañgiyök. Melkizedek qet miangö könani mi “ahakmeme solanñangö kiñ kembuñi.” Qetñangö dop mutuk “ahakmeme solanñangö kiñ kembuñi” ahök aka toroqeba mewöyök “Salemgö kiñ kembuñi” malök. Salemgö kiñ kembu qet miangö könani mi “luaigö kiñ kembu”. ³ Melkizedeknöñ iwinamñi aka saiwaurupñi qahö, ahuahua nalöñi qahö aka kömukömuñi qahö.* Mewö jike nup galöm bohonñi aka nalö teteköñi qahö mal öngöma. Yañön Anutugö Nahönñangö tandök ewö akza.

⁴ Bömönjalöñini Abrahamgö gödaqeçe silikñan Melkizedekö könani kondeli mi kewö ek asarime: Abraham nanñak sukinap yuai aködamunñambuk kalöpköba memba kayöhi, miengöreñök börö yahöt (10) pakpak kewöta bahöñi mohot memba Anutugö nalukña

* 6:14: Jen 22.16-17 * 6:19: Lew 16.2 * 6:20: Sum 110.4 * 7:1: Jen 14.17-20 * 7:3: Buña Keunöñ Melkizedekö iwinamñi aka saiwaurupñi, ahuahua aka kömukömu nalöñi mi qahö jim asariza.

al wanjii miangöra Melkizedeknöh mönö ölña öngöngöñi ketanji qainji kun akza. ^{5*}Anutunöh Köna keujan keu kewö jim kutum nenjii ahöza, “Liwaigö gwölönarökurup al engigetka jike nup meme azi (Liwait) aketka könagesö eñön mönö sukinapñini börö yahöt (10) pakpak kewöta miengöreñök bahöñi mohot memba Anutugö naluha al engimakñe.” Yeñön inini ewö Abrahamgö gwölönarökurupñi akzemö, mi töndup nanjini könagesöurupñini engö böröñineyök naluknini mi buña qem angumakñe.

⁶ Jimkutukutu keu mewö ahözapmö, Melkizedeknöh Liwaigö gwölönarökñi kun qahö akza. Mi töndup Abrahamnöh Anutugö jöhöjöhö keu möt angön köla mala sukinapñi kewöta tenöhök mohot memba Anutugö nalukña alöhi, mi mönö buña qem anguba kötuetköm wanjiyök. ⁷ Ketanjamninangö nembö bapñine maljini, yeñön mönö kötuetköm nenjigetka maljin. Keu mi qañ kölbängö osimakzin.

⁸ Könagesö neñön tenöhök mohot memba Anutugö naluha alakzini, mi gölmegö jike nup meme (Liwait) ambazipnöh buña qem angumakze. Yeñön gölmenöh mala kömumakzemö, Suep mire euyangöreñ kungöra nangöba jigetka köhöiba mal öngömawi, yanñön mönö mi buña qem angumakza. ⁹ Abrahamnöh sukinapñi kewöta börö yahöt (10) pakpak miengöreñök bahöñi mohot memba Anutugö nalukña alöhi, yanñön mi gwölönarökñi Liwaigöra mewöyök qeljine alök. Mewö jiinga ölop dop kölbawak. Nalö kewöñe tenöhök mohot memba Anutugö nalukña alakzini, mi bömönini Liwaigö gwölönarökurupñan buña qem angumakze. ¹⁰ Liwaigö salupñe mewöyök naluk alöhi, miangö könañi kewö: Liwainöh amböñangö körö uruñe tariga Melkizedeknöh mönö nalö miangöreñ kaba Abraham miwikñaiyök. Mewö.

Melkizedek mi Jisösgö söpsöpñi akza.

¹¹ Anutunöh Köna keujan Israel ambazip jim kutum nenjiiga miangö dop Liwai kambunöhök azi kungum enjiinga jike nup galömnina aket. Nup mi megetka mewö miangön aködamunini pakpak miwikñabinak ewö, nini mönö jike nup galöm qainji kungöra qahö osibinak. Nup miangö ölñan qahö dop kölöhanğöra aka Jisösnöh mönö Melkizedek ewö asuhuyök. Ambazipnöh i Arongö areñangö dop qahö kungugetka asuhuyök. ¹² Jike nup galöm nupñangö könañan uteközawi, nalö miangöreñ köna keuninan mönö mewöñanök uteköza. ¹³ Jike nup galöm qainji kun keu mi Kembuninangöra jizinmö, yanñön Liwai kambunöhök qahöpmö, mönö kambu kunöhök asuhuyök. Kambu miangö azi kunñan mönö jöwöwöl jikegö altanöh kinda nup qahö memba malök. ¹⁴ Kembuninan Juda kambunöhök asuhuyöhi, keu mi aukñe ahöza. Mosesnöh Juda kambu yeñön jike nup galöm kölmegö keu kun qahö jiyök.

Jike nup galöm Melkizedek ewö kun

¹⁵ Miangöra jike nup galöm kun Melkizedekö tandök ewö asuhuzawi, miangön mönö keu jizinangö ölñi mi aukñeyök kondeliga dopñe akza. ¹⁶ Yanñön gölme ambazipnöh Köna keu wuatangöba kambuñangö dop jim kutugerangöra aka jike nup galöm qahö ahökmö, malmal köhöikñi qahö ayapkömawi, miangö kukösumñan mönö nam köl wanjiiga jike nup galöm ahök. ¹⁷ *Kunöh yangö könañi nangöba jiiga Buña Kimbinöh kewö ahöza, “Göñön Melkizedek ewö jike nup galöm aka nalö teteköñi qahö mal öngöman.” ¹⁸ Anutunöh mewö jiba jimkutukutu mutukñi mi qeapköyök. Keu miangö kukösumñan qahöwahiga bauköm nenjimapkö osimakzawi, miangöra mi qeapköyök. ¹⁹ Köna keunöh ambazip aködamunini miwikñabingö qahö bauköm nenjiyök. Qahö. Miangöra keu areñ mutukñi qeköba salupñe jörömqöröm qetpuk sorok nenjiza. Nini jörömqöröm miangö qakñe kinda ölop Anutugö kösutñe anda köulukömakin.

²⁰ Anutunöh jike nup galöm dölokñangö keuñi jiba mi jöjöpañ keujan jim köhöiyök. Mewö ahökmö, jike nup galöm tosatñi yengö keuñini mi jöjöpañ keunöh qahö jim köhöigetka töndup mewö aket. ²¹ *Tosatñan jike nup galöm öne aketmö, Anutunöh Jisös kunguba keuñi mi jöjöpañ keujan jim köhöiba yangöra kewö jiyök, “Gi mönö jike nup

* 7:5: Jañ 18.21 * 7:17: Sum 110.4 * 7:21: Sum 110.4

galöm aka nalö teteköni qahö mal öngöman.’ Kembunöŋ keuŋi mi jöjöpaŋ keuŋan jim köhöiba uruŋan mi qahö uteköma.”

²² Jöjöpaŋ keu miangöra aka Jisösnöŋ mönö jöhöjöhö areŋ dölökŋangö ölni asuhumapkö galömni akza. Mewö Anutu aka ambazip sutnine nup memba malja. Jöhöjöhö areŋ miaŋön walŋi oŋgita qetpuk sorok akza.

²³ Jike nup galöm tosatŋi mi mönöwök gwötpuk malget. Kömumba nupŋini toroqeba membingö osigeri, miangöra mi mönö gwötpuk malget. ²⁴ Yeŋön gwötpuk malgetmö, Jisösnöŋ nalö teteköni qahö mal öngömawi, miangöra jikegö galöm nup mi mönö teteköni qahö memba mal öngöma. ²⁵ Nup mi memba maljawangöra Jisösnöŋ ambazip yangöreŋ kagetka enŋuangiri Anutugö kösutŋe anakzei, mi ölop köhöiba amöt qem enŋii keuŋinan kömumakza. Nalö dop yeŋgöra aka Anutu köulukömak-ŋapköra maljawi, miangöra mönö ölop amöt qem neŋgim tekömakza.

²⁶ Jike nup galöm bohonŋi mewöŋan mönö ölop dop köl neŋgiza. Yaŋön töröŋi köpösi-hitkö keuŋi qahö aka sarakŋi akza. Anutunöŋ Jisös ŋiŋgisöndok ambazip neŋgöreŋök tirin kutuba waŋgiri Suep jakeŋi pakpak kutuba euyaŋgöreŋ öngöba qainŋi kun akza.

²⁷ *Jike nup galöm tosatŋan sömaŋi sömaŋi mutuk nanŋini ŋiŋgisöndokŋinaŋgöra aka miangö andöŋe könagesö yeŋgö ŋiŋgisöndokŋinaŋgöra aka sömbupnöŋ jöwöwöl ohoba maljema. Jisösnöŋ nanŋi sileŋi köleŋniga jöwöwöl ohoho ewö ak waŋgigetka mewö miaŋön könagesö neŋgö ŋiŋgisöndoknini mi indim mohot miangöreŋök lök köl könjörari dop köl teköza. Miangöra Jisösnöŋ mi jike nup galöm tosatŋi ewö nalö dop ahakŋapkö qahö osiza.

²⁸ Anutunöŋ Köna keuŋi Moses waŋgiiga miangö dop ambazipnöŋ azi mi kuŋgum enŋigetka jike nup galöm bohonŋi ahakze. Gölmö azi yeŋön kukösumŋini qahö maljemö, Anutunöŋ oyaenköyaen akingö keuŋi mi könaŋep neŋgiba mi jöjöpaŋ keuŋan jim köhöiyöhi, miangö dop Nahönŋi kuŋguiga bohonini akza. Bohonini yaŋön mönö aködamunŋi körek pakpak lök miwikŋaiba nalö teteköni qahö köhöikŋi mal öngöba malma. Mewö.

8

Jöhöjöhö areŋ dölökŋangö jike nup galöm bohonŋi

¹ *Keu jizini, miangö keu kötŋi bohonŋi mi kewö: Nini mönö jike nup galöm bohoninambuk akzin. Bohonini yaŋön mönö Suep mire öngöba Öngöŋgöŋamnini yaŋgö jakömbuak dum tatat qöhöröŋe böröŋi ölje tatza. ² Opo seri jike ölni mi Suepnöŋ ahöza. Mi gölmö azinöŋ memeni qahöpmö, Kembunöŋ nanŋak mi meyök. Jike nup galöm bohonini yaŋön mönö opo seri jikegö oleni töröŋi kötökŋi miangöreŋ mala Anutu welenŋi qemangö nupŋi memakza.

³ Gölmegö jike nup galöm bohonŋi pakpak mi naluk kalem Anutugöra ala sömbupnöŋ jöwöwöl ohoba malmegöra kuŋgum enŋimakzin. Miangö dop jike nup galöm bohonini Jisösnöŋ mewöŋanök nanŋi Anutugö nalukŋa al waŋgiyök. ⁴ Mosesgö Köna keugö dop naluk kalem Anutugöra alakingöra azi lök kuŋgum enŋigetka malje. Miangöra jike nup galöm bohonini miaŋön gölmenöŋ malbawak ewö, yaŋön mönö gölmegö jike nup galömŋi akŋamgö osibawak.

⁵ *Gölmegö jike nup galöm yeŋön gölmegö jöwöwöl jikenöŋ Anutu welenŋi qebingö nupŋi memakze. Jike miaŋön mönö Suep jike kömbukŋangö söpsöpŋi aka imutŋi akza. Mosesnöŋ jike kömbukŋi opo serinöŋ memangö ahöhi, nalö miangöreŋ Anutunöŋ Suep jikeŋangö areŋi mi indelök. Indel teköba galöm meme keuŋi kewö jii mörök, “Mötnöŋ, kundunje malnöŋga areŋ kondel gihiali, yuai pakpak mönö miangö dop törörök wuatangöba memam.” Miangö dop opo serinöŋ jöwöwöl jike meiga miaŋön mönö Suep jikegö korembiŋi ahök. ⁶ Anutunöŋ oyaenköyaen akingö jöhöjöhö keu dölökŋi neŋgiiga miaŋön jöhöjöhö keu walŋi oŋgita ölop sorokŋi akza. Jöhöjöhö keu

* 7:27: Lew 9.7 * 8:1: Sum 110.1 * 8:5: Eks 25.40

miañön arej dölökñangö tandöñi akza. Jöhöjöhö arej dölökñi miañön mönö arej walñi ongita qetbuñañambuk akza. Qetbuña miañgö dop Jisösnöñ jöhöjöhö arej dölökñangö nupñi ölop sorokñi mi buña qem anguba Anutu aka ambazip sutnine kinda bauköm nengimakza. Nupñi miañön mönö gölmegö jike nup memeni mi gwötpuk ongita aködamunñambuk akza.

⁷ Jöhöjöhö arej mutukñan keunji qahö aka dop kölbawak ewö, jöhöjöhö arej könangepñan asuhumapköra öne qahö mamböt-pinak. ⁸*Mewömö, ambazipnön töndup böligetka Anutunöñ könañini miwikñaiba jim engiba kewö jiyök, “Kembu nöñön kewö jizal: Mötket! Nalö kun kam kuñgumawi, miañgöreñ Israel kambu aka Juda kambu embuk jöhöjöhö arej dölökñi akñam.

⁹ Nöñön ambösakonurupñini böröñine memba Ijipt kantrinöhök enguanjitpiga yaigep kagetka yembuk jöhöjöhö arej ahalmö, yeñön nöñgö jöhöjöhö arej mi qahö qekötahöba tem kölget. Miañgöra nöñön mewöñanök i andö enguyal. Kembu nöñön mewö jizal. Jöhöjöhö arej dölökñi akñami, mi Buña keu walñangö dop qahö.

¹⁰ Mewö qahöpmö, nalö miañön kam kuñguiga Kembu nöñön mönö Israel könagesö yembuk jöhöjöhö arej dölökñi kewö aka jimam: Nöñön mönö nani Köna keuni pakpak mi yeñgö mötmötñine ala uruñine kimbi ewö ohobi ahöma. Mewö aka yeñgö Anutuñini akiga yeñön mönö nöñgö könagesöni aka malme.

¹¹ Nalö miañgöreñ ketanji moröñi mi körekmakörek nöñgö könani möt yaköba malme. Miañgöra böhi kunöñ Kembangö könañi mötmegöra sutñine qahö kusum engiba malma. Datñan munñangöra kewö qahö jima, ‘Gi mönö Kembu möt yaköman.’

¹² Kewögöra ni möt yaköm niñgiba malme: Nöñön ahakmemeni bölöñi mi sanjonnda mosötmam. Singisöndokñinangöra mönö ölum nuñgui mi qahö toroqeba mötmörimam.”

¹³ Anutunöñ jöhöjöhögöra “Dölökñi” jiba mewö miañön jöhöjöhö arej mutukñangöra “Mönö walñi ahök,” jiiga könañi mewö asuhuyök. Keu arej kunöñ nalö köröpñi ahöba walñi akzawi, miañön mönö ayapkömangö dop akza. Mewö.

9

Gölmegö opo seri jikenöñ Anutu kewö möpöseiget:

¹ Anutunöñ jöhöjöhö arej mutukñi aka miañgöreñ mewöyök waikñi memba möpöseibingö areñi mi jim kutui wuatangöget. Mi wuatangöba gölmenöñ opo seri jike megetka ahöyök. ²*Anutugö opo seri jike kömbukñi mi kewö meget: Jike olenji mutukñi miañgöreñ lambegö dum tatatñi aka beret kömbukñi mi Anutugö jemesoholñe tebolnön buñaña alget tarök. Jike uruñi miañgö qetñi mi jike olenji kömbukñi. ³*Miañgö andöñe jike uru qetñi jike olenji töröñi kötökñi mi ahöyök. Jike olenji yahöt mietkö sutñire opo sel kinök.

⁴*Jike olenji töröñi kötökñi miañgöreñ jiniñ ohohogö altañi aka jöhöjöhö arengö bokisñi mi ahöyohot. Altañi mi goulñöñ memeni aiga bokis silenji mi körek goulñöñ turuturuñi ahök. Paura qetñi mana mi goul kumbutnön ala bokis miañgö uruñe galöm kölget. Mewöyök Arongö öröpñi sötni jujuñi aka Anutunöñ jöhöjöhö areñi kötnöñ ohoi ilañi mi bokis miañgö uruñe galöm kölget. Bokis uruñe yuai karöbut mi mewö ahöget.

⁵*Bokis qakñe imut yahöt goulñöñ memeni mi Anutunöñ dowe mali asakmararangö söpsöpñi aka kinohot. Imut yahöt mi ginginñiri kötula bokis önunñi turuba kinohot. Bokis önunñi mi Anutugö köl köñjörat dumñi ahök. Keu mohot mohot mi nalö kewöñe nanñök nanñök törörök eraum mötpinangö dop qahö.

* 8:8: Jer 31.31-34 * 9:2: Eks 26.1-30; 25.23-40 * 9:3: Eks 26.31-33 * 9:4: Eks 30.1-6; 25.10-16; 16.33; Jar 17.8-10; Eks 25.16; Dut 10.3-5 * 9:5: Eks 25.18-22

⁶ * Anutugö opo seri jike kömbukñangö yuai pakpak mi mönö mewö arengögetka ahöiga jike nup galöm yeñön nalö dop jike oleni mutukñi miangöreñ öngöba Anutu welenni qeba nupñini memba malget. ⁷ * Mewö malgetmö, jike nup galöm bohonñi yañönök (yara) yambu dop indimñi mohot miangöreñ jike oleni töröñi kötökñi miangöreñ öngöba malök. Sep memba miangöreñ öngöba nanñangöra aka könagesö yeñön gukmaulem qakñe siñgisöndok akeri, mönö miangöra aka jöwöwöl ohoba sepñi mokoï erök.

⁸ Mewö arengöba aketka Uña Töröñan söpsöp mi kondela miañön ambazip kewö kusum neñgiba malök: Jike oleni mutukñan toroqeba kinjawi, nalö miangöreñ Anutunöñ jike oleni töröñi kötökñangö könañi mi aukñe qahö indeliga malget. ⁹ Keu mi nalö kewöñangö söpsöpñi akza. Könañi kewö: Ambazipnöñ kalemñi kalemñi naluk ala jöwöwöl memba kagetka ohomakzemö, uruñinan töndup luai miwikñaibingö osimakze. Uruñinan siñgisön-dok akerangöra aka tölöhoi jöwöwöl memba kaba Anutugö jike kömbukñe öngöba köulukömakzemö, miañön mönö siñgisöndok-ñini köl könjöratpingö osimakze.

¹⁰ Nene kalem aka o kalem memba kaba an köl kam köl aketka o melun könañi könañi mem engimakzemö, mewö silegö jimkutukutuñi miyök wuatangömakze. Yuai mi mutuk dop köli aka malgetmö, Anutugö areñ dölökñangö nalöñan kam kuñguiga miangöreñök könahiba qahö toroqeba dop kölma. Mewö.

Kraistkö sepñangö könañi

¹¹ Kraistnöñ kaba oyaenköyaen neñgimakzawangö jike nup galöm bohonñi ahöhi, yañön gölmegö opo seri jike kömbukñi azinöñ memeni miangöreñ qahö öngöyökmö, mönö Suepkö jike kömbukñe öngöyök. Jike kömbukñi miañön öngöñgöñi akza. Aködamunñan mönö asakmararañambuk. ¹² Miangöreñ öngöba uruñi mutukñi kutuba meme (noniñ) aka bulmakau moröñi miengö sepñini qahö memba anökmö, nanñi sepñi mokoïga miañön nam köl wañgiiga Suepkö jike oleni töröñi kötökñi miangöreñ öngöyök. Miangöreñ nalö mohotkö dop öngöiga dop köl teköza. Sohoppini mewö memba oyaenköyaen akingö kondoriga nalö teteköñi qahö dop köla ahöm öngöma.

¹³ * Mutuk meme (noniñ) aka bulmakau aziñi enguba sepñini memba kaba bulmakau ambi seramñi miañön jöwöwöl ohoba miangö bupgahajöñi mewöyök memba kaba ambazip kölköl-jinñinambuk miañön qewösahöba engömirigetka dop köl engiyök. Mewö amöt qem engigetka miañön sileñini sañgonña mem sarahim engii malget. ¹⁴ Mewö aket ewö, Kraistkö sepñan mönö amötqeqe tandök mi gwötputuk ongita kewö ak neñgimakza: Sepñan mönö urunini tölöhoi sañgonña kömup köhöikñangö buña akingö ahakmemenini mi köl könjörarakza. Mewö ak neñgiiga malmal Toñi Anutu welenni qebingö nupñi mi amqeba memba malbin. Uña Töröñan mala kota teteköñi qahö mal öngömawi, yañön mönö Kraist bauköm wañgiiga köpösihitñi qahö malökmö, neñgöra aka nanñi köleñ anguba Anutugö jöwöwöl lamaanñi ahök.

¹⁵ Könañi kewögöra Kraistnöñ jöhöjöhö areñ dölökñangö galöm bohonñi akza: Anutunöñ ambazip oyaenköyaen aka nalö teteköñi qahö mewö malbingö keu jöhöba engoholöhi, miengöñ Anutugö Buñani mi buña qem angumegöra mötza. Miangöra Kraist aliga Anutu aka ambazip sutnine urumohot akingö nupñi memba malja. Jöhöjöhö areñ mutukñangö nalöñe ambazipnöñ köna ongita siñgisöndok aketka miañön jöhöm engii malgeri, Kraistnöñ i miengöreñök pösat engimangöra aka kömumba sohoppini meyök.

¹⁶ Kunñan öroyuaini pakpak malmalñi tekömawi, miangöreñ alañangö buñani akñapkö jim kutui keu ahözawi, alañan buña mi zilañ qahö mema. Zilañ qahöpmö, keu toñan kömui könañan aukñe asuhui eketka miangöreñ mi ölop buña qema. ¹⁷ Jebuk maliga nalö miangöreñ keuñi miañön öljambuk qahö akñapmö, keu toñan kömuigun keuñan mönö kukñambuk akña. ¹⁸ Keu miangö dop jöhöjöhö areñ mutukñi mi mewöyök sep qahö öne öljambuk qahö ahök.

* 9:6: Jañ 18.2-6 * 9:7: Lew 16.2-34 * 9:13: Lew 16.15-16; Jañ 19.9, 17-19

¹⁹ *Ölḡambuk kewö ahök: Mosesnöh Köna keugö jöjöpaj keu pakpak mi könagesö körek yeḡgöra oyonḡdagun mönö bulmakau moröḡi aka meme (noniḡ) enḡuiga sepninan erök. Eri mi memba obuk mindiriba lama jupḡi pisikḡi gugakgugak memba songorep suḡe jöhöba sepnöh kundumḡöba qewösahöi Köna keu Kimbi lama sileḡe ohoba lipiḡḡögeri, mi miriyök. Mi miribagun könagesö pakpak sutḡine liliköba sep onöh kundumḡöba giliga mianḡön qewösahöi enḡömiriyök. ²⁰ Mewö enḡömiriba kewö jiyök, “Anutunöh keuḡi tem kölmegöra jim kutum enḡiba embuk jöhöjöhö akzawi, mönö mianḡö sepnja ki.”

²¹ *Mewöḡanök opo seri jike kömbukḡi mi tok sepnöh kundumḡöba giliga mianḡön kundumḡöba miriyök. Amötqeḡe nup memegö aködamun yuaiḡi pakpak mi mewöyök kundumḡöba gili miriyök. ²² *Köna keunöh jim kutuzawaḡö dop i me wai pakpak mi mönö sepnöh saḡonḡninga sarakḡi ahakza. Kunöh sep qahö mokoza ewö, Anutunöh mönö siḡisöndoknini qahö mosötma. Mewö.

Kraistkö sepnjan siḡisöndoknini köl könjöarakza.

²³ Suep jike kömbukḡaḡö söpsöp imutḡi imutḡi mi gölmenöh jöwöwöl ohoho aka mewö mianḡön amöt enḡugetka sarakḡi aketka dop köljapmö, Suepkö öröyuaigöra mi qahö dop kölja. Mianḡöra Kraistnöh jöwöwöl ohoho qainḡi kun aka mianḡön Suep jikeḡö öröyuaḡi pakpak mi mönö amöt enḡuiga sarakḡi aketka dop kölök. Jöwöwöl ohoho qainḡi kun mianḡön mönö gölmegö jöwöwöl ohohohi onḡita aködamunḡambuk akza. ²⁴ Mianḡö könaḡi kewö: Kraistnöh jöwöwöl jike oleni töröhḡi kötökḡi azinöh memehi mianḡöreh qahö öḡḡöyök. Mi Anutugö jike öljḡaḡö söpsöpḡi miyök ahök. Kraistnöh mönö Suep miri öljḡi mianḡöreh öḡḡöba nalö kewöḡe bauköm neḡimakḡapköra jitḡe-memenini aka Anutugö jemesoholḡe asuhumakza.

²⁵ Jike nup galöm bohonḡan yambu (yara) dop sömbup sepnini memba jöwöwöl jike oleni töröhḡi kötökḡi mianḡöreh öḡḡöba malök. Kraistnöh mianḡö dop qahö ahakza. Yaḡön Suep mire indimḡi gwötḡuk qahö öḡḡöyök. Anutugö jöwöwöl lamiḡi aiga yambu (yara) dop qemakḡegöra aka eu qahö öḡḡöyök.

²⁶ Indimḡi mohotḡan qahö dop kölbawak ewö, yaḡön mönö Anutunöh Suep gölme miwikḡaim etkiyöhi, nalö mianḡörehök könahiba sihimbölöhḡi bölöhḡi möri indimḡi sehisehiḡi akawak. Mewö qahöpmö, gölmegö nalöḡan tekömamḡö aiga nalö kewöḡe indim mohot miyök siḡisöndok köl könjöratmapköra aka asuhuyök. Asuhuba nanḡi jöwöwöl ohoho ewö ak waḡgimegöra al aḡguyök. ²⁷ Gölme ambazip neḡö areḡnini kewö ahöza: Nini nalö kunöh kömumbin aka mianḡö andöḡe Anutunöh keunini kewöta jim teköm neḡgima.

²⁸ *Areḡ mianḡö dop Kraistnöh mewöḡanök ambazip sehisehiḡi neḡö siḡisöndoknini köl könjöratmapköra indim mohotkö dop kaba nanḡi jöwöwöl ohoho ewö ak waḡgimegöra al aḡguyök. Yaḡön nalö kunöh liliḡöba kama. Siḡisöndoköra aka kunbuk qahö kamapmö, ambazip asuhumapkö mambörakzini, mönö nini oyaenḡkoyaen neḡgiba neḡguaḡitmapköra aka asuhuma. Mewö.

10

Indim mohot kömupnöh al aḡgui dop köl teköza.

¹ Köna keu walḡi mianḡön oyaenḡkoyaen akingö könaḡi öljḡi qahö akzapmö, oyaenḡkoyaen asuhumawaḡö imutimutḡi miyök ahöza. Köna keugö könaḡi mewö ahözawaḡgöra aka ambazip Anutu möpöseibingöra jike kömbukḡe nalö dop öḡḡömakzei, yeḡön mönö letota aködamunḡinambuk akingö osimakze. Yeḡön nalö teteköhḡi qahö naluk kalem waḡgita ala jöwöwöl ohoho miyök yambu (yara) dop toroḡeba aka malgetmö, mianḡön qahö dop kölök. ² Mianḡön dop kölbawak ewö, jöwöwöl ohoho mi ölop mosötpeak. Jike kömbukḡe Anutu waikḡi memba möpöseigeri, yeḡön indim mohot amöt enḡugetka

* 9:19: Eks 24.6-8 * 9:21: Lew 8.15 * 9:22: Lew 17.11 * 9:28: Ais 53.12

saraknji ak teköbeak, mewö mönö siŋgisön-dokñinaŋgö gamuñi mi qahö toroqeba mötpeakmö, mi toroqeba mötket. Mianğöra sömbup kalem mi toroqeba nalukñina almalget.

³ Yambu (yara) dop jöwöwöl ohoba malgeri, mianğön mönö toroqeba siŋgisöndokñinaŋgö gamuñi mi jim gulim engii malget. ⁴ Bulmakau aziñi aka meme (noniñ) yengö sepninan mönö siŋgisöndok köl könjöratmapkö osiza. Mi esapkögetmö, qaköba mala kotket.

⁵* Mianğöra Kraistnönj gölmenönj eta asuhuyöhi, nalö mianğörej kewö jiyök, “Anutu, gönön naluk kalemğöra aka jöwöwöl ohoba-göra qahö köpösönğöba malnönjmö, gölmenönj malmalgö sileñi mi mözözömgöba niñginönj.

⁶ Jöwöwöl ohoba siŋgisöndokñinaŋgöra aka naluk kalemñi kalemñi ala malgeri, mi eka mianğöra qahö söñgaiba malnönj.

⁷ Nalö mianğörej kewö jial, ‘Anutu, mötnönj, nöñön ki kazal. Nönğö könani mi papia lipiñlipiñi mianğörej ohogetka ahöza. Mianğö dop mönö göhö sihimğahö dop aka memba malmam.’”

⁸ Mutuk kewö jiyök, “Naluk kalem ala jöwöwöl ohoba siŋgisöndokñinan solanimapköra yuai könani könani aka malgeri, mianğöra mönö sihimgan qahö asuhui möta malnönj. Mi eka mianğöra qahö söñgaiba malnönj.” Yuai mi Köna keu walñangö dop toroqeba ahakzemö, mi töndup mewö jiyök. ⁹ Mianğö andöñe keu kewö jiyök, “Anutu mötnönj, nöñön mönö ki kaba göhö jitsihitkahö dop aka memba malmam.” Mewö jiba Anutu waikñi memba möpöseibingö könani mutukñi mi qeapköba köna dölökñi kuñguyök.

¹⁰ Anutugö jitsihitñan nam köl wañgiiga sileñan jöwöwöl ohoho ewö aket teköi mianğöra mönö tök kutum neñgii saraknji ak teközin. Indim mohotkö dop sileñi köleñniga mianğön nalö dop mönö söp köla ahöm öñgöma.

¹¹* Nalöni nalöni jike nup galöm pakpak mieñön kinda jike nupñini memakze. Sundan dop jöwöwöl ohoho miyöhök dumñe kunbuk ahakzemö, mieñön siŋgisöndokñini köl könjöratpingö osimakze. ¹²* Mieñön osimakzemö, Suepkö jike nup galöm bohonñan mönö indim mohotkö dop siŋgisöndoköra aka sileñi köleñniga nalö teteköñi qahö dop köla ahöm öñgöma. Jöwöwöl ohoho ewö ak wañgigetka Suep jikenönj öñgöba Anutugö börönj ölñe tatza. ¹³ Mianğörej tata nalö sutñi kianğörej Anutunönj tuarenjoñurupñi tötali et enğuiga Kraist könanaŋgö döpnj* aketka köirañ kölbिंगö mamböta malja. ¹⁴ Indim mohotkö dop kömupnönj al añgui jöwöwöl ohoho ewö ak wañgigetka mianğön dop köl teköi ölop ambazip tök kutum neñgii saraknji akingö dop akzin. Mewö ölop mem letot neñgiiga aködamunini pakpak miwikñaiba nalö teteköñi qahö mewö mal öñgöbin.

¹⁵ Uña Törönjan mewöyök keu mi nañgöba jiiga mötzin. Mutuk keu kewö jii ahöza:

¹⁶* “Kembu nöñön kewö jizal: Nalö tosatñan tekögetka mianğörej mönö jöhöjöhö areñ yembuk akñami, mi kewö: Nöñön Köna keuni pakpak mi mönö uru könömñine ala mötmötñine kimbi ewö ohomam.”

¹⁷* Mewö jiba kewö toroqeyök, “Nöñön mönö yengö siŋgisöndok-ñini aka ahakmemenini iwilelebuk akeri, mianğöra ölum nuñgui mi qahö toroqeba mötmöriba malmam.” ¹⁸ Keu mianğö dop Anutunönj mi mosöri keuninan kömuyöhi, siŋgisöndok mianğöra jöwöwöl ohobinaŋgö dop qahö akzin. Mewö.

Anutubuk kapay köla malbingöra neñgohölök.

¹⁹ Mianğöra urumelenj alaurupnini, Jisösgö sepnan sañgoñ neñgiiga mönö ölop Anutugö jike oleni törönj kötökñi mianğörej öñgöbin. Mewö möt narim köhöiba uruyahöt qahö ahakzin. ²⁰ Jisösnönj köna anangö köna dölökñi mesariga nanñak malmal köhöiknaŋgö könani ak neñgiza. Köna mi nanñi sileñi köleñda mewö mianğön mesari ahöza. Köna mi tiba Anutugö jikenangö opo selñi kutuba jike oleni törönj kötökñi

* 10:5: Sum 40.6-8 * 10:11: Eks 29.38 * 10:12: Sum 110.1 * 10:13: Kerökurupñi memba et al enğiba luhut ala gamu qem enğibingöra könaniñan tuapköba qakñine döpn ewö tölanjiba malget. Juda yengörej köna mewö.

* 10:16: Jer 31.33 * 10:17: Jer 31.34

miaᅅgöreᅅ öᅅgöbin. Jisösgö sileᅅan nam köᅅ neᅅgiiga opo selᅅi mi öᅅöp kutubin.
²¹ Jisösnöᅅ jike nup galöm öᅅgöᅅgöᅅi ak neᅅgimakza. Yaᅅön Anutugö köᅅnagesöᅅi pakpak galöm köᅅ neᅅgiba malja.

²² *Mewö maljawangöra neᅅön möᅅö geᅅmoᅅ mosöta uruyahöt körek yaköriba pöᅅᅅaᅅök mötnariᅅ qakᅅe kinda Anutugö kösutiᅅe anda köuluköba malbin. Sepᅅan qewösahöi neᅅgömiriba uru töᅅöhöpnini saᅅgoᅅniga sarakᅅi aka malbin. Uruninan qahö toroqeba jim neᅅgiiga möᅅö awösamkakak malbin. O sarakᅅi ariinga mem tuarim neᅅgiiga mewö möᅅö Anutubuk qekötahöba malbin. ²³ Anutunöᅅ oyaᅅᅅkoyaᅅᅅ akingö keu jöhöba neᅅgiyöhi, yaᅅön möᅅö keuᅅi pöᅅᅅaᅅ wuatangöba nembuk kinja. Mewö kinjawangöra aka mewö akingö mamböta jörömqörömᅅi jim miwikᅅaimakzin. Miangöreᅅ möᅅö köᅅᅅwarak mosöta zeᅅ kin köhöiba malbin. ²⁴ Urukalem aka ahakmeme öᅅöᅅᅅi akingöra möᅅö uru kuᅅᅅum aka naᅅgöm aᅅguba malbin. Mewö malbingöra möᅅö pöᅅᅅaᅅ galöm mem aᅅguba malbin. ²⁵ Tosatᅅan nanᅅᅅini urumeliᅅ köᅅnagesöᅅö totokoᅅᅅini mosörakzei, neᅅön möᅅö silik miaᅅgö dop kude aka malbin. Mewö qahöpmö, Kembu kamawangö aiwesökᅅi eka nalöᅅan dopdowimapkö mötziᅅi, miaᅅgö dop möᅅö kapaᅅ köᅅa köhöiba uru kuᅅᅅum aᅅguba malbin.

²⁶ Buᅅa keu öᅅᅅi mötagun nanini imbi-imbi qakᅅe siᅅᅅisöndok laᅅ aᅅin ewö, siᅅᅅisöndoknini miaᅅgöra möᅅö naluk jöwöwöl kun albiᅅgö osibin. Jöwöwöl ohoho kun mi qahö bauköm neᅅgima. ²⁷ *Mi qahö bauköm neᅅgimapmö, Anutunöᅅ keunini mi jim teköba likeᅅᅅi meliᅅᅅi qaknine öᅅgömapkö mamböriᅅga jönöᅅᅅninan undui keᅅᅅöᅅᅅnini möta malbin. Anutugö köᅅnöᅅᅅan tuareᅅᅅoᅅ-urupᅅi eᅅᅅohomawi, miaᅅgö kukᅅi miyök asuhumapköra möᅅö mamböta malbin. ²⁸ *Kunᅅan Mosesgö Köna keu andö qezawi, i möᅅö keu jakeᅅe algetka yahöt karöbutᅅan keuᅅi naᅅgöba jigetka keuᅅambuk aᅅᅅa ewö, i möᅅö kude ak kömum wangigetka kömupkö buᅅaya aᅅᅅa.

²⁹ *Mewö aᅅᅅapmö, ambazip kun kewöᅅangö keuᅅangöra möᅅö denöwö mötmörize? Kunöᅅ Anutu Nahöᅅᅅangö keuᅅi köᅅᅅaᅅan tökötaᅅöba gilakza. Jöhöjöhö areᅅ döᅅöᅅᅅangö sepᅅan lök tök kutum wangᅅi sarakᅅi ahökmö, sep mi yuai omaᅅi ewö memba et alakza aka kalem möriam Toᅅi Uᅅa Töröᅅi mi ilita mepaqepaik ak wangimakza. Kunᅅan mewö aiga Anutunöᅅ keuᅅi kewöta likeᅅᅅi dawikö dop wangᅅi dop köᅅᅅawak? Köna keu qetala kömupkö buᅅaya akingö dop akzinmö, Anutunöᅅ ambazip mewöᅅangö likeᅅᅅi mi möᅅö köᅅnöᅅᅅuk ak wangᅅi qakᅅe öᅅᅅöi sihimböᅅö öᅅöᅅi qahö möta malma. Wani sihimböᅅöᅅöᅅ möᅅö dop köᅅ wangibawak? Yaᅅö köᅅᅅaᅅangöra möᅅö denöwö mötmörize?

³⁰ *Keu kun kewö ahöza, “Jinöᅅ jibi, nuᅅᅅunöᅅ guhubi, aᅅᅅöᅅ aᅅi mi nöᅅᅅö nuwa. Nöᅅön möᅅö ambazip keuᅅinaᅅgö likeᅅᅅi meliᅅᅅmam.” Toroqeba keu kun kewö jii ahöza, “Kembunöᅅ köᅅnagesöurupᅅi eᅅᅅö keuᅅiᅅi kewöta jim teköma.” Kun daᅅön mewö jiyöhi, neᅅön i möt wangiziᅅ. ³¹ Anutu malmal Toᅅᅅangö jeᅅe kinda et neᅅᅅui böroᅅᅅan neᅅᅅumawi, miaᅅön möᅅö kanjamᅅambuk kötökᅅi aᅅᅅa. Mewö.

³² Löwöribepuköra kewö jizal: Anutugö asakᅅan kaiga buᅅa qem aᅅguba asarigeri, möᅅö nalö mutukᅅi mi mötmöriba malme. Nalö miaᅅgöreᅅ mötnariᅅkö bim qeba sihimböᅅö gwöᅅᅅuk miwikᅅaiba mi töᅅᅅup aum-möriba aᅅᅅᅅit aka kin köhöiget. Mi möᅅö kude öᅅlum eᅅᅅuma. ³³ Nalö tosatᅅe gamu qem eᅅᅅiget köᅅᅅiᅅᅅ mötketka qeᅅaröknöᅅ eᅅᅅehiba malget. Nalö tosatᅅe alaurupᅅiᅅi tandök mewöyök ak eᅅᅅigetka yeᅅᅅö qöhöröᅅᅅine kinget. ³⁴ Tosatᅅi kösö mire alget tatkeri, möᅅö i eᅅᅅeka sihimböᅅöᅅᅅiᅅi mohotᅅe möta malget. Sukinaᅅᅅiᅅiᅅi kiom qeba megeri, mi möᅅö sösoᅅᅅgai qakᅅe möt aᅅᅅön köᅅa malget. Sueᅅkö ainemaluku qaiᅅᅅi kun qahö ayapkömawi, mi ahöm eᅅᅅizawangö möta miaᅅgöra uruköᅅaleᅅ möta malget.

³⁵ Miaᅅgöra awösamkakakᅅiᅅi möᅅö nalö kewöᅅe kude gila mosötme. Mi kude mosötketka Anutunöᅅ möᅅö miaᅅgö töwaᅅi ketāᅅi eᅅᅅima. ³⁶ Anutunöᅅ yuai

* 10:22: Lew 8.30; Eze 36.25 * 10:27: Ais 26.11 * 10:28: Dut 17.6; 19.15 * 10:29: Eks 24.8 * 10:30: Dut 32.35, 36

engimapkö keu jöhöi ahözawi, eñön mi buña qem angumegöra kinje. Miangöra Anutugö jitsihitji wuatangöba lömböt möta mököşönda kaparj köla malme ewö, Suepkö buñañi miañön mönö engö buña akña. ³⁷*Kewögöra mönö kin köhöiba malme: Nalö töröptökñi miyök mönö toroqeba mamböringa “Kunbuk kamawañön mönö kam kuñguma. Nalöñi qahö qem körii öngömapmö, nalöñangö dop törörök kama.

³⁸Törörök kamapmö, nöngö alanan ahakmeme diñdiñi wuatangömakzawi, yangö mötnaripñan mönö nam köl wañgii mal köhöim öngöma. Kunbuk eleñda mötnaripñi mosötma ewö, mi qahö dop köli urunan mönö yangöra qahö söñgaima.”

³⁹Keu mewö ahözapmö, neñön ambazip uruñini kunbuk eleñda mötnaripñini mosöta könöp siagö buñaya akñei, mönö yengö kambunöñ qahö kinjin. Mewö qahöpmö, mötnaripñini mi mönö galöm kölinga Anutunöñ amöt qem neñgii mala Suep mire öngöbinangö dop akzin. Mewö.

11

Ambazip mötnaripköra aka yuai kewö asuhuyök:

¹Mötnaripkö könañi kewö: Yuaigö jörömqröm akzini, mi asuhumapköra mönö köhöiba uruyahötñi qahö möt narizin. Yuai qahö ehekñi miangö dop aka memba öñji ekingö mamböta awösamkakak kinjin. ²Möpñangö möpñeyök könahiba ambazip mötnaripñinan nam köl enjiiga uruñini melengetka Anutunöñ engehi dop köliga jim ölöwak enjiiga malget. ³*Mötnaripñinan nam köl neñgiiga yuai pakpakö könañi kewö möt asarimakzin: Anutunöñ keuñi jim kutuba miañön Suep gölmegö öroyuaini pakpak miwikñaiyök. Miangöra nalö kewöñe yuai ehakzini, mi yuai ehekñi miangöreñök qahö letota asuhuyök.

Abel, Enok, Noa yengö mötnaripñini

⁴*Kein (Kain) Abel yetkön Anutugöra jöwöwöl ohoyohotka Abelnöñ uruñi melenjiga mötnaripñan nam köl wañgii törörök tem köliga köwakñan diñdiñi öngöyök. Mewö öngöiga Anutunöñ jöwöwölñi ehi dop köli jim ölöwahök. Jim ölöwaka Abelnöñ solanñi ahöhi, Anutunöñ keuñi mi nañgöba jiiga mötnaripñan nam köl wañgii mörök. Mewö möta mala kömuyökmö, mi töndup nalö kewöñe ahakmemeñi möringa keu miañön mönö toroqeba urunini kuñguba nañgöm neñgimakza.

⁵*Azi qetñi Enok yañön mönöwök uruñi melenjiga Anutunöñ keuñi nañgöba jim ölöwahiga möta yangö jeñe dop köla malök. Mewö mala mali mötnaripñan Anutu nam köl wañgiiga wañgiri jebuk öngöyök. “Anutunöñ wañgiri öngöiga toroqeba miwikñaibingö osiget.” Buña Kimbi miangö dop Enok mötnaripñan angön köl wañgiiga qahö kömuyök. ⁶Uruñi Anutugöreñ melenjawañön mönö keu kewö möt narima: Anutunöñ malja aka Anutunöñ ambazip yangö jeñe dop kölbingö jaruzei, mi töwa qem engima. Keu yahöt mi möt nariba ölop Anutugö kösutje kamapmö, qahö möt narim wañgiba öne yangö jeñe dop kölbingöra mönö osibin.

⁷*Anutunöñ Noagöra yuai asuhumapkö galöm meme keuñi indelök. Indeli Noanöñ möt asariba sömbuñi qainñi kun möta öñji qahö ehiga mötnaripñan nam köl wañgiiga tem köla wañge meyök. Anutunöñ nanñi aka saiwaurupñi angön köl engimapköra möta wañge mi meyök. Noa mötnaripñan nam köl wañgiiga wañge meyöhi, ahakmeme miañön mönö gölme ambazip könañamñini goñgoñi indeli Anutunöñ keuñini jim teköiga ayuhuget. Uruñini qahö melenjiga ayuhugetmö, Noagö mötnaripñan nam köl wañgiiga Anutugö jeñe solanñi akingö kalemñi mi buña qem anguyök. Ambazip Anutu möt narim wañgiinga keunini jim teköi solanimakzini, Noanöñ mönö miangö dop solanñi ahök. Mewö.

Abraham Sara yetkö mötnaripñiri

* 10:37: Hab 2.3-4 * 11:3: Jen 1.1; Sum 33.6, 9; Jon 1.3 * 11:4: Jen 4.3-10 * 11:5: Jen 5.21-24 * 11:7: Jen 6.13-22

⁸* Anutunöŋ Abraham gölme yaŋgö buŋa akŋapakö jiyöhi, mönö miangöreŋ anmapkö oholök. Oholi mötnariŋŋan nam köl waŋgiiga keu mi tem kölök. Denikeaŋgöreŋ anda aŋgotpawak mi qahö mörökmö, mi töndup nanŋi gölmeŋi mosöta anök.

⁹* Anda Anutunöŋ gölme yaŋgö buŋa akŋapakö jim jöhöi ahöyöhi, mönö miangöreŋ aŋgorök. Aŋgota kian aka ambazip ahakmemeni qahö mörökmö, mötnariŋŋan nam köl waŋgiyö-haŋgöra mönö töndup opo koumŋi kuŋguba ali miangöreŋ ahöba malget. Isimoröŋi Aisak Jeikob yetköŋ mewöyök Anutunöŋ gölme eŋgimapkö jöhöjöhö keuŋi miyök buŋa qem aŋguba gölme miangöreŋ toroqeba opo koumŋini kuŋguba ala ahöba malget. ¹⁰ Suep siti tandöŋan qahö gisahömawi, Abrahamnöŋ mi ekŋamgö mamböta malök. Anutunöŋ siti miangö areŋi ala imutŋi memba miri tandöŋini esiba meiga pöwöwöm köhöikŋi ahöm öŋgömawi, mönö miangöreŋ aŋgotmamgö al mamböta opo koumŋöŋ malök.

¹¹* Mewö mala lök azi namŋi aiga mötnariŋŋan nam köl waŋgiiga köhöiba iwi ahök. Abrahamgö anömŋi Sara yaŋön köpin malökmö, mi töndup gölöm ala morö meyök. Anutunöŋ Abrahamgö könagesöŋi ketanŋi akŋapakö keu jöhöm waŋgiyöhi, yaŋgöra aka keuŋan öljambuk akŋapakö möt nariba malök. Mötnariŋŋi miangöŋ mönö nam köl waŋgiiga nahönŋa asuhui ehök. ¹²* Azi mohot miangö mötnariŋŋan nam köl waŋgiiga lök kömukömugö dop ahökmö, mi töndup yaŋgöreŋök könagesö keta bölökŋi asuhuget. Sengelau suepnöŋ asarigetka jaŋgöŋini oyorŋbingö osizini, me sak köwet jitŋe ahözei, gwölönarökurupŋan mönö miangö dop sehiba asuhuget.

Ambazip kewöŋan Suep mirigöra awöweŋgöba malget:

¹³* Ambazip kösohotŋini lök jizini, mi körek uruŋini meleŋda Anutu möt narim waŋgiba mala kömuget. Anutunöŋ gölme eŋgimapkö keu jöhöm eŋgii malgetmö, gölme miangöreŋ qahö aŋgotket. Mewö qahöpmö, gölmeŋini mi köröwen kinda uba eka waikŋi memba söŋgaiget. Eka öne söŋgaiba kewö jim miwikŋaiba jiget, “Gölmeŋöŋ mönö kiana aka qandak maljin.” ¹⁴ Ambazip nanŋine miri gölmeŋine aŋgotpingö jaram timakzei, yeŋön mönö keu mewö jimakze. ¹⁵ Gölmö mosötkeŋi, miangö mötmöriba keuŋi jibeak ewö, yeŋön mönö ölop lilingöba miangöreŋ angetka uruŋinan teköbawak.

¹⁶ Mönö ölop lilingöbeakmö, yeŋön miangöra qahö mötmöriba malget. Miangöra qahöpmö, kantri qainŋi kun Suepnöŋ ahözawi, mönö miangöreŋ aŋgotpingö awöweŋgöba malget. Anutunöŋ yeŋgöra siti kun meiga ahözawi, miangöra qetŋi “Nanine Anutu!” qetketka mi möta söŋgaiba yeŋgöra aka gamu kun qahö mörakza.

Abraham, Aisak, Jeikob, Josef yeŋgö mötnariŋŋini

¹⁷* Anutunöŋ Abraham esapesapnöŋ al waŋgiiga mötnariŋŋan nam köl waŋgiiga Aisak Anutu kalema waŋgiyök. Anutunöŋ Aisaköra gölme waŋgimamgö jiiga Abrahamnöŋ jöhöjöhö keu mi buŋa qem aŋguyökmö, töndup nahönŋi mohok-kun mi mosöta miangöŋ jöwöwöl ohomamgö ahök. ¹⁸* Anutunöŋ Abrahamgöra keu kewö jii mörök, “Aisaknöŋ mönö gwölönarökurupki nam köl eŋgiiga asuhuba göhö qetki bisiba malme.” Keu mi mörökmö, töndup nahönŋi altanöŋ ala mosörök. ¹⁹ Mosöta kewö kewöta mötmöriyök, “Kömumapmö, Anutunöŋ ölop köhöiba mem gulii kömupnöhök wahötma.” Söpsöp keu mewö jiyöhi, miangö dop nahönŋan dumŋe kunbuk kömupnöhök ewö wahöri waŋgirök.

²⁰* Mötnariŋŋan Aisak nam köl waŋgiiga nahönyahötŋi Jeikob aka Iso (Esau) mi kötuatköm etkiyök. Anutugö kötumötuŋeŋi miangöŋ mönö nalö könaŋgepeŋe mewöyök dop köl etkii qakŋire öŋgömakŋapaköra köuluköyök.

²¹* Jeikobnöŋ kömumamgö ahöhi, nalö miangöreŋ mötnariŋŋan nam köl waŋgiiga nahönŋi Josefgö nahönyahötŋi yahöt mi kötuatköm etkiba öröpŋaŋgö kitipŋe nariba Anutu waikŋi memba möpöseiyök.

* 11:8: Jen 12.1-5 * 11:9: Jen 35.27 * 11:11: Jen 18.11-14; 21.2 * 11:12: Jen 15.5; 22.17; 32.12 * 11:13: Jen 23.4; 1 Hist 29.15; Sum 39.12 * 11:17: Jen 22.1-14 * 11:18: Jen 21.12 * 11:20: Jen 27.27-29, 39-40 * 11:21: Jen 47.31-48.20

²²*Josefgö kömupņan dopdowiyöhi, nalö miangöreņ môt-naripņan nam köl waņgiiga Israel könagesö Ijpt mosöta kageri, miangö kösohotņi mi jim guliba jiyök. Mewö jiba könagep qamötņi denike löm kölmegö keuņi mi jim kutum enġiyök. Mewö.

Mosesgö mötnaripņi

²³*Mötnaripņiran Mosesgö iwinamņi nam köl etkiiga Mosesnön asuhuyöhi, i nalö miangöreņök könahiba köiņ karöbutkö dop asambörohot. Morö mi eksihimņambuk tandökņi kun ahöhi, mi eka kiņ kembugö jimkutukutuņi oņgitpitpuköra keņgötņiri qahö möta moröņiri asamböta galöm kölohot.

²⁴*Mosesnön qariiga qetņi farao kiņ böratņangö nahönņi qetketka mötnaripņan nam köl waņgiiga qet mi bisimangö tököba farao kiņgö miriņi mosöta angaiyök. ²⁵Ölöp toroqeba Ijpt yembuk singisöndökö sösongaiņi miwikņaiiba mi nalö töröpņi laņ söņgaibawakmö, malmalņi mi andö qeyök. Mi andö qeba Anutugö urumeleņ könagesö yembuk toroqei kahasililiņ ak enġigetka mi mohotņe möta aum-möribingö möri öņgöņgöņi ahök. ²⁶Anutunön töwa waņgimapköreņ göröken uba kin köhöiyök. Miangöra Ijpt yeņön guli dötnamņinambuk aka siyoņsayoņi qahö malgeri, miangö möri yuai eretņi ahök. Miangön yuai eretņi aiga andö qeba Amötqeçe Toņambuk toroqeiga yaņgöra aka mepaqepaik ak waņgiba malgetmö, mi möri töndup öļņi aka öņgöņgöņi ahök.

²⁷Mötnaripņan Moses nam köl waņgiiga Ijpt kiņ kembuņinangö irimņi seholibapuköra keņgötņi qahö möta kantriņi mosöta kayök. Anutu ehekņi qahö mi ehekö tandök mötmörim waņgiba malöhi, miangöra mönö kapaņ köla kin köhöiyök. ²⁸*Mötnaripņan nam köl waņgiiga ak-kömukömu kendon* ala miangö areņi jim kutum enġiiga söņgaiba tatket. Kömupkö garatanön Ijpt uruņe nahönņini mutukņi enġugetka Israel yeņgö nahönurupņinan kömumbepuköra mönö jim kutum enġiiga naņgunine sep miriget.

²⁹*Mötnaripņinan Israel ambazip nam köl enġiiga Köwet Pisikņi mi gölme örönņe anangö dop kutuba kaget. Ijpt yarö azi yeņön mi kutubingö esapkögetmö, mönö onön nemulahöba ayuhuget.

Rahab aka mötnaripkö ambazip ipņi tosatņi

³⁰*Mötnaripņinan Israel könagesö nam köl enġiiga Jeriko taonön kaba kiripo selņi silim 7:gö dop liliköba mohotņe anda kagetka kiripo selņi selņi köhöikņan mönö gororöņgöba etket. ³¹*Mötnaripņan köna ketarņi ambi Rahab nam köl waņgiiga kewö aiga Anutunön ehoriyök: Israel jitņememe yetköň gölme ek miwikņabitköra ölöņ kayohotka ala aka köl öröm etkiyök. Anutunön mi eka könagep yaņgiseņ ambazip enġui ayuhugetka Rahab ehorii yembuk mohotņe qahö kömuyök. Mewö.

³²*Wani keuya kunbuk toroqeba jibileņak? Gideon, Barak, Samson, Jefta, Deiwid, Samuel aka kezapqetok ambazip tosatņi yeņgö kösohotņini toroqeba jibileņak ewö, nöņgö nalönan mönö qahö dop kölbawak. ³³*Mötnaripņinan tosatņi nam köl enġiiga jakömbuak tohoņi tohoņi tulumgöba memba ambazip mindiņgöm enġigetka ahakmeme diņdiņi wuatangöba malget. Anutunön yuai neņgimapkö keu jöhöi ahözawi, gwötpukņan keu miangö dop köuluköba möt narigetka öļņi asuhui meget. Tosatņan laion sömbup sutņine köuluköba möt narigetka Anutunön laion numbuņini jöhöyök.

³⁴*Tosatņan könöp bölam uruņe köuluköba möt narigetka Anutunön könöp ösumņi qömbököiga qahö enġohoyök. Tosatņi bingö sou ketarņi miangön enġubingö aketka Anutunön yeņgö souņini jitņi jöhöiga kök alget. Gwötpukņan lölöwöröņi aka köuluköba möt narigetka Anutunön ösum enġiiga köhöiget. Tosatņan bim qeba köuluköba möt

* 11:22: Jen 50.24-25; Eks 13.19 * 11:23: Eks 2.2; 1.22 * 11:24: Eks 2.10-12 * 11:28: Eks 12.21-30 * 11:28: Anutugö garatanön Israel ambazip enġehoriba enġongiröhi, miangö kendonņi mi nanine keuņön ak-kömukömu kendon jiinga Nei keuņön Pasowa jize. * 11:29: Eks 14.21-31 * 11:30: Jos 6.12-21 * 11:31: Jos 2.1-21; 6.22-25 * 11:32: Kemb 6.11-8.32; 4.6-5.31; 13.2-16.31; 11.1-12.7; 1 Sml 16.1; 1 Kiņ 2.11; 1 Sml 1.1-25.1 * 11:33: Dan 6.1-27 * 11:34: Dan 3.1-30

narigetka Anutunöŋ kuk enŋiiga suahö köhöikŋi aket. Kian yeŋgö yarö kambuŋinan kagetka tosatŋan köuluköba möt nariba mewö mönö enŋuatangögetka unjurata anget.

³⁵*Ambi tosatŋan kitipŋinan kömui köuluköba möt narigetka Anutunöŋ mem gulim wangii kömupnöhök wahöriga kunbuk toroqeba aitongöget. Ambazip tosatŋan kömup andöŋe oyaenŋkoyaen öngöŋgöŋi miwikŋaibingöra möta kaparŋ köla kinget. Mewö kingetka ihileknöŋ enŋuba kahasililiŋ könaŋi könaŋi ak enŋiba kewö jii mötket, “Anutu qarŋ kölnöŋga zilarŋ pösat gihibin.” Mewö jii mötketmö, yeŋön mi tökögetka toroqeba jangauranga mem enŋiba malget. ³⁶*Tosatŋan Anutu möt narigetka mepaqepaik aka ihilek wahiŋambuknöŋ enŋugetka sihimbölö könaŋi könaŋi miwikŋaiba malget. Toroqeba tosatŋi gwaröhöba kösö miriŋi miriŋi miangöreŋ al enŋiget malget.

³⁷*Tosatŋi kötnöŋ enŋugetka kömuget. Tosatŋi segenöŋ mitim enŋigetka yahöt aket. Tosatŋi bimgö sou ketarŋi mianöŋ enŋugetka kömuget. Tosatŋan lama sileŋi aka meme (noniŋ) sileŋi mianöŋ opo ewö löngöta larŋ anda liliköget. Mewö wanapŋi töhöŋ aketka sesewerowero aka kahasililiŋ larŋ mem enŋigetka malget. ³⁸Suepkö aködamunŋinambuk aka gölmegö ahakmeme bölöŋaŋ-göra mötketka qahö dop köl enŋiiga miangöreŋ qahö toroqet. Qahö toroqeba larŋ liliköba gölme qararŋkölkölŋe anda kaba kundunŋi kundunŋi öngöba eta baŋet me gölme titiŋgit uruŋe ahöba malget. Mewö.

³⁹Ambazip kösohotŋini jizali, körek mi mötnariŋinan nam köl enŋiiga uruŋini melengetka Anutunöŋ enŋehi dop köliga jim ölöwak enŋiiga malget. Mewö malgetmö, mi töndup Anutunöŋ oyaenŋkoyaen qainŋi kun neŋgimapkö keu jöhöi ahözawi, miangöreŋ yeŋgöreŋök kunöŋ kun mönö qahö anŋorök. Qahö! ⁴⁰Anutunöŋ i nanŋinök qahöpmö, mönö nembuk mohotŋe aködamuninambuk ak teköbingöra mötza. Mewö möta miangöra oyaenŋkoyaen qainŋi kun neŋgii miwikŋaibingö keu areŋi ali ahöza. Mewö.

12

Anutunöŋ iwi aka mindiŋgöm neŋgimakza.

¹Ambazip kambu keta bölöknŋi mewöŋan mötnariŋkö könaŋi naŋgöba jiba kousu ewö liliköm neŋgiba kinjei, mi mötzin. Miangöra neŋön mewöŋanök mönö lömbötnini pakpak aka ŋiŋgisöndok awamŋanök köpeim neŋgimakzawi, mi gilin anma. Anutunöŋ nini mötnariŋkö bimŋi qeba Satan luhut al wangibingö areŋi ali ahöza. Miangöra malmal sutŋi ki malagun kömumbini, sutŋi mi mönö aonŋit tandök kaparŋ köla bim qeba ösumninan anbin. ²Jisösnöŋ mötnariŋnini mem letori ahui mem qarŋi köhöiba aködamunŋambuk ahakzawi, Toŋi mi mönö jeninan uba törörök ehakin. Yaŋön ölp toroqeba Suep mire mala söŋgaibawakmö, mi mosöta eta miangö salupŋe sihimbölö mörök. Maripomnöŋ kegwek-kahasililiŋ ewö kömumangö gamu möta qahö tököyökmö, mi qenjaröknöŋ möta mökösoŋda kömuyök. Kömumba Anutugö jakömbuak dum tatatnöŋ öngöba böroŋi öŋe tatza.

³ŋiŋgisöndok ambazip yeŋön mewö tuarenŋon ak wangigetka sihimbölö möröhi, enŋön mönö i mötmöröba malme. Sörauba löwöröba urueret aka kindi mötnariŋŋini aka jörömŋörömŋini mosötpepuköra mönö mewö ahakŋe. ⁴ŋiŋgisöndok akinbuköra aum-möröba bim qeba malgetka miangöreŋ ŋiŋgisöndokö Toŋan mönö sepgwörörök (gulibambam) qahö enŋuyök. ⁵*Iwinöŋ nahönböraturupŋi yeŋgöra qambar keu enŋizawi, Anutunöŋ miangö dop keu kun enŋöra kewö jiiga mönö mi ölum enŋui malje, “O nahöni, Kembunöŋ mindiŋgöm gihimakzawi, miangöra mönö mötnöŋga silebile kude akŋa. Keu jim gihiiga miangöreŋ mönö urueret kude aka malman.

⁶Kembunöŋ ambazip jöpaköm enŋimakzawi, ia mindiŋgöm enŋimakza. Ambazip morö ewö enŋömembra köyan köl enŋimakzawi, mi körek kömbinöŋ enŋumakza.”

* 11:35: 1 Kiŋ 17.17-24; 2 Kiŋ 4.25-37 * 11:36: 1 Kiŋ 22.26-27; 2 Hist 18.25-26; Jer 20.2; 37.15; 38.6 * 11:37: 2 Hist 24.21 * 12:5: Job 5.17; Qam 3.11-12

⁷ Morö kun iwiñan qahö mindingöi lañ malbawak, mewö mönö yangö moröñi qahö akawak. Mianğöra Anutunöñ injini nahön-böratñi ewö tandök ak engimakza. Mianğöra lömböt engii mi mönö mindingöm engimapkö tandök mötmöriba möta mököşöñda diñgiba malme. ⁸ Anutunöñ nahönböraturupñi pakpak mindingöm engimakzawangö dop injini qahö mindingöm engibawak ewö, mönö yangö nahönböraturupñi ölni qahö akeak. Mewö mönö iwi qahö wilin morö (bastet) akeak.

⁹ Keu mi kunbuk kewö jimam: Gölmegö iwininan mindingöm neñgigetka yeñğöra göda qem engiba malin. Silegö iwininan korembiñi akzemö, uruninangö Iwininan mönö ölni aka öñgöñgöñi akza. Mianğöra mönö yangö keu bapñe anda diñgiba mal köhöininga dop köлма. ¹⁰ Silegö iwininan mönö nanñini mötmötñinangö dop kapañ köla gölmenöñ nalö töröpñi malbingöra aka mindingöm neñgiba malakze. Yeñön mewö malakzemö, Anutunöñ mönö tök kutum neñgii yangö dop sarakñi akingöra aka mindingöm neñgimakza. Mewö aka ölna ölöwaka oyaenköyaen akingöra mötza.

¹¹ Kunöñ mindingöm neñgiiga nalö mianğöreñök mönö söşöñgai tandök qahö ahakzinmö, wösöbirik sihimbölöñambuk mörakzin. Keu mi ölnapmö, mianğö ölnan mönö könañgep kewö asuhuma: Anutunöñ ambazip mewö mianğön kölm gulim engimakzawi, yeñğö ahakmemeninan diñgiiga luai qem engii möta malme. Mewö.

Qambañ aka galöm meme keu tosati

¹²* Mianğöra “awötñini teköi böröñini lömböriba söörauba kinjawi, mi mönö memba wahöta mindingöme. Tambuñini jula siminñini suljawi, mi mönö mem köhöime.” Buña keu kun mewö ahöza. ¹³* Kekporörökñambukñöñ (kerekporikñambukñöñ) töwölatiba eta qeiga könañan sula bölim teköbapuk. Keu mianğö dop alañini angösirip kude ak wangimemö, mönö ölöwakñapaköra kapañ köla malme. Buña keu kun kewö ahöza, “Köna tiba anangö könañini mönö mem qölöleigetka diñdiñi akñe.”

Keu mianğö dop mönö uru ölöwak qem anguba malme.

¹⁴ Ambazip körek yembuk luainöñ urumohot malmegöra mönö köhöiba kapañ köla malme. Kunñan malmal sarakñi qahö miwikñaimawi, mönö öne Kembu qahö ekña. Mianğöra Anutunöñ mem sarahim engimapköra mönö kapañ köla kinme. ¹⁵* Kunöñ Anutugö kalem möriamñi onğita qahö buña qem angubapaköra mönö galöm mem anguba malme. Nene nupnöñ siriuret kömbukñambuk mi jalöñinambuk qözölmakzin. Mianğö dop uru mötökömbukö könañi pakpak mi qeapköme. Qahö qeapkögetka mianğön qariba kota eñololoñ mem engii gwötñuk engö uruñinan tölöñobapuk.

¹⁶* Mewöyök kunöñ kaisero akapuk me Iso (Esau) ewö angöjörakñambuk malbapaköra mönö galöm mem anguba malme. Isonöñ morönahön mutukñi ahöhañgö börösamot toñi ahökmö, keu mi nene indim mohot nemapaköra aka qeapköyök. Qeapköiga munñi Jeikobnöñ börösamotkö keuñi mi nene mianğön bohonñi memba buña qem anguyök.

¹⁷* Könañgep jöhöjöhö keuñirangö dop asuhui Iwiñangö kötumötuetñan mönö Jeikob qakñe öñgöyök, mi mötze. Mewö öñgöi Isonöñ kötumötuet mi buña qem angumamgö möta uleta sahöri imbilñan erök. Mewö kapañ köla ulerökmö, töndup keu munñambuk jöhöyohori, mi utekömamgö köna kun qahö miwikñaiyök. Mianğöra morö mutukñangö kötumötuetñi mi buña qem angumamgö mörökmö, mianğöreñ qaköba osiyök.

¹⁸* Mönöwök Israel könañesö yeñön Sainai (Sinai) kösutñe kaba kingetka kundunñi mianğön köñöp bölamnöñ jeyök. Jeba köwak-köwak eta panaman meiga raidimbom qeiga Anutunöñ mianğöreñ yembuk jöhöjöhö areñ ahök. Sainai (Sinai) kundunñi mianğön börönöñ oseibinangö dop akzapmö, eñön kundunñi mewö mianğö kösutñe qahö kaba malje. ¹⁹ Anutunöñ jöhöjöhö areñi mi Sainai kundunñe kewö ahök: Garataurupñan tömun qainñi kun ugetka angötömualñi azöñda kaiga keu köhöikñi jiyöhañgö kourukñi mötket. Mi möta keu mewöñi kunbuk kude jii mötmegöra uletket. Eñön kundunñi mewö mianğö

* 12:12: Ais 35.3 * 12:13: Qam 4.26 * 12:15: Dut 29.18 * 12:16: Jen 25.29-34 * 12:17: Jen 27.30-40
* 12:18: Eks 19.16-22; 20.18-21; Dut 4.11-12; 5.22-27

kösutje qahö kaba malje. ²⁰ *Anutunöj keu köhöikñi jiba kewö jim kutum engiyök, “Kunjan kun ambazip me bau sömbup kunöj kundunji mi oseima ewö, i mönö kötnöj qegetka kömuma.” Mewö jim kutum engiiga keu mi wuatangöbingö möt lömböriba osiget. Miangöra keu kunbuk kude jimapköra uletket. ²¹ *Yuai kanjamñambuk kötökñi mi uba eketka Mosesnöj kewö jiyök, “Ni mönö keñgötni möta jönömni undui kinjal.”

²² Eñön mewö qahöpmö, mönö urunini melenja Zaiön kundunji dopdowiba kanjuta malje. Anutu malmal Tonangö sitiñi qetñi Jerusalem Suepnöj ahözawi, miangörej garataurupñi ten tausenni ten tausenni yeñön kambunji kambunji köla unduba sösongai ahakzei, eñön mönö siti mi dopdowiba malje.

²³ Mutuk ahuahü dölökñi ahuba urumelenj könagesö aketka qetñini malmalgö buknöj ohogetka Suepnöj ahözawi, eñön mönö yeñgö kambunini toroqeba malje. Anutunöj ambazip körek neñgö keunini kewöta jim tekömakzawi, eñön mönö bemnini yambuk toroqeba malje. Anutunöj ambazip solanñi mem letot engiiga aködamunñambuk aka kömugeri, eñön mönö yeñgö uñanñambuk toroqeba malje. ²⁴ *Eñön jöhöjöhö arej dölökñangö galömñi Jisös yanjörej kaba yambuk qekötahöba kinje. Yanön sepñan qewösañi engömirimakzawi, mönö malmal mewöñe kanjuta malje. Abelnöj sepñi mokoyökmö, Jisösgö sepñan Abelgö sepñi ongita keu aködamunñambukö mungemñi akza.

²⁵ *Mutuk azi kunöj gölmenöj mala Anutugö keu jitsihitñi ambazip indel engiiga gwötpukñan mi mötpingö tökögetka Anutunöj likepñi melenji qakñine öngöyök. Yeñön miangörejök kök albingö osiget ewö, neñön mönö denöwö kök albinak? Nalö kewöñe alanini kunöj Anutugö keu jitsihitñi Suepnöhök indela jimakzawi, nini i nöñöñgan aka mosötzin ewö, mönö lömbötnöhök kök qahöpmahöp albin. Qegetalninangö likepñi mönö öñja qaknine öngömapkö mötzin. Miangöra kunjan sanep qei mötzei, eñön keu mi mötpingö kezapölök kude akñe. Kezapölök malbepuköra mönö galöm mem anguba malme.

²⁶ *Mönöwök keunji jiiga mötketka gölme utuköba memenjalyökmö, kezapqetok keunji kun jiba jöhöiga nalö kewöñe kewö ahöza, “Nalö kungen dumñe kunbuk gölme utuköba memenjalinam. Gölmeyök qahöpmö, yuai akiga suepnöj mewöyök utuköma.”

²⁷ Keu mewö ahözapmö, “Nalö kungen mönö dumñe kunbuk” jizawi, keu miangö könañi kewö: Anutunöj öroyuai miwikñaiiga ahözawi, miangönök mönö utuköba utekömapmö, Suep mirigö öroyuai qahö utukömawi, miangön mönö kin köhöiba ahöm öngöma.

²⁸ Neñön bemtohoñ qahö utukömawi, mia buña qem anguba kinjin. Miangöra mönö “Anutu saiwap!” jiba mewö miangön waikñi memba möpöseiba uru ölöwak mem wanjimakin. Mi jitñi ongitpinbuköra keñgötnini möta aka gödañi qeba malbin.

²⁹ *Neñgö Anutuninan mönö könöp bölam ewö akza. Miangöra neñgohoi sihimbölö mötpinbuköra mönö keñgöt mötmöt qakñe göda qem wanjimakin. Mewö.

13

Qamban keu teteköñi

¹ Urumelenj alaurup nanñini mönö jöpaköm anguba malme. ² *Kian ambazip sutñine kamei, mi mönö köyan kök engigetka köisirik miwikñaimakñe. Mewö akingö mönö kude ölum engumakñja. Tosatñan mewö akeri, miangön Suep garata tosatiñi qahö möt asariba mohot kök örom engigetka miriñine malget. ³ Tosatñan kösö mire maljei, mi mötmörim engimakñe. Nanñinak yembuk gwaröhöm engigetka malbeak tandök möta mönö i mötmörim engimakñe. Tosatiñi ak bölim engigetka miangö sihimbölöñi mötzei, mi mönö nanñinak mewö malbeak ewö möta mötmörim engimakñe.

* 12:20: Eks 19.12-13 * 12:21: Dut 9.19 * 12:24: Jen 4.10 * 12:25: Eks 20.22 * 12:26: Hag 2.6 * 12:29: Dut 4.24 * 13:2: Jen 18.1-8; 19.1-3

⁴ Ambazip qesabulum aka serowilin akzei, Anutunöj i jim teköm engima. Mianğöra körek eñon mönö awanöm malmal göda qegetka sarakñi aiga awanöm sutñire tötekqötek töwötñi kun qahö ahöma.

⁵ *Anutunöj nanñak keu kun kewö jii ahöza, “Nöñon mönö nalö kunöj qahö gömosöta andö guhumam.” Keu mianğöra aka ahakmemeñinan membagan memingö nepaqepalok kude köpösöngömakñemö, yuai ahöm engizawi, mianğöra mönö mötket dop köl engiiga sösongaibuk malme. ⁶ *Mewö möta ölop ewebibininambuk saitingit kinda kewö jiba malbin, “Kembunöj baukbaukni aiga gölme ambazipnöj ayuhum niñgimeangö dop qahö akze. Mianğöra kenğötñi kun qahö möta maljal.”

⁷ Galömurupñinan Anutugö keu jiget mötkeri, i mönö mötmörim engiba malme. Ahakmemeñini denöwö aka megetka malmalñinan teköyöhi, mönö mi mötmöriba mötnaripñinanğö silikñini wuatangöba malme. ⁸ Jisös Kraist utekutekñi qahö. Mutuk malöhi, miyök merak malja aka nalö teteköñi qahö mal öngöma. ⁹ Kalem möriam toroqeba buña qem anguinga urunini mem köhöiiga ölöwahakñapmö, nene nemingö silikñi mi me mi mianğon mönö urunini mem köhöimapkö osimakza. Tosatñan nenegö dönqizizini könañi könañi wuatangögetka ahakmeme mianğon mönö qahöpmañöp bauköm engiiga pöröpköyök. Mianğöra tosatan dönqizizini murutñi murutñi ambazip kusum engimakzei, eñon mönö keu mi mosötme. (Silikö keunöj mönö janjuñ kude ak engima.)

¹⁰ Jöwöwöl ohoho alta qainñi kun mi neñgöreñ ahöza. Gölmenöj opo seri jikegö nup memakzei, yeñon jöwöwöl qainñi kun mianğö bahöñi memba nemingö osimakze. Anutunöj yeñgöra keu mewö qahö jim teköi ahöza. ¹¹ *Gölmegö jike nup galöm bohonñan kinda ambazip siñgisöndokñini köl köñjoratmapköra aka sömbup qeba sepñi memba jike oleni töröñi kötokñi mianğöreñ öngömakzapmö, sömbup öljini mi memba miri qandak maljei, mianğö sel yaigepñe anda mianğöreñ ohogetka jeba ayapkömakze. ¹² Mianğö dop Jisös mewöyök könağesöurupñi nanñi sepñan mem sarahim engimapaköra aka siti selgö nanju yaigepñe qegetka sihimbölö möta kömuyök.

¹³ Mianğöra miri qandak* maljini, neñon mönö mianğö sel yaigepñe anda Jisösgöreñ toroqebin. Yangöra aka mepaqepaik ak neñgimakzei, mönö mi bisiba malbin. ¹⁴ Mi kewögöra: Siti teteköñi qahö ahöm öngömawi, mi gölmenöj qahö ahöm neñgizapmö, siti könañep asuhum neñgimawi, mi ekingö mönö jaram tiba maljin. ¹⁵ Mianğöra mönö qösösök Jisösnöj nam köl neñgiiga Anutugöra möpömöpösei naluk ala malbin. Jisös qetñi möpöseimakzei, yeñgö numbu jitñinanğö öljani mönö Anutugö nalukñi akza. ¹⁶ Yuai ahöm engizawi, mi mendeñ anguba mem ölöwak angumakzei, mianğon mönö Anutugö nalukñi kun akza. Anutunöj naluk mi ehi uruñan ölöwahiga dop kölakza. Mianğöra mewö akñegöra mönö kude ölum engumakña.

¹⁷ Galömurupñini mönö tem köl engiba kukösumñini bapñe anda malme. Nup megerangö kösohotñini Anutugö jeñe almei, yeñon mönö mianğö tandök engeka uruñini galöm kölakze. Yeñon nupñini mi urulömböt qakñe membepuk. Mianğon iñini qahö bauköm engibawak. Mianğöra mönö keuñinanğö bapñe anda malgetka sösongai qakñe nupñini megetka dop kölma.

¹⁸ Mönö neñgöra aka Anutu köulukömakñe. Yuai pakpak mianğöreñ ahakmeme qetbuñañambuk akingö sihimñi ahöm neñgiiga Anutunöj neñgeka “Dop kölja,” jiiga urukezapninan möringa ölöwahakza. Keu mi möt yaközin. ¹⁹ Nöñgöra köulukömakñegöra mönö kapañ köla kewögöra kuñgum engizal: Iñini köulukögetka Anutunöj nalö qahö mem köriiga ölöwaka ölop kunbuk engöreñ kamam.

Kewö köulukömakzin:

²⁰ Jisösnöj kömuyöhanğöra aka lama galöm qetbuñañambuk aka malja. Sepñi mokoba mianğö muñgem silimbannan Anutugö jöhöjöhö areñi qekötahöba mem köhöiiga nalö

* 13:5: Dut 31.6, 8; Jos 1.5 * 13:6: Sum 118.6 * 13:11: Lew 16.27 * 13:13: Gölmenöj kujuk maljini, mianğö qetñi qandak.

teteköŋi qahö ahöm öŋgöma. Anutunöŋ Kembunini mi mem guliiga kömupnöhök wahöta köhöiba malja.

²¹ Anutu luai Toŋan mönö inahöm eŋgiba jitsihitŋaŋgö dop aka memba malmegö aködamunŋi pakpak eŋgimakŋa. Mewö ölop köhöiba nup ölopŋi könaŋi könaŋi memba malme. Yaŋön mönö möwölöhöba kuŋgum eŋgiiga Jisös Kraistköreŋ naŋgöba malmal Anutugöreŋ dop köljawi, mewö malme. Kraistkö qetbuŋaŋi mönö nalö dop möpöseininga nalö teteköŋi qahö aködamunŋambuk ahöm öŋgöma. Keu mi ölja.

Keu teteköŋi

²² O urumeleŋ alaurupni, nöŋön kewö qesim eŋgizal: Buŋa Kimbi töröpŋi kiyök ohom eŋgizal. Miaŋgöra andö qambaŋ keuni ki mönö kapaŋ köla buŋa qem aŋgume.

²³ Buzup ki mötme: Urumeleŋ alanini Timoti i kösö mireyök pösatketka erök. Ösumok ki kaŋgotma ewö, mönö yambuk kaba eŋgekit.

²⁴ YaizökHzök keuni albiga galömurupŋini pakpak aka Anutugö ambazip sarakŋi körek yeŋgöra jigetka mötme. Itali alaurupninan yaizökHzökŋini algetka eŋgöreŋ kaza.

²⁵ Anutugö kalem möriamŋan mönö körek embuk ahöm öŋgöba ahöma.

Jeimsgörej Kimbi Jeimsnöj Kimbiñi alök. Jim-asa-asari

Gölmeñi gölmeñi miangörej ambazip könañi könañi uruñini melenja letorakzei, yengö ahakmemeñinan siksauk loloñqaloñ aiga töñtañgöba et enğuiga Anutugö qet-buñañan etpapuk. Miangöra Jerusalem bisop Jeims yañön goro keu murutñi murutñi qezaköba ki ohoza. Goro keuñi tosatñi kewö: Mötkutukutu öljñi mi denöwö? Zioz nup öljñi aka muneñi. Esapesap uruñe malmal. Tosatñi kude engek qepureime. Numbu jit galömkölköl. Sileñini möpöseime me uruñini memba et al anğume? Anğururuk me alabauk akñe? Kapañkapañ aka köuluk nup meme.

Waimanjatñi bohonñi kewö: Kraistkö Buñañan qariba aködamun-ñambuk akñapköra qetñi bisiba keuñi köl guliba meinga öljñi asuhuma me qahö? Numbu jitinanök möt nariinga qahö dop kölja. Zioz öljñi qahö mi köhömuñi qamöt tandök ewö akza. Kimbi kiangö bahöñi bohonñi 10 mi kewö:

Keu mutukñi 1.1

Mötnarip aka mötkutukutu 1.2-8

Ambazip wanapñi aka pomñi 1.9-11

Esapesap (manambatok) ölöñi aka bölöñi 1.12-18

Buñja kezapnöñök mötmöt aka temkölköl 1.19-27

Etqegeñi mi kude engek qepureime 2.1-13

Mötnarip nupñi qahö mi omarñi akza 2.14-26

Numbu nesilamninan ayuhum neñgibapuk 3.1-18

Luainöñ malmal me gölmegö ahakmeme 4.1-5.6

Lömböt bisiba köuluköinga öljñi asuhuma 5.7-20

¹ *Jeims nöñön Anutu aka Kembu Jisös Kraistkö nupñi memba maljal.

Israel kambu 12 neñgöreñök tosatñi iñini Israel mosöta gölmeñi gölmeñi denja anda maljei, nöñön embuk keu eraum mötpingöra kimbi ki ohoba jölöñini jizal.

Möt nariba köuluköba mötmöt öljñi miwikñaibin.

² O urumeñeñ alaurupni! Esapesap könañi könañi qakñine öñgömakzawi, miangöra uruñinan mönö kude eri simbawoñ miyök möta söñgaiba malme. ³ Esapesapnöñ qakñine öñgöiga mötnarip-ñinan miangörej köhöimakña ewö, mönö kapañ köla kin köhöimakñe. Mi mötzeangöra mönö söñgaiba malme. ⁴ Kapañ köla kin köhöimakñe ewö, miangön mönö toroqeba mem letot enğuiga ahakmemeñinañgö öljñi pakpak mi aködamunñambuk ahumakña. Miangön ahuiga Anutunöñ oyaenköyaenñan uruñini kokolak qeiga urugö yuai kungöra (meme amgöba) mözöqözöröñ qahö aka malme.

⁵ Engöreñök kunñan “Denöwö akñam,” jiba mötkutukutugöra osizawi, yañön mönö Anutu köuluköiga mi wañgima. Anutunöñ kalemñi sakalakñi amqeba körek neñgöra neñgiba sironen qahö jim neñgimangö mörakza. Miangöra mi ölop wañgiiga buñja qem anğuma. ⁶ Köulukömawi, miangörej mönö niñgimapkö möt nariba uruyahöt qahöpmañöp akña. Uruyahöt akzawañön mönö köwet sirigö dop öñgöba eta ahakza. Luhutnöñ köwet kunduriga lanlan anda kamakza. Miangö dop akapüköra köulukñangö uruyahöt kude akña.

⁷ Uruyahöt ambazip mewöñi kunöñ mönö Kembunöñ yuai wañgimapkö kude mötmörima. ⁸ Yañgö uruñan mönö julkuliga aiakanñi pakpak miangörej kököloloñ aka kongwarak qeba anqem-kamqem keu jimakza. Mewö.

Wanapñi malmal aka pomñi malmal

* 1:1: Mat 13.55; Mak 6.3; Apo 15.13; Gal 1.19

⁹ Urumelej alaurupni, engö sutjine tosatan etqeceji malgetka Anutunöj engöra möri öngöngöji akze. Miangöra mönö ölop nanjini möpöseim angumakje. ¹⁰ *Tosatan öngöngöji maljemö, monej inapjinangöra qahö mötket öngömakzawangöra aka etqeceji tandök mala mönö nanjini möpöseim angumakje. Yengö malmaljinan mönö buörö (roro) juraji ewö aka soholima. Etqeceji aka öngöngöji nejon kömumba miangörej öröröj akin. ¹¹ Wehönöj kota roro ohotiriiga qararaj köla soholiba jurajan bolonanimakza. Jurajan eriga kembanganö kaisongolomji eksihimjambuk mianön piahimakza. Pomji yenön sukinapjini mem sehibingö lilikqilik ahakzemö, mala buörögö (rorogö) dop gororongöme. Mewö.

Esapesap (manambatok) ölöpij aka bölöji.

¹² Anutunöj keuji kewö jöhöi ahöza, “Ambazip urujinan jöpaköm ningimakzei, nöjon i malmal köhöikji engiba nöropjine goul ila köl engimam.” Keu miangö dop bölöngö esapesapnöj kungö qakje öngöiga miangörej kapaj köla köhöi teköiga mönö malmal köhöiknjangö ila sorom buja qem anguba oyaenkoyaen akja. Yangöra “I-ia simbawoj!” jizin. ¹³ Bölöngö Tojan Anutu esapköm wangimawangö dop qahö aiga Anutunöj kun singisöndok akjapkö qahö esapköm wangiza. Miangöra kunjan esapesap uruje mala kewö kude jima, “Anutunöj esapköm ningiiga singisöndok akjamgö akzal.”

¹⁴ Anutunöj qahöpmö, nanini sihim kömbönanjini bölöjan mönö töpötij (nemban, poraj) ewö öröm nejiiga mötöp bitimnöj qaköinga singisöndökö esapesapji mewö mohot mohot nejörej asuhumakze. ¹⁵ Kunjan sihim kömbönanji bölöji qahö jöhöba singisöndok kondotza. Kondoriga sihim kömbönanjan gölömji ala singisöndok mi morö ewö meiga ahumakze. Singisöndöknoj ahuja qarim teköba kömup köhöikji ahum wangimakza.

¹⁶ O wölböt alaurupni, sihim kömbönanjini bölöjan mönö kude tilipköm engima. ¹⁷ Kalem ölöpi aködamunjinambuk pakpak mi Anutunöj ali Suep euyangörejök asuhumakza. Köij wehön jejiri kota kutuba geyohotka imutimutjiran körim törim ahakzappmö, asakji pakpakö Tojan mönö nanjak qahö uteköma. Imutimut me söjaup kun mi yangörej qahö ahöza. ¹⁸ Anutunöj yuai pakpak miwikjaiyöhi, nini miengö sutjine yambu dölokji jejique aka malbingöra mörök. Miangöra nanji sihimjangö dop keu öljangö kötji urunine aliga mianön ahuahö dölokji neji ahuin. Mewö.

Buja keu öne mötpin me tem köla membini?

¹⁹ O wölböt alaurupni, mönö keu ki mötmöriba kude ölüm enguma: Ijini mönö körek keu mötpingö kezap köröpji zilañ alme. Keu lañ mi ösumök kude jime. Irimjinan mönö zilañ kude seholima. ²⁰ Anutunöj ahakmeme diñdiñ akingö sihimji mörakzappmö, irimesewölnöj mia qahö kondorakza. Miangöra mönö irimesewöl mosöta keu ösöj jiba malme. ²¹ Qewöloñ könanji könanji aka ahakmeme töwötjambuknöj qekötahözei, mia mosötme. Mönö yangisejini mosöta Anutugö keu bapje anda keu kötji urujine kömörakzawi, mi möt angön köla malme. Mewö aketka keu mianön ölop amöt qem engiiga letota Suepnöj öngöme.

²² Buja keu mi öne töhön mötketka öljä qahö ahubapuk. Mewö silebile aka tilipköm angubepukmö, keu mi mönö köl guliba malme. ²³ Kunjan keu öne töhöntöhön möta miangö dop qahö ahakzawi, yanön mönö azi kiangö dop akza: Kunjan jemesoholji piliknöj uba angehakza. ²⁴ Uba angeka mosöta kungen anda kaisongolomji denöwö, mi ösumök ölüm qemakza. ²⁵ Mi ölöpi qahöpmö, kunjan köna keu aködamunjangököra kezap ala ehija miangörej qekötahöba singisöndökö kösönöhök lolohomakzawi, yangö ahakmemegöra mönö “Esop simbawoj!” jibin. Yanön keu möta mi qahö ölüm qemakzappmö, mi ölja tem köla miangö dop ahakza.

²⁶ Kunjan urumelengö köl guliguli akjamgö jiba numbu jitji qahö galöm köla nanji mewö tilipköm angumakzawi, yangö lijet köulukjan mönö yuai omañi, öljä qahö akza. ²⁷ Anutu Iwigahö jemesoholje Buja nup sarakji silebilenji qahö memangö jiba mönö

* 1:10: Ais 40.6-7

kewö akñan: Gwani morö aka malö köñjilij qakñe maljei, mönö i anda engekä köyan köl engiba malman aka gölmegö ahakmemerñangö qewölonjan urugi tölöhöbapuköra galöm mem anğuba malman. Mewö.

2

Etqeçeni mi kude engek qepureime.

¹ O urumeler alaurupni! Jisös Kraist Kembunini qetbuñanam-buk möt naribingö jize ewö, mönö ambazip tosatñi kude engek soriba tosatñi kude qepureim engimemö, dop mohotnön ak engiba malme.

² Mianğö dopkeuñi kewö: Azi pomñi kun, kesötñi goul binenñambuk aka opo malukuñi ekjeritñambuk, yañön kambu mirinjine öngöiga azi wanapñi kun sileötani jujuratñi töwötñambuk yañön mewöyök öngöbawak. ³ Öngöyohotka injini azi ipñi ekjeritñambuk mi köl öröm wañgiba kewö jibeak, “Ketañamnini, gi ölop qaikñe eu anda dum tatat löwötñi mianğoreñ tatman.” Mewö jiba azi etqeçeni mi ehörön köla jime, “Gi ölop gorañe anda kinman me köna kutukutunine eta tatman.” ⁴ Silik mewöñan asuhuiga injini könagesö sutñine köñjabö ala mender anğuba qemasolokep aka keuñinambuk akze. Mötmötñini bölöñi wuatañ-göba jimtekötekö ambazip goñgoñi akze.

⁵ O wölböt alaurupni, mötket! Anutunön bemtohoñi ambazip jöpaköm wañgimakzei, yeğö buña ahömapkö keuñi jim köhöiba jöhöyök. Keu mianğö dop tosatñan gölme ambazip jeñine etqeçeni akzemö, Anutunön mi nanñangöra jim möwölöhöm engiiga mötnaripñinañgöra aka öngöngöñi akze. Yeñön bemtohoñangö uruje anğotketka galöm köl engiiga sukinapñinambuk akje.

⁶ Ölna öngöngöñi akzemö, injini ambazip wanapñi engehörön köla engek siriba malje. Ambazip pomñi yeñön mönö moneñ inapñini qahöpköra kewöta mem et al engigetka etqeçeni akze. Yeñön mönö injini örörahöm engigetka keu jakeni jakeni mianğoreñ anğorakze. ⁷ Injini Kraistkö buñani aketka qet ölop sorokñi mi engiba mianğö dop engoholakzemö, pomñi yeñön mönö qet mi luasönön ala lañ jimakze? Gölmegö öngöngöñi yeñön mönö mi pakpak ahakze.

⁸ *Mewö ahakzemö, eñön Anutu bemtohoñangö jöjöpañ keu bohoñi tem köla wuatangögetka dop köлма. Anutugöreñ keuñi mi Buña Kimbinön kewö ahöza: “Nangi jöpaköm anğumakzani, mianğö dop mönö ambazip tosatñi mewöñanök urugan jöpaköm engimakñan.” ⁹ Mianğön dop kölmamö, injini ambazip tosatñi engek soriba tosatñi qepureim engiba dop mohotnön qahö ak engimakze ewö, mönö siñgisöndok ahakze. Anutugöreñ jöjöpañ keu walöngetka yañön mönö keuñini mi miwikñaiba jim teköm engima. ¹⁰ Kunñan jöjöpañ keu pakpak tem köla wuatangöba miengöreñök mohotnön eta qezawi, yañön mönö jöjöpañ keu körek pakpak walön da keuñambuk akza.

¹¹ *Mianğö könañi kewö: Anutu “Sero yoñgorö kude akñan,” jiyöhañön mönö mewöñanök jöjöpañ keu kewö jiyök, “Ambazip kun kude qenön kömuma.” Gi sero yoñgorö qahö akzanmö, töndup kun köhömuñi qezani, mianğön mönö jöjöpañ keu körek walön teköba maljan. ¹² Anutugöreñ köna keu mi siñgisöndökö kösönöhök lolohoba malbingöra ahöza. Anutunön köna keu mianğön kewöt neñgiba keunini jim teköi solanimegöra mötmöriba keuñini mianğö dop jimakñe aka ahakmemerñini urukalem qakñe ahakñe. ¹³ Kunñan urukalem qakñe ambazip qahö ak kömum engiba maliga Anutunön keuñi kewöta jim teteköñi ak kömukömu qakñe qahö ak wañgima. Kunñan urukalem kondela malöhi, Anutunön i kewöt wañgiba ölop ak kömum wañgiiga simbawoñ aka sileñi memba öngöma. Mewö.

Mötnarip ölyi qahö mi köhömuñi akza.

¹⁴ O urumeler alaurupni, kunñan “Jisös möt narizal,” jiba mianğö nupñi qahö meiga mötnaripñi mianğön mönö denöwö bauköm wañgibawak? Keuñanök möt nariiga Anutunön eka amöt qei letotma me qahö? Mi qahö! ¹⁵ Mianğö keuñi kun kewö:

* 2:8: Lew 19.18 * 2:11: Eks 20.13, 14; Dut 5.17, 18

Urujini melenjeri, engö sutjine ambazip kunjan opo kereŋgöra osiba mözöröngöba nenerji wehön kungöra qahö malbawak. ¹⁶ Mewö maliga engöreŋjök kunjan yambuk aitöŋgöba silegö nanjonaŋgö qahö waŋgiba kewö jii mötpawak, “Gi ölop anda nene nempa könpö jömöta bönjöŋ tatman.” Keu töhöŋ mi möriga miaŋön mönö denöwö bauköm waŋgibawak? Mi qahö!

¹⁷ Mewöŋanök mötnarip töhöŋök mi köhömuŋi akza. Mötnaripkö nupji öljö qahö mezawaŋgö mötnaripjan mönö qamöt ewö akza.

¹⁸ Kunjan kewö jibawak, “Göŋön mötnaripuk aknöŋga nöŋön ahakmeme diŋdiŋi wu-ataŋgömakzal.” Nöŋön miaŋgöra kewö jimam, “Göŋön ‘Anutu möt narizal,’ jiba miaŋgö nupji qahö memba öne mötnaripkahö öljö mönö denöwö kondel niŋgibanak? Nöŋön ahakmeme aka membi eknöŋga miaŋön mönö ölop nani mötnaripnaŋgö öljö kondel gihima.” ¹⁹ Gi “Anutu mohok akzawi, mi möt narizal,” jizani, mi ölop! Ömewöröme yeŋön mewöyök mi möt narize. Mi möt narizemö, miaŋön kundut enjiiga Anutugöra jönömŋini undumakza.

²⁰ O uruqahö azi, gi ömewöröme yeŋgö tandök möt narizan me? Mötnaripkö nupji qahö menöŋga öljö qahö ahui keu mi öne töhöntöhön jinöŋga mötnaripkan mönö yuai omaŋi, öljö qahö akza. Miaŋgö könaŋi söpsöp keuni miaŋön kondel gihiza me qahö?

²¹ * “Qahö!” jibanbuköra söpsöp keu kun jimam. Mötnaripkö bömön jalönini Abraham yaŋön mönö denöwö diŋdiŋi ahök? Yaŋön Anutugö jitŋi tem köla nahönŋi Aisak waŋgita altanöŋ ala miaŋön jöwöwöl ohomamgö ahök. Mewö aka mötnarip qakŋe nup meiga Anutunöŋ mi eka keuŋi jim teköi solaniyök. ²² Söpsöp keu miaŋgö könaŋi ek asarizan me qahö? Abrahamnöŋ möt nariba keuyök qahö jiyökmö, mötnarip qakŋe kinda miaŋgö silikŋi mewöyök ahiga nam köliga dop kölök. Ahakmeme diŋdiŋi aka memba maliga mötnaripjan mewö qariba aködamunŋambuk ahök.

²³ * Buŋa Kimbinöŋ keu kun kewö ahöza, “Abrahamnöŋ Anutu möt narim waŋgiiga qetŋi Azi Diŋdiŋi jiyök.” Keu mi mönöwök öljambuk ahuyöhaŋgö dop mi ohoget aka tosatjan Abrahamgö qetŋi “Anutugö alaŋa!” mewö qeta jimalget. ²⁴ Solanŋi akingöra mötnaripkö keu jitinanöhök jiŋga qahö dop kölja. Silikninan mötnaripkö ahakmeme öljö akin ewö, Anutunöŋ mönö keunini jim teköiga solanibin. Kösohotnan mönö miaŋgö könaŋi kondelja.

²⁵ * Söpsöp keu kun mewöyök jibiga mi kondelma: Israel yeŋön gölme ek kutubingöra azi yahöt melaim etkiget anohotka köna ketanji ambi qetŋi Reihab yaŋön etkuangita köyan köl etkiba köna kunöŋ etkumbuliga mosöta anohot. Yaŋön mötnaripkö ahakmeme mewö ahiga Anutunöŋ mi eka keuŋi jim teköi solaniyök. Mewö.

²⁶ Nöŋön keuni ki kewö jim tekömam: Azi uŋaŋi qahö mi qamötŋi. Miaŋgö dop mötnarip ahakmemenji qahö miaŋön mönö köhömuŋi akza. Mewö.

3

Numbu nesilamninan ayuhum neŋgibapuk.

¹ O urumelej alaurupni, engöreŋjök gwötpukjan urujini wahöriga (“Tosatŋi yeŋgöreŋ pinjit mindiŋgöbin,” jiba) kusum engienŋi böhi akingö akepuk. Nini tosatŋi kusum engiba nanini mötmötnini qahö mindiŋgöbin ewö, Anutunöŋ mi ehi qahö dop köliga keunini kewöta köhöikjanök jim teköba miaŋgö dop likeŋi ongiita ak neŋgima. ² Mi kewögöra jizal: Nini körekjan köna keu gwötpuk qiwitipkömakzin. Kunjan nesilamŋi galöm köla keu qahö qiwitipkömakzawi, yaŋön mönö azi aködamunŋambuk sorokŋi akza. Yaŋön ölop köhöiba malmalŋi pakpak mewöyök galöm köla malma.

³ Hosnöŋ (beosi) sihimnini tem kölmegöra ain injup numbuŋine ala kösönöŋ öröba miaŋön ölop öljöŋi ketanji jömuk mi mindiŋqindiŋ ak enjiŋga anakze. ⁴ Mewöyök waŋge ketanji miŋgö silikŋini mötmörime. Miŋön ketanji aketka luhut köhöik-ŋan naŋgöm enjiŋgetka köwet kutuba anakze. Keta bölöŋki akzemö, mi töndup anangö

* 2:21: Jen 22.1-14 * 2:23: Jen 15.6; 2 Hist 20.7; Ais 41.8 * 2:25: Jos 2.1-21

galömñi pailöt yañön wañge giliñe tata sihimñi wuatangöba stia lökuatñi moröñi miyök melenqeleñ aiga wañge ketanjan miangö dop melenqeleñ anakza.

⁵ Nesilamgö könañi mi mewöñanök. Mi sileninañgö kitipñi morörökña kun akzapmö, töndup ölop keu ketanji könañi könañi miangön silenini memba öngöba jimakzin. Mönö ki mötmörinöñ anök:

Könöp jit-tökñi moröñan tereñda geba ölop jölöm jitñe möndöba arökñi keta bölökñi jem kutuiga etpawak.

⁶ Nesilamninan mewöyök könöp bölam ewö akza. Mi sileni-nañgö kitipñi kitipñi miengö sutñine tata qewöloñgö kondotkondot namñi akza. Mewö aiga könöp siagö Toñan jönbölanñan ohotiriba miangöreñ uwulamgöiga awamñanök urukönöpnöñ möndöba jeiga uru pakpak kutumutuba tölöhoiga malmalñe ahakmemenji pakpak mi sanjöp ewö töwima. ⁷ Anutunöñ yuai pakpak miwikñaiyöhi, mi sömbup könañi könañi, nei me yuai bapñinan köla ölöloñgömakzei me köwetnöñ maljei, mi ambazipnöñ mölöwörim engimeañgö dop akze. Mi lök köl tutuhuba mölöwörim engigetka mire (köhömgep) akze.

⁸ Mewö akzemö, nesilamninan mönö sömbup kalñi tandök akza. Mi möröm warabe (röbek) miangön kokolak qequerji aka anamumu ewö öñgöba nengöhöba mem kömum nengimangö jöjörömakza. Ambazip körekñan mi mölöwöriba jöhöm wañgingö osimakze. ⁹ *Nesilamninan Kembu Iwinini möpöseim etkimakzin aka likepñe ambazip nanñi kaisongolom ewö miwik-ñaim engiyöhi, mi sait keunöñ lañ qesuahöm engimakzin.

¹⁰ Numbu nesilam mohok miangön Anutugö qetñi möpösei-makzin aka sait keunöñ tosatñi qesuahöm engiba jimakzin. O urumelen alaurupni, könañamñinan mewö ahöi qahö dop kölja. ¹¹ O sawölñi aka kömbukñambuk mi o jeñi mohok miangöreñök uzumgöba korakzahot me qahö? Mewö qahö. ¹² O urumelen alaurupni, jogañ ipneyök danam (sam) mi ölop asuhumakze me qahö? Mewöyök jaunöhök mandarina ölop asuhumakze me qahö? Miangö dop o sawölñan köwuk kömbukñambuknöhök uzumgö-mangö osimakza. Mönö mi.

Mötkutukutu ölni aka munenji

¹³ Engö sutñine dañön mötkutukutubuk aka keu mindingö-mawañgö dop akza? Kunöñ “Mewö akza,” jime ewö, yañön mönö uruñi mötkutukutuñgö dop memba et ala silikñan guñböñjönjön ahakmemenji kondeli aukñe asuhui ehinga dop kölma. ¹⁴ Miangön dop kölmapmö, uruñine mututqutut ahöiga irimesewöl mötököm-bukñambuk möta körögisigisi aka nanñini yuainöñ qarimapköra köpösöngöba andöqe qe ahakze ewö, mötkutukutuñini miangöra mönö sileñini öne kude memba öngöme. “Keu ölni wuatangözin,” jiba mönö ölni köyatibepuk. ¹⁵ Yengöreñ mötkutukutu mewöñi mi gölmegö mötkutukutuya akza. Mi Suepnöhök qahö erakzapmö, ömewöröme yeñön ambazip sölölohöm engiget jigetka Uña Töröñan miangöra wösöbirik ahakza.

¹⁶ Denike yeñgö uruñine mututqutut ahöiga irimesewöl möta körögisigisi aka nanñini yuainöñ qarimapköra köpösöngömakzei, yeñgö malmalñine siksauk ilingösöñ ahöiga silik angjöörakñambuk könañi könañi wuatangömakze. ¹⁷ Mi wuatangömakzemö, möt-kutukutu Suepnöhök erakzawi, miangö könañi mutukñi mi ahakmeme sarakñi. Mötkutukutu sarakñangö silikñi tosatñi mi kewö: Luainöñ malbingö ak enjiiga guñböñjönjön qakñe tosatñi ak engiba keu bapñe angetka Uña Töröñan uruñini kokolak qeiga tosatñi bauköm engibingö sihimñi gwötpuk mötketka urumöt-mötñinañgö ölni ölöpnji ölöpnji mi gwötpuk asuhumakze. Geñmoñ mosöta ambazip keuñini bahösapsap qahö kewöta silesile silik qahö malje. ¹⁸ Luaiqe qe ambazipnöñ luainöñ malbingö möta miangö kötni kömötketka ölni ahakmeme diñdiñi ahuiga oyaerñkoyaerñ malakze. Mewö.

* 3:9; Jen 1.26

4

Gölmegö mötkutukutu mosöta Anutugö ala aka malme.

¹ Wani yuainöŋ bim aka aŋgururuk sutŋine kondori ahumakze? Nanŋini sihim kömbönaŋinan mönö wahöta sileŋini dop köliga ölöŋŋi bölöŋan awöraŋgöyohotka bim aka aŋgururuk ahumakze. ² Iŋini yuai könaŋi könaŋi memingöra sihimŋi köhöikŋi bökbök mörakzemö, mi engö buŋaya qahö ahakza. Yuaigö eksihim möta eröm ota uruŋinan köŋöp jeiga ambazip engugetka kömumak-zemö, töndup mi qahö memakze. Miaŋgöra yom jiba aŋgururuk aka bim qemakze. Iŋini Anutugöreŋ qahö köuluköba nanŋinak öne memingö mötzeaŋgöra mi qahö buŋa qem aŋgumakze.

³ Anutugöreŋ köulukömakzemö, töndup mi kewögöra qahö memakze: Uruŋinan qahö diŋgiiga yuai engiiga mi mösöhöba nanŋini sihim kömbönaŋini bölöŋi meköba sileŋinaŋgö söŋŋgai akingöra möta ulerakze. Mi qahö dop köliga Anutunöŋ mi aŋgön kölakza. ⁴ O iŋini qesabulum ambazip ewö akze. Awanöm köna diŋdiŋi mosöta serowilin ahakzei, iŋini mönö miaŋgö dop Anutu mosöta urumeleŋgö kopa ambazip yembuk ala-ala aka moneŋ inapnöŋ göröken uruŋini jöhöba malje. Tandök mewöŋi aka miaŋön mönö Anutubuk kerök-kerök ahakze. Mi möt kutuze me qahö? Miaŋgöra kunŋan gölmegö sihim kömbönaŋi bölöŋi mekömamgöra uruŋi alakzawi, yaŋön mönö Anutugö kerökŋa ahakza.

⁵ Buŋa Kimbigö keu kun kewö ohoget ahöza, “Uŋaŋi Töröŋi urunine al neŋgii maljawi, Anutunöŋ i sihim kömbönaŋi mienöŋ kokolak qem waŋgiiga malja.”* Keu mi omaŋa könaŋi qahö mötmöribepuk. ⁶ *Keu mi omaŋa qahöpmö, iŋini miaŋgö dop sihimŋini törörök Anutugöreŋ alme ewö, yaŋön mönö kalem möriamŋi önöŋi qahö engimakŋa. Miaŋgöra Buŋa Kimbi ki jiba ohoget ahöza: “Anutunöŋ söŋgöröqök ambazip tuarenjoŋ ak engimakzapmö, uruŋini memba et alakzei, ia kalem möriam engimakza.”

⁷ Miaŋgö dop iŋini mönö uruŋini kewöta Anutugö keu baŋŋe anda malmemö, Bölöŋaŋgö Toŋi tuarenjoŋ ak waŋgigetka engömosöta söreiba misiŋgöba anma. ⁸ Mönö Anutubuk jöhöjöhö aka kösutŋe kagetka yaŋön embuk jöhöjöhö aka kösutŋine kinma. Siŋgisöndok megetka böröŋinan töwiiga Jisösgö seŋŋan mi saŋŋonmapkö köuluköme. Uruŋinan julkuliga an qem kam qem laŋ aketka uruŋinan tölöhoiga kök köŋjörat engii sarakŋi akŋegöra köulukömakŋe. ⁹ Mönö dabökörökŋini möt kutuba jŋŋerŋ köla wösöbirik möta silata sahötme. Gön köisirikŋini mosöta melenŋda amburereŋ akŋe. Söŋŋgaiŋini mosöta wösöbirik möt aŋgume. ¹⁰ Mönö Kembugö jeŋe memba et al aŋgugetka yaŋön mem wahöt engima. Mewö.

Urumeleŋ alaurup kewöta keuŋini kude jim teköme.

¹¹ Urumeleŋ alaurup, andönöŋ qeŋe keu mönö kude jim aŋguba malme. Kunŋan keu mewö yöhösaŋ jiba urumeleŋ alaŋaŋgö keuŋi jim teközawi, yaŋön mönö Anutugöreŋ köna keu jim teköba memba et alja. Gi Anutugöreŋ köna keu jim teköba göragöra ala mewö miaŋön mi qahö tem kölakzanmö, mi silebile memba timbiqimibilim azia aka maljan. ¹² Anutunöŋ köna keu jim kutum neŋgiba miaŋgö dop mönö keunini kewöta jim teköiga ayuhubin me ak kömum neŋgiiga oyaenŋkoyaenŋ akin. Yaŋönök jimtekötekö Tonini akzapmö, gi mönö nangahöra “Niŋia akzal?” jiba alagi kewöta keuŋi jim tekömakzan? Mewö.

Sile memegö galöm keu

¹³ *Mönö kezap alget! Tosatŋi iŋini sile memba kewö jimakze, “Nini merak me uran ki mosöta taon mi me mi miaŋgöreŋ anda kölköl-örörö aka moneŋ ketaŋi öröba yambu (yara) mohok malin teköiga miaŋgöreŋ liliŋgöba kabin.” Nöŋön miaŋgöra kewö jibi mötme: ¹⁴ Malmalŋini uran denöwö malmei, iŋini mi qahö möt kutuze. Engö malmalŋinaŋgö könaŋi mi denöwö? Mi köwak kousugö dowä ahözawa, nalö töröptökŋi

* 4:5: Buŋa Kimbigö keu miaŋgö könaŋi kun kewö, “Uŋa Töröŋi uruŋine ali maljawi, yaŋön jöpaköm neŋgimamgö sihim kömbönaŋi möta neŋgöra mututqutut mörakza.” * 4:6: Qam 3.34 * 4:13: Qam 27.1

asuhuba ayapköma. ¹⁵ Mianğöra enjon mönö kewö jigetka dop kölma, “Kembugö jiti sihitnjan neğöra mewö ahöiga jebuk malbin ewö, mönö mewö mewö aka membin.”

¹⁶ Mewö qahö jimakzemö, öne töhön jakbak-öranğörağ aka nanğini sileğini memba öngöba möpösei-makze. Ahakmeme pakpak mewöni mianğön mönö bölöni akza.

¹⁷ Keuni jim tekömamğöra kewö jizal: Kunğjan silik ölopni aka memawanğö dop aka mianğö könani möt kutubagun mi qahö aka memawi, yanğön mönö siğgisöndok akza. Mewö.

5

Ambazip sukinapğinambuk yeğö galöm meme keu

¹ O ambazip sukinapğinambuk, inini kezap ala keuni ki mötket: Kahasililiğ sihimbölo qakğine öngömawi, mianğöra mönö amburereğ aka silata sahötme. ² *Moneğ sukinapğinan mönö gisahöba gororongöza. Kezaplonğon jijilukut yeğön opo malukunini yöhöqöhötiba nemakze.

³ Inini nalö teteköni kewöne goul, silwö aka yuai tosatni qaknön qaknön qezaköget ahözawi, mi kahawet muetmuetnön turum teköba törom (rust) memba ahöza. Törom kahawet mianğön dangunu ewö ahöba könanini nalö teteköne kewö kondelma: Inini malmalğini moneğ inapnön jöhöba mösöhögetka pömsöm qeiga ayuhume. Törom kahawet mianğön mönö könöp bölam ewö sile busunini mewöyök mem bölima. ⁴ *Ki mötmöriğet: Nup meme ambazip nupğine barö memba siri uret qözöla malgeri, inini yeğö töwanini ekbonep möta anğön kölget. Inini yeğöreğ sahöt irikurukğini mötze me qahö? Silatğini mianğön mönö Kembu Anutu, kukösum pakpakö Toğanğö kezapne gem teköiga mötza.

⁵ Inini gölmenöğ ki yuai könani könani sesegilgil buğa qem anğuba siyonşayon qahö mala sileğö sösongai algetka nahömğini dop köl enğiiga malget. Gölmegö kelök möriamğjan jöhöm enğiiga lağ mala nem qarip ketaği aka malje. Anutunöğ keunini jim teköiga enğuget kömumeanğö nalöğinan kam kuğumawi, mönö nalö mianğöra jöjöröba kelökğinambuk aka malje. ⁶ Ambazip qewölonini qahö inini qahö tuarenjon ak enğigetka töndup keunini jim teköba lağ enğuget kömumba malget. * Mewö.

Lömböt mökösönğda bisiba köuluköba malme.

⁷ O urumeleğ alaurupni, inini Kembunöğ kanğotmapköra mamböta nalö sutne kianğöreğ mönö mökösönğda lömböt bisiba kinme. Mewö kinda kölkömöt azigö tandökni mötmörime: Yanğön nene gölmenöğ kömöta kinda ölni söngöröni öngöngöni asuhumapköra kapağ köla mambörakza. Kapağ köla mamböta mali maliga kie bedu nalöğan kaiga kunbuk mamböriga kömunjağ kie uru nalöğan kam kuğumakza. ⁸ Enjon mewöğanök mönö mökösönğda lömböt bisiba kinme. Kembunöğ kunbuk kamawanğö nalöğan törizawanğöra aka mönö uruğini qezaköba böğ qeba kinme.

⁹ O urumeleğ alaurupni, Anutunöğ keunini jim teköi lömböt miwikğaiabepuköra mönö nanğini sutğine jimongot kude aka uruğinan irikuruk kude jim anğumakne. Mötket, jimtekötekö Toğan mönö dopdowiba nanğunöğ kinja. Mewö. ¹⁰ Urumeleğ alaurupni, kezapqetok ambazip yeğön mönövök Kembugö qetne Buğa keu jigetka kahasililiğ mem enğigetka möta töndup mökösönğda lömböt bisiba kapağ köla malget. Enjon mönö yeğö tandökğini mötmöriba köna lasupğini wuatanğöba malme. ¹¹ *Tosatğjan kapağ köla lömböt bisiba mala luhut algeri, nini yeğöra “I-ia simbawon!” jizin. Azi qetni Job (Hiobe) yanğön kahasililiğ möta töndup kapağ köla luhut alöhi, mi mötze. Luhut aliga teteköne mianğöreğ Kembunöğ ak kömukömu Toği aka neğgehorimakzawi, yanğön mönö oyaenğoyaenği wanğiiga malök. Mönö mi mötmörime. Mewö.

* 5:2: Mat 6.19 * 5:4: Dut 24.14-15 * 5:6: Keu mianğö könani kun kewö: Inini azi qewöloni qahö töndup keunini jim teköba qegetka kömuyöhi, yanğön inini kunbuk qahö qetal enğimakza. * 5:11: Job 1.21-22; 2.10; Sum 103.8

¹² *O urumelenj alaurupni! Keu kötñi mutukñi kun ki jimam. Inini keu mi me mi jimei, mi jöjopañ keunöñ kewö kude jim köhöime, “Keuni ölni qahö akza ewö, Suep Toñan ölop lömböt ali qakne öngöma me gölme toñan mereñ mumbaköiga gölmenöñ turum niñgima.” Keu mi me jöjopañ keu tosatñi mewöñi miañön mönö keunini kude jim köhöime. Mewö qahöpmö, oñ-keugöra möta “Oñ!” miyök jime aka qahöp-keugöra “Qahö!” jime. Pötagororoñ keu jigetka Anutunöñ keunini jim teköba likepñi meleşni qakñine öngöma. Mewö.

Mötnarip qakñe köulukögetka ölni asuhuma.

¹³ Mötnarip ambazip engöreñök kunñan qemjem-mamje-ñambuk malja ewö, yañön mönö Anutu köuluköma. Kunñan sösongainöñ malja ewö, yañön mönö liñet köla Anutu möpöseima. ¹⁴ *Engöreñök kunñan kawöl yöhöi malja ewö, yañön mönö mötnarip könagesögö jitlememe öröm enjiiga kaba Kembugö qetñe kelöknöñ sileñe miriba yañgöra köuluköme.

¹⁵ Mötnarip qakñe köulukögetka Kembunöñ kawöl ambazip mi amöt qem wañgii ölöwaka kunbuk wahötma. Siñgisöndok aka kawöl miwikñaiyök ewö, Anutunöñ mönö siñgisöndokñi mi sañgoñda mosötma.

¹⁶ Mewö aiga Anutunöñ amöt qem enji ölöwakñegöra mönö siñgisöndokñini jim miwikñaim añguba bauköm añguba Anutugö köulukömakñe. Ambazip solanñi kunñan uruñi qezaköba Anutu köulukömawi, miañgö ölnan mönö wewelipñambuk asuhuma.

¹⁷ *Miañgö söpsöpñi kun mi kezapqetok azi qetñi Elaija (Elia). Yañön gölme azi nani-ñañgö dowa malök. Yañön kie qahö kamapköra uruñi qezaköba kapañ köla köuluköiga kienöñ yambu (yara) karöbut aka köiñ 6 miañgö uruñe gölmenöñ qahö erök. ¹⁸ *Nalö mi teköiga kunbuk köuluköiga suep injañ köla kie yöhöba bedu meiga nene kunbuk töngöniba asuhuyök. Mewö.

Kunöñ jañjuñ aniga alañan bauköiga dop kölma.

¹⁹ Urumelenj alaurupni, engöreñök kunöñ keu ölnañgö könani qiwitipköba jañjuñ aniga kunñan i miwikñaiba köna ölni kunbuk wañgita alma ewö, ²⁰ *miañgöra mönö kewö mötmörime: Siñgisöndok ambazip kunñan jañjuñ könane aniga alañan i mi-ñañgöreñök wañgiriga uruñi löwörii kunbuk meleşmawi, yañön mönö qahö kömum köhöima. Alañan i könöp sianöñ gebapuköra añgön köl wañgiiga Anutunöñ siñgisöndokñi sehiseñi mi sañgoñda köl turuma. Mewö.

* 5:12: Mat 5.34-37 * 5:14: Mak 6.13 * 5:17: 1 Kiñ 17.1; 18.1 * 5:18: 1 Kiñ 18.42-45 * 5:20: Qam 10.12; 1 Pitö 4.8

Pitögörej Kimbi 1 Pitönöj Kimbiñi mutukñi alök. Jim-asa-asari

Pitönöj Buja Kimbiñi ki ohoba Kraistkö alaurupñi Eisia prowinsgö Not likepñe denja malgeri, yeñgöra ali anda liliköyök. Könahiba qetñini kewö qeta ohoyök, “Anutunöj ambazip nanñangöra möwölöhöm enjyöhi, mienön.” Mötnarip ambazip sesewerowo miwikñaiba sihimbölö möta malgeri, yeñgö uruñini nanñomapköra aka Kimbi ki ohoyök. Kraistkö Ölöwak Buñagö könañi ölum enjgubapuköra aka Jisösgö keuñi kunbuk kewö jim asariyök, “Jisösnöj kömuyökmö, kunbuk kömupnöhök guliba wahöta kunbuk lilingöba kamangö jim jöhöba oyaenköyaen akingö jörömqörömñi neñgiiga al mambörakzin. Miangöra sihimbölö mörakzei, mi mönö möt anğön köla kapañ köla köhöiba kinda malme. Sihimbölö miangön mötnaripñini keworiga öljambuk akña ewö, Anutunöj mönö likepñi meleñ enjgima. Jisös Kraistnöj asuhumawi, nalö miangörejök mönö aködamunñinambuk akñe. Keu mi möta awösamakak kinme.” Mewö qambañ enjgiba ohoyök.

Wahöjalij nalöñe uruñini nanñom enjgiba toroqeba köhöiba kewö uru kuñgum enjyöök, “Inini Kraistkö buñaya akzeangö dop mönö malmal sarakñi malme.”

Buk kiangö bahöñi bohonñi 6 mi kewö:

Keu mutukñi 1.1-2

Anutugö amötqeqe nupkö könañi 1.3-12

Malmal sarakñi malbingö jimkutukutu 1.13-2.10

Sihimbölö qakñe nup denöwö bisibin 2.11-4.19

Uruñini meleñda memba et ala nup meme 5.1-11

Buja kimbi kiangö keu kötñi bohonñi 5.12-14

¹ Anutunöj ambazip nanñangöra möwölöhöm neñgiiga neñgöreñök injini tosatjan Israel mosöta prowins qetñini Pontus, Galesia, Kapadosia, Eisia aka Bitinia miangörej denja anda malje. Pitö nöñön Jisös Kraistkö melaimelai azi aposol aka embuk keu eraum mötpingöra kimbi ki ohozal. ² Iwi Anutunöj qeljijne möpñangö möpñe mötmöt arej ali ahöiga miangö dop Uña Töröñan injini mem sarahim enjgiiga Anutugö buñani aket. Anutunöj injini Jisös Kraistkö jitiñi tem kölmegöra möwölöhöm enjgiiga Kraistkö sepñan qewösahöi enğömiriba sañgoñ enjgimakza.

Anutugö kalem möriamñan mönö uruñini dop sehiiga luainöj malme. Mewö.

Oyaenköyaenğö jörömqörömninanğöra Anutu möpöseibin.

³ Neñön Kembunini Jisös Kraistkö Iwiñi Anutu i kewögöra möpöseimakin: Anutunöj ak kömukömu ketañi neñgiba neñgömeiga ahuahu dölökñi ahuin. Ahuahu dölökñi ahuaba Jisös Kraistnöj guliba kömupnöhök wahöröhi, neñön miangö dop guliba wahöta oyaenköyaen akingö jörömqöröm aka maljin. ⁴ Oyaenköyaen buña qem anğubingöra jörömqöröm aka al mambörakzin. Anutunöj oyaenköyaen mi urumeleñ alaurupñi neñgimapköra Suep mire ali ahöza. Miangörej ahöba qahö sahaha kahawet memba töwiba gisahöba ayapköma. ⁵ Mötnarip köl gulime ewö, Anutugö ösumñan sel jöhöba kölközizip enjgiiga Suepkö buñaya malgetka Jisösnöj ölop enjguangiriga Suepnöj öngöba oyaenköyaen akñe. Anutunöj Amötqeqe Tonangö könañi nalö teteköñe mewö indel teköiga ambazip jim asarim enjgibingöra aka ahöza.

⁶ Oyaenköyaen akingöra söñgaiba maljemö, gölmenöj malinga Anutunöj esapesap Tonji qahö jöhöiga lömböt anğösirip könañi könañi asuhugetka sihimbölö miwikñaiba möta malje. Nalö töröpñi mewö malmemö, mi töndup sösongai aka malje. ⁷ Anutunöj esapesap qahö jöhöiga qakñine öngöba mötnaripñinanğö tandökñi kewörakza. Köt ölni köhöikñi goul miangö söngöröñan mönö guli dötnam onğitzapmö, töndup nalö

kunöy ayapköm teköma. Nalö töröpnangöra aka ambazipnöy goul mia kun könöpnöy delasi ohoba ölhan gizikörörök ahöbapüköra kewöta esapkömakze. Mianjö dop injini ölha törörök möt nariba kin köhöimakze me qahö, esapesapnöy mönö mianjö könani kondelakze. Anutunöy uruñini ölhi kewöriga goul kewögöra ongitmapköra mötza: Mötnaripñinan pöwöwöm köhöikñi aiga söngöröñi öngöngöñan goul silwö gwötpuk ongita nalö teteköñi qahö bauköm engii dop kölma. Mewö engehi dop kölma ewö, Jisös Kraistnöy kunbuk asuhumawangö nalöñe mönö möpöseim engiiga Anutugö jeje qetbuña miwikñaiba aködamunñinambuk akñe.

⁸ Injini Kraist qahö eka töndup jöpaköm wangiba malje. Nalö kewöñe Kraist qahö eka töndup möt narim wangimakze. Mewö aka sösongai sorokñi aködamunñambuk söngaimakze. Sösongainini mianön mönö jitnöy jijigö dop qahö akza. ⁹ Injini Jisös möt narigetka amöt qem engiiga letotket. Mötnaripñinangö tohotñi mi Suep mire eu ahöza. Anutunöy uñañini engömeiga enön euyangöreñ öngöba tohot mi zilañ misirimegö möta sösongai ahakze. Mewö.

Kezapqetok ambazipnöy jörömqöröm aka malget.

¹⁰ Kezapqetok ambazip yeñön amötqeqegö könani jaruba Anutu köuluköba qeqesi ala möt kewöta mala kotket. Mewö mala Anutunöy kalem möriam engimapkö möt asariba mianjö kezapqetok keuñi mi qeljine jiba mala kotket. ¹¹ Kraistkö Uña Töröñan kezapqetok ambazip sölölohöm engiba asuhumapkö keuñi indela sañep ala kewö jii mötket, “Kraistnöy sihimbölö möta mianjö andöñe asakmararañ aködamunñambuk miwikñaiba asariba malma.” Mewö jiiga möta Amötqeqe Toñan wani nalönöy aka dendenöwö asuhumawi, mianjö könani jaruba qeqesi ala möt kewöta malget. Mewö mala söpsöp keuñi keuñi qeljine nangöba jiba mala kotket.

¹² Amötqeqe Toñangö könani jaruba qeqesi ala möt kewöta malgetka Uña Töröñan mötmöt kewö indel engiba jiyök, “Injini mönö nanñini welennina kude qem angumemö, ambazip könangep ahuba keuñini oyoñmei, mönö i bauköm engiba malme.” Mewö jiba kezapqetok keu engiyöhi, nini tosatñan mi nalö kewöñe liliköba jim asarim engiinga mötket. Kraistnöy Uña Töröñi Suepnöhök melaiiga eta ambazip sölölohöba inahöm engiiga Ölöwak Buña jiba uru kuñgum engiba malgeri, yeñön Buña keu miyöhök jiba malget. Kezapqetok keu mianjö ölhi asuhiiga Suep garataurupñinan mewöyök mi uba eka könani möt asaribingö awöwengöba malje. Mewö.

Anutunöy sarakñi malbingöra neñgoholakza.

¹³ Buña keuñi mewö ahözawangöra enön mönö uruñini Anutugö nupköra ala opoñini öröget yöhöiga mem kurukñini memba kinme. Mönö böñ qeba nanñini ahakmemerñini galöm köl anguba malme. Jisös Kraistnöy kunbuk asuhuba mianjö nalöñe kalem möriam engimawi, mönö mianjö al mamböta jöröm-qörömñini pakpak mianjöreñ ala malme. ¹⁴ Anutugö nahönbörat-urupñan keuñi tem kölakzei, enön mönö mianjö dop köna sarakñi wuatangöba malme. Mutuk gukmaulem tönpin malgetka nanñini sihim kömbönañini bölöñan yeyasenseñ mem engigetka lañlañ malget. Mewö malgetmö, nalö kewöñe ahakmemerñini mönö sihim miengö dop kude toroqeba aka memba malme. Lañ siksauk malbepüköra mönö galömñini mem anguba malme.

¹⁵ Lañ siksauk qahöpmö, Anutu sarakñan engoholiga enön mönö mewöyök yangö dop ahakmemerñini pakpak mianjöreñ sarakñi aka malme. ¹⁶ *Buña Kimbigö keu kun kewö ohoget ahöza, “Nöñön töröñi sarakñi maljalangöra nöñgö buñani enön mönö sarakñi aka malme.”

¹⁷ Anutugöra “Iwinini!” jiba ösumñi köl örömakzini, yangön iwi ölöpñangö dop ambazip tosatñi qahö neñgek soriba tosatñi qahö qepureim engimakza. Körek neñgö ahakmemerñini mönö dop mohotnöy kewöta mohot mohot neñgö keunini jim teköma. Mianjö Anutu töröñangö buñaya akze ewö, mönö gölmenöy kusukñi malmeangö dop sarakñi aka malme. Jitñinanök qahöpmö, ahakmemerñinan mönö Anutugö jitñi

* 1:16: Lew 11.44-45; 19.2

ongitpinpuköra sömbuñini möta malme. ¹⁸ Mewöyök Anutunöñ sohopñini meyöhangö könarji mötagun mönö sarakñi aka malme. Ambösakonurupninan tandö lopioñ mötmöt lañ wuatangöba ahakmeme omarji kondel neñgigeri, Anutunöñ inñini yeñgö dop toroqeba lañ malbepuköra bohonñini öngöñgöñi gila sohopñini meyök. Bohonñi mi silwö goul ongita gilöhi, mi mötze. Gölmegö moneñ inap ayapkömawañgö dop akzawi, yuai mewöñi miañön bohonñini qahö meyök.

¹⁹ Miañön qahöpmö, Kraistkö sepñi söñgöronñi öngöñgöñi miañön mönö bohonñini meyök. Kraistnöñ lama moröñi solanñi uzi poretni qahö tandök aiga jöwöwöl ohohogö tandök qegetka sepñi mokoyök. Miañgöra mönö sarakñi aka malme. ²⁰ Anutunöñ mutuhök Suep gölme qahö miwikñaim etkiba nalö miañgöreñök Kraist möwölöhöba sohopnini memapkö nup areñ mi lök qeljiñe ala areñgöyök. Mi areñgöiga ahöi mala kota malgetmö, nalö teteköñe kiangöreñ inñini ölöwakñegöra aka indeli aukñe asuhuyök. ²¹ Kraistnöñ nam köl enñiiga ölop Anutu möt narim wañgimakze. Anutunöñ Kraist mem gulim wañgii kömupnöhök wahöriga asakmararañ al wañgii malja. Mewö maljawangöra aka inñini Anutu möt nariba kinda yuai pakpak jiyöhi, miañgö dop ahakñapkö jörömqöröm ak wañgimakze.

²² Jörömqöröm ak wañgiba keu ölni tem kölgetka Kraistkö sepñan köl könjörat mem enñiiga malme. Mewö mala ölop urumelen alaurupñini geñmonñi qahö jöpaköm enñiba malme. Urukönömñini pakpak miañön mönö kapañ köla törörök urukalem ak anguba malme. ²³ Malmal köhöikñangö keuñi miañön mönö nam köl enñiiga ahuahü dölökñi ahugot. Gölmegö keu kusukñi kunñan qahö nam köl enñiiga Iwi ketañangö nahönböraturupñi aket. Anutugö keuñan mönö qahö ayapkömapmö, teteköñi qahö zeñ ahöm öngöma. ²⁴*Keu miañgö könarji mi Buña Kimbinöñ kewö ohoget ahöza: “Ambazip pakpak inñini mönö gwözözak luplup tandök akze. Aködamunñini pakpak mi juranñi asakasak-ñinambuk tandök akza. Gwözözak luplupnöñ mönö soholiba gororongögetka juranñinan buratiba teköqeköba etme.

²⁵ Mewö etmemö, Kembugö Buña keu malmal köhöikñi neñgimakzawi, miañön mönö teteköñi qahö ahöm köhöiba ahöm öngöma.”

Buña keu miañön Ölöwak Buñaya aiga tosatñan mi jim asarim enñigetka mötze. Mewö.

2

Köt malmalñambuk yambuk kinda sarakñi akñe.

¹ Buña keu mötzeangöra mönö bölöñamñini pakpak köteköba gilme. Geñmonñi köñbiñ pakpak mosötme. Ahakmeme silesile mi sisitñi memba tököme. Körogisigisi aka andöqeqe keu yöhösañ ahakzei, mi pakpak mönö qekögetka et teköma. ² Morösepsep geñmonñini qahö yeñön juzu nembangörök möta awöweñgömakze. Enñön mönö miañgö dop Buña keu qahö möwöramgögeri, mi urukönömñine albingö awöweñgöba malme. Mewö mala möt-naripñini köl guligetka qarim köhöiiga letota mala oyaenñkoyaenñ akñe. ³*Buña Kimbigö keu kun kewö ahöza, “Nene kun nepöleköba nahömñi mötkeri, miañgö dop Kembu ölopñi yambuk qekötahöba nahömñi mötket.” Keu miañgö dop Kembugö nahömñi mötze ewö, mönö Buña keunöñ qarim köhöiba malme.

⁴ Kraistkö söpsöp keuya jimam: Kraistnöñ wahöta Anutugö tandö kömbönañi aka malmal köhöikñangö wötñi akza. Inñini mönö yañgöreñ kaba kunbuk letotme. Ambazipnöñ tandö kungöra “Köt omarji,” jiba andö qeba mosötketmö, Anutunöñ i Amötqeqe Tonñi akñapköra möwölöhöba yañgöra möri bohonñi öngöñgöñi ketañi akza. ⁵ Kraistköreñ kaba guliba nanñinak mewöyök köt jamönñiñ malmalñinambuk ewö akñe. Mewö aka mal köhöigetka Suepkö mitimqeqe yañön enñgömemba uruñini möhamgöiga köhököhöi miwikñaiiba urugö malmalgö jöwöwöl jike ölni akñe. Uña Töröñan uruñine mala sölölohöba mem letot enñiiga jöwöwöl jike miañgö jike nup galöm sarakñi aka kinme. Uña Töröñan nam köla inahöm enñiiga tem köla Anutugö waikñi memba möpöseim

* 1:24: Ais 40.6-8 * 2:3: Sum 34.8

wanjiba malme. Mewö malgetka Anutunöŋ engeka Jisös Kraistköra aka ahakmemeŋini mewöŋaŋgö sihimŋi möta malma. ⁶*Buŋa Kimbinöŋ keu kun kewö ahöza: “Eket, Anutunöŋ mönö köt tandö kun möwölöhöba Zaion kunduje Israel kambu uruŋine kömötpiga tandö kömbönaŋi guli damandaŋ (milyön Kina) ewö akŋa. Denike yeŋön tandö pöwöwöm köhöikŋi mi möt narim wanjimakŋei, yeŋön mönö yaŋgöra aka gamu qahö möta malme.”

⁷*Möt narim wanjiba maljei, enŋö jemesoholŋine mi tandö kömbönaŋi aködamunŋambuk akzapmö, tosatŋan uruŋini qahö melenŋa maljei, yeŋö yeŋine mi Buŋa keu kiangö dop ahöza: “Miri meme yeŋön ‘Köt omaŋi,’ jiba tandö kun andö qeba mosötkeri, tandö miaŋön mönö tandö kömbönaŋi ahök. Könaŋgep tandökŋi ain ewö miwikŋaiget. Tandö pöwöwöm köhöikŋi mewöŋan tingitpawak ewö, mirinöŋ mönö gororongöba eta kölbawak.”

⁸*aka Buŋa keu kun kewö ahöza, “Ambazipnöŋ köt jamönŋin miaŋgöreŋ tötaŋgöba enŋuiga miaŋön mönö enŋum mizit ak enŋima.”

Yeŋön Buŋa keu qahö tem köla nanŋini imbi wuatangö-makzeangöra aka tötaŋgöba erakze. Anutunöŋ mewö areŋgöm enŋiyöhangö dop erakze.

⁹*Yeŋön mewö erakzemö, enŋön ambazip kambu qainŋi kun kewö akze: Anutunöŋ iŋini nanŋangöra möwölöhöm enŋuiga qainŋi kun akze. Anutunöŋ söŋaupnöhök enŋoholiga asakŋi wewelip-ŋambuk miaŋgöreŋ aŋgota jike nup galöm kambu sarakŋi akze. Aŋgöletot aködamunŋambuk memba malöhi, miaŋgö Buŋa keuŋi mi jim asaribingöra enŋoholök. Enŋoholiga Anutugö buŋa könagesöŋi mala Kiŋ Kembangö jembonurupŋi aka nupŋi liliköba memakze. ¹⁰*Mutuk Buŋa Kimbigö keu kungö dop “simbisembel laŋ malgetmö,” nalö kewöŋe uru jöhöm aŋguba kutulaŋgöba “Anutugö urumeleŋ könagesö kambu” aka malje. Mutuk Anutugö ak kömukömugöra “gukmaulem malgetmö,” nalö kewöŋe “enŋehoriiga kalem möriamŋi ölop möt kutuba malje.” Mewö.

Anutugö welenqeŋe ambazip kewö aka malbin:

¹¹ O wölböt alaurupni, Suepkö buŋaya aka gölmenöŋ ki kusuk kiana maljei, nöŋön enŋö uruŋini kewö kuŋgumam: Silegö sihim kömbönaŋini bölöŋan galöm köl enŋibapuköra mönö nanŋini aŋgön köl aŋgume. Sihim murutŋi murutŋi mieŋön mönö uruŋini mem bölimegöra bim qemakze. ¹² Uruŋini qahö melenŋeri, yeŋö sutŋine ahakmemeŋini ölopŋanök aka memba malme. Tosatŋan iŋini bölöŋi meme ambazip ewö keunöŋ jim bölim enŋimakzei, yeŋön ahakmemeŋini ölopŋi eka könaŋamŋini törörök möt asarigetka mötmötŋinan uteköma. Mötmötŋinan uteköiga nanŋini siŋgisöndokŋini aka möt sohosohöŋini ek kutuba uruŋini melenŋa Kraist asuhumawangö nalöŋe enŋöra aka Anutu möpöseim wanjime.

¹³ Anutunöŋ malmal areŋgöiga ambazip tosatŋan galöm köl neŋgimakze. Kembangö qetŋi bisize ewö, enŋön mönö körek yeŋö keu bapŋe anda malme. Kiŋ aka ministö yeŋön bohonŋini akzei, iŋini mönö yeŋö jitŋini tem köla malme. ¹⁴ Kiap aka gawönö yeŋö jitŋini mewöyök tem köla malme. Yeŋön ambazip bölöŋi akzei, yeŋö keuŋini kewöta likepŋi meleŋ enŋimakzemö, ölopŋi ahakzei, yeŋö qetŋini möpöseimakze. Anutunöŋ miaŋgöra aka gawman ambazip al enŋuiga malje. ¹⁵ Anutugö jit sihitŋan mönö kewö ahöza: Kezapjupjup ambazip gukmaulem kinda enŋöra uruqahö keu omaŋi omaŋi jimakzei, iŋini mönö ahakmeme ölopŋi aka memba miaŋön yeŋö numbuŋini muhungögetka ölöŋ malme.

¹⁶ Anutunöŋ bölöŋangö kösö gwaröŋeyök pösat enŋuiga lolohogeri, iŋini mönö miaŋgö dop ahakmeme solanŋi aka memba malme. Mewö malmemö, bölöŋamŋini turumegöra “Kösö gwarönini qahö solanŋi (fri) maljin,” jiba miaŋgöreŋ möndöba nanŋini imbinŋini kude wuatangöme. Mewö qahöpmö, Anutugö jitŋi tem köla welenŋi qemakzei, mönö miaŋgö dop gwarö qahö malme. ¹⁷ Ambazip körek mönö göda qem enŋiba malme.

* 2:6: Ais 28.16 * 2:7: Sum 118.22 * 2:8: Ais 8.14-15 * 2:9: Eks 19.5-6; Ais 43.20-21; Dut 4.20; 7.6; 14.2; Tai 2.1; Ais 9.2 * 2:10: Hos 2.23

Urumelej alaurupjini mi urukönömjinan jöpaköm engiba malme. Anutugö keuj oŋgitpinbuköra mönö sömbuŋini möta malme. Kiŋ aka ministöurupjini yengöra mönö mötket öngöiga göda qem engiba malme. Mewö.

Kraistnöj sihibölögö silik ölöŋji kondel neŋgiyök.

¹⁸ Welenqequeurup injini mönö ketaŋamjinangö keu bapŋe anda göda pakpak kondel engiba malme. Urubönjöŋnön galöm ölöŋji ak engimakzei, yengörök qahöpmö, öröm ureim ak engimakzei, mi mewöyök törörök göda qem engiba malme. ¹⁹ Denike yeŋön Anutugö jitŋangö dop ambazip göda qem engiba malgetka töndup könaŋi qahöpmö, öne kahasililiŋ ak engigetka sihibölö möta kapaŋ köla mökösoŋmakzei, Anutunöŋ mi eka likepŋi melenja kötuatköm enjiiga simbawoŋ akze. ²⁰ Bölöŋi aketka kömbinöŋ enjugetka mi möta mökösoŋda kinme ewö, nanjinangöra mönö denöwö aka mötket öngöbawak? Dopŋine enjugetka qetbuŋaŋi-nambuk qahö akŋe. Mewö qahöpmö, ahakmeme ölöŋji akerangöra aka sihibölö miwikŋaiba mökösoŋda malme ewö, Anutunöŋ mönö mianjö likepŋi melenja kötuatköm enjiiga simbawoŋ akze.

²¹ Kraistnöŋ mewöŋanök engöra aka sihibölö möta silik ölöŋji kondel engiyök. Mianjöra injini mönö yangö köna tamböŋi mötöteiba sihibölö möta mökösoŋda malmegöra engoholök. Mewö mala simbawoŋ akŋe. ²² *Buŋa Kimbigö keu kun kewö ahöza, “Yaŋön ŋiŋgisöndok kun qahö ahök aka yangö numbu jitŋeyök muney keu kun qahö erök.” Injini keu mianjö dop aketka dop kölma. ²³ *Ambazipnön uruqeke keu töhöreŋ Kraist gwötpuk jim waŋgigetka kitipŋi kun qahö melenjök. Sihibölö ak waŋgigetka möta kitipŋi mekömamgö qahö töröpköm engiyök. Mewö qahöpmö, Anutunöŋ keu diŋdiŋanök jim tekömakzawi, mönö i möt nariba keuj yangö böröŋe ala jim tekömapkö mambörök.

²⁴ *Kraistnöŋ nengöra kapaŋ köla ŋiŋgisöndok andö qeba ahakmeme solanŋi wu-atangöba malbingöra aka sihibölö mörök. Mi möri Buŋa Kimbigö dop “sileŋi qegetka uzi asuhuyöhaŋgöra aka Anutunöŋ injini mem ölöwak engiyök.” Ölöwaknegöra mönö “nanjak ŋiŋgisöndoknini memba sileŋe aŋguba” maripomnöŋ öngöba kömuyök. Mianjöra injini mönö Kraistkö dop sihibölö möta mökösoŋgögetka ölöwakŋa. ŋiŋgisöndökö esapesapnöŋ öröm neŋgiiga mianjöreŋ mönö qamöt tandök aka köhömuŋi malbin. ²⁵ *Mutuk injini “lama ewö jaŋjuŋ anda kaba laŋlaŋ malget.” Mewö malgetmö, nalö kewöŋe uruŋinangö galömŋangöreŋ lilingöba kaba malje. Yaŋön injini lama ewö sel jöhöba köyan köl engimakza. Mewö.

3

Awanöm yengöreŋ qambaŋ keu

¹ *Anutu welen qebingö keuj lök jizalmö, ambi injini mönö mewöŋanök apurupjini yengö keu bapŋe anda malme. Mewö malgetka apurup tosatŋan Buŋa keu qahö tem köla maljei, yeŋön mönö mewöŋanök anömurupjini yengö ahakmemeŋini eka uruŋini melenbeak. Uruŋini melenja malmalŋini Kraistkö böröŋe almegöra Buŋa keu jitŋinanök qahö jimemö, Kraistkö könaŋi mönö silikŋinan kondel engigetka ek asaribeak. ² Ahakmeme sarakŋi diŋdiŋi aka memba Anutugö jitŋi oŋgitpepuköra keŋgötŋini mötketka azinöŋ mewö engek yakögetka Kraistpuk qekötahöba malbingö sihimŋini ahubawak. ³ *Silegö aködamunŋinanök mönö kude mem öngömakŋe. Nöröp sawaŋini qeba gawasu könaŋi könaŋi kude ala minjiŋda öŋböŋ kude memba malme. Kösasorom goul yuainöŋ sileŋini kude meŋölöm aŋgume. Sileötaŋ qetpuk sorok aködamunŋambuk mi kude mem aŋgume.

⁴ Mewö qahöpmö, aködamunŋini öljŋi mi mönö töp megetka uruŋine ahöma. Uŋaŋinan luainöŋ böŋjöŋ malgetka aködamunŋini öljŋi mianjöŋ tölapŋe ahöba mönö nalö kunöŋ qahö ayapköma. Urubönjöŋ malgetka Anutunöŋ engeka möri öngömakŋa.

* 2:22: Ais 53.9 * 2:23: Ais 53.7 * 2:24: Ais 53.5 * 2:25: Ais 53.6 * 3:1: Ef 5.22; Kol 3.18 * 3:3: 1 Tim 2.9

⁵ Mönöwök ambi sarakñi yeñön Anutubuk kinda jörömqöröm ak wañgiba yuai pakpaköra mamböta malgeri, yeñön mewöyök uruñinañgö aködamunñinan menjölöm aḡguba apurupñini yeñgö keu bapñe anda malget. Mönö ambi miengö dop aka malme. ⁶*Saranöñ apñi Abraham tem köl wañgiba “Azi kembuni!” jiba ohola malök. Injini mewöyök zeñ kinda nup ölöpñi ölöpñi memba awösamkakak kinda yuai kungöra jönömñini qahö undui apurupñinambuk malme ewö, mönö Saragö dop ambi aköda-munñinambuk aka malme.

⁷*Ambi yeñön ösumñini eretñi akzemö, töndup malmalgö kalem möriamñi mi azibuk öröröñ buña qem aḡguba malje. Ösumñini eretñi akzeañgöra azi mohot mohot injini mönö anömurupñini törörök köyan köla lolongöm eñgiba malme. Anutunöñ azi eñgö köulukñini qepureibapüköra mönö göda qem eñgiba malme. Mewö.

Nup ölöpñi memakzemö, sihimbölö töndup mötze.

⁸Keuni tekömawañgö qambañi kewö jizal: Injini mönö körek urumohot aka urumelen alaurupñini urubönjöhñöñ jöpaköm aḡguba malme. Guñbönjöhñöñ mala nanñini memba et al aḡguba uruñinan jöhöm aḡguba mohotñe kinme. ⁹Jinöñ jibi nuḡgunöñ guhubi aknöñ aki mi kude ahakñe. Uruqege keu töhöreñ jim eñgigetka kitipñi kude meköme. Mewö qahöpmö, keu bölöñgöñ likepñi meleşda mönö kötuetsköba uruölöwak eñgiba malme. Mewö aka malgetka Anutunöñ likepñi meleşniga kötumötuetti buña qem aḡgumegöra eñgoholök. Mewö aka mala Kembu asuhumawi, nalö miañgöreñ mönö oyaenköyaen akñe. ¹⁰*Mewö akñegö keuñi mi Buña Kimbinöñ kewö ohoget ahöza: “Kunöñ malmal nahömñambuk malmamgö ak wañgiiga wehön ölöpñi ölöpñi eka malmamgö mötzawi, yañön mönö nesilamñi keu bölöñi jibapüköra jöhöba malma. Numbu suñeyök geñmoñ keu asuhubapüköra mönö galöm mem aḡguba malma.

¹¹ Ahakmeme bölöñi mönö andö qeba nup ölöpñi ölöpñi memba malma. Luainöñ malmalgö jaruba mi buña qem aḡgumamgö kapañ köla kinma.

¹² Mi kewögöra: Kembangö jeñan ambazip solanñi eñgek galöm aka köulukñinañgöra kezap alakzapmö, goñgoñi mi qahö mesohol köla eñgehakza.”

Keu mewö ahöza.

¹³ Injini nup ölöpñi membingö urukönöp aka malme ewö, ambazip sehisehiñan mönö nupñini geñmororöñ memba mem bölim eñgibingö qahö mötme. ¹⁴*Mi qahö mötmemö, töndup ahakmeme solanñi akerañgöra aka sihimbölö mötpeak ewö, injini mönö töndup Anutunöñ kötuetsköm eñgiiga oyaenköyaen akñe. Kahasililiñ mem eñgibepüköra mönö öne töwöratiba keñgötñini möta uruñini eri möt bölöbölöñinan eñgubapuk. ¹⁵ Uruñinan kude etmapmö, uruñini mönö Kembu Kraistköreñ jöhöba könañi sarakñi pöndañ mötmörigetka öñgöi malme. Nalö dop jöjöröba Kraistkö könañi ambazip jim asarim eñgiba malme. Oyaenköyaen akingö jörömqöröm akzei, ambazipnöñ miangö könañgöra qesim eñgigetka mönö körek yeñgöra keu meleş eñgiba malme. Mönö guñbönjöhñöñ qakñe ambazip göda qem eñgiba uru kuñgum eñgiba malme.

¹⁶ Keuñini mewö galöm kölgetka Anutunöñ eñgeka “Dop kölja,” jiiga urukezapñinan mewö mötmegöra kinme. Kraistpuk qekötahöba kinda ahakmeme ölöpñi aketka uruqege keu töhöreñ lañ jim eñgimakzei, yeñön mönö nanñini keu bölöñgöra aka gamu miwikñaima. ¹⁷ Nup ölöpñi ölöpñi memba malgetka ambazip tosatñan töndup kahasililiñ ak eñgigetka Anutugöra sihimbölö mötketka dop kölja. Yuai bölöñi aka memba miañön sihimbölö miwikñaigetka gamuñambuk akza. ¹⁸ Kraistnöñ mewöyök nalö kunöñ singisöndököra aka kömuyök. Nini goñgoñi ahinga Diñdiñi yañön nenguañgiriga Anutugöreñ aḡgotpingöra aka sihimbölö mörök. Gölme azia aiga sileñi mem kömugetmö, Uña Töröñan mem gulim wañgiiga wahöta malja. ¹⁹ Uña Töröñan wañgiriga nengömosöta kömupkö senjom mire geba uña kösö gwarönöñ malgeri, mönö yeñgöra Buña keuñi jim asarim eñgiyök.

* 3:6: Jen 18.12 * 3:7: Ef 5.25; Kol 3.19 * 3:10: Sum 34.12-16 * 3:14: Mat 5.10; Ais 8.12-13

²⁰* Mönöwök Noagö nalönöŋ waŋge ketanji megetka Anutunöŋ uruŋini meleŋmegöra kaparj köla mökösoŋda mambörökmö, ambazipnöŋ keu qahö tem köla ayuhuba kömupkö köso gwarönöŋ geget. Ambazip saiwa morörökŋi 8 mewöŋan Anutugö jitŋi tem kölgetka o aliga gölme turuba waŋge siriiga gölunöhök gouŋini köla bohonŋini jöhöyök. ²¹ Yuai mewö asuhuyöhi, mi o melungö söpsöpŋi akza. Jisös Kraistnöŋ kömupnöhök wahöta maljawangöra aka nalö kewöŋe o neŋgömirigetka Kraistkö ösumŋan neŋgualöŋda bohonini jöhömakza. O mi silegö töwötŋi saŋgoŋmapköra aka qahö al neŋgizemö, o melungö ölni mi kewö: Nini Anutubuk malbingö jöhöjöhö aka jöjöpap keunöŋ jöhöba kewö köulukö-makzin, “Anutu, gi mönö qewöloŋi saŋgoŋnöŋga uruŋan sarakŋi aiga göhö jege dop kölma.”

²² Jisös Kraistnöŋ Suep mire eu öngöba Anutugö böröŋi ölnje buŋabuŋaŋambuk tatza. Anutunöŋ kukösum waŋgiiga tata Suep garata aka Suepkö bem suahö könaŋi könaŋi ösum-mumuŋinan neŋgek galöm aka kuŋgum neŋgimakei, mi tok galöm köl enŋgiiga keuŋi bapŋe malje. Mewö.

4

Mönö letota malmal qainji kun malme.

¹ Kraistnöŋ sileŋe sihimbölö mörök. Miangöra inini mewöyök sileŋine sihimbölö mötpingö jöjöröba malme. Yambuk mötmöt mohot kewö memba mötmörime: Kunöŋ siŋgisöndok ahakzawi, yaŋön mönö nanŋi sileŋaŋgö sihimŋaŋgöra ak waŋgimakei. Kunöŋ Kraistköra aka sihimbölö mörakzawi, yaŋgö sihim kömbönaŋi bölöŋan mönö söroräuba eri siŋgisöndok tököba qahö akŋamgö kaparj köla malma. Urumötmöt miangöŋ mönö wötŋini mem enŋgiiga miangöreŋ töndangöba aködämunŋinambuk aka malme.

² Urumötmöt miangöreŋ töndangöba kinda uru silegö sihim kömbönaŋi bölöŋi jöhöba galöm köla malme. Nalö kewöŋeyök könahiba gölmenöŋ toroqeba mal öngömei, miangöreŋ mönö Anutugö jit sihitŋi tem köla wuatangöba malme. ³ Inini nalö mala kotkeri, miangöreŋ aŋgöjörak ambazip uruŋini qahö meleŋda ahakmeme bölöŋi laŋ akingö mötzei, mönö yeŋgö dop kewö laŋ malget: Serowilin aka sihim kömbönaŋini bölöŋi laŋ wuatangöba malget. O jawat, gojak dauŋ yuai mi otoŋomboraŋ memba kanjam köla negetka nöropŋini sohoi eŋololoŋ malget. Közölömbuaŋ ala liŋet unduba ambi kenam mem bölim enŋgiba kezapjupjup aket. Tandö lopioŋ liliköba simin köl enŋgiba yuai kanjamŋambuk aket. Mewö aketmö, nalö kewöŋe ahakmeme mewöŋi mi qahö toroqeba ahakze.

⁴ Aŋgöjörak ambazipnöŋ söŋaup malmalgö sömuk piliŋ-piliŋgöba ahözawi, miangöreŋ öröba luhuba gemakze. Inini yembuk kude öröba gegetka eka auruba uruqeŋe keu töhöreŋ jim enŋgimakei. ⁵ Mewö ahakzemö, Anutugö jeŋe aŋgotketka qesim enŋgiiga könaŋamŋini aukŋe indela jim asariŋgetka möndömöndöŋini kesalma. Anutunöŋ ambazip maljini aka kömukömuŋi mönö körek neŋgö keunini kewöta jim tekömamgö jöjöröza. ⁶ Sileninan kömumba keuninan miangöreŋ qahö teköma. Miangöra Ölöwak Buŋa mi kömupkö senjom mire maljei, miŋöŋ mewöyök mötmegöra Kembunöŋ mutuk jim asariyök. Mi kewögöra: Anutunöŋ ahakmemeŋini kewöta ambazip tosatŋi neŋgö dowä jim teköm enŋgiiga silebuk malgeraŋgö likeŋŋi miwikŋaimemö, tosatŋan uruŋini meleŋda uŋaŋinan guliba malmal köhöikŋaŋgö buŋaya aket. Anutunöŋ nanŋak mal köhöimakzawi, miangö dop körekŋan malmal köhöikŋi mal öngömegöra möt köhöimakza. Tosatŋan Buŋa keu mi uruŋini kuŋgum enŋgimegöra jiget. Mewö.

Nup memegö mötmöt kalemŋi mönö galöm köla malme.

⁷ Yuai pakpakö nalöŋan mönö tekömamgö dopdowiza. Miangöra inini köuluköbingöra mönö ikmaok kude malmemö, nanŋini ahakmemeŋini galöm köl aŋguba zeŋ kinda köuluk nup memba malme. ⁸* Buŋa Kimbigö keu kun kewö ahöza, “Ambazip

* 3:20: Jen 6.1-7.24 * 4:8: Qam 10.12

uruninan jöpaköm engiba singisöndokñini sehisehiñi köllaleiba gamuñini turumakzin.” Mianğöra alaurup sutñine mönö törörök jöpaköm anguba malme. ⁹ Inini mönö alaurupñini köl öröba miriñine köisirik tata uruñinan jimongot ihururukñi qahö köyan köl anguba malme.

¹⁰ Anutunöñ kalem möriam könañi könañi mianğö Toñi akza. Yañön nup memegö mötmöt kalem murutñi murutñi mendeñ engii malje. Inini mohot mohot mönö mötmöt kalemñini ölöpñanök galöm köla mianğön könagesöurupñini welen qem engiba malme. Mi buña qem angugerangö dop nupnöñ ala kambu sutñine bauköm anguba malme. ¹¹ Nup memegö mötmöt kalem yahöt mi kewö: Denike yeñön Buña keu jim asarimakzei, yeñön mi mönö Anutunöñ sölölohöm engimakzawangö dop jiba malme. Denike yeñön alaurup welenñini qeba nangöm engimakzei, yeñön mönö Anutunöñ inahöba ösum engimakzawangö dop alabauk ak engiba malme. Jisös Kraistkö buña akzeangöra yuai pakpak mianğoreñ mönö Anutu möpöseigetka qetbuñanjan aködamunñambuk aka ahöma. Yañön asakmararañ Toñi aka kukösum Toñi mi nalöñi nalöñi mala kota malja aka teteköñi qahö mal öngöma. Keu mi ölja.

Kraistpuk kinda sihimbölö möta malme.

¹² O wölböt alaurupni, sihimbölö qakñine öngöi mötketka könöpñan engohotiriba esapköm engimakzawi, mianğöra mönö kude auruba malme. Yuai asuhum engimakzawi, mi upnina, mewö mötmöríbepuk. Mi gölmenöñ maljinangö dop asuhumakza. ¹³ Kude aurumemö, Kraistnöñ ölöpñi aiga kahasililiñ ak wangigetka möröhi, inini mönö sihimbölö mianğö kitipñi mötzeangö dop sösongai aka malme. Yambuk mewö malgetka lilingöba kaiga asakmararañan asuhuiga nalö mianğoreñ mewöyök söngaiya oyaenköyaen akñe. ¹⁴ Ambazipnöñ engeka uruñini Kraistköreñ melenğerañgöra aka uruqege keu töhöreñ jim enği-makze ewö, eñön mönö simbawoñ akze. Mewö jim engimakze-angöra aka Anutugö Uña Töröñi asakmararañambuk yañön mönö qakñine köla ösumñan turum engiba kötuetaköm engimakza.

¹⁵ Engöreñök kunñan yuai bölöñi ahöhangöra sihimbölö miwikñaiba mötpapuk. Kunöñ kegwek-kahasililiñ aka ambazip enguba yuai yongoro meyöhi me tosatñi yeñgöreñ keu jim supapköba nup meme tandöktandök möndöba lañ lilikqilik aka lömböt miwikñaimakzawi, yañön mönö sihimbölöñi dopñe mötza. ¹⁶ Kunñan Kraistkö alañi akzawangöra angösirip miwikñaiba sihimbölö mötza ewö, yañön mönö mianğö gamumamusumñi kun öne kude mötma. Gamu qahöpmö, Kraistkö qetñi bisizawangöra mönö Anutu möpöseiba malma.

¹⁷ Anutunöñ ambazip keunini kewötmapkö nalöñan kam kuñguiga nanñi urumelen könagesöurupñi neñgö keunini mi mutuk jim teköma. Mutuk neñgö keunini jim teköma ewö, ambazip Anutugö Ölöwök Buña qahö tem kölgetka lömböt qakñine öngöiga teteköñe mönö denöwö asuhum engibawakto? ¹⁸ *Buña Kimbinöñ keu kun kewö ahöza: “Solañi yeñön Suep mire öngöbingö kupuk-kapak akñe ewö, singisöndok ambazip angjöjörakñinambuk yeñgö keuñini mönö denöwö asuhubawakto?”

¹⁹ Mianğöra alaurup Anutugö jitñi tem köla angösirip miwikñaiba sihimbölö mörakzei, eñön mönö uñañini miwimiwikñai Toñangö böröñe alme. Toñi yañön keu jiyöhangö dop alaurupñi sel jöhöba kölközizip aka köyan köl engimakza. Uñañini yangö böröñe ala mönö jegep kinda nup ölöpñi ölöpñi pöndañ memba malme. Mewö.

5

Jitjememe engöreñ qambañ keu

¹ Nöñön urumelen könagesögö jitjememe kun aka Kraistnöñ sihimbölö möröhi, mianğö keuñi nangöba jimakzal. Könañgep lilingöba kaiga asakmararañan asuhuiga qetbuña niñgii miwik-ñaimangö mötzal. Engö sutñine nöngö jitjememe alaurupni akzei, nöñön engö uruñini kewö kuñgum engizal: ² *Anutunöñ möt narim engiba lama

* 4:18: Qam 11.31 * 5:2: Jon 21.15-17

kambuñi böröñine alöhi, eñön mönö i köyan köl engiba malme. Nup mi ölan qakñe qahöpmö, Anutugö jitñangö dop urusihimñini nupnöñ ala mi amqeba urukönöp qakñe zeñ memba kinme. Möndömöndö qakñe injarere mala moneñ yuaigöra kude kapan kölma malme.

³ Lama kambu bapñine kaba kinjei, i mönö azi kembu tandök kude galöm köl engime. “Zioz galöm akzin,” jiba töptöpñine kude qeba miwidimgöm angumemö, ahakmemegö silik ölöñji mi lama kambu kondel engiba malme. ⁴ Ahakmeme ölöñji aka malgetka lama galöm bohonñan kunbuk asuhumawi, nalö miangöreñ mönö sorom jölñine uta ila jalö aködamunñambuk nööröñine köl engigetka buña qem angume. Aködamun mianñon mönö nalö kunöñ qahö tahöliba piahima. Mewö.

Segguli engöreñ qambañ keu

⁵* Segguli iñini mewöyök galömurup yengö keuñini bapñe anda malme. “Anutunöñ söngöröqök ambazip tuarenjoñ ak engimak-zapmö, nanñini memba et al angumakzei, yengöra mönö kalem möriamñi engimakza.” Miangöra iñini mönö körekmakörek sutñine nanñini memba et al anguba malme. Tandök mianñon mönö maluku ewö kölget gem engiiga malme. ⁶* Miangöra mönö nanñini memba et al anguba Anutu böröñi kukösumñambuk miangö bapñe angetka nalöñan kam kuñguiga ölop memba öngöba al engima. ⁷ Buña keu kun kewö ahöza, “Yañön iñini köyan köl engimakzawangöra waimanjatñini pakpak mönö yañgö böröñe ala mosötme.”

⁸ Ahakmemerñini galöm köl anguba zeñ kinda pöndañ uru guliguli malme. Bölöñangö Toñan lañ liliköba ambazip tuarenjoñ aka jarum neñgimamgö. Kunñan sipkömturuk aiga yañön mönö laion sömbup ewö gwahöt neñgimamgö jöjöröza. (Laionöñ görörök qeriga silatñi mötketka böññini wahörakza.) ⁹ Iñini sihimbölö mörakzei, engö urumeleñ alaurupñinan mönö mewöñanök gölme dop kahasililiñ miyöhök möta mökösoñda malje. Mi mötmöriba keñgötñini yaköriba mötnaripnöñ töndangöba kinda laion mi köhöikñanök tuarenjoñ ak wangiba malme.

¹⁰ Iñini nalö töröpñi sihimbölö möta malgetka mösöhöba nanñöm engiba töngum engiiga ölop kin köhöiba malme. Mewö Kraistpuk kingetkun aködamunñi tököm engiiga asakmararane öngöba teteköñi qahö asariba malme. Anutu, kalem möriam pakpakö Toñi akzawangön mönö iñini mewö aka malmegöra engoholök. ¹¹ Yañön kukösum Toñi mala kota malja aka nalö teteköñi qahö mal öngöba malma. Keu mi ölja.

Pitönöñ yaizözkök keu teteköñi jiyök.

¹²* Anutugö kalem möriamñan mönö ak kömükömu öl töhöññi akza. Nöñön keu mi köhöiba nanñöba jiba eñön kalem möriam miangöreñ tönguba kin köhöiba malmegöra jim kutum engizal. Miangöra kimbi töröpñi ki jibiga neñakni Sailasnöñ ohom engiyök. Yañön nömbuk pöndañ kinda urumeleñ neñakni akza. Yañgöra mewö mötmörizal.

¹³* Anutunöñ urumeleñ könagesö iñini ewö nanñangöra möwölöhöm engiiga Babilon siti bölöñi miangöreñ* maljei, mienñon mönö yaizözkökñini algetka engöreñ kaza. Mötnaripkö nahöni Mak yañön mewöyök yaizözkökñi alja. ¹⁴ Iñini sutñine urukalem-ñinañgö waikñini memba angum anguba nemböñini susuhuba malme.†

Alaurup Kraistpuk qekötahöba kinjei, luainöñ mönö körek embuk ahöma. Mewö.

* 5:5: Qam 3.34 * 5:6: Mat 23.12; Luk 14.11; 18.14 * 5:12: Apo 15.22, 40 * 5:13: Apo 12.12, 25; 13.13; 15.37-39; Kol 4.10; Flm 24 * 5:13: Babilon mi Rom sitigö qet tölapña. Indelindel buknöñ mewöñanök qet mi miangö dop ohoget ahöza. † 5:14: Nalö miangöreñ jölöñini jiba waikñini memba numbuñini yöhötüm memba malgeri, mönö miangöra jiza.

Pitögörej Kimbi 2 Pitönöj Kimbiñi aliga 2 ahök. Jim-asa-asari

Pitönöj Kimbi ki Kraistkö alaurup gölme dop tat angeri, yengöra ali anda liliköyök. Tosatjan keu sohoboho miwikñaiba ambazip kusum sohom enggigerangöra malmal sarakñi mosöta sero namböjnamböñ yuai lañ aka malget. Böhi takapulakañi mi Anutugö keu bapñe qahö anda (2.10) iwilele (3.17) aka silerjini möpöseiba (2.18) jakbak-örañbörañ (2.10) aka nanñini imbi-imbi malget. Aiakañinan Jisös qañ köl wangiget. Yenön ilit ambazip gödaqeqeñini qahö mala anjañbanjañ ambazip (2.3) lölöwöröñi (2.18)janjuñ mem engiget. (3.3-4)

Pitönöj keu aka ahakmeme miangöra waimanjat ketañi möta diñgimapköra bim qeba amötqeqegö könañi jim tuariza. Uruñini kuñguba jimkutukutuñi kewö ohoyök, “Anutu aka Kembu Jisös Kraist ölna möt narim etkiba yetpuk qekötahöinga lömböt mi mem et ali amqema. Mötmöt mewöñi mi jimbureñ qahöpmö, ambazip nanñini jeñinan Jisös eka ambazip kusum engiba malöhi, mi möta jiget kaiga mörin. Miangöra mönö malmal sarakñi mala kopa malmal aka uruyahöt mi andö qeme.”

Tosatjan kapañ köla kewö lañ jiba ambazip kusum sohom engiba malget, “Kraistnöj kunbuk qahö lilingöma.” Keu mi jimbureñ keuya. Pitönöj keu miangöra waimanjat ketañi möta likepñi kewö melenđa jiba ohoyök, “Kraistnöj nalöñi köñjörari öngöiga lilingömawangö tandök akzawi, mi kewögöra: Anutunöj ambazip neñgörejök kunjan ayuhumapkö qahö mötzapmö, körek neñön urunini melenđa siñgisöndok malmalnini mosötpingö möta kapañ kölakza.”

Buk kiangö bahöñi bohonñi 4 mi kewö:

Keu mutukñi 1.1-2

Anutunöj sarakñi malbingöra neñgoholök 1.3-21

Böhi takapulakañi yengö könañini 2.1-22

Teteköñe Kraistnöj lilingöba kama 3.1-18

¹ Saimon Pitö nöñön embuk keu eraum mötpringöra kimbi ki ohozal.

Jisös Kraistnöj melaim niñgiiga aposol aka welenñi qeba malakzal. Bem Anutuninan Amötqeqe Toñi Jisös Kraist melaiga eri yangöra aka keunini jim teköi solaniinga mötnaripninan ahuyök. Inini mötnarip miyök buña qem anjugetka bohonñi öngöñgöñi aiga nini ewö simbawoñ malje.

² Inini Anutu aka Kembunini Jisös möt kutum etkizei, yetkön mönö kalem möriamñi kelejmaleleñ engiyohotka luainöñ malme. Mewö.

Anutunöj enggoholöhi, miangörej köhöiba kinme.

³ Anutunöj asakmararañ Toñi aködamunñambuk akza. Miangö dop nini sarakñi aka malbingöra neñgoholök. Mewö könañi möt yaköinga kalem neñgimazawangö könañi asuhuyök. Nini malmal köhöikñi mala urugö köl guliguli pitirik akingöra yuai osimakini, yangö bem ösumñan mönö mi pakpak neñgiiga buñanina ahakña.

⁴ Asakmararañ Toñi yañön urunine nupñi nupñi wewelip-ñambuk memba kalemñi pakpak neñgimangö mörakza. Anutunöj jöhöjöhö keuñi neñgiyöhi, miangö söñgörojñan mönö öngöñgöñi akza. Inini mutuk gölmegö sihim kömbönañini bölöñi lañ wuatangöba angjöjörak uruñe malgetmö, Anutunöj inini miangö-rejök meköba bohonñini jöhöyök. Mewö aiga kopa malmal söreieiba andö qemegöra amötqeqe areñi ali ahöza. Mötmöt ahakmeme aködamunñambuk Anutugörej ahözawi, yañön inini miangö dop letota kölöñamegöra kapañ kölakza. Inini jöhöjöhö keuñi keta bölökñi miangörej qekötahöze ewö, yañön mönö inahöm engiiga kunbuk letota Suepkö aködamunñi

miwikñaiba buña qem anguba malme. Aködamunñi miangön ölop tönjonjongöba dop köl engima.

⁵ Anutugörej jöhöjöhö keu mewö ahözawangöra aka injini mönö mötnaripkö ölni ahum engiiga kondela malme. Mewö malmegöra mönö kapañ köla zeñ kinda bim qeba malme. Ölni ahum engimawi, mewö ölop Anutugö könañi toroqeba möt kutume. ⁶Mötkutukutuñinan qariiga ölop ahakmemenini toroqeba galöm köl angumakñe. Galöm köl anguanguninan qariiga ölop kin köhöiba lömböt mökösoñda bisiba malme. Kin köhököhöiñinan qariiga ölop kunbuk Anutugö jitñangö dop urugö köl guliguli aka malme.

⁷Urugö köl guliguliñinan ahum qariiga ölop urukalemñinan sehiiga urumelen alaurup ala-ala aka köyan köl anguba malme. Urukalemñinan sehiiga ölop ambazip pakpak jö-paköm engiba malme. ⁸Injini Anutugö aködamun mewöñi buña qem anguba mem sehiba malme ewö, mönö gilipitñi (ambetakñi) kude malme. Mewö qahöpmö, aködamunñi miangön mönö nam köl engiiga amqeba Kembunini Jisös Kraistkö könañi möt kutuba ölop nupñi jegep kinda megetka ölni ahumakña. ⁹Ölop ahumakñapmö, denike yengörej Anutugö aködamun mewöñi qahö ahöm engiza ewö, yengö mötkutukutuñinan mönö töröpñi aiga bau jegömöl ewö kinñuñ kinñuñ akze. Anutunöñ siñgisöndokñini walñi sañgoñni sarakñi akeri, mi ölum engui ikmaok malje.

¹⁰O urumelen alaurupni, Anutunöñ möwölöhöm engiba engoholöhi, injini miangörej tim töndangöba kinme ewö, mönö nalö kunöñ qahö tala kaman kölme. Miangöra enjón mönö miangörej köhöikñanök töndangöba kinbingö kapañ köla malme. ¹¹Mewö aka malgetka Anutunöñ engehi dop köli köl öröm engiiga Suep miri nangunñan lökñanök taliga ölopñanök uruñe öngöme. Kembunini Jisös Kraistnöñ Amötqeqe aka bemtohoñ Toñi akza. Yangö bemtohoñ uruñe öngögetka nalö teteköñi qahö galöm köl engiiga oyaenköyaen aka malme.

¹²Buña keu ölnan köna mewö kondel engizawi, injini mi lök buña qem anguba miangörej böñ qeba kin köhöize. Miangöra keu areñ jizali, mi ölop möt asarizemö, nöñön töndup miangöra nalö dop jim gulim engimangö mötzal. ¹³Mewö möta sile kiangö sepö koumnöñ malmamangö dop keu areñ mi ölum engubapuköra mötmötñini jim guliba kungum engimangö mötpi dop kölja. ¹⁴Nöñön sileni kusukñi ki sepö koumni ewö luluñda zilañ kömumba uñem mire öngömami, mewö möt yaközal. Kembunini Jisös Kraistnöñ mewöyök buzup keu mewöñanök jii möral. ¹⁵Keu areñ kusum engiali, miangön urukönömñine ahöiga nöñön nöñ qeba kömup mire anbiga miangö andöñe mewöyök mi ölop nalö dop mötmöriba malme. Nöñön miangöra köhöiba kapañ kölakzal. Mewö.

Kraistkö asakmararañi mi jeninan eka nangöba jizin.

¹⁶Kembunini Jisös Kraistnöñ qetbuñañi öngöngöñi memba nup kukösumñambuk memba malöhi, neñön mi nanine jeninan uba eka malin. Mewö mala miangö dop kukösumñangö könañi aka lilingöba kamawangö keuñi mi jim asarim engiba malin. Mi bem samban kösohot* ewö qahö jimbureñ ahin. Girabu mötmöt ewö mi lañ qahö wuatangöba malin. ¹⁷*Nöñön Jisösgö qetbuñañi öngöngöñi mi naninak kewö asuhuiga ehin: Asakmararañ Toñi öngöngöñi yañön keu jiiga qet kewö asuhuiga mörök: “Azi ki nani wölböt nahöni aiga yangöra urunan ölöwahiga eknahöm ak wangizal.” Yañön mi möriga Iwi Anutunöñ asakmararañ wanggiiga aködamunñi buña qem anguba malök. ¹⁸Neñön yambuk kundunñi töröñi miangörej öngöba malinga qet miangön Suepnöhök asuhuiga mörin.

¹⁹Kezapqetok ambazip mutuhök Buña keu jiba ohogeri, mi nalö kewöñe möt sölöngöba angön kölinga pöwöwöm köhöikñi ak neñgiza. Miangöra Buña Kimbi walñangö keuñi mi mönö törörök kezap ala buña qem anguba malme. Kiwanöñ

* 1:16: Bem samban miengö könañini kun mi kewö: Mötmöt ambazip yengö uruñine jimbureñ mötmöt letoriga keu könañi könañi lañ mötmöriba numbu o algetka asuhumakze. * 1:17: Mat 17.1-5; Mak 9.2-7; Luk 9.28-35

miri söhsöñaufe asarimakzawi, kezapqetok keu mienjön mönö miangö dop jim asarim engimakze. Injini miangö asakje qekötahöba kinme ewö, mönö ölop Anutugö köna ölni eka söñaupkö ahakmemeni yaköriba mosöta malme. Mewö mal öngöba mambötketka miri wangarañ suruiga söhangö undiñi asuhuiga uruñinan asarima. Kembuninan lilingöba kamawangö undiñan mönö mem asarim engii eka Anutugö yuai pakpak ek asarim teköme.

²⁰ Keu nöropñi mutukñi ki mönö möt asarigetka kude ölum enguma: Gölme ambazip kunjan Buja Kimbigö kezapqetok keuñi mi nanñi mötmöt qakje jim asarimangö osimakña. ²¹ Mi kewögöra osimakña: Gölme ambazip kungö jit sihitñan nalö kunöñ qahö nam köliga kezapqetok keu asuhui jiget. Mewö qahöpmö, Uña Töröñan kezapqetok ambazip uruñine sölölohöm engiiga Anutugö jitneyök keu memba mönö mia jiget. Mewö.

2

Böhi takapulakañan mönö mala ayuhume.

¹ Kezapqetok ambazip takapulakañi mi mewöyök Israel könagesö sutñine asuhuget. Miangö dop engö sutñine böhi sohoboho mewöyök asuhume. Asuhuba kinda mötnaripñini ayuhumapkö enjololon keu kemañi kemañi mi tölapköba memba sutñine kame. Ketañamninan sohopñini meyöhi, Kembu mi mewöyök qañ köl wangiba mewö miangön nanñini könden anguba wölañ ayuhume.

² Mewömö, mi töndup ambazip sehisehiñan mönö yengöreñ serowilin silikñini wuatangöba nanñini imbi-imbi malme. Mewö malmeangöra ambazip mötmötñini qötömötötan aketka urumelenjö köna ölnan mötmötñine gamuñambuk ahakña. ³ Böhi takapulakañi mienjön mönö yuai membagan mendingö köpsöngöba nepaqepalok aka kösohot könañi könañi jimbureñ (zöm mindiriwa) aka lañ jim sehiba malme. Mewö malgetka enjön mi möta amqeba moneñ yuai tokogetka lañ örömgöjup memgöjup aka malme. Anutunöñ ambazip mewöñi yengö keuñini lök möpñangö möpñe jim teköiga likepñi meletniga qakñine öngömapkö ahöza. Anutunöñ köndenmönder engimamgö tanqañ ikmaok qahö akrpamö, öl töhönña sihimbölö möta malme.

⁴ Köndenmönder asuhumapkö galöm meme keu tosatñi kewö: Suep garata tosatñan Anutugö jitñi qetala siñgisöndok akeri, Anutunöñ i qahö engehoriyökmö, aköm engiiga könöp mire emuyangöreñ geget. Yaköriba panaman miri dutje ala ain tapepñöñ (mungamunga) gwaröhöm engiyök. Gwaröhöba galöm köln engiiga keuñinangö kitipñi jim tekömapkö mamböt tatkerata tata kotze. ⁵* Möpñangö möpñe ambazip angjöörakñi-nambuk gölmenöñ malgeri, Anutunöñ i mewöyök qahö engehoriyökmö, göulu ketañi jiiga wahöta enguba turum engiyök. Turum engiyökmö, töndup azi Noa miangön urumelenjö keu jiba ahakmeme diñdiñi akrjegö uru kungum engiba malöhi, i aka ambazip 7 mia malmalñini angön köla sel jöhöm engiyök.

⁶* Mewöyök Sodom Gomora taon yahöt mi ayuhumahotkö keuñini jim teköba könöpnöñ engohoiga gapñiranök ahöyohot. Ambazip angjöörakñinambuk yengöra yuai denöwö asuhumawi, miangö söpsöpñi ekingöra mi al engii akzahot. ⁷* Könöpnöñ körek engohomangö ahökmö, töndup azi solanñi Lot mi mutuk sutñineyök meköba angön köln wangiyök. Iwilele ambazip sero namböñnamböñ aka nanñini imbi-imbi ahakmeme tosatñi lañ aket eka yengöra möt böliba uruñan eri malök. ⁸ Azi solanñi miangön yengö sutñine mala ahakmeme iwilele kanjamñambuk eka möta malöhi, miangöra mönö wehön dop möt jinjingöba malök. Uruñi sarakñan mönö sundan böliiga malök.

⁹ Galöm meme keu jizali, mienjön Anutugö könañi kewö kondelakze: Kembunöñ ambazip Anutugö malmal köhöikñi köln gulimakzini, nini ölop esapesapnöhhök meköba bohonini jöhömangö mörakza. Mi mörakzapmö, ambazip gongonji mi keuñinangö

* 2:5: Jen 6.1-7.24 * 2:6: Jen 19.24 * 2:7: Jen 19.1-16

likepni meleşni qakņine öngöiga garataurupņan galöm köl engigetka malme. Mewö mala öngögetka nalö ketanjan kaiga keuņini jim teköiga toroqeba sihibölö möta malme.

¹⁰ Ambazip sileņinaņgö sihim kömbönaņi bölöņi wuatangöba aņgöjörakņinambuk aka iwilelenöņ Anutugö kukösumņi memba et alakzei, Anutunöņ mi mönö mutuhök jim teköm enġiyöhawa sihibölö ketanji möta malme. Böhi takapulakaņi mieņön mönö jakbak-öraņböraņ qakņe nanņini imbi-imbi mala Suepkö bem suahö asakmararaņinambuk euyangöreņ maljei, yengöra sömbu-ņini qahö mörakze. Mi qahöpmaöhöpmö, i mewöyök uruqege keu töhöreņ jim enġimakze. ¹¹ Mewö ahakzemö, Suep garata kukösumņinambuk böhi sohoboho mi enġonġita öngöņgöņi akzei, mi töndup Suepkö bem suahö ambazip mi Kembangö je mesoholņe qetala uruqege keunöņ töhöreņ qahö jim teköm enġimakze.

¹² Garata yeņön mewö qahö ahakzemö, ambazip mieņön sileņini memba öngöba Buņa keu qahö möt kutuba mi töndup yengöra uruqege keu töhöreņ laņ jimakze. Sömbup soņ ewö mötkutukutuņini öļņi qahö asuhuiga sömbup malmalgö sihim yuai korembiņi miyök mörakze. Sömbup soņ mi asuhugera ambazipnöņ laņ enġuget kömumakzei, yeņön mönö mianġö dop laņlaņ tönpin mala ayuhume. Nanņini sihim mötmötniņi goņgoņmaņgoņan mönö köndeņ enġigetka ayuhum teköme. ¹³ Tosatņi öröm ureim ak enġigetka kahasililiņ mötketmö, Anutunöņ nanņini keuņinaņgö likepni meleş enġiiga sihibölö miyök qakņine öngöma. Urumeleņ eņön urukalem kondel aņgubingöra tokoba lömbuaņ algetka takapulaka böhi mieņön mönö mianġöreņ mewöyök kamakze. Kaba dogoņini aukņe kondela bau numbu nemakze. Mewö aka enġö sile töwötniņi boromņi boromņi gamuņinambuk ewö akze. Nanņinak sileņinaņgö sihimņi meköbingöra totoko yuai asakņe ala sero aukņe aka laņlaņ söņgaimakze. “Ziozgö lama galöm akzin,” jiba ala enġöra qahö mötmöriba tilipköm enġibingö sösoņgai mörakze.*

¹⁴ Jeņini kaisero jeje aka ambi enġehakzei, mi serowilinök akingöra mörakze. Sero siņgisöndok yuai akingö sihimņi mi qahöpmaöhöp mosötpingö mörakze. Ambazip koņġwarak kölakzei, mi öröm enġigetka köna jitņe gegetka örömböknöņ jöļņini mesiņmakza. Membagun membingö nepaqepalok köpösöņgögetka urumötmötniņi köhöikņi mianġöreņ ahöza. Mewö ahakzeangöra Anutunöņ saikömm enġiiga ayuhume.

¹⁵ *Yeņön köna diņdiņi andö qeba kahalalom jaņjuņ anda kezapqetok azi Balam Beorgö nahöņņi yaņgö urukönöp köna wuatangömakze. Kerök azi kembu kunöņ Balam Israel ambazip tilipqilip ak enġimapköra töwa waņġiyöhi, urusihimņan mönö moneņ mianġöra ak waņġiyök. ¹⁶ Ak waņġiyökmö, doņki kunöņ bölöņa maņangöra jim bölim waņġiyök. Doņki sömbup keu qahö jijiņi mianġön mönö azi jölnöņ keu jiba kezapqetok azi mianġö urusohop ahakmeme mi jöhöm waņġiiga osiyök.

¹⁷ Ambazip mieņön mönö o jeņi jöpjöpkoņi ewö tandök malje. Raidimbom luhutnöņ kousu omaņi töhöntöhön muwutapkömm enġimakzawi, mönö mianġö dop öne laņlaņ anda kamakze. Anutunöņ pandaman göjjiwinangö uruņe yengöra miri areņgömm enġiyöhi, mönö emuyangöreņ dutņe geba malme. ¹⁸ Yeņön kezapjuņjuņ keu omaņi jiba sileņini memba öngöba laņ tiwok-mawok aka tereņgömakze. Silegö sihim kömbönaņini bölöņi wuatangöba sero namböņnamböņnöņ ambazip laņ öröm enġimakze. Jaņjuņ maljei, tosatņan yeņgö sutņineyök ölöņ kölakzei, mönö mi kelök keunöņ kuņġum enġigetka köna jitņe gegetka örömböknöņ jöļņini mesiņmakza.

¹⁹ Yuai kunöņ ambazip kun jöhöba galöm köl waņġimakzawi, mianġö kösoņan mönö i jöhöiga mi töwa qahö öne welen qeba malja. Mianġö dop böhi takapulakaņi mieņön kelök keu kewö laņ jimakze, “Iņini mönö nini toroqem neņġigetka ölöp kösoņini qahö solanņi aka nanņini imbi-imbinöņ malme.” Keu mewö jimakzemö, mi töndup nanņinak aņgöjörakņinaņgö welenqeņeņi aka mianġö kösoņöņ malje.

²⁰ Yeņgö köna maņinanan kewö goņġiiga malje: Kembunini Jisös Kraist Amötqege Tonini i möt kutuba mewö mianġön gölmegö ahakmeme aņgöjörakņambuk misiņgöba

* 2:13: Böhi mieņön törom ewö asamböta tatzemö, waņġeņinan yeņgöreņ qaköba jömgöbapuk. * 2:15: Jaņ 22.4-35

andö qebagun mönö kunbuk miangö kösönöj köpeim anguba qaköba tatze. Miangöra könäkönahine ölopölöp malgetmö, teteköne bölqölim teköba malje. ²¹ Anutunöj keunini jim teköi solanibingö könañi mutuk qahö möt kutuba tönpin malbeak, miangön mönö eretñi ak engibawak. Mewö akawakmö, Buña mi ölna jigetka möta könañi möt kutugetka buñañina ahök. Uruñini melenđa miangö andöne jöjopañ keu töröñi andö qegeri, miangön mönö yuai kanjamñambuk aka gamu qem engimakza. ²² *Andö qeba köpeim anguba etkeri, mi uruqesin keu ölbölñi yahöt mietkö dop akza. Keu jitñi kun kewö, “Kiamnön loñnöhanğoreñ lilingöba kamakza.” Keu jitñi kun kewö, “Bau sañgoñninga dumge elenđa sömuk pilinpilijnöñ luhuba geba lömu aumakza.” Mewö.

3

Kembu kamawangö jöhöjöhö keuñi

¹ O wölböt alaurupni, nöñön kimbi yahötñi ki albi engörej kaza. Keu jizali, injini lök mötzmö, nöñön keugö ölni ahumapköra uruñini sarakñi kuñguba jim gulim engiba kimbi yahöt ki kewögöra ohozal: ² Kezapqetok ambazip sarakñi yeñön mönöwök Buña keu jiba malgeri, miangöra mönö ölum engubapuk. Mewöyök Kembu Amötqeqe Toñan jimkutukutu neñgiiga nanñini melaimelai azi aposolurupñinan kusum engigeri, mönö mi mötmöriba köl guliba malme. Miangöra nöñön keu miyöhök ohobiga yahöt akña.

³ *Keu mutukñi kun kewö möt asarime: Kraistnön lilingömamgö aiga nalö teteköne miangörej mepaqepaik ambazip asuha ahakmemeninan nanñini sihim kömbönañini bölöñi wuatangöba ilit keu jiba malme. ⁴ Tosatñan lilingöba kamawangö keuñi kewö jiba qeapköba malme: “Kamawangö jöhöjöhö keuñi mi mönö denikeangörej ahöza? Amböskoninan mala kota kömuger, nalö miangörejök yuai kunñan kun qahö melenñi geyök. Anutunöj Suep gölme miwikñaim etkiiga öröyuai pakpak könahiba ahöyöhi, mi mönö mewöñanök ahöba kori maljin.”

⁵ *Mewö jiba keu köñi ki ölan qemakze: Anutunöj möpñangö möpñeyök jim kutuba keuñangö ösumñan suep jakenji jakenji miwikñaim engiyök. Mewöyök o jim kutum engiiga denđa angetka miangön gölme miwikñaiiga onöhök asuhum tingirök. Yeñön keu köñi mi mötzmö, mi qahö mötzin tandök möndöba lañ jiba nöñöñgan ahakze.

⁶ *Könañep jim kutuiga o gölunöñ wahöta gölme turuiga ambazip nalö miangörej gölmenöñ malgeri, mi o nemba kömumjaiget. ⁷ Yeñön onöñ kömumjaigetmö, suep gölme nalö kewöñe etkehakzini, mi köñöpnöñ ayuhumawangö dop akza. Anutunöj miangö keuñi lök böñtöñ jim kutuiga ahöza. Miangö ölni asuhumawangö nalöñan kam kuñguiga Anutunöñ ambazip angöjörakñinambuk maljei, yeñgö keuñini jim teköba köñdenñ engiiga ayuhume.

⁸ *Mewö asuhumapmö, wölböt alaurupni, naninak ehinga yambu 1000 mi nalö köröpñi akzäpmö, Buña keu mohot ki mönö kude ölum enguma, “Wehön mohot mi Kembugö je mesoholñe yambu 1000:gö dop akza aiga yambu 1000 ehiga wehön mohotkö dop akza.” ⁹ Kembugö jöhöjöhö keu miangön ölnambuk akñapmö, miangö nalöñi mi törörök qahö mötzin. Tosatñan nalö mi köñjörari öngömapköra mötmöriba lañ jimakze. Nanñak nalöñi qahö köñjörari öngömapmö, mökösoñđa ambazip körekñan urunini melenñbingöra mambörakza. Kunñan köñöp sianöñ gebapüköra kapañ kölakza.

¹⁰ *Keuñangö ölni asuhumapmö, Kembugö kaka nalöñan mönö yongorö meme azigö tandök kam kuñguma. Mi ouk-tuknine tiiga osibin. Nalö miangörej suep gölmegö yuai ehokñi pakpak mi mönö köñöwiba jeba gapñanök ahöma. Wehön köññ seγγελau aka suepkö yuaiñi pakpak mi julkula ötoñ bölöbölöñambuk ayapköba qahöwakñe. Gölme aka ambazipnöñ yuai pakpak miangörej memba alget ahözawi, Anutunöñ mi körek köñdenñmöñdenñ melenñi gema. Geba jem teköiga yuai kun qahöpmañöp ahöma. Saumbañ!

* 2:22: Qam 26.11 * 3:3: Jud 18 * 3:5: Jen 1.6-9 * 3:6: Jen 7.11 * 3:8: Sum 90.4 * 3:10: Mat 24.43; Luk 12.39; 1 Tes 5.2; Ind 16.15

¹¹ Öroyuai pakpak mi tandök mewö julkula qahöwakņeangöra eņön mönö ambazip denöwöņi aka malgetka dop kölbawak? Miangöra mönö ahakmeme sarakņi wuatangöba Kraist ewö aka malbingö köl guliba malme. ¹² Injini Anutugö nalö ketaņi mi kam kuņgumapköra mamböta zilaņ kamapkö nupņi kapaņ köla memba malje. Nalö miangöreņ gölmegö öroyuaiņi aka wehön köiņ senġelau aka mewöņi mi könöwiba jeba bolbolgöma. Anutunöņ suepkö öroyuaiņi mi körek köndenmöndeņ aliga julkula jem teköma. ¹³ *Mewö jem tekömapmö, Anutunöņ yuai asuhumapkö keu jöhöi ahözawi, neņön miangö dop Suep gölme döläkņi miwikņaim etkimapkö mambörakzin. Mi miwikņaim etkiiga miangöreņ angota ahakmeme diņdiņi wuatangöba malbin.

¹⁴ O wölböt alaurupni, eņön nalö ketaņi mi kam kuņgumapkö mamböta malje. Miangöra mönö kewö akingö kapaņ köla kinme: Uruņini sarakņi aiga Anutunöņ töwöt boromņinaņgö keuņi kun qahö miwikņaiiga yambuk ösupközeangöra luainöņ malme. ¹⁵ Mamböta Kembuninaņgö uru tandökņangöra kewö mötmöriba malme: Yaņön injini uruņini melenġa kunbuk letotmegö nalöņi mem körim al eņgiba ösöņ mamböt eņgiba malja. Wölböt alanini Pol yaņön mewöyök keu miyök ohom eņgiyökmö, Anutunöņ mötkutukutu öņgöņgöņi waņgiiga miangö dop keuņi ohom eņgiyök. ¹⁶ Miangö keuņi mi kimbiņi pakpak miangöreņ jiba ohomakzappmö, Buņa Kimbiņaņgö uruņe keuņi tosatņi mi lömbötņambuk. Miangöra tosatņan mi möt asaribingö jaram tiba lömbörimakze. Gukmaulem ambazip koņgwarak qeba tötäpinpin laņ malakzei, yeņön kimbiņi kimbiņi mi laņ möwöramgömakze. Miangö dop Polgö keuņi mewöyök melenġeleņ aketka supapköba sohomakza. Mewö möwöramgöba kinda nanņini mem bölim anguba könöp sianöņ geme.

¹⁷ Yeņön gememö, wölböt alaurupni, eņön mewö asuhumapkö keuņi lök qeljiņe möta malje. Miangöra mönö nanņini galöm mem anguba malme. Iwilele ambazip köna siņgiba qiwitipkömakzei, eņön mönö yeņgö kelök keuņinan örom eņgii eņguatangöba jiņjauņ anbepek. Malmalgö tandö pöwöwöm köhöikņi miangöreņök mewö tala kaman kölbepuk. ¹⁸ Kembunini Jisösgö kalem möriamņe kinjei, miangöreņ mönö kunbuk suariba köhöiba malme. Amötqeqe Tonini Kraistkö könaņi möt kutuzei, mi mönö toroqeba möt yaköm soroköba malme. I möpöseininga qetņi nalö kewöņe aködamun-ņambuk aka könaņep teteköņi qahö mewö ahöm öņgöma. Keu mi öļņa.

* 3:13: Ais 65.17; 66.22; Ind 21.1

Jongööreṅ Kimbi 1 Jonöṅ Kimbiṅi mutukṅi alök. Jim-asa-asari

Jonöṅ jöpaköm anġuaṅġugö keuṅi köhöiba jiba malök. Urumeleṅ ambazip neṅön Anutu aka Jisös Kraist yetpuk qekötahöba kinda uru jöhöm anġuba mohok aka maljin.

Tosatṅan keu muneṅi ambazip kewö kusum sohom enġiba malget: “Jisösnöṅ Suep aziyök akza. Gölmeneṅ yuai pakpak mi bölöṅi akza. Miangöra Jisösnöṅ gölme azi ölni qahö aka malök.” Keu miangöra aka tosatṅan “Anutu möt narizin,” jiba ahakmeme ölöṅṅi mosöta siksauk silekmalek mala ambazip tosatṅi yom kazik ak enġiget aka qölmöm injarere malget. Keu sinṅi sinṅi mewöṅan zioz mem bölibapuköra Jonöṅ goro keuṅi kimbinöṅ kewö ohoba ali kayök, “Jisösnöṅ Suep aka gölme azia mohok akza. Gölmeneṅ nup meme aka mötmöt meme mi yuai bölöṅi qahö. Miangöra ‘Anutu möt narizin,’ jiba Nahönṅi Jisös kude mosötpin aka alaurupnini uruninan jöpaköm anġubin. Urukalem mi mönö kapaṅ köla ak anġumakin.”

Kimbi kiangö bahöṅi bohonṅi 6 mi kewö:

Malmalgö könaṅi mi Jisös 1.1-4

Asak aka söṅaup uruṅe malmal 1.5-2.29

Anutugöreṅ aka Satangöreṅ nahönbörat 3.1-24

Uṅa ölöṅṅi aka öme mi mönö kewötme 4.1-6

Urukalemgö könaṅi aka jimkutukutuṅi 4.7-21

Mötnarip neṅön bölöṅi luhut alakin 5.1-21

Malmal köhöikṅaṅgö keuṅi mi Jisös Kraist

¹*Nöṅön malmal köhöikṅaṅgö keuṅi jimamgöra kimbi ki ohozal. Mutuhök malmalgö keu Toṅan maliga miangö könaṅe öroyuai pakpak asuhuyök. Yaṅön mala kota gölmeneṅ eriga i jeninan eka böroninan sileṅi misiringa keuṅi jii möta malin. ²*Oyaenköyaen malmalgö Toṅan asuhuiga neṅön i eka könaṅi naṅgöba jiba dangunu ewö kinjin. Malmal teteköṅi qahö miangö Toṅan Iwibuk mala kota eta asuhum neṅġiyöhi, neṅön miangö Buṅaṅi jim asariba uruṅini kuṅguzin. ³Neṅön Iwi aka yaṅgö Nahönṅi Jisös Kraist yetpuk urunini jöhöba mohot maljin. Inṅini mewöyök uruṅini nembuk jöhöba mohot malbingöra yuai eka mörini, mi jim tuarim enġizin. ⁴Sösöṅgainöṅ urunini kokolak qei malbingöra keu ki jim tuariba ohozin. Mewö.

Kembugö asakṅe malmal

⁵Buṅa keu yaṅgö Nahönṅaṅgöreṅök möta jim tuarim enġizini, mi kewö: Anutunöṅ asakṅaṅgö Toṅi akza aka yaṅgöreṅ söṅaup kun qahö ahöza. ⁶“Neṅön yambuk urunini jöhöba mohot maljin,” mewö jitnöṅ jiba töndup aiakaninan jipjap aka söṅaupnöṅ maljin ewö, mönö keu muneṅ jiba ahakmemeninan keu ölni qahö wuatangömakzin. ⁷Anutunöṅ asakṅaṅgö uruṅe maliga neṅön miangö dop aiakanini asakṅaṅgö uruṅe ahakzin ewö, mönö sutnine urunini jöhöm anġuba mohok malinga Nahönṅi Jisös Kraistkö sepṅan mönö siṅgisöndoknini pakpak saṅgoṅmakza.

⁸Urunine siṅgisöndok qahö ahöza, mewö jibinak ewö, mönö nanini tilipköm anġuinga keu ölnan urunine qahö kinma. Qahö! ⁹Siṅgisöndoknini jim miwikṅaizin ewö, yaṅön mönö uruṅi diṅdiṅaṅgö dop jöhöjöhö keuṅi pöndaṅ wuatangöba siṅgisöndoknini mosöta ahakmemenini goṅgoṅi pakpak saṅgoṅmakza. ¹⁰“Siṅgisöndok qahö ahin,” mewö jibin ewö, mönö keu Toṅi onġiringa Anutunöṅ muneṅ jiji azi tandök aiga keuṅan urunine qahö kinma. Mewö.

* 1:1: Jon 1.1 * 1:2: Jon 1.14

2

Jisösnöy awörök köiput Tonini akza.

¹ O (koko) gömokurupni, injini singisöndok akepuköra keu ki ohozal. Mi ohozalmö, kunöy töndup singisöndok akawak ewö, awörök köiput Toninan mönö ahöm neŋgiza. Jisös Kraist yañön Iwigö kösutne mala keu pakpak diñdiñanök kewöta ak neŋgimakza. ² Awörök köiput Tonini yañön singisöndokninañgö töwañi ala köl könjörat neŋgiyök. Mi neŋgö singisöndokörök qahöpmö, mönö gölmeñi gölmeñi neŋgöreñ singisöndok mi mohotne köl könjöratmamgöra kömuyök. Mewö.

Temkölköl mi aiaka diñdiñi.

³ Anutugö jöjöpañ keuñi tem kölakin ewö, mewö mianñön i möt wañgizini, mi ölop uruyahöñi qahö möt yaközin.

⁴ Kunñan “Anutu möt wañgizal,” jiba jöjöpañ keuñi qahö tem köla wuatangömakzawi, yañön mönö muneñ jiji ambaziwa aiga keu ölnan yañgö uruñe qahö kinja. ⁵ Qahöpmö, kunöy Anutugö keuñi tem köla wuatangömakzawi, Anutugö urukalemñan mönö ölna yañgö uruñi kokolak qei aködamunñambuk malja. Mewö mianñön Anutubuk qekötahöba mohok maljini, mi möt yaközin. ⁶ Kunñan “Anutubuk qekötahöba maljal,” jizawi, yañön mönö Jisösnöy ahakmemeñi ahök, mönö mianñgö dop aka memba malma. Mewö qahö aka maliga qahö dop kölja. Mewö.

Urukalem akingö jöjöpañ keu döläkñi

⁷ *O wölböt alaurupni, nöñön jöjöpañ keu döläk-kunñi qahöpmö, jöjöpañ keu walñi könakönahiñeyök ahöm eñgizawi, mönö mia ohom eñgizal. Jöjöpañ keu walñi mianñgö Buña keuñi mi lök möta mala kotket. ⁸ Töndup mianñgö jimkutukutuñi döläkñi mi eñgöra ohozal. Söñaupnöy ayapkömamgö aiga asakñi ölnan lök asarim qarimakzawi, mianñgöra jöjöpañ keu mianñgö ölnan mönö Anutugöreñ aka eñgöreñ ahuba ahöza.

⁹ Kunñan jitñan “Asakne maljal,” jizapmö, alañi kazik ak wañgizawi, yañön mönö toroqeba söñaup uruñe malja. ¹⁰ Kunñan alañi jöpaköm wañgimakzawi, yañön mönö asakñangö uruñe pöndañ maliga silikñan tosatñi singisöndok akñegöra qahö kondorakza. ¹¹ Mewömö, kunñan alañi kazik ak wañgizawi, yañön mönö ömuñe jipjap mala ahakmemeñi söñaup uruñe ahakza. Söñaupnöy jeñi mem sohoiga jañjuñ aka maljawañgöra aka denike anmawi, mi nanñak qahö möt kutumakza. Qahö.

Anutunöy singisöndoknini kösöloñanimakza.

¹² O nahönböraturupni, Jisösnöy kömumba qet ketañi memba maljawañgöra aka Anutunöy eñgö singisöndokñini mosöta kösöloñanim teköyök. Mianñgöra keu ki eñgöra ohozal. ¹³ O iwiurupni, kunöy könakönahiñeyök mala kotzawi, injini i möt wañgiba mala kotze. Mianñgöra keu ki eñgöra ohozal. O gwaböurupni, injini bölöñangö Toñi luhut al wañgiba maljei, mianñgöra keu ki eñgöra ohozal. Nahönböraturupni, injini Iwigö könañi möt kutuba maljei, mianñgöra keu ki eñgöra ohozal.

¹⁴ Iwiurup, kunöy könakönahiñeyök mala kotzawi, injini i möt wañgiba mala kotze. Mianñgöra keu ki ohobiga eñgöreñ kaza. Azi gwaböurup, injini Anutugöreñ Buña keu uruñine algetka köhöiba kiniga ösum-mumuñinambuk aka bölöñangö Toñi luhut al wañgiba malje. Mianñgöra keu ki ohobiga eñgöreñ kaza. Mewö.

Gölmegö ahakmeme bölöñi mi yakörime.

¹⁵ Injini gölmegö ahakmeme bölöñi aka yuai pakpak mianñgöreñ ahözawi, mianñgöra kude ak eñgima. Kunñan uruñan gölmegö ahakmemegöra ak wañgiza ewö, Iwigö urukalemñan mönö yañgö uruñe qahö kinja.

¹⁶ Gölmegö ahakmeme mi kewö: Ambazipnöy sileñinañgö sihim kömböñañini bölöñi mörakze. Yuai jeñinan eka eksihim aka köpösöngömakze aka gölmegö malmalñinañgöra piririköba töröraiba sileñini memba öngömakze. Mi aka urukönöp tosatñi mi Iwigöreñök qahö kaza. Qahö! Mi mönö gölmegö ahakmeme bölöñi akza. ¹⁷ Gölmegö

* 2:7: Jon 13.34

ahakmemenöŕ göröŕ qema aka miangö sihimŕi bölöŕi bölöŕi mi mewöyök göröŕ qememö, kunŕan Anutugö jit sihitŕi tem köla wuatangömakzawi, yaŕŕn mönö böŕ qeba nalö teteköŕi qahö mal köhöima. Mewö.

Kraistkö tuarenjoŕurupŕi lök asuhuze.

¹⁸ O (koko) gömukurupni, Kraistkö salupŕe* kinda tuarenjoŕ ak waŕŕimawaŕŕn nalö teteköŕe asuhumawi, mi lök jigetka mötze. Keu miangö dop nalö kewöŕe Kraistkö tuarenjoŕurupŕi gwötpuk lök asuhaba kinje. Keugö öŕŕi mewö asuhuyöhaŕŕgöra aka nalö teteköŕaŕŕgö uruŕe lök kaŕŕgota maljin, mi mötzin. Miangö aiwesökŕi mewö. ¹⁹ Tuarenjoŕ ambazip mieŕŕn nanine kambunöhök mala neŕŕgömosöta anget. Uruŕini nembuk muney-muney jöhöba mötnariŕ könaŕesö sutnine laŕ mala buratiget. Neŕŕgöreŕ könaŕesö öŕŕi akeak ewö, mönö nembuk pöndaŕ qekötahöba mohokŕe malbinak. Neŕŕgömosöta tikeŕ kinjei, silik miarŕn mönö könaŕini kewö kondeliga eka mötzin: Yeŕŕgöreŕök kunöŕ nembuk öŕŕa mohot qahö aka malök.

²⁰ Yeŕŕn tikeŕ kinjemö, Kraistnöŕ Uŕaŕi Töröŕi eŕŕgö uruŕine mokoiga bedu memba inahöm eŕŕiiga körek eŕŕn keu öŕŕi möt kutuba malje. ²¹ Iŕini keu öŕŕi qahö möt kutubepuköra aka keu ki qahö ohom eŕŕizal. Mewögöra qahöpmö, iŕini keu öŕŕi möt kutuze aka keu öŕŕan keu muneyi kun kondotmamgö osimakza. Miangöra keu ki ohom eŕŕizal.

²² Jisösnöŕ Amötqeŕe Toŕi Kraist akzapmö, kun daŕŕn keu mi qaŕ köljawi, yaŕŕn mönö isimkakalek ambaziwa akza. Yaŕŕn Kraistkö salupŕe kinda tuarenjoŕ ak waŕŕgiba Iwi aka yaŕŕgö Nahönŕi mi mohokŕe qaŕ köŕ etkimakza. ²³ Kunŕan Iwiŕgö Nahönŕi qaŕ köŕakzawi, yaŕŕn Iwiŕi qahö öne malja. Kunŕan Nahönŕi jim miwikŕaimakzawi, yaŕŕn mönö Iwi mewöyök miwikŕaiba yambuk malja.

²⁴ Iŕini Buŕa keu könaöknaŕiŕeyök möta kotkeri, mi uruŕine köhöiba kinmapköra galömŕini meme. Buŕa keu möta kotkeri, miarŕn uruŕine kinma ewö, iŕini mewöyök mönö böŕ qeba Iwi aka yaŕŕgö Nahönŕi yetpuk qekötahöba kinme. ²⁵ Kraistnöŕ jöhöjöhö keu kewö neŕŕgi ahöza, “Nömbuk kinme ewö, mönö oyaenköyaen malmal eŕŕigiba teteköŕi qahö mal köhöime.”

²⁶ Tosatŕan esapköba janjuŕ mem eŕŕgimakzei, nöŕn yeŕŕgöra aka keu mi ohom eŕŕizal. ²⁷ Tosatŕan janjuŕ ahakzemö, Kraistnöŕ Uŕa Töröŕi eŕŕgö uruŕine mokoiga bedu memba inahöm eŕŕgimakza. Uŕa yaŕŕn uruŕine böŕ kini qahö löwörime ewö, eŕŕn mönö böhi kungöra qahö osime. Mi kewögöra: Yaŕŕgö Uŕaŕan mönö ahakmemegö keu pakpak kusum eŕŕgimakŕa. Bedu memba inahöm eŕŕgimakzawi, miarŕn yuai muneyi kun qahöpmö, mötmöt ösumŕi öŕ töhöŕnanök akza. Miangöra keu öŕŕi kusum eŕŕiyöhäŕŕgö dop mönö keuŕi pakpak tem köla Kraistpuk töp qekötahöba kinme.

²⁸ O (koko) gömukurupni! Iŕini mönö Kraistpuk töp qekötahöba kinme. Yambuk kinda malinga kunbuk asuhumawi, nalö miarŕgöreŕ qahö közöl neŕŕgiiga gamu qakŕe qahö mömöŕaköba anbinmö, öŕp yaŕŕgö jeŕe awösamkakak qakŕe tamehök kinbin. ²⁹ Kraistnöŕ solanŕi akzawi, iŕini keu mi möt kutuze ewö, mönö keu ki mewöyök öŕp möt asarime: Ambazip körekŕan ahakmeme solanŕi ahakzei, yeŕŕn mönö mewöyök Anutugöreŕök ahaba nahönböratuŕupŕi akze. Mewö.

3

Neŕŕn Anutugöreŕök ahaba nahönböratŕi akzin.

¹ *Mötket! Sueŕ Iwininan neŕŕgöra “Nani nahönböratuŕupni,” mewö neŕŕghola miarŕn urukalemŕi ketanŕi kondel neŕŕgimakza. Nini öŕŕa Anutugö nahönböratuŕupŕi akzin. Mi akzinaŕgöra göŕme ambazipnöŕ könaŕamnini qahö möt kutuba malje. Anutugö könaŕi qahö möt kutuzeaŕgöra nanine könaŕamninaŕgöra mewöyök tötöŕinŕin malje. ² O wölböt alaurupni, nalö kewöŕe nini Anutugö nahönböratuŕupŕi aka maljin.

* 2:18: Kraistkö tuarenjoŕi mi Antikraist. Griŕ keu anti, miangö könaŕi yahöt. Yaŕŕn Kraistkö salupŕe kinja aka Kraist öŕŕi tuarenjoŕ ak waŕŕgimakza. * 3:1: Jon 1.12

Mewö mala könangep denöwö aka malbini, mi aukçe qahö asuhuyök. Mohok kun mötzini, mi kewö: Yañön kunbuk aukçe asuhuiga kaisongolomñi ölni jeninan ekini, nalö miangörej mönö letota i ewö akin. ³ Denike yeñön Kraistköra jörömqöröm mewöñi ak wangzei, yañön mönö i köl könjörat mem ençiiga yañgö tandök ewö sarakñi aka malme.

⁴ Denike yeñön siñgisöndok akzei, yeñön mönö köna keu qeba walöñmakze. Siñgisöndok mi iwilele ahakmemeya. ⁵ *Kraist nanñak siñgisöndokñi kun qahö yañön nanine siñgisöndoknini köl könjöratmamgöra eta asuhuyöhi, mi ölop mötze. ⁶ Denike yeñön Kraistpuk böñ qeba kinjei, yeñön siñgisöndok qahö aka malje. Kunñan siñgisöndok toroqeba ahakzawi, yañön Jisös qahö eka könañi qahö möt kutuba malja. Mewö.

⁷ O (kokourupni) gömökurupni! Kunñan jañjuñ mem ençibapüköra mönö galömqñini mem anguba malme. Kraistnöñ solanñi akzawi, yañgö dop ahakmeme solanñi törörök wuatañ-gömakzawañön mönö solanñi akza. ⁸ Bölöñangö Toñan köna-könahineyök siñgisöndok aka kota malja. Miangö dop denike yeñön siñgisöndok ahakzei, yeñön mönö Bölöñi Toñangö buñaya akze. Anutugö Nahöññan mönö yañgö nupñi yaiñ memamgöra eta asuhuyök.

⁹ Denike yeñön Anutugöreñök asuhugeri, yeñgöreñök kunñan malmal qainñi kun uruñe ahözawañgöra mönö siñgisöndok qahö toroqeba ahakza. Ahuahu dölokñi ahuba maljawañgöra aka siñgisöndok toroqeba akñamgö osimakza. ¹⁰ Denike yeñön Anutugö nahönböratñi aka denike yeñön Bölöñi Toñangö nahönböratñi akzei, mi kewö kewöta möt asaribin: Kunñan ahakmeme solanñi qahö wuatangömakzawi, yañön mönö Anutugö buñani qahö akza. Mewöñanök kunñan alaurupñi qahö jöpaköm ençimakzawi, yañön Anutugö buñaya qahö akza. Miangö aiwesökñi mewö.

Iñini mönö jöpaköm anguba malme.

¹¹ *Buña keugö kötni könakönahineyök möta kota maljini, miangö jöjöpañ keuñi kewö: Nini mönö urunöñ jöpaköm anguba malbin. ¹² *Kein (Kain) yañön Bölöñi Toñangö buñaya mala munñi qei kömuyök. Nini mönö i ewö aka malbinbuk. Yañön kewögöra munñi qeyök: Nanñi ahakmemenjan bölöñi ahökmö, munñañ-göreñan solanñi ahök. Mönö miangöra qeyök.

¹³ O urumelen alaurupni, gölme ambazipnöñ kazik ak ençime ewö, miangöra mönö kude welipköme. ¹⁴ *Nini urumelen alaurupnini jöpaköm ençimakzinangöra aka keu ki möt asarizin: Nini kömup köhöikñangö jaböñi walöñda malmal köhöikçe angota maljin. Kunñan urukalem qahö ahakzawi, yañön mönö toroqeba kömup köhöikñangö uruñe kinma. ¹⁵ Ambazip alaurupñini kazik ak ençimakzei, körek yeñön mönö köhömuñi ençuençu ambaziwa akze. Malmal köhöikñi mi ençuençu ambazip mewöñi kungö uruñe qahö ahöza, mi ölop möt yaköze.

¹⁶ Jisös Kraistnöñ malmalñi neñgöra aka köleñda mosöta jöpaköm anguangugö könañi mewö kondel neñçiiga eka möt kutuzin. Neñön mönö mewöñanök malmalnini urumelen alaurup yeñgöra aka köleñda mosöringa dop kölma. ¹⁷ Kunñan gölmegö öroyuaiñi dopñe memba maliga alajan yuaigöra osiba mözöqözöröñ aiga ekzapmö, töndup ekbonep aka uruñi jöhöza ewö, Anutugö urukalemñan mönö yañgö uruñe denöwö kinbawak? ¹⁸ O (koko) gömökurupni, jöpaköm anguangü mi numbu jitninan keu töhöñök timbiliba jimakinbukmö, mi mönö ahakmemeninan keu ölni wuatangöba aka malbin.

Mönö Anutugö jemesoholçe tamehök kinbin.

¹⁹ Nini keu öñangö buñaya akzin me qahö? Akzin ewö, mönö ölop urunini böñjöñ köliga Anutugö jemesoholçe awösamkakak kinbin. Keu mi nanini kewöt anguba kewöt möt kutubin: ²⁰ Uruninan yuai bölöñangöra aka jim neñgiza ewö, nini keu ki ölop möt yaközin: Anutunöñ kewötkewöt Tonini aka keunini diñdiñanök kewötma. Anutugö

* 3:5: Jon 1.29 * 3:11: Jon 13.34 * 3:12: Jen 4.8 * 3:14: Jon 5.24

mötmötñan mönö nanine mötmötnini ongita öngöngöñi aiga keu pakpak ölop möt teköza. Miangöra ölop urunini böñjörj köliga malbin.

²¹ O wölböt alaurupni, uruninan qahö jim neñgiza ewö, nini mönö Anutugö jeme-soholñe awösamkakak aka tamehök kinbin. ²² Nini Anutugö jöjöpañ keuñi tem köla ahakmemenini dop köl wañgimakzawañgö dop aka memba malakzin. Miangöra yuai kungöra köuluköba qesim wañgibini, mönö mia neñgii buña qem añgubin.

²³ *Anutugöreñ jöjöpañ keu yahöt mi kewö: Nini mönö Nahönñi Jisös Kraistkö qetñi memba möt nariba urunini melenbin aka jöjöpañ keu jim kutum neñgiyöhañgö dop jöpaköm añguba malbin. Mewö qahö aka malbinak, mi Anutugö jeñe qahö dop kölbawak.

²⁴ Denike yeñön Anutugö jöjöpañ keuñi tem kölakzei, yeñön mönö Anutubuk qekötahöba malgetka Anutunöñ yembuk lapingöba kinja. Yañön nembuk lapingöba kinjawi, mi Uñañi Törönñi neñgiiga urunine sañep ala maljawañgöra möt kutuzin. Mewö.

4

Uñañe me ömeya mi mönö köñañini kewöta mötme.

¹ O wölböt alaurupni, kezapqetok ambazip takapulakañi gwötpuk mi gölme dop liliköba maljei, miangöra keu pakpak mi zilañ kude memba möt narime. Anutugö Uñañan me öme kunñan sölölohöiga asuhuzawi, mi mönö mutuk esapesapnörj ala kewötmö. ² Anutugö Uñañangö köñañi mi mönö kewö kewöta möt miwikñaimö, “Jisös Kraistnörj eta silebuk aka malök,” denike yeñön keu mi jim miwikñaimakzei, yeñön mönö körek Anutugö buñaya akze. ³ Kunñan Jisösgö köñañi mewö qahö jim miwikñaimakzawi, yañön Anutugö buñaya qahö akza. Kraist tuarenjoñangö ömeñan mönö yañgö uruñi sölölohöiga keu jimakza. Kunöñ asuhaba Kraistkö salupñe kindu tuarenjoñ ak wañgimawi,* keu mewö jiget mötketka yañön lök nalö kewöñe gölmenöñ asuhuza.

⁴ O (koko) gömokurupni, inñini Anutugö buñaya aketka Uña Törönñan uruñine kindu gölmegö ömewörömeñi mi eñgongita luhut al eñgimakza. Miangöra kezapqetok ambazip takapulakañi mi ölop luhut al eñgiba malje. ⁵ Yeñön gölmegö buñaya aketka gölmegö ömeñan sölölohöm eñgimakze. Miangöra gölmegö ahakmemenñi wuatangöba keu jigetka urumelenjö kopa ambazip yeñön keuñinañgöra kezap ala mörakze.

⁶ Nini Anutugö buñaya ahinga Uña Törönñan sölölohöm neñgimakza. Anutu möt wañgizeañön mönö neñgö keuninañgöra kezap ala mörakze. Anutugö buñaya qahö akzei, yeñön neñgö keuninañgöra kezap qahö ala mörakze. Keu ölnangö Uñañi aka isimkakalekö ömeñi yetkö köñañiri mi mönö mewö kewöta möt kutumakzin. Mewö.

Anutunöñ urujöpakö köñañi akza.

⁷ O wölböt alaurupni! Anutunöñ jöpaköm añguañgugö jalöñi akza. (Miangöra urukalem mi o jeñangö tandök ewö ahöba korakza.) Miangöra nini mönö jöpaköm añguba malbin. Mewö aka maljini, körek neñön mönö Anutu möt wañgiba yañgöreñök ahuahu dölokñi ahuaba maljin.

⁸ Anutunöñ urujöpakö Toñi akza. Mewö akzawañgöra kunñan ambazip qahö jöpaköm eñgimakzawi, yañön mönö Anutu qahö möt wañgiba tönpin malja. ⁹ Anutunöñ urukalemñi kewö kondeli sutnine asuhuyök: Yañön Nahönñi mohok-kunñan nam köl neñgii mal köhöibingöra aka melaiiga gölmenöñ erök. ¹⁰ Nini Anutu jöpaköm wañgiinmö, mianñön urukalemgö köñañi qahö. Urujöpakö köñañi mi kewö: Anutunöñ jöpaköm neñgiba siñgisöndoknini köl köñjöratmamgöra Nahönñi melaiiga neñgöreñ erök.

¹¹ O (koko) gömokurupni, Anutunöñ mewö önöñi qahö jöpaköm neñgiyöhañgöra neñön mönö mewöñanök uruninan jöpaköm añgumakin. Urukalem qahö ak añguinga qahö dop kölja. ¹² *Kunñan kun Anutu nalö kunöñ qahö ehökmö, jöpaköm añguba maljin

* 3:23: Jon 13.34; 15.12, 17 * 4:3: Kraistkö tuarenjoñi mi Antikraist. Grik keu anti, miangö köñañi yahöt. Yañön Kraistkö salupñe kinja aka Kraist ölni tuarenjoñ ak wañgimakza. * 4:12: Jon 1.18

ewö, Anutunöŋ mönö urunine lapingöba kiniga urukalemŋan urunini kokolak qeiga aködamuninambuk maljin.

¹³ Nini Anutubuk qekötahöba malinga yaŋön urunine lapingöba kinjawi, mi Uŋaŋi Töröŋi neŋgiyöhaŋgöra aka möt kutuba uruyahöt qahö ahakzin. ¹⁴ Iwinöŋ Nahönŋi gölmeŋi gölmeŋi neŋgö Amötqeŋe Tonini akŋapköra melaiiga erök. Neŋön mi eka möta naŋgöba jimakzin. ¹⁵ Kunŋan “Jisös Anutugö Nahönŋi akza,” jiba jim miwikŋaimakzawi, Anutunöŋ mönö yaŋgö uruŋe lapingöba kiniga yaŋön Anutubuk qekötahöba malja.

¹⁶ Anutunöŋ uruŋan jöpaköm neŋgimakzawi, nini miangö könaŋi möta miangöreŋ möt narimakzin. Anutunöŋ urujöpakö Toŋi akza. Mewö akzawaŋgöra kunŋan ambazip jöpaköm eŋgiba maljawi, yaŋön mönö Anutubuk qekötahöba kiniga Anutunöŋ yaŋgö uruŋe lapingöba malja. ¹⁷ Mewö malinga köŋgörököm neŋgiiga Anutugö urukalemŋan urunini kokolak qeiga aködamu-ninambuk maljin. Nini Kraistkö tandök ewö gölme kusukŋi kiangöreŋ maljin. Mewö maljinaŋgöra aka Anutugö jimtekötekö nalö ketaje Kraistkö jeŋe aŋgota miangöreŋ awösamkakak aka tamehök kinbin.

¹⁸ Anutunöŋ jöpaköm neŋgiiga kinda öne töhön keŋgötnini mötpinbuk. Singisöndok ambazip yeŋön Anutunöŋ singisöndok-ŋinaŋgö likeŋŋi meleŋ eŋgibapüköra keŋgötnini mörakzemö, Anutugö urujöpakŋan urunini kokolak qeza ewö, miangön mönö keŋgöt mötmöt pakpak yakörim tekömakza. Miangöra kunŋan keŋgötni mörakzawi, yaŋön jöpaköm neŋgimakzawaŋgö könaŋi mi törörök qahö möt teköza.

¹⁹ Yaŋön mutuk jöpaköm neŋgiyöhaŋgöra aka nini urukalem ahakzin. ²⁰ Kunŋan “Anutu jöpaközal,” jizapmö, alaŋi kazik ak waŋgimakzawi, yaŋön mönö muneŋ jiji ambaziwa akza. Miangö könaŋi kewö: Alaŋi eka töndup qahö jöpaköm waŋgiza ewö, yaŋön Anutu qahö eka i mönö denöwö jöpaköm waŋgibawakto? ²¹ Kunŋan Anutu jöpaköm waŋgimakzawi, yaŋön mönö alaurupŋi mewöyök jöpaköm eŋgiba malma. Anutunöŋ jöjöpaŋ keuŋi mewö al neŋgiyök. Mewö.

5

Mötnariŋ ambazip neŋön luhut alakin.

¹ Denike yeŋön Jisös möt nariba “Amötqeŋe Tonina akza,” jimakzei, körek yeŋön mönö Anutugöreŋök ahuahü dölökŋi ahüba malje. Denike yeŋön Iwi jöpakömakzei, körek yeŋön mönö yaŋgö Nahönŋi mewöyök jöpaköm waŋgimakze. ² “Anutugö nahönbörat-urupŋi jöpaköm eŋgizin,” jiinga keu miangö öŋi mi nanini kewögöra kewöt aŋguba mötzin: Anutu jöpaköm waŋgiba jöjöpaŋ keuŋi tem köla wuatangömakzin ewö, mönö Anutugö nahönbörat-urupŋi mewöyök jöpaköm eŋgimakin. Miangö aiwesökŋi mewö. ^{3*} Anutu jöpaköm waŋgibingö öŋi mi temkölköl. Anutugö jöjöpaŋ keuŋi wuatangöinga dop kölja. Jöjöpaŋ keuŋi tem kölinga lömbötŋambuk qahö akŋa.

⁴ Anutugöreŋök ahuahü dölökŋi ahüini, körek neŋön ölop yaŋgö jitŋi tem köla gölmegö ahakmeme bölöŋi luhut alakin. Anutunöŋ mötnariŋ neŋgiiga miangö qakŋe köuluköinga lök gölmegö ahakmeme bölöŋi memba et alök. Luhut albingö köna murutŋi kun qahö ahöza. ⁵ Neŋön luhut qahö albinak ewö, denike yeŋön mönö mi akeak? Jisösnöŋ Anutugö Nahönŋa akzawi, mi möt narizawaŋön mönö gölmegö ahakmeme bölöŋi luhut alakza. Mewö.

Anutunöŋ Nahönŋaŋgö keu kewö naŋgöba jiyök:

⁶ Jisös Kraistnöŋ Anutugö Nahönŋa akzawi, mi denöwö mötzin? Jisösnöŋ oe geiga Jonöŋ o melun mem waŋgiiga Anutunöŋ nalö miangöreŋ keu mi jiiga mötket aka könaŋgeŋ sepŋi mokomangö aiga miangöreŋ qet kun Suepnöhök asuhuiga mötket. Keu onöŋ indim mohok asuhuyöhi, miyök qahö. Suep Toŋan keu naŋgöba jiyöhi, miangö aiwesökŋi mi o aka sep, yahöt mi. Toroqeba Uŋa Töröŋan keu mi jimakza. Yaŋön keu öŋaŋgö Toŋi akzawaŋgöra aka muneŋ jimangö osimakza.

* 5:3: Jon 14.15

⁷ Nanğönanğö keu karöbut mi mewö mörin ahöza. ⁸ Keu karöbut miengö aiwesöknjini mi Uña, o aka sep. Keuñini mi öröröñ aukñe möringa dop köl teköza. ⁹ Keu jakeñe kanğota nanğönanğö ahakzei, mi ölop möt anğön kölakzinmö, Anutugö nanğönanğö keunjan mönö ambazip keunini onğita pöwöwöm köhöikñi akza. Anutunöñ Nahönñanğöra “Nani Nahöna!” qeta könani mewö aukñe nanğöba jiyök. Mianğöra keu mi andö qebinbuk.

¹⁰ Kunñan Anutugö Nahönñi möt narimakzawi, nanğönanğö keu Toñan mönö nanñak yanğö uruñe maliga yanğö könani ölop möt yaköza. Kunñan Anutu qahö möt narimakzawi, yanğön mönö nanğönanğö keu Toñi nanñi memba et aliga muneñ jiji azia ahakza. Anutunöñ keu kötñi Nahönñanğöra nanğöba jiyöhi, yanğön keu mi qahö möt narizawanğöra mönö Anutu nanñi andö qeba qetalakza. ¹¹ *Anutunöñ keuñi kewö nanğöba jiyök, “Nönön malmal köhöikñi engimamgö jiali, nani Nahönan mönö malmal kömbönañi mianğö kondotkondot Toñi akza.” ¹² Yanğö Nahönñambuk maljawanğön mönö malmal köhöikñi buña qem anğuba malja. Anutugö Nahönñambuk qahö maljawanğön mönö malmal köhöikñi mi qahö buña qem anğuba malja. Mewö.

Malmal köhöikñanğö könani

¹³ Uruñini melenđa Anutu Nahönñanğö qetñi memba möt narimakzei, nönön kimbi ki engöra ohozal. Malmal köhöikñanğö buñaya akzei, inñini mianğö könani törörök möt kutumegöra ki ohozal. ¹⁴ Nini ölop awösamkakak aka Anutugö kösutñe anda köuluköba kinda kewö möt yaközin: Wani yuaigöra yanğö jit sihitñanğö dop köuluköm wanğibini, yanğön mönö köuluknini mi mötma. ¹⁵ Mi me mi mianğöra köuluköinga köuluknini mötmapkö mötzin ewö, mönö keu ki mewöyök möt kutuzin: Wani yuaigöra köuluköm wanğizini, mi pakpak mönö neñgö buñanina akña.

¹⁶ Kunñan alañi ehi siñgisöndok ahiga mianğön kömup köhöikñanğö buñaya qahö akñawi, yanğön mönö alañi mianğöra Anutu köuluköiga amöt qem wanğiiga malmal köhöikñe anğotma. Siñgisöndok Anutunöñ mosötmawanğö dop akeri, keu ki mönö yeñgöra jizal. Tosatñan siñgisöndok aketka mianğön kömup köhöikñanğö buñaya akñei, yeñgöra köulukömegöra mi qahö jizal. Qahö. ¹⁷ Ahakmeme bölöñi pakpak mi siñgisöndok akza. Köpösihit tosatñi ahinga mianğön kömup köhöikñanğö buñaya qahö akin. Mewö.

Mötnariñ ambazip neñön Anutubuk qekötahöba kinjin.

¹⁸ Denike yeñön Anutugöreñök ahuahü dölökñi ahugeri, yeñgöreñök kunñan siñgisöndok qahö toroqeba ahakzawi, mi mötzin. Anutugöreñök ahuahü dölökñi ahüba maljawanğön mönö nanñi galöm mem anğuiğa Bölöñanğö Toñan i qahö qeraköba mema.

¹⁹ Nini keu ki mötzin: Nini Anutugö buñaya akzinmö, gölme dop yeñön uruñini qahö melenđa Bölöñi Toñanğö kukösum bapñe malgetka galöm köl engimakza.

²⁰ Keu ki mewöyök mötzin: Kunöñ öl töhöññi akzawi, nini i möt wanğibingöra Anutunöñ Nahönñi melaiğa eta möt-asa-asari neñgiyök. Kunöñ öl töhöññi akzawi, nini yambuk qekötahöba mohok aka maljin. Öl töhöññi yanğön mönö Anutugö Nahönñi Jisös Kraist. Yanğön Anutu ölbölñi aka malmal köhöikñanğö kondotkondot Toñi akza.

²¹ O (koko) gömukurupni, tandö lopioñ aka bem muneñi tosatñan köpeiba qeraköm engibepuköra mönö nanñini galöm mem anğuba malme. Mewö.

* 5:11: Jon 3.36

Jongöreŋ Kimbi 2 Jonöŋ Kimbiŋi aliga 2 ahök. Jim-asa-asari

Buŋa Kimbi kiangö toŋi yaŋön nanŋi qetŋi “Jitŋememe kun,” qerök. Yaŋön kimbi mi “Wölböt ambi aka yaŋgö nahönböraturupŋi,” yeŋgöra alök. Keu tölapŋi mi urumeleŋ könagesö kungö söpsöp keuya. Nahönbörat mi könagesö aiga wölböt ambi mi yeŋgö galömŋina. Buŋa Kimbigö keu töröpŋi kiangön jöpaköm aŋgubingöra uru kuŋgum neŋgimakza aka böhi takapulakaŋi yeŋön ambazip kusum eŋgigetka keuŋinan sehibapukö galöm meme keuya akza.

Buk kiangö bahöŋi bohonŋi 4 mi kewö:

Keu mutukŋi 1-3

Urukalem mi yuai bohonŋi 4-6

Keu goŋgoŋan sehibapukö galöm meme keu 7-11

Kimbigö keu kötŋi bohonŋi 12-13

¹ O ambi sorok!

Anutunöŋ möwölöhöm gihiiga urumeleŋ könagesöurupki galöm köl eŋgiba kinjan. Nöŋön iŋini keu öŋaŋgö dop uru könömnan jöpaköm eŋgimakzal. Nanök qahöpmö, ambazip keu öŋi möt kutuzei, körek yeŋön mönö mewöyök iŋini jöpaköm eŋgiba malje. Nöŋön jitŋememeya akzal aka göbuk keu eraum mötpitköra kaba kimbi ohozal. ² Keu öŋan urunine kinja aka nembuk teteköŋi qahö ahöm öŋgöma. Nöŋön Buŋa keu mianggöra aka jöpaköm eŋgizal.

³ Nini keu öŋi wuatangöba urunöŋ jöpaköm aŋguba maljin ewö, Iwi Anutu aka Iwigö Nahönŋi Jisös Kraist yetkön mönö ak kömumba kalem möriam neŋgiyohotka luainöŋ malbin.

Urukalem aka keu öŋi mi mohotŋe wuatangöme.

⁴ Iwinöŋ urukalemgö jöjöpaŋ keuŋi neŋgiyöhi, mianggö dowök göhö könagesöurup tosatŋan keu öŋaŋgö dop ahakmemeniŋi aka memba malje. Nöŋön silikŋini mewöŋi ekiga sösongai ketanŋi ak niŋgimakza. Mewö.

⁵ *O wölböt alani ambi ketanŋi, nalö kewöŋe jöjöpaŋ keu ohom gihizali, mi keu döläkŋi qahö. Keu könakönahiŋeyök könahiba mörini, nöŋön mönö keu mi kunbuk ohoba kewö qesim gihizal: Nini mönö uruninan jöpaköm aŋguba malbin. ⁶ Jöpaköm aŋguba malbingö keuŋi jizali, mianggö öŋi kewö: Nini mönö Anutugö jöjöpaŋ keuŋi pakpak tem köla ahakmemeniŋi ak memba malbin. Körek eŋön jöjöpaŋ keu könakönahiŋeyök möta malgeri, mi kewö: Iŋini mönö uruŋinan jöpaköm aŋguba malme.

⁷ Isimkakalek ambazipnöŋ Jisös Kraistköra kewö jim miwik-ŋaimakze: “Amötqeŋe Toŋan gölme azi silebuk asuhumamgö osiyök.” Mewö jim miwikŋaiba tilipqilip aketka eŋololoŋ asuhumakza. Ambazip isimkakalek mewöŋi mi Kraistkö salupŋe kinda tuarenjoŋ ak waŋgimakze. Ambazip mewöŋi gwötpukŋan lök gölmeŋi gölmeŋi liliköba laŋ anda kaba malje. ⁸ Neŋön urugö nup meinga öŋi uruŋine asuhuyöhi, miangön sohoba pömsöm qebapuköra mötzal. Mianggöra isimkakalek ambazipnöŋ eŋololoŋ ak eŋgibepuköra mönö galömŋini mem aŋguba malme. Mewö malgetka uruŋinangö öŋan qahö sohoiga Kembunöŋ töwaŋini körek eŋgim teköma.

⁹ Kraistnöŋ keu kusum neŋgiyöhi, kunŋan mi qahö qekötahözapmö, mi oŋgita keu toroqeiga lolonqaloŋ jimakzawi, yaŋön Anutuŋi qahö. Denike yeŋön Kraistkö Buŋa keuŋe qekötahözei, yeŋön mönö Iwi aka Nahön yetpuk köhöiba malje. ¹⁰ Kunöŋ Buŋa keu jömukŋi mi qahö memba eŋgöreŋ kazawi, iŋini mönö yaŋgö jölöŋi kude jiba miriŋine

* 1:5: Jon 13.34; 15.12, 17

kude örögetka öngöma. ¹¹ Kunŋan yaŋgö jölöŋi jimawi, yaŋön mönö bölöŋamŋaŋgö lömbötŋi öroi qakŋe öngöiga öröröŋ bisimahot. Mewö.

Keu teteköŋi

¹² Nöŋön eŋgöra keu sehisehiŋi ohomangö sihimŋi mötzalmö, mi papia sinŋe inŋknöŋ ohomangö qahö möta mosötzal. Eŋgöreŋ kusuk kaba mesohol köla keu eraum mötpingö mamböta jörömqöröm akzal. Aitoŋgöbini, nalö miaŋgöreŋ köisirik tata eraum möta sösöŋgainini körek ahum teköba urunini kokolak qeiga malbingö mötzal.

¹³ Anutunöŋ ambi alagi galöm nupköra möwölöhöyöhi, ambi sorok yaŋgö könagesöurupŋan yaizökzökŋini algetka göhöreŋ kaza.

Jongööreŋ Kimbi 3 Jonöŋ Kimbiŋi aliga 3 ahök. Jim-asa-asari

Buŋa Kimbi kiangö toŋi yaŋön nanŋi qetŋi “Jitŋememe kun,” qerök. Yaŋön Kimbi mi urumeleŋ könagesö kungö jitŋememe kun qetŋi Gaius yaŋgöra alök. Gaiusnön urumeleŋ ambazip tosatŋi miri aka nene yuai bauköm engiba malök. Miangöra i möpöseim waŋgiyök aka tuaköpek azi kun qetŋi Diotrefes yaŋgöra galöm meme keu jiyök.

Buk kiangö bahöŋi bohönŋi 5 mi kewö:

Keu mutukŋi 1-4

Jonöŋ Gaius möpöseiza 5-8

Diotrefesgö galöm meme keu 9-10

Demitriusgö sösöŋgai keu 11-12

Buk kiangö keu kötŋi bohönŋi 13-15

¹*O wölböt alani Gaius!

Nöŋön jitŋememe kun aka göbuk keu eraum mötpitköra kaba kimbi ohozal. Nöŋön keu ölnangö dop urunan jöpaköm gihiba maljal.

² O wölböt alani, göhö uŋagan Anutubuk qekötahöba ölöwahi maljani, mi mötzal. Mewöŋanök sile unditundit mala yuai pakpak miangöreŋ töhötmöriam miwikŋaiba malmangöra Anutu köuluközal. ³ Urumeleŋ alaurup tosatŋan göhöreŋök kaba göhö kösohotki kewö naŋgöba jigetka möral, “Göŋön Anutugö keu ölni pöndaŋ wuatangöba aka memba maljan.” Mewö jiget mötpiga sösöŋgai ketarŋi ak niŋgiyök. ⁴ Nöŋgö (koko) gömokurupnan Anutugöreŋ keu ölni wuatangöba aka memba maljei, nöŋön keu buzup mewöŋi möta önöŋi qahö söŋgaimakzal. Buzup murutŋi kunöŋ sösöŋgai öŋgöŋgöŋi mi qahö öŋgiri mötzal. Mewö.

Jonöŋ galöm azi qetŋi Gaius möpöseiza.

⁵ O wölböt alani, gi urumeleŋ alaurup welen qem engiba miangöreŋ pöndaŋ kinda malakzan. Yeŋgöreŋök tosatŋan miri liliköba engöreŋ kamakzei, mi köyan köl engimakzan. Möt engizani me qahö, mi töndup ölöpŋanök bauköm engimakzan.

⁶ Gi urugan jöpaköm engiba malnöŋi, yeŋgöreŋök tosatŋan ki kaba mötnariŋ kambugö jeŋine könaŋamgi mewö naŋgöba jiget mörin. Miangöra alaurup mewöŋan engöreŋ kamei, mi mönö bauköm engiba malnöŋga ölop amqeba nup memba könaŋini toroqeba anme. Nup mewöŋi mi Anutugö jeŋe dop köl waŋgimawangö dop toroqeba memba malman. ⁷ Yeŋön Kraistkö buŋaya akzeangöra aka nanŋini miriŋini mosöta liliköba qetbuŋaŋi jim sehimakze. Nup mewö memba urumeleŋgö kopa ambazip yeŋgöreŋök nene yuai kun qahö memakze. ⁸ Miangöra Jisösgö alaurup neŋön naninök alaurup mewöŋi köl öröba naŋgöm engiinga dop köлма. Nini nup bahöŋi mi memba mianöŋ keu ölnangö Toŋi mohotŋe welen qem waŋgiinga keuŋi ölnan sehimakŋa. Mewö.

Diotrefes ewö akanbukö galöm meme keu

⁹ Nöŋön mötnariŋ kambu engöra kimbi kun ohoyal. Mi ohoyalmö, Diotrefes jitŋememe azi yaŋön sutŋine galöm bohönŋi malmangö sihimŋi mötzawi, yaŋön mönö memsepqemsep aka keunangö kezap qahö ala nesampurek ak neŋgimakza. ¹⁰ Miangöra nöŋön engöreŋ kabileŋak ewö, mönö yaŋgö ahakmemeŋi bölöŋi mi aukŋe jibiga kewö mötme: Yaŋön neŋgöra luasö keu muneŋi andönöŋ qeqe jimakza aiga keu jijiyök qahö ahakza. Qahö! Urumeleŋ alaurupnini miri lilik nup memakzei, yaŋön mi qahö köl öröm engimakza aka alaurup tosatŋan köl öröm engibingö mötzei, yaŋön i anöŋ köl engiba mötnariŋ kambuŋineyök utal engiiga yaigep erakze.

* 1:1: Apo 19.29; Rom 16.23; 1 Kor 1.14

¹¹ O wölböt alani! Gi ahakmeme bölöŋi qahöpmö, ahakmeme ölopŋi mia mönö wuatangöba malman. Denike yeŋön ahakmeme ölopŋi aka memba maljei, yeŋön Anutugö nahön böraturupŋi akze. Denike yeŋön ahakmeme bölöŋi aka memba maljei, yeŋön Anutugö könaŋi qahö möt kutuba sel yaigepŋe malje.

¹² Demetrius azi miaŋgö könaŋi mi ölopŋi. Alaurup körekŋan mewö jimakze. Keu öljaŋgö Toŋan nanŋak mi mewöŋanök naŋgöba jimakza aka neŋön toroqeba yaŋgöra keu öröröŋ jimakzin. Neŋön keu jimakzini, mi keu öl töhöŋŋi akza, mi mötzan. Mewö.

Yaizözkök keu teteköŋi

¹³ Nöŋön göhöra keu sehisehiŋi ohomangö sihimŋi mötzalmö, mi kirifi aka inŋknöŋ ohom gihimangö dopŋi qahö möta mosötzal. ¹⁴ Nöŋön ösumok göhöreŋ kaba gekŋamgö mamböta jörömqöröm akzal. Aitoŋgöbini, nalö miaŋgöreŋ ölop mesohol köl aŋguba keukeu eraum mötpin.

¹⁵ Anutunöŋ luai qem gihiiga malman!

Mötnariŋ alaurup ki maljei, yeŋön yaizözkökŋini algetka göhöreŋ kaza. Göŋön mewöŋanök urumeleŋ alaurup göbuk kinjei, mi nanŋik nanŋik yaizözkökŋini jinöŋga mötme!

Judagöreṅ Kimbi Judanöṅ Kimbiṅi alök. Jim-asa-asari

Juda mi Jisös aka Jeimsgö munṅi. Tosatṅan “Kraist möt narizin,” jiba keu goṅgoṅi ambazip kusum sohom engiba malgeri, Judanöṅ yengöra aka galöm meme keu ohoyök. Buṅa Kimbi ki töröptökṅi. Keuṅi mi 2 Pitö 2 keu miangö dop. Judanöṅ Kraistkö alaurupṅi neṅgö urunini kewö kuṅguyök, “Anutunöṅ nini nalö dop möt naribingöra mötnarip neṅgiiga könagesöurupṅi akzini, eṅön mönö mötnaripṅinan sehiba köhöimapköra toroqeba bim qeba malme.”

Buk kiangö bahöṅi bohonṅi 4 mi kewö:

Keu mutukṅi 1-2

Böhi sohoboho yengö könaṅini aka jimteköteköṅini 3-16

Toroqeba pöndaṅ möt naribingö jimkutukutuṅi 17-23

Kötumötuet keu 24-25

¹ *Juda bisop Jeimsgö munṅi nöṅön Jisös Kraistkö welenni qeba urumeleṅ alaurup embuk keu eraum mötpingöra kaba kimbi ohozal.

Anutu Iwinöṅ engohola uru könöṅnan jöpaköm engii Jisös Kraistnöṅ sel jöhöm engiiga malje.

² Anutunöṅ mönö ak kömumba urukalemṅi keleymaleleṅ engiiga luainöṅ malme. Mewö.

Buṅa keu möwököwöramgö galöm meme keu.

³ O wölböt alaurupni! Anutunöṅ amöt qem neṅgiiga letota mohotṅe Suepkö buṅaya akzini, nöṅön miangö keuṅi jim tuariba ohom engimamgö sihimni ketanṅi möta malal. Mala malbi lömböriiga toroqeba mambötamgö osizal. Miangöra ohoba uruṅini kewö kuṅgum engizal: Anutunöṅ mötnaripkö keu kembaṅi pakpak mi ambazip sarakṅi neṅön memba galöm kölinga qahö utekömapköra ali buṅanina akza. Miangöra böhi takapulakanṅi tosataṅ Buṅa keu lolonqalonṅ akepuköra mönö böṅ kinda bim qeba malme.

⁴ Ambazip tosataṅan möndöba urumeleṅ kambu sutṅine ölöṅ ölölöṅgöba kaṅgotketka könaṅamṅini goṅgoṅi mi aukṅe qahö asuhui malje. Anutunöṅ ambazip mewöṅi yengö keuṅini lök mönöwök jim teköiga ohogetka sihimbölöṅinan qakṅine öṅgö-mamgö akza. Anutuninan keuṅi ala kalem möriamṅangö könaṅi ölnṅa indelakzapmö, ambazip aṅgöjörakṅinambuk mieṅön mönö nanṅini sero namböṅnamböṅini turumegöra aka kalem möriamgö keuṅi mi möwököwöramgöba möṅaqöṅaigetka bölimakza. Mewö aka nanine Ketanṅamni mohot Jisös Kraist Kembu ak neṅgi-makzawi, i qaṅ köla andö qemakze.

⁵ *Iṅini keu pakpak mi lök nalö köröpṅi möt teköba maljemö, töndup galöm meme keu ki ölum engubapuköra kunbuk kewö jim gulim engimamgö mötza: Kembunöṅ könagesöurupṅi Ijpt kantrinöhök meköm engiiga kagetmö, könaṅep tosataṅan nalö kunöṅ qahö möt narim waṅgigetka mi köndenmöndeṅ ak engii ayuhuget. Galöm meme keu mi engöra aka kunbuk jizal.

⁶ Mewöyök Anutunöṅ Suep garataurupṅi jakömbuak tohoṅini al engiiga malgetmö, yengöreṅök tosataṅan urukönöp aka keu bapṅe qahö anda nanṅini jakömbuak tohoṅini galöm köṅ engibingö urumohot qahö aka selṅini kösököget. Qeqetal akerangöra aka Anutunöṅ i aköm engiiga jakömbuak miriṅini mosöta etket. Etketka “Nalö ketaje keuṅini jim tekömam,” jiba tapepnöṅ (muṅgamuṅga) gwaröhöba pandaman uruṅe al engiiga tata kotkera nalö teteköṅi qahö tat öṅgöme. Galöm meme keu mi engöra aka kunbuk jizal. ⁷ *Tandök mohot miangön Sodom, Gomora aka miri tosataṅi liliköba

* 1:1: Mat 13.55; Mak 6.3 * 1:5: Eks 12.51; Jan 14.29-30 * 1:7: Jen 19.1-24

tatkeri, yengörej asuhuyök. Ambazip mienjön mewöranök serowilin aka silegö sihim kömbönanjini möwöramgöba tandökni kun kewö aket: Azi nanjirök ambi nanjirök amimba malget. Mewö malgetka Anutunöj likepnini melej engiiga könöp jitni teteköni qahö engohoi sihimbölö möta mala kota malme. Mewö mala böhi takapulakanj yengö galöm mem angubingö kaisöpsöpnina ahakze.

⁸ Ambazip takapulakanj mienjön mönö nalö kewöne tandök mohot mewöranöhök ahakze. Jerjini melejni imutimutnjini laj eka miangörej möndöba wuatängöba nanjini silejnanngö malmalnini mem böliba kölköljinjin miwiknjaimakze. Mewö mianjön Anutu jijiwilit aka jimongot jim wangiba kukösumnji memba et alakze. Mewö aka Suepkö bem suahö ambazip asakmararanjambuk euyangörej maljei, yengöra uruqeke keu töhörej jim engimakze.

⁹ *Mewö ahakzemö, Suet garata bohonji qetji Maikel yanjön mewöyök mewö aknjamgö lömböriba osiyök. Maikelnöj Mosesgö qamötjanngöra Bölönangö Tojambuk angururuk aka möndöm-kösök ahök. Mi aka öngöba erökmö, töndup uruqeke keu töhörej mi jim teköm wangimangöra awösamkakak qahö miwiknjaiba osiyök. Osiba kewöyök jim wangiyök, “Kembunöj mönö mindij-göm gihima.”

¹⁰ Maikelnöj mewöyök mi osiyökmö, ambazip sohoboho mienjön mönö silejini memba öngöba Buja keu qahö möt kutumakzemö, töndup miangöra uruqeke keu töhörej laj jimakze. Tönpin mala sömbup soj ewö laj laj malje. Mötkutukutuñini ölni qahö asuhuiga sömbup malmalgö sihimjini korembiji miyök mörakze. Nanjini sihim mötmötjini gonjonmanjonji mienjön mönö könderj engigetka ayuhume. ¹¹ *Anutunöj böhi takapulakanj miengö likepnini melej engiiga sihimbölö ketani mötmeangöra wöziköba Ye! jizal. Ambazip sohoboho mienjön azi Kein (Kain) yangö könanji mötöteiba anakze. Könanjep kerök azi kembu kunöj azi qetji Balam töwa wanggiiga Israel ambazip tilipköm engiiga janjuj anget. Böhi takapulakanj mienjön Balamgö silikrji wuatängöba monej miwiknjaibingöra urukönöp möta yuai ilinjolan ak bibihiba laj sohomakze. Azi qetji Kora yanjön Moses aka Aron tuarenjor ak etkiba könderjmönderj miwikjaiiga ayuhuyöhi, böhi mienjön mönö Kora ewö kezapjupjup aka mala ayuhume.

¹² Urumelaj enjön urukalem kondel angubingöra tokoba lömbuanj algetka takapulaka böhi mienjön mönö miangörej mewöyök kamakze. Kaba dogonjini aukne kondela nanjinanöhök gumohom anguba bau numbu nemakze. Mewö aka engö sile töwötjini boromji boromji gamuñinambuk ewö akze. “Ziozgö lama galöm akzin,” jiba ala engöra qahö mötmöriba kelök keu laj jimakze.* Kousu omanji töhöntöhön kienjini qahö mewö malgetka luhutnöj muwutapköm engiiga laj laj anda kamakze. Ölni ahumapkö nalöje ipni ipni araroni ölnjini qahö ewö kinje. Guluñ sinñinanök ewö aka mutuk köhömuñi aka jalönjini malmal köhöikjanngö könaneyök qözöla tala kunbuk kömum köhöigetka yahöt aiga köhömuñi kötkni aka malje.

¹³ Yenjön köwet siri kukñinambuk ewö laj kundutketka ahakmemenjan gamuñambuk mi qölqölsöt gödöwörötñambuk ewö aukne asuhumakza. Sengelau tosatjan könanjini siñgiba laj erakzei, yenjön mönö miangö dop janjuj qemakze. Sengelau miengö dop eta Anutunöj yengöra pandaman göjiwinangö urune miri arengöm engiyöhi, mönö emuyangörej dutje geba nalö teteköni qahö tat öngöme.

¹⁴ *Adamgö sakonjanngö isinji qetji Enok yanjön mewöyök ambazip takapulakanj miengö kezapqetok keunini qeljine kewö jii ahöza: “Mötket, Kembunöj Suet suahö ambazip töröni tausenni tausenni jangö öngöngönji ketani mi engömembra eta asuhume. ¹⁵ Asuhugetka körek pakpak nengö keunini jim teköma. Ambazip angjörajnambuk yenjön ahakmeme angjörajnambuk wuatängöba siñgisöndokñini angjörajnambuk aka kotkeri, mi pakpak kewöta miangö likepnini melej engiiga körek yengö qakñine

* 1:9: Dan 10.13, 21; 12.1; Ind 12.7; Dut 34.6; Zek 3.2 * 1:11: Jen 4.3-8; Janj 22.1-35; 16.1-35 * 1:12: Böhi mienjön törom ewö asamböta tatzemö, wangenjan yengörej qaköba jömgöbapak. * 1:14: Jen 5.18, 21-24

öngöma. Pinjit ambazip angöjörakñinambuk mienjön keu jenöñ gege gamuñambuk mianjön Anutu jim qetal wanjiba kotkeri, mianjö likepñi pakpak melenj enjiiga sihim-bölönjini möta malme.” Enoknön galöm meme keu mewö jiyök.

¹⁶ Böhi sohoboho mienjön jimongot aka sesekñai ewö ihururuk lañ jim angumakze. Nanjini sihim kömbönañini bölönji wuatañ-göba tereñqereñda sileñini memba öngöba jakbak-örañbörañ ahakze. Ambazip tosatñi göda qeba kelök enguze ewö, mi yuai melenjda nanjine engimegö sihimñi möta kelewele ahakze. Mewö malje.

Galöm meme aka qambañ keu tosatñi

¹⁷ Mewö maljemö, wölböt alaurupni, Kembunini Jisös Kraistkö aposolurupñan böhi takapulakañi yengö keuñini lök qeljine jiget ahöza. Injini yengö keuñini mi ölum engubapuköra galömñini mem anguba malme. ¹⁸*Aposol yenjön engöra keu kewö jiget, “Jisösgö kaka nalöñan töriiga nalö teteköñe mianjöreñ mepaqepaik ambazip asuhume. Yenjön nanjini sihim kömbönañini bölönji wuatañgöba malmal angöjörakñambuk malme.” Mewö jiget.

¹⁹ Ambazip takapulakañi mienjön mönö sutñine urujjul ak engigetka simbisembel akepuk. Uña Töröñan qahö sölölohöm enjiiga gölmegö sihim kömbönañi bölönjan galöm köl enjiiga mi wuatañgömakze. ²⁰ O wölböt alaurupni, Anutunön mötnarip qainji kun enjiyöhi, mianjön mönö tandönjini bohonñi öngöngöñi ewö akza. Enjön mönö mötnarip mianjö qakñe kinda nangöm anguba köhököhöi miwikñaimakñe. Uña Töröñan inahöm engimakzawangö dop mönö yangö ösumnönj kinda köuluköba malme. ²¹ Anutunönj jöpaköm engimakzawi, injini mönö yangö urukalemñe böñ qeba kinme. Kembunini Jisös Kraistnönj ak-kömukömu enjiba kunbuk asuhuba malmal köhöikñe angota oyaenkyoayen malme. Injini mönö nalö mi kam kuñgumapköra kapañ köla mamböta malme.

²² Ambazip uruñini melenjbingö uruyahöt akzei, mi mönö ak kömumba urukalem ak enjiba malme. ²³ Tosatñan könöp bölamnönj an taköbingö tandök akzei, i gebepuköra mönö wölañ öröba bohonñini jöhöm engigetka letotpeak. Tosatñan sihim kömbönañini bölönjan galöm köl enjiiga qemasolokep maljei, i mönö ak kömumba jöpaköm enjiba malme. Mewö malmemö, nanjini malmalñinan bölibapuköra mönö kenjötnjini möta malme. Qemasolokep yenjön siñgisöndokñi siñgisöndokñi aketka mianjön uruñini sileñini kokolak qeiga aukñe töwiba maljei, yengöra mönö galömñini mem anguba malme. Kölköljinjinj akepuköra mönö opo söronjini töwötñinambuk mi tok sisitñini memba kude misirime. Mewö.

Möpömöpösei keu

²⁴ Mönö Anutu möpöseimakin. Yanjön injini tala et enguba-puköra sel jöhöm enjimangö köhöiza. Yanjön ölop enguangita nanji je mesoholñe al enjii angota solanji keuñini qahö kinda asakmararañi eka söñgaiba köirañ köla malme. ²⁵ Anutu mohotñan Amötqeqe Tonini akza. Kembunini Jisös Kraistnönj nam köl nenjiiga Anutu möpöseim wanjiinga qetñi aködamunñambuk aka ahöma. Yanjön möpñangö möpñeyök könahiba kota Öngöngö-ñamnini kukösumñambuk akza aiga nalö kewöñe toroqeba yuai pakpak ösum-mumuñan galöm köla nalö teteköñi qahö Kembu ak nenjiba malma. Keu mi öña.

* 1:18: 2 Pitö 3.3

Indelindel keu Kraistnön keu tölapni Jongörej indelök. Jim-asa-asari

Jisösnön gölme mosöta Suep mire öngöiga yambu 65 miangö dop teköiga aposol Jonön Kimbi ki ohoyök. Nalö miangörej urumelen könagesö Jisös möt narigeri, i sesewerowo ketani ak engiget. Jon mi gölme jölanji qetji Patmos miangörej al wangigetka kösö mire ewö tarök. Patmos maliga Anutunön jeji melejniga yuai könangep asuhumapkö imutji ehök.

Keu bohonji kewö: Jisösnön Satan aka kerökurupji pakpak luhut ala memba et al engim teköma. Mewö aka mötnarip ambazip kötuetköm nenjiiga Suep dölökji aka gölme dölökji miangörej angota teteköni qahö oyaenkoyaej malbin. Sesewerowo uruje malgeri, yejön lömböt möta mökösongda Jisös möt nariba pöndaj böj qeba kinmegöra kungum engimakza. Jisösnön keuji keuji mewöni jim kutuba indeliga Jonön möta Kimbi ki ohoyök. Mi urumelen ambazip urunini nangömamgöra aka ohoyök. Söpsöp keu aka keu tölapni mi gwötpuk. Keu tosati möt kutubingö möt bibihizin.

Buk kiangö bahöni bohonji 11 mi kewö:

Keu mutukji 1.1-8

Zioz kambu 7 yengö kimbiñini 1.9-3.22

Kimbi köpöp supap 7:ñan jöjöhöji 4.1-8.1

Tömun qainji kun 7 uget 8.2-11.19

Sekak namji aka jemnemba yahöt 12.1-13.18

Jemelej imutimut könanji könanji 14.1-15.8

Anutugörej irimsesewöl qambi 7 mokoget 16.1-21

Babilon siti, jemnemba, kezapqetok takapulakanji aka Satan yengö ayuayuhu 17.1-20.10

Jimtekötekögö nalö ketani 20.11-15

Suep gölme dölökji aka Jerusalem dölökji 21.1-22.5

Keu kötni teteköni 22.6-21

¹ Anutunön yuai könangep zilarj asuhumawi, miangö könanji nup memeurupji nengöra kondel nengimapkö möta Jisös Kraistköra kondela kezapqetok keu jiba indelök. Indeliga Suep garata kun melaiiga welenqeqeni Jon nöngörej kaba jiiga möral.

² Jisös Kraistnön Anutugörej Buña keu nangöba jim asariba kondel ningiiga Jon nöjön yuai mi jeni melejniga uba ehali, mi pakpak miangö dop toroqeba nangöba jim asariba ohozal. ³ Kunjan kezapqetok keu ki oyoñmawi, yanön mönö simbawon akza. Jisösgö kaka nalöñan töriza. Miangöra kimbi kiangörej keu ohoi ahözawi, ambazip mi kezap ala mötmei aka mi möt sölöngöba angön kölmei, yejön mewöyök simbawon akze. Mewö.

Jonön Eisia prowinsgö zioz kambu 7 yengö jölöjini alök.

⁴ *Jon nöjön Eisia prowinsgö zioz kambu 7 engöra kewö ohozal:

Kunön mal köhöizawi, möpñangö möpñeyök mala koröhi, aka kunbuk lilingömawi, yanön mönö kalem möriam engiiga luainön malme. Mewöñanök Anutugö uña bohonji 7 yangö jakömbuak dum wösöñe kinjei, yejön mönö kalem möriam engigetka luainön malme.

⁵ *Jisös Kraistnön Anutugö könanji pöndaj nangöba jim asariba mala mutukja kömupnöhök wahörök. Yanön gölmegö kiñ kembu yengö Kembuñini akza. Yanön mönö sepñan sangonja singisöndoknineyök pösat nengiba jöpaköm nengimakza. ⁶ *Yanön nini nanji bemtohoñe ala mem letot nengiiga kiñ ewö akzin. Buña nup galömurupji (prist) aka nanji Iwi Anutuñangö welenji qemakzin. Nejön yangö qetbuñani aka

* 1:4: Eks 3.14; Ind 4.5 * 1:5: Ais 55.4; Sum 89.27 * 1:6: Eks 19.6; Ind 5.10

kukösumñi möpöseininga nalö teteköñi qahö aködamunñambuk ahöm öngöma. Keu mi ölna.

⁷ *Eket, Kraistnön mönö kousu uruñe eta kamal! Kamawi, nalö miangörej nini körekmakörek i jeninan uba ekin. Börö marömñi qetohogeri, yeñön mönö mewöyök i ekñe. Ambazip kambuñi kambuñi gölme dop tat anjini, neñön mönö i eka körekmakörek yangöra aka jinñeñ köla amburereñ akin. Keu mi ölbölna, uruyahötñi kun qahö.

⁸ *Kembu Anutu mal köhöizawañön kewö jiza, “Nöñön mutuhök mala (yuai pakpak miwikñaiba könangep jiba qahöwahiga) qöndökña mal öngömam. Miangö dop nöñön kulem namñi mutukñi A aka kulem namñi qöndökñi Z akzal.” Nöñön kukösum pakpakö Toñi möpñangö möpñeyök mala kota maljal aka kunbuk lilingömam. Mewö.

Suep gölmegö azi ölnangö tandökñi kewö ehal:

⁹ Jon nöñön engö urumelen neñakñini akzal. Kraistpuk qekötahöbiga nanñi be-mtohoñe al niñgiiga ambazipnön sihimbölä ak niñgigetka wahöjalij mörakzal. Mi embuk möta mökösonda kapañ köla köhöiba kinjal. Anutugöreñ Buña keu jim sehiba Jisösgö könani nañgöba jim asariba malalañgöra nömemba köwet jölanñi qetñi Patmos* miangörej al niñgiget malal. ¹⁰ Kembugö sonda kendon tatat nalö kunön Uña Töröñan nömeiga alburup umumñan qakne öngöiga andöneyök qet ketañi kun möral. Qet kourukñi mi tömun qainñi kun (biugel) qetzawi, miangö tandöktandök ahöyök.

¹¹ Qet miañön kewö jiyök, “Öroyuai uba ekñani, miangö keuñi mönö kimbi köpepnön ohoman. Ohoba alnönga zioz kambu 7 yeñgöreñ anma. Siti 7 miengö qetñini kewö: Efesus, Smörna, Pergamum, Taiataira, Sardis, Filadelfia aka Laodisia.”

¹² Keu mewö jiiga ötöñi mörali, “Mi dañön?” jiba eka mötmamgöra lilingöyal. Lilingöba kinda lambegö dum tatat goulñöñ memeni 7 kingetka ehal. ¹³ *Lambegö dum tatat miengö sutñine azi kun ekiga kaisongolomñan gölme azigö tandök ahök. Malukuñi köröpñi köla öröiga köna susuñe eta turuyök. Opo jöhan mangihilakñi goulñambuk mi örigit ewö töptöpñe embahöm anguba kinök.

¹⁴ Nöröp jupñan tuat lalamñi kousu köpköp (snow) ewö ahök. Lama jupñi sañgongetka tuarizawi, mönö miangö dop ehal. Jekötñan könöp bölam ewö jem asariiga kinök. ¹⁵ Köna susuñan sösonihiba gohotñi ahök. Ain bras könöpnön ala delasi ohogetka jeiga gögörij tohomakzawi, mönö miangö dop kölköl-bilikbilikñambuk ahöyök. Keu jii mörali, mi o ketañan sianön giliga ötöñi ketañi mörakzini, mönö miangö dop ahöyök. ¹⁶ Böröñi ölnan senjelau 7 memba kinök. Numbuñeyök bingö sou ketañi (bainat) jityahötñi likelike zuluk alalñan erök. Jemesoholñan wehön jeñi körek asarim tekömakzawañgö dop asariiga ehal.

¹⁷ Nöñön i eka uruni duhui yangö könane tala eta kömup tandök ahöyal. Mewö ahöbiga böröñi ölnan nöngö nöröpne ala kewö jiyök, “Mönö keñgötki kude mötnön! Nöñön mutuhök mala (yuai pakpak miwikñaiba könangep jiba qahöwahiga) qöndökña mala öngömam.

¹⁸ “Nöñön malmal Toñi akzal. Kömumba malalmö, mötnön, nöñön mönö guliba wahöta malmal köhöikñi teteköñi qahö mal öngömam. Nöñön kömupkö kondotkondot Toñi galöm köla kömupkö uñem miri Toñi ongita kiñi moröñi memba maljal. ¹⁹ Miangöra yuai nalö kewöñe asuhuzawi aka könangepñe asuhumawi, nöñön miangö könani kondelbi ekñan. Yuai ekñani, mi mönö papianön ohonönga ahöma. ²⁰ Senjelau 7 böröni ölna ahözei aka lambegö dum tatat goulñöñ memeni 7 ekzani, miengö könaniñi tölapñi

* 1:7: Dan 7.13; Mat 24.30; Mak 13.26; Luk 21.27; 1 Tes 4.17; Zek 12.10; Jon 19.34, 37 * 1:8: Ind 22.13; Eks 3.14 * 1:9: Patmos mi köwet jölanñi moröñi (Yurop aka Afrika) Sutñine Köwet miangörej ahöza. Efesus mosöta Saut göröken 80 kilomita anman. Rom gawman yeñön kegwek-kahasilij ambazip keuñini jim teköba közöla enñgungitketka miangö kösö mirinön malget. Ölöñ kölbingö osiget. Gölme mi qararañkölkölna, köñi sehiseñi. Jonön yeñgö sutñine maliga sisa-kiñ Nerwagö nalöñe (yara 96-98) pösatketka erök. * 1:13: Dan 7.13; 10.5, 14-15; Dan 7.9; 10.6, 15; Eze 1.24; 43.2, 17; Ais 44.6; 48.12; Ind 2.8; 22.13

kewö: Sengelau 7 mi zioz kambu 7 miengö garata galömñinanğö söpsöp akze. Lambegö dum tatat goulñöy memerji 7 mienjön mönö zioz kambu 7 miengö söpsöp akze.” Mewö.

2

Efesus urumelej könagesö yeğgö qambañ keu

¹ Jisösnöy toroqeba jiyök, “Jon göñön mönö Efesus sitigö zioz kambu yeğgö pom garatanjanğöra kimbi kewö ohoman,

“Kunöy böröñi ölñan sengelau 7 memba lambegö dum tatat goulñöy memerji 7 miengö sutñine anda kaba kinakzawi, yañön keu kewö jiza: ² Nöñön göhö ahakmemegahö könañi möt kutubi kewö ahöza: Göñön nöngöp ariba nupni köhöikñanök memba malakzan. Añgösirip kapañ köla möta mököşöñda malakzan. Ambazip goñgoñi yembuk ala qahöpmañöp aka ölña qepureiba közöl engimakzan, mi mötzal. Tosatñan melaimelai azi aposol qahö aka töndup qetñini mewö qerakzei, göñön i esapesapñöy ala kewöt enginöñga muneñ jijiñinanğö könañinan aukñe asuhuyök.

³ “Tosatñan nöngö qetnanğöra aka kahasililiñ ak gihigetka sihimbölö kapañ köla möta mököşöñda malnöy. Ösumeret ölan qahö aka malnöñmö, yuai pakpak möt köşöñda kinda malnöy, mi mötzal. ⁴ Mewö malnöñmö, urugahö keu kun kewö mötpi qahö dop kölja: Mutuhök urugi meleşda önöñi qahö jöpaköm niñgiba malnöñmö, urugan mönö sörauiga nalö kewöñe amöriba maljan.

⁵ “Mutuhök urusösöñgai ketañi möta malnöñmö, miangöreñök löwöriba eta eta amöriba et qeba maljan. Gi mönö nangi könañi mi mötmöriba möt kutuman. Miangöra mönö urugi meleşman. Mutuhök urumeleğgö yuaiñi aknöñi, mönö miangö dop kunbuk suariba akñan. Urugi siñgisöndok miangöreñök qahö meleşman ewö, nöñön mönö göhöreñ kaba lambegö dum tatatki qeköbiga urumelej könagesö Efesus miangöreñ kunbuk qahö ahöma. ⁶ Et guhuyökmö, göhöra kewö mötpi ölöwakza: Göñön Nikolait yeğgöreñ ahakmemerjini tököba uru önön ahakzan. Nöñön mewöñanök mi tököba miangöra uru önön ahakzal.

⁷ * “Engöreñök kunñan kezapñambukñöy malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak oñgita luhut almawi, nöñön mönö i wañgitpiga Anutugö oyaenköyaen nupñöy (paradis) euyangöreñ öñgöba malmal köhöikñangö ip aumñe tata kötñi namba malma.” Mewö.

Smörna urumelej könagesö yeğgöreñ qambañ keu

⁸ * “Smörna sitigö zioz kambu yeğgö pom garatanjanğöra mönö kimbi kewö ohoman,

“Kömumba guliba mal köhöizawañön mutuhök mala (yuai pakpak miwikñaiba könañep jii qahöwahiga) qöndökña mal öñgömawi, yañön keu kewö jiza: ⁹ Göñön wahöjalij möta etqeqeñi akzani, mi mötzalmö, Anutugö jeñe qetbuñagan öñgöñgöñi aiga simbawoñ akzan. Tosatñan Juda ambazip qahö aka töndup qetñini mewö qerakzei, yeñön mepaqepaik aka andö qem gihigetka añgösirip mörakzani, mi mötzal. Yeñön ‘Köuluk miri ölñi akzin,’ jiba aiakanñan Satan möpöseimakze.

¹⁰ “SihimböLö möta malmanmö, miangöra keñgötiki kude mötman. Mötnöy, Bölöñangö Toñan esapesapñöy al engimamğöra ambazip kungum engiiga engöreñök tosatñi engömembra köşö mire al engime. Añgösirip ak engime, iñini mi silim 10 möta malme. Malbeak me kömumbeak, mönö nömbuk pöndañ kingetka nöñön malmal köhöikñangö ila jalöñi engimam.

¹¹ * “Engöreñök kunñan kezapñambukñöy malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.

“Kunñan esapesap bölöñi pakpak oñgita luhut almawi, yañgö sileñan kömuiga mohot akñapmö, kömup yahötñi qahö kömumba geñmororoñ qahö miwikñaima.” Mewö.

* 2:7: Jen 2.9; Ind 22.2; Eze 28.13; 31.8 * 2:8: Ais 44.6; 48.12; Ind 1.17; 22.13 * 2:11: Ind 20.14; 21.8

Pergamum urumelej könagesö yeŋgö qambaŋ keu

¹² “Pergamum sitigö zioz kambu yeŋgö pom garataŋinaŋgöra mönö kimbi kewö ohoman,

“Kunöŋ bingö sou ketari (bainat) jityahötŋi likelike zuluk alalŋi memba maljawi, yaŋön keu kewö jiza: ¹³ Göŋön malmal tatatki denike ala maljani, mi mötzal. Satanöŋ nanŋak jakömbuak dum tatatŋi ali ahözawi, gi mönö miangö kösutŋe malakzan. Töndup nöŋgö qetŋi memba nömbuk toroqeba qekötahöba kinakzan. Satangö malmal tatatŋi Pergamum siti miangöreŋ ahöiga Antipas yaŋön nöŋgö könanaŋmi naŋgöba jiba jembon oŋi nene (qariwe ilikŋi nene) ewö kinökmö, i eŋgö sutŋine miangöreŋ qeget kömuyök. Göŋön ni möt narim niŋgimakzani, keu mi nalö miangöreŋ mewöyök qahö köyatiba qaŋ kölnöŋ.

¹⁴ * “Mewömö, urugahö keu moröŋi kun kewö mötŋi qahö dop kölja: Göhö könagesö sutŋine tosatŋan kezapqetok azi takapulakari qetŋi Balam yaŋgö jaŋjuŋbuk mala wuatangömakze. Kantri tosatŋi yeŋön nene memba tandö lopioŋ yeŋgö naluk kötin buŋa qeba könane algetka ösumŋinan walöŋnöhi, Israel ambazipnöŋ mi qahö nezema. Mutuk qahö negetmö, Balamnöŋ azi qetŋi Balak kewö kusum waŋgiyök, ‘Gi mönö Israel ambazip mi nemegöra tutuhum eŋgiman.’ Mewö kusuba kuŋgum eŋgiba simba ewö utuba alöhi, yeŋön mönö miangöreŋ qaköba amqeba neget aka serowilin laŋ aket. Eŋgöreŋök tosatŋan Balangö mötmöt mi wuatangömakze.

¹⁵ “Mewönanök göhö könagesö sutŋine tosatŋan Nikolait yeŋgöreŋ mötmöt muneŋi memba wuatangömakze. ¹⁶ Miangöra gi mönö urugi meleŋman. Mewö qahö akŋan ewö, nöŋön mönö zilaŋ göhöreŋ kaba könagesöurupki mewöŋi mi qetal eŋgimam. Numbune bingö sou ketari (bainat) ahözawi, miangön mönö yarö gil eŋgimam.

¹⁷ * “Eŋgöreŋök kunŋan kezapŋambuknöŋ malja ewö, Uŋa Töröŋan zioz kambuŋi kambuŋi neŋgöra keu jimakzawi, yaŋön mönö mi kezap ala möt kutuma.

“Kunŋan esapesap bölöŋi pakpak oŋgita luhut almawi, nöŋön mönö nene tölapŋi qetŋi mana aka köt tuatŋi waŋgimam. Yahöt mi waŋgibiga köt tuatŋi miangöreŋ qetŋi dölokŋi ohogetka ahömawi, mi nanŋök oyonŋa mötma. Tosatŋan mi qahö mötme.” Mewö.

Taiataira urumelej könagesö yeŋgö qambaŋ keu

¹⁸ “Taiataira sitigö zioz kambu yeŋgö pom garataŋinaŋgöra mönö kimbi kewö ohoman:

“Anutugö Nahönnaŋgö jekötŋan könöp bölam ewö jem asariiga köna susuŋan sösoni-hiba ain bras ewö kölköl-bilikbilikŋambuk akzawi, yaŋön keu kewö jiza: ¹⁹ Nöŋön göhö ahakmemegahö könaŋi möt kutubi kewö ahöza: Göŋön Anutu jöpaköba möt narim waŋgiba nupŋi memakzan aka aŋgösirip kapaŋ köla möta mökösoŋda malakzan. Könakönahiŋe yuai aka menöŋi, mi mönö nalö kewöŋe mem sehiba aka memakzan.

²⁰ * “Mewö memakzanmö, urugahö keu kun kewö mötŋi qahö dop kölja: Göŋön ambi qetŋi Jezebel yambuk urumohot aka i qahöpmahöp qepureim waŋgimakzan. Yaŋön kezapqetok ambia qahö akzapmö, töndup nanŋi qetŋi mewö qerakza. Yaŋön ambazip tutuhuba kewö kusum eŋgimakza: Tandö lopioŋgö naluk kötin neneya buŋa qeba könane algetka ösumŋinan walöŋnöhi, mi mönö ölop nembra malme. Mewö kusum eŋgiba nup meme alaurupni kuŋgum eŋgiiga löwöriba jaŋjuŋ anda mi nemakze aka serowilin laŋ ahakze. ²¹ Nöŋön Jezebel uruŋi meleŋmapköra nalö waŋgialmö, serowilinŋi mosöta uruŋi meleŋmapkö qahö möta töndup malja.

²² “Miangöra nöŋön ambi mi qeiga kawöl yöhöiga salöknöŋ ahöba sihimbölo mötma. Mewöyök yambuk sero yongorö ahakzei, yeŋön ahakmemerini bölöŋi mi qahö mosöta uruŋini meleŋme ewö, nöŋön mönö i mohot eŋgubiga sihimbölo kanjamŋambuk mötme. ²³ * Yaŋgö nahönböratuŋi i mönö eŋgum könjöratŋi kömume. Mewö akiga

* 2:14: Jaŋ 22.5, 7; 31.16; Dut 23.4; Jaŋ 25.1-3 * 2:17: Eks 16.14-15; 16.33-34; Jon 6.48-50; Ais 62.2; 65.15 * 2:20:

1 Kij 16.31; 2 Kij 9.22, 30 * 2:23: Sum 7.9; Jer 17.10; Sum 62.12

zios könagesö körek enjön engeka nöngö könani kewö möt yaköme: Nöñön ambazip urumötmötñini kewöta jit aka urusihimñini körek möt kömumba ahakmemenjanangö dop likepñi meleyda körek mohot mohot enjög qakñine öngöma. Nöñönök mönö miangö Toñi akzal.

²⁴ “Yengöra mewö asuhumapmō, Taiataira engöreñök tosatñan Jezebelgö mötmöt areñi mi qahö wuatangömakze. Mewö qahö aketka engöra mepaqepaik kewö aka jim engimakze, ‘Inini mötmöt öngöngöñangö könani qahö möt kutuba yaigep malje.’ Mepaqepaik mewö jiba ak engimakzemō, Satangö buña mötmötköra qet mewö qerakze. Nöñön zios kambu körek engöra kewö jibi mötme: Nöñön lömböt kun qahö suariba albi enjög qakñine öngöma. ²⁵ Inini Buña keu memba maljei, mönö miangöreñ qekötahöba malme. Nöñön kunbuk lilingömamañgö dop mönö mia wuatangöba malme.

²⁶ * “Kunñan esapesap bölöñi pakpak ongita luhut ala kömumawangö dop mönö töndup jitni tem köla ahakñawi, nöñön i kukösum wangibiga kian kantriñi kantriñi galöm köl engiba malma. ²⁷ Iwinan kukösum niñgiiga mi buña qem anguba Kembu maljal. Mewöñanök engöreñök kunñan luhut almawi, nöñön i jakömbuak nupkö ilañi aka ain öröpñi wangimam. Mi wangibiga miangön gölmeñi gölmeñi ambazip galöm köl engiba köhöikñanök mindingöm engiba malma. Gwaköm kimbut öröpnöñ qeba qesinjei, yanñön mönö miangö dop qeqetal ambazip öröp pöwöwöm köhöikñi miangön enguba köndenja mendenj enjiiga qeqelanñan malme. ²⁸ Mewöyök söñangö undi señgelau wangimam.

²⁹ “Engöreñök kunñan kezapñambukñöñ malja ewö, Uña Töröñan zios kambuñi kambuñi nengöra keu jimakzawi, yanñön mönö mi kezap ala möt kutuma.” Mewö.

3

Sardis urumelej könagesö yengö qambañ keu

¹ Jisösnöñ toroqeba kewö jiyök, “Sardis sitigö zios kambu yengö pom garatanjanangöra mönö kimbi kewö ohoman,

“Kunöñ Anutugö uña bohonñi 7 aka señgelau 7 mi böröñe ahöi memba maljawi, yanñön keu kewö jiza: Nöñön göhö ahakmemegahö könani möt kutubi kewö ahöza: Göñön ambazip jeñine guliba maljanangö qetñi bisimakzanmō, Anutugö jeñe köhömuñi akzan.

² Miangöra mönö imbigi möta wahötman. Göhö ahakmemegan nöngö Anutunangö jeñe aködamunñambuk qahö akza. Göhö könanamgi kewöta mewö miwikñaijal. Göhö könagesö uruñe urumeleñ ambazip tosatñi kunbuk maljemō, yanñön mewöyök kömum taköbingö akze. Miangöra göñön mönö mem köhöim engiba malman.

³ * “Anutugö yuai gihigetka buña qem anguba mötnöñi, mi mönö urukönömge jöhöba mötmöriman. Buña mi mönö tem köla urugi meleyman. Guliguli qahö malman ewö, nöñön mönö yongorö meme ewö ölöñ kaba asuhumam. Kamamañgö aua nalöñi qahö mötnöñga keunan mönö zilañ qake öngöiga lömböt miwikñaiman. ⁴ Mewömō, Sardis zios kambu enjög sutñine ambazip awamdökñi enjön opo söronñini ölöpñanök galöm kölgetka töwötñambuk qahö akze. Miangöra yanñön ölöp maluku tuatñan sileñine löngöta nömbuk anda kaba malme. Yanñön mönö mewö aka malmeangö dop akze.

⁵ “Kunñan esapesap bölöñi pakpak ongita luhut almawi, yanñöra mönö maluku tuat lalamñi wangigetka köla malma. Yanñög qetñi malmal köhöikñangö buk papianöñ ohoget ahözawi, nöñön mi qahö kutumam. Iwinangö jemesoholje angoriga Suep garataurupñan eketka qetñi ölöp aukñe jim miwikñaim engimam.

⁶ “Engöreñök kunñan kezapñambukñöñ malja ewö, Uña Töröñan zios kambuñi kambuñi nengöra keu jimakzawi, yanñön mönö mi kezap ala möt kutuma.” Mewö.

Filadelfia urumelej könagesö yengö qambañ keu

* 2:26: Sum 2.8-9 * 3:3: Mat 24.43-44; Luk 12.39-40; Ind 16.15; Eks 32.32-33; Sum 69.28; Ind 20.12; Mat 10.32; Luk 12.8

⁷ *⁷“Filadelfia sitigö zioz kambu yengö pom garatanjangöra mönö kimbi kewö ohoman,

“Kunöy Azi Töröni aka Ölbölñi aka kinj Deiwidkö ki moröni memba galöm köla maljawi, yañön keu kewö jiza: Yañön nanju metaliga kunjan mi köla kinj memangö osima. Yañön mi köla jöhöiga kunjan mi musulmamgö osima. ⁸ Nöñön göhö ahakmemegahö könañi ölop möt kutuzal. Alani mötnöñ, göhö ösumgan eretñi akzawi, mi mötzal. Eretñi akzapmö, göñön mönö nöngö Buja keuni tem köla könañi wuatangöba qetni qahö qaj köla malnöñ. Miangöra nöñön nanju kun wösöge metalbiga kunjan mi kölmamgö osima.

⁹ *⁹“Mötnöñ, kambu kun yeñön ‘Köuluk mirininambuk akzin,’ jiba aiakanjan Satan möpöseimakze. Juda ambazip qahö aka töndup qetñini mewö qeta muney jimakze. Nöñön ambazip mi kungum engibiga göhö könañamgi möt asarime. Mi möt asariba kaba göhö könage sipköba eta jöpaköm gihimakzali, mi aukñe jim miwikñaim. ¹⁰ Nöñön kapañ köla lömböt möta mökösoñda kin köhöimangö jiali, göñön nöngö jimkutukutuni mi angön köla wuatangöba malnöñ. Miangöra nöñön mewöyök gi kewö angön kölgihimam: Wahöjalij nalö tandökñi kun kaba kantriñi kantriñi dop köla gölmenöñ mal anjei, mi esapesapnöñ al engima. Nalö mianjön kam kunguiga nöñön gi wahöjalij miangöreñök meköba bohongi jöhömam.

¹¹ “Nöñön mönö zilañ lilingöba kamam. Kunjan utum gihiba ila jalö memeñe luhut al ghibapuköra mönö urugö inap ahöm gihizawi, mi mönö töp memba malnöñga qahö sohoba kahaimök ahöma. ¹² *¹² Kunjan esapesap bölöñi pakpak ongita luhut almawi, nöñön mönö i wangita nöngö Anutunangö möpömöpöse jike (tempöl) uruñe kungubiga tandöñi akña aka nalö kunöñ mi kunbuk qahö mosötma. Miangöreñ maliga sileñe nani Anutunangö qetñi, Anutugö sitiñangö qetñi aka nani qetni dölökñi qet karöbut mi ohomam. Anutunan Jerusalem sitiñi dölökñi mi nanñi mire euyangöreñ ali ahözawi, mianjön Suepnöhök eta gölmenöñ asuhuma.

¹³ “Engöreñök kunjan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

Laodisia urumeleñ könañesö yengö qambañ keu

¹⁴ *¹⁴“Laodisia sitigö zioz kambu yengö pom garatanjangöra mönö kimbi kewö ohoman,

“Kun qetñi Amen. Yañön Anutugö keuñi pöndañ nanjöba Dangunu ölbölñi akza. Anutu bauköiga yuai pakpak miwikñaiyohotka galöm kölakzawi, yañön keu kewö jiza: ¹⁵ Nöñön göhö ahakmemegahö könañi möt kutubi kewö akza: Urugi qahö amöriza aka nöngö köñöp bölamnan uruge qahö jemakza. O urugan amöribawak me köñöwibawak, mianjön mötñi dop kölbawakmö, jöñañe malnöñga qahö dop kölja.

¹⁶ “Kun me kun dop kölbawakmö, urugan borom kun köñöpköñöp aiga köñöpkan qahö jezawi me uruamöt qahö akzani, mi qahö dop kölja. Köñöp aka amöt sutñire uruyahötnöñ lañ maljanangöra mönö numbuneyök söwötköm gihibi geman. ¹⁷ Nangi silegi mem öngöba kewö jimakzan: Nöñön azi kindiñbirik qetbuñanambuk akzal. Sukinap mem sehiba dopne miwikñaijal. Siyoñsayoñi qahö mala yuai kungöra qahö osizal. Mewö jimakzanmö, könañamgi ölni qahö möt kutuzani, mi kewö: Göñön mönö kumkanjam aka tapötkokorok (dabökokorok) malnöñga tosatrñan wösömötmöt ak gihimakze. Wanapñi mala jegi gömöliiga tiktauk sile aukñe malakzan.

¹⁸ “Miangöra qambañ keu kewö gihizal: Göñön nöngöreñök yuai karöbut ki söngöröñi memañ: Azi kindiñbirik qetbuñagabuk akñangöra mönö goul köñöpnöñ delasi ohoba gödöwöröñi mendeñget sösonihiba eta qahöwahöhi, mi mönö bohonñi memañ. Sile aukñe malakzani, miangö gamuñi közambötmangöra mönö maluku tuatñi bohonñi memba löngötman. Jegi gömölizawi, miangöra mönö jepisik kelök mi bohonñi

* 3:7: Ais 22.22; Job 12.14 * 3:9: Ais 49.23; 60.14; 43.4 * 3:12: Ind 21.2; Ais 62.2; 65.15 * 3:14: Qam 8.22

memba jegi törörök umangöra miriman. ¹⁹*Nöñön wölböt alaurupni jöpaköm engimakzali, mi körek bölöñamñinañgöra tembula jim engiba mindiñqindiñ ak engimakzal. Ölöwakñegöra mewö ahakzal. Miangöra gi mönö jaulalañ mosöta urugi meleyda siñgisöndoki andö qeba malman.

²⁰ “Mötnöñ, nöñön nañgunöñ qeba kinjal. Kunñan nöñgö keu imbini möta uru nañguni musulmawi, nöñön mönö yañgö miri uruñe öñgöba yambuk tatpi yañön nömbuk köisirik tata mohotñe nene nemit.

²¹ “Nöñön esapesap bölöñi pakpak oñgita luhut ala Iwinan noañgiri yañgö jakömbuak dumñe eta qöhöröñe tatzal. Miangö dop kunñan esapesap bölöñi pakpak oñgita luhut almawi, nöñön mönö i wañgitpiga nöñgö jakömbuak dumne eta qöhöröñe tatma.

²² “Engöreñök kunñan kezapñambuknöñ malja ewö, Uña Töröñan zioz kambuñi kambuñi neñgöra keu jimakzawi, yañön mönö mi kezap ala möt kutuma.” Mewö.

4

Jeni meleyñiga kunöñ Suep jakenöñ tariga ehal.

¹ Miangö andöñe jemeley kunbuk asuhuiga Suep miri nañguni kun añañiiga ehal. Ekiga imbi mutuk tömun qainñi kun (biugel) ewö keu jiiga mörali, yañön mönö suariba kewö jiyök, “Gi mönö kewö kotnöñga andöñe yuai asuhumawi, mi kondel gihimam.”

²*Mewö jiiga miangöreñök Uña Töröñan nömeiga alburupñan qakne öñgöiga yuai kewö ehal: Suep miri uruñe jakömbuak dum ahöiga kunñan miangöreñ tarök. ³Taröhi, yañgö jemesoholñangö asakñan mönö eröknam me jamönjiñ qetñi jaspö aka wale bönbönñi me köt qetñi karnilian miangö dop gilikbilikñambuk asariba ahöyök. Kiam nesilam kun kulem mundañi mumunene kamböñi me jamönjiñ qetñi emerald ewö miangön jakömbuak dum mi lökñanök liliköba töñgönñi göröhibi ahöyök.

Dum bohonñi liliköba dum 24:ñan tatze.

⁴Jakömbuak dum tosatñi 24 mienñon dum bohonñi mi liliköba tatketka mienñgö qakñine Anutugö jitñememurup 24 tatket. Yeñön malukuñini tuat lalamñanök öluñ geiga nöropñine goul ila jalö kunduta tatket. ⁵*Dum bohonñi miangöreñök wöl bilikbilik jesöñgö asariiga giñgururuñ asuhuiga imbi wölpöndangö ötöñ kourukñi ewö möral. Dum bohonñangö wösöñe tos kiwa asakñi 7 jeba asariba kinget. Kiwa 7 mi Anutugöreñ uña bohonñi 7 akze. ⁶*Mewöñanök jakömbuak jake wösöñe yuai gilikbilikñambuk köwet ewö ehal. Mi kirin jöhanñi jöhanñi kölköl-bilikbilikñinambuk meleyda asarimakzei, mönö miangö dop asariyök. Jake bibiñe dum liliköba bem jembon 4 kinget. Andöñini aka wösöñini mi jeñinanök dop köliga kinget.

⁷Bem jembon mutukñan laion sömbup ewö ahök. Alañan bulmakau aziñi ewö ahök. Alañiri kungö kaisoñgolomñi mi azi jesöñgöñangö tandök ahök. Alañini 4:ñan tukapkap bölbölgömakzawangö tandökña ahök. ⁸Bem jembon 4 mohot mohot yeñgö giñginñini 6 pakpak ahöm engiyök. Sileñini lökñanök aka giñginñini bapñe mewöyök jekötñinanök dop köl engiiga kinget. Kinda suñgem silim liñet kewö qörörök kölakze, “Kembu Anutu kukösum pakpakö Toñi göñön mönö töröñi aka töröñi aka töröñanök akzan.

Malmal Toñi göñön mönö möpñangö möpñeyök mala kota maljan aka kunbuk lilingöba asuhuba mal öñgöman.”

⁹Bem jembon 4 mienñon mönö mewö möpömöpösei liñet kölakze. Kunöñ jakömbuak dumñöñ kinda nalö teteköñi qahö mal öñgöba malmawi, i aködamun qetbuña al wañgiba saiwap jimakze. ¹⁰Mewö ahakzeañgö dop Anutugö jitñememe 24 mienñon eta kun jakömbuak dumñöñ tatzawi, yañgö jeñe simin köla sipkömakze. Kunöñ nalö teteköñi qahö mal öñgöba malmawi, yañgö waikñi memba möpöseim wañgimakze. Möpöseim wañgiba ila jalöñini qeköba jakömbuak dum wösöñe ala kewö jimakze,

* 3:19: Qam 3.12; Hib 12.6 * 4:2: Eze 1.26-28; 10.1 * 4:5: Eks 19.16; Ind 8.5; 11.19; 16.18; Eze 1.13; Ind 1.4; Zek 4.2 * 4:6: Eze 1.5-10, 22; 10.14; Eze 1.18; 10.12; Ais 6.2-3

¹¹ “O Kembu Anutunini, göñön öröyuaı pakpak miwikñaim enjinöñ. Göhö jitsi-hitkan nam köl enjiiga letota malmal miwikñaiıba malje. Mianğöra aködamun qetbuña mi al gihibı saıwap jim gihiımakzin. Göñön mohotñan mönö möpöqöpö-sei pakpak anğön kölmananğö dop akzan.” Mewö.

5

Lamanöñ Anutugö böröñeyök kimbi köpöp meyök.

¹ *Mianğö andöñe kimbi köpöp kun ekiga jakömbuak dumnöñ tatzawanğö böröñi öñe ahöyök. Kimbi mianğö sinñi mi likepliköp lökñanök kulemöhök ohoba köpeıba sapönöñ ala muñgem supap (sil)* 7:nöñ köla mekötahögetka ahöyök. ² Mewöyök Suep garata ösum-mumuñambuk kun ekiga köhöikñanök qeta buzup keu kewö qesıba jiyök, “Dañön sarak sorokñi aka ölop kimbi köpöp kianğö muñgem supapñi (sil) munjurata kötulmawanğö dop akza?”

³ Mewö jiyökmö, Suepnöñ, gölmenöñ aka kömupkö uñem miri mianğöreñ körek-makörek engegetka kunñan kun mi mutula kulemñi ekñawanğö dop qahö ahök. ⁴ Kunñan kun sarak sorokñi aka kimbi mi mutula kulemñi ekñawanğö dop qahö mi-wikñaiğeri, mianğöra nöñön gwötpuk sahöt böliıal. ⁵ *Sahöt bölibiga Anutugö jıtñememe yeñğöreñök kunñan nöñğöra keu kewö jiyök, “Mönö kude sahötnöñ. Mötnöñ, Juda kambunöhök Deiwidkö gwölönarökñi kun ahuba laion sömbup ewö aka Bölöñanğö Toñi luhut ala malja. Yanñön mönö ölop köhöıba kimbi köpöp kianğö muñgem supapñi (sil) 7 mi munjurata kötulma.”

⁶ *Mewö jiiga Lama moröñi ekiga jakömbuak dum bibiñe bem jembon 4 mienğö sutñine kiniga Anutugö jıtñememe yeñön liliköm wanğiget. Lama moröñi mianñön mönö qeget kömuyöhanğö tandökña kinök. İlikñi 7 aka jekötñi 7. Anutunöñ uñaurupñi bohonñi 7 melaim enjiiga gölmegö ambazip pakpak yeñğöreñ anda maljei, jekötñi 7 mi mönö yeñğö söpsöpñina akze. ⁷ Lama moröñi mi ekiga kaba kimbi köpöp supapñambuk mi jakömbuak dumnöñ tatzawanğö böröñi öñeyök meyök. ⁸ *Mi meiga bem jembon 4 aka Anutugö jıtñememe 24 mienñön mönö mianğöreñök Lama moröñanğö wösörñe sipköba eta simin kölget. Yeñön mohot mohot kulele aka goul qambi memba kinget. Ambazip sarakñan köulukögetka Anutugöreñ öñgömakzawi, mianñön mönö jiniñ ohohogö dop aiga wörönñi umköhöwakñambukñöñ öñgöba pukpukömakza. Wörön mewöñan mönö goul qambiñini kokolak qeiga kinget. ⁹ *Simin köla liñet dölokñi kewö köla jiget,

“Göñön qainñi kun akzan. Gi guhugetka kömumba sepki mokoba mianñön ambazip bohonñi memba enğömenöñ.

Ambazip mi bem isikñinanğö dop, keu jöl jijininanğö dop, kambuñinanğö dop aka kantriñinanğö dop. Göñön mönö mienğöreñök tosatñi enğömenöñga Anutugö buñaya akze.

Mianğöra göñön mönö sarak sorokñi aka kimbi köpöp supapñambuk memba muñgem supapñi (sil) mutulmananğö dop akzan.

¹⁰ *Yeñön Anutugö buñaya aketka kusum enğiba kuñgum enjinöñga bemtohoñ-gahö kiñ kembu kambu aka jike nup galömurupñi akze. Yeñön Anutuninanğö nupñi memba mala gölme dop ambazip galöm köl enğiba mal öñgöme.”

¹¹ *Liñet mewö köla jigetka möta toroqeba uba Suep garata janğöñini tausenniñi tausenniñi aka milyönñi milyönñi mi enğeka liñet kourukñini möral. Yeñön jakömbuak

* 5:1: Eze 2.9-10; Ais 29.11 * 5:1: Kantri tosatñe kimbi ohoba esunöñ ala sapö memba kunñan mi kötulbapüköra aka muñgem supapñöñ kölakze. Kunñan muñgem supap (sil) mi lañ munjurata kulemñi yonğorö oyonğawak, mi mönö miwikñaiğetka keubuk akña. Kimbi toñanök mi galöm kölakza. Miri mi ki namñi ala misiin gemakzapmö, kimbi mi muñgem supapñöñ jöhömakze. * 5:5: Jen 49.9; Ais 11.1, 10 * 5:6: Ais 53.7; Zek 4.10 * 5:8: Sum 141.2 * 5:9: Sum 33.3; 98.1; Ais 42.10 * 5:10: Eks 19.6; İnd 1.6 * 5:11: Dan 7.10

dum kösutje kinda bem jembon 4 aka Anutugö jitjememe 24 mi liliköm engiba lijet kölget. ¹² Lijet köhöikjanök qeta kewö kölget,

“O Lama moröni qeget kömuyöhi, yanön mönö sarak sorokni aiga Anutunöj ösummumu aka töhötmöriam wanjiiga dopje akza.

Mötkutukutu öngöngöni aka kukösum pakpak buja qeiga dopje akza. Sarak sorokni aiga ölop qetbuja pakpak wanjiinga asakmararaj buja qeiga möpöseim wanjizin.”

¹³ Mewö köla möpöseigetka lijet kambu kun kewö möral: Anutunöj malmalbuk miwiknjaim engiyöhi, mienön mönö körekmakörek lijet kölgetka möral. Suepnöj maljei, gölmenöj maljei, kömupkö ujem mire aka köwet qakje maljei, mienön mönö körek numbuini mindiriba lijet kewö kölget,

“Jakömbuak dumje tatzawi aka Lama moröni nejön injiri möpöseim etkizin.

Kötuet Toji etkö qetbujanjiri jim qarimakzin. Nalö dop asakmararaj etkiinga kukösum Toji mi teteköni qahö mal öngömahot.”

¹⁴ Mewö kölgetka bem jembon 4 mienön “Keu mi ölja,” jiget. Jigetka Anutugö jitjememe yenön eta dapköba simin köla Anutu waikni memba möpöseim wanjiget. Mewö.

6

Lama morönan munjem supap mohot mohot munjurata.

¹ Mewö möta yuai kewö asuhui ehal: Lama morönan kimbi köpöp supapnambukö munjem supapni (sil) 7 miengöreñök mutukni munjurata kötülök. Kötuliga bem jembon 4 yengöreñök kunjan keu kewö jiyök, “Mönö asuhuba kanöj!” Keunji mi wölpöndaj tandök ewö köhöikjanök qeri möral. ²* Mewö jiiga möta miangöreñök hos tuatni kun asuhuiga ehal. Hos miangö qakje azi kun timbinambuk tari tosatjan ila jalö wanjigetka nöropje kölök. Mi köla yarönöj luhut ala malöhanön mönö kunbuk hos qakje yarönöj luhut almamgöra anök. Mewö.

³ Lama morönan munjem supap (sil) yahötñi munjurata kötuliga bem jembon yengöreñök yahötñi yanön keu kewö jii möral, “Mönö asuhuba kanöj!” ⁴* Mewö jiiga miangöreñök hos kun sileñi pisikni somabölambuk asuhuiga ehal. Azi kun hos miangö qakje taröhi, Anutunöj mönö i yom karim gili luai qahöwaknapkö kukösumni wanjiyök. Mi wanjiiga gölmenöj aum angöhöba kömumegöra kuñguiga ambazip uru mem wahöt engimawangö kukösumni miwiknaiyök. Mi miwiknaiiga bimgö sou keta bölökni wanjigetka memba anök. Mewö.

⁵* Lama morönan munjem supap (sil) karöbutni munjurata kötuliga bem jembon yengöreñök karöbutni yanön keu kewö jii möral, “Mönö asuhuba kanöj!” Mewö jiiga miangöreñök hos injañi kun asuhuiga ehal. Azi kun hos miangö qakje taröhi, yanön inapkö lömbötñi kewötpingö dop ipni (skeil) mi börönan memba tarök. ⁶ Mewö tariga bem jembon 4 yengö sutñineyök kunöj keu jiiga kourukni tandök ewö kewö möral, “Silim mohotkö töwanj (Kina 5) miangön ölop 1 kilogram wit flaua me 3 kilogram bali flaua mi bohonji meman. Töndup nenegö oil ip aka wain kösö nup mi mönö kude mem bölime.” Mewö.

⁷ Lama morönan munjem supap (sil) 4:ñi munjurata kötuliga bem jembon 4:ñan keu jiiga kourukni kewö möral, “Mönö asuhuba kanöj.” ⁸* Mewö jiiga miangöreñök hos kun sileñi gohotgohot aka kaukaunambuha asuhuiga ehal. Hos miangö qakje taröhanjö qetñi mi kömupkö kondotkondot Toji. Yangö kösutje kömupkö ujem miri Tojan mewöjanök i wuatangöba kayök. Gölmegö mendengetka bahöni 4 ahöiga miengöreñök kungö ambazipni mi galöm köl engibitkö kukösumni mi Anutunöj etkiyök. Kukösum mi etkiiga ösumnjiran gölmegö ambazip bahöni mi kewö mem kömum engiyohot: Tosatjan sou ketañan (bainat) auba kömuget. Tosatjan bödinöj kömuget. Kawöl kanjamnambuknön tosatni engömeiga kömuget aka tosatni mi gölmegö sömbup kalñi mienön engöhögetka kömuget. Mewö.

* 6:2: Zek 1.8; 6.3, 6 * 6:4: Zek 1.8; 6.2 * 6:5: Zek 6.2, 6 * 6:8: Eze 14.21

⁹ Lama moröjan muŋgem supap (sil) 5:ji munjurata kötuliga miangöreñök Anutugö ambazip tosatñi engugetka kömugeri, yeñgö unjanini engehal. Yeñön Anutugö Buja keuñi aŋgö köla nañgöba jim sehiba malgeraŋgöra engugetka kömumba alta bapñe ahöget. ¹⁰ Euyaŋgöreñ ahöba köhöikñanök kewö qetket, “O Kembu kukösum Toñi, göñön diñdini aka ölbölñi akzan. Miangöra mönö nalö dawik mamböriñ teköiga miangöreñ gölmegö ambazipñi kewöt engeba keuñini jim teköman? Neñön gi welen qem gihiinga neñgugetka sepninañgö kitipñi mi mönö wani nalönöñ meleñnönnga qakñine öñgöma?”

¹¹ Mewö jigetmö, maluku tuatñi köröpñi mi mohot mohot yeñgöra köñ engeget geiga Anutugö jimkutukutu kewö engegetka mötket, “Inini mönö toroqeba nalö töröptökñi mamböta malme. Mötnarip alaurupñinan toroqeba urugö nup memba malgetka inini ewö mewöñanök engugetka kömume. Yeñön kömugetka jañgö alali, mianjön dopñe aiga nalö miangöreñök mönö engegeri, yeñgö keuñini jim tekömam.” Mewö.

¹² *Lama moröjan muŋgem supap (sil) 6:ji munjurata kötölöhi, mi uba ehal. Mi munjurata kötölöhi, nalö miangöreñ kenöñ tandökñi sohosohöñi gilök. Wehön jeñan böuktutuk ala injañ köla wösöbirikö malukuñi sanjöp ewö (meme jupñan memenañgö tandök) aiga söñauyök. Köñ jeñan melenña lökñanök pisihiba sep ewö ahök. ¹³ *Mewö aiga senge lau suepnöñ ahözei, mienjön mönö gölmenöñ etket. Newañ köñi gohoriba tatketka luhut köhöikñan qeba utuköba mumburatiiga erakzei, mönö mianjögö dop buratiba gölmenöñ tata pilpil etket.

¹⁴ *Mewö etketka suep ehakzini, mianjön mönö ayapköyök. Kimbi köpöp köpeigetka öröba anakzawañgö dop mönö wölakzak öröba anda ayapköyök. Mi ayapköiga kundunji pakpak aka köwetkö gölme jölanñi jölanñi mi mönö körek ahöahöñineyök zilañ kök ala sömuniget.

¹⁵ *Mewö asuhuiga gölmegö kiñ kemuñi kemuñi, azi jembonñi jembonñi aka suahe galömñi galömñi mienjön mönö ölöñ köla asambötket. Ambazip kindiñbirik qetbuñañinambuk, ambazip kukösumñinambuk mi mönö körek kök ala asambötket. Nanñini nupñini memakzei aka toñinañgö welennini öne qemakzei, mi mönö körek pakpak bañet, köñ kinimñi aka kundunañgö sem siañi jaruba miangöreñ asambötketka engehal. ¹⁶ *Miangöreñ asamböta kundunji Toñi aka sem sia Toñi engehola kewö uletket, “Inini mönö kundunji jim tekögetka buaköba kaba turum neñget. Jakömbuak dumñe tatzawañön jemesohol köñ neñgabapuköra aka Lama moröñañgö irimesesewölñan neñgabapuköra mönö jim tekögetka közamböt neñget.” Mewö uletket. ¹⁷ *Yetkön irimesesewölñiri aukñe kondeljahori, mianjögö nalöñi ketañan mönö kam kuñguba ahöza. Mi kuññan kun mesohol köla kinmawañgö dop qahö. Mewö.

7

Israel ambazip 144.000 mi Anutunöñ asö köñ engejima.

¹ *Miangö andöñe Suep garata 4 engekiga gölmegö wañgömñi 4 miangöreñ kinget. Yeñön gölmegö luhut Toñi bohonñi 4 mi jöhöm engeba aŋgön köñget. Luhutnöñ gölme qakñe me köwet qakñe lañ gilbapuköra me ip kuññan qebapuköra mönö Toñi 4 mi böröñinan memba jöhöba kinget. ² Anutunöñ Suep garata 4 mi gölme aka köwet köñdeñ engebingö kukösumñi engeiiga gölme wañgömñine kinget. Mewö kingetka engehiga Suep garata kunöñ wehön kotkotñeyök asuhuba wahöri ehal. Yañön malmalgö Toñi Anutugö muŋgem asö öröpñi galöm köla kaba Suep garata 4 yeñgöra köhöikñanök qerök.

³ Qeta keu kewö jiyök, “Inini mönö gölme me köwet mi zilañzilañ kude köñdeñ etkime aka ip mi kude ayuhum engejime. Mi qahöpmö, mönö mambötketka mutuk zilañök Anutuninañgö muŋgem asöñi mi nupñi memakzei, yeñgö mesoholñine mekötahöm engebin. Mi mutuk kösöba mekötahöm engeingun andöñe mi ölop köñdeñda ayuhume.”

* 6:12: Ind 11.13; 16.18; Ais 13.10; Joel 2.10, 31; 3.15; Mat 24.29; Mak 13.24-25; Luk 21.25 * 6:13: Ais 34.4 * 6:14: Ind 16.20 * 6:15: Ais 2.19, 21 * 6:16: Hos 10.8; Luk 23.30 * 6:17: Joel 2.11; Mal 3.2 * 7:1: Jer 49.36; Dan 7.2; Zek 6.5; Eze 9.4, 6

⁴ Mewö jiiga Anutugö muŋgem asöŋi mi Israel ambazip tosatŋi yeŋgö mesoholŋine kösöm engiget. Kunöŋ yeŋgö jaŋgöŋini jiiga kewö möral: Israel ambazip kambu 12 pakpak miengöreŋök mindiriba ambazip 144.000 mi kösöm engiget.

⁵ Israel kambu mohot mohot miengöreŋök 12.000 mewö mewö kösöm engiget. Juda kambugö 12.000, Ruben kambugö 12.000, Gad kambugö 12.000, ⁶ Aser kambugö 12.000, Naftali kambugö 12.000, Manase kambugö 12.000, ⁷ Simeon kambugö 12.000, Liwai kambugö 12.000, Isakar kambugö 12.000, ⁸ Zebulun kambugö 12.000, Josef kambugö 12.000 aka Benjamin kambugö 12.000. Mewö mewö asö köla mekötahöm engigetka mindiriba 144.000 ahök. Mewö.

Oyaenŋkoyaen malmeaŋgö kambu ketanŋi ehal.

⁹ Miaŋgö andöŋe kambu jitŋi buburatiŋi jaŋgöŋini kude oyoŋoyöŋgö dop mi ehal. Ambazip mi kambuŋinaŋgö dop, bem isikŋinaŋgö dop, kantrininaŋgö dop aka keu jöl jijiŋinaŋgö dop tokoba jakömbuak dum aka Lama moröŋi yetkö wösöŋire kinget. Miaŋgöreŋ kinda maluku köröpŋi tuatŋi köteköm anŋuget geiga böröŋinan nip sinŋaŋgö böröŋi memba kinget. ¹⁰ Mi memba kinda köhöikŋanök qeta kewö jiget, “Anutuninan jakömbuak dumŋe tatzawi aka Lama moröŋi yetköŋ mönö mem letot neŋgiyohotka oyaenŋkoyaen akzin.”

¹¹ Mewö qeta jigetka Suep garata pakpak yeŋön jakömbuak dum kösutŋe areŋnön kinda Anutugö jitŋememe aka bem jembon 4 mi liliköm engiget. Mewö kinda jakömbuak dum wösöŋe bamgöba eta simin köla Anutu waikŋi memba möpöseim waŋgiget. ¹² Anutu möpöseim waŋgiba kewö jiget, “Keu mi öŋŋa! Anutu gi mönö kötuget, asakmararaŋ aka mötkutukutu öŋgöŋgöŋaŋgö Toŋi akzan. Neŋön gi möpöseim gihiba qetbuŋagi jim qarimakzin. Anutunini, göŋön ösum-mumu aka kukösum Toŋi akzan. Neŋön nalö dop mewö jim köhöininga Toŋi mi teteköŋi qahö mal öŋgöba malman. Keu mi öŋŋa!”

¹³ Mewö möpöseiba jigetka Anutugö jitŋememe yeŋgöreŋök kunŋan kewö jiba qesim niŋgiyök, “Ambazip maluku köröpŋi tuatŋi löŋgöta kinjei, mi danöŋ? Mi mönö denikeyök kaba mewö tokoba kinje?”

¹⁴ *Qesim niŋgiiga kewö meŋeŋ waŋgial, “O ketanŋamni, mi nöŋön qahö mötpiga nangok mötzan.” Mewö meŋeŋ waŋgibiga jitŋememe yaŋön kewö jii möral, “Kahasililiŋ keta bölökŋaŋgö sutŋeyök kotkeri, yeŋön mönö mia akze. Lama moröŋaŋgö sepŋan mönö opo malukuŋini saŋgoŋni tuariiga malget. ¹⁵ Mewö malgeraŋgöra aka Anutugö jakömbuak dumŋi mesohol köla suŋgem silim möpömöpösei jikeŋe (tempöl) mala Anutugö nupŋi memba malme. Mewö malgetka jakömbuak dumŋe tatzawaŋön mönö opo koumŋi möröreŋgöba köl turum eŋgiiga malme.

¹⁶ * “Mewö malgetka nalö kunöŋ nenegö me ogö qahö kömume. Wehönöŋ me yuai könöpŋambuk kunöŋ mönö qahö eŋgohotirima. ¹⁷ *Kewögöra oyaenŋkoyaen malme: Lama moröŋan jakömbuak jake bibiŋe tata galöm köl eŋgiba eŋguaŋgiriga malmal köhöikŋaŋgö o töwatŋaŋgö jeŋe anakŋe. Anutu nanŋak jeŋineyök imbilŋini pakpak kutuiga teköma.” Mewö.

8

Lama moröŋan muŋgem supap 7:ŋi munjuratza.

¹ Lama moröŋan muŋgem supap (sil) 7:ŋi munjurata mutuliga Suep miri miaŋgöreŋ kouruk pakpak göröŋ ala 30 minitkö dop nöŋ qeba ahöyök. ² Mewö asuhuiga Suep garata 7 Anutugö wösöŋe kinjei, mi eŋgekiga kunöŋ tömun qainŋi kun (biugel) 7 mi böröŋine ala eŋgiyök.

³ *Mi eŋgekiga Suep garata kun asuhuba jiniŋ ohohogö goul qambiŋi memba kaba alta kösutŋe kinök. Ambazip sarakŋi pakpak Anutugö köulukögetka yaŋön jiniŋ

* 7:14: Dan 12.1; Mat 24.21; Mak 13.19 * 7:16: Ais 49.10 * 7:17: Sum 23.1; Eze 34.23; Sum 23.2; Ais 49.10; 25.8

* 8:3: Amos 9.1; Eks 30.1, 3

altanöŋ ohoiga wörönŋi umköhöwakŋambuk mi köulukŋinambuk toroqeba pukpuköba mohotŋe öngöba Anutugörenŋ anakza. Goul alta mi jakömbuak dum wösörŋe kinjawi, yaŋön mönö miangö kösutŋe kiniga tosatŋan jiniŋ mi gwötpuk ohomapköra waŋgiget. ⁴ Yaŋön jiniŋ mi ohoiga miangö köwakŋan mönö Anutugö ambazip sarakŋi yaŋgö köulukŋinambuk toroqeba Suep garata yaŋgö börönŋeyök wahöta Anutugö jemesoholŋe öngöget. ⁵ *Suep garata miangön jiniŋ qambi mi memba altanöhök könöp jitŋi mei jeiga qambi miangörenŋ uiga kokolak qeiga gölmenöŋ gili geyök. Gili geiga miangörenök wölpöndangö göjuŋi göjuŋi asuhaba giŋgururuŋ qerök. Wölbilik ösumŋinambuk asuhagetka kenöŋi kenöŋi nalöŋi nalöŋi meyök. Mewö.

Garata yaŋön tömun qainŋi kun uget.

⁶ Suep garata 7 tömunŋini qainŋi kun (biugel) megeri, yaŋön mi ubingö jöjöröget.

⁷ *Garata mutukŋan wahöta tömunŋi qainŋi kun uyök. Mi uiga ais kötŋi aka könöp bölamŋi mi kie ewö asuhaba sepuk toroqezetka kunöŋ mi mokoiga mohotŋe gölmenöŋ erök. Miangön könöpŋambuk eta gölme qeiga gölmegö bahöŋi karöbutŋan jem teköyök. Arökŋangö ipŋi miengö bahöŋi karöbutŋan jem teköget aka gwözözak sinŋi görökŋi mi körek jeba jem teköyök.

⁸ Garata yahötŋi yaŋön wahöta tömunŋi qainŋi kun uyök. Mi uiga kunöŋ kundunŋi ketanŋi könöp jejeŋi tandök ewö (wolkeno) yuai mi giliga köwetnöŋ geyök. Geba köwet meiga köwetkö bahöŋi karöbut miengörenök kunŋan meleŋda sep ahök. ⁹ Mewöŋanök Anutunöŋ köwetkö yuaiŋi pakpak miwikŋaiiga maljei, miangö bahöŋi karöbut miengörenök kun mi kömuget aka waŋge pakpak miengö bahöŋi karöbut miengö likepŋini kun mi jömgöba ayuhaget.

¹⁰ *Garata karöbutŋan wahöta tömunŋi qainŋi kun (biugel) uyök. Mi uiga seŋgelau ketanŋi kiwa bölamŋi ewö tandök jeba suepnöhök teköba erök. Eta köla gölmegö o töwatŋi enguba miengö bahöŋi karöbut miengörenök kun aka o jeŋi pakpak mi dop köl engiyök. ¹¹ *Seŋgelau miangö qetŋi mi röbek kömbukŋambuk. Röbek miangön eriga öŋi öŋi miengö bahöŋi karöbutŋi mi meleŋda kömbukŋinambuk aket. Kömbukŋinambuk akerangöra aka ambazip gwötpukŋan mi nempa kömuget.

¹² *Garata 4:ŋi yaŋön wahöta tömunŋi qainŋi kun uyök. Mi uiga kunöŋ wehön jeŋi aka köiŋ jeŋi mietkö asakŋirangö bahöŋiri karöbutŋi mi etkuiga bahösapsap ömuŋ köla söŋauyohot. Mewöŋanök seŋgelau bahöŋini karöbutŋi enguiga meleŋda söŋauget. Miangöra silim nalöŋangö bahöŋi karöbutŋan söŋauba pandaman ahök. Mewöŋanök suŋgemgö asakŋan töriiga bahöŋi karöbutŋan söŋauyök.

¹³ Mewö aiga eu uba tukapkap kun eka mötpiga könakembaŋe eu bölbölgöba suep bibiŋe kutuba kaba köhöikŋanök qeta kewö jiyök, “O ambazip gölmenöŋ maljei, Suep garata karöbut yaŋön mönö toroqeba tömunŋini qainŋi kun ubingö dop akze. Tömun karöbut miengö kourukŋini mötketka lömböt kanjamŋambuk karöbut asuhumei, miangöra mönö wöziköba yei! yei! yei! jiba sahötzal.” Mewö.

9

Suep garata 5:ŋan tömunŋi qainŋi kun uyök.

¹ Suep garata 5:ŋi yaŋön tömunŋi qainŋi kun (biugel) uiga ekiga suepnöhök seŋgelau kun teköba gölmenöŋ erök. Eriga kunöŋ ömewöröme yaŋgö löm dutŋi qahö miangö ki moröŋi mi seŋgelau Toŋi mi waŋgiyök. ² *Mi waŋgiiga öme löm dutŋi qahö miangö önunŋi musuliga miangörenök köwak ketanŋi söŋgok imarurubuk jeba köwak wahörakzawi, mönö miangö dop kundumgöba wahöta wehön jeŋi esuhaba luhut köwaknöhök dop köl teköyök. ³ *Köwak miangö uruŋeyök gawötŋi gawötŋi mosöta

* 8:5: Lew 16.12; Eze 10.2; Eks 19.16; Ind 11.19; 16.18 * 8:7: Eks 9.23-25; Eze 38.22 * 8:10: Ais 14.12 * 8:11: Jer 9.15 * 8:12: Ais 13.10; Eze 32.7; Joel 2.10, 31; 3.15 * 9:2: Jen 19.28 * 9:3: Eks 10.12-15

gölmenöŋ kaŋgotketka Anutunöŋ kukösum enġiyök. Kukösum mi skorpion (omeqaqa) yeŋgöreŋ kukösum tandök ewö ahök.

⁴*Mi enġiiga Anutunöŋ kewö jim kutum enġiyök, “Inini mönö gölmegö yuai görökŋi gwözözak me ip mewöŋi mi kude ayuhum enġimemö, ambazip mesoholġine Anutugö muŋgem asöŋini qahö miyök mönö mem bölim enġime.” Mewö jim kutum enġiyök. ⁵Anutunöŋ gawöt mi kukösum enġiiga ambazip enġöhögetka köiŋ 5:gö dop sihimbölö önöŋi qahö mötket. Sihimbölö mi skorpion (omeqaqa) azi yöhöiga sihimŋi mötzawi, mönö miangö dop. Sihimbölö mewö mötketmö, Anutunöŋ aŋgön köi enġiiga mem kömum enġimeangö kukösumŋi mi gawöt yeŋön qahö memba öne enġöhöget. ⁶*Ambazip enġöhögeri, yeŋön nalö miangöreŋ kömumbingö jarumemö, kömup mi qahö miwikŋaiba kömumbingö osime. Kömumbingö möta qemjeŋ qememö, kömupkö kondotkondot Toŋan mönö kungen anma.

⁷*Gawöt enġekiga mienöŋ hos yarögöra aködamunġinambuk jöjörömakzei, mönö mienġö dop aket. Nöröpŋine yuai mundarŋi goul ewö kölgeri, mi ila jalö tandöktandök ahök. Jemesoholġinan ambazip jemesohol tandök ewö aket. ⁸*Gawöt mienġö nöröp juŋŋini mi gwala ambi yeŋgö nöröp juŋ ewö aket. Gawöt jitŋinan laion sömbupkö jitŋi ewö aket. ⁹*Göwaŋgöwaŋini (töptöp maluku) mi ain suman ewö tandök aket. Ginginŋini qegetka ötöŋ asuhui mörali, mi kewö: Hos sehisehiŋi yeŋön yarögö kareŋi kareŋi öröba luhuba binnöŋ angetka giŋgururuŋ asuhumakzawi, mönö miangö dop.

¹⁰Dagiŋini mi skorpion (omeqaqa, aŋamumu) ewö jitŋinambuk aket. Mienöŋ ambazip köiŋ 5:gö dop sihimbölö mötmegöra enġöhögeri, miangö kukösumŋan mönö gawöt dagiŋine ahöm enġiyök. ¹¹Gawöt mienġö kiŋ kembuŋini mi ömewöröme yeŋgö löm dutŋi qahö miangö garataŋi qetŋi Ayuayuhu Toŋi. Mi Hibru keunöŋ Abadon aka Grik keunöŋ Apolion.

¹²Yei wözik mutukŋi kanjamŋambuk mi mewö teköyök. Mötket, miangö andöŋe yei wözik yahöt kanjamŋirambuk mi mönö toroqeba könaŋgeŋ asuhumahot. Mewö.

Suep garata 6:ŋan tömunŋi qainŋi kun uyök.

¹³*Suep garata 6:ŋi yaŋön tömunŋi qainŋi kun (biugel) uyök. Mi uiga Anutugö wösöŋe goul alta ahözawi, miangö ilikŋi 4 mienġöreŋök kouruk kun kaiga möral. ¹⁴Kouruk miangö Suep garata 6:ŋi tömunŋambuk yaŋgöra kewö jiyök, “Anutunöŋ garata 4 jöhöba gwaröhöm enġiba o töwatŋi ketanŋi qetŋi Yufreitis miangö qöhöröŋe al enġiyöhi, mi mönö pösat enġiman.”

¹⁵Anutunöŋ garata 4 mi jöhöm enġiba gwarönöŋ tatmegö (yara) yambuŋini, köiŋini, silimŋini aka auanŋini mi törörök areŋgöm enġiiga tatket. Yeŋön nalöŋini mi kam kuŋguiga miangöreŋök ambazip kantriŋi kantriŋi mienġö bahöŋi karöbutŋi mi enġubingö jöjöröba tata nalöŋinaŋgöra mambötket. Miangöra Suep garata 6:ŋan altanöhök kouruk möta miangöreŋök anda garata 4 mi pösat enġiyök. ¹⁶Pösat enġiiga yarö kambu keta bölöŋi mi hosŋinambuk asuhuba kaget. Nöŋön jaŋgöŋini mötpiga 200 milyön ahök.

¹⁷Jemeleŋ miangöreŋ azi hos qakŋe tata kageri, mienġö kaisoŋgolomŋini ekiga kewö tandök aket: Göwaŋgöwaŋini (töptöpkö ain sumanŋini) mi könöp jit pisikŋi, asoŋi injaŋkölkölŋambuk aka gohotŋi salfa könöp köt ewö. Hos mienġö kaisoŋgolomŋini enġekiga nöröpŋini laion sömbupkö nöröp ewö aketka numbuŋineyök könöp, köwak aka köt könöpŋambuk qetŋi salfa mi eta kayök. ¹⁸⁻¹⁹Hos yeŋgö numbuŋineyök könöp, köwak aka könöp köt qetŋi salfa eröhi, miangö mönö ambazipŋi ambazipŋi enġuyök. Hos mienġö kukösumŋini mi numbuŋine aka dagiŋine ahöyök. Dagiŋini mi mokoleŋ ewö aketka dagiŋinaŋgö kitipŋi mi jitŋinambuk. Kitipŋi jitŋinambuk mienöŋ mönö ambazip ihilek ewö enġohotirimakze. Lömböt kanjamŋinambuk karöbut mi mönö gölmegö ambazip pakpak yeŋgö bahöŋini karöbutŋi mi enġuiga kömuget.

* 9:4: Eze 9.4 * 9:6: Job 3.21; Jer 8.3 * 9:7: Joel 2.4 * 9:8: Joel 1.6 * 9:9: Joel 2.5 * 9:13: Eks 30.1-3

²⁰* Lömböt kanjamñinambuk mienjôn ambazip tosatñi qahö enguget kömumba toroqeba malgeri, yejôn mönô töndup uruñini qahö melenget. Nanñini böröñinan yuai memba waikñini memba möpöseigeri, miangöra qahö möt bölüm anguget. Ömewöröme aka tandö lopioñ waikñini memba möpöseim engienñi mi qahö mosötket. Tandö lopioñ tosatñi mi goul, silwö me brons ainöñ memeña. Tosatñi mi köt urasiba me ip söhöba memeña. Miangöra tandö lopioñ mienjôn yuai eka mötpingö me anda kabingö osimakze. Töndup ambazipnöñ mi qahö mosötket.

²¹ Mewöyök ambazip enguget kömukömu me sait qarösongo amötqeçe mi qahö mosötket. Mi toroqeba aka memba serowilin aket aka yuai lañ yongorö memba malget. Miangöra uruñini qahö melenget. Mewö.

10

Suep garata aka kimbi köpöp moröñi

¹ Miangö andöñe Suep garata kukösumñi ongotongotñi kun ekiga Suepnöhök kousunöñ esuhum wanñiiga erök. Nöröpñi kiam nesilamñan kutuba liliköba ahöyök. Jemesoholñi wehön jeñi ewö aiga könañi yahöt mi tandö könöp bölamñirambuk yahöt ewö jeba kinök. ² Böröñan kimbi köpöp moröñi meiga kötükötulñi ahök. Könañi öñi köwetnöñ ala qaniñi mi gölmenöñ ala kinök. ³ Mewö kinda laion sömbupnöñ görörökömakzawi, qetñi mönô miangö dop köhöikñanök qerök. Qeriga wölpöndangö giñgururuñ 7 mienjôn mönô melenja görörököba keuñini qetketka möral.

⁴ Wölpöndangö giñgururuñ 7 mienjôn qeta keuñini jigetka mörali, nöñön mi mönô miangöreñök papianöñ ohomangö ahal. Kimbi ohomangö ahalmo, kouruk kun Suepnöhök mötpiga keu kewö jiyök, “Wölpöndangö giñgururuñ 7 keu jizei, mi mönô nangohok ölöñ mötnöñ ahöma. Mi kude ohoman.”

⁵* Suep garata könañi köwet aka gölme qakñire tiba kini ehali, yañön böröñi öñi memba wahöta Suepnöñ göröken alök. ⁶ Jöjöpañ keu jimamgöra böröñi mewö ala mi jim köhöiba alök. Kunöñ Suep, gölme, köwet aka yuai pakpak miengöreñ ahözawi, mi miwikñaiba kinda nalö dop teteköñi qahö köhöiba mal öngömawi, mönô yañgö qetñe jöjöpañ keu kewö jiyök, “Anutunöñ mönô nalö kunbuk qahö qekörii öngöma. ⁷ Mewö qahöpmö, Suep garata 7:ñan tömunñi qainñi kun (biugel) uiga kourukñi mötmei, nalö miangöreñök Anutugö keu areñ asa-asambötñan mönô öñambuk akña. Kezapqetok ambazip Anutugö nupñi memba mala kotketka yeñgöra Buña keuñi ölöñi jim indel enñiiga möta kota malgeri, Buña keu miangö dop mi mönô zilañ öñambuk akña.”

⁸ Miangö andöñe kouruk kun mutuk Suepnöhök mötpiga keu jiyöhi, miangön mönô dumñe kunbuk keu jiiga kewö möral, “Suep garatanöñ köwet aka gölme qakñire tiba kinda kimbi köpöp meiga böröñe kötükötulñi ahözawi, mi mönô anda meman.”

⁹ Mewö möta Suep garatagöreñ anda kimbi köpöp moröñi mi niñgimapkö qesial. Qesibiga nöñgöra kewö jiyök, “Mi mönô memba nenöñ! Nenöñga gölömgö geba melenñiga kömbuk usukömöpmö, numbuge mi mönô moron onangö nahömñi ewö asuhuma.”

¹⁰ Mewö jiiga kimbi köpöp moröñi mi yañgö böröñeyök memba neal. Nembiga numbune moron onangö nahömñi ewö ahökmö, gwahötpi gölömgö geiga melenñiga kömbuk usuköyök. ¹¹ Mewö aiga nöñön keu kewö möral, “Gi mönô dumñe kunbuk Anutugö kezapqetok keuñi keuñi jim sehiba malman. Kantriñi kantriñi aka bem isikñi isikñi keu tandök jijiñinangö dop maljei, mönô yeñgö aka yeñgö kiñ kemuñini miengö kezapqetok keuñini mi qeljiñe jiba malman.” Mewö.

11

Anutugö jitñememe yahötñan keuñi nañgöba jiyohot.

* 9:20: Sum 115.4-7; 135.15-17; Dan 5.23 * 10:5: Eks 20.11; Dut 32.40; Dan 12.7; Amos 3.7-10; Eze 2.8-3.3

¹ *Mewö jii möta kinbiga Suep garata mianjön dop alalgö öröpñi jehot ewö mi ningiba kewö jim kutum ningiyök, “Gi mönö wahöta anda Anutugö jöwöwöl jike aka miangö jöwöwöl altañi mi dop öröp (rula mesa) mianjön dopñi ala oyoñman. Mewöyök miangöreñ öngöba Anutu möpöseiba köulukñini alakzei, mönö mi kewöta jangöñini oyoñman. ² Jöwöwöl jike dopñi ala miangöreñ sombem yaigepñi mi mönö oñgita mosötman. Mi kian kantri yengöra al engigetka ahöiga yeñön siti töröñi mi köiñ 42 miangö dop tiba anda kamakñe. Miangöra sombem yaigepñangö dopñi mi kude oyoñman. ³ Nöñön jitñememe yahötni melaim etkiba keuni nangöba jimahotkö kukösumñi al etkibiga asuhumahot. Asuhuba wösöbirikö maluku sanjöp ewö mem anguba liliköba (gölme gwakötak ariba) silim 1260 nalö miangö dop kezapqetok keu nup memba malmahot.”

⁴ Oil ip yahöt aka lambe dum tatatñi yahöt gölmegö Kembugö wösöñe kinjahori, mi mönö melenja eta asuhuba dangunu ewö kinda nöngö könani nangöba jiba malmahot. ⁵ Kunöñ me kunñan etkum mizit ak etkimangö mötza ewö, könöp bölamnöñ mönö numbuñireyök eta kerökurupñiri engohoiga ayuhumakñe. Kunöñ me kunñan etkumamgö mötza ewö, i mönö köna mewöñanök mianjön qeyohot kömuma.

⁶ Suepkö kousuñi jöhöbitkö kukösumñi mi yetköreñ ahöiga kezapqetok keu jim sehimahori, nalö miangö dop kie qahö yöhöma. Kukösumñiran o jeñi pakpak mewöñanök dop köliga mianjön ölöp o pakpak melenj engigetka sep akñe. Mewöñanök kukösumñiran öngöñgöñi ahözawangöra aka sihimñiran jimawangö dop ölöp jigetka lömböt kanjamñi nambuk könañi könañi asuhuba gölme mem böliba ambazip engumakñe.

⁷ Anutugö keuñi nangöba jim teköyohotka ömewöröme yengö löm dutñi qahö miangöreñök jemnemba kunöñ wahöta bim qem etkiba luhut ala etkuiga kömumahot. ⁸ Kömuyohotka qamötñiri siti qetbuñañambukö köna namñe etkömosötketka lañ ahömahot. Siti miangö qetñi tölapñi mi Sodom aka Ijipt qerakze. Kembuñiri Jisös i mönö mewöyök miangöreñ maripomnöñ qegetka kömuyök. ⁹ Qamötñiran lañ ahöyohotka ambazip pakpak mi etkehakñe. Gölmeneñ löm köl etkibingö jiba jöhöme. Mewö öne lañ ahöyohotka ambazip kantriñi kantriñi, kambuñi kambuñi, bem isikñi isikñi keu tandökñini nanñik nanñik jimakzei, yeñön mönö qamötñiri mi silim karöbut aka bahöñi kun miangö dop uba etkehiget.

¹⁰ Kezapqetok azi yahöt yetköñ ambazip gölme qakñe maljei, mi uru kungum engiyohotka miangöra sihimbölä önöñi qahö miwikñaiba malget. Miangöra kömuyohotka qamötñiri etkekeñe, miangöreñ mönö köirañ ala saureñ unduba nem söngaip pati ala nanñini kalem könañi könañi angubingö alget anda kama. ¹¹ Silimñi karöbut aka bahöñi kun mi teköiga Anutunöñ söngörö ösum söngöröñire ui geiga guliba wahöta köngep kinohot. Wahöta kinohotka ambazipnöñ etkeka töwöratiba jönömñini unduiga sömbuñini mötket. ¹² Köngep kinohotka Suepnöhök qet köhöikñi kun kewö qeta jii mörohot, “Iñiri mönö kewö korohot.” Mewö jii möta kousu uruñe wahöta Suepnöñ öngöyohotka kerökurupñiran öne etkeka nemböñini teköiga kinget.

¹³ Könañiran gölme mosöta öngöyohotka nalö miangöreñök kenöñ tandökñi sohosoñi gila siti bahöñi 10% (bahöñi tenöhök mohot) miangö dop kusuba köndenmön-denök. Köndenmön-denja ambazip 7.000 miangö dop engui kömuget. Ambazip qahö kömugeri, mienjön mi eka töwöratiba sömbuñini möta Suepkö bemñi Anutu i ösumñangö möpöseim wangigetka qetbuñañambuk ahök.

¹⁴ Wözik yei qet kanjamñambuk yahötñan mewö teköyökmö, mötket, wözik yei qet karöbutñangö ölnan mönö zilañ asuhuba qakñine öngöma. Mewö.

Suep garata 7:ñan tömunñi qainñi kun uyök.

¹⁵ *Suep garata 7:ñi yañön tömunñi qainñi kun (biugel) uyök. Mi uiga Suepnöñ keu köhöikñanök eraum mötketka kourukñini mötpi kewö jiget, “Ayop, nanine Kembunini

* 11:1: Eze 40.3; Zek 2.1-2; Luk 21.24; Zek 4.3, 11-14; 1 Kiñ 17.1; Eks 7.17-19; 1 Sml 4.8; Dan 7.7, 21; Ind 13.5-7; 17.8; Ais 1.9-10; Eze 37.10; 2 Kiñ 2.11; Ind 6.12; 16.18 * 11:15: Eks 15.18; Dan 2.44; 7.14, 27; Sum 2.5; 110.5; 115.13; Ind 8.5; 16.18, 21

aka yangö Amötqeqe Toŋi Kraist yetkön mönö gölme pakpak galöm köl engibitkö kukösumŋi mi lökŋanök buŋa qem aŋgum teközahot. Yangön mönö nalöŋi nalöŋi galöm köl engiba malma, ee-aa-ee. Galömkölkölŋan mönö nalö kunöŋ qahö teköma, ee-aa-ee.”¹⁶ Mewö jiget mötpiga Anutugö jitŋememe 24 Anutugö jemesoholŋe jakömbuak dumŋine tatzei, yeŋön mönö eta bamgöba sipköba Anutugö waikŋi memba möpöseim waŋgiget.¹⁷ Möpöseim waŋgiba kewö jiget,

“O Kembu Anutu kukösum pakpakö Toŋi, göŋön mönö mala kotnöŋ aka mal köhöizan. Göŋön kukösumgi öŋgöŋgöŋi memba könahiba gölme pakpak galöm köl engiba kiŋ kembuŋina aka malman.

Miaŋgöra neŋön mönö möpöseiba saiwap jim gihizin.

¹⁸ Kian kantriŋi kantriŋi yeŋön irimŋini seholiiga kazik ak gihiba malgetmö, göhö kazik nalöŋan mönö dölkewöŋe kam kuŋguba ahöza.

Göŋön nalö kewöŋe kömukömuŋi yeŋgö keuŋini kewöta jim teköm eŋgiman aka nangi ambazipurupki töwaŋini eŋgiman.

Kezapqetok ambazip aka ambazip sarakŋi tosatŋi göhö nupki memba malgeri aka öŋgöŋgöŋi eretŋi göhö qetki ayuhubapukö keŋgötŋini möta malgeri, i mönö töwaŋini eŋgiman.

Mewöyök tosatŋan ambazip eŋguba kantri köndenŋa malgeri, mi mönö köndenŋ eŋgiman.” Mewö möpöseiba jiget.

¹⁹ Miaŋgö andöŋe Suepnöŋ aŋaŋiiga Anutugö möpömmöpösei jikegö (tempöl) naŋguŋan tali ekiga jike uruŋe Anutugöreŋ jöhöjöhö areŋ bokis aködamunŋambuk miaŋön ehəkŋi ahöyök.* Suepnöŋ aŋaŋiiga nalö miaŋgöreŋök wölbilik aliga wölpöndaŋ aka giŋgururuŋ qeriga möral. Kourukŋi kourukŋi mi mötpiga kenöŋ memba kie römbum giliga ais kötŋi ketaŋi ketaŋi etket. Mewö.

12

Ambi aka sekak namŋi ilikŋambuk

¹ Suepnöŋ aiwesök ketaŋi wewelipŋambuk kun kewö asuhuiga ehal: Ambi kun wehön jeŋan malukunŋi aiga köiŋnöŋ köna tamböŋi bapŋe asariiga seŋgelau 12 mi ila jalö ewö nöropŋe kölgetka gömgöm-bilikbilikŋinambuk tatket. ² Köronŋambuk (gölöŋambuk) mala morö memenaŋgö nalöŋan dopdowiiga lömböriiga masö qeiga sihimbölö möta qet gigilahöyök.

³* Miaŋgö andöŋe aiwesök kun Suepnöŋ kewö asuhuiga ehal: Sekak namŋi ilikŋambuk (dragon), mundaŋi pisikŋi pötpöt, nöropŋi 7 aka ilikŋi 10. Nöropŋi 7 miaŋgöreŋ ila jalö 7 kölgetka tarök. ⁴* Sekak namŋi miaŋön dagaŋan suep qeapköba seŋgelau miengöreŋök bahöŋi karöbutŋi öröba gili gölmenöŋ etket. Etketka ambi nanŋi morö memangö ahöhi, yangö wösöŋe kinök. Mewö kinda moröŋi memawi, mi mönö miaŋgöreŋök gwahötmangöra mörök.

⁵* Ambi miaŋön morö nahön azia meyök. Yangön kantriŋi kantriŋi pakpak ain öröpnöŋ galöm köl engiba malma. Ambinöŋ morö meyöhi, garatanöŋ mi mönö miaŋgöreŋök zilaŋ memba anda Anutugö jakömbuak dum qöhöröŋe alök. ⁶ Miaŋgöreŋ aliga ambinöŋ nanŋök mosöta kök ala anök. Anutunöŋ ambi mi silim 1260 miaŋgö dop gölme qararaŋkölkölŋe köyan köl waŋgiget malmapköra miri gölme kun möhamgöiga miaŋgöreŋ kök ala anök.

⁷* Suep uruŋe yarö juliga kewö auget: Suep garata bohonŋi Maikel aka yangö garataurupŋi yeŋön sekak namŋi tuarenjoŋ aka i aka yangö garataurupŋi yembuk auget. ⁸ Auba sekak namŋi aka yangö garataurupŋi yeŋgö ösumŋini qahö dop köliga luhut qahö al engiba miriŋini mosöta Suep uruŋe toroqeba malbingö osiget. ⁹* Osigetka sekak

* 11:19: Anutugöreŋ jöjöpaj keu 10 aka jimkutukutu tosatŋi mi köt ilaŋan ohoba bokis miaŋgö uruŋe alget tari galöm kölakze. * 12:3: Dan 7.7 * 12:4: Dan 8.10 * 12:5: Ais 66.7; Sum 2.9 * 12:7: Dan 10.13, 21; 12.1; Jud 9 * 12:9: Jen 3.1; Luk 10.18

namñi ilikñambuk mi mönö közöla Suepnöhök wuatangöget. Sekak namñi mianjön möpñangö möpñeyök mokoleñ aka Iw (Ewa) isim wangiyök. Qetñi alañi Bölönangö Toñi aka Satan. Yañön kantriñi kantriñi pakpak kuñgum enjiiga janjuñ anda malgeri, mi aka yangö garataurupñi mi mönö yambuk Suepnöhök közöla aköm engigetka gölmenöñ etket.

¹⁰* Etketka Suepnöñ qet ketañi kunöñ kewö jii möral, “Keu silenöñ alal Toñan sunjem asak Anutuninangö wösöñe kinda urumeleñ alaurupnini jim engiba malöhi, mi mönö yaköriba aköm wangigetka yaigep eriga köirañ köljín. Nanine Anutuninan mönö nalö kewöñe ambazip amöt qem engiba kukösumñi qakñe galöm köñ enjiiga bemtohoñangö öñan lök asuhuza. Amötqeqe Toñangö ösum-mumuñan lök asuhum teköza. ¹¹ Yañön mötnarip alaurupnini keunöñ al engiba malökmö, Toñi mi mönö kewö luhut al wangiget: Lama moröñangö sepñan i amöt qem enjiiga köhöiba Buña keu ölbölñi nangöba jim sehiba malget. Mewö mala jöjöröba silenini tököba böñ kinda bim qeba luhut alget.

¹² “Miangöra Suep mire maljei, enñön mönö körek pakpak söñgaiba köirañ ala malme. Mewö malmemö, gölmenöñ aka köwetnöñ maljei, inñini mönö lömböt kanjamñambuk bisimei, miangöra mönö Yei! jiba sahötzal. Bölönangö Toñan luhuba eta tiba engöreñ kaba nup meme nalöñi töröptökñi ahöi mötzawangöra mönö kazik ketañi ahakza.”

¹³ Sekak namñi ilikñambuk yaköriba aköm wangigetka gölmenöñ eröhi, mi ek asariba ambi morö nahön meyöhi, mi kazik ak wangiba wuatangöyök. ¹⁴* Wuatangöyökmö, ambinöñ kök aliga Anutunöñ tukapkap ketañangö ginginñi yahöt wangiiiga mianjön bölbölgöba ösumñan anök. Anutunöñ gölme qararankölkölñe yangöra miri gölme kun möhamgöyöhi, mönö miangöreñ anök. Miangöreñ anda asamböta maliga (yara) yambu 3 aka bahöñi kun mi köyan köñ wangigetka mokoleñnöñ i qahö miwikñaiba qelanjima. ¹⁵ Ambinöñ bölbölgöba aniga mokoleñgö irimñi teköiga numbuñeyök ambigö andöñe o gwaulu suaiiga o töwatñi ahök. O mianjön ambi mi yöhösañda memba jöhöm wangimapköra möta mewö söwötköba loñnök.

¹⁶ Mewö loñnökmö, gölmenöñ ambi mi bauköm wangiba tingiriga löm ahök. Sekak namñan numbuñeyök o suaiiga o töwatñi ahöhi, mianjön mönö löm miangöreñ geba jöp-köba qahöwahök. ¹⁷ Mewö asuhuiga sekak namñangö irimñi mönö ambi miangöra aka sehöliiga mosöta ambi miangö gwölönarökurupñi tosatñi qetala yarö gil engimangöra anök. Gwölönarökurupñi mienöñ Anutugö jöjöpñ keu tem köla Jisösgö Buña keu töp nangöba jim sehimakzei, mönö yembuk karim aubingö anök. ¹⁸ Aubingö anda köwet sakñe angota kinök. Mewö.

13

Jemnemba köwetnöhök korök.

¹* Miangö andöñe jemnemba kun ilikñi 10 aka nöropñi 7 mi köwetnöhök koriga ehal. Ilikñi 10 miangöreñ ila jalö 10 köñgetka tatket aiga nöropñi mohot mohot miangöreñ qet mepaqepaikñinambuk ohogetka ahöyök.

² Jemnemba mi ekiga kewö ahök: Kaisongolomñi mi lepad taigögö tandök ewö ahök. Köna böronangö sölöpñi mi beö sömbupkö sölöp ewö ahök. Numbuñi mi laion sömbupkö numbuñi ewö tandök. Sekak namñan mönö ösumñi, jakömbuak dumñi aka ambazip galöm köñ engimapkö kukösumñi öngöñgöñi mi jemnemba wangiyök. ³ Wangiiiga nöropñi kun mi uzi köhöikñi kunöñ mei kömumawangö dop ahökmö, uziñan misiriiga löpötñanök tarök. Gölmegö ambazip körek pakpak yeñön auruba jemnemba mi andöñe wuatangöba anget. ⁴ Wuatangöba anda sekak namñangö waikñi memba möpöseiba malget. Kukösum mewöñi mi jemnemba wangiyöhöngöra i aka jemnembagö waikñi mewöñanök memba möpöseiba kewö jiget, “Danñön jemnembagö dop akawak? Danñön i tuarenjoñ ak wangiba yambuk aumangö köhöibawak?”

⁵* Mewö jigetka Satanöñ jemnembagö numbuñi sölölohöiga köhöiba jakbak-

* 12:10: Job 1.9-11; Zek 3.1 * 12:14: Dan 7.25; 12.7 * 13:1: Dan 7.3; Ind 17.3, 7-12; Dan 7.4-6 * 13:5: Dan 7.8, 25; 11.36

öranböran qakne mepaqepaik keuñi lanlan jiba malök. Anutunöñ Satan qahö anğön köliga ilitmamgö kukösumñi mi köiñ 42 mianğö dop ahöm wañgimapkora jim teköyök. ⁶ Mi jim teköiga numbuñan añañiiga Anutu ilita malök. Anutugö qetñi, Suep miriñi aka Suep uruñe maljei, mi pakpak mönö mepaqepaik ak eñgiba malök. ⁷ *Mewö maliga Satanöñ ambazip sarakñi tuarenjoñ ak eñgimamgö kukösumñi wañgiiga yembuk bim auba luhut al eñgiyök. Luhut al eñgiiga Satanöñ ambazip isikñini pakpak kambuñinañgö dop, keu tandökñinañgö dop aka kantriñinañgö dop mi mönö jemnembagö böröñe al eñgiyök.

⁸ *Ambazip körekmakörek gölmenöñ maljei, yeñön mönö jemnembagö waikñi memba möpöseiba malme. Anutugö ambazip solanñi qetñini Suep mire papianöñ ohoget ahözawi, yeñönök mönö jemnemba mi qahö möpöseime. Möpñangö möpñe Anutunöñ Suep gölme miwikñaim etkiyöhi, nalö mianğöreñök könahiba qetñini mi malmal köhöikñangö papia mianğöreñ ohoba mala kotket. Malmal papia mi Lama moröñi qeget kömuyöhi, mönö yañgö buñañi ahöiga galöm kölakza.

⁹ “Kunñan kezapñambuknöñ malja ewö, yañön mönö keu ki kezap ala möt kutuma! ¹⁰ *Kun kösö mire anmawañgö dop akzawi, yañön mönö mianğöreñ anma. Kun bimgö sou ketanñan ugetka kömumawañgö dop akzawi, yañön mönö mewö kömuma. * Mianğöra ambazip sarakñi, eñön mönö kapañ köla lömböt memba mökösoñda pöndañ möt nariba malme.” Mewö.

Jemnemba kun gölme uruñeyök korök.

¹¹ Kunbuk ekiga jemnemba kun gölme uruñeyök korök. Mi ilikñi yahöt Lama moröñangö ilikñi ewöya aka keuñi mi sekak namñi ilikñambuknöñ jiyöhi, mönö mewöñanök jiba malök. ¹² Yañön kota alañi mutukñangö jitmemeñi aka kukösumñi pakpak memba mianñon yuai pakpak alañangö jeñe ahök. Mewö aka gölme ambazip kuñguba sölölohöm eñgiiga auruba alañi mutukñangö waikñi memba möpöseiget. Jemnemba mutukñi mi uzi köhöikñan mei kömumamgö ahökmö, misiriiga löpötñanök tarök.

¹³ Jemnemba yahötñi yañön anğöletot ketanñi tandökñi könanñi könanñi meyök. Kun meyöhi, mi könöp bölamnöñ suepnöhök eta gölmenöñ kaba jeiga ambazipnöñ mi jeñinan eket. ¹⁴ Anutunöñ Satan qahö anğön köliga kukösum wañgiiga jemnemba mutukñangö jitmemeñi aka yañgö jeñe anğöletot könanñi könanñi memba malök. Mianñon mönö gölmegö ambazip tilipköm eñgiiga janjuñ aka sohoget. Sohogetka kewö kuñguba jim kutum eñgiyök, “Inini mönö jemnemba mutukñangö imutñi söhöba kuñguget kiniga göda qem wañgiba malme. Jemnemba mutukñi mi bimgö sou ketanñan (bainat) qegetka uzi mei kömumamgö dop ahökmö, töndup guliba maljawi, mönö yañgö imutñi kuñgume.”

¹⁵ Mewö aketka Satanöñ kukösum jemnemba könanğepñi wañgiiga tandö lopionñ mi mem gulim wañgiiga könahiba söñgöro-ösum alök. Mewöyök jemnemba mutukñangö imutñi mem letoriga azi keu jiba ambazip kuñgum eñgiiga kewö asuhuyök: Denike yeñön tandö lopionñ mianğö waikñi qahö memba möpöseigeri, i mönö körek eñgugetka kömuget. ¹⁶ Jemnemba könanğepñan ambazip körek pakpak kewö kuñgum eñgiba jiyök, “Inini mönö jemnemba mutukñangö muñgem supañi mi jemesoholñine me böröñini ölñe mekötahöme.” Mewö jiiga nanñini nupñini memakzei aka toñinañgö welenñini öne qemakzei, ambazip pomñi aka wanapñi, ketanñi aka moröñi yeñön mönö körekmakörek muñgem supañi mi memba sileñine mekötahöba kösoget.

¹⁷ Denike yeñön jemnembagö qetñi me qetñangö jañgöñi sileñine qahö memba malgeri, yeñön mönö nene yuai stuanöñ me maketnöñ söñgöroñi membingö aka albingö osiget.

* 13:7: Dan 7.21 * 13:8: Sum 69.28 * 13:10: Jer 15.2; 43.11 * 13:10: Tosatñan keu mi kewö melenje: Kunöñ bimgö sou ketanñi (bainat) mianñon tosatñi eñgiiga kömumei, tosatñan mönö nanñi mi sou mewöñan ugetka kömuma.

¹⁸Keu ki möt asaribingö mötkutukutuñi kewö: Kunñan mötkutukutuñambuk maljawi, yañön mönö jemnembagö jañgöñi oyoñma. Jañgöñi mi gölme azigö jañgöñi akza. Supap jañgöñi mi 666. Mewö.

14

Lama moröñi aka könagesöurupñi 144.000.

¹*Miañgö andöñe uba Lama moröñan Zaion kunduñe kini ehal. Yambuk kö-nagesöurupñi jañgöñini 144.000 mi mohotñe kingetka Lama moröñangö qetñi aka yañgö iwiñangö qetñi mi körek yeñgö mesoholñine ohohoña ahöi engehal. ²Miañgöreñök mötpiga Suepnöhök kouruk kun o ketañangö sia qetñi ewö asuhuyök. Mi wölpöndañ giñgururuñ ketañanök qetzawañgö kourukñi miañgö tandök ewö ahök. Kourukñi mi gita kulele gwötpuk qegetka kourukñi asuhumakzawañgö dop möral.

³Anutunöñ ambazip 144.000 mi gölmenöhök söñgöñini memba eñgömeñyöhi, yeñön mönö Anutugö jakömbuak dum wösöñe kañgota bem jembon 4 aka jitñe meme bohonñi 24 miengö jemesoholñine kinda liñet dölokñi kölget. Körek yeñön nanñini liñetñini mi kölgetka yaigep yeñön mi kusum añguba mötpingö osiget. ⁴Yeñön ambazip qainñi kun aka mala kotket. Qahö tölohoba sarakñi malbingöra nanñini galöm köl añguba ambi yembuk töwöt qahö miwikñaiba malget. Lama moröñan denike denike anakzawi, yeñön mönö i wuatangöba miañgöreñ anakze. Anutunöñ i ambazip sutñineyök bohonñini memba meköba eñgömeiga Anutu aka Lama moröñi yetkö yambuñiri dölokñi akze. ⁵*Yeñgö jitñineyök muney keu kun qahö miwikñaigetka keuñini qahö sarakñi mala kotket. Mewö.

Suep garata karöbut yeñön keuñini jiba bölbölgöget.

⁶Miañgö andöñe Suep garata kun ekiga suep kutuba könakemba bölbölgöyök. Yañön Ölöwak Buña koñkoñ* memba kaba gölme ambazip yeñgöra jim asarimangöra kayök. Ambazip mi kambuñinañgö dop, bem isikñinañgö dop, keu tandökñi jijiñinañgö dop aka kantriñinañgö dop gölme dop köla tat anjei, mönö körek yeñgöra jim sehimangöra kayök. ⁷Kaba köhöikñanök silata kewö qerök, “Anutunöñ ambazip kewöta jim teköm eñgimawañgö nalöñan mönö töriba dopdowiza. Miañgöra iñini mönö Anutugö jitñi oñgitpinbuköra keñgöñini möta möpöseiba qetbuñañi mem sehime! Kunöñ suep, gölme, köwet aka o jeñi miwikñaim eñgiyöhi, mönö yañgö waikñi memba möpöseiba malme.”

⁸*Mewö qeriga yañgö könane Suep garata alañi kun mutukñi wuatangöba kaba kewö qerök, “Babilon siti ketañi mi meleñni geiga ahöza. Babilon ambi qetbuñañambuk miañön mönö serowilin aka miañön kantri pakpak mem tölohöm eñgiiga dop köl eñgiyök. Yañön wain o ewö nemegöra eñgiiga uruñini sohoiga kahalalom aka malget. Mewö aka malöhañgöra Anutugö irimñi seholiiga kazik aka jiiga siti qetbuñañambuk mi mönö köndengetka meleñni gei ahöza.” Mewö.

⁹Mewö qeriga yañgö könane Suep garata karöbutñi kun etkuatangöba bölbölgöba kaba köhöikñanök silata kewö qerök, “Kunñan jemnemba aka yañgö imutñangö waikñi memba möpöseiba muñgem supañi añgön köla mesoholñe me böröñe mekötahöba kösöza ewö, ¹⁰*yañön mönö mewöñanök Anutugö irimsesewölñi mi wain o köhöikñi ewö nemba mötma. Anutunöñ wain o mi o töhönñambuk qahö mindiriba wain köhöikñi töhönök irimsesewölñangö qambinöñ mokoï tatzawi, yañön mönö mi nema. Mi nemba Suep garata töröñi aka Lama moröñi yeñgö wösöñjine kiniga salfa kötkö könöp bölamñan koasikpuk ohoiga sihimbölö önöñi qahö möta malma.

¹¹*“Miañön eñgohoiiga sihimbölö önöñi qahö möta malmei, miañgö köwakñan mönö nalö dop teteköñi qahö wahöta öñgömakña. Ambazip jemnemba aka yañgö imutñangö

* 14:1: Eze 9.4; Ind 7.3 * 14:5: Sef 3.13 * 14:6: Kambu bem koñkoñ Toñangöreñ Buña keu tömbuñi mi koñkoñ. Mi möpñangö möpñeyök könahiba teteköñi qahö ahöm öñgöma. * 14:8: Ais 21.9; Jer 51.8; Ind 18.2 * 14:10: Ais 51.17; Jen 19.24; Eze 38.22 * 14:11: Ais 34.10

waikñi memba möpöseimakzei, yeñon mönö sungem asak senjom möta malme. Kunñan munjem supapñi anğon köla sileñe kösözawi, yañon mönö sileñan unduiga qemjer qeba luhut memangö osiba malma.”

¹² Mianğora ambazip sarakñi Anutugö jöjopañ keuñi tem köla wuatangömakzei, eñon mönö kapañ köla lömböt memba mökösoñda Jisös pöndañ möt nariba malme.

¹³ Mianğö andöñe Suepnöhök keu kun mötpiga kewö jiyök, “Gi mönö kimbi kewö ohoman: Ambazip Kembubuk qekötahöba kinda nalö kewöñeyök könahiba kömumei, yeñon mönö oyaenköyaen akñe. Uña Töröñan keu kitipñi mi meköba ‘Keu mi ölna,’ jiza. Yeñon nup köhöikñi memba qemjem-mamjer möta kaba malget teköiga nupñinangö ölni asuhuiga Suep Toñan kösohotñini möri dop köli mianğora sösoñgai enğii tata luhut memba öñsöñ malme.” Mewö.

Gölmegö nene möriam ölni memegö nalöñi

¹⁴ *Mewö jiiga uba kousu tuatñi ekiga mianğö qakñe kun kaisoñgolomñi gölme azigö tandök ewö mianñon tarök. Ila jalö goulnoñ memeni mi nöropñe tariga böröñan sou kapeñkapeñgöñi jitñambuk mi memba tarök. ¹⁵ *Mi ekiga Suep garata kunñan möpömöpösei jikenöhök (tempöl) aukñe kañgota kousu qakñe tatzawi, yañğora keu kewö jiba köhöikñanök qerök, “Gölmenöñ möriam ölni lök öliiga ölni memegö nalöñan mönö akza. Mianğora göñon mönö sougi kapeñkapeñgöñi memba nupnoñ anda mianñon gölmegö möriam ölni mi kutum tokoman.” ¹⁶ Kousu qakñe tatzawi, yañğora mewö qeriga souñi kapeñkapeñgöñan gölmenöñ gila nupkö möriam ölni kutum tokoyök.

¹⁷ Mi tokoiga Suep garata kunñan Suepkö möpömöpösei jikenöhök (tempöl) aukñe kañgorök. Yañon mewöyök sou kapeñkapeñgöñi jitñambuk kun memba kañgorök.

¹⁸ Kañgoriga Suep garata karöbutñi kun Suepkö altagö könöp galömñi aka alta mi mosöta kañgorök. Kañgota köhöikñanök qeta Suep garata sou kapeñkapeñgöñi jitñambuk memba kinöhi, yañğora kewö jiyök, “Göñon sougi kapeñkapeñgöñi jitñambuk mi mönö memba nupnoñ anda mianñon gölmegö wain kañgeni kañgeni mi yandiman. Kañgen miengö kötñi lök ölim yaköba tatzel!”

¹⁹ Mewö jiiga souñi kapeñkapeñgöñi gölmenöñ gila gölmegö wain kösö ölni mi köteköm tokoba Anutugö wain jout ketañi mianğoreñ tözöhölmegöra gilök. Wain jout mi Anutugö irimsesewölñangö kaisöpsöpñi akza.† ²⁰ *Wain bagem ölni mi siti yaigepñe könanöñ tiba tözöhölgetka sepñan wain jout ketañangö numbuñe kota qöl tandök ewö lanlan wahöta kota o töwatñi ahök. Sep mianğö diginñi mi wan mita aka bahöñi kun ahök. Hosnoñ mianğoreñ tiba aniga numbuñe koriga hos injutñangö kösoñan samuruyök. Diginñi mewö aiga köröpñi 300 kilomita mianğö dop ahök. Mewö.

15

Suep garata 7 aka lömböt kanjamñinambuk 7.

¹ Mianğö andöñe suep uruñe uba anğöletot ketañi kun asuhuiga eka kewö welipköyal: Suep garata 7 mi lömböt kanjamñinambuk (plague) 7 memba kinget. Ambazip singisöndokñinangöra Anutugö irimñi seholiiga jim teköba likepñi melepñi lömböt kanjamñinambuk qakñine öngöi mötketka uruñan amöriiga keuñin kömuma. Mianğora qetñini lömböt kanjamñinambuk qöndökñi 7 qetket.

² Mi eka yuai gilikbilikñambuk köwet ewö ekiga könöp bölamñambuk lolonqalon ahöyök. Mianğö qöhöröñe Anutugö ambazip kingetka engehal. Yeñon luhut ala jem-nembagö keuñi qahö tem köla imutñangö waikñi qahö memba qetñangö jañğöñi sileñine qahö anğon köla malget. Anutunöñ i mohot mohot kulele enğiiga memba kinget.

³ *Mianğoreñ kinda Anutugö nup meme azi Mosesgö liñetñi aka Lama moröñangö sauren liñetñi mi kewö kölget,

* 14:14: Dan 7.13 * 14:15: Joel 3.13 † 14:19: Anutugö irimsesewölñi mi wain jout ketañe tözöhölgetka uruñan amöriiba teköma. Indelindel 19.15 mi ekñan. * 14:20: Ais 63.3; Seru 1.15; Ind 19.15 * 15:3: Eks 15.1; Jer 10.7; Sum 86.9

“O Kambu Anutu kukösum pakpakö Tonji, göñön anğöletot ketanji ketanji welipñinambuk ahakzan.

Göñön kantriñi kantriñi mi kiñ kambu ak enğinönğa ahakmemegahö könañi mi diñdiñi aka öl töhöññi akza. Mianğöra Anutu qainñi kun aka maljan.

⁴ O Kambu, göhörej ahakmemegi diñdiñi mi mönö aukñe asuhuiga mötzin.

Mianğöra kantri pakpak yeñön kaba göhö waiki memba möpöseim gihimakze.

Göñön nangok töröñi akzan. Mianğöra aka dañön mönö göhöra keñgötñi qahö mötpawak? Körek neñön göhö qetbuñagi mem sehiba möpöseimakzin.”

⁵ *Mianğö andönje uba yuai kewö ehal: Suepkö möpömöpösei jikegö (tempöl) nanğunan taliga mianğö uruñe Anutu dangununğö opo seri jikeñan kini ehal.

⁶ Möpömöpösei jike mianğöreñök Suep garata 7 lömböt kanjamñinambuk 7 memba kingeri, yeñön mönö eta aukñe kaget. Malukuñini tuat lalamñi bilikbilikñinambuk löngötketka opo jöhan mañgihilakñi goulñambuk mi örigit ewö töptöpñe embahöm anğuba kinget.

⁷ Yeñön kagetka bem jembon 4 miengöreñök kunñan goul qambi 7 enğiiga Anutugö irimsesewölñan qambi mi numbuñe kotket. Anutu irimñi seholizawi, yeñön mala kota malja aka teteköñi qahö mal öngöma. ⁸ *Qambi mi enğiiga Anutunön asakmararañi aka kukösumñi kondeliga mianğöra köwak pukpuköba möpömöpösei jike (tempöl) kokolak qeiga kunñan kun Suep jike mi öngö-öngögö dop qahö ahök. Suep garata 7 yeñön mutuk qambiñini mokogetka lömböt kanjamñinambuk 7 asuhaba ölñinambuk akñei, mianğö andönje ölöp kunbuk öngöme. Mewö.

16

Qambi 7 mokogetka Anutugö irimsesewölñan asuhuyök.

¹ Möpömöpösei jike (tempöl) uruñeyök qet ketanji kun asuhuiga Suep garata 7 miengöra keu kewö jim kutuiga möral, “Inñi anda Anutugö irimsesewölñan qambi 7 numbuñe kota ahözawi, miengö ölñi mönö gölmenön mokome.”

² *Suep garata mutukñan mosöta anda qambiñanğö ölñi mi gölmenön mokoyök. Mokoiga uzi imbilonñambuk sihimbölöñini tandökñi sohosohonji mi qeçetal ambazip yeñgö sileñine asuhuget. Ambazip jemnembagö mungem supañi sileñine memba imutñanğö waikñi memba möpöseigeri, mönö yeñgö sileñine asuhuget.

³ Yahötñi yeñön mosöta anda qambiñanğö ölñi mi köwetnön mokoyök. Mokoiga köwetnön melenđa sep ahök. Mönö azi qeçerñanğö sepñi ewö ahök. Mewö aiga köwet uruñe yuai pakpak malmalñinambuk maljei, mi mönö lökñanök kömum teköget.

⁴ *Suep garata karöbutñan qambiñanğö ölñi mi o töwatñi aka o jeñi mianğöreñ mokoiga melenđa sep aka dop kölök. ⁵ Mewö aiga Suep garata o galöm kölakzawañön keu kewö jiiga möral, “O Anutu töröñi, göñön keu kewöta kewö jim tekönönğa lömböt ki asuhuzawañgöra diñdiñi akzan. Mönö solañi mala kota maljan. ⁶ Yeñön göhörej ambazip sarakñi aka kezapçetok ambazip enğuba malgetka sepñinan mokoyök. Göñön i enğugeranğö likepñi melenđa sep enğinönğa negeri, mi mönö dopñe alnönğa qakñine öngöyök. Mianğöra Anutu göñön mönö diñdiñanök akzan.”

⁷ O galöm kölakzawañön mewö jiiga keu kun altanöhök kewö kaiga möral, “Keu mi ölña! O Kambu Anutu kukösum pakpakö Tonji, göñön mönö ambazip keuñini kewöta diñdiñanök jim teköm enğimakzan.”

⁸ Suep garata 4:ñan qambiñanğö ölñi mi wehön jeñe mokoiga mianñön wehön ösum wanğiiga könöpñi kötökñi aka ambazip könöp ewö enğohoyök. ⁹ Wehön jeñi könöpñambuk mianñön enğohoiga sileñini dölatiyök. Anutunön lömböt kanjamñinambuk miengö Tonji aka ali qakñine öngöyöhi, ambazipnön mi möta mianğöra Anutugö qetñi jim

* 15:5: Eks 38.21 * 15:8: Eks 40.34; 1 Kij 8.10-11; 2 Hist 5.13-14; Ais 6.4 * 16:2: Eks 9.10 * 16:4: Eks 7.17-21; Sum 78.44; Eks 10.21

qesuahöm waŋgiba malget. Mewö malgetmö, Anutu möpöseiba qetbuŋaŋi mem sehimegöra mönö uruŋini qahö melengetmö, toroqeba yaŋgiseŋ aka malget.

¹⁰ Suep garata 5:ŋan qambuŋaŋgö ölni mi jemnembagö jakömbuak dumnöŋ mokoyök. Miangöreŋ mokoiga söŋaup ketanjan jemnembagö ömetohoŋi (kingdom) mi dop köla pandaman meyök. Pandaman meiga ambazip irimŋini seholiiga nesilamŋini jitŋinan yöhötigetka tiŋgirök. ¹¹ Ambazipnöŋ sihimbölö aka uzi nömböŋinaŋgö sihimbölöŋi ketani möta miangöra Suepkö Anutuŋi mi jim qesuahöm waŋgiba malget. Mewö malgetmö, ahakmemenini bölöŋi aka memba malgeri, mi qahö kewöta mosöta uruŋini qahö melenget.

¹² *Suep garata 6:ŋan qambuŋaŋgö ölni mi o töwatŋi ketani qetŋi Yufreitis miangöreŋ mokoiga jöpköyök. Wehön kotkotŋeyök kiŋ kambuŋi kambuŋi kabingö möta jöjöröba malgeri, yeŋön o jöpköiga kunbuk qahö paŋpaŋgögetmö, kutuba kamegö könaŋi mönö asuhuyök. ¹³ Miangöreŋök uba öme bölöŋi karöbut tandökŋini kaŋ ewö mi engekiga sekak namŋi ilikŋambuk, jemnemba aka kezapqetok azi takapulakaŋi yeŋgö numbuŋineyök kota etket. ¹⁴ Ömewöröme mieŋön eta anda aŋgöletotŋi könaŋi könaŋi ahakze. Mewö aka gölmeŋi gölmeŋi pakpak liliköba kiŋ kambuŋini engeka Anutu tuarenjoŋ akŋegöra uruŋini kuŋguba kewö jiget, “Mönö mindirim aŋguba Anutu kukösum pakpakö Tonjaŋgö nalö ketane mohotŋe bim aubin.”

¹⁵ *Jisösnöŋ jiza, “Kezap alget! Nöŋön mönö yoŋgorö meme ewö ölöŋ kamam! Kunjan uruguliguli malmawi, yaŋön mönö simbawoŋ akza. Sile aukŋe laŋ anda kaiga gamuŋi ekepuköra sile esuŋi galöm kölakzawaŋön mönö oyaenŋkoyaen akŋa.”

¹⁶ *Öme welenqeŋe yeŋön kiŋ kambuŋi kambuŋi mi kuŋguba enŋuaŋgita gölme köröŋi qetŋi Hibru keunöŋ Armagedon jizei, miangöreŋ qezaköba al enŋigetka enŋeŋal. Mewö.

¹⁷ Suep garata 7:ŋan qambuŋaŋgö ölni mi könakemba mokoyök. Mokoiga möpömöpösei jike (tempöl) uruŋaŋgö jakömbuak dumŋeyök qet ketani kun asuhuba keu kewö kaiga jiyök, “Mi lök mokogetka asuhum teköza.” ¹⁸ *Mewö jiiga miangöreŋök wölbilik aiga wölpöndaŋ giliga giŋgururuŋ qeta ahöiga kenöŋ jitŋi buburatiŋi kun meyök. Iw (Ewa) Adam yetkö nalönöhök könaŋiba gölmenöŋ mala korini, nalö miangöreŋ kenöŋ mewöŋi kun qahö gilgilŋa. Miangö dop tandökŋi sohosohoŋi giliga bölöŋi kötökŋi ahök.

¹⁹ *Mewö asuhuiga siti ketani Babilon mianön jula bahöŋi karöbut aket aiga kantriŋi kantriŋi pakpak mieŋgö sitiŋini mi mewöŋanök ayuhuba meleŋni geget. Anutunöŋ siti qetbuŋaŋambuk Babilon mieŋgö bölöŋamŋini qahö ölum qeiga likeŋamŋini meleŋ enŋiyök. Anutunöŋ urukönöp aka irimesewöŋan qambi kokolak qeba taröhi, mi mönö mokom enŋiiga qakŋine öŋgöiga wain o ewö neget. ²⁰ Köwetnöŋ gölme jölanŋi pakpak ahögeri, mi mönö kök ala sömuniget aiga kundunŋi kundunŋi kingeri, mi mönö mewöŋanök ayapköba qahöwaket.

²¹ *Mewö asuhuiga ais kötŋi ketani lömbötŋini 45 kilogram mieŋön suepnöhök ambazip qakŋine erök. Lömböt kanjamŋambuk mi tandökŋi sohosohoŋi ahök. Kie kötŋi tandökŋi mewö mianön eta enŋuiga ambazipnöŋ miangöra Anutu jim qesuahöm waŋgiget. Mewö.

17

Ambi kunöŋ jemnembagö qakŋe tari ehal.

¹ *Suep garata 7 qambi 7 mi memba kingeri, yeŋgöreŋök kunjan kaba nöŋgöra keu kewö jiyök, “Gi mönö kanöŋga köna ketanjanöŋ ambi qetbuŋaŋambuk o gwötpuk mieŋgö qakŋine tatzawi, mi kondel gihimam. Anutunöŋ keuŋi kewöta likeŋni meleŋni qakŋe öŋgöi malja. ² *Gölmegö kiŋ kambuŋi kambuŋi yeŋön yambuk serowilin aka malget. Könagesöŋinan gölmenöŋ maljei, yeŋön mönö mewöyök ambi miangö serowilinŋaŋgöra

* 16:12: Ais 11.15 * 16:15: Mat 24.43-44; Luk 12.39-40; Ind 3.3 * 16:16: 2 Kiŋ 23.29; Zek 12.11 * 16:18: Ind 8.5; 11.13, 19 * 16:19: Ais 51.17; Ind 6.14 * 16:21: Eks 9.23; Ind 11.19 * 17:1: Jer 51.13 * 17:2: Ais 23.17; Jer 51.7; Ind 13.1

aka uruḡini wahöta sohoiga kahalalom aket. Wain o nemba enjololoḡ ahakzei, mönö miangö dop könahiba sero yonḡoro aka mala kahapmahap aket.”

³ Mewö jiiga Uḡa Töröḡan nömeiga alburupḡan qakne öngöiga Suep garata mianḡön noanḡiriga gölme qararaḡkölkölḡe anḡoral. Mianḡoreḡ anḡota ambi kun jemnemba pisikḡi pötpöt yanḡö qakḡe tariga ehal. Jemnembagö sileḡe mepaqepaik qetḡi qetḡi ohogetka kokolak qeiga nöropḡi 7 aka ilikḡi 10 mewö kinök.

⁴ *Ambi mianḡön opo söro pisikḡi gugakgugak aka pisikḡi pötpöt mi löḡöta tarök. Aködamunḡi goul, jamönḡiḡ öḡinambuk aka kösatorom tosatḡi mianḡön meḡölöm anḡuiga tandökḡan kölköl-bilikbilikḡambuk ahök. Böröḡe goul qambi memba taröhi, mi serowilin aka malöḡanḡö anḡöjörakḡi imbilonḡonambuknöḡ kokolak qeḡeḡa. ⁵ Amba mianḡö mesoholḡe qetḡi tölapḡi mi kewö ohogetka ahöyök, “Babilon qetbuḡanambuk, gölmegö köna ketanḡi ambazip aka anḡöjörak imbilonḡonambukö namḡini.” ⁶ Qetḡi mewö ahöiga Anutugö ambazip sarakḡan Jisösgö könanḡi nanḡöba böḡ qeba kinda jiba malgeri, mi enḡuba sepḡini nemba mianḡöra kahalalom ahöi ehal. Mi eka aurum tililingöyal.

⁷ Aurum tililingöbiga Suep garatanöḡ nöḡgöra keu kewö jii möral, “Gi mönö denöwögöra aurum tililingözan? Nönön ölop ambi kianḡö könanḡi tölapḡi indel gihimam aka jemnemba nöropḡi 7 aka ilikḡi 10 ambi mi bisimakzawi, yanḡö könanḡi tölapḡi mi mewöyök indela jim miwikḡaim gihimam. ⁸ *Jegi meleḡniga jemnemba ekzani, yanḡön mutuk malökmö, nalö kewöḡe jebuk qahö malja. Yanḡön ömewöröme yeḡö löm dutḡi qahö mianḡoreḡök guliba wahötmapmö, Kraistnöḡ kaköm waḡḡiiga könöp sianöḡ gema. Anutunöḡ Suep gölme miwikḡaim etkiyöhi, nalö mianḡoreḡök könahiba gölmenöḡ mala kotketka qetḡini malmal köhöikḡanḡö papianöḡ qahö ohoget ahözawi, ambazip mieḡön mönö jemnemba eka aurume. Jebuk malökmö, nalö kewöḡe jebuk qahö malja aka könanḡep kunbuk guliba asuhumawi, mianḡöra mönö aurume.

⁹ “Nini keu ki möt asaribingöra möringa mötkutukutuḡan kewö ahöza: Nöropḡi 7 mi ambinöḡ kunduḡi 7:gö qakḡine tatzawi, mönö kunduḡi mieḡö söpsöpḡi akze. ¹⁰ Nöropḡi 7 mi mewöyök kiḡ kembu 7 mieḡö kaisöpsöpḡi akze. Yeḡöreḡök 5 lök kömumba etketka 6:ḡi yanḡön mala ambazip galöm köḡ enḡimakza. Qöndökḡan biaḡ asuhumawaḡö dop akza. Yanḡön asuhumawi, mianḡoreḡ mönö nalö töröpḡi kukösum qakḡe kinmawaḡö dop akḡa. ¹¹ Jemnemba malökmö, nalö kewöḡe qahö toroqeba maljawi, yanḡön 7 yeḡöreḡök kun akza. Yanḡön kunbuk guliba nanḡak kiḡ kembu janḡöḡi 8 akḡa. Mewö akḡapmö, Kraistnöḡ köndenḡ waḡḡiiga ayuhuba könöp sianöḡ gema.

¹² * “Ilikḡi 10 enḡekzani, mi mönö kiḡ kembu 10 mieḡö kaisöpsöpḡini akze. Yeḡön qahö könahiba ambazip galöm köḡ enḡimakzemö, Anutunöḡ könanḡep kukösum enḡiiga kiḡ kembu ewö akḡe. Mewö aka jemnembabuk aua mohotkö dop ambazip galöm köḡ enḡiba malme. ¹³ Kiḡ kembu 10 mieḡön mötmöt areḡ mohot miyök wuatḡöba jemnemba nanḡöba kukösumḡini i waḡḡigetka malma. ¹⁴ Ösumḡini mewö mindiriba Lama moröḡi tuarenḡon aka bim aumemö, Lama moröḡan mönö luhut al enḡiiga etme. Yanḡön kiḡ yeḡö Kiḡini aka azi kembu yeḡö Kembuḡini akza. Yanḡön neḡghola möwölöhöm neḡḡiiga yambuk pöndaḡ kinda malbini, neḡön mönö mohotḡe luhut al enḡiba köiraḡ köḡbin.”

¹⁵ Suep garatanöḡ keuḡi mewö jiba toroqeba kewö jii möral, “Köna ketanḡanḡö ambi ketanḡan o gwötḡuk mieḡö qakḡine tariga enḡek teközani, o mi ambazip kantriḡi kantriḡi mieḡö kaisöpsöpḡini akze. Yeḡön kambuḡini aka bem isikḡinanḡö dop likeḡliḡep tat angetka sileḡini könanḡi könanḡi aiga keuḡini tandökḡi murutḡi murutḡi jimakze. ¹⁶ Jegi meleḡniga ilikḡi 10 enḡekzani, yeḡön mönö ösumḡini jemnembabuk mindiriba köna ketanḡanḡö ambi mi kazik ak waḡḡigetka kewö asuhuma: Yeḡön öryuaiḡi pakpak kiom qegetka piromḡi aiga opo söroḡi köteköm tekögetka sile aukḡeyök aiga busuḡi nemba sihitḡi könöpnöḡ ohogetka jem teköma.

* 17:4: Jer 51.7 * 17:8: Dan 7.7; Ind 11.7; Sum 69.28 * 17:12: Dan 7.24

¹⁷ “Mewö asuhumawi, mi Anutunöŋ kiŋ kembu miengö uruŋini kuŋguba sölölohöm enŋiiga urumohot aka mindiriba akŋe. Anutugö mötmöt areŋi mönö mewö wu-ataŋgöme. Miaŋgö dop kukösumŋini jemnema waŋgigetka ambazip galöm köl enŋiba malma. Mewö maliga Anutugö keuŋan ölnambuk akŋawi, nalö miaŋgöreŋ teköma. ¹⁸ Ambi tari ekzani, mi siti qetbuŋaŋambuk toŋan gölmegö kiŋ kembuŋi kembuŋi galöm köl enŋimakzawi, mönö kiŋ miaŋgö söpsöpŋi akza.” Mewö.

18

Babilon siti köndengetka gororöŋgöma.

¹ Miaŋgö andöŋe Suep garata kun kukösumŋi öŋgöŋgöŋi ekiga Suepnöhök asuhuba eriga asakmararaŋan gölme mem asariyök.

² *Eta köhöikŋanök silata kewö qerök, “Babilon siti ketanŋi mi köndenget. Mi ölna köndengetka gororöŋgoyök. Ambazip qahöwaketka öme wöröme könaŋi könaŋi yeŋönök mönö tokoba miriŋini miaŋgöreŋ megetka yeŋgö gölmeŋini bohonŋi ahök. Neiŋi neiŋi dönqizinŋinambuk aka imbilonŋonŋinambuk mieŋönök mönö miaŋgöreŋ tokoba aipŋini laŋ ala öŋsöŋ malje.

³ *“Anutunöŋ mi kewögöra jiiga köndenget: Kantri pakpak yeŋön ambi miaŋgö serowilinŋaŋgöra aka uruŋini wahöriga enjololon aketka Anutugö irimŋi seholyök. Irimsewölŋi mi qakŋine öŋgöiga wain o nemakzeanŋö tandök mötket. Gölmegö kiŋ kembuŋi kembuŋi yeŋön ambi miambuk sero namböŋnamböŋ aka malget. Kölköl-örörö ambazipnöŋ gölme dop miaŋgöreŋök kaba sukinap aködamunŋinambuk bohonŋi memapköra algetka önöŋi qahö öröba siyoŋsayoŋi qahö malök. Yanŋö örömgöjup memgöjupŋaŋgöra aka yeŋön pomŋi kindiŋbirik aka öŋgöŋgöŋi aket.”

⁴ *Miaŋgö andöŋe Suepnöhök kunöŋ keu jiiga kewö möral, “Nöŋgö könagesöurupni, iŋini mönö siti mi mosöta yaigep etket. Ambi miaŋön siŋgisöndok ahakzawi, miaŋön mönö enŋualöŋni yambuk kinda uruŋini tölohobepuk.

Anutunöŋ likepŋi meŋe enŋiiga lömböt kanjamŋinambuk qakŋine öŋgömei, lömböt mewöŋi kunöŋ mönö nanŋini qakŋine öŋgöiga mewöyök sihimbölö mötpepuk. Miaŋgöra yembuk mönö kude mindiriba malme.

⁵ *Ambi miaŋön siŋgisöndokŋi aka qaknöŋ qaknöŋ aliga öŋgöba lök suep misirim teköza. Kegwek-kahasililiŋ aka malgeri, Anutunöŋ mi mönö nanŋi mötmötnöŋ ala miaŋgöra qahö ölum qema.

⁶ *Ahakmeme goŋgoŋi tosatŋi ak enŋiba malgeri, iŋini mönö miaŋgö dop meŋeŋda ak enŋime. Bölöŋi aka memba malgeri, iŋini mönö miaŋgö likepŋi sömaŋi yahötkö dop meŋeŋ enŋigetka qakŋine öŋgöma.

Siŋgisöndökö qambiŋi nemegöra mokoba malgeri, nanŋini qambi miaŋgöreŋök mönö sömaŋ yahötkö dop uba meŋeŋda wain o kömbukŋi kötökŋi mi enŋöra mokoget neme.

⁷ *Ambi miaŋön sukinap aködamunŋinambuk önöŋi qahö öröba qetbuŋa öŋgöŋgöŋi miwikŋaiba siyoŋsayoŋi qahö malök. Miaŋgö likepŋi mönö nanŋi ihileknöŋ ohotiriba ip özöpaŋnöŋ sihimbölö önöŋi qahö ak waŋgigetka jingŋeŋ köla wösöbirik malma. Nanŋi uruŋe kewö mötmöriba laŋ jimakza,

‘Nöŋön qin ambi kembugö jakömbuak dum tatatŋe tatzal. Malö qahö akzal aka nalö kunöŋ jingŋeŋ qahö kölmam.’

⁸ Mewö laŋ jimakzawaŋgöra aka Anutunöŋ likepŋi meŋeŋ waŋgiiga nalö mohotkö uruŋe yanŋö qakŋe öŋgöma.

* 18:2: Ais 13.21; 21.9; Jer 50.39; 51.8; Ind 14.8 * 18:3: Ais 23.17; Jer 51.7 * 18:4: Ais 48.20; Jer 50.8; 51.6, 45
* 18:5: Jen 18.20-21; Jer 51.9 * 18:6: Sum 137.8; Jer 50.29 * 18:7: Ais 47.7-9

Kembu Anutunöŋ keuŋi kewöta jim teköm waŋgiyöhi, yaŋgö kukŋan mönö öŋgöŋgöŋi akza.

Miaŋgöra lömböt kanjamŋinambuk könaŋi könaŋi mienöŋ mönö zilaŋ kewö asuhum waŋgime:

Tinitosolomŋan kömugetka jingey köla bödi tariga nanŋi könöpnöŋ ohogetka jema.”

⁹ *Könöpnöŋ ohogetka jeiga köwak wahötmawi, kantriŋi kantriŋi pakpak mienöŋ kiŋ kemuŋinan mi eka mönö amburereŋ aka sahötme. Kiŋ kembu mienöŋ yambuk serowilin aka malget. Sukinapŋi aködamunŋinambuk önöŋi qahö miaŋgö nem söŋgaipŋi yambuk ala söŋgaiba malgeri, yeŋön mönö yaŋgöra aka jingey kölme. ¹⁰ Jingey köla ihileknöŋ ohotirigetka ip özöpaŋnöŋ sihimbölä önöŋi qahö mötzawi, miaŋgöra mönö töwöratiba tikep kinda kewö sahöta jime, “O Babilon siti qetbuŋaŋambuk, lömböt qakŋine öŋgöyöhaŋgöra mönö Yei! Yei! jiba sahötzin. O siti kukösumŋini ketanŋi, Suep Toŋan likepŋi meleŋ enŋiiga ösumok aua mohotkö uruŋe qakŋine öŋgöiga sihimbölä ketanŋi mötze. Yei Yei! jiba sahötzin!”

¹¹ *Kantriŋi kantriŋi mienöŋ kölköl-örörö ambazip yeŋön mewöyök amburereŋ akŋe. Kunŋan toroqeba yeŋgö inapŋini bohonŋi qahö memakŋawaŋgöra mönö jingey köla sahötme. ¹² *Aködamunŋini goul, silwö, jamönjiŋ ölninambuk aka sorom kötŋi mi Babilon yeŋön me tosatŋan qahö bohonŋi meme. Opoŋini tuat lalamŋi, pisikŋi gugakgugak, pisikŋi pötpöt aka opo qetŋi silk mi qahö bohonŋi meme. Ip qetpuk könaŋi könaŋi mienöŋ kemaŋini aka börösöwöŋini könaŋi könaŋi mi qahö toroqeba bohonŋi meme. Aködamunŋini elefant sihitŋan memeni, mi öne ahöme. Dum tebol yuaiŋini ip söŋgöroŋini ketanŋi in, qönqön, mihinik, naŋim aka yuari miaŋön memeni, mi öne ahöme. Börösöwö ain gohotŋi brons aka ain injaŋan memeni aka köt qetŋi mabol miaŋön memeni mi mönö öne ahöme.

¹³ Babilon yeŋön kömusönönik (sinamon) aka gipŋi tosatŋi mi qahö bohonŋi meme. Silegö sanda qetŋi mör, jiniŋ samburup aka sile ömön tosatŋi mi qahö bohonŋi meme. Wanafu, berat, wölömjikjik aka wöronŋi asuhumapkö yuai tosatŋi mi qahö bohonŋi meme. Mewöyök wain o, oil ipkö oilŋi, wit kötŋi aka flaua neneŋi mi qahö bohonŋi meme. Bulmakau, lama, hos aka hos kare mi qahö bohonŋi meme. Mutuk welenqeŋe ambazip bohonŋini memba nupnöŋ al enŋigetka sile me urumötmötŋinan böliba ayuhuyök. Mewö qahö toroqeba ahakŋe.

¹⁴ Kölköl-örörö ambazip yeŋön Babilon ambi miaŋgöra kewö jime, “Ip ölni nemamgö sihimŋi möta eröm ota malnöŋi, mi mönö qahöwaketka öne maljan. Töhötmöriamgi aka sukinapki aködamunŋinambuk mi mönö körek pakpak gömosöta ayapkögetka tömtömimba maljan. Mi mönö nalö kungen kunbuk miwikŋaimaŋgö dop qahö.”

¹⁵ *Kölköl-örörö ambazip sukinapŋini mewö mewö bohonŋi memegöra ala siti miaŋgöreŋök moneŋ goul (guli dötnam) öröba qetbuŋaŋinambuk aket. Yeŋön tikep kingetka tosatŋan ihileknöŋ ohotirigetka ip özöpaŋnöŋ sihimbölä önöŋi qahö möröhi, miaŋgöra mönö auruba sahöta jingey kölme.

¹⁶ Jingey köla kewö jime, “O siti ketanŋi, lömböt qakŋine öŋgöyöhaŋgöra mönö yei! yei! qeta jingey köljin. Yeŋön opoŋini tuat lalamŋi, pisikŋi gugakgugak aka pisikŋi pötpöt mi löŋgötket. Aködamunŋini goul, jamönjiŋ ölninambuk aka kösasorom tosatŋan meŋölöm anŋugetka tandökŋinan kölkölbilikŋinambuk aket. ¹⁷ *Mewö aketmö, sukinapŋini mewöŋi önöŋi qahö mi mönö ösumok aua mohotkö uruŋe ayuhuba ayapköba qahöwaket.” Mewö jiget.

Waŋge pilot pakpak aka ambazip waŋgenöŋ anda kamakzei, yeŋön mewöŋanök körek Babilon siti ohoget jeiga köwakŋi mi tikep kinda ekŋe. Mewöyök waŋge ambazip opo seri möröreŋgögetka luhutnöŋ naŋgöi anakzei aka köwetnöŋ nup tosatŋi memba malmalŋini naŋgömakzei, mienöŋ mönö körek pakpak mi tikep kinda ekŋe. ¹⁸ *Ambi

* 18:9: Eze 26.16-17 * 18:11: Eze 27.31, 36 * 18:12: Eze 27.12, 13, 22 * 18:15: Eze 27.31, 36 * 18:17: Ais 23.14; Eze 27.26-30 * 18:18: Eze 27.32

ketanji qetbuñanambuk ohoget jeiga könöp bölamñangö köwakñi wahötmawi, mi tikep kinda eka amburereñ aka kewö jime, “Siti qetbuñanambuk kianğö alañi mönö nalö kunöñ qahö ahöyök.”

¹⁹ *Mewö jiba sömsöm urata kau ariba qeta jinğeñ köla unduba sahöta kewö jiget, “O siti ketanji, aua mohotkö uruñe yuainji pakpak mönö ayuhuba ayapköba qahöwahök. Ambazip wañgeñinambuk pakpak köwetnön anda kaba sukinapñini bohonñi memegöra ala mianğöreñök moneñ goul (guli dötnam) sehisehijni örogetka siti mianğön qetbuñanambuk ahök. Lömböt qakñine öngözawañğöra mönö yei! yei! jiba sahötzin.” Mewö jiget.

²⁰ *Yeñön ahakmeme goñgonji tosatñi ak engiba malgeri, Anutunön mönö mianğö keuñi jim teköba likepñi meleñniga qakñine öngöiga sihimbölö ketanji mörakze. Mianğöra Suep mire maljei, iñini mönö yañğöra aka köirañ kölme. Anutugö ambazip sarakñi, aposolurupñi aka kezapqetok ambazip iñini mönö söñgaiba saureñ qeba malme.

²¹ *Mianğö andöñe Suep garata ösumñi öngöñğöñi kunöñ kaba köt keta bölokñi memba wahöta köwetnön gili geiga kewö jiyök, “Anutunön siti ketanji qetbuñanambuk mi mönö kianğö dop könöpuk köndenđa meleñni geba qahöwak teköma. Qahöwak teköiga könañgep nalö kunöñ qahö miwikñameañğö dop akña. ²² **Iñini siti mianğöreñ kömam köla gita kulele qeba awölop tömun uba liñet köla undumalgeri, mianğö kourukñi mönö nalö kunöñ kunbuk qahö mötme. Babilon engöreñ ambazip mötmöt nupñini könañi könañi memba malgeri, mi mönö teköyök. Dokta didiman, qaqazu klak aka mewöñi mi mianğöreñ kunbuk qahöpmañöp miwikñaim engime. Wit padi kötñi jamönjiñ yahötkö sutñire möjöhögetka (mill) kourukñi asuhuyöhi, mianğö isikusukñan mönö qahöwahiga sitinön mönö göröñ qeba ahöma.

²³ “Mutuk sitinjanğö mirinji pakpak mi kiwañinambuk asarigetmö, asakñi mianğön mönö bököiga pandaman ahöma. Azigö andöurupñinan ambigö mam bohonñi bau añağuba börum megetka ambigö sepkitipurupñan köirañ ala nem jöwösök aka sösongai almalgeri, oköirañ mewöñağö kourukñi mi mönö kunbuk mötmeañğö dop qahö. Babilon engö kölköl-örörö ambazip mi kantrinji kantrinji mianğöreñ möt engigetka qetbuñaninambuk aka malget. Yeñğöreñ qarösongo amötqeqe ambazip mi gölme dop ambazip urunjiñi mem sohogetka janjuñ aka malget.” Suep garatanön mewö jiyök.

²⁴ *Babilon mi kewögöra ayuhuyök: Kezapqetok ambazip aka Anutugö ambazip sarakñi mi mönö yeñğö sutñine töndup taköwölañ aka enguget kömugetka sepñinan erök. Yeñğöreñ sep aka gölmenön ambazip tosatñi engugetka kömumalgeri, körek yeñğö sepñinanğö kitipñan mönö yeñğö qakñine öngöi malget. Könañamñini mewö miwikñaigetka ahöyök. Mewö

19

Suep yeñön Babilon geyöhañğöra Anutu möpöseiget.

¹ Mianğö andöñe Suepnöhök keu kun mötpiga kambu ketanji yeñön köhöikñanök saureñ liñet köla qetzei, mönö mianğö tandöktandök asuhui kewö jiget, “Anutu möpöseizin aleluya! Anutunön amöt neñguba neñğömeiga yañğö buñaji akzin. Anutuninan kukösüm Tonji aiga möpöseim wañgiinga qetbuñanambuk akza. ² *Anutunön mönö keu ölnañğö dop ambazip keuñini kewöta diñdiñanök jim teköm neñgimakza. Köna ketanji ambi serowilin aka mewö mianğön ambazip gölme dop mem bölim engiba malöhi, Anutunön mönö yañğö keuñi kewöta jim teköyök. Ambi mianğön Anutugö nup meme ambazip enguiga sepñinan eröhi, mianğö likepñi mönö meleñ wañgiiga qakñe öngöiga sihimbölö möta malja. Mianğöra Anutu möpöseim wañgin.”

* 18:19: Eze 27.30-34 * 18:20: Dut 32.43; Jer 51.48 * 18:21: Jer 51.63-64; Eze 26.21 * 18:22: Eze 26.13; Ais 24.8 * 18:22: Jer 7.34; 25.10 * 18:24: Jer 51.49 * 19:2: Dut 32.43; 2 Kirj 9.7

³* Mewö jiba kunbuk qeta kewö jiget, “Ambi mi ohoget jeiga köwakñan mönö nalö dop teteköñji qahö wahöta öngömakña. Miangöra Anutu möpöseim wañgimakzin, aleluya!”
⁴ Mewö qeta jigetka Anutugö jitñememe bohonñi 24 aka bem jembon 4 mierñon mönö bamgöba simin köla Anutu, jakömbuak dumñe tatzawañgö waikñi memba möpöseiba kewö qetket, “Keu mi ölna, aleluya!”

Lama moröñangö maren lömbuan

⁵* Mewö qetketka jakömbuak dumnöhök keu kun kewö asuhuyök, “Anutugö nup meme ambazip ketanñi moröñi jitñi ongitpinbuköra kengötñini mörakzei, inñini mönö körek pakpak Anutunini möpöseiba malme.”

⁶* Keu mi asuhuiga keu kun mörali, mi kiangö tandöktandök: Kambu ketanñi yerñon liñet köla qet qerakzei aka o sianöñ tonjala kiniga ötoñi asuhumakzawi aka wölpöndandañ ketanñan qeiga giñgururuy asuhumakzawi, keu mi mönö miangö tandöktandök ewö asuhuiga kewö jiget, “Kembu Anutunini, kukösum pakpakö Toñan mönö könahiba gölme dop galöm köñ engiba kiñ Kembuñina aka malma. Miangöra Anutu möpöseizin, aleluya! ⁷ Lama moröñangö ambi buñanan mönö marengö möta nanñi mözözömgöba jöjöröm anguiga amqeiga ambi memegö nalöñan mönö kam kunguiga maljin. Miangöra nerñon mönö köirañ köla söñgaiba Anutu möpöseim wañgiinga qetbuñanan sehimakña. ⁸ Anutunöñ maluku tuat lalamñi asakmararañambuk mi enñiiga löngötket.” (Maluku tuat lalamñi mi ambazip sarakñi yerñö ahakmeme solanñangö kaisöpsöpñi, mönö miangöreñ löngöt anguget.)

⁹* Kambu ketanñangö tandöktandök mewö qeta jigetka Suep garata qambiñambuk miangöñ mönö toroqeba kewö jii möral, “Keu ki mönö ohoman: Anutunöñ ambazip enñoholiga Lama moröñangö maren (ambi memegö) lömbuanñöñ kanñotmei, yerñon mönö simbawoñ akze.” Mewö jiba dumñe kunbuk nöñgöra kewö jiyök, “Keu mi mönö Anutugö keu öl töhöññi akza.”

¹⁰ Suep garatanöñ mewö jiiga nöñon miangöreñök yanñö waikñi memba möpöseim wañgimangö möta yanñö könane simin köla sipköyalmö, nöñgöra kewö jiyök, “Aek! Mewö kude akñan. Gi aka göhö urumeleñ alaurupkan Jisösgö könanñi nanñöba jiba malgetka welen qem enñimakzini, nöñon mönö yerñöreñök kun akzal. Jisösnöñ Buña keu ölni indelöhi, miangö ösumñan mönö kezapqetok ambazip inahöm enñiiga Uña Töröñangö keunñi möta jim sehiget. Miangöra mönö Anutugöra sipköba waikñi memba möpöseiba malman.” Mewö.

Kraistnöñ yarö kambuñi yembuk bim aubingö anget.

¹¹* Nöñon Suep ananñiiga hos tuatñi kun ekiga kayök. Qakñe tariga kayöhanñö qetñi mi Pöñdanñ Kinkin (Jembon onñ nene) aka Azi Ölböññi. Qetñi mewö qerakzei, yanñon keu diñdini wuatangöba keu kewöta jim teköba miangö dop bim qemakza. ¹²* Jeñan könöp bölam tandök jeiga nöropñe ila jalö gwötpuk köñgetka qetñi aukñe ohohoña kayök. Qetñi nanñök mötzapmö, kunöñ kun mi qahö mötza. ¹³ Malukuñi sepnöñ kusakusaholñi mi löngöta kayök. Qetñi qerakzei, mi Anutugöreñ keu.

¹⁴ I wuatangöba kageri, mi Suep mirigö yarö azi kambuñi kambuñi. Yerñon hosñini tuatñi enñömemba qakñine tata malukuñini tuat lalamñi sarakñi löngöta kaget. ¹⁵* Suahöñinanñö numbuñeyök bimgö sou ketanñi (bainat) jitñi zuluk alalñambuk kunöñ kayök. Mi kantrini kantrini enñuba luhut al enñimapköra aka kayök. Yanñon galömkölkölgö ain öröñnan kantri dop qindñaiba galöm köñ engiba malma. Yanñon Anutu kukösum pakpakö Toñangö wain joutñi ketanñi tözöhölma. Wain jout mi Anutugö

* 19:3: Ais 34.10 * 19:5: Sum 115.13 * 19:6: Eze 1.24; Sum 93.1; 97.1; 99.1 * 19:9: Mat 22.2-3 * 19:11: Eze 1.1; Sum 96.13; Ais 11.4 * 19:12: Dan 10.6 * 19:15: Sum 2.9; Ais 63.3; Joel 3.13; Ind 14.20

irimsesewölji urupikñambukö kaisöpsöpñi akza.* ¹⁶ Malukuñe qetñi kun ohogetka marömñe kewö kinök, “Kiñ yeñgö Kiñini aka azi kembu yeñgö Kembuñini.” Mewö.

¹⁷ *Miañgö andöñe Suep garata kun ekiga wehön jeñe kinök. Euyangöreñ kinda köhöikñanök qeta neñi neñi suep bibiñi kutuba könakemba bölbölgöba anakzei, mönö körek mi engehola kewö jiyök, “Inini mönö kame-e! Anutunöñ közölömbuañ ketañi mözözömgöyöhi, mönö miañgöreñ tokome. ¹⁸ Kaba tokoba kiñ kembu, suañhö galöm aka yarö azi yeñgö busuñini neme. Hos aka hos qakñine tarakzei, mönö yeñgö busuñini neme. Ambazip körek yeñgö busuñini mönö kaba neme. Ambazip öñgöñgöñi eretñi, nanñini nupñini memakzei aka toñinañgö welennini öñe qemakzei, mönö körek mi engehola busuñini neme.”

¹⁹ Miañgö andöñe jemnemba aka gölmeñi gölmeñi yeñgö kiñ kembuñini mieñön mönö yarö kambuñini enghuañgita kaba tokogetka engehal. Kunöñ hos qakñe tata yarö kambuñi yembuk kinöhi, mönö i tuarenjoñ ak enghiba bim aubingöra tokogetka engehal.

²⁰ *Auegetka jemnemba memba jöhöget. Kezapqetok azi takapulakañi jemnembagö jitñememba anghöletot aka malöhi, i mewöyök jemnembabuk memba jöhöget. Kezapqetok azi takapulakañan anghöletot aka miañön ambazip tosatñi kewöñi mi tilipköm enghuiga janjuñ aka malget: Ambazip jemnembagö supapñi memba anghön kölgeri aka tosatñan imutñangö waikñi memba möpöseiba malgeri, mi mönö tilipköm enghiba malök. Etkömemba jöhöba gwölögwölö aköm etkigetka löm salfa kötkö könöp bölamñan koasikpuk jemakzawi, mönö miañgö sianöñ geyohot. ²¹ Geyohotka hos qakñe taröhangö numbuñeyök bimgö sou ketañi (bainat) kayöhi, miañön mönö kiñ kembu aka yarö azi pakpak mi enghuiga kömuget. Kömugetka nei pakpak yeñön kañgota busuñini uba memba nem timbireñ aket. Mewö.

20

Satan jöhögetka yara 1.000:gö dop kösö mire tarök.

¹ Miañgö andöñe Suep garata kun ekiga Suepnöhök erök. Yañön ömewöröme yeñgö löm dutñi qahö miañgö ki moröñi aka tapep (muñgamuñga) ketañi kun mi böröñan memba erök. ² *Garata miañön eta sekak namñi ilikñambuk (dragon) mi memba (yara) yambu 1.000 tatmawañgöra jöhöyök. Sekak namñi mi möpñangö möpñeyök mokoleñ aka mala korök. Qetñi alañi mi Bölöñangö Toñi aka Satan. ³ Yambu 1.000:gö uruñe toroqeba ambazip kantri dop kuñguba gölme dop janjuñ akñegöra tilipköm enghibapuköra jöhöyök. Jöhöba gili ömewöröme yeñgö löm dutñi qahö miañgöreñ geiga öñunñi köla sapö ala muñgem supapñöñ (sil) qekötahöba ki namñi misii geiga uruñe tarök. Mewö tari Suep garatanöñ kewö jiyök, “Yambu 1.000 teköiga miañgö andöñe Anutunöñ jii kunbuk pösatketka nalö töröpñi nupñi memba malma.” Mewö jiyök.

⁴ *Miañgö andöñe jakömbuak dumñi dumñi ehal. Anutunöñ tosatñi kukösum enghuiga ambazip keuñini jim tekömei, yeñön mönö dumñi dumñi miañgöreñ eta tatket. Mewöyök ambazip Jisösgö könañi nañgöba jigerangöra aka Anutugö Buña keugöra aka jölñini yandigetka kömugeri, mönö yeñgö uñañini engehal. Mewöyök ambazip jemnemba aka yañgö imutñangö waikñi qahö memba möpöseigeri aka yañgö supapñi mi mesoholñine me böröñine qahö memba anghön kölgeri, mönö yeñgö uñañini engehal. Uñañini mi engekiga mönö guliba wahötket. Wahöta Kraistpuk (yara) yambu 1.000:gö dop yuai pakpak galöm köla malget.

* 19:15: Jisösnöñ Anutugö irimsesewölji aka urupikñi tözöhölmawi, keu miañgö könañi kewö: Nini siñgisöndok aHINGA Anutugö irimñi sehöliiga irimsesewölñan qakñine öñgöba ahöma. Toroqeba siñgisöndok aka urunini qahö melerñinga Anutugö irimñan toroqeba sehöliiga urupikñambuk akña. Wain kösögö öñji pisikñi (greip) miañgö kañgeni mi jout ketañe ala tözöhölgetka qösököiga oñan dutñangö kinimñe lalanöñ geiga baket algetka miañgö uruñe gemakza. Anutugö irimsesewölji aka urupikñi miañgö söpsöpñi mi wain kösögö öñji. Jisösnöñ miañgö sihimbölöñi möta tözöhöli geiga Anutugö uruñan amöriba teköiga luai asuhuma. * 19:17: Eze 39.17-20 * 19:20: Ind 13.1-18

* 20:2: Jen 3.1 * 20:4: Dan 7.9, 22

⁵ Kômugeri, yeŋgöreŋök tosatŋan kômupnöhök wahötwahöt mutukŋi miangö nalöŋe qahö guliget. Qahöpmö, (yara) yambu 1.000 mi mambötket teköiga miangö andöŋe mönö guliba wahötme. ⁶ Denike yeŋön kômupnöhök wahötwahöt mutukŋangö nalöŋe gulimei, yeŋön mönö oyaenköyaen aka töröŋi sarakŋi akze. Nalö miangöreŋ gulibagun mönö indimŋi yahöt qahö kômume. Kômup yahötŋangö kukösumŋan mönö yeŋgö qakŋine qahö öŋgöi kômumbingö osime. Yeŋön mönö Anutu aka Kraist yetkö jike nup galömurupŋiri akŋe. Mi aka Kraistpuk (yara) yambu 1.000 mi yuai pakpak galöm köla mal öŋgöme. Mewö.

Anutunöŋ Satangö keuŋi jim teköiga etma.

⁷ (Yara) yambu 1.000 mi teköiga Satan kösö mireyök (kopurumŋeyök) pösatketka etma. ⁸ *Eta anda ambazip kantri dop tilipköm engimamgöra gölme dop liliköma. Gölme göraŋi likeplikap eu emu anda kaba (uruŋini moŋgosohowa) siksauk ak engiba kantri qetŋiri Gog aka Magog mi tok dop köla anma. Anutu tuarenjoŋ aka bim qemegöra kuŋgum enŋiiga tokogetka jaŋgöŋinan köwetkö sak kösakö dop akŋa. ⁹ Tokoba kaba kutuba Israel gölme dop köl teköba anda Anutugö könagesö yeŋgö selŋini aka Anutugö wölböt sitiŋi (Jerusalem) mi liliköba tatme. Mewö tatmemö, Anutunöŋ könöp bölam aliga suepnöhök eta jem kutum engim teköma.

¹⁰ Jem kutum engim teköiga Bölöŋangö Toŋi tilipköm enŋiiga janjuŋ akeri, garata yeŋön i aköm waŋgigetka löm salfa kötkö könöp bölamŋan koasikpuk jemakzawi, mönö miangö sianöŋ geyök. Mutuk jemnema aka kezapqetok azi takapulakaŋi mewöyök aköm etkigetka miangöreŋ geba maljahot. Miangöreŋ sungem asak ihileknöŋ ohotirim engigetka teteköŋi qahö sihimbölö önöŋi qahö möta mal öŋgöme. Mewö.

Anutunöŋ ambazip kômugeri, yeŋgö keuŋini jim teköma.

¹¹ *Miangö andöŋe jakömbuak dum ketanŋi tuatŋi aka miangöreŋ tatzawi, i ehal. Ekiga suep gölme mi yaŋgö jemesoholŋeyök qahöwaka angaiyohot. Angaiba kunbuk etkekinangö dop qahö ahot. ¹² Angaiyohotka ambazip kômukömuŋi öŋgöŋöŋi eretŋi engekiga jakömbuak dum wösöŋe kingetka Anutunöŋ buk papianŋi papianŋi kötulök. Papia alaŋi kun qetŋi malmal köhöikŋangö qet areŋ papia mi mewöyök kötulök. Kötula ambazip kômukömuŋi yeŋgö keuŋini kewöriga ahakmemeninaŋgö kösohotŋi buk papianöŋ ohogetka ahöyöhi, yaŋön mönö miangö dop oyoŋda ambazip jim teköm enŋiyök.

¹³ Köwetnöŋ kômumba geba malgeri, mi köwet Toŋan meleŋ enŋiiga Anutugö jeŋe kaŋgotket. Kômupkö kondotkondot Toŋangö böröŋe malgeri, mi Toŋi miangön köleŋda al enŋiyök. Kômumba kômupkö uŋem mire geba malgeri, mi miangö Toŋan meleŋ enŋiiga Anutugö jeŋe kaŋgotket. Mewö kaŋgota asuhugetka Anutunöŋ keuŋini mohot mohot kewöta ahakmemeninaŋgö dop jim teköm enŋiyök. ¹⁴ Jim teköm enŋiiga kômupkö kondotkondot Toŋi aka kômupkö uŋem miri Toŋi mi aköm etkigetka löm könöp koasikpuk jemakzawi, mönö miangö sianöŋ geyohot. Könöp sia miangöreŋ gegeri, miangön mönö kômup indimŋi yahöt akza.

¹⁵ Anutunöŋ kuŋgö qetŋi malmal köhöikŋangö qet papianöŋ qahö ohogetka ahöi miwikŋaiyöhi, i mönö aköm waŋgii löm könöp koasikpuk jemakzawi, miangö sianöŋ geyök. Mewö.

21

Suep dölökŋi aka gölme dölökŋi etkehal.

¹ *Suep gölme mutukŋi yetköŋ mewö qahöwaka ayapköyohotka köwetnöŋ mewöyök qahö toroqeba ahöyök. Miangö andöŋe Suep gölme dölökŋi etkehal.

* 20:8: Eze 7.2; 38.2, 9, 15 * 20:11: Dan 7.9-10 * 21:1: Ais 65.17; 66.22; 2 Pitö 3.13

²*Jerusalem dölökñi, siti töröñi mi Suepnöhök Anutugö mireyök eriga ehal. Siti mi möhamgöm tekögetka eksihimñambuk kewö ahök: Ambi maren wañgigetka maluku eksihimñambuk löñgöta azi buñañambuk aitoñgömapköra meñjölöm anguba jöjöröba aködamunñambuk kinjawi, siti mianjön mönö miangö dop aiga ehal. ³*Mi eka kinda jakömbuak dumnöhök keu kun asuhui mötpiga köhöikñanök qeta kewö jiyök, “Eknöñ, Anutugö mirinöñ mönö ambazip sutñine eta ahöza. Anutunöñ sutñine maliga yambuk malgetka nanñak bem Anutuñini aka yembuk mal öñgöma. ⁴*Yembuk mala je imbilñini mi lökñanök kutum teköma. Yuai pakpak mutuk ahöyöhi, mianjön mönö qahöwak teköyök. Miangöra kunbuk qahö kömugetka jinñenkölköl qahö akñe aka toroqeba sihimbölö kun qahö mötme. Yuai kungöra qahö osiba sahötme.”

⁵Jakömbuak dumñe tatzawañon kewö jiyök, “Mötnöñ, nöñon jibiga öröyuai pakpak mönö kölöñaiba dölökñi akña.” Mewö jiba jiyök, “Keu mi öl töhöñni uruyahötñi qahö, miangöra mi mönö papianöñ ohoman.” ⁶*Toroqeba kewö jii möral, “Mi mönö jibiga asuhum teköza. Nöñon mutuhök mala (yuai pakpak miwikñaiba könangep jibi qahöwahiga) qöndökña mal öñgöba malmam. Miangö dop nöñon kulem namñi mutukñi A aka kulem namñi teteköñi Z akzal. Kunñan ogöra mötzawi, nöñon mönö malmal köhöikñangö o jeñeyök o mi kalema wañgibiga miangöreñök söñgöröñi qahö um nempa malma. ⁷*Kunñan lömböt pakpak onñgita luhut almawi, nöñon mönö yañgö Anutuñi aka yuai pakpak mi wañgibiga buñañi aiga nöñgö nahönböratni aka qetni bisiba malma.

⁸“Mewö malmamö, tosatñan ambazip jeñine ziriñziriñ aka böñ qahö kinda mötnaripñini mosötketka uruñinan tölohozawi, yeñgö mirinñinan mönö löm salfa kötkö könöp* bölamñan koasikpuk jemakzawi, miangöreñ ahöma. Yeñgöreñ toroqeba ambazip kewöñi yeñon mewöyök miangöreñ geba malme: Ambazip enguget kömugetka kaisero qarösongo amötqeçe aka tandö lopion waikñini memba möpöseiba muney keu jimakzei, nöñon mönö i aköm engibiga sia miangöreñ geba malme. Mi kömup indimñi yahöt akña.” Jakömbuak dumñeyök keu mewö kaiga möral. Mewö.

Jerusalem siti dölökñi mi qainñi kun.

⁹Lömböt kanjamñinambuk qöndökñi 7 mianjön qambi 7 kokolak qegetka Suep garata 7 mieñon mi memba kingeri, yeñgöreñök kunñan kaba nöñgöra kewö jiyök, “Mönö kanöñga Lama moröñangö ambi buñañi anömñi akñamgö akzawi, mi kondel gihimam.”

¹⁰*Mewö jiiga Uña Töröñan nömeiga alburupñan qakne öñgöiga Suep garata mianjön noañgiriga kundunñi kööröpñi qetbuñañambuk kunöñ öñgöit. Miangöreñ öñgöba siti töröñi Jerusalem Suepnöhök Anutugö mireyök eröhi, mi kondel ningiiga kewö ehal:

¹¹Anutugö asakmararañan miangöreñ asariiga kölköl-bilikbilikñan goul aka jamönñij öññinambuk söñgöröñini öñgöñgöñi miengö tandök ahök. Jamönñij öññinambuk qetñi jaspö mi kirin jöhanñi jöhanñi kölköl-bilikbilikñinambuk meleyda asarimakzei, mönö miangö dop tuatñi ahöyök. ¹²*Kiriponñi öñgöñgöñi mi aködamunñambuk. Kiriponñangö nañgunñi 12 kingetka kösutñine Suep garata 12 dop köla kinget. Israel könagesögö kambunñi 12 miengö qetñini mi nañgu miengö sileñine ohogetka kinök. ¹³Nañgu 12 mi likeplikep eu emu kewö kinget: Wehön kotkotñe karöbut, gegeñe karöbut, Not likepñe karöbut aka Saut likepñe karöbut. ¹⁴Siti kiripo mi jamönñij tandö welipñinambuk 12 miengö qakñine megetka kinök. Lama moröñangö aposolurupñi 12 yeñgö qetñini 12 mi tandö 12 miangöreñ ohogetka kinök.

¹⁵*Suep garata nömbuk keu jiyöhi, yañon siti, miangö kiriponñi aka nañgunñi 12 miengö dopñini dop ala mötmamgöra jöjöröba dop alalgö goul öröpñi (rula mesa) memba kinök. ¹⁶Siti mi areñgöba megetka wañgömñi 4 ahök. Likeplikep eu emu kööröpñi mi öröröñ. Kööröpñi mohot mohot mi goul öröpñi mianjön dop ala 2400 kilomita miangö dop ahöi

* 21:2: Ais 52.1; 61.10; Ind 3.12 * 21:3: Eze 37.27; Lew 26.11, 12 * 21:4: Ais 25.8; 35.10; 65.19 * 21:6: Ais 55.1 * 21:7: 2 Sml 7.14; Sum 89.26-27 * 21:8: Salfa kötkö könöpñi mi közupkö kötnan jeba gögöriñ qeba jemakzawañgö dop akza. * 21:10: Eze 40.2 * 21:12: Eze 48.30-35 * 21:15: Eze 40.3

miwikñaiyök.† Andipñi mi mewöyök örörön ahöyök. ¹⁷ Suep garatanön mewöyök siti kiripoñi mi gölme azigö dopnön dop ala 60 mita ahöi miwikñaiyök.

¹⁸ *Siti kiripoñi mi jamönjin öljambuk qetñi jaspö mianön memenja. Siti nanjak mi goul töhönöhök megetka asakmararajan mönö kirin tuatñangö dop asakasakñambuk asariyök. ¹⁹ Siti kiripoñangö tandöñi mi jamönjin söngöröñini öngöngöñi könani könani mianön menjölöm engigetka aködamunñinambuk kewö aketka engehal: Tandö mutukñi mi jamönjin öljambuk qetñi jaspö mundañi injañi tandöktandök. Tandö yahötñi mi jamönjin asonji qetñi safaiö, karöbutñi mi jamönjin töngöntöngön qetñi ageit. Tandö 4:ñi mi jamönjin görökñi qetñi emerald.

²⁰ Tandö 5:ñi mi jamönjin pisikpisik qetñi sardoniks. Tandö 6:ñi mi jamönjin pisikñi qetñi karnilian, 7:ñi mi jamönjin qetñi krisolait (qortz), mundañi goul kirin ewö. Tandöñi 8:ñi mi jamönjin asonjason qetñi beril, 9:ñi mi jamönjin gohotñi qetñi topaz. Tandö 10:ñi mi jamönjin qetñi kalsedoni (krisopreis) mundañi kaukau, 11:ñi mi jamönjin gohotgohot qetñi jeisint (turqois). Tandö 12:ñi mi jamönjin pisikñi gugakgugak qetñi ametist. ²¹ Siti kiripo nanggu 12 mi sorom kötñi welipñinambuk 12 mianön memenja. Nangu mohot mohot mi sorom kötñi mohot mohot mianön urasiba memenja. Sitanön köna ahözawi, mi goul töhönöhök megetka kirin tuatñi ewö asariyök.

²² Siti pakpak yeñon Kembu Anutu kukösum pakpakö Tonji aka Lama moröñi törörök etkeka uruñini lök melenja waikñiri memba möpöseimakze. Miangöra jöwöwöl jike (tempöl) kungöra qahö osimakze. Mi qahö ehal.

²³ *Anutugö asakmararajan siti mem asarim engiiga Lama moröñan kiwanjini akza. Miangöra wehön köiñ asarimahotköra qahö osimakze. ²⁴ *Yañon kiwanjini aiga kantriñi kantriñi yeñon mönö yangö asakñe anda kaba malme. Gölmegö kiñ kemuñi kemuñi yeñon buñanini aködamunñinambuk mi enguangita siti miangöreñ alme. ²⁵ *Siti söñaupñi qahö, miangöra kiripo nangguñi mi nalö kunön qahö kölmemö, sundan dop tala kinme.

²⁶ Kantriñi kantriñi yeñon uruñini melenja aködamunñinangö buñaninangöra aiweliköba qetbuñaninambuk aka malgeri, mi mönö enguangita siti miangöreñ alme.

²⁷ *Ambazip qetñini malmal köhöikñangö qet areñ papianön ohogetka ahözawi, yeñonök mönö siti miangöreñ öngöme. Lama moröñan qet areñ papia mi galöm kölakza. Kunjan uruñi tölohozawi me angöjörak imbilonñambuk aka munerñ keu jimakzawi, yañon mönö miangöreñ öngömangö osima. Mewö.

22

Malmal köhöikñangö o töwatñi ehal.

¹ *Miangö andöñe Suep garata mianön malmal köhöikñangö o jeñi kondel ningiiga Anutu aka Lama moröñi yetkö jakömbuak dumnöhök uzungöba kaba o töwatñi ahök. Miangö onji mi kirin jöhanñi jöhanñi kölköl-bilikbilikñinambuk melenja asarimakzei, mönö miangö dop tuat lalamñi ahök. ² *O töwatñi mianön sitigö köna namñi bohonne eta bibiñi mötöteiba kutuba kayök. O töwatñangö görane likelike miangöreñ malmal köhöikñangö ipñi mi kinök. Ip miangö öljän mönö (yara) yambu dop sömañi 12, mi köiñ mohot mohotkö dop söhöba asuhumakze. Ip miangö sinjan mönö ambazip kantri dop ölöwakñegöra aka kinje.

³ *Kunjan kun qahö toroqeba alañi saitköba qesuahöma. Anutu aka Lama moröñi yetkö jakömbuak dumniran mönö siti miangöreñ ahöiga Lama moröñangö nup meme ambazipurupñan welen qem wañgimakze. ⁴ Welen qem wañgiba jemesoholñi eka Anutugö qetñi mesoholñine kösöba mekötahögetka ahöma.

⁵ *Miri qahö toroqeba söñauma. Kembu Anutunön mem asarim engimakzawangöra

† 21:16: Kambu 12 mohot mohot miengöra 200 kilomita. * 21:18: Ais 54.11-12 * 21:23: Ais 60.19-20 * 21:24: Ais 60.3 * 21:25: Ais 60.11 * 21:27: Ais 52.1; Eze 44.9 * 22:1: Eze 47.1; Zek 14.8 * 22:2: Jen 2.9; Eze 47.12 * 22:3: Zek 14.11 * 22:5: Ais 60.19; Dan 7.18

kiwa asakņangöra me wehön asakņangöra qahö osime. Mewö oyaekoyaeņ mala nalö dop teteköņi qahö kiņ kembu ewö galömkölköl nup memba mal öņgöme.

⁶ Mi ekiga Suep garatanöņ nöņgöra kewö jiyök, “Buņa keu mötzani, miaņön mönö öł töhöņņi uruyahötņi qahö akza. Kembu Anutunöņ kezapqetok ambazip sölölohöm eņgimakzawi, yaņön mönö Suep garataņi ni melaim niņgiiga asuhum gihiba malal. Yuai pakpak zilaņ asuhumeaņgö dop akzawi, mötnariņ ambazipurupņan mi mötmegöra mi asuhuba kondel gihial.” Mewö.

Jisösnöņ kunbuk lilingöba kama.

⁷ Jisösnöņ jiza, “Mötket, nöņön mönö zilaņ lilingöba kamam. Tosatņan buk kiangö kezapqetok keuņi buņa qeba qekötahömakzei, yeņön mönö simbawoņ akze.”

⁸ Jon nöņön Buņa keu ki möta jeni meleņniga imutņi ehal. Mi möta ek teköba Suep garatanöņ imut ki kondel niņgiyöhi, nöņön yaņgö waikņi memba möpöseimamgö möta gölmenöņ eta kōnaņe simin kölal. ⁹ Simin kölalmö, nöņgöra kewö jiyök, “Aek! Mewö kude aknöņ. Nöņön gi aka kezapqetok alaurupki aka ambazip buk kiangö Buņa keuņi buņa qeba qekötahömakzei, mönö körek eņgö qöhöröņine kinda mohotņe Anutu welen qem waņgimakzin. Nia qahöpmö, mönö Anutu waikņi memba möpöseimakņan.”

¹⁰ Mewö jiba nöņgöra kewö jiyök, “Nalö töriza. Miaņgöra buk kiangö kezapqetok keuņan tölapņe ahöbapuköra mi papianöņ ohomanmö, mi mönö muņgem supapnöņ (sil) kude qekötahöman. ¹¹ *Bölöņi memakzawaņön mönö toroqeba mewö memba böliqölima. Tölohoba maljawaņön mönö toroqeba tölohoba aņgöjörakņambuk aka malma. Ahakmeme diņdiņi ahakzawaņön mönö toroqeba diņdiņanök aka memba malma. Sarakņi ahakzawaņön mönö toroqeba sarakņi kötökņi aka malma.” Suep garatanöņ mewö jiyök.

¹² *Jisösnöņ jiza, “Mötket, nöņön mönö zilaņ lilingöba kamam. Kamami, miaņgöreņ mönö töwaņini memba kamam. Ahakmemeņini aka memba malgeri, mönö mi kewöta miaņgö dop töwaņini mohot mohot al eņgimam.

¹³ * “Nöņön kōnakōnahiņe mutukņi mala (yuai pakpak miwikņaiba kōnaņep jibi qahöwahiga) teteköņe qöndökņa mal öņgöba malmam. Miaņgö dop nöņön A aka Z, kulem namņi mutukņi aka teteköņi akzal.

¹⁴ * “Nöņön ambazip malukuņini galöm kölakzei, yeņgöra kiripo naņguņi örobīga ölöp siti uruņe öņgögetka qahö aņgön köł eņgibīga malmal köhöikņangö ip öłņi neme. Miaņgöra opo malukuņini galöm köla saņgoņmakzei, ambazip mieņön mönö simbawoņ aka oyaekoyaeņ akze.

¹⁵ “Yeņön oyaekoyaeņ akņemö, tosatņi yeņgöra naņgu köł jöhöbiga yaigep malmei, mi ambazip kewöņi: Kiam ewö kaisero aka qarösoņgo amötqeqe ahakze. Serowilin aka ambazip eņguget kömumakze. Tandö lopioņ waikņini memba möpöseimakze aka isimkakalekö sihimņi möta mi ahakze. Ambazip mewöņi pakpak mi mönö kiripo yaigepņe (luhutņe) malme.

¹⁶ * “Jisös nöņön garatani melaibiga liliköba urumeleņ kōnagesö eņgöra kezapqetok keu ki naņgöba jiiga mötme. Nöņön kiņ Deiwidkö bömönjalöņi aka undumņi akzal. Nöņön söņangö undiņi asakmararaņnambuk aka asarimakzal.” Jisösnöņ mewö jiyök.

¹⁷ * Uņa Töröņi aka ambi buņa yetkōn kewö jimakzahot, “Jisös, gi mönö kanöņ.” Mewö jiyohotka mötmei, iņini mönö mewöņanök kewö jime, “Jisös, gi mönö kanöņ.”

Kuņņan ogöra mötzawi, yaņön mönö kama. Kuņņan malmal köhöikņangö ogöra sihimņi mötzawi, yaņön mönö kaba mi kalema möt aņgön köłma. Mewö.

Galöm meme aka jöjopaņ keu teteköņi

* 22:11: Dan 12.10 * 22:12: Ais 40.10; 62.11; Sum 28.4; Jer 17.10 * 22:13: Ind 1.8, 17; 2.8; Ais 44.6; 48.12
* 22:14: Jen 2.9; 3.22 * 22:16: Ais 11.1, 10 * 22:17: Ais 55.1

¹⁸* Nöjön buk kiangö kezapqetok keuji mötmei, körek engöra galöm meme keu kewö jizal: Kunjan kezapqetok keu kiambuk keu kun toroqeba jimawi, lömböt kanjamri-nambuk asuhumapkö keuji buk kiangören ohoyali, Anutunöj mi mönö yangö qakje ali öngöme. ¹⁹ Kunjan buk kiangö kezapqetok keuji miangörenök keu kun qekömawi, Anutunöj mönö i angön köliga malmal köhöikjangö ip öljä qahö namba siti töröje qahö öngöma. Miangö keuji Anutunöj jöhöiga buk kiangören ohoyalmö, keu miangön mönö yangören öljambuk qahö akja.

²⁰ Buja keu ki nangöba jizawanön kewö jiza, “Keu mi ölja. Nöjön mönö zilañ lilingöba kamam.”

Mewö jiiga nöjön kewö jizal, “Keu mi ölja. O Kambu Jisös, gi mönö kanöj.”

²¹ Kambu Jisösgö kalem möriamjan mönö körek embuk ahöma. Keu mi ölja.

* 22:18: Dut 4.2; 12.32